

Cardanus
De la
Subtilité

ITARD
003



ITARD 003

LES *M* *Survant*
LIVRES DE
HIEROSME CARDA-

NVS MEDECIN MILANNOIS,
intitulez de la Subtilité, & subtiles inuen-
tions, ensemble les causes occultes,
& raisons d'icelles.

Traduits de Latin en François, par Richard le Blanc.

Nouvellement reueuz, corrigez, & augmentez sur le
dernier exemplaire Latin del'Auteur, & enrichy
de plusieurs figures necessaires.



A PARIS,

Pour Pierre Cauelat rue S. Iaques, à l'enseigne de
l'escu de Florence.

1 5 8 4.

SCD Lyon
Mathématiques

LIVRES DE

HEROSME CARDA

MVS MEDICIN MILITARIIS

ANNO 1712

PARISIIS

& MATHURIN

Travail de l'Imprimerie de la Cour de France

Moulin de la Cour de France

Imprimerie de la Cour de France

de la Cour de France



A PARIS

Par la Cour de France

de la Cour de France



A TRES - ILLVSTRE
PRINCESSE MADAME MARGVE-
rite de France, Duchesse de Ber-
ry, sœur vnique du Roy, son
tres-obeissant, Richard
le Blanc.



SELON la sentence du
diuin philosophe Plato en
son dialogue intitulé Pro-
tagoras, les arts & scien-
ces lesquelles appartièn-
nent à la vie humaine,
sont donnees de la Proui-
dence diuine: & celles qui sont pour bien, &
heureusement viure, sont infuses aux esprits des
hommes par le don & liberalité du haut Dieu
qui viuifie toutes choses. Et certes ie ne doute
point tres-illustre Princesse, que la diuine bon-
té ne reluise d'une singuliere clarté aux esprits
humains, afin qu'ils mettent en lumiere les dis-
ciplines & sciences, lesquelles puissent former,

* ij

Et instituer nostre maniere de viure, tant particuliere que publique, par quelque bonté conforme aux choses diuines, ce que nous voyons au iourd'huy estre fait diuersement, & en diuerses personnes par différentes affections. Aucuns Autheurs seulement ont esté contens de traicter d'un art ou science: les autres ont passé outre. Aucuns se sont contentez de l'Arithmetique seule en la consideration des pois & mesures, desquelles selon Pline au septiesme liure de l'histoire naturelle, Phidon Arguius, ou Palamedes, comme le veut A. Gellius, à esté inuenteur: aucuns traitent seulement la Geometrie: ceux cy se delectent en ceste science, ceux-là en vne autre: aucuns ont aimé la variété: & pource ils ont traicté de diuerses disciplines, tant diuines qu'humaines, au grand profit des mortels, comme Plato, Aristoteles, Homerus, Cicero, Virgile, & plusieurs autres, lesquels Hierome Cardanus a imitez, qui outre la Medecine a traicté & décrit les causes occultes, raisons, vertus, & proprietés de diuerses matieres non vulgaires, ains difficiles, excellentes & belles, lesquelles il a obseruees par experience, autant que luy a esté licite: qui ne sont seulement delectables quand on les congnoit, mais tres-utiles en plusieurs usages. Si

donc il est ainsi que Nature s'esioit de varieté (iouxte le dict commun) quels liures sont plus exquis pour ce faire, que ceux-cy de la subtilité? Je sçay bien qu'aucuns calomniateurs obiecteront que l'Auteur ne deuoit inserer à son œuvre plusieurs choses de peur des abuz, entendu que l'homme est de soy plus enclin au mal qu'au bien. Mais qui est l'œuvre dont les mauvais & meschans ne puissent abuser souuent? Qui voudra soustenir, tant soit il de nature vicieuse & depravee, que l'Euangile de Iesus Christ enregistré des Greffiers celestes & veritables, ou plus tost conduis par la verité mesme, ne soit irreprehensible, sans erreur, bon & salutaire à tous? Et toutesfois plusieurs mal affectionnez n'en font bien leur profit. On sçait bien que les richesses sont un don de Dieu, comme il appert par saint Paul au sixiesme chapitre de la premiere Epistre à Timothee, quand il dit, Que le Dieu viuant baille toutes choses abondamment aux hommes pour en user, & veut qu'ils soient riches en œuvres bons. Mesmement Dieu est riche enuers ceux qui l'inuoquent, comme il est dict au dixiesme chapitre de l'Epistre aux Romains, & au premier chapitre de la premiere aux Corinthiens. Les fideles sont faiçts vi-

ches par Iesus Christ en toute parolle & con-
gnoissance. Toutesfois l'Escriture les appelle ri-
chesses d'iniquité, pource que souuent les hom-
mes en abusent. Pourtant saint Luc au sexies-
me chapitre dict, que difficilement le riche en-
trera au Royaume des Cieux, voire plus dif-
ficilement qu'un chable par le trou d'une aiguil-
le. Outre-plus Saint Matthieu au sixiesme
chapitre, Malediction, dict-il, viendra sus
les riches, abusans de leurs richesses: & ceux
qui veulent estre faicts riches, dict Saint
Paul au mesme sixiesme chapitre de la pre-
miere à Timothee, tombent en tentation, aux
lacs, & en plusieurs desirs fols & nuisibles,
qui plongent les hommes en destruction &
perdition. Ainsi donc les mauuais aucunes-
fois abusent des bonnes choses. Et l'homme
enueloppé du manteau de calomnie, veut des-
guiser les matieres, corrompu en son entende-
ment, quand il ne veut supporter les imperfe-
ctions desquelles l'homme est accompagné na-
turellement, en sorte que rien n'est parfait
en ce monde. Or sçachant bien, Madame, que
soustenez la vraye vertu, & consentez aux
saines parolles & entiere doctrine, selon
l'honneur de Dieu, sans languir entour vai-
nes disputations & ennuyeux babil des hom-

mes , aussi que vostre integrité Royale ne peut
souffrir qu'aucun soit mesprisé en vostre pre-
sence, Je feray fin, en vous suppliant pren-
dre en gré ceste traduction , & excu-
ser l'imperfection humaine ,
si d'adventure quelques
erreurs se presentent
deuant voz
yeux.




Faint, illegible text, likely bleed-through from the reverse side of the page.





DES PRINCIPES,
MATTERE, FORME,
VACVITE, REPVGNANCE
DES CORPS, DV MOVVEMENT
naturel, & du lieu.

LIVRE PREMIER.



Le propos de nostre affaire en cest œuure est de traicter de subtilité. Or est subtilité quelque definition & raison, par laquelle les choses sensibles difficilement sont comprises par les sens, & les choses intelligibles par l'intellect ou entendemēt. Si donc toutes choses qui consistent en subtilité,

donnent de soy-mesme grand labour, & sont tresdifficiles, que dirions-nous (ie vous prie) du traicté auquel il conuient expliquer toute la raison de subtilité? Mesme, ce seulement peut sembler appert & facile, qui est tres-obscur en chaque discipline: & plus grand labour nous reste au traicté d'icelle chose, qu'en la chose mesme. Car entendu que les escriuains sont verez en quatre especes, sçauoir est, en l'obscurité des choses, en la doute des choses incertaines, en l'inuention des causes, & en la droicte & bonne explication d'icelles, toutes ces quatre especes sont amplement en ce liure. Si obscurité engendre difficulté, ce liure seulement elir, & par ele-

*Les escri-
uains en quoy
ils travaillent.*

*Quelles choses
meritent
nom de subtils.*

Etion separe les matieres tresobscures. Si certainement sçauoir & cognoistre la nature des choses est laborieux, qu'est-il plus laborieux, que ce liure, où i'ay autheurs que ie doÿ fuir, comme Pline & Albert, ausquels principalement en ce gerre de matiere on n'adiouste foy, pource qu'ils mentent appertement, & n'ay aucuns que ie suyue? Et toutesfois si ie n'ay toutes choses cognües comme experimentees exactement, ie perdray (comme on dit coustumieremēt) mon labour & mon huile. Que diray-ie des causes, lesquelles touchees de nul, toutesfois il me conuient les declarer cōme receües & entendues par quelque oracle & aduertissement diuin. Mais iadis on adioustoit foy aux oracles sans demōstration: quant à moy, on ne me croira, si ie ne fay demōstration & probation de mon dire. Totalement les matieres que ie doÿ seul maintenant expliquer, ont esté par plusieurs siecles intentees des Philosophes, voire qui les sçauoient. Mesmemēt aucunes choses qui iadis n'estoient, ou n'agueres sont inuentees, ou elles sont priuees de nom, ou le nom est priué & defaillant d'icelles. D'auantage, il est tresdifficile d'inuenter les noms aux choses nouuelles, la langue Latine ia de long temps instituee. Et si ie les inuente, ie suis contrainct mettre iugement, de peur que ie n'encoure la calomnie de ceux qui n'agueres en ont escrit. Au demeurant, OEdipus mesme à peine peut satisfaire au lecteur. Pourtant, combien que i'aye encomencé vne matiere laborieuse, non toutesfois pour la magnitude du labour, tant d'vtilité & de gloire sera donné à l'œuure pour son salaire. Outre ces choses, autres estoient non bien traictées des anciens: mais en ce ie ne traueille, veü qu'il n'y a autorité aux escriuains contre l'experience. Donc tant & si grande matiere de difficulté est en ce present traicté. Or afin que ie retourne à mon propos, combien que les choses obscures soient aucunesfois petites, & les petites soient subtiles, non toutesfois toutes, ne tousiours. Car les choses qui sont obscures & impliquees par la corruption des termes, plustost que par aucun art, cōme nœuds entortillez ensemble, mesmement qui semblent estre rares au sens, aussi en sont elles frequentes, toutesfois elles ne meri-

tent l'appellation de subtilité. Telles sont les graciles cuiffes des hommes, dès le commencement bleffees par mauuaife nutrition, ou par autre cas fortuit.

Subtilité donc consiste en trois choses, en substances, accidens, & representations. Car des choses, desquelles est quelque science, aucunes sont, les autres non, mais elles semblent estre. De celles qui semblent estre, aucunes certes le semblent quand nous dormons, les autres quand nous veillons. Quand nous veillons, aucunes semblent estre par les sens internes, les autres par les externes: les sens externes, auxquels il faut auoir esgard, sont quatre, le toucher, le voir, le flairer, l'ouïr. Car le goustier semble estre quasi contemptible. En quatre manieres la representation eschet à chaque d'iceux, ou pourtant qu'ils n'apperçoient ce qu'ils doiuent apperceuoir, comme quand la chair est percee d'une esguille sans douleur: ou pourtant qu'ils apperçoient ce qui n'est, comme en ectase & en songes: ou pourtant qu'ils perçoient autrement les choses qu'elles ne sont, comme les magnitudes, & couleur: ou pource qu'ils les perçoient d'une maniere non semblable, comme en vne image. D'auantage, plusieurs choses semblent estre sous ce gerre: mais elles n'y sont. Car l'oraison semble estre de l'ouye: la peinture & sculpture de la veüe, qui sont especes de la vertu imaginatiue: & l'escriture semble estre participante de la veüe & de l'ouye: mais l'une & l'autre, tant l'escriture que l'oraison, sont par l'aide du sens interne. Or des choses qui sont, aucunes certes sont substances, les autres sont accidens. Des substances, aucunes sont avec le corps, les autres sans corps: & ces dernières sont toutes immortelles & incorruptibles: car elles n'ont de contraire, & se soustiennēt de soy mesmes. De celles qui sont sans corps, aucunes dépendēt de nul, ains sont les causes des autres choses, aucunes, dépendent des autres. La substance qui depend de nul, est vne seulement, qui est Dieu tresbon & infiny, duquel la fabrique est l'vniuers. De l'intellect, sapience, puissance, & bonté d'iceluy, apres de la naissance de l'vniuers, nous en parlerons au dernier lieu, comme de chose tresparfaicte. Et mesmement nous considererons en ce mesme

lieu de l'ordre de l'vniuers. Car l'vniuers a certain ordre, & est au temps, ou le temps est en luy. Il faut donc traicter ces sept choses au dernier liure. Or les substances qui dependent des autres, & sont sans corps, aucunes sont causes des autres choses, aucunes non. Et celles qui sont causes des autres choses, afin qu'elles soient causes perpetuellement, elles sont conioinctes mesmement aux corps immortels, & sont appellees intelligences, ou Anges. Nous vsurons de ces noms par licence d'Ange, comme vsurpé du Grec, d'intelligence, comme pris de la signification Latine. Il faut donc considerer quatre choses en ces substâces immortelles, comme elles entendēt, comme elles produisent, comme elles demeurent (car elles semblent estre en l'aage) comme elles mouuent & assistēt au corps. Plusieurs choses de ce gēre, & du dernier traicté sont renuoyees aux liures des Secrets de l'Eternité, pourtant (veu que toutes ces matieres sont outre le pouuoir de l'entendement humain) qu'elles appartenoiēt seulement à ce present traicté, comme les plus claires, & qui pouuoient le plus appertement estre demonstrees comme generales. Mais les substances immortelles & sans corps, qui estoient causes de nul, elles ont esté annexees au corps mortel. Aucuns d'icelles sont manifestes, aucunes sont en doute. Si les manifestes sont les plus excellentes, aucuns les appellent Demones, desquelles substances nous traicterons premier que des intelligences. Mesmement deuant le traicté des Demones, nous parlerons de vingt-quatre genres des representations, pour l'affinité de la matiere: car plusieurs referēt à iceux comme aux causes, les choses qui sont admirables. Mais pource qu'il n'est certainement cognu aux contemplateurs de nature, si les Demones sont, parlons d'iceux seulement comme des choses probables, prenans nostre commencement des effects & ce seulement en doute. Quant est de l'immortalité de l'intellect, & de la separation d'iceluy, autresfois nous en auons traicté. Il reste donc que nous traictions des propres affections prises de l'intellect. Mais ils sont aucuns arts, desquels nous traicterons, & mesmement des choses qui cōsistent par art premier que de traicter

*Demones
s'est à dire,
bōs, ou mau-
uais esprits.*

des choses susdictes. Deuât les arts nous parlerons des sciences, & de l'intellec. Car nous auõs disputé de prudence aux liures de Sapience. Mais premierement il nous faut parler de l'ame & de l'intellec: car sans iceux il n'est aucune science ne cognoissance des principes. Et apres ces choses, nous parlerons des subtilitez legeres, ou inutiles, qui ne peuuent estre referées à l'art, pource qu'elles ne profitent, ny à la science, pource qu'elles n'ont de demonitration. Derechef, les sens sont faicts afin que l'ame soit conioincte au corps mortel: mesmement les sens ne sont sans les choses sensibles: & volupté est faicte par le sens cognoissant les choses sensibles: pource premierement il faut traicter de ces trois choses, sçauoir est, du sens, des choses sensibles, & de volupté. Pour plus grande commodité nous remettrons les couleurs au traicté de la lumiere. Des substances qui ont corps, aucunes sont immortelles, comme le Ciel: les autres sont subiectes à corruption: des corruptibles, aucunes sont simples, aucunes composees. Et de toutes ces substâces sont aucuns principes, comme le lieu, le mouuement, la repugnance des corps, & certaine mesure de substance: car on ne peut dissoudre le corps en substance sans corps, & vacuité n'est admise. D'auâtage, la forme est vn principe & commune avec les autres corps, tant generaux, que non generaux. Pourtant il faut traicter de ces cinq choses, aussi de la matiere au premier lieu, & au premier liure: apres du ciel, de la clarté, de la lumiere, & des couleurs. Puis cõuendra descendre aux corps composez. Des corps composez, aucuns sont parfaicts, aucuns imparfaicts, desquels conuendra parler premierement. Ces corps consistent par mixtion. Il faut donc traicter de la mixtion au cinquieme lieu. Des corps parfaicts qui vivent, aucuns ont la vie en soy-mesme, & d'iceux aucuns sont de substance aqueuse, qui sont appelez metaux: aucuns sont de substance terrestre, qui sont les pierres. Et pource que les metaux sont faicts par generation, corruption, & mutation des qualitez, premierement il faut dire des metaux & de la mutation des qualitez, que les barbares appellent alteration: apres il faut parler des pierres. Or des corps qui

attirent leur vie d'autre part, aucuns sont sans mouuement, comme les arbres & les herbes, desquelles nous parlerons au huitiesme liure: & apres de ceux qui ont mouuement, toutesfois ne sont engendrez par semence. Mais de telle generation conuiendra parler, comme au dixiesme liure conuiendra traicter de la generation qui par semence est faicte aux animaux, & ces animaux n'ont point d'intellect. Quand du corps qui a atteint la grande perfection, (qui est l'homme) il faudra traicter pourquoy il est faict, & de sa forme, & de ses actions. Le liure douzieme traicte de l'homme, les choses qui appartiennent au corps, & sont de quatre gerres: car aucunes sont communes aux autres animaux, aucunes propres, aucunes sont actions de quelque propre nature de la substâce, & aucunes sont referées à la manifeste composition de l'homme. Outre-plus aucuns sont accidens desquels il faut traicter, comme grauité, legereté qui sont aux Elemens: densité, rarité, alperité, douceur, duresté, qualité molle, qui sont aux choses composees: qualitez communes splendeur & perspicuité aux choses engendrees, & la figure seulement aux choses engendrees. Aucuns accidens sont, qui seulement sont dictés des autres, comme generation, corruption, nutrition, mutation, auëtion, attraction, retention, concoction, expulsion. Mais subtilité est en toutes ces choses, desquelles nous auons nombré les gerres. Donques qu'elles sont tant de choses desquelles il faut traicter, & qu'elles ne peuuent estre d'auantage: aussi quelles demonstrations il faut faire d'icelles, & par quel ordre, ie pense l'auoir expliqué abondamment. Donc non petite vtilité est de tant grand labour, ains tant grâde, qu'onques peut estre tirée d'autre traicté, ou qui soit referé à vn gerre seulement, ou à plusieurs. Premièrement ce traicté est vtile à toute cognoissance naturelle, à la sciëce des choses difficiles & à l'inuention des obscures, & aucunemét donne aide à interpreter tous liures. Ce traicté enseigne les vertus des arts & monstre choses nouvelles, delectables à sçauoir, mesmement des choses qui donnent grand aide pour acquerir les richesses & puissances. Il faict entendre aux doutes antiques & non legeres, ce qui est

*L'vtilité des
liures de la
subtilité.*

vray, comme aux Alcumistes. Il monstre les œuvres prodigieuses de nature, & de l'artifice. Il reuoque en vſage les antiqués inuentions, qui estoient abolies ou par diuurnité de temps, ou par grandes guerres. Il enseigne en toutes choses pourquoy est fait ce qui sembloit aux sens admirable. Or maintenant entrons au traité de la matiere proposée.


La perpetuelle generation des choses monstre, qu'il est vne matiere qui tousiours est faite de quelque autre chose. Car les fromens sont de la terre & d'humeur: les animaux de semence, & de sang, ou des œus: les cendres sont faites du bois: & n'est rien tant petit, qui ne soit fait de quelque chose. Il ne suffit qu'aucune chose soit la principale, veu que d'un roseau, ou d'un estouble grand nombre de cendre ne peut estre fait, mais de beaucoup de chesne ne peut venir peu de cendre. Pour tant quelque chose demeure commun en toute generation que nous disons premiere matiere. Car quand aucune chose est engendree de l'autre, si la forme perit (autrement vne mesme chose seroit, & ne seroit point) & quelque chose demeure, il est necessaire que ce soit la matiere. Corruption monstre chose semblable, quand du tout rien ne perit, tandis qu'il est corrompu. Car la pomme pourrit, & est muee en vers, & le bois en cendres, quand il est brulé: & l'eau est muee en vapeurs & fumee, par la chaleur du feu ou du Soleil. Or la vapeur & fumee est quelque chose, car elle suffoque l'homme: & si elle colligee, derechef elle se tourne en gouttes d'eau. Il est donc manifeste, que quelque chose est au monde caché sous la forme qui n'est faite par generation, & ne perit par corruption: & ce mesme comme quelque chose premiere, & qui est mise sous plusieurs & diuerses formes, coustumierement nous l'appellons la premiere, non engendree, & qui iamais ne perit: ains elle demeure & est: car ce qui demeure, est. La matiere donc est telle par effect que nous l'auons descrite: mais comparee aux formes, elle est par pouuoir: car elle peut les recevoir. Dôcques la matiere comparee à la forme, elle est par pouuoir: mais en soy-mesme, elle est par effect. Comme la matiere d'un enfant non encore parfait.

ète, est enfant par puissance, mais telle qu'elle est par effect la matiere dont l'enfant peut estre: car c'est vne cōmixtion, ainsi pourtraicte, & telle quelle on la voit. Or quād ceste matiere est comparee à la forme de l'enfant, elle est dicte matiere par puissance: car si elle estoit par effect, ia elle seroit enfant, non pas la matiere de l'enfant. La matiere donc est premiere par effect, & (pour ainsi parler) par effect imminué: comparee aux formes, elle est par puissance: car si par puissance elle n'estoit comparee aux formes, iamais ne les receuroit: car l'hōme n'est faict de la pierre, car la pierre n'a le pouuoir à receuoir la forme de l'homme. Or la matiere comprise par la forme, sous laquelle elle est, acquiert vn acte plus parfait, non toutesfois parfait: car l'acte est parfait, qui totalement n'est subiect au pouuoir. Nous dirons donc que la matiere de la figure considerée en soy, est par acte, mais grandement petit, comparee aux formes alienees, qu'elle est à icelles par puissances: quand elle est sous la propre forme de la figure, qu'elle consiste par acte. Or la premiere matiere n'est despouillee de toutes choses: car veü, comme i'ay dict, que d'vne poignée de paille, ne peut estre faicte vne poignée de fer pour la paucité de la matiere: ne d'vne poignée de fer, ne peut estre vne poignée de paille pour la redōdan ce du fer, il s'ensuit que la premiere matiere retiēt quelque quantité que nous appellons indefinie. Car elle ne se décrit certains limites, veu qu'elle est cachee sous la forme, en emplissant tantost plus grande espece, tantost plus petite. Car si le feu est faict de terre, il occupe plus ample lieu: pourtant la premiere matiere qui estoit sous moindre quantité, a emply plus grand lieu par la mutation de la forme. Ceste matiere a toutesfois limites de magnitude, & de paruité determinez, dedans lesquels, cōme quelque muable Proteus, elle entre en termes & fins infinis de magnitude: & veu que ceste certaine determination de quantité est ioincte à telle matiere, quel merueille est-ce si la premiere matiere est en effect, pour laquelle la magnitude est cōstituee? Ces choses certes sont dictes des autres authours par la plus grande obscurité, non seulement pour la subtilité de la

matiere, mais pource que quand plusieurs vouloient escrire ce qu'ils n'entendoient parfaitement, ils entremelloient le traicté non seulement des dictions obscures, mais aussi ambiguës. D'auantage, il s'ensuit à la science, ou plustost à l'essence de la matiere que quād nous empeschons les formes venantes à la matiere, la premiere demeure: & ainsi l'eau froide conserue temperature aux sanguins, en prohibant & empeschant la generation de la colere. Car veu qu'il est necessaire que la premiere matiere soit tousiours subiacente à quelque forme, si la subsequente est empeschée par art ou cas fortuit, il est necessaire que la premiere forme demeure de ce dont toute la methode de preseruer a eü son origine. Semblablement pareille quantité de matiere deuoit estre requise aux transmütations, quand ou plus grāde, ou plus petite elle ne peut estre opportune. Et pour ceste raison le semblable est plustost faict de son semblable, que de son different. Outre-plus, la raison de rarité, ou densité est prise de la magnitüde, ou paucité de la matiere: mais par apres nous dirons de ces choses. Pourtant quād des le commencement la matiere estoit toute, & auoit tout emply le concaue du monde rond, & ne pouuoit finir, vacuité ne pouuoit estre: car la vacuité augmentee, il estoit necessaire que la matiere fust ostee. Aussi plusieurs probations estoient, qui demonstroient que vacuité ne pouuoit estre: combien que Heron s'efforce monstrier cela aux matieres spirituelles. Mais ce n'est le faict du sage, de refuter toutes choses absurdes: & moins est de nostre institution de poursuyure par arguments obscurs, ce qui peut estre demonstré par raisons euidentes. Or donc que vacuité n'est point, les soufflets fermez le monstrent, lesquels s'ils sont trop & violement estendus, ils se rompent: car le lieu faict plus capable, quand il ne peut estre emply de l'air, n'admettant tant grande tenuité, & que vacuité ne peut estre donnée, le troisieme reste, c'est que les soufflets soient rompus. Pourtant par la necessité de vacuité, l'eau mōte en haut, quand nous la sucçons par vn canal, ou tuyau, & descend en bas, vuidant vne seille par vn pot de terre. Ces choses seront demonstrees cy apres.

*Probation de
nulle vacuité.*

*Vne lampe ad-
mirable qui
brule tous-
iours.*



Par ce moyen vne lampe admirable a esté faicte, cloſe de toutes parts en la forme & maniere d'vne tour, & a ſeulement vn trou, D, par lequel l'huile eſt miſe dedans, tant qu'elle ſoit toute pleine. Elle eſt ſolide de cuyure, & quand elle eſt tournée en bas, comme elle eſt maintenant figurée, l'huile ne peut ſ'eſpandre par le trou D. Car ſi l'huile ſ'eſpãdoit, ce qui eſt au C, deſcendroĩt au D, par le moyen de la grauité & vacuité: & ce qui ſeroit au B, deſcẽdroĩt au C: & ce qui ſeroit en A, deſcendroĩt au B: pourtant vacuité demeureroĩt en A. L'huile dõc demeure, de peur que vacuité ne ſoit laiſſee en A: parquoy auſſi elle demeure au B, & au C, & au D: rien donc n'eſt eſpandu. Mais donc par quel moyen quand l'huile eſt conſumee la meche allumee en F, peut elle ſortir hors de D par le canal E? Pour ceſte cauſe il ſemble eſtre neceſſaire derechef venir à la raiſon de vacuité. Car concedé que l'huile ſoit attirée par la vertu de la chaleur, ou qu'elle deſcende de ſon bon gré, il ſemble qu'il n'y ait point de difference, quãt à ce qui appartient à vacuité. Et toutesfois l'experience nous moĩſtre, que la lampe brule, & ainſi petit à petit eſt euacuee. Or l'huile ne deſcend de ſon bon gré. La cauſe donc eſt, que le feu en chauffant red l'huile plus rare & attenuée: l'huile rendue plus rare, ſ'enſle & redonde par le trou D: & la plus legere partie d'icelle cependãt monte au haut de la lampe où nous auons eſcrit A: laquelle quand elle eſt pleine de beaucoup d'air, elle emplit d'air le lieu, & ainſi petit à petit eſt emplie, tandis que l'huile eſt attirée par la chaleur. Pourtant il faut diligemment cuiten, que le canal D, E, F, ne ſoit plus court que de raiſon, ou la meche plus grande en F: car par ces deux moyens l'huile plus ſubitemẽt ſ'enſle par trop grande chaleur, en forte qu'elle ſ'eſpand. Par ce moyen les Atheniens ont excogité vne lampe deuant le ſimulachre de Minerue, qui bruloit toute l'annee. Car l'eſpace d'A, B, C, D, eſtoit au-

grémenté, iouxté le nombre des iours de l'an: & peut estre qu'il seroit plus commode, si les grilles de fer sont soutenues de liege. Pourtant l'huile mise dedans vn grand vaisseau suffira pour toute l'année, la flâbe de la meche perseverât. Mais afin que la flamme perseuere, la meche ne doit se consumer. Telle meche est faicte du lin dit carpasium, car il ne se consume: ou comme nous enseignerons cy apres, elle est faicte des filamens des pierres qui s'escaillent, dictes en Latin, lapides crustati.

*Me-
ne se*

La matiere donc est par tout, laquelle ne peut estre sans la forme: parquoy il est necessaire que la forme soit par tout, & mesme quelque Animé, ou pource que par tout est faicte la generation, ou pource (laquelle chose plus appartient au present traicté) que le principe du mouuement semble estre en tous corps, quand il est hors de son lieu. Mais le mouuemēt est non de l'ame, ains de nature. Ce ne m'appartient en rien, mais que (ce qui m'est seulement necessaire à ce present traicté) tu confesses qu'il est vn principe de mouuement: car quāt est de l'ame, nous considerons apres si toute nature est ame. Il suffit pour ceste heure, veu que tous corps sont composez ou simples, qu'aucuns d'iceux, cōme legers, sont portez en haut, les autres, comme pesans, sont portez en bas: mais ils ne sont poussez, car violemment ils retourneroient à leur propre: & ne sont tirez, car le lieu est accident, & n'attire par tout l'element, comme quād l'eau est en haut. Ce donc est intime, parquoy est nommé Element, ou le composé de l'element. Je dy le composé, comme la pierre, estre portee en bas par la terre, ou l'eau qui est en luy. Certainement les corps composez coustumierement sont mouuez de l'element, ou des elemens qui dominant en eux. Or quand les corps ne sont d'vn mesme gerre, ils ne peuuent estre en vn mesme lieu: car la matiere auroit deux formes. Or qu'il y ait plus, ou moins d'vn mesme element, les pommes de verre (dictes en Latin, oua vitrea) le monstrent, lesquelles quand elles sont succees tirent l'eau d'vn petit pertuis: car l'air illec rarifié, est derechef assemblé pour cause de l'attraction, & occupe moindre lieu que parauant, & ainsi de peur que vacuité ne soit donnee,

*Deux corps
ne peuuent
estre en vn
mesme lieu.*

il attire l'eau à soy. L'air donc peut estre contraint ensemble, & se mettre dedans soy-mesme, & par mesme moyen estre faict plus rare : & comme il est quelque fin en rarité qui a proportion de vacuité, & ainsi se mouue : aussi il est vn autre fin & limite de densité, lequel si quelqu'un s'efforce le passer, il excite vn mouuement qui est appellé impulsion. Donques impulsion est faicte, ou quand vn corps entre au lieu de l'autre, ou quand ce mesme corps s'epessit, tant qu'il ne peut endurer tant grand' espaisseur: car lors cherchant vn autre lieu & plus ample, il excite le mouuement d'impulsion : & comme attraction est faicte de vacuité, & trop grande rarité, ainsi de trop grande densité & de la conuenance des corps ensemble, est faicte impulsion qui est contraire à l'attraction.

Comment est faict l'union des corps. Que les corps donc semblables s'assemblent ensemble, & soient rarifiez, il est cognu par experience, mais la raison de ce n'est grandement manifeste. Alexandre estime que ce a grand puissance à diuerses formes, desquelles les quantitez sont de diuersle matiere, cōme si l'air est faict de l'eau, pource que l'air requiert moins de matiere, ceste matiere est rarifiee, ce que nous voyons manifestement au feu, quand il est faict de poudre. Mais estre condensé & rarifié, c'est en partie muer la forme. Car quand l'air est contraint & assemblé, il passe à la nature de l'eau. Pourtant les lincaux mouillees assemblent, contraignent l'air aux cucurbitules, & ainsi plus elles attirent. Les choses doncques rarifiees ou condensées muent en partie la forme. Mais la forme du corps ensuit la forme de l'element. Il repugne donc que deux corps soient ensemble, non pour cause de la matiere, qui est seulement au lieu par puissance, & occupe le lieu, & se determine la quantité par seule puissance, non par effect, mais pour cause de la diuersité des formes. Le corps donc peut estre condensé, pource qu'il a semblables parties, mais les corps ne se peuuent penetrer. D'auantage, il semble que quelque chose de tenuité soit espartie, ou exprimee en la densité. Mais si ainsi est, il semblera que ce qui est rarifié, ou qui condense soit engendré. Toutesfois la muta-


tion des Elemens est tant facile aux conioints & semblables, qu'il semble n'estre totalement vne vraye generation. Car l'air est fait de l'eau en la chaudiere pour la chaleur du feu, neantmoins le feu n'y fait rien. Ce n'est donc generation des Elemens, ains quelque transformation aux affins, conioints, & semblables. Or de ce nous parlerons cy apres.

En general donc ils sont trois mouuemens naturels. Le premier est certes tresualide par la fuite de vacuité, ou plus vrayement par la forme de l'element, entendu qu'il n'admet grande rarité, & que les parties de la matiere ne peuuent iamais estre separees. Quand donc l'ouverture est faite aux soufflets, plus grande qu'un peu d'air ne peut endurer, premierement l'air rendu plus rare, veu que la matiere premiere n'admet de separation, l'air ne soustenant trop grande rarité, ou il attire quelque chose à soy, ou totalement il rompt les soufflets. Doncques aucun mouuement n'est fait coustumierement de vacuité, ains des formes principalement de l'air, quand il ne peut d'auantage estre tiré ou separé. Or que ce mouuement soit naturel, le consens de l'vnivers en ce le demontre, & l'obedience de tous corps, lesquels, leurs propres mouuemens laissez pour satisfaire à cestuy-cy, graues montent en haut de leur bon gré, & legers descendent en bas. Le second mouuement (comme i'ay dict) directement contraire à ce premier, certes comme premier en espee, est fait de vacuité. Cestuy semble estre fait de peur que les corps ne se penetrerent mutuellement, mais plus vrayement pour la raison opposite au premier, sçauoir est, de peur que la forme ne prene plus de la premiere matiere qu'elle ne doit, comme au premier mouuement moins qu'elle ne doit. Nous auons donc monstré par semblable raison que la premiere, Ice mouuemēt estre naturel, & proceder de nature, quoy qu'il ne soit tant bien manifeste aux autres auteurs. Il n'est encores assez patent lequel est plus valide de ces mouuens. Ce toutesfois est manifeste que ces deux sont trop plus valides que tous mouuemens violens, mesmement que les mouuemens naturels des elemens: & qu'il ne faut presque auoir soing aucun du mou-

*Трой токнел-
тисъ naturels.*

uement graue ou legier quand il faut auoit elgard à l'impulsion de ce gerre, ou à l'attraction. Et par ce moyē ce que nous pourrions à son lieu, les artileries iettent par tant grande violence les boules de fer, veu que nulle autre force violente peut en pouissant faire chose semblable. Et si l'artillerie n'estoit en danger de rompre, rien n'empescheroit pouffer de Germanie aux Indes, entendu que ce est de l'ordre de l'vniuers. Le troiesime mouuement est des choses graues en bas, & des legeres en haut, lequel chacun confesse estre naturel, pourtant en ce ie ne trauaille. Mais si on me concede autres mouuemens pouuoir estre dictz naturels, mais que, comme i'ay dict, ils aduiennent par ces raisons, rien ne nuira à ce que nous auons proposé de declarer. Il est vn quatriesime gerre de mouuement naturel, par lequel aucunes sont mouuees aux autres: lequel pource qu'il n'est general, il sera transferé à son lieu, comme de l'aimant, dicte la pierre d'Hercules & du fer, comme de l'ambre & du festu.

La machine
Ctesibique.




Ces choses donc demōstrees comme principes, de la machine Ctesibique se monstre, qui est faicte comme il appert en ceste figure, & cōme Ianellus Turrianus de Cremonne, homme de grand esprit en tout ce qui appartient aux machines, l'a exprimee par œuure. La fontaine de cuyure est A, de laquelle l'entree d'en haut, par où l'eau doit couler dehors est B. Au bas d'icelle sont deux pertuis c & d, sus lesquels soient mises deux tablettes ou deux cuirs comme aux soufflets, qui soient esleuez de la partie d'embas vers A, & si elles sont pressees que elles ferment les entrees: & que deux fistules tiennent à la fontaine par les pertuis c & d, qu'elles soient esten-

dues à dextre & fenestre E & F, & qu'elles soient iointes & inferées à deux vaisseaux en C & H. Les deux muis (dicts en Latin modiolis) sont vuides, & flottent en l'eau, ayans en bas deux trous K & L: au milieu, & dessus sont les tablettes avec le cuir, comme en fontaine de cuyure, qui puissent estre esleuez en haut, & exactement fermer les pertuis, qu'ad ils sont pressez. Aux deux muis sont deux grandes chauce M & N, dites emboli, faictes & polies au tournoir, & gressees d'huile, afin que totalement elles emplissent les deux muis: apres qu'elles soient appropriées par leuiers, & reigles, afin qu'elles passent çà & là, sçauoir est, que quand M monte, & le vaisseau de dessus est vuidé, N descende sa fois, & emplisse la chauce, & exprime, & iette hors tout ce qui y est contenu. Ce moyen préparé, quand la grande chauce M, dite embolus masculus est tirée d'o, le lieu Q du mui est vuide: parquoy la tablette, & le cuir est esleué sus K, & l'eau monte tant que le mui soit emply par le moyen du premier mouuement. Mais ce pendant, quand N est pressé, il commencera estre tiré d'embas par mouuement alternatif, & M descendra: & quand l'eau, qui estoit contenue en l'espace Q, ne peut couler hors, M fermât exactement par haut la capacité du mui, & que mesme ment ne peut descendre par K, pourtant que la tablette, ou le cuir presse le trou: & tant plus est contrainte en haut par le fais & impetuosité de l'eau, tant plus elle adhere au pertuis K: il s'ensuit, que l'eau doit sortir par C, en laquelle partie seulement la sortie appert, & montant par la fistule E, en leuant le couuercle, elle entre dedans la fontaine par le trou C, tant que la fontaine soit pleine apres quand l'impulsion d'E se cesse, le cuir & tablette s'abaisse, & se remet sus C, & la fontaine demeure pleine. Or cependant quand M descend à K, N monte au coupeau du mui, & par mesme moyen le mui est emply d'eau: donc quand derechef il est pressé, il iette l'eau par H en F, & par mesme raison par D au mui, lequel quand il est plein d'eau, & que l'eau ne peut retourner par C, veu que la tablette & le cuir adherent au pertuis, d'autant plus qu'ils sont pressez de l'eau par la partie d'en haut, il s'ensuit par le moyen du second mou-

uement, par lequel mesmement les choses graues sont esleuees en haut, que l'eau soit espendue montant par A au B. & qu'ainfi par mouuement alternatif, & la fontaine estât tousiours plain, iamais ne cesse de couler hors montant en haut du bas k & l.

De semblable traitté est l'espoë des nauires (dite tuba) par laquelle coustumierement les nauires estans aux perils de l'eau, sont euacuees: à l'exemple de laquelle est contrituee la machine de Barthelemy Brambille, que nous auôs veue à Milá, en rié inferieure de l'artifice aux

La machine
Bräbique.



antiques. B O, sont l'esponge, vuidede dedans, faicte de bois, ronde, affermie de leuiers, & de regles, plus large en toute la partie supérieure, plus estroicte à l'inferieure, en laquelle partie elle est receuë à vn vaisseau c plongé dedás l'eau, & percé de tous costez, afin que l'eau y puisse entrer, & non pas le grauiers, le fond du vaisseau c estât solide. Ainsí auiedra que, l'esponge puisse puiser du vaisseau l'eau pure, & non pas le grauiers, par lequel la machine seroit empeschee. Au lieu de m, ou la partie la plus estroicte est conioincte à la plus large, vn cuir par haut est annexé de la partie de m, auquel est suspendu vne mince paillette de plomb, afin que quand il est esleué de la partie de q, derechef il tombe par sa pesanteur, & qu'il couure exactement le canal l. Or la grande chauce A, B, (dicte en Latin embolus masculus) est moindre que la latitude de l'esponge, toutefois au lieu supreme, où est o, totalement elle estoupe le trou de l'esponge, o p soit vuidé. Du fond

fond de la chauce embolus, qu'ils procedent trois ver-
 ges de fer, solides touchantes par dedans aux costez
 de l'esponge, lesquelles tu enuolopperas de cuir de peur
 que de leur touchement elles ne gastent l'esponge. El-
 les referent la similitude d'un trepié plus larges par bas,
 & plus separees ou est F, qu'en haut, ou est H. Il est donc
 manifeste que tout l'espace aupres d'N, & vuide, & qu'il
 n'y a rien en luy que les verges de fer: dont il aduient
 que la voye est ouuerte depuis O & P, iusques à N, & pa-
 reillement depuis N iusques à O & P: car tout l'espace
 de dessus F est vuide, & rien n'est contenu en luy, que la
 chauce embolus & les verges de fer. Au bas de ces ver-
 ges le cercle F, annexé à la fin des verges, soit consti-
 tué, non tout vuide, ains seulement au milieu, & là où
 le trou est laissé, qu'il soit couuert en haut de cuir, &
 d'une paillette de plomb sus le cuir, comme dict a esté
 en M, de peur que quâd il est ainsi couuert, l'air ne puis-
 se passer, & puisse toutesfois leuer le cuir avec le plomb
 vers N, & decourrir le trou. Ainsi sera fait, si le cuir est
 quasi au milieu annexé au cercle contenant le bout des
 verges de fer, separé en l'autre partie, & exactemét fer-
 mant le seul trou quand il y adhere. Derechef que du
 bout des verges de fer, trois autres verges sortent droi-
 ctement, adherentes par dedans aux costez de l'espon-
 ge, dicte tuba. Vn cuir les environne de toutes parts de-
 puis F, de la supreme partie iusqu'à G, tenant exacte-
 ment par dedans aux costez de l'esponge, de peur que
 l'air ne puisse passer de K en N. Ainsi aduiendra que le
 muy M, quoy qu'il soit renuersé, soit veu. Car le fond F,
 de tous costez est enuoloppé de cuir en forme ronde,
 & est ouuert & patent en G. Laquelle chose faicte, la
 chauce embolus A, ainsi soit adaptée, qu'elle puisse pas-
 ser çà & là, tantost en descendant iusques à M par O, par
 tie d'embas du muy renuersé, tantost qu'elle puisse estre
 retirée en haut, où elle est peinte maintenant. Ces cho-
 ses ainsi disposees, que G soit couché sus M Q, & qu'il
 commence estre eleué, lors l'air contenu en l'espace H,
 plus ratifié, derechef tire Q, & l'eleue, par la succes-
 sion duquel l'air monte d'L en l'espace K, par la succes-
 sion de cestuy l'eau monte de B en L. Or quand la chau-

ce embolus descend par le pouffement de l'air, & par la pesanteur du plomb, incontinent Q descend: parquoy l'eau qui est en L , necessairement demeure: car le couuercle M Q ouuert, si l'eau descendoit, si peu d'air qui y est, seroit osté, lequel seroit en la supreme partie L sus l'eau, entendu qu'il ne peut attirer autre air de k pour cause du couuercle M Q : & l'air qui estoit contenu en k , quand il descend par G , esleuant le couuercle E , il s'escoule en l'espace O , & sort dehors par le trou P : ainsi la môtée & la descente de G , & de la chauce embolus souuent repetee, le lieu L est emply d'eau: apres derechef G esleué, & pour la raison du premier mouuement, & de peur que l'air en k ne soit trop tiré, l'eau entre, le couuercle M Q leué, iusqu'à ce que l'espace de k soit remply, & ensemble avec iceluy l'espace H , lequel comme i'ay dit, est commun avec k , pource que G est la patente entre en muy , close de nulle partie. Que le muy donc soit ia plein, & que derechef la chauce embolus descende: ainsi l'eau, qui est en H , leuera le couuercle F , & emplira les espaces N & O . Mais quand la chauce embolus est tirée en haut, de peur que l'eau, qui estoit montée, ne descende derechef, le couuercle en F l'empesche, lequel par sa propre pesanteur, & de l'eau qui est dessus, en tombant il estouppe le trou. Pourtant il appert, que par ceste machine l'eau tousiours monte, & ne peut iamais descendre: doncques quand elle est venue à P , elle s'espand par P l'entree de l'esponge au lieu que tu voudras: & lors facilement tu puiseras de G autât d'eau que tu voudras: car quand l'esponge est ia pleine, le mouuement de la chauce embolus A est plus facile.

Les esponges par lesquelles sont dessechees les nauires, les fontaines, & les sources des caües, sont construites, simplement. La composition de B , & C demeurant, de peur que le grauiet n'empesche la machine, la chauce embolus a quatre pieces de cuir au fond, & autant aupres, separees toutesfois de deux coudees, ou vn peu plus, lesquelles sont en haut. La longueur d'icelles pieces est d'vne paulme: & comme elles sont tirees, l'eau entre par le moyen de vacuité: quand elles descendent, elles sont dilatees pour cause du pouffement de l'air:

& pour la celerité derechef quelque peu d'eau passe par hault. Pourtant non seulement en tirant, mais aussi en foulant, l'eau monte.



Ià donc nous auons declaré l'exemple du repos qui est fait par la fuite de vacuité, que nous auons enseigné deuoir estre plus tost dicté la violence de rarité : car elle est faitte par la forme de l'element suiant plus grande rarité, qu'il ne peut ny conuenir. Ainsi par mesme raison nous appellerons de densité le pousemēt soit mouuement, ou soit repos, comme nous appellons le troisieme mouuement le l'element, soit pesant ou soit legier.

Doncques par l'exemple de la lampe, le repos de l'huile a esté monstré à la supreme partie. Au second exemple le mouuement d'attraction pour la rarité, & le pousemēt pour la densité, est monstré en la machine Cresibique. En ce troisieme exemple semblablement est monstré l'exemplaire des deux mouuements, premier & second, mesmemēt du repos graue outre nature. Il reste maintenant que nous monstrions au quatriesme exemple le mouuement qui est de la seule rarité: ou de vacuité: mais il le fault exposer cy apres par quelque raison singuliere, quād nous monstrerons les mouuements des elements. Maintenant nous traicterons le mouuement qui est fait pour cause de la seule densité, duquel l'exemple a esté monstré aux machines belliques, aus-

quelles le pousemēt du mouuement apparoit seulement. De mesme gerre est le mouuement qui est fait de rarité aux meules des Horloges, des balistes, des instruments dictz scorpionnes, & des autres semblables tourmens: car quand le nerf ou la corde est tant tendu, qu'il se retraict, il est mouué de plus grand pousemēt, & plus pousse la pierre ou la fleche mise dessus.

*Mouuemens
des Horlo-
ges.*

b .ij

Pourtant la raison de rarité est reduite au mouuement. Donc par contraire moyen, comme i'ay dict, la rouë est tournée aux horloges : car l'acier mollifié est reduit en vne mince paillette, longue & estroicte, comme tu vois par la figure : apres par force il est colligé très estroicte-ment en rond, & est enclos en la casse. Or la corde plus mince, mais plus valide, est entortillee à la casse, de laquelle le bout est noué au large effueil de la rouë. Dont il aduient que quand l'acier pressé par trop grande densité est tendu, il enuolpe la casse qui tire la corde : apres l'effueil entortillé petit à petit, tourne avec foy la rouë, par laquelle les autres roues sont tournées par déticles entremesées. Le sixiesme exemple est, comment le repos peut estre par le pouffement. De ce gerre sont plusieurs exemples. Vn pot ayât vne fistule pleine d'air, le pot plein d'eau, quand la fistule est tournée en bas, on voit l'eau estre pendue. Par semblable moyen les pierres ictees sus l'eau bondissent en haut : & vne seille pleine d'eau tournoyee legierement, n'espand son eau : car quand le temps defaut à la diuision de l'air, l'eau s'arreste en bas, de peur d'estre trop cōprimee. Par mesme moyen vne large lamine de plomb nage sus l'eau : car en descendant les parties qui sont au milieu, n'ayans où elles se retirent, seroient trop pressées, ou si elles s'écouloient premierement, il est necessaire que vacuité demeure au milieu : elle ne peut donc par aucun moyen descendre, si premierement elle n'est enclinee vers vne partie. Il est donc monstré que ces choses sont faictes par rarité, & comment. Il faut que nous demonstrios, que ces mouuemens ne peuuent aucunement estre faits par vacuité : ce qui sera déclaré cy apres par raisons exquises. Qu'il suffise maintenant seulement auoir déclaré par sensible experience, tant qu'il suffit à l'enseignement de la raison des instruments. Car si les machines, sont pleines de creuaces, lors il n'y a aucune crainte de vacuité, & toutes fois elles attirent : mais d'autant plus debilement & plus grandes difficulté qu'elles sont plus ouuertes. Et par ce fondement consistent toutes les machines, lesquelles autrement pendroient par quelque moyen indiuisible : & pource toutes seroient inconti-

Pourquoy vne large lamine de plomb mise sur l'eau egalemeent ne peut entrer dedans l'eau.


nent inutiles, ou pour le moins ne dureroient long
 temps. L'usage donc demeure aux œures non exqui-
 ses & anciennes : mais l'inutilité demeure pour la ma-
 gnitude de l'erreur. Doncques attraction est faicte de
 la forme, laquelle craignant acquerir autre rarité, de
 peur qu'elle ne perisse, resiste tant qu'elle peut. Car nous
 auons dict cy dessus que la substance & densité muee,
 la forme est aussi muee. Or si attraction estoit faicte par
 crainte de vacuité, quasi l'vniuers le consentant, ceste
 attraction seroit infinie : mais elle ne l'est, ains selon la
 quantité de la forme & dell'element, ou instrument
 contenant. Car le petit canal puise & attire petite eau,
 & non grande quantité de plomb. Ce donc est indice
 que l'attraction est faicte de la forme, & selon sa vertu
 & magnitude. La troisieme coniecture est, que les cho-
 ses bien vnies ne sont ouuertes, toutes fois elles ne sont
 disioinctes. Mais ce ne pourroit estre, si vacuité, estoit
 admise. Donc entre toutes choses pleines & vnies
 quand elles sont closes, l'air est entrereceu qui empes-
 che les choses plaines estre disioinctes tant qu'il luy est
 licite. Mais, comme i'ay dict, veu qu'il empesche seule-
 ment selon sa force, il est vaincu par plus grand effor-
 cement. Tu obiecteras ce seul poinct, que ceste dision-
 ction seroit moins empeschee d'air moindre & plus
 petit, & toutes fois elle en est plus empeschee. Car quād
 les choses plaines sont conioinctes exactement, autant
 moins d'air y est enclos, & toutes fois tant plus diffi-
 cilement elles sont separees. Mais la cause est, pource
 qu'il est d'autant plus necessaire que l'air se departe de
 sa propre forme, d'autant plus qu'il est rarifié. Car il
 s'ensuit, comme il est dict, quelque autre substance, &
 nouvelle generation, laquelle tant plus elle est loing de
 la premiere, tant plus difficilement est faicte. Tu obie-
 cteras : quand l'air est rarifié, quelle autre chose peut
 estre engendree que le feu? Or est le feu treschaud: mais
 entre les choses plaines nulle calidité est manifeste, ains
 le froid. Mais ce n'est feu ou element de feu chaud, de
 qui sera declaré cy apres. Car ce qui est humide s'il est
 attenué & rarifié, il passe non en feu, ains en la nature
 de l'air subtil. Or l'air humide & l'air subtil n'est chaud.

Mais incontinent est faicte commixtion quand vn autre air s'entremesse dedans.

Que ces exemples fussient des deux premiers mouuemés & du repos engendré d'iceux, entédu qu'icy n'est de la presente institution de parler des machines, mais au second liure de la Varieté des choses, & au dixiesme cōmentaire sus Vitruuius. Qu'il fuffise donc auoir diligé-
 gement expliqué autāt d'exēples qu'ils sont de moyés: car à six moyens fuffissent six exemples. Il est dōc manifeste, que choses pesantes tendēt en bas, & les legeres en haut. Mais aucuns non contens de cecy adioustent, que les legieres veulent estre sus les graues: dont l'air estant sous l'eau, quoy qu'il soit en sa propre regiō, il s'efforce toutesfois estre sus l'eau, comme il appert aux vaisseaux, quand ils sont tournez à demy plains, & en vne vessie plaine d'air, qui est plōgee en l'eau. Mais ce mouuement, n'est different du premier: car l'eau, quand elle est en haut, elle s'efforce de descendre, & à la descente d'icelle l'air monte, de peur qu'il ne soit trop contraint. Or en la vessie qui est en l'eau, quand l'air, est au lieu de l'eau, il s'efforce de monter: vne maniere donc de mouuement en son lieu suffira aux elemés. Et que l'eau pousse la vessie en haut, & que l'air ne monte, il est patent, pource que la vessie mise sous terre ne monte point.


Si les choses legieres veulent estre sus les graues.

Cōment l'eau monte aut aut qu'elle peut descendre.



Or ce qui est plus digne d'estre enquis, est: comment l'eau mōte autāt qu'elle peut descendre, quand elle est aidée du mouuement de rarité. Cecy sera cognu plus plainement par cest exemple. Vn vaisseau soit plein d'eau, duquel le coupeau soit E, & le bas F, auquel sont vn canal ou tuyau A B C. Et que D C soit vne ligne également distante des bouts du vaisseau iouxte lesquels vn pois est tiré. Que le canal A B C soit emply d'eau, & l'eau sera mise hors par C, ie dy qu'il e-
 puisera toute l'eau qui est au dessus de la ligne C D, & rien de celle, qui est dessous ladicte ligne: mais le ca-

nal plein pendra, & le vaisseau sera veu plein iusques à la ligne CD. L'exemple mōstre qu'il est ainsi. Peut estre qu'aucun obiectera, que ceste matiere deuoit estre differée au traieté de l'eau: mais il ne le falloit, veu qu'il n'y a de difference, soit que le vaisseau soit plein d'eau, de vin, d'huile, ou de lait. Pourtāt icy plustost doit estre rendue la raison de ceste experience. L'eau donc, qui est au dessus de CD, veu qu'autant en monte, qu'il en est espandu par C, soit que le canal est plus large en C, qu'en A, ou plus estroit, pource que tousiours tout le canal est totalement plein, l'eau qui est espādue par C, est la plus legere. Or que l'eau est plus legere en la partie de dessus CD, qu'en C, la cause est, pource que l'eau de dessus CD, appete de descēdre, afin qu'elle soit inferieure à celle qui est en C, pourtant elle presse l'eau & la pousse dedās le canal. Et celle qui est soubs CD, n'appete estre en C, pource que c'est plus haut que le lieu d'icelle, pourtant elle ne veut mōter. Mais l'eau qui s'espād par C, ne dōne cause ne cōsideration, neātmoins qu'elle soit plus basse que l'eau qui est contenue dedās le vaisseau: car telle attraction n'est faicte que par le moyen de cōtinuité: cōtinuité depend de la raison de rarité, qui ne peut estre, l'eau ia sortāt de l'entree du canal C. Finalemēt toute ceste contēplation est parfaicte par cest argumēt, que l'eau qui doit attirer autre eau avec soy, il faut qu'elle soit dedans vn vaisseau, car sans luy elle ne peut estre attiree:



mais elle est aidee de l'air sur uenāt, & cōme vn corps cōtinu, paruiēt au poix egal. Veudōc que l'entree C, est la plus basse, l'eau y paruiēdra: mais quand l'entree sera plus haute, l'eau ne descēdra: car l'eau qui est au droit du lieu inferieur, comme en A sera contrainte monter à C, qui est au droit de D. Mais si l'eau descēt premieremēt puis qu'elle monte, comme en la figure sequente, de A en B, puis en E, & apres pourra lors paruenir en C & en D, si D est moins distāt de la ligne BC, que A le lieu d'oū elle descē

pend. Mais il faut qu'en chacun espace il y ait certaine difference de hauteur de A & D. Car tant plus longue sera la voye, autant plus grande doit estre la difference de A & de D, iouste la mesure de l'altitude. Les erreurs d'aucuns de ce sont venus, lesquels s'efforçans deduire les eaux au poix, ils ont eu grande perte de despens. Dõques en chaque mil des pas, A doit estre plus haut d'une paume, que D, cõme en dix mil des pas, de dix paumes. La rotondité de l'eau est cause euidente de cecy, qui apparoit mesmement en la superficie & plaine des pots & vaissaux. Pourtant iaçoit que A soit au poix plus haut que D, si est-ce qu'aucunesfois il ne sera plus haut, que le milieu entre A & D. Mesmemēt il a besoing de quel-



que impetuosité. Mais cecy est quasi mis outre mō intétion, toutesfois i'ay voulu l'adiouster pour la magnitude du petil, & pour la frequēce de l'erreur.

Or maintenāt venons à expliquer par exēples de simple mouuement des elements. Donques les poix des hors loges donnent exēples du pesant mouuement, qui en tirant petit à petit tournēt les rouēs. Il seroit facile de trouuer infinis exemples de semblable ger-

re. Mais du mouuement leger soit mis cest exemple.

Quand les nauires sont enfoncées en la mer, lesquelles on veut retirer, les matelots qui vont sous l'eau, lient de cordes à la nauire quelques nasselles chargées de pierres, en sorte que les cordes soient tendues le plus qu'il sera possible : apres les pierres retirées des premières nasselles, sont receues à autant d'autres qui sont vuides : dont il aduient que les nasselles alléges attirēt vn peu avec soy du profond de l'eau la nauire. Car l'air qui ne veut estre sous l'eau, esleue au haut de l'eau les nasselles qui estoient presque enfoncées par la pesanteur des pierres, dont la nauire est presque retirée en haut selon la hauteur d'une nasselle. Que la nauire donc soit tirée de A en B, lors les nasselles, qui sont pleines de pierres, soient liées de cordes à icelle, & les pierres transférées aux autres nasselles, la nauire sera tirée en C. Derechef les premières nasselles, ou tu as transférés les pierres, sont liées de cordes bien tendues à la nauire estant en C, & l'attireront en D, les pierres remuées, & par continue transmutation des pierres aux nasselles, la nauire sera retirée en haut sus l'eau. Mais tu diras qu'il faut grand nombre de nasselles à retirer vne nauire. Il est vray: mais la raison est telle, que chaque nauire ou nasselle, peut porter autant de fais qu'est grand & pesant le fais de l'eau qu'elle peut tenir. Comme si le nauire peut contenir au fleuve mille muis d'eau, qui poissent dix mil talents, la nauire portera au fleuve dix mil talēts. Et si la mesme nauire contient en la mer, comme i'ay dit, les mille muis d'eau, desquels le fais est de douze mil talents (car l'eau de mer est plus pesante que du fleuve) la mesme nauire portera douze mil talēts de poix. Et pour ceste raison il est manifeste, parquoy coustumièrement nous appellons les nauires selon leur mesure, comme nous appellons vne nauire de mil ou cinq cēs muis, qui est autant, comme si tu dis la nauire qui peut porter mil ou cinq cens muis. Car, comme i'ay dit, quelle est la capacité de la nauire à raison de l'eau, autant est grand le fais qu'elle peut porter, sçauoir est, autant qu'est pesant le fais de l'eau qu'elle contient. De cecy donc il est manifeste, qu'une mesme nauire portera diuers fais en diuerses eaux, car des eaux mesmes les fais sont diuers &


*La maniere
de retirer les
nasselles en-
foncées en la
mer.*

differens. Or iouxte ceste raison il est liquide, que la magnitude du fais est selon la mesure de l'eau qui pousse. Car pour exemple si la nauire soustient vingt muis, ce est pourtant que l'air enclos est poussé en hault par les vingt muis d'eau, à fin que l'eau qui estoit contenue en la nauire, reçoie son lieu. Ceste experience donc cōuient bien avec la raison dicte cy dessus, que la vessie plaine d'air est poussée de l'eau en haut, pource qu'elle occupe le lieu de l'eau: pourtant le fais selon la grandeur de l'eau que la vessie peut contenir se soustiendra en l'air, c'est à dire que le fais de la vessie est ainsi mis en haut, que tout le fais est en l'air, & non en l'eau. Mais (à fin que ie retourne à retirer la nauire) le fais qui est en l'eau est rendu tant plus leger, que l'eau est pesante: dōt il faut moins de nasselles pour retirer, qu'il ne faut pour porter le fais de la nauire enfoncée. Or par deux raisons plus facilement les nauires enfoncées sont retirées des eaux les plus pesantes que des plus legeres, & ainsi plus facilement de la mer, que des fleues, ou estangs. La premiere raison est, que les nasselles soustiennēt plus grand fais en la mer: l'autre raison est que la nauire est moins pesante, & moins enfoncée en l'eau de la mer. Pour ceste cause il faut entendre, combien que comme dict est, la nauire soit rendue plus pesante au haut de l'eau (pour ce qu'en partie elle est en l'air) qu'en bas, que tant plus elle est esleuée par les nasselles, tant plus de nasselles, & plus grandes y doibuent estre liées, de peur que non seulement elle soit derachée enfoncée: mais que par impetuositē elle n'attire au fond avec soy toutes les nasselles. Aucun doutera, pourquoy les nasselles B dechargées, & les autres qui sont signifiées par A, emplies, la nauire ne descend qui a esté esleuée de A nasselles vuides? Car les plaines ne peuvent soustenir le fais. La cause est, pource que les cordes des nasselles A & B, ja faictes esgales, veu que la vacuité, ou l'air qui est cōtenu aux nasselles, est plus puifant que le fais de la nauire, la vacuité des nasselles B attirera plus que la pesanteur du fais augmenté des nasselles A n'en remettra, ou abaissera. Pourtant par ce moyē tousiours la nauire montera: cecy seulement obserué,

*Les nauires
enfoncées sont
plus facile-
ment releuées
de la mer que
des fleues.*

que les chordes des nasselles plaines soient plus courtes que les chordes des nasselles vuides, d'autant que le fais des pierres de prime, & abbaïse les nasselles. Mais c'est assez parlé du simple leger mouuement en hault.


Maintenant reste à parler du mouuement qui est composé du graue & leger. Pour l'exemple duquel bien à point s'offre la machine de Heron, de laquelle nous auons souuent parlé, Elle est ainsi faite. A est vn bassin plain d'eau, souz lequel est le vaisseau B, mesmement plain d'eau, ainsi ioinct A que l'eau ne peut



*La machine
de Heron.*


passer de l'un à l'autre. Souz B est vn autre vaisseau vuide, qui est dict C. Que la fistule D soit estendue de B en C, de laquelle l'entree d'en haut vienne presque iusques au bassin. Que l'autre fistule E qui monte beaucoup au dessus du bassin, & inferee au bassin, qu'elle penetre iusques aupres du bas du premier vaisseau, toutesfois que elle n'y soit ioincte. L'autre fistule est F, de laquelle l'entree supreme soit inferee au bas du bassin, & que l'entree inferieure dedans cest enclos se finisse entre deux vaisseaux, en sorte toutesfois que l'eau descède du bassin par le trou d'en haut dedans le vaisseau C. Lors nous voyons l'eau, qui est au vaisseau B, estre ietee par la fistule E, & par là perseuerer, tant que l'eau du bassin soit vuide. Comme cecy se fait, il le faut monstrer par deux mouuemens cōposez. L'eau descendant par la fistule F, quand l'air ne peut s'arrester en C, il mōte par la fistule D au vaisseau superieur B. Or veu que le lieu est si plain d'eau, l'eau est contrainte monter par la fistule E, pressee de l'air, & ainsi est espadue. Il est donc manifeste, qu'icy sont deux mouuemēs, vn selon la nature de l'eau descédāt du bassin au vaisseau c par la fistule F: l'autre de l'air mōtāt du vaisseau c au vaisseau B, pource, cōme dit est, qu'il pousse de l'eau en haut. dōt de ces deux mouuemēs naturels est faite vne ipetuosité violēte, par laquel-

le l'eau mōtre du vaisseau B, par la fistule D. Mais quād le mouuemēt graue est repeté alternatiuemēt, il mouue les soufflets ou autres machines, ce qui estoit opportun de le monstrier en la machine Ctesibique, comme les grandes chaues dictes en Latin emboli masculi pouuoient mōter & descendre aux huis. Or ce est ainsi fait. vne rouē avec les aubes, dictes en Latin pinne, soit mise iouxte la cheute de l'eau coulāte, comme coustumiere-ment on fait, à fin que la rouē tourne par la cheute continue de l'eau sus les aubes de la rouē, en laquelle rouē soit vn esueil, ou moieul A, qui est necessairemēt de luy mesme tourné. Je laisse la description de la rouē cōme



chose veüe en toutes meules. Vn tref estant sous les soliuës, & enclos du pertuis rons soit appelé B, fait en sorte qu'il soit mobile, & puisse estre tourné cōme sus gons. Iouxte l'extremité de ce tref vn anneau E, soit fiché, auquel vn autre anneau avec la verge de fer F, soit ioinct: de rechef que ceste verge se termine en vn anneau, que l'autre anneau G, puisse recevoir, ioinct à la verge H: en la fin d'H, vn anneau est ioinct qui est cōjoint d'vne concorde à vn clou en la sommité de l'esueil A, en sorte qu'il est mouué ensemble, mais l'esueil retournant, l'anneau retourne à son lieu & situatiō pristine. En l'autre bout du tref deux anneaux C, & D, sont colloquez à l'opposite l'vn de l'autre. Il est licite d'en colloquer quatre, & trois pairs ainsi opposites. Si donc vn des soufflets est ioint d'vne corde à C, & l'autre à D, l'esueil tourné, premieremēt le tref est tiré vers D, & lors vn des soufflets est esleué de C, l'autre tombant D. Mais quand la rouē tourne vne moitié de l'esueil, l'anneau au bas d'H, retourne en son lieu, & pousse E, pour cause des verges, & le tref est flechi vers C, & ainsi alternatiuemēt les soufflets sont mouuez. Car le tref branle

alternatiuement à dextre & à fenestre, mais il n'est tourné: Il est dōc licite de mouuoir plusieurs paires de soufflets par plusieurs anneaux colloquez au tref appositement, & en ce est besoing de grand' eau & forte. Il est licite mesmement de ioindre de la partie fenestre à ce mesme effueil en autre tref, ce que coustumierement font les charpentiers, & ainsi le nôbre des soufflets sera multiplié doublement, Et en ce n'est besoing d'autre aide, ou d'autre industrie que celle qui est patete en ceste seule chose, mais il est besoing de plus grande force.




Or la translation des mouuemens qui coustumierement est en vſage aux moulins & horloges, quoy qu'elle soit vulgairement cognue, toutesfois elle est faicte par subtile raison. Donc qu'vne roüe ou rouet soit A, B, qui puisse estre tournée d'vne autre roüe auës des leuiers, comme on faict aux moulins, ou avec le manche C. Que les dens ou cheuilles soient en la superficie exterieure d'icelle, regardans le cylindre, ou colomne ronde dicte l'arbre F, G, erigée droictement sur le plâcher F, H, auquel plâcher vne roüe estât dessus à vn pal fiché, sur lequel est fiché l'effueil. En la colōne F, G, est vne lanterne dentée D, E, dicte curriculum dentatus. Pourtant quand la roüe A, B, est tournée sur l'effueil C, K, par le mouuement d'A, en B, ou d'A, en haut & en bas, la colōne F, G, est tournée de D, E, vers K, ou de la dextre en la fenestre: parquoy aduient la translation du mouuement, qui sera d'autant plus legere, que le nombre des dens de la roüe D, B, contiendra plus grād nombre des dens de la lanterne D. E. Nous vſerons de cecy à l'intelligence de la machine dicte Augustana.

Ces choses veües, quand i'ay presque parfaict generalement mon oraison de tous les mouuemens, le qua-

triefme exemple déclaré au pois des eauës, & la machine de Heron satisfaisante aux cōposez mouuemés des elemens, il faudra briefuement les colliger en vn, apres que i'auray mis en general dix exēples pour dix moyés. I'ay apposé au repos pour cause de la rarité l'exemple de la lampe : i'ay apposé au mouuement faict de rarité vne fistule colloquee en vn vaisseau. quand i'ay parlé de de la descente de l'eau, i'ay apposé au repos pour cause de densité vne lamine de plomb, & des cuirs estendus sus l'eau : i'ay apposé au mouuement faict de densité le pouffemēt des machines de guerre comme des artilleries : i'ay mis l'exemple des mouuemens d'attraction pour rarité, & du pouffement pour densité en la machine Ctesibique : i'ay mis l'exemple des deux mouuemens & du repos pour rarité, en la machine Brâbifique : i'ay dict la recuperation de la nauire estre du leger mouuement de l'element, & le mouuement des horloges estre du graue mouuement simple : i'ay dict que l'eleuation alternatiue des soufflets est du mouuement graue & leger ensemble, tendans en vne mesme fin. Ainsi donc ce traicté pourroit sembler estre parfaict mais ie n'ay pris tous les gerres. Car ces dix exemples derniers sont contenuz en deux gerres : au premier qui a seulement vn moteur, comme la machine de Heron : en l'autre qui a deux moteurs, mais diuers, cōme la machine Brambifique. Il resté donc vn troiefme gerre, auquel sont contenues les machines qui ont plusieurs moteurs, mais non diuers, lequel certes semble estre le plus excellent de tous, pource qu'il est le plus semblable au mouuement principal, ou à celuy qui se mouue soy-mesme. Ce mouuement est faict quand l'eau (par maniere d'exemple) a tourné la rouë par laquelle l'eau est espādue. Et en ce gerre est la premiere inuētiō d'Archimedes, qui est vne vis, de laquelle Diodore Sicilien faict deux fois mention en l'Histoire antique, disant qu'Egypte a esté assechee par la vis d'Archimedes : laquelle chose, si ainsi est, veu qu'Archimedes a flori du temps de la secōde guerre Punique, ou de Carthage, ie ne scay comment au temps passé Egypte a peu estre habitee. Toutesfois quoy qu'il en soit, cest instrumēt est tres-excellent sans

La vis d'Archimedes.

doute, & digne de tel auteur. Vitruuius en fait mention en la fin de son œuvre. Mais Galeaz de Rubeis citoyen de Milan, & ferrurier, duquel nous parlerons cy apres, quand jadis il estimoit auoir le premier inuenté ceste vis, il deuint fol de grande ioye. Nous l'auons veu tourner vne machine que lon pousse, & apres estre mis hors du sens. Or ceste machine estoit telle. Vne piece



de bois A, H, est solide, droite: rōde, & esgale, & tāt lōgue qu'enclinee au deslus de l'eau, & fichee en mortaise, tant qu'il fault qu'elle apparoiſſe sur

l'eau, & qu'elle soit couuerte tout à l'entour d'un simple canal de metal, composé à la similitude d'une viz, comme tu vois en ceste figure. Aucuns sont qui vsent de plusieurs canaux: troisme semblent necessaires: lesquels puissent petit à petit monter en sorte que tous les espaces soient pleins. Le canal a deux entrees, l'inferieure certes la plus large, la superieure est la plus estroicte.

Que la superieure soit appellee k. Il fault donc monſtrer que là où la viz est clause aux fins A, & H, en sorte qu'elle peult estre tournee tout entour, pourtant qu'elle est tournee du nouement de l'eau: secondement, que là où elle est tournee, l'eau montera, & sera espanduë par k. Car les aubes, dictes pinna, qui sont adioustees à B, C, D, E, F, G, ou entre les espaces d'un costé & d'autre, ou aux conionctions de la viz avec le canal encourantes contre l'eau, necessairement tourneront cest instrument: pource qu'elles peuuent estre augmentees en lōgitude & latitude: mais le poix A, H, est petit, & fait trop plus petit pour l'inclination, & les effucils mis aux anneaux, en sorte qu'ils puissent estre tournez. Les meules mesmement aux fleues du Paul & Ticine monſtrées cecy là où cōbié que les eauës coulēt fort lētemēt, tou-


tesfois les meules tournees par cest engin brisent & meulent le blé. Mais il est patent que l'eau monte d'len K : car quand L, est esleué, la partie qui succede est plus abaissée, pource l'eau descendra, laquelle montante, de rechef la partie succedente descend, & vne mesme raison monstre l'eau tend vers k : & par ceste experience ce conuient bien, & par plusieurs fois ie l'ay experimenté. La vis donc tournée sur petis puiots A, & H, sus lesquels elle est poussée, tât que le canal soit plein d'eau l'eau sera espandue par k, sus la plaine du riuage. Donc il semble que cest argument ne conclud, l'eau descend perpetuellement, donc en la fin elle sera en vn lieu plus bas qu'au commencement. Toutesfois elle ne descend tousiours, mais la partie qui descéd la plus grâde pousse la plus petite, & la contrainct de monter. Or quand l'eau a commécé de s'espandre, lors la machine plus facilement sera tournée, & l'eau quasi de son bon gré s'escoulera pour les causes que ja nous auons môstrees de la descente de l'eau. Aucuns sont qui affichent des tablettes au canal, & lient le tout ensemble, afin que la machine en soit plus forte & plus ferme, adioustans des pieux aux tablettes, non à la vis pour plus grande commodité. Or non sans cause quelqu'vn doubtera pourquoy la partie du canal montate iouxte B, veu que tant L, que C descendent, l'eau ne retourne en L, & que de rechef (car L, est plus bas que C,) elle n'est espandue de la mesme partie. La raison de cecy est double, l'vne que l'eau qui est en B, est poussée de celle qui est en L, pourtant elle passe en C, & ne retourne: L'autre raison est de geometrie, monstrant la partie moyenne d'entre L, & B, estre plus haute en conuersion, que n'est la partie moyenne d'entre B, & O. Ce en est indice, que quand vne sphere de plôb y est mise, quoy qu'elle ne soit poussée d'autre chose, elle monte toutesfois en k. Et la demônstratiô en est telle. Que la vis A, B, soit en plaine A, C : que l'elevation d'vne partie de la vis, A, D, soit D, C : de la partie de la vis, la partie correspondante à A, E, & la hauteur de D, E, soit (pour exemple) vne partie & demie de D, C, & soit menee droicte à A, B : toutes les lignes donc entre A, D, & A, C, seront moindres que les lignes directe-

*Aucune chose
descend per-
petuellement
qui sera en
la fin le plus
haut.*

ment constituées entre A, D, & A, E, selon les demonstrations au sixiesme des elemens d'Euclides. Doncques qu'A, B, soit tourné, en sorte que quand E, sera au plus bas lieu, que le pois rond en A, soit mis au droict de D. Puisque donc D, E, est plus long que D, C, si E, est à l'opposite de son lieu, il sera dessous C: mais C, est au droict d'A: ce pois donc sera plus bas, qu'au commencement: mais toutes les lignes gardent vne mesme mesure, & sont plus longues mesmement en la circonferéce A, E, qu'en la droicte ligne A, E, en la ligne A, D, car la partie n'est plus grande que le tout, A, B, donc tourné, le pois descendra en A, E. Mais toute chose pesante libre en mouuement, descend: le pois donc paruiendra à E: & quand il sera en E, estant tourné il descendra vers F, non vers A, en partie pour cause de l'impetuosité, & pource que la partie qui est entre A, & E, montent: car elle estoit descendue au premier mouuement: & la partie, E, F, descend encor: donc le pois paruiendra d'A, en F, par quoy d'A en B, plusieurs conuersions faictes par mesme moyé. Facilement tu experimenteras ce qui te semble tresdifficile à vne eguillette entortillée en vn tuyau. Or ie retourne à mon propos. La viz qu'enseigne Vitruuius, a besoing d'estre aidée: mais ceste cy se tourne soy mesme: & se faict tant plus facilement que les ployemens du canal seront frequents, & que la machine montera plus mollement: & tant plus facilement sera tourné, tant plus tardement, car ce presqu'est general en toutes machines. Ainsi par moyens contraires transmettra l'eau legerement, mais plus difficilement elle sera tournée. D'auantage, la difficulté faict que les machines soient plus cōsumées, & que nous ayons indigence de la multitude impetueuse des eaux. Mais nous esuirōs la celerité avec la difficulté ou sera vn torrent, & grāde profundité des riués. Car la mōtée de l'instrument est molle, l'instrument pour la longueur sera faict trespesant. Vne mesme raison est en la magnitudine & paruité. Car le petit instrument est tourné facilement, mais il arrouse tardiuement,

Et l'usage d'iceluy est ou la terre qu'il faut arrouser, & est petite, & le fleuve profond court doucement, & les riuës sont profondes. En causes contraires nous vserõs des grâdes machines. Il est vn autre maniere de machine (cõme i'enten) dicte Augustana, qui est toutesfois cõprise sous ce gerre. La colomne, ou l'arbre tournable est A B: la roüe avec les pieux est tournée du fleuve iouxe le moyen qu'auons declaré cy dessus, quand nous auõs parlé de la translation des mouuemens. En ceste colomne sont les lanternes selon le nombre des viz, sca-

La machine
dicte Au-
gustana.



uoir est, C D E F G H K, & les viz sont selon le nombre des vaisseaux, & les vaisseaux sont selon la profondeur; les vaisseaux sont L, M, N, O, P, Q, R, fichez en la colomne S T. La colomne A B tournée toutes les viz tournent aux lanternes, desquelles la plus basse C, puise l'eau du fleuve qui est dessous, & la jette dedans le vaisseau L, duquel la viz D, puise, iettant l'eau dedans le vaisseau M, & ainsi par vn mouuement de la colomne A B, en L, D en M, E en N, F en O, G en P, H, en Q, K en R, espandent l'eau, puisans des vaisseaux qui sont sous elles, R iette l'eau par pertuis V, au lieu destiné, de rechef vient vne doute: pource que les viz ne doiuent ietter l'eau, quand monte l'entrée supérieure. pourtant nous auons fait la premiere viz treple. Mais elles semblent espandre l'eau en sautant, quand elles montent: car comme j'ay monstré, les parties descendent, & toute l'eau descend: pour ceste cause l'eau comprimée saute, mais non cõme quand l'entrée

de la viz descend, ains quand plusieurs viz sont mises alentour d'un mesme effueil, non seulement est faite vne continue effusion des caues, mais aussi esgale. Et cecy soit dict des machines iouxtes les premiers gerres & especes des mouuemens. Mais apres que j'ay parlé des mouuemens naturels, qui sont faits au lieu, il est raisonnable que nous entendions que c'est que lieu. Car il est supposé, que le lieu est le cinquiesme principe des choses naturelles: & telles suppositions selon les sens sont plus fermes & valides, que les demonstrations. Il faut donc sçauoir que c'est que le lieu. Le lieu donc est l'vltime superficie du corps, enuironnant le corps cōtinu: & ceste superficie demeure, le corps separé, pource que elle est comparée au circuit du Ciel. Il est donc manifeste, que tout lieu est egal au corps en luy contenu exactement: & que tout corps est au lieu, & qu'en tout lieu est vn corps. Car tout corps a son extreme superficie, & quand il n'est autre corps, dont soit contenue ceste superficie. comme chose vltime, le Ciel est son lieu: & les autres corps sont cōtenuz d'un autre. Mais par semblable raison le lieu ne peut estre sans corps, si tout lieu est vltime superficie contenant vn corps. Mesmement le lieu est eternal, car l'extreme superficie de la rotondité celeste est immuable, en tant qu'elle contient le corps & l'vniuers. Le lieu donc comme en general est eternal, immobile, & immuable: mais comme superficie de certain corps, il est mué par la mutation des corps, & ne demeure. Le lieu donc ou Alexandre estoit assis en Babylone ou en Susis demeure encor, mais lors il estoit en l'air en la cité & en la maison, maintenant peut estre qu'il est au champs, & mesmement sous terre. Et le lieu demeure où le tresfaçon & elegant Cicero prononçoit ses oraisons au theatre public: mais lors il estoit sus la terre en l'air, maintenant peut estre qu'il est souz la terre depuis augmentée. Et en chaque lieu par le changement des temps ce faisant, seront hommes infinis, & autrefois y ont esté, si vraye est l'opinion d'Aristoteles, touchant l'eternité du monde. Trois choses donc sont tousiours avec nous eternelles, l'esprit, la matiere, & le lieu.

*La definition
du lieu.*

*La diuision
des principes
naturels.*

Mais il n'est licite de muer l'esprit ou la matiere, il est permis muer le lieu, & en prendre vn autre. En quelque lieu donc que nous allons, nous allons à vne chose eternelle. Et le lieu où maintenant i'escry est eternel, & peut estre qu'en iceluy ont esté plusieurs rois & sages homme. Ils sont donc cinq principes des choses naturelles, la forme, l'ame, le lieu, le mouuement. Le temps n'est principe, mais il suit le mouuement, toutesfois il semble estre proche au principe: car rien n'est fait sans luy, mais nous en parlerons cy apres. Le repos pareillement n'est principe, ains est priuation de principe, comme la mort, le froid, siccité. Semblablement la repugnance des corps & vacuité ne sont principes, car i'ay montré qu'elles dépendent de la forme, & vne autre fois le monstrey. D'oc de ces principes selon le gerre chacun est eternel & premier, autrement ils ne pourroient estre principes. Mais l'esprit, la matiere, & le lieu sont de soy eternels. La forme & le mouuement en partie sont eternels entre les choses celestes, en partie mortels aux choses qui sont constituées sous le ciel de la lune. L'ame en la partie par laquelle elle entend est eternelle, en l'autre partie elle est mortelle. L'esprit, le lieu, & le mouuement n'ont point de corps, & l'esprit est totalement absent du corps, le mouuement n'est point sans corps. L'ame, la matiere, & la forme sont necessairement avec le corps: l'ame toutesfois ne semble estre partie d'iceluy. Or qu'ils ne peuuent estre plus de cinq principes, il est par ce demonstré. Des choses qui sont, aucunes viuent, aucunes non. Et toutes choses sont regies & sont faictes & demeurent. Le corps d'oc demeure au lieu. Les choses sont faictes de la matiere & de la forme: elles sont regies de l'ame, laquelle aux choses les plus excellentes est l'esprit, & est separée du corps, mais aux corps elle est le principe de la vie. Et la cause pour laquelle ces choses demeurent, est le mouuement semblablement est la cause de generation & des autres choses de mesme gerre. Veu que ces choses sont quelque mouuement, & sont faictes & demeurent par mouuement, il s'en suit que le mouuement est vn principe. Qu'il suffise auoir enseigné iusque icy des principes se-

lon le sens, & comme il appartient à ce traité. Il reste maintenant que ie declare vacuité n'estre donnée, demonstrent diligemmet cecy outre les trois raisons sensibles cy dessus alleguées. Je monstreray par semblable raison ce que i'ay supposé cy dessus de la repugnance des corps. Car i'ay dict que deux corps ne peuuent estre en vn mesme lieu, qu'un corps ne peut estre en deux lieux, & que le lieu ne peut estre sans corps. Maintenan donc de ce dernier derechef monstré, les autres choses serot manifestes: car ie n'ay proposé de monstrer chacune chose en ce liure, mais de traicter les matieres par chapitres & abbreviations. Premièrement donc vacuité n'est point. Comment ce qui n'est point, peut il faire quelque chose? Secondement, si on admet, qu'elle soit vacuité n'est substance, & ne procede de substance, & pour dire en brief ce n'est rien, & pourtant elle ne peut auoir aucune operation. Peut estre que quelqu'un dira, nature auoir excité le mouuemet par craincte de vacuité, ou à fin qu'elle euite. Ce n'est le poinct. Car veu que l'air est plus rare, que l'eau, il a fallu premieremēt deuant que l'attraction soit faicte par le moyen de vacuité, veu que l'eau monte par la consecutiō de l'eau, il a fallu dōc la premiere estre tournée en l'air, & l'air derechef en feu, qui est plus rare que l'air: & apres le feu estre tenué, & finablement ceste attraction estre faicte. Mais nous voyōs l'eau n'estre conuertie en air, ains l'attirer, ainsi de l'air, auant qu'il se conuertisse en feu: nature donc faict ceste attraction, non par craincte de vacuité, veu qu'il y a tant d'entremeditations, ains par craincte de rarité, qu'ils disent estre de vacuité. Et n'y a cause pourquoy i'appelle avec Auerrois attraction violente: car totalement elle est naturelle, ainsi que le mouuemet de l'eau, quand elle a esté en l'air, & qu'elle descend: car violement elle repose, & pource naturellement elle est mouuée. Ainsi l'elemēt qui attire pour cause de rarité, souffre violence, de laquelle il se deliure par le mouuement. Or que de ce mouuement la chose graue soit tirée en haut, ce aduient par cas fortuit, & ja pourquoy elle est attirée, aucunes fois violence, aucunes fois non, cōme si la chose legere est attirée en haut. Il suffit que

Demonstration que nul mouuement est de vacuité.

Attraction faicte de rarité n'est violente.

le mouuement fait du principe est naturel. Mais il est fait maugré, ou pour le moins sans l'aide du patient. Ains plustost ce qui est moitié de lieu en autre, est mouué de son gré, comme l'element simple ou composé, nō comme chose graue ou legere. Comme celuy qui en horte son fils au peril de sa vie, quand les murs de la cité sont assiegez des ennemis, exercer pieté : ou il ne contraindroit pour l'amour du bien public, ce faisant, il se-

*Comme les
fais facilement
sont mouuez.*




roit estimé cruel. Or maintenant venōs aux mouuemēs des choses graues & pesantes. Ce mouuement ou il est libre, ou il est fait par le fais adioint, cōme en vn liure ou balancé. Coustumieremēt on fait vne questiō: pourquoy les fardeaux sont plus agitez par autres fardeaux? Car que le fais B, soit mouué par le manche A sus la fourcelles C, il est certain si vn fais est mis sur le manche comme du plōb

iusqu'à certaine mesure, que plus facilement il descendra des costez au milieu par l'ayde du fais mis au contraire, plus difficilement il sera mouué du milieu vers les costez. Pource il faut auoir certaine mesure du pois iusqu'à laquelle la facilité du mouuement est augmentée: & si tu la passes, le mouuement en est plus difficile. Pour ceste raison ils mettent des manches & pommes plus pesantes aux espées, à fin qu'elles semblent estre plus legeres, & soient maniees plus aisemēt. Mais en cecy faut garder le moyen & mediocrité. I'ay adiousté pourtant que plusieurs instrumens propres à puiser l'eau sont tourneés par la force des hommes, des iumēs, ou autres bestes. Et combien que les machines soient tournées de la legere impetuosité des eaues, toutesfois les pois adioustés aux manches sont les mouuemens plus faciles. Pourtant il est licite par la seule impetuosité des eaues coulantes de pousser les eaues iusques aux lieux supremes, & arrouer les champs des plus basses eaues.

*Cōment l'eau
pousse l'eau
en haut.*

Mais ce seulement aux eaux qui courent, & ont en courant impetuosité. Car d'un costé soit adaptée la machine Ctesibique ou Bramblique, ou autre de semblable gerre, car (comme i'ay dit) elles peuuent estre innumerables manieres de machines, i'açoit que celles cy soient les plus elegantes, exceptee la viz: & (comme i'ay enseigné) que le mouuement alternatif du manche soit fait de la rouie tournée avec les aubes, dictes pinna: ainsi aduiendra que l'eau de son bon gré se pousse soy-mesme en haut: car l'art la contraint faire contre sa coustume, lequel exemple aucunes citez suyuent qui sont posées en places hautes loing du fleueu.



Apres ces choses il faut voir des pois qui sont mis en la balance. D'oques vne liure soit, de laquelle la queue soit pēdue en A, & la lancette où sont ioints les costez de la balâce soit B, & la balâce soit CD, il est manifeste que C D est mouué alentour de B, comme alentour de quelque

De la balâce & de sa mesure.

centre, pource que C D ne peut estre separé de B, & que l'agle A B C & A B D soit droit, ie dy que le pois mis en C sera plus pesant que si la balâce estoit mise en quelque autre lieu, à sçauoir qu'elle fust mise en F. Or afin que nous cognoissions que C est plus pesant en telle situation qu'en F, il est necessaire qu'il soit mouué en temps egal par plus grād espace vers le cētre. Car nous voyons que les choses plus graues par pareille raison estant aux autres, sont portees plus legèrement au cētre. Or que ceey aduienne plus par le pois, & par la liure plustost collee en C qu'en F, ie le mōstre par deux raisons. La premiere raison est, que si en aucun tēps le pois est mouué de C en E, & que l'arc C E soit egal à F G, qu'il descendoit de F en G plus tardiuemēt que de C en E, & ainsi il en sera plus legier en F qu'en C. La seconde raison est, que (le cas posé) le pois fust mouué en egal espace de tēps de C en F, & de F, en G, encores par l'arc C E egal à G. Approchoit-il plus au cētre que par le mouuement

c iiij

faict en l'arc F G. Poutât donc par deux raisons le pois
 poifera plus, la balâce posée droictemēt avec la lancet-
 te qu'en tout autre lieu. La premiere raison est ainsi de-
 monstree. Il est manifeste aux balances & à ceux qui le-
 uent les fais, que tât plus le fais est loing de lácette, tant
 plus il est pesant: or le pois en C est loing de la lancette
 par la quantité de la ligné B C, & en F par la quantité de
 la ligné F P, mais C B est plus lógue que la ligné F P se-
 lon la quinziesme demōstration du troisieme liure des
 Elemens d'Euclides: il s'ensuit dōc que la balance posée
 en C, le pois semblera plus pesant qu'en F, qui est la pre-
 miere raison. Mesmement il est manifeste de ceste de-
 mōstration que la liure rend le pois d'autât plus pesant,
 qu'elle descēd de A vers C, & d'autât est mouuē plus le-
 gierement: mais de C vers Q par raison cōtraire le pois
 est rendu plus leger, & le mouuement plus tardif, ce que
 l'experience enseigne. La seconde raison est ainsi demō-
 stree. Pource que C E est egal à F G, que C H egal à C
 E soit pris, & C H sera egal à F G, parquoy la ligné droi-
 te tiree soubs C H est egale à la droite tiree soubs F G.
 Donques de la huitiesme demonstration du premier
 des Elemens d'Euclides, l'angle B F G sera egal à l'angle
 B C H. Poutât les lignes F L & H K tirees droictemēt,
 l'angle F G L est plus petit, lequel seroit coēgal à l'angle
 B F G, selon la cinquieme demonstration du premier
 des elemens, ie dy plus petit que l'angle K C H. Dōc le
 costé H K est plus grand que le costé F L: car les lignes
 droictes F G, & H C ont esté egales, & les rectangles:
 dōc B N est plus grand, que O F: & pource B M est plus
 grand, que O P. Quand dōc la liure est mouuee de C en
 E, le poit descēd par la ligné B M, ou il est rendu plus
 proche au centre, qu'il ne seroit en C, & quand la balan-
 ce est mouuee par l'espace de l'arc F G, & descēd par O
 P, B M est plus grand que O P. Poutant supposé, qu'en
 temps inegal le pois passé de C en E, & de F en C, en-
 cor descēd-il plus legierement de C, que de F. Pout-
 tant le pois est plus pesant en C, qu'en F. Et de cecy est
 monstré ce que dit le Philosophe. Que si les pois sont
 egaux en F & en R, la balance toutesfois de son gré re-
 tourne à la droicte situation C D, où est la languette A

*Pourquoy la
 balâce vuide
 retourne au
 lieu droit, ou
 quād les pois
 sont egaux.*


B. Et Iordanus ne demõstre cecy, & ne l'a entẽdu. Semblablement pourquoy la languette posee à QB, & plus bas, que la liure, comme il aduient quãd la liure est renuersee, que tu tiennes de ta main la languette, la liure deffoubs, le pois qui ia auoit descẽdu tirẽ vers R, ou vn autre pois egal soit cõstitue en F, que les balances soient totemẽt vuides, non seulemẽt elles ne retournẽt point vers la situation CD, cõme en lieu droit, mais plustõst R descend vers Q & F monte vers A, comme il est manifeste par experience. Pareillement Iordanus ne demõstre cecy. Aristoteles dit que cecy aduient, quãd la languette est au deffus de la liure, pource que l'angle de la borne QBF est plus grãd que l'angle QBR. Et semblablement quand la lãguette sera QB, la borne sera AB, & lors l'angle RBA sera plus grãd que l'angle FBA: mais le plus grand angle rend le pois plus pesant: donc quand la languette sera sus F, F sera plus pesant que R, pourtãt F attirera la liure vers C: & la languette estant plus bas que R, R sera plus pesant que F, pourtãt attirera la liure vers Q. Et si quelqu'vn obiecte, dõc le pois sera plus pesant en F, qu'en C, la lãguette apanchee en A: de laquelle chose l'opposite est ia mõstrẽ. Icy nous respondrõs, que l'angle plus large depuis la borne fait le pois plus pesant, quand les lignes droictes sont egales: mais comme il est ia demõstrẽ, le pois en C plus est loing qu'en F, tãt de la borne que de la languette, pourtant la mesure de l'angle ne tient point là: mais quand nous faisons cõparaison des pois en F & R, lors egalement les pois sont loin tãt de la lãguette, que de la borne: lors faut cõsiderer la mesure de l'angle. Dõcques ceste raison est generale, qui tãt plus les pois sont loing de la borne, ou ligne de la descẽte par la ligne droicte ou oblique, c'est à dire par l'angle, tant plus sont pesans. Mais premierement il faut regarder la grãdeur de la ligne droicte: quãd les lignes droictes sont egales, lors tãt plus l'angle sera grãd, tãt plus le pois sera pesant. Si dõc BC est tirẽ vers QC, il sera esleue, & sera moins distãt du point B, & pource rẽdra le pois plus legier, & l'escu du pois legitime semblera n'estre assez pesant: & mis de l'autre part, l'escu qui est trop legier semblera estre de pois legitime. Mais

*Comment les
escus de pois
semblẽt estre
trop legiers,
& les legiers
semblẽt estre
de pois.*

*Pourquoy les
pois sont mou-
uez vers le
milieu.*


quãd les balances sont vuides, la fraude est descouuerte, ou en changeant de place la piece, & la marque du pois. Mais pourquoy les pois cherchent-ils estre mouuez vers le milieu? de cela solution est facile, si on sçait bien ce que nous auons dit. Car le pois en F, tandis qu'il vient vers C, il est fait plus proche au centre, auquel naturellement la ligne P B est portee: & aussi tãdis que la ligne B Q est portee de C en Q, & ainsi l'intention du pois est d'estre porté droitement au cẽtre: mais pource qu'il est empesché par ligature, il est mouué, comme il peut, & ainsi de la dextre ou fenestre vers le parmy droitement & le milieu. Mais tu diras, pourquoy donc quand la balance est vuide C, n'est-il mouué vers Q? le respond, que lors D seroit mouué vers A, mais il est veu & cognu par la raison de la ligne droite, C posé en Q, D en A, qu'il seroit encore autãt perdu de la partie de D, qu'il seroit augmenté à C, & ce qui seroit perdu de la partie D, seroit plus contre nature, que ce qui seroit acquis & augmenté à C selon nature: ce seroit donc plus grand detrimẽt que de profit. Pourtant les pois estans egaux en C & D, non seulement ils ne seront ostez de leur gré de telle situation, mais ils ne retourneront ostez par force.

*La maniere
de faire vne
liure qui mō-
stre les pois
plus grands
qu'ils ne sũt.*



Ces raisons considerées, nous pouuõs faire vne liure, laquelle vuide semblera estre egale au poix, & qui represente le poix des marchandises plus grand que les marques legitimes des pois: de laquelle la façon est telle. Celuy qui voudra vne liure, qui monstre douze onces pour onze, qu'il prenne vne verge de cuyure A B, dite le fleau qui soit diuisee en xx. & trois parties egales, car autant sont de parties, quand onze & douze sont ioint ensemble. Que la languette de l'equilance & le clou de la chasse dict agina, soit fiché en la fin de l'onziẽme partie, & au commencement de la douziẽme. Il est manifeste, que D C est plus grande que

l'onzième partie AD : & quand DC est vn peu plus grand & pesant qu'AD, nous le rendrons plus léger par vne lime, ou nous mettrons vne balâce plus legere en C qu'en A, en sorte que quand les balances vuides sont de la longueur de AC, la raison de tenuité recompensee, que la languette soit sous la casse, la liure ne penchant aucune part: à laquelle toutesfois quād nous aurons mis de la partie de C le poix des onze onces, & la marque du poix de douze onces sera mise en la balâce A, la liure demonstrera l'equilance. Quand donc les marques des poix ne sont adulterines & fausses, la liure ne semble vicieuse & fausse quand les balâces sont vuides, la fraude manifestement est cōme quand les marchandises, & les marques du poix sont chāgées de place en autre, cōme ainsi soit, que les marques du poix soiēt en C, & les marchandises en A. Car le costé C descendra embas pour deux causes, & pource que le poix est plus grād à la balance, & pource que la partie CD, est plus longue, que DA. La raison de la liure de laquelle nous auons parlé en Arithmetique, est plus difficile & obscure. Or maintenant, pource qu'elle a affinité à ceste presente consideration, il sera bon d'y en adiouster autant qu'il sera necessaire à ce propos. Donques toute la raison de cecy consiste en trois choses, desquelles la premiere est d'Ar-



chimedès aux paraboles, & est ou la regle de la liure est estimee de nul poix. La raison des poix estans en equilâce est comme celles des distâces de la languette mutuelle. Cōme si D pēdu en C fait l'equilâce avec G pendu en F, & la proportion de FB à BC est quadruple, D aussi sera quadruple à G. La secōde chose est que quād le poix sera pendu seulement à la partie la plus

La maniere de la liure vulgairément dite à Paris vn traineau, degnoy soustunièrement vsent les tisserans, en Latin statera.

breue, & la regle sera pondereuse, egale en magnitude & poix, & que l'equilace soit fait, la proportiō du pois pendu sera au pois de toute la regle, comme les differences des parties de la regle au duple du pois moindre. Exēple, le poix D pendu en c face l'equilace avec la verge, ou le fleau BL sans autre pois, & ainsi soient $B L$ & $B c$, cōme i'ay dict, & que $B k$ soit fait egal à $B c$, lors ie dy que la proportion de D aux pois $c L$, est cōme du pois $L k$ au pois $k c$. Mais de ce nous auōs vne regle: le pois cogneu $c L$, & $c k$, pour cause d'auoir le pois D , no^s estimerons $k L$, qui ait en soy, par maniere d'exēple, 40, ainsi est fait 1600. diuisé par le pois $c k$, qui soit de 16; de ce sortir 100, à ce adiouste le pois $L k$, qui est de 40, le poix D est fait de 140. Et ainsi en toute mesure que nous voudrōs nous pourrons scauoir combien de pois la liure presente. La troisieme chose consiste de ces deux premiers, & est si la verge ou fleau, est estimee sans pois, & de la partie qui est la difference des longitudes depuis la chaffe, vn pois egal soit estendu par toute la verge, il aura egale pesanteur avec le mesme pois pendu au point distant l'equille de la liure par la moitié de toute la verge. Que $c L$ soit la verge, & soit de nul pois: & que $c B$ soit egal à $B k$, & que le pois soit avec estedu egalement, que souz la figure du triangle il face l'equilance avec D pendu en c , & que le pois G soit pris egal au pois estendu avec la verge, & que $B M$, soit la moitié du tout $c L$, ie dy que G suspendu en M fera l'equilance avec D , & ainsi egalemēt chargera, comme estendu avec le tout $k L$. Qu'ainsi soit donc qu'en M il face l'equilace avec le D , donques par la premiere de ces proportions la proportion de $M B$ sera à $B c$, comme de D à G . Semblablement pource que D avec G coēstendu à $k L$ fait l'equilibre, si donc vne chose egalement pesante estoit adiouste par toute la partie de $c k$, encore feroit elle l'equilace, pource que $B c$ & $B k$ sont egaux, & lors seroit la proportiō du pois D au pois $k L$, ainsi comme du pois $L c$ au pois $G k$ selon la seconde proportion muee: ce seroit donc comme de la longitude $L c$ à $c k$, pourtant que le poix est egalement distribué. Mais comme est la proportion du pois D au pois $L k$, ainsi de D à G .


car il est supposé que G & L k sont egaux: dōques comme la proportion de L c est à c k , ainsi de M B à B c , parquoy en permutant comme il est de G k à c B , ainsi est il de L c à M B , mais c B est la moitié de c k , donques B M est la moitié de L c , & est ce qu'il conuenoit demonstrier. Mais pource que c B est la moitié de c k , & B M est la moitié de c L , il s'ensuit que M k soit la moitié de k L , & est ainsi comme s'il estoit suspendu au milieu du lieu auquel il est coëstendu. Vn chascque pois donc, selon Archimedes, tant soit-il inegal, comme le triangle, il apporte autāt de pesanteur coëstendu sus la verge, dicte le fleau, qu'il fait s'il est suspendu du cētre au lieu où le cētre de la pesanteur est situé droitcēmēt par le milieu. Or cecy supposé generalēmēt jaçoit que le pois ne soit estendu iusque à la chaste de la liure: mais coëstēdu (par maniere d'exemple) par L F , & le cētre d'iceluy soit droitcēmēt en E , lors (dit-il) est comme s'il estoit suspendu en E . De ces choses, comme i'ay dict en Arithmetique est colligee la maniere de faire les liures & balances.

Seulement maintenant conuient monstrier comment la liure dicte vulgairemēt à Paris vn traineau, en Latin Statera, peut estre parfaicte, combien que les marchāds vsent de la liure en leurs precieuses marchandises. Que ceste liure donc soit diuisee en la maniere & coustume avec son pois ou pommee auxiliaire, qui est G mobile & changeant de place, & que G equipole en F à D : puis donc que D equipole en F à G , & mesmement il equipole à la reigle k L . Car que N soit mise vne partie de D , qui fait l'equilāce avec L k , & o l'autre partie de D , qui fait l'equilāce avec G . Donques selon la premiere reigle la proportion de o a G , est cōme de F B à B c . Mais la proportion de N à L k , est comme L k suspēse en M selon la tierce reigle, comme L c est à c k selon la seconde reigle. Poutant premierement mettons le pois N au droit de D : apres quand l'equilāce est faicte, l'addition de o est tousiours selō la proportion à G , comme de la partie L B à B c . Selon donc les egales augmentations B L , o croistra: mais N tousiours demeure: poutant selon les egales augmentations des parties B L , le pois D croistra. La liure donc ou traineau seroit egale, si le pois qui fait

*La cinquieme
me parabole
d'Archimedes,
& la huitiesme.*

l'equilance avec L k est mis sus c: apres diuisions les espaces depuis la chaste iusqu'à l par espaces egaux. Mais pource qu'ils ne mettent le pois sus C, il est necessaire que la premiere marque, sçauoir est P, monstre le pois L K, en sorte que si L K poise deux liures, & que le pois D rende deux liures egales, que la marque du premier pois fut en K: mais pource que c posé en k peseroit autant que quatre liures, & que mesinement outre cecy L K fait la pesanteur de deux liures, il faudroit donc que D fut de six liures, pourtant le pois seroit de six liures, & ne seroit seulement ostentation de quatre. Pour ceste cause nous ferons la premiere marque de quatre liures en P, car illec G fait la pesanteur de deux liures, & L K de deux autres: pource le pois D sera des quatre liures, qui fera l'equilance. La marque donc de quatre premieres liures sera en P, & beaucoup moins distante de la chaste que les autres ne sont entre elles. Or les autres egale ment entre soy seront distantes, en sorte que si la seconde marque est en Q, la tierce sera en H, & la quarte en M, & la quinte en R, & la sixiesime en E: pourtant G mis en E, il fera monstre de vingt quatre liures. Il est de cecy manifeste (laquelle chose apporte grand profit) que G est vn pois de soy cogneu, c'est à sçauoir, vne liure, ou biliure, ou triliure. Or les centres des pois sont aux cercles & rectangles en la commune section des deux dimensions. Et en toutes figures equilaterales qui peuuent estre escrites au cercle, le centre de la pesanteur est semblable au centre du cercle enuironné. Or il est supposé en tout cecy que ces choses ponderuses ayent par tout egale espesleur, & qu'elle soient constituees de la matiere, qui prenne par tout egale pesanteur. Et à tous triangles en commune section des lignes, desquelles chacune venante des angles opposites, à chacun costé, diuise choses egales. Et est necessaire qu'elles viennent ensemble en vn poinct en sentrediuisant, quoy qu'Archimedes n'ayt demonstré cecy. Qu'à moy ie l'ay monstré generalement aux elemens de Geometrie, & maintenant ie le declareray tant qu'il en sera requis & necessaire.

*Comment on
a le milieu
des pois.*



Car les costez AB & AC diuisez en egalité en D & E , & les lignes CD & BE tirees, & par commune section les lignes AGH & DE qui sera également distante au troisieme costé, d'où BE , & CD seront egales, pource qu'elles s'ont en vne mesme base BC : BCG commun retiré, CEG sera egal à DBG : or AGE & AGD sont egaux, pource qu'ils sont en bases egales, & entre les lignes equidistantes. Parquoy AGE , & AGD sont egaux. Et entendu, qu'ils sont sus vne mesme ligne AG , ils seront d'egale altitude, qui est l'altitude des triangles FGD , & FGE , qui sont en vne mesme base FG , & pource entre eux sont egaux. Et pource que BC est également distant de DE , de la 29. demonstration du premier liure des Elemens d'Euclides, & de la 15. & du liure mesme, DGE , & BGC seront angles egaux: & la proportion de BG à GE , est cōme de CG à GD : mesmement selon les predictes demonstrations, CGH , & GEP sont egaux, & semblablement CGH , & DGF . Parquoy la proportion du triangle BGH à EPG , est cōme la proportion de BC à GE duple: & la proportion de CGH à DEF , est comme la proportion de CG à GD duple: & comme il est dict, la proportion de CG à GD , est comme de BG à GE , parquoy la proportiō de BGH à EPG , est comme de HCG à DFG : pource que DFG , & EPG sont egaux, BGH , & HCG seront egaux: & entendu qu'ils sont entre lignes equidistantes, ils seront aux egales bases BH , & HC : pource tous les triangles ABH , AHC , CDB , CDA , BEC , BEA , serōt la medieté de ABC , parquoy le triangle mis sus G , ne pourra estre encliné vers aucune partie. Or le centre de section de la parabole & figure du triangle est en la ligne qui fait le diametre d'iceluy, lequel est depuis le coupeau iusques au milieu de la base en ce poinct qui est plus distant par le parmy de la sommité de la figure du triangle, que de la base qui est la

ligne droite posée souz l'angle de la figure du triangle. Quand donc vne verge sera posée égale à c l du pois de sept onces, & l'anneau de la pomme du pois posé en b , en sorte que k l soit de dix, & k c de quatre, & g soit vne liure, ainsi nous constituerons la liure que vulgairement on appelle vn traineau. l'estimeray le poix l k, qui est de cinq en soy, & est fait vingt-cinq: ie diuise par le poix k c, qui est de deux, est fait $15 \frac{1}{2}$ auquel i'adiouste cinq onces, l k, & est fait $17 \frac{1}{2}$: ie mettray donc

c d vn lié de fer estre cinq onces. $1 \frac{1}{2}$, & le pois l k demeurera d'vne liure. Quand donc nous aurons mis g en k , il sera égalé à vne liure, & faudra adiouster vne autre liure en d , pour cause de l k, pourtant nous monstrerons en k deux liures, & ainsi l'escriros: apres en s trois, en t quatre, en f cinq, en v six, en z sept, par espaces égales. De ce il est patent que toutes les espaces pourrôt estre distribuees en onces, excepté le premier b k. Nous pourrions toutesfois le diuiser, afin qu'il soit estendu en la liure b , & les onces à b adioustees en k par espaces égales, le signifieront, la premiere treize, la seconde quatorze, la tierce quinze, & ainsi des autres.

Pourquoy les liures sont aucunesfois meilleurs que les traineaux.

Or de ces choses la cause est patentente pourquoy les liures & balances sont aucunesfois plus seures que les traineaux: Dés le commencement cecy a esté proposé: Car au traineau, dict statera, il est difficile de constituer la verge tant exactement en magnitude comme aux balances: & si elle est iuste en magnitude, elle ne le sera au pois: car à peine ce pourrons nous faire. Secondement, il est difficile de diuiser du tout également par intervalles égales. Tiercement, le pois rarement est pendu en l'extreme partie c , lequel quand il est pendu oultre, il fait confusion.

Elles sont plusieurs autres additions qui corrompent le traineau, desquelles nulle est en la liure. Pour ce les choses precieuses coustumieremēt sont pesees, non au traineau, ains à la liure. Or il y a grand esgard à l'exacte composition du traineau, que c soit leger, & l c, & que l b soit treple à b c, car ainsi l k sera égal à k c, &

K C, & que les liens C D soient en l'extreme partie L C, & de pois egal avecques L C. Car ceste maniere de traineau est proche à la liure.

L'experience enseigne combien de pois les peaux de cheure soustiennent en l'eau pour construire le pōs. Car la vessie plaine d'air qui peut tenir cinq liures d'eau & vne once, soustenoit le pois de quatorze liures & demie de tuiles: donc il'aduient que les peaux de cheure peuuent tenir en l'eau des fleues presque la treple partie du pois de l'eau, de laquelle les peaux sont capables. Aussi ne fault obmettre qu'il aduient par le moyen de densité que les hommes quand ils se sont tenus en l'eau sus le dos qu'ils ne tournent ne çà ne là, comme ioueurs de passe-passe se tiennent immobiles sus les cordes, & n'enfocent dedans l'eau. Toutesfois veu que cecy de soy-mesme est difficile, il est fait plus difficile pour le mouuement & inegalité de l'eau. Iusques icy nous auons traicté des principes des choses naturelles.

Quel pois les peaux de cheure soustiennent en l'eau. Cōment l'homme se tient immobile & sus le dos au dess^{us} de l'eau.

Fin du premier liure.

DES ELEMENS, MOV-
VEMENS, ET ACTIONS,
D'ICEVX.

Liure deuxiesme.



R maintenant traictons des Elemens qui cōsistent & sont faitcs de la forme & premiere matiere, & semblent quasi estre animez. Les Grecs les appellent *στοιχεα*, c'est à dire, Elemens ou commēcemens. Il faut premierement sçauoir, combiē, & quels ils sont. Aristote les estime qu'ils sont quatre, la terre, l'eau, l'air, & le feu. Pareillemēt elles sont quatre qualitez. Elles seu-

Du nombre des Elemens.

d

les & separees ne constituent vn element: car elles n'auroient la vertu de faire & de souffrir: & ne peuuent aussi estre plus de deux ensemble, de peur que choses contraires ne soiet ensemble. Car en quelque maniere que ce soit, si tu en prens, & mets trois ensemble, sçauoir est, de chaud, de froid, de sec, & humide, il est necessaire de receuoir chose contraires. Or le chaud ne peut estre ioinct avec le froid, ne le sec avec l'humide. Pourtant les qualitez iointes deux à deux, non cōtraires, seulement seront ensemble quatre coniugations qui feront quatre elemens. Entre le lieu infime, & le supreme il est necessaire que deux lieux intercedēt, & soient simplement au milieu, ie dy le lieu non exactement infime ne supreme: & pource ils sont autant de corps simples, qui sont d'elemens. Nous vons aussi si les arguments probables valent quelque chose, quatre elemens aux corps composez: nul ne peut douter de la terre, de l'eau, & de l'air pour leur magniude & grande profondeur, comme nous voyons de la mer & des eaux, & vniuersellement la profondeur de l'air, & de la terre: mais nous voyons l'accroissement, puissance, & simple matiere du feu, duquel la source est estimee estre au cōcaue de la Lune, plusieurs mesmemēt estiment ces quatre elemēs apparoitre aux distilations: & le sens apperçoit aux corps des animaux autant d'humeurs. Mais outre plus plusieurs pesent, que les Cometes sont faites, pource que les vapeurs sont enflammez par l'element du feu sous le Ciel. Mais certes sous le Ciel de la Lune n'est aucun feu: car veu que le ciel est vne chose tres pure, il n'estoit decent de colloquer vne chose tres-ardate sous vne qui est exēpte de toute qualite, car nature tousiours ioinct les extremitez avec le milieu. Entre la chair & les os, nature a colloqué la mēbrane: entre les os, & ligamēs, les cartilages: entre les os & le cerueau, pource que le cerueau est plus mol que la chair, elle a colloqué deux mēbranes, & la plus dure d'icelles est la plus proche à l'os de la teste. Et la velocite du mouuement ne peut estre la cause, ou l'argument de la chaleur. Car cōbien que les choses qui sont solides soient par mouuement eschauffees, cōme les pierres, le plomb, & les ani-

maux, celles qui se dissipent sont toutesfois d'autant plus froides qu'elles sont plus legerement mouuees, comme l'eau, & l'air: car tous les vés valides & legers sont froids, & les fleuues courás legerement ont les eaux tres-froides. Il est mesmemét vn grand argumét de cecy, que les Cometes ou les flambeaux allument en l'air & en l'eau chaleurs intolerables. Qu'adiuédra-il donc si le monde vniuersel est enuironné de feu? Qui empeschera que le feu n'enfláme l'air, & apres toutes choses, veu que mesmemet la chaleur des estoiles luy aidera? Car Auerrois estime que toute clarté est chaude. Mesmement ils veulent dire que l'air est chaud, & la qualité humide resiste à la chaleur le moins de toutes choses. Comment donc l'air resistera-il au feu qui est le plus vehement & le plus acre de tous les elemens? Pour ceste raison Auerrois ce voyant, à dit, qu'aucunesfois le feu n'est chaud actuellement. Mais s'il n'est chaud actuellement, qu'elle est sa puissance? Nous disons les medicamens estre chauds par puissance, pource que deuorez ils eschauffent. Mais ce feu icy sera-il deuoré de quelques grands animaux? D'auantage si le feu n'est chaud par semblable raison l'eau n'est froide, & ce est cōfondre l'ordre de l'vniuers. Mesmement qui empesche que le feu ne luit? toutesfois ils refurent cecy, comme leger argument. Outreplus, si le feu est en l'air, pourquoy tant plus mōtons en hault, tant plus froid trouuons nous l'air, en sorte qu'ils disent certainement, que les neiges abondent au coupeau des montagnes, mesmement sous la Zone torride? Ce qui n'est de merueille, si quelqu'un considere les neiges estre non seulement en hiuer: mais les gresles tresfroides en plain esté. Or ils obiectent, que tels lieux sont loing de la repercussion de rayons: mais ce peult estre argument de moindre chaleur, non pas de froid. Finablement, si la chaleur estoit hault en l'air, elle y seroit principalement pour cause de la generation des choses: or elle ne peut y estre pour ceste raison, veu que la chaleur celeste est celle qui engēdre, tesmoing le Philosophe, & veu que treslegere chose ne peut monter tāt loing. Peut estre que quelqu'un dira que ce feu est porté en hault: & de ce il cōiecturera que le lieu du feu est

là. Premièrement, ces argumés de rhetorique sont indignes qu'ils soiēt amenez au traicté des choses serieuses. Et ce feu icy n'est de telle nature & propriété, de laquelle ils disent le feu superieur estre, veu que cestuy-cy brusle, reluit, corrompt, desquelles choses ils disent rien n'estre au superieur. Apres ces choses no^s dirons pourquoy cecy aduient, & enseignerons pourquoy il n'aduient tousiours. Et les argumens ne peuuent cela, ains plus tost prouuet l'opposite. Car entre deux extremitez non deux : mais seulement vne meditation coustumierement est assignee, laquelle, si ainsi est ordonnee, non quatre, ains seulement seront trois elemens. Et si ce ne monstre estre trois elemens, trop moins il demonstrera en estre quatre. Et les flâbeaux ou cometes ne no^s mōstrent aucunement que le feu soit là en l'air, veu que le philosophe mesme certifie que les flambeaux & cometes sont faits sous le feu & pres de la terre en l'air, afin que du tout ils ne soient indigens du feu. Et semble que le feu ne soit aux choses mixtes & composees. Car s'il y estoit maintenant, plus tost il seroit en l'herbe dicte euforbium & au poiure, desquels la vertu est chaude & seche grandement, qu'il ne seroit aux pierres tres-froides. Mesmement les distilations seulemēt nous enseignent trois substâces, sçauoir est, eau pour eau, l'huile au lieu de l'air, & la terre qui est au fond. Et si tu dis que la partie de l'huile la plus rouge represente le feu, pour ce qu'elle est tres-aguë & subtile, nous respondrons serieusemēt que telle acuité & acrimonie de saueur procede de la vehemente vertu du feu. L'indice en est que nulle partie de l'huile tiree des matieres participantes des metaux est sans saueur tresacre. Parquoy si tout ce qui est acerrime represente le feu, il faudroit qu'il n'y eust aucune portiō de l'air. Pourtāt nous receuōs à trois elemens seulemēt. Quatre humeurs sont aux animaux. mais en quoy ce profite pour prouuer les elemés? quoy si ie dy avec Thrusianus exposeur de Galenus sus l'art de medecine, qu'ils ne sont que trois humeurs: Toutes-fois le sens (dit quelqu'un) monstre qu'ils sont quatre. Nullement, car ils confessent que ce feu n'est element. Parquoy le sens nous monstre que plus tost ils ne sont

*Trois elemens
seulement.*

que trois, que quatre. Et pource que ce feu consume soudain toutes choses, non pour autant doit estre dict element: car par tel moyen le mouuement seroit elemé: & pource qu'il croist subitement, non pourtant doit estre dict element, car les ras & souris par ce moyé seroient elemens. Or de consumer, ne de croistre subitement, de ce rien n'est en la terre, laquelle toutesfois chascque cōfesse accordement estre element. Toutes ces choses donc sont peu probables à demōstrer qu'ils sont quatre elemens, & que le feu pareillement l'est: ains plus tost, comme nous auons proposé dès le commencement, elles monstrent l'opposite. Restoit cest argument valide, pris des coniugations de qualitez. Mais ils ne considerent qu'ils montrent cecy aux mixtions, car aucunes choses chaudes sont mesmement humides, aucunes chaudes sont seches, & ainsi des autres consequemment. Mais aux elemens pource que chaleur & secheté trop grande eussent tout mis à fin, au lieu d'element: Nature a substitué vne chaleur celeste & bien temperee, dont toutes choses seroient engendrees. Certes par ceste chaleur celeste, & par putrefaction, par mouuement aussi, coustumierement est faicte la matiere qu'ils appellent le feu. Ainsi soit donc, le feu est, mais il n'est element.

Ia bien ie sçay qu'aucuns pourrōt dire. Qui es tu tant audacieux, qui oses donner sentence contre le Philosophie? principalement en vne sentēce tant cōfirmee & ancienne? Secondement, cōment la generation des gresles & de la neige monstera-elle que le feu n'est en l'air, veu que quād il n'y auroit aucun feu, toutesfois il n'est raisonnable telle region estre refroidie, veu qu'elle est illustrée par les rayons des estoiles, & que neantmoins l'air soit treschaud, auquel est situee ceste regiō? Pareillement (dira quelqu'un) quand nous disons le feu estre element, nous entendons dire vne chose treschaude & tresseche: icy nostre feu est treschaud & tres-sec, dont il aduient qu'il n'est composé: car s'il estoit mixte & composé, ils ne pourroit estre tant chaud & sec: parquoy le nostre icy est element. Voicy les argumens que ie iuge pouuoir estre obiectez contre moy, quoy qu'ils ne le

soient. Pourtant afin que ie retourne à Aristoteles, il estoit homme, & a failli en la dissection & en plusieurs choses singulieres. D'auantage ceux qui ont esté apres luy, Theophrastus & Galenus ont failli à plusieurs de leurs escrits. Parquoy s'il a esté permis à Aristoteles de laisser l'opinion de Plato, & le reprendre pour cause de la verité, pour quelle raison ne nous sera-il permis de le laisser, & le reprédre pour la verité mesme? Il s'est efforcé d'affermir aucunes propositions generales, lesquelles l'experience montre estre fausses: sçauoir est, que nul animant sent bon, & que la chose pesante ne peut apparroistre de l'un de l'autre costé, & que certes la terre n'est de l'une & de l'autre partie plus haute que les eaux, ce qui est toutesfois approuué faux. Pourtant si entre mil & mil propositions nous cōfessons qu'il a erré en deux ou trois, nous ne dirons qu'il ayt faict chose indigne d'homme tres-sage. Il a esté mesmement delaisié d'Auerrois en peu de propositions, en aucunes repris, & en plusieurs il est soustenu par sens transposé. Or le soustenir en transposant le sens, c'est proprement le refuter, non pas le defendre. Toutesfois en ce ie ne suis contredisant à Aristoteles: car luy mesme ne veut le feu estre au concaue de la Lune, ne mesmement chose qui soit tres-chaude. Quant à ce qui appartient à la region de l'air, il est manifeste qu'elle est tres-froide, car come ie monstrey, tous les elemés sont tels. Et ce que l'on dict des vapeurs, & de ce qu'on dict antispase, c'est à dire, retraction en haut, c'est chose plus tost semblable à vne fable, qu'à histoire de chose naturelle. Pourtant si on met le feu au concaue de la Lune, & s'il est illec soudain entremeslé, il sera là tresfroid. Donques ie n'oppugne cela, aussi ie laisse l'experience. Certes il est plus manifeste que le iour, l'air estre illec tres-froid, & plus cestuy qui est au concaue de la Lune: mais il est temperé par la proximité des astres, & principalement de la Lune. Et combien que la Lune seulement soit à vne petite partie directement, toutesfois pource que le tout est meslé ensemble, & qu'il est de substâce tres-subtile, menüe, & rare, pource cest air est tres-téperé, tres-pur, tres-clair, & nullemēt obscurci: pour laquelle cause les anciens l'ont

*I. Meteor.
cap. 4.*

*Que c'est
qu'ether.*

appellé ether, & certes à bon droit: le Philosophe mesmement l'a ainsi appellé. Cest ether conuient tresbien à la nature du Ciel, comme ainsi soit qu'il luy est presque semblable en tenuité & temperament de qualité. Car l'ether n'est pourtant temperé qu'il soit mixtionné de chaud & froid, mais pource qu'il est exempt de l'une & de l'autre qualité. Semblablement il ne peut estre dit sec, pource qu'il est fluide: ne mesmement peut estre dict humide, pource qu'il ne humecte point: mais, comme j'ay dict, il est pur & clair, & tresconuenable à la generation des choses, dont nous traicterons cy apres.

Or que l'air soit chaud, nulle experience nous le mostre, nulle raison ne nous contraint de le croire, ains certes il est tresfroid: & cecy consent à toutes experiences sus ce faictes. Les commens, & fixions Chimeriques, & monstreuses des Aristoteliques, à fin que ie n'accuse Aristoteles, sont terminées en questions inexplicables qui sont encore soubz la future sentence du iuge. Pourtant il vaut mieux soustenir la verité, & l'experience en muant quelque peu de chose, que perpetuellement en blasonnât avecques les Aristoteliques ne sçauoir rien de la nature des choses. Qui est celuy, s'il n'est fol qui escoute vn disputant & affermant, que l'air est chaud en l'extreme partie d'enhault, & apres pour cause du seul mouuement, ou des vapeurs sans mouuement, comme en la partie Septentrionale, il est rendu tant froid, qu'il engēdre glace la neige & la gresle, que nul se soit plaint sans la vertu du Soleil de la chaleur de l'air, & tous se complaignēt du froid, & toutesfois ils osent attribuer à l'air nō autre chaleur presque, qu'au feu? Pourquoi le feu veu qu'il est de substance plus tenue, que l'air, n'est iamais destitué de sa grande chaleur, ou que sa nature & ferueur ne s'adoucit? Le ne dy point qu'il deuienne froid. Mais s'ils disent, que cest air n'est point l'air, qui est mouué ou qui reçoit les vapeurs: car il est impossible, mesmement selon Aristoteles, que la substance demeure quand tant grāde transmutatiō est faicte d'une chose treschaude en vne tresfroide: ce est manifeste, que l'air qui nous environne est froid, ou pour le moins temperé, comme situé iouxte le

L'air naturellement est froid.

Ciel de la Lune. Car toute la quantité de l'air, entant qu'elle consiste des flammes pures & claires, que l'on dict ether en 24. heures fait le tour par le mouuement du Ciel: & mesme Aristoteles admet, que toute ceste machine de l'air est froide ou temperé: laquelle si elle n'est point air, il nous en faut chercher vn autre, peut estre sus le Ciel, ou au profond de la terre.

*Le nombre
des elemens.
Il demonstre
que tous ele-
mens sont
froids.*

Doncques ils sont trois elemens, la terre qui est tresdense & pesante & est posée en bas: l'air qui est tresrare & leger, est colloqué en la supreme partie: & l'eau est au milieu des deux. C'est chose commune à tous elemens, qu'ils n'ont de chaleur natiue: car il n'est aucune chaleur que du Ciel, & consequemment de l'ame, & de la clarté. La terre pource qu'elle est trop crasse & espesse, l'air pource qu'il est trop rare, semblent estre les moins froids: mais l'eau qui est de substance moyenne entre deux, semble estre tresfroide. Quand donc l'air s'empessit, il semble estre plus froid: mais s'il ne reçoit quelque qualité estrange, il est estimé presque temperé pour cause de sa tenuité, & ne l'est toutesfois, mais par puissance il est tel, pource que facilement il est mué. Outre, quand les choses froides de leur bon gré se condensent, elles sont faites plus froides, ce que la glace demonstre. La terre pour cause de la rarité admet la chaleur, & pourtant est estimée estre moins froide, pour ceste cause les pierres sont trop plus froides, qu'icelle. L'air pour cause de la clarté presque temperée, & facilement mué par la rarité, est estimé non seulement n'estre froid, ains estre chaud, combien que tous elemens esgalement soient tresfroids de leur propre nature. Les regions Septentrionales, les nuits, & les coupeaux des montaignes en font la demonstration, & mesmemét la raison le demonstre. Car toute chaleur est des astres. Or les elemens entendus qu'ils sont purs sont sans la chaleur qui est des astres. Car la chaleur des astres mue incôtinnet: & ce qui est mué, n'est semblable, ains different à ce dont il a esté mué: parquoy (si ainsi est) l'elemet sera composé de chose pure, & chose muée, & ne sera simple. Les elemens sont donc tresfroids, c'est à dire, qu'ils sont du tout sans chaleur. Certes frigidité n'est autre chose

que la priuation de la chaleur. Mesmement les elemens different en humidité : car la terre est tresseche, & l'air treshumide, & l'eau est colloquée au milieu. Je dy le sec, qui est sans humeur, & pource pesant, car il n'est espars. Car quand la premiere matiere n'est esparse, elle est moult dense, & pourtant y a beaucoup de forme, & de pesanteur. L'eau est au milieu en toutes ces choses. De cecy donc est manifeste, que les astres & estoilles sont chaudes : car si toutes estoilles ont clarté, toutes aussi l'entremessent. Or les elemens de leur propre nature sont sans chaleur, & clarté : & rien ne peut estre moins que ce qui n'est point. Doncques toute clarté est chaude, & entremesse sa chaleur : pour ceste cause tout astre est chaud. Saturnus est dict froid seulemēt par comparaison faicte aux autres planettes: car il n'entremesse tāt de chaleur, qu'il puisse ayder la generatiō aux hommes, ains il empesche, comme l'eau tepide meslée à l'eau bouillante, rend moins chaude. Pour ceste cause Saturnus est plus vtile aux grains semez que Iupiter, pource que les grains ont besoing de chaleur moderée, comment elle est en Saturnus non en Iupiter. Toutesfois Saturnus n'est moderé pour la propagation & multiplication des hommes. Doncques tous astres sont chauds, & tous elemens froids. Derechef le Ciel n'est chaud ne froid. Plusieurs sont deceuz aux elemens pour cause de la chaleur violente, ou imprimée en iceux. Car par l'actiō des astres, aucunes parties des elemens viennent à commixtion, & sont faictes telles par puissance, ainsi que poiure est chaud : mais telle commixtiō n'est element, ains chose composée d'iceux en partie. Le feu aussi qui est allumé par la collision & touchement des pierres, est vne chaleur des astres au corps rarifié. Dōcques les choses mixtes peuuent estre muées par chaleur violente, aucunes par chaleur corrompue, comme aux choses putrides: aucunes par puissance, cōme aux grains & semences principalement: aucunes par chaleur imprimée, comme en l'air au temps d'esté: aucunes par chaleur naturelle, comme aux animaux. Il est dōc manifeste pourquoy la vie est longue aux coupeaux des montaignes, pour cause de l'air qui est illec pur, nō pas

*L'air le plus
salubre à la
vie.*

en Ethiope, pour la chaleur: non pas aux vallées, pour ce que l'air n'y est simple & pur, mais peult estre chaud & composé. Doncques en la region temperée ou les vens de l'Orient soufflent, la vie y est salubre, diurne & longue. Mais vne autre fois nous parlerons de cecy. Qu'il iustisse maintenant de scauoir seulement qu'il n'y a que deux qualitez seulement, la chaleur du Ciel, & l'humeur des elemens: le sec & le froid sont les priuations d'iceux; Et de cecy nous traiterons cy apres. Or pour retourner à mon entreprise, ie n'appelle l'element chose treschaude ou tresfroide, veu qu'à peine il est licite de trouuer telle chose, mais ie dy ce estre element qui n'a besoing d'aliment, & n'est corrompu de soy-mesme, & n'est vagabond, ains tient certain lieu, ayant grande quantité selon nature, & qui soit préparé à generation Or veu que nulle chose de tout cecy conuient au feu, nous ne dirons qu'il soit element. Ce feu icy est mouué, n'ayant pouuoir de viure sans aliment, & brusle l'air, qui luy est proche: & quand il est enflammé, il est appelé flamme. Car flamme n'est autre chose que l'air allumé, & enflammé. Or la flamme perpetuellement est mouuée, & iamais ne repose. Car entendu que le feu est de substâce tresrare, & que c'est son subiect de tousiours brusler, aussi est il tousiours mouué.

Dōcques pour cause de sa subtilité, il entre par petits trous presque inuisibles, & pour haue de son mouuement, il diuise, & coupe, & brusle les choses diuisées par sa grāde chaleur, & les cōuertit en sa propre substāce. La flamme donc ne demeure tousiours semblable, mais par perpetuelle generation l'une succede à l'autre, & pour ceste cause il est necessaire, qu'elle semble estre tousiours mouuée. Car celle qui est ia engendrée, assaut la plus proche partie de l'air, & consomme son humidité, & mourant elle excite & engēdre vne autre flāme nouvelle. Veu doncques que l'humeur qui estoit le premier, est tourné en flamme, la quantité augmētée grandement par telle mutation, & ne peut repousser par la durté l'aliment, qui est son subiet, necessairement mōte en haut vehementement, & poulse celle qui ia estoit au dessus: dont il aduiē que souuent la flamme par grande

*Nostre feu
n'est element.*

*Que c'est que
flamme.*

*Pourquoy la
flamme mōte
en haut.*

impetuofité monte & frappe en haut. Si toutesfois les cheurōs & le bois qui est haut, est brûlé, il est neceffaire, que par mefme raifon la flamme defcende en bas. Doncques la flamme n'est toujours portée en haut, & est fouuent pource que l'alimēt est poſé en bas. Toutesfois quād la flāme defcēd en bas, elle brûle, en forte que ſi ce qui est brûlé, & humide, eſtant fondu incontinent ſuffoque le feu : & pource les cierges d'eux meſmes ſe deſteignent, quand la flamme eſt renuerſée en bas. Le bois n'eſt ainſi, pource que ſon humidité ne peut ſe fondre: toutesfois il ſe deſteint pour autre raifon, pource, cōme i'ay dict, que toujours la ſuperieure partie de la flāme eſt pouſſée de l'inferieure, qui eſt la plus proche à l'aliment: dont la ſupreſme partie de la flāme eſteinte par continu paſſement, eſt tournée en fumée. Car la fumée eſt vne choſe moyennante entre la flamme de l'air, & pource elle eſt diuiſée en deux parties: vne qui ſuccede à la flamme: ceſte cy eſt rare & neceffaire: car toute flamme ſe tourne en fumée: mais ceſte cy entendu qu'elle eſt tres-rare, legerement elle ſe tourne en l'air, & pource elle ne ſuffoque nē brûle les yeux, mais ſeulement elle chauffe & ſeiche. L'autre fumée eſt qui va deuant que la flamme ſoit excitée & engendrée, & ceſte cy eſt la plus humide, & brûle & ſuffoque les yeux, pource que facilement elle ne ſe trouue en l'air. Iceſle meſme couſtumierement eſt excitée des charbōs puants & bois humides. La premiere donc lors que la flamme defcend aux cierges renuerſez, quand elle ſ'eſforce de monter, elle rencontre la flamme & la ſuffoque legerement. Car i'ay declaré que grande quantité d'icelle eſt engendrée, veu qu'en chacune heure la flāme qui eſt fort remonte de l'aliment, & en circuit voiſine à l'air, paſſe en fumée, par l'abondance de laquelle ce n'eſt de merueille le feu eſtre ſoudain ſuffoqué. Pour la cauſe donc du ſoudain mouuement d'icelle, la flamme corrompt toutes choſes, & non pas pour la cauſe de la ſeuſe grande chaleur. Toutesfois ce mouuement interieur en la flamme, pource qu'il eſt faiēt petit à petit, nous eſt incogneu. Et toute la flamme ne perit incontinēt, mais celle qui eſt ſeulement alentour,

*Pourquoy les
cierges renuer-
ſez ſe deſteignent.*

*D'où eſt en-
gendree la fu-
mée.*

car celle qui est au milieu demeure tant qu'elle soit venue en la fin au touchement de l'air, autrement elle ne seroit pas au milieu de la flamme. Mais aucunesfois la fumee retourne en arriere, ou par impetuosité, ou repoussée, ou empeschée. L'impetuosité est faicte ou par la multitude, ou par la celerité du mouuement.

*La cause
pourquoy les
châbres sont
plaines de fu-
mee.*

*La cheminee
qui ne rénoye
la fumee.*



Doncques le bois verd, & la multitude de la flamme remplissent les chambres de fumee. Les vents aussi repoussent la fumee, & l'angustie de la cheminee empesche la sortie, ou si elle est plus estroicte en bas qu'elle ne puisse recevoir la fumee. La plus grã de cause est des vents: car la fumee tousiours monte en haut, & pour l'impetuosité, & pour sa legeteté elle retourne en arriere quãd elle rencontre le vent, & principalement quand il y a abondance de bois verd: & en la cheminee qui a des pertuis des quatre parties, la fumee est empeschée de tout vent, pource que la cheminee est patente & ouuerte de toutes parts. Nous auons inuenté vn remede qui est tel: Aux quatres parties, en Orient, en Occident, au Midy, & en Septentrion colloque deux tuyaux faicts de terre, mis à l'opposite l'vn de l'autre, en forte que l'vn tende en haut, & l'autre en bas: car il est impossible que huit vents, quatre tendans en bas, & quatre en haut soufflent des quatre principales régions du Ciel: & si ce ne peut estre faict, la fumee ne peut retourner en arriere: & cecy par experience a esté exactement approuué. Cecy est grandement aidé par la largeur des gueules d'embas. Aucunesfois aussi les tuyaux seulement tendans bas en sont les plus seurs. Mais le plus seur de tous les tuyaux est celuy qui est enuironné d'vn fourreau qui en bas ne touche point au teçt. Doncques puis qu'il est necessaire que le feu aye ces trois

choses auant qu'il puisse brusler, l'aliment, le mouuement, & qu'il soit penetratif, veu qu'en la flamme le mouuement est le plus grád & le plus manifeste, & pource que plus grande entree s'enluit au mouuement, il est manifeste pourquoy la flâme est plus viue que l'autre feu : & pourtant les cierges, tant que la flamme demeure en vigueur, sont allumez & bruslent tant que l'aliment dure: & quád la flamme defaut, les cierges d'eux mesmes, & en vn moment se desteignent. Et pour auant que la flamme consume beaucoup d'aliment, pource souuent elle dure moins aux brasiers : mais ce n'est de son merite, ains pource que l'aliment soudain defaut. Pour ces causes la flamme dure lóg temps, à raison de l'humidité grasse, & est faicte grande par la substance, & matiere rare & seche. Car la flamme legerement succede à la flamme en rare & seche matiere, & pour ceste cause elle s'augmente en grande quantité. Or si ces deux sont ioints, & la matiere rare & seche, & l'humidité grande & grasse, comme au bitumen terre sulfureuse & gluante, ou comme en pommes Grecques, lors grandes & longues flammes sont excitees. Pour ceste cause il est manifeste pourquoy l'eau iectee sus le bitumen ardent excite plus grandes flâmes, ce que George Agricola, homme de nostre temps, digne de memoire, recite, sçauoir est, qu'il y a eu en l'isle Islâde vne montagne dictée Hecla, de laquelle le feu sortant est esteint de choses seches, & est nourry d'eau. Et cecy est presque commun en toutes flammes valides, & mesmement les mareschaux coustumierement excitent leur feu en l'arroufant d'eau : car quand le feu est fort ardent, il est incité par chose froide, & est nourry de l'humidité, & l'vn & l'autre est l'eau. Pour ceste cause le feu enflammé par les soufflets quand il est valide, il n'est esteint d'eau petite, ains est rendu plus robuste & fort. Car les soufflets allument le feu pource qu'ils concitent le mouuement, & de ce mouuement la vertu du feu penetre & brusle. Les soufflets sont necessaires aux metaux, car ils ne se fondent à petit feu. Et le feu allumé des soufflets, est mouué & penetré, & faict couler les metaux: & aux soufflets n'est petit profit en legere for-

Pourquoy la flâme est plus viue qu'un autre feu.

La cause de grâle flâme.

Pourquoy les soufflets allument le feu.

tie, & qui petit au moins de despence, & la plus petite portion du metal est bruslee. Les soufflets donc sont tres-propres, & aptes pour allumer le feu, pour amollir & pour faire fondre. Or afin que ie retourne à mô propos, coustumierement l'eau augmète le feu, pource que l'humidité qui s'euapore est faicte plus grasse, & n'est consumée de la fumee esparse alentour, ains le feu mange tout, & par ce faict en apres plus pur, & assemblé du froid, il s'esleue plus vehement. Et le feu qui est excité & allumé par eau, est composé de poix de Nauire, & Grecque, de souffre, de lie de vin qu'ils appellent du tartre, de sarcocola, de halinitrum, qui est vne espece de bitumen, qu'ils appellent petroleum: ce a esté apporté à Marchus Gracchus: outre est adiousté la chaux viue à double poix, & toutes ces choses sont meslees avec le rouge d'œufs, & sont mises & enfouyes aux fiens de cheual. Autre recepte, Egales portions d'huile, de souffre, de petroleum, d'huile de geneure, & de halinitrum, egales portions de poix noire, de gresse d'oysen & canard, du fumier de pigeon, de la liqueur qu'ils appellent vernix liquida, qui est en partie faicte d'huile de lin, cinq parties d'asphaltum: reçoie le tout en eau ardente, & l'enfouy au fiens de cheual. Autre recepte, Egales portions de la liqueur dicte vernix liquida, de l'huile, de souffre & de geneure, & d'huile qui est faicte de lin, & de petroleum, & de lacryma lartigna, trois parties & demie d'eau ardente, de halinitrum, & bois de laurier sec, redigez en poudre tant qu'il suffise, en sorte que le tout meslé ensemble soit espais comme bouë, reçoie le tout en vn vaisseau de verre, & l'enfouely au fiens de cheual. Si les piles ou boules faictes de ces matieres touchent au bois, le bois est allumé par la pluye: mais ce n'aduiet tousiours: & s'il adient, le feu illec allumé n'est iamais esteint par aucune eau. Et la poudre qui se prend en feu facilement, & de laquelle la flamme brusle vehementement, est faicte de poudre de pyrium, & de la tierce partie de souffre, & de poix Grecque. l'ay plus amplement escrit de ces matieres en mes liures de la Varieté des choses, qui contiennent grande exercitation de toutes ces matieres, qui icy sont expliquées par raison. Or cō-

*Le feu qui
n'est esteint
en l'eau est
artificiel.*

*Ces liures de
la variété des
choses sont
pratique de
cecy.*

me tel feu n'est esteint par eau, il est facile de le cognoistre à celuy qui le considere, pource qu'il cõcite le mouuement tant vehemēt, que la flamme est à la flamme au lieu des soufflets. Pour ceste cause il est difficile d'esteindre petite flamme, & tres-difficile de tuer la grande. Et non seulement pource qu'elle est la plus grande, elle est esteinte plus difficilement que la petite, mais pource qu'elle excite le mouuement vehement, duquel, comme i'ay dit, la flamme est nourrie. Or les hommes sont contraints estre loing pour la magnitude du mouuement & de la flamme, d'où premierement l'aide defaut, & apres vient le desespoir pour l'abondance de la fumee. En ces grands feux seulement sont trois aides, sçauoir est, que la matiere bruslable soit ostee, ou qu'on esleue vne muraille faicte de pierres, & que les pierres soiēt iettees sus le feu: par lequel moyen aucuns de nos amis ont engardé la maison de leur voisin estre bruslee: ou de ce que nous auons accoustumé d'vser quand les bois ou les blez sont en feu, que la part soit bruslee & destruite, & demolie ou le feu préd son cours: car ce feu esteint ou non du tout esteint, la plus grande partie sustraitte, nous sauons le reste par inuention perilleuse, vtile toutesfois. Par telle aide les bois de nostre village Nouarien ont esté gardez, & par aide presque semblable le seigneur du lieu s'est deliuré soy-mesme du peril.

Le moyē d'esteindre le grand feu.

Ils sont doncques aucuns lieux abondans de bitumen, ou de souffre, qui d'eux mesmes bruslent, & ne sont esteins par eau. Le bruslement d'Ætna, mont de Sicile est tres fameux & cognu. Illec sont deux trous: celuy d'embas est estroit en la maniere d'vn puis, & d'vn bord estroit circuit de pierre: : celuy d'enhaut est loing de celuy d'embas (comme ils disent) d'vn grand iect de pierre, ayant quatre stades en circuit, iusques à cent mil pas il espad les cendres de toutes parts, obfuscant en deux iours toutes choses par grands brouillars, ce que mesme Pline assure. Mais de nostre temps ce est remis & appaisé. A Puteoles, vn peu deuant que i'ecriuisse cecy (Puteoles, sont loing de Naples, comme i'enten, de vingt mil pas) est aduenu vn grand dommage par le feu. Doncques tels feux sont faicts là où est

*Quel feu n'est
nuisant aux
plantes.*

engêdré le bitumen & le souffre, aucunesfois aupres de la mer, pource que le bitumen & le souffre prennēt leur aliment des ordures de la mer, & de la chaleur. Or nous dirōs cy apres comme la matiere preparee est allumee. Le feu que lon ne voit de iour, ains seulement de la nuit, comme i'ay veu en Apennine Mugellan, ne faict mal aux arbres ne aux herbes. Et ce feu est de deux sortes, vn est vrayement feu, mais par les vapeurs, qui apporte dommage par succession de temps, quand ils signifient que la matiere est soucachie : l'autre est totalement sans nuisance, qui n'est vray feu, mais comme quelque matiere putride de bois pourry, & de nuit represente le feu par sa splendeur seule qui est sans chaleur. L'estoile d'Helene est presque de l'espece du vray feu quant au mal & submerfion des Nauires, laquelle quand elle tombe, faict mesmement fondre les vaisseaux de cuyure, & est le vray messager de submerfion. Car seulement ce aduient aux temps des grandes tempestes, & ceste vapeur ne peut estre assemblee en la nauire, & brusler aussi, sinon par vent embrouillardé, & par grande violence des vents, dont il annonce grand dommage estre proche: comme à l'opposite les estoilles de Castor & Pollux au temps passé, maintenāt les puiffances diuines des Saincts Pierre, & Nicolas, ou plustost les deux lumieres. Aucunesfois trois telles lumieres, ou moins plus souuent trois que deux, apparoissent en la mer Océane pour la grande concussion : lors ils les appellent les estoilles de Sainct Nicolas, d'Helene, & Claire, le nom deduit de clarté, pour l'antique superstition de l'estoile d'Helene, & pource que Sainct Nicolas selon aucune histoire est estimé presider sur les Nautonniers. En la mer Mediterranee seulement deux tels flambeaux sont veuz, & aucunesfois sus les cordes des Nauires, saillans comme oyseaux, d'vne corde en l'autre auecques son, & signifient la fin de la tempeste & securité. Car les vapeurs sont adherentes aux cordes qui par succession de temps representent vne espece de cierge allumé, tel feu saillant d'vne corde en l'autre. Telles vapeurs demonstrent le tout estre sauf, quand elles sont petites, & ne sont glutineuses, car ainsi se ioindroient

ioindroient ensemble, & quand en brief chacune vapeur est consumée : combien que par sa fausse représentation de saillir, les vapeurs qui sont plusieurs, en représentent souuent deux, & plusieurs par succession continuë en font & représentent l'espace d'une vapeur plus diuturnite & longue.

Iusques icy i'ay parlé du feu: & ce pendât i'ay adiousté l'vtilité des soufflets. Il semble estre raisonnable que mesmement i'adiouste la raison & maniere du mouvement d'iceux: car comme i'ay dit, aucune chose excellente n'est faicte du feu, qui n'est aidé des soufflets. Il faut qu'ils soient plusieurs, soient deux, soient quatre, ou d'avantage, afin que l'œuvre ne soit differé par intermission. Le mouvement d'iceux est varié alternatiuement, & composé du tout, sçauoir est, du violent, par lequel ils sont ouuerts, & attirent l'air: & du naturel, par lequel tombans d'eux mesmes, ils expriment & remettent hors l'air qu'ils auoient attiré. Il est certain, que tant plus legerement ils remettent l'air dehors, tant plus vehementement ils poussent le feu: & pour ce faire on les charge de grosses pierres, ou d'autres choses pesantes. Mais pourtant que les choses pesantes ne sont facilement ne legerement cleuees, il faut que telle machine soit tournée de grandes rouës, & par grande impetuosité des eaux. Par ces causes donc il est manifeste que la glace, quoy qu'elle soit tresfroide, ne peut tât blesser par sa frigidité, que le feu par sa chaleur. Car comme le feu penetre toutes choses par son mouuement, & les dissipe par son entree, premier que les bruler, ainsi la glace par quelque repos & par sa substâce crasse & espedle demeure ferme, par lesquelles choses il aduiét qu'elle ne puisse totalement penetrer quelque chose. Or que la glace ne soit moins froide que le feu est chaud, l'experience le demonstre. Car si tu mets sus du bois ou tuile ardâte autant de glace, la glace ne sera plus legerement dissolue que le feu sera de tout esteint. Car côme le feu penetre plus par son mouuement & tenuité, ainsi il corrompt & consume plus facilement que la glace: & ce est indice, que l'êtree & subtilité sont les causes de ses effects meruei leux, pource que les choses qui ne sont penetrables,

Les mouuements des soufflets.

Pourquoy le feu blesse plus par sa chaleur que la glace par le froid.

*Le feu & la
glace totale-
ment sont éo-
traires.*

*Que c'est que
notre feu.*

comme l'or & l'aimât, ne sont consumées ne brûlées du feu, & du tout ne peuvent estre dictes tenir vrayement de la nature du feu : ainsi la glace par sa densité & repos résiste plus, & demeure plus long tēps. Et cōme le feu est toujours fait, ainsi la glace demeure semblable & dure, aucunes fois par plusieurs ans aux froides môtaignes Septentrionales, ainsi que la neige. La glace dōc & le feu sont totalement contraire. Car le feu est treschaud, tresrare, & de tresleger mouuement, & qui facilement assaut toutes choses, & qui seulement peut demeurer vn moment : & la glace est tresfroide, dense, & en repos, d'vn progres & augmētation lente & diurne. De ces choses dōc vient la solution d'vne grande question, sçauoir est, si nostre feu est substance ou accident. Car s'il estoit substance, il sembleroit qu'il fust dur, par lequel moyen deux substances mutuellemēt penetratiues seroient ensemble au fer chaud, sçauoir est, la substance du feu & de fer, d'auantage, si l'vne est dissolue, comme ainsi soit la substance de fer, quand elle conçoit le feu, la corruption d'elle sera faicte, quand le feu s'esteint, on dira que la generation d'iceluy sera faicte, qui est chose tresabsurde. Si tu dis que seulement l'air qui est dedans est brûlé, la tuile ardente, la matiere du bois ne seroit conuertie en cendres, & certes le fer n'en deuiendroit pire doncques la propre humidité du fer brûle, quand la tuile de fer est ardente. Or si le feu est accident du tout, cōment peut il muer la substance du bois en cendres, & presque consumer le fer & toutes autres choses? Pourtant, comme i'ay dit, ce feu icy n'est autre chose qu'vne extreme chaleur coniointe avec la secheté. Et ne peut estre substance, sinon comme la glace, si elle est entendue & prise pour la chose qui est gelee, ainsi le feu pour la chose qui brûle. Le feu donc est totalement accident, & est vne grande chaleur avec secheté : & est toujours adherent à la substance, comme les autres accidens: il ne peut donc estre element, ce que i'ay monstré par cy deuant. Car le principe de nature consisteroit par cas fortuit, & faudroit qu'il fust entretenu par aliment incertain: & la glace par telle raison seroit quelque autre element. Et si le feu est element, il est certes egalemēt chaud, ou plus

que cestuy que nous auons, & pource il auroit besoing de nourriture, car il fera necessaire qu'il soit nourry. Ou prendra-on aliment pour tant grande quantité? S'il est moins chaud que cestuy-cy, la raison est hors pourquoy il estoit dit element. Certes le feu est posé entre les elements, pource qu'il estoit de substâce treschaude & seche, ayant l'une & l'autre des qualitez, ou pour le moins vne d'icelles parfaicte: or ne les aura-il point, veu qu'il est ia manifeste que ce feu que nous auons est trop plus chaut que luy plus sec, plus ardent, & plus penetrable.

Et de ce vient vne claire solution d'une autre doute, seauoir est, si vn feu est plus chaud que l'autre. Il est manifeste, que non pour la seule matiere vn feu est plus chaud que l'autre, comme celuy qui est au fer, est plus chaud que celuy qui est en la paille: & comme celuy qui est au bois de chesne plus chaud que celuy qui est au bois des saules, mais comme en la glace à peine vne est gelee, vne est dure, l'autre est tresdure, ainsi quelque feu à peine est feu, comme quand le fer commence quelque peu à rougir, vn est plus reluisant, l'autre est tres-reluisant. Car veu qu'il est accident, il peut estre augmenté & diminué. Pourtant le feu est fait plus chaud & valide en six manieres. Par nature, comme i'ay dit, car le plus ardent brule le plus legerement & le plus: par la matiere, comme celuy qui est au fer, par mouuement, car il en fait plus penetratif: par magnitude ou propre, ou faite par diurnité de temps: ce est commun à chacun: ou par l'empeschement de respiration. Les matelots ne l'ignorent, lesquels en vn petit de feu mettans vn pot sus vn pot les contraignent de bouillir, & par ce moyen ils ont pourueu & aidé à leur paureté: mais, comme i'ay dit, il faut que le petit feu respire vn petit, de peur qu'il ne soit esteint par sa fumee. Pour ceste cause ceux qui prennent garde à la despense, font des petits fours de cuyure en la maniere d'vn pot de terre, entreillez par le bas estoictement de treillis de fer, afin que la cendre puisse choir. La sixiesme & derniere maniere, est quand il contreint ensemble, & pour ceste raison la chaux est allumee d'eau, car la chaleur acquise & cachee en la fournaise, entendue, comme i'ay dit, qu'elle

Vn feu est plus chaud que l'autre.

Le feu est fait plus chaud en six manieres.

La maniere de cuire avec petit feu.

La chaux allumee par eau.

est de l'espece du feu, est enclose & assemblee dedans la chaux par la fraicheur d'un peu d'eau, lors elle vient en feu par le mouuement, & par tel assemblement.

*La bonne
chaux.*

La bonne chaux est, qui iette de grans craquemens, quand on espend l'eau dessus, & prend en feu, allumant le bois qui est aupres. Aucunesfois la chaux est d'une chaleur de cendre: car le feu est ia tourné en splendeur, pource que l'air est entré dedans la chaux, & la splendeur vient de l'air, qui necessairement y entre. Telle chaux est faicte des pierres solides: car tant plus les pierres sont solides, elles retiennent tant plus grande & longue chaleur. Or comme la chaleur est laissée, & demeure aux choses qui brulét, & comme le feu est allumé par mouuement & assemblent, ie le diray cy apres. Et le mouuement non seulement contraint de plus penetrer, ains il allume la chaleur, & comme j'ay dit, il rend un feu plus

*Pourquoy vn
esclair a tant
grande vio-
lence.*

chaud qu'un autre. Ce n'est donc merueille, si l'esclair du tonnerre a tant grande violence, & que tel feu, comme aliené de la nature des autres, faict quelques choses merueilleuses. Car non seulement il penetre plus pour cause du mouuement leger, mais tel feu de tonnerre est trop plus chaud que tout autre feu. Pourtant il peut tuer par son toucher tous les animaux, excepté l'homme: & à peine l'homme en peut eschapper. Toutesfois Iean Maria Cardanus en est eschappé, & a vescu apres, qui est un rare miracle. Quel autre feu est-ce qui du seul touchement peut tuer? C'est donc son propre, qui est le chaud des chaux, & s'il faut parler ainsi, c'est le feu des feux. Pourtant il y a grand egard s'il vient de loing, ou de pres, ou d'enhaut. Et aucunesfois que la bourse sera entiere, ce feu de tonnerre faict fondre l'argent qui est dedans: & ce n'est fabuleux, ou de merueille. Car ce qui blesse, il corrompt ou par quantité, ou pour longue demeure: ce feu de tonnerre, entendu qu'il est tres subtil, il ne rompt la bourse: & pource qu'il est mouué tres-legerement, il n'adhere point à la bourse, & pourtant ne luy faict mal. Or l'air nous demontre qu'il passe, & ne demeure sus la bourse, pour sa subtilité, lequel air entre, la bourse vuide estendue, laquelle il emplit: ce qui ne pourroit estre, s'il n'entroit par les meates & per-

*Le feu du tō-
nerre peut fai-
re fondre l'ar-
gent sans bles-
ser la bourse.*

tuis presque insensibles, veu que l'entree de la bourse est diligemment fermee. Doncques vn scintille du feu de ce tonnerre, trop plus subtile que l'air, apres qu'elle est entree dedans la bourse, elle se fiche dedans le metal, & par sa grande violence & impetuosit  elle fait fondre le metal soudainement. Aucuns lourdement ont appell  ceste grande violence de chaleur, & sechet  immoderee, propriet , comme rare, & incogneu pour sa rarit , veu qu'il est manifeste, que c'est vne chaleur tres-grande, & comme i'ay dit, le feu des feux. Or ne doit estre merueille, si ce feu ou quelque autre peut allumer les pierres: car le fer, qui n'est encor reluisant par chaleur, toutesfois il allume le bois, & le fait bruler, & le bois allume le souffre, c bien que le bois n'arde point, & le souffre allume l'eau dicte de vie: car ce qui est le plus solide, surm te ce qui est le plus rare par puissance. Le feu d c le plus feruent en matiere tressolide pourra allumer les pierres. Cecy est incogneu, qui peut grandement profiter   l'expugnation des villes. Et faut que ceste espeece de feu necessairement soit iointe avec grand mouuement, comme i'ay dit, en matiere tressolide. Mais pourquoy le tonnerre ne touche-il point les colonnes & le fond des nauires? Rarement il les touche: mais aucunesfois: car i'ay veu   Florence en la grande Eglise, ou plustost alentour de l'Eglise, vne colonne frappee, & gastee du tonnerre: toutesfois il ne les frappe souuent, & ne les iecte par terre, pource que le coup coule   cause de la rot dit . Il ne frappe le fond des nauires en telle maniere, sinon que ratement: car outre cinq coudes il ne peut descendre sous terre. Et le fond de la nauire est bas: & le mats est haut, lequel il frappe souuent. C'est donc vn certain remede contre le tonnerre, de se cacher aux cauernes profondes: & ce est plus seur, que de se couronner d'vn laurier, ou de se couvrir de la peau d'vn veau marin, ou d'vn aigle, ou de porter vne pierre hyacinte: car ils disent que ces choses predites ne sont touchees du tonnerre. Mais depuis quelque peu de temps i'ay entendu qu'vn laurier a est  bless    Rome du tonnerre: & quant au hyacint, i'en disputeray cy apres: car les autheurs ne sont petis qui afferment cecy.

c ij

Pourquoy le tonnerre ne touche les colonnes.

Remede c tre le tonnerre.

Au temps passé la violence du tonnerre a esté admirable, mais elle cesse de l'estre maintenant par effect & abondance des machines de guerre & artillerie : car elles ne sont trop différentes de la violence du tonnerre. Je ne sçay d'où vient ceste violence, & de combië loing, & quelle charge elle porte. Je sçay certainement cecy que les tours entieres d'un seul coup sont ietees par terre. A Cardanum d'une seule tour qui reste, antique toutesfois, ceste violence des machines de guerre a abbatu d'un coup plus de douze mil de tuilles. Mais ils disent que ces machines à feu, aucunes de soixante liures, ont portee par l'espace de cinq mil pas, qui est chose merueilleuse à dire, si l'experience ne faisoit foy au dire : elles mesmes rompent les murs, abbatent les chasteaux de la ville : & n'est aucune force qui puisse resister à tant grand mal. Le canon de la machine à feu faict de cuyture de Cypre préparé en la maniere d'une trôpe, & le plus doux & vny. Et ne faut que les canons soient plus estroits, ou plus larges en bas qu'en haut : car les plus larges en bas ne sont clos exactement de la boule ou plomet, & pourtant ils en ont moins d'impetuosité. Et s'ils sont emplis exactement, ils sont au danger d'estre rompus pour la multitude de la poudre. Les plus estroits, s'il ne sont faits assez long, ne reçoivent de la poudre, autant qu'il en faut. S'ils sont larges en bas, ils sont estroits en haut, & pource ils perdent beaucoup de leur force. Et si la boule, ou boulet de fer ne descend en bas, tant qu'il faut, pour la vacuité laissée, les canons donnent le coup plus debile, & griezuent la machine, & la rompent aucunes fois. Et toutesfois les haquebutiers au grand detrimment des Princes, de peur que leur maniere apperte de forger ne soit trop vile, ils feignent, & par fiction forgent aucunes mesures plus estroictes, aucuns en bas, les autres iniquement les font plus larges, neantmoins qu'une seule maniere est tresbonne & seure, que les canons soient par tout, tant en bas qu'en haut également pertuisez. La proportion du pois de la machine doit estre cent fois plus pesante que la boule, comme si la boule que la machine doit ietter est de vingt liures, le canon de la machine sera de deux mil.

*La violence
des machines
qui sont à
feu.*

*La maniere
de faire les
machines à
feu.*

La boule.

L'espeſſeur en bas ou eſt le lieu de la poudre, eſt la troiſieſme partie de la boule cōpaſſante. Et eſt licite d'augmenter à la machine le pois, & la meſure avec le pois de la boule: mais il n'eſt licite de diminuer ſans le peril de fracture. En hault l'espeſſeur du bord de la machine ne doit eſtre moindre que la troiſieſme partie de la boule, qui eſt le diametre: Le canon diametre, comme i'ay dict, eſt egal à la boule diametrie, & le pois de la poudre de pyrio eſt egal au pois de la boule. Toutes-fois aux grâdes artilleries le pois & l'espeſſeur de la machine doit auoir plus grande proportion pour ſecurité, que la boule, & par meſme proportion le pois de la poudre doit eſtre vn peu moindre que de la boule. De ce eſt patente la raiſon combien d'eſpace le bas doit auoir, ſçauoir eſt, autant d'eſpace qu'il ſuffit à comprendre la poudre, qui eſt egale au pois de la boule. Le trou auquel le feu eſt mis & allumé doit eſtre en bas: car la machine ne recule tant en arriere qu'ad le feu eſt bien allumé: & pource il eſt licite de viſer & frapper plus droict & en moins de peril. Car qu'ad les artilleries reculēt beaucoup en arriere, les petites bleſſent les ſoldats qui vſent: & les grâdes, ſi elles ne ſont arreſtees, ont le coup incertain, & ruinent le chariot où elles ſont: & ſi on les arreſte par force, elles ſont en dâger d'eſtre rompues. Le premier ſigne de la fracture des machines, eſt, ſi violētement elle recule arriere. Le ſecond eſt, ſi la meſure ne conuient, ou quand elle eſt plus mince ou plus eſtroictē qu'il ne faut, ou inegale, ou oblique, cē qui eſt preſque le pire. Le troiſieſme ſigne eſt quand la machine eſt ſquameuſe, ou qu'elle n'eſt biē cōioinctē, ou plainē de veſſies, ou qu'elle a des fentes. La quatrieſme eſt qu'ad elle eſt roüillee ou mouillee, par lequel erreur lors qu'en Pauie la pōpe ſolennelle du corps de Ieſus Chriſt eſtoit celebree l'an mil cinq cens quarantefix, cinq ou ſix hommes de ceux qui ſuiuoiēt la pōpe, furent tuez des artilleries rompues. Le cinquieſme ſigne eſt, ſi tu mets trop de poudre, ou ſi tu mets la menue pour la groſſe: car la machine ſe rompt, le feu trop augmentē, & ne trouuant empeschement pour ſortir. La fracture ad- uient auſſi quand la boule eſt violētement, & à force

*La poudre.**Le trou.**Les ſignes
par leſquels
on peut con-
gnoiſtre ſi v-
ne machine
rompra.*

*Le moyen de
garder les ma-
chines d'estre
rompues.*

pouffee dedans. De peur que la machine suspecte ne soit rompue, ce donne aide, si elle est couchee à terre quand elle doit ietter la boule: car par telle liberté elle se retire en la partie où le feu la pouffe: mais ce lors est fait à coups perdus. Pour ceste cause ils mettent ainsi les grandes machines aux chariots bruslans qu'ils sont également distans de la terre, & du finitor qui prend la visee: & ainsi quand elles ont receu le feu, reculent arriere tout droict sans danger.

*Deux especes
de machines
de guerre nou-
uelles.*

Il est vne autre espece de machine à feu, qui est de longueur de coude & demie, du pois de septante liures, iusques à octante. Le canon reçoit vne boule qui est de la grandeur & grosseur d'une petite pile. Quand ceste harquebuzee est deschargee, elle est soustenuë d'une verge de fer, & est prise & tenue par la queue: & est la charge d'un homme: toutesfois elle est grandement forte à cause de son espaisseur & non moins seure. L'autre espece est, de laquelle la cavité est ample auprès du trou: plusieurs & diuers moyeux sont mis autour de ceste cavité, tous d'une mesme grandeur, desquels les canons respondent directement aux canons de la machine, afin que quand les moyeux sont chargés de place, la machine ne se chauffe. J'ay veu à Paucie ces inuétions du Prince de Saxe. Les grandes machines sont faites, comme j'ay dict du cuiure de Cypre: mais les plus seures sont de fer, d'où maintenât sont toutes les petites: toutesfois c'est chose laborieuse de faire les grandes de fer: pource la plus grande part d'icelles sont faites de cuiure. Les petites sont faites au tournoir, les grades sont faites de metal fondu par le labeur & operation des moules faits de terre à potier, & apres sont accoustrees & polies au tournoir. Les moules pour forger les machines aucunesfois sont de trois pieces, pource qu'il seroit trop difficile de les faire d'une piece, veu que mesmement ce est fascheux. La premiere partie est le canon, la seconde est la grand chauffe, dicte en Latin embolus masculus, la tierce est le siege. Et la machine aucunesfois n'est que d'une piece, l'en ay veu de deux pieces, l'une liee à l'autre dès le bas d'une vigne faite au tournoir. La matiere est, comme j'ay dict, le cuiure de Cy-

*La matiere
des machines.*

pre préparé. La matiere donc est faicte de cuiure, & presque de la septiesme partie de plomb noir ou blanc & de Orchal. Mais la cause de tant grande impetuosité est en la pouldre de Pyrio. Ceste pouldre est composee de trois parties de halinitrum, & de deux du charbon de saule, & d'une partie de soufre, & conuient aux grandes machines. Mais pour les mediocres machines la pouldre est composee de dix parties de halinitrum, d'une partie du charbon de coudre sans nœuds, & d'une partie de soufre. Ces matieres sont batues d'un maillet de bois, trépees premierement en eau de puiz, de peur qu'elles ne prennent en feu quād elles sont battues. Aucuns adioustent du vinaigre, aucuns de l'eau ardante, & les sechent au Soleil: mais lors elles ne sont battues, car facilement elles pourroient prendre en feu. Or tout le soing est, que toutes ces matieres soient purgees de la partie terrestre, principalement de halinitrum, afin qu'il arde tout, & que rien n'en demeure. Apres que le tout soit redigé en parties tres-menues, ainsi les parties addereront tres-bien aux parties & ce aduendra, si le tout est batu souuent, trempé, & apres seché. Tiercement, quand le tout est ainsi faict, qu'il soit seché au Soleil: car ce seroit perilleux de le mettre secher aupres du feu.


Or maintenant il fault chercher la cause de tant grand effect. Ceste pouldre de pyrio mise dedans la machine bouchee de la boule, est presque toute allumee, incontinent que le feu est mis exterieurement des le bas de la machine, & s'efforce occuper plus grande espace, que n'est la centiesme partie. Et qu'un peu de pouldre dedans le fond de la main n'occupe moins d'espace que la centiesme partie, l'experience nous le monstre, veu que si autant de ceste pouldre, qu'est gros un grain de millet, est allumé, il emplit de feu, & occupe la grosseur d'une noix. La raison mesmement le monstre: car le feu qui est une matiere rare & subtile, est contenu en grands limites, & la terre & la pouldre sont solides, & denses. Pourtant quand la pouldre qui en en lieu contraint est allumee, elle donne à la machine une secousse violente de toutes parts, & ne trouuant plus facile sortie par autre lieu, que là où la boule est encluse par force,

Par le plomb blanc, il entend l'estain.

Pourquoy la pouldre de pyrio pousse tant violement la boule des harquebouzes.

*La cause du
bruit des ha-
quebuttes de-
chargees.*

elle pousse hors par grand effort, premierement par l'espace du canon apres ceste vehemence illec gardee l'expulse dehors, & puis elle passe outre grand espace de terre par telle impetuosit  continuee, & destruit & gaste tout ce qu'elle rencontre. Et est de raison que ce soit fait avec vn gr d bruit, veu que ce feu sort abondamment, & par tant grande impetuosit , & que soudain il frappe l'air. Mesmement la boule excite quelque murmure quand legerement poussee elle diuise l'air. Pareillement le halinitrum, & tout autre espee de sel, mis en vn feu libre, excite grand bruit. Pour ces trois causes, principalement pour la premiere, quand la machine est deschargee, tant grand bruit non different au tonnerre, est excit . Mais si la poudre ne brulle assemblement, ou pourtant qu'elle est lente, ou impure, ou non bien eslabouree, ou pource qu'elle a peu de halinitrum, elle pousse la boule lentement, debilement, & avec petit bruit. Et si elle est plus menue que de raison, brulant tout ensemble, elle rompt la machine. Il est donc manifeste que quand la celerit  de la mutation & passment en feu depend de la proportion, s avoir est, de la chaleur   la repugnance de la poudre, & que la repugnance est diminuee par la poudre attenee, que la perfection de ceste poudre peut proceder presque infiniment, en sorte qu'elle est toute enflammee en vn moment. Et lors que soudain ne peut trouuer la sortie, pource que tout mouuement requiert estre fait avec le temps, elle rompra la machine. Pourtant il ne sera licite de composer seulement la poudre qui rompra les machines: : mais en la mettant batue fort menu dedans les grandes machines, toutes periront: & aussi en mettant la grosse dedans les petites,   peine elles pourront iecter hors la boule. La maniere donc de composer la poudre est dedans les limites certains & estroits, qui est coniointe avec le peril de ceux qui gouernent les machines. Et cestuy seurement & avecq' grand' impetuosit  traictera & gouuenera les machines, & dressera bien la visee du coup, qui fera & administrera la poudre telle qu'il faudra, selon la proportion des machines.



Consequemment la maniere de faire les mines, est semblable à celle des machines, plus admirable, toutesfois François George de Sennes a esté autheur de tant cruelle inuention. Il enseigna aux Espagnols la maniere de renuerser le chasteau de Luques, dict maintenant Ouum, pres de Naples, que les François defendoient. Le temple du chasteau, ensemble les François qui estoient dedans, de la montagne fut precipitee de

La maniere de faire les mines pour abbatre villes Et chasteaux.

dans la mer. Quand donc le chasteau est situé sus vne montagne, & semble qu'il soit inexpugnable pour la situation, ils fouissent, & font les mines obliquement de la hauteur de quatre coudees, & de la largeur de deux: & ne faut auoir grand egard à l'obliquité: mais que tu sois loing: mais quand tu seras parueniu au lieu que tu veux renuerser, il faut que la mine soit oblique, comme auprès de A, & que la matiere de la montagne soit illec solide, de peur que la vertu du feu enclos ne seuanouisse pour la rarité du lieu, apres ce lieu est emply presque tout de la poudre de Pyrio tres-menue. Et vne corde est tres-estenduë depuis A. iusques à l'entree B: & ceste corde doit estre espesse & large comme vn lopin de laine, auprès de A ou est la poudre. Toute la chorde est bouluë en vinaigre, en soufre: & halinitrum, apres couuerte de la poudre de Pyrio, elle est sechee au Soleil: & la chorde sechee, la poudre de Pyrio tres-menue est dessus aspergee, & est couuerte de roseaux depuis A iusques à B: puis l'entree C est fermee de coings & de pierres iusques à D, tant diligemment, que la place d'vn seul roseau reste, & demeure. Pourtant B le commencement de la chorde allumé, soudainement le feu coule iusques à A, pour cause de la poudre de Pyrio, & enflamme toute la poudre: & entendu que le lieu C est couppe de coings & de pierres, &

veu que nulle sortie estre patente, si ces coins & pierres ne sont poussez dehors, pource qu'E ne respõd directement à A, ne D directement à C, ne B directement à E D, il est necessaire que la mōtagne rompue la poudre renuerse tout ce qui est en hault, brisant toute la quantité de la montagne. Pourtant il ne faut pas que la voye B A soit breue, ne la place A par quelque partie debile, de peur que le feu ne sortit par violence de la part ou l'obstacle seroit debile, & ne laissast le lieu d'enhaut sans luy faire mal. Quelqu'un peut estre, m'obictera qu'il n'appartient au medecin d'enseigner ce qui appartient au detrimẽt & ruine des hommes, cōme sont ces choses, non plus qu'il luy appartient d'enseigner les venins. Or quant à moy, ie n'enseigne cecy, ains il est vulgairement & par tout cogneu, toutesfois ie demōstre les causes & raisons incogneuës pourquoy ces choses sont faictes. Et n'ay iamais escrit aucune chose qui peut apporter quelque nouveau detrimẽt: mais les choses cogneuës qui ont leur origine des secrets de nature, i'ay proposẽ en monstret les causes, afin que pour certaine demōstration elles soient patẽtes non autrement que les elemens de Geometrie.

Mais ces matieres laissẽes, derechef retournons à la vertu du feu, de laquelle sont venuës grandes doutes. Car puis que nous auons dict que le feu est cōseruẽ par le mouuemẽt, pourquoy, dira quelqu'un, le charbon ardent est-il mieux gardẽ souz les cẽdres, que descouuert, veu que les cendres empeschent le mouuemẽt? Ceste doute est de facile solution, n'appartenant à ce present liure, auquel i'ay proposẽ de poursuiure seulement choses tres-difficiles, & de grande consequence. Pourtant cy apres ie me deporteray de telles doutes, qu'elle est ceste-cy proposẽe. C'est donc assez de luy respondre, que le feu a tousiours quelque mouuemẽt, mais le brasier, ou charbon ardent l'a petit, qui mesmement demeure sous les cendres. Quand donc le brasier est descouuert, l'air l'environnant corrompt ce feu: car il aime mieux corrompre, que d'estre corrompu: & tant petit mouuemẽt ne peut le cōseruer, mais couuert de cẽdres, il est hors de l'offence de l'air. Pourtãt l'air est con-

*Pourquoy le
feu est gardẽ
sous les cẽdres*

seruë en trois manieres , ou quand de soy-mesme il excite le mouuement comme aux cierges, & generalemēt là, où la flamme s'entretient de son propre mouuement: ou quand elle est nourrie d'vn mouuement prouenant d'autre part, comme quand le vent souffle ou des soufflets, dont tous les grāds feux sont presque faictz quād le vent est valide: tiercement, quand le feu est hors de l'offence de l'air, cōme dit est, en sorte toutesfois qu'il puisse respirer, comme sous les cōdres. Et ne faut auoir esgard, si les cendres sont prises autre part, ou comme il aduiēt en aucun bois, si le feu les assemble deçà & delà.

Vne autre doute est, pourquoy coustumierement nous disons que le feu est plustost substance, que la glace: car aucun n'a dict que la glace soit substāce, & presque tous non seulemēt on dict, ains ont estimē que le feu est substance, veu que toutesfois les deux sont accidens. La cause & raison est manifeste. Nous appellons coustumierement les accidens qui sont au subiect, non corrompu: la glace semble estre ainsi. Car l'eau gelée, le lait, le vin, semblent retourner à leur naturel, quād la gelée est passée. Mais plusieurs choses sont corrompues par le feu, & plusieurs choses qui demeurent comme les pierres, & metaux, semblent estre grandement, blessées, excepté l'or & l'argent, & quelque peu de pierres precieuses: pour ceste cause ils estimēt, que le feu est quelque chose plus grande que chaleur: Toutesfois i'ay par cy deuant enseigné la cause de la difference.

Vne autre chose estoit digne de doute: pourtant que le feu sembloit estre quelque chose separée de toute chaleur, il ne l'est toutesfois, combien qu'il muē la couleur, & qu'il engendre facilement vne couleur à soy semblable. Or tout feu ne reluit: car le fer enflammé allume & brusle le soufre, dont il appert que le fer auoit ja cōceu & pris la forme du feu, & toutesfois il ne reluit. Ainsi est par diuerse raison, le feu que l'eau ardente iette hors, nō seulemēt pour cause de la rarité de la substāce, ains pource qu'il est moins chaud: pour ceste cause, jaçoit qu'il soit cōsumé & reluisse, à peine diray-ie que le feu qui ne brusle le linge, auquel il touche, & qui de l'eau mesme est mouillé, doit estre dict feu. Par mesme

Pourquoy nous disons le feu estre plus tost substance que la glace.

A sçauoir si quelque feu ne reluit point.

L'eau ardente brusle sans faire mal au linge qui en est mouillé.

*Que la main
brustera, l'hô-
me ne le sen-
tant.*

raison si l'eau distile long temps, & est de plus en plus
attenué, la main de l'homme brustera miraculeusement,
& l'homme ne le sentira. Pourtant si quelqu'un considère
bien, après que la chaleur atteint certaine borne & fin,
elle mérite estre dicté feu: or ceste fin est quand la flam-
me peut vaincre l'air. Et quand elle est paruenüe à ceste
fin, elle acquiert autant de splendeur & clarté, & de for-
ce, que la chaleur & le feu est augmenté.

*Le feu ne cō-
siste moins en
seicheté, qu'en
chaleur.*

Doncques comme j'ay dict, des le commencement,
le feu n'est autre chose que grande chaleur ioincte avec
seicheté: car sans seicheté le feu ne peut estre, autrement
l'eau bouillante pourroit estre feu. L'essence dōc de feu
ne despend moins de la seicheté que de la chaleur.

Pour ceste cause j'ay appris de faire de tout bois les
torches & falots: mais s'ils sont faits de bois d'ese & so-
lide ils durent plus long temps. Tu diuiseras en plusieurs
pieces, comme en douze ou seize, ou plus, le reieton de
chêne, de l'espaisseur d'une coudée, depuis le coupeau
iusque en bas, en sorte toutesfois que le bas demeure
entier: après qu'il soit seiché deux ou trois iours dedās
vn four: ainsi l'humour aqueus reiecté, veu que ce qui a
quelque graisse demeure, ce reiectō dōne lumiere cōme
vne torche allumée: & s'il est long de la hauteur d'un hō-
me, la flāme viuë dure l'espace d'heure & demie, d'une
lumiere tres-luisāte. Le feu dōc, cōme j'ay dit, est esteint
tāt par choses froides, que par choses humides: par cho-
ses humides, certes pour deux causes, la premiere, cōme
par choses contraires, la secōde, pource qu'elles empes-
chent que le feu respire, & qu'il puisse estre mouué: par
choses froides seulement comme par choses cōtraires.
Le feu donc est esteint de l'eau en trois manieres.

*Le feu est e-
steint d'eau
en trois ma-
nieres.*

*Comment le
feu est engen-
dré.*

Il reste maintenant de monstrier les causes de la gene-
ration du feu, qui ont en soy non petite obscurité.
Considerons donc premierement par quātes manieres
le feu est engendré. Il est engendré par propagatiō, par
retraction, per percussion, par friction, par putrefactiō,
par coition. Car le feu qui est engendré des miroirs ca-
ues ou esleuez en rotondité claire, appartient manifeste-
ment à la coition. Et la raison de coition n'est obscu-
re, car si tu distribues dix deniers à dix hommes, chaf-

*Miroir ar-
dent.*

cun aura vn denier: si tu le distribues à cinq, chacun aura deux deniers. Si donc la chaleur qui est esparée en grand' espace est assemblée, tout ce qui estoit de chaleur en ce grand espace, sera au petit: pourtant ceste grande chaleur assemblément contenue en ce petit espace produira de grands effects, dont meritera estre dicté grand, & pource le feu sera engendré. Cecy certes est tât plainement exposé qu'il n'est necessaire de le repeter. Mais le feu qui est par retraction, est reduit en la coition. Car la retraction n'allume le feu pour autre cause, sinon qu'elle assemble en vn la cause dont est cogneüe. Comme il est faict par propagation, ie l'ay monstré par ey deuant. Car toutes choses qui consistent de nature & sont mortelles, sont apres à engendrer leur semblable: ce n'est donc merueille si le feu est engendré du feu. Mais friction & percussion ont leur origine du mouuement. Quât est de putrefactiõ elle n'est suffisante pour allumer le feu, mais elle est confirmée ou par autre chaleur ou par mouuement, ou par retraction, ou par coition. Pourtant si i'enseigne cõment le feu est faict par le mouuement, ie demonstreray assemblément tous les moyès par lesquels le feu peut estre allumé: & que seulement ils sont trois moyens, coition, propagation & le mouuement, quoy qu'ils semblent estre plusieurs autres. Or de monstrer comment le feu est engendré par le mouuement, n'est autre chose que de monstrer comment le mouuement est la cause de chaleur: car si le mouuement est cause de la chaleur, il sera mesmement la cause de son augmentation. Et le feu, comme i'ay dict, n'est autre chose que chaleur grandement augmentée. Pourtant les Aristoteliques enquierent, comment le mouuement eschauffe, & sus ce point blasonnent plusieurs inepties: toutesfois ils reuiennent en ce but, que la chaleur est l'effect du mouuement: & le tout est autant comme s'ils disoient, nous ne sçauons rien de cecy. Car demonstrer vne chose par chose semblable, c'est vn vray argument d'vn blasonneur ignare. Qu'ont dict aucuns obscurement selon leur maniere de dire, que ceste chaleur est en l'air maintenant, mais que par le mouuement elle est deduite en telle forme,

Comment le mouuement engendre la chaleur & le feu.

Auerrois sur la Metaphy. traicté. 2.

& que ceste chaleur est celle, qui prouient des estoilles
 O les venerables personnages ! Ils n'estiment que les
 astres sont chauds : & apres veulent que la chaleur des
 astres soit le feu. Et combien qu'il soit concedé que les
 astres non chauds facent la chaleur, derechef vne dou-
 te vient comment le mouuement augmente ceste cha-
 leur. Car il est certain que la chaleur parauant conceuë
 des estoilles n'est encores pleine de feu sans le mouue-
 ment. Alexandre consent bien en cecy, que le feu n'est
 tiré des pierres, mais l'air qui est cōtenu dedans les pier-
 res, est tourné en feu par le touchement de l'acier con-
 tre la pierre. Or s'il est ainsi, pourquoy le feu n'est il
 plustost tiré des pierres tressolides & dures, comme le
 porphyre, que des plus tendres, comme la pierre bise, &
 la calcidoine ? derechef pourquoy le feu ne prouient il
 plustost des deux pierres d'une mesme espece, comme
 de pierres bises, qu'il fait d'une pierre bise, & de l'acier ?
 Apres, pourquoy (qui est chose grāde) si l'air seul est en-
 flammé, les estincelles en la plus grande partie, comme
 pesantes, descendent-elles lentement ? Car le feu pur ou
 il ne descend point, ou il descend subitement, s'il est cō-
 traint par impetuosité. Puis que donc aucunes des estin-
 celles descendent lentement, elles ne consistent de l'air
 seul. Alexandre donc a bien dict, que le feu n'est conceu
 en la pierre : car le feu brusleroit la pierre, & la pierre
 brusleroit la main de celuy qui la toucheroit, & facile-
 ment le feu seroit allumé, & en requerroit alimēt, & de
 deux pierres frappées ensemble, facilement le feu sorti-
 roit comme de deux calcidoines : car le toucher l'un cō-
 tre l'autre suffiroit à faire du feu : desquelles choses, en-
 tendu qu'il n'est rien, il est manifeste que le feu n'est
 contenu dedans la pierre. Or, comme i'ay dict, il n'est
 engendré de l'air : car tant plus les pierres sont dures, tāt
 plus elle ont besoing de grande percussion, pour engē-
 drer le feu. Doncques si seulement il suffisoit que l'air
 fut frappé de tel coup, quel est celuy dont le feu est tiré
 de la pierre bise & de l'acier, le feu pourroit estre engē-
 dré de deux pieces d'acier : or n'est ainsi, ains, cōme i'ay
 dict, les matieres les plus dures requierent coup plus
 vehement, & font vñ feu plus solide, & plus vif, en sorte
 qu'une

*Comment le
 feu est tiré
 hors des pier-
 res.*

qu'une estincelle d'iceluy dure long temps. Outreplus aucunes pierres sont tendres comme de verre, qui seulement touchées d'un petit coup, font le feu, mais un feu qui n'est vif. L'indice est certain que par la substance de la pierre le feu est engendré, pourtât que sans la toucher, le feu n'est iamais fait: l'air aussi, cōme j'ay dict, est mué en flamme, non en estincelles. D'avantage, les meules qui sont tournées, neantmoins qu'elles soient couvertes d'eau, non de l'air, toutesfois elles iettent le feu & les pierres aussi, mais seulement par les angles.

Pourtant le feu n'est caché dedans les pierres, & n'est engendré de l'air par autre air touché. Et que le feu soit aux pierres par puissance, il n'en est aucū certain indice: car iettées dedans le feu, à peine elles sont allumées, & ne sont iamais enflammées par chose froide, & si on les voit elles refrigerent grandement. Parquoy il est manifeste que le feu est fait en touchant la pierre cōtre autre chose, sa substance reduite en parties trespetites: & que la matiere de ceste pierre, ou de ceste là est apte à faire le feu. Car les pierres pures & dures qui consistēt de matiere rare, comme calcidoines, pierres bisēs & autres semblables, elles sont trespropres à ce faire: au contraire, les pierres fragiles ou tresdures, ou qui consistēt de matiere espesles n'y sont aptes.

Or il faut retourner d'où j'estois party, sçavoir est, au mouvement allumant la chaleur: car du mouvement toutes autres matieres du feu presque semblent dependre. Pourtant nous ne voyons iamais le feu estre fait de l'eau, mais de l'air, sinon par propagation, non par mouvement: & si quelque matiere des choses humides est allumée, cōme l'huile & le vin, elle est enflammée du feu, non du mouvement. Pourtant il faut que ce qui est enflammé par le mouvement soit sec, non humide: mais ce qui est enflammé par autre feu, il peut estre humide. Ce qui est donc grandement sec, il est ia à demy feu. Car comme j'ay dict, le feu est chaleur vehemente & secheté. Ce qui est donc sec, a besoing qu'il s'eschauffe autant qu'il est sec: or est vne mesme raison de la partie & du tout. Et si la secheté s'eschauffe par grand mouvement, il sera aussi grandement chaud. Quand donc le

sec est agité par le mouuement, il est necessaire qu'il deuienne rare : & la substâce rare & seche est tost tournée en feu. Car toute matiere attire en soy la forme sous certaine quantité. Ce dōc est biē dict, que la chaleur qui est par les astres mixtes, est iointe à la matiere seche quand elle est trop attenuée par le mouuement, l'humidité ne repugnante, entendu que ja nous auons supposé que la matiere est seche, ne les qualitez (cōme pour exemple) de la pierre certes debiliées par la premiere forme pour cause de leur tenuité ne reçoient la forme du feu, à ce la chaleur operante, de peur que les qualitez de la pierre ne fussent ensemble, & la substance fut absente. Ceste maniere donc est quasi contraire à la coition. En la maniere de coition la chaleur est assemblée, la matiere constante & ferme: icy sous vne mesme chaleur la matiere est atteuée. Cecy est vn indice, que c'est la cause pourquoy l'eau est muée en air par le mouuement, comme chacun peut veoir quand elle tombe impetueusement. Car quād l'eau est iointe à l'air humide sa matiere attenuée, elle prend la forme de l'air.

Le froid n'est rien actuellement mais est la seule priuatiō de chaleur.

Mais tu doubteras, pourquoy en l'air & matiere froide, en laquelle le froid ia surmonté, comme en vne pierre, la chaleur s'esleue, veu que le froid est le plus puissant. Le respon que si le froid est entendu pour l'acte, n'est rien, sinon vne petite chaleur: & ce qui n'est point, n'a aucune operation. Pour ceste cause le froid ne s'esleue haut, veu que ce n'est qu'une priuatiō de chaleur: mais la chaleur s'esleue qui est grande, si elle est comparée à la paucité de la matiere suiēte. C'est indice que le froid n'est totalement que la priuatiō de chaleur. La rigueur des fieures tierces est, en laquelle veu que n'est aucune matiere froide, mais la fuite de la seule chaleur, neantmoins on y sent grand froid. Là où donc petite chaleur est en peu de matiere, elle est gardée. Par semblable raison secheté n'est autre chose que priuatiō d'humour. Pourtant les choses seches ne peuuent estre humectées, entendu que de priuatiō n'est aucun retour à l'habitude. Mais il est plus difficile d'humecter que d'eschauffer, car l'humour est vn principe pris de l'element: & la chaleur du ciel, qui tousiours la distribue

Secheté est priuatiō d'humidité.

Les choses seches donc sont restaurées & restituées par seules matieres adioustées. Mais il est plus facile de refrigerer & secher, veu que ces deux mutations cōsistent en empeschement. A bon droict les anciens ont mis l'ether & l'eau le principe des choses naturelles, pource qu'en l'ether la chaleur est estimée dominer, & en l'eau l'humidité abōde. A meilleur droict ils eussent mis l'air, s'il estoit chaud, & humide. Aucun n'a dict la terre estre principe, car elle est froide, & seche. Or les choses chaudes outre nature difficilement sont refrigerées, car le mouuement les conserue. Les choses donc chaudes naturellement plus difficilement sont refrigerées, car leur mouuement est perpetuel. Or en l'air froid vne scintille de feu est soudainement esteinte, si elle n'est secourüe. Mais l'air ne peut empescher la generation du feu, qui est fait interieurement, l'air seulement l'enuirōnant.

Mais tu m'obiecteras. Si le froid n'est rien actuellement, ains la seule priuation de chaleur, comment les choses froides refrigerent, & les chaudes eschauffent? Le froid est tousiours avec beaucoup de matiere, & est impossible qu'une chose trestenue & rare soit froide: & tout de matiere empesche que la chaleur puisse penetrer, & estre mouuée, parquoy le froid refrigerer par ce moyen. Ce donc qui eschauffe, il est chaud de soy-mesme: ce qui refrigerer, il refrigerer par accident. Peut estre que tu repliqueras, pource que nous sentons estre refrigerer soudain, par choses froides, non autrement qu'estre eschauffez par choses chaudes, en sorte que quelque espece de froid semble estre produite. Certainement, comme j'ay dict, le froid n'est autre chose, que priuation de chaleur: & ce qui est mouué, & ne s'arreste il est refrigeré, comme l'eau & l'air des vés valides. D'auantage quand quelque chose est refrigerée par touchement, la superficie est refrigerée seulement, la chaleur se retirant interieurement: & n'est possible que pource subitement quelque chose soit refrigerée, mais par longue demeure les parties les plus interieutes sont mesinement refrigerées.

Outreplus les fondemens des choses naturelles sont vrayz, ausquels n'est rien de repugnât. Et ceux qui ima-

*Quoy c'est que
la chaleur.*

ginent les qualitez estre ioinctes & fixez aux substāces, & que frigidité est quelque principe de nature, ils tombent en questions tresdifficiles, & ne peuuent dire les causes des choses qui sont, & s'esforce les passer, ou obscurcir de parolles ambigues. La chaleur donc est vne propre qualité celeste mouuante les corps, laquelle aydée du mouuement, crée le feu. Si elle est cōfondue empeschée par moult de matiere, elle engendre le froid. Et toutes choses ne demeurent semblables par le mouuement, elles deuiennent plus froides, comme l'eau & l'air. Et la multitude des rayons du Soleil & des estoilles, fait la temperature de l'air, lesquels il reçoit qui l'eschauffent. Et la terre ne peut estre tant froide que de l'eau, pource qu'elle n'est mouuee.

*Les gerres de
subtilité en
la substance.*

Ces choses donc constituées par lesquelles nous môftrons plusieurs secrets de nature, que de long temps ont esté cachez, derechef nous retournerons à l'histoire du feu. Mais premierement il faut mettre deuant quelques choses de la subtilité des substances. Aucunes sont dictes tenues & rares de soy-mesmes, cōme l'air: aucunes par quantité, comme les cheueux, aucunes pource qu'elles sont fluides, cōme le sang, aucunes pource que elles peuuent estre diuisées en partie trestenues & minces, comme l'or: les autres pource qu'elles ont ensemble plusieurs de celles-cy, comme les esprits qui sont les instrumens de noz operations. Plusieurs choses sont faictes par art tenues & minces, cōme le plomb lequel est tant attenué par art, qu'il est redigé en poudre, dont coustumierement ont faict les horloges. Quand il est fondu, il est mouué legerement dedans vn mortier: & pource qu'on ne peut l'assembler, il se retourne en poudre. Et combien que l'art redige en matiere trestenüe le bois ou les pierres, ou les metaux, non toutesfois il les mesle, ne attenne leur substance, mais seulement la quantité. Or si le feu attenne, il separe: ou s'il mesle, il n'attenne. Car en separant les matieres qui sont crasses & espesses, il donne l'espece de luy qui est attenuant.

*La subtilité
par art com-
mēt elle dis-
fire de natu-
re & du feu.*

Seule nature peut assemblement mesler & attener la substance. Car comme i'ay dict, quand i'appelle maintenant les matieres subtiles qui peuuent estre deduites

& attenuées, & qu'il est necessaire telles matieres du cti-
bles estre humides, & que le feu seche, il ne peut atte-
nuer s'il ne separe. Le feu donc attenne ou en diminuât
les choses seches, comme quâd il redige l'arene en pou-
dre: ou en faisant fondre, comme les metaux: ou en se-
parant les parties tenues & rares, comme aux distilla-
tions. Mais quand le feu brusle, veu qu'il diminue les
matieres seches, & faiçt fondre les humides, il attenne
aussi. Toutesfois il aduient aux distillatiōs aucune estre
attenuée & estre meslée à l'autre, quâd elles sont faiçtes
du chaud humide, non pas du feu. Car la chaleur mesle
& attenne avec l'humidité. Et cecy est fait les vaisseaux
mis en l'eau bouillante, & l'appellent le bain de Marie.
Le gerre de distillation proche à cestuy, quant à la bōte
est au fiens de cheual: apres celuy qui est tres excellent
aux cendres, aux recremens des oliues, quand l'huile en
est tirée. Car entendu que la substance en est chaude &
humide, elle peut garder sa chaleur par plusieurs ans, &
partant plus long espace de temps que les grains de rai-
fins, d'autant que la substance des oliues est plus dense
& plus grasse. Or nulle de ces matieres peut faire cou-
ler les metaux, mais ils requierent le feu.

*L'usage de
distillation.*

Et comme la distillation est faiçte tresardante par le
feu, ainsi elle est inepte à la mixtion & à la vraye atte-
nuation: à laquelle est presque semblable celle qui est
faiçte aux cendres, Car si tu mesles les matieres distil-
lées par le feu à leurs excremens, le tout sera faiçt plus
pesant que parauant selon la proportiō de la quâtité, &
mesmemēt plus sec. Le feu donc n'attenne point vraye-
ment, ains nature mesme, qui cuit & mesle toute la sub-
stance. Donc toutes choses conuiennēt en vn pour cau-
se de la subtilité: & la matiere meslée est faiçte plus dé-
se, & toutesfois composée des parties tresrares. Dōc la
la concoction naturelle, comme ainsi soit qu'elle obtiēt
la force du feu, en faisant fondre les matieres dures, &
qu'elle obtienne la force du bain en amolissant, en icel-
le donc les parties les plus espees sont diminuées, ce
qui ne peut estre impetré du feu.

*A sçauoir se
les caues di-*

Mais de ces choses vient vne grande doubte: car si le
feu eschauffe & seche toutes choses, toutes les caues
force.

f iij

qui sont distillées deuroyent estre chaudes & seches. Et la substance ne repugne point qu'elle soit aqueuse : car entendu que telle eau est ardante & est bruslée, aussi elle eschauffe & seche grandement les corps humains. Derechef, toutes euaes sont froides & humides, la substance surmontante. Or l'un ne l'autre n'est tousiours vray, ains aucunes d'icelles sont plus semblables à celles desquelles elles sont receuës, comme l'eau de rose par odeur, par saueur, par force, & vertu. Vne potée d'eau de plantain peult faire cesser le flux de sang coulant de toutes pars. L'eau de lectue n'en fait autant, combien qu'elle soit la plus froide. Quelqu'un n'aguères quand il s'efforça augmenter la memoire, il espendit l'eau de melisse en du vin blanc l'espace de trois iours, apres le vin legerement exprimé, il cueillit l'eau en la distillant, par le breuuage de laquelle il sembloit auoir recuperé la memoire. Mais pource qu'il auoit le foye chaud, il gasta presque totalement sa santé & bõne disposition de son corps. Et les Alcumistes appellent ceste maniere de faire, ficher les estoiles au ciel. Coustumierement donc on demande si telles euaes retiennent leur propre vertu. Au temps iadis, quãd ie parlois du mauuais vsage de medeciner, i'ay dit qu'il n'est aucune vertu qui soit destituée d'odeur & saueur. Car l'eau d'absinthium ne sent point l'absinthium, & n'est amere, aias, qui est merueille, elle est aucunement douce, ardante toutesfois afin que ie laisse l'eau de rose, elle prouue que les euaes ont quelque vertu. Car si tu dis qu'elle est telle pour cause du feu, pourquoy est-ce que nulle des autres est telle? Car ceste eau d'absinthium grandemēt eschauffe, seche, penetre, sent fort, elle brusle. Pourtant il est certain que les euaes ont vertu, mais non toutes, ny egales. Et toutes choses qui ont la substance rare & iointe à la froide, elles rendēt vne eau non differente à foy, comme la rose: mais celles qui l'ont rare & chaude, la rendent semblable, mais bruslante, comme le vin, & aucuns de minerailles: celles qui l'ont crasse & chaude, l'ont differente, & mauuaise, comme l'absinthium: celles qui font la substance dense & froide, elles rēdent j'eau differente, mais nō mauuaise, comme les courges.

Selon ceste raison tu entendras facilement la vertu des eaux qui sont receües à petit feu.

Derechef icy est mouué vne doute, à sçauoir, s'il est licite de faire l'eau temperée, qu'ils appellent la quinte essence? Cest eau sera, comme i'enseigneray, vn ether, c'est à dire, vne substance trefrare, mobile, & qui retient par son mouuement la chaleur temperée, & toutesfois abondante. Ceste eau donc peut conseruer toutes les vertus, & prolonger la vie. Car entendu qu'elle est subtile, elle se mesle à la premiere radicale humidité, penetrante les choses solides, & separe les excremés qui sont contenus en l'humidité: mais pource qu'elle a moult de chaleur, elle reiette tout ce qui n'est pur, & pource elle restaure & refaict la chaleur naturelle. Car vieillesse n'est autre chose que diminution de chaleur naturelle: qui est diminuee, pource que le mouuement est empesché, comme i'ay dit du feu: car la raison de cestuy-cy est semblable à l'autre. Et le mouuement est empesché pour cause de l'abondance de la substance terrestre: car la terre seule a beaucoup de matiere, & n'a aucun mouuement. Doncques ceste eau de quinte essence, entendu qu'elle est de chaleur temperée, ne blessera le cœur, & ne sera mauuaise au foye. Pourtant elle seule peut donner ce que i'ay dit. Ils racontent qu'en l'isle Gonique, qui est loing de la petite Espagne du nouueau monde de douze cens mil pas, est vne fontaine au coupeau de la montagne, qui restitue les vieilles, toutesfois elle ne mue les cheueux blancs, & n'oste les rides ia faictes. De laquelle chose outre le bruit perseuerant, Pierre Martyr Angerius de Milan, Secretaire iadis du Roy des Espagnes, en est bon tesmoing en ses Decades du monde n'agueres trouué. Mais Ouides le nie constamment. Je ne doute qu'il ne puisse estre ainsi, aussi ie ne confesse qu'il soit. Et cecy est moins à croire, pourtant qu'ils disent que ce est faict depuis peu de temps. Mais l'homme enuieillit par la multitude des ans, il ne peut donc reieunir, sinon pour espace des ans: pourtant c'est chose difficile d'experimenter cecy. Au bon air l'eau doit estre bonne: & le bon air est au coupeau des montagnes, comme i'ay dit: & illec plusieurs incommoditez sont

f iiii

Est-il possible de faire vne eau qui puisse prolonger la vie.

Il y a de l'eau qui est si bonne qu'elle prolonge la vie.

aux hommes : parquoy il aduient à peu de personnes qu'elles puissent auoir de nature telle aide de retourner en ieunesse. Pourtant afin que ie retourne à mon propos, & qu'il ne soit repeté de trop loing, quand l'eau ardante qui retient sa tenuité par long mouuement de circulation, a osté sa chaleur & viuacité de saueur & odeur, c'est ether : toutesfois elle sent bon premierement. Et l'odeur sentât bon, n'est autre chose qu'odeur agu quand il est moderé. L'indice en est, que le poiure ne sent point bon, ne le gingembre, pource qu'ils sont agus immoderément: toutesfois vne petite quantité sent bon. Mais au contraire, ceux qui sentent bon, la canelle, l'amomum, le safran, le clou de girofle, le musc, ils sont agus moderément: & si tu en mets beaucoup de ceux cy sous le nez, ils ferissent le cerueau, comme le poiure, & ne semblent sentir bon. Les aux & oignons, pourtant qu'ils ont vn humeur, qui n'est sans pourriture, quoy qu'ils ne soient agus, ils puent, pource qu'ils sont modérées. Parquoy il est necessaire que l'eau ardente, si elle reuiet en temperament sente bon, la rarité retenue: & si elle sent bon, il est necessaire apres qu'elle se tourne en ether. Mesme-ment vne eau est faicte avec la substance de fourmage, qui restaure la ieunesse: elle est faicte aussi avec helebo- re telle que i'ay veuë chez mon pere: mais telles eaux molestent les corps, & reduisent vne image fardee de ieunesse, & ne la restituent. Mais l'ether restitue, & donne vraye image de ieunesse, entendu que long temps il retient & orne celle qu'il a. Mais la retient-il tousiours? Non seulement quand rien n'est empeschant, & moult de matiere est empeschant de ce faire.

*A sçauoir si
le feu est plus
rare que l'e-
ther.*

Derechef, à sçauoir si le feu qui est treschaud est plus rare que l'ether & quinte essence? Ouy certes, car il est contigu au Ciel, & pource tresleger, & modere par circulation la chaleur imprimée des astres, la tenuité & rarité retenue: & par tel moyen ceste eau ardante redigee en la supreme tenuité par la chaleur du feu, par le mouuement est refrigerée, & acquiert vne temperature. Pourtant, & ceste eau & l'ether sont presque vne chose moyenne entre les choses mortelles & immortelles. Car entendu qu'elle a lieu & temperature, & substance

proche au Ciel, elle ne peut estre corrompue. Mais cependant qu'elle est poussee en bas elle est refrigeree, & ainsi apres long temps elle est corrompue. Pourtant c'est chose presque moyenne du mortel, & de l'immortel, duquel gerre les Stoïques estiment l'ame humaine. Mais que l'ether est icy elaboré, & fait de l'eau ardante, pource qu'il est attenué par la chaleur, & n'est assemblé par le mouuement, il deuiet trop plus tenu & rare. Pourtant l'un & l'autre est fait par semblable moyen. Ainsi toutes choses qui sont muees par la chaleur du feu, acquierent vne chaleur & secheté euidente, comme la chaux & la cendre. Mais ils different, pource que la chaleur ne finit en la chaux, & elle est presque toute consumée en la cendre. Pourtant ceux qui composent de chaux & de cendre les medicaments escharotiques, c'est à dire, erodans, ils cherchent de la chaux principalement la chaleur, de la cendre ils cherchent la secheté. Ainsi font ceux qui tirent l'eau forte, par laquelle les metaux sont separez. Ceste eau est composée en telle sorte: Prenez vne partie de halinitrum, trois parties d'alun liquide, qu'ils appellent de roche, vne demie part d'arene: sechez diligemment & purgez au feu, font distilez par vaisseaux ou alembic de verre. Ce qui est premierement coulé, est cueilly à part: quand finalement la superficie du vaisseau semble estre iaune, le feu augmenté, vne autre eau succede, qui souuent est receue dedas la premiere: & toutesfois si tu la reçois en eau de fontaine, encores elle est tant acre que ce neantmoins elle dissoult l'argent, & le separe de l'or. Or est-il ainsi separé. Pren vne petite partie de l'eau extraicte, à laquelle mets le pois d'un obole, c'est à dire, de douze grains d'argent pur, & la laisse mise dedans les cendres iusques à tant que l'argent soit dissoult. Ceste eau iet-tera en bas au fond du vaisseau les excremens semblables à la chaux menuë, lesquels ostez, ce qui reste de l'eau pure, tu l'adiousteras à toute l'eau de laquelle tu l'auois ia extraicte, laquelle par semblable exemple iet-tera en bas au fond du vaisseau excremens semblables aux autres, lesquels ostez, tu auras toute l'eau trespure. & plus forte à dissoudre l'argent, excepté l'or. Mais pour-

*La difference
de la chaux
& de la cen-
dre.*

*De l'eau qui
separe l'or de
l'argent.*

ce que facilement elle s'esuanouyt, elle est retenue enclose diligemment dedans vn vaisseau de verre. Or quãtes vertus a l'eau à celuy qui l'estime, laquelle excepté, comme i'ay dit, l'eau de puis, peut rediger mesmement sans feu, l'argent en eau par l'espace de vingt-quatre heures, & par petite chaleur des cendres en deux ou trois heures, nul est qui n'attribue vertu admirable, ains plustost incredible à ces vapeurs extremes, & à l'eau en laquelle sont muees les vapeurs. De semblable gerre est l'eau qui est faicte de sel armoniac, & de nitre, de calchátus, & d'alun liquide par portions egales, la quatriesme partie de verd-degris adioustees aux predictes matieres: ceste eau faicte par artifice ne cede point aux pierres precieuses. Si toutesfois tu adioustes quelque portion de la pierre Ostracitis, dicte Smiridis, par laquelle ils polissent les pierres precieuses, tu auras l'eau plus copieuse, & meilleure, pource qu'elle n'est bruslee. Ces choses doncques cogneues par experience, voyons pourquoy ceste eau deuiant tant forte: car l'experience manifeste enseigne que la plus seche partie atteneue par la vertu du feu, prend la vertu du feu, & est erodente. Mais pourquoy l'eau de separation n'ard elle comme l'eau ardente? Pourtant que l'ardente est la plus chaude & la plus tenue & la moins seche, pource elle peut ardre & grandemēt eschauffer, non toutesfois elle est erodente. Mais l'eau de separation peut estre erodente non pas ardre, ains vn peu eschauffer. Donc par semblable raison, l'huile qui est receuë de calchantus par la force du feu, entendu qu'elle tourne la plus seche partie en humeur, elle est tresague, & mord la langue, comme le feu. Il est donc manifeste, que par ce moyen on peut faire vne eau qui rompra incontinent la pierre de la vessie, si elle est mise dedans par vne ciringue. Car veu que ces deux choses sont necessaires, & qu'elle brise la pierre, & qu'elle ne soit dōmageable à la vessie, la maniere, & matiere donnera la premiere chose: car nous prendrons les extremes vapeurs de la cēdre des Scorpions, ou du persil Macedonic, ou les vapeurs pris de Tecolithus, ou des pierres de cancer: ainsi l'eau sera faicte qui mesmement pourroit rompre la pierre Porphiris: d'auantage, ceste

*La cōparai-
son de l'eau
ardēte & de
separation.*

*L'eau qui
peut rompre
la pierre de la
vessie.*

eau ne faict aucun mal à la vessie, si la matiere ou l'eau est receuë, est exempte de toute humeur salee. Il ne faudra donc receuoir ceste eau en quelque matiere salee, ou en alun, ou en calchantus, ou en lie de vin, ains en aucunes des matieres que i'ay recitees n'agueres. Or il est besoing tousiours d'experience diligente pour confirmer la raison de subtilité, afin que nous puissions deduire à l'usage des hommes ce que tant subtilement nous auons experimenté, seurement confirmé par experience. Je sçay certainement que le fumier de pigeon, & la parietaire deduis en eau par art, peuuent rōpre les pierres tres-dures de la vessie. Or que ce peut estre & peut faire mesinement sans nuisance, il le faut declarer par experience. Car & le sang de bouc & la peau de lieure, & le verre, sont moult prouuez par raison, & toutesfois il peut estre, que nul d'iceux preuue quelque chose à part, mais quelqu'vns d'iceux ioints ensemble, & par certaine mesure. Il faut certes, que la matiere metallique soit telle, ou ce qui est mué à la nature du metal. I'ay ouy dire, qu'au temps passé telle eau fust inuentee de quelqu'vn Ianuësis, mais depuis perdue par la mort d'iceluy qui ne voulut donner à cognoistre la maniere de la faire. Il est certain qu'elle peut estre inuentee, & que c'est l'art d'iceluy. Or on doutera, à sçauoir si les matieres téues & rares sont les plus agues, & les plus erodentes. Andreas Lacuna, Medecin Segobienfis, raconte le medicamēt de Philippe Lusitan, lequel est composé d'alun, de verd-de gris, d'auripigmentum, & de calchitis les proportions egales, lesquelles matieres arrousees de fort vinaigre par l'espace de huit iours, & sechees & batues au Soleil, tāt plus long tēps elles sont batues, arrousees, & sechees, & tant plus le Soleil les eschauffe, tāt plustost l'eau mange la chair suruenue au col de la vessie & aux parties honteuses, & avec moins de douleur: & ce medicament est preparé pour ce faict. Doncques les matieres espesses semblēt estre comminuees du Soleil, & fort vinaigre, estre redigees en poudre menue par attrition & frotement. Et pource que ceste eau faict moins de douleur, cela aduient pourtant que les parties bruslees sont resoultées. Ce medicament donc semble

Laquelle des matieres rares ou espesses est la plus erodente.

estre faict plus tenu par la quantité : mais plus espais & plus egal par la substance. Et ce dernier muë moins le corps en eschauffant ou en sechât. Les matieres donc les plus tenuës & rares tant en quantité qu'en substâce, rōgent plus legeremēt : mais celles qui sont de substâce moderee sont moins de douleur. Les matieres donc espesses en quantité, & rares en substâce font douleur, & rongent plus tardiuement : celles qui sont espesses en substâce & quantité, rongent tardiuemēt & sans douleur, comme la chaux & sauon tendre, dont autresfois nous auons parlé : les matieres subtiles en substâce & quantité, rongent legerement & avec grand douleur. Les epees en substances, & rares en quantité rongent legerement & avec petite douleur, & sont les meilleures matieres. Mais nous traicterons en autre lieu des matieres qui appartiennent à la curation de hommes.

*Comment les
effets du feu
apparoissent
sans feu.*

Or afin que ie reuienne à mon propos, il suruient vne doute, si la grāde chaleur faict ces eaux, sçauoir est, l'eau arātate & l'eau de separation, cōment est-ce qu'elles sont froides? ou si elles sont ja refrigerees, comment est-ce qu'elles sont couler & fondre le metaux? on si quelque chaleur y est de reste, pourquoy n'est elle estinte du tout sans mouuemēt? ou si elle est aidee par quelque mouuemēt, pourquoy ne brusle-elle la matiere tāt biē preparee à brusler? Et de ces choses riē n'en est enseigné par experiēce. Vne mesme raison est aux choses naturelles cōposees. Car le soufre facilemēt est allumé, & toutesfois il est froid de soy-mesme. Le poiure brusle la lāgue, & enflāme le corps grandement, sil est mangé, & toutesfois il est froid en le touchant, & mis au feu à peine conçoit le feu. Il appartient aux Philosophes de chercher ces matieres qui sont cogneuës au sens, & que nous traictons tous les iours, lesquelles inuētees apportent grāde vtilité, & ne falloit excogiter nouvelles questions par nouueaux noms. Ces matieres laisses, que auons nous (comment on dit) entre noz mains, ausquelles questions tu n'es pas moins incertain que c'est dont est faict la question, que cōment il conuiēt determiner de ce que nous enquerons. Outre-plus quand mil fois la question seroit bien solué, ce qu'à peine peut amais

aduvenir elle n'apporte aucune vtilité au gerre humain. De laquelle chose vn signe est manifeste, qu'en tant de tēps de tels personnages excellēs n'ont rien inuētē à l'usage & profit de la vie, pource qu'ils sont fondez & appuyez sus faux principes, & qu'il leur fuffit seulement de blasonner & gergōner. Poutāt de peur qu'en les reprenant ie ne sois fait semblable à eux, il est ja tēps de sou-dre ceste questiō tres-necessaire. Premierement donc il faut proposer cecy, que les matieres mixtes sont estimées estre cōposees des elemens, pource qu'aux choses mixtes les qualitez des elemēs sont manifestes: & pource on croit, qu'en elles soient autant d'elemēs qu'elles sont de cōbinations des qualitez, l'argumēt ne conclut aucunes chose. Vn autre indice plus entier, qu'en aucunes choses la terre semble estre plus manifestemēt, cōme aux matieres metaliques & aux pierres: aux autres choses l'eau semble estre plus manifestement, cōme aux herbes. Pareillement il faut supposer cecy que nous voyons à l'œil que la terre & l'eau sont les seules matieres des choses mixtes & cōposees, ce que le Philosophe a dit presque en deuināt, & que c'est la chaleur qui les cuit en les meslant. Si donc il est ja beaucoup de terre & de chaleur, la chose est moult participante de feu, cōme aux eaux predictes. S'il y a peu de chaleur avec moult de terre, le tout est dist terrestre: le poyure est exemple de la premiere proposition, les pierres de la seconde. S'il y a beaucoup d'eau & peu de terre & la chaleur est grande, le tout est grandement participant de l'air, & ce tout est gras, & facilemēt sent bon: de telle sorte sont toutes huiles, gresses, soufre, le bitumen: si la chaleur est petite, les matieres sont aqueuses, cōme plusieurs herbes dont l'homme vsē. Pourquoy donc le poyure n'est-il allumé facilemēt? Poutāt qu'il a moult de matiere terrestre avec la partie attēuee. Et i'ay enseignē, que ce qui est terrestre, qui contiēt moult de matiere, & empesche le mouuemēt, repugne à la generation du feu. Or tu diras: le poyure est leger. Ie respon, c'est pource qu'il est vain & creu: mais sa substance est pesante: & s'il est battu bien menu, il n'est leger. Or poutant que le soufre est humide, il ne brusle la langue: il ard toutesfois, pource

*Trois choses
sont aux matieres compo-
sees, la terre
& l'eau pour
la matiere, et
la chaleur ce-
leste qui ope-
re. 2. de part.
animal. ca. 1.*

qu'il est vehementement chaud.

Ces choses donc prises comme principes, venons à la solution de la question. Aux matieres mixtes trois choses seulémēt apparoissent, la terre, l'eau, & la chaleur, qui les mesle & compose. Car il est manifeste que la terre & l'eau sont meslees de leur bon gré : l'air refuse la mixtion, & ne pourras iamais le mesler à la terre & à l'eau, ny en autre chose qui seroit plus tenue & rare. Quant au feu, il n'en faut douter, veu qu'il n'est elemēt, & n'engēdre aucune chose. Si donc les matieres mixtes estoient composees de la terre, eau, & le feu, elles seroient meslees violentemēt. Or il est appert que le feu n'engēdre,

Le feu n'engendre aucune chose.

pource qu'il attire dehors: mais ce qui engendre, il attire tout dedans l'interieur. Outre, le feu seché, & ce qui est engēdré. il requiert l'humidité, qui cōme glutineuse face tenir en vn les parties. Derechef le feu separe & diuise: mais la generation requiert la contraction, non seulement la commixtion. Outre-plus le feu deduit iulques en hault les qualitez: mais les choses qui conuiennent à la generatiō, & qui sont meslees, rōpent mutuellement les qualitez. Finablement, le propre office de la

La vertu du feu pour mesler.

Les viandes crues plus vtilles & saines que les cuites.

Cinnabaris n'est le vermillon. comme pēsent aucuns.

Aucuns pensent que ce soit le sang de dragon.

Dioscorides au liu. 5.

chaleur celeste est d'engēdrer, non pas l'office de la chaleur du feu, & le feu n'est la vie par puissance. Or le feu mesle le corps, toutesfois il diuise & separe les substances. Pour ceste cause le pain est fait par le feu, & la chair en est corrompue: mais pource que l'usage n'admet que nous mangeons les chairs crues, nous les cuisons au feu. Et si la coustume n'estoit de manger les chairs: & les œufs cuits, ce profiteroit grandement à la diurnité de la vie. Mais puis qu'il n'est licite de les manger, ce qui peut estre magé cru, comme le lait, le miel, l'huile, le beurre, le sucre, & plusieurs herbes de petite substance, si ce est mangé, il sera plus vtile, tant à la vie qu'à la santé. Car cōbien, comme j'ay dict, que le feu mesle le corps, & qu'il face de soufre & de vif argent le cinnabaris, il separe touresfois les substances des alimens, & rend pire ce qui est rare, en le separant de l'espece. Pourtant si la fascherie de l'estomac ne contredisoit point, il seroit meilleur de manger les œufs crus, le huïstres, & autre poisson en l'escaïlle que cuis. Et generalement si

la force estoit valide, & la fascherie de l'estomac ne greuent point les hommes, il ne seroit besoin de feu pour cuire les viandes, & en ce ne seroit vtile. Mais ils ont mieux aimé viure delicatement & peu, que long temps en la maniere des bestes sauuages & des bōs rustiques. Pourtant ie pense que le manger des viandes crues a grandement esté vtile à la longitude de la vie à ceux qui ont habité en quelque hermitage. Car les viandes crues quand elles sont cuites au ventricule, elles sont meilleures que les cuites au feu, qui retiennent quelque vice du feu. Mais il fault si accoustumer de ieunesse.

Elles sont donc quatre especes de chaleur: vne, comme au principal acteur, c'est à dire, aux rayons des estoiles: la seconde en action: mais ioincte au sec, la troisieme ioincte à l'humidité: la quatriesme est le vestige de la chaleur, non pas chaleur. Coustumieremēt donc nous appellons la premiere chaleur celeste, & est l'origine & source des autres. Ceste chaleur telle que elle est, elle eschauffe, toutesfois elle n'engendre encores, car elle n'est ioincte à la matiere. Les Aristoteliques, qui hardiment disputent aux matieres où ils ne peuuent estre repris, diroient que ce ne seroit chaleur. Car ils diroient que nulle estoille est chaude, pource que le ciel est priué de toute qualité. La seconde chaleur est toute de feu, & est ainsi dicte, qui n'engendre rien, laquelle ioincte à secheté est plus tost l'instrument de corruption & separation, que de mixtion ou contraction, sans lesquelles la generation n'est faicte. Et non seulement le feu: mais toute chaleur du gerre de ce feu corrompt & repugne à la generation. Pour ceste cause les œufs receuz dedans les cendres n'engēdrent des petits. La troisieme chaleur est dicte la chaleur naturelle, qui a besoin de mouuement: car toute chaleur qui est actuellement, requiert le mouuement, & cōsume la matiere subiecte. Ceste chaleur a deux especes, vne ayant le mouuemēt manifeste & la resolution telle qu'elle est aux grands animaux, & d'auantage aux animaux sanguins: ou ayāt le mouuemēt obscur, telle qu'elle est aux plātes, & trop plus aux semēces d'icelles & aux matieres metalliques, ausquelles la chaleur a le

Quatre matieres de chaleur.

mouuement obscur, & toutesfois elle dissout l'humidité radicale. La preuue en est que les semences gardees se sechent, quoy qu'elles soient ointes vn an ou deux passez, & vieillissent non autrement que les hommes avec grand nombre de rides, & trop legeres, sont infeconds, & ne valent plus rien à semer. La chaleur y est par puissance, veu que la vertu de la chaleur, comme au poiure, est deriuee de toute la plante en la semence, & de toute la montagne au metal, ou de la plus grande partie, cuisant trop ce qui doit estre cuit, principalement la partie terrestre: & lors est renduë enflammee: si il y a moult de chaleur, elle deuiet pierre: si moult de la chaleur surmonte la substance aqueuse, ce est fait gras: si il y a peu de chaleur, ce deuiet aqueux.

Peut estre que tu me demanderas, si la chaleur demeure en action. Certes elle demeure: mais entendu qu'elle est naturelle, elle est fondee en substance humide, comme en la substance du poiure, pource elle ne peut brusler, & d'autant plus elle peut brusler qu'elle est delaissee tres-petite, la semence ostee de l'arbre. Le poiure donc ne peut estre chaud pour cause de la chaleur naturelle, veu que la chaleur est grandement tenuë & petite, & qu'il ne retiët la chaleur pour cause de sa substance consumee, veu que la substance est le vestige de la chaleur. Ainsi l'eau ardante retient aussi le vestige de la chaleur, non pas la chaleur, & mesmement la cendre refrigeree la retient. Mais la chaux par quelque temps retient la chaleur, & ce en secheté: pourtant elle semble chaude à celuy qui la touche, principalement au dedans: car exterieurement elle est refrigeree de l'air. Pourtant si la chaux est arrousee de peu d'eau, elle est souuent enflammee. Or tu diras, La chaleur de feu semble estre en matiere humide, cōme quand la chandelle brusle. Toutesfois elle n'y est: vray est qu'elle est nourrie d'humour, mais elle n'est en matiere humide. Comme l'homme, jaçoit qu'il soit nourry de pommes, sa substance pour ce n'est de pommes, ains charnuë, ainsi le feu est nourry de matiere tenue, tant humide que seiche: mais est fondé en la seule secheté, mesme tres-tenuë & rare. Et pour ceste raison on a inuenté cōment ou peut frire les poissons

poissons en vne carte, non autrement qu'en vne poisse. Eli, & prend vne simple carte qu'on appelle du papier, & aux costez esleuez en la maniere d'une lanterne espā l'huile de toutes parts, & auāt que l'huile penetre le papier, mets la carte sus le brasier sans flāme lors l'huile ne penetre point s'uyāt le feu, & la carte ne brusle, pource qu'elle ne peut estre sechee, l'huile ā re repugnante, & le feu sans extrēme sechetē ne peut flamboyer, & la flāme & le mouuement ne peuent tant attener l'huile, que le feu soit enflammē, l'huile toutesfois sechauffe petit ā petit, le brasier remuē, & ainsi elle boult, qui semble estre chose merueilleuse, en sorte que les poissons mis dedās se cuisent. Mais pourquoy le fil liē ā l'entour d'un œuf n'ard point, non seulement sus les charbons allumez, ains en la flamme? Pourtāt que le feu n'est fait si la chaleur ne monte en hault: or est il empeschē de l'œuf qu'il ne puisse monter, pource que l'œuf plain ne peut estre bruslé, & ce qui ne peut estre bruslé, aucunement refrigerer tousiours ce qui est au treschaud. Mais si la chaleur engēdre en matiere humide, pourquoy n'est faitte la generation en l'eau bouillante? Pourtant que telle chaleur n'est ou en la substance de l'eau, ou elle est mesmement en autre matiere qui est seche. Il appert biē parce que l'eau bouillante brusle comme le feu. Or que la chaleur ne soit en la substance de l'eau, ce le demonstre, que le feu ostē, l'eau est de soy-mesme refrigeree. Mais la chaleur, si elle est en humiditē, elle engēdre: cōme quand la chair est exposee au Soleil, les vers y sont engendrez, & les vers aussi s'engendrent au siens, & en Egypte les œufs couuers de siens, engendrēt les poulets. On dit que Livia Augusta, quand elle eut tenu quelque temps vn œuf en son sein, ses chambrieres aussi le changeans chacune ā sa fois, qu'elle monstra vn coq avec sa creste. Et la chaleur putride est du gerre de la chaleur du feu, pource qu'il est sec: mais il est semblable ā la chaleur naturelle, pourtant qu'il engendre. La chaleur, putride differe de la chaleur du feu, pource qu'elle n'a le mouuement manifeste: mais la chaleur du feu l'a manifeste, pource est faitte la trāsmutation de l'vne en l'autre. Car la chaleur du feu moderee putrefie, la chaleur

*Comment on
peut faire les
poissons en
vne carte cō-
me en vne
poisse.*

*Vn fil liē ā
l'entour d'un
œuf n'est bru-
lé du feu.*

*La transmu-
tation des cha-
leurs de l'une
à l'autre.*

putride augmentee, brusle, ard, & allume. Pour ceste cause les fieures putrides sont avec tant grãde chaleur. Pourquoy donc la chaleur du feu ne peut estre transmuec en chaleur naturelle; les causes sont manifestes: car la chaleur du feu est seche: & ne peut estre faicte plus humide, telle qu'est la naturelle. Mesmement la chaleur du feu attire dehors & sepãre, la naturelle attire dedans & meste ensemble. Car toute chaleur humide meste. Or la chaleur naturelle peut estre transmuec en chaleur putride & de feu, pource que l'humour est deseché par la chaleur. Poutant le feu coustumierement noircit les choses humides, pource qu'il attire hors l'humidité, & repousse l'air: mais il blanchit les choses seches, pource qu'il consume ce qui estoit d'humidité.

*Pourquoy le
feu blanchit
aucunes cho-
ses, & noir-
cit les autres.*

*La poudre
Pyrius iettãt
la boule hors
des artileries
ans faire
bruit.*

Derechef tu douterã, si le feu faict action en l'eau, si l'engendre l'air, pourquoy donc n'engendre il l'humidité grasse? Je respon: la chose grasse est faicte par mixtion: & le feu sepãre. Or il sepãre pour cause de sa propre vtilité, pource qu'il repousse ce qui est aqueux, qu'il ne peut brusler, comme au bois verd, lequel quand il est allumé sur l'eau. Et il consume l'humidité grasse, en laquelle quand elle estoit, la chaleur naturelle estoit fondee. Il est donc necessaire que ce qui brusle soit tres-rare & tres-sec, comme la paille, comme l'eau ardante, & la poudre dicte Pyrius. Mais en ceste poudre est quelque matiere terrestre à cause de halinitrum, & pource elle faict grand bruit. Aucuns pour ceste cause se sont efforcez de faire de la poudre sans halinitrum, qui pouffait la boule sans bruit. Laquelle chose peut estre faicte, si elle est faicte lentement & sans grande violence. Et Brasauolus dict que le Duc de Ferrare a inuenté ceste poudre: mais qui sans impetuosité, & seulement presque à douze pas iectoit la boule: avec grande force & violence totalement, comme i'ay dict, il est impossible. Car le halinitrum osté, encores la poudre Pyrius peut estre tant bien elãbouree qu'elle peut pouffer la boule, voire sans bruit. Mais generalement autant que tu osteras du bruit, autant en osteras de l'impetuosité & de la force. Donques la matiere subiecte coustumierement change le feu & sa vertu, en sorte que le feu rendu des charbõs,

ou de bois plus solide, comme de chesne, ou rendu des pierres, ou fiché aux metaux, blesse gradément la veüe: jaçoit que rendu des charbons des saules, ou des estou- bles est presque sans mal faire. Car tant plus la matie- re est solide, tant plus le feu est dense & fort. Et toute chaleur est telle qu'est son aliment. Dont les alimens les plus solides rendent la chaleur plus robuste. Apres s'ensuit vne splendeur plus grande & plus viue, qui rend en l'œil les esprits hébetez, & seche & consomme l'hu- meur tres-rare où est posée la vertu de voir. Par sem- blable raison & moyen, ce qui est plus admirable, les metaux fonduz du feu faict de bois mol, sont faits plus tenans & plus mols: & des vapeurs ils sont faicts plus durs & fragiles: la varieté de matiere a tant grand pou- uoir. Et le feu prend la varieté selon la propriété & moyen de l'appliquer. Il est imbecille quand il est mis souz, comme quand nous cuisons la chair, & toutesfois il est appliqué souz, afin qu'il face plus grande opera- tion: car comme i'ay dict, il tend en haut. Le feu qu'ils appellent reflexe, est proche à cestuy: il est faict quand il est appliqué haut & bas ou à costé, le costé opposite rendant la vertu du feu: par ce feu les metaux mols sont tirez hors des pierres, ausquelles ils sont ioincts, & l'ar- gent est separé du cuiure. Le troisieme gerre est du feu enuironnant, quád de toutes parts la matiere que nous voulons brusler ou faire fondre, est enuironnee du feu, sans soufflets. La derniere maniere est, qui est la plus violente de toutes, quand nous voulons faire fondre les matieres tres-difficiles, qui sont aux pierres tres-dures. Cecy est faict en telle maniere. Les vaisseaux d'une lon- gueur de quatre ou pour le moins de trois coudees, de largeur de trois parties, d'epaisseur de trois doigts, fle- chis en bas, & presque formez à la figure du coude, sans fond, sont faicts de pierre bise entremeslee de marques blanches: au milieu de la longueur est vn trou, & en ce trou est vn tuyau bien propremēt colloqué, par lequel le vent des soufflets est mis dedās: au bas est vn trou par lequel la matiere fondue puisse descendre. La basse partie du vaisseau est estoupee, vn trou, comme i'ay dict, laissé: lors l'argille, & les charbons pilez ensemble,

g ij

*Le feu qu'on
blesse la
veüe.*

*Le feu qu'on
rend les me-
taux mols ou
durs.*

*La vertu du
feu est varia-
ble & diuer-
se selon l'ap-
plication.*

*L'vtilité des
soufflets pour
fondre les
metaux.*

& redigez en forme & maniere de ciment, & matiere glutineuse. Ces choses ainsi disposees, sont dictes par similitudes fournaïses aux metaux. Dedans les vaisseaux sont emplis de la matiere que l'on a proposé de fondre: & ce feu enclos de charbons alternatiuement à grande vertu: & est necessaire que le tout soit bruslé, s'il n'est fondu. L'vtilité n'est petite du vent qui des soufflets est mis dedans par le tuyau: ce vent premierement qui est manifeste allume le feu & excite la flamme, & contraint le feu de penetrer plus vehementement: secondement, entendu que ce vent est froid, il assemble & contraint la chaleur conceüe du metal & la pousse dedas, & ainsi il dissout la matiere en quoy il est: tiercement, le vent empesche que ce qui est fondu ne soit bruslé, & mitige la chaleur.

*Comment les
elements sont
en mixtions.*

Ces choses veuës, il reste que nous donnions solution de quelques doubtes, desquelles la premiere est, si la chaleur naturelle qui est en l'humidité, fait la concoction: & si elle engendre, mesmement si elle engendre l'air, ou la matiere chaude & humide: & que c'est qui empesche que nous ne mettons l'air entre les choses mixtes. Car comme la matiere froide & seiche qui est illec n'est pure terre, & la matiere froide & humide, n'est eau: ainsi la matiere estant en la chaleur peut estre dicté air, & la matiere chaude & seiche peut estre dicté feu: & par ce moyen ce traicté reuiendroit derechef à l'opinion des Aristoteliques. Mais il y a grande difference. Premierement, pource qu'en la chaleur n'est aucun air: car l'air est fait de la chaleur du feu, non naturelle: & s'il en est fait, il est poussé de hors. Cety appert, pource que les hommes qui ont la chaleur naturelle forte, ne sont flatuleux, ne plains de ventositez: mais ceux qui sont bilieux & chauds de nature, ils ont toutesfois peu de chaleur naturelle, ils sont plains de ventositez: Secondement, pource que c'est autre chose de dire, que dès le commencement de la generation quatre elements sont meslez, & autre chose est, qu'apres qu'ils sont meslez, qu'en la mixtion les parties sont trouuees semblables à ces elements.

Il aduiet d'auantage que la partie qui semble estre sem-

blable au feu, est semblable à celuy que nous auons icy, qui est manifeste n'estre aucun elemēt. Finablement, ce qui est de plus grande probation, quand les parties terrestres & aqueuses sont separees, elles referent la terre & l'eau, non par la seule qualité, ains par la substance: mais les parties de feu & de l'air referent le feu & l'air, non par substāce, ains par seule qualité. Pourtant, cōme dict a esté parauāt la terre, l'eau, & la chaleur en humidité engēdrent tout, de quelques choses toutesfois selon la similitude des qualitez quatre substāces semblēt estre faictes. Car combien que l'air, comme i'ay dict, soit naturellement tres-froid, toutesfois aux choses composees sont quatre parties differentes de substances & de vertu. Car la terre qui n'est surmontee par chaleur, demeurante froide & seiche, retient la nature, vertu substance, & le nom premierement à elle imposé, quoy que elle ne soit plus terre. Mais la partie d'icelle, qui est surmontee par la chaleur, demeurāte seiche, est faicte plus chaude, & est appellee feu, ou pource qu'elle est semblable à nostre feu, iāçoit qu'elle soit inferieure quant à la vertu, ou pource que les anciens ont eu telle opinion du feu. Par semblable raison l'eau que la chaleur n'a peu surmonter, est dicte eau, toutesfois ce n'est eau.

Mais la partie que la chaleur a surmontee, est dicte air, pource qu'elle est vne substance chaude & humide: car les anciens ont estimé l'air estre tel, neantmoins, comme i'ay dict, que l'air soit tres froid, cōme tous autres elemens. Et ceste question des parties des choses composees est claire. Vne autre question plus difficile succede à la precedente. Si la chaleur est putride en la matiere seiche, comment est ce qu'elle engendre. Car nous auons dict que la chaleur est de la nature du feu: & routesfois il est manifeste que les animaux engēdrent. Mais si elle est en matiere humide comment est-ce qu'elle corrompt? Or la chaleur putride engendre, pource qu'elle ne differe de la substance naturelle. Car quand elle est situce en l'humidité, elle est dicte naturelle à ceux auxquels elle conuient: mais à ceux auxquels elle n'est semblable, ains contreuenante & nuisante, elle n'est dicte ne naturelle ne putride: car quand

*Comment la
chaleur putride
de engendre
les animaux.*

*Que c'est que
l'ame.*

la chair est corrompue, la chaleur qui est dedans, est putride à la chair: mais elle semble estre naturelle pour engendrer les vers. Pourtant toute chaleur putride engendre vne chose, & corrompt l'autre. Et pource que tous elemens, comme j'ay dict, sont froids, quand la chaleur suruient, necessairement ils sont agitez & meslez, & engendrent quelque chose selon nature de la chaleur & de la matiere, premierement vn globe humide, secondement des champignons, apres quelques especes des herbes, puis les vers & les serpens. Donc la substâce de l'ame est manifeste, pource qu'elle consiste de quelque chaleur celeste. Pourtant nulle putrefaction est faicte, qui ne soit generatiõ de quelque chose. Et toute mesme chaleur quand elle engendre cecy, elle corrompt cela. Et quand l'homme est nourry de la pomme, ceste chaleur humaine est certes putride à la pomme: mais naturelle à l'homme. Et ceste chaleur qui est en la semence, est dite plus naturelle, pource que la trāsmutation est faicte à la chose la plus noble. Or ceste chaleur est dite putride, quand les animaux sont engendrez qui sont plus viles que ceux dont ils sont engendrez. Doncques come en la semence toute action, si elle n'est empeschee, tend à la generation, ainsi mesmemet en la putrefactiõ: car par la putrefaction il aduient que l'œuure de nature est frustree. Toute chaleur donc semblable est dite naturelle & cõserue: mais nõ semblable en soy, elle est dite putride, & corrompt. Car aux œufs inutiles qui ne sõt du coit venerien, la chaleur de la poudre corrompt & engendre autre chose, non pas vn poulet: car telle chaleur ne luy est naturelle. Mais aux œufs qui sont fecons par la semence du coq, la chaleur y est naturelle, & engendre les poulets. Doncques vne mesme chaleur est naturelle & putresce. Si donc toute chaleur qui corrompt ce qui est ja, est dite putride, aussi celle qui est en la semence à bon droit peut estre dite putride, car elle corrompt la semence de la plante, afin d'engendrer vne plâte: la semence d'un asne, afin d'engendrer un asne: & la semence de l'homme, afin qu'elle engendre un homme. Pourtant toute chaleur qui engendre, sera putride. Mais la chaleur est dite naturelle quand elle engendre quel-

que chose semblable à ceux dont elle vient, & mesme-
ment plus noble que la matiere. Or toute chaleur putri-
de engendre quelque chose, pourtant elle est naturelle.
La chaleur donc naturelle, & putride different seulement
en comparaison, en effect elles sont semblables. Car
toute chaleur celeste engēdre & corrompt, & est ou l'a-
me, ou l'instrument, ou la cause de l'ame: or n'est elle
point instrumēt, car l'ame est la premiere: ne la cause, car
elle demeure, mais c'est l'ame. Pourtant Anaxagoras n'a
mal dict, que toutes choses sont composées & munies
d'une ame. Car toutes choses cōposées sont engēdrées
& corrompues: & ce qui engendre & corrompt, est la cha-
leur naturelle: & la chaleur naturelle ou elle est l'ame,
ou elle n'est sans l'ame. Doncques toutes choses mixtes
sont chaudes, & toute chose chaude vid ou auance à la
vie. Car ceste chaleur celeste jamais ne cesse tant qu'elle
ait engēdré quelque chose: & ce qui engēdre, il engēdre
selon la puissance & magnitude. Dont en Egypte, pour-
ce que la chaleur y est grāde, elle engendre illec les be-
stes plus parfaites qu'en autre part, cōme les lieures &
cheureux sans aucune semence. Et les chaleurs des se-
mences different des chaleurs de putrefaction, pourtāt
qu'elles ont la matiere plus preste. Pour ceste cause en la
propagation de la semence y est fait moins de feteur,
pource que moins y est contenu de la partie inutile.
Toutes fois quant les animaux sont engendrez de la se-
mence, la putrefaction y est grande, ce que les purga-
tions menstrees demonstrent, qui coulent à l'entante-
mens fetides & corrompues. Or la chaleur qui n'en-
gēdre point n'a de propre humidité, mais ou il est trop
mouué, ou il est trop esparts, pource que l'humidité
n'est grasse. Car la chaleur celeste & l'humidité des e-
lément sont les principes de la generation: pour ce-
ste cause rien n'est engendré en la glace, pource qu'il
n'y a de chaleur, ny en l'arene, pource qu'il n'y a d'hu-
meur. Car l'une de ces qualitez est active, l'autre est
passiue: & nulle autre qualité, comme j'ay dict, y est
trouuée, mais secheré, qui est priuation d'humour,
comme le froid est de chaleur. Or tu diras: Si seule-
ment l'ame est chaleur celeste, elle ne sera substance,

ains accident. Et si elle est seulemēt lumiere, elle est corruptible : car la lumiere est corruptible, pource qu'elle est clarté, & la clarté ostée, la lumiere est corrompue: parquoy elle n'engendrera & ne conseruera les choses engédrees. Et si ceste chaleur celeste est vn corps, vn corps sera en vn corps, ce que nous auons monstré cy dessus ne pouuoir estre. Et si elle est sans corps & substâce, vne substance sans corps sera en vn corps. Ceux qui s'efforcent prouuer que ceste chaleur est l'ame, semblent estre pressez par telles difficultez Mais ceste chaleur celeste dont nous parlons, n'est vn corps, n'y aucune impression: & pource n'est accident, ne le corps n'est penetré du corps: mais ceste chaleur est dite corporée, pource qu'elle ne peut estre sans corps. Ce donc que nous auons proposé dés le commencement, est manifeste, sçauoir est, qu'ils sont cinq principes, la matiere, la forme, le mouuement, le lieu, & l'ame. Mais l'ame est quelque forme, non celle qui premierement est ioincte avec la matiere. La forme donc est ame, mais non d'un mesme gerre. Et quand vne forme se fait, l'autre se parfait. Doncques par mesme moyen l'ame est eternelle: & n'est comme dict Platon, seulemēt des animaux parfaicts: car ce seroit autant comme si nous disions que les ames des aueugles, & boiteux sont autres que des hommes parfaicts, & qui n'ont aucun tel defaut en leurs corps.

Or maintenant qu'il suffise auoir declaré ces matieres iusques icy: car ces chaleurs celestes & les ames sont d'un mesme gerre, mais ils different comme contraires. Et non seulement les choses qui sont engendrées sans semence, sont contraires à celles qui sont avec la semence : mais les choses engendrées sont mesmement en soy contraires, comme aux bœufs & aux hommes, les viperes, les scorpions, les araignes, & autres bestes venimeuses: car si ces bestes blessent & vulnerent l'homme de leur dent, de leur esguillon, ou griffe, elles putrefient & corrompent le corps de l'homme qu'ils ont touché, souuent le mettant à mort.

Quand donc la terre & l'eau ne sont assez eschauffez de ce prouient la generation des bestes les plus viles

comme des vers. Si la mixtion est vehemente, & la chaleur puiffante & abondante, toutesfois temperée, les plantes ou animaux les plus parfaicts seront engendrez, principalement quand la semence aliene ayde, ou des corps morts des autres, ou des corps mefmes: car ces corps plus corrompus moins excèdent la vertu de la chaleur generante, à cause des qualitez imprimées, ou du froid propre: pour ceste cause la matiere mieux obtempere à la chaleur, & de ce sont faicts les rats, souris, serpents, Lieures, fibres, dictés en Latin fibri, Loups des fleuves, lesquels l'homme de sens raffis ne mettra de son bon gré dedans les nouvelles piscines, & toutesfois en briet ils sont composez. Pourtant combien qu'il ne soit qu'une chaleur, elles sont toutesfois plusieurs especes d'icelle. Ainsi aucunes choses nous conuiennent, les autres nous sont contraires. Cecy aduient, pource que la chaleur de telles choses, quoy que elle soit située en humidité, toutesfois elle ne conuient à l'humidité de l'homme: car elle est empêchée d'une chose, dissipée de l'autre: ainsi par changement vne petite chaleur contraint l'humeur, l'autre le bruste. Comme done toute chaleur de feu bruste, non ainsi quelcōque chaleur bruste aucunumeur, est de feu, mais seulement ceste chaleur est de feu à cesteumeur.

Doncques les choses seches ne pourrissent point: les choses qui ont humidité aqueuse, pourrissent subitement & grandement, les choses grasses tiennent le moyen, comme le laid, l'huyle, les noix, les amendes, les sarciments. Les viandes qui ainsi pourrissent sentent mal, toutesfois elles sont mangées de ceux qui n'ont point le palais delicat & friand. Ainsi sentent les poissons sallez tant que rien plus. Or vne doute est que ces dernieres choses deuroyent plustost pourrir que les choses aqueuses, pource qu'elles sont sans chaleur: & la chaleur pourrit toutes choses, comme nous auons dict. Mais la cause pourquoy telles choses ne pourrissent legerement ne parfaictement, comme la chair & l'eau qui n'est mouuée, est pource qu'entendu que la pourriture est faicte d'une chaleur contraire à la naturelle, les choses qui ont beaucoup de chaleur natu-

*La pourritu-
re des choses
grasses.*

comme choses grasses, pourrissent plus tardiuement : & quant elles viennent à iaunir, chanfir, & moisir, elles sont ameres. Car la chaleur qui putrefie, veu que la chose grasse se pourrit, elle est tournée en amertume, ou par la saueur douce ou grasse. Les choses insipides & sans saueur ne pourrissent ainsi, mais elles sont salées, grasses, ameres, aiguës: car telle est l'affection des choses chaudes, comme i'ay dict. Les saueurs froides sont aufteres aspres, aigres, acerbés; astringentes, insipides & sans goût: les autres saueurs chaudes sont, comme grasses, douces, salées, ameres, aiguës, qui sont les plus chaudes de toutes. Pour ceste cause donc l'huile de la noix vnguentaire, que bien ils appellent Myrobalan (ce n'est le vray Myrobalan, & le nom ne luy conuient proprement, veu qu'il n'a presque ny odeur ne saueur) comme temperée ne pourrit. A bon droit donc les Apoticaïres reçoïuent les odeurs par telle huile. Pource donc que ce qui deuiet chanfi ou moyfi, se tourne en amertume, & est seché, & ce vient par le temps long: ce qui est plongé en ceste huile, ne moisit point: & ainsi sont gardées les andouilles, saucisses, & autres choses de mesme: & moins chanfissent en l'air qui est libre, pource qu'ilz ne s'eschauffent. Et beaucoup d'huile ensemble n'est corrompue: pourtant que l'air qui l'environne est cause de la corruption & l'abondance resiste à l'encontre de l'air. Ainsi beaucoup de vin, d'eau, d'huile, & autres choses sont gardées pour la quantité. Et pource que toutes choses sont vsées par succession de temps, qui ne peuuent pourrir parfaictement, en fin elles deuiennent telles comme les saucisses, & autres farcimens, comme noix pistiques, dictes en Latin *pistacia*, noix de pin, & toutes choses qui ont quelque portion d'huile, à raison du sel & de la chair: mesmement, comme i'ay dict, toutes choses grasses. Les choses fort humides, tandis qu'elles sont telles ne pourrissent ainsi, mais si elles sont bien grasses, elles sont gardées: ou si elles sont moins humides, aucunes acquierent vne moisissure, les autres pourrissent. Et comme de chaleur debile ces trois choses sont faictes, sçauoir est, reians,

*La nature
des saueurs.*

moiffiſſeure, & pourriture, ainſi quand la chaleur eſt en vigueur, elles ſont beaucoup gardées. A tout gerre de putrefaction mauuais odeur eſt choſe commune, au relant l'odeur eſt faſcheux, à la chanſiſſeure l'odeur ſent le moyſi, en la pourriture parfaicte l'odeur eſt puant. Mais en la pourriture du bois, dicte vermouliſſeure (car c'eſt vne eſpece de pourriture) l'odeur eſt tres-petit, car il eſt terreſtre. Il eſt facile de monſtrer qu'ils ſont quatre gerres de pourritures, ne plus ne moins. Car les choſes qui pourriſſent, ou elles ſont corrompues entiere-ment, & ſont putrides & puantes: ou elles ne ſont corrompues parfaictement, & lors, & pour cauſe du froid ne ſont corrompues parfaictement, & la putrefaction eſt dicte moiffiſſeure: ou elles ſont corrompues à cauſe de la chaleur, & eſt appellée relant: ou les choſes ſont purifiées par chaleur, & la putrefaction eſt dicte vermouliſſeure. Pour cauſe de l'humidité la pourriture ne peut eſtre empeſchée: mais entendu que l'humidité eſt le ſubiect de pourriture, ou du tout elle empeſche la putrefaction, ou ce qui eſt humide pourrit du tout. Car l'humidité retarde la putrefaction non par ſoy-meſme, mais par la chaleur ou frigidité. Pour ceſte cauſe il eſt facile d'empeſcher la putrefaction en moiffiſſure, & en vraye pourriture, en oſtant la partie aqueuſe. Et ceſte partie aqueuſe eſt gardée ou par le feu, comme au pain & en la graiſſe, qui ne pourrit quand elle eſt cuité: ou ſi l'humidité eſt petite, comme en la chair ſalée, telle partie aqueuſe eſt gardée par le froid & ſec tel qu'eſt l'air quand il eſt mouué. Car quand l'air eſt mouué, il eſt froid & ſec: froid certes ſelon la nature, ſec à cauſe du mouuement: car le mouuement ſeche. Pourtant l'air qui n'eſt mouué corrompt, pour ce qu'il humecte, & ne refrigere tant qu'il en eſt beſoing: mais quand il eſt mouué, il conſerue, ſe- chant à cauſe du mouuement, & refrigérant grandement. Doncques pluſieurs choſes quand elles ſont expoſées à l'air ſont corrompues, leſquelles non expoſées demeureroient ſans eſtre corrompues: les autres choſes ſont conſeruées qui ſeroient corrompues ſans l'air. Pourtant non ſeulement ces choſes

Quatre gerres de pourritures.

Pourquoy l'air corrompt aucunes choſes, & conſerue les autres.

predictes, ains plusieurs autres sont de pourriture conseruees, qui cy apres seront declarees. Or les choses humides se gardent & sauuent du relant & vermoullissure, & mesmement les choses qui empeschent le mouuement de l'air: car elles sont sechees de tel empeschement. Mais quand telles choses sont par trop chaudes ou seches, quoy qu'elles soient preseruees de pourriture par le feu, toutesfois elles seroient corrompues sans putrefaction & puantise. Or c'est assez dict des causes, gerres, & maniere de putrefaction.

*La composition
d' Elixir.*

Il reste donc que nous enseignons qu'il n'est chose plus proche à la sacre liqueur & eau de vie, d'ot i'ay parlé par cy deuant, qu'elixir, que mon pere a composé en telle sorte. Aucuns bois odorans & herbes sont pris avec eau ardante, le tout enfouy dedans le fiens se pourrit à demy, dont, comme il est dit, la plus rare partie est separee de la terrestre, & de ce nous tirons ce qui est bon, la grosse matiere laisse seulement. Cest elixir enfermit les dents, il engarde les cheueux deuenir blancs, il aide la concoction, la memoire & le sens, beaucoup de moindre vertu que la sacre liqueur, quoy qu'il face venir en grande vicillesse.

*La difference
de la chaleur
putride, & de
la chaleur de
nostre feu.*

Mais tu diras. Si la chaleur putride corrompt, pourquoy la chaleur du feu ne corrompt point, entédu qu'il est du gerre? C'est pource que la chaleur de nostre feu est exterieure: & la putride est interieure: pour ceste cause la chaleur du feu attire à soy, & en sechant, & en attirant, elle seche les choses interieures, & empesche la putrefaction. La chaleur putride combien qu'elle seche, entédu qu'elle est intime, & qu'elle attire à soy (car toute chaleur attire) elle humecte les parties interieures, & putrefie. La putride donc conuient avec la chaleur du feu, en ce qu'elle seche & engendre: & aussi conuient avec la naturelle, en ce qu'elle est situee aux parties interieures, & qu'elle corrompt. Pour ceste raison la chaleur putride par aucuns est bien dicte moyenne entre la chaleur du feu & la naturelle. Car en substance la chaleur putride est semblable à celle du feu, & à la naturelle par situation en la comparaison à l'aliment: car la chaleur du feu est tousiours mise hors l'aliment. Mais tu

obiefteras, Pourquoi la chaleur putride est autheur de venin, & la chaleur du feu refiste à tout venin? Car les playes faictes des bestes venimeuses, sielles sont bruslees d'un fer chaud, elles n'ont plus de venin: & tous medicamens quand ils sont bruslez & redigez en cendre, ils cessent d'estre venin: & les subline (ainsi sont dits maintenant, qui iadis estoient appelez cuits) tant plus souuent seront cuits, tant plus seront pernicieux, & plus presens à la mort. Semblable raison est en la putrefaction & aux matieres, qui sont sublinees: car ou la chaleur est augmentee, & l'humidité ne defaut, comme aux matieres qui sont cuites & pourries, la force de venin est augmentee: mais quand les matieres sont bruslees, entendu que toute la partie humide perit, & qu'ensemble la chaleur se finit, comme en la cendre, il est necessaire que toute la force du venin se departe. Non doncques sans raison quelqu'un curoit la peste avec vif-argent, sublimé: car par la vertu du feu tout le venin est consumé. Ainsi est bien dit en Ausone.

*Le feu refiste
à tout venin.*

*La cure de
peste avec vif
argent subli-
mé.*

Ausone.

Femme adultere, vne poison mortelle

Donne au mary qui estoit ialoux d'elle:

Et n'estima qu'encor ce fust assez

Pour l'enuoyer avec les trespassez:

Elle mesla vif argent mortifere

Pour mieux haster (en doublant) son affaire.

Puis il adiouste ces vers.

Or ce pendant que les poisons se battent,

Et qu'emporter le pris elles debattent,

Lors le venin, pernicieux à l'heure,

Cede à la part la plus saine & meilleure.

Car comme i'ay dit, le vif-argent, sublimé tient la proportion du feu. Toutesfois celuy qui ainsi curoit la peste, il en faisoit mourir par son medicament plus qu'il n'en guarissoit. Si donc le medicament est composé sainement, & avec le feu, il pourra curer. Toutesfois tel que il peut estre composé, que mesmement on adiouste exterieurement des linceux chauds, il debilitte la chaleur naturelle. Mais par raison contraire, vn poulet ou vn petit chien gras appliqué sus le ventricule, moult aide la concoction, & augmente la chaleur naturelle, quoy que

*Les matieres
qui confirmée
& corroborée*

*la chaleur
naturelle du vé-
tricule.*

ce soit vne mesme chaleur, ains que d'espece elle diffé-
re de la chaleur du chien. Il est donc manifeste que la
chaleur naturelle, quand elle n'est point offensée d'autre
chaleur naturelle, est corroborée par le mouuement,
comme la chaleur du feu par autre chaleur du feu.

Ces matieres expliquées, retournons à l'histoire des
elemens, que nous auons monstré estre trois, l'air, l'eau,
la terre. Il n'est point necessaire que l'air soit meslé aux
autres en la generation: pource que la chaleur n'est apte
à souffrir: les elemens conuiennent, comme matiere,
pourtant la terre & l'eau suffisoient à la generation. Et
n'estoit necessaire que l'air y fust pour eschauffer, veu
qu'une autre chaleur celeste d'origine estoit necessaire,
& iceluy mesme suffisoit à l'œuure de generation, en-
tendu que l'œuure eut procedé pirement par deux cha-
leurs, comme par deux princes d'ouurage: ne les elemens
froids n'eussent obey à la chaleur aliene & d'element
contraire: ains ce eut esté vne maniere de repugnance,
non pas generation. Peut estre que quelqu'un s'esmer-
ueillera, pource que j'ay autre opinion aux liures des
contredisans. Mais aux liures predicts j'ay proposé de
suyute les opinions des anciens, & icy de dite la verité.
Pourquoy donc l'air est il fait? Afin qu'il fust mis sous
les rayons des estoilles, & qu'il receut leur vertu: & la re-
çoit, en sorte qu'aux mutations répétées non seulemēt
il occit les animaux, mais aussi les plâtes, comme en l'an
mil cinq cens quarante neuf, en trois iours il secha tous
les citrons & orenge de Lombardie, par grand prodige.
La cause est, pource que suruenant à la chaleur, il
trouue les corps, tant de plantes que des animaux ou-
neris, & esteint la chaleur qui est interieure: le lōg froid
ne l'esteint ainsi, qui vient petit à petit tout bellement,
quoy qu'il soit plus grand. Or ce ne pourroit aduenir, si
l'air estoit de soy-mesme treschaud, comme ils disent.
Et pour ceste raison il a esté fait clair, & tres-froid, afin
qu'il soit salubre, & commode aux animaux, non tres-
chaud & treshumide comment ils blasonnent. Et ce qui
est à la cōfirmation de ceste sentence, & sous vne haute
question, c'est que ceux qui haletent la bouche ouuer-
te, eschauffent l'air, & s'ils haletent les leures serrees, ils

*Pourquoy
l'air a esté
fait.*

*Pourquoy
l'air fait
beaucoup de
dommage.*

*Pourquoy
quand nous
haletons la
bouche ou-*

le refroidissent. Il est manifeste qu'il n'y a autre cause, *uerite nous es-*
 que veu qu'il est froid de soy mesme, poussé d'impetuosi- *chauffons*
 tité, il est cōtraint laisser les vapeurs chaudes: & luy seul *l'air: au con-*
 par la force de l'impetuosité entre dedans les meates & *traire les le-*
 insensibles pertuis de la peau: & pour ces deux raisons il *ures fermées.*
 refrigere grandement, desquelles choses nulle aduient,
 si tu souffles la bouche toute ouuerte, & lentement. Et si
 tu souffles ou legeremēt la bouche toute ouuerte, ou re-
 streinte, la main presque mise dessus, certes tu eschaufe-
 ras vn petit, ou à peine refrigereras-tu. Mesmemēt tout
 vent, soit grand ou petit, quoy qu'il soit poussé par for-
 ce, eschauffe la main fermee, pourtant que la vapeur est
 chaude, & ne peut eschapper hors. Certes la vapeur
 chaude pource qu'elle sort de la bouche, ne peut eschap-
 per hors pour cause de la main qui est fermee: mais elle
 est refrigeree par le mouuement en lieu patent, & re-
 tourne en sa propre nature. Car l'air qui vient à nous
 des vents de midy, quoy qu'il soit chaud, pour cause
 des vapeurs deuiet froid: & pource il refrigere tous-
 iours au coupeau des mōtagnes. De ce sont indice les
 gresses qui en plein Esté & des parties Australes tom-
 bent, non de plus haut, qu'est le coupeau des monta-
 gnes: & la gresse est tres-froide. Mais afin que l'air fust
 conserué, & qu'il despouillast toute qualité estrange, il
 a esté necessaire qu'il fust tousiours mouué. Or il ap-
 pert que l'air est tousiours mouué, pource qu'aux lieux *L'air est tous*
 estroits le petit vent souffle tousiours. Car entendu qu'il *iours mouué.*
 se mouue tousiours en haut, & qu'il est assiduellement a- *Pourquoy no-*
 gité, il souffle icy petitement, lequel quand il sort d'vne *sentons l'air*
 creuasse, toute l'impetuosité restreinte pour cause de *qui sort des*
 l'angustie du lieu, il s'imprime, & se jette sus nous ve- *creuasses &*
 hementement, à l'exemple des eaux aux grands fleuues, *lieux estroits.*
 lesquelles quand il semble qu'à grand peine peuuent
 couler, deduites toutesfois par vn lieu estroit, ou par
 ecluses sont contraintes de sortir hors par grand effor-
 cement, par grand bruit & craquement: Car le mouue-
 ment & toutes autres choses qui aduient aux substā-
 ces continues, assemblent en vn, ou mesmement grande
 quantité est enclose en aucune petite portion. De ce
 nous sōmes instruits de faire basses & occultes galeries,

*Comment on
faict des pla-
ces routees
fort froides.*

*Pour cognoi-
stre d'où vient
le vent.*

*Triton Vi-
truvianus.*

*Où c'est que
est poussé
l'air par le*

paruis ou sales froides & refrigerantes, en adressant vers icelles plusieurs estroictes retraites. Et en Egypte quand l'air est feruent par trop grande chaleur, la maniere est de faire les chasteaux hauts, ausquels les detours estroits & obliques deduisent l'air tresfroid depuis le coupeau: & pource qu'il est receu du lieu pur, il est plus froid: & pour cause du long espace il est pouffé par grande impetuofité, & pourtât il est faict tresfroid, & s'imprime plus vehementement: & la chaleur exterieure est repouffée par l'espeffeur du mur & l'obliquité du lieu empesche les rayons du Soleil, de peur qu'ils n'entrent en admettant la lumiere. Par ces quatre admonitions il est licite de composer des retraictes amenes & salubres car elles sont salubres, pource qu'elles sont bien esuentees. Mais tu diras, Nous voyons que quand vn euautoir faict de lamine metaliques tenues & legeres qui sont volubles, mises au coupeau d'une tour, nous voyons donc que les vents mouuent seulement les lamine, autrement sans les vents elles ne sont mouuees: l'air donc n'est tousiours mouué. Et quand nous voulons scauoir d'où vient le vent, nous regardons la pointe de l'euautoir, en quelle part il regarde, & où c'est qu'il est assis, & lors nous cognoissons que le vent vient de la part opposite. Or si la pointe de l'euautoir s'arreste en plusieurs lieux, autant de vents soufflent des regions opposites, qu'ils sont de lieux ausquels ils ont faict arrester l'euautoir: comme si l'euautoir regarde vers Boreas vent Septentrional, le vent souffle de deuers Auster vêt de Midy: s'il regarde vers Orient, le vent vient de l'Occident: si l'euautoir regarde tantost vers Boreas, tantost vers Orient, l'un & l'autre vent souffle. Mesme raison doit estre obseruee aux autres. De ce nous sommes instruits de colloquer le Triton de Vitruuius. Mais quand les vents ne soufflent point, l'air tend & va legerement vers vne partie, & la pointe de l'euautoir perpetuellement est enclinee vers ceste partie: pour ceste cause l'air n'est agité, & toutesfois il souffle tousiours.

Et le mouuemēt de l'air vient d'Orient, quād la tranquillité est grande, car les euautoirs tendent vers Occident, & ce mouuemēt de l'air est naturel. L'air donc est

est tresfroid, & toujours est mouué: & naturellement il est fait trefrare. L'air donc est trefrare, & ce afin qu'il receut tous coups & frappemens. Car en la terre pour cause de sa solidité, les mouuemens ne sont faits apparens: & en l'eau aussi ils sont tardifs: l'air seul est apte à recevoir les coups, & semble que ce soit pour cause de sa tenuité & rarité. Or ils sont autres quatre mouuemens simples outre les trois susdicts: le celeste qui est principalement naturel: & derechef vn autre naturel qui est fait par quelque obediée des choses, comme de l'eau, pour cause de la Lune, comme du fer pour cause de l'aimât, dict la pierre d'Hercules, en Latin Magnes: le troisieme mouuement est volontaire qui conuient aux animaux: le quart est violent, duquel ie ueil parler maintenant, car ie parleray des autres en lieu conuenable: Donques tous mouuemens simples sont sept: & les cõposez sont d'iceux. Pourtant quand le Philosophe a pris ceste proposition, que rien n'est mouué sans moteur, & que ce qui est mouué du mouuement violent, n'a principe en soy, pource que son mouuement est purement violent, pourtant il est hors de principe: il s'ensuit donc que les choses mouuees d'vne autre violentemēt, soient mouuees hors la chose mouuee: & ce ne peut estre sinõ l'air: doncques les choses mouuees violemēt sont mouuees de l'air. Et pource semblable doute estoit de l'air, pour cause d'vne proposition, qui est vraye, que tout corps mouuant est mouué, & pourtant si l'air mouue la pierre ietee, il est mouué: l'air donc est mouué de quelque chose: & pour ceste cause nous en doutons, comme de la pierre. Ils disent, qu'entendu que l'air est leger, qu'il est mouué de sa forme: & pource iouxte ceste sentence sont venues quatre opinions, lesquelles nul des expositeurs a entendues, & principalement la sentence d'Aristoteles, lequel ils louent tant grandement. Donques la premiere opinion est que la chose mouuee comme la pierre A soit mouuee par la vertu acquise de celui qui la iette: ainsi comme la chose eschauffee du feu, apres eschauffe les autres choses par sa vertu acquise, & la matiere demeure long temps chaude: ainsi la chose mouuee reçoit la force par celle qui mouue, par

h

mouuement naturel.

Les sept mouuemens simples. Comment se fait le mouuement naturel.


laquelle l'autre est poussée tant qu'elle se repose. Ceste opinion est sensible qui a esté reiettee par l'argumēt des anciens allegué d'Aristoteles. Mais il peut estre manifeste, que telle chose est mouuée de l'air, pource que le tonnerre ne touche les arbres, les prosterne toutesfois, & iette en bas. La seconde opinion est de Plato, que par le mouuement (par maniere d'exemple) la chose mouuée est transportee par la mouuante iusqu'à B: apres quand elle est laissée par la mouuante, l'air ce pendant qui estoit mobile en ce lieu, c'est à sçauoir A emplit le lieu entre A & B, & ainsi il touche A mobile avec mouuement, & par ce moyen il emplit tousiours le lieu lequel A mobile delaisse avec l'impetuosité, avec laquelle A est ia mouuée: car cecy est necessaire pour cause du mouuement de la rarité, ou de peur que vacuité ne soit admise. Plato donc peut ainsi argumēter: l'air suit apres la chose mouuée de quelque impetuosité que ce soit, en emplissant le lieu par semblable impetuosité, & touche A mouuée, l'air dōc mouuera par mesme impetuosité que parauāt, en faisant vn mouuement continu: & appelle telle maniere de mouuement antiperistasis, c'est à dire succession des lieux par mutation. Aristoteles dit que le mouuement n'est ainsi fait, car neātmoins que la succession des lieux par mutation soit faite, non toutesfois la chose mobile peut estre poussée par icelle. Sa raison est telle: les choses qui mouuēt par succession des lieux sont aussi mouuées, quand donc elles ne sont mouuées, elle ne mouue point: mais quād l'air estāt en A fera en B, lors il n'est mouuée d'aucune chose: car il a possédé le lieu qu'il deuoit occuper: l'air dōc estāt en B, ne peut mouuer A hors de son lieu. Il appert, pource qu'un corps ne mouue vn corps, sinon quand le mouuant est mouuée. Et ceste demonstration n'a esté entēdue des expositeurs, & toutesfois elle monstre clairement que l'opinion de Plato est faulse. La troisieme estoit d'aucuns anciens, que l'air qui antecede deuant la chose mobile, sçauoir est en C, quād la chose mobile est en B, est mouuée vers D, & que par succession, de peur que vacuité ne soit admise, B soit transporté en C au lieu de l'air mouuée: & ainsi l'air mesme est mouuée de D en E, & le mobile suyura de mesme

impetuosité: comme si le bœuf a le lieu ou prend la place de l'air antecedent, & le chariot represente le lieu du fais ou de la chose mobile, & la corde dequoy le bœuf traine le chariot, est rarité, ou la necessité de vacuité: ainsi au tant que le bœuf sera mouué, & de tant grande velocité, de telle, & autât le chariot sera mouué: & ainsi autant, & de tant grande velocité, l'air sera mouué deuant A mobile, de telle velocité A mobile suyura, & par ce moyen sera faict le mouuement continu. Et ceste opinion estoit d'aucuns anciens, laquelle aucuns fausement ont estimee estre du Philosophe, combien qu'il la laisse, contredisante à icelle par mesme raison, que celle qui a esté allegué contre la premiere opinion, sçauoir est, que si l'air C est transporté en D, on demâde par qui? S'il est trâsporté par la chose mobile, ils s'entremouuerôt mutuellemēt, qui est chose impossible: car le mobile pousferoit l'air de C en D: & ia est supposé que l'air transféré de C en D, attire le mobile de C en D, doncques vne mesme chose sera la cause, & l'effect, comparee à mesme chose. Si tu dis que l'air se transfere soy-mesme, on respond, pourquoy le mobile ne peut mesmemēt faire telle chose? Ainsi reuient la premiere opinion. Si tu dis que l'air peut ce faire pourtant qu'il a le principe du mouuement, il s'ensuit que ce mouuement sera perpetuel, pource que tel air demeurera tousiours semblable, & est mouué par sa forme, il est donc tousiours mouué par egale velocité. Or l'vne & l'autre de ces choses repugne à l'experience: car la pierre ietee de la main, ainsi passeroit par tout le mōde & par egale impetuosité, il appert, car son air precedant tousiours seroit mouué d'egale impetuosité, & aucun ne pourroit monstrier la raison pourquoy telle impetuosité doit estre remise & cesser. La quatriesme opinion est d'Aristoteles, que l'air qui est en B, mouué de celuy qui iette la pierre, est mouué deuant le mobile, & pousse l'air qui est en C: & celuy qui est en C, pousse celuy qui est en D, & celuy qui est en D, pousse celuy qui est en E, & ainsi tant qu'il soit venu iusques à G, qui ne peut mouuer H, pource qu'il est trop debile: & lors que H n'est mouué, il n'attirera le pois, & ainsi se reposera en G. Il dit donc en telle sorte: le mou-

uement violent est fait plus debile, pource que F est mouué de E: F est mouué de moindre impetuolité, que E:&E que D:& ainsi le mouuement violent est tousiours debilité, comme il appert par experience. Icy mesme-ment n'est mouuement sans moteur, car chaque partie est mouuee de sa precedente, comme F d'E, & E de D. Tiercement la raison de ce dit est patente, que premierement chaque partie de l'air cesse d'estre mouuee que de mouuoir: car quand D est mouué de C, il mouue E, pource qu'il est mouué de C: quád donc D se repose en E, D mouue E dehors de son lieu, il cesse donc premierement d'estre mouué quád il est en E: car lors C est en D, qui le mouuoir: pourtant quand C est en D, D se repose en E, & lors C est mouué en F, & n'est point mouué sinon de quelque chose, qui est D, D doncques cesse plustost d'estre mouué, que de mouuoir: car quand D est en C, il n'est mouué, ains se repose, & toutesfois il mouue E vers F. Et si tu opposes que le corps ne mouue point, s'il n'est mouué: ie dy qu'il est vray, mais toutesfois la fin du premier mouuement, c'est à dire, du moteur, est cõioint à la fin du second mouuement, non semblable: mais le moteur cesse du mouuement premier que ce qui est mouué: & ce aduient, pource que naturellement le moteur est mouué premier qu'il mouue: & pour ceste cause la quatriesme opinion susdicte est manifeste, que le mouuement de la chose qui est ietee au loing, est composé de mouuemens infinis, qui s'entresuyuent, & est cõtinu par accidét: car il est fait, l'air B trãseré en C, & l'air C en D, & celuy qui estoit en D, trãseré en E, & ainsi des autres. Et pour ceste raison tel mouuement est aussi leger, pource que la fin de l'un est iointe au cõmencement de l'autre, en sorte qu'ils semblent deuoir estre transferez ensemble, & toutesfois il n'est ainsi. Mais feignons dix bœufs, l'un deuant l'autre, & tous deuant le chariot, & que chacun ait vn espron au front, dõt il touche l'autre bœuf en la cuisse de derriere: lors le premier bœuf mouué le chariot succedera, & ce premier mouuera le second, le second le troisieme, & tu vois tousiours que chaque bœuf est mouué de l'autre premier qu'il mouue, & tou-

tesfois le dernier presque sera mouué ensemble le premier : & cecy aduient, pouttant que telle succession est composee seulement de dix parties : car ils ne sont que dix bœufs : mais la succession de l'air est composee de parties infinies, pouttât elle refère le temps sensible des le commencement du mouuement de la pierre iusqu'à la fin. Mais la densité de l'air aide bien à ôter l'infinité, cōme Auerrois bien disoit : & la cause est, afin que le mouuement soit plus soudain, & qu'il ne soit necessaire d'admettre mouuemens infinis, mais seulement innumerables. Et ceste opinion est d'Aristoteles de nul en tendue iusqu'à ceste heure, touchant le mouuement des choses qui sont mouuees violement. Mais la premiere opinion nous est plus necessaire, qui est simplement entendue, & ne contient tant de difficultez. Et quand on suppose que tout ce qui est mouué, est mouué de quelque chose, ce est tres-vray : mais ce qui mouue, c'est vne impetuosité acquise, ainsi que la chaleur en l'eau, qui est induite en l'eau par le feu outre nature, & toutesfois quād le feu est osté, l'eau brusle la main de celuy qui la touche : & par ce moyen l'accident violement adherant retient sa force. Disons donc premicrement les causes manifestes, qui sont quatre, du mouuement violent, diurne & leger: la premiere est que la cause mouuante legerement, mouue dès le commencement: la seconde est qu'elle mouue par grand espace : pour ceste raison tant plus sont longues les haquebutes, tāt plus iettent loing : & ainsi tant plus vn arc est tendu, tant plus loing pousse la fleche pour ces deux causes. Car s'il est tendu iusqu'à

Quatre causes de la celerité & diurnité du mouuement violent.



B, la flechē sera avec la corde seulement mouuee de C en D: pouttant si la corde est tendue iusqu'à C, l'arc poussera plus loing selon la proposition de C D à B D. Outre plus la corde tiree iusqu'à C, avec plus grande impetuosité retournera à D, que de B en D. La fleche dōc sera mouuee de la corde plus legeremēt, par quoy aussi apres qu'elle sera poussee en l'air.

h iij

Et ne faut adiouster que la force qui mouue soit valide, car il nous suffit qu'elle mouue legerement: & si elle peut mouuoir legerement, la cause qui mouue est valide & forte. Car combien que la chose fust valide, elle mouuait toutesfois lentement, elle ne pourroit pousser loing. Car rien ne peut mouuoir aucune chose lentement & loing ensemble: & ce qui est mouué lentement, consume beaucoup de temps au mouuement, auquel il est necessaire que la grande force soit debilitée, entendu que le mouuement est contre nature. La troisieme cause est la rarité du lieu, par lequel aucune chose est mouuee: car en l'air on peut pousser violemment, en l'eau lentement, en la terre à peine peut on pousser quelque chose. Pour ceste cause ceux qui tirent l'artillerie contre les nauires des ennemis, principalement se gardent d'adresser leur coup en la partie de la nauire qui est dedans l'eau, quoy que ce fust le plus dommageable: mais pourtāt que le coup de la boule est debilité par la rencontre de l'eau, ils aiment mieux frapper la nauire au dessus de l'eau, toutesfois au plus pres de l'eau qu'ils peuuent. La quatrieme cause du coup leger & diuturne, est l'acuité de la fleche, laquelle tant moins rencontre d'air, tant moins est empeschée. Donc il semble que la premiere opinion est plus vraye que celle d'Aristoteles touchant la cause du mouuement violent: Car il n'appert tant manifestement pourquoy les choses mouuees violemēt, tant plus elles sont agues, tant plus elles sont portees legerement, & par plus longue espace. Mesmement si aucunes choses sont proches de la corde, toutesfois elles ne la touchēt, combien que l'air soit mouué non moins que l'air qui precede la fleche, toutesfois la chose proche n'est mouuee, tāt ce fait qu'elle soit poussée par long espace. Outre-plus, veu que l'air est mol, & ne peut estre mouué tant vehementement, ny estre contraint ensemble, il s'ensuit qu'il ne peut mouuoir la boule de fer. Et ce qui est poussé violemēt, ne sera moins mouué en l'eau qu'en l'air, entendu toutesfois que non seulement il est mouué plus lentement en l'eau qu'en l'air, mais trop plus lentement. Et les matieres pesantes ne doiuent estre portees plus len-

*Rien ne peut
estre mouué
lentement &
loing tout
ensemble.*

*On ne iette
la boule de
l'artillerie cō-
tre la part de
la nauire qui
est dedans
l'eau.*

*On ne iette
la boule de
l'artillerie cō-
tre la part de
la nauire qui
est dedans
l'eau.*

tement en l'air que les legeres, si elles s'entresuiuent par le moyen de vacuité. Mais ces raisons ne demontrent point que les fleches aiguës soient portees plus legèrement, pource que le premier air soit mouué par plus grande impetuosité, duquel les autres parties sont poussées selon vne mesme cause.



A Pour ceste raison on fait vn traict qui toujours puisse estre fiché. Que la pointe donc soit A, quatre grâds pennons soient mis sus la fleche, A B comme rectangles: lors quand la fleche est poussée, elle ne peut s'encliner deçà ne delà, pource qu'aucun des pennons ou plusieurs se presente contre l'air: quand d'oc la fleche A B est poussée, elle est necessairemēt droit fichée. Et si la force du pouffement defaut, encores elle rōbera droistemēt, & sera fichée. Et pource telle a esté la cause de l'inuention des pēons aux fleches. Dōques les autres opinions excepté la derniere contre l'opiniō de Plato, sont de la succession de l'air, non pas de l'air precedāt. La derniere opinion a contre soy euidēte experience, car au mouuement qui est par rarité, la mōte de la chose pesante est plus difficile que de la leger, & pource plus tardiue. Mais ce qui fait foy à l'opinion d'Aristoteles, est qu'il dit que le mouuement naturel est plus valide en la fin, le violent au commencement, & le mouuement des choses iectées au loing est plus valide au milieu. Auerois suiuit Simplicius, & ayant vn texte corrompu lit *animalium*, c'est à dire des bestes, pour *proiectorum*, c'est à dire, des choses iectées au loing. Simplicius ayant vn bon texte, n'entendant point Aristoteles, a exposé *animalia*, pro *proiecta*, par comparaison & interpretation tres-lourde, pource que les bestes se mouuent à costé cōme choses iectées. Cecy a mouué Simplicius pource que le Philosophe auoit dict, que les choses violentes estoiet mouuees plus vehementement au cōmēcement, les choses naturelles en la fin: il falloit que les choses iectées fussent d'vn des gerres des deux. Mais il n'a entendu le Philosophe. Car quād les choses iectées sont mouuees par le mouuemēt de l'air precedent, & l'air de soy-mesme est mobile, le mouuement


La maniere de faire vn traict qui est toujours fiché.

Vne raison demonstratiue par Aristoteles.

*Pourquoy le
coup d'un
traict est plus
valide en
quelque di-
stance que de
pres.*

*La maniere
du mouuement
des choses pe-
santes mou-
uees violen-
tement.*

des choses iectees aucunement est composé du naturel & du violent: le naturel est augmenté en la fin, le violent au commencement: pour ceste cause le mouuement des choses proiectes est tres-valide au milieu. Ceste raison est forte, & enseigne la solution de ceste doute. Car nous voyōs que les machines & les traicts mesmemēt iectez de la main, dōnent coups plus vehemēs en quelque distance, qu'ils ne font de pres, & quasi en l'artillerie. La cause est, & sans qu'aucun en puisse alleguer autre, que celuy qui pense que le mouuement est fait du commencement, qu'Aristoteles a proposé: car l'air au commencement n'aide point le mouuement, si non que bien peu: par succession de tēps le mouuement naturel de l'air cōme il est mouuē, est fait plus valide, & cōme il se mouuē peu, il se depart: pourquoy par luy-mesme il est necessaire la celerité du mouuement estre augmentee, entant qu'il ne cōmence à plus mouuoir, qu'il est apte d'estre mouuē naturellement. Pourtant puis qu'on cognoit la raison du mouuement violent, monstons comment sont mouuees les choses qui ne sont mouuees de soy-mesme, le commencement pris, que les choses pesantes qui sont mouuees par quelque coup, & non selon nature, ont trois choses desquelles est fait le mouuement: la propre grauité par laquelle les choses sont portees en bas: la force naturelle du moyen, comme elle est mouuee: & la force acquise qui mouuē vne autre partie de l'air.




Que la ligne donc AB soit également distante à la ligne du milieu, laquelle ligne CD diuise d'un angle droit, en sorte que CA soit egal à BC , & que AC soit diuise également en E , & ce qui doit mouuoir en F , & est de soy-mesme manifeste, que d'un coup valide il sera iecté vers D , pource que ensemblement il sera porté vers D par l'impetuosité du iectant & par nature. Or est-il raisonnable que le coup à luy contraire soit debile, c'est à sçauoir vers C , & que le coup des parties superieures vers D , soit tres-valide:

desquelles choses ne l'une ne l'autre est cogneuë par experience: mais le coup des superieures parties F E est tres-valide: celuy de F G mediocre: & le coup F A tres-debile. Pourquoy est-il ainsi? Certes pourtant que l'air est plus tost porté tout droict qu'à costé: pour ce le coup de F en A est tres-debile. Iouxte ceste raison le coup de F en C deuroit estre tres-valide: mais pourtant que toute la pesanteur du fais empesche, pource l'air est illec grandement mouué, & le fais à moins de pesanteur: & cecy est en la ligne F E, où la pile est poussee tres-puissamment. Il reste donc que le coup tendë mediocrement de F en C, c'est à dire, tout droit en hault. Toutesfois de peur que tu ne failles, & sois deceu aux fleches, lesquelles aucunesfois pour cause de leur longueur & des pennons, sont poussees plus legerement de F en A, qu'en C, & ne sont poussees en aucune partie qu'en E: pource ceux qui battent & abbatent les murailles appliquent leurs artilleries à la petite ligne F E: car le coup est presque augmenté des trois parts. Or quand la boule iectee est paruenue droictement en son extreme lieu, elle ne descend en faisant la figure du cercle, ny aussi droictement: mais presque par vne ligne moyenne entre les deux qui represente presque la ligne enuironnante d'une quatriesme partie de cercle, comme est B C: & finalement aucunesfois la boule descend tout droict de C en D par le mouuement de la matiere pesante.

Comment les choses pesantes descendent apres le coup.


Les matieres donc qui sont iectees au loing consistent en trois mouuemens, le premier violent, le dernier du tout naturel, & le moyen composé des deux autres: & pour cause de tant grande varieté du mouuement, il est impossible de mesurer exactement telles matieres, toutesfois on le peut cognoistre par coniecture. Les mouuemens de B en C sont tres-debiles: dont les plòmets dissipez par chaleur pour ceste cause blessent moins, en sorte qu'à peine peut on voir vn ou deux vulnerez, ou grieuement frap-



Pourquoy à peine aucun est blessé des plòmets qui sont iectez en haut en grand nombre.

pez entre plusieurs milles, pour cause que les coups s'ont
 adressez en hault, quād constumieremēt les plommets
 plus pesāns demie once, sont poussez ou pour tirer des
 oiseaux, ou pour descharger la haquebute. Mais enten-
 du que les choses graues & pesantes sont mouuees tant
 difficilemēt par la ligne equidistāte de la ligne qui me-
 sure le paruis, pourquoy est-ce que les choses suspēdues
 sont poussees tant facilement, en sorte qu'un anneau su-
 spendu à vn fil semble estre mouuē de son bon gré, &
 pource semble représenter vne espeece d'enchantemēt?
 La cause est, que toute la force entiere demeure à ce qui
 pousse: mais celuy qui iecte au loing, fait deux choses,
 il soustient, & pousse: mais quād le pois est suspēdu, en-
 tendu qu'il est ja soustenu d'un autre, tout ce qui est de
 force, demeure entier à l'impulsion. Et quand le pois est

*Le mouuemēt
 de l'anneau.*



poussé, il retourne presque au
 milieu de tant grande force,
 qu'il a esté poussé d'iceluy,
 pourtant quand il est poussé
 hors du milieu par tāt grāde
 force, cōme par maniere d'e-
 xēple, par l'espace d'une cou-
 dee, il sera necessaire qu'il se
 retire autant en la partie cō-
 traire, & ainsi sera necessaire
 qu'il se repose tres-tardieu-
 emēt par le retour continu &
 alternatif. Quād dōc ce mou-
 uemēt est vn peu aidé en l'an-
 neau par occulte motion de
 l'haleine, il est tant augmenté
 de son bon gré, qu'aucū croi-
 roit quelque force d'enchan-
 temēt estre aux parolles.
 Poutāt quād cest anneau est
 esmouuē quelque peu, quoy
 qu'il se mouue de soy-mes-
 me, comme i'ay dict, il sem-
 ble que quelque esprit soit
 en l'anneau qui le mouue. Et


ce mouuement est plus facile en vn fil long, ce qu'on voit par euidete demonstration. Qu'un anneau donc soit en F, & qu'il soit mouué par B C, suspendu en A: & derechef suspèdu en A, qu'il soit mis en H, & soit mouué par D H E, qui soit egalé à B F C, & que L soit le cètre de la terre: il est donc manifeste, que quand l'anneau est en F, qu'il sera mouué cōtre le mouuement naturel par F G: & quād il est en H, il sera mouué par H K: or H K est plus brief, que F G, comme i'ay monstré au premier liure des Cercles. Quand donc la puissance mouuante est semblable, & ce qui mouue vne mesme chose, & qu'il passe plus grand espace en F, qu'en H, ou monte plus du centre, ce passera en plus long tēps: pource s'ils doiuent estre mouues en temps egal, H a de besoin de moindre impetuosité, que F: & pour ceste cause tant plus la chose mobile est haut pendue, tant plus facilement, & de moindre labeur elle est mouuee. Quand donc le fil sera long, le mouuement prendra son commencement ou du mouuement soudain des mains, ou de l'air, ou du soufflemēt, duquel la force descend par le fil mesmement. Ainsi veu que le mouuement du fil est tant facile, & qu'elles sont tant de causes mouuantes, ce n'est merueille si l'anneau est mouué au commencement du fil, sans y mettre les doigts, lequel anneau mouué, à peine le commencement de la cessation pourra estre trouué, veu que la chose pesante suspendue, comme i'ay dict, se mouue soy-mesme tant entierement: & par ce moyen il semble que l'anneau soit mouué par enchantement. Mais apres que ces propos sont manifestes, aucū doutera pourquoy les corps rares non seulement admettent le mouuement leger, qui consent à raison, ains aussi ils font vn mouuement qui ne respond à raison: Car le pouffement de l'eau est moins violent, quand il est poullé dedans quelque chose, que de l'air, & le pouffement de l'air moins violent que du feu. Il appert par vn instrument lequel (cōme i'enten, car ie ne l'ay veu) composé de Cipres, vn de Germanie a apporté lōg de vingt aulnes, duquel le trou estoit tāt estroit, qu'il n'eust admis vn pois chiche, quoy qu'il eust esté tout rond: l'espaisseur en estoit moindre que d'vne aulne: cest instrumēt pouffoit vn plōmet fort

*Vne machine
ou artillerie
que lasche le
coup sans feu.*

petit (qui toutesfois conuenoit au trou) de tant grande impetuofité qu'il trauersoit vne table: l'instrument est chose feure, fans bruit, & fans coust de pouldre, ayât ces trois commoditez, mais autant d'incommoditez, ſçauoir est la peſanteur, la magnitude, & pour cauſe de la magnitude, l'imbecillité. Mais ſi nous voulons faire vn coup par le feu, il nous faut trop plus brieſ, & moindre instrument, pourtant le feu pouſſe plus que l'air, & l'air plus que l'eau. Elles ſont deux cauſes, pource qu'au pouſſement il eſt neceſſaire non ſeulement de mouoir, ains auſſi d'eſtre mouué: mais i'ay monſtré les choſes rares eſtre tresfacilement mouuées, & pource eſtre mouuées avec grande impetuofité: pourtant elles feront vn grand coup: la ſeconde cauſe eſt, que les choſes qui ſont rares principalement peuuent eſtre conioinctes & aſſemblées pource qu'elles ſont loin de l'extreme denſité: & quand l'eau a pris la denſité de la terre, elle ne peut plus ſe mouoir.

Doncques toute machine eſt neceſſairement grande, ou elle donne coup debile, ou avec grand bruit: car les machines qui ſont avec le feu ſont bruiët, pour la raiſon pre diſte: celles qui ſont avec l'air, ou elles ſont grandes comme longues arbaleſtes, ou elle ſont petit bruit, mais couſtumièremment ils mettent des fleches, non pas des boulets aux arcs: non ſeulement pource qu'elles ſont legieres, mais auſſi pource que leur poincte ſatisfaiët à la grandeur du coup. Il eſt certain qu'un artiſan de Brixeles a compoſé ſi temperément vn arc tout d'acier, long d'une paume, qu'il tua de tel inſtrumēt caché ſouz ſon manteau l'adultere de ſa femme: ainſi il penſa de venger ſa grande iniure ſeulement, fans bruiët, & fans ſuſpicion. (car ſouuent la poudre manifeſte l'embuſche par ſon odeur.) Iceluy meſme compoſa vne horloge en la pierre precieufe d'un anneau, qui eſtoit tourné d'une meule, & demonſtroit les heures, non ſeulement d'une poincte, ains d'un coup. Luy-meſme a cōpoſé vne nauire de merueilleux artiſice, en laquelle vne ſème ioüoit du Luth, & les hommes par le mouuement des auirons, des roües miſes ſouz, menoient le nauire, agitans preſque les auirons à l'accord du Luth. Et neantmoins que

ce qui ensuit semble estre mis outre nostre entreprise, toutesfois afin que ie montre l'artificieuse inuention des hommes qui a son origine de la nature de l'air, i'ay deliberé d'enseigner vn instrument pour cribler & bluter la farine, inuenté depuis trois ans, à fin que les hommes cognoissent cōbien il est licite d'acquérir les grandes richesses par petite chose, mais qu'elle soit ingenieuse. Car maintenant que les boulangers ont cest instrument pour leur profit, & qu'il a le priuilege de Cesar, qu'aucun ne peut en auoir sans son consentement, il vit de telle industrie, & en brief temps il a edifié vne maison. Et non seulement les boulangers, mais les religiōs, & autres colleges, & les nobles qui ont grand train pour leur grande vtilité, à fin que ie me taise de la necessité, en ont: & plusieurs autres ont eu soin de le faire, lesquels non tant l'vtilité que la noualité de la matiere a



Vn merueilleux instrument à cribler la farine.

excitez. Telle est la composition de cest instrument. La petite rouë est B, alentour extreme, de laquelle le manche A peut estre tourné: ces deux choses sont estendues hors la machine. Au milieu de la rouë est le baston C, qui est tourné par le mouuement de la rouë, auquel en C deux petites dens de bois sont posées de l'autre part, & deux autres proches, mesmement de l'autre part, mais presque entre le milieu des deux premieres, à fin que quand la rouë est vne fois tournée, elle puisse toucher quatre fois le bois large, ou plustost la table D E suspenüe de costé, & d'autre sus la petite huche: à fin que quand la rouë tourne, la table soit perpetuellement agitée quand elle est touchée des denticules predites, par vn mouuement tremblant. Outre plus le bois C, &

vne partie de la table sont alentour ouverts de la petite huche: le crible ou bluteau est dessus la table DE, pendu obliquement, & est appandant de G en H, de peur qu'il ne tombe: ce crible est fait de tables minces, ains tres-minces & tres-legeres de toutes pars excepté au milieu par ou la farine tombe bas: car (comme est la coustume) telle partie est composée de toile, vulgairement dite estamine. Toutes ces choses sont encloses de tous costez en vne grande huche, en la supreme partie de laquelle la petite huche K est mise, en laquelle est vn auget presque carré fait de bois tres-leger, où est la farine: il est suspendu en sorte que facilement il peut estre secouz: & est secouz d'une petite corde nouée à l'autre partie de la rouë, scauoir est, en la dextre aupres de B. Auf si il te souuiendra, que ce crible FG est patent aux deux bous, à celuy d'en haut, à fin qu'il recoiue la farine mise hors de l'auget: il est ouuert au bout d'embas, afin qu'il mette hors de G le gros excremēt de la farine. Or toute la huche est diuisée en trois LMN, les clostures dressées haut, faites de petites tables fermes & immobiles. Si tu veulx elle peut estre diuisée en quatre parties. Cecy donc ainsi ordonné, quād la rouë B est tournée: la petite corde frappe l'auget & la table de la déticule: l'auget secouz la farine dedans le crible FG: la tablette frappe le crible, dont il aduient que la tres-petite fleur de la farine premieremēt soit secouffe, & qu'elle tombe en MN par la part de la petite huche: & quand elle descend, entendu qu'elle est vehementement remuée, la part inferieure est secouffe en L M, moins entiere que l'autre: apres & au dernier lieu tout le gros excremēt de la farine descēd en I O par G la gueule inferieure du crible: & ain si trois matieres sont cueillies separémēt, la fleur de la farine en MN, la grosse farine en M L, & le gros excremēt en I O: & la farine qui vole alētour, dite farine sole, necessairement reuient en son lieu, en sorte que rien n'est perdu, car la petite huche n'a euent en quelque part. Et faut que le crible (ce que facilement tu cognois par raison) ne soit trop penché: car la farine viendroit iusqu'à G, & seroit iettée en bas par le gros excremēt. Pourtant si tu ostes la closture L iusqu'à la gueule du crible, ou si

tu adioustes autre closture, comme en *p*, & si tu courbes vn peu par haut l'entree, *g*, comme tu vois, tu estimeras à peu la perte de la farine. Enten donc maintenant quãtes commoditez ensuiuent de cest instrument. La premiere est par le labour d'vn homme seul qui tourne la roüe, & met la farine en l'auget, & quand les lieux sont pleins, qui cueilt la farine criblée, & tout le gros excrement, il fait autant que trois cribleurs ou bluteurs. La seconde commodité est, qu'en ceste œuure, veu que elle n'est laborieuse ne perilleuse, chacun y peut satisfaire, & les crocheteurs y sont propres, qui sont louez à moindre pris & salaire que les cribleurs. La troisieme commodité est, que toute la farine est cueillie, & rien n'est perdu: & aux autres cribleurs, il est necessaire que les trous pour cause du mouuement des mains & bras, soient autant grands que les bras peuuent estre estédus, & pour ceste cause beaucoup de farine est perduë. Outre viët la quatrieme vtilité, que le criblé de lin ou d'estamine, veu qu'il tremble, seulemēt n'est tantvse ne brisé, ains trop moins que quand la farine est criblée des hommes: car il est necessaire (comme ils le font) de secourre le crible & bluteau grandement. D'auantage ce est fait pour le profit, pource que la farine est secouffe plus exactement, à fin que le gros excrement soit tout pur. Et toutes ces choses sont faites sans souiller la maison, & sans le peril & dommage des hommes. Mesmement la propriété de l'instrument distingue & separe deux ou trois sortes de farines, ce qui ne peut estre fait des cribleurs, sinon par coniecture incertaine premiere-ment, & apres instable.

Or retournons au traité de l'air, apres que nous auons plainement traité de tous mouuemens violens. Nous auons ja enseigné que l'air est estendu iusques au ciel, & que la partie d'iceluy la plus pure est dictée ether: mais cest ether & l'air ne peuuent estre cogneuz pour cause de la pureté de leur substance. Cecy est fait pour l'amour des animaux: car si l'air auoit des couleurs ce qui seroit veu, apparoiroit tel que seroit la couleur. Car ainsi comme toutes choses semblent estre vertes à celuy qui regarde par les lunettes tres-vertes, ainsi l'air

*Pourquoy on
ne sent l'air.*

estoit de couleur, toutes choses sembleroiēt estre d'une mesme couleur. Semblablement, si l'air auoit odeur, toutes choses sembleroiēt auoir vne mesme odeur. Pareillement si l'air auoit saueur acré ou douce, toutes choses sembleroiēt estre acres ou douces. Par mesme moyen si aucunesfois l'air est fait chaud, comme en esté, il fait que toutes choses semblent estre chaudes. Par mesme raison la nuit descouure les sons & bruits, quoy qu'ils soient tres-petits, pource que l'air le iour durant n'est totalement sans son & bruit. Pourtant à fin qu'il peust receuoir toutes choses, les saueurs, les odeurs, les sons, les couleurs, le chaud, & le froid, & le tout représenter aux sens, comme il est decéant, nature l'a fait exempt de toutes choses. Or quand l'air est subiaccé à quelques premières qualitez, il fuit celle qui est opposée: & ce est indice de ce que j'ay dict, sçauoir est que les premières qualitez operent de soy mesmes. Car en hyuer l'air qui est expiré, entēdu qu'il est chaud, il s'assemble en figure ronde, certes par la chaleur mesme, non par la nature de l'air: car l'air froid ne s'assemble, ne la chaleur aussi inspirée en lieu chaud. Mais pourquoy s'assemble l'air en figure ronde? Pource que entēdu que la figure ronde est la plus capable de toutes, & la plus robuste, & aussi pource qu'elle s'expose à la cause qui peut blesser: pour ceste raison ceux qui veulent batailler, receuoir les coups, & porter quelque fais, ils se rendent en figure ronde. L'air enclos corrompt les choses animées, & conserue celles qui n'ont ame: mais l'air qui est libre corrompt les choses qui n'ont ame, & cōserue les autres qui ont ame. Car par son mouuement il vse petit à petit les choses qui n'ont ame, & ainsi les corrompt au lieu euenté: mais il repugne, & refrigere la chaleur des animaux. Et quand il est enclos & n'est mouué, il conserue les choses non subiectes à putrefaction, & les engarde de pourrir, pource que n'ayant de mouuement il ne consume rien: mais demeurant en repos, & pource empuanti, il corrompt, il tue, il putrefie les animaux subiects à putrefaction. Et l'air enclos qui n'est mouué est tant corrompu, que quād les soldats de M. Auidius Cassius, lieutenant de M. Antonius Empe-

*Pourquoy
l'air s'assem-
ble en figure
ronde en tēps
d'hyuer.*

*Les vertuz
de l'air con-
traires.*

*Vne peste grā
de d'un cof-
fre ouuert.*

reur

teur euréet ouuert en Selaucie ville de Babylone vn coffre ou cabinet trouué au temple d'Apollo, esperans illec trouuer de l'or, l'air sortant de là estoit tant infect, qu'il gasta de peste toute la regiõ. De Babylone l'air apporté en Grece, & apres de Grece à Rome, il excita telle pestilence, qu'elle fit perir presque la tierce partie du gerre humain. L'air aussi est infecté par les exalations des minieres pourtant au profond des minieres l'air perpetuellement est agité de soufflets, ou cuëtoires: autremét il esteindroit les chandelles, & suffoqueroit ceux qui seroient dedans, L'air doncques est purgé par le mouuement, & retourne en sa propre & pure nature.

Par semblable maniere les froumens enclos subz la terre corrompent l'air, & en apres de luy mutuellement sont corrompus. Et combien qu'ilz soient corrompus plustardiuemét en Germanie pour cause de la frigidité, toutesfois ils y sont corrompus par successiõ de temps. Pour ceste mesme cause ilz sont gardez plus lõg temps souz la terre, que dessus. Mais aucuns froumés, & autres choses semblent estre plus seures aux lieux euentez, non pas que l'air les conserue par sa nature, mais pourautant qu'il est plus froid, il les corrompt moins. Car aucuns froumens euentez, principalement en lieu haut, sont plus froids que ceux qui sont enclos. Outre plus les corruptions de l'air sont faites pour causes des mouuemés de la terre. Car l'air mishors qui auoit esté caché par lõg temps, quand il sort, coustumierement il apporte vne grande peste: pour ceste cause grandes pestilences viennent apres les grands mouuemens de la terre. Les pestilences aussi viennent pour cause des putrefactions, cõme apres les grãds meurtres en la guerre, apres les inundatiõs & grandes caues, & apres que les sauterelles sont mortes. Certes telles pestes prouiennét de l'air corrompu. Mais les pestes qui viennent apres la famine, sont d'autre espece. Toutesfois la varieté de la peste est merueilleuse: car aucuns autheurs dignes de foy referent qu'en Constantinople (dicté iadis Byzantium) fut vne peste, qui estoit de telle sorte, que ceux qui en estoient malades, ou qui estoient ia en train de l'estre, sembloiét estre tuez d'vn autre homme, & troublez de telle terreur

*Les causes
de la putrefaction
de l'air
& de la peste.*

*Vne peste
merueilleuse.*

Pourquoy la peste ne dure point plus de trois ans.

& crainte ilz mouroient. Cецy certes est vray, qu'il est presque autant de manieres de pestes, qu'ilz sont de changement & mutations des temps. Toutesfois il n'est aucune peste qui dure plus de trois ans. La cause est diuerse. La premiere cause est, pource que si elle dure long temps en sa vehemence, elle ne trouue plus presque contre qui elle exerce sa violence. La seconde cause est, qu'entendu que l'air est de substance tresrare comme il est dict, il ne peut souffrir la putrefaction plus outre: par cy deuant j'ay monstré que les choses qui ont esté pourries ne le sont plus. La troisieme cause est, qu'à peine peut il estre que l'air ne soit mouué en l'espace de trois ans, & qu'il n'esparte parmy le vent ce qui est corrompu. D'auantage certain moyen est donné à toutes choses par le benefice de Dieu. Car mesmement les serpens ne semblent estre multipliez outre certain limite & nombre, & les maladies aguës ne perseuerent en leur extreme vehemence. outre le quatorzieme iour: & aucun mal vehement ne peut durer long temps. Et au gerre de peste diurne & lent on ne peut trouuer vne fin prefixe & certaine, comme en la verole qui ia a regné plus de cinquante ans. Et combien que ceste maladie soit presente aux Indes, elle nous est toutesfois pestifere par contagion & atouchement. Or iay escrit plusieurs liures de ceste maladie.

Trois manieres de venin.

Les gerres de peste qui sont de l'air, tiennent la proprieté & nature du venin. Car aucuns venins sont par nature comme choses qui naissent, & les plus dangereux sont des serpens: aucuns sont de putrefaction, dont est la peste, & ceux qui sont faicts par artifice, qui estoient appelez au temps passé cuis, en Latin maintenant subliméz. Les plus vehemens & les plus presens sont ceux qui sont faicts de nature, qui par tout surmontent l'artifice, toutesfois ils sont rares: ceux qui sont par artifice, sont tresfrequens, entendu que le gerre humain est trop plus pire à excogiter les maux que n'est Nature. Doncques en exemple rare Nature n'a estimé celuy estre deshoneste d'estre surmonté des hommes en l'excogitation des maux, mais que toutel-

fois la palme & gloire de la magnitude du fait demeure vers elle. Aucuns referēt qu'vne espece de venin est en Nubie (lequel est dit de Ptolomeus Marmarica) duquel le pois qui est d'un grain de blé, fait incontinent mourir l'homme: & dix hommes en la quatriesme partie d'une heure: tant est grande sa force mortelle. L'once en est vendue cent escus: on paye autant de tribut qu'il est achepté: celuy qui l'achepte iure qu'il n'en vsera point en sa prouince. Comme ainsi soit que si quelqu'un tue les hommes d'estrange país, ne soit point empoisonneur venefique, ou que ce soit moindre chose de tuer un homme, que de se parier: cestuy craindra-il le pariement, qui veut vser d'empoisonnement? Laquelle est plus grande, ou ceste calamité, ou telle folie des hommes? La condition de ce faire est pire en la tardation qu'en la celerité: car la celerité tost oste la vie: la tardation oste l'espoir & tout le fruit de la vie. Theophrastus refere que le venin aucunes fois est préparé, qui de deux, de trois, de six mois, ou d'un an ou deux faict mourir, & qu'aucune mort respond au temps de la collection du médicament: car d'une plante vieille la mort est plus long temps differée: & au temps iadis ilz plantoient les herbes venefiques & les cueilloient: ou l'herbe cueillie au printemps tue plustost que celle qui est cueillie en hyuer, cōme il est manifeste de la vertu des herbes & racines. Et combien que le temps de médicament fut éloigné soigneusement, toutesfois la mort certaine estoit future à chacun en certain temps, qui est chose de merueille. Semblablement aucuns venins iacoit qu'ilz ne fissent mourir, toutesfois ilz gastaient quelqu'un des membres de la personne.

Vne fontaine estoit de là le Rhein aupres de la mer, de laquelle fontaine l'eau fit tumber les dēs à tous ceux du camp de Germanie qui en beurent: & ne peut on trouver remede alencontre, sinon que de l'herbe dicte Britannica. Et à Cesar Taberna homme de nostre país, apres grandes douleurs de ventre, on luy trouua vne pierre au ventricule, grosse comme un œuf, la dissection de son corps faicte apres sa mort. Car le venin qui tue à certain temps ne peut toucher le cœur, ne le cerueau,

*Vn venin
qui tue pre-
sentement.*

*Le venin qui
tue à certain
temps.*

*La propriété
merueilleuse
d'une fontai-
ne.*

ne la vessie. Car s'il vient iusques au cœur, il ne peut differer long temps la mort: s'il vient au cerueau, entendu qu'il est loing du cœur, il ne tuera point, ains à peine pourra toucher: quād à la vessie, il n'y a que le venim vehement, qui la blesse: & cestuy la tue soudain: toutesfois il peut nuire soudainement. & tuer tardiement. Mais le venim qui tue secrettemēt & tardiement, à fin que la fraude soit cachée, il vexe, & moleste les poumons ou le foye, ou le ventricule. Le venim qui moleste le ventricule tue par douleur continue, ou par vomissemēt: qui blesse le foye en corrompant le sang, aucun tue ou engendrāt la iaunisse, aucun hydropisse, aucun les ficures pleines de poison. I'ay autresfois escript onze entre treze pris au disner en la ville Gallarate qui auoient beu du venin & tous moururent en diuers temps, quand mesmement aucuns d'iceux ce pendant allerēt à Rome, & en retournerent. Ceste belle inuention veneneuse auoit esté apotée de la ville mesme. Autre part & autresfois ie traicteray d'aucuns signes par lesquelz nous cognoistrōs quād l'homme aura beu du venin, quoy qu'il ne le sente: toutesfois i'en diray les plus principaux poincts maintenant. Ilz sont cinq: le premier est, quand on sent vne mauuaise odeur en la viande: ou si quand la matiere fetide n'est presente, l'odeur puante est senty, comme s'il portoit auec soy la matiere fetide. Vne mesme raison est aux saueurs horribles. Aussi les douleurs sont grands sans cause manifeste au ventricule ou au foye, ou les erosions sont grandes à la vessie, ou le cracher du sang est soudain, & sans contraincte. D'auantage vne couleur palle, lente, & morne est indice de venin beu: & mesmement la mutation de couleur par tout le corps, grande & immedicable. Toutesfois ce n'est icy le lieu pour traiter des maladies, ains seulement conuient enseigner ce qui est le plus subtil en ceste disputation, sçauoir est, comment par l'odeur nonpresent, ou par la saueur il aduient que l'on sent l'vn & l'autre, & est l'indice du venin. La cause est que l'humeur melancolique refere telle espee au lieu de l'obiet, comme mesmement à ceux qui ont esté mors d'vn chien enragé, il aduient qu'ilz errent, & faillent à ce qu'ils voyent. Or les venins

*L'indice du
venin beu
pour quelque
certain tēps.*

principalement ceux qui sont pour quelque temps, coustumièrement engendrent cest humeur melancholique. Et ce pendant que ie considere ces choses, il me souuiét d'vne grande doubte, pource que considéré qu'ilz sont plusieurs choses, comme i'ay dict, qui peuuent retarder la mort iusqu'à vn an, & outre, & sont toutesfois venins, desquelz nous vsons pour viãde, & neantmoins ilz sont mourir, iaçoit que ce soit tant tard, qu'on ne les estime estre venins. Et si aucuns sont de telle sorte, ilz seront du gerre des champignons. Mais entendu que tant de gens sont affligez, & malades par tant diuerses manieres, en tant diuerses aages, temperatures, institutions de viure, en tant diuers, arts, force de corps, d'occasions, & certes en tant diuers, fin de ceux qui meurēt, qui pourra cognoistre ce malheur veneneux? Semblablement aucunes herbes agrestes que (peut estre) nous mangeons sont veneneuses: car plusieurs secrets y sont: & mesmement celles qui sont infectée de la Salmandre, des crapaux, & serpens. L'herbe dict Chameleon est vn venin present aux pourceaux, aux lōups, & aux rats: qui cognoist si elle est dangereuse en quelque temps aux hommes? Car les choses qui nuisent & blessent, coustumièrement tuent par l'espace de temps. Certainemēt la viscosité qui naist en la racine de Chameleon, faict mourir l'homme. Et toutes choses qui sont mourir presentement, si elles sont temperée, elles doiuent estre prises pour le venin qui est tardé pour quelque temps. Aucuns venins sont qui tuent par le seul touchement: car si l'escume d'vn chien enragé tombe aucunement sus vn lieu vulnéré, ou duquel la pellicule soit hors, coustumièrement elle tue: & l'herbe scilla, autrement dictē squilla frotée contre la peau, moleste la chair: & les cantharides retenues en la main prouoquent à pisser du sang. Quel merueille est-ce donc, s'il est vn venin qui tue par le seul touchement, principalement aussi que nous voyons la peste qui estoit cachée en vne selle de cheual, ou à vne table, tuer l'homme qui s'estoit assis sus l'vn des deux? Aucunes choses tuent de leur ombre seule comme oleader, & l'if, dict en Latin *taxus*: les autres excitēt le venin ia esteint, comme les verges de cornoiller, ou de l'her-

Aucuns venins sont mourir par le seul touchement.

be dite sanguinaria, à Paris dicté l'herbe de saint Innocent, vulgairement la renouée. Lesquelles verges quand elles sont eschauffées en la main, elles reuoquent la rage à ceux qui ont esté mors d'un chien enrage, qui ia estoient deliurez de peril. Mesmement ceux qui ont esté batus de verges de Sanguinaria & les iumens aussi, sont estimez estre grandement affligez. Pareillement aucuns serpens sont estimez tuer en touchant le milieu de la lance, comme le refere Matthiolus.

Quelque personnage apres qu'il eut succé la playe faite d'un serpent diuisé en deux parties incontinent mourut. Les autres meurent seulement par l'odeur, comme celuy qui tomba mort à Senes par odeur seulement présentée par un corriual amoureux. Ces choses semblent estre merueilleuses, soit que quelqu'un regarde à l'imbecilité humaine, ou à l'industrie de l'esprit maling, ou à la vertu des choses, ou à la subtilité de la maniere de faire. Et pour ce que cecy est le propos de la presente matiere, expliquons maintenant ceste chose en trois exemples les plus admirables.

Aucuns venins, comme j'ay dict, tuent incontinent qu'ilz sont deuorez, aucuns par le seul touchement, les autres par le flairement: il est certain, lequel de ces trois est le plus admirable: mais escoute la cause d'iceux & tu sçauras. Si vne estincelle de feu entre dedans le cœur, ne crois tu pas que l'homme mourra incontinent? Or le venin sera plus agu que le feu, comme ie déclareray, quand ie traicteray des eaües fortes & vehémentes. Car tel qu'est le venin par puissance, tel est il par effect dedans le corps: il tuera donc, dy ie & sera moindre que la dixiesme partie d'un grain de blé: car l'estincelle de feu est de pois, & de grandeur, & de substance, moindre que la dixiesme partie dudict grain de bled. Voicy, tu vois vne chose grandement merueilleuse, qui briuelement est faite claire, & sans doute, que la vapeur receüe dedans le cerueau tue par le seul flairement: entendu que le cerueau n'a de contre-huis, & attire l'air comme le cœur, telle vapeur incontinent tue, & destruit l'esprit contenu aux ventricules du cerueau. Il est donc necessaire que tel

venin soit agu, & subtil. l'ay souuenance que i'ay esté tant estonné & fasché du flairement d'aucunes choses, que ie me repentoy de les auoir flairees, toutesfois telles choses estoient exemptes de la nature du venin. Cecy aduient en toutes choses qui sont cueilliés par la distillation du feu, si d'elles mesmes elles sont chaudes. Et les choses qui sont putrides, ne sont pas sans peril. Car i'ay monstré que les choses putrides sont contraires à nostre nature: & que celles qui sont distillees, ont la force participante du feu, aussi de la substance & chaleur qui a vigueur en la chose qui est distillée. Quelle merueille donc est-ce, si l'homme est tué par le seul flairement? Mesmement l'experience de toucher le venin, & non de toucher seulement, mais aussi de toucher vne lance par le milieu qui a touché le venin par le bout, tue l'homme, & certes cecy, pour dire verité, est le plus difficile & le plus admirable. Mais si quelqu'un se propose ces trois choses, la crainte en plusieurs (car tous ne sont également affligés de crainte) & la force de la torpeur qui mesmement endort la main de l'homme au milieu de la rets, & l'alaïne qui sort de la bouche du serpent, veu que au temps de peste nous voyons aucuns mourir par ceste seule haleine: & qu'il adiousté aussi aux choses susdites, que plusieurs sont morts par vne seule haleine puante & pernicieuse, plusieurs seulement par crainte que plusieurs ont senty la stupeur, & abolissement de la main par le touchement de la rets: quelle chose de merueille est-ce, si la crainte, l'haleine mortifere, & le touchement apportent la mort soudaine, quand le serpent est vulnere? Ce qui est toutesfois tant admirable qu'il est rare. Ce que donc nature donne de son bon gré, l'artifice le peut faire plus industrieux à inuenter le mal que nature. Mais tu obiecteras, pourquoy donc peu de gens perissent ainsi, veu qu'il n'y a pas de causes: Premièrement peu sont qui veulent, & appetét telle chose: car les Princes hayent ce dont les autres pourroient vser alencontre d'eux. Aussi peu sont qui sachent ces matieres: & les sages & sçauants ne veulent vser de mauuais exemple: & les indoctes ne le sçauoient faire. Adiouste aussi, Qui est l'homme de bon cerueau, qui vueille traicter, & tou-

cher vne beste tant violente? Et outre, telles choses ne peuuent nuire, si copieusement elles ne sont administrees, & toutes ne conuienent ensemble: mais les Princes se donnent bien garde alencontre de ces choses. Mesmement le peril est grand pour les traistres & proditeurs, si ce est manifeste, non seulement de ceux contre lesquels ils brassent la poison, ains de ceux pour cause desquels la poison a esté faicte, de peur qu'apres leur meschant acte ils n'ayent tesmoins du faict.

Pour conclusion toutes personnes bien instituees ou de Nature, ou par art, ne veulent iamais vser de la science, qui est seulement pour la ruine de l'homme. Et quant à moy qui ay esté fort curieux de toutes choses qu'il est licite de sçauoir à l'homme, i'ay estimé l'ignorance de telles choses pernicieuses estre preferee à la bone science: & n'ay iamais cherché telle chose, & si quelqu'un m'en eut offert, ie n'en eusse voulu: ains plustost s'il falloit inuenter & excogiter quelque chose, ie l'ay mis & traduit à l'aide, secours, & caution de l'homme. C'est doncques vne aide & remede de ne demeurer sus vn lieu, tant que la main soit eschauffee: lauer souuent les parties d'eau tepide: l'inonction d'huile de rue, non de l'huile vulgairement composee, mais de celle qui est faicte en la maniere, que coustumierement est faicte celle qui est dicte en Latin *Spicatum & garyophylatum*, de ceux qui vident le fard. I'ay dit aussi que le feu applicqué en temps & lieu esteint le venin: certes le feu esteint aucun venin, & augmente vn autre: il esteint tousiours quand il est appliqué en temps & lieu, car sa vertu & d'oster toute humidité. Et toute secheté est posee en quelque humidité: car nous voyons que les choses totalement seches n'ont aucune force. Et les choses totalement seches qui sont exemptes de la nature & proprieté des matieres composees & des elements. Car, comme i'ay dit, tous les elements sont humides. Et la matiere mixte & composee est meslee, pource qu'elle est humide. Le feu donc exterieurement, & tout ce qui est treschaud interieurement, esteint & met à fin tout venin. Or le venin est treschaud interieurement. Le feu en acuisse aucuns. Et Nero batit vne nommee Locusta qui preparoit le venin, pource

*La precautio
& remede contre le venin.*

qu'il ne fist mourir la personne soudainement. Ceste femme derechef fist cuire le venin, ils disent en Latin *coqui*, que nous difons maintenant estre sublimé ou distillé. Le feu donc oste la force, si les venins sont meslez, lors que l'humidité rare s'euapore, en laquelle est posée la force du venin. Mais si les venins sont purement distillez, ou s'ils sont meslez venin avec venin, le feu augmente la force du venin, comme il aduiet que quelque drogue est adioustee aux medicaments qui penetre: & lors que telle drogue deuroit diminuer la force du medicament, elle augmente. Mais venons aux remedes contre le venin. Premièrement il y a le breuuage du theriaque, lequel s'il est bien composé, il n'est personnage aucun qui ne sçache combien il est vtile. Le second remede, est vne souris, ou mouche, dictée vulgairement *mus moisis*, car ils disent qu'elle est nourrie de la racine de nauet, dit en Latin *napellus*, soit que *napellus* soit *aconitum*, vulgairement dict *regal*, ou quelque autre drogue veneneuse: mais de cecy sera traicte en son lieu. Aucuns dignes de foy, disent qu'ils en ont veu. Mais si ainsi est, il falloit qu'ils enseignassent comment ceste souris, entendu qu'elle est tant petite, peut fouyr la terre: & par quelle grande affection elle se jette sus ceste viande dictée *regal*, entre tant grande & facile abondance d'aliment: & veu que toutes les autres bestes perissent incontinent, en mangeant du *regal*, comment ceste souris la plus infirme de toutes bestes en paruité & molle peau, en breueté de vie & en moderation, à peu s'accoustumer à ce venin tant acerbe. Si toutesfois cecy aduiet, il a esté demonsté que tout ce qui est nourry de venin, resiste au venin, & est bonne medecine contre le venin. Ils afferment vne chose que lon a cognu aucunes grandes mouches manger ceste souris, & s'il est ainsi, elles vsent de fueilles ou de fleurs, desquelles rien n'est tant veneneux que leur racine. D'auantage les mouches tiennent peu fermement. Toutesfois ils meslent ces mouches vingt-quatre en nombre à la terre dictée *Lemnia*, aux grains de Laurier, & au *metridal*, & en font vn medicament salutaire de pois egal à toutes les matieres prises. Et si le *metridal* & la terre *Lemnia* & les grains

Souris ou mouches qui porte venin, dictée mus moisis en aucuns lieux, c'est vne musirengne.

de Laurier ne font autre profit, pour le moins ils font contraires au venin, & les mouches font vomir. Mais en la souris, s'il est vray qu'elle soit nourrie de venin, elle a grande force veneneuse. Et rien n'empesche que par art les souris ne soient attirées à ce venin petit à petit, & avec du fourmage & de la farine, & avec des grains de geneure & de laurier. Le troisieme medicament est composé de sang, principalement du sang de la Cicogne. Or nous auons monstré que ce sang est vn remede singulier contre le venin. Car tout ce qui est nourry d'aliment, mais que l'aliment soit entier & bon, il en retient la propre & parfaicte vertu: & quand il est conuerty en nutrition, il prend la nature & propriété de ce qui est nourry: toutesfois ce retient ainsi quelque chose de la premiere nature. Car les corps qui sont nourris d'oyseaux sont plus chauds que ceux qui sont nourris de poisson, & ceux qui sont nourris d'aux sont plus chauds que ceux qui sont nourris de lectuës. Mais entendu que l'aliment doit nourrir, il se conuertit en sang au milieu du chemin: car la mutation de sang en substance des membres est plus grande que la mutation de l'aliment en sang, soit que tu consideres ou le temps, ou la difference, ou le milieu. Si donc en la parfaicte mutation toute la premiere force n'est abolie, elle retiendra la moitié de la force en la moitié de l'espace & de l'action. Le sang donc d'une poule nourrie de la chair des serpens, & trop mieux le sang de la Cicogne & de la Grue, pour ce que naturellement elles sont nourries de telle chair, & que ceste chair est muee sans corruption: tel sang donc tient le moyen entre la nature du venin & de la Cicogne. Et ce qui est moyen entre le venin & nostre nature, laquelle conuient avec la nature de la Cicogne, est chose qui resiste au venin. Pourtant le medicament bien composé de sang, est vn remede prompt contre le venin. Il est donc bon de prendre non seulement les Cicognes, mais aussi les canes, car elles deuorent les serpens & les crapaux. Autre raison viét à ce propos, que le sang est ia tel aux Cicognes, qu'il n'admet rien de venin: & pour ce retenant semblable propriété en nostre corps, il fait que nostre corps ne soit blessé du venin. icy apres

*Le sang de
Cicogne est
fort contraire
au venin.*

nous parlerons des pierres & autres choses: mais ce qui est tres-excellent, est vne huile, laquelle mise sus les arteres oste le venin. Et n'est l'huile dont auons parlé n'augures, ains est d'une autre espece. Mais puis que nous sommes venus sus ce propos, i'estime qu'il est vtile de chercher ceste huile: & comme elle peut estre preparee, laquelle frottee sus les arteres, contraint le venin estre poussé hors par le vomissement, ou par purgation, ou par sueur, ou par les vrines. Il est certain qu'il faut que ceste huile soit metalique, laquelle doit estre tresforte & valide. Autresfois i'en ay veu de telle, & vrayement i'ay coniecturé par le seul pois qu'elle estoit metalique. Il faut qu'elle soit de la nature du venin: car par chaleur immoderee, comme il est dit, elle efface premierement la mauuaise force ia conceüe, & par similitude elle attire hors ce qui nuit, & le chasse par contrarieté. Il faut qu'elle ait la force grande qui pousse hors, & qu'elle ait vne contrarieté contre le venin: & ces deux choses conuiennent au suc du Benioin, dicté en Latin *Laser*. D'oc les drogues qui doiuent chasser hors le venin, il est necessaire qu'elles soiēt venins pris de metaux: non toutesfois doiuent estre tres-acerbés & treschaux, mais poussant hors, & aucunement contraires aux venins. La matiere donc d'iceux peut estre faicte de mysi, & d'antipigment, & du suc de benioin, dit laser de gentiane, & de la gresse des serpens veneneux, & de reagal dicté *aconitum*: & si plusieurs de ces drogues sont en quelque pays, l'huile tiree par la vertu du feu sera la plus excellente de toutes ces choses, la plus seure, & qui iette le venin hors par vomissement. En general il faut que tels venins soient participas des metaux qui sont forts, & qui sont appliquez sus le corps. La terre le monstre, que les basteleurs apportent de l'isle dicté Melitea, alencontre de la morsure & coup des serpens: i'avoit qu'aucuns disent auoir experimenté que l'huile preparee des scorpions & de soufre, aussi de l'herbe dicté *chamelea*, & de mil pertuis, dicté *hypericon*, deliure de venin, & de peste, estant appliquee sus les parties du corps. Ils prennent les Scorpions viuants, & fort grands au temps que regne Canicula, en Juillet, car lors les Scorpions sont fort secs, come toutes

L'huile qui
purge & oste
le venin.

autres choses. Et le venin est fait aux serpens par seiche-
té, comme nous enseignerōs. Ils chauffent dont les ser-
pens en vne poisse mise sus le feu, tāt qu'ils suēt, & ainsi
l'huile espanduē dessus boit la sueur d'iceux. Mais en ce-
ste huile le soufre y est, qui est metallique. Si donc on
reçoit de l'huile de la terre apportee de l'Isle Melitea:
elle semble suffire abondāment contre plusieurs venins,
car il faut que les venins soient metalliques, & muniz
de venin, qui sont cōtraires aux venins. Car ce qui pur-
ge le venin, il fault qu'il soit presque venin en substance:
comme la Rhubarbe, quand elle ne purge point la cole-
re, dictē Bilis, elle est conuertie en icelle. Et c'est estre
tel en substance qui en ce peut estre conuertit. Mais
quelqu'un doutera, cōme en frottant seulement les arte-
res il est licite de pousser hors le venin? & si c'est le plus
excellent? Certainement ie ne diray point ce estre le
plus excellent quant au sens, comme aussi outre ce si tu
dōnes à boire, ou le theriaque, ou du lait, ou du suc de
la noix vomitiue cueilli au feu (ce suc imite & ressem-
ble à l'eau en couleur, non en odeur, ou saueur) ou si tu
as autre chose meilleure, comme l'antidote, que quel-
que basteleur vendoit par fortune contre les venins,
quād ie corrigeoy: aussi peut estre qu'il vaudroit mieux.
I ose bien dire que le frottement de l'huile sus les arte-
res, & ce qui est appliqué exterieuremēt est meilleur &
plus valide, que ce qui est beu, ce tant seulement exce-
pté, que le venin demeure au ventricule. Car ces choses
qui prouquent grand vomissement, le lait, la lexue,
l'huile, l'eau de noix vomitiue, que n'agueres nous di-
fions estre suc, sont tres-excellens & puissans. Pourtant
aux morsures enuenimees, au coup des aiguillons des
mouches à miel, aux onguens veneneux, au boire du
venin, lequel a penetré iusques aux entrailles, tel reme-
de adiousté exterieurement est valide. Pourtant aucuns
coustumierement se mettent dedans les mules esuen-
trees, qui sont encores toutes chaudes: car telle chaleur
attire le venin dehors, & rompt la malice veneneuse.
Le venin aussi tuē, quand sa force penetre iusqu'au
cœur: & les onguens dessus appliquez viennent legere-
ment iusques au cœur, leur faculté & force presque en-

*Exposition
d'un lieu au
5. des simpli.
medi. ca. 18.*

*L'huile froté
sur les arte-
res, purge
venin, les ga-
les, & autres
choses sem-
blables.*

tiere: mais les medecines beuës sans ce qu'elles penetrent tardiuement, & font longue demeure, premiere-ment au ventricule, apres aux veines qui tendent au foye, puis au foye, & finablement au sein dextre du cœur, perdent tant de leur force, que quand elle doit estre grande, à peine en reste vn seul vestige. Pourtât comme par vis argent, duquel i'ay parlé au traicté de la verole, la gale, la tigne, vne maniere de lepre, dicté *Psora*, & la predicté verole sont expulsées, & hors-mises (car le vis argent penetre par sa subtilité, il attenuë & chasse hors par la chaleur) ainsi les drogues veneneuses frotées aux empoisonnemens, cōme dict est, par leur chaleur promptement penetrent par les arteres iusques au fenestre ventricule du cœur. Or que telles drogues puissent ainsi muer le corps, exciter les humeurs, les muer, & iecter hors, l'experience le montre en la verole, ou mesme-ment elles sont tomber les os, sil en est besoin & expedient. Mais tu diras que c'est fait tardement, pource qu'il n'est redigé en forme d'huile subtile, ains que la substāce mesme du vis argent y est adioustee, & ne l'appliquons aux entrailles comme aux venins. Or comment les drogues frotées sus les arteres, promptement descendent au cœur, Galenus l'a exposé presque en tel ordre de paroles. L'air qui enuironne nostre corps entre dedans par la rarité du corps. Car quand l'aleine seuapore hors du cœur par la bouche, l'air qui est es-pars alentour, est traui de son lieu par les petites ouu-vertures (dictes *Oscula*) des arteres, & lors est faicte double inspiration, jaçoit que ce ne soit en mesme temps, l'vne par la bouche, l'autre par les ouuvertures des arteres, comme alternatiuement, & à chasque leur fois. Il est dōc manifeste que par semblable impetuosité ces choses sont attirées du cœur, & que ces matieres qui sont frotées sus les arteres, tiennent fermement, soient venins, ou soient remedes des venins, où soient drogues, ils chassent hors les venins.

La continuité de nostre oraison nous a mis loing de nostre propos, pource que nous estions cōtrains de mōstrer, par ce que l'air est tousiours mouué aux lieux, ou il est libre, & certes aux regions posées en haut lieu, &

que n'estant mouué, il s'empuantit : de ce tombez en la declaration de la peste, nous auons esté reuouquez que nous ne soyons venuz en la narration des venins, combien qu'elle ne soit inutile, nous sommes toutesfois, comme i'ay dict, sortis fort loin de nostre propos. Il fault donc reuouquer mon stile d'escrire le mouuement & repos de l'air. Solinus recite qu'Olympus mont de Thesalie est tant hault, que quand on y fait les sacrifices à certain iour d'an en an, les cendres y demeurent sans estre mouuez iusques au sacrifice subsequant, pource que toute l'année le coupeau de la montagne est sans vent pour cause de la hauteur. Or si c'est la cause, pourquoy n'en aduendra-il autant à la montagne Caucasus, qui separe les peuples Albani & Colchis d'avec Sarmatie : lequel mont Caucasus Aristoteles refere estre tant haut qu'il est veu de l'entree de l'estang Meotis, & monstre le Soleil au coupeau, iusqu'à la tierce partie de la nuit, les rayons du Soleil l'enuironnans : laquelle chose combié que la Sphere ne l'admette, ie ne nieray toutesfois ce mont estre tres-haut, & auquel ne doie conuenir par mesme raison ce qui est dit d'Olympus. Chose semblable aduendra au mont qui est en l'Isle dicte Teneriffa. Ceste Isle est vne des sept que Ptolomeus appelle Fortunees, au delà des colonnes d'Hercules. Car si est licite de le croire, ils disent qu'elle est haute de 60. mil pas, la pointe faicte en façon de Diamant. En Beregua est vn mont aussi de 50. mil pas. Et en Gaira les coupeaux des montagnes sont couverts de neiges, neantmoins qu'elles ne soient distantes, & loin de l'Equateur que de dix parties. L'une & l'autre prouince est aupres de Paria. Outre plus vn autre mont est en Mauritanie, dicte Tingitana, Prouince d'Afrique qui au temps passé estoit dict pour cause de sa hauteur, Solis : maintenant est dict des habitans Hantea. Derechef en Angote region d'Ethiopie, est vne montagne tres-haute. Certes ie scay que vrayement l'air y est mouué par le moyen predict. Mais si ne mouue point les cendres, ce peut aduenir pourtant que l'air est tres-petit, & pour ceste cause tres-salubre : & à ces mons conuient ce que Solinus recite du mont Athon, si ainsi est que l'on doie

Olympus.

Les montaignes tres-hautes.

Teneriffa Isle.

Athon, mont de Macedoine.

adiouster foy à Solinus. Mais si tu estimes les choses
 predictes estre fabuleuses, lors tu n'as rien que tu puis-
 ses alleguer cõtre moy. Car Solinus a escrit, que Athon
 mont de Macedoine qui doit estre nombré entre les
 six montaignes les plus hautes du monde, contient au
 coupeau vn chasteau dit Acroathon, duquel les habitãs
 viuent la moitié plus que les autres mortels, & qu'illec
 les cédres ne sont trempes d'eaux, ne mouues des vës:
 à laquelle sentence Põponius Mela presque se consent,
 quand il traite de la diurnité de la vie. Et luy-mes-
 me afferme chose semblable des cendres: parquoy l'air
 n'est mouué, & s'il est ainsi, il faut qu'il soit mouué dou-
 cemēt, qu'il soit pur & tres-petit, car il est assez manife-
 ste que quand l'air est en repos, qu'il deuiet puant cõ-
 me quãd la terre est frappee & esbranlee, elle est brisee.
 Or la terre est esbranlee en trois manieres, par inclina-
 tion ou abbaissement, succussiõ, & percussiõ, ou vibra-
 tion. La vibration ou percussiõ est sans peril, la succussiõ
 ne l'est point ains aussi elle est rarement sans ruine: l'in-
 clination accõpaigne la ruine, toutesfois i'ay veu vne in-
 clination sans ruine. Outre les susdits mouuemens, au-
 tres aduiennent: mais aucũs d'iceux sont merueilleux,
 que l'on estime proceder & aduenir diuinemēt, cõme
 plusieurs autres choses: les sources des estãgs & fontai-
 nes sont telles, & le cours des fleuues en haut: car ce re-
 cours est fait par la superieure partie des fleuues encli-
 née en ce mouuemēt de terre, ou repoussée du canal: au-
 cuns bruits, comme muglemens horribles & les voix
 mal profertes, cõme gemissemēs de ceux qui meurent
 en la guerre, & le son de Nole, fait de bon gré. Ces cho-
 ses sont referées entre les choses prodigieuses, cõme el-
 les sont adueniēs pour cause du mouuemēt de la terre,
 l'an mil deux cens vingt & quatre. Mais il n'y a eu tãt de
 cas prodigieux que cestuy, seul, quand la terre trēbla tãt
 vehementement, que toutes les choses subiectes en en-
 suiuent. Car lors que tel mouuement aduiendra, telles
 choses seront faictes, & ensuiuront. Peut estre que ce ne
 peut aduenir sans prodige, quoy qu'il soit cogneu que
 ces choses sont faites par les causes naturelles. Cecy est
 fait quand la matiere est bruslee qui est apte de l'estre,

*La difference
 des mouue-
 mens de la
 terre.*

*Merueilleux
 mouuemēs de
 la terre.*

*Nola &
 Nola ville de
 Cãpaigne en
 Italie.*

*Les causes du
mouvement
de la terre.*

*Pourquoy le
halinitrum
fait plus grand
bruit que le
soufre.*

*Comment le
halinitrum
est purgé.*


ſçauoir est, le ſoufre, le ſel, le nitrum, ou halinitrum, & le bitumen. Car quand ces matieres ſont allumées, & ne rencontrent la ſortie, comme aux mines & machines, elles mouuent la terre, & la font trembler grandement, certes par le halinitrum, mediocrement par bitumen, petitement par le ſoufre.

Dont de ce vient vne queſtion, pourquoy veu que le halinitrum bruſle plus difficilement & plus tardement que le ſoufre, toutesfois il faiſt trembler les machines d'auantage, & faiſt plus grand bruit que le ſoufre. La cauſe & raiſon eſt, pour ce que le halinitrum eſt le plus ſec, & pourtant quand il eſt pur, il ard plus legerement que le ſoufre: & n'eſt bruſlé plus lentement que le ſoufre, ſi non quand il n'eſt pur: mais eſtant pur & ſec, il ard incontinent. Le ſoufre qui eſt gras ne requiert tant longue demeure pour bruſler. Autre cauſe & raiſon eſt, que entendu que le halinitrum eſt terreſtre, quand il eſt enflâmé, il occupe plus grand eſpace: pourtat par deux raiſons, & pource qu'il ard plus legerement, & qu'il eſt terreſtre & deſe, il faiſt plus grande impetuofité que le ſoufre. Car le ſoufre, comme ie monſtreray cy apres, eſt gras, & moult participant de l'air, & non ou peu terreſtre. Et le halinitrum eſt de ſubſtance denſe. Il eſt purgé en ceſte maniere, comme l'enſeigne Vannotius Birngotius. Prenez trois pars de cendre, d'os, & d'oliues, vne partie de chaux viue, la moitié & le quart d'alun liquide, cent vingt parts d'eau, que le tout bouille tant qu'il ſoit diminué preſque à la moitié: apres deux ou quatre liures de ceſte eau coulee ſont adiouſtees au halinitrum quand on le cuit en eau bouillante, à l'heure qu'il ſemble que l'eſcume ſorte hors de la chaudiere par la grande chaleur. Vne autre maniere de le purger plus excelente: mais plus dangereuſe. On met le halinitrum dedans vn vaiſſeau de fer, qui meſmemet eſt couuert d'un vaiſſeau de fer: il eſt tant eſchauffé ſus le braſier, qu'il ſe fond, ſ'il n'eſt fondu parfaictement, ce que l'on cognoit quand le couuertoir eſt oſté, le couuertoir remis, que le halinitrum ſoit contraint du feu tant long temps, qu'il ſoit parfaictement fondu, apres que l'on ſeme deſſus de la poudre de ſoufre, laquelle poudre il fault allumer, ſi elle

elle ne s'allume de soy-mesme. Que l'on permette bruler tout ce qui est gras, nageant dessus: quand il est osté du feu, la lie terrestre demeure au fond, le tout s'amasse ensemble en la forme & semblance de marbre blanc. Il est donc manifeste que ce qui est gras resiste au brulement soudain. Le bitumen a quelque substance du sel, pour ceste cause il esmouue plus que le soufre pur. Toute secousse a quelque chose plus grande que le simple coup: dont il aduient que ce qui est frappé d'un coup tremblant, est facilement rompu. Premièrement l'experience l'enseigne. Car si tu fîches vn cousteau à vne peche, & tu suspès de ta main la peche, aussi tu frappes d'un baston le cousteau, non seulement tu fens d'un petit coup la pierre de la peche: mais aussi le cerueau, qui est dedans: ce que souuent i'ay experimenté. D'auantage ils disent que l'os de la cuisse d'un bœuf mis dessus vn fagot de foivre, & apres qu'une cōgnece soit mise sus l'os, que l'os se rompt, la cōgnece frappée d'une poignee de foivre: or quoy que c'est chose de merueille ce estre vray, il est toutesfois manifeste que le coup tremblant à grande force. Il faut donc chercher la cause pourquoy. Vne raison est ce me semble ou deux, la premiere est, que si quelque chose est frappée sus vne table solide & ferme, elle est renduë plus dense & forte par la table qui resiste, & aussi la partie de la table qui reçoit le coup, car elle ne cede au coup: tant plus vne chose est dëse tât plus difficilement est diuisee: mais si la chose frappée n'est couchee du tout adherante à la chose molle, cōme à vn lit, ou au foivre, elle ne peut estre condensee, ains elle baille & est ouuerte. Pour ceste cause les choses seiches, ainsi plus facilement sont diuisees. Vne autre cause & raison est qu'au coup tremblât ce qui est frappé, reuiët: le premier coup n'estant encor fini: parquoy s'il doit reuenir, l'autre coup demeurant, il est necessaire que ce qui est frappé soit diuisé totalement. Pourtât si le cousteau est long il est frappé plus vehementement, & le coup sera redoublé, pourquoy plus facilement il sera diuisé. Et si le glaiue est large composé & forgé artificieusement, & le coup est donné en l'extremité, il est frappé vehementement, pource qu'il reçoit beaucoup

*L'effect d'un
coup tréblât.*

*La figure
d'un cousteau
qui coupe les
armes.*



d'air : & pource il diuifera & fendra choses tres-dures. Par autre maniere les Barbares forgent des cousteaux courbes , aux dos defquels est vne cavitè, dedàs laquelle ils mettent du vif argët, lequel quãd il est arresté aupres du mâche, il rend le cousteau fort leger: quãd il descend en bas , par sa celerité & pesanteur il augmente tant le coup, que si la pointe est ferme, il coupe les armes : & aucun cousteau ne peut estre excogité plus violent à l'vsage des hommes, que telle espee de cousteau , si celay qui en vse est robuste & fort , & si l'acier est dur & bien assemblé. C'est d'ou est venu la maniere de la sie. La sie, comme chacun le sçait, est faicte de dens ou crénes alternatiues: & par ce moyen elle peut fendre & diuifer: & toutes choses faites en la maniere de la sie, peuuent s'estendre. En la sie donc sont deux parties, l'une creuse, l'autre solide. Pourtant deux grandes doubttes semblent estre icy. La premiere, pourquoy vne chose creuse adiouste impetuositè. L'autre, pourquoy l'obliquité moult aide à la celerité de diuifer. De ce nous verrons pourquoy & comment les dens de la sie sont faictes plus longues, plus minces & plus rares, & aucunesfois plus espesses & plus breues, comme en vne lime: car la lime est vne espee de sie, qui a les dés breues, frequentes & obtuses: comme la sie qui est espee de lime est faicte de dens longues, rares, & aguës, & en l'une & l'autre espee est differèce: car la sie qui est vrayemēt sie, est plus rare & plus aguë: & la lime vrayement lime a les dens plus mousses, plus frequentes & plus breues. D'auantage il faut considerer si ces choses conuiennent ensemble, sçauoir est, les dens breues, frequentes, & mousses, ou si autres choses ont autre fin. Premieremēt donc trois commoditez de l'inanité & viande semblent estre. La premiere est, pource qu'elle acquiert impetuositè par cas fortuit: car l'air, comme i'ay dict, excite le mouuement & l'aide: & cas fortuit est faict par la chose creuse, & ainsi l'impetuositè est augmentee. La seconde commodité est, que le fer est refrigéré: car si le fer enclos de toutes parts, il se chauffe: quand il est eschauffé,

il deuiet mol, & est flexile, & perd sa force. La troisieme commodité est, que les dens peuuent estre faictes obliques par telle diuision. Et si le fer demeure entier & solide, telle obliquité ne pourra estre receüe, ou si elle est receüe & admise, elle ne pourra estre donnée à l'usage, ou si elle est mise en vsance, elle ne pourra durer long temps. Aussi deux commoditez sont de l'obliquité. La premiere est afin que la sortie de la sieure ou limeure soit patente. L'autre est, afin que les dens de la sie soient menees plus facilement par large ouuerture. Car si la diuision & ouuerture est large pour cause de la grandeur des dens, toutefois difficilement la sie sera mouee quand la diuision ou fendace estreint trop les dens. Vne autre commodité est, que la sie n'en est tant eschauffee. Quand donc ce qui est fendu est mol, nous vsurons moult de dens rares & aguës, de lōgues & obliques. Si le bois est fort dur, la sie aura les dens breues & moins aguës, aussi plus frequentes & moins obliques. Mais s'il conuient couper le fer, il fault des dens plus espesses, plus breues, & plus droictes, de peur qu'elles ne se rompent: & pource que telles limes sont petit œuure & tardement, nous faisons les crennes frequentes. Et ceste espece de sie est, comme i'ay dict, appellee vne lime. Mais ces choses doiuent estre plus obseruees en l'acier. Car la pesanteur y est plus necessaire: la legereté est requise en la sie. Tous instrumens donc rares, longs, agus, obliques, legeres, sont les meilleurs aux choses molles. Voila donc les commoditez d'inanité & d'obliquité qui sont aux sies. Or en la lime quand elle est, comme i'ay dict, menee facilement, ils ont faict les crennes diuerses selon la latitude. Car souuent i'ay repeté que les choses qui ont en bref la fin, requierent plus grandes forces: celles qui ont besoin de forces petites demandent plus long temps. En ce gerre sont faictes aucunes limes qui sont dictes sourdes, pource que elles sont tres-petites & minces, & sont trempées de l'eau forte, dictée de separation, laquelle aide la section & amoindrit le bruit.

Mais ie reuien aux signes du mouuement de la terre, entendu que i'ay souuenance d'en auoir expliqué les

k ij

*La maniere
de faire vne
lime.*

*Les signes des
mouuemens de
la terre.*

causes & especes. Quand les eaux des puyz sentent le soufre ou autre matiere metallique, ou qu'elles tréblent, ou sont troubles, où eschauffees, ou qu'elles sont trop assechees, elles signifient le mouuement de la terre estre proche. Ainsi Anaximander & Pherecydes sont estimez auoir predict chaque en son tēps le tremblement de terre deuoir en bref aduenir. Et non sans raison, car les exhalatiōs de la terre peuuent infecter les eaux trop plus facilement, & mesme aussi legerement, que de secourre tant grād fardeau terrestre. Toutesfois ne pēse pas que toute la terre soit secouffe: ils disent que iamais Egypte ne trébla. Car les choses solides, pource qu'elles ne reçoient l'air, ne les lieux limoneux, quelle est Egypte, pource qu'ils n'ont de fissures & ouuerture, ne les lieux arneux, pource qu'ils sont cauerneux, iamais ne sont secoux du tréblement de la terre. Toutesfois aucūs d'iceux tréblent, pource que les profonditez de la terre ne sont semblables à la superficie, qui est le dessus de la

*Les pays qui
iamais ne sen
tent le trem
blement de la
terre.*

*L'origine des
montagnes.*

Aucunesfois quelques montagnes sont faictes des mouuemens & tremblemens de la terre: car l'origine des mōtagnes est triple, ou la terre s'enfle agitee par frequens mouuemēs, ou elle les engendre par tumeurs comme vessies qui sortent du corps: ainsi est venuē vne montagne dicte Moderne aupres du lac Auernus en Campagne ou les montagnes sont faictes par la terre assemblee des vens, cōme souuent en Afrique: ou avec les eaux courantes, ce qui est quasi le propre & tres-frequent: ou la terre est demolie par la mer, les pierres laiffes: car l'eau du fleuue descend en la valee, & ce mont pierreux s'esleue sus la valee, pource toutes les montagnes sont presque pierreuses. Or leur sublimité, & hauteur est de l'autre terre, pource que les chāps sont mangez & cauez de iour en iour par les pluyes, & la terre s'ouure: mais outre que les pierres ne se fendent point, souuent elles sont augmentees, comme ie monstreray cy apres. Et les valees sont cauees par les eaux & torrēs, pource elles sont plus basses que les champs & plaines.

*L'origine des
rochers.*

Les rochers sont faictes en la mer par semblable maniere, & sont engendrez des Isles par la terre mēgee, & atteincee des ondes & vagues: les rochers mesmes par

la terre augmentee, & s'enflant, deuiennent Isles. Pour ce plusieurs Isles ont beaucoup de montagnes: & si la mer se tarit, les rochers sont conuertis en montagnes. Pour ceste cause ce n'est merueille si on trouue quelques parties & fragmens des nauires aux montagnes qui sont pres de la mer, mesmement des ouïstres, & escailles. Car qu'est-ce autre chose, sinon que telles montagnes ont esté iadis rochers de mer, ou qu'il y a eu grande inondation d'eaux. Or neantmoins que les mons souuent resistent aux tempestes des ondes, ils tombent toutesfois quand l'eau caue la racine, & les fondemens d'iceux: mais ce est rare, & aduient seulement aux petites montagnes: jaçoit qu'ils soient ruinez par le tremblement de la terre: & quand elle fouure, ils descendent en bas pour cause de la pesanteur: les autres petit à petit sont attirez en la mer. Les rochers pareillement sont rompus par les grands vens, & par les geles, en sorte que ce n'est chose seure d'estre auprès, & souz les rochers. Aussi la sedulité & diligence des hommes, aucunes fois aplaignent les montagnes. On dit qu'Annibal a dissipé & rompu les mōs des Alpes par du vin-aigre chaud, & qu'ainsi les a passez. Mais ceste chose estoit petite, si nous auons seulement esgard aux mons: si au profit auons esgard, la chose est grande.

Les fosses sont presque opposites aux mōtagnes. Les fosses sont faictes par mouuement de terre fait en lieu aride & sec, la terre fouurante aussi par les eaux courantes par les occultes cauernes des montagnes: car en aucunes sont quelques fleues. Les fosses pareillement sont faictes par exhalation de feu qui bruste les pierres, & les mège & les iecte au loing. Dōt souuēt sont quelques fosses, qui iectent vne exhalation mortiferee, cōme la gueule Platonique, qui est situee auprès de Hierapolis de Phrygie en quelque partie de champ qui est plaine de mōtagnes. L'entrée de ceste gueule est situee en quelque mont, qui est grand cōme vn arpēt de terre, & est enuironé d'vn parc carré, qui est tāt embrouillardé, qu'on ne peut le voir qu'à grāde peine. Vn hōme peut entrer dedans ce trou, auquel si on met vn Toreau, incontinent qu'il en est retiré on le trouue mort.

L'origine des Isles.

Ce qui fait tomber les mons.

Les causes des fosses.

Quand Strabo y mit des passereaux, dictés en Latin *passeruli*, incontinent il les retira morts. Ceste fosse estoit sans nuisance seulement aux sacrificateurs de la grande mere; dictée *Magna mater*, pourtant qu'ils vuoient d'un remede à eux cognu seulement, & quand ils la regardoient ils n'aspiroient l'air. Aucuns ont estimé que ces sacrificateurs pouuoient endurer telle exhalation de ce trou, pourtant qu'ils estoient chastrez. Toutesfois il y a remede & precaution contre telle infection. Car si nous portons des soufflets, ou euentoires, nous aurons deux commoditez: la premiere est que les euentoires purgeront & separeront des vapeurs, & exhalations de l'air par le mouuement; la seconde commodité que les euentoires contraindront les torches & flambeaux de brusler & ne les laisseront esteindre, par lesquels nul air est tât infecté, qu'il ne soit purgé. Toutesfois le meilleur preseruatif est de n'y entrer, puisque ainsi est que les flambeaux s'estaignent sans vent: c'est le vray signe de ce lieu mortifere. En nul autre lieu ne sont tant de telles spelonques & fosses, qu'en Italië. Vne fosse telle est entre Naples & Puteoles, ou le chemin se destourne vers l'estang dict d'Agnanus. Ces fosses ferissent, & bleissent la teste grandement, pource qu'elle est plus imbecile que le cœur, & qu'elle n'a de closture qui reiecte les mauuaises vapeurs: car l'air qui entre dedans le cœur, est contraint de passer par la substance du poulmon. Vne espeece de maladie montre cecy: car les malades mis dedans les fosses tremblent premierement, apres ils perdent le sentiment & le mouuement, puis estonnez ils expirent: & ceux qui eschappent, deuiennent enfléz: mesme ment ceux qui meurent, sensent. Or non seulement ces fosses sont pestiferees, ains aucunes sont salutaires, auxquelles si quelqu'un en vse bien, il pourra aucunes fois trouuer la maniere du remede contre les maladies deplorées, comme le suaire de Saluate aux mons de Baies, & de Cumis, & au mont que le vulgaire appelle Tritulum. Aucunes fosses sont qui inspirent quelque chose de diuination, comme i'ay souuenance en auoir escript du deuin Delphique selon la

Les preseruatifs contre l'air à ceux qui entrent aux fosses profondes.

sentence & opinion des Philosophes . En general le plus souuent la force des fosses , & cauernes profondes est contraire au gerré humain, & tient le lieu du venin. Car si telle exhalation a peu consumer les pierres & durs rochers, qu'elle force peut elle auoir contre les hommes ? L'indice de securité aux fosses est le cours des eauës douces, & salubres, par icelles, & aussi l'abondance des herbes, & arbres familières au bord, d'icelles. Toutesfois ces fosses mesmement sont les logettes des bestes sauuages, & des serpens . Par le consentement de tous, le trou dict Corycium est preferé à tous autres, & en grandeur, & en commodité: car les mulets chargez viennent dedans, l'ombre y est grande, le cours d'eau y est, il est d'une aminité singuliere, comme tousiours verdoyant . Aupres de cest antre le safran croist le plus excellent de tout le monde : cest antre est en Cilicie aupres de la ville dicte Corycium . Or les fosses semblent estre tresamenées, qui ont l'ombre, l'air, les fontaines, le lieu à part, & la verdeur : entendu donc que cest antre dict Corycium ou de Coryce, est le plus amene de tous, il est manifeste que cest vn des beaux lieux de tout le monde . Peut estre que quelqu'vn desire scauoir, quelle chose peut estre souz les fosses profondes non infectées, ne nuysantes . On dict que Philippus Roy, iadis commanda qu'on cherchast, diligemment les mines des metaux de grans prix qui estoient cessées, & enuoya des hommes avec de la viande, & lumiere par l'entrée d'une montaigne, lesquels luy annoncerent qu'ilz auoient trouué quelques fleuues illec, & des estangs qui n'estoient soustenus de la terre, ains de l'air caligineux, & obscur. Et telle, est la sentence de Iean Leon geographe.

Mais pourquoy fay-ie inquisition icy des choses basses, occultes, & cachées ? Le lieu sera donné ou il conuiendra traicter ces choses : maintenant considerons ce qui est propre à toute la terre.

La terre est toute stable, ronde, & est au milieu du monde, ces matieres sont demonstrees par les Mathematiciens. Et toute la terre ne peut estre mouuee plus de son

La cognoissance de fosses infectees ou salubres.

Que c'est qu'est souz la terre.

Ce qui est propre à la terre.

lieu que le ciel peut reposer: & les monts n'empeschent point que la terre ne soit ronde. Car nul mont, quoy que fabulent les auteurs a par sa hauteur milieme partie de tout le diametre de la terre. Ainsi les Mathematiciens ont trouué le circuit & le parmy de toute la terre. Car les hommes ont cogneu par l'eclypse de la Lune la distance des heures en vn mesme cercle equinoctial esgalement distant, laquelle distance cogñue, ils ont sceu la difference des lieux par le chemin de la terre: en multipliant ceste differēce par vingt quatre heures d'un iour, & la diuisant par les heures de la distance de l'eclypse de Lune, ils ont trouué le circuit de ce cercle predict: apres par demonstration de Geometrie, ils ont trouué le circuit du grand cercle equinoctial, & de toute la terre, lequel en le multipliant par sept, & le diuisant par vingt deux, ilz ont cogneu par raison assez exquisite le diametre de la terre: ou en procedant du Midy droictement vers le Septentrion, ils ont augmenté d'une partie la hauteur du pol: & mesurans la voye de M. pas LXXXVII. & D. ils ont inuenté des Italiques. Car maintenant nous mesurons les distances des lieux par les Italiques, non par les pas de Ptolomée. Pourtāt en mesurant LXXXVII. M. de pas & D. par CCCLX. parties du ciel, car il est diuisé à autant de parties, de M. pas nous aurons XXXI. M. & D. en outre. Si nous multiplions ce circuit de toute la terre par VI I & le diuisons par XXI I. le diametre de la terre sera de pas M. XM. XXI. Mais de vouloir chercher en cecy certaine quantité, c'est follie. Difons doncques que le diametre de la terre en contant XXI. est de M. pas XM. Mais ceux qui vont sus la mer, iettez en l'auanture, prenans leur nauigation oblique, & tortueuse de leur bon gré, aussi poussez outre leur gré, par l'impetuosité incertaine, & variable des vents, ont escrit le circuit de la terre trop plus grand. Or comme ceste maniere d'escrite est vraye, ainsi elle consent vrayement à l'experience: & a grandement aydé aux Espagnols, lesquelz quād ils entendoient le long chemin repugner à la grandeur de la terre mesurans l'erreur par supputation diligente, ont retirer presque ce chemin à la tiercepartie, & de l'espace, & du temps. Telz sont les benefices de subtilité.

Le circuit de toute la terre.

Italien est vn genre de philosophie qui conuient aux mesures & aux nombres.

Il profite de scauoir la verité.

Or quant à la terre, il semble qu'elle ne soit d'un seul gerre: pourtant Aristoteles la bien diuisée en deux l'une fossile, & qui peut estre souye: l'autre transmuable, & qui peut changer de qualité. La fossile demeure semblable, & est vrayement terre. La transmuable demeure semblable en espece, & à la veüe: car elle se conuertit en metal, ou en suc ou en autre chose semblable: de ceste-cy nous en parlerons en son lieu. De la vraye terre sont deux especes: la premiere certes est pure, & de couleur noire, ou bien proche: la seconde qui n'est pure, & ne contient toutesfois aucune chose metallique, est d'autre couleur. Car toute terre qui a couleur estrange, a esté muée par exhalation, selon la sentence d'Aristoteles. Mais Theophrastus estime que la varieté de la chaleur en est cause. L'opinion de l'un & de l'autre est vraye: car aucunesfois les matieres metalliques sont trouuées soubz la terre, & ceste terre est teinte par l'exhalation: aucunesfois on n'y trouue rien de metal, & lors la terre est muée par la seule chaleur. Toutesfois la terre qui est teinte par exhalation, est comme resplandissante: celle qui est muée par la seule chaleur ne resplandit point, & a la couleur obscure, ou comme de fer, ou comme noire. Autant sont-ilz de couleurs de la terre qu'ilz sont de gerres des couleurs. La terre dict l'ochre, est blanche: vne autre est violette, comme quelque gerre d'argille que les Latins appellent sil: la verde, comme soudeure d'or: la rouge, comme arsenic, dicté en Latin *sandaracha*: la bleüe, dicté en Grec *cyanos*: la noire, dicté *pingis*, qui n'a rien de metal: & quoy que les autres sont declarées par exemple des matieres metalliques, ie n'enten toutesfois parler d'icelles terres qui sont participantes des metaux, entendu que l'on en trouue de pures qui n'ont rien de metal, lesquelles referent exactemēt telles couleurs. Aussi sont aucunes terres, comme i'ay dict, i'aunes & noire, & qui sont teintes, comme la terre dicté *eretria*, frotée au cuyure deuiet violette. Strato Lampfacenus estimoit la terre estre blanche par l'argument de la cendre. Aucuns attribuent à Aristoteles qu'il a estimé la terre n'auoir aucune couleur. Icy

*Les gerres
& especes de
la terre.*

*La cause de
la varieté
des couleurs
de la terre.*

*Les couleurs
de la terre.*

*Chryscola
est dicté aussi
colle a or.*

La bonne terre.

nous baillons la doctrine qui est confirmée par le témoignage des sens n'ayans soucy de paroles friuolles: & i'ay dict la terre estre noire, pource que souuent telle terre est pure: & celle qui est telle souuent est tresbõne. La tresbonne terre n'est tousiours d'une seule couleur, combien, comme i'ay dit, qu'elle soit aucunesfois noire. Aucune noire estre tresbonne, cõme argilleuse, qui n'est corrompue d'aucune macule. Les macules sont arides, scabreusẽ, consumée, chenuë, vaine, & fistuleuse. La sterile est en laquelle les herbes spineuses, les genets, & le houx naissent & croissent: ces choses sont certain indice s'il y a quelque autre vice en la terre: & nõ seulement ces choses, mais quand vne espeece d'herbe y est que tu ne vois aux prairies, ains seulement aux lieux desers, secs & arides. La terre rare argilleuse, molle receuante bien les caues donnante couleur, qui n'a point de vices, laquelle quand elle est sechée & arrousee de pluye, rend vne odeur suauẽ & doux, sera bõne aux arbres & fruits. Mais pourquoy telle terre apres longue secheresse sent elle bõ arrousee de petite pluye? Ce toalemẽt aduient, pource que par la secheresse, l'humeur petite qui est en la terre, est cuite de la chaleur moderée & naturelle, apres cestehumeur est meslée à l'eau de la pluye suruenue & l'euapore, pource cela sent bõ, pour cause qu'il est bien cuit: pourtant la suauité de l'odeur est indice grad de la chaleur tẽperée, & mesmemẽt de la ferocité & fertilité. Il est aussi licite de coniecturer la bonté de la terre par l'œuure, car quãd elle a des herbes & arbres en abõdance & principalemẽt qui requierent la terre grasse, tu as certain argumẽt & indice de la bõté de la terre. Mais ils sont trois gerres de terre selon la substance. La crasse & espeece qui est dite arene, la rare & argilleuse, la mediocre, qui est mixte composée des deux autres. Tu vois maintenant l'excellence de subtilité aux terres mesmes: car comme l'arene est sterile, ainsi elle est inepte & inutile à tout œuure de poterie: mais l'argille est feconde aux plâtes, & apte à faire pots de terre. L'argilleuse qui produit du tresse est tresbõne, celle qui produit le grain & autre herbe, est bonne pour pasturer les bestes. La terre qui produit la ruë, dict Capraria, est frugifere, celle

Pourquoy la bonne terre arrousee sent bon.

Les especes de terre selon la substance.

Ruta capraria, aucuns

qui bien nourrit la vigne, est bõne & aspre à tous arbres quoy que l'oliue fuye la vigne. Entendu donc qu'une terre est propre aux fruiçts, l'autre aux pastures, aucune aux arbres, tu cognoistras chacune espeece par signe propre. Aux lieux ou le grand treste, diçt le foin de Bourgongne prouient, nul signe est plus certain pour les pastures que l'abondance de ceste herbe. La terre blanche que jadis ils appelloient *Tasconium*, est du gerre de l'argille, dont ils faisoient les echauguettes & beffrois au coupeau des montagnes en Espagne: & maintenant, cõme dit Georgius Agricola, noble Medecin, vne tour en est faicte à *Cornarium*, ville de Saxonne: car elle est meilleure pour se deffendre du feu, des vens & pluyes, que celle qui est faite de ciment & de pierres: elle est en seureté quant aux vens, pour cause de sa pesanteur: elle endureit d'auantage par le feu: elle est en seureté quant aux pluyes, pource que l'eau ne peut prendre dessus. Il faut donc que ceste terre soit grasse, fort deliée, & pource rare. Aucune terre est faicte plus menue par le froid, comme celle qui est diçte *gosselaria*, laquelle quand elle est en morceaux & en pieces, elle deuiet tres-menue par le froid. L'arene a trois espees, des fleues, de la mer, & des fossez. Et en l'arene la subtilité n'est peu de chose, car celle qui est trefmenue faict le ciment, dõt les fondemès des murs sont faits à iamais, mais qu'elle soit pure: la petite est subtilité ou elle est mise aux compositions des edifices pour plusieurs ans, ou elle ne sert de rien: l'arene des fleues est la meilleure, mais qu'elle ne soit meslée de matieres sallées, & qu'elle soit plus que celle des fossez.

Les especes
de l'arene.

Les differences des terres sont aucunesfois selon les vsages, comme la commune, qui est estimée des laboureurs, l'argille des potiers, la croye rouge estimée des charpentiers, la terre diçte *cinolia* prisée des foulons, la bleüe par les peintres, *lemnia* par les Medecins, & la mine d'argent est prisée par les Orfeures. Toutes ces choses sont variées, muées, & parfaites par caõs & chaleur. Dont il n'est rien meilleur que de posseder terres humides: car elles abondent en tous fruiçts, arbres, & herbes.

Les especes
des terres se-
lon l'vsage.

*Sept opinions
comment la
terre peut
estre sus les
eaux.*

Mais comment les terres peuuent estre par dessus les eaux, on en a faict doute à bon droit. Aucuns ont dit que il est ainsi, pource qu'il a pleu à Dieu. Ceux cy qui n'ont peu trouuer raison, vituperent plustost Dieu qu'ils ne le louët, pource qu'il a peu faire sans raison ce qui est predict. Ceux qui disent que ce a esté faict pour cause des animaux, ils enseignent certes la fin pourquoy c'a esté faict: mais il est besoin d'autres causes pour auoir ceste fin, lesquelles ils n'enseignent point. Aucuns disent que la terre est soustenuë des estoilles: premieremēt cecy est violēt, apres il a fallu que les estoilles soient fixes & immobiles, & qu'opposites les vnes contre les autres, elles soustinsissent (qui est plus grande chose) aucunes Europe souz le pol Arctique, les autres soustinsissent Brasilie, qui est opposee à Europe. Si tu cōstitues deux centres, vn de l'eau, l'autre de la terre: premieremēt vn d'iceux sera autre que le centre de ce mode: & seront deux milieux de grauité, & les parties de la terre ne pourrōt apparostre des regions opposees, toutesfois on voit qu'elles apparostent, comme Brasilie & Europe, & ne seront point d'Antipodes. Ceux qui veulent que la terre soit soustenuë de l'air enclos aux cauernes, cōstituent l'vne & l'autre chose violement, sçauoir est, la terre soustenuë en l'air haut, & l'air retenu & enclos aux fosses & cauernes: il faudroit aussi que les cauernes fussent fort grandes pour soustenir Asie, Afrique, Europe, Brasilie, & toutes les Isles, & s'ils considerent bien, toute la terre sera vne cauerne: & seroit merueille que tant grāde masse terrestre fut ouuertē d'vne aperturē, en sorte que si elle estoit ouuerte, l'vniuers tomberoit: & que tant grande quātité d'eaux ne descendit en telle ouuerturē, l'air pousse. Aristoteles aux Meteores estime que la terre n'admet l'eau pour cause du pol, pourtāt que la terre est illec plus haute. Mais par ce moyen la terre ne sera ronde, ne mesmement la terre souz l'equinoce: & telle hauteur n'auoit cōparaison à la difference du lieu de la terre & de l'eau. Fay que tu feignes (ce qui ne peut estre vray) la terre estre plus haute de m. pas, si le lieu de l'eau est alētour de la terre, & ce lieu pour l'esgard de la magnitude soit plus haut que la terre de deux mil pas, mesmemēt souz

le pol Arctique, la terre adōc sera souz les eaux de mille pas, & trop plus en tous autres lieux. Je suis plus hôteux Aristoteles auoir dit cela pour cause de son autorité, que ie ne suis de la reprehension, contre laquelle ie suis contraint pour l'amour de verité, cōme tous le sçauent. Cecy donc n'est vray, l'eau estre tant grande, ne la partie de l'eau estre digne de la cōsideration de toute la terre: toutesfois pource que petite eau est dessus la terre, pour cause de legereté elle couure au dessus de la terre tout ce qui est bas & inegal. Pour ceste raison que l'eau faict tant de mers l'Océan tāt ample, tant de fleuues, elle est estimee plus grāde que la terre. Or si nous auons esgard seulement au circuit, peut estre que ce seroit vray: mais quand nous regardons à la profondeur, il n'y a de comparaison. Il est manifeste que l'eau n'a profondeur notable, sinon aux goufres de la mer, en autres fleuues on ne trouue profondeur que de mil pas, ou de cinq cēs, ou de deux cens, ou trois cens, laquelle profondeur si elle est comparee à celle de la terre, elle est comme vne goutte de sueur à la grandeur de l'homme. Aux goufres l'eau est aucunement profonde, pource qu'il est raisonnable que tel lieu soit remply plustost d'eau que de l'air leger. La terre dōc est solide dessous, en laquelle partie vn peu d'eau est espādu pour cause de la cauité: en autres lieux vn peu d'air, non beaucoup, peu d'ans, non perpetuellement y est contenu. Et si l'eau estoit vn element tant grand, il faudroit comme en la terre, ainsi que la grande partie de la mer n'eust point de fond. Car il est certain que nul vestige du fond de l'eau apparoiroit aux hommes, si elle auoit pour M. pas mille fois M. pas, ou le double de ce qui est raisonnable, si elle auoit autant de magnitude qu'ils estiment. Or entēdu que le fond de l'eau apparoit, excepté aux goufres, comme i'ay dit, & les goufres sont vne chose estroicte, il est manifeste que l'eau est à peine la miliesme partie, & peut estre beaucoup moindre partie de toute la terre.

Ils sont trois elemens, desquels l'air est le plus leger & le plus grand, la terre luy est proche quāt à la magnitude: ces deux elemens sont de soy-mesmes necessaires, desquels l'air est en haut, la terre en bas: l'eau qui est l'e-

Les magnitudes des elemens.

lement le plus petit, & le moins necessaire, est au milieu d'iceux. Car si les hommes pouuoient viure sans viande, comme les pierres, l'eau ne seroit necessaire. Mais pourtant qu'il a esté necessaire non seulement viure, ains estre nourry, estre engendré, & croistre, l'eau a esté faicte. Veu donc que le lieu de l'eau est plus ample que l'element de l'eau, car le lieu de l'eau est tout ce qui est bas en la terre, pour ceste cause la terre est de toutes parts enlee d'isles, & donne habitation aux hommes & à tous les autres animaux.

La cause des deluges.

De ce dont il est manifeste comment sont faictes les inondations que coustumierement on appelle deluges. Car entendu que l'eau est petite de nature, & mise au dessus de la terre, si elle s'enfle quelque peu, elle couure les lieux bas, & en bref temps elle est attirée, car elle est petite, quoy qu'elle fust crue. Mais si elle estoit tât grande qu'elle estoit estimée, elle requerroit vne grande augmentation pour faire les deluges. Pourtant iamais les deluges ne furent venus: & si quelquefois ils furent venus, difficilement eussent ils peu estre reuomez & retirez, que le gerre humain n'eust esté totalement esteint & aboly: & la terre eut eité cachée souz l'eau par plusieurs ans, non seulement par plusieurs mois. Mais, comme recite Plato, ces deluges n'ont esté seulement vne fois, ains plusieurs fois, & derechef en peu de mois sont cessez.

Au Timée.

La cause pour quoy l'eau est petite.

L'eau donc a esté faicte petite, afin que le lieu fust laissé pour habiter: afin qu'elle tēperast par sa frigidité, & ne destruit la vie des animaux. Et pourtant que ceste generation des choses mixtes & composees estoit necessaire seulement au dessus de la terre, pour ceste cause, afin que l'eau occupast la seule superficie, & dessus la terre où il falloit que les metaux, les plantes, animaux, & poissons fussent engendrez & nourris, vn peu d'eau a esté faicte dessus la terre. Mais pourtant que le danger estoit grand, qu'elle ne fust consumée par l'air & rayōs du Soleil, elle a eu mouuement perpetuel: & pour ceste cause les eaux qui ne sont mouuées, s'empuantissent, comme i'ay dit, beaucoup se consomment. Mesmement on a pourueu à la generation souz le pol, & entre les mōtagnes: & pour ce que la terre seroit trop sèche souz la zone torride. Na-

ture a pourueu que ce lieu fust le plus bas : & pource les
 eaux coulent vers le Midy. Ainsi le Nil, quoy qu'il pren- *Pourquoy au-*
 ne son origine par les mouuemés de la Lune aupres du *cuns fleues*
 cercle de Capricornus, toutesfois ayant passé le cercle *coulent vers*
 de l'equinoxe, il penetre & passe outre la zone torride, *le Midy.*
 coulant d'un mesme cours vehement dedás nostre mer,
 iouste Alexandria. Il a fallu donc que grande partie de
 l'element froid fust illec, ou grande necessité estoit de
 cest element pour cause de la chaleur du Soleil. Sembla-
 blement on a pourueu à la securité des lieux, qui sont
 entre deux : car l'eau coulante tousiours en vne mesme
 partie, les regions ne pouuoïent estre submergees ce que
 fuyent ceux qui deliurét & ne gardent les chaps d'inon-
 dation, & deluge : & qui assechent les estangs : pourtant
 si l'eau ne s'escouloit par les lieux appentis, la terre ia se-
 roit toute vn estang. Or que le lieu fust appentis vers le
 Midy, & peu plus haut vers le pol Arctique & Antarcti-
 que, la chaleur du Soleil cōsumante à fait telle chose, &
 le froid aussi gardât les hautes mōtagnes aupres de l'un
 & de l'autre pol : car j'ay enseigné, que la chaleur consu-
 me, & le froid cōserue. Pour ces causes la terre est, a esté,
 & sera tousiours haute iouste l'un & l'autre pol, & basse
 au milieu. Pourtant il n'a esté requis que le Soleil tour- *Pourquoy le*
 noyast par tout, ny aux poles : car s'il tournoyot tous *Soleil ne viét*
 les ans par tout le mōde, il seroit necessaire que la terre *i usques au*
 fust egale, & que pour mesme cause elle fust toute se- *Pol.*
 che, ou toute couuerte d'eaux. Mais entendu que ce ne *Pourquoy*
 suffiroit au libre cours des fleues, les lieux haut souuēt *l'eau mōte au*
 rencontrez en chemin, d'où prouïendroient les inonda- *tant qu'elle*
 tions, & repos des eaux, & aussi la corruption d'icelles. *descend.*
 Nature prouide a dōné cecy à l'eau, qu'elle puisse mōter
 autant qu'elle descend, afin que les montagnes ainsi sur-
 montees, elle vienne finalement dedans la mer, l'eau
 donc au regard de la terre est petite, & est situee au des-
 sus de la terre. Et si elle estoit tant grande qu'on dit, &
 qu'elle fust cachee souz la terre, ou estant mouuee, elle
 exciteroit vn mouuement perpetuel de la terre, ou estât
 en repos, elle seroit puante. Or veu que nous ne voyons
 ne l'un ne l'autre, il est impossible que l'eau ayt vne
 grandeur equiparable à la terre, & qu'elle soit cachee

au bas de la terre:ains nous mōstrerons le sens nous en-
 feigner qu'il y en a beaucoup dessus la terre. L'eau donc
 est petite: Mais pourtant que la terre est le siege des ani-
 maux, & le centre du monde, alentour duquel les astres
 sont mouuees, & qu'elle est le fondemēt de toutes cho-
 ses, elle a eu assez suffisante grādeur, combien que com-
 patee au circuit du Ciel, ce n'est qu'un petit poinct.

*Les especes
 des eaux.*

Ils sont plusieurs gerres des eaux, qui ainsi sont di-
 stinguez selon la situation & magnitude. L'eau amassée
 ensemble, & qui est salee, est appelée la mer: si elle est
 douce, elle est dictē vn lac: si totalement elle n'est mou-
 uee, c'est vne mare ou maret. Il est necessaire qu'un li-
 mon soit engendré en ces eaux. Si l'eau n'est point pro-
 fonde, elle est dictē estang. Si elle coule, elle est dictē
 fleuee. Si elle sourd, elle est appelée fontaine. Si elle
 s'assemble ou de pluyes, ou de neiges, c'est vn torrent.
 Pource il est manifeste que les torrens ne content touf-
 iours: mais le ruisseau, quoy qu'il soit petit, court touf-
 iours. Le palu-ou maret dict *Alcyonia*, en vn village
 pres de Corinthe est le plus profond de tous, lequel
 neantmoins qu'il ait moins de trois stades en circuit,
 Nero toutesfois par cordes iointes qui auoiēt plusieurs
 stades, ne peut trouuer le fond par son plumet: ainsi
 profonds en sont les gouffres. Le Palu Meotis est salé, &
 pource, & pour cause de sa profondeur il est celebre.

Or selon mon iugement, i'ay assez bien expliqué les
 causes, & la maniere du cours des fleuees: mais sou-
 uent on a douté d'oū ils prennent leur source, entendu
 que leurs cours est continu, & tant variable. Le Philo-
 sophe donc estime que les eaux sont engendrees: Salo-
 mon pense qu'elles soient deriuees de la Mer par cir-
 cuit: les autres estiment qu'elles sont assemblees des
 pluyes & neiges: les autres pensent qu'elles sourdēt des
 fontaines qui sont souz terre. Il est manifeste que toute
 eau n'est engendree aux montagnes, ne de l'air, veu que
 Tanais sourd aux champs de Moscovie: mais pource
 que l'eau ne monte, si elle ne descend des hautes mon-
 tagnes, il est necessaire qu'elle procedē d'illec: Et ne
 peut monter de la Mer iusques à tant grande hauteur,
 quelle est le coupeau des montagnes: & deuant qu'elle
 paruienne

paruienne iusques aux montagnes, il n'y a moyen qu'elle ne se sparte de tous costez : & les fleuues ne seroient iamais diminuez : & mesmement la mer ne suffiroit pas à tant de fleuues, ains aucunes fois elle seroit assiechee, entendu que la plus grãd part des eaux s'esuanouyt par la chaleur du Soleil : mesmement ce mouuement dessous la terre la feroit trembler, comme i'ay dit : & n'y a point de raison pourquoy l'eau doiuue proceder d'une montagne, non d'une autre. Aussi difficilement il est vray semblable qu'elle soit rendue tant pure & exempte de saline, & d'amertume. Pareillement l'eau n'est des seules neiges, veu que mesme elle coule des montagnes quand elles ne sont couuertes des neiges, ne mouillees de pluyes, totalement donc il n'est credible que tant grande quantité des eaux, & tant continue, soit engendree des neiges. Que dirons donc? Qu'elles sont de toutes les causes predictes : mais l'origine en est grande, pource que l'air se conuertit en eau: apres aussi la neige, & les pluyes assidues à ce profitent grandement. Laquelle cause mesmement Herodotus estime estre de l'inondation, que faict le Nil en Egypte. Certes la sentence d'iceluy est, que le Nil commence à s'enfer au solstice d'Esté, & qu'il croist iusqu'à quarante cinq iours ensuiuans, & emplit d'eau Egypte : aussi il décroist, & appetisse presque par autant de iours. Au temps passé, scauoir est, d'Herodotus, le croissement du Nil iusqu'à quatorze coudees apportoit grãde fertilité: iusqu'à huit coudees, il apportoit sterilité : apres au temps de Strabo il croissoit moins, & ne croissoit point iusqu'à huit coudees. Mais maintenant, soit que l'erreur est entendu, ou que la coustume est changee, quand il croist iusqu'à quinze coudees, lors est vne grande abondance. Depuis quinze iusqu'à dixhuit il apporte petits dommages: mais grans perils : si le Nil croist au dessus de dixhuit coudees, Egypte est en nage, & souffre grands detrimés, avec le peril euident de submerision, encor si elle en eschappe. Quand le Nil décroist au dessous de quinze coudees iusqu'à douze, il apporte cherté de viures: mais petite: s'il décroist depuis douze iusqu'à dix, il apporte grande cherté. Il semble qu'il n'est au dessous de dix

*L'inondation
du Nil.*

coudees. C'est la recente histoire de ceste matiere digne de foy. Mais ie retourne à Herodotus duquel i'ay corrigé, & expliqué n'agueres la sentéce touchat le croissement du Nil, mal translatee, & piremēt entendue. Strabo mesmement l'a cōfirmee. Toutesfois aucun ne doit s'esmerveiller, si les neiges & pluyes donnent accroissement au fleuve, & pource occasion d'inondation, veu que le Nil prend source de là où le Soleil est, quand il nous fait l'hyuer, qui est à ceux de ce pays là le commencement de l'Esté: mais maintenāt par succession de temps l'inondation est trop plus grande: car du temps de Strabo ia les champs estoient sechez par soixante iours. La grandeur du fleuve est la cause de l'inondation.

*Les plus grās
fleuves.*

Ganges, comme escrit Arrianus, est le plus grād des fleuves: en second lieu Indus, & puis le Nil. Hister sera nombré au quatriesme lieu: le cinquiesme est en Lybie, Ptolomeus l'appelle Niger, non moindre que le Nil: & procede du mont dict Thala: maintenant il est appellé des Portugalois Senega. Nul fleuve tōbe dedans le Nil. Arrianus dit, qu'Accine qui tombe dedās Indus, a presque quatre mille pas de latitude. Le lieu où Ganges est le plus estroit, a douze mil cinq cēs pas en patent: on ne void point les bords, ou c'est qu'il est fort large. Les Espagnols ont trouué en Brasillie, s'ils disent vray, aucuns fleuves de magnitude, & profondeur merueilleuse, qui tombioient dedans la mer par vne entree de 60. mille pas. Quand Maragnonus tombe en la mer il a 90. mille pas, vn autre en a 120. de largeur. Ces deux fleuves sont de la part du riuage Septentrional aupres de Paria isle. Mais la grandeur & largeur est changee par succession de temps. Car il est vn changement de toutes choses mortelles. Ainsi les fleuves courans qui tombent dedans les autres, coustumierement les asseichent, & mesmement asseichent les mers, quand ils atteignent l'arene & le grauiet. Herodotus recite, que le fleuve Achelous tombant dedans la mer, attraina tant d'arene (car ainsi les fleuves asseichent les mers) qu'il adiousta les isles Echinades aupres d'Arcanie, à vne terre ferme, ia d'vne moitié du pays. Polybius dit que Tanais, & les autres fleuves ont de son tēps emply la mer Euxinum,

*Les fleuves
asseichent les
mers.*

& le palu Meotis, en sorte que Meotis n'a plus de profondeur d'eau que sept aulnes, & est fait doux au lieu qu'il estoit salé. Strabo refere aucunes des Echinades estre ioinctes à terre ferme, & que de iour en iour les autres y sont ioinctes, & que l'isle des Echinades qui est la plus loing, n'est distante seulement de l'entree du fleuve Achelous, que de quinze stades.

Mais puis que nous sommes tombez à parler des fleuves, il sera profitable de considerer pourquoy le seul Nil n'a de petit vent, ou pour le moins autresfois n'en a eu: car Herodotus constamment afferme ceey. Principalement nous devons estre curieux de trouuer la cause des choses, de peur que nous ne demourions en perplexité, si par succession de temps aucunes choses aduient à aucuns, qui sont cessez aux autres. Or donc le petit vent principalement là est fait, ou l'eau a receu vne mediocre chaleur du Soleil. Il est manifeste que telle tepeur & mediocre chaleur, ou tepidité est en Esté alentour des fleuves au Soleil leuant & couchant, non pas en midy. Car quand le Soleil monte, & n'attire en haut, l'air est poussé par le mouuement de l'air, lequel refrigéré de l'eau, fait vn petit vent delectable, que customierement nous sentons en Esté alentour des fleuves, quand le Soleil se leue, ou se couche. Mais entendu que l'origine du Nil procede des enuirs du cercle de Capricornus, & qu'il passe par la region torride, il ne peut iamais receuoir quelque vent: & si le vent est excité quelque part, incontinent il est consumé par la vehemente chaleur du Soleil. Et le fleuve est purgé de toute fange terrestre par vn mesme cours qui refrigere l'air: pourtant il n'est aucun fleuve salé, toutesfois quelqu'un le pourroit estre, si du lieu proche la matiere salée tomboit dedans: & iacoit que ce peut aduenir, non toutefois tu peux trouuer facilement exemple de ceey, pour la cause predicte. Ainsi veu que le Nil vient des regions loingtaines, & qu'il est eschauffé par la chaleur du Soleil, il a les eaux tressalubres. Or quant aux mers elles sont toutes salées & ameres, de laquelle chose quand premierement i'en auray exposé la raison, i'ameneray la

Pourquoy le Nil n'a de vent.

Pourquoy les fleuves ne s'ont salés.

question proposee. Que l'eau donc puisse augmēter les fleuves par la pluye, nous le voyons souuent en nostre pays quand apres les pluies les fleuves ia diminuez, ils croissent en sorte que les champs sont tous couuerts d'eau: mesmement aucuns torrens desquels seulement la fosse auoit esté pleine de pierres, courent par plusieurs iours en abondance d'eau tant grandemēt, laquelle eau ils ont receuē de pluye seulement, ou des neiges fondues, qu'ils semblent estre de grands fleuves. Et le torrent ne differe du fleuve, sinon qu'il ne dure tousiours: car la cause du torrent n'est telle que du fleuve. Si donc au matin tu vas aux montagnes tu les trouueras humides. Et petit à petit les ruisseaux coulent dedans & dehors par l'eau assemblee, & plusieurs ruisseaux conuenans ensemble font vn fleuve: & tu verras ce fleuve estre tousiours diminué, s'il n'est aidé & augmenté par les pluies par les neiges fondues: auquel temps vne petite eau suffit, non seulement pource que le canal du fleuve contient peu d'eau, mais pource que quand la mesme eau coule lentement, elle suffit & satisfait à plusieurs lieux. Pour ceste cause il est certain pourquoy coustumierement les fleuves croissent au matin, & principalement de la part où ils sont proches à leur fontaine: car en Esté durant la nuit beaucoup de rosee tombe, & moult de nuees en Hyuer: dont il aduient qu'au sequent leuer du Soleil le fleuve commence à croistre grandement, & principalement au parmy d'Autōne, & du Printemps, quand la bruine tombante est dissoulte par la tieudeur du Soleil. Pourtant l'eau qui est creē dedans vne montagne par le froid des pierres, & dehors aussi par l'aide de la nuit, petit à petit coule dedans. Aussi vne partie exterieurement est amassée en ruisseaux: apres de plusieurs ruisseaux souuent vn petit fleuve est fait: de plusieurs petits fleuves est fait vn grand, cōme le Paud, dict en Latin *Padus*, Hister, Indus, Euphrate. Et ce est la cause de la perpetuité des fleuves, comme les pluies & les neiges sont la cause de l'accroissement. Tanais & toutes les fontaines qui sortent d'une plaine, ne sont creées illec, ains aux montagnes, apres coulees en ce lieu, elles

*Pourquoy les
fleuves croissent
principalement au
matin.*

sortent hors de la terre par le moyen, que n'agueres i'ay dit, que l'eau pressée aux lieux les plus hauts, monte autant qu'elle estoit descendue. La mer ne donne aucunes fontaines si elles ne sont salees : car aucunes sourdēt au pres, qui sont salees. Je ne vucil nier qu'une fontaine d'eau douce ne puisse sortir de la mer (ce qui est difficile à cause de son impetuositē) quand les eaux de la mer courent vehementement & loing. L'experience est que la saline est diminuee par la lōgitude de l'espace, pource que tant plus les puits sont loing de la mer, tant moins sont salez. Mais peut estre, que ce ne vient tant de la separation du sel par la distāce, que de la mixtion des eaux qui sont douces. Il faut toutesfois estimer que l'eau des puits, que ceux de Milan appellent Hausum, est deriuee, & procede de la mer. Certes non tant par impetuositē que par longue espace, ne tāt par mixtion des eaux douces que par la pesanteur du sel, l'eau deuiet douce. Car quand le sel est reposé en l'eau, il descend en bas par sa pesanteur, & quand l'eau court, il est purgé par la terre. Pour ceste cause la mer ne repose point & ne court point, ains est agitee par son flot & regorgement, afin qu'elle demeure salee. Doncques en trois manieres l'eau de la mer sortant des fontaines, deuiet douce par longue espace, par mixtion des autres eaux qui sont douces, par le cours : & pource par la purgation faicte de limon & de l'arene, aussi par la pesanteur du sel qui de sa nature descēd en bas. Ainsi la mer donne ceste commoditē de l'eau douce. Aristoteles semble auoir bien iugé de l'origine des fleues, lesquels quand ils sont tombez en vn lieu caue & ample, ils font vn lac. I'ay dit donc la cause des fleues & fontaines, des torrents & lacs.

Il reste que l'enseigne qui est la cause pourquoy la mer est salee. Iouxtē l'opinion d'Aristoteles, qui est entēdue de peu, la cause est vne cheute cōtinue des pluyes dedans la mer, persuerante d'eternitē. Et combien que ceste mer ne soit eternelle au lieu où elle est maintenāt, entendu toutesfois qu'une mer vient de l'autre, il est necessaire qu'elle soit eternelle par la continuitē des eaux. Il est manifeste, pource que toutes les mers sont deriuees d'une, la Mediterranee, la Rouge, dite Rubrū mare,

Pourquoy la mer est salee.

l'Euxine, la Caspie, Magalienne, Hyperboree, la Germanique, Herculee, Cantabrique, Britanique, Sarmatique, Indique, Afrique, Baltique & la Glaciale : mesmement les lacs, comme le lac Barbarique, Atlantique, Magnus, Arabique, Perfique, & le palu Meotis, sont parties ou legerme de l'Ocean. Je ne doute que Ptolomeus n'estime autre chose de l'origine de la mer Caspie, & qu'il ne la separe de l'Ocean, mais non de la sentence de Pline, ou de Strabo, ou de Solinus, ou de Priscian. En ce ne pend grand different, & ne repugne point, iacoit qu'il ne soit ainsi qu'il est aucune mer, qui ne conuient avec les autres, comme la mer Morte, dicte *Mortuum*, & la mer de Galilee, qui ne sont membres ne parties de l'Ocean: toutesfois les deux sont salees, & ce qui est plus de merueille, la mer Morte, dicte en Latin *Mortuum*, est mesmement amere: de ce est venue l'histoire, & toutesfois elle est plus loing de la mer de Syrie, qui est vne partie de la Mediterrance, que de la Galilee. Il est donc assez cogneu qu'aucune mer n'est separee de l'Ocean, exceptees la Galilee & la Morte dicte *Mortuum*: & toutesfois peut estre que rien n'empesche qu'elles ne communiquent avec l'Ocean par quelques cauernes qui sont souz terre, & pource qu'on peut dire toute mer estre eternelle, par la continuite des eaux, non pas du lieu, & aussi que toute mer est salee. Trois choses semblent suffire à garder la saline, la chaleur du Soleil, par laquelle la terre est bruslee, & les eaux s'empuantissent, pource qu'elles ne courent comme les fleuves, & qu'elles reçoivent les pluyes. Car toute eau de pluye, pource que elle est eschauffee du Soleil, & qu'elle s'empuantit par tardation & repos, est aucunement salee. Or les lacs sont vrayement engendrez, pource que les fleuves dont ils sont faicts ont origine & commencement. Pourtant neantmoins qu'ils reçoivent les pluyes, ils ne peuuent toutesfois recevoir la saueur salee. Et les lacs ne peuuent estre salez, si la terre où ils sont n'a du sel, & pource ils ne sont grands. Le lac Acronius, qu'ils appellent maintenant Constantiensis, le demonstre, lequel combien qu'il semble estre vne mer, tant est grand, il est toutesfois plein d'eau douce & non salee, pource que

Elle n'est point
de la mer

sa source & origine a esté du Rhein, fleuve. Toutesfois la grande profondeur de ce Lac aide la saline de la mer, en laquelle il est necessaire plusieurs montagnes de sel estre contenues, cōme en ample espace de terre. Quand donc le sel est espars, principalement le flot & recours quotidien aidant, il aduient que toute la mer est salée.

Pourquoy est
faict le flot
de la mer.

Pource d'vne doute en vient vne grande, pourquoy la mer souffre deux fois par chacun iour le flot, ou recours, & regorgement, non toutesfois toute mer, ny également. Car manifestement l'Océan, & quelques portions de la Mediterranee, comme le goufre Adriatique, ou Venise est construite, courent & recourent deux fois le iour. Aloisius Cademustus a escrit que la mer qui est aupres d'Ethiophe, qu'on appelle la mer de Ginegha, court l'espace de quatre heures, & reuient par l'espace de huit, neantmoins que les autres courent & recourent par douze heures. La cause pour laquelle les mers vont & reuient, est la principale, que combien qu'elles soient salées; ce ne pourroit suffire à la conseruation des eaux & de l'air. Car si l'eau de la mer n'est mouuee, elle s'empuantit dedans les vaisseaux, tesmoin Aristoteles. Mais l'eau qui est en la mer Mediterranee, est plus agitée enclōse des vents, & pource ne s'empuantit. Comment la mer est mouuee par les estoiles & la Lune, ie l'ay enseigné en mes liures d'Astronomie. Toutes les Mers sont mouuees d'Orient vers Occidēt, qui tiennent quelque proportion de l'vniuers, comme l'Océan, pource que c'est quasi vn element, & est mouué des estoiles. Toutes mers donc qui sont directement vers l'Océan sont mouuees d'vn semblable mouvement: celles qui sont mouuees à costé, ne sont mouuees comme l'Océan: ainsi sont les mers Mediterranee & la Rouge, dictē *Rubrum*, qui sont du costé de Septentrion: car les lieux ainsi disposez, il faut que le cours vehement des eaux soit rompu de l'Orient vers l'Occident, & si la mer Mediterranee semble estre de deuers l'Orient, veu que l'Océan est vers l'Occident, seulement l'Océan entre dedans la Mediterranee par refluxion, entendu que lors il n'est mouué par les estoiles, ains par la pesanteur, dont ne peut garder son mou-

uement. Vn autre indice est, de ce qu'en la mer Mediterranee est fait vn flot, la situation du riuage aidante la petite force de la Lune, riuage d'Afrique aupres de Zygris, pource que ce riuage est droictement estendu de l'Orient en l'Occident. La mer du Nort, qui est aupres du cercle de l'equinoxe, du costé Septentrional pres de l'Isle Paria, est mouuee legerement de l'Orient en l'Occident, pource que le Soleil illec plus fort mouue les eaux. Vn flot vehement est fait en la mer Surenum meridionale à l'opposite de Beragua: mais il n'y a presque aucun flot en la part ou la mer du Nort est du costé Septentrional. La magnitude donc du flot aux pleines Lunes & nouvelles Lunes, la paruité aux quartiers de la Lune montre que les eaux sont mouuees au flot par la Lune: aussi le croissement tres-haut, & le décroissement d'icelles, mesmement la tumeur d'icelles de la droicte rencontre de la Lune, & le temps de sa reuolution qui est presque de vingt-cinq heures montrent ce qui est predict, auquel espace de 25 heures la Lune retourne d'Orient en Occident. Veu donc que la Lune suiuant ainsi la terre, semble enuironner la mer tous les iours, pourquoy difficilement les nauires font elle en vne heure six mil pas, si elles ne sont contraintes des vents? La cause est, que toute l'eau, non-pas vne partie suit la Lune, mais les eaux prochaines sont transportees aux prochaines, comme si quelqu'un fait esleuer vne tumeur en foulant la chair, la chair certes peu se mouuera de son lieu, la tumeur toutesfois legerement sera transportee par toute la cuisse, ou autre membre du corps. Mais en la mer du Nort, ou nous auons dict qu'il n'y a presque aucun flot, il est toutesfois necessaire, que le long cours de trois mois soit mouué legerement, comme les nauires au fleuve, pource qu'une mesme partie de l'eau procede tousiours.

*La raison du
Philosophe
qui monstre
que le monde
est eternal.*

Mais puis que nous sommes tōbez sur ces propos, ie ne me tairay de la raison du Philosophe, par laquelle il prouue par la saline de la Mer, que le monde est eternal. Sa raison est telle. Si la mer a eu cōmencemēt, elle estoit dés le cōmencement ou douce, ou salee: elle n'estoit salee, entendu que tant de sel n'eust peu estre meslé avec,

qu'il eut corrompu l'eau : & il faut estimer que toutes choses ont esté faictes synceres & pures. Car ce qui est engendré, cōme vn lac, ou vn fleuve, n'a point de saueur. Ce toutesfois est dict contre Plato, lequel comme il est escrit en son Timee, a estimé le monde auoir esté engendré par separation. Pourtant Ouidius dict ainsi.

Mais le haut Dieu, & Nature excellente

Appaisa bien leur noise violente;

La terre adonc de l'air dessepara,

De terre aussi les eaux il separa,

Et mist à part pour mieux faire leur paix,

L'ether tout pur d'avecques l'air espais,

Après qu'il eust demeslé, & hors mis

De lourde masse, iceux grands ennemis,

Il va lier en concorde paisible

Chacun à part, en sa place diuisible.

Il est donc raisonnable qu'aucune mer n'a esté, quand la terre & l'eau n'estoient meslees ensemble, veu que la mer est salee seulement par mixtion. Et si dès le commencement la mer n'a eu de saueur, ains par successiō de tēps elle est faicte salee, la saline a plusieurs aages: mais elle n'en a point: car la mer n'est point plus salee maintenant, qu'elle a esté au temps passé: la mer donc ne fust iamais faicte: ne le mode aussi pour semblable raison. Ce pendant il y a vne abondāce d'eaux souz la terre, en la forme & maniere de lacs, d'oū Tanais en Moscouie, Lycus en Asie, Tigris en Mesopotamie procedāt d'vn cours perpetuel. Car veu que les cauernes sont souz terre, non profondes, cōme au village Gabicis à vne lieue de Rome, ou la terre trébloit quād les chariots & les cheuaux passoiet, ce n'est merueille si elles sont emplies d'eau, ou si la terre souure de son bō gré, ou si l'air est corrompu quād les cauernes sont ouuertes. Et jaçoit que la profōdité des cauernes est petite, si la cōparaison est faicte à la grādeur de la terre, elle peut toutesfois renuerfer les villes, admettre les lacs, laisser les montagnes en cauerne inegale, quād tout ce qui est droit n'est ouuert. Mais entēdu que les eaux des puyz sont quelques sources, les puyz sont faicts souuentesfois de quatre pieds, ou peu plus: & si l'eau estoit cōtinué, la terre s'enrouueroit, &

*Les fleues
sous terre, &
ceux qui en
procedent,
Les cauernes
sous la terre.*

*Pourquoy
l'eau des puy
est chaude en
hyuer.*

tous les puy auroient vne mesme profundité. Et l'eau d'iceux n'est plus chaude en hyuer qu'en Esté, mais elle semble estre telle, pource qu'en hyuer l'air est froid, en Esté chaud: à la cōparaison de laquelle chose vne mesme eau semble estre plus chaude en hyuer qu'en Esté par l'oppositiō: car selō la dispositiō de nostre corps la qualité de l'air qui nous enuironne est estimee. Pouttant il aduient que quād nous sommes chauds, nous iugeōs ce que no^s touchōs estre froid: quād nous sommes froids, nous estimōs ce que nous touchons estre chaud. Dont il aduient que l'yrine semble plus froide à ceux qui pisent au bain. Aussi l'eau se chauffe vn peu, quād la chaleur se retire en bas, dont elle ne peut sortir ne s'ēpandre sus la terre: & pource les neiges qui ne demeurent trop sus la terre, coustumieremēt la rēdent fertile & fecōde, mesinemēt aucunes fois celles qui demeurent long tēps. Il aduient aussi que toute la terre, en la partie on peut paruenir l'eau, est bitumineuse ou salee, ou metallique, dont il aduient que les exhalatiōs illec enclofes, eschauffent l'eau. Et pource mesmement il aduient ce qui est toutesfois rare, qu'aucunes fontaines semblent estre plus chaudes en hyuer, (cōme par quelque miracle) qu'en Esté. Pour ceste cause telles eaux son odorātes, ou elles sentent mauuais, ou elles sont sans saueur, lesquelles odeurs quand les eaux sortēt il est facile de les cognoistre & de s'abstenir d'icelles, ou d'ē vser. Mais si les eaux sont cachees, ou si elles sont en vn lieu sec, & quelles elles sont, on le cognoist par tel moyen. Enfuoy vn vaisseau de plōb, ou au lieu de luy vn pot de terre neuf, premierement grellé d'huile par dedans, en mettant au fond auec de la cire, laine seiche & blāche, qui contienne au milieu vne petite pierre, & l'enfouy sous terre quatre pas en auant enuiron Soleil couchant, la gueule du pot tournée en bas, & ce fait diligemment, de peur que la laine ne tombe, & petit à petit la terre ietee, couure le pot: le iour ensuiuant apres que le pot est descouuert, considere la laine: laquelle si elle n'est point loing de l'eau, par la fraischeur de la pierre, & de la nuit & par l'humidité de l'huile frottee dedās le pot, elle tournera en gouttes d'eau, les exhalatiōs qu'elle aura re-

*Cōment nous
cognoissons
s'il il y a de
l'eau aux a-
rides.*

ceuës qu'ad la laine esprainte, reçoieue l'eau: & si peu y en
 a, estime par coniecture, que l'eau est encor fort loing: si
 la laine rend beaucoup d'humeur, l'eau n'est loing. Et
 quelle sera telle eau, tu le cognoistras facilement par
 l'odeur, & le goust. Car aueunes des ces eaux sont, mes-
 mement aucunes de celles qui sont sus la terre, lesquel-
 les ne sentent point seulement le bitumen, ou le sel, ains
 aussi elles bouillent, cōme en Apone aupres de Padoue:
 & sont tant frequentes que toute prouince presque en
 a veu qu'en plusieurs lieux les fontaines y sourdent.
 France en a beaucoup de telles; trop plus Germanie, &
 Italie la mere de tous biens beaucoup d'auantage. Il est
 necessaire que la cause de cecy soit le feu, ou la putrefa-
 ction, ou la chaleur naturelle, ou la celeste. La chaleur
 celeste ne peut estre tant grande, principalement en hy-
 uer, & de nuict, qu'elle puisse eschauffer les eaux gran-
 demēt. La chaleur naturelle n'est actuellemēt, sinon aux
 animaux, pource qu'ils ont l'ame, & le sens. La chaleur
 putride ne peut estre tant grande, & aussi il n'est vray-
 semblable que la matiere soit engendree, & pourrissē
 ensemble. Car la diurnitē de ce miracle declare la ne-
 cessitē de la generatiō, & de la matiere. Il reste dōc que
 plus tost la cause est au feu: car la chaleur a petit mou-
 uement, si elle ne paruiēt iusques au plus haut, & pour-
 ce elle s'esteint de soy-mesme. Mais le feu a deux es-
 peces, le brasier ou charbon brulant, & la flamme. Qu'il
 y ait de la flamme à ces eaux, ce ne cōcorde à la raison:
 car la flamme requiert vne respiration manifeste, & cō-
 sume beaucoup de matiere, en sorte qu'elle bruleroit en
 vn mois les montagnes entieres. Aussi il sensuiuroit vn
 mouuement de terre frequent, pour cause de l'exhala-
 tion: & l'eau en seroit trop plus seruente, & aucues fois
 seroit viuē, & par interualles elles s'espandroit en ces
 lieux: toutesfois elle n'y fut iamais veuē. Il est manife-
 ste que la flamme ne peut estre perpetuelle sous la ter-
 re, pource que quand elle se monstre hors, cela n'adiēt
 iamais, sinon par interualles. Et ce aduiēt, comme il
 a este obseruē pour cause des vents. Car quand les vents
 soufflent impetueusement aupres des lieux ou coustu-
 mierement la flamme se iecte hors, lors il fault l'at-

*Les causes
 des fontaines
 frequentes.*

*Quand sont
faictz les flä-
beaux des
montagnes.*

tendre trois ou quatre iours apres. Et ce est faict par la chaleur intime, cōme en la chaux, quand la chaleur s'est retiree dedäs par le froid externe, & lors que le soufre, ou le Bitumen est allumé, la flamme en est augmentée, comme par soufflets. C'est ce que i'auois promis mon-
strer quand ie parlois des gueules d'Ethna. La chaleur donc augmentée, se iette horsd vn meſme moyen qui a esté demonſtré aux mines. Pourtant ſi toutes ces choses ſont conferées enſemble, nous conclurons certaine-
ment que le braſier eſt deſſouz. Mais d'où ce braſier, d'où le mouuement, d'où la reſpiration eſt elle entrete-
nue? Car nous auons ja monſtré par cy deuant, que le feu requiert ces trois choses. La premiere aride & rare donne reſpiration, nourrissant le feu non autrement que la cendre chaude. La matiere nouuelle qui eſt touſ-
iours allumée, donne le mouuement, & ainſi le feu muät ſon ſiege, eſt mouué. Ainſi en noſtre pais le feu qui monte en haut eſt gardé en la ſuye, tant qu'elle dure. Et la ſuye ne reçoit point la flamme pour cauſe que ce Bitumen eſt impur, & meſlé à la terre. La matiere donc qui bruſle ſouz terre, & en toutes choses ſemblable à la ſuye: dont il eſt certain que la ſuye eſt vne eſpece de bitumen. Pourquoy donc ce bitumen ne iette de la flamme, deux cauſes ſont, la premiere eſt, que le bitu-
men n'eſt point pur: la ſeconde eſt, qu'il ne reſpire point. Il adient pourtant qu'aucunesfois la part d'ice-
luy la plus rare eſt allumée, & iette de la flamme, & lors on oit vn tremblement de terre, & vn bruit. Mais quand la matiere n'eſt ſuffiſante, pource qu'elle eſt meſlée à la pierre, & ne reſpire bien, il ne iette point de feu, mais eſt mouué de ſon bon gré. Or comment le feu enclos n'eſt-il eſteint, ou pour le moins quand il conſume la matiere, comment ne change-il point de lieu? Deux cauſes ſont pourquoy il n'eſt eſteint, le bitumen, & le froid de l'eau qui contraint la chaleur interieurement, & allume le feu non autrement qu'en la chaux. Ce meſme froid retient le feu en meſme lieu, pource qu'il eſt touſiours ſouz l'eau. Mais par long eſpace l'eau s'eſ-
chauffe, & ſe met hors par vn lieu eſtroit. Et qu'vn petit feu ſuffiſe à tant grande ferueur, de ce, ſont quatre cau-

ses: la premiere, pource qu'il ne respire point, comme en vn soupirail: la seconde est, que la nature de la pierre, dicte le Tuf, autrement *Tophus*, est de soy-mesme chaude, ayant mout de feu, & stable, rendant abondamment, la tierce cause, est la cédre qui est demeurée chaude, & en abondance, & seche de sa nature, dont mesme quand l'eau est versée dedans, nostre cendre mesme qui est trop plusimbecille que l'autre, eschauffe l'eau la derniere cause est, pource que l'eau est diuisée en ruisseaux, pour ceste raison facilement elle reçoit, & retient la chaleur: laquelle eau si elle estoit toute enséble, à peine s'eschaufferoit elle, voire quand toute la môtagne seroit en feu: & echauffée, facilement elle retourneroit à sa propre nature: pour ceste cause nulle mer, nul lac, nul fleuve peut echauffer grandement pour l'abondance des eaux. Les fontaines, tant plus sont petites tant plus reçoient acree ferueur. Mais pourquoy la plus grande part du Bitumen n'est elle allumée? pource que ce seulement peut estre allumé, qui n'a point d'humidité aqueuse. Et pource que tout le bitumen est plein de telle humidité, & par ceste chose il differe du soufre, premier qu'il soit allumé, il est necessaire de le secher, & pource resiste long tēps au feu prochain: ainsi il aduient que fort petit à petit le feu mange & consume la matiere, qui luy est adiointe. Puis donc que le feu ne peut croistre grandement, ne totalement estre esteint pour les causes predites, & qu'il a beaucoup de matiere preparée, & que peu de chaleur suffit à conseruer la ferueur, il est necessaire que ceste ferueur demeure & dure long tēps. Il est dōc manifeste que toutes les eaux qui bouillonnent, sont naturellement legeres, & ont quelque faculté & propriété de medecine. Mais elle n'est telle que celle qui est apte au commun vsage pour garder la santé. Car la bonne eau n'a point de couleur, d'odeur, ne de saueur, & est tres-claire, & quand elle est beuë telle ne tarde point au ventre, telle est celle du fleuve Euleus, qui coule de la montagne Zager par Sufiane. Les Roys de Perse en portoient en leurs expeditiōs & voyages de guerre. Ils ont eu telle diligence pour garder leur vie. Car pour la conseruation de vie, l'eau est proche à l'air

*Les bonnes
eaux.*

comme i'ay monstré aux commentaires, sus le traicté des
 Temperamens. Et ne semble estre de merueille si Ar-
 taxerxes de Longue main, en Latin *Longimanus*, a ves-
 cu long temps, puis que les Roys de Perse ont eu tant
 grand loing a eslire l'air & l'eau. Mais au lieu du fleuve
 Eleus, ie trouue Choaspes en Elianum. Aussi i'ay trou-
 ué vn fleuve de faueur delectable entre Ganges & Indus
 fleues, duquel quand les habitans de la region ne peu-
 uent en auoir pour boire, ils en boiuent les eaux trans-
 portées par quelques coureurs. Aucuns estiment que
 Choaspes est en la region de Medie, Strabo estime au-
 trement. S'il estoit aux Indes, à peine a il peu passer
 Persepolis. L'eau donc de Choaspes est tres-bonne,
 & celle d'Eleus delectable au goust & est en vsage aux
 Roys de Perse. Il est certain qu'Inde a des eaux tres-
 bonnes & gracieuses. L'eau du Nil leur est proche en
 bonté: apres Tiberis en Italic. Aucunes eaux sont fort
 celebrées pour leur frigidité. Au temps passé vne eau
 procedoit du coupeau d'vne môtagne en vn village pres
 de Corinthe, plus froide que neige. Georgius Agricola
 recite dedans la premiere lieue, dicté Infana, depuis
 Culne, estre vne eau tres-froide, quand elle semble
 bouillonner & estre en ferueur. En Boheme aupres du
 fleuve appellé *Egra furiosa*, pource que l'eau feruente,
 non de ventouses ou de froid, ains plustost notable du
 tonnerre, en tombant faict vn grand bruiet. Sembla-
 blement apres que le Rhein a passé hors des rochers le
 lac dict Constantiensis aupres de Scaphusa, il tombe
 de tant haut lieu qu'on l'oit de loing de mil pas, & le
 bruit semble estre presque vn tonnerre. Car la cheute
 d'enhaut est la cause du bruiet des eaux, ou la sortie a-
 uec impetuosité des lieux estroicts: comme les neiges,
 le marbre, les metaux, l'air froid, le mouuement sou-
 dain, la cheute d'enhaut, & (ce qui est grand) la mix-
 tion du halinitrum est cause du froid: ce que ie mōstre-
 ray cy apres. Mais ceste frigidité n'est perpetuelle en
 aucunes fontaines, comme en quelque village d'Espa-
 gne dict *Pesquera de Duero*, aupres du grand fleuve Du-
 rius, vne fontaine est loing des Isles fortunées dou-
 ze parties, loing du cercle de l'equinoxe quarante deux

Les eaux
 tresfroides.

La cause du
 bruiet des
 eaux, & de
 la frigidité
 d'icelles.

parties, laquelle fontaine au commencement du printemps donne de l'eau, en Esté elle en donne en abondance, au commencement d'Automne elle commence d'assecher, en hyuer elle demeure seche. Blasius de *Villafraeca* Medecin Espagnol estime (car il a escrit comme chose à luy experimentée) que la profondeur du canal en est la cause, pour cause de laquelle telle fontaine n'est asseché en Esté: en hyuer elle est euacuée par les chaudes parties interieures de la terre. Mais j'ay montré que les parties intimes de la terre simplement ne sont plus chaudes en hyuer qu'en Esté, ains seulement en ayant esgard à l'air. Et pource que l'eau de la fontaine predite est tresfroide, elle participe du halinitrum. En Esté ceste fontaine coule, les ruisseaux procedans des montagnes quand les neiges commencent à fondre: en Automne elle est sechée, quand les eaux ont laissé de couler des montagnes souz terre: & pource elle demeure seche en hyuer, car les neiges ne se fondent pour cause de la gelée. Cecy est veu presque general, que les fleuves sont plus pleins au printemps & en Esté, qu'en Automne, & trop moins en hyuer. Ceste fontaine est loing de vingt-mil pas de *Vagliadolit*, ville tres-renommée. Ils recitent vne eau faire grand bruit en *Elboganium*, & estre d'vne saueur aigrette. *Aristoteles* fait mention vne eau jadis auoir esté en *Sicanie* village de *Sicile*, de laquelle les habitans du lieu vsoient pour du vinaigre. Quel merueille est-ce? J'ay ouy dire qu'vne eau a esté trouuée aupres de *Rome*, en la maison rurale du cardinal *Triuultius*, qui estoit de saueur austere, & qu'elle estoit tres-salubre, & que pour ceste cause coustumierement on la transporte loing, pour en mettre dedans le vin à concilier & acquerir la grace & amitié. Or il est manifeste que la saueur austere est composée d'alumen cuit & d'humeur bien temperé: car de soy-mesme elle est astringente. Et quand l'alumen est meslé au vin, on estime qu'il excite les dysenteries. Ainsi ils referent qu'en *Cardia* aupres du lac *Dascylus*, au lieu qui est appellé *Campus albus*, que l'eau y est plus blanche que lait: & vne autre aussi aupres du pont, par lequel on va à *Veldebourg*. Aucunes eaux sont qui sentent le vin

Les saueurs
des eaux.

comme au temps iadis en Naxos vne des Isles Cyclades en la Mer Egeum : dont parle Propertius au troisieme liure de ses Elegies.

Pour toy Naxos a fleuves saoureux,

Dont la gent boit comme vins amoureux.

L'hydromel se tourne en vin, par succession de teps. La cause des saueurs de l'eau.

Les fontaines plaines d'huyle.

Pourquoy les fontaines distillent l'huyle.

Les couleurs des eaux.

Quel merueille est-ce, veu que Plinius & Dioscorides referent que l'hydromel se tourne en vin par succession de teps? Aristoteles a referé la cause des saueurs de l'eau en la chaleur. Car la terre cuite muë, & donne la saueur de l'eau. En telle maniere aucunes fontaines semblent estre plaines d'huiles, cōme en Saxōne, aupres de la noble ville de Bruno: & en Suesse aupres de l'hospital, auquel est le nom du lac Degerse: & aussi en la valée du mont Iurassus. Le bitumen fort gras en est la cause: car il est certain que le bitumen contient en soy de l'huyle. Pourtant quād l'eau est separée de l'huyle qui nage dessus, elle donne vne fontaine d'huyle. Toutesfois il ne faut croire qu'elle soit toutes d'huyle. Quel merueille est-ce donc, si aupres du tabernacle d'Alexandre vne fontaine d'huile sort, cōme Arrianus le plus veritable de tous les historiens le refere: ou si elle sortoit à Rome du teps d'Auguste? Mais (dis-tu) telle fontaine n'est ainsi engendrée: ie ne le contredy, en ce ne faut auoir esgard, veu que j'ay mōstré que ce peut estre fait, & comment: car ces choses aduiennent raremēt & en peu de lieu, dōt elles sont cōme prodiges & mōstres merueilleux, quād elles aduiennent. Aucuns referent telles choses à Dieu. De ce en Elis, cité de Pelopōnesus, quand les cédres des sacrifices Olympiques se tournoient en poix, cire, l'eau du fleue Alpheus estoit vne chose conuertie en superstition & religion, ce qui aduenoit ainsi pour cause de la gresse qui estoit en l'eau. Aucunes eaux sont acres quasi opposites aux grasses comme de Gornicius. Vne semblable raison est des couleurs, vne eau blanche est à deux lieues de Glauca ville de Misene: l'eau rouge, cōme en Radera, fleue de Misene aupres de Radebourg: & au temps passé en Iudée aupres de Ioppe: l'eau verte au mont Carpatius, aupres de Neufsole: eau bleue, comme blaua entre Feltrium & Taruisum: & mesmemēt ils referent vne telle auoir esté en Thermopolis:

L'eau

polis : l'eau est tresnoire en Allera fleuve de Saxone, quād elle tōbe dedās Visurgis. Les argilles, mais les plus rares & menues sont cause de la couleur des eaues: car l'argille espeffe ne tiēt point à l'eau, & pource elle ne la teint point. Aucunes eaues aussi muēt & changent la couleur, cōme le Nil deuient sec avec les sechetez, selon Theophrastus. Aucunes demeurent entieres, comme le Tybre. Mesme raison de difference est aux odeurs. Aucunes fois les odeurs des eaues ne sont plaisantes: pource, comme il est dict, que rarement la terre sent bon. Au temps iadis en Elis l'eau du fleuve Aniger sentoit fort mal, tant que non seulement les poissons, mais aussi les hommes en encouroient peril. Et aupres de Methon en Messana vne eau estoit tirée d'un puy, laquelle sentoit fort bon: car l'odeur referoit & representoit l'emplastre cyzicenum. L'emplastre cyzicenum estoit composé de safran, de myrthe, & de la racine iris, dictē flammula, le tout sentant bon. Il est donc manifeste que les causes contraires appartiennent aux choses contraires, comme les eaues qui sentent bon sont salubres: celles qui sont puantes, sont insalubres & mauuaises. Aucunes eaues diuerses ont la vertu de produire diuerses plantes, & ce a esté obserué par raison perpetuelle. Le fleuve Meāder nourrit les brieres, dictes en Latin *myrica*, A lopus fleuve de Beotie nourrit le iōc des racines profondes, & le Nil l'arbre dictē Persia. Et de ces choses il sera licite de cōiecturer la force des eaues. Aucunes eaues sont pesantes, aucunes legeres. Toute eau qui nage dessus, nō seulement aux fleuves, ains aux fontaines & puits, est la plus legere, tesmoin Aristoteles: ainsi que celle qui est en bas est la plus pesante: car telle est la raison des parties que du tout. Toutes choses pesantes descendent, les legeres tendent en haut, & sont aux dessus. Strabo recite que l'eau du fleuve Euleus est plus legere d'une drachme, c'est à dire, de la mesure d'un saucier, que les autres. Ceste mesure, selon la doctrine de Plinius, est de la quinzieme partie. Mais des mesures passons aux merueilles des eaues. Aucunes eaues sont de tant grande force que elles peuēt conuertir le bois en pierre. Albert le Grād refere que de son temps fut trouuée vne branche d'ar-

*Les causes
des couleurs
de l'eau.*

*Les odeurs
des eaues.*

*Les eaues
produisent
diuers arbres*

*Persia peut
estre dict un
pescher.*

*La difference
des eaues se-
lon le pays.*

*Les eaues
qui deuient-*

*ment pierres
& muent les
arbres.*

*La raison
d'estre couver-
ty en premier.*

bre avec le ny, & les petits oyselets en la Mer Danicum
aupres de la ville Lubecensis, lesquels oyselets conuer-
tis en pierre avec l'arbre & le ny, retenoyent encor' leur
couleur rouge. Georgius Agricola recite qu'au trait
Elboganus aupres de la ville iurnommée des Faucon-
niers, les sapins entiers avec l'escorce ont esté muez en
pierre dicté pyritis. Domitianus Brusonius dict, nō par
le tesmoignage des autres ains de son propre, comme
habitant du lieu, que les fucilles & branches des arbres
sont conuerties en pierres au fleuue Sylaris, qui passe
aupres du bas de la mōtaigne qui est aux champs de la
ville dicté iadis des Vrsentins, maintenāt appellée Cō-
tursium: & que les escorces monstrent par nombre les
ans des pierres. Ainsi les gouttes de la fontaine Geotri-
que (ce nom est imposé, du vulgaire) esparles deuiennēt
pierres. Et en Dacie de Cepusium l'eau versée dedans
les seilles, est conuertie en pierre. Toutesfois vne mes-
me raison n'est de toutes ces conuersions: car les eues
qui muent les autres choses en pierres, peuuent estre
beües seurement, car les pierres fongeuës, rares & ca-
uerneuës sont engendrées alentour des eues chaudes:
& les fontaines qui se congelent, par la froidure deuiē-
nent en plastre, & ne sont sans venin: car le froid endur-
cit toutes choses & les condense en pierres. Pourtāt au
canal des fleuues, à raison du mouuement continu, qui
emporte la terre, il y a abondance de pierres presque
tousiours, si les fleuues ne coulent fort lentement.

Selon Aristoteles les pierres sont ainsi engedrées en
la mer: l'ecume est engendrée de la collision des ondes,
laquelle derechef est amassée des autres ondes, finable-
mēt par la saline sechée, & par la petite arene adioustée
elle se condense en pierre. Et neantmoins que cecy soit
dict seulement des pierres engendrées en la mer, il faut
toutesfois l'entendre de toutes les pierres, qui prennent
leur origine aux eues. Car aux fleuues, torres & fontai-
nes la frigidité est au lieu de la saline qui fait les pier-
res. La saline est quelque chaleur: & des chaleurs, au-
cunes engendrent en separant, aucunes en amassant, &
les vnes & les autres par concoction. La chaleur qui est
en amassant, est dicté frigidité improprement, car selon

Galenus, rié n'est amassé en l'homme par le froid. Pourtant ceste chaleur est moindre, que la chaleur humaine ou naturelle, pource nous l'appellons frigidité. Doncques ce sont choses communes, que les pierres soient engendrées de terre menue, & d'escume. Aux torrens donc, & aux fleuves courans plusieurs pierres sont engendrées, pource que l'arene y est plus menue, la frigidité plus grande, & l'escume plus abondante. Or il est manifeste que l'escume est faicte de la portio de l'eaue la plus grasse: ainsi les pierres vivent, car ainsi sont engendrées les plantes. Nous devons cecy à Aristoteles, qui nous à laissé les semences de tous biens.

Autres merueilles des eaües sont. Car d'un rocher treshault aupres du mont Cylenne au temps passé vne eaüe procedoit, qui perçoit tous vaisseaux, & seulement estoit licite de la porter dedans l'ongle d'un cheual: ils appelloyent ceste eaüe Stygia, pource (ie croy) qu'elle enuoyoit les hommes aux enfers. On dist qu'Alexandre le Grand en mourut. Ceste eaüe est meslée avec le fleuve Chratin, apres qu'elle est descendue par ruisseaux. Mesmement Iosephus Juif recite, qu'un fleuve nommé Sabbaticum estoit aupres de Syrie en Iudée entre Arces, & Raphanes villes suettes au Roy Agrippa, qui couroit tous les iours, excepté le Sabbat, dont il est ainsi nommé Sabbaticum: ce est referé à la religiõ, & entre les miracles par l'imperite & credule multitude, qui consiste, & est faict par cause naturelle. Car non plus d'eaue estoit assemblée, qu'elle suffit à courir pour six iours, non pour le septiesme. Les hommes ont semblable cause aux repetitions des fieures. Et le monde est l'homme grand.

Le mouuement & la perspicuité sont choses communes aux eaües, à l'ether, & au Ciel. La legereté, pureté, tenuité, le mouuement tresleger, sont propres, & conuiennent à l'ether, & mesmement qu'il est exempt des qualitez, non toutesfois d'auantage que le Ciel. Pource qu'ils sont plusieurs gerres d'eaues, l'eaue ne peut auoir presque aucune chose commune. Car les eaues sont de la mer, du lac, des fleuves, des palus, & marais, des estangs, des torrens, des puis, des fontaines,

*La difference
des eaux se-
lon les lieux.*

aucunes sont des nuées, de tempeste, de neige, de glace, aucunes sont chaudes, aucunes sont prises aux cisternes. Les bonnes caues sont des fontaines: l'eau de glace debilité le ventricule, & les membres, comme celles de neige, & de tempeste: car celle de tempeste descend d'un lieu haut, & froid, elle est toutesfois moins mauuaise, que l'eau de neige, comme celle de neige est moins mauuaise que de glace: l'eau de mer est apte en medecine. L'eau des torrens, des fleuves legers, & du lac (mais l'eau du lac moins) engendre vn espece d'hydropisie, qu'on appelle ascites. Les caues des fleuves doux comme du Nil, d'Eridanus, dit le Paud ou Padus, & les caues du Tybre sont proches aux caues des fontaines: l'eau du palu & marets est mauuaise: celles des estágs est pire: l'eau d'une lacune, ou fosse de boubier est tresmauuaise: car outre l'hydropisie, elle engendre vne hernie, & tumeur au gosier: elle fait vne mauuaise disposition du corps, elle engēdre la iaunisse, dict morbus regius, les fieures, & rend la vie brieue. La vertu des caües chaudes n'est simple: mais i'en ay parlé au Traicté de medecine, comme des caües qui sont assemblées dedans les cisternes. Les caües qui viennent des nuées ont, comme i'ay dit, quelque chose de salé, & demy putride. Entre toutes espece des caües les plus legeres sont les plus seures, & s'empuantissent le plus tard: car elles sont les moins humides, & sont les plus cuites de la chaleur celeste: dont il aduiēt que tant plus sont seches, & que moins aussi elles refrigerent (car elles sont les plus proche à la substance de l'air) tant plus elles sont legeres, & tant plus difficilement elles se corrompent, & empuantissent, dont elles sont trop plus salubres, & seines que les autres.

*Les eaux le-
geres sont les
plus seures.*

Fin du second livre.

DV CIEL, LIVRE TROISIEME.



EST assez parlé des elemens: maintenant il conuient traicter du Ciel, lequel ou soit eternel, comme pense Aristoteles, ou soit engendré, comme estime Plato, ou soit fait comme disent les Theologiés, il semble auoir diuerses substance: premierement, pource que Albericus Vesputius a déclaré diligemment ces matières de la magnitude des estoilles, en sa tierce nauigation aux Indes, il semble auoir trois grâdes estoiles dictes Canopi, mais non claires: la premiere distante du pol Meridional de neuf grandes ou parties & demie: & la seconde de douze: la tierce distante du mesme pol de trente deux parties, qui est tresgrande, mais brunette. Cōciliator refere, appuyé toutesfois sus la narratiō des autres, aucuns astres estre illec grands & peu reluisans, tel que nous auons dict cy dessus. Mefmement Ptolomeus fait mention d'un Canopus cōme d'une estoile tresclaire, toutesfois il ne descript la magnitude. Le pense toutesfois, qu'il est le dernier des autheurs apres Vesputius. Ce Canopus est trescogneu, & est au timon de la nauire: les deux autres plus proches du pol Meridional, au temps passé incogneuz, sont semblables à petites nuées, au milieu desquelles est vue estoile, afin que ces petites nuées monstrēt & enseignēt, que telle partie du Ciel est la plus dese, & que c'est le cœur & assemblée des petites estoiles. Toutesfois, cōme Corsalus Florentin, & Conzalus Fernand referent, la Croix, dictē en Latin *Cruce*, distāte du pol Meridional, de vingt partie tournoye à l'entour de pol, comme l'ourse ou chariot tournoye al'entour de nous, mais trop plus splendide & claire. Outre quatre estoiles referantes la figure du quadrangule, semblēt estres autres de ce pol Meridional: & la partie de la croix Septentrionale est distante du pol de trēte deux parties,

La substance du ciel est diuerse & inegale.

Canopus est vne cite d'Egypte.

Aussi vne estoile tresplendide est adioustée à la croix, à fin qu'en general elles soient six. Semblablement les diuerses couleurs des estoiles, les magnitudes & splendeurs, aussi la macule de la Lune montrent que la substance du Ciel est diuersé, & inegale, & qu'en la partie Meridionale sont grandes estoiles, & aucunes fixes non inferieures en clarté. Car la plus grande Chienne dicte Canis est outre le cercle equinoctial, lequel combié il luit, chacun peut le voir. Il est manifeste que Canopus est grand, & qu'il est moins distant du pol Antarctique, que de trente huit parties. En Alexandrie tout le Ciel apparoit, exceptées seulement 41. parties. Car on cognoit trop plus du Ciel, que de la terre, pource que le Ciel est polé en haut, & est mouué perpetuellement: pour ces deux causes il est presque tout cogneu: & seulement 31. grades ou parties alentour du Pol Meridional n'ont esté cogneues, à Ptolomeus. Pourtant selon la demonstration d'Archimedes presque par vne partie de treze, ou peu moins que la treizième partie est la chose incogneue de la cogneue. Seulement donc la quatorzième partie de tout le Ciel est incogneue à Ptolomeus.

Peut estre que quelqu'un demandera, pourquoy la Lune a vne macule, Maintenant ie ne le declareray: car cy apres ie traicteray de la substâce de la lune, du mouuement du Ciel de la gresle, neige, bruine, des vens, de l'ouuerture de la terre, & de la rousée de l'air. Icy maintenant seulement ie reciteray ce qui est general quant à l'histoire du Ciel, prenant le commencement à la Lune, pource qu'elle est la plus proche de nous, de laquelle la lumiere ne despend toute du Soleil, comme aucuns estimēt, & beaucoup moins des autres estoiles. Il est certain, qu'aux grandes eclipses elle est rouge cōme quelque brasier de feu: & ce est sa propre lumiere, mais pource que la nuit le feu semble estre plus obscur, & que la flamme apparoist rouge, quand la Lune est tant loing de nous aux eclipses, il est manifeste qu'elle à la lumiere plus claire que toute flâme, & chandelle ardante. Fein donc que la Lune de soy-mesme, & non aydée des rayons du Soleil, est semblable à vne grande flâme, & fort claire: après pense combien la Lune aydée du

Quante partie du ciel est cogneue.

A sçauoir si toutes estoiles ont propre lumiere.

Soleil, comme quand elle est pleine, est plus claire, que soy-mesme estant en eclipse : lors tu entendras facilement que la Lune illustree des rayons du Soleil, est plus splendide, & plus claire que le Soleil, en sorte que l'œil de l'Aigle qu'on dit seurement regarder le Soleil, n'ose la contempler. Derechef fay la comparaïson d'icelle à la splendeur du Soleil, certainement il est patent & manifeste, que le dict du Prophete n'est faux. Le Soleil, la Lune, & les estoilles auront le sextuple, & septiesme partie de la lumiere en ce iour, quand ils ont au Ciel la lumiere claire, & seconde trop plus grande du sextuple, qu'elle n'est veüe icy.


Toutes choses doncques qui sont au dessus de l'Ether, reluisent tant, que si nous estans illec au temps de l'eclipse regardions la Lune, ayans les yeux attentivement tourne vers elle, pour cause de la splendeur nous serions presque aveuglez, non moins que de cierges resplendissans innumerablement allumez. Mais pourquoy les estoilles semblent-elles estinceler? Pource que entendu que la substance du Ciel est tresrare, souuent les rayons venans à nous, sont tousiours entrerompus perpendiculairement: pource quand l'air est mouué, comme les pierres semblent trembler au fond du fleuve à cause du mouuement de l'eau courante, ainsi les estoilles semblent estinceler. C'est ce qui est dit estinceler aux lumieres. Les planettes & la Lune n'estincellent point, pource que leurs rayons viennent & descendent iusqu'à nous par vertu robuste : & sont plus proches de nous que les estoilles fixes. Il est manifeste qu'il est ainsi, pourtant que quand elles estincellent d'auantage, & aussi les planettes qui n'ont coustume d'estinceler, elles predisent le vêt futur. Car le milieu de l'air qui est en haut, quand il est agité vehementement, faict qu'elles semblent plus estinceler & plus frequemment. Entendu que Mars est quelque peu obscur & rouge, il estincelle, principalement à ceux qui ont la veüe debile. Et ce conuient à la raison, que ceux qui ont la veüe debile, se persuadent que les estoilles estincellent d'auantage. Par mesme raison les estoilles qui sont outre le cercle equi-

Pourquoy les estoilles semblent estinceler.

Indice du vêt futur.

noctial estincellent, d'auantage, pourtant qu'elles sont plus remotes. Donc la plus grande Chienne, dicte Canis, qui deuroit moins estinceler pour cause de sa splendeur, estincelle, plus pour cause de sa magnitude, entendu qu'elle est fort remote. Aussi tu verras les estoilles plus estinceler en vne partie du Ciel, moins en l'autre partie, peu au coupeau: & celles qui moult resplendissent & sont grandes & proches de chaque pol: car illec l'air est moins mouué, & n'y sont aucuns vents. Celles qui sont loing de nous aupres du cercle equinoctial l'estincellent grandement: car l'air y est mouué legerement, & sont petites: & principalement elles estincellent, si en ceste partie le vent soufflé en haut.

*Les estoilles
semblent estre
plus petites
& plus hau-
tes qu'elles ne
sont.*




Par mesmes raisons elles semblent estre trop plus petites & plus hautes qu'elles ne sont. Par raison contraire les pierres & les poissons semblent estre plus grands qu'ils ne sont, & toute eau plus petite quand on la regarde à costé, est estimée moins profonde. Pour ceste cause aucuns n'y aduertissans, & deceuz, ont encouru le peril de submersion. Pour cause de cecy, & d'autres choses qu'il conuient dire, monstrons ou sont les choses qui sont veües, & en quel lieu elles semblent estre. Toute chose donc qui est veue, apparoit estre illec ou est le droict cours & adressement de la chose veue, vne ligne adressede sus le milieu, qui est la cause de veoir, par laquelle ligne la chose est veue, laquelle aussi tend tousiours de la chose veue à l'œil. Premièrement donc que l'œil soit en A, & la chose en B, lors en vn mesme moyen B sera veu en son lieu: car la ligne perpendiculaire & droicte est semblable à la ligne qui vient à l'œil.




B Derechef, que l'œil A soit en l'air B la chose veüe soit en l'eau, & soit perpendiculaire à l'air B E, que la droiſte ligne B F A, ſoit fleſchie de la perpendiculaire vers l'œil par F afin que B F A ſoit fait, que C F ſoit produit en D, ainſi B ſera veu en C: la profondeur donc de l'eau D E ſeulement ſera veüe. Derechef vne eſtoille D ſoit au Ciel, tout ce qui eſt ſus E F ſoit le Ciel, la ligne perpendiculaire ſoit D E, le rayon qui directement procede D F G, quand il paruiet à F le milieu deſe, c'eſt à dire, à l'air, il eſt fleſchy vers le perpendicule, diſt Cathetos en Grec, que D F A ſoit, par lequel l'œil A voit l'eſtoille D: que A F donc ſoit produiſte directement, & D ſera veüe en B, ſçauoir eſt, ou le perpendicule, ou ligne perpendiculaire D E s'eſtend de la choſe veüe vers le milieu, & la ligne auſſi B F A ſoit produiſte, quand elle eſt dirigee de la part qui touche à l'œil, c'eſt la partie A F touchant l'œil. Tu diras, Les eſtoilles ſemblēt eſtre trop plus pres qu'elles ne ſont. Si ce que les Aſtologues diſent de la magnitude d'icelles eſt vray, elles ne ſont plus hautes qu'elles ſemblent. Je confeſſe qu'on les eſtime eſtre plus pres, mais par autre cauſe, ſçauoir eſt, que l'eſpace moyen d'entre nous & icelles n'eſt compris: pour ceſte cauſe par raiſon contraire, toutes les eſtoilles quād elles ſe leuent & ſe couchent, ſemblent eſtre plus grandes qu'au milieu du Ciel, pource que la grandeur de la terre intermediane faiſt que l'œil eſtime qu'elles ſoiēt plus loing, & pourtant eſtre plus grandes: car la meſure d'une tour eſt iugée plus grande par l'œil comprenant la diſtance d'icelle, jaçoit que l'aune & meſure face en l'œil l'angle plus petit. Pourtant donc les Aſtres ſemblent eſtre proches, pource qu'il n'y a de corps moyennant entre elles & l'œil, duquel corps l'œil puiſſe comprendre la longitude: & pource on les eſtime eſtre loing, combien que, comme i'ay dit, la raiſon du corps moyē-

Les eſtoilles ſemblēt eſtre plus grandes en leur leuer & coucher qu'en autre temps.

nant monstre qu'elles sont plus hautes. Aussi que les estoilles semblent estre plus grandes en Orient & Occident, la densité & espesleur de l'air en est cause, non celle en quoy nous sommes, ains qui est loing de nous. Ce nous en doit estre vn argument, qu'au tēps nebulieux les estoilles semblent estre trop plus grandes: & ce ne pourroit estre s'il aduenoit pour cause de la seule distance.




Or ie vien par exemples à la narration du lieu où la chose semble estre. L'œil soit A, la chose veue B, le miroir CD, la ligne perpendiculaire BF soit tiree à la superficie du miroir, en entendant que elle soit estendue, car il n'est necessaire qu'elle touche, & que BE soit tiree reflexe vers A, en sorte que l'angle BEC soit egal à AED: car ce est necessaire en toute reflexion du rayon faicte par le miroir de quelque gerre qu'il soit: la partie donc reflexe AE estant tiree qu'elle soit estendue iusques à F, & B semblera estre illec, auquel consent l'experience. Mesmement en vn miroir creux CD, duquel le centre est E, la chose qui est veüe, soit mise en B, par le rayon BCA reflexe vers l'œil, il est manifeste que la ligne perpendiculaire sera EBF, à laquelle AC reflexe se rencontre au point F: & icy sera le lieu où A sera veu de l'œil estre B, c'est à dire la chose qui est veüe, dont il aduient que B n'apparoisse en F au droict de soy, comme en la premiere figure. Car icy souuent F sera veu au droict de B, pource que l'œil iuge à la cōparaison de quelque plaine DK superiacente au miroir: & toutesfois le point F & le perpendicule est pris du point. Et que l'œil ne voit ne comprend.



Derechef que G soit ce qui est veu au miroir creux, & la ligne perpendiculaire G EF sera necessairement, & par le rayon G D A reflexe, soit veu de l'œil A: le rayon donc A D se rencontrera au perpendiculaire en H: pourtant la chose sera veue en H, & ainsi en l'air outre le miroir: & est chose admirable, qui toutes-fois cōsent à experience. Mais nous voyons ces choses trop mieux estre faictes aux grands miroirs, en sorte que la chose

Comment l'image d'une chose est veue par le miroir en l'air.

est semblable à vn miracle. Aussi ce est faict aux autres especes de miroirs, comme aux connexes, ou gibbeus, rons, & colomnaires. Vn plus grand miracle est adiousté au miracle, quand la chose qui n'est, est veue en l'air, l'imitation des esprits proposés, comme Vitellio l'a enseigné, duquel i'exposeray la raison cy apres, quand ie traiteray de la clarté & de la lumiere.



Afin donc que ie vienne au dernier gerre, derechef qu'un miroir conuexe C D soit proposé, & l'œil A, & la chose veue B, le perpendiculaire B C D E soit au centre du miroir, & le rayon reflexe A F G se rencontre à luy en B. Vne mesme raison montre le lieu de la chose aux miroirs colomnaires, & de figure d'une pomme de pin, dicté

Trois choses donc sont necessaires & requises à la veue: le lieu de la chose veue; que la chose ne soit plus petite que celle qui est minimale, laquelle on peut voir souz mesme distance: car il est necessaire que la minimale soit trouuee en toute distance, & que toute chose minimale est la plus petite, quasi comme si elle n'estoit point. Par ce moyen il est fa-

facile de congnoistre la cause pourquoy les estoiles, quoy qu'elles semblent estre plates, sont toutesfois rōdes: car la ligne qui du point D est dirigee à l'œil A , n'est moindre que la ligne BA , ny aussi CA , sinon en vne ligne qui est moindre que DE : de ce il aduient que la ligne DE n'a aucune comparaison à DA , pour cause de la trop grande hauteur des estoiles: pource donc aucune difference n'est cogneuë entre AB & AC & AD , parquoy toutessembleront estre etigees d'une mesme superficie: BCD donc semblera estre plate: & ainsi toutes choses rōdessemblerōt de loing estre plates. Maintenant il fault monstrer generalmente que les estoiles sont tres-grandes, & qu'elles sont distantes de nous grandement, dont on cognoist qu'elles sont tres-grandes. Quand donc deux lignes AB & AG sont produictes d'un mesme point A , & elles sont egales, & deux egales FB & FD sont diuisees, & aussi deux egales à elles GE & GC & BC & FG seront tirees, DH , EK , FL , & GM sont les perpendiculaires, les deux angles L & H seront egaux, pource qu'ils sont droits: semblablement BEL & FDH sont droictes, pource que DH & FL sont equidistantes: & la ligne CD opposite au droict est egale à la ligne FB opposite au droict, parquoy BL est egale FH , & par mesme raison MC est egale à KG . Ainsi donc veu que BC est plus grande que FG , comme il appert de la quatriesme demonstration du sixiesme liure des Elements d'Euclides, il aduientra que BC seulement puisse estre augmentee, & que BL & MC , lesquelles demeureroient tousiours egales, soient les moindres en la comparaison de la distance, laquelle comparaison est donnee par minime quantité: lors dōques par la troisieme supposition, la difference latente & cachee FB & GC seront receues comme equidistantes. Vitellio s'est efforcé de monstrer & enseigner ceste difference, laquelle il n'a declaree, admettant finalement plusieurs erreurs: & s'est efforcé de monstrer ce qui est faux, sçauoir est, que BL estoit moindre, que FH , ce qui est faux: car comme i'ay monstré, elle est egale: & de ceste equalité BLA moindre comparaison à BC , que FH & FC : & ce suffit à la demonstration de ce propos.

Pourquoy les estoiles rōdes semblent estre plates.

Les estoiles sont grandes & loing de nous.



Quand donc le Soleil, ou la Lune, ou autre estoile, faict sus la terre l'ombre pres- que egale à la chose veüe, ou au bois qui est opposite aux rayons du Soleil, soit que les rayons procedent d'un point, ou de tout le corps, ceste monstration permutee il est appert que la proportion de la hauteur à FG , est incomparable. Entendu donc, que ce aduient aux hau- tes tours, & grandes mōtagnes, il est nec- cessaire que les lignes FB , & GC soient equidistantes: parquoy la hauteur de l'estoile A est tres grande: l'estoile donc est tres-grande, qui est veüe de tant loin souz la magnitude que nous voyons.

Et par la raison deduiſte par l'ombre de la terre aux eclipses du Soleil, le diametre est des parties, par lesquelles le dia- metre est deux, onze: parquoy entendu que le diametre de la terre est de dix mil- liers de pas, le diametre du Soleil sera d'onze fois cinq milliers de pas, c'est à dire, les pas seront de cinquāte cinq mil- le fois mille. Or la proportion du corps du Soleil à la terre qui est, de soixante- neuf prises des huit parties à vn, le cir- cuit du grand cercle est de milliers de pas 173250. le diametre de la terre à la comparaison du diametre de la Lune, est


*La comparai-
son du Soleil,
de la Lune,
& de la gran-
deur de la
terre.*

la proportion de 17.25 pourtant le corps de la terre cō- tient le corps de la Lune trenteneuf fois, & outre, deux tierces, Le diametre de la Lune est de pas 2941. le cir- cuit du grand cercle est de millier de pas 9264. La hau- teur d'iceux par la demonstration de Ptolomeus, est tel- le: la hauteur du Soleil depuis le centre de la terre est de millier de pas 6000500. & la hauteur de la Lune depuis ce mesme centre est de millier de pas 320833. Aussi les coings de l'ombre, nommez Coni, depuis ce mesme cētre sont de millier de pas mille fois trois cens quarante mille. Dont en deduisant millier de pas, cinq

*La hauteur
du Soleil, de
la Lune, &
Estolles de-
puis la terre.*

fois mille pour le semidiametre de la terre par chacune des distances du Soleil, & de la Lune demeureront, & aussi les coings de l'ombre depuis la superficie de la terre, ou depuis noz yeux. Semblablement la distance du Soleil à la Lune, quand le Soleil est en eclipse, ou plus tost la rotondité Solaire distante de la rotondité Lunaire, sera de milier pas d'Italiques (car de ceux-cy est nostre propos) cinq fois mille six cens fois octate & quatre mille, & outre 167. Cecy est admirable, qu'il semble que Philippe Melancthon ayt cogneu que du temps de Ptolomeus, & d'Hiparchus le centre du Soleil estoit loing du centre de la terre par 24. diametres de la terre, avec la cinquieme partie, ou de millier de pas 242000. maintenant seulement est loing de 18. diametres de la terre, & de deux parties de cinq, ou de millier de pas 184000. depuis le mesme centre de la terre. C'est vn argument, que le monde se vieillit. Mais raison en peut estre deduite, ou par la varieté des instrumens, ou par la disposition du cercle Solaire, ou par l'observance des equinoes, qui a diuersité pour cause des lieux, ou de la grandeur du Soleil, pour laquelle l'equinoce est fait plus leger que l'on estime. Apres que cecy a esté bien

La hauteur du Soleil est moindre que au tēps passé.



La demōstration, que au temps de l'Equinoce le jour est plus long que la nuit.

observé de plusieurs on l'a referé à la magnitude du Soleil. Dont le Soleil est AB, son centre est C, la terre est DE, son centre est F, la ligne touchante le Soleil & la terre, est GHM, le coing dict Conus, est M. Pourtant donc que GH touche le Soleil, & la terre, les angles G & H seront droictes: parquoy GC sera également distante de FH, & pource la portion de CB est semblable à la portion de HE. Si donc la portion de CB à FE est cogneuë, aussi la proportion de CG à FH sera cogneuë, & ainsi de GM à mH, & de

CM à MF. Et pource que CM est supposée estre cogneuë en la cōparaison à FH, & CG, & H angle droit est cogneu, GA & GF serōt cogneuë, & l'angle GCP sera cogneu: & pource GCB sera cogneu, aussi la portion EH semblable à GB: pour ceste cause l'excès du iour sera autre 12. heures au temps de l'equinoce: car que EN soit double pour cause de DL, l'arc LDEH sera cogneu. Donc iouxte cecy soit mise CB, ou GC, cinq serōt avec le demy, FE, & FH, c'est, & FC. 1200. & CM, 1468. parquoy GM sera des parties 1467. & minutes 59, de secōdes 23. MH donc sera des parties 267. de minutes 59. de secōdes 53. le residu dōc GH sera des parties 1199. de secōdes 53. le residu dōc GH sera des parties 1199. de minutes 59 de secōdes 30. Donc GH serōt des parties 1199. de minutes 59 de secōdes 31. de tierces 30. Poutāt le triangle CFG a vn costé, qui est CF de parties 1200. le secōd costé, qui est FG, est de parties 1199. de minutes 59. de secōdes 31. de tierces 30. Le troisieme costé qui est CG, est de parties 5. de minutes 30. Il est donc manifeste, que FC, & FG, sont presque egales: & que la proportion de l'vne & de l'autre à CG, est, comme de 218. & de deux onziemes à vn.




Qu'vn cercle donc soit mis alentour du triangle CFG, il est manifeste que le diametre FN tombera au milieu, & separera CG par parties egales en O pour cause de l'egalité de FC, & FG, Poutant le quadrat GO osté, qui est de $7^{\frac{9}{16}}$ du quadrat FC, le quadrat FO demeurera. Qui est donc le costé de ce quadrat? C'est FO, qui est des parties 1199. de minutes 59. de seconde 49. Avec ce quadrat diuisé CO, qui est, comme i'ay dict, de $7^{\frac{9}{16}}$ sortira ON, des minutes 0, de secōdes 23. parquoy toute la ligne FN est de parties 1200. des minutes 0 de secōdes 22. De toutes nous osterons ces choses pour cause de la differēce insensible, & demeurera FN des parties 1199. de minutes 59. de secōdes 37. & CG de parties 5. de minutes 30. La ligne dōc FN deduite en parties 1200. & par le nō-

bre diuisé en dix, sera faicte FC de parties 116. de minutes 59. de secondes 3. L'arc donc FC est de parties 179. de secondes 0. CD donc est de parties 0. de minutes 24. de secondes 0. Parquoy CG est de parties 0. de minutes 48. de secondes 0. Deux arcs donc DL & EH sont egaux, ou semblables à cestuy FC : car ils sont doubles à l'arc BG auquel CG est icy duple, pource qu'il est en la circonférence. Donc tout l'arc LD & EH est de parties 180. de minutes 48. de secondes 0, & pource en l'équinoce le iour est de douze heures, de minutes 3. de secondes 12. & la nuit est de 11. heures, de minutes 56. de secondes 48. Et ainsi, tousiours souz l'équinoce. Et lors l'équinoce nous sera le iour de devant que le Soleil entre au commencement du signe Aries: aussi l'endemain, & le troisieme iour, que le Soleil entre au commencement de Libra, c'est à dire, le 8. iour de Mars, & le 15. de Septembre. Ce conuiet tres-bien aux experiences. Et si la region est quelque peu esleuee, comme aux hauies môtagnes, ce iour antecede tant l'entree du Soleil au commencement d'Aries, que la raison Astronomique semble estre fausse. Aussi le iour est plus long de deux parts que la nuit, le 12. iour de Iuin. De nostre temps le premier iour de l'équinoce est du 10. iour de Mars: ce iour sera plus long que la nuit de 6. minutes.

Pourquoy la Lune seule change sa figure.

De la macule de la Lune.



Outre ces choses est adioustee la collision de la lumiere, de laquelle nous traicterons cy apres.

Pourquoy la Lune reçoit diuerses figures, & toutes les autres estoiles sont perpetuellement rondes? Change elle sa figure pource qu'elle est opaque, & espesse, & que sa lumiere propre est plus imbecille que la lumiere du Soleil, en sorte que, de la part ou elle n'est en lumiere du Soleil, elle est cachee, & telle partie semble defaillir? Aussi c'est le propre de la Lune d'auoir vne macule, dont a esté vne grande question aux anciens, plusieurs

plusieurs estimans la Lune estre participante de la nature elementaire, & pource estre maculee. Aucuns estimēt que c'est l'image de l'Océan, ou de la rotondité de la terre reluisante cōme d'un miroir. Quant à moy, si elle est vn corps eternal, ie nye que elle soit participante de mortalité. Et aucune espece ou image ne peut estre veuē de tant loing en vn miroir. Doncques ou elle mōstre la macule par la part ou elle est par voye, ainsi que aux miroirs, quand le plomb est osté, ou totalement elle est la fin de l'aspect: car quand elle est veuē en vne mesme partie, la Lune ne peut estre illec par voye, si elle n'est tournée par quelque mouuement, en sorte qu'elle retourne en vne mesme image par le mouuement contraire du petit cercle, & de l'eccentrique. Or sil est vne fin de la veuē, pourquoy n'est-il en autre part de la Lune? Ce n'est donc de merueille, si ceste doute en a fāché aucuns, & auoir estonné les autres. Si done sans petits cercles, & les eccentriques, le mouuement de la Lune, comme il plaisoit à Callippus & à Eudoxus, est parfait, la raison pourquoy la Lune est maculee, est trouuee, sçauoir est, que l'obscurité est venuē de la perspicuité. Car en la part ou la lumiere du Soleil n'est reflexe, la Lune semble estre obscure. Or la lumiere n'est reciproquee par la perspicuité: car elle passe outre. Et la varieté de densité & rarité est manifestement au Ciel, comme mesmement nous voyons au cercle blanc cōme laict, dit *Zaltesus*. Vne autre doute est de la Lune, qui est plus manifeste aux sens, pourquoy quand elle est plaine a nous, elle faict le flot de la mer plus grand, ce qu'elle faict aux Indes, quand plus elle n'apparoit. Or la cause du flot semble estre la chaleur temperée, & la propinquité de la Lune. Et la Lune est en mesme lieu en nouuelle, & en plaine Lune, sçauoir est, plus proche au Soleil: & quād elle est en quartier, elle est plus proche à la terre: & quād elle est plaine, elle est plus tēperée en noz regions, pour cause de la moindre chaleur de l'air: & aux Indes elle est plus temperée en la nouuelle Lune, pour cause de la ferueur de la region? or elle attire en haut, quand elle est haut esleuee ce qu'elle est aux plaines & nouuelles Lunes: icy a nous plus temperée en

*Pourquoy la
Lune plaine
faict le flot de
la mer plus
grand.*

plaine Lune:aux Indes en la nouvelle. Lors elle change pour la propinquité du Soleil, sa face, la lumiere, & vertu non seulement pour la cause de la lumiere: mais aussi pour cause de la propinquité aux terres. Tu diras, si la Lune change sa face par son acces au Soleil, pourquoy toutes les autres estoiles sont elles rôdes? Ce certes aduient ou pource que leur propre lumiere est fort claire, comme la lumiere du Soleil, mais plus imbecille: ou pource qu'elles sont veuës de toutes parts. Les estoiles donc, comë i'ay dict, sont grandemēt distantes de nous, ce qu'õ cognoit par raison: mais pourtāt que les sens ne cognoissent bien les distātes, pource les estoiles sont estimees petites. Et pourtant que lon cognoit la distāce des tours, & que nous scauons bien la magnitude d'icelles: entēdu aussi que leur angle est plus grad que des estoiles, nous iugēs les tours estre plus grādes que les estoiles. Pour ceste cause si d'embas nous cōtēplons les tours, ellessembleront estre plus larges que si seulement on regardoit la supreme partie, pourtāt que quād no^s voyōs le piē, nous voyons aussi la distance. Mais comment ces ciels icy sont ils ioinctz? Car si la superficie caue du Ciel superieur, & la conuexe de l'inférieur est vne, comment le Ciel superieur & inférieur pourrōt ils estre mouuees en diuerſes parties. Si ce sont deux superficies, l'indiuisible est touché de l'indiuisible. Or il est necessaire qu'elles soient deux, non toutesfois elles constituent la quantité: & ce sūffit à Aristoteles, de peur que la chose continue ne soit composee de choses non cōtinuēs. Et certes cecy est merueilleux, que les mers & les terres qui sont deuāt noz yeux nous sont cogneues par les estoiles qui sont tant loing de nous: ie laisse que les anciens ont nauigé sus la mer par la cōduicte d'icelles. Cecy est encor plus admirable, que ceux qui sont agitez de la tempeste en liēux de mer ou de terre incognus, peuuent cognoistre ou ils sont par l'aide des estoiles. Iean Baptiste de Ponte Vigo m'a interrogué de cecy. La raison est telle, quand le Ciel du Soleil est serain de iour, ou le ciel d'autre planete durante la nuit collige la hauteur avec yn astrolabe ou armillet tandis que l'estoile est veuē trāquilemēt, & par ceste hauteur collige la declinaison du lieu du

*A scauoir
si ce n'est que
vne superfici-
e des ciels
qui s'entre-
touchent.*

*Comment on
peut cognoi-
stre ou sont
les nauires
dissperſees par
la tempeste.*

Soleil, si le Soleil est depuis le commencement d'Aries iusqu'au cōmencemēt de Libra: adiouste la declinaison du lieu du Soleil, s'il est depuis le commencement de Libra iusqu'au commencement d'Aries, & ce qui est fait, retire-le de 90. & tu auras la largeur du lieu, laquelle ceux qui habitēt aux Indes n'agueres ont scēu trouuer. Mais selon la longitude avec la hauteur du Soleil ou autre estoile cogneuē, en estimant la largeur par l'astrolabe, tu trouueras l'heure du iour. Apres par vn armillet avec la lātitude du lieu tu cercheras le lieu de la Lune tel qu'il est veu, auquel tu adiousteras ou retireras autāt qu'il y a de difference par la diuersitē de l'aspect, & tu auras le vray lieu de la Lune à l'heure mesme, iouxte laquelle selō les tables d'Alfonse tu auras le lieu de la Lune, & le mouuemēt selon chacun iour present. Cōsidere donc la difference des lieux de la Lune par l'instrument & tables des choses inuentees, & avec ee diuise le mouuement du iour, de ce prouiedront les heures & les minutes de leur difference. Donques pour chacune heure prens quinze parties, pour chacune minute la quarte d'vne partie, lesquelles tu adiousteras à la distance du lieu des tables d'Alphonse par les Fortunez, si le lieu de la Lune est trouuē plus dernier que l'instrument, c'est à dire, qu'il soit plus loin des le commencement d'Aries que le lieu inuentē par les tables: ou tu diminuēras de là, ou le lieu des tables à les parties & plus de minutes que le lieu qui est trouuē par l'instrument: & ce qui est laissē ou contrainct est la longitude du lieu cogneu par les Fortunez d'Alphonse, laquelle lōgitude tu chercheras en la sphere, & rotonditē des regions avec la latitude, & tu cognoistras ou tu es, & par quels vens tu trouueras ton païs: laquelle chose quand les autheurs de l'histoire des choses d'Inde l'ignoroiet, ils delaisent les longitudes, la latitude mise. Car il est cogneu que par la declinaison du cours du Soleil, ceux qui vont aux Indes sont bien aidez, & aussi par la declinaison des estoiles, ce, dy-ie, est cogneu à ceux qui conuersent avec les Portugalois & Espagnols experts en la nauigation.

Armillæ en Latin signifie proprement vn braslelet: icy il est pris pour vn instrument, dont les Astrologues contemplēt les estoiles.

Fin du troisieme livre.

¶ ij

DE LA CLARTE
ET LUMIERE, LIVRE
QUATRIÈME.

*Tous astres
ont lumiere
& ombre.*



TOUTES les estoiles ont lumiere, mouuement & magnitude propre: & comme la moindre lumiere est cachee de la grande, ainsi l'ombre est cachee souz l'ombre. La Lune ne faict ombre le iour durant, de nuit elle en faict. Si la Lune luit, tu

*La cause de
la voye de
lact, diète
lactea.*

ne verras l'ombre des autres estoiles: quand elle est cachee, aucunesfois tu verras l'ombre exquise d'aucune, cōme i'estimoy la lumiere de venus entrant par vne fenestre, estre la lumiere, de la Lune. Toute estoile donc à sa propre lumiere, puis qu'elle à sa propre clarté: dont il aduiét que de plusieurs estoiles meslées leur lumiere, le cercle est estimé de nostre œil, blanc comme lact, dont il est diét lacteus. La substance du Ciel dense aide cecy, & la substance rare des estoiles, cōme en vne Comete qui a queüe & cheucux: car entendu que la Comete n'est iamais muee, il est manifeste qu'elle est au Ciel, non plus bas que le ciel. Mais comment les rayons passans par lieu vuide, semblent estre reflexes, veu que les rayons du Soleil ne sont soumis à la veuë en l'air? C'est vne mesme cause pourquoy la chaleur est trop plus grande, quād la reflexion des rayons est en la terre, cōme aux valees: car si le rayon penetre, il est vn seulement: s'il est reflexe, ils sont deux: quād derechef il est reflexe, trois rayōs sont en vn mesme lieu: parquoy illec est vne grande chaleur: en la voye lactee, nō deux ou trois fois, ains mille fois, sont reflexes pour la propinquité des estoiles, & pour cause de densité, entēdu aussi qu'elles sont plusieurs: il est donc necessaire qu'vne blancheur, cōme de lact, soit faicte au milieu: laquelle i'ay veu imiter auēc plusieurs chādelles, en sorte que l'experience cōsent à la raison euidente. Par mesme maniere le feu est allumé aux miroirs creux, pource que plusieurs rayons s'assem-

*Pourquoy les
rayons sem-
blent estre re-
flexes, &
augmentent
la chaleur.
Pourquoy le
feu est allumé
par miroirs
creux.*

blent en petite espace, non toutesfois en matiere blanche: car elle oste la maniere, par laquelle ils peuuent allumer: or ils le peuuent faire, pource qu'ils s'assemblent: mais la blancheur dissipe & separe. Pour ceste cause la toile blanche facilement est bruslee du feu, voire d'une estincelle, elle n'est bruslee des rayons du miroir concave. Vne mesme maniere est exactement en la sphere de crystal, & en vne phiole de verre ronde, plaine d'eau. Mais come en ces choses les rayons s'assemblent par derriere, ainsi aux miroirs concaves par deuant: toutesfois la maniere de brusler ou non brusler est pareille aux vns & aux autres. Car quand tu mettras souz vne chose blanche, le coing manifestement est dilaté, & pource il ne peut brusler. Et qu'il soit dilaté, ce est cogneu à l'œil. Mais pourquoy la lumiere assemblee, principalement du Soleil, peut elle eschauffer ces choses interieures, entendu qu'on n'estime le Soleil estre chaud? Quand à moy ie ne craindray dire le Soleil estre chault, veu que i'estime nulle autre chose estre chaude que par ce gerre de chaleur: & ce a esté monstré par cy deuant. Car la chaleur putride & la chaleur du feu n'engendre point, ains elle corrompt: la chaleur du Soleil & des estoiles engendre. La chaleur des choses inanimees est nulle actuellement, & ne peut estre cogneuë par le toucher: la chaleur du Soleil est cogneuë par le touchement. Mais la chaleur des animaux n'est telle, entendu qu'elle a besoin d'aliment la chaleur des estoiles nullement. Toutesfois si tu veux soustenir l'opinion d'Aristoteles, tu diras que l'air & l'eau quand ils s'efforcent receuoir ceste lumiere par quelque faculté naturelle, par laquelle les choses pesantes descendent, les legeres montent, sont mouuees & dissipées. Et la chaleur qui ja estoit en eux par puissance, est excitée, & est reduicte en action. L'eau qui de soy-mesme n'a de chaleur, est eschauffée de l'air: pour ceste cause la superficie est chaude seulement ou principalement. La rarité vient apres ce mouuement, la chaleur apres la rarité: comme ce fait il a esté monstré par cy deuant. Car la chaleur, le mouuement, & la rarité sont causes mutuellement à soy-mesmes par quelque circuit: car la rarité est cause de la chaleur: la chaleur

Pourquoy le feu est allumé par les spheres de crystal.

Comment le Soleil eschauffe.

La chaleur & le mouuement sont causes mutuelles de soy-mesme.

tandis qu'elle consume, est cause du mouuement, & le mouuement derechef est cause de la subtilité & rarité: car le mouuement par collisiō attenuē & rarifie. La substance rare pource qu'elles reçoit grande force du rayon, elle est chaude: & la chaleur en attirant & dissipant excite le mouuement: laquelle vicissitude & mutuel changement donne la vie aux animaux, & est tres-manifeste. Par cy deuant i'ay enſeigné le froid n'estre autre chose que ce qui n'a de chaleur & n'en reçoit: il est donc impossible que la chose rare soit fort froide: il sēble donc que le rayon ou la lumiere soit la substance de chaleur: & ce nous suffiroit qui iusqu'à present poursuiuions les causes & raisons des choses, en tant qu'elles aident à cognoistre la verité des experiences. Soit donc que tu dises les rayons du Soleil & des estoiles estre chauds de soy-mesmes, ou n'estre chauds, toutesfois qu'ils eschauffent, il nous suffira raisonnablement. Il me semble que la chaleur est la substance des estoiles: & toutesfois ceste chaleur, entendu qu'elle est inseparable de la lumiere, n'est la qualité qui est corrompue: car la chaleur qui est receuë aux elemens & choses composees n'est celeste, ains seulement l'image & espece de la celeste: pourtant comme la clarté est propre aux estoiles, ainsi la chaleur à laquelle nul froid est contraire: & le froid est la seule priuation de chaleur. Mais tu obiecteras, Si le mouuement est cause de la chaleur, pourquoy sommes nous fort chauds au liēt, & quand nous sommes en repos? Le mouuement excite la chaleur, & refrigerere quand en changement de lieu nous exposons en l'air froid. Pourtant en hyuer vn grand mouuement eschauffe, le petit refrigerere. Tu diras, Pourquoi ont froid ceux qui se reposent & ceux qui sont dedans le liēt ont chaud? Certes il semble que la plume y fait quelque chose, ou le cotton, ou la laine qui sont au liēt. Toutesfois la cause principale est pourtant que l'air qui nous touche assemblé au coutil, n'est mouué: & lors que nous reposons hors le liēt, l'air est mouué. L'homme est refrigerere par le mouuement en deux manieres, ou pource que l'air eschauffé qui nous enuironne se depart, ou pource que le mouuement, comme il est dict, refrigerere l'air.

*Pourquoy
nous sommes
chauds dedans
le liēt.*

Or ie retourne à l'histoire de la clarté & de la lumie-
 re. La lumiere donc est vne similitude & semblance de
 la clarté, qui a la substance de clarté & de chaleur tant
 annexée avec soy que ce n'est presque autre chose. Pour
 ce les estoiles tresclaires sont aussi treschaudes, comme
 le Soleil, les deux Chiennes, dictes Canis & Iupiter: la
 lumiere donc, la clarté, & la chaleur ne sont trois cho-
 ses, mais vne seule, par la comparaison des choses diuer-
 ses, ayans noms diuers, diuersé image & representatiō.
 Et la clarté d'où procede la lumiere, est vne qualité du
 troisieme gerre d'icelle: & comme en vn corps lucide
 & clair, la lumiere est faicte par la clarté, ainsi la couleur
 est faicte au corps opaque, & espes: & toutes ces choses
 produisent l'image & espece de soy mesmes: car ceux
 qui marchent par les praries, semblēt auoir la face ver-
 de. Puis donc que la couleur puissante faict ces choses
 en l'air libre, qu'est-ce qu'elle fera en l'air obscur, ou la
 clarté est vitieuse, & infectee de couleur aliene? Ainsi
 vne chandelle dedās vne lanterne par la seule caue ar-
 dante, & par le sel (mais qu'il n'y ait autre clarté) repre-
 sente la face palle, cōme d'un mort: ie l'ay experimēté:
 par mesme raison si l'huyle verte est allumee en vne lā-
 pe verte (ce qu'ils disent estre fait à vne grappe de verius
 enclose dedans l'huile, tant qu'elle se meurisse au Soleil)
 tout apparostrā estre verd. Outre plus, vne lanterne de
 verre close de toutes parts trāsferē la couleur valide, la
 lumiere allumée cōtre les matieres opposites. Les cou-
 leurs valides sont noire, verte, blanche, rouge, bleüe, ou
 celeste. Le feu peut faire cecy plus expressēmēt, & cho-
 ses trop plus grandes, comme de représenter les imagēs
 des serpens. Mais il faut que ce feu soit tel de puissance,
 & qu'il soit aidé par sa propre fumée pour représenter
 les images & especes des choses. La lumiere donc peut
 muer la couleur, la magnitude & la forme, en sorte que
 les serpens semblent estre poultres, & gros pilliers, tou-
 tesfois ils ne peuuent auoir figure aliene de leur pro-
 pre. Car comme l'on dict. Les hommes ne peuuent estre
 veuz sans testes, ou ils sont veuz avec vne teste de chiē,
 & si la lumiere cache les testes, elle cachera toutes les
 autres parties. Aussi elle ne peut muer la forme selō la

*Que c'est que
 clarté & lu-
 miere.*

*La maniere
 de représenter
 la face de
 l'homme en di-
 verses cou-
 leurs.*

nature de la lumiere, si la forme est entendue pour la figure. Or ce qui est fait par force occulte, ou du tout ne sera fait, ou fort rarement. Et les choses sensibles non seulement les propres, mais les communes semblent estre muées, & aucunes de ces choses sont plus tost, & plus facilement muées, comme la magnitude, le nôbre, le repos, le mouuement, & la figure. Car entre tous quarez, aucuns semblēt estre rons, pource qu'ils ne sont cogneus au sens, & ne s'impriment tant exactement, ne tāt vehementement dedans le sens: or la lumiere, & la chaleur sont les propres de la veüe. Mais nous parlerons des couleurs en leur lieu, maintenant le traicté est de la lumiere, & des representations. Or la lumiere, comme j'ay dict, est l'image de la clarté en vn corps lucide, & clair. Trois especes de perspicuité sont, aucune est esgale, aucune inegale, ou diuerse en ses parties, & aucune est par la seule superficie, de quelle sorte sōt les miroirs, nous appellons la derniere vne splendeur. En la perspicuité egale la lumiere procede tout droit, & en l'inegale elle est entrerompue, & est reflexe par la rarité. Iouste cecy donc il appert qu'elles sont seulement trois especes de lumiere, la droicte, la reflexe, & l'entrerompue, la droicte mōstre les choses telles qu'elles sont: l'entrerompue les monstres muées, & la reflexe les mōstre debiles, comme procedantes des miroirs. Aucunesfois ces choses sont entremeslées, comme quād la lumiere est entrerompue & reflexe par le verre espes opposite au plomb.

Trois especes de perspicuité & de lumiere.

Les bons miroirs.

Les bons miroirs donc sont d'acier, ou d'argent, non de verre ou de crystal, quoy que les hommes estiment autrement. Mais pourtant que ceux qui sont de metal, facilement sont vitiez, pource on a estimé ceux de verre estre les meilleurs. Ceux donc de metal sont les plus exquis, ceux de verre durent le plus long temps, s'ils ne sont cassez: & telle splendeur legere n'est tantost esteinte au verre, car elle ne tient tant facilemēt en la matiere seche. La cause pourquoy la splendeur tiēt, c'est l'humidité, en l'humidité est le lien des choses adherātes & qui tiennent. Mais les miroirs qui donnent reflexion, sont viciez par la figure, & ceux aussi ausquels la lumiere est entrerompue. Pourtant les miroirs creux & con-

uevez, ou gibcus, & ceux qui ne sont rons, rendent les images fausses. De ce la cause est colligée, pourquoy les images sont rendues non tant de la terre, & matiere solide, que des murs, ne tant des murs, que des miroirs. Car la lumiere ne procedé de la clarté, sinon en matiere perspicue & lucide, & les choses qui ne sont nitides, ne sont perspicues ne lucides: pource la lumiere perit: car toute chose solide, qui est perspicue, est nitide: & tout chose nitide est perspicue. Pour ceste cause mesmement les effigies & images reluisent & apparoissent dedans l'eau: pourtant Virgile dict,

Certainement ie ne suis despourueu

Tant de beauté: n'agueres me suis veu

Au bord de l'eau la mer tranquille estant:

Ie ne craindray (iuge à ce te mettant)

Qu'au beau Daphnis pour beauté face hommage,

Si dans les eaux ne deçoit point image.

Les rayons semblent à tous estre reflexes, pour ce qu'aucune splendeur est en tous corps solide. Mais ce peut estre merueilleux, pourquoy la chaleur, & les rayons passent plustost par les matieres solides, espesses & perspicues, que par les opaques, tenues, & plus rares: car les choses perspicues ne sont pleines de meates, & petis pertuis, pource que l'air est continu: & au verre & au crystal, tels pertuis ne peuaēt estre droicts, pource que l'air ne pourroit confister: & les rayons sont droicts. L'eau iaçoit qu'elle soit perspicue & lucide, toutesfois elle ne admet des pertuis. Tout ce donc qui reçoit l'image de clarté, mais qu'il ne soit feculent & plein d'ordure, ains qu'il soit clair, il est dict perspicu & lucide. Car la lumiere n'est vn corps, mais c'est l'image de clarté, qui ne requiert auoir des pertuis, comme la chaleur aussi ne le requiert: toutesfois la chaleur est plus participante du corps. Puis donc que les rayons sont receuz en matiere solide, la chaleur pareillement y est receüe. Com-

Pourquoy la lumiere est seulement reflexe des choses resplendissantes.

Pourquoy aucunes choses solides sont nitides.

A scauoir si les estoiles, sont solides.

ment, par lequel elles sont mouuées? Or il faut, comme aux corps des animaux, que l'ame mouue de son bō gré, & promptement: mais telle alacrité & prōptitude nous defaut, pource qu'en nous seulement est la force qui est esparée par le cœur, là où l'ame habite: au Ciel, entendu que l'ame y est par tout, la promptitude y est sempiternelle: & pource l'ame n'est illec fatigée ne vexée, pourtant qu'elle n'a besoing d'aucune ayde corporelle: ne le cuer aussi, pource que l'ame est en luy: toutesfois il a quelque espeece de fatigation. Et pourtant que le Ciel n'a iamais de repos, & que par tout il a son ame presente, il ne peut iamais estre fatigé. Mais la question n'est tant claire & facile du cerele de la Lune, pource qu'il rault avecq' soy l'air pur, dict Ether, car il deuroit estre fatigé, toutesfois c'est le meilleur de dire, que tout l'air pur, dict Ether, a de soy-mesme, que chacune partie de luy est mouuée çà & là, de l'Orient en l'Occident, & que quand chacune partie sera expulsée hors de son lieu, retourne de soy-mesme en ce lieu. Et ceste question faict pour moy, qui ay estimé que le mōde aura fin, & qu'il a eu commencement. Ou peult estre nous dirōs que comme l'eau est mouuée au mouuement de la Lune, ainsi l'air pur, dict Ether, est mouué de soy-mesme, au mouuement du premier Ciel, nō par la nature de l'element, mais par l'obcissance aux choses superieures: ou pource qu'à la conseruatiō du mouuement cecy suffit sans aucun effort, & le commencement n'en seroit faict sans labour. Mais entendu que ce mouuement est perpetuel, il n'a eu de commencement.


Or c'est assez parlé de ces choses: retournons à l'histoire de la clarté & de la lumiere: ou non sans cause aucun d'aenture demandera, pour quoy deuāt le leuer & apres le coucher du Soleil l'air reluit, & est plus clair? lequel tēps est appellé vulgairement entre chiē & loup, dict en Latin *crepusculum*. Et le vespere principalement retient le nom d'entre chien & loup, dict *crepusculum*: & le matin a le nom du poinct du iour, ou de l'aube du iour, dict *aurora*, duquel temps Virgile faict mentiō en ses douze experiences, desquelles la premiere suffit.

Comment
l'air pur, dict
ether, est mou
ué.

L'aube du iour de ianne habit ornée,
 Qui de la Mer s'estoit ia destournee,
 Par deux cheuaux portée rouge estoit:
 Profondé reluisant e espartoit,
 Et ia mettoit sus le Pol en auant
 Belle clarté, le Soleil se leuant.

Donc les rayons du Soleil, quand ils sont empeschez de la terre, n'apportent aucune clarté, s'ils ne sont reflexes de quelque lieu.

Quand donc le minuit est, le Ciel du Soleil soit A B F, le Soleil soit A B, la terre soit CD: les lignes ACE foient tirées contingentes: & BDE foient concurrentes en E, tout ce qui est contenu souz le Ciel A B F, & dessus aussi, est enluminé par la lumiere du Soleil, excepté le triangle C D E, & toutesfois les parties F & G ne sont veües claires, pourtant que les rayons du Soleil penetrent, & ne sont reflexes. Et le Soleil ne peut faire le crepuscule, ou le point du iour par sa grãeur, pource que lors les rayons seroient veuz, & verrions le Soleil mesme, aussi pource, cõme i'ay demonstré, que les lignes C E, & D E seroient rendües equidistantes




pour caute de la grande hauteur. Dõc le crepuscule est fait, pource que la partie qui est cõtenuë sus la terre souz le point E, c'est à dire, sous l'ombre de la terre condëfée par les vapeurs reçoit les rayons du Soleil, & les reiette vers nous. Obser-

Quelle hauteur montent les vapeurs.

uons donc le Soleil estât souz le cercle equinoctial, qui commence le crepuscule de 19. parties deuant son leuer, qui est presque vne heure, & vn quart deuant le Soleil leué: il est manifeste, que lors premierement le rayon du Soleil qui enlumine l'air, touche la terre: car si ne la touchoit, le rayon contingent du supresme lieu des vapeurs, mené par la terre, parviendroit iusqu'au lieu qui est plus bas que le premier,

& ainsi le crepuscule commēceroit plustost qu'il n'a esté dit. Cecy donc posé, qu'un cercle representant la terre soit constitué, duquel le centre soit C, la ligne cōtingente soit A D, la suprefine partie des vapeurs soit E, le lieu des rayons du Soleil soit F, & là où il separe A D, qu'il mette illec G: pourtant donc que la distance du Soleil



est tresgrande à la comparaison de la terre, l'angle F G D est, commes'il estoit en C le centre de la terre: parquoy il est de dixhuit parties, & pource E G A est comme au cētre du cercle: mais A & B sont droits. Puis donc que E est commun aux deux triangles C B E, & A E G, ils seront entre eux semblables: & ainsi la raison des costez sera

cogneuë: mais B C est de mille pas, cōme il est dit, & de 5000. A E donc est de 288000. pas, & les vapeurs montent iusqu'à tant grande hauteur.

Tu vois où paruient la subtilité de l'entendement humain. Je ne doute que Vitellio n'ait failly, qui a dit que les vapeurs montent seulement iusqu'à 52000. pas, veu qu'elles montent cinq fois plus qu'il n'a dit: & neantmoins qu'il abrege le circuit de la terre, & que pource il faict les pas quelque peu plus grands, il ne peut toutefois deduire la terre iusqu'à la quarte partie de la hauteur deüë. Et si le crepuscule (afin qu'il soit deduit iusques au plus haut) est faict par deux heures deuant le iour, l'angle C sera en la circunference, qui est egal à G de 60. parties, & à E de 120 parquoy la ligne A E, qui est la hauteur des vapeurs sera de pas 1772. &c. c'est le plus haut espace où les vapeurs puissent monter de la terre. Donc l'arc du Ciel, dit Iris, les lignes dictes verges, en Latin *virga*, les flambeaux, les ouuertures de l'air, en Latin *hiatus*, ne peuuent estre engendrez plus haut, ny aussi les Soleils tripliques, ne les doubles lunes, & trop moins les pluyes, les gresles, neiges, bruines, & toutes choses

qui ont leur origine des vapeurs. Il faut estimer ce pendant que ceste hauteur est en diuers lieux, qui toutesfois n'excede le nombre determiné des pas. Posons donc le cas, nous Milannois qui sommes loing du cercle de Capricornus par l'espace des gardes & parties presque 68. que l'œil soit B, & le poinct qui est veu souz le cercle de Capricornus soit E: il est donc manifeste que la proportion de CE à CB est presque comme de huit à 3. Veudonc que CA est egal à CB, la proportion de CE à CA sera comme de 8 à 3. pourquoy la proportion de A C à A E sera comme de cinq à trois, ainsi A E est de 8333. pas, dont ie ne me s'oucie. Il est donc assez appert que le lieu qui est veu des habitans de Milan souz le cercle d'hyuer ou de Capricornus, est distant de la terre dix fois plus que la hauteur des vapeurs n'atteint. Or nous voyons les Comettes illec plus haut que le lieu des vapeurs: elles ne sont donc engendrees des vapeurs, ny aussi en haut en l'air pur, dict Ether, entendu que là n'est aucune matiere qui puisse estre allumee. Et si tu dis que l'humeur rauy est attiré iusques là par la vertu des estoilles, quoy que ce lieu soit plus haut que le lieu commun des vapeurs: certes premierement cecy empesche que plusieurs Comettes regnent plus de deux mois, aucunes aussi se finissent le troisieme mois, & que toute la machine de la terre ne suffiroit à telle conflagration. Car cy dessus il a esté monstré que iamais le feu n'est en vne mesme matiere, mais perpetuellement il en requiert vne nouvelle. Et ceste Comette, entendu que souuent est vne queue, & qu'elle est en l'air pur, dict Ether, il aduient qu'elle n'est moindre que la Lune. Or que tant de matiere soit bruslee, & qu'elle dure trois mois, il est impossible. Outre plus, aucunes Comettes seroient plus basses, qui seroient cachees deuant Soleil couchant, ou elles seroient immobiles, desquelles choses on n'en a rien veu encor. Outre cecy plusieurs choses sont qui montrent l'absurdité de ceste opinion, que ie laisse, comme cela d'Albumasar, qu'une Comette est plus haute que Venus, & Venus est trop plus haute que la Lune. Toutesfois il est facile de cognoistre si la Comette est en la region des Elemens, ou si elle est engendree au Ciel. Car si elle

*Les Comettes
ne sont engē-
drees en la re-
gion des Ele-
mens.*

*Trois choses
communes à
toutes Comètes.*

a plus grande diuersité que la Lune, il est necessaire que elle soit en la region des elemens : si elle a moins de diuersité, sans doute elle sera faicte au Ciel. Tu vois que par petits artifices la subtilité humaine procedé à descouuir les secrets du Ciel. Ces choses sont communes à toutes Comettes, qu'elles soient mouuees de trois mouuemens : par le premier d'Orient en Occident par vingt quatre heures, comme toutes les estoilles : par le second d'Occident en Orient, vn peu plus ou moins qu'vne partie du Ciel, presque à la similitude de Venus. Car vne Comette de l'an mil cinq cens trente-deux estant apparue le vingtdeuxiesme iour de Septēbre, & finie le troisiēme iour de Decēbre, proceda en 71. iour de la quinte partie de Virgo en la huitiesme partie de Scorpius, dont il est adueni qu'elle a procedé seulement de soixāte & trois parties de Zodiaque, selon la longitude en 71. iours, sçauoir est, moins d'vne partie tous les iours. Donc il est patent que la Comette ne peut estre souz la Lune : car ainsi elle seroit mouuee plus legerement que la Lune par le mouuement du premier Ciel. Et il est manifeste que la Lune en 24. heures retrocede de treze parties iouxte l'esgard du premier mouuēmt. Plinc estime qu'vne Comette n'apparoist plus de 80. iours, & ne se cache plustost que le 7. iour. Par semblable raison Hieronymus Fracastorius, autheur du premier exēple, recite en son liure des Homocētriques, que le 8. iour de Septēbre de l'an 1531. vne Comete auoit esté vn peu plus Oriētale que le Soleil, c'est à dire iouxte la 24. partie de Virgo : & iouxte le cōmencement d'Octobre, quand Iupiter estoit en la tierce partie de Scorpius, elle a esté proche d'iceluy. On lit en son liure 13. partie, qu'il ne peut estre qu'en 18. iours, & trop moins deuant, Iupiter soit parueni là, sçauoir est, à la 13. partie de Scorpius : ce sont donc en vn mois (car il a esté negligēt en exposant) enuiron 40. parties. La Comete estoit superieure en longitude, c'est à dire, procedee depuis 22. parties de Virgo iusqu'à la seconde ou tierce partie de Scorpius, lequel mouuement est peu different du mouuement de Venus ou de Mercure. Le troisiēme mouuement est tresgrand selon la latitude, en sorte que si Fracastorius n'est deceu,

*Combien vne
Comete dure.*

vn est tantost mouuë d'vne celerité incredible vers Septentrion, tantost l'autre vers le Midy: lesquels mouuemens sont faits, quand les Cometes sont iouxte vn chaque pol: car lors vne petite varieté du lieu confere au Zodiaque, grandement change la latitude. La seconde chose est commune aux Cometes, que la queue exactement regarde la partie opposite au Soleil: & quand le Soleil se couche, la Comete a droitemēt la queue vers Orient, comme nous pouuōs voir tous les iours en l'obscure partie de la Lune. La troisiēme chose commune est que la Comete souuent accompagne le Soleil, seulement apparoissant aux crepuscules, non tousiours toutesfois. Donc il aduient que claiemēt il appert, Comete estre vn globe constitué au Ciel, laquelle enluminee du Soleil, est veue: & quand les rayons passent outre, ils formēt l'effigie d'vne barbe ou d'vne queue. La Comete donc peut estre faicte au ciel: si illec est sa generation: si elle n'est admise au ciel, il faut dire (ce qui est le plus vray) que le ciel est plein de plusieurs estoilles, mais non beaucoup espesses: & quand l'air est sec & attenué, ou aussi de quelques autres causes, elle se represente à noz yeux. Et mesmement aucunesfois Venus est veue en plein iour, laquelle n'est engendree de nouveau, comme il est manifeste. De ce il aduient que quand l'air est sec,

*La definition
de Comete.*

les mers soient moult agitees de tempestes, & que les grands soufflemens des vents souuent succedent, & que les Princes & seigneurs qui sont secs par soyn, vigiles, viandes odoriferees, & de puissant vin, meurent. Pour ceste cause aussi aduient la diminution des eaux, la mort des poissons les sterilitez, la mutation des loix, & les seditions: aussi pour ceste cause les Royaumes sont subuertis: lesquelles choses toutes sont faictes, comme i'ay dit, par grande tenuité, & secheté, en sorte que la Comete en peut estre le signe, & indice, non pas la cause.

*Les prodiges
des Cometes.*

La doute est moindre de l'arc celeste, dit *Iris*, pourtant qu'il est plus frequent, qu'il est manifeste estre engédre en la region des vapeurs. Car comme la goutte d'eau, quand on la voit au Soleil, represente plusieurs couleurs splendides, ainsi l'arc est fait de la nuee espesse, arroulee, & pleine de gouttes. Car toute chose obscure est quasi

*Comme sont
causees les
couleurs de
l'arc celeste
dit Iris.*

Pourquoy l'ombre semble estre noire.

comme noire. Les ombres le demostrent, qui pour cause de leur obscurité semblent estre noire. Et quand vne chose obscure est enluminee, si elle est polie, elle passe en couleurs selon la multitude de la clarté. Or la nuee est obscure, & les gouttes d'eau sont polies, pour ceste cause elles representent les couleurs selon la varieté de la clarté. Et entendu que le cercle interieur de l'arc est le plus proche à l'obscurité, il semble estre bleu le cercle du milieu, qui est le plus lumineux, semble estre verd: le cercle exterior, qui est le plus grand, & enluminé de plus grande clarté, est iaune. La rouge couleur n'est la principale: & pourtant que par varieté de la lumiere vn passément se faiët d'une couleur en autre, quand les fins s'assemblent, il est necessaire qu'aucunes couleurs apparissent petitement au milieu, comme mesmement aux peintures. Or le centre du Soleil, de l'œil, & de l'arc celeste sont en vne ligne. Car ainsi les rayons droits sont reiettez en vne nuee caue: & combien que la nuee ne soit ronde, toutesfois les rayons seuls, qui sont reiettez de la part ronde, pource que seuls ils sont perpendiculaires & droits, ils referent l'image du Soleil: laquelle pource qu'elle est debile, & est debilement reflexe, elle represente l'espèce des couleurs: car quand la clarté est rendue debile, elle passe en couleur splendide: & si elle est debilitée d'avantage, elle est muee en couleurs les plus proches au noir: & encore plus est debilitée, elle parvient aux couleurs sans clarté: finalement, quand il n'y a guere de clarté, elle deuiënt noire: & en fin dernière, quand la clarté defaut, elle passe en tenebres. Quand donc les rayons sont reflexes de la seule partie ronde, & concaue, quoy que la nuee ne soit caue, & deuant sont plusieurs gouttes d'eau, tout le reste de la nuee est veu, mais la reflexion perpendiculaire est faiëte de toute la partie ronde & concaue, qui represente le Soleil non autrement que tu verras par les gouttes d'eau, diuerfes couleurs & splendides.

Pourquoy l'arc semble estre vn demi-cercle.

Quand donc le Soleil est presque hors de nostre veuë au lieu dict en Latin *finitor*, c'est à dire, en la fin du hemisphere, & l'œil, comme j'ay dit, est en droicte ligne avec le centre de l'arc, le centre de l'arc necessairement sera

fera au finiteur, parquoy lors exactement l'arc apparoi-
 stra en forme de demicerle : car l'autre medieté neces-
 sairement sera souz le finiteur, si le centre de l'arc est en
 luy, & si le Soleil est haut, la ligne conduite du Soleil par
 l'œil, sera plus basse : aussi sera le centre de l'arc, qui est
 en ceste ligne. Tant plus donc le centre de l'arc sera
 souz le finiteur, ou hemisphere, tât plus grande portion
 du demicerle superieur sera absçosé de noz yeux : par-
 quoy tât plus le Soleil est haut, il est necessaire que l'arc
 soit autant moindre portion d'un cercle. Il est donc ma-
 nifeste par ces choses que la portion moyenne de l'arc
 est sans nuee, & que l'arc n'est rien, pource qu'il est ca-
 ché souz terre : car les rayons ne sont reflexes du centre
 nebuleux, mais le centre seul consiste par imagination.
 Aussi il n'y a doute qu'un arc peut estre veu. Car quand
 l'œil est en la ligne qui procede du Soleil au centre de
 la nuee, nul autre arc peut estre veu, s'il n'a un mesme
 centre. Or il est souz un mesme centre, car la reflexion
 ne peut estre faicte du Soleil, & l'œil à la proportion du
 centre de la cavitè, non pource qu'il soit centre, mais
 pource que de deux poinçts en vne mesme ligne, qui est
 du centre, deux lignes ne peuuent estre reiectees vers
 mesmes poinçts souz angles egaux. Il est donc conclu
 qu'un arc soit reflexe du premier : parquoy il est neces-
 saire que le second soit plus grand que le premier, &
 trop plus debile : ainsi il est impossible que le troisieme
 soit faict du second. Pource donc que le second prend
 son origine du premier reflexe, il est necessaire que les
 lignes ou rayons interieurs du premier cercle de l'arc,
 entendu qu'ils font un angle plus grand, resultent plus
 loing, & les exterieurs plus pres : par ce le cercle inte-
 rieur du second arc sera bleu, celuy du milieu sera verd,
 comme l'exterieur du premier est iaune, par raison exa-
 ctement contraire à la premiere.

L'estime aussi qu'il est cognu par ces choses, que quād
 le Soleil est au Midy, il a grande hauteur aupres du sol-
 stice estiu de demicerle : dont il aduient que le centre
 de l'arc est souz le finiteur de la veuè au semidiametre
 de tout le cercle d'iceluy, parquoy l'arc ne sera veu :
 mais quand il est aupres de l'equinoce d'Autonne, il se-

quand le So-
 leil est pres-
 que hors de
 nostre veue.

Pourquoy
 l'arc semble
 plus petit
 quand le So-
 leil est haut.

Deux arcs
 seulement peu-
 uent estre veus
 ensemble.

L'ordre des
 couleurs du
 second arc.

Pourquoy
 l'arc n'est fait
 quand le So-
 leil est au
 Midy.

ra veu tout l'Hyuer, & apres l'equinoce du Printemps: & tant plus petit l'arc sera veu, d'autant qu'il approchera du solstice d'Esté, & du Midy. Mais pourquoy quand l'arc est petit, & est peu esleué du finiteur, semble-il estre vne portion du cercle d'autant plus grand? La cause est que l'œil iuge l'arc estre plus loing, d'autant qu'il est plus bas, car il entend la distance en la sorte que nous auons dit aux estoilles. Mais quand l'œil iuge que l'arc est plus distant, il l'estime aussi estre plus large, ainsi que i'ay dit du Soleil & de la Lune, quand ils se leuent: or le plus grand angle du cercle monstre qu'il est plus grand, ce que chacun facilement entend quād il décrit le cercle plus petit avec le plus grand, en sorte qu'ils s'entre-touchent: car il appert que le plus grand est le plus large en la ligne qui l'environne: pour ceste cause la portion de l'arc semble estre la portion du plus grand cercle. Et non seulement l'arc celeste est faict des nues, mais aussi des auirons agitez en la mer, par la reflexion de la clarté, & des gouttes d'eau: & en Hyuer quand le vêt de Midy souffie alentour des lâternes, & apparoit principalement à ceux qui ont les yeux humides: il est faict aussi des gouttes d'eau aspersees sus vne muraille, quād elles sont illustrees du Soleil, & en l'œil obscur regardant directement: car de toutes choses est vne cause, comme Aristoteles le dit bien.

De la couronne, pareles & verges.

Or les lignes dictes *parelæ*, les verges dictes en Latin *virgæ*, & la couronne, que nous voyons alentour du Soleil, on l'appelle en Grec Halos, en Latin *area*, toutes ont la mesme cause de couleur, que nous auons dict: toutesfois les pareles sont faictes seulement de la reflexion à l'œil, sans aucune representation aux nues: & pource lors la nue ne consiste que de petites gouttes. L'arc d'oc & les pareles souuēt signifient douces pluyes, pourtant que les petites gouttes sont de l'eau, & sont diuisees, & le rayon du Soleil penetre. La couronne à la substance, qui est faicte par la reflexion du Soleil, ou de la Lune, ou d'autre estoille, quasi comme du centre par la nue dense en circuit, & ronde de figure. Pourtant l'œil ne la feint point, comme l'arc, & les pareles, mais il les voit faictes, & qui consistent aux nues. Comme, com-

bien que tu exposes au Soleil le crystal, ou verre, vn tri-
 angle, ou poudre de bois, tu verras en la paroy aduerse les
 couleurs de l'arc non feins, ains vrayes: & semblablement
 on les peut voir souz vn vaisseau de verre plein d'eau
 exposé au Soleil, ou en lumiere claire. Toutesfois les
 couleurs seront feins, si tu as esgard au crystal, & au ver-
 re: car telles que tu vois les couleurs, & là où tu les vois
 le Soleil présent, ton compagnon ne les verra totale-
 ment: ou il les verra différentes, ou non en mesme lieu,
 pource qu'elles ne sont vrayes couleurs, mais seulement
 elles procedent par le moyen du regard de l'œil. Dont
 il aduient que ie m'esmerueille de ceux qui afferment,
 que l'arc au lieu où il s'est assis, rend les plantes odoran-
 tes, principalement si naturellement elles sont enclines
 à sentir bon, comme le laurier, le geneure, le myrre: ie
 croy que c'est plustost la cause que i'ay dicté, pourquoy
 la bonne terre apres les secheresses, sent bon quand la
 pluye suruient. Car qui est: ce qui a veu l'arc celeste estre
 assis sus vn arbre? entendu, comme i'ay dit, qu'il consiste
 par l'imagination de la veue: Il faut donc dire avec Ari-
 stoteles, que quand l'arc apparoist avec petites gouttes,
 la nue est basse, laquelle suruenant apres grandes se-
 cheresses aux arbres ia naturellement odoriferes, la pe-
 tite humidité des guttules ia cuitte, elle se conuertit in-
 sensiblement en vapeurs odorantes: & l'ay veu quelque-
 fois au matin en Esté à vn rosier ia presque seché: & tant
 grand' odeur sortoit de la rosee alentour de l'arc, qu'à
 peine i'ose faire comparaison d'autre odeur avec ceste
 là. Pour ceste cause ceux la qui ont veu l'arc, & ignorent
 la nature d'iceluy, referent la cause de l'odeur à iceluy.
 Mais la couronne, & les verges où elles demeurent long
 temps sans estre deboutees, & predisent les nues plu-
 nieuses, car la nuee est espesse, qui demeure tant long
 temps sans estre mouuee, & n'est consumée, ne dissipée
 par les rayons des estoilles: & si vne portion demeure,
 si vne partie est tost dissipée, ou elle est toute dissipée,
 elle predist les vents de la part qui droitement est sus
 la partie ostee, que le vent soit quasi la corde du reste de
 l'arc, de la couronne, ou equidistant à la partie supreme,

*Comme l'arc
 fait sentir
 les arbres.*


*Ce que predi-
 sent la cour-
 ne, & les
 verges.*

ou au costé de la part ostée de la verge: mais si elles s'est-
 uanouyissent petit à petit, elles donnent l'indice de la te-
 nuité des vapeurs, & certes aussi de la serenité. Les pare-
 les, & les verges differēt entre elles, quoy qu'elles soient
 droictes (car entre l'arc & la couronne, entendu que la
 couronne est vn cercle complet, la difference n'est in-
 cognue) pource que les verges sont treslongues, & di-
 stinctes des couleurs de l'arc, aucunesfois d'vne cou-
 leur, souuent de deux, ou de plus, aucunesfois elles sont
 au coupeau des nuees, comme dessus la teste, aucunes-
 fois descendantes iouxte la situation des nuees, non
 grandement larges, ains estroictes, dont elles ont pris
 leur appellation. Mais les pareles quasi rondes ou peu
 lōgues, monstrēt le Soleil, ou la Lune, doubles: aucunes-
 fois assemblément elles sont de chacun costé du Soleil,
 ainsi elles referēt trois Soleils, comme i'ay veu vne fois:
 & ne cognoissoit assez, ne discernoy de l'œil, lequel des
 trois estoit le vray Soleil, tant reluisoient par les rayons
 ceux qui estoient aux costez. Lors aussi vn arc, & vne
 couronne estoient au milieu du Ciel, chose de merueille,
 neantmoins qu'aucun des Soleils ne fust illec, ains
 tous estoient en Orient: & telles choses n'aduient,
 sinon quand le Soleil est en Occident, ou en Orient,
 lors que la nuee caue, & dense reçoit les rayons, & les
 remet & reiette. Quand donc elles sont trois Lunes, la
 vraye est au milieu. Rarement la duplication de la Lu-
 ne aduient, tresrarement la triplification, ce qu'il n'ad-
 uient, si la Lune, comme i'ay dit, n'est en Orient ou Oc-
 cident, pour la cause dicte de l'arc: & sinon presque en
 pleine Lune, entendu qu'elle est imbecile en autre tēps:
 aussi elle requiert l'air pur, & la nuee trespesse. Mais
 quand la Lune doit estre triple, il est certain qu'il faut
 que deux telles nuees soient constituees en lieu oppor-
 tun. La duple parele du Soleil est plus frequente que la
 simple de la Lune. La simple parele du Soleil est frequē-
 te, veuē presque à tous matelos avec grand peril. Il ad-
 uient à la rarité des pareles de la Lune, que les hommes
 ne veillent grandement de nuict, & demeurent en lieu
 apres, & à descouuert, cōme de iour: aussi que plusieurs

pareles sont faictes, qui ne sont veues. Mais par l'image & representation du Soleil il est impossible que toutes soient cachees, tât d'hommes estans en lieu descouuert. Et comme ie pense, c'est la mesme cause, que peu d'arcs celestes de la Lune sont veus. Car ces arcs de nuict premierement peuent estre veus quand la Lune presque pleine de lumiere est proche du finiteur, non beaucoup alentour du cercle equinoctial. Ils disent qu'en Germanie vn arc de la Lune a esté veu deux fois en cent ans, & illec est plus frequemment veu qu'aux autres lieux, pour la hauteur & eleuation du pol, & désiré des nuées. L'arc de la Lune est plus blanc que l'arc du Soleil, en forte que pour la couleur bleuë, la verdure obscure apert, pour la verde couleur, la iaune, pour la iaune, la blanche est mise. Pour ces raisons il est manifeste, veu que le Soleil ou la Lune ne sont iamais mouuee derriere nostre teste vers Septentrion, & que le centre de l'arc est en la ligne procedante du Soleil vers l'œil, l'arc pouuoit estre veu seulement en Orient, Occident, ou Septentrion, & iamais au Midy, sinon entant qu'il aduient par la diuersité du Soleil & du finiteur, qu'en Esté les parois sont enluminees au matin par les premiers rayōs du Soleil. Car quand en Esté le Soleil est leuë, lors que le cercle de Cácer diuise le finiteur, la raison de la sphere enseigne que quand nous regardons vers le Midy, le Soleil nous donne les ombres tant obliques, qu'elles semblent tendre vers le Midy. Vne melme raison est valide quand il se couche: car l'arc du coupeau quand il descend vers le centre de la terre, & que le Soleil est mouué alentour du centre de la terre au cercle de Cancer, il est necessaire que tant plus le Soleil est proche au finiteur, tant plus il nous semble estre Septentrional, entendu qu'il est vraiment Septentrional par la comparaison de la basse partie de la ligne, qui tend vers le dessus de nostre teste.

*Pourquoy
peu d'arcs de
la Lune sont
veus.*

Comme lon
cognoist la dis-
tance de l'arc
estre loing de
nous.



Or apprenons à mesurer de noz piez la distance de l'arc veu de nous. Le demicercle passant par le Soleil, par noz yeux, & par dessus de nous, par le centre de l'arc, & par le coupeau d'iceluy, soit AB : & le centre du monde soit C : & le cêtre de l'arc soit D . duquel le semidiamètre soit EF : la basse medieté de l'arc apparent EG : le Soleil soit K : pourtât donc que l'arc KA est cognu, l'angle sera en C , comme si le poinct C estoit le cêtre du monde, cognu pour la distance: parquoy l'angle DCF , & F est droit: le triangle donc CFD , est cognu par la table faicte de corde, & de l'arc. Nous tirerons donc CEH , & l'arc sera BH incontinent cognu par la sphere platte: car l'operation de cest instrument est la principale, & la plus facile, qui s'offre incontinent à nous. L'angle donc BCH est cognu: & par mesme maniere l'angle droit CFE : le triangle donc CFE , & la proportion des cinq lignes CD , CE , CF , DE , FE , & quante est la portion du demicercle EG , par la table faicte de corde, & de l'arc: car la ligne DE posée, tu multiplieras par soixante la ligne FG , laquelle ie mōstreray cy apres: & l'arc est pourtant directement à ceste corde. Ainsi tu as ia la quantité de l'arc, quoy que tu ne vois point le bas d'iceluy, c'est le poinct G : car difficilement tu peux estre certain du poinct G , s'il est le bas de l'arc, à cause de l'inequalité des lieux. Apres ie procede à L , & ie voy la hauteur de BM par le poinct E : l'angle donc MEH est cognu: car comme il a esté déclaré, les vapeurs montent peu haut, & trop moins les neees: comme Albertus Magnus l'estime, elles ne montent haut plus de quinze stades: c'est donc comme si l'angle HCM estoit au centre de la terre: & pource CEL , & LCE sont cognus: CLE donc & tout le triangle CEL est cogneu par la mesme table: & pource que l'angle FEC a esté cogneu, & LEC , l'angle

FL sera cogneu: parquoy F estant droit, le triangle
 FEL sera cogneu: parquoy la proportion de FL à LE
 sera cogneuë, & ja la proportion de LE à LC a esté co-
 gneuë par le triangle ELC : la proportion donc de FL à
 LC est cogneuë: or la mesure de LC est cogneuë, car c'est
 ton procedemët: FL donc est cogneu, & FC composée
 d'icelles: mais FG est cogneuë, pource que EF & ED ont
 esté cogneuës: pourtât donc quâd tu produiras ensen-
 ble EF de FD & DF , & tu auras pris le costé carré de la
 production, tu auras CF de la demonstracion du 8, 6. 31.
 & 3. liure des elemës d'Euclides. La ligne donc CF pro-
 duiſte en soy, & FG en soy, le costé de l'agregation est
 la ligne CG par la distance faicte du lieu de l'arc, ou il
 touche la terre. Et il est manifeste que si quelqu'un mō-
 te sur vne treshaute montagne, qu'il verra vn arc plus
 grand que le demy cercle, & le verra tant plus grand,
 que la montagne sera haute: car l'espace qu'il a deuant
 les yeux, à quelque proportion de vacuité. Et ne fault
 ignorer que le plus grand arc n'est esleuë sus le finiteur
 en nos regions plus de 42. parties. Or le plus grand arc
 est faict, quand le Soleil est en Occidët, ou en Orient, &
 que la ligne CF sera tres-longue. Il est manifeste donc
 que l'on peut ſçauoir cōbien est grâde la distâce de l'arc
 à no°, en supposant la magnitude d'icelle: aussi on peut
 ſçauoir la magnitude par la mesme distâce, se lō qu'il est
 desiny, la comparaisō de la ligne FG faicte à CG ja co-
 gneuë. Or maintenant par la reflexion il appert que si
 vn miroir est mis sous l'eau, l'espece du Soleil sera re-
 flexe par l'eau, qui representera le Soleil, & vne autre
 image, qui est angustiee & contrainte par la superficie
 de l'eau, à cause de la densité du milieu, sera reflexee par
 le miroir, & referera l'image d'vne petite estoile, & au-
 cuns estiment que c'est vne estoile qui est aupres du
 Soleil, laquelle est descouuerte & veuë par tel artifice,
 entendu qu'il est assez patent que c'est l'image du So-
 leil: mais qui est reflexe par l'eau dedans le miroir, la-
 quelle plusieurs aux eclipſes de Soleil coustumieremët
 la voyent en vn miroir, quand ils veulent regarder l'e-
 clypſe. Mais pourquoy quand le Soleil est en eclipſe,

*Combië l'arc
 est esleuë sus
 le finiteur.*

*Vne estoile
 veuë en l'eau
 par vn mi-
 roir.*

*Comment le
Soleil repre-
sente vne nau-
ire.*

*Comment les
rayons font
vne figure
ronde.*

son image portee par vn trou angulaire, refere la forme d'vn nauire? Maintenant il me conuient expliquer vne merueilleuse maniere de rayons: mais petit à petit, pour cause de la difficulté: car premierement pourquoy les rayōs passans par vne fendace angulaire monstrēt en vn subiect plat vne figure ronde, non droite, & d'autāt plus ronde que la plaine est loin de la fendace, il faut le mōstrer & enseigner. Mes causes de cecy sont deux, qui sōt dictes cy dessus. Car les lignes qui premieremēt estoiet conioinctes, tant plus loing elles procedent, tant plus elles approchent vne equidistance de nature, dont il aduient que s'ellongnans de la nature des angles, elles accedent plus à la nature ronde. Ia donc i'ay monstrē cecy en la figure superieure & ce d'auantage, pource que les rayōs procedēt de tout le Soleil, nō d'vn seul point, La seconde cause est, que tant plus la figure s'elongne, tant plus elle est augmētee: mais l'œil laisse la partie de l'obiet, qui est plus debile que la plus petite partie de la chose que l'œil peut voir, cōme nous auōs supposé dès le cōmencement. Quand la part de la figure la plus rōde & ample rend les angles ombreux par la lumiere, il est necessaire que les parties les plus debiles, ce sont les angulaires, cessent premieremēt de mououir la veüe par les figures moyēnes, auxquelles le rayō est enuoyé plus copieusement: telles figures dōc apparoiſtront rōdes, & d'autāt plus rōdes qu'elles seront loing, non seulement de la fendace, par laquelle les rayōs qui la constituent passent: mais aussi des yeux de ceux qui les regardent. Veu dōc que ces choses sont tres-claires, là où la lumiere est receue quasi souz la propre quantité, si quelque chose est entre-moyēne, il est porté avec l'ōbre: l'image dōc du Soleil cōme reduicte souz la magnitude, par laquelle elle est submise aux yeux par le benefice de la fendace, entēdu que la Lune entreposée est vn corps dense, opaque, & espes, il est necessaire que l'ōbre de la Lune soit veüe mesmemēt. Mais l'ōbre de la Lune est ronde, pourtant que la Lune est ronde, la forme aussi dont elle est ostee est ronde: quād donc vne chose ronde est ostee de l'autre ronde par vne partie, que l'image de la nau-

cule, ou de la Lune vuide soit laissée, il est nécessaire que aux eclipses les formes qui sont descrites en plate forme, passante pour cause des rayons par les fendaces angulaires, ne soient angulaires ne rondes: mais en forme de Lune, ou faictes en forme de nauicule. Mais il est besoin de bonne & diligente veuë: car quand la Lune est par voye, elle sera veuë de telle figure ronde: & la part la plus claire represente, comme i'ay dict, la forme lunaire.

I'ay voulu, ô Prince tres-noble. adiouster ces choses, pourtant que i'ay voulu, comme i'ay dict en la preface, n'escrire en ce liure aucune chose faulße ou douteuse. Et si quelqu'un n'entend cecy que nous auons proposé, qu'il l'accuse d'ignorâce, non moy de méteric.

Or ie reuien en nostre matiere. Au temps de l'eclipse toutes choses semblent estre iaunes: & douleur de teste aduiuent à plusieurs. La cause est pource qu'il y a peu de lumiere, & pource elle est iaune. L'aube du iour demōstre cecy, laquelle mesmement est iaune, dont est ce vers de Virgile,

L'aube du iour laissant la iaune couche

Ou Tithonus avec elle se couche.

Et par mesme raison il est nécessaire grāde mutation estre faicte en l'air, pour la cause de laquelle la teste deult à ceux qui l'ont imbecille. Mais tu obiecteras, Quand le Soleil se leue, & que peu de lumiere vient iusqu'a nous, & pareillement quand il se couche, ceste lumiere est blanche, comme celle qui entre par le petit trou d'une fenestre dedans vne chambre obscure. Or la cause de ce est, que quand le Soleil est leué, ou se couche, il consume peu de temps: mais il demeure long temps en eclipse: & si quelqu'un voit de loing les premiers rayons du Soleil leuant, ou les derniers du couchant, qui ne viennent du centre, certes il les verra estre iaunes. De cecy donc deux choses sont manifestes. Que le Soleil icte des rayons de tous costez, non seulement du centre: & toutesfois les rayons qui sont ictez du centre sont les valides: & si ce tu ne confesses: mais que tu concedes le premier poinct, ce n'apportera aucun detrimēt à la demonstration des choses. Toute sfois

Pourquoy au temps d'eclipse toutes choses semblent estre iaunes.


Le Soleil icte des rayons de toutes parts.

comme i'ay dict, il est clair, que les rayons procedent du Soleil, comme du feu, de toutes parts, pourtant qu'au temps de l'eclipse la partie qui est opposite au centre, est occupee de la Lune, & ce pendant l'air & les

*Comment vn
miroir creux
collige ensem-
ble tous les
rayons.*

parois sont enluminez. La maniere du miroir creux monstre cecy, pource que non autrement tous les rayons ne pourroient conuenir en vn mesme poinct, s'ils ne procedoient de tout le Soleil. Fein d'onc que le seul miroir est enlumine du centre du Soleil, certes vn seul rayon retournera au centre du miroir. Donc il aduient que le feu est tousiours allume au centre du miroir creux, & que tous les rayons du Soleil s'assemblent: ce qu'Euclides a bien demostre en ses Speculaires. Car tous les rayons entre x & L sont reflexes de $A B C D E$ vers le centre F , non seulement d'un cercle d'où le feu est allume en F . Mais non sans cause

*Pourquoy les
rayons perpe-
diculaires
seuls sont va-
lides.*



tu douteras: premierement, pourquoy les rayons qui en soy-mesmes sont repoussez, & eux seuls perpendiculaires, sont valides. La cause en est manifeste: car le rayō qui est repoussé du perpendicule, reuiet en soy-mesme, cōme de s & k en F : parquoy tout le rayon sera doublé selon la longitude: & celuy qui est repoussé d'un autre poinct en k , il le diuise & se depart: & celuy qui diuise, il diuise au poinct, & ne donne aucune force. Car le poinct, entendu qu'il n'a de quantité, n'a point de force: pourtant si infinis rayons sont repoussez par vn mesme poinct, ils n'en font en rien plus robustes. Car ce qui n'est riē, quoy que tu le multiplies mille & mille fois, ne produit rien. Donc aux rayons qui ne sont repoussez du perpendicule, aucune force n'est par laquelle ils puissent diuiser & separer. Et la force toutesfois est plus grande aux plus proches rayons, pource que le rayon est proche

au rayon, non pourtant qu'il diuise au point: car la section n'y sert de rien, entendu, comme j'ay dict, que elle seroit faicte en chose indiuisible: mais la propinquité y est requise: car si iouxte la longueur le rayon adhère au rayon long temps & par longue espace, la force de l'un & de l'autre reuient en vn, & quasi comme si elle estoit multipliee. J'ay dict, quasi pource qu'entendu que ce seul rayon reuient en soy par le perpendiculaire, aussi seul double & multiplie exactement sa force.

L'autre doute estoit, si le miroir est grand de la part K G, pourquoy les rayons reflexes n'enluminent les parties qui sont alentour de F, afin que pour le moins la clarté soit rendue, & tous les rayons soient reflexes & repoussez au deffouz de F. Car si le rayon est tiré de F en G, l'angle E G K sera plus grand que le droit en l'angle F G F: il sera donc repoussé au deffouz de F G par l'angle F G F: parquoy tant plus grand est le miroir, & tant plus grande est la portion de sa sphere & rotundité, tant plus tost & plus legerement il allume. Toutesfois ceste espece de miroir ne peut allumer le feu de fort loing, veu que les rayons sont tousiours contraincts & assemblez au centre.

La troisieme doute reste non petites: pource que les rayons sont qui sont reflexes de la part E G, par le point K, comme le rayon procedant de K par le point D, sera repoussé vers H, & pour le moins enluminera les parties iouxte F, contre l'experience. Cecy est plus euident aux rayons deduis de B & C en K. La cause de cecy est, que les rayons sont espars, & n'est aucun rayon perpendiculaire: & la lumiere grande en F obfusque les parties prochaines: mesmement le rayon reflexe du miroir concaue est plus debile que du miroir plat, lequel rayon s'escoule, si n'est perpendiculaire. Les causes donc de la force des rayons sont, la coition par soy-mesme faicte du perpendiculaire, comme aux miroirs creux: la seconde cause est la reflexion faicte du perpendiculaire sans coition, comme aux miroirs plats exposez directement au Soleil, la tierce cause succede, qui est la reflection faicte non du perpendicu-

Plus le miroir creux est grand, tant plus facilement il allume.


Pourquoy les miroirs creux repoussent les rayons par tout, & toutesfois ils ne representent l'image.

laire, toutesfois aux angles esgaux, cōme faicte du miroir plat, non directement exposé au Soleil: car l'œil ne peut porter telle reflexion: la quatriesme reflexiō rend l'image, mais elle ne peut estre soustenüe quād les rayōs sont repoussez à l'angle esgal, mais ils sont dispersez, comme aux miroirs cōcaues hors les Pyramides, & qui tendent du centre du miroir vers le miroir, & du cētre du miroir vers la chose veüe, comme hors la Pyramide EKL , & FAC : la cinquiesme reflexion est, quand les rayons sont repoussez du corps non poly, inutiles à la veüe, non à la chaleur: car ceux-cy perpendiculaires, reflexes, comme i'ay dict, multiplient la chaleur pour cause de la cōition, mais ils ne rendent l'image. Et les causes de la force des rayons sont dictes par accident, la magnitude & propinquité de la chose lucide: & pource que ce rayon prouiet du centre de la chose lucide, aussi la sincerité, & pureté de la chose moyenne, & des rayōs mesmes. A ces causes est adiousté qu'une lumiere est plus valide que l'autre: dont nous endurons la reflexiō des rayons du Soleil par la Lune, & les estoiles pour cause de la distance, quoy qu'elle soit pure, & nous ne pouuons porter & endurer en noz yeux telle reflexion faicte du crystal, verre, & de l'eau.

En quantes manieres sont faicts les miroirs qui bruslent.

Or puis qu'il semble qu'ils soient deux manieres d'allumer le feu par vn miroir: la premiere maniere est, que tous les rayons tombans dedans le cētre du miroir sont colligées en vn poinct par reflexiō: la seconde maniere est, que tous les rayons equidistans, qui procedēt du Soleil, soient colligez en vn poinct qui est faict par parabole, & assemblent des rayons en vn poinct. Je trouue en Conradus Gesnerus, que Frācisus Maurolycus Messanensis a escript qu'aucuns liures d'Archimedes sont, ou il monstre que les miroirs ardans sont faicts par parabole & collation ou congregation des rayons cōuenans en vn poinct. La chose est telle: quād la superficie separe vn coin droict, & le diametre de la superficie est equidistant du costé du triāgle inscrit sus la superficie, lequel separe au coupeau le coin par l'axe, & effueil, telle superficie est dicte par parabole & congregation, qui est ABC . De laquelle la ligne droicte depuis le


coupeau B, diuise la ligne droicte AC, qui est au dessus des costez esgaux, BA & BC estās courbez: que le diametre soit appellé BA: & le diamettre soit AC: la basse du coin soit K: la ligne du milieu soit BD: ie dy qu'HKL ont tousiours telle proportion à la ligne perpendiculaire quelcōque elle soit venant du costé sus le diametre, que elle est la ligne de la mesme perpendiculaire vers la partie du diametre entre le coupeau & la ligne perpendiculaire entrecœuë. Cōme FG soit la ligne perpendiculaire: HL donc aura telle proportiō à FG, quelle est la proportion de GF à GB: & lors HL sera appellé le costé droict: & toutes les lignes equidistantes de BD, seront comme rayons repoussez & reflexes en K: & HL est tousiours la ligne quadruple de BK.



Mais s'il vient à propos de faire vn miroir qui bruse de loing, tel que Galenus recite auoir esté fait par Archimedes qui a brulé les nauires des ennemis il est manifeste que les miroirs soient pris par parabole ou par cercle & rotondité, il faut qu'ils soient tresgrand, c'est à dire, qu'ils ayent portion de tresgrandes sphares & rotonditez, ou de coins tresgrands, non toutesfois grande portion aux paraboles & collations: comme si on veut estendre vn feu iusques à mille pas, nous décrierōs vn cercle, duquel le diametre soit de deux mil pas, nous prendrons la portion de ce cercle tāt grāde que la rotondité n'en soit cachee, sçauoir est, la portiō sexagesime, à laquelle nous adiouterōs le diametre scēlo la hauteur en vne fin, & le diametre fixe: nous tournerons alentour vne portiō du cercle, qui nous decrira vne portion de la sphaere, laquelle quand nous l'aurons polie & aplaniée, exposée au Soleil, elle nous allumera de loing vn feu tres-valide iusqu'à mil pas. Maintenant ceste chose n'est grandement vtile pour cause des artileries: au temps iadis c'estoit chose tres-seure. La cōflagration qui procede de la parabole est plus forte. Et est

*Du miroir
qui bruste les
nauires qui
viennent de
loing.*

ainsi faicte. Que le lieu qui doit estre brulé, soit distât de mil pas. Je fay $b k$ de mil pas, auquel i'adiouste $k d$ ligne droicte coesgale: ie fay vers le perpendicule $b a$ efgale à $b d$, & de l'autre part ie fay $b c$ efgale à $b a$: & les lignes $d a$ & $d c$ pourtraictes, ie fay d estre le centre la base du coin, aussi ie fay $a d$ l'axe, ou effueil: car



l'angle $a d c$ est droict: & i'entremesse $a c$, afin qu'il soit le coin: & vn cercle sera descrit depuis la ligne $d c$ comme demidia-metre selon la base du coin: ie le diuise par deux diametres $c e$ & $f g$ se diuisans vers les angles droits au centre d . Aussi il aduiendra que le poinct b deçoiue la circonferen-ce du cercle alentour du coin, laquelle circonferen-ce est $h b$. Je pourray d'oc

depuis le coupeau du coin vne ligne vers l'extremité de la base d'un diametre, sçauoir est vers c , & là où il diuise la circonferen-ce du cercle, commē en b : depuis ce point ie pourray les lignes droictes $b f$ & $b c$ vers les extre-mitez de l'autre diametre: la superficie dont en laquelle est le triangle $b f g$, là où il diuise la superficie du coin, faict deux lignes obliques $b f$ & $b g$, lesquelles il faut faire de bon acier, de peur qu'elles ne flechissent vne portion seulement prise, sçauoir est les lignes $b l$ & $b m$ efgales, lesquelles sont les costez de la parabole. Apres tu prendras vne masse de plastre n plus grande que la latitude $l b m$ au coupeau, laquelle petit à petit tu briseras sus vn mortier, iusqu'à ce que la parabole imposée d' $l b m$ & tournée de toutes pars, la touche, & soit tournée sans empeschement. Laquelle chose faicte, tu approprieras sus ceste masse du verre reluisant, & feras la parabole, laquelle quād le plomb sera espars par derriere repoussera par reflexion tous les rayons equidistâs du Soleil sus le poinct k distant de mil pas, lesquels

rayons sont les plus robustes de tous, & bruslent incōtinent. Et ces matieres amplement sont exposées par Archimedes, comme mesmement Antonius Gagaua nous l'a translaté.

Puis que j'ay commencé de reciter les actions prodigieuses des miroirs, j'ay proposé de monstrier la cōposition du miroir, par lequel nous voyōs les choses occultes, & secrettes. Donc deux miroirs de plate forme composez de crystal, tels qu'on faict à Venise, pource qu'ils ne sont tant maculez comme ceux d'acier, soient ioints esgaux exactement, en sorte que la lōgueur d'vn conuienne droictement à la longueur de l'autre, & cōme alentour de l'assueil il puisse estre tourné deçà & de là, en sorte que la superficie de l'autre aucunesfois face vne chose plate, aucunesfois solide, droicte, obtuse, agüe, cōme il plaira: lors tu suspendras en haut droictement au lieu latent vn miroir immobile, en sorte que la face perpendiculaire de ton miroir respōd sus la pleine: & que la face du miroir mobile ait sa longitude opposite au lieu que tu desires: lors tout ce qui sera faict en la chābre, pourueu qu'il y ait de la clarté, t'apparaistrā, en tournant le miroir mobile, iusqu'à ce qu'il face vn angle esgal, ce que ton œil te declarera, quand tu vois que tu demandes. Et si le lieu que tu desires voir, est plus haut que celuy ou tu es, suspen ton miroir immobile en lieu plus haut.

Par mesme moyen si tu veux voir de cinq mil pas, ce qui est faict loing, mesmement la muraille entremise, ou en la cité des ennemis, suspen en lieu haut ton miroir fort grand vers le perpendicule, ou equidistante du finiteur, ou equateur: & ayāt vn autre miroir en la main, afin que la face d'iceluy (non totalemēt dressée en haut) regarde le miroir que tu as mis en haut, en fin tu r'eslōgneras petit à petit droictement du miroir, & peu à peu, & alternatiuemēt destournant tantost à dextre, tantost à fenestre, iusqu'à ce que plainement tu regardes le lieu en ton miroir, lors à peine le mouuant de sa place, tu verras tout ce qui est illec faict: & pource faire, comme j'ay dict, il n'y a autre empeschement que pour cause des artilleries des ennemis.


*Le miroir quā
reuele les cho
ses occultes
et secrettes.*

*La maniere
de voir les
lieux occultes
avec leurs
couleurs.
Les miroirs
representans
choses diuer-
ses.*

Or si te plaist de voir ce qui est fait en la voye, quād le Soleil luit, tu mettras en la fenestre la rotōdité faicte du verre : & apres la fenestre feimée tu verras les images transmises par vn trou en la plaine opposite, mais ce avec couleurs obscures : tu soumetras vne carte blāche au lieu par lequel tu vois les images, & par moyen merueilleux tu auras ce que tu demandes. Le miroir creux te monstrera deux faces, trois & quatre yeux, & toy-mesme n'ayant qu'un œil, & la face derriere, & autres merueilles innumerables, ie dy le miroir non seulement spherique & rond, mais aussi qui est fait en aguisant, & qui est rōd & long cōme vn cylindre: & ce dernier represente choses trop plus merueilleuses, comme quatre faces, vne face aussi tres-longue, & tres-estroite, aucunes fois tres-breue, & large. Quoy, finalement ils representent toutes choses, excepté la vraye, en la maniere des hommes de nostre temps, qui sçauent mieux toutes choses, que les bien faire, ou dire la verité.

*Les miroirs
representans
les images
merueilleuses
en l'air.*

Aucuns miroirs montrent plusieurs images, comme ceux qui sont de plate forme : mais ceux cy sont tres-cogneuz : ceux-là sont dignes d'admiration, qui d'une seule superficie rendent plusieurs images. L'auois vn miroir carré, plat, fait de verre, qui monstroit chacune oreille estre double, cōme si la seconde eust esté l'image de la premiere, & estoit la plus remote. Cela fit que ie creusse vn miroir estre en Espagne, mesmemēt plat, qui represente deux images de la face, la seconde & la plus proche tressemblable à la vraye, l'autre cōme d'un mort: car vn mesme moyé est à l'une & à l'autre. Or mōstrons la cause de cecy, afin que nous sçachions la chose, & que nous enseignōs à la faire. Et ceux qui voyent telles merueilles, sont espouuantez non seulement du miracle de la chose, ains aussi de l'image & representation. Car ces dernieres oreilles sembloient estre grandement palles. Pourtant donc que ces figures sont plus palles & de moindre efficace, & moins semblables aux premieres images il est manifeste que, cōme aux deux arcs celestes, la dernière est faicte de la premiere. Mais d'où viēt la reflexiō? On ne voit tousiours deux arcs celestes, aussi ne sont veües deux images qu'en peu de miroirs. Que
l'œil



l'œil dōc soit A, ce qui est veu soit B, que miroir soit C, la concurrence aux angles esgaux soit aux point C, la concurrence avec la ligne droicte soit depuis B iusque au perpendiculaire sus le miroir en D, ou mesmemēt B sera veu. Quand donc B & A sont grandement enclinez, pource que A C B n'est loing de la superficie du miroir, il est repoulsé par reflection de C, pourtant que le miroir n'est exactement plat en E. Et donc est plus haut que C, ainsi F sera veu dessus D. Et ce qui est veu plus haut, & souz angle esgal, est aussi estimé estre le plus loing, parquoy F sera veu estre apres D.

Aucuns miroirs sont qui allument le feu, pource que ils sont composez de plusieurs cercles, & autres infinis, qui seroit superflus de reciter. Declairons maintenant ceux qui representent les images en l'air. Cy dessus nous auons recité ceux qui sont creux, aucuns sont conuexes tous rōns, mais les plus exquis sont les rōns, & longs conuexes. Qu'vne creuace de fenestre soit cōstitué au droict, d'vn tableau peint, en sorte que tu puisses estre veu par la creuace en quelque lieu de la chambre, & qu'en ce lieu vn miroir rond & long cōuexe soit mis sus vn trepié à la plaine perpendiculaire: en apres colloque l'œil en sorte que tu puisse voir du miroir le tableau que tu as mis dehors: tu verras donc ceste image comme pendante, en l'air entre le miroir & la creuace de la fenestre.

Or s'il te plaist de voir en vn miroir les hommes voler, quatre choses sont necessaires, c'est que les hommes soient mouuez, qu'ils mouuent les bras: l'homme que tu voudras voir voler, fera ces deux choses: vray est que tu peux feindre ce mouuement par le mouuement du miroir, mais ce peut estre vn inconuenient. La troisieme chose est que le miroir soit haut suspendu, de peur qu'il ne semble toucher à la terre. La quatriesme chose, que les pieds, comme aux oyseaux volans, soient equidistās du paue avec la teste & les bras: le miroir fera bien ces deux derniers. Doncques deux cheurons egaux soient

*Vn miroir
qui represen-
te les hommes
volans en
l'air.*

joints à l'angle droict, en sorte que l'angle droict soit en haut, & composeras par reigles les cheurōs fort legers, tu mettras dedās de l'autre part aupres de l'angle, deux grands miroirs plats d'egale hauteur, lesquels tu entens assez estre en pentis. Quand donc tu te separes des miroirs, tant qu'en vn d'iceux tu vois ton talō, par le mouuement selon la ligne droite, & par l'agitation des bras, il te semblera que verras vn homme volant. Par mesmes moyens que i'ay dict, si tu mets deux miroirs s'entretouchans, & estans en vne superficie plate, en sorte qu'en venāt vers toy, l'autre s'en departe, se qui sera fait si quand ils sont colloquez droictement sus vne tref, & vers le perpendicule, le lien qui est nouē, petit à petit est denouē, tu verras ton image venante, à vn & se departante de l'autre. Et si tu veux voir ton dos, ce pourras

Pour voir sa face venir & retourner ensemble.

Comme on peut voir son dos à vn miroir.

faire commōdement par deux miroirs plats, lesquels tant plus seront grands, tant plus seront meilleurs à ce faire: tu mettras le premier derriere par situatiō moyēne entre celuy qui regarde en haut, & celuy qui est droit, le second en lieu plus haut que tu es par situation moyēne entre le miroir qui regarde en bas & celuy qui est droit deuant tes yeux, & ainsi tu peux biē voir tout ce qui est derriere toy. Aussi souuienne toy que si (par maniere d'exemple) tu mets de l'opposite du miroir vn anneau, & que l'anneau mesme soit le miroir comme en vn saphir enclos, tu verras au miroir l'image de l'anneau, au saphir duquel ton image apparoiſtra: & ce aduendra par plusieurs reflexions. Semblable chose aduendra en deux miroirs, & encor de plus grand merueille en trois. Mais si tu proposes de voir choses profondes & obscures, comme le ventre, le gosier, vne chambre tenebreuse, colloque au droict du lieu vn grand vaisseau fait de verre, & de la lumiere derriere le vaisseau en sorte qu'il soit moyen en la ligne droite entre la lumiere & le lieu que tu veux voir: apres en ostant toute autre lumiere, mets ton œil ou tu ne puisses empescher la lumiere du vaisseau, toutes fois que tu puisses voir le lieu, & tu verras le tout en clarté.

Ce qui est fait en deux miroirs.

A	E	K
B	F	L
C	G	M
D	H	N

Aucuns ont composé des miroirs qui monstrent autat de faces qu'elles sont d'heures du iour, de laquelle chose Ptolomeus est tesmoin. Outreplus, la partie de la face monstroit la partie de chacune heure. Soit donc constitué vn rectangle quadrilateral, plus long que large de la troisieme partie, & diuisé en douze quareaux egaux A B C D E F G H I K L M & N: que le miroir soit posé diuisé en autant d'intervalles selon le mesme moyen, & que sus le miroir vne couuerture soit plus haute en A qu'en B, & en B qu'en C, & en C qu'en D, de sorte que D touche le miroir: qu'une mesme proportion soit d'E à F & K à L, qu'elle est d'A à B & d'F à G & d'L à M, qu'elle est de B à C & de G à H & d'M à N, qu'elle est de G à D. Et que les parties de la couuerture soient distinctes, en sorte que les plus hautes puissent petit à petit estre transférées sus les plus basses, comme premierement d'A en B: apres les deux parties de la couuerture de B en C, & puis toutes les parties en D, dont il aduient que tant plus le pois est pelant, est mouué par plus breue roüe, afin que les temps des translations soient faicts egaux. Que les roües donc des horloges soient adioustées à chacun des quatre carreaux, afin qu'elles soient trois roües, & à chacun les differences des intervalles egaux, comme aux planettes, afin que le mouuement soit d'autant plus leger, pour cause de la roüe plus breue, que le pois est augmenté, ainsi aduendra qu'apres la quatrieme figure du premier quareau, la seconde face soit descouuerte, puis la tierce, & ainsi chacune face en chacun interualle, afin que selon le nombre des heures & des parties d'icelles, les faces & les parties d'icelles soient veües au miroir. Ces choses sont facilement veües aux horloges des heures inegales, desquelles les Romains vsoient. Et quand la roüe qui est tournée, aura vn effueil, sus lequel elle est mouuee hors le centre d'icelle, tant plus legerement elle sera tournée en la partie proche à l'effueil, tant plus l'effueil sera remot & separé du centre de la roüe par la mesme partie.

La poudre de crystal à plusieurs vertus & proprietéz

P ij

Vn miroir
qui monstre
les heures par
le nombre des
faces.

sur l'annee
de l'annee
de l'annee

*Choses mer-
veilleuses de
la poudre de
crystal.*

des miroirs, comme referant plusieurs formes, mesme-
ment que la teste sera en bas, & les pieds en haut, cōme
font les miroirs creux, & rend les hommes d'un œil, au-
cunesfois de quatre. Aussi en ce crystal, principalement
quand il est posé vers le Soleil selō la longueur, les cou-
leurs tresbelles, inimitables apparoissent: mais apliqué
aux yeux, principalement aux lieux ou sont arbres &
praries, il represente vne beauté celeste: les couronnes
dictes Arcæ, les arcs des Irides, les tapis couuers de
couleurs, les couleurs reluyfantes, vermeilles cōme ro-
ses, verdes, rouges, bleües, jaunes, mixtes de toute sorte,
& d'un regard delectable: en haut il monstre vn autre
opposite effigie des choses, comme plaines s'esleuant
contré les montaignes. Mesmement le crystal feint &
represente le finiteur, ou equateur & les regions avec
grande distâce, & d'un regard plaisant, cōme ne bles-
sant la veüe, ains la reërant. Et faut que la poudre du
crystal soit grande, & que le cristal soit trespur.

*Commēt vne
chose semble
estre deux.*

Or en laissant les miroirs & le crystal, ie reciteray au-
cunes fausses images & representations de la veüe sin-
cere & entiere, sçavoir est, comment vne chose semble
estre deux. Cecy aduiet, pource que la veüe voit ainsi
droict que les rayōs tombent rectangles dedans la pru-
nelle de l'œil: ie dy rectangles ou perpendiculaires, &
comme s'ils estoient mouuez droict en la conionction
des ners des yeux. Quand donc les yeux sont obliques,
en sorte que leurs ners sont mouuez en haut & en bas,
vne chose semble estre deux. Et generalement toutes
choses quisembleront estre distinctes de lieu, de for-
me, de grâdeur, ou de couleur, elles apparoistront estre
deux, quoy que ce ne soit qu'une chose. Cecy aduiet, ou
parce qu'un des yeux est destourné de son lieu, ou que
nous voyons par diuerses choses moyēnes, cōme si vne
lunette est obiectée à vn des yeux, l'autre voyāt par l'air
pur: ou si le subiet est en partie dedans l'eau, en partie en
l'air, ou il semble estre rompu, ou il semble estre deux:
ou si l'object est moyennant entre les yeux, qui empes-
che vne seule chose estre veüe, laquelle si elle n'est droi-
ctement posée vers la situation des yeux, cōme equidi-
stant à iceux, ou il monstre couleurs diuerses, lors deux

choses sembleront estre fermement vne. Car aucunes choses presques n'empeschent point l'œil; pource qu'elles sont moindres que la distance des yeux: & de loing & de pres elles couurent la chose veüe. Derechef aucunes choses proches aux yeux, empeschēt peu de loing: car l'angle qui est fait d'icelles, est angustié aupres de l'œil pour cause de la distance.

*La diversité
des choses qui
empeschent
la veüe.*

Par mesme moyen, ce qui est peint en matiere plate, semble estre solide: & ce principalemēt pour deux causes. La premiere est l'ombre, de laquelle l'œil refere tel iugement, si l'ombre, est vn corps ombrageux & solide. Car les sens se sont tant accoustumez au iugement acquis par long vsage, qu'ils referent que les oyseaux ne s'enfuyant sont pris à la main aux isles n'agueres trouuees, & non autresfois habitees. La secōde cause est, que tu consideres quelle partie du corps est veüe, comme en vn de la supreme partie anterieure, la dextre & senestre est veüe, & les autres superficies sont cachées: apres tu colloqueras l'ombre vers la lumiere, que tu feras deuāt toy à la hauteur du demy angle droit, & le corps pour les lignes qui sont estendus depuis l'œil iusqu'au dessus la plaine. Tu peux constituer de la partie de l'angle ta veüe, & du costé la lumiere.

*Vn moyen
solide de peindre en
matiere plate.*

Derechef autre raison est du tableau qui pend à la paroy, autre est du tablean qui souz les yeux & mains est equidistant au finiteur: toutesfois cecy est commun en toutes choses, que tu cōstitues vne chose en mesme lieu, & les angles & les poincts mesmes en vne plaine, & que tu les exprimes aux yeux & à la lumiere, cōme les fins de la chose veüe. Car quād les angles sont egaux, & sont aydez des couleurs & des ombres, il est nécessaire qu'ils representent & mōstrent mesmes corps: car vne mesme chose represente la mesme chose, & la semblable son semblable. Mais cependant souuienne toy que tu obserues le lieu de la veüe egale, c'est le chef de la figure humaine, quand l'hōme est peint en vn petit tableau: car l'œil iugera tout ce qui sera veu dessous, estre bas: & tout ce qui sera dessus estre haut, non autremēt que s'il estoit vrayement en telle situation. Pourtant afin que tu representes choses solides, il faut faire ces quatre cho-

*La mesure
aux peintures.*

*Que c'est que
le teint en la
personne.*

les : que la forme de la chose soit prise des rayons des yeux : l'ombre des rayons de la clarté : la couleur qui ne doit estre autre que du corps mis souz ceste clarté : & souz ceste situation : & finalement la situation ou tableau à l'esgard de l'homme peint doit estre constitué en sorte que le coupeau d'iceluy soit au droit de tes yeux. Car qu'est-ce autre chose que le teint, sinon l'imitation & indice des affectiōs qui sont au corps, à la cōparaison de la lumiere en vne terre pleine ? Et combien qu'il est licite de conjecturer par le teint les dispositiōs de l'esprit, non toutesfois elles ne sont exprimées autrement que par les affectiōs du corps. l'ay dict à la cōparaison de la lumiere : dont la face de celuy qui nage sera d'une sorte, celle de celuy qui est aux rayons du Soleil sera d'autre sorte, la face de celuy qui est en l'obscurité de la nuit, est autre, en la lumiere de la Lune, est autre, la face de celuy qui est en la lumiere de la chandelle, est autre, & pource on peut l'experimēter en mettant la chandelle.

*Aucunes choses
sont mi-
eux veues de
loing que de
pres.*

*L'aide pour
biē pendre.*

*Les peintures
sont esprou-
uez au mi-
roir.*

Pourquoy t'esmerueille-tu de la lumiere ? Aucunes choses sont veues de loing, qui de pres sont cachees, comme en mon escarcelle vne figure distincte de lignes noires en quarré est veue de loing, non point de pres. Ainsi les estoiles sont veues de nuit qui sont cachees le iour. Dont il aduient que les peintres aydent leur œuure par vn treillis. En petit espace la faute, voire trespetite, ne peut estre cachee, & conduit la main du peintre en la rectitude.

Parmesme moyen presque les peintures doivent estre esprouuez au miroir. Car le miroir decouure plusieurs choses qui estoient latentes, entendu qu'il mōstre les choses qui sont à l'opposite. Et l'ordre cache plusieurs choses dont les pierres dits en Latin, *gemmarq*, régent leurs pierres precieuses par certain ordre, mettans les maculees au milieu, les plus belles aux extremittez, & petit à petit elles descēdēt de plus belle saux plus laides, & de peur que par la cōparaison de l'une à l'autre, elles soient cogneues estre laides : aucunesfois ils mettent les belles aupres des laides, qui retiennēt quelque grace par la mutation de leur vice: ainsi par raison con-

traire le miroir descouure les fautes, en changeant l'ordre premier, pour cause duquel la peinture plaisoit. Ainsi pourtant que le miroir monstre toutes choses par ordre contraire & prepostere, nous lisons au miroir les lettres esrites par ordre opposite, lequel nous les represente en ordre droict.

Or pour retourner à la peinture, les couleurs ne doiuent estre disposées en la legere: mais si les obscures ont lieu entre les claires, les claires entre les obscures, elles donnent grace & ornement à la peinture, pourtant la rouge couleur doit estre entremeslee entre la bleue & la verde, la blanche entre la grise & la iaune. Mais donne toy garde que tu n'ise trop de la blanche aux peintures: car elle est comme leur venin, & par sa splendeur elle oste de la peinture premierement la grace & beauté, & quelque grauité & auctorité: elle diminue les autres couleurs, & corrompt l'ombre des autres choses.

Or puis que ie suis venu aux propos des couleurs, ie vueil parler de la generatiō des nōs & especes d'icelles: & pource qu'il est difficile de traicter des choses, en n'etendant point leurs noms & appellations, il faut premieremēt exposer les noms des couleurs, non certes par l'opinion des anciens, mais afin qu'elles soient entendues, comme maintenant elles sont traictees & appellees. Car de vouloir traicter des noms iouxte la sentence des anciens en tant grande confusion des couleurs, c'est chose tresdifficile, & de grand'negoce, mesmemēt hors de nostre propos. I'entreprēdray donc ceste matiere par maniere d'exēple nouueau, non toutes fois inutile. I'enseignēray donc comment il faut traicter des couleurs, prenāt mon comāncemēt des plus manifestes. La couleur blāche, dictē en Latin *niueus*, est telle que de la neige assemblee de candeur petite, de splendeur grāde. La couleur blanche, dictē en Latin *candidus*, est en la chaux, non inferieure que la neige en blancheur, mais en splendeur. La blāche, dictē *lacteus*, est au lūict de moindre candeur, presque de nulle splendeur: car aucune candeur n'est aussi sans splendeur. Ces trois couleurs susdictes sont comprises souz le nom de blancheur. La couleur noire luy est directement opposite. La noire est de telle qu'aux char-

L'arbre des
couleurs qui
conuenient.

La blanche
couleur est le
venin des
peintures.

Les noms des
couleurs.

La couleur
blanche com-
me neige.

Couleur blā-
che comme
chaux.

Couleur blā-
che comme
lait.

Couleur noi-
re.

Couleur prā-
nie.

Couleur d'ar-
gent.

bons, qui pource reluit. La couleur dicte en Latin *pramnus*, est dicte de la pierre precieuse *pramos*, qui est de telle couleur. Couleur d'argent a beaucoup de splendeur, peu de candeur. Couleur de plomb, qui est moindre que le plomb blanc, & la plus obscure, & a moins de clarté. La couleur aqueuse tressemblable à l'eau, non à l'eau de mer, mais des fontaines, & d'aucuns fleuves, à moult de splendeur, peu de candeur, directement contraire à la couleur grise, dicte en Latin *cireneus*, couleur de cendre, en laquelle est moult de candeur, rien presque de clarté. La couleur liuide est proche à celle de plomb, quelle est la chair des ieunes enfans qui ont esté batus: car elle est comme de plomb sans aucune splendeur, quand le sang y afflue & ne s'en retire, ains est colligé souz la peau. La couleur de paille, telle que du froment. La couleur de l'urine comme de ceux qui sont sains, est la plus splendide. La couleur blonde telle qu'elle est aux bleds meurs. La couleur iauue comme or, peu differe de la blonde, elle est toutesfois plus splendide. La couleur entre iauue & violette comme le rouge des œufs, dicte en Latin *luteus*. La couleur de safran est plus splendide, & vn peu plus rouge. La couleur de flamme dicte en Latin *flammeus*. Couleur de pourpre plus claire que la rouge, dicte escarlate rouge. La couleur rougeastre approche du rouge, telle qu'elle est au vin clair: & est manifeste que ceste couleur est plus deliée, & plus claire que le sang de la veine qui proprement merite d'estre dict rouge. La couleur composee de blanche & rouge qui apparoist aux roses, & ieunes enfans, & entre autres choses aux cerises, est dicte vermeille. Couleur de vin, telle qu'elle est au raisin meur. La couleur rougeastre est plus passe, comme aux pommes d'orange, dicte en Latin *puicicus*. La couleur verte telle qu'aux prairies au Printemps deuant que les herbes florissent: la pierre precieuse esmeraude dicte *Smaragus*, exprime bien ceste couleur, quand elle est bonne, & non adulteree. La couleur citrine, dicte ainsi du citron, ou pomme d'orange non fort meure, entremeslee de verd, & de couleur de paille. Couleur prafine, dicte de prasson, qu'ils appellent *marrubium*, mesmemēt vn poreau, est plus obscure d'vn, peu que couleur

Couleur de plomb.

Couleur d'eau.

Couleur grise, ou de souvre.

Couleur liuide.

La couleur de paille.

Couleur blonde.

Couleur iauue come l'or.

Couleur qui est entremeslee.

Couleur de safran.

Couleur de flamme.

Escarlate rouge.

Couleur vermeille comme de rose.

La couleur verte.

Couleur citrin.

Couleur de poreau.

Couleur de verd de gris.

Couleur tennee qui peut estre dicte de chataigne.

verde: à laquelle est contraire la couleur de verd degris, plus claire que la verde, commēt on voit au verd degris purgé, dit arugo. La couleur luride est presque propre aux venins & serpens, entremeslee de verd & de noir, avec splendeur. Apres ces couleurs, celles qui ensuyuent, sont plus obscures, sçauoir est, la couleur bleuë semblable à la mer trāsquile, & peut estre dictē de la couleur du ciel, elle est telle aux bons saphirs. Vne pierre dont vsent les peintres est ainsi dictē, sçauoir est, *cornueus* en Latin, totalement semblable au Saphir, sinon qu'elle ne reluit point. La couleur tennēe ou enfumēe, couleur de fer rouillē. La couleur de dueil dit *pullus*, semblable à la terre nouuellemēt tournée, & plus obscure que la couleur du fer rouillē. La couleur telle qu'est celle des escreuices, dictē en Latin *melongeneus*, peut estre vn melon qui viēt sus le noir fruiēt de l'herbe qui est de telle couleur. Elles sont quatre couleurs principales, la blanche, la rouge, la verde & obscure. Apres nous en mettrons sept selon la doctrine d'Aristoteles. Mais il faut parler maintenant des causes d'icelles. Toutes couleurs sont engendrees de trois choses: premieremēt de la matiere subiecte: secondement de la clartē, ou plustost de la lumiere, qui est meslee en la matiere: & du moyen d'icelles choses susdictes. Car les choses veües par vn verre verd, ou en l'ombre des arbres, souuēt sont veües verdes, neantmoins qu'elles nē le soiēt. Il est aussi vne espee de chose plustost veue par l'eau, ou crystal, que par l'air. Pareillement la lumiere changē la couleur selon sa grandeur, comme la lumiere au col de la colombe, qui reluit de diuerses couleurs selon la varietē de la clartē. Mesinement la chose qui de soy-mesme se soustient, requiert la couleur par sa propre mixtion: car la chaux pour aucune clartē ne sera faicte noire, ne les charbons n'en seront faicts blancs. Cecy presque aduient pourtant qu'ils retiennēt aucune clartē, ou par puissance, ou par action: par puissance certes, comme la couleur verde: par acte,

Aucunes couleurs sont qui ont grande clartē, la couleur blanche comme neige, couleur d'argent, d'or, can-

Couleur de
dueil.
Couleur brun
nette.

Les couleurs
sont de trois
choses.

Les couleurs
qui ont grā-
de clartē.

les couleurs: toutes sont en l'arc celeste; si nous le considerons bien. Il est facile d'experimenter toutes les couleurs qui ont moult de clarté. Exposé au Soleil vn pot plein d'eau, & toutes les couleurs qui s'y fōt, ont moult de clarté. Derechef les couleurs ont moult de clarté qui sont aux choses nitides, comme en l'or en l'argent, & en l'eau, laquelle couleur est aussi commune au crystal, au verre, & aux miroirs. Couleur d'argent donc est participante de la couleur cendree, quād elle a receu moult de clarté: cōme la couleur de neige par moult de blācheur meslee à la lumiere: & la couleur dicte en Latin *punicus*, participante du noir plein de grande clarté. La couleur du pourpre est, quand vne blancheur obscure est entremeslee aux rayons du Soleil, cōme en l'aube du iour. La couleur de raisin dicte en Latin *vinosus*, est participante du noir pur, participāte de l'air, & de splendeur. Toutefois ceste derniere couleur entre les autres retient le moins de clarté. La couleur de l'or est participante de la blonde pleine de grande clarté pure. La verde est faicte en deux manieres, ou par moult d'humiditē consumee petit à petit, comme aux feuilles des arbres: ou quand l'humiditē noire est consumee totalement, comme la noire superficie des eaux en repos, ou comme la terre noire souz le degoust, deuiennent verdes. Et quād quelque chose deuient verde, l'air & la lumiere sont entremeslez par plus grande chaleur. La couleur candide est faicte de blanc pur entremeslé de clarté mediocre. La couleur d'eau est de clarté mediocre, & de perspicuité: & la chose perspicue actuellemēt ne consiste par aucune couleur. Si quelque obscurité est adiointe à la couleur d'eau de fontaine, elle est faicte bleue, dicte *caeruleus* ou *caelestis*. Aucunes couleurs semblēt estre sans lumiere, pource qu'e les sont aux choses qui ne reluisent point, comme la couleur liuide, brunette, & tēnee. Car la brunette, dicte *ater*, est couleur noire, qui n'a de splendeur, cōme l'encre & le charbon. La couleur dicte *praminis*, entendu qu'elle a splendeur, c'est vn noir commun aux sulfides. Il est vne couleur sans nom, telle qu'en vne fosse dicte *lacca*, rouge & obscure: telle couleur est dicte *laccus*. Aucunes couleurs quelquesfois ont de la

clarté, quelquefois non, comme la bleue, & la prassine ou de poreau. La couleur blanche est faicte quand les choses humides se sechèt, comme les fueilles, ou si elles acquierent vne moisissure comme le pain, & le poil aux vieillards, mesmement aux maladies, & generalement aux parties debiles. Car les cheures & les bœufs de telle couleur sont estimez plus viles & plus imbecilles que les noires ou brunettes. Et le poil blanchit & deuiet cheu, quand l'humeur est put:ide: & pour cause de la putrefaction elle est rarifiée: & pour la rarité, l'air entre dedans. J'ay declaré cy dessus que la putrefaction n'est parfaicte en la moisissure & relend, mais en ce qui est moderé par le froid. Aussi les choses sont faictes blanches de trop grande secheté, cōme en la chaux & aux os bruslez. Aucunes choses sont blanches par l'humidité non bien digeree, cōme les os & les racines: aussi aucunes medulles, cōme l'espine du dos, le cerueau, & les os. Le noir est faict par l'adustion de l'humidité terrestre & de l'air, de l'air certes, comme l'encre pour l'imprimerie, qui est faite par la fumee de l'huile faicte de lin: de l'humidité terrestre, comme les charbons & la suye. Le noir aussi est faict par la mixtion de la terre & de l'eau, l'air du tout exclus, cōme souz le degoust ombreux. Ce sont doncques les causes des couleurs, par lesquelles il est facile d'entendre pourquoy le poil est plus noir en la naissance à aucunes bestes, qu'il n'est en l'aage procedente: c'est pource que la chaleur estoit de plus grāde efficace au ventre, & l'humidité plus grasse, laquelle par succession de tēps est esclarcie par l'humeur aqueux, & ce demonstre que le poil ne se noircit aux beites en naissant: apres par succession d'aage il deuiet roux ou blōd. Quāt à moy, comme m'a recité ma mere, i'ay esté né avec cheueux espes, noirs, & fort longs. Mais pourquoy aucuns animaux n'ont-ils le poil verd ou fort rouge? Pourtant que le poil est de substāce dense & espesse, il n'est capable de clarté: & telles couleurs requierēt auoir moult de clarté, cōme il a esté demonstré. Toutesfois les cheueux sont faicts iaunes, pource qu'ils sont rares & reçoient lumiere, principalement s'ils sont lauez souuent. Et la couleur iaune est faicte de la blōde enluminee. Les cou-

Aucunes bestes ont le poil noir en leur naissance, quā apres cesse de l'estre. Pourquoy le poil n'est verd.

leurs principales sont la blanche, la iaune, la rouge, verte, bleuë, & noire. Elles sont de diuerses matieres: les matieres des metaux durent le plus long temps, & sont les plus viues. La couleur blanche est faicte de cerusse: la rouge de vermillon, dict cinnabaris: la bleuë de la pierre dite *Cyanus*, vulgairemēt l'asur: la blonde est faicte de l'orpiment, dict *Auripigmentum*: la noire de terre noire: la verde de verdegris. Au temps passé le pourpre estoit fait du sang d'un poisson dict murex. Ce gerre de pourpre estoit fort splendide, qui estoit porté par les Roys, & estoit bien autre que le nostre, qui est faicte de la graine d'escarlate, dictée *Coccus*. Virgile en parle ainsi, Sa cappe reluisoit de pourpre Tyrië. Tout le sang de ce poisson n'est propre: mais seulemēt celuy qui est colligé au gosier le poisson encore viu. Car la splendeur, la grace & beauté perissoit avec la vie. Ce poisson est entortillé, rouge dedans, muni par dehors comme d'esguillons, se termine en pointe. Au temps passé Afrique donnoit du pourpre bleu, la ville de Tyris donnoit le rouge: maintenant l'usage y est pery, & ne sçay pourquoy. Cela seroit bon sil estoit reuouqué: car la teinture est plus precieuse & plus belle que nostre escarlate dictée *Coccus*. Mais nous traicterons de l'escarlate, *coccus* en l'histoire des plantes. Maintenant retournons au propos de la lumiere, tournâs cecy en doute, pourquoy veu que nous auons dict les rayons proceder de tout le Soleil, & le Soleil estre plus grand que la terre, les ombres ne sont droictes à tous, & qu'en toutes pars l'Esté n'est tousiours? La cause de cecy est, combien que les rayons perpendiculaires soient apportez sus la terre, non toutefois les rayons sont dirigez au centre de la terre. Donc, entendu que la terre est ronde, non plate, les rayons qui viennent à nous de la siette des choses qui sont sus la terre ne peuuent estre perpendiculaires: d'où le Soleil touche de la part Septentrionale, comme du poinct, la seule somnité de la terre: il ne peut donc faire les ombres du Midy. Facilement tu feindras cecy en vne figure, si tu descris deux cercles, vn petit & vn grand: au plus peuit deux lignes tirees du centre, retire vn peu loing hors du cercle tout ce qui en est de-


Pourquoy le Soleil est plus grand que la terre, & les rayons ne sont par tout les ombres droictes.

hors, estime que ce soient hōmes, plantes, chasteaux, montagnes ou autres choses, tu verras qu'en tres-petit espace est compris ce qui peut recevoir d'une & d'autre par les rayons par le plus grand cercle. Ceux-cy donc seulement auront les ombres droictes, qui sont faictes par la demie part, c'est à dire, par 1043. pas, laquelle part est soubmise au droict du Soleil.

Or comme celà est facile, ainsi cecy est plus difficile de rendre la raison pourquoy l'Esté n'est par tout, veu que par tout les rayons perpendiculaires tombent sus la plaine de la terre. Mais tu diras, Ces rayōs ne sont perpendiculaires, car ils ne tendent au centre de la terre. Cecy semble n'estre suffisant, entēdu que la maniere de la reflexion reçoit la force, cōme j'ay monstré, de ce que le rayon retourne en soy: & la grandeur de la terre faict ce, car les miroirs plats mesmemēt reflectent au perpendiculaire; s'ils sont posés sus terre vers le Ciel. Mais il n'est ainsi, ains les rayons reflexes d'autre part tendent vers l'adverse partie du Soleil. Comment donc la reflexion perpendiculaire sera faicte des miroirs plats? Quand le miroir est ainsi exposé au Soleil, si la superficie pourtraicte est autant estēduē que ie vueil qu'elle soit distāte, tousiours à la plaine superficie qui touche le Soleil au poinct, par laquelle produite elle passe droit depuis le centre du Soleil iusqu'à la superficie du miroir. Fein donc les lignes rectangles venantes du cētre de la terre vers la superficie du miroir estre sus les plaines, tu entēdras telles plaines ne rien faire, que les rayons provenans du Soleil soient rectangles sus lesdictes plaines, quoy que le Soleil soit trop plus grand que la terre. Entendu donc que les rayons du Soleil viennent iusqu'à nous, & sus nostre plaine, & qu'ils ne sont perpendiculaires par le moyen du centre de la terre, veu qu'ils n'y tendent: ne mesmemēt sus la superficie du miroir, cōme esleuee, entēdu que la plaine de la terre est sus laquelle la perpendiculaire superficie du miroir tombe du cētre de la terre, & que ceste plaine ne peut estre equidistāte par la plaine du Soleil à ceste superficie, sus laquelle plaine la superficie perpendiculaire vient droit du cētre du Soleil: par nulle de ces deux manieres les rayōs per-

*Pourquoy
l'Esté n'est
tousiours par
tout.*

*Les edifices
qui peuvent
moult eschan-
fer l'air.*



pendiculaires viennent à nous: l'Esté donc n'est par tout. De ces matieres, il est manifeste, que les edifices peuvent estre construits qui eschaufferont grandement l'air hyuer. Il ne fault qu'ils soient erigez droictement vers le centre de la terre: mais qu'ils recoient droictement le Soleil de l'hyuer. Pourtant afin que ie done exéple de telle chose, que nostre demeure soit en *A* sus la plaine *AB* perpendiculaire du dessus de nous vers le centre de la terre *AB*, laquelle est distante du cercle equinoctial de quarantequatre parties, & de la moitié: donc elle sera distante du Soleil hiemal de soixante & huit parties: que la quarte partie du cercle soit *BCF*, & que *BC* soit 12 parties de celles, dont *BF* est de 90. donc le poinct *C* sera distant de 90. partie du tropique d'hyer: parquoy quand le Soleil sera illec, il recevra les rayons perpendiculaires au Midy, par vne superficie plate, ou caue en rōdeur & longueur *AC*. Aussi qu'un arc *CB* de 47. parties soit fait, & que les parties soient descrites iouxte la declination du Soleil de chascue jour, & que la masse *AC* soit mouuee derriere, & ainsi toute l'annee nostre habitation recevra les rayons perpendiculaires, en sorte que tu pourras auoir des pores & des fructs deuant le temps accoustumé, & ton demeure sera plaisant.

*Pourquoy les
ombres sont
grandes.*

Par ces causes tu entends non seulement les deux moyens des rayons perpendiculaires: mais aussi les differences des ombres, lesquelles sont muees en tous corps pour cause de leur situation, exceptee la seule Sphere: car la Sphere manente en mesme lieu, fait vne mesme ombre, la clarté mesmement se reposant. Les autres corps ne font ainsi: mais les verges, si elles sont estendues selon la longitude des rayons du Soleil, ne font presque aucune ombre, sinon entant que la verge aura d'espaisseur. Et si la verge est ainsi constituée, que son ombre soit perpendiculaire sus l'ombre d'une autre verge esleuee en plaine, lors telle ombre sera

moyenne : & exactemēt esgale à la verge, sinon en tant qu'elle sera eslongnee d'icelles par la plaine de la terre pour la magnitude du Soleil, ce qui est petit : & toutesfois ainsi petit que tout corps exposé au Soleil par ce moyen finit l'ombre en tant de distance, que est grande la magnitude du diametre du corps prisé cent & nonante fois. Dont est patente la maniere de cognoistre la proportion de la hauteur de chaque estoile à sa magnitude. Car la Sphere de la note du diametre colloquee au coupeau d'une montagne, tu verras de quelle distance l'ombre est finie : de ce tu colligeras telle estre la proportion de la hauteur du diametre de l'estoile, quelle est celle de la distance droicte entre le lieu de l'ombre, & le diametre de la Sphere. Quand donc tu constitueras sus la verge equidistante à la plaine, laquelle verge faict l'ombre du milieu, vne autre verge sus la perpendiculaire, en sorte que le rayon du Soleil tombe perpendiculaire sur la verge, lors sera vne grande ombre qui peut prouenir de telle magnitude & de telle situation du Soleil. Ceste ombre sera plus longue que la longueur de la verge : & cecy aduient pour l'inclination de la plaine de la terre par la situation de la superficie, sus laquelle le rayon perpendiculaire tombe du centre du Soleil : les autres ombres sont constituees dedans ces fins, & sont entremeslees à cause de la magnitude & de la paruité, selon qu'elles seront approchees plus ou moins à telles situations.

Mais afin que ie retourne à la hauteur du Soleil, & des autres, il fault esmerueiller cecy pourquoy les estoiles semblent nous suiuir, quand nous cheminons sus terre, & au riuage il semble qu'elles se departent de nous en arriere quand nous sommes portez dedans vne Nauire ? La cause est facile à cognoistre : car entendu que la distance des estoiles a grande proportion à toute la grandeur de la terre, nostre procedement de chemin ne peut changer le lieu de l'estoile. Quand donc l'estoile, par maniere d'exemple, nous precede d'une coudee quand nous cheminons trois


*Pourquoy il
semble que
les estoiles
nous suiuent
en chemin.*

mil pas, il faut que l'estoile semble nous preceder d'une coudee: car les trois mil pas ne font aucun angle sensible avec la hauteur de l'estoile. Quand donc nous procedons en nostre chemin, afin que l'estoile semble nous proceder d'une coudee, il est necessaire qu'elle semble estre mouuee avec nous: & par mesme raison il est necessaire pareillement, que celle qui sont derriere semblent nous suivre. Mais si tu regardes vn autre homme cheminant, & tu te reposes, les estoiles tesembleront n'estre mouuees. Toutesfois les estoiles pour la diuersité del'aspect n'auront vne mesme assiete par la comparaison de l'œil: car l'œil semblera auoir laissé aucunes estoiles derriere qui estoient deuant: laquelle chose, entendu qu'elle ne peut nous aduenir: mais afin que nous voyons tousiours les estoiles souz mesme assiete par la comparaison de nostre lieu, souz laquelle assiete, & situation elles estoient au-parauant, il est necessaire que pour ceste cause elles semblent venir avec nous, & que tousiours elles nous accōpagnent. Mais en la Nauire quand nous estimons que sommes en repos, la Nauire procedante, les estoiles qui estoient deuant, sont laissées derriere: quand donc l'œil aperçoit le mouuement, & qu'il pense que nous reposons, pource que nous sommes en repos dedans la Nauire, il est necessaire que nous estimions les riuers, & les arbres estre mouuees vers nous, & apres derriere le dos, par contraire raison du mouuement des estoiles.

*Pourquoy le
Soleil semble
estre en repos
ne qu'en 24.
heures il cir-
cuit toute la
terre.*

Par mesme cause: mais par moyen contraire, il aduient vne doute pour quoy les rayons du Soleil; & le Soleil mesme quand ils enuironnent toute la terre par leurs cours, & le Soleil circuit le ciel, ne le Soleil semble estre mouué au Ciel, ne les rayons sus la terre, veu que les rayons mesmes procedent mille fois milenes de pas par chacune heure, & d'auantage. Quand au Soleil, la cause est pource que le cercle ou il est mouué, ne semble estre grand à l'œil, pourtant le mouuement en est veu, & non pas estre mouué, entendu qu'il procede petit à petit, & que l'espace, par lequel il passe, est tres-petit: & afin que ie dye plus claitement, l'angle qu'il fait par chaque moment pour cause du mouuement est insensible. Selō donc

noz suppositions que nous auons monstrees par cy deuant, le Soleil ne semblera estre mouué, ny autre estoit le par mesme raison. Toutesfois la raison des rayons est autre: car par leur mouuement ils font vn angle sensible à l'œil, pource ils deuroiēt sembler estre mouuez.



La cause pourquoy ils ne sont mouuez, est, pourtant que par la terre posée, de laquelle le centre est A, & par la plaine d'icelle, comme i'ay dict, laquelle plaine refere le point D: mais pour cause de la grandeur nous semble estre BC: & la tour qui est perpendiculaire sus la plaine DE: & l'extremité du Soleil est en F, laquelle produisant le rayon FHN, produit l'ombre HD: & quand le Soleil a procedé iusqu'en G, le rayon GK produit, il laisse l'ombre KD: quand donc le rayon FH & GK est iugé de l'œil

estre vn, il semble seulement passer de H en K, tandis que le Soleil est mouué de F en G: mais l'espace HK est petit quand il est comparé à la hauteur de DE, qui est petite: veu donc que le rayon est mouué petit à petit, & qu'il passé par l'espace seul HK, sçauoir vn quart d'heure par chacun moment, il ne passera par aucun espace qui face l'angle sensible à l'œil: donques par telle supposition souuent repetee, le rayon FH semblera toujours estre en repos, quand il sera mouué. Tu diras, Ie voy clairement la cause pourquoy il semble reposer: mais comment il passe en vne heure mil fois milenes de pas, sil passe seulement de H en K, ie n'en voy la cause. La raison de cecy est, que le rayon FHN n'est semblable à GK: mais il est mouué selon chacun moment. Car quand le Soleil est mouué en son cercle, le point F, qui enlumine E, est tousiours le plus haut: & pour cause de ceste mutation l'illustration du Soleil semble

trébler perpetuellement sus la terre: car entendu qu'vn & vn rayon tousiours succede, & que legerement ceste mutation est faicte, elle represente vne espece de chose tremblante. Vne autre cause est, qui est plus grande & sert d'auantage à ceste affaire, que ce mouuement en la comparaison à la tour DE, est grandement inegal. Et quoy qu'en vne heure seulement le Soleil passe l'espace de deux coudees, comme quand, le Soleil est au Midy, en vn autre il chemine infiniment, comme en la derniere heure du iour, en laquelle l'ombre de mil coudees est faicte infinie: car quand la hauteur du Soleil depuis la ligne BC, iusqu'au Ciel du Soleil estendue, est tant grande, qu'est grande la hauteur de DE, lors il est manifeste que l'ombre sera infinie sur la terre.

*Comment on
connoist à
toute heure
la hauteur de
chacune estoile.*

Ces choses cogneuës, la subtilité humaine à tant procedé qu'elle peut trouuer la hauteur de chacune estoile à toute heure depuis le centre de la terre. Que l'estoile dōc soit E, ou par son cētre, ou par autre part, par laquelle elle peut estre veuë: que la verge soit DE, cogneuë, & perpēdiculaire sus la plaine BC en la premiere figure: & que son ombre cogneuë DH: ie pren la hauteur de l'estoile F par l'Astrolabe, laquelle diminuee de 90. i'ay l'angle FAE. Mais pource que l'angle D du triangle HDE est droit, & que la proportion de l'ombre HD est cogneuë par mesure, l'angle donc DEH par le tableau de la corde, & l'arc sera cogneu: parquoy l'autre aussi AFE, veu que i'ay enseigné A estre l'angle de la differēce de la hauteur par 90. parties: les triangles donc AFE sont tous cogneuz, & la proportion des costez par le mesme tableau: parquoy veu que AC est le diametre de la terre, car DE n'est sensible, puis que c'est vne verge, la proportion de AF à AD sera cogneuë: mais AD, comme i'ay dit, est de cinq fois mil pas: la proportion donc de AF est cogneuë. pource qu'elle est de mille pas. Et si tu cerches l'angle FAB non par l'astrolabe, ains du lieu de l'estoile tu auras mieux faict. Et la verge DE doit auoir vn cercle en bas qui soit d'acier, auquel elle se soustienne cōme triangulaire: & faut que par la part d'embas le cercle soit plat, afin que quand il est appliqué sus vne plaine, tu puisses entēdre si c'est vne vraye

plaine: qu'elle ait en haut à quatre costez les perpédic-
 les de plomb, & qu'elle soit de grâdeur cogneuë depuis
 le coupeau iusqu'à la basse superficie du cercle d'acier.
 Quâd donc la verge est fichee au cercle, & le cercle ad-
 herant de toutes parts à la plaine, quoy que les perpen-
 dicules eussent adheré à la verge, lors telle plaine est
 vrayemēt vne plaine, auquel la ligne tiree du cētre de la
 terre est perpédiculaire, & ceste plaine est propre à prē-
 dre la hauteur des estoiles. Mais si quâd le cercle adhe-
 re à la plaine, les perpendicules n'y touchent: ou quand
 les perpendicules y touchent, le cercle n'y touche par
 aucune partie, ceste plaine n'est idoine & propre
 pour comprendre la hauteur des estoiles. Parquoy si
 tu veux euitter tel soing, fiche droictement vne verge
 sus vn tableau plat, vni, & grand: & lors en quelque lieu
 que tu auras mis le tableau, en sorte que les perpendi-
 cules touchent la verge, estime que tu a trouuē vne
 plaine opportune à ton affaire. Et apres si tu veux sça-
 uoir la grandeur d'vne estoile, tu peux la trouuer par la
 fin de l'ombre, comme j'ay dict cy dessus, quand ja tu
 auras cogneu la hauteur. Mais pource qu'il est labo-
 rieux de cognoistre la fin de l'ombre, & principalemēt
 aux estoiles, exceptez le Soleil, & la Lune, tu le cognoi-
 stras facilement par autre voye & moyen. Pren par vn
 astrolabe le diametre de l'estoile, & le multiplie de moi-
 tié, puis luy adiouste vne 19. partie, & avec ce diuise sept
 mil deux cens, & le nombre de ce prouenant & la pro-
 portion de la hauteur au diametre de l'estoile. Puis
 que tu cognois la hauteur de l'estoile, & la proportion
 donc de la hauteur au diametre, il est manifeste, que
 le diametre est cogneu. Comme ainsi soit, mettons le
 diametre de l'estoile de neuf minutes avec demie: ie
 doubleray ce nombre, & ce seront 19. minutes, auquel-
 les i'adiousteray tousiours la 19. partie pour cause de
 la magnitude du diametre en vn tableau, & serōt vingt
 minutes: ie diuise sept mil deux cens, & ce sont les mi-
 nutes du diametre, & de ce prouiennent trois cens soi-
 xante: & pourtant il est manifeste de ce que le diametre
 de l'estoile est la partie de 360. de sa hauteur. Combien
 donc d'utilité, & combien est subtile la contemplation

*La constru-
 ction de la
 verge, par la-
 quelle la hau-
 teur des esto-
 les est conue-
 nue.*

*Comme nous
 sçauons la
 grandeur de
 toute estoile.*

des rayons, il est patent par ces choses susdictes. Maintenant ie me deporteray des autres mesures, desquelles i'ay traicté au douzieme liure de l'œuure parfait.

DE LA MIXTION ET MATIERES COMPOSEES, OV des Metaux, & choses metalliques, Liure cinquiesme.



VSQV VES icy, presque cinq parties de tout cest œuure sont absolutes & parfaites, sçauoir est, de principes le plus occulte; premierement de la matiere, de la forme, de vacuité, de l'vnion des corps, secondemēt des elemens, pource que c'estoient principes entiers, absolus & manifestes: tiercement du Ciel: quartement de la lumiere & de la clarté: ie n'ay du tout parfait la cinquiesme partie, qui traicté des matieres qui apparoissent, entendu que plusieurs choses defaillent, qui appartiēent à l'ouye, & aux autres sens, mesme à l'entendement, & à la veuē. Maintenant il cōuient traicté des matieres mixtes & cōposees, lesquelles requierent l'aide des premiers principes, aussi des Elemēs, du Ciel, de la lumiere & clarté, pource i'ay parlé d'icelles matieres aux liures precedens. Et que les matieres mixtes ayent besoin du Ciel, & quel pouuoir la constitution du Ciel a enuers les choses inferieures, il est licite de ce comprendre par argumens manifestes. Car la farine de froment qui est mouluē au mois d'Aouust, se garde en nostre pays toute l'annee, sans estre corrompuē. Et la biere qui est brassée en la Lune de Mars, se garde, ainsi qu'on dit, toute l'annee sans senaigrir: & en Esté elle ne se garde que vingt iours, & en hyuer deux mois. La cause peut estre qu'au mois de Mars les graines du houblon sont encores en vigueur, & l'humidité lors est toute consumée: car la graine gradement differe en ce temps, & est autre qu'elle n'estoit

*Les obserua-
tions de la
Lune pour la
conservation
de la farine,
& de la bie-
re.*

quand elle fut cueillie : pour ceste cause elle peut faire la biere ou ceruoise, dictée, *Zythum*, par Dioscorides, plus forte & de moindre crudité. Lors la graine a grande efficace, pource qu'en ce temps coustumierement elle pullule. Infinites experiences sont de cecy. Car les herbes du printemps, dictes en Latin *Vergetia*, naissent & perissent quand les estoiles mesmement dictes *Vergetia*, & Pleiades se leuent & se couchent. Or ie suis contraint de repeter cecy seul, sçavoir est, toutes matieres mixtes estre composees de terre, d'eau, & de la chaleur celeste, l'homme seul excepté seulement. Vne partie de ces matieres est cachee souz la terre, vne autre aux eaux, & l'autre est sus la terre. Maintenant j'ay delibéré de parler des matieres qui naturellement sont cachees.

Toutes matieres donc mixtes sans mouuement qui sont cachees souz terre & aux eaux, sont diuisees en quatre gerres, en terre, suc, pierres, metaux. Qu'il n'en soit d'auantage, il est monstré par argument : car où elles sont faictes liquides, & retournés en leur propre forme, elles demeurent dures, & sont appellees metaux. Car le metal n'est autre chose que ce qui peut estre fondu & faict liquide, & quand il retourne en sa forme, il demeure dur. l'enten dur en deux manieres, qui ne cede facilement, & n'est facilement rompu : & est manifeste que tel metal est ductible. Le bitumen est ductible, & ne resiste point : le crystal resiste, & mieux le stibium : mais ils sont friables, & quand ils sont frappez, facilement ils rompent. Et ce qui est liquide, & quand il retourne en sa forme, il n'est dur, il est dict suc. Ce qui ne peut estre liquide, & est totalement dur, c'est vne pierre : & si il est mol, & facilement est diuisé en pieces, il est appellé terre. Toutesfois outre ces quatre, ils sont plusieurs autres gerres des corps composez dessusdits : & si quelqu'un les veut bien nombrer, il trouuera qu'ils sont onze, & non d'auantage. Ils sont tels, Le suc pierre, le suc terre, le suc metal : le metal pierre, le metal terre : la terre pierre : le suc terre pierre, le suc terre metal, le suc pierre metal : la terre pierre metal : finalement le suc pierre terre metal. Les exemples des corps simples

La merueille des herbes du printemps.

Pli. lib. 8 ca.

27.

Toutes les especes des matieres cachees souz terre sont quatre.

Dur pris en deux manieres.

Stibium est dict aussi stibi : aucuns l'appellent plat yophihalmon.

Dioscor. li. 5. Onze gerres des corps composez.

Lemnia de l'isle Lemnos est dicté terra sigillata, & sigillum caprae, la meure de la cheure.

font, le soufre du suc, le crystal de la pierre, la lemnie de la terre, l'argent du metal. Je reciteray les exemples des corps composez en leur lieu, de peur que ie ne sois contrainct referer inutilement plusieurs choses. Les exemples des simples estoient necessaites, pource que premierement ie ne traicteray de tous: & tous corps qui demeurent solides, ie les appelle parfaicts, comme les metaux & les pierres, dequoy ie parleray apres: & les mols, ie les appelle imparfaicts, mixtes, sucs, & terres, lesquelles matieres toutes ie les appelleray metalliques à la difference des pierres & metaux. Maintenant donc ie parleray premierement des matieres metalliques, prenant mon commencement aux gerres des terres.

La difference de terres.

La terre qui sent bon.

Les gerres de terres sont cogneus distinctement, ou par les couleurs, ou par l'odeur, ou par l'usage. L'ay parlé generalement cy dessus des terres qui sont distinctes par usage, mesmeinent la dispute de celles qui sont distinguées par la couleur, est parfaite: il reste de parler de l'usage d'aucunes & de leur odeur. Les terres odoriferées sont rares, celles qui sentent mal, sont frequentes: car elles sont toutes cōposees des parties metalliques. Toutesfois Agricola recite qu'en Mariembourg en Saxe, quand vn argent fut tiré de la mine d'argent des saints Sebastien & Fabien: en la presence du Prince de Saxe, qu'vn odeur en sortit tant grande, que le Prince cria hautemēt. Voicy Galecurum, qui est vne ville d'Inde, qui donne toutes drogues odorantes. Mesmeinent en Malacha yn port de l'Inde Orientale sont faictes de terre choses odoriferées, qui sont vendues à vile prix pour la grande abondance: ou, peut estre, pource que les grās odeurs, tant bons qu'ils soient, rendent les viandes des choses non aptes au manger, de mauuais goust, & quasi decouragēt la personne. Car les viandes sont delicates par leur odeur propre & moderé: c'est odeur propre attiré & consumé par l'odeur externe, est dissipé: dont il aduient qu'il laisse la viande insipide, & sans goust. On peut experimenter cecy par vne tortuē recōse dedans vn vaisseau faict de cypres, ou si l'encens y est adiousté. Autres drogues faictes de terre ont bon-

Torta.

ne grace. Les exemples du mauuais odeur de la terre sont plus frequents: & ses odeurs sont tant deprauez qu'ils sont grand mal. En vne mine d'argent à Annebourg, qu'on appelloit la couronne de roie, comme refere Agricola, douze hommes ont esté subitement suffoquez: dont par grande craincte la mine a esté laissée, de peur qu'illec ne fussent aucuns malings esprits: ainssi se sont persuadé, combien que ce aduienne par l'odeur des terres ou des pierres: car l'odeur receu au cerueau, incontinent faict mourir la personne: & n'est merueille plusieurs puantises estre sous la terre, comme seroient les excrements des bestes. Mais non seulement y sont choses puantes, ains matieres de toutes sortes sont sous la terre, qui sont de diuers vsage, comme au temps passé en Angleterre, dicte Britannia, vne terre blanche estoit tirée hors des puy non moins profonds que de cēt pas, de laquelle terre, apres qu'on en auoit tiré l'argēt, les champs de ce couuerts estoient tant fecons & fertiles, qu'il suffisoit de les en couvrir vne fois durāt le tēps de la vie d'un homme. Pourtant toute terre cachee est pour quelque vsage, comme les entrailles del'homme. Mais en partie nous ne cognoissons l'vsage, en partie par negligence nous ne voulons fouir dedans la mine. Les pierres sont par tout diuerses sous la terre, nō seulement aux champs, mais aux villes pareillement: les vsages diuers des terres, les couleurs diuerses, aucuns gerres sont metalliques. Il est manifeste qu'il est ainssi, veu que les terres qui estoient iadis inutiles, comme Germanie, sont maintenant tresfertiles en argent: les autres sont inutiles, apres auoir esté fertiles. La cause est, qu'entendu que par tout sont les metaux les pierres & les sucs, la terre s'esuanouissante & diminuant par successiō de temps, ils sont descouverts, vne autre terre augmentée, ils sont cachez, en sorte qu'il semble qu'Auguoritas ait biē dict, toutes choses estre quasi en toutes choses: & aux montagnes outre l'abondance cē y est d'vtilité, que les eaux facilement sont detruces aux lieux bas, si aucuns sont rencōtrez. Et aux champs premierement nous espuysons l'eau, si elle est petite, quand elle procede de dessous la terre: apres nous boucho-

Ce qui est sous la terre.

Le temps abolit aucunes choses, & donne à cognoistre les autres.

Les mines souuent l'eau.

*De l'eau
trouuee par
tout sous
la terre.*

rons les lieux d'ou elle vient, ou de mur, ou de pierres. Ainsi ils fouissent les mines sous l'eau pour renuerser les villes, & en fouissant sous les villes, ils surmontent les fosséz. Autrement l'eau ostee par circuit, cōme mesmēt Cresus l'enseigne à Cirus selō Herodotus, nous euacuons les fleues, les deduisant toutesfois derechef en la part inferieure dedans le canal: par mesme moyen il sera licite de destourner, autre part les ruisseaux courās sous terre, derechef les deduisans en soy-mesmes, en sorte que nous pouuons fouir dessous l'eau. Aucuns lieux sont plus bas, ausquels nous mettons dedans aucunesfois l'eau, ne la retirant plus derechef: duquel ayde il est permis vsfer, principalement aux montaignes pour cause de la hauteur du lieu. Car l'eau qui par tout est trouuee sous la terre n'est trop profonde, ny esgale, ny continuē. Qu'elle ne soit profonde, les fondemens des murs & des maisons le montrent, qui souuent touchent la terre qui est sous l'eau. Qu'elle ne soit esgale de hauteur, la diuerse profundité des puyz le declare. Qu'elle ne soit continuē, ains deriuee de plusieurs ruisseaux, il est facile à entendre, veu que les eaux de deux puyz à peine separez de six pas different grandemēt en faueur & bonté. Et les ruisseaux sont deduis par sentier oblique, aucunesfois ils sont tortueux, ou pour la rencōtre d'autre eau, ou pour cause des pierres mises au milieu du chemin, ou pource qu'ils ont trouuē quelque cāuité, ou les eaux affluēt plus cōmodement. Si dōc on veut fouir sous ceste terre, on peut, comme i'ay dict, par trois manieres trouuer les terres de diuers gerres, les pierres, les metaux, les sucz, & autres choses seblables. Or derechef ie reuien à l'vsage des terres. En Valdebourg ville de Germanie, vn gerre d'argille est dense & gras, & de substance tresmenue, qui n'est gasté du feu, & n'absorbe les humeurs ou liqueurs, & n'en rend aussi. Les cinq louanges des pots de terre sont qu'ils soient treslegers, qu'ils ne boient point, ne qu'ils ne rendent point l'humeur, qu'ils ne soient facilement rompuz, qu'ils resistent au feu. Chose est de merueille, qu'en tāt petit lieu leurs pots ne sont rompuz du feu. Les Florētins en ont commodité à saler leurs viandes: les Milan-

*Les bōs pots
de terre.*

nois n'en ont point: toutesfois ces pots sont faicts par tout, si quelqu'un sçait la maniere de composer les pots de bonne terre, telle qu'est celle qui est propre pour faire les creusets de terre pour fôdre les metaux. Telle terre est faicte de pierre qui cõtient vne partie metallique. Qui doubte que les pots ne soient suffisans pour cuire la viande, qui soustiennent la force de l'or & argêt fondu? Pource i'ay achepté pour mon vsage vne chaudiere faicte de telle terre, vne chose à iamais, si elle n'est brisée à force, car elle ne sera rompue du feu. Il est dôc manifeste qu'il faut que l'argille soit tresrare, naturellement legere & grasse. Si ceste argille est bien paitrie, & long temps, elle fera les pots proches aux mirrhines. Les pots myrrhines, sont, qu'on appelle auiond'huy en Latin *procellana*, selon Pline qui dict. L'Orient donne les pots myrrhines. Illec ils sont trouuez en plusieurs lieux non renommez, aussi aux lieux de Parthe, & principalement en Carmanie. Ils estiment que c'est vne humeur condense sous terre par la chaleur. En amplitude ils n'excedent les petits buffets, raremêt ils sont de tant grande espesseur, qu'elle est necessaire au pot du boire: ils ont vne splendeur sans force, ou plus tost vne niteur que splendeur. Et la varieté des couleurs est en prix, les macules esparfes alentour en maniere de pourpre, & de candeur, & en couleur reluisante comme feu composée de deux, comme par le passément de couleur par rouge pourpre.

Plin. 37. liu.
cap. 2.

Aucuns louët les extremitez en ces couleurs, & aucunes reflexions des couleurs telles qu'on voit en l'arc celeste: les macules grasses leur plaisent grandement. C'est vn vice quand quelque chose transluit, ou est passe. Les taches & verrues non eminentes, qui sont aucunes fois sus le corps, sont mesmement viciueuses. La louâge aussi est en l'odeur. Qui ne voit dôc ces pots estre ceux qu'on appelle auiond'huy *procellana*? Ils sont faicts de quelque suc condense sous terre, & sont apportez d'Oriët. Les nostres sont plus passes, & n'ont odeur, & ceux qui transluent le plus, sont les plus approuuez, & plaisent ornez de fueillage, & d'images, & n'y a aucun vestige de pourpre, lesquels tous semblent estre differens de l'an-

tique myrrhine : mais la varieté des tēps, & des artisans aussi l'usage ont fait cecy. Car le prix en a fait abondance, quand ils s'efforcent d'augmenter le nombre : mais quand la meilleure matiere fut de faillie, ils en ont supposé vn autre: apres par peinture inuentee pour reparer la vilité, l'honneur, la grace, & integrité du pot a esté abolie. Car la matiere est plus vile, ou elle n'est semblable, ou elle est plus orde, ou elle n'est tant bien eslabouree, ou les vaisseaux sont tirez auant qu'il en soit temps par ceux qui sont impatiens de la tardation pour cause de la cupidité du gain: quoy qu'il en soit, le prix, le lieu, la matiere, & maniere de les faire, enseignent mesmes choses estre aux myrrhines. Maintenant ils sont faits, par longue traicte d'Inde, en China, ces peuples iadis estoient dictés Seres, comme autre part est dict. On dict que tels pots sont faités de la coquille des poissons, & des œufs, & sont enfouis octante ou cent ans, comme pour heritage. Quand ils sont deuoins, ils sont circuits de verre, de peur qu'ils n'attirent l'humeur. Le suc dont est abreuee la coquille, n'est assez cognu. Ils sont peins autāt que le verre soit mis alentour. Il est incertain s'ils sont cuis pour cause de leur splendeur & durté. Les plus grands vaisseaux sont en prix, mais ils de generēt beaucoup des antiques. Et neantmoins qu'il soit ainsi, toutesfois c'est chose non moins superbe, & magnifique de y manger, qu'à la vesselle d'or ou d'argent. Entre les especes des terres, ceste argille & la terre lemmie sont les plus excellentes. Lemnos est vne Isle de nostre mer : le mont qui engendre ceste terre, n'a point de pierres, ne d'arbres, & est vtile contre le flux de sang, & pour les vlcères, encores plus vtile contre le venin & poison. Ceste terre ne nourrit aucun arbre, pource qu'elle est tresseche: & ne peut se condenser en pierre, pource qu'elle est de substance tant rare, qu'elle ne peut tenir l'eau, ains plus tost l'eau la soustient. Elle a quelque gresse, par laquelle elle resiste au venin. Par ces choses il est manifeste que nous pouons en faire de tel par artifice: cōme si nous battons long temps de l'argille commune, & l'arrousons d'eau en laquelle l'herbe dicte scordion, & la graine de gēcure ayent esté cuittes, & que nous la

*Scordion herbe autrement
cametra &
camara palustris.
Diosc. lib. 3.*

mettions en globes, derechef la battans, arroufans, l'ammassans, & sechans. Le profit endurera la perte du tēps, & le recompensera. Car le poix de ceste terre lemmie est estimee au poix de l'or: la chose de petit prix est ainsi augmētée depuis qu'elle a cessé d'estre commune pour la rarité: car prise par l'ambition des principaux medecins du Roy de l'Orient, elle a commencé d'estre estimee la plus noble & excellente, toutesfois elle n'a d'odeur: & les terres & les eaux rarement ont odeur. Car pour auoir bon odeur, il est requis d'auoir humidité rare, & bien cuite. L'humidité de l'eau ne peut estre bien cuite, pource qu'elle est moult terrestre, & n'est de rare substance. L'odeur, comme i'ay dict, n'est suau, & douce: toutesfois en meslant quelques drogues, il aduient que la terre & l'eau sentent bon. Pourtant il est manifeste, qu'en brief la terre & l'eau perdent leur odeur, quoy qu'elles sentent bon, comme il aduient à l'eau de roses, & de violettes. Donques la plus grāde partie de la terre, & de l'eau n'a point d'odeur. La part qui sent mal, est grande: celle qui sent bon, est tres-petite.

La terre dictē Armenia est proche à lemmie. Plus tost on doit l'appeller Samia de l'Isle Samos, qu'Armenia: car elle n'est apportee d'Armenie, mais de plus pres. Ce n'est toutesfois lemmia: & par la description de Galenus viuement elle respond à la terre dictē Samia: car elle est rougeastre, & deseche grandement: & pource elle est salutaire contre la peste, & à la maladie pulmonique. Et pour ceste cause les escarboucles, les esmaragdes (dictes vulgairement Esmeraudes) les Saphirs, les Hyacintes, les Margarites, & le Coral sont vtiles contre la peste, pource que grandement ces pierres precieuses deseichent. La terre Armenia est tres-seche, & froide moderément, non acre, mais de substance tres-rare. Pource elle est salutaire contre le venin erodent, comme sont les Cantarides: aussi contre le venin qui putresce come le lieure marin, dictē en Latin *Lepus marinus*.

En Apulie est vne terre rouge, non differente en forme à la terre Armenia, sinon qu'elle est trop plus imbecile. Qui empesche qu'elle ne soit faicte meilleure que l'Armenie: Laue dōc la terre d'Apulie & iette le graui

Fourquoy ramente il la terre ne sent bō.

Fourquoy l'eau perd tost sa bonne senteur.

La terre d'Armenie d'ou elle est dictē Armenia.

Fourquoy les pierres precieuses sont vtiles contre la peste.

*La terre d'A
polie artifi-
cielle.*

*Pourquoy les
matieres me-
talliques sont
engendrees
aux monta-
gnes.*

hors, puis diligemment sechee destrempe-la en de fort vinaigre avec la sixiesme partie d'huile, en sorte qu'elle soit redigee en forme de paste:& tu l'enfouyras en lieu humide par plusieurs ans. Par ce moyen tu la prepareras bonne, & vtile contre le venin, & contre les vers, en battant long temps ensemble de l'argile pure, de l'huile, vinaigre, du scordion, graine de geneure, gentiane, du diaptamon, en enfouissant le tout par plusieurs ans.

Aucun demandera, peut estre, Que profite à la vie, tant diurne & longue sepulture & enfouissement? Certes mesme cause y est, qu'est celle qui est vtile à la generation des matieres metalliques aux montagnes. Toutesfois elle est plus viue aux montagnes pour plusieurs causes: car les montagnes ont quelque espece de la vie, quand elles sont saxeuses, & pleines de pierres. Et nous enseignerons que les pierres & rochers viuent: & là où est la vie, illec aussi toute naturelle generation y est plus prompte. A ce est adiousté que la force & vertu des montagnes n'est consumee des hoües, rateaux & charrues, & ne sont aucunement contraintes d'euaporer leur force. Aussi la substance, des montagnes est solide: pource la chaleur y est mieue contenue & garde, qui est esparse en l'air, pour cause que la terre est molle. Inous auons dit que ceste chaleur est celeste, pource que la chaleur du feu, & putride n'est vtile à la generation: aussi pource que nous voyons les pierres precieuses les plus excellentes, & l'or le plus parfait estre engendrez en Orient, & au Midy. Et si quelqu'un confere les pierres precieuses d'un mesme gerre engendrees en Orient & au Midy, avecques celles que Germanie produit, il cognoistra qu'elles different grandement & en dureré, & en splendeur, & tant grandement different, qu'il estimera qu'elles ne sont d'un mesme gerre. La cause est que l'Orient est plus chaud, plus humide, & plus gras. Si donc elles estoient engendrees des semences, ou telle chaleur seroit de feu, ou putride, entendu qu'en Islande isle en Septentrion, les montagnes ardent, qui empescheroit que les pierres precieuses ne fussent illec engendrees les plus excellentes de toutes, & que l'or n'y fust en abondance: mesmemet les neiges

*Pourquoy les
pierres pre-
cieuses sont
plustost en-
gendrees en
Orient & au
Midy.*

sont aux montagnes, & la glace aussi par long temps qui repoussent la chaleur en bas, & pource elles sont choses fertiles, & non en plains champs, ou la chaleur est dissipée par la chaleur externe de l'air: dont il aduient que ce m'incite de retourner au propos des montagnes, qui sont les plus préparées à la generation des matieres metalliques. Et leur vertu n'est dissipée des arbres, ou des herbes: car les montagnes sont plus steriles, que les plaines, voire les plus fertiles de toutes. Outre plus l'eau, & l'humidité pour cause de la situation, qui est en pentis, coulent plustost en bas des montagnes, par l'abondance desquels la generation des metaux est empêchée en la superficie & plaine des champs. Tu diras, Tu as nommé maintenant entre les causes, pourquoi les champs & plaines n'engendrent les matieres metalliques, sçavoir est, pource que l'humour est consumé, & maintenant tu estimes que l'abondance d'humour aux champs empêche la generation des matieres metalliques. Certes l'un & l'autre est vray: car l'humour gras tant plus est abondant, tant plus la terre est faite fertile, non seulement la terre des metaux, mais aussi des plantes: & l'humour aqueux empêche la fertilité. La cause de cecy est, que l'humour apte à la generation est chaud: & l'humour aqueux est froid, & repugne à la cōcoction. Pourtant les regions chaudes quand elles ont abondance d'eaux, sont tres-fertiles, pource que l'humour aqueux facilement se convertit en humour gras par la chaleur du Soleil: mais aux lieux froids abondance d'eau engendre sterilité, & refrigerer les champs. Vne mesme raison est presque au tēps. Car en Esté les prairies se resiouysent des eaux: & en Hiuer l'arrousemēt assidu fait pululer les herbes plus tardiuement. Pour ceste cause il appert que les champs s'ils sont conferez aux montagnes, ont plus d'humour aqueux, & moins gras. Pource difficilement tu verras les montagnes fertiles en arbres & vignes, auoir abondance de matieres metalliques, si ce n'est au profond, pourtant que l'humour gras est consumé des plantes: & où les grandes pierres & solides sont, l'humour long temps gardé souz les rochers, lequel est refrare, en distillant s'amasse en pierres precieuses. Et

*L'humour
gras est pro-
pre à la gene-
ration: l'hu-
mour aqueux
y est inutile.*

pour ceste raison souuent les plus splendides sont trouuees entre les rochers les plus durs, & plus grands. Pareillement cecy est adiousté à tant de commoditez de montagnes pour la generation des matieres metalliques, que quand tu auras fouy les montagnes deux ou trois cens pas dedans, tu peux dire que tu es encore sus la terre, & apres tu peux faire aller les eaux à costé, & plus facilement transporter la terre ia fouye. En vne plaine ce labour est la moitié plus grande: car on n'y peut faire place aux ruines, comment on faict aux môtagues, & tu ne peux facilement deuiner où gisent les matieres metalliques, ne les auoir quâd elles sont trouuees, comment ont faict en lieu haut: car tu ne peux estre aidé d'aucuns signes par les costez. Pourtant & tant grandes causes, peu de gens labourent aux plaines, quoy que par tout les matieres metalliques soient: plusieurs s'arrestent à besongner aux carrieres des montagnes pour les creuser. Car vn labour est de trouuer le lieu, & le gerre du metal: l'autre labour est plus grand, qui est de scauoir le tronc de la mine: & le tresgrand labour est de la cognoistre seulement du plus haut lieu. Et afin que ie repete plus profondement ce propos, entendu que souz la terre, comme i'ay dit, les ruisseaux d'eau coulent par tout, & que derechef la terre est souz l'eau, où souuent les metalliques gisent aux plaines, & que derechef plusieurs estiment l'eau estre souz telle terre, en sorte que aucuns ont pensé les eaux douces estre souz le profond de la mer, quoy que ce soit d'vne experience difficile, & que autresfois i'ay entendu qu'en vain a esté faict coup d'essay par les Venitiens, sans assuree inquisition, scauoir, si souz la premiere eau est vne autre: de laquelle chose l'argument me semble tel, que l'homme a des veines, mesmement au profond du corps. On dit qu'Arethusa, fleuue prouenant de la ville Elis, souz le nom du fleuue Alpheus sort en Sicile aupres de Syracuses, apporté par dessouz la mer. Aucuns disent qu'Arethusa est vne fontaine plustost qu'vn fleuue. Les eaux douces aux isles peuuent persuader cecy. Finalement, veu que nous voyons l'eau sortir au coupeau des montagnes & au bas, que pouuons nous coniecturer de la terre au-

*Scauoir si
souz la pre-
miere eau, qui
est souz ter-
re, est encore
vne autre
eau.*

tre chose que ce qui est dict? Ce qui a empesché que l'on n'ait trouué l'eau douce à Venise, ie ne le sçay suffisamment. Aucuns puisent de la mer quelque peu d'eau douce, comme dict Aristoteles, & ce non par fausse experience. Car on met en bas vn vaisseau faict de cire, assez espez, & fermé de toutes parts, lequel quand il a esté long temps en la mer, il admet l'eau & non pas le sel: ainsi l'eau est douce, & est bonne pour le boire: l'eau qui est subtile entre dedans, le sel qui est terrestre, est empesché d'entrer par la cire. Ils referent vn instrumēt estre inuēté, qui attire le sel, comme la matiere du lait la plus grasse hors de la pressure du fourmage, qui est chose profitable aux nauires, s'il est ainsi, puis que par tout on peut faire d'eau salee l'eau douce. Et n'est trop de merueille, le sel estre attiré, entendu que l'atraction est faite au lait, comme ie diray, non par propriété, ains par chaleur. Donc l'eau douce est faicte de la salee en autant de maniere que l'eau peut estre purgee par le sel. Or elle peut estre purgee par le sel en trois manieres, si elle descend, si elle est pressee, si elle est coulée. On peut inuenter la quatriesme maniere, si l'acrimonie du sel est esteinte: ce peut estre possible en ce peu de sel, en l'abondance du sel ce ne peut estre. Maintenant, & autre fois aussi i'ay dit, comment elle est coulée: le long repos faict qu'elle aille iusques en bas, mais ce pendant elle s'empuantit. Il reste donc que nous enseignons commēt elle est contrainte & amassée: elle est assemblee par chaleur non dissipante, mais attirante. Nous le môstrerons cy apres. Pourtāt ie retourne à mon propos. Souz la premiere eau la mixtion est faicte en terre, & principalement, comme i'ay dit, aux môtagnes, & aussi y est faicte la generation des diuerses matieres mixtes. La mixtion est icy proprement dicte. Car entendu qu'elle aduient en quatre manieres, l'une est des matieres differētes, qui muent leur forme, & est dicte generation, dōt nous parlerons icy: l'autre est des matieres differentes, qui ne muent leur forme, laquelle, si elle est des matieres liquides, est dicte contraction, ou assemblement meslé, comme quand l'eau & le vin sont meslez ensemble. Si elle est faicte des matieres seches, elle est dicte propre-

*Cōment l'eau
douce est en
la mer.*

*Quatre ger-
res de mix-
tion.*

ment mixtion, comme quād le millet, le froment, & l'avoine sont meslez ensemble: & si se sont matieres scēblables, ce sera appellé vn monceau: & le quatriesme gerre de la mixtion est, comme quand le froment est ensemble assemblé en vn monceau.

Or auant que ie parle de la parfaicte mixtion, ie traiteray de l'assemblément meslé, dit en Grec *crasis*, qui est la plus manifeste mixtion, comme i'ay estimé. l'ay dit que le vin est meslé avec l'eau par assemblément dit *crasis*, entendu que la substance de l'vn & de l'autre ne perit, mesmement la forme du vin demeure. Pourtant de peur que les corps n'entraissent l'vn dedans l'autre, ou qu'il ne fut vne diuision iusques aux parties minimas, en sorte que les corps fussent composez de parties indiuidues & inseparables, il a esté necessaire la forme estre augmentee, non la matiere, comme bien l'estime Aristoteles parlant de l'augmentation. Car quand vne chose est adioustee à vne autre tres-petite, il est impossible que le tout soit meslé. Et si les formes corporelles estoient entremeslees, les corps s'entrepenetroiēt. Mais comme quand le vin est meslé avec l'eau, la forme du vin est veüe par tout, quoy que le corps du vin ne soit par tout: ainsi il en aduient à la mixtion vraye: car, comme i'ay dit, l'eau n'est vrayement meslee au vin. Or des choses qui vrayement sont meslees, il est necessaire que les formes perissent, pour le moins en partie. Mais la forme du vin ne perit. Et l'experience monstre que l'eau n'est parfaictemēt meslee au vin. Et si vn linceul est mis dedās le vin meslé avec l'eau, & apparoisse hors le vaisseau, toute l'eau monte hors du vaisseau par le linceul, & laisse le vin pur dedans le verre. Par laquelle experience le vin destrempé d'eau est distinct & separé du pur: & ce ne pourroit estre, si le vin & l'eau estoient meslez vrayement. Derechef l'eau tend au fond du verre: pour ceste cause le boire est insipide & sans saueur au fond: donc il est trop meilleur de mettre le vin en l'eau, que l'eau au vin. Et si tu verses du vin dessus l'eau petit à petit, le vin nagera sus l'eau, non seulement pour la cause predicte, mais pource qu'en mettant premierement vn morceau de pain

Comment est faite la mixtion dite en Grec crasis.

Comment l'eau est separee du vin.

Comment il faut mesler le vin.

de pain tu verses le vin sus l'eau, petit à petit, tu verras évidemment le vin nager sus l'eau, le morceau de pain osté, sans faire aucune mixtion. On peut donc voir ces trois choses en vn verre séparément: ainsi le vin souz l'huile, & l'eau souz le vin. Pourtāt à bon droict on peut mouuoir ceste question, lequel ou du vin, ou de l'huile, ou de l'eau est le plus subtil. Car si quelqu'vn d'iceux est le plus leger, il est au dessus, ainsi iouxtē ceste question l'huile est plus leger que le vin, & le vin plus leger que l'eau. Et ce le persuade, que l'huile ard promptement, l'eau iamais, & le vin tient la mediocrité. Selon Galien, le vin est plus pesant que l'huile: car quand le vaisseau de l'huile contient neuf liures, l'huile ostee, si tu emplis de vin le vaisseau, le vin poïsera dix liures. Pourtant il n'est chose meilleure pour prolōger la vie, que l'huile, pourtant qu'elle est subtile, grasse, & sans excrement: dont il aduient que pour cause de sa tenuitē & de sa gresse, elle nourrit grandement la chaleur naturelle: & pour cause de sa sinceritē, elle ne moleste la chaleur, & ne faict d'obstruction au corps humain, lesquels empeschemēs, scauoir est, moleste la chaleur, & faire obstruction font abreuiation grande à la vie. Reiectez donc le vin emmiellē, puis qu'il est permis d'vser de l'huile. Car ce est trèsprofitable de n'engendrer aucuns excremens: & ce mesmement est tresbon de les reiecter, quand ils sont engendrez. Et la retention des excremens apporte tant de detrimēt au corps humain, que l'vrine retenuē coustumierement engendre la pierre: pour ceste cause ceux qui se tiennent subiects aux escholes, aux leçons & à l'escriture, sont facilement pris de telle maladie. Et de ne reiecter les excremens superflus, aucunesfois ce est cause de mort presente. L'huile donc est profitable par tant de commoditez à la vie humaine. Le quart argument de la tenuitē de l'huile, est qu'elle penetre facilement. Pource on la met dedans les serrures, afin que les clefs tournent mieux. Par raison cōtraire le halinitrum meslé avec la cire fondue, empesche que l'eau ne passe parmy l'oere, si elle est abreucee diligemment aupres du feu par le halinitrum, & de la cire: & faut que le halinitrum soit mis en poudre: & si tu mesles quelque peu de gresse à cre.

Comment le vin nage sus l'eau.

Lequel est le plus leger du vin, de l'huile, ou de l'eau.

L'huile est bone pour prolonger la vie.

La generatiō des pierres en la vessie.

Cōment l'eau ne penetre l'o-

la cire, cela sera encor meilleur.

Mais ie retourne à la dispute proposee. Trois causes sont qui montrent que l'eau est plus subtile que l'huile & le vin. La premiere cause est que si l'eau & l'huile sont meslees ensemble, & sont mises sus le feu dedas vn vaisseau, l'eau est toute consumee plustost qu'une goutte d'huile, neantmoins que l'eau par sa frigidité plus repugne, & que mise en bas recoiue moins de chaleur, entendu que la chaudiere mesmement est froide en bas, & que l'eau difficilement peut faire exhalation oppressee de l'huile, quoy qu'elle se conuertisse en l'air. La seconde cause est, que quand quelqu'un a beu de l'eau en Esté, incontinent il la reiette par sueur: non ainsi l'huile, ne le vin. La troisieme cause est, qu'elle est plus claire que l'huile & le vin. Mais la cause de sa perspicuité & clarté est pource qu'elle n'a de couleur: qu'elle est de legere resolution, pource qu'elle n'est grasse: qu'elle s'en va par sueur, pource qu'elle ne nourrit: & que pour cause de sa frigidité elle iette hors l'humeur chaud ia dissoluit: & lors elle ne sort dehors, mais elle pousse dehors la feruente partie sereuse de l'humeur.

*Li. du Sens
& du sensible.*

Tu diras, Aristoteles estime que l'eau est plus tenue que l'huile. Aristoteles entend par chose tenue vne chose rare non visqueuse, & mesmement non contraincte & assemblee. Peut estre qu'il preferera en legereté le vin à l'eau, pourtant que le vin nage sus l'eau: ce toutesfois ne demontre le vin estre plus leger que l'eau: car toute grosse & chose grasse se tient toujours dessus, pource qu'elle est contrainte & amassée: & ne peut descendre, pource qu'elle est tenante, comme mesmement vne mince lamine de plomb ne peut descendre: & les matieres grasses ne peuuent descendre au profond, quoy qu'elles soient pesantes, non seulement pource qu'elles contiennent de l'air, mais aussi pource qu'elles sont contrainctes de descendre toutes ensemble. Pourtant donc que telles choses difficilement sont meslees, elles ne feront iamais la mixtion dicte crasis.

*Comment le
vin corrompu
est corrigé.*

Par mesme raison le lait n'est meslé au vin. Coustumierement ils mettent le vin corrompu dedans vn vaisseau net, & y adioustent petit à petit la dixiesme partie

de lait : & apres huit iours passez, le vaisseau ouuert, ils le vendent, & semble clair & bon : si toutesfois il demeure long temps dedans le verre, derechef il est corrompu: mesmemét il delaisse au bord du verre vne gresse butyreuse, par laquelle la fraude & brouillerie est descouuerte. Et ce meslange est de grand gain. Et s'ils empeschoient que le vin ne s'empuantist, autant qu'il soit troublé, il faudroit vser de la dixiesme partie d'eau ardante meslee, qui ce empescherait. Le souffre y est encor meilleur, mais il manifeste la fraude par son odeur. L'ay souuenance d'en auoir beu. L'alument peut faire chose mesme : & les deux sont grandement nuisans à la santé. Pour dire generalement, toutes choses pesantes & lentes clarifient le vin: les choses lentes, comme le lait & le blanc d'un œuf, & toutes liqueurs en sont purgees. Quand les choses pesantes tendent au fond, comme sont les pierres d'un fleuue, cuites tant qu'elles se fendent, & soient redigees en poudre, pource qu'elles se meslent bien, & sont seches, elles attirent en bas tout ce qui est espez, comme bouë: & est ce qui rend la matiere turbulente : & quand les matieres pesantes & lentes ont attiré, elles descendent au bas du vin, & purgent le vin. Le sel doncques en peut faire autant, mais il manifeste la fraude par sa saueur, & rend le vin insipide. Il est aussi facile de cognoistre par les matieres metalliques le vin adulteré & broüillé. Car en le laissant dedans le verre ou calice vingt & quatre heures, les metalliques descendent au fond pour cause de leur pesanteur, & le vin est fait comme vin poussé, la couleur demeurante. Et si le vin est adulteré de miel, on le cognoist incontinent, en laissant tomber sus du fer chaud aucunes gouttes: car le vin consumé, le miel demeure: entendu que la substance du vin est plus subtile, que du miel. Semblablement si le miel est adulteré (ce qui est fait coustumierement de farine du millet) cuit, & escumé, & mis dedans un vaisseau de verre, il demeure trouble en la part superieure. Ainsi il m'aduient l'an passé de cognoistre le marché de la droguerie de Paue. Et si le miel est corrompu de quelque poudre, ce qui est adiousté prend siege en bas,

*Comment on
cognoist le
vin broüillé.*

*Comment on
cognoist le*

miel et l'huile & pource il est obscur au fond du vaisseau. L'huile manifeste la fraude en bruslât: car ou elle crie, ou elle estincelle, ou la lie y est plus grâde qu'il ne conuient à la quantité de l'huile. Pourquoy donc le laiçt peut-il corriger le vin? Pource que la matiere grasse tombe en bas, la mixtion, dicte crasis, presque faicte, attirant avec soy ce qui est turbulent, la portion aqueuse du laiçt laissée au vin qui cache le vice & corruption du vin: apres quelques petites portions du vin descourēt la fraude, pource que derechef le vin est corrompu de l'air plus subitement à cause de son imbecillité. Les clous de girofle, dictz en Grec *garyophylis*, fichez alentour d'un citron, ou pomme d'orange, qui sont suspens au vaisseau, en sorte qu'ils ne touchent le vaisseau, changent le vice en odeur bon & gracieux. Les matieres donc qui ne sont semblables de nature, ne font commixtion, dicte crasis, comme le vin avec l'eau, si elle n'est fort petite: trop moins le vin avec le laiçt encores moins, & quasi nullement ces choses liquides, l'eau, le vin, & le laiçt se meslent avec l'huile. Le vin de despense, dit la buuëtte, en Latin *lora*, est vrayement plus meslé: pource qu'il a boulu: toutesfois il n'est totalement meslé, entēdu que la mixtion est œure de nature, non de l'art, ne du feu. Toutes choses dōc qui vrayement sont mixtes, monstrent seulement vne forme d'elemens, mais non exquisite, & monstrent seulement la vertu des autres choses. Car si les elemens n'estoient par tout en la chose mixte, ce qui est mixte seroit vn monceau, non chose engendree: si les elemens estoient par tout, & selon leur substance, les corps s'entrepenetroient mutuellement. J'ay monstré cecy aux liures de Medecine. La forme donc du mixte element victorieux, est imparfaicte, & petit à petit elle est acquise aux elemens certes manifestemēt: & Melanthon estime cecy estre faicte mesinement aux autres choses. Cecy semble estre assez consono à la raison, entendu que la forme est de l'element qui domine. Mais ceste forme peu à peu est perdue, car petit à petit elle a esté acquise. En aucunes choses, qui sont les plus nobles. Aristoteles estime l'acquisition estre faicte petit à petit, ains par degrez: car la matiere du petit enfant premierement vis

Comment on
faict le vin
odorant.

Les elemens
actuellement
sont en toutes
choses mix-
tes.

en la matrice, puis elle a sentimēt, & apres est faicte capable d'entendement: & l'ame, en laquelle est l'entendement, est faicte la derniere: & l'entendement vient à l'ame exterieurement: & ces matieres sont les proches au sens. Or toutes choses mixtes, ou elles sont terrestres, comme les pierres & les plantes: ou elles sont aqueuses, comme le lait & l'huile: ou elles sont parfaicte-ment mixtes, comme les corps des animaux. D'ocques la mixtion n'est faicte en la sorte qu'est faicte la nutrition, ou augmentation. Car en la mixtion vne chose est adioustee à l'autre: en ces choses là ce qui est par puissance, est adiousté à ce qui est actuellement: l'augmentation est faicte selon chaque portion de la forme, non pas de la matiere: pource que la matiere peut estre diuisee infiniment. Autant en faut dire de la nutrition. L'augmentation donc & la nutrition vrayement sont faicts selon la forme: & l'addition seule est selon la matiere, pource que par tout aucune chose est adioustee aupres. Doncques la plus petite portion de chair est augmentee toute selon la forme, quand le nutriment y est adiousté, non selon la matiere, mais seulement en circuit. Toutesfois ce n'est proprement par ce moyen: ains, comme i'ay dit, c'est presque vne mesme raison de l'augmentation, & de la nutrition, & aussi de la generation: lesquelles sont faictes de l'ame: car c'est l'œuvre de l'ame de pouuoir ainsi attenuer, vnir, & transmuier. Et si quelqu'autre chose qui n'a de vie pouuoit ce faire, le feu principalement ce pourroit faire: car de toutes choses qui vivent le feu est plus robuste & fort: toutesfois il ne peut ce faire, veu que ce qui est adiousté, cōme i'ay dit, est apposé aupres de ce qui est bruslé, & n'entre point dedans la premiere substance: pourtant il est necessaire que toutes choses mixtes vivent, ou qu'elles ayent vescu. Que la raison en soit ainsi prise: pource qu'elles sont nourries, & que le nutriment n'est faict, sinon de l'ame, & que ce qui a ame vit. Et si tu nies qu'il soit nourry, au moins tu cōfesseras estre engendré: or rien n'est engendré, sinon par l'ame, pource qu'elle seule, comme i'ay dit, mesle entierement. Nous voyons aussi toutes choses mixtes & composees degenerer des elemens pesans, comme les pierres, &

*Les raisons
que toutes
choses mixtes
vivent.*

moins les terres metalliques, les fucs d'auantage, apres les metaux, puis les plantes, & les animaux imparfaits, & outre les animaux les plus parfaits, iusqu'à ce que nous soyons paruenus à l'homme, duquel la composition semble estre tant loing de la nature & substance des elemens, qu'il n'est aucun qui puisse croire l'homme estre composé des elemens. Si donc l'homme, les animaux, & les plantes viuent, entendu qu'il n'est qu'une mesme chaleur celeste, qui mesle toutes ces choses, aucunes moins, les autres d'auantage, comme ie monstrey à leur lieu: par ce il est manifeste qu'Hippocrates à bien dit, l'ame n'estre autre chose que la chaleur celeste: ce qui conuient à l'opinion d'Aristoteles, qui veut que la chaleur de l'esprit ait quelque proportion avec l'element des estoilles. Car, ou que la chaleur soit ame, ou le premier instrument d'icelle, où la chaleur sera il faut que l'ame y soit, & ainsi faut que la vie y soit: car la vie n'est autre chose que l'œuure de l'ame.

*2. de Gene.
anim. ca. 3.*

*La definition
de vie.*

*Pourquoy les
corps des
morts sont
plus pesans
que les corps
des viuans.*

Cecy est plus clair par experience: car quand le plomb se conuertit en cerusse, & est bruslé, il est augmenté de la troisieme partie de son pois. Cecy aduient, pource que ceste chaleur celeste s'esuanouyt: car il est certain que rien n'y est adiousté, & toutesfois il est augmenté. Veü donc que semblable raison est veüe aux animaux, qui sont plus pesans apres la mort, pource que quand l'ame s'en va, la chaleur aussi, & tout ce qui a esté elaboré par la chaleur s'esuanouyt: il est manifeste que les corps metalliques, & les pierres aussi viuent.

Tu diras, Comment quand la partie la plus legere est ostee, ce qui demeure est le plus pesant? Il est manifeste que cecy aduient, cōme aux œufs, & aux verres qui nagent sus l'eau: & mesmement il est manifeste aux lames d'acier & de plomb, l'air les soust nāt qui est enclos dedans: & ces choses rompues, incontinet elles descendent au fond de l'eau: mais quand à nous, l'air ne nous oste le pois: ainsi cōme en l'eau l'air oste le pois aux lames d'acier & de plomb, ainsi aux animaux, & aux metaux la partie du feu en l'air oste le pois. Car, cōme j'ay dit, aucunes substances des elemens sont aux matieres mixtes, mais elles sont rōpues: & les qualitez des autres

choses y sont comme la substance aqueuse est au lait: & l'air & la terre & l'element du feu, dict Ether, cuit de la chaleur selon la qualite. En deux manieres les Elements, sont aux matieres mixtes: la premiere est, comme par generation: & ainsi la terre seule, & l'eau est: mais la terre est selon la substance, la substance de l'eau n'apparoit: & comme la chaleur celeste a opere en la terre, & en l'eau, plusieurs choses semblent estre tant par substance, que par nature. Dont il aduient qu'aucunes choses deses peuuent estre legeres, & aucunes rares peuuent estre pesantes: car quand petite quantite de terre est chaude, en sorte qu'elle soit transmuee en la substance de l'air, toutesfois l'air n'y entre point, ce est leger, & dense comme toute chose grasse, & le bois d'aloës: au contraire, si la terre est peu eslabouree, & qu'il y ait dedans grande portion d'air, & qu'elle soit perspicue & claire de toutes parts, & de parties tres-menues, ce sera dict rare, & toutesfois il est fort pesant. Et facilement nous entendons la chose pesante estre desee, & la rare estre leger. De ce le plomb est plus pesant que la terre: car le plomb n'a presque aucune rarite: & la terre entendu qu'elle n'est coherete, elle admet l'air: pour ceste cause elle semble estre plus leger que le plomb, pource qu'elle a l'eau au lieu de l'air. Et ceste terre, comme i'ay dict, n'est pure, ains elle a vne substance metallique entremessee. Dont aduient ce qui est arreste des cedres, que le vaisseau plein de cendre recoit autat d'eau, come sil estoit vuide: il est manifeste qu'il y a grande portion d'air: & que l'exhalation de la plus petite cendre est faicte: & le reste de la cendre se presse: & vne portio de l'eau est consume par la grande secheté. Pourtant afin que ie retourne à mon propos, on cognoist bien par cest argument, que les matieres metalliques viuent, pource qu'elles naquissent aux montagnes, ainsi que les plantes, avec leurs branches larges, racines, troncs, & comme avecques fleurs, & fruiets: en sorte que le metal ou la substance metallique n'est autre chose qu'une plate enseuelie & enfouye, & toute naquissant sous terre: & ne pouvoit croistre sus la terre, pource qu'elle estoit friables, comme cou-

*Les elements
sont en deux
manieres aux
choses mix-
tes.*

*Aucunes cho-
ses deses sont
legeres: aucio-
nes rares sont
pesantes.*

*Sçauoir si
quelque chose
mixte est plu
pesante que
la terre.*

*Pourquoy le
vaisseau plein
de cendres re-
coit autat
d'eau, comme
s'il n'y auoit
rien.*

*Pourquoy
plusieurs cho-
ses metallo-
ques sont souz
la terre, &
peu des ani-
maux.*

*Les matieres
metalliques
sont innom-
brables en es-
pees.*

*Les matieres
metalliques
sont les fruits
les racines, les
exhalations
des choses me-
talliques.*

perose, dict vitrial, en Latin *calcanthum* : ou elle estoit trop pesante, comme plomb. Aussi nous voyons la taupe, entre les animaux, les vers & les crapaux estre engendrez souz terre. Mais il n'estoit commode d'engendrer les animaux souz la terre en tant grand nombre que les plantes, pource que la vie & la nutrition desquelles les metaux ont besoin, peuuent estre faictes souz la terre: & la respiration dequoy les animaux parfaicts ont besoing, difficilement peut estre faicte souz la terre: pour ceste cause les gerres des matieres metalliques, mesmement plus qu'aucun ne peut estimer, sont engendrees par nature soubs la terre en tant grand nombre, que i'ose dire qu'elles ne peuuent estre de personne quelconque nombrees. Car si nature orne la terre de plus de cinq cens especes des herbes, & a aussi induit les animaux sus les herbes, il est vray-semblable qu'elle s'est exercee soubs la terre de non moins de manieres, ains de trop plus: mais plusieurs choses sont cachees au bas: & nous referons les autres choses aux gerres proches, par la similitude des couleurs ou de la substance. Aucunes choses sont rares, en sorte que si elles estoient sus terre, à peine pourroit-on les trouuer, comme de nostre temps plusieurs gerres des plantes ne sont trouuez, neantmoins que Dioscorides en faict mention. Aucunes choses ont esté negligees depuis qu'elles ont esté trouuees, pource qu'on ne cognoissoit leur vlsage & utilité: ainsi aduient que d'un grand nombre des matieres metalliques peu soit cogneuës. Et de celles que nous cognoissons, moins de gerres en sont que nous n'estimons, desquelles aucunes sont les fruiets les fueilles, les exhalations, les racines, & ce sont matieres qui iamais ne sont separees d'ensemble: & ie diray en leur lieu de leur nature. Maintenant pourfuiuons nostre question proposee.

Nous auons dict que les matieres metalliques, les metaux, & les pierres viuent. Car les matieres qui ont maturité acerbité, & vielleffe, elles ont aussi vne vie. Aucunes pierres sont trouuees sans maturité d'une couleur petite, & de substance non cuite: mesmement vne portion d'icelles est veuë pure, l'autre impure, comment

on voit aux fruitz d'un mesme arbre. Outre-plus les veines & instrumens de nutrition y sont, & les meates & petits pertuis, cōme nous voyons aux pierres, par lesquelles choses nous pouuons cognoistre qu'elles sont nourries, non autrement que les plātes, & les os aux animaux: car si elles estoient augmētees par acces & addition, elles n'auroient besoin des veines. Et les pierres qui seulement croissent par chaleur, que nous appellōs vulgairement Tufs, en Latin *Tophi*, & mesmemēt celles qui croissent par le seul froid, n'ont point de veines, ne de substance ordonnee, comme les vrayes pierres, & celles qui ont vie: car les Tufs dictz *Tophi*, n'ont point de vie. Et les vrayes pierres souffrent la mort, parquoy elles ont vie. Car chez moy la pierre d'Hercules, diste Aimant, en Latin *Magnes*, en peu de temps est perie: & quelque temps attirante viuement le fer, apres par succession de tēps elle ne l'a plus attiré. Or qu'est-ce autre chose que la vie, sinon l'operation de l'ame? l'ay monstré à mon traicté de Medecine, que les choses qui viuēt ont seulement operation. Les elemens viennent aucunement, comme il est dict, entendu que de leur gré ils sont produictz à leurs propres regions: mais toutes choses mixtes sont de trop meilleure vie: car nature s'efforce tousiours de faire quelque chose composee meilleure que n'est ce dont elle compose. Pour ceste cause donc ie ne croiray à *Simplicius*, qui dict, que comme le fer est attiré de la pierre Aimant, ainsi faut estimer l'or estre attiré de l'os du poisson dict *Miluis*. Car ce qu'il a escrit aux expositions de physique, repugne à raison, veu que tel os ne vit point. Et ja i'ay mōstré que toute operation est du viuant, & en tant qu'il vit. Et combien que les Elemens viennent, cest œuvre ne peut estre des elemens, ains c'est attraction de quelque chose. La vie est du viuant, laquelle pour le moins vse de nutriment: or l'os de poisson ne vit du gerre de vie qui vse de nutriment, quand tu l'auras osté de l'animant. Car l'ame distincte de l'animant est manifestement sensible: & ceste ame sensible est semblable à la nutritiue. Pourtant ie me confie en ceste demonstration, tellement que combien que ie ne l'aye experimenté, i'ose dire toutes-

Il mōstre par raison, contre Simplicius, que l'os du poisson miluis n'attire l'or.

*L'aguillon
des pastena-
des oste la
douleur des
dents.*

fois, qu'il est impossible que l'os du poisson dict *Milvus* attire l'or non autrement que l'aimant attire le fer : & certes ce peut estre attiré par quelque autre chose viuante, comme pierre, beste, ou arbre, tandis qu'elle vit. Et si quelqu'un obiecte que l'aguillon des panets, ou pastenades, en Latin *Pastinaca*, oite la douleur des dets, si on en frotte les genciues, ie respon que la vertu qui est en cest aguillon par puissance, non par effect, est deduite à tel acte par la faculté & propriété de nature, non autrement que la vertu exulcerante des Cantharides. Apres l'application, cest aguillon apporte grande douleur: mais vne douleur esteint l'autre, quád elles ne sont en vne mesme partie, comme dit Hippocrates, en sorte que la grande douleur de la genciue, hebeté la douleur de la dent. La douleur de la genciue reuoque la cause de la douleur pour la propinquité, laquelle cause de douleur & souuent au nerf implanté à la dent, & ce n'est tousiours, & n'aduiet à tous. Pourtant donc, entendu que la force & vertu est seulement par acte aux viuants, il est necessaire que les pierres qui ont force ayent ame. Tu diras, Ce Philosophe nye cecy. Or ceux qui confessent les pierres estre engendrees ou augmentees, necessairement confessent qu'elles viuent: car telles choses sont communes de la faculté vegetaire, scauoit est, estre engendré, estre nourry, estre augmenté, comme le tesmoigne Galenus. Il semble aussi que nature petit à petit passe d'une extremié à l'autre, & que elle conioinct les choses fort distinctes par autres choses moyennantes: comme entre ce qui n'est nourry, & ne vit? & ce qui est nourry, & vit, vne chose moyenne pouuoit estre constituee, qui viuroit, & ne seroit nourrie: & qui seroit nourrie, & ne viuroit. Or quelque chose ne pouuoit ne viure point, & estre nourrie, entendu que la faculté seroit sans subiect & sans principe. Il falloit donc plus tost que la chose moyenne ne fut nourrie & vesquit. Car il aduiet que le principe est sans faculté aux choses qui sont bleffees de nature: les pierres donc sont de telle sorte.

*Comment les
matieres me-
talliques sont
aux mont a-
gnes.*

Les matieres metalliques sont aux montagnes, non autrement que les arbres, avec racines, troncs, rameaux,

*1. lib. des grã.
Mora. ch. 4.*

& plusieurs feuilles : & aucunes parties d'icelles sont subtiles & menuës, aucunes fois avec fleurs & fruits : & aucunes aussi n'ont des fruits, ne des fleurs, ce que mesmement nous voyons aux herbes & plâtes qui naissent aux puy, en l'ôbre, ou en lieu trop aride, cōme en l'herbe dicte *adiantum* en la scolopêdre, dicte aussi *scolopetra*, & en autres qui croissent aux murs : car il est manifeste que les fruits & les fleurs sont les indices d'un arbre abondant & fertile. Et la fécondité est faite en partie de l'humeur, en partie de la chaleur du Soleil. Pour ceste cause ce n'est merueille si les metalliques n'ont aucunes fois des fleurs, ne des fruits, entendu qu'elles n'ont tousiours le Soleil, & que souuēt l'humeur copieux leur defaut.

Or si tu veux cognoistre ou les matieres metalliques sont en abondance, il est besoin de plusieurs cōiectures certaines. Premièrement la prouince fertile le monstre, comme maintenant Germanie est fertile en argent : en Italie à peine peut on trouuer mines d'argent, nullemēt de l'or. Comme donc en la region feconde plusieurs champs sont fertiles, ainsi en la prouince fertile des metaux, plusieurs montagnes outre espoir produisent les metaux. Aussi les montagnes tres-hautes, comme elles sont plus difficilles à fouyr, ainsi elles sont plus liberales à donner les metaux : car raremēt on trouue aux petites montagnes abondance de telle matiere. Souuent les coupeaux des mons qui tēdent vers le Midy, le pied regardant vers Septentrion, donnent indice d'auoir du metal, & principalement d'argent, duquel les mines les plus fertiles droict tendent coustumierement d'Orient vers Occident. Mesmement les mons qui sont aux regions chaudes, sont les plus fertiles en pierres precieuses, pource qu'en Midy l'humeur est plus seché & attenué : & pource les pierres sont engendrees par secheté : mais les pierres precieuses par tenuité & rarité : & les metaux sont faicts par humeur trop plus espes. Et cest humeur espes est en vigueur aupres de Septentrion.

Toutes montagnes steriles sont metalliques pour deux causes. La premiere, que l'humeur est consumé dedans, dont les plantes ne peuuent estre engendrees, & mesmement les mauuais vents tuent les plantes ja

Adiantum
herbe, autrement dicte polytrichon, & capsillus Veneris, les cheueux de Venus.

Pourquoy les metalliques n'ont aucunes fois de fleurs ne de fruits. On cognoist par ses indices les metalliques estre abondantes aux montagnes.

Pyrites est dite de Celsus lapis aris: Et en Celsus on lit eius, au lieu de aris.

engendrees. La couleur aussi des montaignes, des pierres, & de la terre non seulement monstre que les metaliques y sont, mais qu'elles elles sont. La couleur verte est faite de l'air, la noire de l'argent & de l'or, la couleur de pourpre est faite de la pierre pyrites, la couleur liuide & brunette est faite de plomb & de fer, la couleur luride & blaffarde est faite de couperose, & de telles manieres de sues, la couleur grise & cedree est faite de soufre. L'odeur pareillement le monstre, car quand tu auras brisé deux pierres d'une mesme montaigne, si le metal est au bas de la motagne, les pierres sentent gradement le soufre. Pour laquelle chose on a estimé fausement les metaux estre faits de soufre, entendu que l'odeur de soufre est de l'excrement metallique, & est indice de la coction superflue. Aussi les pierres ou la terre plus pesante que la raison ne le requiert, s'ot certains arguments & indice de la matiere metallique. Si mesmement elles sont trop splendides en aucune partie, ou estans solides elles n'ont de splendeur, estime certainement la matiere de metal estre dessous: finalement si tu fons telles pierres au feu, tu cognoistras assemblement le metal estre dessous, & cognoistras le gerre d'iceluy & la quantite. Outre plus les eaux coulantes donnent quelque petite coiecture de cecy, lesquelles si elles mostrent odeur ou couleur aliene, tu pronoceras sans doute le metal estre en la montaigne. Aussi tu experimenteras diligemment le fond du canal de l'eau coulante, & tu y trouueras vne portion de metal: car à peine peut estre que le iour adioustant tousiours quelque chose par successio de temps, le vestige du metal n'apparoisse par la descente de la plus pesante partie de l'eau. Et le mont est plein de creuaces, pour cause des exhalations acres des matieres metalliques. Aucunes plâtes se resioiissent de la societé des metalliques: & tât plus sont rares celles qui seioiissent des metaux, tât plus euidât tesmoignage donent elles de ces choses, si elles sont presentes. Generalement, les plâtes sont telles, qui ne produisent de fruit, ou si elles en produisent, il est fort petit: comme la basse geneure, le lierre, vn figuier sauuage, le pin siluestre, & plusieurs plantes spineuses. D'auantage, les fueil-

les d'aucuns arbres sont palles & caduques, & le tronc est exilé & menu, & tout y est flestry : & ce n'est de merueille, car cōme la nourrice pregnāte est baillée à l'enfant allaieté, ainsi l'aliment est commun aux métaux & aux plantes : & pource à peine la nature du lieu pourra satisfaire aux deux. Et les métaux attirent plus d'aliment que les arbres : car la propagation des métaux est trop plus grande que les arbres comme sont les Balaines de la Mer plus grande que les animaux terrestres.

*La comparai-
son des matie-
res métalli-
ques & des
plantes.*

Je trouue en Agricola vne mine d'argent, quoy que l'argent soit vn metal le moins fecōd, estre en lōgueur de trente pieds, en largeur de dix pieds, & de soixante pieds en profondeur. Donques il est manifeste qu'elle estoit semblable à vn arbre: car la profondeur de l'arbre est la plus grāde, puis la longueur ou diduction des brāches l'espeſſeur est la plus petite, qui est prise aux mines pour latitude. Si dōcques la mine est tant grāde en l'argent que sera-ce au cuiure, au plōb, au fer, & au soufre? Finablement que sera-elle grande aux pierres? Nō toutesfois par mesme raison que les bestes de la Mer seulemēt excēde en magnitude les bestes terrestres, ſçauoir est, pour cause de l'humeur abondāt: & le poix aux pierres & métaux, entendu qu'ils ne pendēt point, n'apporte aucun peril: le poix aux arbres en apporte. Car pource que les arbres pendent, facilement elles sont arrachees des vents: & la diligence des vêts y est frustree.

*La meruei-
leuse grādeur
de la mine
d'argent.*

Quand à ce qui appartient à la similitude, comme i'ay dict, tāt les arbres que les métaux s'eioüissent du regard de Boreas, & de la part Septentrionale: & ont presque quatre parties necessaires, la racine, l'escorce, la substāce & les veines. La racine à vne pierre est vne autre pierre, ou la terre, cōme ie monstreray en son lieu: la racine au metal est autre metal, ou matiere metallique, ou la terre. L'escorce apertement differe de l'autre substance & en lieu, & en dureté. Les veines manifestement apparoissent dedans la substāce. Qu'est-ce donc autre chose qu'une mine, si nō vne plāte couuerte de terre, & de pierres? Et ceste plāte est, cōme i'ay dict, ou vne terre metallique, dont i'ay parlé, ou vn suc noble, ou metal, ou vne

*Les parties
necessaires
aux matieres
metalliques.*

Les choses cō- pierre. Le cōmun des matieres metalliques est, ou que
munnes à tou- elles rendent la chose plus dure ou plus froide. La terre
tes matieres dicte Eretria, les metaux, les pierres, & plusieurs des me-
metalliques. talliques sont froids. Aucuns neantmoins qu'ils soient
Deux ternes secs, amollissent en y mettant beaucoup de gresse, cō-
Eretriades. me le bitumen, & la pierre dicte *Gagates*. Et sont secs,
Diosc. lib. 5. pource qu'ils sont terrestres. Le feu ou plustost la cha-
Gagates de- leur peut eschauffer: il ne peut humecter.
quoy fait des

patenostres. Il est necessaire que les matieres metalliques presque
Diosc. lib. 5. toutes soient de mauuaise saueur, ou de nulle: de nulle,
 cōme les pierres pures, & la terre pure: de mauuaise sa-
 ueur, comme toutes les autres. La cause est, qu'à peine
 elles sont exemptes d'adustion, & comme i'ay dict, elles
 sont seches: & les douces sont humides. Et si quelque
 humeur y est, & vne bōne saueur est meslee avec la mau-
 uaise, la bonnē ne peut abolir la mauuaise ains elle est
 corrōpue. Car si tu mesles vn peu de gentiane à moult
 de lait, tu n'auras mauuaise saueur. Ainsi n'est aux o-
 deurs: car l'odeur de plus vehement coustumierement
 abolit le plus petit. Le cuiure est amer, & de tresmau-
 uaise saueur: le fer est sousamer: puis l'estain: l'alun a-
 streint avec amaritude, & la couperose, mais elle est la
 plus amere: & tous les autres aussi, cōme le soufre, & le
 bitumē. L'argēt toutesfois dōne vne saueur delectable,
 & vn peu douce: & l'or l'a trop meilleure, mais il ne la
 dōne. Les saueurs des metaux sont cogneuiēs, si aux vais-
 seaux faictz d'iceux aucū humeur est receu, & y est gar-
 dé: ou si vne portiō de matiere metallique est destrēpee
 dedans le vin, ou dedans le suc, ou dedans l'eau, & que
 l'humeur y demeure lōg tēps. Toutes metalliques, si el-
 les sont faictes d'humeur cōcret, & amassē par le froid,
 sont liquifiees par le feu, cōme le soufre, & les metaux:
 si aucunes sont condēsees par chaleur, elles sont dissou-
 tes par le froid, & par eau, comme l'alun, le sel, l'ancre
 dict *atramentum*, le nitre: aucunes sont amollies seule-
 ment par l'eau, comme plusieurs pierres. Agricola refere,
 qu'il a veu vne portion de marbre auoir esté mollifié
 par l'eau, apres qu'elle eut esté long temps dedans. Il
 est necessaire que ces choses soiēt terrestres, qui iamais
 ne sont liquifiees parfaictement. Pourtant toutes ma-

Toutes me-
talliques sont
defaictes en
trois manie-
res.

tieres qui sont parfaitement liquifiées : sont aqueuses : & celles qui ne peuvent estre liquifiées parfaitement, quoy qu'il y ayt de l'humidité, elles sont toutes fois terrestres. Les sucz donc consistent d'une substance aqueuse, comme l'alun, le bitumen, le soufre, le sel, le nitre, la couperose, & autres semblables. Toutesfois ie dirois que le sel seroit vne terre avec vn suc: mais ce n'est de la presente institution de traicter toutes choses, ains plustost est pour cause d'exemple plus clair & vtile. Aucuns sucz sont rares, comme celuy qui a esté inuenté a Annebourg au creux d'une mine d'Otho Emperer, dur, & blanc, & tât acre, qu'il faisoit mourir les rats & souris en le rongant. Maintenant nous parlerons des tât qu'il soit dissout, nostre papier trépé en ceste eau, plus cogneus, entre lesquels est l'alun liquide, dict de roche, de vertu tant astringente, que si tu le cuits en eau, & puis seché, retient l'ancre tres-bien, & ne permet que l'ancre s'esparte, quoy que le papier soit tres-mauvais, & boiue fort. La maniere de ce faire : vne once d'alun soit cuite en vne liure d'eau, & qu'il ne demeure que la tierce partie de l'eau. L'alun rouge est le plus excellent: & l'indice est que le papier à beu l'alun, quand il reluit. Par mesme raison il rend les plumes de gears meilleurs, & les cuirs aussi, & empesche que le vin ne soit trouble au vaisseau. L'alun qu'ils appellent de scaiole, est ce qui est dict des anciens l'astre de Samos, ou *astrū Sumiū*, & n'est du gerre des sucz: ne l'alun de plume mesmement, qui consiste des parties terrestres : & pource s'il est mis en poudre, & on le iette dedans vn list, il fait degrater assiduement : car il est composé de parties aguës & poignantes. Et si les meches des lampes sont faites de tel alun, elles ne sont bruslees, ains l'huile est seulement tousiours consumé, & les meches demeurent. Et ce est cōmun presque à tout gerre de pierre encroutée. Car en Eislebe vne liqueur verte sort de la pierre pyrites, ou d'autre pierre, qui se peut fendre, mise dedans le feu, laquelle liqueur quand elle se contraint, & amasse le feu esteint, elle ne retient plus rien de la nature du feu. Ainsi Agricola certifie les nappes estre tissues à Rome de la pierre dictée *amiantus*, & en Verebourg ville de

*Le suc acre
& puissant.*

*Alun de
roche.*

*Alun de
plume.*

*Les meches
qui ne sont
bruslees ne les
nappes aussi.
Amiantus en
Cypre.*

*Diosc. lib. 5.
Thryalū her-
be, dont est
fait le papier
des lanternes:
aucunes fois
c'est le papier
mesme, ou ce
est la lantern-
ne ou la chā-
delle.*

Boheme les seruietes en estre faictes, qui ne sont lauees ne nettoyees de l'eau, ains du feu. Et de la pierre scammeuse dictée *magnesia* en Boldecrane sont faictes les tables de couleur d'argent, & de plöb, qui sont nettoyees du feu, & n'en sont bleffees: & de la portion la plus mince de l'herbe dictée *thryalus*, nous vsions pour des laternelles. Ces choses sembleront estre incredible à quelques personnes, qui non seulement sont vrayes, ains necessaires, & faciles d'estre inuentees. Car entëdu que presque toutes les pierres resistent au feu, qui principalemēt ne dure long tēps, les scammeuses souuent sont filees pour faire du fil. Si donc tu files vne matiere contumace, & qui resiste au feu, il te sera licite d'en faire nappes, seruiettes & papier, qui ne serōt corōpues par le feu. Qui est celuy qui doute, que toutes choses filees ne puissent estre tissües? Dont mesmement les nappes ne sont seulement faictes de lin, ou de chanure, mais aussi de genest.

Le genest vtile à faire du linge.

Vne maison faicte du bois ne peut estre brussee.

Les 12. genres excellens de bitumen.

Maintenāt nous vsions seulement du genest à nettoyer & balier: toutesfois il est vtile à faire toile, si nous auïōs artisans pour ce faire: car tout ce qui est ductible, & qui se tille, il est licite de le filer: & ce qu'on peut filer, on le peut tisser. Et tout ce est ductible, qui cōsiste d'humeur tenant, & non facile d'estre rompu. L'alun de pleume n'a tant de suc, que tu puisses le filer. Ce n'est merueille si vne tour de bois est demeuree entiere, le feu estāt mis dedans, veu qu'elle estoit couuerte d'alun de pleume. La vertu n'est moindre au bitumē qu'à l'alun: mais vn seul genre n'est du bitumen: aucun est dict en Grec proprement *asphaltum*, & *pissphaltum*, *naphtha*, *gagates*, *ampelites*, *maltha*, la pierre de thrace, dictée *thracius lapis*, les charbons fossiles, dictés *carbones fossiles*, l'ambre dict *succinum*, ou *electrum*, l'ambre, *petroleum*, le canfre, dict *camphora*: & de tous pouuons cognoistre, excepté *camphora*: aucuns l'appellent, *capura*: ie m'en deporte, & n'en vueil plaider: la matiere est en doute: ie laisse à toy, quiconque sois fascheux, à composer le nom & appellation. Eutendu donc qu'ils trouuent du bois en *camphora*, ils estiment que c'est plus tost vne l'arme d'arbre, dite caparque bitumen, laquelle l'arme prouient en l'Isle appelée de *buteum*: & ceste Isle est loing de l'equinoce

La vertu du canfre.

vers

vers Septentrion de cinq pars & vn quart, & des isles fortunées de cent octantélix pars. Toutesfois si l'ambre dit succinum brusle, lequel sans doute est bitumen, & si la fumee est receüe en la nappe humide, le tout sent le canfre. Mais le medecin n'a grand affaire de cognoistre ces choses, seulemēt que le canfre, l'ambre succinū, & l'ambre sont du gerre de bitumen. Pour ceste cause si aucune chose dessusdite tombe des arbres, rien n'empesche que chose semblable ne soit engendrée dedans la terre. Et semble que le canfre ait eu des arbres sa premiere origine: toutesfois camphora n'est tant blanc de nature, mais il est fait tel par distillation. Car la distillation coustumierement blanchit, non pas tant qu'elle oste toutes les ordures & macules, mais pource qu'elle rend la substance rare, & pource facile à recevoir l'air. Le canfre donc est tressec, en sorte que porté dedās le sein des ieunes filles, il les rend inutiles au coit Venerien. Le cāfre aussi seche, & blanchit les vlcères, & playes: car il est de substance tresrare, & pour ceste cause il empesche le dormir. Gagates est dict du vulgaire ambre noir. On en fait des patenostres, il est splendide & luisant, en sorte que plusieurs le nombrent entre les pierres precieuses: il est que *gagates* de couleur noir, & attire la paille & le fedia: les viateurs *sa vertu:* nous en apportent d'Espagne des images, il brusle, & ce *aucuns l'ap-* est commun à tout gerre de bitumen. On dict que quād *pellēt du gest* vne vierge en boit, qui ne la contreint d'vriner: si elle est *de quoy on* corrompue, il la contreint: ce est plus fabuleux que ve- *fait des pa-* ritable. Rien n'empesche qu'il n'irrite plustost aucu- *tenostres.* nes que les autres, principalement les corropues. Car entendu que le col de la vessie est implantee au col de la matrice, celles qui sont corropues, sont plus vexees des matieres & drogues qui sont coustumieremēt fascheuses à la vessie. On dict que quand il est enflammé il est esteint d'huile, non pas d'eau: ie l'ay declaré cy dessus. Ce est general, & presque propre au bitumen: mais ce feu n'est hors de danger de toute eau: & aussi n'est esteint de toute huile: car abondance d'eau suffoque & esteint tout feu, & peu d'huile n'en esteint aucun. Pareillement on a estimé, & non en vain que gagates excite la maladie caduque dicte epilepsie, comme l'ambre dict

*La vertu de
l'ambre dit
succinum.*

succinum:& les anciens ont escrit qu'il prouoque la maladie:& peut faire l'un & l'autre sçavoir est,& exciter,& prouoquer. La cause commune à l'un & à l'autre est la chaleur moderee, la rarité, & siccité. Outre plus, pource qu'il est gras, il est odorifere. De l'ambre dit succinum iusqu'à ce iour la contention en a esté grande: c'est toutesfois vn gerre de bitumen, & quelque terre grasse du flot de la mer. On en pesche abondamment en Sudis de Prusie ensemble avec vne herbe qui croist en luy semblable au pouliot dit pulegium. Et quand ainsi seroit qu'il prouient de la larme des herbes, & des arbres, il seroit neantmoins vn bitumen amassé par la gresse de la mer, & des terres. Le blanc est le plus precieux, doux en goust, & sentant tresbon, en sorte que le parfun cõtre la peste fait sentir bon le conclaue iusqu'au troisieme iour:& ce est bon contre la peste. Car tout parfun sentant bon en consumant les vapeurs corrompues, deliure l'air de tout vice & corruption:& les matieres qui sentent le plus fort, & sont plus tardiement cõsumees purgent d'auantage l'air: & les drogues chaudes & seches cõsument plus soudain les vapeurs. Pour ceste cause le grand feu est vn ayde souuerain cõtre l'air pestiferé, comme mesmement les souflemens, & euentiliõs, car les vapeurs corrompent l'air, en partie par la nature du lieu d'où elles sont esleuees, en partie pource qu'elles empeschent que les rayons du Soleil ne puissent penetrer. Poutât on recite qu'en Germanie vne vallee dicte Ioachimica, qui estoit inhabitable, pour les forets epees, & pour les estangs, est maintenant salubre, apres que les eaues ont esté escoulees dedans des fosses, & que les bois ont esté coupez. Pource n'est merueille, si l'ambre blanc ou iaunatre sentant bon, corrige l'air doublemēt, en partie pource qu'il est sec, en partie qu'il sent bon. Ainsi au temps iadis Athenes par deux fois a esté exemptee de peste par deux medecins Hippocrates & Acro, moyennant la flamme du bois sentant bon, ie dy flamme tresgrande, non mediocre. Car tant ce faut que l'air pestilencieux soit corrigé par le feu mediocre, & allumé de matiere non odorante, & encor plus s'il n'y a de vent, qu'il en est plus infecté. Poutât Thucidides recite

*Hippocrates
& Acro ont
exempté de
peste Athe-
nes.*

que la peste a esté grandement augmentée, quand pour la grande abondance les corps des morts estoient mis dedans le feu. Il est donc manifeste que l'ambre iauna- tre pour ces mesmes causes sert beaucoup meslé aux medicamēs. Car il y est meslé ou pour cause de l'odeur, ou pour dessecher, ou pour attirer, qui est l'aide & vertu la plus euidente en luy : car il attire toutes choses legeres, paille, festu, rongnure petite des metaux, & les fucilles du baselic, quoy que lourdement Theophrastus à ce contredise. La cause de cecy est, qu'il a son humear gras & glutineux, lequel mis dehors la chose seche desirante boire, est mouuee vers la fontaine, c'est à dire vers l'ambre. Car toute chose seche depuis qu'elle a cōmencé de boire l'humidité, elle se mouue vers ceste humidité, cōme le feu à sa pasture: & pource si l'ambre est fort froté, il attire d'auantage, pour cause de la chaleur. Et la pierre aimant & l'ambre n'ont vne mesme maniere d'attirer: l'ambre attire tout ce qui est leger, l'aimāt seulement attire le fer: l'ambre ne fait mouuoir la paille, quelque matiere interposee, l'aimāt attire le fer: l'ambre n'est attiré mutuellemēt par la paille, l'aimāt est mesmemēt attiré du fer: l'ambre n'attire à costé, l'aimāt par son touchemēt attire le fer tantost vers Septentriō, tātost vers le Midy : finablement l'attraction de l'ambre est moult aydee par la chaleur & par frictiō. L'attraction de l'aimāt est aydee en ce que l'on rend la part qui attire plus nette. Quoy? l'attraction de l'ambre certes est semblable à celle qui est faicte des vêtouses par le feu ou choses chaudes, pour cause de quelque chaude gresse naturelle: & l'ambre, cōme j'ay dict, adherēt aux parois, faict sentir bō le cōclauē ou chābre iusqu'au troisiēme iour. Et en tout gerre de bitumen est vne gresse humidité chaude, pour laquelle le bitumen est facilement brullé. Mais en attirant l'ambre d'entre les gerres du bitumen, entre les gerres de l'ambre est vn de couleur grise, ou cēdrée, qui hors le canal du fleuue Vistula vers Puceca au riuage de la mer est tiré: & cest ambre cēdré, cōme recite Agricola, quand on le brisoit d'vn maillet de fer, attiroit à soy les fueilles hors de terre deux pieds en haut. Cest ambre est apte aux onguens. Le iaunaire est

*Pourquoy
l'ambre blās
attire la
paille.*

tiree de la mer Germanique, dequoy constumierement font faiçts les dez à iouer. Il est aussi vne espece d'ambre qui a couleur de miel, de vin & d'or, qui souuēt est trouuē en vne fontaine de Sueffe, aupres d'un conuēt qu'on appelle le lac Degera. En l'ambre reluisent plusieurs especes de petites choses, mouches, fourmis, petis poissons, fueilles, raclures, & autres choses semblables: car ces choses comprises en l'humidité glutineuse de l'ambre, ne peuuent eschaper, puis par l'humeur copieux suruenant elles croissent assement & sont desechees, pource ne peuuent pourrir, & reluisent à leur sepulcre eternal, & plus noble que celuy qu'Arthemisia fit construire à son mary Mausolus Roy de Carie. L'ambre ne rend grand odeur de son gré, mais quand il est bruslé, il donne doux odeur de myrrhe. L'ambre ayant couleur de miel est adulteré par le blanc d'un œuf, par safran, & par larme de dragagantus. Et ceux qui l'adulterent le plus habilement y meslēt de toutes pars fourmis, mouches, limure de fer, raclures & pailles, aussi ils adioustēt vne portiō menuē de l'ambre vray redigee en poudre, afin qu'il sente bon, & qu'il attire la paille.

Comment l'ambre est adulteré.

Comment le rouge d'un œuf se conuertit en pierre.

Aucuns certifient non seulement le blanc d'un œuf, ce qui est vray, mais aussi le rouge de l'œuf cuit exposé au Soleil sus vne pierre, deuenir tant dur qu'il se tourne en espece de pierre. Car ce qui est pinguedineux s'endurcit & condense, mais qu'il ne pourrisse point. Ce qui est sans humidité aqueuse ne pourrit point. Et le rouge de l'œuf n'a humidité aqueuse, quand il est seché & cuit en la braise.

L'ambre dit ambra & sa vertu.

L'ambre dict *Ambra*, est plus odorant que l'ambre succinum, & pource est conferé avec les plus precieuses marchandises. Il naist aupres de Sichris ville de l'Arabe fertile. Sa vertu est merueilleuse pour le cerueau: l'abondance sent trop fort pour la grandeur de son odeur: il a les parties rares meslees avec les espees. Aucuns ont estimé que c'est la semence d'un poisson horrible & monstrueux qui est du gerre des baleines, duquel la teste represente la durté d'une pierre. Ce poisson est en la mer Occéane d'Afrique, dict *Ambar*: d'où le nom est donné au persun. Cest ambre a trois especes diffé-

tes, de couleur, d'odeur, & de pois. Le blanc est tresleger, odorant & tresbon, le noir est trespesant, sans odeur & inutile: le cendré est mediocre entre eux. Sultan tyrant d'Egypte souloit mesler l'ambre aux cierges, pour uoyant à son plaisir & à sa santé. Nous qui auons l'ambre cher, & n'auons grâdes richesses, nous pouuons mesler aux cierges le suc du benioin, dict lafer, ou de l'encens: & cōme les cierges qui ont de l'ambre sont magnifiques aux Rois, ainsi ceux cy sont honorables & delectables aux petits compagnons. Petroleum est vne huile, qui de son gré distile du bitumen par la vertu de la chaleur, trefrare & chaude, qui sent mauuais: le vulgaire l'appelle huile de pierre, ou de saxo: c'est vn remede present cōtre froides douleurs & diurnes. Asphaltū ne sent tant mal: quant à moy, il me semble qu'il sent bon: il est semblable à la poix, mais il est plus dur, plus splendide, & moins sentant mal à ceux qui l'estiment ainsi sentir. Il est tiré du lac de la Palestine. Ce bitumen a tant grande vertu, qu'alentour par l'espace de quinze mille pas les arbres ne verdissent, ne florissent, ne produisent fruit, cōme si l'ire celeste exerçoit vne cruauté contre telles terres. Les charbons consistent de terre grasse, leger, noire: par toute Misene on les tire en la montagne qui est aupres de la ville Zuicca situee vers Mulda. Ils sont propres pour les mareschaux. Leur vertu est moindre que d'asphaltum, toutesfois ils sont d'vn mesme gerre. Et comme l'ambre, & le bitumen souuent sentent bon, ainsi le soufre tousiours sent mal. Le commun à l'vn & à l'autre est de brusler: mais comme le soufre est plus facilement allumé, ainsi l'asphaltū dure plus long temps allumé. Euite que pour le bitumē asphaltum, tu ne lises en changeant vne lettre asphaltū, qui est vne arbre odorante, que ceux de nostre pais, ie croy, appellent santhalum. L'usage du soufre est excellent, & de plusieurs sortes: premierement on en fait la poudre à canon, & sans luy on ne scauroit la faire: car c'est matiere apte à tout feu, comme i'ay moistré cy dessus. Il resiste aux eaves, en sorte que plongé dedans il y demeure long temps: & comme il aduient à plusieurs, il est plus assuré d'estre hors de peril avec l'eau son ad-

*Les cierges
qui sentent
bon.*

*Petroleum et
sa vertu.*

*Le bitumen
dit asphaltū
et sa vertu.*

*Les charbons
& leur vertu.*

*Le soufre &
sa vertu.*

*Asphaltum
Santhalum.*

uerfaire, qu'avec le feu son amy. Le soufre fondu rend les figures exactemēt engrauees aux pierres precieuses: & quand il est rompu & mis en persun, il tue & chasse les serpens, les fourmis, & les moucherons: quand il est mis en poudre, & est beu, il oste les gales, les rongnes, les lepres & la verole: mais son huile les oste par vertu plus vehemente. Comment ceste huile est faicte, ie l'ay monstré en mes liures faicts de la verole.

*Le sel cōrient
en soy de
l'huyle. Ich-
thyophages
qui mangent
le poisson.*

*Les especes
de sel.*

Le nitre.

Le sel de terre est participant du soufre, dont il peut estre dict le suc de terre. Il contient en soy de l'huyle, s'il est meslé avec le bitumen. Pource Arrianus recite en l'histoire Indique, que les Ichthyophages tirēt l'huile du sel. Par ce il est manifeste, que les oliues s'esouissent du riuage de la mer: car la terre salee est fort grasse, toutesfois, cōme l'ay dict, toutes ces choses cōtiennēt ainsi l'huile qui peut estre tiree par la vertu du feu. Mais le sel n'en peut cōtenir beaucoup, s'il n'a du bitumen melé avec soy. Il est vn gerre de sel fossile, cōme celuy que nous appellons le sel de pierre, dict vulgairement salpestre & ammoniac: cestuy est le plus amer de tous cōme ainsi est qu'il est tiré hors de l'arene trefardante. Car vne chose salee, quand derechef elle est cuite, deuiet plus amere, comme Galien le tesmoigne. Le sel ammoniac peut estre faict par artifice, quoy que plusieurs en vain s'y soient efforcez. Le sel de gemme reluit cōme crystal qui est plus vis que le sel faict par artifice. Car en toutes choses faictes par art: & elaborees sans cōposition, nature fait chose semblable: pourtāt le soufre qui naist de son gré, est plus chair, q' l'autre, pource qu'il est plus vtile: ainsi en la couperose & autres semblables. Entre tous les gerres de sel le halinitrū est le plus rare: ce est mediocre entre le sel & le nitre. Le nitre est trouué principalement en l'arene du Nil. Albert surnômé le Grand, recite qu'en Goselaria vne eae colligee au pié d'vne mōtagne qui abondoit en cuyure de Cypre, se tournoit en nitre, quād elle estoit cōtreinte & amassée. La portio d'iceluy la plus blāche & laxepéd aux spelōques & cauernes, cōme pend la roupie au bout du nez: aucunesfois il est rédu de la terie cōme par sueur, & est appellé aphonitre, quasi l'écume du nitre. De nostre temps on a fausscémēt

estimé que l'un & l'autre estoit pery, dont est troublee la composition de Diapoliticum. Le nitre est plus amer que le sel, & moins salé: entre lesquels le halinitrum, comme i'ay dit, est mediocre. Le halinitrum consiste de parties tenues & seches, pource qu'il est condensé par quelque putrefaction: pourtât il naist au ciment & massonneries antiques, & sus la terre ou les excremens des iuments sont pourris. Cecy est merueilleux, que quand le halinitrum est tiré hors de la terre, si elle est redigee en monceau, apres cinq ou six ans, elle rend plus grande abondance de halinitrum. Et ne faut estimer ce estre absurd de dire qu'on seme le sel. Car, comme i'ay dit, ou que les monceaux de la terre d'où le halinitrum a esté tiré soiét gardez souz les petites logettes, ou que le halinitrum dissout en l'eau soit espars sus terre en monceaux, non autrement que le bled semé, apres cinq ans le fruit est rendu plus copieux. Les vertus & propriétés, sont en toutes choses, qu'elles puissent rendre par puissance aucune chose telle qu'elles estoient par effect auparavant. Et ce qui est par puissance, peut venir en effect par la vertu du Soleil: pourtant les vers & les mouches laissent aux lieux où est leur demeure, ce dont la faculté & puissance est donnée à la generation des autres choses semblables, & à la multiplication de leur gerre. Le halinitrum est ainsi cueilly: l'eau est espandue dedans les hottes perrees, & pleines de fiens de bœuf ou de cheval, ou qui est meilleur d'excremēt de pigeon, laquelle receüe apres est cōsumee iusqu'à la troisieme partie, puis ceste tierce partie est espandue sus autres fiens, & detreché receüe elle est cuite: en fin ceste tierce partie laissée & exposée au Soleil, se cōdense en halinitrum. Et ce qui est ià laué, detreché est purgé par autre eau: & par ce moyen ce qui est vtile, est receu & cueilly. Et si pour plaisir le halinitrum est dissout en eau comme ie monstreray cy apres, l'eau boulué presque l'espace d'une heure est cueillie d'une cueillie: & quand elle a commencé de se cōgeler sus le paué mise hors du feu, on permet qu'elle se condense. Pourtant afin qu'elle reuienne à la nature & propriété du halinitrum, la portion rare en luy, & au sel, est meslée avec l'eau & la terre, laquelle portion quand elle

f iiiiij

*Halinitrum.**Cementum
dicitur molion
& blocaille.**Halinitrum
engondré.**Comment ha-
linitrum est
cueilly.*

*Pourquoy le
sel crie dedans
le feu.*

*Les chandel-
les qui durent
long temps.
Le sel chali,
ou alun dict
catma.*

Vnne herbe.

*Anthyllis, an-
thyllion dicte
murus aurica-
la, oreille de
souris.*

*Mysele vi-
trio Romain
Diosco. l. 5.*

ard, elle contrainct les parties terrestres estre dissipees: pour ceste cause le sel, & le halinitrum mis dedas le feu, saute & craque. Et quelque iour que mon beau pere estoit assis aupres du feu, on meit vne piece de vieille tuile au feu, qui subitement fist vn grand bruit, & les fragmens impetueusement s'espantirent en diuerses places, sans qu'aucun des assistans fust blessé, qui fust de merueille. La cause de cecy estoit, come i'estime vne petite portion de halinitrum encluse en ceste vieille tuile. Par mesme cause les chandelles de suif, ou de cire salce craquent: mais elles durent plus long temps que les autres. Entre les gerres du sel, le sel chali, ou alun dict *catma*, est nombré, non seulement le medicament du verre, pource qu'il le rend ductible, ains aussi la matiere. Il est apporté d'Orient. Brasauolus de Ferrare certifie que le meilleur est fait d'une herbe qui croist aupres de Comum en la riué des eaux salees. Et si l'histoire est vraye, comme ie le croy, l'herbe plantee en diuers lieux, & multipliee, seroit vn grand gain, & profit pecuniaire. Il est assez manifeste, que ce gerre de sel est fait d'*vsnen*, herbe de la grandeur d'un arbre, d'une faueur salee: aucuns l'estimerent estre le premier gerre d'anthyllis. La substance du sel est plus rare, que de la couperose, ou vitriol, duquel les especes sont tant diuerses, que ce n'est petite chose de les expliquer toutes. La couperose, vulgairement vitriol, autrement chalchantum, noircit tant fort, que de luy on fait de l'encre, dont nous escriuons. La poudre de couperose est de couleur grise, & cedree, & si tu la mets dedans le vin blanc, ou dedans l'eau, incontinent elle la redresnoire. La cause de cecy est, que c'est vn suc, & est fort dense, qui consiste de parties tenues, & adustes: & pource qu'il est suc, il est resoult en substance humide, & peut tenir sans faire falscherie à la plume, ce qui n'aduiedroit s'il estoit de substance terrestre, quoy qu'il fust redigé en poudre tresmenue. Et entendu qu'il est de substance aduste, il empesche la lumiere, & fait vne noirceur: & pource qu'il consiste de portions tresrares, il fait de l'ancre à escrire n'estre glutineuse. Et par ces choses il est facile de coniecturer quelle est sa vertu. Myse, qu'ils appellent le vitriol Romain, est plus excellent que la couperose

dicté chalthanthum: la fumee de mysi est tant forte, que mesmement elle faiçt perir les arbres, & gaste & difforme les forests : aucunesfois le mysi reluit, & estincelle quasi comme par gouttes d'or. En tout gerre des matieres fossiles aucune chose est qui estincelle : comme le mysi entre les suc, l'or entre les metaux, entre les pierres, les pierres precieuses, dictes gemmæ, & les marbres, & entre les terres, la terre argentee. Car la splendeur est faiçte quand la matiere dense est polie ou par art ou par nature : & en tout gerre des matieres fossiles, il est necessaire de trouuer quelque matiere dense. Et ce qui est separé quasi comme l'escume du vitriol dict Chalthantum, ou du mysi, & n'est eslabouré ny poly, il est dict couperose: & Galenus ensemble les autres anciens l'appellent Chalchitis. Vne couperose est blanche, proche à la propriété du vitriol dict Chalthantum, non splendide, qui excite fort le vomissement. Quand le vitriol dict Chalthantum, ou mysi, est bruslé, vne huile chaude en est attirée par la vertu du feu au trauers des vaisseaux de verre, de laquelle huile si quelqu'un en touche les verrues ia incisees, elles se departiront. Mesmement en goustant du vitriol, il blesse la langue non autrement que le fer chaud : il est propre à desecher les vlceres interieures, qui sont deplorees quand elles ne sont trop infectees, comme il aduient à quelques personnes qui sont etiques & languides, sans douleur apperte. Aussi le vitriol est vtile pour oster le chancre, maladie, dicté Cancer, & à couper les membres putrides, quand le bois d'oliue en est gressé.

Couperose.

Les autres matieres metalliques, qui sont mixtes, sont proches, comme i'ay dit, aux suc, comme pyrites, que le vulgaire appelle Marchesita: il est composé de pierre, & de suc. Il y a presque autat d'especes qu'ils sont trouuez de metaux: & est dicté Pyrites, pource que choqué cõtre autre chose, il faiçt du feu à cause de sa durté: aucunesfois il est de couleur d'argent splédide & tresfesant: lequel s'il est allumé en espendant de fort vinaigre dessus, il faiçt fondre la rate. La cause est la rarité & chaleur d'iceluy, laquelle penetrant la peau, & le Piritoine, dicté *Piritonemum*, extenué la rarité. Le Pyrites de soy-mesme

Pyrites vulgairement Marchesita.

Pourquoy les metalliques

*fondent avec
le plomb.*

*Aucunes fois
pyrites a de
l'argent sou-
uent au cuy-
ure.*

Chalchitis.

Dioscor. li. 5.

Melanteria.

Sory. Diosc.

lib. 5.

De cadmia.

Diosc. li. 5.

Cobaltum.

à peine se fond : le plomb meslé ensemble il se fond : ce qui aduient à toutes matieres metalliques qui sont seches: car quand peu d'huile, ou de matiere aqueuse est mise dedas le feu sans plomb, ceste humidité est plustost consumée qu'elle n'est fondue : le plomb adiousté, elle n'est consumée : parquoy quand le pyrites est condensé par le froid, il est necessaire qu'il soit fondu par le feu, Pour ceste cause, quand l'or ou l'argēt sont dedans vne pierre, ou creuset, s'ils sont fondus avec le plōb, le gain n'y sera perdu : car s'ils sont fondus sans plomb dedans le feu, tousiours quelque chose de l'or & argent s'esuanouyt, qui ne peut estre tant petite portion, qu'elle ne surmonte la perte du plomb. Aucun pyrites est inutile, aucun contient du metal, souuēt du cuyure, qui est bon, aucunes fois de l'argent. On a pensé pour cause de celuy qui est inutile, que c'estoit plustost vne vapeur & exhalation, que matiere metallique: or il est manifeste qu'il est du gerre de metal: car meslé avec le plōb, il faict des virgules de nottes pour formes. Cifum est du gerre de pyrites, moyen presque entre pyrites & galena. Aucunes fois sory melateria, & chalchitis vient de pyrites, & d'iceux mysi. Melanteria est vne ancre du gerre de vitriol, comme il est dit: & ce qui est de couleur bleüe en iceluy reluit grandement. Il est certain que l'alun est cōtenu en l'ancre, qui est pour noircir le cuir. Car si la matiere espesse d'iceluy est lauee en eau, l'alun s'esleue en haut: & l'huile de cest ancre a l'odeur d'alun. Aucune espeece de cadmia consiste, & est faicte de pyrites, & d'argēt qui est appellé Cobaltum. Ceste cadmie est tant acré, qu'elle brusle les pieds de ceux qui la fouyffent: la cause est la chaleur non petite, mais mediocre. Et si la chaleur estoit grande, la cadmie se ietteroit hors de soy-mesme, & ne seroit tirée des fossoyeurs. Or vne tepeur est aux matieres fossiles, comme à celles qui sont tirées aux vales, dites Ioachimiques: lesquelles, combien qu'elles soient froides, quand toutesfois elles sont tirées hors, semblēt estre chaudes pour cause du bitumen, ou du souffre, ou d'autre suc acré, qui est de la nature d'iceux, ou de chaux. Outre plus la fortune & figure de pyrites est aucunes fois cōme vn doigt. Stibium est proche à pyrites,

de couleur de plomb, reluisante, & est scammeux. On en tire de l'huile rouge, & fort acre: il sent le soufre, & l'huile retient la vertu d'iceluy. Le stibium, dict *antimonium*, pour cause de l'espeueur de la substance est vtile à peu de choses. Et cōme le stibium est participāt de plomb, ainsi le pyrites l'est du cuyure: pour laquelle cause pyrites, cōme j'ay dit, extenue la rate. Et semble que pyrites soit la substance immature de cuyure, non pas exhalation. Car la mine de pyrites aux montagnes dictes *Ocry pres tergustum*, est tāt spacieuse, que si pyrites estoit l'exhalation du cuyure, il faudroit que toute la montagne fust de cuyure. Mais ie retourne à la cadmie, qui est du gerre de celle qui sent les aulx estant brussee: elle sent autant fort que celle qui est à Annebourg. La cademie souuēt est de couleur iaune: & pource elle est bonne à preparer le cuyure, ou leton. Mesmement les metaux sont aux matieres metalliques, comme souuēt l'argent est au stibium, qui seulement peut estre separé par le feu. Et le stibium cuit dedans vn vaisseau se conuertit en espee de plomb, qui peut estre dicte la quatriesme espee de plomb. La cause est, que le stibium, dict *antimonium*, est la matiere du plomb, cōme pyrites l'est du cuyure. Aussi Chryfocola est de l'espee du suc contenāt de l'or, dont il a pris son appellation. Le chryfocola iaune & le bleu sont faiçts & engēdre, ensemble par quelque erosion du cuyure l'vn surmontāt l'autre: le bleu toutesfois souuent surmontant, comme dit Theophrastus, Le vitriol *chalchantum* est faiçt par l'erosion du cuyure: les eaux d'enfer, c'est à dire, noires, sont faiçtes par orpigmēt, dict *auripigmentum* en Latin. Aucunes choses donc sont faiçtes de la matiere des metaux, dicte metalliques: aucunes sont faiçtes par les metaux: j'ay dit que le pyrites & stibium sont faiçts de la matiere metallique: & que le vitriol, calchitis, chryfocola, l'eau infernale, dicte *stigma, mysi, sori*, & telles matieres semblables sont faiçtes par l'erosion des metaux. Des matieres qui sont erodentes, aucunes sont aguës, ou sales, ou aigrettes: & on peut veoir chose semblable en ce qui est faiçt par artifice: toutesfois la seule matiere qui est attiree par erosion, suffira: & le vitriol dict *chalchantum*, & cal-

Stibium, autrement antimonium.

Cadmia & sa vertu.

Chryfocola & sa vertu. Dioscor li. 5.

*L'orpigmēt,
dict auripig-
mentum.*

*Rosagallum
espece d'or-
pigment.*

*De sandra-
cha.*

chitis sont faic̄ts plus vrayement de la matiere du cuiure qui est dicte metallique, que du cuiure : & plus tost, cō- me ie monstrey, le verd de gris, dict *arugo*, est faic̄t de cuiure. L'orpigment, dict *auripigmentum*, semble estre participant de l'or : mais le goust & la despense pour le faire surmōte le gaing. Trois gerres sont d'orpigment : le blanc, qui est dict arsenic : aucuns sont qui le cuisent : le iaune comme or, qui retient le nom : & le blaffard, qu'on appelle *rosagallum*. Le *rosagallum* est composé de deux premiers, du blanc & du iaune. Mesmement cestuy est cōposé par art : & pource qu'ils sont plusieurs gerres, ce n'empesche l'un se conuertir en la couleur, de l'autre : entendu que selon la multitude de la chaleur, & de l'humidité, les couleurs en toute espece sont muees ou par nature, ou par artifice. Car par le feu non autrement que par nature, l'orpigmēt en *sandracha* est muee, quant à la couleur, non quant à la substance. Car rien n'empesche, que *sandracha* ne soit engēdré par la chaleur du feu souz la terre non comme espece ou matiere parfaicte, ains comme quelque excrement de l'orpigment, & les couleurs sont viues aux excremens : & telles sont faic̄tes par le feu. Si donc quelques matieres sont engendrees souz terre par la chaleur du feu, qui empesche que choses semblables ne soient faic̄tes par artifice? Or toutes ces choses sont venins presens : toutesfois le iaune est moins violent, de tous, lequel a retenu le nom antique. Et non seulement sont venins aux hommes : mais aux autres bestes & aux plantes. Et les plantes qui en sont parfumees, perissent. Et non seulement les rats & souris : mais aussi les Loups, s'ils en mangent & ne peuuent trouuer d'eau pour boire, n'en meurent seulement, ains deuiēnent enragez, en sorte qu'ils se prennent mesmement contre les Loups : & toutes bestes qu'ils mordent tōbent en rage, tellement que tout le gerre des Loups peut perir en bref, laquelle chose i'ay experimētee. Cecy toutesfois est perilleux, de peur que mesmement tu ne perdes les bestes domestiques & appriouisees : & aussi que tu ne sois frustré de ta peine, s'ils trouuent de l'eau. Mais si ta maison est plaine de rats & souris, tu peux la nettoyer par peu de chose. Il est difficile

*Diosc. lib. 5.
La maniere
de faire mou-
rir les rats et
les Loups.*

aux Loups pourtant qu'ils trouuent facilemēt de l'eau. Et non seulement ces choses sont venin aux bestes: mais aussi l'orpiment & autres drogues seches, cōme *sibiriu*, verd-degris, le soufre, sont vn venin à l'or & argent par raison contraire, que le plomb leur est salutaire. Car ils cōsumēt l'humeur de l'or & de l'argent, en sorte qu'ils ne peuuent estre bien fondus, & quand le feu opere, veu que rien n'est qui resiste en sa secheté, la substance du metal est bruslee, & se tourne en fumee. Pourtant telles drogues consomēt plus soudain le cuiure, que l'or & argent: toutesfois elles contraignent l'or & l'argent entremeslez estre cōsumez par leur grasse liqueur. Car entendu qu'elles ont vne portion grasse, qui brusle par dedans entremeslee aux metaux, telles drogues tournent en fumee la propre humidité du metal, laquelle consume, le metal festanoiiit, qui ne consiste en soy, que par telle humidité naturelle: & comme les nœuds grāds & durs des arbres ne sont bruslez sans y adiouster, & mettre autre bois, ainsi l'humidité de l'or & argent qui n'est apte d'estre bruslee de soy-mesme, en y mettant & adioustāt de l'orpin, du soufre, & autres drogues semblables, elle est consumée. Donques *rosagallum* est d'vn gerre des drogues, qui descouure la monoye, non autrement que le serpent laisse sa peau, l'image non effacee.

*Les matieres
metalliques
seches sont
venin à l'or
& argent.*

Il retourne à *chrysocolla*, que maintenant on appelle borace. Son gerre est fait par artifice, qui coustumierement est composé d'alun en poudre & de sel ammoniac. Aussi Gallien estime qu'on le peut faire d'vrine d'enfant assiduement agitee en vn mortier, quand le signe *Canicula* se leue. La couleur de celuy qui est artificiel, est iaune & splendide. Les Orfeures en vrent pour assembler les morceaux de l'or, d'ou le nom *chrysocolla* luy est imposé.

*On peut offer
le dessus de la
monoye.*

*Comment on
fait chryso-
colla.*

La pierre perse, qu'on appelle l'azul, est tres-belle, de couleur du Ciel, les macules d'or entreluisantes, dont merueilleuse occasion est donnée par la nature de la matiere à l'orfeure, quand il engrave: parce il orne l'or & les habits, & ceste pierre represente les estoiles. Et fault eslire la pierre apte à ce faire, & bien distincte: & fault engraver vne figure non creuse, semblable à la sepulture.

*La pierre di-
ste l'azul.*

Sandracha. re & engraueur. *Sandracha*, que le vulgaire appelle orpin rouge, toutesfois ce n'est orpin, sent quelque peu le soufre, & est exterieurement iaune, non reluisant, interieurement rouge, & l'odeur n'en est du tout mauuais: ils le vendent melle à l'orpin iaune par la semblance de la couleur exterieure.

Syderea. Sydereia, que les Italiens appellent *Manganese*, est vne terre propre à purger le nitre, & le teint de couleur perse. Il est aussi vne autre gerre de terre qui teint de couleur perse: aucuns l'appellent *zaphera*. Mesmemet il est

Zaphera espece de terre.

La terre verte de *Chlorogea*

La fausse terre perse.

vne terre verte du gerre metallique, que les Italiens appellent *azurum viride*, & nous l'appellons *chlorogea*. Elle croist aux mines de cuiure & d'argent, dont il est vray semblable qu'elle est faicte de l'exhalation du cuiure & de l'argent, elle reluit, & pource elle est semblable à la pierre perse de l'azul, non toutesfois tant vtile aux œures. Car la couleur de la pierre perse dicte l'azul, n'est viciee ne de feu, ne d'eau, ne de vieillesse, dōc elle a l'honneur & le prix. La cause en est, qu'elle est tres-dense, & de substace tres-rare, de laquelle vne petite quantité suffit à peindre vn grad tableau, cōme nous dirons de l'or & de l'argent. La cause de la tenuite & densite est la loque coction & separation des parties inutiles. Pour ceste cause la fausse terre perse, dicte *Pseudocerula*, n'a presque aucune grace: elle est apportee des Espagnes, par trop inferieure à la pierre perse, dite l'azul: pource que elle n'est tant tenuē ne tāt dense: pour ceste cause elle est moins requise en œure: & sa vertu n'est pareille à soutenir la vieillesse, ou le feu, ou l'eau. Et la terre dicte *chlorogea* a quelque grace, & des principales.

Galena espece de terre dicte ocre.

La matrice dicte *matrix*.

Aucunes terres sont meslees aux metaux, comme *Galena*, en Italien dicte *ocria*, elle est composee de plomb & de terre: c'est vne matiere de plomb qui n'est encor parfaicte, & pource elle est tres-propre à fondre les metaux, & principalement quand il conuient les attirer hors de la matrice. La matrice est vne pierre ioincte avec le metal. Car la plus grande partie des metaux excellens est en matiere pierreuse, que nous pouons appeller matrice.

Entre les matieres metalliques aucune n'est trouuee

plus excellente que le vis-argent : & on cognoist par grande industrie où c'est qu'il prend son origine. Aux mois d'Auril & de May, enuiron l'aube du iour. Le Ciel descouuert & serain, ils regardent aux montagnes les vapeurs qui montent quasi comme vne petite nuee qui se tient pres de terre. Donc il aduient que les hommes cognoissent par telles coniectures que le lieu du vis-argent est illec. Il est tres-pesant & tres subtil, en quoy il conuient avec l'or, tant qu'aucuns pensoient que de l'vn on pouuoit faire l'autre. Certes entre les metaux le seul or descend au fond du vis-argent, & les autres nagent dessus. Le vis-argent penetre le cuir de cerf quand il a beu l'or, quoy que le cuir soit fort espes. Ainsi ils separent l'or, ils chauffent le vis-argent, & y mettent dedans les bordures d'or des habits, ou autre chose où il y a de l'or, & lors en bref, comme j'ay dict, l'or est absorbé du vis-argent : apres on espend ce vis-argent sus le cuir, & demeure au bas, lequel fondu en petit feu, se condense apres. Autres manieres sont pour colliger l'or : mais non sans eaux fortes, ou soufre, ou autre matiere grande. L'huile ne penetre le cuir tant subitement, en sorte que le vis-argent semble estre plus subtil que l'huile. Il mange & consume tous les vaisseaux metalliques, & perce le cuire, l'argent, & le plomb : pource il est mis plus seurement dedans les vaisseaux de bois que dedans les metalliques. Cecy est merueilleux, toutesfois chascun le peut experimenter, comme en moy. Hierosme Gemmarius, ainsi dit à cause de ses yeux, me le recitoit ainsi, mais ie ne pouuois le croire sans l'experimenter. L'or donc d'estrempé en vis-argent, est plus facilement rompu que l'escaille d'un œuf, en sorte que de soy-mesme il se fend, & est fait semblable au cyment tres-mol. Et quand i'experimenteray cecy en un escu d'or, ie le mis tout en plusieurs pieces : pourtant ceux qui portent des anneaux d'or, diligemment doiuent se garder qu'ils ne soient coinquinés du vis-argent. Car la seule ombre d'iceluy endommage les metaux, & l'or trop plus que l'argent. Il est necessaire la cause de cecy estre, qu'il penetre interieurement par sa subtilité, & cōtraint par sa frigidité, dont

*Comme on
trouue le vis
argent.*

*Comment les
Maures se
refrigerent.*

il est rendu friable. La frigidité de l'eau montre cecy en l'acier, lequel esteint souuent en l'eau est tant fragile qu'il se rompt de soy-mesme, principalement si l'eau est tres-froide. Et le toucher montre que le vis-argent est tres-froid. Pourtant les Maures & ceux qui habitent en Afrique, cerchans ombrage durant les grandes chaleurs, emplissent de vis-agent vn vaisseau de pierre ou de bois, sus lequel ils mettent du cuir, & puis se couchent sur le cuir. Et si on l'experimenteroit au fer, on le trouueroit vtile. Mais pourquoy le seul or entre les metaux est frangible par le vis-argent? Pource que l'or seul, comme ie monstreray, est sans gresse glutineuse, & que son humidité est tres-rare & ce qui est tres-rare: & sans gresse se congele facilement. Certes l'huile & toutes choses grasses se condensent: mais elles ne se cōgellent. Et pource ceux qui s'efforcent de faire conuertir l'eau subitement en glace, la font bouillir, afin que rarifiée elle soit congelee plus facilement. La frigidité doncques du vis-argent qui coustumierement penetre les matieres solides, cōgele l'humidité de l'or. Et pourtant l'or est fait fort frangible. Car tout ce qui est congele est frangible. *La glace, les bois, les poissons le montrent, en sorte qu'au froid vehement les membres entiers tombent aux hommes.

*Par gelee les
membres tō-
bent aux hō-
mes.*

*Pourquoy le
vis-argent
s'assemble.*

Mais ie reuien à mon propos. Le vis-argent pour cause de sa pesanteur s'amasse ensemble, & tend vers le bas. Il s'assemble aussi pour autre raison, car il est humide & gras, & laisse de ceste gresse en la voye quand il est mouué, dont par ceste voye le passage luy en est plus facile, par lequel passage il est porté en vn mesme lieu. Et pource qu'il est pesant & rond, il est necessaire qu'il soit mouué legerement: pourtant à peine peut-il reposer, dont le nom luy est imposé, vis-argent. Le vis-argent donc est quasi vn metal qui n'est solide & ferme. Comme donc le metal est au regard du vis-argent, ainsi la glace au regard de l'eau: & comme la glace ne seuanouit auant qu'elle soit fondue, ainsi ne les metaux auant qu'ils soient fondus. Or le vis-argent, entendu que de soy-mesme il est liquide, comme l'eau, legerement seuanouit: & comme l'eau quand elle seuanouit,
comme

*La cōparai-
son du vis-
argent & de
l'eau Et la
similitude.*

comme aux distillations, derechef est assemblee & endurcie par le froid, ainsi le vis-argent quand il est esuanouy par le feu, tient aux parrois & planchers: & comme le vis-argent & les metaux requierēt moindre froid que l'eau & la glace, car il suffit au metal qu'il ne soit empesché par trop grande chaleur, pour s'assembler & endurcir, & comme l'eau a besoing pour estre gelee de grande frigidité, ainsi moindre chaleur est requise à l'eau, afin qu'elle s'esuanouisse, qu'au vis-argent.

*La definition
du vis-argent.*

Le vis-argent donc est quelque eau condensée, non par chaleur: car il n'est endurcy, ne par le froid, car il seroit vne pierre ou metal: mais condensée par quelque portion terrestre tres-rare & tres-pure, dont il aduient qu'il est tres-pesant & froid, reluisant & liquide. Le vis-argent donc est semblable à l'eau en quatre manieres, l'vn & l'autre est tres-froid, & quād il est esuanouy pour la chaleur, il retourne en soy par la frigidité. L'vn & l'autre tēd aux lieux qui sont en pentis, & tous deux s'assemblent en forme rōde, fuyās le sec. Et la cause pourquoy le vis-argent & l'eau s'assemblent en rotondité en la pouldre, ou en matiere seiche, est pource qu'ils fuyent le touchemēt de seicheté: or vn corps ne peut toucher vn autre corps en plus moindre partie qu'au poinct: le vis-argent donc & l'eau s'efforcent toucher au poinct la matiere seiche, & ce manifestement aduient s'ils sont ronds: la Sphere touche la plaine au seul poinct: pourtant les parties de l'eau & du vis-argent, quād elles sont esparles sus vne table poudreuse, deuiennent rondes. Mais entendu que grande quantité ne fait cecy, c'est signe que la rotondité est contenuē par l'humour glutineux, en laquelle rotondité les extremitez pendent à costé & vn grand fais y est soustenu: & pourtant que le vis-argent s'assemble en plus grandes rotonditez que l'eau, & qu'il est plus pesant, il est necessaire qu'il soit tres-subtil. Mesmement il est espars plus subtil que l'huile aux parties adherētes, qui est argument & signe de tenacité. Et que le vis-argent s'assemble en rotondité, la haine de seicheté en est cause, pource que la tenacité y peut demeurer. Pour ceste cause les parties de l'eau gardēt trop moins telle rotondité, pource que l'eau est

*Les lieux ou
croist le vis-
argent sont
verdoyans.*

trop moins glutineuse que le vis-argent. Or entédu que l'eau & le vis-argent different peu, & qu'ils sont presque de semblable nature, pource les montagnes ou croist le vis-argent, sont verdoyantes, & plaines de fontaines. Le vis-argent enlaidit & macule l'or & autres metaux par sa tenacité: ou s'il plaist vsér de mot plus doux, il les blanchit trop, en sorte qu'il se manifeste soy-mesme, comme font toutes choses pesantes. Il faut que ie recite l'histoire de ce qui m'est aduenü depuis que i'ay esté de retour des escolles au pays. Le medecinoy en la maison des Nigroles: c'estoient forgerons d'armures, & armuriers excellens, appetez des Roys. Comme de fortune i'estoy illec, il aduient que ie voyoy l'anneau qui estoit en mon doigt indice, orné & enrichy d'un hyacinthe, estre souuent blanchi: ce voyant, & n'entendât la cause, i'ay eu suspicion que ie ne fusse empoisonné de quelqu'un: & me recordoy que ie n'auois veu chose semblable: toutesfois ie me persuadois que ie n'auois lors aucun ennemy: & que l'enuie, quoy qu'elle soit grãde, ne procede en nostre ville iusqu'à ce qu'elle pretende faire meschanceté: vray est que les hommes l'entrepoursuiuent de calomnies, de suspicions, d'infamie, de faux iugemens: toutesfois ce est bon en nostre ville que les hommes ne font mourir pour la seule enuie. Ce pendât que ie considere cecy à part moy, i'ay cogneu que ceste macule de mon anneau estoit effacee d'eau seule. Apres reuoluant en moy la cause ie sousspeçonnoy aucun de mes malades auoir beu du vis-argent, ou du sublimé. Tandis que ie pense cecy, ie voy qu'en sortât de la maison i'ay mon anneau blanchy. Je considere cecy plus diligement: i'oy de mon seruiteur que le vis-argent estoit fiché & tenoit au parrois de la maison: finalement i'ay apperceu en obseruant cecy diligement l'or estre souillé & maculé, en passant seulement au trauers de la maison, ou les heaumes, & autres ornemens des Cheualiers estoient dorez. I'ay obserué cecy tant de fois, que maintenât ie ne peu plus en doubter. Toutesfois vne doubte s'offre maintenant en cecy, que eu qu'à lors i'auoy cinq anneaux aux doigts, vn seulement, aucunesfois deux estoient maculez, ces deux anneaux estoient au doigt

dict indice, l'un au doigt de la main dextre, l'autre au doigt de la senestre. La cause estoit comme ie pense, que ces deux estoient en la suprefme partie de la main, & n'estoient couuerts d'aucune chose: pource ils receuoient la grande vapeur descendate: les autres anneaux estans aux autres doigts, estoient couuerts des doigts suprefmes. Autre cause peut estre, que les anneaux qui estoient au doigt indice, estoient de pur or: & ceux qui estoient aux autres doigts estoient couuerts d'email. Ainsi il appert que le vis-argent est de substance tres-subtile: & que ceux qui conuersent aux lieux où il est elabouré, sont subiects aux maladies qui son engédtees par luy: car la vapeur rare & subtile est attirée par le nez iusqu'au cerueau, & engendre vne treneur, & vne resolution de nerfs: aussi elle vient aux poulmons, & engendre la maladie etique & pulmonique. l'ay cogneu cecy par certain argumēt, que i'ay veu plusieurs orfeures qui manioient & traictioient le vis-argent, deuenir tabides, & etiques, en accoustrant d'or le manche & pomee des espees, & principalement, comme ie pense, ceux qui y mesloient du verd-degris, dict *erugo*, & autres drogues metalliques: car ceux qui auoiet la poitrine, & les poulmons les plus robustes, leurs nerfs resoluus sont deuenuz paralitiques: aucuns sont tombez en treneur, la vapeur metallique entrant dedans les nerfs. Or il est manifeste que quand les nerfs ont souffert resolution, auant qu'ils soiēt sechez, qu'ils sont plus tost refrigerez que sechez: & ce à bon droict, car toutes drogues metalliques sont froides: & ne sont rendues en vigueur, sinō par la vertu du feu. Et la force du feu n'imprime tant subitemēt, que du froid soit faicte la transmutation en chaleur, sans la mutation de la substance. Pource donc il est manifeste, que c'est chose grādement perilleuse de traicter & manier le vis-argent principalement par le feu, ou de passer par les lieux où il est mis en œuure: car les petits grains d'iceluy tiennēt aux murailles & parois, & en entrāt subitemēt l'or est pollū & gasté: & coustumierement il engendre des maladies incurables. Pourtāt les femmes qui en vsent, ou du sublimé, perdent les dents le cerueau refrigéré par le vis-argent, & les dents qui demeurent

deuiennent rouillees & noires. Et les poulmõis en sont restreins, & l'halcine en est renduë puante. On recite qu'au test du deuant de la teste d'vne femme, ja morte de deux ans par douleur de teste sans que les medecins ayent peu y donner remede, le vis-argent fut trouuë du pois de deux onces. Et certes ce n'est chose tant merueilleuse qu'il semble: car petit à petit le vis-argent est colligé au cerueau quand la femme vsoit tous les iours de fard, & ce est colligé pour cause de l'humidité qui s'assemble par la secheté. La vertu donc du vis-argët est telle, qu'il se conuertit en vapeur tres-subtil. Le vis-argent est rendu ferme par les matieres qui cõsument son humidité: car sil est fluide, pource qu'il est humide & subtil, il sera rendu ferme par ce qui sechera ceste humidité subtile. Il sera donc rendu ferme par choses astringentes, & terrestres, mais qu'elles penetrent dedans. Il n'est donc difficile de l'arrester, pour ceste cause, que s'il estoit arrestit, il seroit conuertit en argent: mais il est difficile, pource qu'on ne peut facilement trouuer chose tant subtile qu'elle soit meslee avec luy toalemët. Il est donc contrainct, & assemblé par le soufre: car le soufre brusle, & consume l'humidité d'iceluy tres-subtile.

En trois matieres le vis-argent peut estre ferme.

De quelles matieres le vis-argent est arrestit.

Le vis-argët est arrestit par la saline.

Mesmesment il est arrestit par la substance des metaux, quand il l'a beuë. Donc il aduient que ce n'est de merueille, s'il est arrestit par le suc des herbes, qui desechent: toutesfois il n'en vaut micux pour estre arrestit. Presque par mesme moyen il est arrestit par la saliuë, pour cause de sa tenacité. Car entendu, cõme j'ay dict, qu'il est de soy-mesme tenant & glutineux, ce n'est merueille sil est arrestit de chose tenäte & glutineuse. Or c'est autre chose d'estre arrestit, & autre chose est d'estre empesché de son mouuëmët: car tout ce qui est arrestit, est empesché de son mouuëmët: & tout ce qui est empesché de son mouuëmët, n'est incontinent arrestit. Il dy estre arrestit, quand il est endurcy: & ce est fait difficilement sans la mixtion du soufre, ou d'autre corps semblable. Mais le vis-argent est arrestit facilement, puis qu'il est arrestit, comme j'ay dict, par la seule saliuë. Le vis-argent fait mourir pour cause de sa grande frigidité, & de sa pesanteur, & vertu corrosiue, les arbres: tardiuement, &

non certainement, sil ne paruiet iusqu'à la medulle du bois: soudainement, quand il y paruiet. Aussi il faict mourir les mouches, les puces, punaises, & autres petites bestioles, ioinct principalement avec le saou noir. Aucuns nient que le vis-argent, & le vermillon, n'ayent esté trouuez iadis en Oriēt. Vne veine de vermillō dict en Latin *miniu*, a esté trouuee au pays de Boheme en *Elboganū*. Mais le pris & autorité du vermillon est faillie, quand le vermillon artificiel, dict *cinnabaris*, a esté mis en auant. Il est vn autre gerre de vermillon, dict *cinnabaris*, duquel ne cōuient maintenant faire mētion.

*Le vis-argēt
faict mourir
les puces &
punaises.*

Outre-plus, il faut noter que le vis-argent mis dedans vn vaisseau de bois ou de pierre, sil n'a point d'air, rompt le vaisseau, comme pouldre à canon, le feu mis, comme à la poudre à canon. Pourtant le vaisseau où est le vis-argent, mis dedans la beste morte encore chaude, la beste est mouuee, dont ceux qui ne sçauent la cause se fmerueillent.

*Le vis-argēt
chaufé rompt
les vaisseaux.*

Iusques icy nous auons traicté des matieres metalliques les plus excellentes, que nature produise, maintenant voyons combien vault l'artifice en imitant nature. Car l'artifice a ses matieres metalliques, & ses metaux, aussi les pierres, comme myrrhines, desquelles i'ay parlé. Donques aucunes matieres metalliques sont faictes par artifice, comme le vermillon, dict *cinnabaris*, & les autres icy exposees par ordre. Le vermillon dict *cinnabarium*, est ainsi faict par artifice. Mets dedans vn pot du soufre, & le fons, adiouste double portion de vis-argent, messe le tout mis sus le feu, iusqu'à ce que nulle forme de vis-argent apparoisse: puis laisse refroidir le tout. Derechef tu le cuirás petit à petit, iusqu'à ce qu'il craque petitement: lors en faisant plus grand feu, il le faut cuire, tant que la fumee rouge en sorte. Ce vermillon est à escrire & peindre de couleur rouge, & ensuit le vermillon naturel. Le vis-argent sublimé, autrement cuit, dict en Latin *cōctum*, & l'ancre des tanneurs, dicte *atramētum sutorium*, pour noircir le cuir, en pareille mesure soient mis dedans vn mortier, & le messe à de fort vinaigre blanc, tant qu'on ne voye plus le vis-argent: puis le fay cuire en vn vaisseau de verre enduit de bouë,

*Le vermillon
dit cinnabariū
ou cinnabaris
artificiel.*

*Le vis-argēt
sublimé.*

tant que le tout soit assemblé. Si quelque chose s'enfuit & n'est assemblé, derechef pile cela dedans vn mortier, en adioustant du vinaigre, & le fay cuire derechef.

*Le vis-argent
dict precipite
en Latin
precipitatu.*

Le vis-argent cuit qui est rouge, & qu'on appelle *precipitatum*, est ainsi préparé : pren de l'alun, & du vitriol également, auxquels adioste plus de la moitié de sel: distile le tout en vaisseau de verre : mets vn pois de cest eau, & trois de vis-argent en des vaisseaux de verre : & apres distile le tout : & le feu augmenté, perseuere tant que la fumee & le vaisseau soient rouges, & qu'il ne reste plus d'eau : apres distile le tout : & le feu augmenté, perseuere iusqu'à ce que la fumee, & les vaisseaux soient rouges, & qu'il n'y ait quelque reste de l'eau : en fin quand le vaisseau sera rompu, collige le vis-argent que tu verras s'endurcir comme vne pierre, brise-le, & le mets en pouldre sus vne table de porphyre : & derechef cui-le, & le distile tant qu'il soit sec : dedans le vaisseau de verre : derechef, le vaisseau rompu, collige la matiere qui reste, & la puluerise tres-menné sus la table predicte : puis mets le tout en vn vaisseau de cuire : & le feu grand mis dessus, messe & agite d'vne verge de cuire, le tout durant l'espace de deux heures, tant qu'il ait acquis la splendeur & rougeur du vermillon : & lors que tu l'auras recen, garde le en vaisseaux de vitre. S'il est bien préparé, il est le plus excellent de toutes les drogues qui sans douleur mangent la chair morte, & sechent les vlcères putrides : & n'est pour autre vsage que ie sçache : ainsi les femmes en vsent au fard : car il blanchit & rend le visage des femmes vermeil : mais il gaste les dents, & fait la bouche puante. Et en plusieurs choses il est vtile à l'art des orfeures.

L'orpin cuit,

Pforicum.

Plusieurs matieres metalliques changent de couleur par le feu seul, come l'orpin, qui est presque de couleur citrine, cuit en vn vaisseau de vitre, tant qu'il adhere & tienne au vaisseau, il rougit & reçoit la force du vis-argent dict *precipitatum* : ie dy la vertu, non tant inferieure qu'il est plus vtile pour la facilité de confire. Pforicum consiste & est composé de deux parties, de calchitis & d'vne de eadmie, ou d'esume d'argent. Ils sont meslez,

& en adioustant du vinaigre blanc ils sont brisez: apres le pforicum est enfouy au temps de Canicula dedans le fiens de cheual l'espace de quarante iours: tiré dehors, il est seché sus les charbons en vn pot neuf, tât qu'il soit rouge. Smaltum est vn gerre de verre, dont les cautez de l'or sont remplies, la couleur changee par grande excellence. Il reçoit couleurs de toutes sortes, & le bon reluit: & celuy qui n'est pareil à ce bon, est fait d'alun, de vitriol, & du sel de pierre, qui peut estre salpêtre: aucuns meslent les couleurs au vitre. Le recrement ou excrement, le vulgaire l'appelle escume, est tiré hors du metal, quand on le cuit: cest excrement retient la force & la matiere du metal, dont il est: pour ceste cause l'excrement d'argent & d'or, coustumierement est derechef cuit, afin que rien de l'auarice dès hommes ne soit perdu. Et ce qui ne se fond qu'ad le metal est fondu, est vne pierre: & ceste pierre retient quelque propriété du metal: mais aux metaux les plus excellens, la pierre diligentement est puluerisee & caite. Diphryges est fait quand la pierre ioincte au cuiure est bruslee: & a la faueur de cuire, cōme il est raisonnable. Quand diphryges est arrousé d'eau, il attire en soy la couleur Perle, ou de cuire: & s'il n'est point arrousé, il a couleur de pourpre ou brunette l'ay dict que cadmie est naturelle: aussi vne artificielle est faite quand le metal est cuit adherente à la fournaise. La bonne cadmie qui est faite de pyrites pers tandis qu'il est en piesses, est blanche, & quand elle est puluerisee, elle est tresblanche, pource qu'elle est faite d'argent ou d'or. Pompholix adhere & tient cōme vne boule ou clocheté d'eau, quand le metal est cuit, semblable au loquet de laine: & neantmoins qu'il tiene & adhere aux parois, il est toutesfois inferieur à la cadmie: il est blanc qu'ad il est puluerise: le vulgaire l'appelle tutie. Aucuns par l'appellation de tutie entendent spodos, entendu que le spodos & le pompholix ne different beaucoup, & vne espece de Pompholix est presque spodos, & est mise en vsage pour luy. Car spodos n'est tant excellent que Pompholix, tous deux sont vtils au medicament pour les yeux. Spodos est ce qui tiert & adhere aux secondes parois des fournaises où les me-

Smaltū peut estre dict esmal.

L'excrement du metal.

La pierre metallique.

Diphryges.

Cadmia.

Pompholix, dict de la tutie.

Tutie.

Spodos.

taux sont separez, & se condensent par la fumee de l'or, de l'argēt, & du plomb, meslee avecques la terre: & pource il est plus ord & plus debile que le pōpholix: car il n'est comme la cadmie & le pompholix de la fumee & premiere matiere des metaux, laquelle matiere est metallique, mais il s'assemble de la seule fumee & poudre terrestre, non participante du metal: pourtant la cadmie & le pompholix sont trouvez seulement apres des mines dedans les fournaies, & spodos est souuent trouue aux villes. La fleur du cuiure est faicte par l'eau espandue sus le cuiure, quand encore en feu il est tiré hors de la premiere fournaie: car quand il est contraint, il iette aucuns petits grains semblables au cuiure, lesquels brisez sont facilement redigez en poudre. L'escaille de cuiure tombe hors du cuiure, quand on le frappe de maillets: & ce qui par mesme moyen tombe du fer, est l'escaille du fer, dict *Stomoma*. Le verd-degris, dict *erugo*, est faict abondamment par ce moyen: mets vn vaisseau de cuiure bien net sus vn autre vaisseau, cōme vn couuertoir, verse du vinaigre fort dedans ce vaisseau, qui mesmement peut estre de pierre ou de bois, & dedans dix iours tu tireras de bon verd-degris du fond du vaisseau de cuiure mis dessus l'autre. Et moult en est cueilly des vaisseaux amples, l'œuvre renouellé. Et comme du cuiure est faict le verd-degris, dict *erugo*, ainsi du fer est cueillie la rouillure du fer, dict *ferrugo*: & comme le verd-degris n'estreint seulement & seche, ains aussi il mange & consume par erosion, ainsi la rouillure de fer estreint & seche plus vehemētément que le verd-degris, & sans erosion. Car au verd-degris les parties sont rares & acres, pour cause de la chaleur: à la rouillure de fer rien n'est chaud ne rare: pour ceste cause sa couleur est sans grace. Il est donc manifeste qu'en ces matieres metalliques qui sont mises dedans le feu, la couleur est & teint à la substance la plus subtile, si la couleur n'est point noire, & qu'entendu que la substance subtile ne peut estre meslee à la substance grasse, sinon par le benefice de nature, comme j'ay dict, toute couleur peut tomber, & estre effacee, excepté la noire. Mais la couleur noire peut consister & tenir bon, veu que c'est priuatiō

La fleur du
cuiure qu'on
appelle la
lumiere.

Diosc. lib. 5.
L'escaille du
cuiure, dict
eris squam-
ma.

L'escaille de
fer, dict

Stomoma

erugo

ferrugo

erugo

ferrugo

ferrugo

Les matieres
metalliques
mises au feu
ne retiennent
couleur, sinon
la noire.

de lumiere, qui consiste en matiere terrestre.

La vermiculaire doncques est proche au verd-degris. Car quand tu auras pris vne partie de vinaigre blanc, & deux portions de vieille vrine, & tu auras meslé le tout en vn vaisseau de cuire de cypre, & que tu l'auras agité d'vn pilon, tant que le tout ait receu & acquis quelque substance glutineuse: apres tu adiousteras la vingtquatriesime partie de sel. & autant d'alun: & mettras le tout au Soleil l'espace de quarante iours, quand l'astre Canicula seche les terres, en meslant & agitant assiduement: lors tu receuras la vermiculaire, qui du commencement aura l'espeueur glutineuse du miel, & la couleur de verd degris, mais trop plus splendide: & quand elle sera tiree hors du vaisseau, & mise sus vne table, formee en la similitude des vermicules & petits vers (dont elle est appelée vermiculaire) elle acquerra mesmement la substance du verd-degris.

La vermiculaire.

Le caruleum est ainsi fait. Espan trois pois de fort vinaigre dedans vn vaisseau de chesne, auquel premierement destrempe la quatriesime partie d'vne once de sel ammoniac, puis lie de toutes parts à vn baston quelques lamines ou paillettes d'argent percees de petits trous frottes de vis-argent, suspan le baston sus le vaisseau, en sorte qu'il ne soit loing du vinaigre sans le toucher, puis couure le tout de siens de cheual qui soit chaud: apres vingt iours tu tireras de l'argent le caruleum: derechef tu le remettras, & s'il est besoin gresse de vis-argent les paillettes d'argent, & apres autres vingt iours tu racleras tout ce qui a esté cueilly du caruleum, fay cecy souuent: finalement mets tout ce qui aura esté cueilly du caruleum dedans vn vaisseau froté premierement de l'esume d'argent, qui est dicté lithargyrium, & le seche vn petit: & quand ce caruleum sera refrigeré, laue-le en eau de fontaine, afin que la poudre s'en departe, & puis seche-le au Soleil.

*Caruleum,
& comme il est fait.*

La caruse est faicte, le vinaigre fort ietté dedans vn vaisseau, apres adionste du sarment de vigne, & aux sarments les petites paillettes de plomb d'vn pois. Entouy le tout au siens de cheual, apres vingt cinq iours tu colligeras la caruse: & si tu veuX estre bon mefnager, apres

La caruse.

les premiers dix iours racle-le tout, & le mets derechef par trois fois. Vn autre gerre de cærusse propre au fard, & tresblanc est apporté d'Espagne. Mets dedans l'vrine les petites pailletes de plomb blanc, que nous appellôs estain, & distille toute l'vrine, ce pendant l'estain se conuertit en cærusse: il est seché, il est puluerisé & criblé.

Le sandix.

Le sandix est faicte de cærusse ayât couleur rouge excellente. Mets donc la cærusse dedans vn vaisseau de fer, & la mouue auprès du feu tant qu'elle rougisse & reluisse. Il appert par ce que le bon sandix est faict de la bonne cærusse. L'ocre qui est passe est composee comme le sandix, dont dict Virgile,

Sans teinturier le sandix ornera

Tout le tropeau, dont rougé il sera.

Mais icy je parle du sandix qui est préparé par artifice. Cuy donc dedans vn vaisseau le plomb noir, tant qu'il ait pris la couleur de l'ocre: or la couleur de l'ocre naturelle est reluisante comme flamme. Aussi le sandix est faict de l'ocre rouge, quand il est seché en vn vaisseau circuit de fiens.

*L'escume
d'argent, dicté
lichargyriū.
La plomberie
dicté plombage.*

L'escume d'argent, que nous appellôs lithargyrium, est faicte quand le plomb est separé de l'argent, & est vn plomb qui n'est pur: & pource la mutation se faict mutuellement de l'vn à l'autre: toutesfois elle retient quelque vertu de l'argent, & celle qui est de couleur blonde, est aussi appelée iaune. La plomberie dicté plombage, est faicte de plomb, car quand on le faict bouillir au feu principalement ioinct au vis-argent, il est tourné en ces deux choses, sçauoir est, en escume d'argent & en plomberie. La plomberie reluit quelque peu, laquelle est semblable exterieurement à l'escume d'argent, en la part infime estant de couleur cendree, en la part moyenne estant de couleur meslee, quand elle est redigee en poudre, elle deuiét presque rouge reluisante. La purpurine, dicté purpurina, est de couleur sauue, & ensuit la couleur de l'or, si elle est bonne: elle differe seulement de l'or, en ce qu'elle ne resiste à l'intemperature de l'air, & ne dure long temps. Elle consiste & est faicte d'esgales portions d'estain & de vis-argent, aussi d'esgales portions de sel ammoniac & de souffre, lesquelles por-

*La purpurine,
dicté purpurina.*

tions d'estain & de vif argent soient de six ou de quatre onces. Le sel ammoniac & le soufre sont puluerisez en poudre menue: l'estain & le vif-argent sont mellez ensemble: & faut que l'estain soit redigé en feuilles tres-tenues, le tout est meslé en vn vaisseau de vitre: & ce qui demourera au fond est dict purpurine. Toute matiere metallique composee par artifice, est faicte de deux portions: la premiere portion est subtile, & de feu, qui souuent brusle, & est de notable couleur. La seconde est terrestre qui seche trop, & immoderément: ceste derniere ainsi qu'elle est composee, est vtile à la mutation des metaux: pourtant les metalliques artificielles sont preparees pour trois vsages, pour la medecine du corps humain, pour la peinture, & pour adulterer les metaux & pierres precieuses. Le quatriesme vsage peut estre adiousté, sçauoir est, pour les venins, ce qui est hors de nostre propos.

A ces matieres metalliques artificielles le vitre succede par grand merueille, vn œuure d'artifice tel que sont les pierres precieuses naturelles: & cecy principalement est merueilleux, pource que toutes les metalliques sepurement sont chose blanche, perse, noire, purpuree, verte: le verre contient toutes ces couleurs ensemble. l'ay souuenance que j'ay veu du verre tant elegant en splendeur. & variété de couleurs & tenacité, qu'il representoit la pierre engrauee dicte Achates. Maintenant par entendement admirable est distingué tant subtilement, & par bon ordre que l'on peut dire, la cire ne pouuoit estre formee plus facilement & subtilement. Le verre est le seul exemple de la fragilité humaine, ce que les princes doiuent contempler tousiours: toutesfois la vie humaine est trop fragile, que le vitre: & est d'autant plus fragile que le verre, d'autant qu'est la chose qui se romp de soy-mesme plus fragile, que celle qui est rompue par violence d'autruy. Du vitre sont faicts les instrumens de musique d'vn son fort doux, & qui montrent par leur beauté la pompe superbe du royaume humain. Dont il aduient que les couleurs sont delectables, le son doux, la splendeur plaissante: & toutes choses pour pen de cas

Trois vtilitee des matieres metalliques faictes par artifice.

Du verre ou vitre en Latin vitrum.

D'achates au 7. liure.

La cōposition du verre. sont perissantes en vn moment. Le vitre est composé de trois especes, de pierres lucides, d'arene, de sel chali, & sydereca, dont i'ay parlé par cy dessus. Ces matières puluerisées par grand feu sont mises en vaisseaux: & par la force du feu elles sont condensées en vitre, lequel extrait, derechef dedans moindres vaisseaux est cuit en la fournaise, & est préparé. Or ces choses laissées qui sont faictes par artifice, ou qui sont imparfaictes, venons aux matieres qui sont plus parfaictes.

DES METAVX. LIVRE SIXIESME.



Les metaux.

Quatre raisons pourquoy l'Orient est plus chaud et plus humide que l'Occident.

Le dy les matieres parfaictes, les metaux, & les pierres. Mais premierement ie traiteray des metaux. Les metaux sont l'or, l'argent, l'ambre, dict electrum, le cuyure de cypre, le plomb, & le fer. L'acier, l'estain, le fil d'archal, & vne autre espece de cuyure sont faictes par artifice. Ils sont sept naturels, & quatre outre nature par art. Et pour monstrer qu'ils sont autant, & non d'auantage, il est besoin de grande subtilité: ie le monstreray toutesfois: mais premierement ie monstreray que l'or & les metaux les plus parfaicts sont trouuez és parties Orientales: & le fer est trouué en Occident. I'ay déclaré cy dessus suffisamment que ce aduient, pource que l'Orient est plus chaud & plus humide que l'Occident. Or il estoit necessaire de monstrer que l'Orient est plus chaud & plus humide que l'Occident: car cecy monstré, il appert que la concoction & generation est meilleure en Orient. Et d'Orient sont apportées les odeurs qu'on appelle aromatiques, & les pierres precieuses, dictes *gemme*, l'or, l'argent, & toutes delices du gerre humain: cecy aduient, pource que la vapeur de la mer est portée de l'Orient sus les terres, & est cuite par le mouuement du Soleil: & en Occident la vapeur est portée vers la mer Oceane. Et si la vapeur

estoit pousseé des vents sus les terres, legetement elle retourneroit en l'Océan par le mouuement du Soleil: ou si le Soleil n'y estoit, elle ne pourroit venir en concoction. Dont il aduient que le mouuement du Soleil imprime aux terres quelque semblable vertu par éternelle conuersion, afin que les commencemens des choses soient de l'Orient. Et tels commencemens qui sont de l'Orient, sont meilleurs & plus delectables, pource nous sommes trop plus ioyeux, & recréés des rayons du matin que de ceux du soir. Et si les montagnes sont des parties Occidentales, & les rayons du Soleil pleins, aussi les rayons des estoilles & de la Lune emplissent d'humeur les terres: & ne faut esperer d'auoir grande vtilité, par les rayons de l'Occident qui brûlent trop, entendu que l'air est ia torride, & eschauffé. Et les montagnes en Occident empeschent d'une part le Soleil, & de l'autre part elles brûlent, & sont pires que la plaine: aussi le Soleil de l'Orient illustre, & enlumine les terres moult deuant que le Soleil de l'Occident, pourtant que la mer n'a de montagnes, & la terre en a plusieurs. Maintenant reuenons au nombre des métaux. Le metal est, comme i'ay dit, tout ce qui est ductible & dur: la cire & la bouë sont ductibles, mais ils ne sont durs: les pierres, & le pyrites sont dures, mais elles ne sont ductibles. Qui n'estimera les métaux estre sept iouxte le nombre des planettes: Comme le Soleil represente l'or, la Lune l'argent, Mercure l'ambre, dict *electrum*, Mars le fer, Saturne le plomb, Venus l'airin, & Iupiter reçoit le cuyure de Cypre. Mais il vaut mieux les distinguer en telle sorte. Tout metal est parfait, mol, & pur, qui est l'or: ou il est pur & dur, ainsi est argent: ou il est dur, & impur, & est le fer: ou il est mol & impur, & est le plomb. L'ambre, dict *electrum*, est composé de l'or, & de l'argent. Le cuyure de Cypre est fait d'airin, & de fer, pource il est plus dur que l'airin, & le fer, ainsi comme celuy qui est composé d'airin, & de plomb. L'airin & le fer bien cuit en forte chaleur est le meilleur: pource il sent plus le soufre. Il est manifeste que le fer peut estre conuerté en airin. Agricola recite qu'en Carpatus montagne de Pannonie, pres la ville dicté Smolinitium (ce que mesme-

Sept métaux.

Histoire comment le fer est maë en airin.

ment j'ay ouy d'autres qui auoient apporté tel airin par grand merueille, lequel ils me monitrent) est vn puis, duquel l'eau tiree eit esbandue par trois tuyaux, & le fer mis dedans est conuerty en airin. Et si quelques petites pieces y sont, elles sont muees en bouë, laquelle bien cuitte au feu, se conuertit en airin trespur. La cause est que mesme matiere est au fer & à l'airin. Pourtant quand le fer est d'auantage cuit, & bien teint, il est facilement mué en airin. Vne mōtagne est aupres d'vn puy, laquelle est fertile en vitriol pierreux, dict *chalchantum*: il est manifeste que le vitriol a ceste vertu de faire muer le fer en cuyre, ce que j'ay veu.

A sçauoir si les metaux peuent estre muez de l'un en l'autre. La solution ensuit apres. Comment l'or est trouué.

Des choies predictes vient vne doute fameuse, assauoit si par artifices les metaux peuent estre transmuez de l'un en l'autre. Auant que de ioudre ceste question, il faut montrer l'excellence de l'or. L'or est trouué en plusieurs manieres, premierement meslé avec l'arene, comme en Boheme & aupres de Boheme, aux lieux dictz *lags*, aux riuages pres de Goldebourg, & de Rife-gronde, dicté en Latin *Vallis giganteum*: & en la riuée de Ticinus, & d'Abduā fleuue en Italie: aussi on trouue l'or aux pierres fertiles en argent, comme en la montagne dicté *mons regius*: car quand ces pierres sont fondues, l'argent coule, en la liure duquel demie once d'or est cachee pour le moins. Albert recite que l'or est trouué aux pierres tressolides, qui sont entre terres adustes. Il escrit aussi qu'aucunesfois l'or est trouué entre les dents du corps humain en la forme & maniere de sicure menue, dont il est certain qu'il a creu que l'or est caché aux cheueux de l'homme. Quant à moy, j'estime ce qui est le plus vray-semblable, que l'or est engendré entre les pierres: & puis quand il est condenié en petits morceaux, qu'il est trouué entre les arenes, illec apportees par la force des eaux courantes: & que par mesme raison il est trouué entre les dents du chef humain, quand on les laue: car il est demeuré entre les fentes pour l'empêchement de l'os, & pour cause de l'espeueur des dents. Ce que Gonsalus Ferdinandus Ouiedus Espagnol recite, accorde à ceste opinion, sçauoir est, que l'or imparfaict est trouué au pied d'vne montagne, en la

part d'Inde qui est appelée Peru: & tant plus est proche de la montagne, tant plus est imparfaict, & laid. Et n'est trouué ou profond de la terre, mais en la superficie, & au dessus. Parquoy s'il estoit engendré aux champs, ou en l'arene, il seroit caché au profond de la terre. Et comme les charbons qui sont faicts au sommet des montagnes, sont trouuez souz la terre au pied des montagnes, ainsi est trouué l'or. Et pour telle cause coustumierement l'or est trouué au canal des fleuves entre les pierres. Pourtant neantmoins que les plus viles metaux soient cachez au profond de la terre, & souuent imparfaicts, & laids: Nature liberale en or, & quasi prodigue, elle a mis en la superficie de la terre l'or pur, & reluisant de sa propre couleur, n'ayant besoin de feu, ou d'artifice. Il est engendré au sommet des montagnes, souuent meslé avec vn peu d'airin ou de cuyure: car les auteurs le confessent, qui ont escrit l'histoire de l'or, lequel est trouué aux Indes. Souuent vn or qui n'est pur, est mené sus vne plaine par les inondations des eaux: & selon qu'il est de substance solide & valide, il est cuit: il vient en maturité, & est parfaict. Et par le frottement de l'arene, des pierres ou de la terre, le cuyure, & tout ce que l'or a inutile est consumé. Et derechef il est laué par le cours des eaux, & par ce moyen il reluit entre les arenes: & ainsi coustumierement il est cueilly. Et la paucité de l'or ne permet que les montagnes soient fouyes en lieu incertain, & entrerôpu par interualles, en sorte que il faudroit fouyr toute la montagne pour peu de liures d'or, que mesmement le feu consumeroit quand nous trauaillerions de le tirer hors des pierres. Le fleuve Abdua prend son origine du lac Larius, comme Ticinus faict du lac Verbanus. Ces deux fleuves reçoient des montagnes les arenes, lesquelles montagnes sont alentour des lacs susdicts, & mesmement y sont les pierres & l'or qui est cuit, purgé, & parfaict au profond des lacs. Ainsi aux hauts lieux des montagnes l'or pur est engendré par la vertu du Soleil. Aussi il est engendré mixte avec les autres metaux, principalement, comme j'ay dit, entre les morceaux d'argent. Car les metaux sont meslez ensemble: l'or avec l'argent, l'airin avec l'or,

*Comme l'or
est faict.*

*Les metaux
meslez en-
semble.*

En trois manieres l'or est cueilly.

La merueilleuse profondeur des mines.

La cause de la splendeur des metaux.

l'argent souuent avec le plomb. Mais l'or qui est tiré d'avec les autres metaux requiert grand artifice, & grand feu, pour estre fait pur. Pareillement l'or est trouué, ou plustost est tiré des matieres auxquelles il a adheré par artifice: comme des vaisseaux, & vaiselles dorees, & des habits, comme i'ay monstré cy dessus: ainsi caché en terre, il est tiré: & couuert en l'eau, il est pesché. Ainsi par trois manieres l'or peut estre cueilly, ou en redigeant en masse celuy qui a esté en lumiere, ou en le separant des metaux, entre lesquels il est caché, ou en le cueillant pur. De nostre temps Italie ne cueillit l'or pur, sinon vn peu, que i'ay dit estre trouué entre les arnes de Ticinus, & d'Abdua. Aucunesfois l'or pur sera tiré en Italie, par changement de place, comme i'ay dit: car ce qui est au profond, paruiet à la superficie. Et pourtant en aucuns lieux de Germanie ils tirent l'argēt hors des puy & cauernes qui sont profondes presque de cinq cens pas. En nostre pays, & en Germanie, la grandeur & grosseur des grains d'or pur approche à la grosseur d'vne noix aueline, comme au champ Carpatus en Adelbourg, & en la ville Slota il a esté trouué quelquefois. Mais s'il conuiet croire à Gonsalus, en la part d'Inde, appelée Peru, vne piece d'or fin & delicat, dict *obrixum*, en Grec, a esté trouué qui pesoit quarante deux liures & neuf onces: les pieces qui sont de quatre liures y sont frequentes: & souuent elles viennent iusques à sept. La liberalité de Nature est ainsi grande en ces lieux là, aussi la force & benignité du lieu. Mais comme ils ont abondance d'or, ainsi ont ils faute des autres metaux, & principalement du fer. Entre tous metaux l'or reluit, puis l'argent, apres l'airin & l'estain: & comme l'ambre, dict *electrum*, est moins reluisant que l'or, d'autant il l'est plus que l'argent. Le cuyure de Cypre est peu reluisant, meismement le fer, le plomb, & les autres de telle espee. La splendeur est faicte d'humidité pure, legere & solide, ou la clasté soit assemblee, comme aux miroirs. Aucun metal ne reluit, sinon l'argent rude, qui est de couleur rouge, non tousiours toutesfois: car aucunesfois cest argent est semblable au charbon en chaleur & splendeur: & les hommes en font chose

chose semblable au vermillon. Or comment cest argent rouge est seul perspicu entre les metaux, & pourquoy les metaux purs ne peuuent estre perspicus, il le faut monstrer maintenant. Vne chose est faicte perspicue quand la clarté & la lumiere y sont trouuées: ce qui se rencontre à la clarté & à la lumiere, est l'air & l'eau. Il est manifeste que la terre n'est perspicue: elle mesme empesche perspicuité là où elle est, & quand l'humidité est consumée au feu, elle perd sa perspicuité, pource qu'elle deuiert terrestre: pour ceste cause, neantmoins que l'huile soit perspicue, quand elle est mise dedans la lampe, elle est faicte opaque & dense, pour la suye qui est meslée auecques elle par le feu. Tous metaux parfaicts sont de substance aqueuse & rare: car ils s'assemblent par le froid, comme il a esté dit quand i'ay parlé de la glace: & par le feu ils sont faicts liquides. Et d'estre liquide, c'est le propre de l'eau entre les elemens. Le signe de tenuité en la substance des metaux, est entre autres choses qu'elle est consumée par le feu: & la partie terrestre s'esuanouyt auec l'humidité aqueuse: aussi pource que nous en faisons coniecture par vne portion d'vne piece meslée dessus toute la substance. Car s'il y a vne once d'argent en cent liures de plomb: & qu'il soit licite de coniecturer par vn scrupule sus la masse, comme font les orfeures: il est necessaire vne once d'argent estre meslée de toutes parts à cent liures de plomb: la portion doncques de mil deux cens d'vn scrupule d'argent sera meslée egalement. Et ceste portion est la quinquagesime partie d'vn grain: il ne peut estre donc que le metal ne soit de substance tresrare & subtile. Toutesfois ce n'est chose seure de ce fier du tout à ceste experience, quand il y aura grande quantité de matiere: & si l'erreur est mediocre, ce ne fera dommage à personne.

Et ce n'est seur de l'experimenter aux metaux precieux, si ce n'est en quelque grand pois. Le troisieme signe de la tenuité des metaux est, que deux grains d'or meslez à deux de fer, ou d'airin, en sorte qu'ils soient vn peu plus que la quarantiesime partie, changent tant la couleur & dureté de l'or, qu'il semble estre tout autre. Car l'or pur reluit grandement, & est de couleur iaune

*Tous metaux
sont de substance
aqueuse & rare.*

mol, fort traictable, & ductible: mais vne portion de fer meslee, il est intraitable, brunet, & est d'une splendeur sombre. Pourtant si tous les metaux sont de substance aqueuse, il conuient qu'ils soient rares & adustes, ou mixtes avec la terre, quand ils ne transuisent, & ne sont perspicus. La densité n'y peut nuire, puis que l'aymant & le crystal sont denses & perspicus. Si donc tu mesles du tout quelque petite portion de la lie d'huile à grande portion d'eau, l'eau deuiendra rouge, & demeurera perspicue: non tant toutesfois qu'elle estoit au parauant. Entendu donc que l'argent est de soy-mesme noir (ce qui appert à ceux qui le forgēt: & il semble estre chaud pour cause de sa solidité, ainsi comme les miroirs, dequels la matiere est noire) s'il est meslé à l'humour aqueux, il deuiendra rouge & perspicu, non autrement que les eaux par la lie d'huile: & aussi cest humour sera reluisant, pour cause de la splendeur de l'argent: & nous appellons ceste mixtion, vn carboncule & escarboucle, pour cause de la similitude: & comme il ne faut que moult de la lie d'huile qui est meslee en l'eau soit rouge, ains que l'eau soit opaque & noire, ainsi la moindre portion de l'argent est la plus grande part de l'humidité aqueuse, si ceste espee de rude argent doit en la plus grande part estre perspicu. Et si l'argent est brunet, ou plus abondant que la portion aqueuse, ou qu'il soit impur, il ne sera perspicu ne transuisant. J'ay donc dict & transuisant soit rouge, & de quelle matiere il est composé. Et rien n'empesche que les autres matieres metaliques faictes de plomb ou d'airin ne soient perspicues & translucentes: mais cecy aduient rarement, pour l'impurité d'icelles matieres, car l'argent est plus pur que l'airin & le plomb. Par mesme moyen on peut adulerer les pierres precieuses. Mais poursuyuons ce que nous auons proposé au commencement.

Entre les pierres doncques, celles qui sont dictes magnesia, armatura, la pierre speculaire, la fleur de gypse, qui differe de la pierre speculaire, comme Agricola estime, reluisent, & sont lucides. Entre les pierres de marbre aucune chose reluit en chacun: le seul marbre dict

phengites, est totalement lucide. Mesmement plusieurs pierres precieuses, dictes gemmæ, & presque toutes sont lucides, en sorte qu'aucuns estiment les pierres ne deuoir estre dictes precieuses si elles ne sont perspicues & translucentes. Aussi tout verre est perspicu & translucent. Entre les sucs quatre sont lucides, le sel, l'alun, le nitre, & l'ancre à noircir le cuir, dicté atramentum futorium. Nulle espece des terres est perspicue & translucente: car si la terre estoit meslée à beaucoup d'eau, elle cesseroit d'estre terre: & amassée avec l'humidité, elle se cōuertiroit en pierre, & plus ne seroit terre. Outre plus la terre ne peut estre translucide, pour cause de la tenuité: car & le nitre & les pierres precieuses, tant soient elles perspicues, redigees en poudre, cessent d'estre perspicues. Entendu doncques que la terre est grumeuse, elle ne peut estre perspicue ne translucide.

Pourquoy la terre n'est perspicue.

Mais ie retourne à l'histoire de l'or. Le seul or entre les metaux donne vn odeur petit, auquel l'argent succede: l'airin est le pire odeur, la cause est la grandeur de la chaleur bruslante. En l'or, pource que sa substance est engendree de chaleur douce, nul mauuais odeur y demeure: pourtant la generation de l'or requiert estre faicte par l'espace de plusieurs ans: tous les autres metaux sont parfaicts en plus brief temps. Et est necessaire que petite durté soit faicte de chaleur moderee: & pource l'or est mol, & toutes metalliques qui sentent bon seront molles, comme l'ambre. Et si la pierre dicté geodes misenus (qu'on dit faussement estre Etites) sent la violette, & que les fragmens d'une pierre en Aldemberge, & vne pierre en Berninger semblent sentir bon, ce leur aduiët de la mousse qui les enuironne: car à peine est-il possible que leur substance sente bon, comme i'ay monstré cy dessus. L'argent ensuit la tenuité de l'or, ce que lon cognoist par experience. Vn denier ou scrupule, qui sont vingt-quatre grains d'argent, sont estendus en vn fil l'espace de cent trente & quatre pieds, qui sont presque cent brassées. La tierce partie d'un grain d'or enuironne le tout, qui est chose merueilleuse à dire: toutefois cogneue à tous de ce mestier: car deux onces d'or

L'odeur de l'or.

*La pierre dis-
cte geodes
& misenus.*

*Le fil d'or &
d'argent est
tres subtil.*

font distribuees en douze liures & demie d'argent. L'once d'argent est estendu en trois mil deux cēs pieds, ou en quatre mil deux cens brassées de nostre pays, que six grains d'or enuironnent de toutes parts.

*La tenuité
de l'or en
fucille.*

C'est assez dit de l'or & argent ductible en fil. Mais la tenuité de l'or, quand il est estendu & batu d'un marteau sus les fucilles d'argent, est digne de grande admiration: car vne once d'or couure huiēt liures d'argent. Et quād ils sont estendus en fucille, on ne peut cognoistre lequel ou l'or ou l'argent est le plus subtil: pourtant il est necessaire que l'or soit cent fois plus subtil que la tenuité incomprehensible de l'argent: ainsi aduient que vne once d'or peut courir plus de dix arpens de terre. Cecy aduient pour la purité de la substance, & pour la longue coction: pour ceste cause ils ornent & dorent d'or en peu de despence les ouurages insculpees, & autres choses de fer & d'acier: & le coust est plus grand au fer & acier, qu'en l'or. Plusieurs manieres sont de ce faire, dont i'en expliqueray trois les plus faciles.

*La maniere
de dorer.*

L'or reduit en fucilles est meslé atecques le vis-argent: & quand il a esté eschauffé au feu, il est mis dedans l'eau: apres si le vaisseau est d'argent, le vis-argent est enduit sus l'argent, puis le vaisseau s'eschauffe, & est frotté iusqu'à ce qu'il tienne par tout le vaisseau: puis quand le vis-argent est consumé du feu, l'or demeure tenant au vaisseau d'argent. Et si tu veux l'or estre ioint à l'aitin, ou au fer, tu le feras ainsi. Tu laueras le vaisseau premieremēt de vin, auquel le sel ammoniac & le verd-degris en esgales portions soient destrempees avecques double portion de la lie de vin: puis comme parauant, tu enduiras de vis-argent le vaisseau, apres que le tout sera seché. L'autre maniere est par eau de separation, dont i'ay parlé par cy deuant. La tierce maniere est, que les fucilles de l'or soient mises par le fer chaud sus le vaisseau, ou par la pierre dite hematites Espagnole, de laquelle la couleur est exterieuremēt rouge comme sang, dont elle a pris son appellation du nom Grec, interieurement la couleur est comme de fer; qui est de tant grande durté, qu'à peine la lime peut prendre des-

fus, que le vaisseau en soit frotté: ceste pierre n'est l'hematites Germanique, qui est mol: donc il appert que c'est l'Espagnole, qui arreste le sang: car ceste pierre est tant dure qu'elle ne peut estre redigee en poudre: & a la vertu de secher & d'astreindre grandement. Et les medecins vsent de la Germanique en gastaunt l'œuure, de laquelle pierre Germanique n'est aucune vtilité. Pourtant il faut pulueriser l'Espagnole, si on veut bien guarir ceux qui crachent le sang. Ainsi les medecins de nostre tēps sont tant auenglez en choses manifestes, que ie n'en ay cognu aucun qui ait vsé de la vraye Espagnole, pource qu'ils sont deceus par la couleur & substance semblable.

En laissant donc ce qui est hors de nostre propos, retournons à nostre matiere. Ce que l'on fait de la pierre hematites, on peut le faire de la pierre ophytes qui est treslegere. La grand tenuité de l'or est cause de toutes ces dorures, laquelle tenuité est vn des priuileges de l'or. L'autre priuilege est que l'or ne cede au feu, s'il n'est ioint avec quelque venin: car s'il demeure seul, ou s'il demeure fondu avec le plomb l'espace de vingt iours, il ne se diminue tant qu'on puisse s'en appercenoir: certes ie n'ose dire qu'il soit diminué. Deuant tout il faut entendre la cause de ces choses: & aussi pourquoy l'or ne teint point. Voicy les trois priuileges peculiers de l'or, n'estre cōsumé du feu, ne teindre point, & estre tressubtil & ductible. La gresse macule & est bruslee, & contraint les matieres avec lesquelles elle mesle, d'estre bruslees: & l'or seul entre tous metaux n'a de gresse. Ceux qui sont aqueux s'esuanouyffent mis dedans le feu: l'or ne s'esuanouyt pour aucun feu: l'or donc n'est de substance aqueuse, ou il est contenu & conserué en quelque chose. Or ia i'ay mōstré que tous metaux sont de substance aqueuse: parquoy l'or a quelque chose terrestre meslé en soy tant subtil, & pur, qu'il est contenu & conserué ensemble: & si telle matiere terrestre estoit bruslee elle sentiroit mal, & seroit facile de la brusler: pourtant entendu que facilement elle n'est bruslee, & ne sent mal, ceste matiere terrestre est pure, & est exempte d'adustion. Les choses donc qui sont peculieres à

L'or ne cede au feu, & l'argent y cede de peu.

Les priuileges de l'or.

*Chapitre 11
de l'or.*

*Vn or plus
parfait que
l'autre.*

*La maniere
de separer
l'or des au-
tres metaux.*

*Le moyen de
purger l'or.*

l'or, sont de sentir bon, ne maculer, n'estre consumé par le feu, estre tres subtil, tres pesant, & fort adherent. Aussi aucun or est plus parfait que l'autre : ce qui conuient en toutes choses tant mortelles qu'immortelles. Celuy qui est apporté des Indes est tres pur: aucun qui est trouué autre part est meilleur que ce tres pur: & mesmement est meilleur que nostre or vulgaire. Toutesfois la difference en est incogneue pour cause de l'excellence de chaque espeece d'or. L'or est separé de l'argent par l'eau de separation, laquelle fond les autres metaux: & les grains de l'or descendent au bas du vaisseau: & puis sont fondus illec cueillis. Autre maniere de separation: la masse d'or ou d'argent est fondue: & apres qu'elle est fondue on y adiouste le stibium ou le soufre, & la vingt quatriesme partie d'airin: & quand le soufre est consumé, le vaisseau est secous trois ou quatre fois: l'or descend en bas pour cause de sa pesanteur, lequel toutesfois n'est encor fondu: puis l'argent espendu dehors, tu colligeras l'or. L'argent est le plus facile à fondre, pour ce qu'il est le moins dense: car il est plus léger que l'or.

L'or est purgé des ordures par ce moyen: l'or batu & estendu en larges & tenues fucilles, est ietté dedans l'urine ou vinaigre, auquel le sel ammoniac a esté destrempe: apres vne poudre tresmenue prise de trois parties de tuiles, ou briques, & d'une partie de sel est mise dedas le vaisseau: vne fucille d'or est mise sus: derechef la poudre est mise sus l'or: & consequemment chaque à son tour, tant que le vaisseau soit plein: puis par l'espace de 34. heures le tout est consumé par le feu mis dessous: l'or est fondu: l'argent, si aucun y est, est gardé entre les cendres: quand j'ay dit que le feu est mis dessous, j'enten qu'il soit aussi tout alentour du vaisseau: car si seulement il est mis souz le vaisseau, difficilement & à peine le tout peut estre fondu. L'or est la perfection des metaux, & le chef d'œuvre: l'argent luy est proche, l'un & l'autre coustumierement est caché en tout autre metal: je dy l'argent estre caché au plomb, l'or en l'airin, & en l'argent est l'or: car la meilleure partie de l'argent est or. Pouitant l'or repurgé est matiere trespure, quand

la substance aqueuse tenue & dense, est meslée avec la portion terrestre tres-pure assemblée par la froideur, sans gresse, pour ce l'or se fond, & n'est bruslé.

A sçavoir donc, si on peut faire l'or de vis-argent, ou d'autre metal, dont au commencement i'ay mouué vne doute, maintenant le faut monstrer. Mais premierement il faut considerer de quelles matieres sont composez les metaux. Plusieurs ont estimé que les metaux sont composez de soufre & de vis-argent: car quand ils sont bruslez, ils sentent le soufre, principalement l'erain, ou le cuiure: & la matiere d'iceux est semblable au vis-argent: car quant à la couleur elle ensuit l'estain & l'argent: quant au pois, ceste matiere ensuit le plomb. & l'or. Mais de deux matieres qui sont ja par effect, le troisiésme ne peut estre fait: les metaux donc ne sont composez de soufre & de vis-argent. Mesmement aux lieux ausquels les metaux sont, trouuez n'est aucun soufre ne vis-argent: & le lieu ou est le soufre, sont montagnes squalides & ordes: le lieu ou est le vis-argent sont montagnes verdes & plaisantes: en sorte que les deux ne sont engendrez en mesme lieu. Que les metaux puissent estre muez en metaux, plusieurs l'ont veu par l'experience de l'erain cy dessus allegué. Il semble aussi que les metaux changent leur couleur, & le pois pour cause du feu: pourquoy il est vray-semblable qu'ils peuuent muer leur substance. Et entendu qu'aucunes especes des herbes sont muez l'une en l'autre, ce ne doit estre merueille si les metaux peuuent estre muez les vns en autres. Toutes fois il n'est ainsi: car non tous peuuent estre muez les vns aux autres. Vray est que le fer, le cuiure, entendu qu'ils sont semblables en pois & tenuité, & que nul d'iceux resiste au feu, peuuent estre muez l'un en l'autre, s'ils muent leur couleur & durté, ils le peuuent vraiment, ou sans difference manifeste. Nul des autres metaux ne peut estre mué en or ou argent: vne seule doute est, sçavoir si l'argent peut estre mué en or: cè que ie pense pouuoir estre, car afin que l'argent soit mué en or, il requiert la densité, pour laquelle il fault qu'il soit fait plus pesant: & requiert aussi la couleur, & ces deux choses peuuent estre adioustees au metal. Si

l'argent est fait plus dense, la gresse en sera consumée & mieux résistera au feu, & acquerra le pois. Et pourtant qu'aucuns de noz amis se glorifient auoir expérimenté cecy n'agueres, de deux choses vne est necessaire, ou que l'or soit contenu par effect en l'argent, ou par puissance. Si par puissance, la generation sera faite par le feu: & ja nous auons monstré que le feu n'engendre rien: Si par effect, pourquoy toute la masse est elle fondue par l'eau de separation, veu qu'il est manifeste que l'or n'est fondé en icelle: Il ne peut estre donc par aucune des deux manieres: mais la petite portion d'or y est par effect: laquelle ne pouuant estre separée, est surmontée de l'eau, & est fondue. L'or donc est séparé de l'argent surmonté du feu, pource qu'au parauant aucune chose estoit requise pour sa perfection. Quand à ce qui appartient aux autres metaux, ils ne peuuent estre muez en or, ny en argent: car ils sont ja adustes & bruslez: & ce qui est aduste, ne peut plus retourner en sa pristine pureté. Et n'est aucune commutation des choses parfaites differentes en espee & propriété naturelle. Or est ainsi que l'or est parfait, & differe des autres metaux en espee, veu, qu'il resiste au feu totalement: & nul des autres metaux est qui ne soit corrompu du feu, excepté l'argent. De creches, il est trop plus subtil que les autres metaux: ie ne parle maintenant de l'argent: & le feu en ne separant point, condense, ou en separant atténue: & de ces deux choses nulle est vtile à la generation de l'or.

Aussi, comme j'ay dict, l'or n'est subiect au feu, pource qu'il n'a point de gresse: & pour separer la gresse, veu qu'elle est en chaque partie du metal, il est besoing de feu: car elle est bruslée du feu, & avec elle toute la substance du metal est consumée. Et tout metal est gris, excepté l'or seul: ce que j'ay dict cy deuant en autres parolles: car tout metal souille & macule ceux qui le manient, & est consumé du feu. Les metaux sont faits de la mesme matiere qu'est le soufre & vis-argent: mais le soufre est fait d'une portion plus mince, & est aduste: le vis-argent est de matiere plus espesse, & peu elaborée: les metaux sont faits de matiere mixte, & plus

temperee en chaleur. Et si l'homme & la femme sont engendrez d'un mesme sang, & en mesme lieu, il n'est toutesfois necessaire, ains il est impossible que l'un engendre l'autre. Car les choses qui sont engendrees de mesme matiere, apres qu'elles sont engendrees, ne sont necessairemēt muees l'une en l'autre: parquoy si tous les metaux sont engendrez de mesmes subitances, & aussi l'argent vif, & le soufre, il n'est toutesfois necessaire l'un estre fait de l'autre: si ce n'est d'aventure quād les deux ne different en espee: mais seulement en accidens, comme il est dict de l'erain, & du fer. Les Alchimistes donc peuuent muer la couleur, & le pois: mais ils ne peuuent muer la subtilité, & fermeté. Car entendu que l'experience de la subtilité est laborieuse & ambigue, ils ont mieux aimé experimenter l'or par le feu: & ce est un signe certain de cecy. Et cecy est appert: mais si l'argent doit estre conuertit en or, il faut que premierement il soit conuertit en bouë par l'eau forte: puis la bouë d'argent peut se conuertir en or.

*Ce que peu-
nent les Al-
chimistes.*

Le vis-argent semble estre plus proche à l'or, qu'à l'argent: car il est semblable à l'or en tenuité & en pois: & est semblable à l'argent en la couleur seule. Il differe de l'or & de l'argent, pource qu'il se coule, & se suauoïit au feu: pourtant auant qu'il puisse deuenir en argent, quatre choses sont necessaires, qu'il soit ferme & maleable qu'il resiste au feu, qu'il soit rendu plus léger, & qu'il soit de substance plus espee. Mais afin de conuertit le vis-argent en or, il est necessaire qu'il soit ferme & solide, qu'il resiste au feu, & qu'il soit teint. Et entendu que ces choses sont trop plus faciles, que celles qui estoient necessaires à la transmutation du vis-argent en argent, il aduient que plusieurs plus tost ont esperé la permutation du vis-argent estre faicte en or, qu'en argent. Ce que l'apoticair Taruisinus semble auoir faict, qui deuant le Prince & les gouverneurs de la Republique de Venise, mua le vis-argent en or: & de ce merueille resistent encor aucuns vestiges. Toutesfois en quelque sorte que ce soit aduenü, il est certain que le vis-argent ne peut estre conuertit en or, & trop moins en argent. Et l'argent quoy que le cuire en couleur, & le plomb en

*Le vis-argēt
est plus pro-
che à l'or que
à l'argent.*

*Experient
merueilleuse.*

pesanteur soient plus proches à l'or, toutesfois il est tã semblable à l'or en tenuité de substance, en pureté & fermeté, que le bon argent est vn or imparfaict en substance, defaillant en couleur: & pourcee l'argent pur par succession de temps, aucunement est mué en or: comme par longues annees le plomb se tourne en argent. Si toutesfois la semence d'argent est ostée exactement du cuiure ou du plomb, l'argent ne sera engendré d'iceux en aucun temps, ne l'or de l'argent. L'amitié & concorde des metaux est grande: l'or & l'argent aiment le plõb: & quand ils sont fonduz, ils se meslent avec le plomb: le cuiure fuit le plomb, & l'estain hait l'or & l'argent. Pourtant quand l'estain est fondu, il nage sus le plomb & argent, & l'eau le crepit aux fournaies: ainsi cõstumièremment il est tiré hors par verge de fer. Cecy est merueilleux, que le plomb fondu nage sus l'argët, quoy qu'il soit le plus pesant: & par ce moyen ils espandent le plomb, qui nage dessus, & cucillent l'argent qui est dessous au fond du vaisseau. La cause de cecy est que le plomb, combien qu'il soit plus pesant que l'argent quand il n'est fondu, toutesfois quand il est fondu, il est rendu plus rare, veu qu'il est ja preparé de se convertir en fumee, & que toujours il s'esuanquit. Et l'argent, entendu qu'il n'est consumé par le feu, aussi n'est il attenué: car s'il estoit attenué par le feu, il seroit necessaire qu'il fut consumé du tout. Pourtant entendu que la substance du plomb est moyenne entre sa propre & celle de la fumee: & la substance de l'argent est telle qu'elle estoit auant la colliquation: ce n'est merueille si le plõb fondu nage sus l'argent fondu. L'estaing en deux manieres nagera sus l'argent: car il est consumé par le feu, & est plus leger que le plomb: pourtant non seulement il nage sus l'argent: mais aussi sus le plomb. Et de ce est venue la separation des metaux: le plomb est espandü hors du vaisseau, l'estain premierement tiré, le plomb attire avec soy le cuiure & le fer: il n'est toutesfois espandü totalement, de peur que l'argent ne sescoule avec: & tout ce qui reste du plomb, quand la plus grande portion en est espandüe, il est consumé du feu. Apres ce y l'argët demeure, & si quelque peu d'or y est meslé,

*L'amitié des
metaux.*

*Le plomb nage
sus l'argët
quoy qu'il
soit le plus
pesant.*

*La separation
des metaux.*

lequel est séparé de l'argent, comme j'ay dict, par eau forte, ou par autre moyen cy dessus proposé. Et le plôb qui a esté espandu, est refondu, & derechef est espandu, de peur qu'il n'y ayt encor quelque argent, & que l'orfeure ne perde autant de gain.

L'erain est séparé du plomb, comme bien l'enseigne *Pyrotechna* *invention des matieres qui passent par le feu.* Vannocius Biringutius de Senes en son œuvre intitulé *Pyrotechna*, on met vne masse de plomb sus vn gril de fer, enuironné de feu: le plomb facilement se fond, & attire avec soy ce qu'il contient d'or ou d'argent: & le cuire cômme aduste est laissé dedans les cendres: repurge donc ce cuire à grand feu, & quand il sera fondu, assemble le en masse, & tu auras du cuire tres-pur.

Aucuns metaux sont conuertis en eau par artifice: car *Comme les metaux sont conuertis en eau.* il conuient les brusler. Ils sont bruslez legerement & commodément, en adioustant de l'orpin, dit *auripigmentum*: quand ils sont bruslez & redigez en maniere de chaux, ils sont sechez diligemment: puis enclos dedans vn vaisseau de vitre, ils sont enfouis trois pas dedans la terre humide l'espace d'un mois, ou ils sont suspendus vingt quatre heures sus vn vaisseau plein d'eau bouillante, en sorte qu'elle bouille tousiours: que le vaisseau de vitre soit loing de l'eau, seulement l'espace de deux ou de trois doigts: or il est raisonnable que ce qui est engendré de l'eau, retourne en eau: toutesfois l'or & l'argent difficilement retournent en eau pour la solidité de leur substance, comme dict est.

L'argent est engendré en quatre manieres, ou en la terre, laquelle amassée par le feu, red l'argêt, ou il est meslé au plomb, ou à l'erain, ou aux pierres, lesquelles mises au feu rendent l'argent semblablement: souuent aussi il est meslé au cuire, cômme en Alsaria pres le Rhein, aux montagnes de sainte Anne, & aux montagnes Misnenses: car illec les pierres sont plaines de cuire, & au cuire est grande abondance d'argent: ou l'argent pur est aux pierres, quasi cômme vne herbe aux virgules, qui prennent leur naissance d'une pierre: i'en ay de tel. J'ay veu, ce qui est frequent, aucuns arbrisseaux, ou est trouué le gros or, qui est apporté de Germanie: & en Boheme à Abertame, & en Misene à Annebourg, & *L'argent est engendré en quatre manieres.*

Snebourg est vn argent tant purgé, que quand il est rendu tout pur, il appetisse seulement de la dixiesme partie de son poix. Georgius Agricola recite vn morceau d'argent auoir esté trouué du poix de deux talens en Boheme. Ce pois est de cent quarante liures. L'argent qui est pur, quãd il est tiré des mines, il represente plusieurs & diuerses figures, des hoües, des marteaux, des rasteaux. Mesmes Agricola dict auoir veu à Snebourg de l'argent qui representoit la forme de la statue d'vn homme qui portoit vn enfant. L'argent est fait par artifice, & est forgé d'erain, en sorte qu'il deçoit en plusieurs manieres les yeux, & la pierre despreuue dicte *lydia*: mais en matiere sordide, il suffit d'en reciter deux manieres. Mets dedans vn vaisseau de vitre, que tu fermeras bien, les parties esgales d'auripigment blanc ou d'arsenic commun, & du halinitrum, & laisse le tout l'espace d'vne heure sus les charbons allumez, afin qu'il soit comminué. Pren vne once de ceste poudre, autãt de vis-argët, demie once de la lye seche de vin blanc (vulgairement dict tarte) redigee en poudre par le feu. Ainsi tu as deux poudres, la premiere faicte d'auripigment blanc, & de halinitrum, l'autre composee de la susdicte avec le vis-argët & lye de vin. Quand donc l'erain sera fondu, adiouste à chacune liure presque vne once de la premiere poudre, tant qu'en meslant le cuiure soit purgé: & apres la purgation, messe la quarte partie d'vne once de la seconde poudre, & la verse incontinent dedans du miel. La maniere de ce faire est plus breue avec l'argët sublimé & l'estain. Aucuns, comme Pomponius Gauricus, meslent en deux liures d'erain trois onces de chacun, seauoir est du halinitrum & de l'arsenic, & les cuisent. Ceste chose est profitable à quelquesvns, les autres en ont encouru supplice & tourment, pource que c'est matiere de fausse monnoye.

La maniere de couvrir & dorer d'argët. Cos vis pier re dure dicte cueux bonne pour aguiser les consteaux.

La maniere de dorer d'argent, est vn art approuué des auteurs, & permise à tous gens de bien. Frote vn pot de l'escume d'argët, puis brise & puluerise sus vne pierre dure, dicte cos, les fueilles minces d'argent avec alun, sel & lye de vin sechee, & les mets dedans le pot. Le tout ensemble est fondu au feu, & espandu dedans l'eau. Et

laue diligemment de fort vinaigre, ou le sel ammoniac a esté destrempé, le vaisseau que tu veux argenter: puis frote-le de vis-argét ou d'estain, & à ce adiouste ce que tu auois espendu dedans l'eau, finablement fay que le vis-argent s'esuanouisse au feu, ou l'estain.

Aucuns frottent d'estain les vaisseaux d'crain par dedans, afin qu'ils semblent estre argétez, laquelle maniere est frequente en nostre pais: lors les vaisseaux ne donnent mauuaise saueur, & sont plus salubres & plus delectables à la veüe. Ils enduisent le vaisseau de poix noire, puis ils touchent d'un fer chaud l'estain: aucune chose de l'estain adhère qu'ils mettent sus la poix, la poix est consumée par le feu, le plomb tient.

La nature & propriété de l'ambre dict *electrum*, est moyenne entre l'or & l'argent. Aucuns appellent cest ambre *electrum succinum*, icy nous parlons de l'ambre, qui est matiere metallique. L'ambre artificiel est autre que le naturel: il appert que la grace & vertu consiste au natif de l'or, & de la quinte partie d'argent.

De l'ambre dit electrum.

S'il y a plus d'argent que d'or, l'ambre ne résiste aux enclumes & marteaux. L'ambre est formé en vaisseaux pour beauté & vtilité: car l'ambre qui est natif, il manifeste le venin en deux manieres, il craque & fait vne figure d'arc. Quelle merueille est-ce? L'estain, & sur tous l'orchal par le seul touchement des venins attire couleur estrange, & soudain perdent leur splendeur. Quand dōcques la rare humidité de l'ambre est consumée, elle craque, & sa couleur muée, au lieu de splendeur grande il semble qu'une macule y représente vn arc. Pourtant comme les riches ont leur ambre, ainsi les pauures ont leur orchal alencontre du venin, lequel manifeste la mauuaise entreprise des meschans. Mais les riches ont perdu leur ambre fossile: lequel, jaçoit qu'il soit trouué maintenant, toutesfois par l'affection d'auarice, & par l'ignorance de sa vertu, quand en luy l'or est separé de l'argent, il cesse lors d'estre ambre. Et n'est grand cas que l'ambre soit mué des venins, veu que mesmement l'argent en est vicié, & que sa substance dure souffre par le venin extrême, entēdu que l'or par le seul touchement du vis-argent est fragile.

L'ambre manifeste le venin.

Quatre especes
de plomb.

Le plomb, cōme i'ay dict, est semblable à l'argent, & a quatre gerres, le noir, le vulgaire, & de vil prix: le blāc, que coustumierement on appelle estain: le bisemutum n'est cogneu, qui tient le moyen entre le noir & le blāc: il est toutesfois trouué au mōs de Boheme, dict Sudni. Le quatriesme gerre est composé du *stibium*. On estime que tout plomb croist de son gré: & par sa pesanteur il faict ruiner les maisons qui en sont couuertes. Gallien recite le plomb estre augmenté en grandeur & pesanteur souz terre aux lieux humides, de la septiesme partie. Le plomb blanc differe de l'estain pource que le plomb blanc naist de soy mesme: l'estain naist tousiours avecques l'argent: & l'estain est presque vn plomb blāchi par argent. Le plomb blanc hayt tous metaux: & adiousté de la centiesme partie à l'or & argent, il les red fragiles. L'estain aussi est faict par artifice: & ce qui est le plus excellent, il reçoit en vingteinq liures d'estain naturel ou de plomb blanc, vne liure de plomb noir. Et si en neuf liures de plomb blanc, vne liure de plomb noir est meslee, il deuiet dur, & est bon a faire vaisseaux, aussi il est loué, le plōb noir adiousté iusque à la huitiesme partie: si on y en adiouste d'auantage, il est vil: les Milanois l'appellent *peltrum*, peltre, ou peautre. Au temps passé l'estain estoit faict d'erain & de plōb meslez. L'estain qui procede de l'argent faict bruit, & le plomb blanc craque aussi, mesmement l'estain faict par artifice. La durté croist en l'estain, pource que le plomb noir deuiet plus dur, pour cause du blanc: & le blanc est le moins subiect aux creuasses & fractures, pour la molle substance dont il est plein.

Experience
merueilleuse
du plomb fondu.

Lors que i'escriuois cecy, quelque homme publiquement à Milan lauoit ses mains & la face de plomb fondu: mais premierement il les lauoit de quelque eaue. Il faut considerer en cecy, qu'il vsoit de deux aydes en le maniant, sçauoir est de celerité & d'eaue. Il failloit que l'eaue fut grandement froide, & qu'elle eut vne vertu obscure & crasse, par laquelle elle reiettoit la chaleur du plōb, & empeschoit qu'elle ne tint & adherast au corps. Aucuns disent cecy estre faict du suc de pourpié & de mercuriale, pour cause de la glutinosité & lēteur. Voyāt

qu'aucunesfois il vsoit petitement de ceste eue, en sorte que souuent il permettoit sa face estre blesee, j'ay estimé que plustost ceste eue estoit metallique, comme du *Stibium*. Il gaignoit beaucoup, & à chaque fois qu'il faisoit ce tour, il ne cueilloit moins d'un escu: & si son eue estoit faicte d'herbes de tât vil pris, il ne deuoit en vser tant partialement.

L'estain succede au plomb, l'vsage duquel estoit au temps passé non seulement aux armes & boucliers, dôt les hommes se couurent, mais aux Jances. Pourtât Homere dict que Menelaus poursuit Paris d'une lance d'erain. Il dure long temps aux edifices, pource qu'il n'est blesté du rouille, comme le fer & l'acier. Ils sont trois Elemens qui donnent humeur, la terre, l'eau, & l'air: les metaux sont corrompus & attirent la rouille par l'humeur: & ce qui ne reçoit point d'humeur, il est exempt de rouiller, soit mis à descouuert, soit dedans l'eau, ou dedans la terre. Par cy deuant j'ay monstrey que toute matiere qui est trop aduste, ne peut estre blesee de l'humeur. cōme l'estain, le quel par son seul odeur manifeste l'adustion: il est donc necessaire que l'estain soit eternal aux cōstructiōs & edifices: pour laquelle cause j'estime qu'anciennement il estoit en plus grand prix que le fer, pource qu'il n'estoit vsé par le tēps, & vsage. Maintēat pour auarice on vse du fer trop moins profitablement.

Mesmement les flutes & tuyaux des orgues & instrumens de musique sont faicts d'erain, aucuns de plomb blanc, les autres de bois, ainsi és mesmes orgues on oit trompettes, cornets, flutes, tabours, espinette, luth, harpe, & autres voix resonantes alternatiuement en merueilleuse varieté. Seulement y defaut la voix humaine, qui tât plus difficilemēt est imitee, qu'elle est plus douce & delectable que les autres. L'estain proprement cōuient aux trompettes, afin qu'il excite d'un bruit grand la musique Dorique, & qu'il enflamme les hommes à la bataille. L'erain de Cypre est plus dur que le nostre, & est de deux gerres, le naturel qui a des macules d'or entre luisātes, cōme j'ay veu. On refere en auoir esté trouué en l'isle d'Espagne du nouueau mōde, vne piece du pois de deux cens liures: ainsi il croist en tât grandē quatité.

L'estain.

La diuerse imitation des instrumens de musique.

L'erain de Cypre.

Il est aussi artificiel, & est appelé cuiure ou Ieton, en Latin *cuprum*, pour la proximité de la voix cypros: le plus excellent en quatre liures d'erain, contient vne liure de plomb blanc, que nous appellons estain: & le plomb blanc meslé iusques à la huitième partie d'erain, rend le cuiure excellent. Et si on met du fil d'orchal au lieu du plomb blanc, le cuiure sera plus vile. Si le plomb noir, pour euitier la despense, comment on a de coustume, est meslé à l'erain au lieu du plomb blanc, le cuiure est tres-vile. L'usage du cuiure est aux machines à feu, cōme artilleries, chaudieres, & autres matieres semblables. En cecy il est plus noble que l'erain: mesmement aussi qu'il ne donne mauuaise saueur ou odeur aux viâdes. Pareillemēt l'orchal est fait par artifice, & est antique, cōme il appert d'Apollonius en son Argonautique.

L'orchal.
Lampetia fil
le dieu Soleil.
Le liure des
secrets d'A-
ristote.
Le fer.
Comment le
fer est amoly.

Lampetia suiuant bransloit sus les bœufs son fouet qui estoit d'orchal lucide & subtil. Apollonius donc le refere au temps des Argonautes: & l'appelle *orichalcum*, Plautus *aurichalcum*. Celius recite Aristoteles auoir dit en ses secrets, l'orchal n'auoir esté iamais tiré des mines. Au contraire, le fer est tiré hors de terre, & n'est artificiel: aucun est vile, aucun excellent, seruât esgalemēt au bon & mauuais usage. Il deuiet mol du suc des escorces de fene, & de mauue, s'il y est esteint, & non en l'eau. Afin qu'il soit ductible quand il est tiré, la masse est sechee au Soleil, ce qui est terrestre, s'amolit en la pluye: ce qui est humide, se fond au Soleil, la plus aigre portion qui est quasi son venin, est consumee au feu. Ainsi quand il est mis au Soleil: & qu'il est seché, souuent il est fait mol, & est aucunement traictable. Mesmement le fil de fer, si on le laisse refrigerer de soy-mesme deuiet tant ductible qu'on en peut vser pour lier au lieu du fil de lin. Toutesfois il vaut mieux eslire premierement le fil de fer qui soit de soy-mesme mol, & liant, tel qu'on dit estre aux Suedones, peuples de Germanie, qu'ils appellent *osemutum*. Le fer mol est engraue en ceste matiere: On peint au fer ce que l'on veut peindre & former: de l'autre part on met vne pile de plōb desoubz: puis d'vn maillet est frappee la part que tu veux deprimer: la part que tu veux estre esleuee, soustenue du plomob

plomb, ne s'abesse point: ainsi subtilement ils imprimēt les images des bestes & des plâtes: en sorte qu'on diroit qu'elles sont exprimees sus de la cire, & engrauees d'une petite lancette. Mais si le fer chaud est esteint en eau froide, il faut qu'il soit dur, fragile & non ductible: car par la frigidité de l'eau, le feu qui est dedans est contretint & amassé, & subitemēt il consume l'humidité naturelle du fer: laquelle humidité ostee quand il seroit ductible, il faudroit qu'il fust fragile & dur, dont il appert rien ne pouuoit estre fort dur, qui soit tenant & liant: Gonsalus homme docte en son septiesme liure de l'histoire des choses d'Inde, recite les Indiens captifs couper d'un fil de l'herbe dite gabuia & d'arene, les chaines des pieds, & s'enfuir en telle sorte: & que cela est frequēt en la petite Espagne. S'il est ainsi, il faut que le fil de ceste herbe gabuia soit fort, afin qu'il puisse estre tiré fort, aussi il faut qu'il soit large & plat, de peur que l'arene tombe bas, & que l'arene soit menuë, aspre & dure, telle que est de la pierre smirius, comme nous dirons, autrement elle ne pourroit couper le fer. Aussi il refere les ancras estre ainsi diuisees: & si par touchemēt diurne, assidu & leger les pierres dures sont fenduës, quel merueille est-ce du fer? Ceste maniere de couper est plus excellente que la lime, pourtant qu'on n'oit rien: les limes sourdes & minces coupent lentemēt & sans bruit.

Comment le fer est diuisé d'un fil.

L'acier est plus noble que le fer, & a deux gerres, natif, & artificiel, tous deux sont tresdurs, & pour ceste cause il est plus fragile que le fer. L'artificiel est composé de fer tresdur, qui est repurgé, & de marbre. Le meilleur est qui reluit de petits grains reluisans sans rouille, sans fentes, & qui est plus leger que le fer. L'acier bien purgé, puis tout chaud esteint deux ou trois fois au suc des raves, & en l'eau de vers de terre en esgales portions, il coupe le fer comme plomb. Albert refere qu'il a experimēté. Cecy est trop plus utile q̄ Galeas Rubeus mon amy a inuenté qu'un poictal de fer soustiēt vn coup de haquebute. Ainsi est grand l'artifice: & quand tu auras cōceu la raison, tu cesseras de t'esmeruëiller. La durté est là mesme, où est la matiere mesme, & aucunes fois plus valide quand elle est assemblee & souuent multipliee,

*L'acier.
La congnouissance du bon acier.
L'acier qui coupe le fer.*

Gerres excellens d'acier & de fer.

comme vn fagot de bois, rend le fer plus resifitant: par plusieurs coups donc, & par la vertu des caues le fer tât soit il mince, est rendu inuiolable à tous coups, pource que telle caue cōsume par le feu l'excrement terrestre & aqueux. Aucūs gerres de l'acier & du fer sont tresexcellens, qui en meime pois sont de plus grād prix que l'or, sçauoir est agiambina, azimina, charmamina, damascena, qui ont pris tels noms des regions, que maintenant nous appellons ainsi en nostre langue maternelle. Le me persuade que la region y adiouste quelque chose outre l'artifice, pource que quād du temps de Virgile par tout en Italie, en Germanie, en Espagne l'acier estoit, Virgile toutesfois a dict. Mais les Chalybiens nous ont induit le fer, &c. Ainsi ie suppose que les Chalybiens estoient compris entre les peuples & regions susdictes.

Comment le fer est purgé par art.

Aristoteles enseigne en ses Meteores, cōme le fer est purgé par art, & rendu meilleur, disant, Le fer souuent cuit est purgé, & ce qu'il a de matiere terrestre, se cōuertit en escaille & excrement, & le fer se tourne en acier.

Les bons miroirs sont faits d'argēt.

Mais les mareschaux & forgerons reietēt cecy, pource que tant plus d'escaille en est mis hors, tāt moins y a de fer, & tāt plus est leger. Toutesfois il est manifeste quād quelque peu de gerres susdits excellens est adiousté en quelque fer, qu'il deuiet acier par cest artifice. Et quād le fer est rendu plus pur, plus dur & plus leger, il en est plus subtil, & pource plus dense. Outre les gerres artificiels des metaux, aucuns sont moins vulgaires, comme celuy qui est composé de deux parties d'argent & d'vne de plomb: & tels gerres sont tresbōs à faire miroirs. Et les fueilles qui sont mises souz les pierres precieuses sont faictes d'or, d'argent & d'erain, & sont mises sus le brasier, toutes fois suspēsées, de peur qu'elles ne touchēt: puis par la diuerse proportion d'iceux, elles reçoieēt la splēdeur de diuerses couleurs. Les metaux qui reçoieēt la pierre dict catbunculus, sont faictes d'erain, & de la vingtquatriesme partie d'or: pource nulles pierres precieuses sont moins durables. L'orchal aussi est faict par artifice tresexcellēt, esgal à l'or en pulcritude & beauté.

DES PIERRERIES.

LIVRE SEPTIESME.



E traicté des metaux parfaict, il reste que nous traittions des pierres. Les gerres de pierres sont cinq, la pierre precieuse, dicté en Latin *gemma*, le marbre, vne cueux dicté *cos*, le caillou dit *silix*, & le roc icy dit *saxum*. Outre icelles, aucunes pierres sont artificielles,

Cinq gerres des pierres.

desquelles nous parlerons, la dispute des naturelles paracheuee. Maintenant en la maniere vulgaire nous appellons toutes pierres splendides & reluisantes, de ce mot *gemma*, & pierre precieuse qui est rare, & petite naturellement. Par la rarité les petites pierres, comme le grauiier du riuage de l'eau sont excluses & mises hors de ceste description: par la paruité les marbres qui reluisent sont exclus, & ceux desquels le gerre rarement est trouué, qui toutesfois ne sont pierres precieuses, dictés *gemma*, pource que tels marbres ne sont petites pierres ains chaque gerre aucuns sont trouuez de singuliere magnitude: i'ay dit aussi que les pierres reluisent: car les pierres *limacius* & *borax* sont petites & rares: elles ne sont toutesfois pierres precieuses, pource qu'elles ne sont splendides, ou si elles sont, c'est bien peu.

*La pierre dicté *gemma*.*

Par ce moyen donc les marguerites, le coral, les turquoises, & les pierres toutes non engendrees en Orient, comme l'elcarboucle, dicté *carbunculus*, & le *chrysolithus* Germanique, aussi le topasse Oriental, dicté *thopazius*, la pierre azurine, ou turquine dicté *caruleus*, l'esmeraude, & le crystal difficilement & à peine soustiennent la lime: mais les vrayes pierres precieuses ne sentent aucunement la lime qui ne peut mordre sus elles: pour ceste cause il n'est licite d'appeller vrayement pierres precieuses celles que n'aguères i'ay nombrées. Qu'elles soient donc dictés precieuses par similitude: & celles qui sont splendides, & ne sont blessées de lime, soient

dictes precieuses : & celles qui peuvent estre limees & sont nitides, non petites toutesfois, soient appellees to-
 talemēt marbres. Si les pierres sont escailleuses, qu'elles
 soient dictes caillous, en Latin *silices*: si elles sont grume-
 leuses, qu'elles soient dictes cueux: s'il n'est rien de ce-
 cy, qu'elles soient dictes pierres & roches & autres ap-
 pellationes en Latin *saxum*. Trois gerres sont de pierres
 precieuses: le premier perspicu & trāsluisant, comme le
 diamant, dict adamas: le second opaque, comme la cas-
 sidoine, dictē onix & chalcedonius: le tiers gerre est
 mixte, & cōposé de deux autres, comme le sardonix &
 le iaspe, dictē iaspis, desquelles aucunes parties sont per-
 spicues & trāsluisantes, les autres sont opaques & ob-
 scures. Les autres aussi representent l'image, cōme le sa-
 phir que i'ay, l'emerade, & l'escarboucle trouué en Ar-
 cadie. La cause pourquoy les pierres precieuses rēdent
 & representent l'image, est la splendeur premiere, puis la
 durtē, tiercement l'opacitē, quātemēt la couleur
 claire, & quand la couleur est parfaictēmēt claire, à pei-
 ne l'image peut estre representee. Souuent les pierres
 precieuses sont engendrees entre les rochers, quand le
 suc distille des pierres dedās les lieux creux, ainsi qu'est
 engēdrē l'enfant du sang maternel. I'ay veu aux pierres
 dures cōme fer, lesquelles on brisoit pour faire des vais-
 seaux metalliques, les amethystes, & escarboucles du
 gerre de celles qu'ils appellēt granates, non fort dures:
 pource qu'elles estoient apportees de Germanie: afin
 qu'il soit cognu que les pierres precieuses sont engen-
 drees entre les pierres, par le suc metallique: & sont en-
 gendrees plus precieuses de l'or & de l'argent, moins
 precieuses faictes d'erain, de fer & de plomb. En nos re-
 gions les nobles pierres precieuses ne sont engendrees,
 pource qu'elles n'ont point d'or: & si elles pouuoient
 auoir de l'or, le froid de l'air les empescheroit. Dōc se-
 lon la nature des metaux, les differēces des pierres pre-
 cieuses & des autres sont faictes: certes le diamant, l'e-
 merade, l'opalus sont selon la nature de l'or: le saphir
 selon la nature de l'argent, l'escarboucle, la granate, &
 amethyste selon la nature du fer: & entendu qu'elles ne
 sont dures, cy apres plustost ie les appelleray sucs, que

*Les gerres
 des pierres
 precieuses.*

*La cause pour
 quoy les pier-
 res precieuses
 rendent l'i-
 mage.*

*Ou sont en-
 gendrees les
 pierres pre-
 cieuses.*

pierres precieuses. Le crystal, quoy qu'il s'en faut beaucoup qu'il approche à la nature des pierres precieuses qu'at à la magnitude & substance molle, il a qu'il naist sans nature & proprieté metallique. Veux-tu l'exemple de la naissance des pierres precieuses? Elle est cōme les neuds aux bois, comme les glandules aux hōmes, cōme les semences aux herbes, ou plustost, cōme les champignons dictés en Latin *fungi*, sont aux arbres & aux trōcs des rosiers, qui sont plus precieux: car ce qui est liquide est contreint & assemblé: ce qui est mince & pur, reluit: ce qui est impur, seulement est nitide: & ce qui est endurcy par long temps en pierre, se tourne en durté de pierre: & mesmemēt il se tourne en durté de pierre precieuse, pource qu'il est fort mince, & ce est nitide, pource qu'il est esgal & solide: & peu ce faut que ce ne soit pierre precieuse, qui est tresmince, principalemēt s'il est poly. L'origine dōc des pierres precieuses est telle aux regiōs chaudes, pource q̄ tel suc est tressubtil. Pour ceste cause les pierres precieuses ont autant de durté que elles ont de splēdeur. Les autres pierres precieuses sont engēdrees aux animaux, comme on refere de la pierre dictē alectorius. Il est certain que les pierres sont engēdrees aux animaux, cōme j'expliqueray en leur lieu.

Agricola recite vne pierre brunette estre trouuée au *De la pierre*
ventricule d'un coq, & brune en la partie superieure, ou *trouuée au*
elle s'enfle vers la partie dextre, cauerneuse en la partie *ventricule*
ou elle est plus large & de merueilleuse magnitude selō *d'un coq.*
la nature du lieu, longue d'une once, profonde & épesse
de demie once, large d'un doigt.

De ce qui est engēdré entre les pierres, chacune pier- *Les matrices*
re precieuse a sa matrice. L'esmeraude est engēdree de- *des pierres*
dans le prassius, & aucunes fois dedans le iaspe, le iaspe *precieuses.*
dedans le caillou. Ils disent que l'escarboucle est engē-
dree au balassius, le crystal au marbre, la sardo à la cassi-
doine, dictē onix, telle qu'elle est chez moy, où tu verras
en bas la cassidoine exprimee, la sardo en la partie su-
presme. Les pierres precieuses sont cogneües par le tou- *Les propres*
cher, par la veüe, par la lime, par la substance, par le tou- *signes des*
cher, pource qu'elles sont plus pesantes & plus froides *pierres pre-*
que le vitre: dont les Indiens habiles en cest art coustu- *cieuses.*

mierement les approuuent par le touchement de la lã-
gue : & les tresbonnes sont qui sont tresfroides : par la
veüe, pource que leur splendeur est plus nitide, plus cõ-
stante, plus contenant les yeux : & n'est tant hebetée par
la lumiere de la chandelle que le vitre : par la substãce,
pource que la substance des pierres precieuses est plus
viue & plus legere que du vitre : par la lime pource que
elles ne peuuent estre puluerisèes par la lime. De cecy
il aduient que plusieurs pierres precieuses sont manife-
stees de iour par la splendeur du Soleil, aux lieux aus-
quels elles sont engendrees coustumierement : la nuict,
par la splendeur de la Lune ou des estoilles : aucu-
nes sont trouuees par cas fortuit, les autres aux lieux
fous.

*Les vices des
pierres pre-
cieuses.*

Plusieurs vices sont aux pierres precieuses : aucuns
vices sont de la couleur, comme fumee, l'ombre, vne nu-
becule : les autres sont du corps, comme vne asperité, vn
cheueul, le sel, vn poinct, les limures, vne merque cõme
de plomb & de fer, la rouille, vne apostume. La fumee
est vne couleur la plus obscure, la nubecule est plus blã-
che, l'ombre est plus subtile & plus noire. Le cheueul est
comme rouge en la superficielle partie, en sorte qu'il
semble estre vne pierre touchée de la lime. Le sel est ob-
scur dedãs, on l'appelle glace. L'asperité, dictè scabrities
prend son origine du profond. Le poinct est comme
vne petite bossie sus le corps de la pierre precieuse. Les
limures ou siures sont comme fragments espartis. La
splendeur de la pierre est rendue obtuse & obscure par
la merque, qui est comme de plomb & de fer, en Latin
plombago, & *ferrugo*. L'apostume, dite *vomicã*, semble
estre vne pustule profonde & dẽse. La rouille, dictè ru-
bigo, differe peu de la merque, qui est comme de fer, di-
ctè *ferrugo*, reste qu'elle est la plus vermeille. Les pier-
res precieuses sont moins viciées que les animaux, ne
que les plantes : toutesfois elles semblèt estre plus rares
sans vices que les animaux & les plantes, pource que les
vices sont plus patens aux pierres precieuses pour la
splendeur & paruité, & semblent estre plus dignes de
correction. Pour ceste cause nous estimons les hommes
sçauans estre plus subiects aux grands vices, le sens

*Pourquoy les
Philosophes.*

nous deceuant, car il n'est ainsi : mais pour la splendeur du nom & renommee, les vices sont en eux plus manifestes, & sont plus regardez & repris. Mais l'obscurité & nom incognu cache le vice du populaire indocte: car on n'a tant d'esgard en eux comme aux sages & sçauâs. La magnitude des Princes fait que leur vice n'est cognu, come la petite macule n'est apperceuë en vn habit ample & grand : de cecy il est aduenu que l'occasion de mesdire des sages a esté donnée au populaire: & lors les sages irritéz leur fois, vne grande enuie s'est excitée à la patrie, dont sont venus souuent euerfions & calamitez grandes. Quelle grande calamité en est aduenuë aux Iuifs qui ont occis Iesus Christ & saint Iaqués? aux Atheniës, qui ont occis Socrates? aux Romains, qui ont contraint Scipion l'Afriquain s'en aller en exil volontaire? Mais laissons les exemples obscurs, & prenons les euidens. Pericles homme de tresgrand entendement, accusé des enuieux qu'il auoit consumé la pecune publique deposee chez luy, de peur qu'il ne fust contraint rendre ses comptes deuant les iuges calomniateurs, par belles persuasions il a impliqué les Atheniens à la guerre faicte en Peloponnesus, en laquelle les pecunes toutes, tant publiques que priuees, ont esté consumees, toute la ieunesse, ensemble tout le peuple a esté tué, en partie en la bataille, en partie de peste: les villages ont esté pilléz, les villes des Atheniens ont esté assubiecties à l'Empire, mises à sac, destruietes, & trāslatees aux habitations des ennemis: en fin les murs abatus: qui estoit le pire, la ville d'Athenes a esté reduicte en la puissance de treate tyrans. Je ne sçay comment il a traicté tant fermement sa Republique, il est manifeste à tous par quelle grande finesse il s'est vengé de ses ennemis, en sorte que depuis les Atheniës n'ont peu recuperer l'Empire. Diodore Sicilien est autheur de cecy au 12. liure de sa biblioteque.

Or afin que ie reuienne à mon propos. La splendeur & perspicuité des pierres precieuses est cause que leurs vices sont plus manifestes. La cause de perspicuité aux pierres precieuses, est qu'elles n'ayent de couleur, ou qu'elles ayent la substance aqueuse. L'experience de la cassidoine, qui est vne espeece d'onix, monstre cecy : car

Et sages semblent estre plus addonez aux vices que les autres.

La cause de perspicuité aux pierres precieuses.

quand elle est ietee dedans l'eau, elle est perspicue & lucide, & de couleur d'eau: sechee, elle est blanche, & non perspicue: car elle est de substance rare, & pource elle boit l'eau. Par la permixtion d'icelle l'opacité est ostee, & la couleur blanche ne peut iamais estre parfaitement perspicue, pource qu'elle dissipe les rayons, & les mue de leur propre nature, en sorte qu'ils ne peuvent penetrer, ou s'ils penetrét, ils ne peuvent monstrer l'image de la chose, pour cause de la couleur troublee. Pour ces causes donc la couleur d'eau est celle qui conuient entre toutes couleurs à la perspicuité de l'eau, du vitre, du crystal, du diamant.

Les principales pierres.

Entre les pierres precieuses, les principales sont, l'esmeraude verte, l'escarboucle, rouge, dit rubis, le diamant blanc, la marguerite blanche, le saphir pers, le chrysolithus iaune comme l'or, l'opalus de diuerse couleur.

Les pierres souffrēt maladies, vieillesse, Et la mort.

J'ay monstré cy dessus que toutes choses qui sont mixtes viuēt: & ce principalement cōuient aux pierres. Et non seulement elles vivent, mais aussi elles souffrent les maladies, la vieillesse, & la mort. Car l'aymant, dict magnès, consumé de vieillesse n'attire plus le fer: aussi il est debilité d'ordure, comme la beste animale: & ce ne fōt par qualité, ains par vice: car le poiure cesse premier d'estre poiure, que de n'eschauffer point quand il est pris par l'homme, quoy qu'il soit tresuicil: mais les pierres viecies ou pourries, en nulle place sont destituees de leur propre vertu. Ces choses sont plus obscures aux pierres qu'aux plâtes, d'autant que les plantes ont moins de vie, & qu'elles ont les œuures de la vie manifestes. Toutefois si tu contēples diligemmēt, tu cognoistras les pierres deuenir palles, estre obfusquées, destituees de leur propre vertu, & souffrir pourriture & vermoullissure. Pour ceste cause les pierres couppees croissent, pource qu'elles viuēt. Et les parties des plâtes, les bras des escruiſſes, & les queuēs des lesars & couleuures sōt repacees.

Pourquoy les pierres couppees croissent derechef.

Pourquoy les pierres ont plus grande

Aucun non sans cause doutera, pourquoy plus grande force semble estre aux pierres, qu'aux animaux, ou aux plantes, ven que les animaux & les plantes vivent d'une vie plus manifeste que les pierres. Plusieurs causes & raisons sont de cecy: la premiere est, qu'entendu que

la beste animale & la plante sont necessairement aptes, & propres à plusieurs operations, il ne conuient temperer la mixtion tant exactement, qu'elle eut les vertus & proprietéz admirables. Cecy appert, qu'entre les bestes les plus viles, chacune a vne vertu & propriété manifeste, comme la Salamandre, le ver à faire foye, dict bombix, vn ver qui luit de nuict, dict cicendula ou cicindela, le chameleon. Et entre les pierres, les precieuses n'attirent le fer, ou l'adressedent vers le Pol, ains l'aymant obscur, & sans beauté: la seconde cause est, que la matiere des bestes tant molle ne peut receuoir tant grande force, comme la matiere dure ne peut receuoir facilement varieté de figures: pour ceste raison les pierres n'ont fueilles, fleurs, ou fruiçts, ou cuisses, ou des yeux: ne des bestes, ne les plantes ont tant valides ou tant admirables vertus & proprietéz. A ce est adiousté que la generation des pierres est faicte en long temps, celle des plâtes, & des animaux en brief: pourtant Nature aydee par la longitude du temps, peut faire quelque chose plus excellent. Aussi les animaux ont plusieurs vertus & proprietéz, que nous n'emerueillons, estimans qu'elles procedét de l'arbitre du vouloir: ou elles nous sont cachees pour cause de la captiuité d'iceux. Pour ceste cause on peut appertement iuger de la vertu des pierres, & toutesfois ne les cognoistre. Les hommes d'auctorité attribuent grandes & plusieurs louanges au hyacint: entre lesquels est Serapio, lequel i'ay monstré au commencement sus l'art de medecine estre Iean Damascene: pource que le hyacint rend les hommes qui le portent, hors du peril du tonnerre, en sorte que la cire portee qui est mise souz l'engraueure d'iceluy, mesmement reiecte le tonnerre: & dit on que cecy a esté experimenté aux regiōs, ausquelles plusieurs perissent par le tonnerre, veu qu'aucune personne n'en a esté touchée qui porte le hyacint. Par semblable miracle il deliure ceux qui le portent, du peril de peste, pareillemēt ceux qui habitent en l'air pestiferé. Tiercement il faict dormir, ce qu'Albertus Magnus confesse auoir experimenté. Coustumierement i'en porte vn tresgrand, & semble estre quelque chose, toutesfois il ne sert moult à concilier le dormir: mais le

*force que les
metaux &
les plantes.*

*La vertu du
hyacint.*

rien n'est de couleur rouge, & du bon gerre, ains il est iaune comme l'or, & est fort loing du tresbon. Car le tresbon est de couleur rouge, qui rarement surmonte la magnitude d'une lenticule. Quand il est suspens sus le brasier, il deuiet plus obscur & plus rouge: quand il est hors du feu il reluit. Et ce gerre d'hyacin: peu differe de l'escarboucle, quant à la noblesse tresrare, & est de mediocre magnitude. Ils referent à ce gerre toutes les vertus qui sont faictes manifestement, & celles qui sont faictes latentement sont referrees au hyacin iaune, non à celly qui est de couleur d'eau, car cestuy est vil, & de nulle force. Outre plus ils estiment que cest hyacin augmente les richesses & l'auctorité, & qu'il confirme gradement le cœur, & engendre grande ioye. Allegōs donc la cause de ces choses, non comme vrayes, mais comme possibles. Le hyacin est de temperament froid: & ce presque est commun à toutes pierres precieuses: & est commode à l'halene de l'homme, ou par substance semblable, ou par clarté, ou par autre cause, dont reparant & confirmant l'halene & l'esprit, il le rend ioyeux: car tristesse n'est autre chose que la contraction de l'halene, la paucité & difficulté. Par mesme raison donc, comme aucuns ont dit auoir experimenté, si quelque autre chose conforte le cœur, il reiecte semblablement la peste, qui principalement aduient par crainte, & par imbecillité de cœur: & le hyacin abolit ces deux choses: pour ceste cause les enfans, les femmes, & gens timides sont pris subitement de peste: les ieunes & les hardis ne sont pris subitement, si la peste n'est vehemente. Le hyacin donc moult aidera en reiectant la peste. Et pour cause de la ioyeuseté de l'esprit, le hyacin rendra le cœur ioyeux, & de bon conseil, dont il augmentera l'auctorité, à l'augmentation de laquelle souuent les richesses sont augmentees. Cecy reste qu'il rend les hommes exemptés du tonnerre. Et ce n'est petit pouuoir, veu que plusieurs nobles personnages sont peris par ce gerre de mort tât subit: Zoroastres Roy des Bactriens, Capaneus en la guerre de Thebes, Aiax apres la destruction de Troye, Anastasius Empereur apres l'an vingt-septiesme de son

*Les nobles
personnages
tués du ton-
nerre.*

Empire, Carus aussi & autres Empereurs. Enseignons donc par quantes manieres cecy peut estre fait. Ou le hyacin empesche que le tonnerre ne vienne, ou il dirige le conseil de celuy qui le porte, ou qu'à eux seulemēt il souuient de porter le hyacin, lesquels le tonnerre ne bleffera iamais, ou qu'il empesche que celuy qui porte le hyacin ne soit bleffé, quoy qu'il soit frappé du tonnerre. Le ne voy point qu'on peut trouuer plus de manieres. D'estre frappé du tonnerre, & n'estre bleffé, à peine est il credible: & les auteurs n'ont escrit n'estre bleffé du tonnerre; mais le tonnerre ne touche celuy qui porte le hyacin. Derechef d'empescher que le tonnerre ne vienne, c'est encore le plus grand miracle: car les actions manifestes & grandes coustumierement sont faittes par le toucher. De dire que cecy est cōstitué par le fatal, semble estre proche à vne fable. Il vaut donc mieux dire que l'esprit de cœur resiouy a ceste commodité, qu'il adresse l'homme en la part, où il est totalement mis hors du peril du tonnerre. Et de dire que combien que l'homme soit touché du tonnerre, il n'est toutesfois bleffé, cecy est plus naturel, neantmoins qu'il soit plus proche au miracle euident. L'ay disputé en ces matieres susdictes, suyuant la coustume du Philosophe, qui pense qu'il suffit en questions tant ardues & hautes, si nous euitons les plus absurdes des disputes. Or que les pierres nous gardent de peril quand nous tōbons, comme on dit de la pierre *erino* dictē turquoyse, laquelle portée en vn anneau, si l'homme tombe de dessus son cheual, est estimee receuoir tout le coup, & estre rompue en pieces, l'homme sauué: cecy a la cause moins difficile, neantmoins qu'elle soit grande: aucuns adioustent qu'il faut que ceste cause soit receüe par grace diuine. Ceste pierre de couleur perse, & de ciel, est translucente, & reluit. Ceste pierre est approuee, pource qu'elle semble estre verdatre durant la nuit, que la partie qui est sus terre, est noire, qu'elle reçoit veines en la part inferieure, qu'elle est douce & n'est fort froide, & que finalement la chaux destrempee & mise sus ceste pierre, semble estre perse, & reçoit la couleur d'vne pierre precieuse. Et quand la turquoyse sera telle, elle ne sera per-

*Comment le
hyacin gar-
de les hômes
du tonnerre.*

*De la tur-
quoyse, dictē
erino.*

spicue, ne translucente, ne pierre precieuse: car elle peut estre puluerisee de la lime.

Outre-plus quád la turquoise est mise aupres du feu, la couleur se renouuelle, & seulement ceste couleur est flacce, & palle, & destrempee par la seule humidité des mains. Pour ceste cause il est certain, si le marché public de la pierrerie, a le bruit de tant grande vertu, que la pierre de grand prix qui est de petite pulchritude & caduque, trouueroit gens pour l'achepter. Et les peuples où ceste pierre est engendree, estiment qu'elle n'a autres vertus qu'encontre les empoisonnemens, & contre linfatiques. Si donc la turquoise engarde que ceux qui tombent de dessus vn cheual, ne soient blessez, cecy aduiendra par l'homme qui n'est pressé: car pour mesme cause nous ne sommes en danger, quád les cheuaux paires & maigres tombent. Or que la pierre recoiue le coup, c'est chose incredible, peut estre qu'elle est tant molle, qu'elle est plus tost blessee, que celuy qui est monté sur le cheual. I'ay vne turquoise qu'on m'a donnée, toutesfois ie n'ay experimenté ce qui est susdict, & n'ay tant estimé de vouloir le sçauoir, que ie voulsisse l'experimenter. Par moindre miracle les pierres precieuses hyena, & l'emeraude, font cognoistre les choses futures, si font cecy d'adventure: car ie ne vueil maintenant disputer de ce qui fait: mais de ce qui peut faire, & pourquoy, & comment. Car la pierre precieuse portee en vn anneau, ou pendue au col, qui est chose plus valide, ou retenuë souz la langue, ce qu'elle peut faire lors principalemet, elle confirme l'opinion de la chose future, & oste de l'esprit l'opinion de la chose qui ne doit aduenir. Comment c'est qu'elle fait telle chose, si tu desires le sçauoir, dy que l'esprit le deuine, non autrement que par le songe. Et comment il aduient qu'on deuine par songe, ie l'ay monstray en mon petit liurg de l'immortalité de l'ame.

Les pierres precieuses retenuës souz la langue, peuvent faire la deuination en augmentant le iugement, & la prudence: & la deuination est principalement du iugement & de prudence, comme i'ay enseigné en mes liures de Sapience. Aucuns disent qu'ils ont cogneu par

experience, que l'emerade est aucunesfois rompuë au coit Venerien. En telle sorte qu'il en soit, l'emerade est la plus fragile de toutes les pierres precieuses. Et quand la concoction est adioutee à l'humeur abondant & subtil, agitee par la chaleur elle est rompuë, ce qui est monstré cy dessus. L'haleine frequente, & la sueur aucunesfois suruenâte monstrent que le corps est moult eschauffé au coit Venerien: & la chaleur s'imprime d'auantage, pource qu'elle n'est dissoulte petit à petit comme aux excitations. L'emerade beuë resiste grandement aux venins, pource que par nature elle est surmōtee de mollesse, plus que toute autre pierre precieuse: l'abondance de l'humeur cuit recree l'esprit par sa perspicuité: elle profite à la nature de l'homme, & repousse la nature du venin: & pource que c'est vne pierre, elle retient sa vertu stabile. Toutes choses qui sont plaisantes à la veuë, sont vtils à l'homme: ie dy les pierres precieuses, l'or, l'argent, la soye, le pourpre, mais que l'artifice ne deçoie la veuë.

Pourtant comme l'emerade est la plus excellente en beauté, le diamant en durté & solidité, le saphir en grace, l'escarboucle en ioyeuseté, l'opalus en variété de splendeur, le chrysolitus en splendeur, l'achates en diuersité, ainsi l'emerade est plus vtile à la santé de l'homme: mais comme elle est tres-noble, ainsi elle est tres-subiecte à toutes fortunes casuelles. Elle est viciee par le feu & chaleur, & par le touchemēt des autres pierres precieuses qui sont plus dures, principalement du diamant, de l'acier, & l'orchal, de l'erain comme du cuire, des coups, du brisement, finalemēt subiecte à toutes iniures: pour ceste cause peu de gens en portent aux doigts, pource qu'elle est de grand prix. Celle qui reluit grandement, quasi comme le Soleil, est fort estimee, & qui recree les yeux à l'imitation des forets & praries verdoyantes: & n'est aucune pierre precieuse plus plaisante. Aucuns referent que les bonnes esmerades frotees à la pierre de touche, dicte *Lydia*, y delaisent vne macule d'erain. Or il est manifeste que c'est moins de de merueille, si les pierres precieuses mouuent & excitent les songes & imaginations, que si elles sont de-

Pourquoy l'emerade est aucunesfois rompuë au coit Venerien.

L'emerade resiste contre le venin.

Les propres louanges des pierres precieuses.

Comment les pierres sont apparoiſtre des visions en songeant.

tinier, Ainsi ceste pierre qui est chez moy, excite imaginations assidues aux songes, & diminue le dormir, & augmente la memoire. Il appert qu'elle faict cecy par grande secheté qu'elle a : la grandeur est comme d'un grain de pois bien gros : la couleur est comme de fer en la supreime partie avec macules rouges, & splendeur, & est plus dure que l'achates : en bas elle est cōme le blanc d'un œuf trouble: telles macules rouges representent le dessus d'un limaçon : en la part ou l'esmerau- de est la plus blanche, elle semble estre par dedans pres- que la tunique ou pellicule qui couure le rouge d'un œuf.

Par semblable cause ils disent que la pierre amethy- ste excite les songes: pource *chalam* est dict en Hebrieu, pour songer, tesmoing *Rabbi Aben Ezra*. Aucunes au- tres pierres esmouuent les songes par permutation, cō- me la cassidoine, dictē *onix*, de laquelle le nom est dict vulgairēment nicolus: car elle esmouue & agite l'esprit, ou les autres excitent les songes par leur pulchritude, cōme l'escarboucle, l'opalus, achates : aucunes par leur propriētē Il est dōc manifeste que les songes sont exci- tez en quatre manières par les pierres: & s'ils sont exci- tez par autres causes que par les pierres, facilement ils sont reduits en ces quatre gerres. Ainsi les vigilles quād le petit sommeil succede, excitent imaginations, pour cause de la siccitē, & aussi les oignōs, les choux, & mou- tarde pour cause des vapeurs : pareillement la crainte, la ioye, les verges, l'amour excitent les songes, pource qu'ils esmeuent l'esprit: aussi ce qui esmouue de soy- mesme, comme j'ay dict au liure des songes. Semblable- ment il est trop plus facile de dōner vne audace & prō- pitude, ou pusillanimitē, que d'exciter les songes. Ou- tre, il ne faut presque s'efinerueiller si les pierres pre- cieuses arrestent le sang, confortent & corroborent le ventricule, comme nous voyons estre faict par le jaspe, veu que ces choses peuuent estre referees aux premieres, ou pour le moins aux secondes qualitez : & ces vertuz sont à nous. D'auātage la substance des pierres est dure & tant plus est dure, tant plus est precieuse, comme celle des metaux, qui est la plus ductible: donc entre les me-

*Les plus du-
res pierres, et
les plus ducti-
bles metaux
sont les plus
precieux.*

taux l'or emporte le grand prix, & le diamant entre les pierres precieuses, à raison de sa substance dure : car en couleur il cede à l'escarboucle, à l'opalus, & à l'esmeraude. Cecy est le principal au diamant, que ses raclures & petites pieces sont precieuses : & vn scrupule en est vendu six escus d'or couronnez : & par sa dureté il diuise toutes les autres pierres precieuses, non seulement commode en la sculpture, ains necessaire. Le diamant n'est presque brisé & poly d'autre chose, que de la limure, tant est dur. Par mesme cause ils referent, ce qui a raison assez patente, que la pointe d'un dard frottee de la poudre du diamant, facilement peut penetrer toutes armures : car le fer ou l'acier s'eschauffe par le coup, & ainsi il penetre le fer qu'il rencontre. Cecy donc est grand argument de la subtilité & dureté du diamant. Autre vertu du diamant, que poly, il reluit grandement entre les pierres precieuses. Tiercement il resiste au feu iusqu'à neuf iours, sans rien sentir totalement : & apres, il demeure par plusieurs iours sans estre bleffé. Apres le diamant l'escarboucle & la granate perueuerent dedans le feu iusqu'à cinq iours sans falcherie : non toutesfois toutes, ne tousiours : apres donc le diamant ces deux ne sont gastez du feu, & sont de parties tres-subtiles : car si elles n'estoient des parties tres-subtiles, elles auroient des pores & petits pertuis, par lesquels le feu entrant, facilement les dissiperoit, comme j'ay dict cy dessus. La frigidité aide grandement à la subtilité & solidité, afin que ces pierres resistent au feu : dont il aduient que le saphir ne cede facilement au feu, & qu'il soit plus dur que l'escarboucle : toutesfois il est le troisieme en ordre entre les pierres qui ne s'ot subiectes aux iniures du feu.

Si donc quelqu'un demande, en quoy le diamant differe du crystal, entendu que les deux reluisent & sont de couleur blanche, ou plus tost de couleur d'eau : nous dirons que la splendeur du diamant est viue & robuste, en sorte que non seulement il reluit : mais il est incelle : outre, nous dirons qu'il est immuable, & n'est corrompu du fer, d'humidité, du feu, de vieillesse, d'usage : de ces choses aucune ne vient au crystal, qui soudainement s'enuicillit. Aussi le diamant eschauffé, attire les festus, comme

Vne pointe de dard frottee de la poudre du diamant, perce facilement toutes armes.

Les pierres qui resistent au feu.

La difference du diamant & du crystal.

La vertu du diamant.

l'ambre : mais assez obscurément pour cause de sa paruité. Mesmement le diamant lié au bras senestre en touchât la chair, empesche les craintes nocturnes, comme souuent i'ay experimenté. En vain on a estimé qu'il n'est rompu d'un coup, veu qu'il est puluerisé d'un marteau : toutesfois, en tant qu'il appartient aux coups, il est vn peu plus dur que le crystal. Il n'empesche l'aimant d'attirer le fer : & ces deux choses qui faussement luy sont attribuees, & tant de fois renouvelles par les nouveaux auteurs, & diuulgues par tout, qu'est-ce qu'elles monstrent autre chose, sinon la grande follie & temerité des auteurs ? Car c'est grande temerité d'ecrire choses absurdes, que tu n'auras esprouees : & est plus grande follie de n'experimenter ce que tu peux tant facilement.

Pourquoy les pierres verdes sont blefées du feu.

Or les pierres precieuses qui sont verdes, non seulement l'emerande, ains toutes autres, comme le Prassius & la Topasse sont subiectes aux iniures du feu, plus que toutes les autres. La cause est l'abondance de l'humeur à demy cuit. Car comme dict le Philosophe, les metaux sont engendrez d'exhalation humide, les pierres de seiche : & ils sont nourris, comme i'ay dict, avec raison manifeste, puis qu'ils sont augmentez : car ce qui est augmente, non comme le tuf, dict *tophus*, il est necessaire qu'il soit nourry, comme dict Galien. Et comme les pierres precieuses sont engendrees par diuerse exhalation, ainsi elles reçoient leur couleur & substance diuerse. Les brunettes donc sont engendrees d'humeur terrestre aduste : les blanches & lucides de l'humeur pur participant de l'air & de l'eau : les verdes de l'humeur abondant : les rouges de chaleur vehemente, la matiere non humide : les perses sont engendrees de la substance rouge quand elle est cuite avec la substance d'une autre, entant qu'il est conuenable : les diuerses sont engendrees de diuerses substances & couleurs. Il est manifeste qu'elles sont nourries, pource qu'elles gardent par tout la premiere nature de la couleur, comme les plantes : & si leur augmentation estoit continué, la substance d'icelles seroit tousiours diuerse, veu toutesfois que elle ne l'est sinon à cause des veines, comme aux plantes

De la generatio des pierres precieuses.

tes, ou pour cause de la nature des pierres, comme en la pierre achates. Or ceste variété, mesmement aux plâtes, comme en l'oliue, est manifeste: entendu toutesfois que l'oliue est nourrie sans doute, & ne croist par addition. Ceste exhalation donc n'est fortuite: mais la pierre comme l'arbre, attire principalement à soy ce qui luy conuient. Les pierres seront treslucides quand les parties aqueuses seront purgees & mises hors de la terre: & les parties qui demeureront subtiles & mixtes: à l'humeur aqueux seront très-parfaictes. Pour ceste cause donc il aduient qu'aucune pierre tres-luisante ne soit pesante: & qu'aucune d'icelles soit exempte d'aucune vertu excellente. Pourtât aucunes pierres precieuses fauorisent à la longueur de la vie, aucunes à la santé, aucunes à la sapience, aucunes aux richesses, les autres à l'amour, les autres à la diuination, les autres à la force du corps, les autres à la bõne fortune: aucunes aussi sont mal-heureuses, aucunes rendent les hommes paresseux: aucunes les rèdent timides, aucunes ioyeux, aucunes les font tristes. Tu obiecteras, Si les pierres splérides & luisantes sont faictes d'humeur subtil avec quelque peu de terrestre, commét est-ce qu'il aduient qu'elles sont plus pesantes que le vitre? Car ce signe est entremis aux choses, par lesquelles les pierres faulses sont distingues, & separees des vrayes. La cause est, que le vitre en sa substâce est le plus pesant: car il est plus crasse & espes que le diamant: toutesfois entendu que la substance du diamant est très-solide, & celle du vitre rare, & pertuisee, pource il aduient que le diamant est plus pesant que le vitre: & nulle pierre precieuse qui soit pesante peut estre excellente que la pesanteur n'apporte tousiours vtilité. Aucuns, peut estre, doutera pourquoy plusieurs grandes pierres precieuses qui sont maculees & de couleur vicieuse, sont trouuees: & aussi beaucoup de petites, qui sont belles, elegâtes, & sans vice, & peu de grandes non viciees? La cause peut estre que tousiours l'abondance de matiere vile est plus grande en tout gerre, que de la parfaicte. L'autre cause est, qu'il est plus de pierres immaturees, que de celles qui sont venues en parfaite maturité. La tierce cause est, qui faict beaucoup à ce pro-

*Toute pierre
precieuse a
quelque ver-
tu.*

pos, que la petite matiere peut estre mieux elaborée de nature & deduicte à fin pour ceste cause, les grandes pierres precieuses à peine peuuent paruenir à parfaicte maturité. Il aduiét aussi que les Roys au pays desquels sont engendrées les pierres, retiennent toutes celles qu'ils voyent estre de grandeur & pulchritude: seulement ils permettent qu'on nous apporte les petites, ou celles qui sont de vile couleur, ou qui sont vicieuses.

*L'escarbou-
cle.*

Loys Vartomannus Romain, refere que le Roy de Pege qui est vne cité d'Inde, a des escarboucles, dictes pyropi en Grec, de tant grande magnitude & splendeur, que si quelqu'un regarde le Roy en lieu tenebreux, il voit que le Roy reluit d'une lumiere claire, non autrement que fil estoit enluminé des rayons du Soleil. Ils ont coustume d'appeller le plus excellent gerre d'escarboucle pyropos: car ils en font trois gerres: le premier, qui reluit en tenebres, tel qu'Albert^o tesmoigne auoir veu, & l'appellent pyropos: celuy est après le plus proche, qui reluit en tenebres, l'eau espanduë dessus, quand il est mis dedans vn vaisseau noir splendide: le troisieme gerre est le plus vile, duquel la clarté est seulement veüe en autre lumiere, sçauoir est, du iour, ou de la chandelle.

*Le propre de
l'escarboucle.*

Le propre de l'escarboucle, est d'exciter l'esprit, & le rendre ioyeux: car les couleurs delectent les esprits. Et son utilité est cachée, quand elle est viciouse, ou petite, ou que celuy qui la porte est inconstant, comme vn enfant: ou qu'il est trop vehé de grand soing, comme sont les Princes & les Sages. Aucunes escarboucles sont dictes zarchedonij, telles que Germanie produit, qui sont belles: mais elles sont molles, pource elles sont presque de nul vsage. Elles sont comprises souz les gerres des matieres fluides à cause de leur mollesse. Theophrastus estime qu'elles sont faictes par confluxion, aucunes de couleur d'eau, aucunes de couleur d'amethyste, aucunes de la couleur d'hyacin, les autres s'ot de couleur rouge, qu'on appelle rubis. Cecy conuient à toutes escarboucles, que quand elles sont engrauées, elles attirent la cire, pource il n'est licite de les inciser & engrauer, & principalement pource qu'elles sont destituées de leur splendeur ioyeuse.

*Les pierres
precieuses
molles.*

L'opalus est vne pierre precieuse plus belle que l'escarboucle, l'adiouste ray en ceste beauté que si aduient d'en trouuer, qu'on ne sçait de quel pris elle doit estre estimee. Le feu & la couleur splendide fort subtile de l'escarboucle est (dict Plinius) en l'opalus: le pourpre fulgent de l'amethyste est en l'opalus: la couleur perse de l'emeraude est en l'opalus, & semblablement toutes couleurs reluisantes d'vne mixture incredible sont à l'opalus. Aucuns contraincts par le grand argument de la splendeur d'opalus, ont egalé ces couleurs à l'orpin, dict auripigmentum: les autres à la flamme ardante du soufre, ou du feu allumé d'huile. La grandeur de l'opalus est d'vne noix aueline. Plinius recite, que Nonius Sénateur fut entouyé en exil par Anthoine pour cause de ceste pierre. Il n'est donc rien plus beau entre les pierres precieuses que l'opalus. Ceste pierre est trouuee en Zeila, Isle de l'Inde Orientale, l'artifice aidant plus tost nature, qu'elle soit engendree telle de soy-mesme. Car les couleurs tant diuerses sont engendrees par le feu. L'opalus aduiter & faux est moult different de cestuy qui est naturel: le faux est nitide, mais non perspicu, & translucet: on l'appelle œil de chat. En ce luy que i'ay, ce me sèble merueilleux, que d'vn costé il semble estre tout blanc, & de l'autre costé totalement brun, & tant brun, que mesmement il semble estre obscur: & ce ne luy aduient par la varieté de clarté, veu qu'il est tousiours blanc du costé dont il appert blanc, quoy que tu le tourne vers la lumiere, ou vers les tenebres, & est aussi tousiours brun de l'autre costé. Pourtant vne mesme superficie par la seule varieté de la veuë, faicte de diuerses parties, montre deux couleurs presque totalement cōtraires. De ces pierres aucunes sont molles, aucunes sont dures, comme celle que i'ay. Il faut rendre la cause de ceste proprieté tant admirable. La cause est, que ceste pierre est crespè, & consiste d'aucunes parties, qui sont translucetes, d'aucunes non translucetes: elle reçoit lumiere aux parties non translucetes: mais elle la rend & reiecte, dont il aduient qu'elle est blanche, & reluisante comme neigé: de l'autre costé elle reçoit lumiere: mais elle ne la rend ne reiecte, pour ce la pierre

y ij

*La beauté de
la pierre di-
cte opalus.*

Li. 37 cap. 6.

*La nature de
l'opalus faux.*

opalus

semble estre brune & obscure. Sa substance qui n'est egale, comme i'ay dict, demontre cecy. Tu diras pourquoy ne reçoit elle lumiere, puis que c'est vne pierre precieuse translucète? Il vaut mieux dire qu'elle est toute perspicue en vne superficie: & qu'elle est en l'autre part scabreuse, & pource noire: de l'autre part elle est polie, & pource splendide & blanche.

Le saphir.

La vertu du saphir.

Le saphir en l'ordre des pierres precieuses est le cinquiesme qui soit proche au diamant, en grande durté, en couleur perse, & fort agreable à la veüe, pource qu'il ne soit vicié: & n'est chose qui recree plus la veüe que l'éméraude & le saphir. Le saphir recree l'hōme, & quād il est beu, il profite aux melancoliques, & au coup & morsure des scorpions & serpens. Albert le Grād recite auoir experimenté deux fois que le saphir par son seul touchemēt guarit vn anthrac, vulgairement dict vn clou, il est tres vtile quil soit grād, & fault qu'il adhere lōg tēps à la chair. Il faut cecy, pource qu'il a vne vertu medicinale: & cōme la soif vient par le coup de dipsas, jaspic, & la main est endormie par le touchement d'vn petit poisson, dict remora, ainsi le feu veneneux de l'anthrac est esteint par le long touchement du saphir.

Dipsas est vne espee d'aspic.

Remora vn petit poisson qui retarde les nauires.

Heliotropie pierre precieuse. & sa vertu.

Astrites pierre precieuse.

Les faux Astrites.

Heliotropium est vne pierre precieuse verte, semblable au jaspe: mais les gouttes de couleur de sang, ou les macules adherent au jaspe: l'heliotropium est distinct des veines rouges: ceste pierre exposee au Soleil, donne vne couleur iaune, à cause de sa viue rougeur & verdeur, en sorte qu'il semble obnubiler & obscurcir l'air, & mōstrer vne esclipse de Soleil. Il n'a esté permis d'en voir iusqu'à ce temps, non plus que le vray astrites. Astrites est vne pierre precieuse, dure, qui montre interieurement le Soleil luisant quand il se tourne. Toutesfois les lapidaires, dicts Gemmarij, le contrefont de l'onix, dicte cassidoine, qui perd en brief sa splendeur & sa force, principalement sil est vicié par chaleur ou sueur. L'astrites faict de sardo splendide, est le meilleur, qu'ils appellent carneole: le tresbon astrites est composé de sardo avec autres pierres dures, & cauerneuses: car la lumiere est colligee par la cavitē. Le seul vray astrites retient sa pulchritude & honnesteté.

Astroites differe peu d'astrites quant au nom : mais beaucoup quant à la force & substance: car il n'est pierre precieuse, ne perspicu, & translucent, il est du tout distinct de macules cendrees, & grises, dont il a pris son appellation. Il se mouue de soy-mesme dedans le vinaigre, & dedans le vin, & imite le cheminer des animaux, allant tantost d'un costé, tantost reculant. Rabbi Aben Ezra jadis a cogneu ceste pierre & sa vertu. Ceste pierre est frequente à nostre pays, & de vil pris. Apres que j'ay eu contemplé souuent le mouuement de ceste pierre, j'ay cogneu qu'elle estoit composée d'humeur subtil, & qu'il pouuoit estre conuertie en vapeur par la force du vinaigre. & du vin: pourtant ceste vapeur cherchant le sortir, & ne le trouuant, elle pousse facilement çà & là ceste pierre qui est legere: & l'indice de la subtile vapeur est, qu'il n'a de petites bosses, dont il faut croire qu'il n'a de grâds meates & pertuis. Aucuns estiment qu'il rend les hommes victorieux quand ils le portent pendu au col. J'ay seulement entrepris d'escrire ce que j'ay expérimenté: mais ie n'ay esté paresseux d'adiouster cecy, afin que chacun puisse l'esprouuer par l'experience: quant est du mouuement predict, i'en ay eu souuent l'experience au vin, & au vinaigre.

Le jaspe est semblable à l'heliotropium. Si le jaspe est verd, & droictement pendu sus le ventricule. Galenus escrit, qu'il conforte grâdemment le ventricule: aussi j'ay veu qu'il arreste le sang coulant de toutes parts, principalement du nez: & n'est de merucille, entendu qu'il a sa vertu grandement astringente. Il est cueilli en Orient fort grand, splendide, verd, conuert de macules rouges, qui grandement represente le sang vis.

La seule pierre precieuse, dicté achates, est apposee à toutes les autres: mais l'achates est de gerre tant diuers, qu'on ne peut croire estre vne seule pierre: il est blanc, rouge, iaune, cendré, verd, noir, variable, pers: pour briuelement parler, les couleurs de toutes les autres pierres precieuses ne luy satisfont, & correspondent. Il refere les forets, les praries, les animaux, les fleutes, le fleurs, les arbres, Nature en ce seexercant. L'achates du Roy Pyrrhus est tres-celebré aux histoires representant les

*La pierre dite
Astroites
& sa vertu.*

*Le Jaspe &
sa vertu.*

*Achates &
sa diuersité.*

ib est qd
 mior qd
 mior qd

Hemisphere
 la moitié de
 la rotonde
 du Ciel.

Z. mior qd
 mior qd

D. mior qd
 mior qd

S. mior qd
 mior qd

L. mior qd
 mior qd

P. mior qd
 mior qd

B. mior qd
 mior qd

A. mior qd
 mior qd

neuf Muses avec Apollo au milieu d'icelle iouant de la harpe iolie, & toutes avec pro pres ornemens, en sorte que nature semble illec auoir e u debat avec le peintre pour reporter le pris: & tel achates plus tost doit estre dict vn miracle, que pierre precieuse. L'ay deux achates: à l'vn d'iceux nature a peint l'emisphere du Ciel, les cerles distincts: au milieu la terre ronde est peinte, comme au dessus des eaux: en l'autre, vne ouuerture de la terre semble iecter vne fumee qui obobre l'air. Et ceste chose est admirable, que la couleur de la fumee est autre que celle de l'air, qui est obscurci d'icelle: la fumee est quasi blanche & espesse, l'air est rougeastre, & medierement perspicu. Aucuns achates ressemblent aux yeux des oiseaux: i'en ay vn telles autres reserent l'œil des poissons. L'achates qui est de l'Isle Pontus, distinct de gouttes rouges, represente les images des montagnes, & vallees: aucuns ressemblent aux yeux de l'homme, principalement au blanc de l'œil, pource sont diets leucophthalmi: aucuns aux yeux de loup, dont sont appelez, lycophthalmi: aucuns aux yeux de cheure, pource sont nommez egophthalmi. L'en ay veu vn verd, qui estoit perspicu & translucent, tres-bien distinct par deux lignes blanches, que i'estimois estre d'incertaine nature, plus tost entre l'achates, & le prassius. Car comme aux animaux les mulets sont d'vn asne & d'vne iument: & la chienne, louuette, dieste lyrisca est d'vn loup & d'vne chienne: ainsi les pierres sont aucunes fois de diuers genres, leur matiere, & la cause qui les produit, entremeslees. Or quant à ce qui appartient à l'achates du Roy Pyrihus, estime que c'est chose trop ridicule, qu'il ait esté orné exactement par cas fortuit.

Il est donc aduenu ainsi. Vn peintre à peint de diuerses couleurs vne pierre estant du gerte de marbre, en sorte que les neuf Muses esmerucilloient Apollo touchant la harpe au milieu d'elles. Apres, ou par cas fortuit, ou par industrie, ceste sorte de marbre a esté enfouye long temps au lieu, ou les pierres Achates costumièrement sont engendrees. Pour ceste cause il est aduenu, qu'alentour l'est engendré vn achates perspi-

cu, & de couleur d'eau; apres qu'il a esté trouué, il re-
 presentoit les Muses & Apollo, comme composé par
 l'industrie de nature, entendu que cest achates estoit ja
 pierre precieuse. Car si les espis & la mousse qui adhere
 aux arbres, se conuertissent par succession de temps en
 achates, come i'en vn avec cinq espis, lesquels tu dirois
 estre tombez du bled, toutesfois c'estoient pierres pre-
 cieuses; ainsi mesmement vne grande portion de mou-
 se y estoit; combien donc plus facilement ce gerre de
 marbre peint qui estoit mol, a-il peu se conuertir en a-
 chates. Poutant si quelqu'vn vouloit obseruer les lieux
 des achates, & principalement là ou les perspicus sont
 engendrez, s'il met illec quelque pierre peinte de diuer-
 ses couleurs, telles que sont la perse & la iaune qui con-
 siste de metal, puis s'il frote l'œuvre de cire punique de-
 strempée en l'huile, & d'autre ynguent durable qui soit
 perspicu, tel qu'est à nous l'ynguent dict le vernix liqui-
 de, qui coutumierement est appliqué aux peintures
 precieuses, vn achates illec sera engendré ainsi peint.

Tu diras: l'achates ainsi peint seroit illec en grande
 abondance, s'il estoit préparé par tant petit artifice. Tu
 ne consideres point qu'il faut premierement que telle
 pierre peinte soit ensoüie au lieu où les achates sont en-
 gendrez: & qu'il faut que les achates estans alentour
 soient splendides, perspicus, & translucens: & qu'il faut
 que ceste pierre peinte se couuertisse en pierre precieuse,
 auant que la peinture soit effacée: & ne faut que ceste
 pierre soit trépee de quelque humeur externe, de peur
 que les images ne soient abolies: & qu'ainsi finablement
 il aduendra qu'on pourra retirer ceste pierre parfai-
 cte. Ils sont plusieurs poissons, qui ne furent jamais
 peschez: plusieurs bestes sauvages, & plusieurs oiseaux
 qui ne furent jamais prins aux forests, qui meürēt de soy
 mesmes en leurs propres lieux: estime aussi que plu-
 sieurs pierres precieuses sont, lesquelles cachees au lieu
 où elles ont esté engendrees, ne vindrent iamais en lu-
 miere, mais comme elles sont deuenues en vieillesse,
 ainsi sont retournees en leur premiere mere, qui est la
 terre. Et neantmoins que l'achates soit noble & ex-
 cellent par sa variété, pource toutesfois qu'il est peu

splendide & luisant, rarement il est estimé de grand prix, entre les pierres precieuses.

Le chrysolithus, qui est le vray topasse.

Pourquoy les pierres Septentrionales sont molles.

La vertu du chrysolithus & topasse.

Chrysolithus est plus estimé quant au prix, que l'achates: ceux de nostre pais l'appellent topasse, topazius: & le vray chrysolithus est dict topazius. Chrysolithus, dict Plinius, est vne pierre precieuse de couleur iaune, qui reluit: & le dict de Plinius est vray, touchant nostre topasse vulgaire. Le topasse germanique, cōme plusieurs autres pierres precieuses sont plus molles, qui sont trouuees sous la zone Boreale, froide & Septentrionale, pource que la chaleur n'est illec suffisante, qu'elle puisse grandemēt attenuer l'humeur, & endurcir la pierre precieuse (car, comme i'ay dict, la concretion & assemblement parfaict, est la cause de durté, qui est faicte, quād les trespetites parties sont meslees ensemble) toutesfois Plinius ne parle de tel chrysolithus ou topasse, ains de celui qui est Oriental, lequel est tresdur, comme il est manifeste, & est de tant grande durté qu'il ne cede point, ou bien peu, au saphir en durté. Pour ceste cause i'ay commandé d'engrauer mon effigie en chrysolithus avec la premiere lettre de mon nom & surnom. I'ay esleu ceste pierre, pource qu'elle est tresdure, & pour ceste cause ce fera vn œuure à iamais, & qui reluit grandemēt. Le chrysolithus est rares sans aucunes merques noires, desquelles il est vicié: sans cela c'est vne pierre precieuse tresexcellente. On estime que le chrysolithus reprime grandement la paillardise, s'il est porté en touchant la chair. Albert le Grand escrit, que le chrysolithus mis dedans l'eau bouillante qu'il oste la ferueur de l'eau, ce que ie croy n'estre vray, mais il recite chose fabuleuse, comme il a de coustume: toutesfois i'ay referé, & refereray en son lieu quelques choses sus les pierres qu'Albert dict auoir experimentees: car ie croy qu'il n'estoit menteur, mais trop credule, comme est la coustume de ceux qui suiuent & escriuent telles matieres. P'estimé bien que c'est vne pierre precieuse de grande frigidité: l'argumēt de cecy est, que mise sous la langue des febricitans, elle appaise la soif: laquelle chose, quoy qu'elle soit commune au crystal & à plusieurs pierres, non toutesfois tant euidentement qu'au chrysolithus.

Maintenant nous auons le topasse, dict topazius, qui estoit le chrysolithus des anciens : & par raison cōtraire, ce que maintenant nous appellons le chrysolithus, est le vray topasse des anciens. Car Plinius dict que le topasse est vne pierre precieuse verdastre, laquelle seule entre les pierres precieuses est polie de la queux, pour cause de sa mollesse, & peut estre puluerisee d'vne lime: lesquelles choses toutes sont vrayes de la pierre, que nous appellons chrysolithus, car la lime prend dessus, & est de couleur iaune, non pure, ains verdoyante: pour sa mollesse on la polit d'vne roüe d'estain: mesmement il pert de soy mesme la splendeur, en sorte que neãtmoins qu'il soit beau, personne ne veut le porter. Aucuns l'appellent Piradotus, dont est venu vn proverbe entre les lapidaires, que c'est trop d'auoir vn Piradotus, pource qu'à cause de sa mollesse il n'est vendible. I'ay experimenté que quinze grains d'iceluy beuz, sont vn present remede aux melancoliques. Or auant que ie sorte de la narration du topasse & du chrysolithus, il faut cōsiderer qu'aucunes pierres precieuses sont, qui rauissent la cire, aucunes nullement: & entre celles qui la rauissent, la sardine est la plus excellente: & le chrysolithus n'est du tout exempt de telle macule.

Le chrysolithus topasse des anciens.

Or afin que ie reuienne à mon propos, la Sardine dicté Sarda, est vne pierre de couleur rouge, de laquelle l'espece la moins coloree, & moins rouge est dicté Carneole, & en muant vne lettre, est dicté Corneole: quand elle a au bas vne cassidoine, dicté onix, elle est appellee Sardonix: i'en ay vne telle, au fond de laquelle on voit onix, & en la partie suprême on voit vne Sardine: car comme i'ay dict, la Sardine souuēt est engēdree d'onix. La sardine est trèspropre aux seaux, la Carneole aussi: & le sardonix pour trois choses: la premiere, pource qu'elle ne rait la cire: la seconde, pource que facilement on marque dessus, car elle est glutineuse, & de durté mediocre: la troisieme chose est, qu'elle n'est hebetee par humeur. Onix est vne pierre precieuse molle, ainsi dicté par la similitude d'vne ongle. Onix a plusieurs gerres, il a le chalcedonius ainsi dict d'vne ville de Bithinie, ou il estoit porté: il est proprement semblable à l'ongle en

La sardine dicté sarda.

Onix.

couleur & perspicuité. Albertus refere auoir experimē-
 té; que si ceste pierre est pendue au col, elle corrobore
 routes les vertus du corps, ce qui n'est incredible: car
 par sa frigidité elle astringe les esprits, & les vnit; & par
 sa clarté elle confirme les esprits; & aussi par sa chaleur
 temperec. On dict que l'onix pendu au col reprimē pall-
 lardise, & pour ceste affaire les Indiens coustumiēre-
 ment en portēt par tout. Et l'onix Oriētal est le plus no-
 ble. La pierre perse, dicte *oculū*, est de gerre, laquelle
 est tresprecieuse: en ay veu seulement vne fois. Vn se-
 cond gerre est de la pierre perse, qui est passe & opaque
 en haut, & en bas noire, qui est dicte nicolus: elle red-
 d'ly qui la porte triste & hardy: elle agite par merueil-
 leux songes, car elle contreint les esprits tant fort, qu'elle
 excite tristesse & perturbation. Le troisiēme gerre
 est de couleur de fer en la suprēme partie, de noire en
 bas, de blanche au milieu: plusieurs l'appellent l'œil,
 en latin *oculus*. Si deux pieces de l'onix sont frottes l'v-
 ne contre l'autre, elles conçoient tant grande chaleur,
 qu'à peine peut on l'endurer. On en trouue de grandes
 pieces, tellement qu'il semble qu'elle ne soit pierre pre-
 cieuse, ains plustost quelque gerre de marbre. A Rome
 au temple de saint Pierre six couloignes sont faictes de
 ceste pierre. En colone Agripine vn Onix est encore
 plus large qu'vne paume, dont Albertus a parlé au tēps
 passé, & maintenant Agricola refere, que quelques vei-
 nes blanches le distinguent, en sorte qu'elles expriment
 les testes des deux enfans: & autres veines noires y sont,
 qui representent vn serpent descendant depuis le cou-
 peau de la teste de l'vn iusques au bas de l'autre: & en la
 machoire d'vn des deux enfans, l'image & effigie de la
 teste d'vn Ethiopē apparoit avec barbe noire: le reste
 de la pierre exprime la couleur d'vn ongle, comme sont
 coustumiērement telles pierres. *bono al siuon on ello up*

A bon droit quelqu'vn doubtera, d'où prouiennent
 telles figures aux pierres. Car il ne faut croire que toute
 figure aduient par cas fortuit, veu que plusieurs pierres
 d'vn mesme gerre retiennent mesmes figures, comme ie
 diray cy apres. Pourtant selon mon iugement il faut
 dire qu'ils sont deux genres de figures & d'images: le

D'on sont
 les figures
 aux pierres.

premier est, qui tousiours apparoit en mesmes pierres, & cestuy prouient de nature qui garde leur nombre & mesure des fauilles & fruicts, non autrement qu'aux plâtes: & ce premier gerre des figures a quelque vertu, & signifie quelque chose. Tel gerre de figure a esté trouué en vne pierre noire, qui est de la forme d'vne pomme de pin, de laquelle pierre la partie d'enhaut a esté coupee: ceste pierre a eu vn serpent en la supresme partie bien exprimé, comme s'il eust esté peint: en la partie infime ceste pierre estoit plus palle, & en nulle partie elle estoit perspicue. Celuy qui donna ceste pierre à Albert le Grand, affermoit grandement que plus de cinq cens serpens s'estoient assemblez dessus: car ceste pierre fut trouuée en vne pratie posée entre les montagnes de Sueuie, les serpens illec occis, souz lesquels la pierre estoit cachée, la pierre fut emportée par les gens d'armes du prince avecques la teste d'vn grand serpent, qui touchoit la pierre, & fut transportée en la maison du prince. Il faut donc estimer que nature auoit donné à ceste pierre vne vertu qui attiroit à soy les serpens.

Outre, il faut estimer qu'aucunes pierres sont trouuées au champ de Verone, auxquelles, comme refere Leo Baptiste Albert, l'image du seau de Salomō estoit trouué exactement despeinte: ieudy les pierres ainsi peintes par nature operante tout à propos, non par cas fortuit: & en elles estoit vne vertu peculiere & propre. De ces pierres sont deux gerres: le premier, qui est quasi fait par cas fortuit, & toutesfois necessairement, comme la rotondité de celles qui sont engendrées en la Mer: lesquelles deuiennent rondes par le continu brisement des fleues qui mangēt & consomēt tout ce qui est trop esleué. Toutesfois celles-cy ne sont exactement rondes ne parfaites en toutes choses: car entendu qu'elles sont tirées hors auant leur perfection, elles ne sont rondes, nature ne proposant chose telle. Celles qui sont tirées en Polonie en la forme d'vn pot de terre, peuuent auoir vne mesme cause, pource que elles sont engendrées mises alentour d'vne autre pierre: ou pource que la terre enclose ne s'assemble, comme en quelque gerre d'Etis: car la chaleur exterieure

Aupres d'vne pierre les Serpens s'assemblent.

1587 1588

Les pierres estimées pour cause du seau de Salomon.

peut former les pots. Or la terre enclose ne s'assemble par la chaleur, pource que la terre humide est esparse tout alentour: ou pource que nature proprement a esleu telle forme, & pour vne fin se la propose, comme aux pierres rondes de l'isle Cuba. Derechef, des choses que nature propose, aucunes sont comme figures de la substance & de la forme, les autres sont quasi comme peintures. Toutes celles qui sont au lieu de la forme, sont faictes mesmement par cas fortuit, mais non en toutes choses. Les figures donc qui ne sont trouuees tousiours en mesmes pierres, mais rarement, elles sont engédrees par hazard, non autrement qu'elles sont aux nues, & n'ont aucune vertu, & sont telles que les signes en la pierre alabandic trouuee en Fribourg, laquelle pierre auoit vn ecusson rouge de mesme gerre, lequel quatre lignes enuironnoient, desquelles la premiere & la tierce estoient blanches, la seconde & la quarte estoient rouges. Et à Annebourg vn autre pierre alabandica en la forme d'une croix, mais c'estoit plustost vne forme qu'une image. Pyrites est trouué entre les pierres bitumineuses de la forest Hercinium, qui represente diuerses formes par la distinction des macules d'or, comme du passereau de mer, de la Salamandre, du coq, d'un homme barbu, & plusieurs autres formes & figures sont apperceues en ceste pierre. Semblablement au lac d'Alsatie aupres des montagnes Misnenses les figures des grenouilles & poissons faictes de cuyure, sont trouuees pourtraictes sus la superficie des pierres, & ce tant frequemment, tant diligemment, qu'à peine peut lon dire qu'elles soient aduenuës par cas fortuit.

Munsterus dit, qu'il a en sa maison l'effigie d'orluppa: si ie ne suis deceu, nous l'appellons vulgairémēt vne botte, *botra*. Certes ce poisson a tresgrand foye, & n'est beaucoup different du goujon, dit en Latin *gobius*: & est licite de le dire en Latin *gobius fluuiatilis*, goujon de fleue, entendu qu'orluppa n'est diction Latine, que ie sçache. Assauoir doncques si ce poisson adhere aucunesfois à la pierre, que pource il puisse rompre le cuyure, la pierre ratiffée en ceste part: ou que plustost l'eau infectee de la semence du poisson, se conuertisse en me-

Les figures
des pierres.

Les pierres
d'Alsatie
de l'Alsatie
de l'Alsatie

tal? car les metaux sont faicts d'eau: ou par quelque estoille imprimant la forme? Mais la vertu de l'estoille seroit contenuë en estroicte fin. Ou à sçauoir si Nature a formé cecy par quelque similitude, comme en la generation des animaux? Il est donc meilleur de transférer ces choses à certaines especes des pierres, cõme aux animaux & aux plantes, quand les figures sont bien pourtraictes, & que ce aduient souuent. Mais si ce n'aduient souuent, & les figures ne sont faictes exactement, comme quelque face humaine en mon achates, lors telles choses sont faictes par inconstance, & sont fortuites, comme il aduiet aux nuees, & au plomb fondu qui est iecté en l'eau, & aux os d'un brochet, dict *lucinus*, composez à la forme des instrumens rustiques. Les figures d'oc des achates sont de ce gerre, & ces figures n'ont aucune vertu, mais seulement les naturelles.

Comment les figures feintes ont vertu.

La doute est grande des figures feintes: car nulle raison peut persuader qu'elles soient feintes: & toutesfois elles semblent auoir force & vertu. Cecy donc est plus tost prouué par exemple que par raison. La cause en peut estre, ou que telle vertu est naturelle à la pierre que les ignares lourdement attribuent à la pierre, comme Galenus recitoit d'un iaspe engraué: ou cecy aduiet par fatal: car aucun n'emporte qu'il ne soit hors du danger de ses ennemis. Mais il n'est en seureté pource qu'il a un anneau engraué, ains l'anneau semble auoir tel pouuoir, pource qu'il est à celuy qui a telle fortune par fatal: ou pource que par nature nous sommes tels, prõpts, forts, ingenieux, non certes par le benefice de la pierre engrauee, ains par la nature de l'homme: ou pource que ceux qui s'opposent au peril par vain espoir, ou qui traictent leurs negoces sans esperance, sont aidez par fortune, pour ceste cause ils estiment telle chose estre faicte par leurs anneaux. Il faut donc croire que la vertu est par tant de manieres aux figures feintes. Or maintenant il faut montrer que ces figures feintes, ou les edifices, ou autre chose faicte de la main, ne peuvent auoir aucune vertu, sinon la foree & vertu de fortune. Car quand les figures de Mathematique ne peuvent faire quelque chose, & ne sont d'auantage les principes des choses que

les nombres, il est manifeste que de soy-mesmes elles ne peuuent faire ne muer les actions de nature. Et si tu penses qu'elles ont vertu par les observations du ciel (ce que plusieurs certifient) il est necessaire qu'il soit quelque principe de la forme: car l'action est de forme naturelle. Il est donc necessaire que la forme naturelle soit muée, non la figure. Je sçay que cecy est memorable, qu'ils recitent de la bague pendue au col de Hermion, que tous ceux qui l'apportoient perissoient malheureusement. Cecy est plus recent & veritable du cheval dit *Seianus*, duquel les possesseurs, premierement Cn. Scius, apres Dolabella, puis Cassius & Antonius sont peris cruellement & miserablement, ou par iugement, ou par cas fortuit. Ce cheval estoit de belle taille, & vertueux, d'une couleur admirable, qui estoit rouge. Ainsi on dit de l'or Tolosan, lequel quand Cepio Romain l'eut emporté il perit malheureusement. Donc telles malheureuses infortunes ne sont des figures, ains du fatal, dont autresfois j'ay parlé. Il suffit donc d'auoir touché les choses fortuites, & ce qui est fait par artifice.

*Pourquoy le
crystal a six
superficies.*

Pourquoy le crystal a six superficies (car à peine en a il plus ou moins) maintenant il le faut exposer. La cause en est, que les pieces du crystal sont enuironnées les vnes des autres, come les logettes des aboilles, & pour ce elles semblent auoir six coins, & six superficies. Mais pourquoy ces pieces qui sont enuironnées des autres, sont-elles d'une forme de six coins, veu que la Sphere est enuironnée de quatorze semblables Spheres, non seulement de six? Cecy conuient mieux d'estre referé à la nature du corps: car tout corps qui est enuironné des superficies de droite ligne, est distingué en longitude, en latitude, & en profondeur. Or la nature de ce corps du crystal est composée de six superficies opposites: pour ceste cause le crystal, & les autres pierres precieuses de ce gerre, comme le beryl, ont six superficies. De recte nature a constitué cecy, comme j'ay dit, pour cause de la generation, comme ie diray aux plantes: car les pierres Spheriques, & rondes, par le benefice de seule nature sont abondamment en l'isle Cuba. Toutesfois l'utilité est moins connue en icelles, iacoit qu'elle ne

*Les pierres
rondes.*

soit moins certaine. Le crystal est fait de substance aqueuse, & pour ceste cause il se fond facilement au feu, & soudain se conuertit en vitre. *Que le crystal n'est glacé.*

Par semblable raison il faut dire, que le crystal n'est fait de glace, quoy que coustumierement il soit trouué entre les neiges: mais il est engendré par l'humour de son gerre: car la glace qui est aux montagnes, quand elle est cheute, elle se fond eschauffée au feu, non ainsi le crystal, s'il n'est du tout circuit de feu, qui soit soufflé assiduellement. Or que le crystal soit veu au coupeau des montagnes, ce n'adient pource qu'il soit ainsi engendré, ou qu'il ait esté autresfois glace, mais pource que la terre & les pierres moles fondues coulent par les pluyes, par les vêts, & par la neige, & le rocher est despoillé: pourtant le crystal qui est engendré entre les pierres, & souz la terre, en quelque maniere qu'il tienne, il semble estre pendu. Le gros argent est engendré raremēt en la pointe, souuent au corps du crystal: ce qui n'est mis entre les vices d'iceluy, ains entre les vertus excellentes: car ainsi il est estimé vne pierre precieuse fort belle, & de rare exēple. On trouue aussi vne espee de crystal semblable à l'amethyste qui est tant obscur, qu'aucuns l'estimēt estre vn beryllus. I'ay ven de l'eau engendrée en crystal, & vn corps subtil & noir estre en l'eau, lequel estoit mouué au contraire de l'eau, pource qu'il estoit plus leger que l'eau: pource quand ce corps descendoit, le crystal montoit de soy-mesme en haut: & en nous ioiant nous disions, & persuasions à plusieurs, qu'vn esprit estoit enclos en ce crystal. Mais pourquoy le crystal ne reluit-il grandement: pource qu'il est mol: car nulle pierre precieuse qui soit molle reluit. Pourquoi vn corps mol ne reluit point? pource qu'il ne reiecte tous, ou plusieurs rayons: ce donc qui moult reluit ne peut estre grandement perspicu & translucent: pourtant le crystal est plus perspicu que le diamant, pource que le diamant est trop plus nitide, & splendissant que le crystal.

Vne autre cause est, que quand la superficie est exactement vnīe & polie, les rayons totalement se resfloquent à ce mesme angle, & pource ils sont plus valides, & si la superficie n'est dure, elle ne sera exactement platte. *Le gros argent est engendré au crystal.*
L'eau en crystal.
Comment on cognoist les pierres estre dures.

31

& vnie: pour ceste cause les rayons se reietteront en diuers angles, & seront dissipéz & empeschez. Et comme le crystal est vne pierre precieuse blanche, ainsi le *pranium* est vne pierre noire, & perspicue, ce qui est rare. La racine de ce *pranium* semble estre du gerre de crystal, & est trouué en Saxe. Aucunes fois il aduient autres pierres precieuses estre engendrees d'une racine presque noire, comme la sardine est engédree à l'isle de Cypre, d'une pierre treslucide, non exactement noire, comme ainsi est engédree le hyacin en Misene. Les sardines, comme i'ay dit, sont engendrees rouges, perses, verdes, & de couleur d'amethyste.

*Nebrites dit
des lapidaires
garatronius.
La pierre pa-
zar ou be-
zar.*

Nebrites n'est pierre precieuse, toutes fois c'est vne pierre rare, opaque, qui represente totalement la couleur de la peau d'un Cerf: nos lapidaires l'appellent, *garatronius*. On croit que celuy qui porte ceste pierre est gardé d'icelle, en sorte qu'il ne peut estre vulneré.

La pierre pezar, qu'aucuns appellent d'un nom corrompu bezar, n'est grandement differente de nebrites, elle est toutes fois plus noble. Ce n'est aussi vne pierre precieuse, ains vne pierre molle, & de couleur cendree, & est de la grandeur d'une noix aueline, qui resiste vertueusement à tout venin. C'est la pierre louée de tous auteurs, & de nul presque cognue, laquelle *Scribonius Largus*, quoy qu'il soit medecin de l'Empereur, esctit faussement estre la larme du Cerf, trouuee en Sicile, neantmoins qu'il est manifeste que ceste pierre coustumierement est trouuee en Pely region de l'Inde Orientale: illec mesmement ils referent vne racine estre tresueneneuse, dictée *bez ar*, qui fait mourir soudain: de laquelle le fruit est vn excellent remede, non seulement contre la racine, mais aussi contre tous autres venins: & ce fruit est appelé *nirabri*. Or commet vn remede medicinal, & vn venin peurent estre engendrez d'une mesme chose autrefois ie l'ay dit.

*Nirabri
fruit.*

*La pierre a-
methyste.*

La couleur & la grace du vin est en la pierre amethyste, qui est pierre precieuse assez vile, quoy qu'elle soit Orientale: elle est estimée empescher l'ebriete, quand elle est liée au nombril, & excite les songes, ce que i'ay dit cy dessus.

Le

Le coral n'est pierre precieuse : les especes d'iceluy sont blanche, rouge, & noire, qui toutes sont veues en vne mesme plante. Dont il aduient qu'elles ne different en aage ny espee, mais comme les autres pierres, elles sont teintes par la vapeur de la mer. Le coral est tendre, & est engédreé comme vn arbrisseau au fond de la mer, entre les pierres & rochers. Le coral rouge est le plus excellent, & ce qui est rouge de luy, comme pourpre, donnant quelque splendeur reluisante comme feu, quand il est suspens droictement sus le ventricule, il le conforte grandement : & Albertus s'efforce de prouuer que Galenus & Auicenne ont escrit ceste propriété: il est de substance subtile, & de tressubtile entre les choses qui croissent en la mer, & pource il conforte les membres, & tempere les esprits. Pourtant celuy qui est tel que i'ay dit deuoit estre, conforte le cœur & le cerueau: il recrée l'entendement, & donne aide contre l'epilepsie, dicte la maladie comitiale : & celuy qui est du meilleur reuenue & profit, est tresrare. Les matieres qui sont en abondance, facilement elles sont paracheuees : & ce qui est facilement paracheué, ne peut estre parfait. Et pource il est necessaire que les meilleures choses soient rares. Le coral croist, & s'endurcit en l'air depuis qu'il est tiré hors de la mer: car l'air seche son humeur qui est subtil, & le froid assemble les parties. Mesmement en plein Est il est refrigeré de l'air : car la portion de l'air qui penetre dedans, deuiet froide : & i'ay monstré que l'air est refrigeré quand il est dissipé. Le propre du coral rouge, pur, & fulgent comme l'escarboucle, est que s'il est lié au col, en sorte qu'il touche la chair quand l'homme est malade, ou qu'en brief le doit estre, ou s'il a beu quelque venin qu'il ne sent encor, le coral deuiet palle, & perd sa splendeur, en sorte que tu t'esmerueilleras: & cecy a esté par plusieurs fois obserué. La cause en est que ceste vapeur, qui n'a encor faict de fascherie à l'homme, afflige par admirable experience la plus subtile substance du coral.

*Le coral.**La vertu du coral.**Pourquoy les choses & res-bonnes sont rares.**Comment on cognoist les maladies fistures.*

Ces pierres donc susdictes sont les plus precieuses, & les plus cognues vulgairement. Toutesfois elles sont adultereées par merueilleuses manieres, qui sont redui-

Trois manieres d'adultereer les pierres precieuses.

Ettes en trois. La premiere maniere est vulgaire. Que la
 couleur du crystal avec glu perspicue soit mise entre
 deux tables plattes & vnies: ces deux choses assemblees
 la pierre precieuse est enclose dedans l'anneau, afin que
 on ne puisse voir la fente de la cōiōction: & ceste ma-
 niere est vulgaire & vile. L'abondance de telles pierres,
 ains plustost nostre ville & le marché d'icelles, en la-
 quelle vertu est prisee avec les pierres adultereas. La
 fraude qui est cachee, est tresmechante, & n'est vulgaire
 pour deceuoit, de laquelle Zocolinus a esté autheur en
 nostre ville, lequel le prince fit mourir à bon droict
 pour la fausse monnoye, quoy que tous les lapidaires
 suppliasent pour luy. Tu vois les inuentions des esprits
 humains, & d'vn seul college des lapidaires entend la
 multitude des autres: ausquels si ie desplay, ie n'en suis
 tant marry, que ie suis ioyeux d'estre odieux aux hom-
 mes de telles mœurs. Doncques ce venerable person-
 nage prenoit vn tableau fait de vraye pierre, comme
 de l'escarbouclé pour l'escarbouclé, comme de l'esme-
 raude pour l'esmeraude, le tableau nitide & de petit
 pris, pour sa tenuité & petite couleur, desquelles pierres
 adultereas l'abondance, comme i'ay dit, est grande, &
 sera tousiours, comme elle est de la condition des hom-
 mes: souz ce tableau il en mettoit vn egal & espes fait
 de crystal, & les conglutinoit ensemble, le plus iustemēt
 qu'il pouuoit, en entremettāt vne propre couleur, com-
 me la rouge splendide pour l'escarbouclé, la verde pour
 l'esmeraude, la perse pour le saphir, & afin que la fente
 n'apparust, il la fermoit d'or, afin que la suspicion de la
 fraude fust ostee. Car il est deffendu aux bonnes villes
 de fermer d'or la pierre precieuse adulteree. En ceste
 fraude rien n'y est requis, sinon l'auctorité du vendeur.
 La fente n'apparoist cachee de l'or: & pour cause de la
 subtilité la couleur rend la pierre reluisante: la superfi-
 cie superieure rend la propre splendeur de la vraye pier-
 re precieuse, entendu qu'elle en est du gerre. Ainsi ce
 magnifique ouurier deceuoit mesmement les lapidai-
 res, iusqu'à ce qu'il s'en est enfuy, sa fraude descouuer-
 te: & ainsi pour peu d'or il a fait honte à nostre ville en
 toutes parts: & ce larcin ne doit estre mesprisé, vne pier-

re de trois escus couronnez, souuent estoit vendue trois cens, & d'auantage. La fraude donc descouuerte, voyant qu'il n'auoit plus la maniere de ce gain tant grand, & sans labeur, il s'est appliqué à faire la fausse monnoye, dont il a esté condamné à la mort.

La troisieme maniere d'adulterer les pierres est trop plus excellente que les autres, & moins vituperable, l'artifice se batant contre nature. La pierre precieuse est muee en autre par l'aide du feu. Vn saphir nitide, toutesfois de couleur debile, est ioint avec l'or: petit à petit le feu est mis dessous, iusqu'à ce qu'il se fonde, l'or boult trois ou quatre heures, puis le saphir est retiré, & permet on qu'il se refrigere petit à petit, puis tu trouueras qu'il est vn diamant: car il demeure pierre precieuse, & la lime n'y peut mordre dessus, & tout ce qui est de couleur perse est consumé. Pourtant en ceste affaire nous cerchons les saphirs de couleur trespetite, car ils sont de plus vil pris, & plustost se conuertissent en diamant, & sont muez plus parfaictement que les autres. Celuy qui premier inuenta cest art, deuint fort riche, & en peu de temps. Puis la chose descouuerte, encor le gain est demeuré grand à l'artifice: car telle pierre reluit grandement, pour cause de la durté du saphir. Aucuns font qui d'vne pierre precieuse vile & mole font de beaux diamans par l'eau de la mer. Aucuns ne font bouillir le saphir dedans l'or, mais seulement envelopé de craye dedans le feu, & par ce moyen la chose reuiet en vn. Il faut toutesfois obseruer que le feu soit petit à petit mis alentour de la pierre precieuse qui est froide, & que de rechef on la laisse refroidir, le feu esteiat: car ce n'est chose seure de la tirer hors du feu. Le tout n'est bien fait, s'il reste quelque merque de la couleur perse.

Les escarboucles sont forgees d'auripigment distillé: mais rien n'y est requis sinon la splendeur & couleur.

L'esmeraude est contrefaicté par plus grand labeur que l'escarboucle. Le crystal est puluerisé tresmenu: on y adiouste de la marticuite & du verdegis tres-spléide, ou de la vermiculaire: on fait vn trou à la brique non cuite, ces trois choses sont mises ensemble, & ceste brique est cuite en la fournaise des briques ou tuiles,

*Comment le
saphir est
muez en dia-
mant.*

*Les escarbou-
cles adulte-
rees.*

*Comment l'es-
meraude est
contrefaicté.*

en y mettant vn merc pour la cognoistre entre les autres, puis on tire vne piece semblable à l'esmeraude, ou la coupe, on la polit, c'est toutesfois vitre, mais tât beau, que si ceux qui premierement l'ont inuenté (car cecy est inuenté de nouveau, & depuis dix ans) n'eussent voulu s'enrichir subitement par grandes pieces, & s'ils n'eussent donné suspicion par leur grande abondance, la fraude pourroit encor de present estre incogneue au gain incredible des inuenteurs: combien que ce n'ait esté fait sans grãd gain: l'en ay veu de tant belles pieces, que mises en œuvre, & circuits d'or, elles surmontoient en splendeur les naturelles. Cela vient bien, si totalement elles n'ont aucunes bosses: car les bosses monstrent & manifestent que c'est vitre, & rendent la pierre sordide & laide. Toutesfois la lime prẽd dessus, pource que c'est vitre. Car toute pierre precieuse par l'odeur du plomb se conuertit en vitre, principalement quand la pierre est reduicte en poudre menue.

La composition de martie cuite.

Outre il est manifeste que le plomb est contenu en la martie cuite. La martiacocta est composee de chaly, d'alun, & d'arene, aussi de plomb, ou d'estain reduit en chaux. Les pots de terre qui en sont frottez & mis dedãs la fournaise, recoiuent la splendeur assemblement avecques la solidité du vitre: & les pots ne boiuent ou iettent hors l'humeur qu'ils contiennent. Cecy vient bien en quelques poteries de Germanie: & pour la seule terre les pots sont tels de soy mesmes. Pourtant la martiacocta & les pierres precieuses par l'odeur du plomb se tournent en vitre, elles recoiuent toutesfois vne couleur: les pierres precieuses ne cessent d'estre precieuses par le seul feu, mais elles perdent la couleur, & ne la recoiuent. Si donc on trouue la chose moyennante parquoy la pierre recoiue couleur, & aussi qu'elle deuienne molle, non tant toutesfois qu'elle se conuertisse en vitre, lors de ce viendra vn grand gain. Il faut donc rendre ceste pierre moins molle que le plomb: ainsi le saphir peut se tourner en escarboucle, entendu qu'il est plus dur que l'escarboucle: & si deuient plus mol, il peut se conuertir en esmeraude, en adioustant vne couleur verde: & derechef l'escarboucle en esmeraude: car l'escarboucle est

par trop la plus dure, cōbien qu'elle soit beaucoup plus molle que le saphir: & plusieurs choses de ce gerre qui peuuent rendre l'inuenteur riche, sans doute peuuent estre, & sont cachees: car où sont les extremitez, il faut que le milieu y soit. D'auātage entre les gerres du vitre qui sont faictes de martiacōcta & du crystal, si vne couleur rouge y est adioultee, de ce prouient vne escarboucle: si c'est vne couleur perse, de ce le saphir est composé: mais toutes sont plus viles que l'esmeraude: car elles sont plus distantes de la nature de telles couleurs, que n'est le vitre qui imite l'esmeraude en couleur: & nulles de ces pierres precieuses est plus dure que l'esmeraude, comme i'ay dit cy dessus: pour ceste cause on s'efforce d'imiter la seule esmeraude, pource que le seul vitre peut estre assimilé à l'esmeraude, pour la grande mollesse d'icelle: toutesfois les autres pierres adulterees sont cōposées en la brique ou tuile, cōme l'esmeraude adulteree.

Mais cecy est admirable, qu'aucuns recitēt que les briques & tuiles cuites sont plus pesantes qu'elles ne sont auāt que d'estre mises dedans la fournaise. La cause peut estre que quand elles sont faictes, elles sont sechees au Soleil, & reçoient beaucoup d'air, lequel caché dedans red la tuile trop plus legere que si elle estoit cuite: pourtant quand la tuile est contrainte & condensee, elle est faicte plus pesante, quoy que l'humeur soit consumé. Aussi les tuiles qui sont trop cuites imitent la couleur du fer. Pourtant la cause de la pesanteur & de la couleur peut estre vne mesme cause: la paruité de la tuile est faicte selon la proportion de la matiere: & la paruité aussi est condensee par force, la terre se fondante, qui retient quelque matiere metallique: pource les tuiles trop cuites sont presque tousiours fleschies & courbees.

Cecy n'est sans doute, pourquoy les tuiles se rompent incontinent quand on entremet du feu dedans la fournaise. Ce n'aduient tousiours, mais quād la chaleur trop grande est retiree ensemble, le feu se cessant, elle rompt les tuiles. La chaleur mesme quand derechef elle est enflammee, les rompt aussi: car les matieres qui sont ia seches quand elles sont eschauffees par nouvelle chaleur, elles se rompent, comme il appert par le vitre. La

z iij

*Quand on
cuit la tuile,
elle augmente
en pois.*

cause est, pource qu'auant que ce qui est dur soit fondu & emmoly, il est rompu par le vent qui s'estend. Pour cause donc de ceste inequalité, grande perte aduient aux potiers & tuilliers.

Les queux adulterees qui brisent les pierres precieuses.

Or pour reuenir à mon premier propos, non seulement l'art forge les pierres precieuses adulterines, mais aussi les autres pierres & les queux. Premièrement les queux, dictes cotes, sont faictes desmiri, lesquelles brisent les pierres precieuses: & de geodes sont faictes les geodes: & des queux sont faictes d'autres queux d'un mesme gerre. Toutes ces pierres sont brisées fort menu, ainsi qu'il plaira de contrefaire quelque chose telle: & sont receües au blanc d'un œuf, en huile de lin, & en la larme de geneure, & sont sechees souz l'arene.

Lithostroto.

Lithostroton mesmement est composé, qui est vne pierre, dont le paue des temples est diuersement fait par figure des hommes, des bestes, & des arbres, comme en Constantinople au temple de Sapience, comme à Venise au temple de saint Marc, & à Florence au temple de saint Jean Baptiste, ou les murailles en sont faictes, comme en Milan au temple de saint Laurens, par les petites pieces des pierres de diuerses couleurs, blâches, rouges, perses, verdes, noires, iointes ensemble par glu forte, afin que les images representent non la seule forme, mais aussi la couleur.

La malthe perpetuelle.

La malthe est faicte perpetuelle pour cest œuure, de chaux, & de gresse de pourceau, ou de poix, ou du blanc d'un œuf: ceste malthe principalement resiste aux eaux: pource les tuyaux pour faire couler l'eau sont ioints d'icelles. Vne autre malthe trespropre & fort conuenable à ce mesme vsage de conduire les eaux est composée de chaux, du blanc d'un œuf, d'huile, de la limure de fer, des ombiliques de mer: aussi les tuyaux sont faicts du bois de sapin, ou d'aulne, ou de poissard: car tels bois ont un humeur tresgras & chaud, pourtant ils resistent grandement aux impetuosités des eaux. Les tuyaux pareillement sont faicts de plomb: mais les tresbons & durables sont d'airin. Car ce peut estre pour vne reigle que toutes choses lesquelles le feu a bruslees plus que de raison, comme les charbons, l'airin, le soufre, ne sont

iamais corrompues de l'eau, combien qu'elles fussent mil ans dedans.

Or la malthe suffit pour ioindre les pierres, ou les fragmens de marbre, laquelle est faicte de la poudre de marbre, & du blanc d'un œuf, ou de poix. Il est donc manifeste, pourquoy aucunes choses demeurent aux eaux sans estre corrompues: aucuns bois ne sont subiects à la violence des eaux, pour cause de leur desité, toutes-fois finablement leur escorce est corrompue. Mais en laissant ces matieres, ie retourne à l'histoire des pierres precieuses. Or puis que j'ay assez parlé de ce qui croist sus terre, aux eaux, ou entre les pierres, maintenant il faut que ie traicte de ce qui est engendré aux animaux. Et cōbien que les vrayes pierres precieuses peuent estre trouuees aux animaux, cōment on dict de la pierre dicte *alestorius*, trouuee au ventricule du coq, ie n'ay toutes-fois iamais veu vne vraye pierre precieuse estre tiree hors du corps de quelque beste: & faut que les pierres precieuses soient rares, pource qu'elles se condensent, & assemblent par le froid. Que les pierres precieuses se condensent & assemblent par le froid, l'indice est tel: premierement, pource qu'elles sont engendrees entre les pierres, & aux lieux tres-froids: secondement, pource qu'elles sont cōseruees par le froid, debilitées & viciees par la chaleur: mesmemēt, la substāce aqueuse ne reluit, sinon cōcrete, & assemblee par la gelee, cōme en la glace: mais toutes les pierres precieuses reluisent, & plusieurs sont perspicues. Elles deuiēnent molles au feu, en sorte qu'on peut les percer, comme le diamant: aucunes plus que les autres: aucunes mesmement se fondent: le hyacin s'emmollit au feu & se fond: mais tres-difficilement, & le crystal facilement. Le toucher est vn certain argument de la frigidité des pierres, quand autre signe n'y seroit. Si donc les pierres croissent, & sont condensées par le froid, & cōme les plus dures pierres precieuses sont condensées par le plus grand froid, ce n'est merueille, si les pierres precieuses ne sōt engendrees aux animaux, ou rien n'est de tres-froid. Et si quelque pierre y est engendree telle qu'*alestorius*, si elle est precieuse ou si elle a quelque vertu, il ne peut qu'elle n'ait vie. Et la

pierre precieuse qui est fort dure , entendu que la lime
 (tant soit elle bonne) ne peut mordre dessus , ne peut
 croistre, ne se condenser par chaleur. Et ce qui est fait
 impenetrable par le froid, il est necessaire qu'il viue.
 Donques la pierre precieuse ne peut estre dure en la be-
 ste: car elle ne pourroit estre nourrie de l'humeur tant
 liquide, qu'est celuy qui est separé en la beste: aussi elle
 n'est molle, pource qu'elle ne seroit pierre precieuse,
 non pas autre pierre. Or il est necessaire, que la pierre
 precieuse viue dés le commencement par l'esprit & par
 l'humeur, & pource estre molle: apres petit à petit la vie
 hebetee, il faut qu'elle croisse, & se condense par cha-
 leur comme dedans vne matrice, iusqu'à ce qu'elle soit
 faite tant dure, qu'elle ne puisse plus estre augmentee:
 & lors faut qu'elle s'endurcisse par le froid, iusqu'à ce
 qu'elle soit tiree hors, ou qu'elle soit parfaite, la beste
 morte: car la beste viuante, la pierre ne peut estre par-
 faite, ne s'endurcir parfaitement.

*La margue-
rite.*

Entre les susdictes c'est la plus precieuse que ie sçache,
 que la marguerite qui consiste de quelques escailles rō-
 des. Les plus nobles marguerites sont engendrees des
 rondes coquilles de poisson, elles sont toutesfois les
 moins rondes: les moins excellentes sont rondes faites
 de coquilles longues, comme par raison cōtraire. L'vn
 & l'autre gerre des coquilles est ridé, & se tient au pro-
 fond de la mer. C'est donc chose fabuleuse, qu'elles cō-
 çoiuent par la rousée du Ciel. Le gerre des margueri-
 tes ignoble est engédre des coquilles, dictes nacarones
 qui sont ridees. La marguerite s'enuieillit en brief tēps,
 & en ce ne conuient avecques les pierres. La mer Indi-
 que Septentrionale aupres de l'Isle Cubagua en produit:
 & la mer Indique Meridionale aupres de Terare qui en
 produit aussi: & autres plusieurs lieux. La grande excel-
 lence de la marguerite est en la blancheur, splendeur, &
 rotondité. On en trouue aux coquilles de la mer Brita-
 nique, plus souuent en la mer Indique. En vne mesme
 escaille plusieurs marguerites sont, principalement les
 tres petites, pourtant l'abondance d'icelles est incredi-
 ble: les grandes sont rares: celles qui sont sans vice, &
 sont grades, sont tres-rares. Elles purgent le sang & ont

*La vertu des
marguerites.*

la substance subtile. La couleur se muë en elles du seul regard, comme aux faux opalus. La cause en est ja dictée: car les marguerites s'ot faites d'escailles qui sont polies en vne superficie, & sont rudes en l'autre. Prends l'experience en plusieurs miroirs ioincts ensemble par ordre, en sorte que la superficie nitide, & polie puisse couvrir la rude d'une autre marguerite: puis si tu les fais petites & tant subtiles que seulement elles facent vn corps non diuisé ou variable, tu cognoistras finablement pour quelle cause le regard muë la couleur & splendeur. Toutesfois souuent la couleur de la marguerite est blanche, nitide, & quelque peu brunette, & prennēt ceste couleur de leurs coquilles. Ceste couleur n'est differēte des coquilles, dictes cochleæ, lesquelles Inde, comment on dict, produit. Je peu bieu parler de la couleur, de la forme & substances des coquilles, pource que souuent i'en ay veu: d'où c'est qu'elles viennent, ie ne peu le dire. La forme d'aucunes est d'une galere avec la poupe haute, ou est vn autre vaisseau, tu dirois estre vn vaisseau excogité de nature: car la grandeur de celle que i'ay veuë est tant grande, qu'elle peut cōprendre vne grande tasse: c'est vne chose de tres-elegāt vsage, & de tres-belle forme. C'est donc la coquille d'un limaçon, tres-semblable aux coquilles des marguerites. Et ceste coquille Indique est tant plus excellente, que les coquilles de noz limaçons, d'autant que l'air des indes, la terre, & l'eau sont plus excellents que noz elemens: & par la succession de plusieurs ans les choses deuiennent meilleures.

*La collique
indique.*

La pierre borax, aucuns l'appellent Chelonites, est trouuee, comme il disent, en la teste d'un vieil & grand crapaut. Brasauolus refere, qu'il l'a trouuë en la teste du crapaut: mais que c'est plus tost vn os, qu'une pierre. Ils en sont deux, vn creux, & semblable à vn os de couleur brune passe, l'autre qui dedans vn os contient vne pierre: toutesfois c'est l'os de la teste, comme dict Brasauolus, qui se condense, & croist par succession de temps, pource qu'il est nourry de terre. Je ne cognoy sa vertu: aucuns estiment qu'il profite contre le calcul: quant à moy ie suis incertain sil empesche la generation de la pierre, tant y a qu'il ne pourroit l'empescher totale-

*La pierre di-
cte borax.*

ment : & si la retarde, cecy est digne de doute.

*La pierre di-
cté limace.*

La pierre dicté limacius, qui n'est couverte de l'escail-
le, coustumierement est engendree en la teste du lima-
çon. Il faut que ceste pierre, comme ie peu bien le mō-
strer, soit de couleur blâche, & de superficie rude, pour-
ce qu'elle est assēblee de substance aqueuse par le
froid : & est pource petite, qu'elle est engendree en vne
petite beste. Ils estiment que ceste pierre liee sus ceux
qui ont la fieure quarte, leur profite grandement. En la
perche petit poisson, dicté *Perca*, aucuns l'appellent cor-
beau, entendu qu'il a la teste grande, deux pierres blan-
ches y sont trouuees, longues, plates, & comme dentees
d'une part, lesquelles sont estimees profiter grandemēt
contre le calcul. La plus grande de ces pierres est liee
au dessouz de la douleur, & auant vne heure passēe, elle
attire le calcul dedans la vessie.

*La vertu de
la limace.*

*La pierre di-
cté perca.*

*Comment les
pierres sont
engendrees
aux ani-
maux.*

Les pierres sont engendrees aux animaux en deux
manieres, premierement par froid, comme au limaçon
en la perche, aux escreuices, aux crapaux, & aux tortuēs
Indiques : secondement par la chaleur, comme souuent
en la vessie du fiel des toreaux, & aucunes fois des hom-
mes : & vne pierre a esté trouuee depuis quelque peu
de temps, en la vessie du fiel d'un homme lepreux. La
pierre aussi est engendree en la vessie, & aux reins des
hommes au grand mal d'iceux : & en ma maison vne
feste engendree aux poulmons d'un bœuf, polie, & de
couleur cendree. Toutes les pierres engendrees aux es-
creuisses, aux limaçons, & poissons, empeschent la ge-
neration des pierres aux reins, & les rompent si elles
sont engendrees : car les pierres se condensent & s'engē-
drent en ces bestes par tres-grand froid : & quand elles
sont buēs, elles refrigerent les reins : mais aux hommes,
les pierres sont engendrees par grande chaleur : & la
matiere en est pierreuse, & froide : il conuient aussi que
ceste pierre donne aide presente à l'abondance de l'vri-
ne, qui est faicte par la chaleur, ou siccité des reins. On
dict aussi qu'alectorius est engendré au ventricule du
coq. Ceste pierre toutesfois est faicte de la sardine, &
d'achates, en laquelle vne macule de flamme apparoit.
Mais ie ne pense point que ceste pierre puisse totalemēt

estre engendree au ventricule du coq. Car entendu que le ventricule du coq est grand, & tousiours plain d'ordure, l'humeur ne peut distiler petit à petit, ny se condenser & assembler. Ou sil s'assemble, cecy plus tost sera fait aux petits pertuis: & par ce moyen la pierre seroit tres-petite: & cest humeur ne pourroit s'arrester, iu'squ'à ce qu'il fust assemblé. Il est manifeste que les pierres sont engendrees au ventricule, pource que les meates & pertuis sont estroicts, & la chair est dense. On trouue bien des pierres precieuses au ventricule du coq, lesquelles il aura deuorees par cas fortuit: & seront belles, pource qu'elles sont purgees par la chaleur du ventricule, & acquierent splendeur: mesmement les lapidaires presentent les marguerites aux coulōs, afin qu'elles soient polies en leur ventricule. Quel merueille est-ce donc, si par longue tardation, & chaleur robuste les pierres precieuses qui sont dures, sont polies au ventricule du coq? Mais à sçauoir si la pierre precieuse est engendree au ventricule, c'est vne doute: car la chaleur des oiseaux est plus grande que des bestes quadrupedes, & l'humeur est plus subtil. On trouue aussi les pierres aux autres parties des bestes, comme aux bras des escreuices, au nœud superieur, & vne fois i'en ay trouué: & vn de mes compagnons y en a trouué vne plus petite, ie les garde toutes deux. La couleur est mixte de blanc, & de rouge, polie, & douce. Les plus grandes n'excèdent point le grain d'vn pois, encores ne sont tant grosses. Aucunes choses sont trouuees aux bestes semblables aux pierres, toutesfois ce ne sont pierres, commel'œuf d'vn beuf. Certes cest œuf est trouué au ventre du beuf de la grandeur d'vn œuf d'oye, de couleur de fer, tres-leger, & tres-doux. Il est condensé, & assemblé des excremens de la viande, & par le mouuement il acquiert vne rotundité, la pituité le contraignât. Pourtant s'il est rompu, il semble estre fait de poil: il est dur, neâtmoins qu'il soit fort leger. Ainsi nature se iouë, en sorte que mesmement les beufs engendrent les œufs.

Aucunes pierres sont receuës au nombre des pierres precieuses, qui toutesfois ne le sont, comme Geodes, qu'on appelle faussemét arites, pource qu'elle est grosse,

Vn œuf trouué dedans vn beuf.

Geodes, vne pierre d'œuf arites.

La pierre
theocolitos.

Le geodes de couleur de fer est apporté des Gaules : le pallé de Cannes en Italie.

Les gerres du
marbre.

La pierre theocolithos a deux gerres: theocolitos, cōme si tu disois, rompant la pierre, l'vne est indique, Agricola appelle l'autre la pierre d'esponge.

La gloire, la beauté, la grace des marbres est proche aux pierres precieuses. Les gerres du marbre le plus excellens sont phengiticum, parium, zeblicum, porphyrites, & orphites. Tout marbre est loué ou vituperé par la couleur, splendeur, durté, & par la perspicuité. Le marbre phengiticum reluit grandement, & rend les images cōme le miroir : dont Nero parfit le temple de fortune commencé par Seruius Tullius, qu'il appella *Seia*, en la maison d'or, en sorte que ce temple estoit construit dedans par ce gerre de marbre, receuât clarté, en sorte que les portes fermées de toutes pars vne clarté, estoit veüe gardée long temps. Le marbre zeblicum est trouué en Misene, lequel est estimé profitable contre le venin : s'il est vray, ie ne sçay : il est certain qu'il peut ayder, veu qu'il est mol : & si nous beuons ou mangeons aux vaisseaux faicts de corne de Cerf, les vaisseaux hebeteront la force du venin, s'il y est long temps.

Parium mar-
bre Et ses es-
peces.

Plusieurs gerres sont du marbre dict *parium*, qui prennent leur difference par la couleur. Il est vn marbre dict *parium*, qui est tres-blanc, lequel est veu par tout en Italie: vn autre gris cendré, en vne cōtree de Germanie, dicte Hildeseimium: le verd, comme au temple de sainct Iean Baptiste en Florence: de couleur de fer, sus lequel Stolpa, qui est le chasteau de l'Euesque de Misene, est fondé: cestuy est tant dur, qu'Agricola recite les mareschaux forger de luy les enclumes en Misene. Il faut donc qu'il soit glutineux, & de substâce subtile & dense, & qu'il soit pesant: vn marbre & noir, splendide, & reluisant, duquel est cōposé le sepulchre du Cardinal Garraiol, homme de singuliere probité, prelat de nostre prouince: & ce sepulchre est au grand temple, cōstitué à la dextre de l'autel. Vn marbre est variable de diuers gerres, qui est souuent fragile, & se rōpt de soy-mesme: car il a quelques parties cruës, autres trop adustes. Vn marbre aussi est de couleur quelque peu rousse. Que faut-il

tarder en cecy ? Toutes couleurs sont donnees au marbre. A Senes sus l'autel sept gerres de marbre parium sont ensemble, le blanc, le cendré, le rouffastre, le verd, le noir, le porphyrites, & l'ophites.

Le marbre porphyrites est distinct de macules rouges, & quasi de blanches, ou plustost rouges avec macules entreluisantes. Deux colonnes faictes de luy tres-excellentes sont à Milan au temple de saint Ambrois deuant l'autel, & mesmement le sepulchre de saint Denis, qui a esté translaté à la grande Eglise de nostre ville, & est de la grandeur d'un corps humain, & d'assez grande epesseur.

*Le marbre
Porphyrites.*

Le marbre orphites est verd, tout distinct de macules blanches, & aussi d'autres couleurs. l'ay veu plusieurs colonnes faictes de luy, & plusieurs tables: ainsi comme vne table faicte d'une autre gerre de diuerse couleur est chez André Alciat, laquelle est de grande beauté. Aucunesfois on trouue des images au marbre dict parium, qui sont veües par la variété & concurrence des veines, lesquelles ne sont inferieures aux images peintes. Et outre les autres, en Constantinople au temple de Sapience, l'image de S. Iean Baptiste semble estre faicte du cuir d'un chameau, laquelle est tres-parfaicte en toutes choses excepté qu'elle n'exprime l'un des pieds tant bien que la peinture le peut exprimer. l'ay dict que la cause de ces choses est fortuite, non propre & naturelle. Aucuns gerres de marbre sont estimez pour cause de la region dont ils sont, comme le marbre de Numidia en Espagne: car entendu qu'il est faict d'une larme tres-subtile, à cause de l'ardeur du pais, il est tresplendide & reluisant, lequel facilement peut estre engraue pour sa mollesse & equalité.

*Le marbre
orphites.*

*Les ymages
naturelles au
marbre.*

Le caillou bis, dict *silex*, & la queux, dict *cos*, ne peuvent estre engrauez commodément, pource qu'ils sont de parties espesses. Maintenant donc le marbre de Numidia est tres-elegant.

Alabastrum, dict vulgairement alebastre, est du gerre de marbre, perspicu & souuent blanc, duquel sont faictes les boestes pour mettre les vnguens odorans: il est plus fort que le vitre, plus pur que les matieres metalli-

*Alabastrum
alebastrum.*

ques, meilleur que les pots de terre, pour ce qu'il ne boit, ou reiette moins de l'vnguent, l'usage donc en est necessaire. Quand il est plongé dedans l'eau, il acquiert vne perspicuité, mais plustost il boit & remet le suc de l'vnguent, de laquelle chose i'ay dict la cause cy dessus.

*La queux
dicte cos.*

Les queux, dictes cotes, sont proches au marbre: les plus excellentes sont la pierre de touche, dicte *Lydia*, & la damascene. La Lydie est noire, de substance fort subtile, resplendissante, & par merueilleuse subtilité elle presente les couleurs des metaux: par lequel moyen les orfeures cognoissent la pureté de l'or & de l'argent: & ces pierres n'apportent aucun detrimēt par leur subtilité, en sorte qu'on peut approuer l'or mille fois sans la perte d'un seul grain: par leur nigrITUDE elles montrent la couleur du metal: car la nigrITUDE cueille la splendeur & couleur. La vertu de la queux est de consumer petit à petit toutes choses, & n'estre consumée. Pour ceste mesme cause les damascenes sont tres-excellētes: car frotées à l'acier, quoy qu'il soit dur, soudain elles le cōsument, & ne sont consumées, sinon par succession de temps, & par lōg & frequēt frottemēt: aucunes sont tortuēs, molles, putrides, pleines de veines & de neuds, trop rudes. Vne pierre molle est du gerre des queux, dōt sont faictz les vaisseaux à Come pour cuire les viādes: elle est tēdre à fin qu'elle puisse estre engranee, toutesfois elle cōsiste d'un humeur lent & glutineux, dont il aduiēt qu'elle resiste lōg tēps au feu, & est de couleur cendree & rouffastre. Cecy cōuiēt à toutes les queux principalemēt à la pierre de touche, dicte *Lydia*, qu'elles sont plus excellētes en la partie d'ēhaut, ou elles sont cuites du Soleil: la partie d'embas couchée sus la terre & l'humeur est la pire.

*La pierre in-
cisoire.*

En parlant de la queux, il me souuiēt d'un rasoir. Vne pierre est aux Indes de blōde couleur perspicue, qui coupe cōme un rasoir: & est raisonnable que le rasoir d'acier soit plus fort pour sa subtilité, que le vitre & crystal. Ce qu'ils adioustent à ceste pierre est admirable, qu'elle est aguisee d'eau, non d'une queux ou d'une meule, ou d'autre pierre. Cecy aduiēt pour la subtilité de sa substance.

*Le caillou ou
pierre dicte
silex.*

Le caillou dit *silex*, est proche au marbre & aux queux, quoy qu'il soit de substāc: epeffe: & est de diuers gerre,

tédre, dur, glutineux, friable, pesant, leger, subiect au feu & qui subitement est tourné en cendre, squalide, rouge, & de couleur diuerse. Le filex squameux endure les pluyes & le froit, souuent il se fond, finalement il est conuertý en cendres, plusieurs des autres pierres se cõuertissent en chaux. La pierre dicte *norimbergensis*, tiree hors de la mine fendurcit: les autres du mesme gerre se rompent plustost. Vne pierre naturellement est semblable au marbre, qui est sectile, & se fend facilement, de couleur cédree, & de mollesse grande: pource on la fend d'vne sie, non autremét que le bois, pour mettre en œure. Elle est en abondance à Venise. Mais pour l'obscurité de sa couleur, & pource qu'elle n'admet la splendeur, elle peut estre referée au filex. Car ce conuiet à tout filex d'estre squameux, & n'est parfaictemét poly, comme le marbre nitide, ceste pierre n'est nitide, ce n'est dõc marbre: elle n'est squameuse, donc vn filex.

Le marbre qui se fend.

Ce nom *saxum* est de toutes les autres pierres, dont sont six gerres distinguez par la propriété, par la force, couleur, peinture, forme, & par leur noblesse de resister au feu: desquels ensuit l'ordre. Le premier gerre dict *saxum*, distingué des autres par la propriété, est l'aimant, dit *magnes*, qui a deux ou trois gerres. Vn est de couleur de fer & blac, celuy qui est blanc est distinct des veines subtiles, qui sont de couleur de fer, qui est presque de toutes pars poly. Celuy qui est de couleur de fer a deux vertus cogneües de tout tẽps: il attire le fer, & le fer touché de l'aimat, attire vn autre fer, en sorte qu'il aduiet que les anneaux de fer s'entr'attirent par succession perpetuelle. Apres la vicille aage du temps d'Aristoteles si l faut adiouster foy à Albert, on a cogneu qu'ils sõt deux gerres de l'aimant, l'vn qui tire le fer vers Septentrion, l'autre vers le Midy. La chose est telle. Le fer aguisé en pointe, est froté à l'aimat: puis il est pédu en balâce: lors le fer se tourne çà & là de soy mesme, en sorte q la pointe regarde le Septentriõ ou le Midy. Ces quatre choses ont esté cogneües au tẽps passé. Mais cecy a esté cogneu du tẽps d'Albert, qu'il est vn gerre d'aimat, dit *theamedes* engendré aupres de l'aimat, qui reiette le fer. Cecy pareillemét a esté cogneu que l'aimat est attiré du fer, que

Les pierres dõctes saxa.

Les gerres de l'aimant.

La vertu penetre les corps, qu'il attire le fer, quoy qu'une
 table y soit entremise. Aussi selon le tesmoignage d'Al-
 bert, Aristoteles a cogneu l'usage de la bœste nautique,
 dicte *pixis*. Plusieurs choses donc ont esté inuentees au
 temps passé, que plusieurs estiment estre inuentees de
 nostre temps. Car aucuns attribuent l'inuention de la
 bœste nautique à vn nommé Flavius, laquelle estoit co-
 gneuë deuant le temps d'Albert le Grand. Et cest erreur
 est venu par l'inconstance d'Albert: car pource qu'il
 mesloit aucunes choses vrayes à plusieurs fausses, il est
 aduenü que les vrayes estoient estimees fausses. Tou-
 tesfois ie ne croy que cecy qu'on dict de la bœste nau-
 tique, ayt esté cogneu d'Aristoteles, veu que Galenus &
 Alexander Aphrodiseus n'ont fait mention de ces cho-
 ses admirables & vtils, lesquels ne laissent arriere aucü
 miracle de nature, quoy qu'il soit petit. Mesmement il
 est manifeste que ces choses ont esté incogneües aux
 Romains anciens qui ont souffert tant de naufrages par
 faulte de cecy, & souuent leur force a esté diminuee par
 naufrage, tandis qu'ils font guerre contre ceux de Car-
 thage: & la nauire d'Octauius fut dispersee alencontre
 de Sextus Pompeius. Derechef parlons des vertus de
 l'aimant, qui a couleur de fer, puis nous expliquerons
 les railons, en prenant nostre commencement de l'expe-
 rience. L'aimant donc attire le fer & l'acier. Hierosme
 Fracastoteus dict auoir veu que l'aimant attire l'argët,
 mais il n'attire en general tout argent. Pourquoy il atti-
 re le fer, la cause est pource que c'est son aliment: car cõ-
 me i'ay dict, les pierres viuët: pour ceste cause il est fort
 bien gardé en la limure du fer. Est-ce dõc merueille, s'il
 attire l'acier duquel la plus grande portion est fer? Si le
 fer est premierement touché de l'aimant, il est plus fa-
 cilement attiré: mais si l'argent en est attiré, il faut qu'il
 ayt quelque portion de fer: ou que ce soit vn autre ger-
 re d'aimant, dont ie ne parleray, comme de chose à moy
 incogneüe. Il me suffit que l'argët & les autres metaüx
 peuuent estre attirez par l'aimant valide, s'ils ont quel-
 que portion de fer. Et l'aimant n'attire de toutes pars,
 mais de la part ou il est d'escaille subtile, & plus d'une
 part que de l'autre, & plustost attire le fer pur, que le
 rouillé,

rouillé. Et n'est empesché de ce faire, comment on dict faussement, par les aulz, ou oignons, & moins par le diamant si ce n'est par auanture tant petitement, que seulement on peut s'en appercevoir aux debiles: aux autres on ne s'en apperçoit. Et le fer qui a esté froté avec vne pierre, non seulement est attiré de l'aimât plus subitement, mais plus facilement il attire à soy vn autre fer, que ne fait la pierre mesme. Car il semble que la vertu de l'aimant soit corroboree du fer, car les plus subtiles parties de la pierre adherentes en la superficie du fer, attirent le fer. Aussi vne grâde piece de fer au cōtraire attire à soy vne petite portion de l'aymant, & ce d'auantage, si le fer a esté touché de l'aymant, & l'aymant du fer. Cecy aduiuent pource que l'aymant desire le fer, comme son aliment lequel quand il ne peut l'attirer, il est attiré vers le fer. L'aimant a deux parties opposites, vne vers le Midy, l'autre vers le Septentrion. Quand il est tiré de la mine, il a vne mesme vertu, cōme les animaux qui retournent de soy-mesme à leur propre & naturelle situation. Et quand il ne peut se mouuoir pour sa pesanteur, froté au fer, il le mouue, mis en balence esgale: aussi pource que c'est vn principe naturel, que rien ne se mouue de soy-mesme. Veu donc que l'aymant a deux parties, le fer qui est touché de la part Septentrionale, dresse sa pointe vers Septentrion: & si touche à la partie Meridionale, la pointe est adressée vers le Midy: Cela donc est faux, cōme nous le voyons clairement en noz pierres, que l'aymant attire tousiours le fer vers le Septentrion. Dont il aduient que rarement les hommes puissent cognoistre sa vertu. Mais les parties ne sont exactement dirigées vers Septentrion, ou vers le Midy, ains vne chacune partie est dirigée vers le lieu distant de cinq parties du Ciel.

Dont il aduiet qu'aux horloges la ligne n'est tousiours semblable sus laquelle le fer doit reposer à la bæste, & au Midy, ou les ombres demonstrent les heures: car la ligne de la bæste, si l'horloge est bonne, elle flechie vn peu de la ligne du Midy vers l'Orient. Autre cause n'est sinon la situation de l'aymant. Et l'aymant reçoit de ceste part vne vertu, pource qu'il regarde le leuer de l'estoile en la queüe de la petite ourse, laquelle en cinq par

*Pourquoy la
ligne de la
bæste & du
Midy n'est
semblable
aux horloges.*

A

ties est plus Orientale, que le Pol. Et par raison contraire non des estoiles du Midy, ains de la mesme queüe de l'ourse, ou par son leuer la portion de l'aimant, qui regarde le Midy, acquiert sa vertu: ainsi il aduiet, que l'aimant semble auoir vertus contraires. Ce n'est d'oc merueille, si la suspicion du Theamedes est venue, pource qu'il reiete le fer, combien qu'il soit aimat. La chose est ainsi. Vne part de l'aymat pouffe le fer vers Septentrion, l'autre vers le Midy, come il est dict: & si la part qui est dirigee vers le Midy, est appliquee au fer qui tend vers Septentrion, l'inimitié naturelle le pouffera de plus grande impetuosité, qu'elle n'attirera le fer tendant vers le Midy: & derechef la part de l'aymant qui regarde Septentrion, appliquee au fer, elle le reiete de soy par la part dont elle touche l'aimant, qui tend vers le Midy: aussi elle attire vehementement vn mesme fer tendant vers vne mesme partie: la part exempte de l'aimant, attire le fer mediocrement. La cause en est plus claire que le iour: car les choses differentes sont repouffees, les semblables sont attirees. Pourtant le fer n'est repouffé d'aucun ayment, mais come participant de qualité contraire, ou pource que la pointe d'vn costé a esté touchée d'vn semblable ayment: pourtant quand vne pointe est attirée, l'autre est chassée. Si donc l'vne & l'autre pointe du fer est touchée de la part Septentrionale, l'vne & l'autre sera repouffée de la part Meridionale, comme si elle repouffoit tout le fer. Aucuns certifient vne partie estre en l'aymant, qui pouffe le fer vers Orient, & l'autre qui le pouffe vers l'Occident. Toutesfois par mesme raison que le fer est attiré de l'aimant ou repouffé, par semblable raison vn fer est attiré ou repouffé de l'autre, auquel l'aymant a touché. Le dy d'oc qu'vne pointe de fer touchée de la part Septentrionale de l'aimant, repouffe de soy vne autre pointe, le fer estant fixe, laquelle pointe mise en balance aura touché la part Septentrionale de l'aymant. Et par mesme moyen les petites pieces de l'aimant sont attirees de l'aimant, quand l'aimant ou ses pieces ont pris la vertu du fer. Pourtant l'aimant n'attire l'aimant, le fer adherent à l'aimant occultement. A tant excellentes vertus est adiouffé: que l'aimant mis

fouz la table faitt tourner legerement le fer mis sur la table en balance, quoy que la table soit entremise, & ce non sans grande admiration des assistans. Pourtant vn plat de bois plein d'eau, est mis sus la table, en ce plat est colloquee vne petite nacelle, composee de petits tableaux tenues, cōglutinez de glu seulement, sans fer: au deuant de la nacelle est mise l'image d'vne petite femme, belle, flechie, mouuante d'vn auiron ceste nauicule, en sorte que par le mouuement de la nacelle l'auiron soit mouué, & avec luy l'image de la femme: souz le pied dernier de la femme vn clou de teste large soit fiché sus la table, en sorte qu'il soit caché souz le deuant de la nacelle, sans toucher l'eau, vne piece d'vn vray aymât soit inseré au sommet d'vne verge faicte de sapin ou de corne, par laquelle l'aymant mis souz la table soit tourné: *Vne statue admirable.* & ainsi l'aimant mis souz la teste du clou, la nacelle sera mouuee par le mouuement de l'aimât ou tu voudras la mener: & l'image de la femme semblera estre viue à ceux qui ne peuuent voir la verge: & en quelque lieu que tu voudras mener la nacelle, elle semblera estre semblable à celuy qui tire l'auiron: ce n'est donc la matiere qui passe, mais chose semblable à l'esprit: car la table empêcheroit le mouuement, entendu que les corps ne peuuent sentrepenetrer.

Le blanc aymât succede à celuy qui a couleur de fer, qui est dict creagus, quasi comme attirant la chair: *L'aimant attirant la chair.* l'experience en est que le leger tiét aux leures, & est distinct de quelques veines, rare, toutesfois maintenant il est trouué entédu que nature n'a voulu aucune chose nous estre cachée. Peut estre qu'estant sec il est attiré de l'humidité, & ainsi il tient aux leures, non par autre moyen que les festus tiennent à l'ambre. Vn autre aymant ne semble estre different de cestuy duquel i'ay veu l'experience telle. Laurentius Guascus Cherafcus medecin empirique de Tours, auoit apporté ces iours derniers ceste pierre, & promettoit pouuoir penetrer toute la chair sans douleur, s'il touchoit vne aiguille: laquelle nous semblant ridicule, cōme il est de raison, il certiffia ceste chose par experience à mes cōpagnōs. Finablement,

à fin que i'experimétasse ceste chose incredible, i'ay mis en la peau de mon bras vne aiguille premieremēt frotée à l'aimant, & premieremēt i'ay apperceu vne trespetite imagination de ponction: apres quand l'aiguille penetrait tout le muscle, quasi droitement, lors ie sentoie l'aiguille penetrer iusqu'au profond en la part ou elle penetrait, mais ie ne sentoie aucune douleur: adōc i'ay reuelé à mes compagnons ce que i'auois experimenté sus moy. Je laissay l'aiguille lōg temps flechissant le bras de çà & de là, ie n'ay rien senty qui me fust moleste & le sang n'en est sorty, l'aiguille tirée hors, & n'est demouré aucun trou: seulement vnedemie goutte de gros sang est apparue, par laquelle on cognoissoit le vestige de la playe. Et celuy qui estoit auteur de ceuy ne vouloit observer le lieu des nerfs ou des veines, afin que nous entendissiōs plainement grande vertu estre en cest aymāt. Cest aymāt estoit plus petit qu'vne petite feue, plustost de couleur de bouis que blāc distinct de veines, de couleur de fer, fort doux & leger, en sorte qu'il ne pesoit que douze grains de blé. Et l'aiguille frotée que ie luy auois présentée, neātmoins qu'elle estoit autāt dure qu'au parauant, elle sembloit toutesfois tant douce qu'elle ne sembloit plus retenir la nature du fer. Quand ie considérois cela il m'est souuenu de ce que les petits enfans font coustumierement, quand sans douleur il percent d'vne aiguille leur peau prise de leurs doigts, & aussi la prominence charnuē de l'oreille, premierement frotée de leurs doigts. Par le frottement on a quatre cōmoditez à soulager la douleur, la rarité de la partie, par laquelle l'aiguille passe sans faire douleur, la chaleur qui ne permet qu'on sente la douleur: pource que toutes choses chaudes soulagēt le travail: aussi pource que la douleur qui est suscitée en frotāt soulage la douleur de pōction. Car il est escrit que de deux douleurs, qui sont selō vne mesme partie, la plus grande obfusque la petite. Et ceuy n'adient seulement, mais la moindte obfusque la plus grāde quād elles ne sont d'vn mesme gerre. Finablemēt de la part qui sent le plus, & ou est le nerf, l'esprit est exclus par le frottement: & ainsi telle partie peut estre priuée du sentimēt. Toutesfois en ceste premiere experiē-

*La cause
pourquoy la
chair est per-
cée sans dou-
leur.*

ce predite la peau n'estoit frotée, ains elle retenoit vn peu du sentiment de la douleur, & l'aguille ne s'est arrestée au dessus de la peau, mais elle a percé le muscle. Que dirōs nous dōc: Il faut amener raison d'autre part. L'expériēce mōstre que l'aguille frotée de suif, n'excite la douleur, ou bien petite en penetrāt: ou peut estre, vne forte graisse estoit en ceste pierre, ou la force estoit tant froide, que elle empeschoit tout sentiment, & le flux du sang. Est-ce le propre de ceste pierre, comme est de celle qui a la couleur de fer, par la laquelle, cōme j'ay dict, le fer est dirigé vers les parties qui sont en Septentrion & au Midy: ou si c'est point enchantemēt. Qui peut dire quel gain on peut faire de cecy: ou qui peut le pēser? Nous recitōs icy plusieurs choses qui semblent estre petites, & toutesfois qu'elles sont conuerties à l'vsage humain, elles apoxerōt grāde vtilité, & à plusieurs vn gain deshōneste. Les armēs dequoy on defend le pais, & dōt vsent les larrōs pour tuer les viateurs sont semblables. Qui est ce qui ne diroit n'estre tāt d'auoir cinq cēs arpēs de terre, voir mil, que de sçauoir cest art abusif? Alexāder de Verone l'a monstré à Milā depuis peu de temps. Car aucuns seruiteurs & enfans vulnerez de fer par cest art prestigieux, & d'enchanteur, & toute la chair de poictrine percee, mesmement les hanches: & tous espouuentez de leurs playes, & n'estimās qu'ils ne sentissent douleur (car les playes n'estoiēt faites de l'aguille, ains de grāds cousteaux) ils estoient guaris incōtinent en mettant de l'huile, qui auoit vn peu de sarcocolla, ou d'encēs ou d'aloës, ou de quelque autre drogue, qui mōstroit que l'huile n'estoit simple. Ils estoient guaris, cōme j'ay dict, selon la nature de la pierre prestigieuse & enchātee: & leur sembloit qu'ils estoient guaris pour la confidence de l'exhortateur, entendu que l'huile n'y profitoit en rien, toutesfois toute la vertu de la guarison estoit remise en l'huile. Pour ceste cause l'huile estoit autant vėdue que l'apreciateur l'estimoit. Il seroit facile de persuader cecy, mesmement aux plus rusez, qui seroient ignorans de l'enchantemēt, pensans estre guaris tant subitement par ceste huile. Et à tant facile erreur des hommes, il adioustoit que ceste huile appaisoit les douleurs, qu'elle chaf-

*Vne fraude
de grād gain.*

*De sarcocol-
la Dios. li 3.*

soit l'epilepsie, qu'elle faisoit mourir les vers, qu'elle finissoit les fièvres: toutes ces choses, la credence, le hazard, les medicamens appliquez, aydoient les patients. Car plusieurs choses ameres & odorates peuuent terminer plusieurs douleurs, chasser yctositez, ayder la coction, tuer les vers, faire cesser les fièvres lentes, donner secours aux epileptiques: car toutes ces douleurs s'ont presque causees de l'humeur pituiteux. Ceste huile donc selon l'opinion de tous estoit medicinale. Et tant en estoit vendu, & de tant grand prix, que cest enchanteur en receuoit tous les iours presque six escus, sans ce qu'il gaignoit à penser les malades, comme s'il eut esté quelque scauant medecin fameux. Il estoit vestu de pourpre, il estoit monté sus vne belle haquenée, il estoit accompagné de plusieurs seruiteurs: ce faisoit foy à la tromperie, & gaignoit beaucoup. Il n'eust peu porter tant grande despée à moindre pris. Mais ceste huile appliquee aux autres playes, quand l'enchanteur estoit absent, manifestoit la tromperie de l'huile, qui n'estoit de tant grande vertu que l'huile pure des oliues: car l'huile pure, come j'ay dict autresfois, peut guarir les playes recentes, pource qu'elle ne se pourrit, comme dict est. Or c'est assez dict de ce propos. Il faut laisser quelques doutes à ceux qui viendront apres nous. Maintenant retournons à l'aimant qui a couleur de fer. Cest aimant est engendré en Espagne & en l'Isle Ilua, qui est entre Corse & Italie, maintenant dicte Elba, aussi il est engendré en plusieurs autres regions: mais j'allegue les plus proches, à fin que ceux qui pensent que l'aimant soit dirigé vers les regions ou croist le fer, soient arguez & repris d'erreur manifeste: car les regions ou est engendré cest aimant, ne regardent les parties que faict le fer frotté de l'aimant, & n'est seulement vne region qui le produise. Il est semblable au fer en substance & en pois: & est quasi dit le masse. Aux choses qui ont sentimét le masse est mouué vers la femelle, car il est attiré par le sentimét. Aux choses qui n'ont de sentimét la femelle est attirée par le masse. Pour ceste cause le fer est attiré & rayuy de l'aimant, toutesfois, come j'ay dit mutuellemét ils sont mouuez l'vn vers l'autre. Mais pourquoy nul autre

metal est attiré d'autre pierre : pource que nul metal est tant froid que le fer, & parauenture il ne peut estre totalement que les autres metaux soient attirez d'autres pierres. Sarcophagus, calamochus, halcyonium, pumex, smiris, tripolis sont celebres pour leur vertu, Sarcophagus, quasi mangeant la chair, est vne pierre legere, blanche, grisastre, friable, en la superficie de laquelle est quasi vne farine legere : en bas & au dedans sont comme veines violettes.

Sarcophagus est pris aussi pour vn sepuichre.

De ce les anciens faisoient les sepulchres, pource que dedans quarante iours les corps y estoient cōsumez, exceptes les dets. Par mesme moyen la chaux viue iettee dedas les fosses voutees, en mettant de l'eau dessus, mange & consume les corps qui sont illec inhumez : aussi faict la cadmie meslee avec de la terre : car toute chose grandement subtile & seche, & qui peut brusler consume, non seulement les chairs des morts, ains aussi les os : & non seulement des morts, mais des viuans, dont est faicte vne crouste de playe, dicte escaroticum, sans douleur, qui facilement perce la peau en vingt-quatre heures. Si la peau est entiere, l'vnguent envelopé de cuir, est mis dessus : si la peau est corrompue, comme il aduient aux gales, la place est lauee de fort vinaigre. Ce médicament est composé de saumon tendre & de chaux viue, le tout bié meslé, en sorte qu'il soit cōuert en forme d'vnguent mol. Si donc le sarcophagus a quelque vertu, par mesme moyen il donne soulagement aux douleurs des podagres, en consumant petit à petit les humeurs. Et tāt plus le bon vinaigre est fort, tant plus il exempt, comme de la douleur, ainsi du sentiment : car il attire l'humeur interne, il l'attenué & dissout, pource il seche fort.

Escarotique, c'est à dire vne crouste de plaie.

Podagres, qui ont mal aux piez leur remede.

Calamochus est l'escume des roseaux, dictz arundines, les Arabes l'appellent Adarce : ceste pierre est engendree alentour des roseaux aux lieux maresqueux : en secheté elle est de saueur vn peu salee, semblable à sarcophagus en vertu. Sa couleur est comme celle de la pierre dicte asius : elle est pleine de pertuis, treschaude & vehemente.

La pierre dicte calamochus.

Halcyonium est presque semblable à calamochus en vertu & forme, qui vaut autant à dire comme l'escume

La pierre dicte halcyonium.

de la mer: & est en abondance & en vsage. Il semble que le nom soit deduit du nid des oyseaux, dont nous parlerons cy apres. Toutesfois non seulement vn nid, mais aussi vn vil excrement de la mer est dict de ce nom: car halcyonium est equiuoque.

*La pierre dite
Ete pumex.*

Il est manifeste que pumex est vn gerre de pierre, mol, aduste au feu sulfuré ou ensouffré, & porté en l'air. On dit qu'il empesche que le moult dict en Latin *mustum*, ne boult point: & quand il est pris deuant autre viande, il empesche ebriété, mais non sans grand peril.

*La pierre dite
Ete smiris.*

Smiris est du gerre des pierres qui sont rudes & dures: il peut briser les pierres precieuses, & mundifie les dents en frotant. Au temps passé ils engrauoient de la pierre dicte porous, & des fragmés de la pierre dicte obsidiana, les pierres precieuses. Et si la pierre porous n'est smiris, elle estoit incognue aux anciés. Smiris est de parties subtiles & denses, & de substâce solide: en sorte que ceste pierre polit le fer, & l'aguise, & luy donne vne splendeur, & mesmement à l'acier. Car la splendeur est faicte par la superficie rasee, iusqu'à ce qu'elle soit egale & desce. Pourtāt aucunes choses reluisent, aucunes non. Toutes choses dures reluisent, & tant plus sont dures & denses, tant plus reluisent. Pour ceste cause les pierres precieuses reluisent plus que les metaux, & les metaux plus que le bois: & entre les pierres le diamant reluit le plus, pource qu'il est le plus dur: entre les metaux l'or reluit le plus, pource qu'il est le plus pur: entre tout gerre de bois, l'ebene: entre les os, l'iuoire: entre les cornes, celle du buffle, dict buffalus: par mesmes raisons, toutes choses qui serōt plus dures & plus denses que les susdictes, reluisent d'auantage, & sont plus splendides. La splendeur donc est adioustee quand la superficie est polie & frottee de l'or, pource que l'or, quoy qu'il soit subtil, est toujours tresdense. Et toutes choses qui polissent: sont dures & vnies, & ce qui est vny est subtil, ou de parties subtiles. Pour ceste cause tripolis polit mieux, & plus exactemēt que smiris: ceste masse est de couleur de fer, ou plustost de couleur iaune: ou si tu veulx c'est vne pierre tēdre, dicte pierre, non pour la durté, ains pour la subtilité de la substâce. Et plusieurs choses semblent estre

*La pierre dite
Ete tripolis.*

molles en ces matieres, qui toutesfois sont dures. Aucunes pierres sont faictes dures de matieres molles par glutinosité, comme la pierre dicte silex, aucunes sont faictes molles de matieres dures, comme tripolis.

Tartarum, dict vulgairement le tartre, est composé de la lie du vin, qui n'a son semblable pour deteger & purger: pource il purge & consume les choses sordides, & engendrees en places dures, mesmement les excrescences de la chair, & faict reuenir la chair viue. *La pierre dite Ete tartarum.*

Gypsum, vulgairement le plastre, est vne terre blanche, glutineuse, legere, idoine & propre pour bastir edifices, qui faict reprendre les vlcères: sa fleur est dicte de plusieurs talchum. Aucuns veulent que talchum soit vne autre pierre que la speculaire. Quoy que ce soit que talchum, qui est semblable au vitre, squameux, perspicu, & quasi speculaire. Le talchum beu du pois d'vne noix aueline, profite grandement à la difficulté & maladie des intestins. De ce gerre mesme semble estre vne pierre encroustee, dicte crustaceus, de noire couleur, distincte de veines de couleur d'or, dont sont faicts les tableaux apportez de Norimberge. Les pierres sont sans nombre excellentes en beauté. La cause de la varieté sera dicte au traicté des plantes & des arbres. *Gypsum vulgairement dit le plastre.*

Trochites est rayé & ridé en la plaine: & au milieu de la plaine est vn poinct, dont les rayes & rides sont tirees: & ceste plaine est circuite d'vn tympane leger. Trochites mise au vinaigre, & mouee de loy-mesme, non autrement que l'astroites. *Trochites.*

Entrochos est composé de plusieurs trochites: & sa vertu est telle qu'est celle des parties dont il est faict. *Entroc.*

Pentacrinos represente cinq fleurs de lis, & vne pierre ridee, dicte striatus. *Pentacrinos.*

Encrinos est composé de plusieurs pentacrins, vne pierre rouge qui naist aupres de la noire. *Encrinos.*

Belenites a la forme d'vne fleche, ayant vne fente dedans selon la longitude: & contient vne autre pierre qui luy est ioincte d'vne armure iaune. Et neantmoins qu'aucunes de ces pierres attirent les festus, en vain on a estimé que ce soient les pierres dictes lyncurij, veu qu'elles sont engendrees aux lieux desquels les bestes *Belenites.*

dictes lincs ou lincs sont loing.

Conchites est dict à la semblance d'une coquille, de rides courbees, decoré d'armature iaune. il est vn autre gerre de conchites, qui est espece de marbre, blanc, mol, auquel coustumierement sont trouuees les escailles des coquilles: au temps passé on n'en trouuoit aucune part, sinon en la ville Megara, comme Paulanias tesmoigne. Et cecy est vn certain indice, que la mer auoit au parauant couuert la region où est situee Megara. Car les escailles des coquilles, quand elles sont de long temps, elles deuiennent pierres en plusieurs lieux entre les rochers, & souz la terre, la forme retenuë, la substance muce. Pourquoy c'est qu'aucunes de ces pierres sont munies d'armatures dorces ou argentees, la matiere qui n'est sans saline en est cause: car le sel respandit: & elles sont faictes de quelque pure portion de sel. Celles qui sont faictes de coquilles, sont composees de quelque portion salee: & ceste portion iectee exterieurement au grand froid du lieu, elle fait vne armature, pource que la partie aqueuse reluit. Et pourtant que la matiere aqueuse est meslee à la terrestre subtile, elle n'est consumee. Aucunes de ces choses sont de nature prouide, & regardante à certaine fin: aucunes sont arguments du monde perpetuel.

- Ostracis.* Ostracis est semblable aux coquilles, & est tiree hors de terre comme la speculaire.
- Onychites.* Onychites est semblable aux ongles odorantes quāt à la forme.
- Ctenites.* Ctenites est ridé en la forme & maniere d'un pigne.
- Strombites.* Strombites est trouué en la maniere d'une coquille, tendant en pointe.
- Porphyroides.* Porphyroides est de couleur cendree, de rouges aguillons procedans de clous comme d'armature.
- Myites.* Myites est semblable à vn muscle, ou petites souris, d'extremitez subtiles, gros au milieu.
- Rhombites.* Rhombites a deux gerres. Vn est composé d'escailles aya ns la similitude d'un rhombe, dont il a pris le nom, cestuy est blanc: l'autre a la figure d'un cylindre pressé: toutesfois il est ridé dedans & dehors, en sorte qu'il refere la figure du rhombe.

Pétagonus & Hexagonus ont vne marge, & au milieu vne plaine, comme vn tablier de trictrac, où est vn poinct, dont les coins sont deriuez iusques aux extrémités, comme les rayons, & rides de trochites. La contrée de Saxone, dictée Hildesheimius produict toutes ces especes des pierres susdictes: & Valerius Cordus homme grand arboriste en a apporté à Georgius Agricola, lequel Cordus estant à Rome pour l'affection qu'il auoit d'apprendre plusieurs choses, mourut en la fleur de son aage, au grand regret de tous sçauans, & de ceux de Germanie son país. Luy-mesme apporta plusieurs autres pierres, de beauté singuliere & admirable, comme la glossopetre, semblable à la langue d'un piuert, dit *picus*, trouuée à Luneberge aux mines pleines d'alun: & comme selenites, qui a la forme de la Lune croissant: selenites est couuert aucunesfois d'armature dorée, aucunesfois argétées, aucunesfois adamatine, ou de couleur de diamant: & est trouuée en Mariebourg, comme *Hyserapetra* est trouuée aux champs de Trenes, qui a la forme de la partie honteuse de la femme: & ceste pierre est noire, & fort dure. Et aupres de Salphelda des Lorrains au puys profond de vingt aulnes, vne pierre a esté tirée hors, qui auoit la forme de la poitrine entiere de l'homme, avec la differéce des costez, elle estoit toutesfois vn peu plus estroicte que la poitrine humaine.

Semblablement Cordus apporta des pierres de couleur perspicuës: il apporta amochrysos de couleur iau-ne, squameux, dont est faicte vne arene ou poudre iau-ne, apte à sécher l'écriture: i'ay expérimenté que si on le tient vn iour entier aupres du feu qu'il rend d'auantage de poudre, & meilleure & plus belle. Autant en faict la pierre dictée *armatura*, qui est squameuse, de couleur argentee, bonne à tel vsage qu'amochrysos.

Hieracites imite les penes d'un espreuier ou d'une perdrix, en rides & en couleur.

Pyraustus qui est de couleur luisante, & excellent d'armature iau-ne, creux, splendifant: pourtant mis au Soleil, il allume le feu, nō autrement que le miroir creux: ceste pierre mesmement a esté trouuée de Cordus en la

Pentagonus
& *Hexagonus*
qui ont
cinq & six
coins.

Glossopetra
Selenites.

Hyserapetra

Amochrysos.

Armatura.

Hieracites.

Pyraustus.

contree dicte Hildesheimius.

Alabādicus. Il suffit de scauoir qu'Alabandicus refere diuerses figures teintes. Il est vn gerre de marbre qui aucunesfois a la figure de la teste d'un Roy avec son diademe: ces choses aduiēnent aucunesfois par cas fortuit, aucunesfois par la nature de la pierre. Il reste que nous parliōs des pierres noires qui se fendent facilement, desquelles grande abondance est en Italie: & sont de nul prix. Elles sont molles, & les lignes blanches sont escrites en icelles par les pieces de la pierre mesme. La seule salie peut effacer les lignes ou esécriture: & quoy qu'on ne les efface point, elles n'y tiennent long temps. Elles seroiēt viles à s'exercer à l'esécriture, si elle ne se rompoient tāt facilement. Pour ceste cause on a inuenté des tablettes faictes de lin subtil enuironné de plastre, & le vernix (ainsi on appelle ceste liqueur) est mis sus le plastre, & tablettes se flechissent, & ne rompent point: & reçoiiēt l'encre à escrire, & la gardent long temps qui n'est effacée, sinon par espōge humide: ie croy que ces tablettes estoient en vsage au temps passé, comme il appert par la raillerie d'Auguste, qu'Ajax estoit tombé mort dedans l'esponge: toutesfois l'vsage de la cire estoit lors pour escrire les epistres, & petites compositions: mais les matieres qui requeroient eternité, estoient engrauces en crain, ou en cuire. Maintenant aucuns vsent de tablettes faictes du bois de figuier, & de la cendre des os, ce qui a esté cogneu par la louange de M. Marcellus.

Si les pierres ne viuoient, les pierres precieuses pourroient estre faictes par artifices. Or qu'il soit necessaire que les pierres ayent vie, il est monstré suffisammēt. A la mienne volenté que les pierres precieuses n'eussent de vie: car rien n'empescheroit qu'une grande pierre precieuse ne fut faicte de poudre compolce de plusieurs esmeraudes, mise souz terre, & l'humour treslucide adiousté. Par les choses susdictes nous pouons entendre que les pierres sont augmētees en deux manieres: ou que la matiere viēt & croist tousiours par les veines, & que la pierre est nourrie non autrement que l'homme: ou qu'une chose telle par puissance, cōme en la generation d'un poulet faicte d'un œuf, est faicte telle par effect: car par la succession des iours

tout le poulet est parfait : & les parties en mesme tēps prennent leur commencement en la matiere avecques presque toute leur magnitude, afin que ce qui estoit premierement blanc, rougisse, puis qu'il se forme en nerfs, en os, en membranes, & en autres choses semblables. Et pource que les pierres descendent au fond de l'eau, elles ne meritent d'estre dictes terrestres: mais vne tres petites portion de terre suffit à la descēte, quād l'humour est concret, & assemblé. Toutesfois les pierres tres-lucides sont de substance aqueuse, ou condensée par froid: pource elles se fondent au feu. Le caillou dict silex, ne reluit, pource qu'il est terrestre: toutesfois il se dissout pourtāt qu'il est condensé par le froid. Mais les pierres opaques, telles que sont plusieurs, & qui se conuertissent en chaux, ne sont condensées totalement par le froid, & ne sont de substance aqueuse: ou si elles sont condensées par le froid, pource qu'elles semblent estre froides, elles ont moult de terre, & peu d'eau. Il est donc manifeste, pourtant que le crystal est vne pierre perspicuē, & que facilement il se fond, qu'il est de substance pure, aqueuse, & condensée de froid.

Autres pierres sont de contemplation plus subtile, & plus obscure, en sorte qu'elles approchent aux choses miraculeuses. Ceste chose est telle que Paulanias refere, qu'une pierre estoit au chasteau de Megara aupres du feu, laquelle touchée d'une petite pierre sonnoit cōme vne harpe touchée de l'archer. Je sçay que plusieurs se mocqueront de moy, qui refere choses fabuleuses en la maniere de Pline: mais quant à moy, ie ne suis en debat, si cecy est aduenu, quoy que j'aye Paulanias pour bon tesmoing: or qu'il ne soit aduenu, & qu'il ne puisse aduenir, ie n'en doute. Il fault plustost enquerir diligemment, comme ce peut aduenir, si c'est par nature, ou par art, il n'y a de difference. Prenons donc exemple de ce qui est par art, comme le plus cogneu, & le plus facile. Entendu que les harpes sonnent pource que le bois est creux, cauerneux, & diuisé en plusieurs retraittes, il faut penser qu'autāt en est à la pierre. Et afin que la chose soit telle, outre les cauernes, il est necessaire aucune matiere metallique apte au sō y estre entremeslée,

Vne pierre touchée d'une petite pierre sonne cōme vne harpe.

Entre les metaux, l'airain principalement refonne, & le cuiure aussi, qui est dict *es cyprium*. Les anciens confabuloient, qu'Apollo auoit illec mis sa harpe: & ce me semble chose monstrueuse, que les anciens esmeruilloient grandement cela. Vne pierre estoit en Olympia qui espouuentoit les cheuaux, en sorte qu'ils rompoient les chariots, & icétoient les cheualiers en bas, mesprisans les brides, & menaces des charretiers, dont le nom *Taraxippus* est imposé à la pierre, qui signifie cōturbateur & la crainte des cheuaux. Et en ce n'y a d'enchantemēt, ny aucun art: mais la pierre estoit telle de foy qu'elle estoit rouge, & splēdide en la maniere de flamme: pourtant les cheuaux imaginans le feu, ou deceuz de leur propre effigie, se tournoient en fuite. Car les cheuaux craignent fort le feu. Il me souuient de ce qui m'est aduenu, trois ans ja presque passez: i'estois à Ianue, ie soupois chez vn noble homme François Duard, receueur de l'Empereur, apres soupper il pleut grandement: i'eusse esté chargé de mon chapeau, de mes bottes, de mon gaban: Il nous baille, comme il estoit humain, de puissans cheuaux: nous montōns dessus. Ludouicus Ferrarius estoit avec moy: quand nous sommes passez par quelque chemin, nous rencontrions gens qui portoient torches allumees: le vent soufloit de ceste part, & portoit des scintilles deuant nous assez loing: les cheuaux fort espouventez nous fumes en peril, tellement que les seruiteurs qui estoient avec nous, ne pouuoient tenir les cheuaux, quoy qu'ilstinsent les brides de peur qu'ils ne leuassent les pieds en hault. Le chemin estoit estroit: les costez estoient en pentis: & si les cheuaux eussent dressez les pieds en haut, c'estoit faict de nous, entendu que les seruiteurs ne les cheuaux n'eussent peu faire, qu'ils ne fussent tombez à cause des pluyes. Et pource que ja i'ay allegué ceste histoire, il suffit maintenant d'aduertir que les cheuaux sont espouventez du feu, & que pource la pierre dictē *taraxippus*, les a faict fuir non par miracle, ains par certaine raison.

Or afin que ie finisse finablement mon propos de toutes les matieres metalliques, il faut monstrer comment on peut recognoistre, & distinguer les vrayes pierres



precieuses des fausses, quand elles sont
aux anneaux. Hierosme Guerinus la-
pidaire m'a monstré premierement
cecy, duquel j'ay parlé cy dessus: & j'ay
adiouisté la demonstration. Que les an-
gles & les costez soient contemplez,

*Comment on
peut cognoi-
stre les faus-
ses pierres.*

l'anneau tourné çà & là, & ils sembleront estre de petite couleur: que la couleur soit c, l'œil soit d, les angles soient a b: il est manifeste, que d ne verra a par la couleur c, pource que la ligne d c tombe dessus le point a. Derechef, si l'anneau est retourné, il en aduendra chose mesme. Et la superficie a b est mise sus l'ongle, la couleur ne sera veüe aux angles, & sera encor plus petite: car les rayons puissans sont rompuz en la vraye pierre par la plaine de l'ongle.

Il est vn autre marché de grand gaing, quand de la coquille des marguerites s'ot forrees tres-belles perles, dictes vniones. Ceste fraude a esté tant bien practiquee, que mesmemēt les lapidaires ne peuuent distinguer les marguerites des perles: la couleur, la splendeur, la substance, le pois conuient bien. Aucuns sont qui font les perles de deux pieces, pour la subtilité de la coquille.

*L'adultera-
tion des mar-
guerites.*

Quand j'escriuois ces matieres, vn debat estoit d'vne marguerite, qu'vn lapidaire auoit acheptee soixante & huit escus, qui estoit faicte d'vne coquille: le prix de l'estimation estoient deux cens escus. Ils esperoient tromper les Allemans ou les François, pource qu'ils ne sont de tant grand entendement, ne de tant grande fallace que les autres: car ils les estiment estre barbares, veu que vrayement nous sommes les plus barbares: car c'est chose plus barbares, & aliene d'humanité de tromper, que d'estre trompé & deceu. Or c'est assez disputé des matieres metalliques, maintenant venous au traicté des plantes.

Fin du septiesme liure.

DES PLANTES, DES
ARBRES, ET DES HERBES,
LIVRE HVITIEME.



*La haine &
l'amitié des
plantes.*

Les plantes sont plus nobles & excellentes que les matieres metalliques, & quelque image du sens reluit en elles. l'estime qu'il est assez congneu que les plantes ont haines entre elles, & qu'elles s'entr'aiment: aussi qu'elles ont membres propres pour faire leurs operations. On dist que l'oliue & la vigne hayent les choux: le concombre fuit l'oliue, & la vigne aime l'ormeau. Ainsi le myrte planté aupres du grenadier le rend plus fructueux: le myrte en est plus odorant: l'un & l'autre prouient fertile, & abonde en tout. Toutesfois vne cause est generale, pourquoy aucunes plantes sont pernicieuses aux autres voisines: car entendu qu'elles croissent par la chaleur du Soleil, & l'humeur de la terre, il est necessaire que tout arbre opaque & espes soit pernicious aux autres: aussi celuy qui a plusieurs racines: car par la grande multitude des racines l'humeur vital est espuisé & consumé, par lequel la plante voisine qui est debile doit estre nourrie: & par l'ombre les plantes & la terre sont reffrigerees, en sorte que pour ceste cause les arbres ou les herbes qui sont à l'ombre, semblent estre ancanties. Pourtat le noyer est nuisant par les deux vices: car il a les fucilles grandes, & a grand nombre de racines: & le figuier a les fucilles aussi fort grandes. Comme i'escrivois cecy, i'ay apperceu au blé aux champs aupres d'une haye, qui estoit petit, aride, vulgairement dict affamé, rare, autrement mal planté, & de petite verge, pource que la haye basse & rare empeschoit, non long temps, ne totalement que le Soleil d'Orient ou d'Occident ne donnaist sa lumiere sus le blé. Ces choses donc sont generales, les autres sont propres.

Ilz

*Les especes
des plantes.*

Ils sont quatre gerres de plantes, les arbres, les arbrisseaux, les sous-arbrisseaux, les herbes. L'arbre est de quelle tronc reuerdit d'an en an, & paruiet en grande hauteur comme le poirier. L'arbrisseau dict frutex, est duquel le tronc demeure d'an en an : mais il ne croist fort haut, comme le rosier & le myrte. Le sous-arbrisseau, dict subfrutex, est qui demeure sous le tronc, toutesfois il n'excede la hauteur des herbes, come le Brussecus, qui est vne espeece de houx. L'herbe est qui n'a de tige, ou de tronc, comme la jombardé, dicte en Grec *ai Roum*, c'est à dire en Latin *semperuina*, toujours viuante; & la sauge: ou elle a de la tige: mais elle chage par chacun an, comme le fenouil, dict *feniculus*, en Grec *maratton*. On peut adiouster le cinquiesme gerre entre l'herbe & l'arbrisseau, comme la ruë, dicte *ruta*: car aucunesfois la ruë croist grande comme vn arbrisseau, aucunesfois elle demeure herbe: ce qui aduiet pareillement au chou. Mais le chou principalement qui a grosse feste, croist fort haut, comme en Pannonie.

Mais les arbres, les herbes, & les fruiets croissent grandemêt par artifice, comme les grenardiers & les coigniers aussi les peschers. Et des herbes bonnes à manger, celles qui sont verdes croissent en arbrisseau par industrie & artifice au temps d'hyuer. Aucune n'est à ce plus apre que la ruë, comme de celle dequoy Iosephus Hebreu a escrit, qu'il y a vne ruë, dicte *ruta*, en Iudee, qui n'estoit inferieure en hauteur & magnitude au figuier. I'ay veu moy-mesme au iardin d'vn medecin Milanois vne ruë, laquelle par plusieurs ans estoit cruë en arbrisseau. Pourtât il est manifeste que les plâtes ne different d'espeece pour la multitude, ne pour la viuacité: ny aussi pour ce que les fueilles ne retiennent vne mesme grandeur, ou pour ce qu'elles sont perpetuelles à aucunes plâtes, & tōbent aux autres: ou pour ce que la couleur n'est semblable à toutes les autres, ou pour ce que l'vne est sterile, l'autre apporte fruiet. Il faut donc prendre la difference des plantes en quatre choses, desquelles la principale est la faculté, vertu, ou propriété: car la vertu prouient de la forme, & la forme est qui distingue les especes. Et trop moins il peut estre que le saule soit & de-

*Les plantes
n'ont leur
propre difference
par ce
qu'aucunes
d'icelles sont
plus grandes
ou petites.*

En quoy consiste la difference des plâtes.

Vitex est vn arbrisseau qui s'estleue haut comme vn arbre.

Diosc. lib. 1.

uienne vitex, dict lygos, & agnus castus, qu'un asne soit beuf, quoy que le saule, dict salix, & le vitex ayent les fueilles & l'escorce semblables. Car vitex est chaud & sec au troisieme degre: l'indice en est qu'il dechasse les ventositez, & qu'il florit le premier entre les arbres: mais le saule est froid & humide: il florit tard, engendre ventositez. Aussi les odeurs manifestent la temperature des plantes. Les plantes donc qui sont d'une mesme espece, quoy que l'une aux Indes, l'autre en Scythie soit engendree, necessairement elles sont participantes de mesmes vertus principales. Pourtant c'est chose absurde de croire que mesmes plantes ayent diuerses & contraires vertus, come mesmes plantes ayent mesmes vertus: & que la proportion des plantes & des animaux soit diuise. La secõde difference est prise de l'odeur, la tierce de la saueur, la quarte, qui est la principale, doit estre prise de la figure des fueilles, des fleurs, des fruiçts, de l'escorce, des racines, & finalement de toute la plante. Et quant à la magnitude, le cerisier n'est-il par arbre haut? Toutesfois entre les cerisiers, ceux qui sont appelez Macedoniques ne sont plus hauts qu'une palme. Pour ceste cause la question douteuse qui estoit de la buglose au teps iadis, est maintenant censee. Car entendu que quand les plantes sont presque pareilles en forme, en vertus, en odeur, & en goust, il est manifeste qu'elles doiuent estre mises en vne mesme espece. Puis que nous cherchons les noms d'icelles à cause de leurs vertus, il est appert que le medecin doit les estimer dignes d'un mesme nom, entedu qu'elles ont mesmes vertus: l'arboriste ou herbier doit les appeller selon la proportion de leur figure, le medecin ne doit le faire en telle sorte. Quand ces deux choses consentent ensemble, il est necessaire aussi, que les autres choses y soient. Il faut donc plus tost experimenter la nature & vertu des choses, que les dictions de Dioscorides, lequel quoy qu'il ait esté grand personnage à cognoistre les medicaments, tres-diligent à les traicter, tres-excellent à les expliquer, toutesfois quant au gerre de sa doctrine il estoit empirique, en la discipline & condition il estoit gendarme, duquel les escrits sont venus à la posterite maculez

Dioscorides.

de plusieurs fautes, d'où sont venues tant de contentions qu'on est hôteux de l'inconstance. Il conuient donc experimenter les medicamens, non par les noms, ou par la magnitude, ou par la couleur, ou par la fécondité, ou par les choses qui sont muées selon la variété des regions, ains par les vertus, par la figure, par l'odeur & saueur. Et les plantes qui conuiennent en choses dernières doiuent estre estimees d'une mesme espeece: & celles qui ne conuiennent doiuent estre estimees de diuerses espees.

Vne mesme chose est dictée en plusieurs manieres par espeece, par vne certes qui est dictée vltime, par vn autre qui derechef a plusieurs & diuerses differences. De n'auoir point aucunes ou d'auoir les autres, ce n'appartient à la difference de l'espeece: mais c'est l'argument des lieux, entendu qu'il est certain que l'espeece ne varie plus ou moins, & vne n'est plus espeece que l'autre. Pourtant *fraxinus*, *lingua auis*, qu'aucuns appellent *Fraxinella*, & le *diptamus*, dont nous vsons, non cest antique de Dioscorides, ne de Virgile, duquel il dit, La mere cueilt le *diptamus*, &c. ains, come i'ay dict, est celuy que nous auons sans doute: certainement la vertu & la forme en sont semblables. Vray est que *fraxinus* est vn arbre, dict le fresne, *fraxinella* est vn arbrisseau, *diptamus* est vn herbe, qui sont plantes toutes de grande siccité, & pource sont contraires aux serpens, & mortiferez aux vers. Et comme le fresne est le plus robuste, aussi on dict que sa seule ombre peut chasser les serpens. Et toutes ces trois plantes attenuent & amaigrissent grandement. Pourtant on recite que quand Sanctius Roy des Espagnes estoit tant gras qu'il ne pouuoit aller à cheual, ne tourner commodément ses mains, comme par ennuy de viure appella vn excellent & fameux medecin d'Afrique: & i'estime qu'il fut pensé de la graine d'herbe qui est dictée *lingua auis*, l'angue d'oiseau, ou par venin entremeslé, ou par l'intemperature du corps mué, au contraire, il mourut en brief. Il est donques manifeste que ces trois plantes attenuent gradement, entendu qu'elles consomment la rate: car elles digerent vehementement ce qu'elles attenuent. Et non sans cause c'est tresbon medicament pour les personages grasses. Tu

B ij

*Histoire de
Sãltius Roy
d'Espagne.*

La sabine, autrement sabinier.

diras, La region n'est elle pas cause de paruité aux plantes, veu que toutes ces especes sont trouuees en vne mesme region? Le respon qu'elles ne sont d'vne seule region, entendu que premierement les plantes des cerifiers Macedoniques ont pris leur origine en la region mesme des Macedones: & apportees de là, elles retiennent encor leur paruité. Il en aduient autant aux especes de fresne, à la sabine, au cypres, & à la santonique. Les arbres sont attenuez par alimés, comme les chiens, lesquels nous faisons venir petits & grâds, & leurs chiés mediocres, & de petits minimes, en leur donnant peu de viuife. Les femmes scauent bien telle pratique. Donc vne mesme raison est aux plantes que nous transplacions & transportons agrestes & petites d'un lieu, ou d'vne region, ou des montagnes, ou d'vne terre aride en vn autre, quasi comme arbres ou herbes de nouveau gerre.

Comment est engendré la fleur du chardon dicte pappus.

Les couleurs des fleurs.

Tu obiecteras, Toutes choses qui cōuiennent en forme, en vertu, en odeur, & saueur sont elles point d'vne mesme espece? Car le saule & le vitex ont les fueilles, le tronc, & l'escorce semblables: mesmement elles ont l'odeur fort, elles sont ameres, toutes ces deux plantes sont steriles, elles rendent les hommes effeminez, & steriles: le vitex les rend tels, pource qu'il est chaud & sec: le saule, pource qu'il est froid & humide. La saueur amere, & l'odeur fascheux ne sont semblables à l'vn & à l'autre: mais ce leur aduient par diuerse raison. Outre-plus le saule produiét vne larme condensee, & aussi il produiét vn poil folet, comme fleurs des chardons, diés pappi, apres qu'il a flori: le vitex ne produiét rien de l'vn ne de l'autre. Tel poil folet, diét pappus, est engédre d'humeur putride ou pour cause de la subtilité, cōme aux chardōs: ou pour cause du froid, comme au lasseron, ou laiteron, diét sonchus, & comme au saule. Par la part ou tel poil folet s'en va en l'air, coustumieremēt on coniecture les vens & tempestes estre futures. Et ce poil folet est contraire aux poulmons, & à l'halaine. Mais ie retourne à la difference des plantes, qu'il faut prendre non de la couleur des fleurs, comme i'ay diét, ains d'autres causes: car nature s'est iouee en diuerfes, & admirables manie-

res aux couleurs des fleurs: aucunes sont blâches, cōme de la courge, du lis, & de plusieurs arbres, cōme du poirier, du coignet, du fresne: aucunes sont rouges, cōme de passeueloux, dit amarâtheus: aucunes sont rouges cōme escarlate, comme du grenardier, & du pauot agreste qui croist aux blez, & aux massonneries des murailles: il est appellé pauot, quoy qu'il ne le soit. La flâme dicte iris, produict couleurs perses, le safran couleurs iaunes, & l'herbe dicte calendula, laquelle mesmemēt florit durât le grand froid, pource elle est appellee calendula, pourtant qu'elle florit à toutes calêdes, qui sont les premiers iours de chasque mois. La chelidoine a les couleurs iaunes cōme l'or, la mauue a couleur meslee, & le diptamus, dōt i'ay parlé n'agueres. Les rosiers produisent diuerses couleurs, les violiers, les giroffiers, dicts garyophyli, le jasemin, & lelebole, qui coustumierement produict les fleurs blanches, verdastres & rouges. Quelqu'un s'esmerueillera, pourquoy nature s'est exercée tant diuersēmēt aux fleurs, & toutesfois elle n'en a produict de verdes, ne de noires. Quant aux verdes, il y a quelque petite question: car le saule, & la vigne semblent auoir les fleurs verdes: celles des vignes pour la similitude qu'elles ont avec les fucilles, & quasi nous ne voulons les appeller fleurs, quoy qu'il en viēne tant noble fruiēt. Quant aux noires la contéplatiō en est plus haute. Est-ce qu'elles soient aucunes noires? Si aucunes sont, entēdu qu'elles sont tres-rares, la doute en demeure encore. Ou la splendeur grande qui est aux fleurs, en monstre-elle aucune estre noire perse? Ou pource que le noir est necessairement en la substance grosse & espesse, toute fleur est-elle faicte du suc tressubtil de sa plâte? Mais entēdu que les differēces de toutes les plâtes sont presque innumerables, ce n'est de nostre propos & matiere de traicter amplement d'icelles, cōme i'ay faict des matieres metalliques: car i'ay proposer de toucher seulemēt les plus difficiles points, non ce qui est cogneu à l'œil: pource ie traicteray briefuemēt des plantes & des animaux. Dōques aucunes plâtes croissent aux villes, aucunes aux châps & forets, aucunes en la mer, aucunes aux fleues, aucunes aux riuages, aucunes aux marets, aucu-

Pourquoy il n'y a de fleurs verdes ou noires.

La difference des plantes.

*Lichen a au-
tre significa-
tion que pour
la mousse des
pays.*

nes entre les pierres, aucunes en terre mediocre, aucunes entre les arenes & grauiers: aucunes croissent dedans les pays, comme l'herbe ou maniere de mousse, dicte lichen: aucunes aux hauts bois ombrageux: aucunes aux lieux exposez au Soleil. Aucunes sont seulement peregrinez, comme garyophylum, cassia, & agalochum. On a estimé aussi que le terebinthus & lentiscus fussent peregrines: toutes fois elles sont trouuees en Italie. Aucunes sont fructiferez, aucunes steriles, aucunes sans racines, aucunes sans fueilles, aucunes sans branches, aucunes sans fleurs, aucunes sont odorantes, aucunes sentent mal, aucunes n'ont de senteur.

Outre-plus aucunes ont tousiours des fueilles, aucunes les perdent: aucunes n'ont beaucoup de branches, aucunes en ont beaucoup, come le cypres, dicte *cupressus*: aucunes sont larges & espesses, comme l'alifier, dicte *lotos*, comme le hestre: aucunes sont hautes: aucunes basses, aucunes sont sans noeud, les autres sont nodeuses, comme le roseau, dicte *arundo*: aucunes sont solides, comme le bois de gayat, dicte *Indicum sanctum*: aucunes sont vaines, comme le roseau, dicte *calamus*: aucunes sont moyennes, comme le sureau, dicte *sambucus*: aucunes ont le tronc gros, aucunes l'ont comme vn baston, ou vn pieu: aucunes l'ont comme vn reieton, ou la greffe d'un arbre: les autres n'ont que des fueilles: aucunes viennent d'eux-mesmes: aucunes sont fermees: aucunes sont entees: aucunes viennent de reietons enfouis dedans la terre, comme le saule, & la vigne: aucunes de quelque autre semence, plusieurs sont imparfaites, comme les champignons, les truffes, & polytrichus. Aucunes tiennent & adherent, comme lierre: aucunes naissent aux arbres, comme le gui: aucunes rampent, comme chamecissus: aucunes naissent sus la terre, comme la mousse & lichen: la mousse aussi croist aux arbres & sus l'eau. Aucunes sont salabres, & sans mal: aucunes sont mortiferes, comme l'if, dicte *taxus*, le noyer, & le figuier, desquelles l'ombre est mauuaise. Les choux pareillement, la sabine ou saunier, le genest, dicte *partum*, le lin, & generalemēt toutes choses qui sentent mal, comme les vers à faire soye, dicts bom-

*Chamecissus
a les fueilles
comme lierre.
Diosc. lib. 4.*

byces, les connins, & plus qu'eux les pourceaux corrompent l'air. En aucunes plantes on peut discerner le sexe, comme au cheſne, & au cherme: en aucunes non, comme aux oliues, & aux vignes. Aucunes plantes ont quelque propre ſubſtance, comme la palme. Aucunes ont le fruit qui tient aux branches; aucuns fruits ſont enclos dedans les couſſes: aucuns en autre couuerture, comme la chaſtagne: aucuns fruits ſont annexez d'une petite queüe, comme la ceriſe: aucunes plâtes ne ſont trouuees qu'en certaines regions, aucunes par tout. Le bouis, la rōce, la fougere ne ſont engédrees de ſoy-mesmes ſinō aux lieux, ou l'hyuer eſt grand: ie parle de la ronce qui produit des meures: & ces plâtes ſont ſignes que la prouince eſt froide, comme le bled eſt argument de la prouince temperée: & les odorantes grandement, que les Grecs appellent aromata, ſont indice de la prouince chaude. Car les ſemences fort chaudes ne peuuent croiſtre en l'air froid, entendu qu'elles ſont de ſubſtance treſſubtile. Et nature ſans l'aide de l'air chaud ne peut tant cuire, tant ſecher & attenuer la ſubſtance des fruits: elle peut toutesfois aux racines.

D'auantage les parties des plantes ſont la racine, le tronc, les brâches, les fueilles, le fruit, la queüe, les cha- *Les parties des plantes.*
peaux dictz umbellæ, les grains, les ſemences, les fleurs, le poil folet, le bois, l'eſcorce, le nerf, la membrane, les veines, la matrice ou la medule, l'humeur, la gomme dicte lacryma, le neud, & autres pluſieurs choſes: par *La raiſon de la ſubtilité en aucuns arbres.*
ces choſes dōc, & par autres cauſes, les arbres & les herbes differēt les vnes des autres. Anciēns arbres ſont pluſ *Au l. liu. des cauſes des plâtes, ch. II.*
ſubtils que les autres: premierement tout arbre qui eſt toujours veſtu de fueilles, il eſt pluſ chaud, & pluſ ſec, teſmoing Theophraſtus, comme la palme, l'oliue, le cedre, le myrte. Ceſte raiſon n'eſt valable aux herbes, entendu que la iombarde dicte ſemperuiuum, eſt de groſſe ſubſtance, & toutesfois elle garde ſes fueilles en hyuer: tant aux arbres qu'aux herbes, les agreſtes ſont pluſ ſubtiles que les domeſtiques, & les odorantes pluſ que celles qui ont mauuaïſe ſenteur, ou qui du tout ne ſentent rien: meſmemēt ſi elles n'aiſſent aux mōtagnes: pourtant elles ſont preferees des medecins aux autres.

B iiii

Pourquoy les racines sentent bon.

Pourquoy presque toutes fleurs sentent bon.

Aspalathus, les apoticares l'appellent lignū rhodium.

Les ieunes peuuent auoir bonne haleine Alexandre auoit bonne haleine.

Les parties des plantes & animaux respondent les vnes aux autres.

Mais pourquoy le plus souuēt les racines sentēt mieux & sont plus odorantes que les autres parties, exceptees les fleurs: comme en la sanamunda? La cause est, pource que la concoctiō se parfaict mieux aux racines. Et toutes choses qui ont l'humeur bien cuit, sentent bon: car tel humeur est tres subtil, & tres dense. Pour ceste cause presque toutes fleurs sentent bon, pource que l'humeur qui est en elles est tres subtil, & petit, pourtāt il est facilement cuit. Mais comme facilement il est cuit, pour mesme cause il perit facilement: & cest humeur demeure pareillement aux racines, & au tronc, comme en aspalathus, que i' appelle santhalus: car la subtile substance de cest humeur bien cuit, tient fermement à la substance terrestre. Pourtant non sans cause aucuns ieunes personages ont bonne halaine, nō les vieillards, & intemperez: car les enfans ont l'humeur subtil: l'humeur petit peut estre bien cuit aux ieunes par la grande chaleur. La paruitē de chaleur l'empesche aux vieillards: la qualite de l'humeur nuit aux intemperez, que la concoction puisse estre parfaicte. Pour ceste raison aucuns recitent qu'Alexandre auoit l'haleine douce, pource qu'il auoit le corps sec, & la chaleur grande, pour ceste cause par plusieurs iours son corps mort fut gardē sans mal sentir: toutesfois ie ne vueil nier qu'il n'ait estē gardē par artifice, ou par mesme vertu du venin, dont il fut empoisonnē, comment on dict.

Or pour reuenir aux parties des plantes, toutes les parties d'icelles respondent aux parties des animaux, les racines au ventre, commē Teophrastus l'estime: quant à moy, ie les ferois plus tost semblables à la bouche, & la basse partie du tronc au ventre, les fueilles au poil, l'escorce au cuir & à la peau, le bois aux os, les veines aux veines, les nerfs, aux nerfs, la matrice à quelques entrailles, qui ne peuuent viure sans la matrice: en aucunes, comme aux saules, desquelz la vie est en l'escorce, l'escorce non la matrice est semblable à quelques entrailles: & plus tost aux saules la matrice doit estre estimee au lieu de la gresse: les œufs respondent aux fleurs, la semence à la semence, les extremitez des animaux aux branches & rameaux: le fruit represente le sang monstrueux,

auquel souuent est encluse la semence. Les parties mesmement des parties sont dignes de consideration, comme de la racine, de laquelle la partie du milieu est comme de bois, dont souuent la plante prend son germe: pource elle est munie de plus grandes vertus. Pourtant si ceste partie du milieu est ostee d'un ail, ce qui reste n'est tant acré, & ne sent tant fort qu'au precedet, & certes elle semble estre moins pleine de suc. La seconde partie est la tunique, ou robe qui est fort subtile: la tierce partie est le pericarpe: la quatrième est la tunique interieure, qui enuironne le pericarpe. L'appelle le pericarpe non proprement, entendu qu'il est dict de ce qui circuit la semence au fruit, & le fruit mesme. & non seulement le fruit, ains ce qui enuironne le bois en la racine au lieu de la semence. Pourtant les medecins qui iettent ceste partie pleine de bois, quand ils font les decoctions font mal, entendu qu'elle est la plus excellente, & de plus grande force: car ce qui produit le germe, c'est ce qui seul a les vertus, pource que seul il vit. Et outre plus la partie qui est de bois, seule ou principalemēt est la matiere du medicamēt: car la seule chose qui vit, produit le germe, & de la part mesme dont elle vit. En la chicoree & autres semblables, aucunes fueilles s'engendrēt en l'escorce: mais la semēce, & la fleur principalemēt procedent du bois. Comme les fueilles donc sont au petit tronc, ou en la greffe; ainsi est l'escorce au bois: & les fueilles & l'escorce y sont pour tutelle & sauuegarde. En la partie d'embas le suc est mué en racine: par la partie du milieu la racine est nourrie: ce qui est de racine en la supreme partie, est mué en germe. Donc la supreme partie de racine est la meilleure & la plus aliene de la nature terrestre. Semblablement les fleurs ont leurs parties, car la fueille est de la fleur, qui tousiours reluit, & en toutes fleurs, pource qu'elle est faicte de substance tressubtile: les boutons ou sont cōtenus les fleurs: la semence par laquelle la fleur est faicte, cōme elle est cause de la generation: puis que la queüe, ou le pié, dict *pediculus*, auquel toutes ces choses sont implantees. Peut estre dōc qu'on fera vne questiō, pourquoy le boutō est il en toutes fleurs: Il n'est en la fleur d'Apollo, laquelle

*Les parties
des racines.*

*Les parties
des fleurs.*

*La fleur de
Apollo.*

n'en a point, & ceste fleur est iaune, & a six fueilles: ceste fleur se clost au matin & au soir, à midy elle est toute ouuerte. Aucuns disent qu'elle est close estroitement à minuiçt, en sorte qu'elles sont quatre mutations en vn petit cercle, comme aux plantes erratiques, deux mutations aux crepuscules soir & matin, moyennes & semblables l'vne à l'autre, les autres sont contraires. En ceste fleur est vne tige, vne fleur, la racine comme d'echalottes, dites bulbi, les fueilles comme de pié de veau, dict aron. l'en ay veu chez Guillaume Cauilius François. Pourquoy les autres fleurs ont vn bouton dict calyx, la raison est que la subtile substance d'icelles seroit dissipée du Soleil auant qu'elles fussent parfaites. Pour ceste cause la fleur d'Apollo est de grosse substance necessairemēt, quasi cōme vne fueille. Mais elle est moult differente de la fueille en couleur, & en semence qui est au milieu. Car ceste fleur est cause du fruit, ains plustost de la semence. Mais pourquoy est elle cause de la semence? La semence semble estre de la terrestre partie cuite: autrement la vertu genitale ne pourroit estre en elle, & ne pourroit y estre gardée. Et il est necessaire que quelque portion de l'humeur subtil soit à toute chose terrestre, à fin qu'il s'assemble. Et l'humidité si principalemēt elle est grande, empesche la vertu genitale & la conseruation. Mais quand l'humeur est en ce qui est cuit, & qu'il soit plustost cuit pour la subtilité de la substance, quelque fleur precedera tout le fruit. La semence donc est premierement engendree que la fleur: certes la semence est engēdree pour l'amour de la fleur, mais elle est plus tardiement faicte. Et ne faut croire que les plantes odoriferes engendrent tousiours fleurs qui ne sont odorantes: car les plantes qui sentent de toutes parts, comme le laucndier, comme l'orenger, auquel les fueilles, les fleurs, le fruit sentent bon, & les autres parties ne sont sans bon odeur.

Aron pié de veau, ou mēbre de prestre.

Les especes de l'orenger.

Plusieurs gerres sont de l'orenger, entre lesquels cinq sont bien connus: le premier gerre, qui est proprement l'orenger, a le fruit gros, qui souuent est plus gros que la teste d'un homme, mesmemēt en Italie: le second est dict arantiū, l'appellation, peut estre corrompue, dedui-

te d'auratium, pource que l'escorce est de couleur d'or: ou l'appellation est d'arantia ville du pais de Corinthe aupres du fleuve d'Asopus: le troisieme gerre d'orenger est dict *limunium*, qui a le suc tres-aigre, en sorte que de son touchemēt les dens sont stupides & endormies: le quatriesme est dict *limunsata*, qui est mixte par entement du premier gerre, & du troisieme dict *limunium*, duquel l'odeur & saueur est tres-delectable: le cinquiesme gerre est appellé le pommier d'Adam, pource que toutes les pommes retiennent en l'escorce l'image de la morsure. Toutesfois que tous ces pommiers soient d'une espece, les parties le demonstrent, qui sont à tous gerres semblables, l'escorce, la chair, le suc, la tunique, & la semence. Tous ont la plante spineuse, les fueilles verdes, toute la plante sent bon, le fruiēt est iaune comme l'or, mais la couleur est plus debile au citron, pour cause de la grandeur: & à celuy que est dict *limunium*, pour cause de la frigidité. Vn pommier se conuertit en l'autre par incision & entement, & le bois se tourne en branches fueilles & fleurs tant semblables que l'un ne peut estre discerné de l'autre sans le fruit, sinon par gēs sçauans & experimentez. Tous ont mesmes vertus: & la saueur aigrette est commune à tous. Aussi il conuient à tous de garder long temps leur fruiēt, & venir tard en maturité. Il leur aduient aussi qu'ils sont tous blesez du froid. Tous sont gardez par tout, mais que la chaleur ne leur defaille. Pourtant au grand profit du monde, ils sont trouuez non seulement en Europe, Asie, & Afrique, mais en toute l'Étiopie, & aux Indes: & n'est fruiēt au monde tant commun & tant frequent. Le nom seul d'orenger, dict *malus medica*, enseigne qu'au temps passé n'en estoit qu'une espece d'arbre. Car *arantium* & *limunium* ne sont dictions Latines, & les Grecs n'en ont autres au lieu. Il est donc manifeste que par la varieté des regions & de l'air, aussi par la saueur, les differences des noms ont esté inuentees, non certes des anciens autheurs, mais de ceux qui ont esté vn peu deuant nous. Car la pomme d'Adam est par l'incision du citron & de l'orenger, dict *arantium*, puis il a esté multiplié, comme nous dirons cy apres. Par la recordatiō d'Adam il a

semblé qu'on vendroit bien cher ce fruit, qui est vil pour sa grande abondance : mais quiconque a inuenté tel art, il a mal inuenté, exprimant seulement son inconstance muliebres en fruit sans saveur. Tu diras, L'escorce de l'orange est sans saveur, & l'escorce du citron est suave & douce : & la chair du citron est espesse, la chair de l'orange est rare & quasi nulle. Les differences en ont esté prises des regions : car le fruit de l'oranger, dict *arantium*, est le plus chaud, le plus sec, & le plus agreste : l'oranger dict *malus medica*, est quasi vne plante domestique, comme la plante d'*arantium* est siluestre. Les deux sont multiplies par mesmes manieres.

Les plantes
fort odoran-
tes.

Entre les plantes *yallochum* & *xyloaloes* sont les plus odorantes. de ce qu'en cognoy, car le temps apporte tousiours choses nouvelles, mesmement le *cynamonium* ou croist la canelle, le lauandier, dict *nardus*, *aspalathus*, le benjoin, dict *laser*, & le safran. Le poiure & le zingembre, quoy qu'ils soient tres-chauds, ils ne donnent grand odeur. Les arbres sont de substance plus subtile que les herbes, & plus dense : car la longitude du temps aide à la force du Soleil, dont les matieres cuites sont faictes plus subtiles & plus denses : & les arbres viuent long temps, les herbes perissent en bref. Les herbes qui sentent bon, ne peuuent retenir long temps leur odeur, pour cause de leur subtilité, sinon aux racines : & celles qui retiennent l'odeur, comme le lauandier, dict *nardus*, plustost doiuent estre referees aux arbrisseaux qu'aux herbes. Toutesfois le *siliquastrum*, ou *piperitu*, herbe dicte le coc, & le poiure Indique est de grande subtilité. Le *siliquastrum* a la tige longue, & quasi rouge, plusieurs noëuds, les fueilles de laurier, les fleurs blâches, vne seule racine blanchastre, qui a les fibres comme cheueux, les escosses longues, grandes, & rouges comme pourpre, avec grande splendeur, & semblent auoir quelque chose virulente, la graine blonde interieurement, molle, & tant acre, qu'elle surmonte le poiure, dont il est necessaire qu'elle soit au dernier degre de calidité, de siccité, & de subtilité : & est encor plus acre, quâd l'escorce n'est en maturité, l'escorce aussi est fort acre. Pourtant quoy qu'elle soit veüe en vsage, on en a apporté de la petite

Siliquastrum
vulgairement
du coc *Piperi-*
ritis.

Espagne, isle de l'autre monde, en l'an mil quatre cens nonante & trois, qui n'est sans venin. Car souuent les plantes retiennent le venin, ou par nature, ou par cas fortuit: mais en ce nature est la plus puissante. Naturellement les plantes sont pernicieuses & venimeuses, qui ont l'odeur tres-mauuais, ou vne saueur qu'on ne peut endurer, telle que nous auons dict estre au siliquastrum: ou celles qui n'ont le suc verd, comme toutes les especes des lectues marines, dites *tithymali*. Et le figuier produit vn laiçt corrosif, la lectuë aussi, quand elle est deuenüe froide par sa vieillesse, qui est corruption. Car quand le suc se transfere de verd en autre couleur, il est necessaire qu'il soit corrompu, ou par trop grande frigidité, ou siccité, ou putrefaction. La frigidité empesche l'œuure de la chaleur: la siccité faiçt que ce qui est cuit ne soit mué.

Les plantes venimeuses. Diosc. au 4. liure en faiçt sept especes.

Pourtant les choses seches plustost sont bruslees que cuites: & la putrefaction abolit ce qui est ia faiçt. Par toutes ces choses la couleur blanche est engendree au suc, mesmement la couleur iaune, non toutesfois par la frigidité, comme le noir qui n'est faiçt par la putrefaction. Parquoy toute couleur de suc, excepté la verde, est vn argument de qualité veneneuse aux plantes. Mais pourquoy le laiçt des plantes est-il fort glutineux? Il est faiçt glutineux toutesfois & quantes que la chaleur opere trop en l'humeur subtil & gras, entremeslé de matiere terrestre. Pour ceste cause la glu est faiçte de la racine des plantes qui donnent du laiçt: car, comme i'ay dit, le laiçt des plantes est glutineux. Et le suc des racines de la plante qui produit le laiçt, est meslé avec la gomme de larix, & mesmement la poix Grecque est meslée avec vn peu d'huile: & le tout est cuit ensemble, tant que rien n'en soit rompu en le tirant. Ceste glu resiste à l'eau, pource que l'huile engarde que l'eau ne soit meslée à la glu qui est engendree du laiçt putride en la racine, comme le laiçt engendré de quelque corruption du suc aux plantes, pourtant il est engendré aux lectues, en la chicoree, & au figuier, pour l'abondance de l'humeur. Cecy appert, pource que quand la glu est engendree en la racine, les vers y sont engendrez. Plusieurs

Larix est vne espece d'arbre

SCD LYON

Mathématique

plantes l'engendrent, mais principalement celle qui produit vne fleur blanche, & vn poil folet, dict *pappus*, apres qu'elle a floxy. Aucunes sont qui engendrent autre chose aux racines que de la glu, comme le pas d'asne, dict *tusilago*, engendré de laine, dont on fait vne bonne viande. Aucunes engendrēt des couleurs: car rien n'empesche que plusieurs choses ne soient engendrees souz la terre, veu qu'aucun ne s'esmerueille de voir les choses engendrees sus la terre: car la terre produit toutes choses. Et toutes choses qui sont engendrees souz terre appartenans au suc, sont faictes plus claires au germe: pource thymalus produit le suc blanc, comme j'ay dit, & la chelidoine le produit iaune. Aucunes sont splendides, comme toutes les especes des bassinets, dictz *ranunculi*, & principalement le reagal, dict *aconitum*, qui est fort mortifere: & telle splendeur prouient de trop grande siccité. Et les plantes engendrees par cas fortuit aux mines des metaux, ou aupres des couches des serpens, & qui sont engendrees aupres de l'airin ou du fer rouillé, aux marets, aux estangs, aux cloaques, & aux sepulchres, sont pernicieuses, aussi les champignons dictz *fungi*, qui sont pres des oliues sont mauuais. Toutes les especes de la mortelle, dicté *solanum*, sentent mal. Je ne sçay si ie dooy nombrer *stramonium*, ou *malum spinosum* entre les differences de *solanum*, certes les fueilles sentent le suc de pauot noir: & si le fruit cuit est mangé, il excite vne presente folie & ridicule. C'est vne herbe qui a plusieurs racines, de couleur de fer, la tige d'vn doigt & plus espeße que d'vn doigt, comme ronde, la fueille ample, noirastre d'vne part: la domestique a la tige verte, blonde, longue, molle, rare, comme la vigne: les fleurs sont blanches, qui sortent hors du bouton, en la maniere presque d'vn panier, qui ont l'odeur, & faueur de lys: aucune note n'est plus certaine de ceste herbe, que des fruits qui sont grands, comme les abricos, dictz *poma chrysomela*, & *armeniaca*, toutesfois ils sont verds, & spineux: intérieurement ils sont pleins de graine, qui a la couleur verte, & est grande comme vece dicté *eruum*. Aucunes plantes manifestent leur vertu par la figure, comme la graine d'*Echion*, dicté l'herbe de bouc, qui est

Vne viande
faicte du pas
d'Asne, herbe
dicté tusila-
go.

Aussi ranun-
culus signifie
vne petite gre
nouille.

Solanum, vul-
gairement mor-
telle.
Stramonium ou
malum spinosum.

Eruum est
vne espece de
vece, autre-
ment dicté oro-
bus.

semblable à la teste d'un serpent, laquelle donne bon remede cõtre le venin des viperes, couleueures, & serpens: & les fleurs du petit nauet dict *nappellus*, auant qu'elles soient ouuertes, mōstrent l'effigie de la teste d'un homme mort, ou plustost de la part deuant dicte caluaris, & ceste espeece de nauet est mortifere. Cecy aduiet-il par cas fortuit, ou par nature? ou si quelque bon esprit l'a inuēt? Cecy mesmemēt est manifeste aux animaux: certes les chiens cognoissent vne herbe qui les fait vomir: & les cheures cognoissent le diphthamum de Crete, tesmoing Virgile. Telles graines ne sont incognues aux cheures, &c. Mesmement les asnes malades de l'humeur melancolique, mangent l'asplesnon herbe, dicte vulgairement coterat, ou citerac, & ostent la tumeur de la rate. On dit que les arondelles cognoissent la chelidoine, & qu'elles experimentent sa force pour recuperer la veuē. Par mesme raison les chardonnerets cognoissent l'herbe dicte *eufragia*, & les viperes le fenouil, pour recuper la veuē. Et souuent les chardonnerets frottent au matin leurs yeux à l'eufragie. Plusieurs exemples sont de chose semblable. Et de referer toutes choses à la prouidence sans alleguer raison, cela est absurd, veu que plusieurs de ces choses aduiennent par cas fortuit: & ce seroit chose plus absurde de ne rien referer à la prouidence, autrement autant vaudroit qu'elle ne fust point. Mais ie diray autre part ce qui aduiet par prouidence, & ce qui n'y aduiet. Ces choses laissez, retournons aux plantes odoriferes, & à celles plustost qui sont de profit, qu'aux dommageuses. Dõcques tant grãde delectation est au bējoin, dict *laser*, & à ses fleurs, que les habitans sont contraints d'en chasser hors leurs troupeaux, de peur qu'ils ne creuent, tesmoing Arrianus. Chacun pourra croire cecy facilement, qui aura estimē & cognū de quel gracieux odeur est le suc du bējoin: il est condensē en nostre pays, & est de vile pris, pour l'abondande: on l'appelle belzoi, duquel i'ay expliquē l'histoire & vtilitē au petit liure, qui est du mauuais vsage de medeciner. Il naist en la montagne Paropanius quoy que les Macedoniens se vantent en auoir veu au mont de Caucasus: celuy qui est trouuē en Sarman

*Asplesnon.**Chelidoine.**Eufragia.*

Xyloloes.

aupres de Sumatra isle d'Inde, comme le refere Louys Varthomanus, est tres-odorant, & trop plus excellent, en sorte qu'il semble presque estre d'un autre gerre, mais on ne l'apporte en ce pays, pource qu'il est là en grand prix. Il a le tige semblable à vne ferule, les fueilles de percil, la semence large quasi comme vne fueille, la racine noire. On dit que le bois dict d'aloës est semblable, qui a plus grand odeur que celuy qui nous est apporté: & a trois gerres, le tresbon qui est dict colampat, sent tant bon, que quand on le tient en la main, il esteint tout autre odeur: pource on la porte en nostre pays. Il croist en l'isle dicte Taprobana, laquelle est dicte de nostre temps, tant des habitans du pays que des Portugalois, Sumatra: & pour cause de leurs grandes richesses, leur plaisir luxurieux empesche que les parfums precieux ne nous soient apportez. La de l'og temps

*L'oliuier sau-
uage de Rhodes.*

ils ont vndu l'oliuier sauuage pour *agallochum*. Cest oliuier est engendré à Rhodes, ou par la nature du lieu, ou pource que la plante est illec d'un autre gerre: il represente en couleur *agallochum*, & ne semble estre du tout sans odeur: car il sent bon & suauement, comme de soy-mesme. Et ce ne semble estre difficile, entendu que le

*La definition
de bon odeur.*

bois rare est mieux cuit par sa propre chaleur. Et l'odeur bon n'est autre chose, qu'une exhalation d'humour bien cuit. Mais afin que ie retourne au bois d'aloës, on ne nous en apporte du tresbon: & toutesfois celuy qui n'est tresbon, a bone saueur & odeur. Les drogues odoriferes sont discernées par l'odeur, comme toutes choses qui semblent estre belles en couleur & splendeur: & comme aucunes sont prouées en saueur, par leur saueur, & ainsi des autres choses. La forme de cest oliuier sauuage n'est encor descrite: cecy est assez cognu, que nous auons appris d'Erasme, que cest arbre descend au fond de l'eau, ce que j'ay souuent experimenté: & quoy


*Quel bois des-
cend en l'eau.*

que l'Ebene, & le bouys, & le bois de gayat qui guarit la verole, descendent au fond de l'eau, ce toutesfois est moins de merueille en eux, entendu qu'ils sont trespe- sans: mais *agallochum* est tresleger, & descend sans demeure au fond de l'eau. La cause est, qu'il n'a rien de vacuité ne cauernex ou l'air soit enclos. Car le bois ne

nage

nage sus l'eau pour autre cause, sinon qu'il contient en soy l'air pour cause de sa rarité: pour ceste cause le che-
ne nage sus l'eau: & l'agallochon trop plus leger tend au
fond de l'eau. Parquoy le bois ne demeure droicte-
ment debout, ains est le plat sus l'eau, veu que quād il est
precipité d'en hault, il tombe en l'air, le bout droicte-
ment en bas: La cause est, que coustumierement on le
iette le bout deuant, pourtant en tant brief temps, & en
tant grāde impetuosité il ne peult se tourner de trauers:
mais pource qu'il descēd lentemēt en l'eau à cause qu'el-
le est plus espesse que l'air, l'autre bout du bois tend au
fond, pource tout le bois demeure en balance sur l'eau.

*Pourquoy le
bois ne peut
se tenir de-
bout sus l'eau*



Par ce moyen les nauires sont fer-
mes: l'ancre A B C liee à la nauire
par la corde F, est iectee dedans la
mer, en sorte qu'elle touchē le fōd
par sa partie d'embas, qui est B: de
peur donc que le trabe D B ne se
tienne de bout & droicte-
ment sus
la superficie de l'eau, & du fond de
la mer (D E est couché droicte-
mēt
sus la superficie A C, en sorte que
s'il estoit en B, il feroit vne croix
avec les crochets) veu donc que A

C est droicte-
ment couché à la superficie D E, & D E
est également distant du fond de la mer, par la 14. pro-
position de l'1. li. des Elemens d'Euclides, A C sera ne-
cessairement couché sus le fond de la mer: parquoy l'vn
des crochets A ou C sera fiché au fond de la mer à cause
de sa pesanteur, & la nauire sera illec retenuē ferme. Si
donc le trabe ou le bois ou l'arbre D E n'y estoit point,
par le moyen proposé, A C tomberoit tousiours egale-
ment distant au fond de la mer, parquoy il ne pourroit
se ficher, ne retenir la nauire. Pour ceste cause les ancores
sont faictes de quatre crochets disposez en croix. Or ie
reuiē à l'histoire des plantes. Cinamomum est presque
semblable au laurier, les fueilles sont semblables aux
fueilles, le tronc au tronc, sinon qu'il est petit, & est lar-
gement espars, comme le saule: les graines de cinamo-
mum sont semblables aux graines du laurier, excepté

*Cinamomum
diof. au 1. liu.*

C

qu'elles sont plus petites, & plus blanches. Pourtant on peut coniecturer qu'il n'en est qu'un arbre, seulement distingué par les regions. Car la chaleur d'Inde peut bien cuire l'humeur de l'escorce, la chaleur de l'Europe ne le peut. Et le cinamomum est l'escorce tirée des reiettons: il ne touche au tronc, de peur que l'arbre seché ne perisse: car par l'espace d'un mois la suavité de l'odeur, apres que le cinamomum a esté escorcé, est parfaite. Aucuns disent qu'il est semblable au grenardier: il a plusieurs reiettons, & s'estiout de siccité. Des grains du cinamomum l'huile est tirée, comme des grains de laurier qui est d'un odeur de grande efficace & delectation. Je parle du cinamomum qui est en usage, non de celui que les anciens ont cherché, qui estoit d'un odeur tresdelectable & tresdolét, plein de nœuds, & de couleur mixte, & participante de blanc, de pers & de noir. Maintenant il est fort rare, mesmement chez les Empereurs. Celuy que nous auons me semble plustost digne du nom de Cassia. Et celuy qui estoit tant excellent, necessairement estoit de substance tressubtile: car telle fragrance & grand odeur est le don & indice de subtilité. Le noyer dict *myristica*, est engendré en l'isle Bandan, comme le cinamomum en vne autre isle dictée Zailon, & sont isles d'Inde. Outre-plus totalement il a la tige, les branches, & les fueilles semblables à celles du pescher, mais cest arbre est plus grand, les fueilles en sont plus estroictes. Ces noyers myristiques sont circuits de quelque fleur, comme d'escorce, & mesmement d'autre matiere, non autrement que les noyers, dictés iuglandes. D'auantage, l'escorce interieure, qui est la plus subtile, faicte en maniere de rets souz la fleur du noyer, dictée en Latin *nucamentum*, est dictée macer coustumierement, & est d'un odeur delectable fort en usage: car elle estreint, & n'eschauffe beaucoup.

Le noyer dict
myristica.

Nucamentum
est aux noyers
au lieu de
fleur, qui est
presque sem-
blable à la
queue d'un
rat.

Garyophylum
arbre, & le
fruit dict
clou de giro-
fle.

Garyophylum croist aux isles dictées Moluchæ, qui sont cinq petites souz le cercle de l'equinoce. Il croist aussi abondamment en l'isle dictée *Cilolos*, qui est la grande Sicile: mesmement en vne autre petite isle outre Tidor, qui est vne des cinq Moluches, qui sont tarenas, tidor, muttir, macchian, bacchian. Mais celuy qui est en-

gendre en la petite isle proche aux Moluches, n'est le vray garyophylum. L'escorce, le bois, & les fueilles de garyophylum ne sont moins acres que le fruiet. Il croist aux montagnes, & aux appentis des montagnes: & ces arbres sont tous les iours circuits de petites nuees, qui leur seruent grandement à leur maturité. Cest arbre transferee autre part, deuiet seche, en sorte qu'il est assez manifeste que c'est la plus noble drogue des aromatiques, comme elle est l'vltime des perfuns. Ceste plante a la tige de bouys, les fueilles de laurier, vn peu plus rondes & ces arbres se condensent tellement qu'ils font vne forest espesse. Le plus grad fruiet naist au sommet des branches, qu'on appelle le clou: toutesfois vne petite couronne, comme vn chapeau, est premierement en ce sommet: la fleur est semblable aux fleurs du citrônier: la poincte du fruiet est assise sus la tige de garyophylum: & par la plus large partie il se retire de la plante: au commencement ce fruiet est rouge, tost apres il deuiet noir. Les isles moluches produisent mesmemet le zingebre, dicté *Zingiber*, qui croist en tous lieux des isles, & aussi en autres plusieurs pays. Il est le plus vil, pource que c'est vne herbe qui a les racines de la flamme, dicté iris & flammeola: & croy qu'elle soit de ce gerre: ses racines sont en grand nombre, & sont tresgrâdes, en sorte qu'aucunes sont du pois de douze onces: on en laisse vne pour multiplier. Le poiure est semblable à lierre, & est vn petit arbrisseau, qui de soy-mesme ne peut se soustenir, mais il se iette sus les autres arbres: il produit plusieurs rameaux de la longueur de deux ou trois palmes: & six grappes dependent de chaque sarment, non point plus grandes qu'vne palme ou paulme, & sont semblables aux grappes, dont on faict coustumierement les moissines, mais les grains en sont plus espes, qui sont cueillis encor tous vers aux mois d'Octobre & Nouembre: & exposez au Soleil par trois iours, ils se noircissent. La fueille de l'arbre est presque semblable à la fueille du plantin, qui adhere au sion ou reiecton ioincte d'vne queüe courte, mais en la part où la fueille est iointe à la queüe, elle est ronde, & au sommet elle est faicte en pointe, ainsi que les fueilles de l'o-

*Zingiber, dit
zingebre.*

*Le poiure ar-
brisseau.*

*Le long poi-
ure.*

renger, qui se terminent en pointe: en la partie de derriere sont sept nerfs, comme au plantin: & ceux qui sont aux costez ne procedent de celuy qui est au milieu, ains par interualles, tendans depuis le bas iusques au haut de la fueille, ils enuironnent le milieu, quasi disposez obliquement, & non egalement: & ceste fueille n'a telle espaisseur qu'a la fueille de l'orenger. L'arbre du long poiure est le plus haut, & les fueilles sont plus grandes que celle du poiure rond, toutesfois semblables quant au reste.

I'ay monstré assez appertement que le cinamomum est semblable au laurier, & le poiure à lierre bien cultivé, selon la temperature de l'air & des lieux où il croist: certes il naist en Calechutos ville d'Inde, & aux fauxbourgs. L'argument de ce que i'ay dit sera, que cest arbre apporté à nous se conuertira en lierre par peu de prouignement.

*La fleur di-
cte garyo-
phylus.*

Ie ne passeray que ie sçay cecy estre contraire à Dioscorides: mais aucuns ont escrit ce qu'ils ont ouy dire seulement, audacieux par desir de gloire, & par asseurance que leurs erreurs ne seroient descouverts ne cognus, pour cause de la distance des regions. Tant y a qu'une fleur dicte garyophylus a pris son appellation du fruit dict garyophylum, qui a grande suauité d'odeur. Aucune fleur est blanche, aucune est rouge, aucune est mixte, & composee des deux couleurs. L'herbe est basse, qui a les fueilles de poreau, mais plus estroictes: par grande diligence on la nourrit en des vaisseaux, & n'est moins plaisante à voir qu'à sentir.

*Thus dict
encens.*

La plante de l'encens dicte *thus*, est par la larme de laquelle les temples sont parfumez, pource que l'encens est d'un odeur tresdelectable quand il brulle. Ceste plante est un petit sapin, qui produit ceste larme aux Sabiens pour la siccité du ciel & de l'air: dont parle le poëte Mátuan. Les Sabiens delicats ont leurs encens, &c.

*Le sapin de
soy-mesme
croist droict.*

La larme qui de soy-mesme sort dehors, est la plus valide: celle qui prouiet de l'arbre blessé, est plus imbecile, ce qui est digne d'estre obserué en toutes liqueurs. En nostre pays le sapin est de si singuliere louange, pource qu'entre tous arbres il croist droictement, pourtant il est

preferé à tout autre bois pour faire formes, & pour fabriquer tout autre œuvre: & ce que tu ne peux auoir par art seulement aux autres bois, nature te le dōne tresbien au tronc de cest arbre. Il croist tant haut, qu'aucuns en Zefingen, qui est de la prouince des Suiffes, ont plus de cent tréte pieds en longitude. Et la portion droicte egallement grosse de toutes parts, & sans nœuds, est de cent dix pieds. Pourtant ils meritent d'estre portez par tant lōgue traitte iusqu'à Ianes, pour faire le mas, ou l'arbre des nauires: certes ils sont portez premierement par le fleuue Arola, puis par le Rhin, apres par les mers Angliques d'Espagne, & Mediterranee. Tandis que i'estoy à Ianes, i'ay veu plusieurs sapins d'incredible hauteur, rectitude, equalité & grosseur: en sorte qu'il estoit necessaire d'esmerueiller l'effort de nature. Le sapin naist & croist aux montagnes, tesmoing Virgile. Le sapin aux hauts mōts, &c. La cause de ces choses est premieremēt l'abondance du suc: car sans matiere rien ne peut estre grand: secondement la viuacité, car l'augmentation requiert le temps. Aussi la nature du sapin n'a plusieurs nerfs, par lesquels la tige de l'arbre est cōposee, mais il est simple & sans nœuds, pource que la substāce de l'humour est egalemēt meslee à la matiere terrestre. Or que les nerfs en sont simples, ce prouient par la force de la propre espece. Le hypericon dit vulgairēmēt milpertuis, est de toutes parts fendu en deux: les autres plātes gardent semblablement mesme raison en la multitude des nerfs. Mais ie retourne à l'histoire de l'encēs. Comme la sabine est proche au cypres, ainsi est libanotis au sapin, pource que libanotis est vn arbrisseau du gerre de l'arbre: pourtāt i'ay veu en Appennin vne herbe, ou plustost vn arbrisseau semblable à libanotis, ains plustost qui estoit de son espece: ceste herbe auoit les fueilles estroictes; la saueur acre, laquelle representoit l'odeur & saueur de l'encēs: en sorte que sans doute l'encēs ne distille d'autre gerre que ceste plāte. L'arbre dōc de l'encens, sçauoir est, le sapin & libanotis, sont d'vn mesme gerre, mais ils differēt par la qualité des regiōs, & par la force de nature. En Arabie l'encens prouient de la plāte par la fecondité de la terre, en l'air plus froid le sapin croist en

*La magnitu-
de incredible
du sapin.*

arbre, & produit vne larme de moindre efficace, mais de plus grãde abondãce. Libanotis qui de nom refere l'encens, est plus sec que le sapin, & ne s'esleue en arbre: & quãd il est plus froid que l'encès, il ne peut faire distiler la larme. Par ces choses on peut coniecturer la vertu, & trãsférer l'vsage, & en cecy esmerueiller les œuures de nature: car vne mesme raison est presque en tous les gerres des arbres & des herbes. Et l'encens ou la larme n'est d'vn mesme gerre, & egal en tous lieux. L'encès de Ethio pie sent tant bon, que celuy qui est icy en nostre pays ne merite d'estre dit encès: non pas tãt, mais quelque espeece seulemēt. L'indice en est, qu'il est rare, & de grands prix en ce pays lã: pour ceste cause seulemēt les Roys, lesquels ils appellēt en langue maternelle neguz, en vsent pour faire le parfun des ceremonies. Et ce n'est de merueille, veu que quelques espees des chiens, des cheuaux, & autres bestes sont plus excellentes les vnes que les autres, par le moyen du territoire. Le labourage & culture des arbres sert en cecy, cōme du suc cueilly de l'arbre qui est entre les pierres, & aux lieux exposez au Soleil, ou pource que ce suc est pur & entier, ou pource qu'il distile de soy-mesme comme les vins, desquels les differences sont diuerfes selon la maniere de les cueillir ou tirer, voire tãt diuerfes & grandes, qu'aucun ne peut le croire s'il ne l'experimēte. Car aucun suc est bruslé du feu: & celuy qui entre les autres est appellé arteriaque, est tresmauuais: ainsi le suc du reglisse est aduste par le feu. Tout suc est tresbon, qui est trãslucide, & est ferme: car pource qu'il est trãslucide, il est pur, & non aduste: entēdu qu'il est ferme, il a beaucoup d'humeur pinguedineux. Ainsi l'aloës est tresbon, aussi tout autre suc & larmes. La maniere des parfuns est trop plus differente, car leur odeur est en humeur seché qui ne doit estre bruslé: ce n'est le feu qui sent bon, ains la fumee: encor moins la poudre ne doit estre bruslee aux parfuns, car en bruslãt elle ne donne de fumee. Toutes choses donc qui sentent, doiuent estre espees: & celles qui sont les plus espees, brisees mediocrement, sentent le plus, comme l'encens. La poudre tresmenuē ne sent rien: & tant plus sera de substance subtile, tant moins sentira.

Le bon aloës.

L'humeur aqueux empesche les odeurs: car tandis que cest humeur demeure, il ne sent point: quand il est consumé, ce qui est gras & pinguedineux, est bruslé: car plus facilement l'humeur gras est consumé, que l'humeur aqueux. Et l'humeur qui est bruslé, est gras: pource ainsi dict Virgile,

Le feu est seruent au suc qui est gras.

Auant donc que l'humeur aqueux soit consumé, le gras est bruslé, & ainsi la senteur en est okce. Or maintenant ie retourne aux larmes des arbres & herbes, desquelles l'excellence est de l'odeur, comme du benjoin, dict laser: ou elle est de la couleur, comme lacca, qui est engendré du cerisier à l'Inde Orientale: ou l'excellence est de l'usage, comme la larme de larix, qui profite aux etiques & lepreux. Pourtant vnes estuues chauffees du bois de larix, en guarissent aucuns totalement, & donnent aux autres grand allegement: & est de tant grande vertu, que l'eau qui en est distilee, profite grandement aux etiques & lepreux. Toutesfois le larix est de meilleure efficace, entédu qu'il ne flechit, & n'est corrompu aux pluyes ou aux vents. Le sapin, le larix, & le pin semblent estre d'une mesme espee. Toutesfois la larme du sapin est la plus noble: celle du pin n'est tant excellente: le larix tient le moyen: ces trois larmes conuiennent en suc & en forme, & presque en tous accidens. Et ce suc ou larme est autant gras es plantes, qu'est le sang aux animaux: pourtant il est plus petit aux plantes qui sont plus subtiles, plus obscur aux antiques: il est lucide & gras aux plâtes d'aage mediocre: pour ceste cause toute plante qui est splendide & lucide, est la plus chaude & plus humide: celle qui n'est tant lucide, est plus froide: l'obscure est plus seiche. Au larix vne hosse quasi comme vn champignon ou potiron est esleuee.

L'agaric qui est tres-leger & blanc, non plain de bois, & qui deuient doux apres auoir esté amer, est tres-bon. Car plusieurs drogues apres l'amertume deuient douces, comme l'Agaric, ainsi qu'apres la douceur l'Alloës deuient amer. La cause de douceur apres l'amertume, est la substance terrestre subtile avecques l'humeur bien cuit: car telle matiere subtile soudain s'eu-

*L'agaric.
Pourquoy au
cunes drogues
ameres deuient
doucees.*

pore, & la portion douce demeure, comme en l'aloës la petite portion de l'humeur subtil bien cuit feuapore, & moult de matiere terrestre grosse & aduste demeure. L'agaric deuiet en l'air par succession de temps plus blanc, plus leger, & moins glutineux, & semble que rien n'y default en perfection de bonté, toutesfois lors il est totalement sans force & vertu. Et ce toutesfois est vne difference, que tu peux cognoistre par vne grande douceur manifeste au tres-bon: & ce tresbon deuiet plus amer par succession de temps. Il est presque engédre de la moisissure de la larme du larix. Et est raisonnable que la moisissure du suc tres-gras, soit tres-solide: tant plus toutesfois sera sec, & que le suc sera subtil, il sera plus cuit. Pourtant vn certain moyen & mesure de coction est aux drogues, qui souffrent moisissure: & ja i'ay monstré que la moisissure n'a parfaite putrefaction. Aussi la plante de larix est decoree d'vne fleur rouge, qui est odoriferee.

*La plante di-
Ete le sang de
dragon.*

Entre les l'armes excellentes en beauté est le suc du sang de dragon, dict pour la similitude du sang des bestes. Il est engendré en l'Isle Soquotra, posee en la mer Ethiopique pres le promontoire dict Gingin, qui a le circuit de soixante mil pas. Cest arbre est admirable: petit à petit il croist en pointe, ainsi que le coing de sel ou de sucre, tendant de large en estroit: il a la fucille de chesne. La larme de cest arbre est le perfun des anciens. De nostre temps nous auons abondance de lacca, qu'aucuns faussement escriuent pour nostre sang de dragon, duquel nous auons grande soufrete.

*Aspalathos
ou santhaliu.*

Pareillement le bois d'aspalathos, dict *santhalum*, est nombré entre les odeurs, ainsi que le rosier, & le vaciet, & est entre les choses rares: la cause pourquoy l'odeur delectable est rarement froid est, pource qu'il est parfait par chaleur: & pource il est necessaire que la chaleur surmonte en cecy: & pour ceste cause toutes drogues odorantes, que les Grecs appellent aromatiques, sont chaudes. En l'aspalathos ou santhalum, & au vaciet que nous appellons violettes perses, la chaleur est seulement en la part la plus subtile: tout le reste qui est gros & pesant, est froid. Et en aucunes drogues la frigidité

est manifeste, comme aux roses, lesquelles excitent à plusieurs par leur odeur douleur de teste, & aux autres elles attirent le sang du nez. Le myrte pareillement est du gerre des plantes froides, qui sentent bon, & est vn arbrisseau dedié à venus pour sa beauté: tout le myrte sent bon, le bois, l'escorce, le fruiçt: & du fruiçt est fait vn vin cuit, dict *defrutum*, & ce vin se garde vn an, non moins salubre pour en vser que delectable par son odeur. En partie la plante odorifere dicte le musc, peut estre nombree aux susdictes: le musc rampe aux arbres, & retient la vertu des arbres qu'il embrasse. De ce vient que le meilleur musc naist aupres du cedre: puis aupres du larix, & finablement aupres d'opion, & du chesne. Celuy qui adhere au chesne, est le pire. Celuy qui adhere au larix, facilement brusle, & en bruslant sent bon, & iecte des estincelles. Le musc plustost merite estre nombré entre les herbes, qu'entre les arbres: encor n'est il du tout herbe. Mais aspalathos est vn haut arbre aux Indes, qu n'est qu'vn arbrisseau spineux aux pais ou l'air est froid.

Le myrte.

Le musc.

Aux regions chaudes & humides toutes plâtes croissent plus hautes, plus plaines de suc, plus viues, si la propre nature de la plâte n'empesche, en sorte que mesmêt les forets sont trouuees d'aspalathos en l'Inde Occidentale. Aux regions chaudes & seiches les plantes sont plus petites & plus seiches, & sont toutesfois valides, & fortes: aux regions humides & froides: les plantes sont imbecilles, & plaines de suc: celles qui sont chaudes de nature, sont hautes & amples: les froides sont petites. Toutesfois aucunes froides naturellement, côme la cicute ou ciguë, viennent mieux en vn lieu humide & ombrageux, & ont plus grande force. Et ceux de l'Isle Chios eslissoient vne telle ciguë, le suc de laquelle meslé avec de l'eau ils donnoient, aux condamnés à la mort, l'escorce ostee, afin qu'ils mourussent sans douleur, tesmoing Theophrastus. Ils mouroient comme ceux qui meurent d'extresme vieillesse. Car la douleur que l'on sent à la mort, vient ou par la difficulté de respirer, ou pour la resolution de l'esprit vital. Mais quand les esprits se separét de leur bon gré, ils ne font aucune dou-

Les differences des arbres prises des regions.

Vne mort sans douleur.

leur, comme aux labeurs. La cause qui dissout les esprits, comme la fièvre, & vne playe, fait douleur. Le suc donc de la ciguë, qui donne vne mauuaise saueur, par trop grãde frigidité esteint les esprits sans douleur: & donne la difficulté de respirer non point plus grande que celle qui satisfait à la paucité des esprits. Dont il aduient que la mort n'est acerbe, comme elle est à ceux qui sont suffoquez en l'eau, & trop moins la mort leur est acerbe, qu'à ceux qui sont estranglez. Pourtant cette mort: qui est preparee du suc de ciguë, & du mors de vipere qui est de ce gerre, quant à la frigidité, de laquelle aussi Plutarchus parle en la vie de M. Antoine quand vient vne pesanteur par le dormir, ceste mort est telle que celle qui aduient à la supreme vieillesse, pour ce elle est sans douleur. Ce n'est donques de merueille, si ceux de l'Isle de Chios, & les Atheniens faisoient mourir du suc de ciguë les nobles personnages qu'ils condamnoient à mort, afin que ce qu'ils leur ostoient à la vie & dignité, fut recompensé par la douceur de la mort. Semblablement les pommes de mort sont en Peru province de l'Inde Occidentale n'agueres trouuées: & illec sont aussi des corines odorantes, qui est chose admirable: & cest arbrisseau a les sucilles de poirier, espesses, frequentes, & verdes: & n'est de merueille si ceste plante deuient tant pernicieuse par la variété de la region. Car le pescher, dict nux persica, qui a prins son appellation de Perse ou il est venimeux, d'illec transporté en Egypte, n'est plus pernicieux. Cest arbre a le bois solide, plus haut qu'un poirier, auquel il est semblable. Il a tousiours les sucilles verdes, son fruit est semblable aux amandes, fort long & verd. Le noyau est comme de prunes, plus petit & plus mol. Le fruit se meurt en vn an, l'un croissant apres l'autre: il est cuit, & se meurt tant facilement, que l'abondance du fruit ne greue l'arbre. Pourtant il est certain que ce fruit n'est semblable à pesche, veu qu'il appert que l'arbre de ce fruit moult differe de l'arbre de pescher. Donques plusieurs plantes transplantées laissent leur amertume: les autres deuient pires. Veu que la pomme de la mort produict vn suc mortifere, duquel les flesches frotées,

*Le pescher
est venimeux
en Perse.*

tuënt, & font mourir subitement, sans y pouuoir donner remede : & veu que l'arbre donne vn ombre, qui faict enfler toute la face, & les paupieres, & caché les yeux : mesmement veu que la rousée qui degoute de l'arbre, si elle tombe dedans l'œil, en rongean la prunelle, elle cause siccité : ce n'est de merueille si le bois quand il brusle, excite vne douleur de teste, & rend vn odeur tres-mauuais : & tout cela aduient, pource qu'vn humeur subtil & petit, qui est bien cuit, & sent bon, est meslé à la grosse, & pernicieuse matiere. En nostre pais les cornes seulement sont de mauuais goust, pource que la matiere mortifere de l'humeur ne peut estre pourrie par la chaleur de l'air qui l'environne. Or puis que i'ay dit que l'ombre de cest arbre predict est pernicieuse, veu que plusieurs ont mesmement experimenté l'ombre du noyer estre mortifere, il sera vtile d'enseigner la cause de cecy. Toute la plante du noyer est froide, & sent mauuais, principalement les fueilles, & les reiectons : pource plusieurs vapeurs sortent du noyer, desquelles la plus grande part est tousiours sous ceste arbre, & la multitude & densité des fueilles ne permet que le Soleil puisse cōsumer ces vapeurs, pource l'ōbre est mauuaise à ceux qui dorment dessous, ou plustost le lieu : car ceux qui dorment ont le cerueau & les parties externes froides, la chaleur retiree au cœur. L'indice en est, que la lumiere de la Lune leur excite vn crachement de sang, non pas à ceux qui veillent. A cela grande lassitude, & la chaleur precedente aide bien, mesmement les corps imbecilles & humides, comme sont les corps des enfans qui sont remplis de mauuaises humeurs, aussi la longue demeure aide en cecy : quand ces choses sont aduenues à quelqu'un, ils semblent auoir esté frappez de quelque syderation, comme de tonnerre : aucuns sont estonnez, les autres tombent en longues fieures. De ce est publicque vne opinion que les morts habitent sous les noyers. L'ombre donc des noyers n'est totalement dangereuse, ains la propinquité du lieu : car l'ombre n'est que quelque priuation de lumiere.

Pourquoy l'ōbre du noyer est mortifere.

Les plantes dictes lymphatiques sont proches aux ve-

Les plantes
lymphatiques
qui font les
hommes for-
cenez.

Cahobba, her-
be qui enyure
Afferal
herbe.

Baara raci-
ne admirable

nins, de telle sorte est cohobba en Hispaniola, Isle de l'Inde Occidentale, laquelle enyure de son seul odeur, & rend les hommes fanatiques. Ceste herbe, ie croy, est du gerre de strimonia, laquelle buë, conuertit la personne en fureur, semblable en vertu à celle que les Turcs appellent afferal, lesquels en vsent souuent, pource que ceste herbe les rend non seulement ioyeux, & bië dispos, mais elle chasse tout soin & crainte, en sorte qu'ils sont plus prompts aux affaires de la guerre. Le safran est de telle sorte en nostre pays : car si on en mange beaucoup, comme l'asser al, il ne rend seulement les hommes ioyeux, mais yures, & pris par trop, il faict mourir. Tels sont le vin, & l'eau ardente faicte de vin, & la lye buë, aussi la racine dicte *anopia*, qui a pris son appellation du vin par quelque similitude. Au temps passé tesmoing Iosephus Hebreu, *Baara* estoit vne racine ayât couleur & splendeur de flamme, laquelle faisoit mourir ceux qui la manioient, si elle n'eust esté arrousee du sang ou de l'vrine d'une femme. Ainsi elle estoit mortiferee à ceux qui l'arrachioient : pourtant coustumierement vn chien l'arrachoit, qui mouroit quand elle estoit arrachee. Ceste racine penduë au col guarit les demoniaques & forceuez. Ce propos est-il totalement fabuleux ? Non, veu qu'il est de tant grand auteur. L'histoire est-elle vraye ? Non, car elle est trop proche du miracle : mais il faut regarder la raison de ceste matiere dont la verité sera cogneuë. Premierement Iudee est vne region treschaude, & presque toute pleine de montagnes : & Baaram, dont ceste racine est dicte *bàara*, est vne vallee abondante en bitumen, duquel bitumen la portion trop cuite, & tres-subtile distiloit des montagnes. Doncques de ceste matiere tant ardente & tant subtile, il est vray-semblable telle racine croistre en ceste vallee, non toutesfois par tout, mais aux grandes chaleurs du Soleil, par lesquelles ceste racine estoit bien cuite : ou elle croissoit en l'ombre perpetuelle, ou le venin ne s'expiroit en rien, & estoit de substance chaude comme feu : laquelle quand elle estoit arrachee, la vapeur ardente & putride (i'ay dit qu'une matiere peut estre putride à l'un, qui sera naturelle à l'autre) receue

au cerueau, incontinent faisoit mourir ceux qui l'arrachoyent, ou les chiens qui estoient aupres. Ceste racine arrousee du sang de femme estoit hebetee, & ne iettoit hors telle chaude putrefaction, ou cecy estoit faict par l'acrimonie de l'vrine, & ainsi elle estoit plus maniable. La gent Iudaïque supersticieuse auoit adiousté qu'en quelque maniere elle fut arrachee, & fut- ce de loing, elle faisoit mourir, en sorte qu'elle approprioit à la religiō ce qui est de nature, laquelle coustume a esté tousiours au peuple vulgaire, veu toutesfois que cela est faux: sinō peut estre, comme i'ay dict aux venins, quelques choses sont manifestees par la cōtinuité de la matiere, ce que i'ay monstré en parlāt de stupeur & endormissement: & ainsi la force mortifere rampant de loing par la corde, peut faire mourir: & ce a esté possible. Or que ceste racine pendüe au col guerisse les forcenez & demoniaques, en partie il faut le croire, pource qu'elle a grandes vertus, & pource qu'il est cogneu que toutes choses tres-bonnes sont possedees difficilement, & avec grand labeur & peril: toutesfois toutes choses qui sont faictes, & receües difficilement, & avec grand peril, ne sont pource tres-bonnes. La superstition du vulgaire, comme i'ay dict, a augmēté ceste opiniō, laquelle a esté tousiours fort rude, & ignare, & n'est aucun peuple tant aliené de vraye discipline, que le peuple Iudaïque, tout ententif & addonné aux ceremonies & à la Loy. Et ne fault s'esmerveiller si baaram a tant grande vertu, veu que ce n'est de fiance d'arracher maintenant le petit nauet, dict *napellus*. Compare maintenant l'espece des plātes & les regiōs & les alimēs: que peut-il estre plus probable, que ce qui est receu iusqu'à ceste heure pour miracle, ou pour fable? Ce n'est merucille si la plante est nourrie de bitumen, veu qu'elle est mesmemēt nourrie de soufre. Aristoteles recite qu'aux fontaines sulfureuses croissent petites herbes: car quand les vêts soufflēt, vne lye & grosse matiere tombe de l'air, qu'ils appellent *auripigmentum*: elle se pourrit, & de ce vne herbe est engendrec. Les plantes sont multipliees, prouignees, & engendrees en cinq manieres, par semence, par racine, par reictions, par dechauffement, & par putrefaction,

*Les manieres
des genera-
tions des plā-
tes.*

laquelle à bon droit nous pouuōs appeller cas fortuit. Plusieurs certes par semence, comme le sapin & le larix: par racine, comme le reglisse & le lys: & le lys a tāt grande viuacité, que ces reiettons pendus en quelque chose produisent vne racine. Theophrastus estime qu'vne larme est condensée, & d'icelle est multipliée la racine, qui est chose plus vraye. Mesmement les neuds du lis pēdus sans fueilles en la cheminee, & quād ils sont sechez, ou les trempē dedans la lie de vin rouge, puis enfouis au fiens avec ceste lie, produisent des fleurs rouges cōme pourpre. Et les resins gardez dedās les pots de terre, s'ils sont arrousez d'eau tiede, & florissent toute l'annee. Et ce n'est de merueille, & est vne mesme cause de toutes ces choses, sçauoir est, l'humeur gras. Cecy appert, pour ce que les fleurs du lys sont gardees presque tout vn mois aux chambres, pourtant que la substance de l'humeur en est lente & glutineuse. Ceste fleur est tres-belle, & tres-blanche de soymesme. La fleur aussi de la flāme dictē iris, est aucunesfois blanche en Italie. Aucunes plātes sont multipliées en toutes manieres, cōme l'oliue & le figuier. I'ay monstré que toutes plantes peuuent naistre de soymesme, pource que la concoction se fait par tout, & les plantes semblent auoir besoin de la seule ame. Et le Soleil en est l'ame. Le saule vient d'vn reietto, & la vigne aussi. Le deschauffement est propre à la vigne, quād le tronc est enfouy deux ans, & qu'il est coupé du premier apres que la racine est esparse. Les anciēs enseignēt chose semblable estre faite d'vn arbre en autre. Il est doncques manifeste que les plantes sont nourries, ce que ie monstreray apertement cy apres.

*Le laurier
dict nardus.
Pourquoy les
fueilles tombent
aux plātes.*

Le reuien maintenant aux plantes odoriferes: le lis, le lauedier dict nardus, & le safran sont de ce gerre. Tout laurier est petit arbrisseau, dict *subfrutex*, qui a les fueilles de roumarin, plus lōgues, plus estroites, plus espesses, plus molles, bien odorantes: la fleur petite entre couleur perse & rouge. Le tronc & rameaux sont pleins de bois: il est en vigueur au temps d'huiuer: s'il est trop vieil, il meurt. Le froid est vne mesme cause à toutes les plātes de perdre les fueilles: pour ceste cause aux regiōs froides l'arbre posé en lieu chaud couuert de brāches,

de foirre, de fiens des chevaux, ce n'est merueille si les fueilles ne tombent point, veu que mesmement les arbres produisent les fruiçts. Les fueilles se gardēt de soy mesmes aux plantes chaudes & seches, comme au la-uendier, au roumarin, au sauger, au geneure, au laurier, au cypres: elles se tiennent au bouis, pour sa seule vehemente sechetē & mediocre chaleur, & est amer. Aux Indes les fueilles ne tōbēt d'aucun arbre, pource que c'est region treschaude, exceptē la cosse, que nous appellons cassia. Il est certain, entendu qu'elle produit ses racines souz terre iusqu'à l'eau qu'elle est froide & humide pour trois raisons; car la racine attire beaucoup d'humiditē, elle est loing de la chaleur du Soleil, & est refrigerēe de l'eau froide qu'elle touche.

La racine du safran a beaucoup de petites testes, elle est copieuse, viue, il a les fueilles de poreau, mais elles sont tant estroites, qu'elles semblent estre cheueux: le tige est plein de macules, les fleurs sont de couleur de vin clair, semblables à la fleur de colchis, au milieu desquelles s'esleuent les filets de safran, qui sont comme de couleur de flamme. Au temps passé le baulme, dict *balsamum*, estoit en grand prix. Il est appert que c'estoit vn arbrisseau, qui auoit les fueilles de sureau, & presque de mesme gerre, & n'est chose plus proche à luy, presque semblable au jasemin, dit *jaseminum*. Mais Petrus Martyr Angerius, nostre citoyen, ambassade pour les Roys des Espagnes vers Sultan, seigneur d'Egypte, depuis cinquante ans, certifie ces arbrisseaux estre petiz. Les autres recitēt qu'on en trouue par tout en grande abondance aux jardins de Chairi. Je ne voy point pourquoy Angerius doie mentir aux Roys, ausquels ils desdie son œuure: ou pourquoy il eut esté negligent en chose de tant grand profit. Cecy est assez certain par le témoignage de tous, mesmement de ceux qui disent estre bien multipliē en plusieurs lieux, que ja de long temps ne le fruit du baulme, ne le bois, ne le suc tant celebrē n'est apportē en ce pays: poutant il faut estimer que le vray baulme est pery, & qu'au lieu de luy on a supposé vne autre plante par l'ambition, ou auarice des habitās. Consequemēt la fleur du jasemin

Le safrā, dit croccus.

Colchia Et colchicum est dit vulgairement mort à chien.

Le baulme, dit balsamū.

Tafeminum.

est tres blâche & odorâte: aucune est perse, aucune violette, que j'ay souuenance auoir veüe. Cest arbre adhe-
re à vn autre, cōme lierre, plus semblable à la vigne des
iardins, quād il ne produit aucune chose dont il puisse
adherer à vn autre: car de soy-mesme il n'acole les murs
ou les arbres, comme lierre, ains il attire. La fucille est
verde, molle, subtile, noiraistre, presque semblable à l'o-
liue: la fleur est en la couronne en haut, qui est quasi cō-
me vn chapeau, dict *ymbella*. Cecy est admirable que
ceste fleur n'a aucun fruiçt, nō plus que les autres fleurs
excellentes, comme le lys, comme la rose, & autres plu-
sieurs. Ils estiment la cause estre, que toute la vertu est
cōsumee en la fleur: ou pourtāt que les temps des fleurs
& du fruiçt ne sont semblables, & que les fruiçts sont
faictz de substance humide & grosse, à fin qu'ils soient
plus excellens: & les fleurs sont de substance chaude &
sèche: ainsi il est difficile de trouuer vn arbre en tant di-
uerse temperature, qui puisse satisfaire en tēps à la fleur
& au fruiçt. En telle sorte rarement le fils noble respōd
& ressemble au pere noble, & la vieillesse hōneste à la
ieunesse noble plustost que l'aage, ce que Philostratus
sophiste, & sage a cogneu en Hermogenes de Tarse.

Or à fin que j'acheue l'histoire des plantes qui sentēt
bon, il faut faire mention du basilic, pource que ceste
herbe sent bon, & naist par tout, en sorte que toute l'E-
thiope en est pleine. Nature semble n'auoir inuen-
té l'abondance des choses vtiles sans cause & raison. Et
quelques plantes estans par tout abondamment, sem-
blent estre diuerses quand la couleur est muee, comme
Cyperus en Italie, Galanga en Babylonne, & curcuma
aux regions d'entre les deux autres: certes en faculté &
nature ces trois plantes sont semblables, differētes en
forme & vertu. Car autāt que galāga est plus forte que
curcuma, d'autant cyperus est plus imbecile que curcu-
ma: toutesfois il semble que cyperus sente meilleur que
curcuma. Mais j'ay dict cy dessus, que les plātes se chā-
gent pour cause de l'air & de la terre. Semblablement il
aduient aux fruiçts: car les myrabolās (ie ne diray faul-
sēment que le myrabolan est la noix des Apoticairez)
sont du gerre de prunes: & les myrabolans, comme dict
Aristoteles,

*Pourquoy les
fleurs odorif-
erēs n'ont de
fruiçt.*

Myrabolan.


Aristoteles, sont doux auât qu'ils soient meurs, car engendrez aux regions chaudes, ils sont d'un humeur aqueux, non gras, & de rare substance, & legerement deuiennent meurs & parfaicts, par cōtraire raison des tamarindes, qui pour cause de l'humeur gras & terrestre demeurent tousiours acerbés & aigres. Et ces tamarindes naissent en la partie d'Ethiopic, qu'on appelle Bernagaffos, outre le cercle de Cancer, aupres de la mer rouge, en la part qui est la plus vers Occident, entre les forets, d'un arbre fort grand, qui porte le fruit semblable aux résins des grapes. Les œuures de nature sont merueilleux: & son industrie a reuouqué en memoire le fruit de balsamine, ainsi appellé par la similitude des vertus & de la plante: car ce fruit guarit soudain les playes recentes, & l'arbre rampe, comme faisoit iadis le baulme, montant aux pieux qui le soustenøient. Cecy est admirable, que ce fruit, qui est rouge, & quasi semblable au solanum, dit halicacabon, quand en tombant sus terre, il est vn peu rompu, il se fend tout de soy mesme. La cause est, qu'il est de substâce subtile, & n'est entrelassé des filamens selon la latitude, pour ceste cause il est rompu de l'impetuosité. Il semble que la glace par mesme maniere se fend quand vne portion en est rompue, pource que totalement elle n'a de filamés, & s'ouure par sa pesanteur: le tout necessairement se met en pieces pour cause de la portion fendüe: car les portions empesantiffent: & entendu qu'elles sont droites, elles sont distantes esgalement: elles se diuisent donc selõ le tout. Pour ces deux causes, entendu qu'elles n'ont de filamens selon la latitude, elles sont diuisees selon la longitude. Il faut donc que la matiere soit seche: car le bois sec est ainsi diuisé, la partie diuisee. Mais quant au bois, pource qu'il a des filamens selon la latitude, la portion entiere vnit ensemble la portion diuisee: au fruit de la balsamine, la portion diuisee separe l'entiere. Et le baulme, à fin que ie reuienne à mon propos, n'a rien de commun avec ce fruit: & le suc estoit de couleur iaune: tres bon pour guarir les playes: il estoit les rides de la face, & deliuroit hors de corruption la face des morts: il rompoit la pierre des reins: il effaçoit la macule des

*Le baulme
d'Inde.*

yeux: il resistoit aux venins, principalement au reagal, dict aconitum, & aux rigneurs des fieures: en toutes ces choses la vertu du baulme excelloit. Maintenant vn autre gerre de baulme est apporté d'Hispaniola prouince d'Inde, lequel a la couleur des iuiubes, reluisant & glutineux: Il est d'vne suauité d'odeur admirable, tellement qu'on ne peut estimer tant grande suauité. l'en ay veu chez Sebastianus Serlius Bononiensis, architecteur du Roy à Lyon, homme certes ingenieux, qui m'aymoit bien & illec ie mania y ce baulme. Autres fois i'en auois veu à Ianes, qui piquoit la langue comme le poyure, mais ie croy qu'il estoit corrompu du feu: car il sentoit quelque goust aduste & mauuais. Tel qu'il est, il guarit les playes recentes subitement, & oste les rides. Ie croy que ce gerre d'huile est de grande efficace, si non à toutes choses, pour le moins à plusieurs, auxquelles l'est le vray baulme. On dict que Codrus medecin Italien a trouué du vray baulme, qui a esté tât cupide & studieux de chercher choses nouuelles, que neantmoins qu'il fust fort riche, il est mort en la part meridionale du nouveau monde aupres du port de Pumida, & des Isles de Zorobaros. A fin donc que ie retourne à mon histoire, l'arbre qui fait ceste huile goacomax, est presque semblable au grenadier en forme & magnitude: toutesfois il a les fueilles vn peu plus grandes & plus subtiles: il a l'escorce presque atide & sèche, le bois qui bruste, comme vne torche: le fruit est comme les relins des grapes, les grains toutesfois sont plus rares & vn peu plus gros, de couleur de vin, lesquels cuits long temps avec les reietons en eaue, ils rendent telle espee d'huile. Ainsi facilement l'huile qui represente la vertu & l'odeur de la plante, est exprimée & tirée des matieres qui la contiennent abondamment. Car les huiles sont faictes, ou pour garder la substance, ou pour receuoir la force & vertu, la vertu est receüe en autre huile, ou subitement, comme quand la quatriesme partie, ou plus ou moins est adiouctee en l'huile: moins certes, selon les fleurs ou fueilles: ou plus selō la quantité du bois: mediocremēt, selon les racines & fruits: puis on les fait bouillir tant que toute l'eaue soit consumée. Et si on a deliberé de la

receuoir subitement, cecy sera faict plus commodemēt par chaleur temperee: ceste chaleur sera, ou du Soleil, ou de cendre, ou du bain, ou estuues, ou du fiēs, ou du marc des vins, ou des pourritures: & par tous ces chaleurs sont faits les vnguēs. Par ceste secōde maniere de Dioscorides, plus vulgaire & antique, les fleurs estoient mises dedās l'huile pure l'espace de quatre iours, & estoiet exposées au Soleil: puis quand l'huile estoit tiree hors diligemment, autant de fleurs recentes y estoiet adioustees & derechef le tout estoit mis au Soleil chaud: & failloit ce faire tant de fois, que l'huile eut beu l'odeur: & quelques masses y estoient adioustees au lieu des vnguens, comme masses faictes de miel, & d'autres drogues adorantes. La troisieme maniere n'a besoing de chaleur, mais plus frequente repetition, & plus longue demeure. Pourtant dispose les fleurs sus les amandes, ou qui est trop meilleur, sus les grains purgez du mirabolam, lesquels ne moisissent point, on iette le *cinamomum*, dict vulgairement de la canelle, ou du safran dessus (car c'est vne mesme maniere) & sus ces matieres dispose alternatiuement les feuilles des fleurs, & des amandes, & les tien pressées iusqu'à ce que l'odeur des fleurs soit euanouy: lesquelles ietees, pour icelles iete dessus autres fleurs par mesme moyen & ce repete tant de foys, que les amandes ayent attiré grand odeur, puis les iete au pressoir: & faut premieremēt oster l'escorce, & vn peu les secher: par ce moyen l'huile attire plus de force, & est moins suiette à corruption, pource que rien de suc y demeure. Et la substance de l'huile est receüe par autant de manieres que sont les vertus. Mais la substance n'est receüe sans vertu, & la vertu peut estre receüe sans substance. Est-elle aucune huile sans vertu? Il n'y a de doute: car les huiles receües en grad feu, sont brulées, & ne retiennent leur propre vertu. Les huiles telles qui sont tirées subitement, & par la force du feu, appartiennent à la premiere maniere: mais ceste maniere n'est apte aux fleurs, ains aux bois, & autres matieres qui sōt semblables aux bois, comme aux garyophyles.

Trois manieres de faire l'huile odorifere.



Ces matieres brisees sont mises au vaisseau de vitre A, & sont distillees au plus petit feu qu'il est licite: & s'il estoit possible de tirer l'huile par eau bouillante mise alentour du vaisseau, il seroit trop meilleur. Au sommet du vaisseau vn chapeau de vitre B est pose, lequel tant plus est large tant plus est meilleur pour transferer les vertus, odeur & saveur: & vn mesme chapeau est mis aux deux tuyaux. Le chapeau d'oc est bien approprié de boüe, de peur qu'aucune haleine n'en sorte, sus lequel est couché le tuyau C, selon la coustume, auquel est adioint vn autre canal ou tuyau de vitre D, circuit de boüe, en sorte que rien n'en puisse expirer: ce tuyau D passe par le trauers d'vn vaisseau de bois, qu'il faut tousiours tenir plein d'eau froide, en tirât hors par le petit tuyau H, toute l'eau qui se sentira du feu, en remettant de rechef celle qui vient d'estre puissee, car D est refrigeré: & les fumees ne sont bruslees, ains elles se conuertissent en eau, ou en huile, & deltournees par la part oblique du tuyau F, estenduë hors le vaisseau de bois plein d'eau, elles tombent goutte à goutte dedans le vaisseau G. Cōme i'ay veu d'oc, premierement vne matiere trouble distile, apportant hors la plus subtile substance de la matiere: puis vne caue plus claire sort, finalement l'huile distile, qui refere plustost l'odeur de quelque matiere aduste, que l'odeur de la chose dont elle est distilee. Le

canal ou tuyau D, peut estre fait en figure de serpent, & ainsi moins de la substance & vertu des matieres perira. La seconde maniere respõd à l'autre en proportiõ, quand les matieres cuites par la chaleur temperee de l'eau redent l'huile, cõme n'agueres i'ay dict du baume d'Inde. Par mesme moyé l'huyle est tirce des grains du laurier. Il faut donc que generalement la substance soit grasse, & facilement separable en ces matieres, mais elle est condensée, & assemblee facilement par le froid, & siccité: autrement elle ne dissoudroit, ou separeroit par chaleur & humidité. La troisieme maniere ne consiste en chaleur, ains en force & vertu: ceste maniere est cõmune à tous fruiçts, comme aux amandes, comme aux fruits dits pistacia, aux noix, auelines, aux pommes de pin, au poyute, aux résins de lierre, aux noyaux de pesche, & de cerise: mesmement à toutes semences, cõme de nauets, comme de ricinus, dict creton, vulgairement *palma Christi*, de raues, de lin, de l'herbe dicte apollinaris, du pauot: & ces semences sont bien diuulgues, qui cõtiennent l'huile. Car toute semence a vie, & toute vie est en l'humeur gras: & toute chose grasse est aux animaux, & est appellee gresse, de laquelle sont trois especes, la gresse dite pinguedo en general, la gresse dicte adeps, qui est alentour de certaines parties, nõ cõmune à tout le corps, cõme la gresse des reins, ou de la coëffe qui couure les intestins, dicte omentũ, & la gresse dicte le suif, qui est plus sec que les deux autres especes: & pource il est presque seul aux bestes cornuës, & ce qui est aux matieres qui n'ont de sentiment, cõme aux pierres, aux plâtes, au bitumen, au sel, aux metaux, & à plusieurs autres choses est appellé huile. La gõme, dicte *lacryma*, est vne huile meslee à la matiere terrestre de tout arbre. En toute semence dõc l'huile est cõtenüe. Or que toutes semence viuët, il est de ce manifeste, pource que elles procreent plâtes de leur gerre & espece, selõ l'opiniõ de Theophrastus. Cecy donc est fait de toutes ces choses, ou de la plus grande part: certes rien n'empesche qu'aucunés semences ne soiët blessées en tout leur gerre, veu que mesmement aucunes bestes sont telles, cõme les taupes: & ces plantes blessées viennent par putrefactiõ,

Pistacia les apothicaires disēt pistica

La difference de l'huile Et de gresse.

La gomme dite lacryma.

La difference de semence Et du fruit.

*Herbe qui
tourne quand
le soleil, peut
estre dite he-
liotropium:
aucuns estimēt
que c'est le
soucy. dit cal-
tha.*

ou par racine, ou par maniere autre que par semence. Ie dy & appelle la semēce qui est enclose de quelque cou- uerture, & ie dy le fruit qui n'est enclost. Pource aucunes semences sont dedans la cosse, comme les facioles & pois ciche: aucunes tiennent en la barbe de l'espy, di- cte arista, aucunes en la paille, cōme le froment: mais les semēces qui sont aux fruitz, sont cōtenūes au mi- lieu du fruit, qui est dit pericarpium, comme les semences des melōs, des pōmes, & poires. Aucunes des semences ont moult d'huile, cōme la noix, cōme la semēce du lin, du tournesuil dict *heliotropium*, comme la semēce des nauets, dicte la *nauette*. l'appelle la noix, la partie qui est contenue en tout le fruit, laquelle, comme il est dict, pource qu'elle est contenue, elle est semēce, cōbien que plusieurs l'appellēt coustumieremēt fruit, pource qu'on la mäge. Car aucuns appellēt le fruit, quand c'est grāde semence, les autres appellēt le fruit, qui est produit de la plante dernièrement, & est mangé: & ce qui est produit le dernier, & n'est mangé, ils appellent semence. Mais, cōme i'ay dit, ce n'est la propre difference des semēces, & fruits. La semence de la nauette produit tāt d'huile, qu'en aucunes contrees de Germanie, non seulement elle peut satisfaire à la necessitē des habitās, ains elle est por- tee pour marchandise aux villes voisines. En Ethiopie est grande labōdance de l'herbe dicte *hena*, de la semence de laquelle non seulement est tirée l'huile abondante, mais tresbōne. La raison enseigne que les matieres, qui cōtiennent beaucoup d'huile, cōtiennent aussi quelque chose de bō. Car l'huile a besoing de beaucoup de cha- leur temperee & d'humeur abondante, desquels elle est faicte nō seulement copieuse, ains tresbōne. En aucunes choses qui ont peu de chaleur & d'humeur, peut estre quelque matiere tresbōne, mais rien n'empesche quel- le ne soit mauuaise. Vne chose dōc tresbonne peut estre & avec abondance, & avec paucitē: la chose mauuaise presque peut estre avec la seule paucitē: car, cōme i'ay dit, en toutes choses quelques mōstres aduēnent qui sont faits de nature. Riē n'empesche aucune chose abō- der en huile depravee, puante ou inutile, pource qu'elle n'est parfaictement cuite: qui est la cause de perfectiō.

Hena herbe.

Mais ie retourne à mon propos. L'huile est tiree au pressoir: & quoy qu'elles soient plusieurs manieres de ce faire, il me suffira les declarer par trois exemples. Le premier sera de la noix, dictée myristique, qui est diuisee en petits morceaux, lesquels sont mis tréper par trois iours au vin de Crete: ils sont sechez en l'ôbre par deux iours, & sont eschauffez en vne paesle, & sont arrousez d'eau de rose, puis sont espreins. Mais si tu veux tirer abondance d'huile, toutesfois plus debile, & moins delectable, tu pileras ceste noix diuisee en morceaux, & l'arrouseras de vin cretique, puis la mettras au Soleil, iusqu'à ce que elle ait acquis vne crouste: derechef tu la mesleras sans plus y en adiouster, mais l'arroufant de vin: puis derechef la secheras, & ce feras tât qu'elle soit presque pourrie, lors elle rend abondance d'huile. Et ceste maniere satisfera à la seméce de l'herbe dictée apollinaris, & au pautot: mais au lieu du vin arrouse-les d'eau tant qu'elles soient pourries, puis iecte ces seméces souz le pressoir. Et les semences aussi qui ne sont bues, pourrissent. Le second exemple est, que la seméce de l'herbe dictée apollinaris, est plus humide que la noix myristique, comme l'amande est plus grasse qu'icelle. Le troisieme exemple est aux amandes, lesquelles quand les deux escorces ou pellicules sont ostées, sont vn peu sechées au feu, puis on y verse sus la cinquiesme partie d'eau, qui est la maniere commune aux semences: aussi vne portion de vin est espendue en la noix myristique: puis la masse est sechée au feu, & incontinent est exprimee & espreinte: car pource qu'on la boit, elle est chanfée, quād elle tarde trop. Il est manifeste que ces manieres requierēt la chaleur & l'eau: & l'huile ne distile, si elle n'est fondue: car ce qui est congelé ne peut couler: & ce qui se fond a besoin de chaleur: & la chaleur consume l'huile: pour ceste cause il faut y adiouster de l'eau, autrement peu d'huile en sortira, & sera toute aduste. Et cecy est le plus necessaire aux matieres les plus seches, cōme en la noix myristique, à laquelle on adiouste du vin, pource qu'il agui-se l'odeur: l'odeur des autres choses est fascheux: & le vin penetre plus aux parties interieures, & dissoult ce qui est commun à la chaleur du feu: toutesfois le feu

D₃ iiii

attire des parties intimes aux exterieures. L'huile donc n'est faicte d'eau ou de vin, mais ce sont les defences. C'est vne doute, si la portion de l'eau ou du vin se conuertit en l'huile: car l'huile consiste d'humeur aqueux, & plein d'air: là où l'humeur plein d'air est vertueux, facilement l'eau y est: & plus facilement le vin se tourne en huile que l'eau, pource qu'il est chaud. Aucunes matieres sont tant pleines d'huile, que battues & nourries de chaleur naturelle temperées, elles se conuertissent en huile, sans expression & espreinte, pource qu'elles sont tresgrasses, & abondent d'huile copieuse, qui n'a moult d'excrement terrestre. Vn autre gerre d'humeur glutineux est presque en toutes les racines & semences: & entre ces semences, les plus renommées sont du lin, de la guimaue, du psilium, dict de l'herbe à pulces, du marrubium, des coins, des poires, des pommes, du grand foin de Bourgongne, dict *Fenum grecum*: les plus muqueuses & glutineuses des racines, sont de guimaue, de sarrasine, dicté aristolochia: de toutes ces semences & racines, il faut tirer ceste portion muqueuse & glutineuse, commé donnée de nature. Ces matieres mundees, sont mises dedans vn vaisseau, & y met on la quatriesme partie d'eau chaude, & trempent vne nuit: puis l'eau iectee, les racines ou semences sont mises dedans vn sac faict de chanure, ou de lin, ou d'estamine: & la gueulle liee, & vn vaisseau mis dessus, le suc muqueux & glutineux est cueilly, en frappant aucunesfois d'vn baston, en exprimant aucunesfois de la main: apres qu'il a esté cueilly, tout ce qui en distille, est estreint estroictement, & par mesme moyen est espreint petit à petit: puis derechef le sac est relié plus estroictement iusqu'à ce que la semence demeure seule. Il est donc bon de considerer quelle est la matiere qui distille: & faut la cognoistre par sa vertu & substance, & par la maniere de la tirer. Car quand ceste matiere est molle & glutineuse, & qu'elle est tirée de l'humeur chaud, il appert que ceste portion est de suc gras, differente en cecy seulement, qu'elle a vne portion terrestre: mais ceste portion terrestre est grosse & espesse, si elle est comparee à l'huile, en laquelle est peu de matiere terrestre. Pourtant ceste por-

Le maniere
de tirer l'hu-
meur glutineux.

tion glutineuse ostee, les semences ou racines ont moins d'huile. Les racines donc contiennent de l'huile. Vne autre difference est, que le suc muqueux & glutineux est plus froid & plus cru que l'huile: pourtât ce suc est plus copieux aux racines auxquelles est peu d'huile. L'huile donc est presque faicte du suc muqueux & glutineux, pource qu'il est aux semences, comme il auoit ia esté aux racines. Pourtant la semence du lin, pource qu'elle abonde en ce suc muqueux, donne abondance d'huile, voire sans eau, à raison que ce suc muqueux est au lieu de l'eau: & vsons de ceste huile pour les douleurs, comme d'huile pure. Vne mesme raison, non toutesfois tant euidente, est aux amandes, lesquelles contiennent vn peu de suc muqueux: mais en adioustant de l'eau, l'huile est tiree, sinon meilleure, pour le moins plus copieuse. La recordation de ces matieres me reuoque à escrire par quels moyens les gresses abreuees d'odeurs, en sorte que les choses delaissees & desaccoustumees par la longueur du temps, seroient reuoquees en vsage vtile, ce qui tousiours a esté mon estude & affection. La gresse donc purgee & mise hors de toutes les petites membranes, autant du sureau que de ses fleurs, le serpolet, le myrte, le cyperus, aspalathos, le citron soient adioustez, pour la huictiesme portion du pois, de bon vin blanc, & l'eau selon le pois des matieres susdictes: que toutes ces choses soient cuittes ensemble, non long temps, puis qu'elles demeurent ainsi l'espace d'vn iour: quand la gresse est purgee, qu'elles soient coulees: derechef, que les matieres mesmes soient adioustees, ou deux, ou trois d'icelles, ou vne selon nature & vertu de son odeur: & en adioustant du vin & de l'eau, comme parauant, qu'elles bouillent, qu'elles se rassissent, qu'elles soient purgees & coulees: & que cecy soit faict iusqu'à ce que la gresse ait beu l'odeur. Ainsi la gresse est abreuee des autres odeurs, & est gardeee non seulement par la chaleur du feu, mais aussi quand l'eau en est diligemmēt ostee, & que ceste gresse est sechee en l'ombre: car, comme i'ay dit, le seul humeur aqueux pourrit: & la gresse qui se corrompt, necessairement pourrit. Les humeurs donc qui sont contenuës aux mixtions, sont

Comme les gresses sont abreuees d'odeur.

de quatre gerres: ou ils sont du tout cuits, & sont appelez aqueux: ou ils sont cuits parfaitement, & sont appelez gras: ou ils sont cuits mediocrement, & sont appelez muqueux ou glutineux: ou ils sont trop cuits, & les alchimistes appellent ceste partie le feu, principalement si ceste partie a besoin de moult de feu pour estre fondue, comme aux matieres metalliques, quand l'humour acre est fondu par le feu resloquant. Il est donc manifeste que les gerres des humeurs ne peuuent estre plus ou moins. Or rien n'empesche tous ces humeurs n'estre point en aucunes mixtions: mais toutes choses qui vrayement sont meslees, ont pour le moins les trois premiers. En plusieurs matieres metalliques on ne sçait qui est le mediocre de ces humeurs. Le dernier gerre, pour ce qu'il est ioint à la matiere terrestre, ne peut facilement estre tiré: pourtant en y mettant le feu, il est incertain s'il est acre de soy-mesme, ou s'il est pour la seule vertu du feu, ou s'il est acre par l'un & l'autre. Et tant plus sont loing, & distans du premier gerre d'humour, tant moins sont subiects à putrefaction. Doncques les matieres aqueuses se pourrissent soudain & totalement: les muqueuses se pourrissent du tout, mais tardiement: les grasses se pourrissent aussi tardiement, mais non du tout: les adustes ne se pourrissent ne parfaitement, ne imparfaitement. Tout ce qui est gras en la chair, est tiré en la maniere, dont i' vse coustumierement, la chair est hachée en morceaux, & enclose dedans vn vaisseau de vitre: ce vaisseau couuert de quelque peau, est mis dedans l'eau bouillante six ou sept heures: & presque toute la chair se conuertit en gresse, & se fond. Le tartre est fondu par humidité, ou enfouy souz terre en du marbre, ou en vn vitre qui reçoit la fumée de l'eau bouillante: par lesquelles manieres plusieurs de ces matieres redigees en chaux par le feu, sont conuerties en huile. Pourtant il est incertain, si le suc du tartre est huile, ou si c'est plustost eau. Le soufre en brusant se conuertit en huile: car la fumée qui est colligee, quand elle est refrigérée, devient huile, comme i'ay experimeté. Il faut seulement vn vaisseau de vitre, qu'on appelle de ce mot Latin *nola*. Et pour faire brusler ce soufre petit

*Comment les
chairs se fon-
dent.*


*L'huile de
tartre cueillie
de la lie de
vin.*

*L'huile de
souffre.*

à petit, il est besoin d'industrie. Le verdegris, ou vitriol, est premierement bruffé, & tardiement il rend l'huile, tant qu'aucunes fois il attend iusques au neufiesme ou dixiesme iour. Mais dedans vn vaisseau de fer, l'huile est receuë en vn iour, non toutesfois tant copieuse, ne tant acre. Or pourquoy les matieres metalliques adustes rëndent plus facilement l'huile, & retiennent aussi l'eau, & que l'eau est tant acre? Est-ce pource que la matiere terrestre y est tant meslee, qu'elle empesche l'humeur gras estre consumé, & mesmement l'eau n'estre toute consumée: ou si c'est pource que telles matieres ne sont bruffées, ains plustost sont sechées? car autrement elles retourneroient en cendre. Il semble que quand l'eau est ostee, qu'en la plus grande partie la sortie de l'huile est plus soudaine: & ce qui sort subitement, n'endure pas tant la violence du feu, pource qu'il n'est rendu tant chaud: pour ceste cause l'huile est tirée plus facilement & plus abondamment. La maniere de faire & preparer ces matieres appartient au liure des Secrets. Aucunes larmes & aucuns bois sont qui produisent de l'huile sans estre cuits, & telle huile est de grâde efficace, comme l'huile de terebinte, ou de lentisque, d'où vient le mastic. L'huile qui est tirée par la seule extraction des vertus, est imbecile: car les vertus ne peuuent estre parfaites sans substance: & n'est aucun moyen parquoy nous puissions scauoir si elles sont parfaitemēt extraites. L'huile qui est attirée par le feu, ne retient les vertus pures, ne corrompues aussi de la matiere dont elle est extraicte. L'huile doncques est tresbonne, de laquelle la substance distile sans coction du feu: l'huile est tresseure qui est faicte par infusions: l'huile est de grande efficace qui est faicte par coctions: ie dy la coction seche, non point en l'eau, qui doit estre estimée au second lieu. Doncques l'huile qui est receuë des amandes, est au quatriesme ordre, & moyen: le moyen d'en faire, qui est antique, est au cinquiesme ordre: le moyen qui est faict d'huile & d'eau par coctions, est au dernier ordre.

*L'huile de
vitriol.*

Les eaux o-
doysifères.



La distillation des eaux est faicte par mesme moyé: mais elle retient trop micux l'odeur, si on vse de l'artifice qui ensuit: & l'eau de rose, par ce moyen sent tres-bon. Pren vn pot de terre A sus lequel estéd vn linceul gros, tissu B, & sus ce linceul espan roses, ou vaciet, ou autres fleurs ou herbes: puis pren vne, paesse C, qui soit sus le pot ou vaisseau de terre: mets du feu sus le fond D: lors vne eau non seulement tres-odorante, ains de

tresgrande efficace distile. L'eau de rose coustumierement enclose, est mise au Soleil, afin qu'elle se soit exépte de l'odeur de la fumee, qui toutesfois retient l'odeur de la rose. L'eau subitement est faicte, quand vn hanap de vitre est mis dessus ce pendant que le suc est chaud, ou qu'il boult auquel la fumee se couertit par gouttes: puis les gouttes cueillies, elles se condensent & assemblent en eau: ainsi le vinaigre facilement se tourne en eau. Ceste eau est vtile pour deteiger les macules & suffusions des yeux, principalement si la ruë dicte *ruta*, est cuite au vinaigre blanc. Aucuns mettent du musc en la premiere maniere aupres de F, & autres odeurs precieux: & l'eau retient non-seulement ses propres odeurs: mais aussi du musc & des autres odeurs qui sont mises avec.

Eau vtile
pour les yeux.

Pourquoy tou-
tes les odeurs
ne sont rete-
nuës aux dis-
tilations.

Pourquoy l'odeur d'aucunes fleurs n'est retenuë aux eaux, ains l'eau demeure sans odeur, comme en la fleur jasemin, garyophyle & du lys? l'ay dict autre part, que la plus grosse portion n'est ioincte à tant subtile substāce. Cecy donc aidera bien en ces matieres, si l'odeur est adioinct aux fueilles des herbes sans odeur, mises alternatiuement, & à la plus grosse matiere qui ne soit point bruslee, puis que cest odeur soit distilé: & cecy est le seul espoir de iecter hors l'odeur, entéd du que ce qui est mis dedans l'eau, ne remet & n'oste l'odeur, ains il pourrit, & le feu brusle ce qui est terrestre, sil n'est mis mo-

derément, en esguisant seulement. Pourtant les Moscho-
uites vident de l'eau distillée de l'aucine, pource qu'ils
n'ont de vin: & n'eschauffe moins ou yure que le vin.
Car entendu que l'aucine est de substance grosse, il est
nécessaire qu'elle s'eschauffe par distillation, & qu'elle en
soit plus atténuee: & plus agüe, approchant à la nature
de l'eau ardante. Les feuilles du chanure, redigees en
farine, pource qu'elles ferissent la teste, rendent le boire
yurant doucement. Par mesme moyen les feuilles du
chanuis, & les semences cuites, si l'eau en est espandüe
sus la terre, elle attire les vers en la superficie de la terre,
soit qu'elle les attire par son odeur, ou soit qu'elle les
chasse hors. Pourtant les pescheurs coustumierement
en vident. Ceste mesme semence rend les poules fecon-
des en hivers, si elles en mangent: car elles les eschauffe,
& consume la grosse matiere.

*L'eau faicte
d'aucine eny-
ure.*

*La vertu du
chanuis.*

*Pour faire
sortir hors de
terre les vers.*

Or ie retourne à mon propos. On dict qu'au pais des
Tartares, que l'eau du lait distillée yure. Il faut donc
que le lait soit espez, & qu'il ait long temps tardé au
feu. Peut estre que cecy se faict du lait des Iumens.
Mais qu'est il besoin d'en douter? Toute eau qui sou-
uent est distillée, peut ce faire: car elle est eschauffee, at-
ténuee, & plus reçoit la vertu du feu: pourtant l'eau ar-
dante souvent distillée acquiert telle acuité, qu'on ne
peut la boire. Par ces choses donc il est manifeste que
le vin a quelque vertu du feu, & que presque de toute
chose dense on peut faire un breuvage en distillant sou-
uent, qui yurera plus, & plus eschauffera que le vin. Car
la propriété du boire est, qu'il soit suave, doux, & puis-
sant: par la suavité il delecte le goust, par sa force il de-
lecte le flairement, & corrobore le ventricule. Et toutes
choses qui sont distillées, deuiennent delectables & odo-
rantes: delectables certes, pource que toute la portion
rude & sans suavité est ostee: odorantes pour la vertu
du feu, & pour l'acuité de la substance. Et les matieres
qui sont de parties subtiles, plus sentent bon: car l'o-
deur est de vapeur: & la vapeur est fondée en substan-
ce subtile.

*L'eau du
lait distillée
yure.*

*La propriété
du boire.*

Vne mesme propriété a esté inuentée aux breuvages
qui sont faicts sans distillation, lesquels yurent comme

*Le boire dist
medo.*

le boire dict *medo*, aux Moscouites. Tel boire est composé de miel, & la semence du houblon, & est gardé dedans les vaisseaux poiffez: toutesfois aucun des deux ne suffit pour enyurer. La semence du houblon mise avec del'orge, ou avec le grain dit *siligo* qui n'est proprement le seigle, dict *secale*, ou avec le froment, fait la biere, dicté *Zethum* ou *Zythum*, les Alemans l'appellent birra. La maniere de ce faire est, comme l'a descrite Nicolas Pol, Medecin de l'Empereur, trempe l'orge en l'eau, tant qu'elle se rompe: puis la seiche, & fay-la mettre en farine, prens deux parties dicelle, & sept d'eau: le tout est boullu ensemble, tant que l'eau soit diminuee de la tierce partie: puis on prend la moitié de l'eau, à laquelle on adiouste la quatriesme partie de houblon: & autāt d'orge qu'aparauant: le tout est boullu ensemble, enuiron trois ou quatre heures: puis on messe l'autre moitié de l'eau coulee à la premiere: & derechef on fait bouillir le tout iusqu'à ce qu'il soit diminué de moitié: puis ils distribuent ceste biere mise dedans vn vaisseau de bois, en y adioustant du leuain. Et comme ceux qui habitent aux parties Septentrionales necessairement font leur biere d'orge, de seigle & de froment: ainsi ceux qui habitent au Midy (ausquels n'est permis d'vser de vin pour la superstition de leur loy) font leur biere de ris: & tous ces gertes de breuage enyurent: toutesfois la biere faite de ris est la plus douce, non pource que le ris soit plus froid que l'orge: mais pource qu'on y met point de houblon: car le houblon est chaud & sec. Tous pais ont le plaisir de ce boire: car le ris croist par tout. Et la biere faite de ris est plus delectable, & plus salubre que l'autre. Ce boire donc est donné à tous mortels, & mesmelement celuy fait de miel: car on trouue du miel par tout.

L'oximel des anciens est plus salubre que toute biere, aussi est-il vn peu plus cher. Il est composé de 30. liures de miel, de 25. liures de vinaigre, de 19. d'eau. de 3. liures de sel: aucus augmētent l'eau, ou ils adioustēt de la sarriette, dicté *hymbra*: que le tout bouille ensemble par dix fois: puis qu'il soit versé d'vn vaisseau en l'autre: apres, qu'on le laisse reposer dedans vn vaisseau: & pource que on y met tant d'eau pour sa suauité, car quand on le boit

*La maniere
de faire biere*

*La biere fai-
se de ris.*

*L'oximel des
anciens.*

on y met de l'eau fresche, ainsi qu'au vin, il est de pl^o vil pris que la biere, toutesfois il est trop pl^o salubre & sain.

Les Ethiopes, pource, ie croy, qu'ils ne gardent le vins & qu'ils adorent Iesus Christ, trepent vn iour les resins en l'eau, & les sechent apres petitement, puis les espreingnent. Ce boire est tant meilleur qu'il a moins de suauité. Ce vin n'a de force ny de malice, & qui est d'auantage, il n'a de suauité trop grâde, qui est engêdree au dommage des hommes, ou pour ebriété. Pour ceste cause il seble que nature ait preparé le miel plustost que le vin pour faire le boire: car il n'est aucune region qui ne produise du miel. Outre le miel faict le vin: car par succession de temps le vin est faict de miel, & d'eau preparez ensemble. Mais les regions tres-froides ne produisent les vins des grappes: & les regions tres-chaudes ne les gardent: & mesmemēt les vins des autres fruits à peine y sōt gardez. Car aucūs vins sont faicts de coings, de grenades, de poires, de pōmes, de prunes, de berberes, de meures agrestes, & generalement de tout fruiēt qui a le suc doux & salubre, & qui peut se garder. Car le suc qui ne peut se garder, entendu qu'il ne peut se clarifier, ne peut se tourner en vin, pourtāt on ne peut en faire de cerises, ne de pesches. Le suc qui se cuit biē, & se garde biē: mais quand le suc s'espessit, ce n'est breuage, ne vin, ce sera donc vin cuit. Le vin blanc faict de resins, par succession de temps deuiet iaune, pource que la portion aqueuse est cōsumee. Le fort vin noir bien salé, comme r'ay veu souuēt par succession de tēps acquerir l'odeur & saueur d'eau ardante, & deuiet presque blanc, ayant moins de couleur que le iaune: car la pl^o grosse portiō est separee, l'autre portiō est atteneue. Ainsi deuiet eau ardante: & est mise en garde aux lieux froids. Au tēps passé le prix estoit tresgrand au vin du mont de Falerne, puis au vin Surentin, apres au vin Setin, pource qu'ils estoiet excellens, chers, & se gardoient long temps. Les vins noirs se tournent en blancs, en perdant mesmemēt leur saueur & odeur, quād ils sont coulez en vne pierre d'Inde: car la plus grosse partie, & la noire est retenuē en la pierre, par laquelle le vin passe, & est muē par la grâde frigidité d'icelle. Il faut dōc que ce soit quelque espece de marbre.

Le vin d'Ethiope.

Les especes des vins.

Le vin par succession de tēps se tourne en eau ardante.

Mont d'Italie, ou sont les vins forts.

Vne pierre d'Inde qui faict tourner le vin en eau.

Le boire dict
mignol.

Coccus espece
de palme en
eclien.

Autres boires sont delectables & qui enyurent, comme le mignol en Selega, qui s'estend outre les Isles Fortunes vers le Midy. C'est vn suc qui est semblable en substance & couleur à l'eau du laiët, dicté *serum lactis*, si non qu'il tourne plus à la couleur cendree & grisë, & ce suc est d'vn arbre blessé. Vn autre boire est tiré de coccus, qui est vne espece de palme: & ce boire est plus excellent que le mignol. Cest arbre croist abondamment en Chimam, prouince du riuage Surenum, & est hault, ayant feuilles de palme, & son fruiët est plus gros que la teste d'vn homme. Cest arbre coccus depuis le dessus de l'escorce iusqu'au milieu est couuert de membranes, & matiere semblable aux estoupes: ils composent des cordes de la grosse partie, & des robbes de la plus subtile: enuiron le milieu l'escorce est comme de noyer, souz laquelle est vne petite medulle blanche, de goust semblable aux amandes recentes en substance & propriété. Ceste medulle recente quand on la pile, rend le laiët non moins doux, que le laiët des bestes. Au milieu de ceste medulle est vn suc qui surmonte tout autre boire en suauité. Consequemment de l'escorce qui enuironne la medulle, pource qu'elle reluit, & qu'elle est noire & dure, les vaisseaux sont faiëts, qui sont de bon vsage, & delectable. Les Italiens appellent le fruiët de cest arbre, la noix Indique ou d'Inde.

Dix vsages
de la palme,
dicts coccus.

Or puis que ie suis tombé en la mention de Coccus, espece de palme, il faut en dire les vsages qui sont excellens plus que d'autre arbre. Inde produiët ces arbres au mois d'Aoust, comme ils estiment: ce pendant vne goutte blanche, dicté *lacryma*, en degoute & distile, comme elle faiët coustumierement des vignes coupees, qui par trois iours semble estre vin: & si tu cuits ceste goutte ou larme iusqu'à la tierce partie, elle se tourne en miel tres-sauoureux: & si elle n'est cuite ne beuë, elle se conuertit en vinaigre. Outre, si le miel qui en est faiët, est purgé en l'eau, dedans 20. iours il se conuertit en vin. Des noyaux du fruiët ils espreignent de l'huile: de l'escorce de cest arbre ils font des chordes, du bois ils font des charbons: & les fruiëts en sont mangez au lieu des noix ou amandes. On faiët mesmement des charbons
de

de l'escorce exterieure, comment on fait des habits de l'interieure quand elle est filée plus delicats que de coton, & presque pareils aux habits de soye. Ils vsent des fucilles, comme de tuiles, pour couvrir les maisons.

Veü donc que les gerres des palmes ont plusieurs vsages, le coccus est tres-excellent. La palme a les fucilles tres-longues, aguës, verdes, courbes pour cause de leur longueur, & sont assemblees en la part supreme, comme vne perruque. L'escorce est molle & toute inegale par les escailles tresgrandes qui vont les vnes sus les autres, non autrement que le dos des poissons qui sont vestus d'escailles. I'en ay veü vne telle aupres du tēple de paix à Gennes, qui ne produisoit de fruiēt. Car aucuns des arbres qui sont trāsportez ne viuent, comme le bois daloes apporté d'Inde en Italic: les autres viuent: mais ils ne produisent de fruiēt, cōme les palmes à Gennes: aucuns produisent le fruiēt; mais imparfait, cōme le poiure en nostre pays: aucuns rendent le fruiēt parfait, pource qu'ils sont paties de l'air, tāt d'un pays que d'autre, comme les vignes trāsportees d'Espagne aux Indes. La haute partie du tige de la palme ou les branches & les fucilles sont ioinctes à la matiere charnuë, est molle, & quand elle est coupee, non seulement elle est mägee, ains elle est estimee entre les delicats viandes: toutesfois elle est d'une saueur insipide, & quelque peu amere: la substāce charnuë est en tout le bois: mais elle est seulement tant molle en la partie susdite, qu'elle peut estre mangée, principalement quād elle est des arbres ieunes & tendres. Cest arbre se tient long temps ieune, & celuy qui blesse la palme, à peine il en verra le fruiēt, pource que tardiement il fructifie. Et semble que cest arbre represente vne grande espece de sentiment. Car en Date ville de Numidie, ou cest arbre abonde, si le rameau du masle florissant n'est meslé aux rameaux de la femelle florissante, les fruiēts sont engēdrez maigres & de mauuaise saueur, comme ils seroient en vn grand os.

Et si la femelle n'a aucune aide du masle, les fruits tombent deuant leur maturité: mais confirmee & confortee par la cēdre, ou par les fucilles, ou par l'escorce du masle elle produict & amene son fruiēt en maturité. Et n'est

La forme de la palme.

4. differences des arbres transportez.

Les palmistes
qui sont mā-
gees.

meruëille, si cecy est confirmé par son semblable, qui est pareillement nourry par son semblable. Il vaut mieux donc estimer avec Plato, que les plâtes ont quelque sentiment. Les palmistes ont vn mesme goult, & ont vne mesme substâce charnuë, blanche, solide: mais la portio d'embas est seulement mangée, laquelle est ioincte à la racine: les reiectons qui representent les fueilles de la palme, sont blâcs: mais ils sont plains de bois, & ne sont bōs à māger. Vne mesme saueur est au sommet du tige quelle est en la palme, pourtāt coustumieremēt ce haut tige est mangé avec le sel, poivre, & huile. Toutesfois palmistes differe moult de la palme: car cōme la palme est vn arbre haut, produisant les fruiets nōmez datiers, en Latin *dactyle*, ainsi palmistes arbrisseau produict des resins cōme de grapes: les autres choses sont semblables à la palme. Toutesfois palmistes a plus grande force que la palme, en cecy seul qu'il excite grādement le coit Venerien, & plus vehementement que tous autres breuuages & matieres qui incitent à aimer, dictes *phitra*. Car en la troisieme cōcoction il engendre moult d'excremens & de vētositez, & demeure long tēps au ventricule. Cest arbrisseau est abondamment en la Sicile, duquel aussi on reçoit la gōme dictē *bdelium*, qui est brune & de petite efficace, toutesfois l'odeur en est delectable. Le tresbon *bdelium*, estoit au tēps passē en tāt grād prix, que Moyses a mis ceste plante entre les principales, l'estimāt autant que l'or, ou seulement par l'excellence de la gōme, dictē *lacryma*, ou par l'vsage de la plante. Certes il a semblé à Moyses, que ceste plante est tant excellente, du fruiet de laquelle estoit le bon parfum, qu'elle estoit collee aupres du jardin des delices. Mais il semble que Moyses ait entendu d'vne autre plante, & de la regiō Bactriana, ou le *bdelium*, est produict d'vn arbre, non d'vn arbrisseau. Ceste plante est grande comme l'oliue, & a la fueille noire, elle a la force & le fruiet d'vn figuier sauuage: le *bdelum*, donc vient plus tost de l'arbre que de l'arbrisseau. Car le *bdelium* estimé de Moyses estoit d'vn odeur singuliere: le nostre sent mal, tāt ce faut qu'il merite estre nōbré entre les parfuns. Et cōme quelquefois le jeune bois a les reiectons arides, ainsi aucunes herbes

Bdelium est dict *bolichon* *madelcon*, & *myrha electa*. *Dio. lib. 1 Gen. 2. ca.* Le iardin des delices peut estre dict le paradis terrestre.

ont les fueilles tres-grasses, cōme l'aloës & la jombarde: & le gayat a la fueille fort grāde, non tant grasse que l'aloës: mais spineuse, toutefois de petites espines. Dōques comme les plātes grasses ont beaucoup d'humeur, ainsi les herbes spineuses, comme sont tous chardons, prouoquent l'vrine, pource qu'elles ont moult d'humeur chaud. Mais entēdu que l'aloës est tres-amer, pourquoy a il les fueilles grasses? Car il est semblable à la jombarde: mais il est brun, & a la grādeur d'vne coudee comme souuent i'ay veu. La cause est, que pource qu'il est spineux en l'extremité des fueilles, il est necessaire que la chaleur & siccité soient en l'humeur tant abondant qui peut faire les espines: pour ceste cause entēdu que ces espines ne se montrent beaucoup, si on fait comparaison à la grandeur des fueilles, il faut que l'humeur qui est interieur soit aduste, & que le suc soit rēdu tres-amer. Or ie retourne aux arbres, principalement aux rares, entre lesquels est le gayat, dict *lignum sanctum*, & *arbor Indica*, pource qu'il est apporté des Isles de l'Inde Occidentale, d'oū est venuē la verole. Et combien que j'aye escrit huit liures de la verole, j'ay toutesfois deliberé d'escire icy la forme de cest arbre.

Pourquoy aloës a les fueilles grasses.

La description du saint bois dict gayat.

Le gayat donc croist en Espagne & aux Isles circumiacentes du nouveau monde, vn peu plus petit qu'vn noyer, & a l'escorce maculee, tantost de verd, tantost de gris: il a la fueille d'arboisier, vn peu plus petite que le coudre & plus verde. La fleur est blanche, le fruct jaune, la forme duquel & la magnitude est seblable à deux lupins ioincts: l'arbre est tant frequent, que les forets en sont, comme de chesnes en nostre pays. Nous tirons non seulement de ce bois, ains de tout autre, la gomme qui est plus precieuse que le bois, nous la tirons en ceste maniere: le bois est coupé en pieces de l'espeueur d'vn doigt, & sont exposees au feu: puis toute la gomme qui est au bois est assemblee. Et la gomme, dict *lacryma*, a deux gerres, vn liquide, l'autre sec: & derechef vn cru, comme du cerisier & prunier: l'autre gras, comme du bois dont on fait les torches, lequel brulle. Pourquoy le bois gras brulle & l'autre non, il a esté dict cy dessus ais pourquoy aucunes gommessōt liquides,

La maniere de tirer gomme de tout bois.

Les gerres de la gomme des arbres.

les autres sont seiches, il n'a encores esté déclaré. Les gômes sont liquides qui n'ont gueres de matiere terrestre, cōme les tuiles ne sont liquides, pource qu'elles ont beaucoup de terre. La gomme donc du bois gras bien cuite, est la plus apte pour venir en maturité: toutesfois elle n'est la plus chaude: car la gomme d'euforbium est tres-chaude, quoy qu'elle soit du gerre de laiçt, nō propre gomme du bois gras. Euforbium est le laiçt, d'une plante spineuse, non blanc exactement, toutesfois pource qu'il est feché, par succession de temps il blanchit, cōme la gomme du lentisque, & cōme les dens, qui est vn signe de vieillesse. Il a quelque chose de semblable avec la racine bahara, quād il est cueilly: car c'est vn suc acre: puis pource que tout laiçt des plantes, cōme il est dict, vient de putrefactiō, ou de frigidité, ou de siccité. Toutesfois entendu que ce suc n'est parfaictemēt blanc, ains iaunatre, il n'est de frigité. Je diray cy apres que toute plante spineuse & piquante est fort seiche: l'euforbium donc est tressec. Il est treschaud: & pource mis sus les os nuds l'espace d'un iour, coustumieremēt il en leue l'escaille, tant est grande sa vertu. Par mesme raison le laiçt des lestuēs marines, dictes *tithymals*, rompt les dents. Tu diras, Entendu qu'ils ne sont que quatre humeurs aux choses cōposees à quel guerre d'humeur sera reduicte la gomme? Et la gomme est aux arbres, ce qu'est le suc muqueux & glutineux aux herbes: car rarement ce suc est aux arbres, & la gomme est raremēt aux herbes. Le suc muqueux est imparfaict, si on le cōpare à la greffe de l'huile: & la gōme est vn humeur gras meslé avec la matiere aqueuse & terrestre. L'huile donc est en toute gomme, & facilement en est tiree. Les gommess seiches sont telles qu'est styrax & la poix Grecque ou nauale. Ces matieres sont prises & receuēs desorceaux de pin mis dedās la fournaise, quand ils bruslent long tēps: car la poix qu'ils appellent nauale, distile noire & lucide, qui cōsume l'huile, & en est lauce & purgee: car les gōmes sont purgees de l'huile, & l'huile du souffre. Les vaisseaux donc poissez consument l'huile mise dessus, pour cause de leur secheté iointe avec subtilité. Et poutce que toute gomme est grasse & de substance

*Styrax est dit
des apotica-
res storax: &
calamita,
vne gomme.*

*La poix est
dicte nauale
qui sert à
poisser les na-
uires.*

*Pourquoy la
poix consome
l'huile.*

aqueuse, aussi toute gomme est perspicue, & le lieu me-
me ou elle abonde. Pourtant si les tabernacles sont faits
des tableaux tenues de larix, quand on met de la lumie-
re dedans, ils reluisent exterieurement, en sorte qu'ils
semblent brusler & estre en feu. Car le bois de larix est
rougeastre, & luisit: pour ceste cause il estoit facile aux
Barbares & anciens d'imposer au peuple par telle experi-
ences: maintenant il suffit d'en vser sus les eschafaux
aux jeux des Comedies. La poix Grecque est compo-
see de la gomme du poissard & de la gomme dicte *co-*
liphonia, apte pour froter les archets des instrumens de
musique. La gomme donc de pin est cruë, *colophonia*, de
bonne concoction est la poix Grecque, & ce qui redon-
de du bois iecté dedans les fournaies, est la poix dicte
nauale, pour poisser les nauires. Il reste seulement d'en-
seigner, pourquoy tout humeur gras est lucide, Il est tel,
pource que la chaleur celeste est en vigueur en luy: car
de telle chaleur la concoction est faicte: & ceste cha-
leur donne lueur & clarté, comme il est manifeste du
Soleil, de la Lune, des Estoiles, & de leur lumiere. Si
donc l'humeur gras est moult de matiere terrestre, il re-
luit: sil en a peu, il reluit, & est splendide & perspicue:
mais c'est assez parlé des gommes, retournons à nostre
propos.

Nous auons vn fruit en nostre pays qu'ils appellent
fistula cassia, vne cosse ronde, couleur de fer, ou noire,
grosse comme le pouce, longue d'vne coudee, oblique
d'vn suc tres-doux: mais mal plaissant, de petis noyaux,
& semblable aux lupins: mais trop plus durs. L'arbre est
haut, qui a la fucille presque de saule, plus espesse tou-
tesfois, & plus noire: & mostre quelque couleur blasar-
de. I'en ay veu vne en Milan, qui n'estoit encor parcrüe,
en la maison de Hierosme Trincherius, qui est situee en
vn beau sentier. Les fruits n'ont longue queue, ils
estoint en cest arbre. Le tige auoit des noeuds comme
le sureau. La fleur est rouge comme d'vne petite rose,
qui ne peut endurer le froid: cest arbre desire l'humeur,
pource il produict & estend ses racines iusqu'à l'eau qui
est dessous. Pour ceste cause il ne croist en noz regions,
pourtant que l'inclemence du ciel luy nuist des le com-

*Le taberna-
cle qui sem-
ble brusler.*

*Le fruit dicte
cassia fistula.*

mencement, & l'humeur luy defaut: car en noz regions les eaux sont fort profondes.

Les ombres salubres & mortifères. La vertu de l'ombre des arbres est admirable: l'ombre mortifère, comme i'ay dict, est du reagal, dict *toxicum*, du noyer, de la lactée marine, du figuier vieil, & du cormier d'Inde: l'obre salutaire est de l'alifier, dict *lotus*, du hestie, & du hobiõ d'Inde. L'obre pour cause de l'odeur est vtile en quelque plantes, comme au rosier, au myrte, au lauandier, dict *nardus*, à l'orenger, au geneure: elle est mauuaise au bouis. Entre ces plantes, *brasiliũ*, qu'aucuns appellent *verzum*, emporte le prix en varieté des couleurs. Vne prouince est appelée *Brasilia*, pour cause des forets qui consistent de cest arbre *brasiliũ*: l'arbre n'est hault, semblable à *enzina*, toutesfois plus mince & plus oblique: la fueille est cõme de chesne, non apte: l'escorce tombe de soy-mesme, pour cause de la force, ou plus tost pour la siccité. Et pource que i'ay dict *brasiliũ* estre semblable à *enzina*, *enzina* est vne espeece de chesne en Espagne, plus petit, & non tant droit, duquel le glan est mágé pour sa suauité. Par succession de temps le fruit de *brasiliũ* deuiet meilleur, & rougit d'auantage, dont il differe de celuy qui est adulteré: il est leger, doucet, & de saueur astringete. Sa vertu est excellēte pour la teinture, & pour escrire, & par plusieurs manieres ceste encre rouge est preparée: aucuns mettēt la limure de *brasiliũ* en la lexieue forte, & encor chaude: la huitiesme partie du bois escorcé suffit, & en adioustant vn peu d'alun entre les cendres chaudes, le tout est cuit l'espace d'vne heure, & incõtinēt on peut le mettre en œuure: & pource faire ne faut de gomme Arabique. I'ay accoustumé de le preparer autrement: Ie diuise le bois tiré par filets en petits morceaux que ie mets dedans l'eau qui poise dix fois plus, le laissant tremper six heures pour le moins: puis l'eau boult avec le bois iusqu'à ce que trois portions soient diminuées de quatre, & la couleur deuiet rouge & splendide: si tu l'as fait bouillir d'auantage, la couleur est rouge cõme sang, si encor d'auantage, la couleur deuiet perse, En ces deux manieres dernieres la couleur ne peut se garder long tēps, si elle n'est mise en œuure incontinent, Car c'est le propre des couleurs, qui

Brasiliũ
arbre.

Enzina ar-
bre.

La descriptio
de l'ancree
rouge.

sont faictes des plantes, d'estre mrees en brief temps, & n'estre totalement pures, pource que la matiere des plantes est imbecille & pleine d'humeur. Pourtant les Indiens d'une mesme plante recoiuent plusieurs couleurs en les cuisant long temps, ou brief. La couleur qui est faite de vermillon dict cinnabaris, est plus certaine, & plus viue: il est defait en l'eau abreuee de la gomme Arabique, ou au blanc d'un œuf long temps batu, & rendu cōme eau. Mais ceste couleur peut auoir quelque vice: car si tu y mesles beaucoup d'humeur, quād le vermillō se rasiert au fond, la couleur est plus debile: si le vermillon se rasiert vn peu, l'humeur est subitement cōsumé, pource que le vermillon seche trop.

Entre tous gerres des arbres qui sont excellents en la variété des couleurs, la racine de l'ormeau l'est, apres la racine d'oliue. De ces racines les vaisseaux & les tables sont faictes tresplaisantes, non seulement pour la couleur, ains pour la splendeur. La cause de la variété des couleurs est la variété de chaleur, & la portion de l'huile. Et comme aux habits, ainsi aux couleurs l'huile change les premieres couleurs, quand elle les corrompt. Mais on appelle telle corruption & vice, vne macule aux habits: aux couleurs ceste variété est plaisante, pource qu'elle est ioincte avec la splendeur. Ainsi le suc de Limanium faict estimer la couleur au cuir, la muant par variété alternatiuement: car quand il corrompt la premiere couleur, en retenant la splendeur, rend la couleur variable, & non maculee. Aucunes racines des roseaux d'Inde sont plaisantes pour la variété des couleurs, & pour la splendeur. Et les racines des arbres qui croissent aux montaignes sont plus excellentes, que celles qui croissent aux lieux bas. Entre les bois elegans & beaux, est nommé le bois de l'if, dict taxus, dont les arcs sont faicts, ce bois a la couleur vermeille, & splendide. Toutesfois le tronc du fresne est le plus beau de tous, on le sie en ais tenues, dont sont faictes tables precieuses, elles augmentent tant en les frottant d'huile de lin, leur beauté natieue, qui consiste en variété subtile & ondoyante, qu'elles semblent estre d'or. Elles boient l'huile interieurement pour cause de la chaleur

La racine de l'orme est excellente.

De limuniū cy dessus.

Cōme le cuir reçoit variété de couleurs

L'if.

L: fresne.

*L'huile de
lin fait re-
luire.*

*Le platain
est tresbeau
entre les ar-
bres.*

*D'ou vient
la beauté des
plantes.*

*L'alifier dict
lotus.*

de la subtilité d'icelles, & pour la subtilité de la substan-
ce de l'huile, & quand elles ont beu ceste huile, la splen-
deur & la couleur est adioustee, non caduque, ains dura-
ble à iamais: car, cōme i'ay dict, toute huile reluit, mais
principalement l'huile de lin, qui mesmement rend les
autres bois plus beaux. Le beau fresne est en Germanie,
comme l'if en Medera Isle de l'Occident. Toutesfois
cōme ces Isles produisent de beau bois, ainsi le platain
est le plus beau des arbres. Xerxes Roy des Rois a aimé
cest arbre: & a esté le premier qui l'a eu en admiration:
puis l'a tant aimé, qu'en allant en expedition & bataille,
il consuma vn iour entier sous ce platain: & partant
d'illec, il laissa gardes & dons à son bien aimé: car il pé-
dit des bracelets, vne chaine d'or, vn hâlecret, & autres
ornemens de noblesse en signe d'amitié aux branches
du platain. Peut estre que tu demanderas, D'ou vient
tant grande beauté aux plantes? Ceste beauté cōsiste en
fueilles espesses, tousiours verdes, en rameaux larges, &
fors en ombre salubre, & copieuse, en trōc qui soit rōd,
gros & ferme, en racines profondes, qu'vne claire fon-
taine arrouse perpetuellemēt, que la verdeur delectable
y soit tousiours & les petits vens agitans les branches.
Ces choses ont peu attirer ce grand Roy Xerxes en leur
amour: pour lesquelles l'alifier dict lotus a de droit le
secōd hōneur de beauté. Le platain n'est frequēt en Ita-
lie: il croist toutesfois en icelle, mere de tous biens, &
aussi de tous maux. L'alifier dict lotus est vn arbre haut,
large, ample, d'vne escorce douce, & perse, il a le fruit de
cerisier petit, doux & odorāt. Cest arbre a tāt bōne gra-
ce, qu'il est venu à ce nō lotus. Car il est vne herbe de tel
nom, de laquelle selon les poētes, si aucuns en mǎgent,
ils sont tant esprits de plaisir, qu'ils ne peuuēt partir du
lieu où il croist en abondāce. Mais nous ne voulons re-
citer icy les fables, continuons nostre histoire. I'ay dict
que les plantes reçoient toutes couleurs, non pas tou-
tes faueurs, car il semble qu'elles n'ayent la faueur salee:
elles ont les autres faueurs, amere, douce, acre, aigre: la
gentiane, aloes, santonicum espece d'absinthium, sont
plantes ameres: le reglisse, le sucre, le polypodium, dict
filicula, sont douces: le coc, dict filiquastrum, les auz, les

oignōs, sont acres: l'oseille, la petite oseille, sont aigrettes: les nauets, la mauue, & les bestes sont insipides, & sans saueur aperte: mais Theophrastus estime qu'il n'est aucune plante de saueur salee, combié que le moschus soit salé, non beaucoup. Il dict la cause de cecy pource que l'aliment des plantes ne peut estre salé. Mais entendu que plusieurs terres sont salees, & quoy que les herbes qui croissent au riuage de la mer ne soient salees, il ne faut pour ce estimer que la cause soit indigente d'aliment salé. Je dy donc que plusieurs plantes sont salees, non toutesfois en tant grand nombre qu'elles sont d'ameres, ou douces, ne tant euidement. Or entédu que la seule saueur salee fait erosion, & que les plantes tardement iettent hors leurs excremens, pource à peine ce peut faire que la plante soit exactemēt salee, car elle est humide: & la chose salée consume par erosio les excrements humides, comme mesmement nous voyons aux bestes qui sont consumees & mangees par le seul humeur, qui a ceste saueur salee. Aucunes plâtes qui n'ont la terre grandement salee, comme les citronniers, l'orenger dict *lunium*, l'orenger, si elles ne sont arrousees souuent, elles deuiennent seches incontinent, car la saline ne s'adoucissante, subitement faict mourir la plâte. Il aduient en outre, qu'entendu que toutes saueurs peuvent estre en toute subtile substance, excepté la saueur salee quand la plante attire le seul aliment subtil, elle peut aussi attirer toute saueur, excepté la salee. La saline est la plus imbecille de toutes les saueurs, car grande quantité de sel est requise auant que l'eauē soit salee: entendu donc que ce qui est salé, nourrit peu, & est difficilement attiré, pource qu'il est gros, & nuit beaucoup, & ne donne grad goust, il est necessaire que peu de plâtes soient salees. Toutesfois la mer Indique nourrit vne herbe salee qu'ils appellent Salgazos mobile, qui flote sus l'eauē, & est tant copieuse, qu'elle semble estre vne prairie verdoyâte: car en partie elle est verte, & en partie iaune: & est nourrie non d'aliment salé, mais comme i'ay dict, d'humeur gras, qui est conioinct au sel. Mesmement nostre mer nourrit vn gerre d'herbe tremol, qu'on appelle alga: & ceste herbe, par mesme raisō

Salgazos
herbe de mer.

est nourrie d'humeur gras, en laissant la saline: parquoy elle pullule au printemps, & est verte en Esté, & en hiuer elle se meurt, & pource qu'elle est nourrie d'humeur gras, elle est propre pour porter les pots: pourtant les Veniciens nous enuoyent les pots & vaisseaux de vitre enuolepez en icelle. Mais d'ou vient que les plantes croissent aux caues? Aristoteles diét bien, que quand l'eau est en repos, la supreme partie est corrompue par la chaleur de l'air, & se pourrit: ainsi l'herbe y prend sa vie. Et pource qu'il aduient que l'eau est mouuee quelquefois, l'herbe est illec engendree sans fueilles & racines. Par cecy il appert que les herbes sont illec engendrees pour le repos de l'eau, pource qu'aux fleuves qui courent tousiours, ne croist aucune herbe. Quand donc tu verras l'herbe croistre en l'eau, c'est signe que l'eau est en repos, & qu'elle est putride. Derechef, pource que l'herbe ne peut estre sus les eaux sans fueilles, & pource que j'ay diét qu'elle n'a de fueilles, la plante sera sus l'eau, comme si elle auoit fueilles naturelles. Il est manifeste que les herbes qui sont sus l'eau, n'ont de fueilles, pource que le ionc n'en a point, neantmoins qu'il ne croisse dedans les eaux, ains aux riuages: car il seroit necessaire que les fueilles cheussent pour cause des ondes, si aucunes y estoient. Par mesme raison le ionc est flexile, comme Dantes Aldegerius Florentin l'enseigne elegamment en son purgatoire: & toutes autres plantes exposees aux ondes des fleuves comme les roseaux sont flexiles: autrement elles seroient rompues & arrachees par les ondes. Il a esté proufitable à tout gerre de roseaux qu'ils soient creux: car vne chose grosse & massiue ne peut flechir, si elle n'est creuse. Or seins que les roseaux soient massifs, solidés & flexiles: de soy mesmes ne seront-ils flechis par leur pesanteur? Afin doneques qu'ils puissent estre droictés & grands, ils ont esté faités durs & creux. Pourtant les bastons des vieillards sont faités elegans des roseaux, & aussi des ferules. Toutesfois il semble que les roseaux d'Inde n'ayent de neuds: quoy que ce soit un autre gerre, certes il est creux & tresleger. Et les roseaux croissent d'une grandeur incredible aux Indes:

*L'origine des
plantes en
l'eau.*

*Pourquoy le
ionc est flexi-
le & n'a de
fueilles.*

quand ils sont verds, ils sont mediocrement mols quãd ils sont secs, ils sont durs, & sont nourris d'humeur gras, non salé : pour ceste cause il faut estimer que la-terre d'Inde est tres-grasse, non salee, pource que les arbres croissent illec tres-hault. On recite qu'un arbre du gerre de ceiba (car ce gerre est d'un arbre le plus grand de tous) a esté trouué illec entre tous les autres ayant trois troncs, dont chacun auoit de circuit vingt pieds, & les espaces estoient distans entre les troncs aupres de la terre d'autant de pieds : & par ces espaces vn chariot bien chargé pouuoit estre mené. Et quand les trois troncs estoient assemblez en vn en la partie d'enhaut, loing de terre enuiron quinze pieds, la grosseur de l'arbre estoit de quarante-cinq pieds, depuis le bas ou le tronc estoit le plus gros, iusques au lieu d'où procedoient les rameaux, ils estoient de quatre vingt pieds. La partie superieure dont dependoient les branches estoit sans moyen de mesure. La terre feconde, la force de l'air, la nature de l'arbre estoient cause de telle hauteur & grosseur : car le bois de cest arbre est tres-leger, ayant peu de matiere terrestre subtile, & moult d'humidité. Les grands arbres se soustiennent par les racines profondes, dont il aduient que quand la region est seche, la racine procede en profondeur seulement trois ou quatre coudees : & les arbres qui sont de matiere solide, ne peuuent croistre fort hault, comme en l'Espagne Isle du nouveau monde. Et aux montagnes où les arbres ne produisent les racines grandes en profondeur, les hommes y sont infideles & inconstans, ou pource que trop grande secheté, ou la fréquente mutation des vents rend les esprits des hommes mobiles & legers, pource ils sont infideles & inconstans. Car les hommes coustumierement ensuiuent la nature & temperature de l'air & du ciel de leur pays. Et les arbres qui ne produisent les racines profondes pour la siccité de la terre, ne peuuent viure long temps. Certes la nature des arbres de soy-mesme est produite, & prolongee iusqu'à long temps. Iosephus recite que le chefue d'Abrahã estoit encor en son temps. Deux mille

Pourquoy les hommes sont inconstans.

La vie des arbres.

ans sont entre la destruction de Hierusalem & le temps d'Abraham. Apres le cheſne, la palme, le platain, le heſtre, l'oliuier, le pin, l'orme, viuent le plus. Theophrastus eſtime autrement, mais pluſtoſt faut croire à l'experien- ce des choſes, qu'aux menſonges des Grecs. Souuent la grandeur des arbres monſtre leur grande vieilleſſe, au- tant en faiçt l'implication des racines. Le petit fruit & la ſterilité, auſſi la ſubſtance ſolide du bois eſt cauſe de la longue vie. Pourtant le bois du cheſne demeure touſ- iours ſouz l'eau ſans corruption: ſeulement il ſe noircit: car eſtant ſolide, il n'eſt corrompu de l'eau, & n'eſt faci- lement conſumé tandis qu'il vit. Au contraire, le pom- mier de Paradis a la vie treſbrieue: car en deux ans le tronc deuiet ſec: il produit ſon fruit en nombre cōme les grappes, toutesſois il eſt gros cōme vne pomme: & en vne meſme moiſſine il a aucunesſois plus de cent pōmes: & ceſte moiſſine ſemble eſtre vne hotte: la peau en eſt iaune, ſouz laquelle le fruit eſt treſdoux: il pro- duit la fueille autant longue qu'vn homme qui eſt de- bout, & eſt fort large. Ainſi par la multitude des fruits, & par la grandeur de ſes fueilles, il eſt incontinent con- ſumé. Pourtant les arbres qui viuent long temps, n'ont les fueilles grandes: ains les herbes, comme les choux, la grande oſeille, diçte patience, en Latin *lapathos*, les courges: & la grandeur ne profite aux courges, veu que elles meurent l'an meſme qu'elles ſont engendrees: les grandes fueilles requierent l'humeur copieux: & quand ceſtumeur eſt copieux, & n'eſt gras, ſubitement il ap- porte la mort: pour ceſte cauſe les plantes agreſtes ſont de plus longue vie que celles qui ſont cultiuees, & cel- les qui ſont engendrees en la terre viuent plus longue- ment que celles qui ſont produictes en l'eau. Pour ces raiſons le laurier qui a le bois ſpongieux, le grenadier, le figuier, & le pommier ſont de vie brieue: car ils ap- portent du fruit ſelon leur magnitude.

Entre les plantes fructiferes, ie nombreray la vigne, laquelle porte fruit ſouuent trois fois en vn an: toutef- fois le dernier raiſin ne vient en maturité. Le figuier eſt couſtumier de produire fruit deux fois en vn meſme an, premierement le fruit rare & gros: la ſeconde fois

Le bois du
cheſne n'eſt
bleſſé de l'eau
Le pommier
de Paradis.

Les plantes
fructiferes.

frequent & menu. Il est donc manifeste que ces arbres
 florissent autât de fois qu'ils produisent leur fruiçt. Au-
 cunes plâtes adherent aux autres, comme lierre: aucunes
 sont engendrees avec, comme le gui, duquel la semence
 n'est cuite, quand elle est mangée d'une pie, ou d'une
 griue, mais quand elle est meslée à l'excrement, & qu'elle
 est tombee sus l'arbre, elle engendre des racines par
 la chaleur & humeur. Et le gui a trois commoditez de
 l'arbre, sçauoir est, qu'il a plus d'excrement, qu'il n'est fa-
 cilement blessé de la pluye ne du Soleil, estant couuert
 de brâches, & qu'il n'est dissipé par l'humeur de la terre.
 Il est donc fort dense, puis qu'il n'est cuit au ventricule
 des oyseaux, & a besoin de peu d'humeur, mais moult
 de chaleur. Le meilleur naist au sapin, au chesne, & au
 pin. Aristoteles recite que l'herbe de l'incostis est moult
 piquante, qui engendre vne autre herbe par mesme
 moyen. Car entendu qu'elle croist en l'eau, & qu'elle a
 des aguillons, elle cueult beaucoup d'humeur entre les
 espines, lequel humeur se pourrissant par succession de
 temps, produit vn autre germe d'herbe par la chaleur du
 Soleil. Il est donc manifeste comment & pourquoy vne
 plante est engendree sus vn autre. Vne doute peut estre,
 si la plante qui est engendree sus l'autre est tousiours
 semblable: car il semble que l'herbe qui vient sus l'autre
 est definie par certains gerres: & toute plante ne peut
 naistre sus vne autre: le plus souuent donc elle demeure
 semblable en soy.

Toutes les plantes qui naissent sus & en autres, sem-
 blent auoir quelque chose de plus excellente propriété,
 & de vertu: car nature a coustume de faire les matieres
 les plus nobles qui ont besoin des autres. Et la fin em-
 porte la raison en ce qui est fait d'un en l'autre. Les
 plantes qui subitement perissent, comme l'herbe dicte
 le chardon de bonnetier, en Latin *labrum Veneris*, ou *dis-*
facum, ou *virga pastoris*, quoy qu'elle contienne de l'eau
 & rousée, telles plantes n'engendrent rien. Cecy est com-
 mun, qu'en tous arbres les plantes soient engendrees
 quand l'esorce s'ouure, ou se fend, ou se vieillit, ou
 quand quelque suc ou eau se collige avec la terre: ie dy
 le suc, car souuent les plantes sont nourries de leur pro-

Pourquoy le
 gui est engè-
 dre aux ar-
 bres.

Le cypres.

pre humeur, comme lierre, dont il est dit, Lierre rampant fait mourir les vertus des arbres, le poëte Comique signifie que la plante qui naist sus & en l'autre, est pernicieuse à sa mere. Les naissances donc des plantes définissent, & déterminent leurs gerres par certaine mesure, non toutesfois tousiours, ny exactemēt. Le cypres, quoy qu'il soit grand arbre, toutesfois en Crete il est engendré, ou de soy mesme, ou de semence fort petite, & pource trois miracles semblent y estre si n'estoit que i'ay monstré cy dessus, choses mesmes estre faictes aux plantes, & par soy mesme, & par la semence. Mais ie ne sçay qu'il peut estre plus admirable, vn tant grand arbre estre engendré de tant petite semence, ou sans semence. C'est vn arbre le plus sec de tous, qui a l'humeur tresgras, & bien digéré: pource qu'il hait le fiens & excemens, & deuiet sec aupres des eaux. Le bois de cest arbre est odorant, & ne perd son odeur par vieillesse, il n'est rongé de vers, ne corrompu par autre vice: ains les fueilles de cest arbre mises en poudre, & meslees aux habits, ou aux grains, empeschent tout le mal que peuvent faire les vers. Cecy est admirable que les fourmis aiment la semence de cest arbre. Le bois produit vne gomme qui est acre, comme il est raisonnable. Les principes doncques des plantes ne muent leur espee, mais plustost ils augmentent ou diminuent la magnitude, la forme, & la vertu. Ils sont deux principes des plantes, le lieu, & la terre, & pour ceste raison diuerses plantes viennent en diuers lieux ou terres, comme le temps passé l'arbrisseau dict coccus, croissoit aux peuples appelez Ambrossenses en Phocis, duquel maintenant on fait nostre esscarlatte. C'est vn arbrisseau, comme dit le veritable Pausanias, qui est grad comme le neprum ou ramnette, dict *thamnis*, semblable au ionc, mais les fueilles en sont plus molles & plus noires: le fruct est comme de la morelle, dicte solanum, qui est gros comme vece, dicte *crum*: quand il meurt, il s'y engendre vne beste semblable à vn moucheron, plus petite, qui vole: pource coustumierement il est cueilly auant qu'il se fende. Par semblable raison berberis abonde aux champs de France, principalement en la prouince de Lyon: & le bouys

Deux principes des plantes.

Coccus arbrisseau.

abonde aux montagnes. Car ceste contree de France est pierreuse, & pleine de montagnes. Le bouys donc se resiouyt de terre pierreuse, & de l'air froid. Le pin sauvage a coustume de naistre aux valles froides, & aux montagnes. Au contraire le froment en l'isle de saint Thomas, qui est situee souz le cercle de l'equinocce, se conuertit en herbe à cause de la temperature de la terre & du ciel, les laboureurs frustrez de leur peine. Il en aduient autant en nos regions, quand les pluyes y sont trop grandes. Et les vignes par mesme raison, pour les pluyes trop grandes, se tournent en tendons, dont elles se lient au lieu de produire des grappes. Puis donc que on ne peut changer l'air, il faut changer la terre. Ceste mutation sera faicte si les laboureurs engressent leurs champs par certaine cendre, ou par terre tiree, ou par fiens. Car comme les fleuves nourrissent leurs herbes ou arbres peculieres & propres, ainsi les matieres putrides, ou les cendres conuiennent aux autres plantes. Toutesfois generalement toutes plantes se resiouyent de quelques reliques qui procedent d'icelles: car quand la matiere est corrompue, elle retient quelque portion de sa premiere nature: & pource quelque chose de semblable demeure. La transmutation & nutrition est meilleure, & plus facile, faicte par choses semblables. Principalement le cerisier s'esiouyt de similitude & matiere semblable. Et ceste maniere de viure ne conuient seulement aux plantes, ains presque à toutes bestes qui sont engendrees de matiere putride. Pourtant la cendre des vers retient la chaleur & aliment des vers, & engendre autres vers, comme l'ordure & infection des scorpions & serpens engendre des scorpions: & generalement choses semblables sont engendrees par la putrefaction de gerre & origine, comme i'ay monstré cy dessus. Donc les alimens muent les plantes, en sorte que Anacardus produit le fruiet bruslant rouge, semblable à vne feue, ou à vne petite amande, qui contient du miel interieurement. Ceste plante naist entre les chaudes montagnes de Sicile, & rarement autre part. Cest arbre peut estre comparé à l'amandier: car outre le miel, le noyau blanc est contenu dedans le fruiet semblable à

Le bonis.

*L'isle de S.
Thomas.*

*Capreoli, les
mains & tē-
dons dont se
lient les vi-
gnes.*

*La maniere
de faire venir
toutes plantes
en tous lieux.*

*Presque tou-
tes plantes s'e-
iouissent de
quelques re-
liques d'icel-
les.*

*Anacardus
arbre.*

*Chryfocomos
arbrisseau.*

*Le lait d'E-
spagne n'est
aqueux.*

*Le lait d'a-
nesse.*

*Les parties
du lait.*

*Le lait sur
dict colostrum,
aucuns le pré-
nent pour le
premier lait.*

vne petite amande. Cest arbre deuiant noir par vieillesse: ainsi l'arbre tresdoux de soy-mesme se tourne en venin par la qualité du Soleil & du lieu. Et non seulement la region, ains la situation sert beaucoup: car les plantes qui reçoient le Soleil leuant, croissent legerement & en peu de temps: celles qui reçoient le Soleil couchant, croissent tardement. Chryfocomos est dict, pource que il a les branches iaunes comme l'or, sans fueilles & fruit: il a les raisins iaunes, & la racine noire: il croist aux lieux arides & opaques, il est donc froid & sec, & pource n'a de fueilles ne fruit. Pourtant aucunes plantes, comme aucunes bestes sont manques & imparfaites: ainsi l'aliment change & mue toutes choses. En Espagne le lait a peu de lait clair, ou lait mesgue. Pource quand ils le veulent condenser en fourmage, ils metent de l'eau dedas: car les pastures sont illec arides: & ce lait n'est par tout tel, ne tousiours: laquelle regle doit estre ainsi entendue, quand nous parlons des erreurs de nature. Et nature fait non de soy-mesme, ains par la defaute de matiere. Le lait d'anesse pour la nature de la beste, a peu de fourmage, & pour ceste cause il purge bien, & est salutaire. Six parties sont au lait, l'escume, la gresse ou craime, le beurre, le fourmage, le lait sur, le lait clair, dict le mesgue, qui est la partie aqueuse qui demeure apres que toute la matiere grasse est hors. Le lait sur, dict colostrum, aucuns l'appellent lait recuit, pource que quand le beurre & fourmage est fait en le cuisant, le mesgue est cueilly, & ce lait endort, & est fort froid & humide. L'escume, le beurre, & la craime sont d'une mesme matiere, pourtat vne de ces matieres ostee, les autres ne sont plus. La craime est tresdouce & delectable, quand elle est faicte de lait vn peu eschauffé: car l'autre lait assemble la craime en vne nuit sus la partie d'enhaut: & quand le lait est batu d'une barette dedans vn grand vaisseau, toute la craime se tourne en beurre: & ceste craime agitee & battue, fait l'escume. En general comme au vin, & au sang, le lait a trois parties, l'aqueuse, qui est le mesgue, la terrestre, qui est le fourmage, & participante de l'air, qui est le beurre. D'ot mesmement il est manifeste ce qu'autresfois j'ay dict, qu'ils

qu'ils ne sont que trois elements : car on ne trouue plus de substances que ces trois, en l'huile, au miel, au lait, au vin, au sang, ou en toute autre liqueur. Pourtāt s'il estoit vn quatriesme element, il ne seruiroit de rien. Et trois elements ne sont vrayement en toutes choses mixtes & composees, mais deux vrayement : & sont plus de deux en ayant esgard à l'action celeste. Car l'humeur gras est fait de la matiere aqueuse : & la portion participante du feu est faite de la matiere terrestre. Aucun (peut estre) demādera que c'est que cest humeur gras dequoy nous auons tant souuēt parlé. L'humeur gras & aqueux est qui a soustenu la force de la chaleur celeste tant long temps qu'il a retenuë. Il est donc manifeste que cest humeur est tel, qu'il est preparé pour l'ame, & pour la vie, & pour ce il a vne splendeur. Quant l'eau s'est tenuë en repos, elle reçoit la chaleur, dont elle est muee, & est reduite apte à la nutrition & generation des plantes & des bestes. Et lors elle est faite plus dese, pource qu'elle est plus subtile, comme la gresse en la cōparaison de l'huile, l'huile a la comparaison de la gomme des arbres.

*L'humeur
gras.*

Et la matiere grasse des pierres, des matieres metaliques, & des metaux, est semblable à l'huile tresubtile, tresfolide, & qui n'est en abondance : & n'a encor propre appellation aux Grecs & Latins, pource qu'elle a esté incogneue presque iusqu'à ce iour. La matiere grasse des herbes, & du milieu des fruiets est le suc muqueux : & tout suc des herbes & fueilles est tel : mais nous appelons ce suc mucqueux seulement par excellence, auquel apparroit la manifeste semblāce de la matiere muqueuse. L'humeur gras des bois est la gomme : l'humeur gras des semences est l'huile : celuy des bestes est la gresse & le suif. Mais pource que l'homme est plus excellent que les bestes brutes, il est vray-semblable que la gresse est plus precieuse que les autres, ce que ie monitreray cy apres. Au lait donc & aux œufs il y a moult d'humeur gras : au lait, comme d'aliment : aux œufs, comme de semence : pourtant les œufs seruent d'aliment : car les hommes, & les bestes brutes qui deuorent la chair, mangent des œufs. Doncques plusieurs parties sont au lait, qui sont separees par coagulation, & en faisant le fourma-

*Les manieres
de coaguler le
lait.*

F

ge. Le laiçt se coagule & assemble en fourmage par la chaleur, non par aucune de ses proprietéz : car il ne vit, & n'est coagulé d'aucune chose viuâte. La chaleur coagule le laiçt en ceste maniere. Quand la chaleur resoult & separe la plus subtile portio de l'humeur gras, elle resoult le lien par lequel l'humeur gras est conioint à l'humeur aqueux. De ce il est manifeste, par quantes manieres le laiçt peut estre coagulé: car il est ou par la seule chaleur, quand il est eschauffé dedans les vaisseaux d'estain, puis les vaisseaux sont mis en l'eau froide, qui est la meilleure maniere: ou il est coagulé par la pressüre de cheureau, ou par la seméce du chardon benist, dit enicus: & le mesgue en purge la pituite: ou il est coagulé du laiçt de figuier, & lors il purge la colere, & la pituité. Il appert par ce qui est dict que le laiçt est coagulé, & mis en prise par le laiçt de toute plante: il est meime-ment par l'oximel: & ceste maniere est salutaire aux hommes. La substance du laiçt est muee des alimens, comme le sang: pourtât ayant vne cheure ou anesse, par la nourriture tu peux faire vn laiçt vtilo à medeciner: tu peux donner à manger du polypodium, dict autrement fiducula pour purger la melancolie: du fené pour purger tout humeur: ou de l'agaric, ou lectues marines pour les hydropiques: ou les fleurs des saules à purger le sang: ou la mercuriale, ou la mauue pour decharger seulement le ventre.

Le laiçt medicinal.

Car comme i'ay dit, les corps sont muez par alimés, & premierement le sang, & les mœurs: puis le laiçt, la semence, & le fruiçt du ventre: tiercement la chair, & les vertus qui proprement sont semblables aux preparations d'enchantemens. Pour ceste cause les Alemans qui sont nourris du laiçt des bestes, principalement des vaches, sont iracons, hardis, & agrestes. Tels sont les Toreaux, qui sont nourris de tel aliment. Et les habitans de l'isle de Corse, entendu qu'ils sont nourris de petis chiens, non seulement domestiques, ains aussi agrestes, sont iracons, cruels, infideles, hardis, prompts, agiles, robustes: car telle est la nature des chiens. Et si quelqu'un vse de la chair des Loups, & principalement du cœur, il sera encor plus cruel, audacieux, & infidele. Cecy est

Les mœurs des Alemãs.

plus euident aux bestes qu'aux hommes, & plus aux plâtes qu'aux bestes brutes, lesquelles plâtes ne sont muees d'autre chose que de l'aliment. Et puis que les arbres sont muez par l'aliment, les herbes le sont d'auantage, & plus souuent: comme l'iu raye, dicté *solium*, est muee en blé, le blé en iuraye, presque par mesme raison que les auégles & boiteux ne sont engendrez des auégles & boiteux, mais des sains: & de ceux qui sont sains, derechef sont engendrez les auégles & boiteux. Par la vertu de la terre & du Soleil, l'iu raye est conuertie en blé, & les choses imparfaictes en l'iu raye se tournent en choses parfaictes: & par l'imbecillité des deux, les choses parfaictes se conuertissent en imparfaictes & manques. Ton poëte, ô Prince, a bien exprimé ceste commutation, quand il a dit,

*Iuraye mal-heureuse,
Et haueren herbe non fructueuse
N'aissent souuent, &c.*

*Iuraye est
engendree du
blé.*

Les arbres entez sont muez plus euidemment quâd les greses sont inferées dedans la tunique d'un autre arbre, cōme le pescher au noyer qui porte de petites pesches, verdes, vn peu ameres, dures, la nature des deux arbres meslee non autrement que la nature de l'asne & de la iument est meslee aux mulets. Et faut que le temps de porter fruiçt conuienne aux plantes, comme aux animaux: car le cerisier hastif, enté sus le messier tardif quand il attire son aliment, ne produit point de tige, quâd la grese produit tige, pource que le propre temps est passé elle n'attire, comme refrigerée, & qui a perdu ses fueilles. Aucuns disent que la vigne entee sus le cerisier, produit raisins hastifs, ce qui n'aduient tousiours, ny par tout. Vne autre maniere vaut mieux que les susdictes: perce d'un tariere le tronc d'un cerisier de trois ans, ou de plus: say passer par ce trou la branche de la vigne qui est de deux ans, & engendree aupres, en emplissant le lieu diligemment de fiens, puis le fermant de cire & destoupe, en sorte que la grese qui se monstre, puisse attirer alimēt du cerisier, & de la vigne: puis deux ans apres aux regions chaudes, trois ans apres aux regions froides, coupe la brâche hors de la vigne iouxe

*La maniere
d'enter.*

*Mespilus,
messier, ou
nessier.*

& aupres du cerisier, afin que la vigne attire son alimēt du seul cerisier, & que ceste vigne produise raisins hastifs: par mesme maniere le rosier enté sus le pommier produit ses fleurs en hyuer.

*Scalonia ou
macroconion.*

De mesme maniere est la semence du lin mise dedans les oignons, qui produit vne herbe ayant la fueille de lin, mais la saueur acre. Il faut donc que l'aliment y conuienne. Et par ce mesme moyen ie pense le scalonge dicte *scalonia*, ou *macroconion*, auoir esté inuentee, qui ressemble à vn ail en tunique & en forme: en odeur, saueur & substance elle refere l'oignon, en sorte qu'elle semble estre moyēne entre l'ail & l'oignon: car mediocrité est entre toutes choses, soit par nature ou par art.

Aucuns arbres tournent les fueilles, comme l'oluiuer, le tillet, l'orme: aucuns au cours du Soleil par tout l'hemisphere en chacun iour, comme le houblon, le soucy, dicte *heliotropium*, dont le nom luy est imposé. La cause de ceste derniere conuersion est l'humeur subtil, qui se dresse à la chaleur du Soleil, comme l'humeur du cuir au feu: car le cuir mis aupres du feu, se tourne vers la chaleur du feu.

*Pourquoy les
fleurs s'epa-
nouissent au
matin.*

Presque par vne mesme raison les fleurs qui sont subtiles menues, & spōgieux, si elles sont seches du Soleil par le froid suruenant, elles se ferment quand le Soleil se couche. Mais quand elles ont beu l'humeur de la nuict, remplies de suc & enflées, necessairemēt elles s'epanouissent au matin par la grande chaleur du Soleil.

Or les plantes desquelles les fueilles se tournent au solstice, ou autre maniere, est esgard de leur miracle. Car lors que les fueilles sont cheutes aux autres plantes, elles se tournent en aucunes, pource leur humeur est plus tenant & glutineux: & pource la conuersion des fueilles y est manifeste. Pourtant cecy aduient à toutes plantes qui retiennent & gardent leurs fueilles en ce temps du solstice. Toutesfois i'ay seulement cognu cecy aux plantes, desquelles la partie domestique moult differe de la sauuage en couleur. Mais n'en estime pas toute ceste conuersion estre faicte du iour du solstice (car ce sembleroit estre vn miracle) ains ce qui est faict petit à petit les hommes le referēt à ce qui parfaict le tout au temps auquel

il est parfait. Il est ainsi de quelque gerre de noyers petits, pource qu'on croit qu'ils produisent fucilles, fleurs, & fruités la nuit precedente la feste de saint Iean Baptiste.

*Des noyers
qui fleuris-
soient le iour
de S. Iean
Baptiste.*

Aucunes plantes sont en partie du gerre des arbres, & en partie des herbes, comme ia nous auons dit par cy deuant de la rue, de la sauge, & du chou: mesmement le faceole, qu'on appelle en Latin *phasellus*, croist en maniere d'arbre au Royaume de Senega, dequoy i'ay parlé par cy deuant: le faceole prouient trescopieux de l'arbre: aucuns faceoles sont petits, rouges, & d'un œil noir. Autre maniere de faceole est d'Inde, qui est de la grandeur d'un amandier, que ie garde chez moy, & lequel i'ay experimenté. Il est en tout semblable au vray faceole, & en magnitude & substance, tant de l'escorce que du cerueau, il est du tout semblable aux amandes. L'escorce en brusle mieux que tout autre bois de torche ou falot: car il contient moult d'huile: & tout ce qui contient beaucoup d'huile, brusle tant plus facilement, & ceste huile est tant acre qu'elle mord la langue plus que le poiure: pour ceste cause on estime qu'elle est tresutile aux playes. Le cerueau a la saueur de pistacium. Pour ceste raison si ceste huile estoit tiree d'une herbe, la charge & peine de la transferer par deça seroit de grand gain: car l'huile tiree de l'escorce pour l'usage des lampes surmonteroit & vaudroit trop plus que la despense de la translation: toute la medulle & substance seroit en vsure. Car neantmoins que les herbes prouient tous les ans par la varieté du ciel & de l'air, elles ne sont toutesfois tant mures qu'elles n'ayent quelque semence, ou qu'elles la produisent inutile: vray est que par le cours de plusieurs ans les semences degenerent, si leur vertu defaut, comme aussi on peut voir aux hommes, & aux autres animaux. Quand donc la chose vient à souhait, il est licite l'an subsequent cueillir grand fruit de ton industrieux artifice: mais si tu es trompé & deceu de ton espoir, la perte d'un an n'apporte grand detriement. Or quant aux arbres, l'experience de plusieurs plantes n'y est tant grande, si l'usage du champ perit, & si le labeur est perdu. Car toute la perte qui pourroit ad-

*Aucuns ar-
bres sont du
gerre des her-
bes.*

*La transla-
tion des her-
bes est plus
seure pour le
gain que des
arbres.*

uenir pour par plusieurs fois semer des herbes, seroit colligee pour auoir seulement semé & planté vn des arbres, si les arbres semez ne prouenoient sus terre : où prouenus ne croissent point, ou estans grands ne produisent de fruct, ou s'ils en produisent qu'il fust inutile. D'experimenter donc en la multitude des arbres, c'est chose perilleuse : d'experimenter en peu d'arbres, il est inutile pour la longitude du temps: & quoy que ce prouienne bien, il est sans grace. Car quand nous cognoissons qu'il est necessaire de reietter nostre affaire par longue expectation, telle expectation tourmente les hommes, & ne les cõsole. Celuy toutesfois qui premierement planta les meuriers aux champs de Milan remporta grand gain, non tant d'inuention sage qu'audacieuse : mais plustost les successeurs ont eu le gain que l'inuenteur. Or pour retourner au faceole d'Inde, il naist en la region qu'on appelle Benin. L'escorce d'iceluy est seulement en vsage aux habitans du lieu pour du zingembre, & l'appellent vnias. Benin est vne region situee en Orient, droictement au chemin qui meine de Portugal en Calecutum. Quand est de nostre faceole, il est semence d'vne herbe, comme les autres graines. La cause donc est, que celuy qui est herbe pour raison de l'humeur copieux, se conuertit en arbre, quand il est en l'air & terre plus chaude & plus seche. Car ia i'ay monstré que le gerre des herbes generalement est plus humide que le gerre des arbres. Et rien n'empesche que les arbres petits & imbecilles ne conuiennent en espeece avec les grans & vertueux, comme les petits chiens avec les grans.

Huile de nature admirable.

La repetition de ces matieres m'admoneste que ie refere quelque chose de la nature d'vne huile qui croist au royaume de Senega. Ceste huile a la couleur de safran, & colore plus les viandes que le safran : elle a l'odeur de violette, & la saueur d'huile d'oliue. La tresbonne huile est en Phocis ville de Titorenses, plus excellenté en couleur & douceur que celle d'Espagne: pource elle estoit receuë seule comme Royne pour cuire les vignents. Doncques toute semence quand elle donne de l'huile bonne & à foison, est esseuë entre tou-

tes. L'huile d'oliue est tres-bonne sans composition: aucunes sont bones & vtils aux maladies, comme de lin, ou de heliotropiū. Les oliues, la graine de lin, les noix, les amandes, la graine d'heliotropium donnent abondance d'huile, mesmement la graine de nauette, & de l'herbe dicte hena: aussi plusieurs autres qui sont negligees par ignorace: car les cerneaux ou noyaux de cerise & de prune ont de l'huile. L'escorce donc du faceole de Benin soit nombree au huitiesme lieu. Et ce soit dict des huiles, comme par abregé de chose familiere. Vn arbre mesmement naist en l'Isle du port Saint, rencontre la premiere de ceux qui vont d'Espagne aux Indes: elle porte fruiet semblable à la cerise, sinon que le fruiet est de couleur perse: l'estime cest arbre estre du gerre du cerisier: mais la varieté des regions faict que la gomme de cest arbre est en vsage au lieu de la gomme de l'arbre dict l'acca, qui est fort rouge & splendide: elle se digere en petits morceaux en forme de petits pains: on estime qu'elle enfermit les dens, principalement celle qui est vieille: & ceste gomme coule de soy-mesme, ou quand l'arbre est bleisé, & n'est tant excellente que la premiere.

Entre les fruiets des plantes le guede dict glastum a la plus belle couleur apres la gomme de lacca, de laquelle couleur perse les draps sont teins: il n'est herbe en laquelle tant d'argent soit employé: car d'une tant vile marchandise le tribut monte à plusieurs mille d'escus. Et d'autant que ceste herbe est de grand gaing, d'autant le cremil dict lithospermon, est la plus belle de toutes, entre les facilles, de laquelle les semences & graines dures comme pierre, reluisent d'une splendeur des pierres precieuses dictes margarites: ie dy le cremil de Crete, car celuy des Indes degenerate grandement de cestuy-cy.

Aucun peut estre, demandera pourquoy le bois de la palme se courbe de soy-mesme en voulte, veu que les autres sont flechis pressez de quelque fardeau, ou par artifice: Le bruit en est vulgaire, & ie trouue Theophrastus tesinoin de tant grand merueille. Mesmement Xenophon est autheur que cecy aduiet aux asnes chastrez. L'estime que la cause est, pour ce que la palme est flechie

*La marchandise
dicte mercede,
ble du guede,
dict pastel de
Languedoc.*

*Pourquoy la
palme se courbe
en voulte.*

premier qu'elle soit pressée & foulée: & quād ja elle est courbée, elle se re flechit en haut: car elle a des nerfs qui sont enclinez vers vne partie: ou si quelquefois elle peut estre flechie vers deux parties, cecy aduient pour cause de siccité, ainsi qu'au cuir: car le pois & fardeau peut secher en pressant ou en foulant. Pourtant qu'elle est puissante par la vertu du feu. Plutarchus croit qu'elle est irritée par le fais, & que la matiere sechee se retire par la vertu reparee: ou pourtant que l'air est mis hors, le bois en est plus robuste & fort, & plus tost est flechy à l'opposite. Et afin que de plusieurs sentēces vne soit colligee, ce bois estant vexé du fais, iecte au loing ou l'humour aqueux, ou l'air: & pource rendu plus court, il se retire soymsme.

Le bois du sycomorus se seche en l'eau & non en l'air. Cecy semble estre faict en la maniere qu'il est faict du bois de sycomorus, qui ne se seiche iamais en l'air, ains soudain dedās les eaux. Car entendu qu'il est plein d'humidité grasse, il resiste à l'air, & ne se seiche: mais l'humidite est dissipée de l'eau en plusieurs manieres, premierement par le mouuement raclant l'humidité, puis le froid en partie condensant, en partie congelant, Ce bois est beau, solide, & noir, pour ceste cause il est vtile à plusieurs ouurages. Donques ces deux bois sus dictz souffrent choses contraires par leur opposite.

Les images de bois qui suent. Ce n'est grand merueille si les images suent: la raison en est manifeste, veu que l'humour gras exprimé par la force de la chaleur, represente la saueur. Pource les images de cedre, d'oliuier, de vigne, & de cypres suent principalement. Cecy aduient plus tost, quand le vent Meridional souffle, pourtant que l'humidité est plus copieuse & plus rarifiée.

Les bois qui iectent scintilles de feu quand ils sont rompus. Les bois qui croissent en la terre sulfureuse & bitumineuse, siils sont de substance participante de l'air & du feu, & qui ont peu de terre & d'eau, tels que sont l'aune dict *alnus*, le sapin, le pin, & le poissier, quand ils sont rompus principalement si lors ils sont pourris, coustumierement ils iectent les estincelles de

Herbe qui excite au coit Venrien iusqu'à 70 fois. Par mesme raison les escorces d'aucunes plantes sont par vieillesse tant reluisantes, que la nuit elles donnent clarté, comme le brasier allumé. Je ne fay doute de mettre entre les merueilles des

plantes, ce que Theophrastus au quatriesme liure recite des arbrisseaux, vne herbe auoir esté apportee des Indes, la quelle si quelqu'vn la mange, il pourroit satisfaire au coit Venerien septante fois le iour. Je n'ose asseurer ce estre vray: i'adiousteray ce qui est seulement de ce present traicté, sçauoir est, deux choses estre necessaires au coit Venerien, la flatusité, & la semence. Donques comme en l'herbe satyrion, si le membre viril est tendu grandement sans appetit de coit, ainsi rien n'empesche qu'il ne soit vne herbe, laquelle estant mangée n'en face autant: & si elle est mangée petit à petit, aussi la semence sera procreé petit à petit.

Satyrion vulgairément est dict, Le testicule du prestre.



Les Indies portent de present en leur bouche la fueille dicte Bethel pour telle affaire, quoy qu'ils ne soient fort enclins à paillardise, pour cause (peut estre) que la nature du lieu à ce repugne, qui les enerue & debilité par trop grâde chaleur, Bethel est ce que les boutiques appellent la fueille d'Inde, en Latin *folium Indicum*, en Grec *malabathrum*.

La fueille dicte Bethel.

Ceste fueille verte semble grandement profiter à Venus. Elle noircit les dents si elle est machée. La plante de ceste fueille rampe comme lierre: la fueille est semblable au laurier, distincte & separee de cinq lignes, comme tu vois en ceste figure. L'ay plus diligemment expliqué ceste plante, pource que la fueille cueillie enabondance moult recree l'homme, & tant fort resiouyt, qu'il oste le soucy de la mort instante & proche, le sens estant sain & entier & ce luy est la principale vertu: car si tu ostes le sens, tu osteras tristesse & crainte, comme à ceux qui sont yures & fols, & comme à ceux qui ont mangé de la morelle, dicte *solanum halicacabon*, ou du fruit de strimonie: mais le sens demeurant entier, c'est chose admirable & rare d'oster & chasser tout soucy, & toute crainte.

On dict que les Turcs vsent pour ceste cause de l'ache dicte *Apium*. Aucuns attribuent ceste vertu au safran. Les mesmes Indiens coustumierement vsent pour exciter Venus, du medicament dict Amphiam, que les Espagnols disent estre Opium. Non sans cause doncques aucuns demandent, comment le medicament fait de

Aucuns disent qu'apium est le persil.

pauote, dict *meconium*, veu qu'il est tres-froid, voire tant froid qu'il occit, peut exciter Venus. Pourtant ils estiment *meconium* estre different d'*amphiam*. Or *amphiā* est vn venin aux Indiens, & mesme du gerre des venins qui font mourir sans fascherie, ce que personne n'ignore estre propre au *meconium*. Mais (peut estre) c'est quelque autre drogue qui oste le soucy, qui excite Venus, & qui fait dormir, quelle drogue est *amomum*, & le safran. Donques i'ay monstre qu'aucunes drogues excitent Venus immoderee: mais qu'elles drogues ce sont, ie l'expliqueray en la parfaicte histoire des plantes. Maintenant il est expedient de monstre pourquoy vne mesme couleur n'est aux fleurs, comme aux fueilles. Cecy aduient pource que l'humidite est deseechee, & n'en reuiet d'autre. Car necessairement toutes fueilles sont verdes par l'operation de la chaleur, entendu que l'humour perpetuel leur est donne. Pour ceste raison la supreme superficie des eaux dormantes est telle: & les lieux humides, qui sont posez en terre sous le degout du test des maisons, ou les rayons du Soleil ne touchent point, sont tels. Pourtant la fueille est tousiours la partie de toute la plante la plus humide, & soutient la plus froide: la semence est la partie la plus chaude, & seche, au milieu desquelles la fleur doit estre colloquee: la racine est la plus froide, & la plus seiche, comme le fruit est la portion la plus chaude, & la plus humide, au milieu desquelles parties est le tronc qui est pres de la racine. Derechef, la partie du tronc la plus chaude & seiche est l'escorce: la matrice est la plus humide & froide: le bois tient quasi le milieu d'icelles: toutesfois tout le tronc, comme i'ay dict, est manifestement froid & sec. Les fueilles, les fleurs, le fruit, la semence couurent la tige: le bois, ainsi que les os aux bestes soustiennent le tout, & est couuert de l'escorce pour sa defense: toutesfois l'escorce est en aucunes plantes, par laquelle l'aliment est porte aux autres parties: en aucunes la matrice est donnee pour auoir aliment: en toutes plantes la matrice humecte le bois. Pource toutes plantes qui n'ont de matrice ont abondance de gomme, comme le gayat, dict *lignum sanctum*:

Pourquoy
les fleurs sont
de diuerse
couleur.

L'usage des
parties aux
arbres.

celles qui ont copieuse substance de matrice, n'ont point de gomme: comme le sureau. La racine est aux plantes pour attirer aliment de la terre: les fleurs y sont pour auoir fruit, ou semence: car elles sont conuerties en fruit, ou en semence: & le fruit y est pour auoir graine & semence: car la semence est contenuë en tout fruit souz le pericarpe. Le fruit donc semble estre la perfection de la plante: & la semence est pour renoueler le gerre. Or aux plantes qui n'ont de fruit, la semence recompense le profit & usage. Nature semble auoir esté plus rude aux plantes, qu'aux animaux, veu qu'en huer la robbe tombe bas aux plantes, & le poil croist aux animaux. Nature a armé les plantes, comme les animaux, d'espines, de durté, de grandeur, & de facilité d'estre plies. Mais les erreurs & fautes y sont, comme aux animaux, & autant plus frequentes, que les plantes sont viles. Dont il aduient que mesmement les erreurs soient aux petites bestes, comme en celles qui sont engendrees de matiere putride, & aux poissons, & aux matieres metalliques, comme aux plantes. Mais aux animaux les plus parfaicts, les monstres sont proprement appelez de la diction demonstrent: il est neantmoins licite de transferer ce mot aux plantes. Car si les plantes obseruent bien leur ordre, non seulement elles sont composees de certaines parties, ains mesmement de certain nombre des fueilles. Nature a esté tant habile & industrieuse, mesmement aux petites plantes, de laquelle enten la cause: entendu que les plantes n'auoient de mouuement à la generation, il a esté necessaire que nature assemblast l'vn & l'autre sexe, dont souuent plusieurs plantes conuiennent en vn & ensemble. Veue donc qu'une espine estoit necessaire aux bestes, en laquelle tous les os fussent implantez, & qu'il estoit necessaire que les nerfs fussent aux plantes au lieu de l'espine, il a esté necessaire que les fueilles & branches naquissent par mesme moyen à dextre & senestre au nerf des plantes, sil n'en est qu'un: ou à chaque d'iceux, s'ils sont plusieurs: car quant aux bestes, elles semblent auoir toutes choses doubles, comme bien le dict Aristoteles. Veue donc que la fueille estoit necessaire au coupeau

*Les armes
des plantes.*

*Les monstres
des plantes.*

Henophylle,
c'est à dire v-
ne plâte d'v-
ne seule fueil-
le.

La merveil-
leuse forme
d'*Henophyl-*
le, plante d'v-
ne fueille.

Pentaphyllon
en Grec, en
Latin *quin-*
quefolium, her-
be de cinq
fueilles, &
souuēt de sept
dictē *hepti-*
phyllon, en
Grec.

& que double ordre tant d'une part, que d'autre aux neuds à la plante ayant vne espine estoit necessaire, à fin que ceste plâte eut deux fueilles à chaque neud, & trois au sommet. Pourtant quand la plante est aride, & ne peut produire des fueilles, vn henophylle est fait apres des neuds, duquel la description s'ensuit.

Vne fueille naît au tige qui est court, sans veines & nerfs, plus molle que la fueille d'ierre, semblable toutesfois, au lieu ou la fueille est iointe au tige, d'illec sort vne cosse cresppe, mince & verde, plus grâde que la fueille, en laquelle cosse sont quelques petites graines: toute l'herbe est fort verde, la racine est vnique, ayant la forme de la teste d'un serpent: elle naît au prez ioignant Papie au mois d'auril: & est seche au mois de May: elle est de nulle odeur & de nulle saueur. On estime qu'elle est vtile aux playes. Pource donc que la matiere n'estoit suffisante, il a fallu que la fueille ayt esté produite d'un nerf, & ce au coupeau: autrement toute la plâte ne peut estre couuerte. Pour ceste raison la matiere est grasse, & petite en henophille: elle est mediocre & petite au tresle, dict *trifolium* en Latin: mais la matiere est plus grasse en l'ellebore (car si la matiere y estoit mince, il n'eust esté necessaire de faire tant de fueilles) la matiere est tres-mince au pentaphylle: & heptaphylle: & la petite matiere eust esté reduite en moins de fueilles, si elle eust esté crasse, & espesse. Car si le tige n'est espes, tant plus seront de fueilles, tant plus est necessaire qu'elles soyent minces aux herbes, ou la matiere est seche & petite, peu de nerfs y sont, ou aucun n'y est, comme en l'henophylle au tresle, & au pentaphylle: si la matiere est abondante, plusieurs nerfs y sont comme aux arbres. Et tout nerf garde son ordre: quâd ils sont plusieurs nerfs, ils semblent confondre l'ordre, & le nombre des fueilles. Ainsi les mouuemens des estoiles, entendu qu'ils consistent de plusieurs mouuemens esgaux, semblent estre confus & inegaux.

Il est donc manifeste maintenant, qu'il est necessaire que les fueilles soient inegales en nombre au coupeau des plantes. Car les fueilles sont produictes seulement des nerfs, & lors est fait henophyllon: ou elles proce-

dent de part & d'autre, & lors est fait le tresle, le pēta-
 phyllon, hetaphyllon, ellebore, qui a neuf fueilles: car si
 font plusieurs fueilles, il vaut mieux qu'elles soiēt mises
 deux à deux aupres des neuds par toute la plāte, de peur
 que le coupeau ne soit trop chargé. Au cōtraire, si elles
 sont de peu de fueilles, il vaut mieux que le tout soit mis
 au coupeau de la plante: car les fueilles illec mieux cou-
 urent toute la plante, & par consequent, les fleurs & les
 fruiçts. Il est manifeste que les fueilles sont faittes pour
 couvrir les fleurs & les fruits, pource que les fueilles sōt
 produites moult deuant les fleurs & les fruits: & les plā-
 tes qui ont tousiours des fueilles, elles ont toute l'annee
 du fruit, ou des fleurs: & s'il aduiēt que les fueilles viē-
 nent apres les fleurs, la plus grande part des fruits perit:
 & quād les fueilles tōbent en hyuer, aucunes fleurs ou
 fruiçts ne sont produiçts: & les fueilles semblent seule-
 ment estre produiçtes pour cause des fleurs & fruits: &
 lors que l'arbre ne produit en hyuer, les fueilles tōbent
 en terre. Les fueilles doncques que les plantes ont seu-
 lement du coupeau sont inegales, pource que premie-
 remēt il est necessaire le dos de la plante estre couuert,
 apres autres estre produiçtes egalemēt deçà delà, à dex-
 tre & à senestre. Cecy appert premierement, pource que
 aucune plāte qui a le trōc nu & despouillé, n'a les fueil-
 les esgales au coupeau: secōdemēt, pource que la fueille
 du milieu est tousiours plus grande, plus grassē, & plus
 robuste, les autres aussi les plus proches à ceste fueille
 du milieu sont pareillement plus grādes que les reme-
 tes & loingtaines, pource mesmement que la cavitē du
 nerf est tousiours adiacente au tige: & le tronç plus fa-
 cilement est flechy vers la cavitē qu'enuers le nerf.

Pour mesme raison les nerfs des fueilles sont ine-
 gaux, comme au plantin, car ils sont cinq, ou sept, ou
 d'auantage en nombre inegal, & outre ceux qui sont
 deux à deux aux costez, vn est adioustē au milieu. Or si
 la matiere des plantes pour les fueilles est abondante,
 vn seul nerf y estant, par mesme raison les fueilles serōt
 encor inegales au coupeau, deux à deux par toute la
 plāte en chaque neud. Et si plusieurs nerfs sont au trōc,
 comme deux à deux, quatre fueilles seront au neud, ou

*Les fueilles
 sont faittes
 pour les fleurs
 et les fruiçts.*

*Pourquoy les
 nerfs des fueil-
 les sont ine-
 gaux.*

deux & deux, nō toutesfois à l'opposite l'une de l'autre, & au coupeau seront six ou dix fueilles. Mesme raison est aux branches & rameaux, dont il est licite de colliger par certain moyen le nombre des fueilles en toutes plantes, s'il n'y a quelque chose blessé ou monstrueux, ce qui aduient, comme i'ay dict, souuent aux plantes.

Tous fruiçts consistent par certains nombre de grains.

Par mesme raison il aduient aux fruiçts : & à fin que ie prenne mon commencement de la matiere la plus difficile, les pommes de grenades, & celles qui naissent selon leur gerre, & d'un mesme arbre ont certain nombre de grains, aucunes pommes en ont neuf cent quarante quatre: aucunes cent vingthuit, & les autres en ont autre nombre, toutes tendantes vers le centre en estroit depuis le plus large circuit de l'escorce. Ainsi les graines des poires, ainsi de pommes, ou des mesles ou nestes. Les fruiçts sont tous annexez, & conioins par petites queues, pource que l'humeur aqueux est ainsi mieux dissipé de l'air : & pource les fruiçts sont mieux nourris. Et les graines contenuës aux fruiçts, & pour cause desquelles les fruiçts sont faicts, en sont plus robustes & fortes, & plus aptes à la generation. Cecy appert, pourtant que les fruiçts du Sycomorus naquissent sur le tronc sans pied ou queüe : car entendu que cest arbre à l'humidité tresgrasse, cōme i'ay dict, il n'a besoin que l'humeur soit d'auantage seché au pied ou queüe : pour ces causes il produict fruiçts quatre fois par an, lesquels ne meurissent point, si l'arbre n'est vulneré. Laquelle chose nous deuons iuger au figuier & aux vignes qui fructifient souuēt en l'an: car ils ont abondance d'humeur gras, & tardement ou a peine viennent en maturité : & sont fascheux au ventricule, comme le fruit du sycomorus. Il estoit necessaire d'auoir tel arbre qui apportast vn fruiçt tāt copieux, à fin que les habitās du lieu eussent pour fromēt, & qu'il satisfist à la vie des hōmes, les plātes donc qui ne produisent les fruiçts qu'une fois l'an, & se meurissent soudain, elles ont bien peu d'humeur pinguedineux, & les fruiçts viennent tant meurs, que facilement ils pourrissent, comme les cerises: & les arbres qui ne produisent les fruiçts meurs, & n'ont des fruiçts qu'une fois l'an, tels fruiçts sont froids & secs,

Les fruiçts du Sycomorus & des arbres qui portent plusieurs fois l'an.

comme les cormes & les mesles ou nefles: & les arbres qui produisent les fruiçts par plusieurs fois, cōme le figuier, la vigne, le Sycomorus, difficilement amēnent leurs derniers fruiçts à maturité, & les fruiçts sont fort humides & moult nourrissent par leur humeur gras, & tardemēt sont cuits au ventricule. Aucuns fruiçts apres qu'ils sont cueillis, sont mis en reserue & sont sechez cōme les noix, & les noix auelines: aucuns fruiçts sont gardez, & ne sont sechez, cōme les pommes de grenade: aucuns ne sont mis en reserue, comme les cerises. Ceux qui sont mis en reserue apres estre sechez, reuerdissent cōme s'ils estoiet cueillis & pris en l'arbre de nouveau, s'ils sont mis dedans vn puy l'espace de huit iours en vn sac, l'escorce estant percee, ou s'ils sont enfouis souz terre humide l'espace de quinze iours. Plusieurs choses appartiēnent à ce propos, toutesfois elles ne sont de celles desquelles il cōuient maintenāt parler, afin que nostre dispute soit cōplete. La matiere est telle, cōment les plātes sont trāsferrees d'une region en autre, cōme des Indes en Italie: certes aucunes sont trāsferrees par la semēce trāsferree, aucunes entieres dedās les vaisseaux, circuites de terre: les reietts d'aucunes enfouis dedās le miel, entendu que l'humeur du miel est subtil, doux & tēperé non point gras ne subiect à putrefactiō, & ce est tres-cōmode pour nourrir les germes tendres. Pour ceste cause les noix sont gardeestoute l'annee verdes dedans le miel, & le fruiçt & la chair y sont gardez par plusieurs iours sans putrefaction. Mais le suc apres qu'il a boulu (car ainsi l'humeur aqueux, qui est le commencement de putrefaction, est consumé) est gardé en iettant de l'huile dessus. Toutesfois le suc de fumeterre ainsi d'amertume passe en acerbité & aigreur, pource que la portion terrestre, qui est la cause d'amertude, en descendant bas, laisse le suc insipide, quand ce suc est vicié & corrompu de l'air, il se conuertit en aigreur, comme toutes drogues douces & insipides. Il vault donc mieux cuire lōg temps ce suc de fumeterre, & le mettre en lieu bien froid. Car toute putrefaction, comme i'ay dict, est chaude: pour ceste raison les truffes qui naissent font fondre la neige qui est droitemēt dessus: car quād

Comment les fruiçts secs reuerdissent.

Comment les plantes sont trāsferrees au loing.

Comment le suc est gardé.

Les truffes font fondre les neiges.

La maniere
d'eviter pu-
trefaction.

la chaleur putride separe l'humeur terrestre, elle engen-
dre des racines sans germe, qui sont appellees truffes;
au contraire quand elle cuit la matiere froide, humide,
& tenue, elle produict du germe sans racines, que nous
appellons champignons en Latin *fungi*. Pource les
champignons sont les plus humides, & les truffes sont
plus seures, & moins dangereuses. Generalement les
choses ne se pourrissent aux matieres sechees ou refri-
gerees, ou qui s'ot pleines d'humeur pinguedineux. Car
il est necessaire que ce qui se pourrit, ayt vn humeur a-
queux, & qu'il soit pourry par la chaleur. Doncques les
matieres seches, ou fort froides, ou tres-grasses ne peu-
vent pourrir. Et toutes choses sont seches par trois ma-
nieres, ou par chaleur viue, & ceste chaleur est diuisee
en trois, en feu, en fumee, & Soleil: ou elles sont sechees
par matiere consumante l'humeur, comme par vent, ou
par sel: ou elles sont sechees par matiere sechante petit
à petit, comme par aloes, ou par myrthe. La pourri-
ture ne vient aux choses refrigerees, pource plusieurs
ne pourrissent en la gelee: & les corps des morts en-
veloppez dedans le vis-argent ne pourrissent, si le vis-
argent penetre dedans. Et toutes choses qui ne sont
subiectes à pourriture sont gardees par humeur gras,
comme paticeries, comme chair mise en l'huile, com-
me poissons rostiz, ou plustost friz: combien que ceste
maniere merite estre reduite aux manieres composees,
aucunes choses sont gardees par cause mixte, comme
par miel, qui est gras & seche, comme plusieurs fruiçts,
ou par vinaigre, qui seche ensemble & refrigere. Quoy
donc que la putrefaction soit la voye à l'enflambemēt,
non toutesfois les matieres qui pourrissent, pource que
elles ont encor l'humeur aqueux, mais les matieres
prennent en feu qui sont laisses de la pourriture. Or
les champignons, comme les truffes ne bruslent point
pource qu'engendrez par matiere putride entremeslee
d'humeur gras & aqueux, ne sont du tout deicttez
de putrefaction. Mais les feuilles du laurier qui sont
aucunement hors de putrefaction, & sont seches,
bruslent soudainement: les feuilles de geneure aussi,
mais pour cause de la seule vehemēte siccité. Et pource
que

Pourquoy les
feuilles de lau-
rier & de ge-
neure craquent
au feu.

que soudainement elles reçoivent le feu auant que l'humour aqueux soit ieté hors, ou séché, necessairemēt elles donnent vn bruit, & pource donc les fueilles de laurier, & de genéure craquent grandement quand elles brûlent. Aucuns pensent quelque diuination estre aux fueilles de laurier ardātes, ou pource que cest arbre est sacré à Apollo, ou pource que la flamme se diuise en diuerses formes, ou pource que sa nature cōtient quelque chose qui excite l'esprit. Aucuns ont estimé que le tronc du genéure allumé & couuert de sa propre cédre, garde le feu vn an. Certes c'est chose merueilleuse d'estre gardé tant lōg temps, d'estre gardé long tēps n'est de merueille, car ce bois de genéure est de substance fort d'esse & grasse, & incorruptible aux ourages, sinon qu'il ne croist beaucoup en nos païs, & là où il croist, il est appellé cedre. Car le cedre differe du genéure par la seule rougeur du fruit, & pour la magnitude. La gomme du genéure est dictē vernix, de peur que l'encre ne distille hors, on l'espart cōmodement sus vne carte: car pource que la carte est seche & mince, elle boit la liqueur & l'arreste. La pierre pōce, dictē *pumex*, quoy qu'elle soit seche, ne boit point, pource que l'encre est grasse, epeffe & sans chaleur. Outre plus si tu foules de l'ongle seulé du pouce la carte rasée, l'encre sera moins esparse, que si tu y adioustes de la poudre menuë de la pierre pōce. Pour ceste cause dōc le vernix est rendu liquide par le vernix sec, & par l'huile de lin, trespapte à reiecter les impetuosités du ciel & de l'air: pourtāt coustumierement on l'adiouste aux peintures. Au temps passé pour le vernix il vsoiēt de cire petite, ou du blāc de l'œuf, & de sandix cōposé, ou de craye avec du nitre. Les peintures estoient defenduës par la cire encōtre les chaleurs du Soleil, encōtre les vës & l'iniure de la pluye salse & des vapeurs. Pareillement la couleur de pourpre estoit adiouste au blanc de l'œuf, & aux sandix, non point pour tutelle ne defense. La splēdeur estoit aux peintures tresdelectable par la craye & le nitre. Apelles adioustoit grāde clarté, mesmement la lumiere ostee aux peintures par l'encre tressubtile (ainsi ceste liqueur estoit appellee pour l'usage nō pour la couleur) outre ce q' l'encre engardoit les

Le bois de genéure.

Le cedre est vne espece de genéure.

peintures d'estre gastees de poudre, d'ordures & autres macules: & de nostre temps le vernix donne toutes ces commoditez. Le vernix pur est bien prouué & loqué, qui ne corrompt les couleurs, aussi le vernix perspicu, tres-delié, splendide, en sorte qu'il puisse enluminer les couleurs, qu'il ne les obscurcisse, ains qu'il surmonte la lumiere, qu'il soit aussi solide & ferme, en sorte qu'il resiste sans corruption, & eternellement à la crudité de l'eau, à la saline, aux vens, à la poudre & au Soleil.

*La maniere
de l'encre
pour escrire
iaune & per
se.*

Je sçay que j'ay parfaict l'histoire des plantes: mais pource que j'ay monstré la composition de l'encre rouge, & des autres aussi, j'adiousteray l'encre perse faite de terre perse, ou de la pierre bleüe dicté *cyanus*, aussi ie monstreray l'encre iaune faicte de pourpre ou d'or: les autres couleurs sont faictes des matieres metalliques par manieres exquises, ausquelles j'ay monstré cy dessus le rouge pris du vermillon, dicté *cinnabaris*. L'encre noire qui est commune, est ainsi composee. Prenez vne liure de galle recente mise en poudre, & de la gôme Arabic, des fleurs avec les escorces d'un grenadier, de chacune drogue demie liure, que le tout soit macéré & trempé dedans six liures d'eau par huit iours, puis que le tout soit cuit tât que là tierce partie de l'eau soit cōsumee: quand le tout encor bouillant est mis hors de dessus le feu, il faut adiouster vne liure de vitriol ou couperose fort puluerisé: le tout soit mouué assemblement tant qu'il soit froid: & dix iours apres qu'il soit coulé par un gros linceul, & qu'il soit gardé. Anciennemēt la suye des bains & fournaies estoit en v'sage pour escrire les liures. Maintenant pour imprimer les liures ils vsent de

*La maniere
de faire l'en-
cre noire.*

*Les lettres
qui s'effacēt
de soy mes-
mes.*

la suye d'huile de lin avecques l'huile. Je sçay quelqu'un qui en faisoit de bone & fort noire: toutesfois six mois apres elle s'euanoissoit totalement hors du papier par grande fraude. Il faut chercher le moyen de cecy. Nous cognoissons que les matieres terrestres demeurent, & les matieres qui sont subtiles s'euanoissent subitemēt: pourtant l'eau ardante est subitement dissipée. La couperose dōc reduite en esprit, & meslée à la matiere humide & tenante, peut ce faire. Pourtant ce qui est recité par grand miracle d'Apollonius Tyaneus, pource qu'il

estoit accusé deux fois, l'accusateur fut l'Empereur, ou Tigillinus trouua le papier tout blanc & pur, s'il est vray ce qui est trouué entre les menteries & mensonges de Philostratus, ne peut estre estimé chose miraculeuse.

Les lettres qui sont sans tel art sont effacees en plusieurs manieres, ou par vn cousteau d'acier bié delié, ou par la poudre de nostre alun, que souuent i'ay trouué utile, ou par eau de distillation de couperose, de halinitrum, & de la gomme, qui est de larix: elles sont aussi effacees d'vne eau seconde, qui cy apres sera descrite pour oster le poil. Mais il y a plus de science en l'usage qu'en l'inuention. Certes si les lettres doyuent estre effacees par poudre, il faut la froter doucemét des doigts s'il faut les defaire de fer, il faut manier le cousteau legerement, si par eau, garde que quand tu voudras effacer les lettres, tu ne déchires le papier, bref, garde que tu traites rudement ce negoce tant sollicité. Or de present venons à l'histoire des petites bestes, dictes en Latin *insecta*.

Fin du huitiesme liure.

DES BESTES ENGEN- DREES DE PVTRIFACTIION.

Liure neufiesme.



Les sont deux principaux genres des bestes: le premier est, qui a la vie en la part qui semble estre précise & coupee, dicté en Latin *insectum*: & ce genre appartient à l'imperfection, pour ce qu'il en aduient aux plantes en cas pareil. Autres animaux sont parfaits, auxquels ce qui est prédit ne conuient. Cependant il faut chercher l'histoire commune des animaux plus profondemét: & premieremét,

Telles bestes
sont dictes
des Latins
insecta pour
cause des in-
fections qu'el-
les semblent
auoir sur le
corps: aucuns
les appellent
annulata.

G ij

Il faut enquerir pourquoy les animaux ne croissent tāt en rectitude comme les plātes, ains plustost en latitude & profundité: secondemēt pourquoy Nature a engendré aucuns animaux par semence, aucuns sans semence: finablement pourquoy aucuns animaux sont nourris des autres, & aucuns sont nourris seulement des plantes. Il ne faut estimer estre chose semblable, que les animaux soient engendrez de matiere putride, ou qu'ils soient imparfaits, ou qu'ils soient incifez ou insectés, en Latin *insecta*. Car les lesars & serpens sont nombrez entre les insectés, & toutesfois ils ne sont engēdre de matiere putride, ains des œufs. Mesmemēt les viperes & couleuvres sortent ainsī de la matrice, quoy qu'elles soient engendrees des œufs: toutesfois c'est vne beste qui est engendree, non pas d'vn œuf, pource que la vipere est parfaite en la matrice de l'œuf. Semblablement les ras & les souris qui sont engēdre de matiere putride, ne sont nombrez entre les insectés. Aussi plusieurs serpens ont tous les sens, neantmoins qu'ils soient engendrez de matiere putride. Il n'est donc inconuenient vne beste parfaite estre engendree de matiere putride: comme au contraire la taupe imparfaite est engendree de la beste qui est de son gerre. Veu donc que la dispute se fait icy des serpens, aussi des insectés: ce traicté n'est pur & general: mais pource que la plus grande partie des insectés est engendree en ceste maniere, sçauoir est, sans œuf & sans matrice (ie ne dy sans parés) semblablement plusieurs serpens sont engēdre en ceste maniere, pource i'ay estimé qu'il falloit icy traiter de toutes ces matieres. Outre plus, à fin que ie retourne à mō propos, la cause pourquoy les plantes souuēt croissent droitement, & les bestes non, ains plustost en latitude & profundité, est pource que l'humeur des animaux est plus gras, pource que l'humeur des plantes est plus estendu de toute pars: & la chaleur des plantes est en la racine, pour ceste cause elle se pousse en la part, par laquelle mieux elle peut sortir: quand donc ceste chaleur est sortie, elle ne peut tant facilement se departir de la premiere forme du mouuement: dont il aduient que les plantes croissent en terre molle plus epees & moins hautes, au contraire en la

101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543
 544
 545
 546
 547
 548
 549
 550
 551
 552
 553
 554
 555
 556
 557
 558
 559
 560
 561
 562
 563
 564
 565
 566
 567
 568
 569
 570
 571
 572
 573
 574
 575
 576
 577
 578
 579
 580
 581
 582
 583
 584
 585
 586
 587
 588
 589
 590
 591
 592
 593
 594
 595
 596
 597
 598
 599
 600
 601
 602
 603
 604
 605
 606
 607
 608
 609
 610
 611
 612
 613
 614
 615
 616
 617
 618
 619
 620
 621
 622
 623
 624
 625
 626
 627
 628
 629
 630
 631
 632
 633
 634
 635
 636
 637
 638
 639
 640
 641
 642
 643
 644
 645
 646
 647
 648
 649
 650
 651
 652
 653
 654
 655
 656
 657
 658
 659
 660
 661
 662
 663
 664
 665
 666
 667
 668
 669
 670
 671
 672
 673
 674
 675
 676
 677
 678
 679
 680
 681
 682
 683
 684
 685
 686
 687
 688
 689
 690
 691
 692
 693
 694
 695
 696
 697
 698
 699
 700
 701
 702
 703
 704
 705
 706
 707
 708
 709
 710
 711
 712
 713
 714
 715
 716
 717
 718
 719
 720
 721
 722
 723
 724
 725
 726
 727
 728
 729
 730
 731
 732
 733
 734
 735
 736
 737
 738
 739
 740
 741
 742
 743
 744
 745
 746
 747
 748
 749
 750
 751
 752
 753
 754
 755
 756
 757
 758
 759
 760
 761
 762
 763
 764
 765
 766
 767
 768
 769
 770
 771
 772
 773
 774
 775
 776
 777
 778
 779
 780
 781
 782
 783
 784
 785
 786
 787
 788
 789
 790
 791
 792
 793
 794
 795
 796
 797
 798
 799
 800
 801
 802
 803
 804
 805
 806
 807
 808
 809
 810
 811
 812
 813
 814
 815
 816
 817
 818
 819
 820
 821
 822
 823
 824
 825
 826
 827
 828
 829
 830
 831
 832
 833
 834
 835
 836
 837
 838
 839
 840
 841
 842
 843
 844
 845
 846
 847
 848
 849
 850
 851
 852
 853
 854
 855
 856
 857
 858
 859
 860
 861
 862
 863
 864
 865
 866
 867
 868
 869
 870
 871
 872
 873
 874
 875
 876
 877
 878
 879
 880
 881
 882
 883
 884
 885
 886
 887
 888
 889
 890
 891
 892
 893
 894
 895
 896
 897
 898
 899
 900
 901
 902
 903
 904
 905
 906
 907
 908
 909
 910
 911
 912
 913
 914
 915
 916
 917
 918
 919
 920
 921
 922
 923
 924
 925
 926
 927
 928
 929
 930
 931
 932
 933
 934
 935
 936
 937
 938
 939
 940
 941
 942
 943
 944
 945
 946
 947
 948
 949
 950
 951
 952
 953
 954
 955
 956
 957
 958
 959
 960
 961
 962
 963
 964
 965
 966
 967
 968
 969
 970
 971
 972
 973
 974
 975
 976
 977
 978
 979
 980
 981
 982
 983
 984
 985
 986
 987
 988
 989
 990
 991
 992
 993
 994
 995
 996
 997
 998
 999
 1000

terre solide aupres des eaues : car tel humeur est moins gras.

Pourquoy aucuns animaux sont nourris des seules plâres, & les autres des animaux, il cōuient le monstrer. Il n'a esté possible que les seules bestes, véquissent de la chair des autres bestes: car quâd vn animant mâge l'autre, & n'a autre viande, entendu que quelque chose suruiuent tousiours au lieu de l'excrement, toute la masse des animaux premieremēt se diminueroit en quantité, & en nombre, & finalement elle defauidroit en brief temps. Et si tous les animaux estoient nourris des plantes, Nature ne fut paruenue en sa perfection: car le sang & la chair, ne consisteroit des elemens entrerompus, & biē tēperez. Pour ceste cause tous animaux qui ne sont nourris de la chair, ne sont industrieux, & prudēs, excepté l'elephant. Nature dōc ne pouuoit faire les oyseaux, les poissons, ne les bestes qui n'ont seulement que des pieds, ne pouuoit, di-ie, les faire soliciteux, industrieux, & de mœurs humaines. Car les bestes qui viuent de chair, par sens sont plus proches à l'homme, que celles qui viuent des plantes, comme les chiēs, les renars, marmos, les chas, liōs, daufins, ours, aigles. Trois gerres dōc des animaux sont distincts par la varieté des viandes: car aucuns viuent des seules plantes, cōme les cheuaux, asnes, bœufs, brebis, cheures: aucuns des seules bestes, comme les lions, dauphins, pantheres: aucuns de l'vn & de l'autre, comme les hommes, marmos, poules, pourceaux. Des animaux qui sont nourris des bestes, si tu excepte ceux qui leur sont viandes: aucuns ont ciuilité & amitié avec les autres, comme le corbeau avec le renard, la mouette avec le milan, le renard avec le serpēt, le crocodile avec le roitelet, ou le poisson dict lou marin avec le mouin dict mugil. Les animaux qui sont nourris des plantes, requeroient auoir les dens plus grosses & mouffis, de peur qu'elles ne fussent rompues, qui ne pouuoient estre leurs armes: pour ceste cause nature a armé aucuns animaux d'ongles aux pieds, cōme les cheuaux, les asnes, les chameaux: les autres de cornes, comme les beufs, & les cheures.

Et pourtant que nature eut trop chargé par aliment

Pourquoy la viande des animaux est différente.

Pifex en Grec πῖφιξ est dict en aucuns lieux mouette oyseau aquatique.

*Mugil est
dict mouion,
vulgairement
en Grec
κέφαλος:
pource aucuns
l'appellent yn
testu.*

sec le cerueau des bestes, ausquelles elle a doné des cornes, elle leur a osté les dens superieures en la partie anterieure: & pource que le secours des ongles, & des cornes eut retardé la fuite aux petites bestes, pour l'imbecilité de leur vertu, ce leur eut donné peu d'aide, pour ce nature leur a denié les ongles, & les cornes, comme aux lieures & connins. Et nature a armé de dens tresagües toutes bestes sauuages, & celles qui sont nourries de chair, excepté les oyseaux, ausquels elle a fait le bec courbé & crochu. Et nature presque a doné à toutes bestes ausquelles elle n'a donné de dens, comme aux oyseaux, ou ausquelles elle les a donnees infirmes, comme aux chas & à leurs semblables: Nature, dy-ie, leur a donné les ongles, & griffes courbes & robustes. Nature dōc a muni de dents, & d'ongles ou griffes les bestes carnivores: elle a muni de cornes & griffes les bestes douces, si elles sont grandes: elle a muni seulement de celerité les petites. Il reste donc ces choses entendües que nous monstrions, pourquoy aucuns animaux sont engēdrez de putrefaction, les autres par propagation & lignee.

*Pourquoy ies
animaux
sont engēdrez
de putrefa-
ction.*

La cause dōc de ceste difference est pource que nature a voulu que la generation fut defaillante à peu: pour ceste cause principalement elle eut cherché de matiere putride la generation à tous animaux: mais pource que les parfaicts requeroiēt long téps, à fin qu'ils fussent accomplis, la matiere n'eust peu estre conseruee tant long temps sans mouuement, & principalement sans spectacle pour cause du changement des temps: pour ces causes la matrice a esté necessaire, ou la couuerture de l'œuf ou le fruit fut gardé, iusqu'à ce qu'il fut parfait: & pource la generation est faicte par la semence. Il est donc manifeste que nature a inuenté par putrefactiō la seule generation, & qu'elle l'a paracheuee en peu de temps: & que l'autre generation a esté contraincte & plus tardieue, & non premierement intentee par nature. Aux animaux donc que nature a engendrez librement sans aucune aide, elle ne leur a rien donné, comme aux vers des fruitts, aux autres elle vse d'un amas d'ordures sans certaine matiere, comme aux mouches. Ceux qui sont plus parfaicts que les mouches, sont engendrez de

certaine matiere, laquelle l'aliment coinquine, comme les mouches engendrees du miel, lequel elles arrousent de leur ordure: & les guespes semblablement sont engendrees du miel agreste. Aucuns animaux requierent l'œuf: mais les plus parfaicts sont ceux qui sont engendrez dans la matrice. Et par ces cinq ordres nature est venue au sommet de perfection.

Or à scauoir si la generation est perpetuelle aux bestes engendrees de matiere putride, & si defaillent aucunes fois, ceste inquisition appartient aux liures des Secrets d'eternité. Car quād les liures sont leuz & escrits, sont l'esprit, la pensee & memoire: & ces choses sont eternelles. En ce donc les generations different par semence & matiere putride: en la semence est vne matiere qui reçoit tousiours la mesme chaleur semblable à celle dont la semence est engendree: aux autres choses il y a chaleur, mais il aduient que la matiere est icy ou là, en sorte que la generation de telles bestes est fortuite: & pour ceste cause aucunes d'icelles sont petites, & imparfaites: elles sont petites, pource qu'il y a peu de matiere apte à la generation, entendu qu'elle est colligee par cas fortuit: elles sont imparfaites, pource que telle generation a petit repos, & pour ceste cause elle est paracheuee en brief temps. Et ce qui est paracheué en brief temps, mesmement aux ourages artificiels, ne peut estre parfait. Pour ces raisons toute beste engendree de putrefaction, quoy qu'elle ait tous les sens, ne peut totalement les auoir parfaicts & accomplis. Toutes les bestes de putrefaction n'ont tous les sens exterieurs parfaicts, & beaucoup moins les interieurs: elles n'ont aucune prudence, & sont stupides. Les mouches à miel sont prudentes, car elles sont engendrees de certaine matiere, & non sans parens: si elles sont engendrees d'un veau, ce n'est leur propre ourage, ains de nature, comme la peinture des fleurs du fasciet, dict hyacinthus, laquelle l'homme prudent n'attribuera à la plante, ains à nature. Les fourmis semblent estre prudens, aussi ils sont faicts de semence, & des œufs. La raison de la magnitude est differente, & le but en est incertain, quoy

*Le fasciet &
oigno de bois.*

*Le ver de la
noix aueline.*

que plusieurs bestes, comme i'ay dit, soient petites. Aucuns recitent, que le ver engendré en la noix aueline, nourry de lait, croist en grandeur incredible, & disent qu'ils ont experimenté. Car la magnitude doit estre referée au gerre des bestes, non pas à la generation. Mais le Philosophe nie bien que telles bestes engédrent: non toutesfois que la beste d'un autre gerre soit engendree par le moyen de la matiere: mais ie monstrey la cause propre de cecy. La vertu d'engédrer est deue aux bestes robustes & parfaites. Cecy est cogneu, pource que les bestes mutilées, blessées, & petites, n'engendrent point, ou c'est rarement, & n'engendrent bestes semblables à foy. Et les imparfaites debilitées de vieillesse, ou maladie, ou qui ne sont encores parcrues, ne peuuent engendrer. Les bestes donc engendrees de matiere putride, veu que plusieurs sont imbeciles, n'engendrent point: ou si elles engendrent, ce qui est engendré, est plus debile que les parens, comme les pous, les lentes, & les rats & souris, engendrent autres souris, auxquelles la vertu d'engendrer cesse, pource qu'elles sont plus imbeciles que leurs parents qui auoient la vertu d'engendrer tant debile, qu'ils ne pouuoient engendrer leur semblable. Il est donc conclu que les bestes engendrees de putrefaction, le plus souuent n'engendrent du tout: aucunes engédrent, mais chose plus imbecile, & non point semblable à eux: peu engendrent par la grande chaleur de la region, comme en Egypte, ou par bonne fortune. Les robustes passent en continue espece, & sont multipliees comme les autres bestes. Les bestes donc qui n'engendrent ne sont steriles, pource qu'elles sont engendrees de matiere putride, mais pource qu'engendrees de telle matiere elles defaillent, & laissent la perfection de leur propre espece, & pour ceste cause souuent ce sont monstres. Pourtant la question cesse, à scauoir si les souris engendrees de matiere putride, sont d'une autre espece que celles qui sont engendrees par succession, certes non: car la forme, & les operatiōs sont semblables, mais seulement elles different, comme le monstre differe de la beste entiere qui est de son espece. Et aucun ne dira

que l'homme qui n'a qu'un œil, ou qui a six doigts, ou du ventre duquel la dernière partie d'un enfant paroistroit, fut d'une espèce différente de l'homme, ains il dira que c'est un homme monstrueux. Ainsi nous dirons la souris engendrée de matière putride estre une souris débile & monstrueuse. Ainsi les lentes sont les monstres des pous, & tous autres semblables: car les monstres ne constituent l'espèce. Je suis esmerueillé d'Aristoteles, pour ce qu'en ceste cause il a préféré la matière à la forme, veu qu'il attribue à toutes choses tant de forme & peu de matière, entendu qu'il est manifeste qu'en ceste cause des bestes rien ne defaut à la pleine forme, figure, & mœurs, sinon la vertu d'engendrer, qui defaut mesmement aux bestes chastrees, aux debiles, aux vieilles, & aux trop ieunes. Si cecy est l'erreur d'Aristoteles, & s'il n'y a faute à son texte, en sorte que ce soit plustost l'argument des autres, certes Theophrastus a corrigé cest erreur, homme certes préféré à Aristoteles selon le iugement de Galien, & à bon droict si seulement nous auons esgard aux escrits que nous auons. Car les coniectures sont manifestes que la lettre d'Aristoteles est corrompue en plusieurs lieux. L'ame donc est déterminée par la chaleur celeste: & toutes espèces ont leur nombre. Et l'espèce n'est muee par la matière, mais qu'elle puisse recevoir la forme. Les varietez qui sont de la matière doiuent estre referées aux monstres, ainsi qu'aux bestes, qui sont engendrées de leurs parens. Et si tu les referes aux espèces, derechef les espèces seront faictes infinies. Autre argument est, veu que nous voyons les mouches estre semblables de forme & de mœurs en Italic, Germanie, aux Indes, en Ethiopie, & en autres regions tant distantes les vnes des autres, & engendrées de tant diuerse matière. Or si ceste vertu n'estoit point au Ciel, & si diuerses espèces estoient engendrées de matière diuerse, elles seroient presque autant d'espèces des mouches qu'elles sont de mouches.

J'ay donc dit quelles bestes sont de diuerse espèce, & lesquelles seulement defaillent, & celles qui meritent estre appelées monstres. Il reste que ie monstre nulle beste engendrée de putrefaction deuenir douce,

*Quatre cau-
ses pourquoy
les bestes en-
gendrees de
putrefaction
ne s'adoucis-
sent Et ap-
priuoisent.*

& estre appriuoisee, ains toutes telles bestes estre fort agrestes. Ce qui aduient premierement, pource, comme dit est, qu'elles ont les sens interieurs debiles: & celles qui s'appriuoisent elles doiuent auoir la vertu d'imagination, & bonne memoire: outre plus, elles ne s'appriuoisent, pource qu'elles n'ont de sang, pourtant elles sont timides, & la crainte empesche qu'elles ne soient priuees, comme ie monstrey cy apres. D'auantage, souuent elles ont la vie briefue: & celles qui doiuent deuenir priuees, requierent le temps. Finalement nul vestige de mansuetude, ou plustost de coustume est pris & attiré des parens, ce qui sert beaucoup aux bestes que nous voulons appriuoier: ie monstrey ce propos cy apres. Et si aucune chose sert à nostre subiect, entendu que telles bestes sont puantes, & laides à voir, aucun ne desirera hanter avec elles, quoy qu'il pensast venir à son attente. Mais aucunes de ces bestes nous sont totalemēt vtils, comme les abeilles, lesquelles nous sommes contrains traiter pour l'vtilité. Et les abeilles plustost sont insectes que bestes engendrees de matiere putride. Car aucuns des insectes volent, & toutesfois elles viuent aux eaux, comme les araignes des fleuves: les autres viuent aux eaux & en la terre, comme les Crocodiles.



*La merueil-
leuse magni-
tude des ser-
pens.*

Trois gerres entre tous sont tresexcellents, les serpens pour cause de leur grandeur, les abeilles & les vers, dits bombyces, pour leur ouirage. Ce qui est aduenu testifie la merueilleuse grandeur des serpens, quand M. Attilius Regulus en tua d'arbalestes & autres machines vn long de cent vingt pieds en Afrique, aupres du fleuve Bagrada. Et au temps de Claudius Cesar vn enfant entier fut trouué dedans le ventre d'vn serpent d'eau, dit Boa, lors

qu'il fut occis. Ce gerre de serpent est nourry de laiët, & succe les vaches qui ont du laiët. Aussi on refere aucuns dragons succer vn Elefant, & le tuer. Aucunes bestes sont en Calecutum ville d'Inde Orientale, semblables aux serpens, sçauoir est par la gueule, les yeux, par la queüe treslongue, sans poil, de la grâdeur des sangliers, mesmemët la teste quelque peu plus grosse, & ont quatre pieds, & sont sans venin. Aucuns semblables à ceux cy sont en l'isle Hispaniola, isle de l'Inde Occidentale, appelez Hyuana, spineux sus le dos, sans voix, de quatre pieds, ayans queüe de Lezard, dents tresagues, plus grands que Connins, ou de la grandeur des Lieures, viuans indifferemment aux arbres, sus terre, & dedans les eaux, qui endurent la faim plusieurs iours, de peau distincte des couleurs diuerles, & polie comme elle est aux autres serpens, le deuant de leur ventre est comme aux oyseaux, mais plus ample depuis le menton iusqu'à la poitrine.

Aucuns serpens sont qu'ils appellent bardes ou bardari, à la similitude des cheuaux falerez & bardez, de gouft delectable, de la grandeur d'vn Connin, de couleur blanche, & distincte de gris: ils habitent coustumierement aux cauernes, qu'ils cauent de leurs pieds, ils ont quatre pieds, & ont la peau d'anguille, & la queüe: l'Inde Occidentale les produit aupres de l'isle Hispaniola. En la Castigle fertile les viperes y sont frequentes, qui sont longues de vingt pieds, lesquelles ont la teste non moins qu'vn cheureau. Au royaume de Senega les serpens y sont trouuez d'admirable magnitude, sans pieds, & sans ailes, tels que nous auons dit les serpens dictz *boe*, estre. Tabrobana produit les plus grâds. Anciennemët les Epidauriens nourrissoiët & appriuoisoient tresgrâds serpens, dont est faicte vne fable d'Alexandre en Lucian. Et les Romains furët cöuertis en superstition, quand vn serpët se cacha en la statue d'Esculapius. Ce gerre de serpent a coustume se cacher, & le peut faire lög temps, pource qu'il est contët de peu de viande pour l'angustie de ses entrailles, & pour la paucité de chaleur natiue, *Pourquoy les serpens viuët long temps sans viande.* aussi pour la siccité de sa temperature. Les iouieurs de

*Pourquoy les
serpens sont
grands.*

*Pourquoy les
petits serpens
sont perni-
cieux.*

*Les serpens ne
se cachent au
trefle.*

*L'aragne di-
te tarantula.*

boeste de bois, avec vn peu de son ou grosse farine, mis dedans. La cause de la grandeur des serpens est la chaleur de la region : car les serpens sont d'une chair dure, pource ils sont aptes à croistre grandement: & aussi les arbres croissent beaucoup, pource qu'ils sont de substance dense & dure, ainsi croissent les Elephans. Toutefois la nature froide repugnoit aux serpens, pour ceste cause ils ne peuuent venir en tant merueilleuse grandeur, sinon aux regions tres-chaudes.

Ceux qui ne peuuent croistre par l'aide de la chaleur, necessairement ils sont de nature tres-seche, & pource ils sont tres-pernicieux. Ils referent que le Basilic occit les hommes, ou de la seule voix, ou du regard: & s'il est ainsi, il est necessaire que l'air soit infecté en l'esprit, & de la voix, & du regard: car ce simulacre qu'il produict par l'aide de la lumiere ne peut estre participant de venin. Non autrement donc que les femmes gastent les miroirs quand elles ont leurs mois, les hommes & les bestes peuuent estre blesez par la voix ou regard des serpens. Il a esté obserué que les serpens venimeux n'habitent & ne se cachent au trefle, pource que ceste herbe leur est mortifere, comme ils sont aux autres choses: pour ceste cause elle est semée & plantée commodément aux lieux chauds. Les viperes qui habitent aux eaux, ont peu ou point de venin, car elles ne peuuent deuenir seches. Et le venin est vne grande siccité, ou il est conioinct avecques tres-grande siccité. Et comme tous serpens ne sont venimeux, ainsi toutes bestes qui sont venimeuses ne rampent & ne sont serpens. Car les Scorpions, les crapaux, les aragnes, & quelque gerre d'ecreuilles en l'Inde Occidentale, mesmemet aucuns fourmis, quoy qu'ils ayent des pieds, ils ne sont toutefois sans venin, non plus que les guefpes, & plusieurs autres bestes.

Or rien n'est plus admirable que l'aragne dicte *tarantula*, qui fait mourir ceux qu'elle mord, comme par l'ethargie & assoupissement avecques oubliance de toutes choses. Le remede present est la musique, ou pource que ceux qui sont mords, sont engardez de dormir par la musique, come par le bruit des trompettes, ou pource qu'ils sont incitez à sauter, ce qui est tres-bon: car en

fautant le grand assopissement est rompu, & mesmement le venin avec luy, qui de nature est tres-froid. Et dedas Platon au dialogue Phædon le bourreau commande à Socrates de reposer, afin que la ciguë le puisse faire mourir. Le venin donc est deiecté, non par la musique, ains par le labour & exercice: mais les hommes sont incitez au labour par la diuersité de la musique, comme les petits enfans & les insensez.

Pourquoy nature a elle donné peu de venin à peu de bestes ayans pieds? Pourtant que si elles s'aidoient des pieds, elles seroient trop pernicieuses, pour ceste cause nature les a engendrees tardiues & petites. L'aragne croist en l'Inde Occidentale de la grandeur d'un passe-reau, pource que ceste beste, comme i'ay dict, est froide, ce que nous auons monstré par son venin. Mais tant plus elle est grande illec, tant moins elle est veneneuse. Pour ceste cause nature n'a faict aucû oiseau veneneux, ou si elle en a faict ou fera, le venin d'iceluy sera debile, comme de la guespe, ou cest oiseau ne sera grand, ou ne viura long temps, ou il ne sera frequent, & sera de petit pouuoir, ou il habitera aux lieux deserts. Il est dôc manifeste par la cause finale, pourquoy les serpens n'ont ailes ne pieds. Et cecy appartient à la fin: veut on la raison propre? I'ay dict que les bestes veneneuses sont seiches immoderément: pourtant nature leur a entremeslé à la chair les cornes, ongles, & os, & ne ne les a ornees de plumes: car ainsi elle a faict le corps plus sec. Pour ceste raison souuent l'excrement des serpens sent bon, & mesmement des tres-grands Lezars, qu'ils appellent Crocodilles, en Latin *crocodiles*, semblables aux crocodilles en magnitude & en forme: & sont engendrez en l'Inde Occidentale, mesmement autre part: mais trop plus rarement. Aussi l'excrement sent tres-bon aux serpens qui ont quasi vn calice peint au frôt: car la bõne odeur, comme i'ay dict, prouient de siccité: or les serpens, comme i'ay dict, sont de nature seiche, pourtât l'excrement d'iceux est bië cuit pour l'agustie des entrailles, & pour ceste cause il sent bon. Aucuns serpens sõt, ausquels l'ha-leine sent bon, en sorte qu'elle semble estre musc & ceux cy sont engendrez en l'Inde Occidentale entre *Calecut* &

Pourquoy les bestes venimeuses n'ont ailes & pieds.

L'excrement des serpens sent bon.

Les serpens ausquels l'ha-leine sent bõ, Les Serpens appelez, mādali.

Et canonor. L'haleinē sent pour les deux mesmes raisons que sent l'excrement. Illec autres serpens sont tres-pernicieux, qui tuent subitement, & sont appelez mandali: & sont du gerre des viperes, pource que nous appellons les viperes serpens tres-pernicieux.

*La descriptio
des viperes.*

*Aucuns serpens perdent
le venin avec
la vie, au cū
non.*

Les viperes qui sont les plus renommées en ce gerre, sont celles qui ont la teste large, creusée, & compassée en la figure de rhobus: elles ont l'œil vif, & ont deux dents de chien seulement: elles ont vn ongle ou queuē en la narine: la queuē courte, le corps court: duquel la couleur est blaffarde, le pas. & mouuement leger, & la teste esleuee. Telles viperes; quoy que le venin leur demeure apres la mort, ont la chair apte à la composition du theriaque. Aucunes bestes perdēt leur venin en la mort, comme les chiens enragez, & les scorpions: aucunes le gardent & retiennent, comme les viperes: car autrement les chairs d'icelles ne profiteroient à la composition du theriaque, si du tout elles estoient sans venin. D'ou viendroit l'excoriation en la lepre par le manger d'icelles si elles ne retiennent quelque vertu en soy. Il est aduenū à quelques personnages, que quand ils escorchoient les beufs occis & enfléz par le venin de vipere, qu'ils soient mords, espris de semblable maladie, & que les autres sont eschappez avec grand labour. Et ce venin contagieux semble tomber sus les corps putresciez. Mais vne autre raison est aux viperes: car le venin demeure par puissance pour la grande siccité, afin que tu puisses traicter & manier les mortes seuremēt, non pas les manger. Les bestes qui n'ont toute la chair, ains seulement vne portion infectee de venin, comme l'esguillon aux scorpions, les dents aux chiens, telles bestes perdent leur venin en la mort. Les viperes sont pires selon les regiōs, comme en Numidie: ou elles sont plus cruelles, & pernicieuses, mesmement les scorpions: ainsi que celles des montaignes sont plus cruelles, que celles des grāds bois: les autres sont faictes plus cruelles & plus dangereuses pour la viande, comme celles qui sont nourries de grenouilles de mares, qu'on appelle crapaux. Car le sang & les membres sont infectez par l'alimēt: mais la saluē est à toutes la plus postiferee, dont est inuētē le moyen

d'infecter de venin les fleches: & leurs dents sont prises pour les fleches. Pour la siccité elles despoillent leur peau aride au printemps, & ce estoit proprement leur vieillesse. Si les yeux sont frottez tous les matins de la despoille des viperes, ils disent que la veuë n'est hebetee, & n'est blessée de suffusion. Mais cōme il est moins vray, ainsi est-il plus admirable, que si ceste vieille peau est bruslee quand la Lune pleine est en la premiere partie du signe Aries, & que si la cendre amassée est aspergee sus la teste, elles excitent des songes terribles: & si la face est lauee de telle cendre destrempee en l'eau, la face semble estre terrible: si on la tient souz la langue, la personne semble estre sage & eloquente: si on la met souz la plante des pieds, elle rend l'homme fort humble & gracieux deuant les Princes & Magistrats. Les serpens qui ont l'ongle en la queue, ou la couronne au front, ils sont immoderément secs, & pource trespertnicieux. Afin donc que les serpens eussent du venin, ils ne deuoient auoir de poil, de plumes, de cuisses, & autres membres, & leur a esté necessaire de peu boire, afin que leurs yeux fussent rouges. Pour ceste cause il n'est presque aucun poisson qui soit venimeux: & s'ils sont, ils sont tels en la partie qui est tres-seche, comme les lieures de mer au fiel, & les aragnes poissons aux espines. Aussi les guespes le sont en l'esguilon, pource que ceste partie est tres-seiche. Il est manifeste, quel grand detrimēt les serpens pourroient apporter aux autres animaux, s'ils pouuoient courir, ou voler, pourtant que nulle beste rauissante est presque tres-legere, fors le tigre: & aux regions où les serpens, dictés en Latin *iaculi*, montent aux arbres, à peine les hommes y peuent habiter. Plusieurs & diuerses formes sont aux serpens, non autrement qu'aux poissons, en sorte que aucuns assurez de tant grande variété, ont osé en nostre temps monstrier vn serpent de deux pieds, & de sept testes, ainsi qu'on lit en l'Apocalypse, & la teste du milieu estoit la plus longue & plus grosse, les autres estoient esgalés, qui esgalement estoient loing de celles du milieu, & tant plus elles estoient loing d'icelle, tant plus le col estoit menu & court: leurs testes sont

*La vieillesse
des viperes.*

*Les diuerses
formes des
serpens.*

comme des viperes, les yeux sont derrieres les oreilles; la guelle grâde, les dents semblables aux dents de chië: mais plus graciles, les dents anterieures sont petites, celles des costez plus longues, la langue large, comme de l'homme, & la teste semblable à celle de l'homme, la peau tres-dure, continuë, maculee avec longues lignes cartilagineuses, comme le serpent dict sturio: le col comme diuisé procedoit du corps: la queuë plus longue la moitié que tout le corps, semblable à la queuë des serpens: les pieds petits, d'ongles longues, leur grandeur estoit d'un connin: souz le ventre la couleur blanche, sus le dos entre iaune & verde: ils adioustoient en auoir trouuë viuants, qui estoient de l'un & l'autre sexe: & lors que i'estimois estre menterie, esmeu de ceste raison, que deux ou plusieurs principes d'une mesme gerre ne peuuent estre en vne beste, & que c'estoit le Serpent Hydra contrefaiët, car ils m'asseuroient que c'estoit Hydra, lors Iean Meona Pisanus homme docte, me declara toute l'affaire. Il disoit que ce monstre auoit esté coupé en pieces à Mantue, & que c'estoit chose feinte. Toutefois ie ne sçay quel miracle l'on peut dire plus grand, soit que la nature leut produiët, ou soit que l'art leut feint & composé tant proprement: ainsi la cupidité & desir execrable d'auoir argent a tant grand pouuoir. Or à sçauoir si la beste peut auoir deux ou plusieurs principes, plusieurs en ont douté: car la Salamandre, beste tres-cogneuë, presque semblable au Lezard, laquelle est trouuee aux fontaines, aux massonneries des murailles, & souz la terre, & est frequente en Italie, qui a la couleur maculee & blasfarde, la queuë presque de serpent, laquelle mise dedäs petit feu, à peine elle sent, & l'esteint en espendant de l'humeur, elle chemine par le deuant, la partie anterieure diuisee, & chemine derriere par la partie posterieure: pour ceste cause elle est estimee auoir deux principes de mouuement. Mais il conuient monstrer apertement, cōment deux principes de mouuement peuuent estre en vne beste, & comment non, Rien donc n'empesche aucuns mōstres naistre avec deux testes, veu qu'aucuns ont esté trouuez tels, cōme i'enseigneray cy apres. Et ce que nature

*Deux choses
merueilleuses
en la Salmã-
dre.*

*Assauoir si
vne beste
peut auoir
deux testes.*

nature faiët en aucuns hômes, elle peut faire aux bestes imparfaiëttes. I'ay monstré cy dessus, qu'aucunes especes sont monstreuses, engendrees des bestes qui sont engêdrees de putrefactiõ. Et telles bestes sont à la similitude de l'espece, elles ne sôt toutesfois especes, ains bestes mutiles & imparfaiëttes dès le commencement de la generation. Car il est impossible que nature n'opere bien iouxe l'egard de la fin, si elle n'est aucunemét empeschee. C'est dôc cas fortuit de trouuer vne beste ayât deux testes, combien que ce soit en plusieurs bestes selon vne mesme forme. Car telles bestes son engendrees de sêblables en espece, & de celles qui defaillêt en mesme instrument. Or les Salmandres ne sont monstres, & n'ont plus d'un principe de leur mouuement: toutesfois quand les sexes sont diuisez, elles ont la vertu d'imagination tres-imparfaiëte. Faut-il seshahir, si elles sont d'un sens hebeté, quand elles sont en valeur? Ie dy du sens exterior. Que diray-ie du sens interieur? La cause donc de ce mouuement est, pourtant qu'elles ont la faculté imaginatrice tres-debile, & ceste faculté enseigne la maniere de fuir la douleur & le mal: & quand le corps est diuisé en deux pieces, les deux sentent mal, & mesmement chascque piece diuisée de l'autre: l'antérieure donc a la playe vers la postérieure, & la postérieure l'a vers l'antérieure: parquoy afin que chaque piece puisse fuir la douleur, l'antérieure mouuera ce qui est antérieur, & la postérieure partie ce qui est postérieur: & pour ceste cause cela refere l'espece de la beste ayant deux principes de mouuement. Pourtant nulle beste, si elle n'est monstreuse & imparfaiëte de nature, peut auoir deux testes, pource que ce qui peut estre paracheué de peu de choses, nature ne le parfait de plusieurs, & pource aussi que telle beste pourroit contrarier à soy-mesme.

Et ces raisons sont persuasioires, les demonstratiues seront declarees aux liures des Secrets de l'eternité.

Tu obieëtteras, les escreuiffes se mouuent vers l'une & l'autre partie: elles ont toutesfois les pieds tendans vers la partie antérieure, pource elles ne sont mouuees vers l'une & l'autre partie par le principe. Car si elles auoient

*Les hommes
diuisez en
deux pces
suruiuent.*

de part & d'autre le principe du mouuement, elles au-
roient de part & d'autre les sens, & les instrumens du
mouuemēt. Et les bestes diuisees par nature, sont à dex-
tre & senestre, & les sens aussi sont distribuez par les
parties, pareillement deuant & derriere, & pource el-
les viuent diuisees: mais les parfaictes viuent peu, pour-
tant qu'elles requierent moult de chaleur. L'indice de
cecy est que Iean Leo recite les hōmes diuisez en Egy-
pte par le bourreau pour leur malfait, suruiure vn quart
d'heure, cognoistre & dōner respōse, quād la part supe-
rieure est mise au foyer, ou de la chaux viue est espar-
se. La beste dont retient le sentiment en toutes parties,
mais qu'il luy soit permis par la chaleur, & mesmement
elle retient toute operation en la part ou l'instrument
n'est pery & aboly. De cecy on peut appaiser plusieurs
cōtrouersies d'atcūs ne voulās la beste viure sans teste,
& de quelqu'vns ne voulās la beste viure sans cœur: car
sans teste les bestes ne sentēt: mais elles viuent, sans cœur
elles sentent: mais la chaleur defaut subitement, & aussi
le mouuement & la vie. Si donc vne beste est diuisee, le
sentiment est garde, mais que la chaleur soit conseruee.
Et les insectes, pource qu'elles ne requierent grande
chaleur, elles viuent, & se mouuent, & sont coinquines
imparfaictement, tandis que la vie ou chaleur vitale
perseuere. Et la faculté imaginatrice appartient aux cho-
ses futures, comme le sentiment aux presentes. En fuyāt
done la douleur (car cecy appartient au temps futur) la
partie posterieure de la Salmandre se depart de l'ante-
rieure, comme l'antérieure de la posterieure.

Or afin que ie retourne à mon propos, ce bateleur
monstroit vn autre serpent qu'il appelloit dragon, plus
petit de la moitié, que le premier qui auoit deux cuisses,
la vieillesse luy auoit vsé les pieds: le col, & la teste estoit
comme à vn serpent. Ce dragon auoit deux petites ailes
cartilagineuses, comme la chauuefouris les a: & ie ne
croy pas qu'il eut peu voler pour la paruité des ailes,
quand ores il eut esté viuant. Pareillement ce bateleur
portoit deux autres serpens viuans, lesquels sembloient
bien estre du gerre des viperes, de la longueur de deux
coudees, de queuë rouge, splendide, & blaffarde d'vne

ongle ou de corne reflexe en la sommité du nez: les autres parties, la teste, les yeux, les dents estoient comme des viperes. l'en ay eu vn en mes mains presque semblable à ce dernier susdict, aliene de toute suspiciõ de chose feinte par artifice: mais il n'auoit aucunes ailes, & fut trouué aux massonneries d'une maison abatuë & ruinee à Milan: la teste estoit de la grosseur d'un œuf, grande pour la proportion du corps: i'ay retenu vn os de ce serpent: il auoit les dents aux deux machoueres, comme des viperes, le corps grand & de forme semblable au lesard dict *stellio*, ayant seulement deux pieds, & les cuisses courtes, en sorte qu'il appert n'auoir esté bien composé par nature, entendu que quatre pieds estoient necessaires à telle longueur: ils estoient toutesfois grãds, & de griffes grandes cõme de chat: la queuë estoit autãt longue que tout le corps, en la fin de laquelle estoit vne enflure & tumeur egale en grandeur à la teste du lesard dict *stellio*, & estoit presque ronde. l'estime qu'il estoit du gerre de Baselic.

Car quand il estoit debout, il sembloit estre vn coq sinon qu'il estoit couuert de cuir, non de plumes, & n'auoir point d'ailes. Or ces matieres des serpens obmises, retournons aux abeilles qui sont plus douces. Les mouches à miel sont engendrees par lignee & par putrefaction non de toutes choses: mais des beufs, comme les guespes des cheuaux; comme les bourdons des asnes, & les guespes, dictes en latin *crabrones*, des mulets: parquoy toutes choses quãd elles se pourrissent seblent engendrer quelque propre gerre de beste. Va ver distinct de couleur verde & iaune est engendré des fueilles de la mortelle, dicté *solanum*, lequel porte vne corne iaune au front de la longueur d'un doigt, que souuent i'ay veu. Le saule produict des punaises: la rüe, dicté *ruta*, produict des petits vers: le peuplier en produit autres, & le sapin aussi. Pourtant Virgile semble auoir bien escrit de la naissance des abeilles.

*Adonc le veau qui au front de deux ans
Courbe la corne, Et cherche des faisans
Ce beau mistere, auquel fascheux l'on bouche
Les deux naseaux, oreilles, & la bouche:*

H ij

Apres ce faict, quand mort l'a abatu
 De tous costez, il sera fort batu
 Pour le dissoudre, estant la peau entiere:
 Lors est laissé, ainsi mis en litiere
 Dedans l'enclos, Craignans la peau puante
 Mectent dissous tin & herbe odorante.
 Ccey se faict quand Zephirus tormente
 L'eau de la mer, auant que par recente
 Couleur soit rouge ou verger, ou pratie:
 Ou bien auant que ronde qui garrie
 Ait faict son nid aux cheurons suspendu.
 Or ce pendant le sang tiede rendu
 Aux tendres os boult: & puis les abeilles
 Pour estre veus, se meslent en merueilles
 Premier sans pieds, apres bruyent des ailes:
 De plus en plus l'air tendre prennent elles,
 Iusques à tant quasi par violence
 Sorties soient du clostre en euidence,
 Ainsi que l'eau de nuë d'esté vient,
 Ou comme dards poussez d'arc, s'il aduient,
 Qu'assant premier donnent Parthes legers
 Pour s'en aller, quand s'offrent les dangers.

Or quand Aristoteles doute assez de leur generation,
 il est toutesfois manifeste que le miel ne la cire n'a peu
 estre engédree d'autre beste que des abeilles. Car il
 estoit necessaire que le miel fust faict d'humeur subtil
 & gras, & mixte à la rousce. Il falloit donc que les mou-
 ches à miel fussent petites pour s'asseoir, volantes pour
 soudain retourner: qu'elles fussent en grand nombre,
 pour colliger ce qui est petit: solliciteuses, pour soudain
 parfaire leur œuure. Or telles bestes ne pouuoient cou-
 uer leurs œufs: donques les abeilles sont engendrees de
 miel. Ce gerre de mousches mesmemét naist aux regiōs
 refroidies par la prouide inuention de nature: car elles
 sont cachees en hiuer. Pōurtant en Moschouie l'abon-
 dance du miel & de la cire est tant grande que l'on n'en
 tient compte. La prolixité du iour mitige le froid de la
 region: car le iour est presque de dixhuiet heures. Les
 vers en Latin *bombices* sont engendrez des fueilles de
 meurier en l'air chaud, non autrement que les abeilles

font engendrees des beufs. Il est manifeste qu'Aristoteles a cogneu ces vers: car il dict, Pamphyla fille de Plantes en l'Isle de Cò, la premiere a donné la maniere de tisser les habits de soye du fil qui est faict du ver dict *bombix*. Ce ver premierement est né d'un autre ver de son gerre qui a cornes, de luy vient vne chenille, après est fait le ver dict *bòbix*: de ce vient le ver dict *necydalus*, l'espace de six mois accõplis, toute ceste mutation est parfaicte. Ce ver est semblable à vn papillon: & faict des œufs pour la copulatio; du masse & de la femelle: & ce pendant ne produict autre chose: mais les œufs faicts il deuiet flac. Il ne vole point d'auantage qu'un saut. C'est chose merueilleuse, commēt apres la cognoissance d'iceluy, l'habit de soye a esté inuenté anciennemēt en tant grand prix. Quoy que Procopius recite que les moines ayent apporté de Serinda, ville d'Inde, à Iustinian Empereur les œufs d'aucuns vers, & que Virgile die ainsi apres Aristoteles huit cens quarante ans, Les peuples appelez Seres, incognus de face: mais cogneus par la toison. Et autre part il dict: Les peuples appelez Seres font choir des feuilles leur toison. Et Plinius dict, Les peuples Seres renõmez par la draperie des forests, faisans choir cõme par pignes leurs cheueux blâcs arrousez de l'eau des branches. Toutesfois i'estime que nostre soye est celle qui est celebree des anciẽs, cogauẽ, cõme i'ay dict, d'Aristoteles: mais qu'ils l'ont tissue par moyen incertain de l'entretenir, la discipline entreperdue, comme morte, ou pource que ladite Pamphyla a montré le fil de soye estre apporté d'Inde, & ja cogneu par la victoire d'Alexandre le grand, les vers toutesfois non transportez. Des Indes premierement au temps de Iustinian, les œufs, & l'art de nourrir les vers est venu à nous par les moines. Mais ce pendant que les vers ont esté cachez, on a persuadé aux anciens qu'ils tomboiẽt du poil follet des brâches: ou pourtant que ce leur sembloit plus vray-semblable, ou pource que les vers diẽts bombyces prouiẽnent illec aux forets de soy-mesmes, ou pource que les habitans esperoient par ce moyen pouuoir mieux cacher l'origine de la soye.

Toutesfois comme tout le monde a esté cognu par le

*La nouvelle
teinture rou-
ge pour la
soye.*

*Les locustes,
dictes autre-
ment saute-
velles.*

moyen de Iustinian & de son ayeul maternel, il appert manifestemēt qu'il n'est autre gerre de soye que cestuy-cy. Donques les vers dictz bombyces sont les plus vtilles apres les mousches à miel. Maintenant on nous apporte des semences pour faire la coulcur rouge, & de pourpre pour la soye, semblables aux punaises, qui ont la teste coupee, dōt le prix est presque diminuē de moitié à la soye rouge, qui estoit faicte anciennement des trufles qui naissent à la racinēs de l'herbe dicte *bibinela*.

Au contraire les locustes, dictes sauterelles, vulgairement, semblent estre faictes cōtre le gerre humain: toutesfois presque la seule Afrique est infectee de ceste peste, & ce (qui semble estre admirable) par l'interposition d'un an. Depuis quelque peu de tēps elles couvroiēt le ciel en Italie, nō autremēt qu'une grosse nuee, cōme i'ay veu pour chose prodigieuse. Les prouinces ou ceste calamité tōbe, sont despouillees en vne nuict de grains & de toutes semēces: car on pourroit dire que la neige est cheute toute la nuict, si elles estoient autant blanches qu'elles sont noires. La forme d'icelles est cōmme des locustes Italiques: mais de couleur rougeastre, vn peu plus grandes, & peuuent bien voler. Aucuns estiment qu'elles nous sont apportees des vens par dessus la mer, non de soy-mesmes: & estiment cecy, pour cause de la multitude, & de la distance de la region. Elles sont engendrees aupres des marets: & quand elles volent sus la terre labourēe d'Afrique, elles n'engēdrent, ou bien peu. Celles qui demeurent aux marets ne peuuent estre tant multipliees, qu'il est necessaire de voler pour colliger leur viure: mais elles se contentent du sarmēt de vigne, & de l'herbe maretsqueuse, dicte *alga*: pour ceste cause elles ne molestent Afrique, sinon d'an en autre, aucunesfois plus rarement. Et celles qui en sortent quād les grains sont cueillis, entendu qu'elles sont contrainctes de partir pour chercher leur viure, elle sont finablement precipitees des vens dedans la mer. Et quelquefois par la perseuerance des vents, & par la force d'icelles, elles sont portees iusques aux regions opposites à l'Afrique: duque mal premierement Sicile, & secondement Italie n'est exempte. On a cogneu par experiēce qu'il est pro-

fitable de faire perir leurs œufs par feu, ainsi elles sont priuées de lignee. Et qui n'a grand soing de ce faire, il semble que ce mal repullule l'an sequēt avecques grād dommage: car outre certaine sterilité, le dāger est qu'elles n'aportent la peste, & vn presage de guerre future. Elles sont vtiles en aucuns lieux d'Afrique. Les Arabes & les peuples de Libye en font du pain quand elles sont sechees au Soleil, & les mangent quand elles sont recētes. Et n'est de merueille si Moysē diligent à l'election des viandes à permis aux Hebreux de māger les locustes, comme salutaires. Et saint Iean Baptiste se nourrissoit d'icelles au desert avec du miel agreste. Ceux qui sont ignorās de choses naturelles, s'en esmerueillēt, & malheureusement ont cōfabulé plusieurs choses, de peur que l'homme solitaire ne māgeast les locustes au desert, veu qu'aucuns gēsdarmes de Germanie mangēt noz vers, dictz bombyces, nourris en espee de soye, ils les mangent fris pour viādes delicates, mesmement en tant grande abondance de biens, & ce non sans cause, car les viandes qui ne sont mauuaises, & n'ont faueur & odeur fascheuse, sont mauuaise seulement par opinion. Et les Italiens mangent les mustules, distinctes & differentes des vers par la seule couleur, entēdu qu'elles sont noires, & les vers sont rouges: ilz les mangent, & nombrent entre les friandises, neantmoins qu'elles soient de putrefactiō, non engendree des œufs, cōme les locustes & les vers dictz bōbyces. Par mesme raison les ouïstres, moules, & autres escailles sont māgees de tant bon appetit, que mesmement nous les deuorons sans les cuire, lesquelles nous sçauons estre engēdrees de putrefactiō. Et ne sçay aucune beste engendree de la seule matiere putride, estre en l'vsage des cuiſines, sinō ces trois, locustes, bombyces, & musteles.

Ceux de Germanie ont les grenouilles en abomination: ceux de nostre pays les mangent, mesmement celles qui sont semblables aux crapaux, & qui sont horribles pour la seule espee, mesmement dāgereuses, pour cause de la similitude. Ainsi l'vsage peut beaucoup en toutes choses. Or ce n'est de merueille le pain estre fait des locustes: car estans seches, facilement elles sont redigees

*Les locustes
seruent de
viande en
aucuns lieux
d'Afrique.*

*Mustela est
pris pour be-
lette. Et pour
poisson: icy
pour espee de
ver, comme il
semble.*

en farine, & sont de substance legere, & ont l'humeur gras: i'ay declaré cecy estre commun à toutes bestes. Si donc elles sont moulües, paitries & cuites, elles pourrôt faire de bon pain, ie dy bon, non simplement, ains aux regions susdictes, aux hommes agrestes & sauvages, qui n'ont rien de bon. Car l'humeur gras est cōservé quand l'humeur aqueux est seché par le Soleil: & n'est chose merueilleuse, car il est vn gerre d'humeur, que le feu ne peut atteindre, & ne brusle point: autrement la coupe-rose au vitriol bruslé ne donneroit de l'huile, & toutes-fois, il en donne, pource que tel humor est conioinct à la substance. Et quand la tuile de fer brusle, si totalémēt l'humeur d'icelle brusle, le fer ne seroit esteint, mais la cendre. Il est donc vn gerre d'huile, & humor gras, qui ne brusle facilement, & tel est le gerre des matieres metalliques, qui sont solides, comme du fer, de l'or, & du Vitriol.

Vn humor gras qui ne brusle point.

Pourquoy les locustes fourmis & papillons font des œufs, & les abeilles non.

Pourquoy les fourmis, papillons, & locustes engendrent des œufs, veu qu'elles sont beaucoup plus petites que les abeilles, qui n'en peuuent faire: la cause est, pource que quand elles engendrent, elles ne volent, mais elles retiennent la forme d'une chenille, ou de chenille dictē Aurelia, ou elles mēurent ensemble, comme les bōbyces, & locustes: car les œufs empescheroient le vol à tant petites bestes: entendu donc qu'il estoit meilleur, que les abeilles eussent vne viuacité pour cause de leur excellente vtilité, car elles viuēt iusques à sept ou huit ans ou enuiron, il leur estoit impossible de pondre des œufs. Et non seulemēt il faut croire tant petites bestes, ains aussi de plus grandes estre engendrees de putrefaction, veu qu'il est ja manifeste des souris, & que les poisons de soy-mesmes sont engendrez aux eaux recentes. Car comme i'ay dict, quand la putrefaction precede, l'humeur gras est separé de la cendre, & la chaleur incontinent met l'ame dedans apte à telle matiere. Dōt il aduient que toutes bestes qui sont engendrees de matiere putride, comme les vers dictz *ōves* finissent les douleurs, pource qu'elles sont de matiere treschaude & tres humide.

Pourquoy les bestes engendrees de matiere putride, finissent les douleurs.

*Les vers qui sont dictz *ōves* en Latin mil lepeda.*

La diuersité des cantharides.

Pour ceste cause si les cantharides n'en font autant,

ce n'est de merueille, pourtant qu'elles sont engēdrees des œufs. Toutesfois pour cecy elles ont autres vertus, car par mediocre mesure elles sont estendre & esleuer grandement la verge virille: par plus grande force elles excoriant la vessie, & font pisser du sang: & encor par plus grande force elles rendent les hommes hors du sens ou insensez.

Par mesme raison les vers luyfants, qu'Italie produict de la grandeur des mouches, d'autant plus graciles, que elles sont longues, volantes les nuits d'Esté, & reluisantes, ayans six pieds, les ailes plus dures que les mouches, elles sont du gerre des guepes, dictes crabrones, leurs entrailles sont tresblanches, la peau exterieure polie, & tant luisante qu'aucunesfois ie pourrois lire les lettres en tenebres, comme aydé de chandelle ardante: elles se cōuertissent de chenilles en guepes, ou plustost de guepes en chenilles: entendu que la chenille est plus grande que la guepe, & reluit moins, comme ia passée par vieillesse, & lors il est vray semblable qu'elle faict des œufs, non pas quand elle vole. Ce gerre de bestes nous enseigne vne liqueur pouuoir estre faicte, qui reluisse aux tenebres: & est faicte des bestes pourrissantes, qui ont splendeur, clarté & grande perspicuité. Je ne doubte point qu'on en puisse faire, mais ie ne sçay encor de quelles bestes & cōment. Toutesfois il faut en prédre la raison du poumon poisson de mer: car quand il est froté aux bois, il faut qu'ils reluisent de nuict, cōme torches allumees. La cause de cecy est l'humeur gras, qui faict reluire, & aussi la vertu de sa lumiere. Car les matieres qui sont splendides, & de lōg tēps ne se sont retirees de l'actiō de la chaleur celeste, reluisent de nuict. La raison donc de telles choses est telle. Pourtant les escorces du chesne, & toutes choses qui acquierent humeur gras, & solide par putrefactiō, purifiees elles reluisent de nuict, comme feu. La mouche dictē cocoyum faict plus grād miracle que le ver luisant, dictē cicindula, ou cicindela. Hispaigne isle du nouueau mōde, produit ce ver, qui est manifeste du gerre des escarbos: la grandeur est telle qu'à nos escarbos, que nous appellons ceruins à cause de la longueur des Cerfz. La mouche cocoyum vole nō

*Le ver, ou
petite mou-
che, dictē ci-
cendela, ou
cicindela.*

*L'eau luisan-
te de nuict.*

*La mouche
dictē cocoyū.*

moins que cicendula, & son corps reluit, mais les yeux reluisent trop plus, en sorte qu'ils semblent estre vne chandelle: car ils sont fort grands, & haut esleuez pour la magnitude du corps: on lit, ont escrit en la clarté d'eux, & les Indiens auoient coustume faire leurs banquetts en ceste lumiere, tât est grâde, & ne peut on trouuer, ou desirer plus grâd miracle. Ceste lumiere s'esteint petit à petit, quâd la vie des mousches se definit, en sorte que toute la lumiere des yeux perit avec la vie, ainsi ceste vertu est conioincte à l'ame vitale: toutesfois ceste liqueur qui reluisoit aux yeux, & au vêtre demeure, qui rend la peau rouge & splêdide cōme brasier à ceux qui en sont oings, ou pource que ceste liqueur retiêt encor quelque chose de la lumiere, ou pource qu'elle allume la peau par la grande chaleur qui est en luy.

*La pyrauste
vis au feu*

La generation de l'aragne dictée en Grec pyrausta, en Latin *clerus*, est admirable, comme la lumiere de cicendula: car Aristoteles recite que la pyrauste vit dedans le feu en Cypre, lequel feu est aux fournaises: comme il a escrit, que les vers rouges, & velus vivent dedâs les neiges. Il faut croire que la pyrauste est engendree dedans le feu, ou qu'estant engendree autre part, elle vit dedans le feu, qui est chose plus vray-semblable, car le feu ne peut rien engendrer. Les pyraustes dôc sont engêdrees des excremens au profond du feu, ou des neiges, & cōme les vers sont treschauds, & pource patiens de grand froid, ainsi la pyrauste est tresfroide. La pyrauste dôc est engendree de putrefaction de l'humeur solide des matieres metalliques, en la part proche du feu, à fin que l'humeur ne soit corrompu du feu, & de peur qu'engêdree loing du feu elle né soit impaciente du feu, mais qu'elle soit en aage.

Par mesme moyé les vers sont engendrez en la neige par quelques vapeurs chaudes amassees, lesquelles entreprises de froid, pourrissêt le reste de l'humeur enclos avec soy. Ainsi la generation de tels vers est faite, lesquels engêdrez en grâd froid, ce n'est de merueille s'ils sont conféruez en ce froid mesme, neantmoins que le froid n'engêdre rien. Et rié ne peut estre engendré plus tost au froid supreme, cōme de neige, ou de glace, qu'au

feu. Il est donc necessaire que toutes choses soient engendrees par chaleur temperée, mais vn mesme temperament a toutes choses.

L'histoire du ver dict *Ephemerum*, est cogneüe aux ceüures d'Aristoteles, & de Cicero, lequel ver est engendré dedans Hypanin, fleuve de Bosphorus, qui a quatre pieds, & autant d'aïles, & vit depuis le matin iusques au vespre, dont ledit nom Grec *Ephemerum*, luy est imposé. Au matin ce ver est comme enfant, ieune au Midy, & vieil au soir, il meurt quand le Soleil se couche, & semble que nature ait mis plus de peine & de temps à la generation de ce ver, qu'à l'usage de la vie. Il faut donc esmerueiller tant grande sollicitude de nature qui l'a faict, & tant d'instrumens, & facultez, en ce ver de tant courte vie. Il voit, il oit, il vole, il chemine.

Nature a armé à nostre dam le mouscheron, dict en Latin *culex*: petite beste, & tant frequente, qu'à peine il est licite d'habiter commodément aupres des euaes. Il est d'vn bec tant robuste qu'il semble que nature péfist faire vn Elefant quand elle fit ce mouscheron: il perce non seulement la chair de l'homme, mais la peau des cheuaux, & attire le sang avec grande douleur, & finalement aux nuicts d'Esté, il rompt le sommeil d'vn grand bourdonnement, en forte qu'il n'est rien plus odieux. Et ne pique en passant, comme les mouches qui se iettēt par tout sus toutes bestes, mais il eslit ceux qu'il veut piquer: car seulement il se delecte du sang doux. La mouche est odieuse, mais on la reiette de petites rets faictes de fil: car elle craint de s'impliquer les aïles, & cecy est assez cogneu par experience. Et tel moyen doit estre mesmement obserué à reietter les mouscherons dictz *calices*.

Vn gerre du fourmis est, qui a des aïles quand il s'enucillit. Et ce n'est chose admirable, veu qu'en Phrygie les scorpiōs ont des aïles. Et quelquesfois i'ay eüsté frappé avec grand crainte d'vn scorpion ayāt aïles, toutesfois il ne me piqua, & ne me fit aucun mal. Et ce fut faict en la champagne de Padoue en vn bourgade dict Saccense, l'an mil cinq cens vingt sept, ce me semble.

Le mouscheron dict culex.

Le mouscheron ne pique indifferēment toutes bestes. comme les mouches.

Merveilleux gerres de fourmis.

Scorpiōs qui ont aïles.

Ainsi plusieurs vers & les bombices, comme i'ay dit, en leur vieillesse ont des plumes, cōme quelques fourmis: & nature console leur imbecillité, en adioustant des ailles. Mais depuis qu'ils ont ailles, ils viuēt peu. Il semble que nature n'ait negligé ce gerre de fourmis, tant pour ceste addition des ailles, que pour leur longue vie, mesmement pour la diuertité de leur gerre, & pour la police qu'ils gardent. Et comme les abeilles gardent leur Royaume, ainsi les fourmis gardent leur ordonnance populaire. Aucuns croissent grandement en aucunes regions, en sorte que Rasis recite vn fourmy auoir esté nourry publiquement en Susis, ville renommee en la region de Perse, au marché dict *Auianum*, qui mangeoit tous les iours vne liure de chair. Autres fourmis sont en Sur & Nort, destroit de l'Inde Occidentale, qui font leur logettes tāt dures en la similitude des abeilles, qu'à peine peut on les fendre d'vne coignée, ainsi ils font grand detritement aux arbres fructiferes & autres.

Vers qui rongent habits, liures, & autres choses, dictz blatta. Les oyseaux qui ont la teste noire, peuuēt estre dictz m-lanoc-phali.

Entre les vers dictz *blatta*, qui n'ont ailles, les plus fameux sont ceux qui mangent le froment, appelez colsons, lesquels nourris en la grosse farine, qu'on appelle du son, viennent merueilleusement gros, en sorte qu'en peu de iours ils croissent de dix portions en trois cens. Ils sont nourris pour alimenter les oyseaux, dictz melanocephali, & les rossignols, & n'est viande qui leur soit plus salubre en hyuer: aucuns barbiers prennent telle charge: car ils purgent, & eschauffent les bestes qui sont de petit entretenemēt. Les gerres d'aucuns blattes sont muees, non autrement que les bombices par grand miracle de nature: & semble que nature ne les ayt negligez, leur donnant tant diuerse transmutation. Et entre tous est le gerre des chenilles, lequel quād il se conuertit en chenilles, qui sont dictes *anrelie*, il ensuit la forme d'vn enfant enueloppé de bandes, ayant presque la face humaine avec mitre & cornes: & aucuns sont de couleur iaune, aucuns de couleur argentine, en sorte que ce n'est de merueille s'ils ont quelque chose d'excellence que nous ne cognoissons. Peut estre que cecy est fortuit: mais il ne peut estre fortuit en toute l'espece. Et leur espece est de celles qui sont engendrees des œufs

par succession perpetuelle, ou seulement par putrefaction. Entre les vers le plus petit est le ciron cogneu à Aristoteles, lequel ciron s'engendre en la cire. Maintenant l'Inde Occidentale produit vn autre nouveau gerre de ciron dict *garapates*, plus menu que le sel brisé. Entre les puces est vne dicte *nigua*, peste mauuaise. Vn ver ou ciron trop plus petit qu'une puce est, lequel adherant à l'homme, l'esguillone tant fort ce pendant qu'on ne peut le voir ne cognoistre, qu'il coupe à quelques vns les pieds, aux autres les mains. Le remede est inuēté, la place est oincte d'huile d'oliue, & est rasée du rasoir. Le mal de ces petites vermines ne doit estre negligé: certes tant plus elles sont petites, tant plus elles sont frequentes, & sont plus odieuses. Pourtant au temps passé les peuples d'Achaie appelez Myuscij, lors qu'ils habitoient pres de la mer, & que leur region estoit purgée par le flot assidu de la mer, le fleue Meader assembla l'arene, & comprit les marets: de ce sortit tant grande abondance de moucherons, dictz *culices*, que les habitans furent contraints laisser leur ville. Car telles petites bestes, comme i'ay dit, par multitude, par ennuy, & puantise infectent toutes choses. Or entre autres choses les moucherons ont leur bourdonnement fascheux, & piquent cruellement, en sorte qu'il est moleste d'habiter de iour, tresmoleste de nuict aupres des marets & estangs: les moucherons se delectent de tels lieux. Pourtant les autheurs anciens ont escrit plusieurs remedes contre telles infelicitez. Mais la maniere generale premierement doit estre prise du toucher, la seconde maniere doit estre prise de l'odeur, & la troisieme du goust. La maniere de remede ne peut estre prise generale de la veüe, ny de l'ouye, pource que ces deux sens leur sont tres-imbecilles. Car entendu que telles bestes ont tous les sens imbecilles, pour le bref temps de la generation & pour la paruite du corps, toutesfois la veüe & l'ouye, pource que ces deux sens sont moins necessaires à la vie, sont hebetez en ses insectes, en sorte que les abeilles & fourmis les plus prudens, & les plus politiques de tous, comme il a esté dit n'agueres, sont priuees totalement d'vn de ces sens, sçauoir est, les abeilles son-

Les gerres du ciron.

Les peuples d'Achaie, dictz Myuscij laisserent leurs pays pour les moucherons dictz culices.

Cōment tous insectes sont chassez.

*Les abeilles
sont sourdes.
Les fourmis
sont aveugles*

privees de l'ouye, & les fourmis sont aveugles, pource que ceste beste terrestre n'auoit grand besoin de veuë, veu que ces cornes luy aident, qui luy sont donnees au lieu de baston pour chercher le chemin, comme aux limaçons: car les limaces pour cause de leur temperature seche, & les fourmis pour leur paruité priuez des yeux, ont pris des cornes au lieu d'un baston cōme aveugles. Or nulle beste volante pouuoit estre aveugle, car la beste ne peut voler tant petit à petit, qu'elle ne se heurte, ou qu'elle ne tombe, si elle ne peut voir. Et nature a osté l'ouye aux abeilles qui sont petites, & ont besoin de la veuë, de peur que les deux sens colloquez en tant petite teste ne fussent inutiles pour leur imperfection. Non sans cause donc les fourmis sont aveugles; & les abeilles sont sourdes: toutesfois & l'un & l'autre (peut estre) retiennent quelque image du sens defaillant. Les autres trois sens, quoy qu'ils soient imparfaicts, ont toutesfois plus de vigueur que les autres pour la necessité de la vie. Ces trois autres sens sont le goust, le flairer, & le toucher. Et iouxte ces trois sens la maniere est inuentee de chasser hors ces petites bestes. Par le toucher elles fuyent les metaux & les pierres, pour cause de leur frigidité: car entēdu qu'elles n'ont de sang, elles sont froides, & principalement elles sont blessées du froid par la defaute de la chaleur. Elles sont chassées par l'odeur & flairement, pource que toutes bestes fuyent l'odeur qui est fait quād les bestes de leur gerre sont bruslees. Ainsi les locustes par l'instinct de nature fuyēt l'odeur mauuais des locustes, les fourmis l'odeur des fourmis, & les guespes l'odeur des guespes. Elles fuyent aussi toute odeur sec immoderément, pour ceste cause elles fuyent le suc du cedre, quoy qu'il ne soit bruslé, & la corne de Cerf, quand elle est bruslee. Car entendu que ces bestes sont seches, comme i'ay dit, elles sont grieuement offensées de matieres seches. Par le goust elles fuyēt les choses ameres, comme absinthium, vulgairement aluine, & le cypres, dict *abrotonum*. Pour ceste cause ces herbes sont mises sus les habits, aussi les fucilles de citron, de lauande, de l'herbe dicte sabine, & du suc de cedre, & ce pour deux raisons, l'une pource qu'elles sont

Pour engarder que les vers ne gaster le drap.

ameres: l'autre raison, pource que telles herbes donnent l'odeur sec & vehement. Par mesme raison l'odeur du vinaigre chasse les moucherōs & autres vermines semblables, car il est acre: toutesfois il ne chasse les mouches, pourtant que les moucherons, dictz *culāces*, s'esioyissent de matiere douce: car ils sont engendrez aux eaux, & lieux plus humides que n'est pas la mouche. Pour ceste cause il recite qu'une esponge pleine de vinaigre suspendue au milieu de la chambre, chasse hors les moucherons, & engardent qu'ils n'entrent dedans la chambre. Aux lieux où ils abondent, ils ferment les fenestres, auant que d'y mettre de la lumiere. Car ceste beste, comme plusieurs autres, volontairement vient à la clarté, en sorte qu'il est vn gerre de papillon, qui ne cesse de venir à la lumiere tant de fois, & tant pres, qu'en fin il tombe & meurt, ses aisles consumees du feu. Vulgairement on appelle ceste beste papillon vne farfaille, on peut l'appeller en Grec *crophon*, puis que le nom Latin defaut. Les drogues donc qui chassent hors telles vermines sont acres & ameres, & principalement l'herbe dicte *staphis agria*, ou *staphis siluestris*, vulgairement herbe à pous, en sorte que brisée en huile, & circuite autour de la teste à tout vn fil abreuué de telle huile, les pous la fuyent, ou ils meurent: & les moucherons sont chassés du chanure flory mis en la chambre: aucuns estiment qu'ils n'entrent en la chambre quand vn poil de cheual est pendu au deuant: cecy semble estre plus proche à la fable qu'à l'enchantement. Le concombre agreste, l'elebore noir, la grande serpentine, dicte *maius draconium*, & le refort sont au premier degré, du suc desquelles ceux qui en sont oingts, ne sont vulnerez des serpens, ainsi qu'ils disent. L'odeur aussi du cuir bruslé, dont les femmes qui semblēt estre suffoquees, sont coutumierement reuoquees, chasse les serpens. Ils recitent que quelqu'un, lequel dormāt auoit deuoré vne vipere, fut exempté par la fumee du cuir bruslé, la vipere fuyāte la fumee, que le patient receuoit, par sa bouche. Il est certain que tous serpens sont chassés hors par le feu, & non seulement les serpens, mais plusieurs des bestes sau-

*Quelles dro-
gues chassent
les serpens.
Aucuns ne pré-
nent raphanus
pour vesfort,
ains pour un
chou: & sem-
ble que Theo-
phrastus le
prenne ainsi.*

uages. Et toutes drogues qui chassent les serpens font mourir, & chassent toutes bestes insectes. Toutesfois plusieurs des insectes aiment le petit feu & la lumiere, comme les mouches, les moucherons, papillons: & mesmement les escreuilles, & le mouion, dict *mugil*, aiment la clarté en leur grand dam. Mais toutes ces bestes craignent le grand feu. Aussi le feu les fait mourir, & fait perir leurs œufs, & tout l'amas des ordures, par laquelle le gerre d'icelles est réparé, comme i'ay dit. Aucunes herbes par quelques proprieté chassent hors les bestes, comme lon dit que le platin chasse les chauve-souris: & assurent que ceste beste n'aborde sus le platin. On a inuenté profitablement de mesler la lie de l'huile à la chaux pour frotter les boutiques des draps, de peur que les araignes ou les vers ne gastent les draps: & ceste mixtion empesche la crudité. Et peut estre que la lie de l'huile chasse hors toutes les insectes par quelque proprieté, ou elle ce fait par son odeur, ou pource que la crudité empesche leur origine, car elles sont engendrees par l'humeur, ou de toutes ces choses. Nous en exposerons aucunes choses cy apres, & certes pecculièrement contre les punaises, bestes odieuses, & outres toutes les autres de mauuaise odeur, & aussi contre les fourmis. Il suffit de present auoir parlé de ces matieres. Les anciens ont esté tant auueglez deuant nous, sans auoir esgard aux matieres, que Pline nie les locustes auoir des yeux, comme s'il n'auoit iamais veu les locustes: veu que les yeux sont apparens & fort grands: elles sont toutesfois d'une veuë hebetee, comme i'ay dit. Quant à moy, quoy que n'eusse iamais veu locustes, ie eusse osé assureur certainement qu'elles ont yeux, pource qu'il ne peut estre que la beste qui vole, soit auuegle: ains si tu creues les yeux à la beste qui vole, elle cessera de voler, memoratiue de son mal. Il faut donc entendre ces choses, & autres par demonstrations.

*Pourquoy les
membres cou-
pez, sont re-
generez.*

Le propre des bestes engendrees de putrefaction, est qu'elles soient insectes, afin que les membres coupez leur renaissent, comme la queue des serpens & lezards, les cuisses des escreuilles, les yeux des erondelles, & comme

comme plusieurs estimét, les yeux des serpens. La cause de cecy est pource qu'elles sont imparfaites. Pourtant non seulement les yeux renaissent aux erondelles, mais aussi à leurs petits : & souuent aux matieres qui sont en la matrice, les membres blessez sont restaurez. Les medecins diroient que ce seroit pource que les bestes sont humides. Il est possible que l'vne & l'autre cause peut estre vraye. Les tortues donc & les crocodiles seront du gerre des insectes, mesmement les chameleons & autres bestes de quatre pieds, engendrees des œufs: car celles-cy ne sont engēdrees des œufs pour quelque necessité, comme les poissons & oyseaux, ce que nous monsturons cy apres, mais pour l'imperfection de leur nature. Donc selon ce propos, les membres coupeuz ou rompus sont restaurez. Outre plus ces trois, sçauoir est, la tortue, le chameleon & crocodile ont la nature admirable.



Et premieremēt il conuiēt parler du crocodile. Ceste beste est semblable au lezard, mais le crocodile a les dents fort aigues, esleues dehors, & grā-

Histoire du crocodile.

des, les ongles valides, la peau comme escorce impene- trable, & la queuē trestrobuste, luy seul premierement mouue la superieure machouere, & a l'inferieure immobile: secondemēt c'est chose miraculeuse qu'il estoit autant long temps qu'il vit: il vit soixante ans, & a autāt de dents, & par autāt de iours il est eselos de l'œuf, & pour autāt d'œufs, en sorte qu'il semble conuenir avec ce nombre sexagener. Il croist d'vn œuf gros comme d'vne oye, en longueur de dixhuit coudées. La cinquiesme chose miraculeuse qu'a le crocodile, est que neantmoins qu'il soit terrestre, il vit comme le crocodile, poisson: car il est presque tousiours caché aux eaux, principalement au fleuue du Nil: en ce lieu vne chose est

admirable, qu'au dessus de la ville Chairum le crocodile exercé sa cruauté, & occit les hommes: au dessus il est doux. Ils recitent depuis sept cens ans que les adorateurs de Mahomet ont occupé ceste region, les crocodiles estre faicts plus cruels qu' auparauant: & disent que la cause est, pource que les Mahometistes ont trouué aux fondemens de quelque temple vne statue de crocodile faicte de plomb, & qu' apres qu'elle fut parfaite, les crocodiles en sont deuenus plus cruels.

Les sacrificateurs les appriuoisent grandemēt, neantmoins que nulle beste, qui vit aux eaux, s'appriuoise vrayement, & moins le crocodile, entendu qu'il est tres-cruel. Et fait sus ce propos reciter les paroles de Strabo confirmees par Aristoteles, & par les neoteriques. Les paroles de Strabo sont telles. En la prefecture d'Arfinoc le crocodile est singulierement honoré, & est illec estimé sacré, nourry à part en quelque lac, doux aux sacrificateurs, & est appelé suchus. Nostre hoste, homme honorable entre tous autres, qui nous monstroit les sacres reliques, venant au lac apporta du soupper quelque sorte de gasteau, dict placenta, avec de la chair rotie, & quelque vaisseau plein de moulz. Nous trouuons le crocodile au bord du lac: entre les sacrificateurs, vn luy ouure la gueule, l'autre luy iecte le gasteau dedans la gueule, puis la chair, & les moulz: ce crocodile sautant dedans le lac, trauersa iusqu'à l'autre bord. Toutefois ceste beste tant robuste & grande, craint les Tentyrites, qui sont peuples mesmement d'Egypte. Puis Strabo dit peu apres, Quand les crocodiles furent appoitez à Rome afin d'estre veuz, les Tentyrites les suyuoient. On leur fit vne piscine, où estoit vn trou à vn des costez, afin que les crocodiles peussent sortir au Soleil: les Tentyrites estoient presens, qui aucunesfois les tiroient par vne rets au Soleil, afin qu'ils fussent veuz, aucunesfois entrans dedans l'eau, ils les retiroient en la piscine. Il faut estimer que les crocodiles estoient hebetez par le medicament que les Tentyrites leur donnoient, car les medicaments font mourir les petites bestes, & coustumierement ils habitent premier les grandes. Doncques on peut voir en ceste beste tant & telles choses dignes

d'admiration. Le crocodile a la veüe tresfague hors de l'eau: & neantmoins qu'il ne se tourne facilement si quel- qu'un court obliquement apres quand il l'enfuit, il ne l'atteint, aucune fois il elchappe difficilement. Plusieurs qui sont morts, nous sont apportez, & sont cognus entre les plus grands lezards qui naissent aux Indes, desquels l'excrement sent tresbon, ou leurs corps, avec la machoire inferieure qui est immobile, & avec les dets.

Le chameleon est plus rare, & trop plus petit: mais il est inseré en celiure par trop plus grand miracle. Dones- que ie reciteray premieremet ce qu'Aristoteles dit du chameleon, qu'il a cognu, manié, & fait dissection d'iceluy, comme facilement on peut scauoir par les paroles d'iceluy. Finalement apres les paroles d'Aristoteles, i'adiousteray ce que j'en ay entédu des autres auteurs. Les paroles d'Aristoteles sont telles. Le chameleon en la figure de tout le corps represente vn lezard: les costez tendans en bas sont ioints au ventre, comme aux poissons: & l'espine apparoit haute esleuee, cōme aux poissons: le bec semblable à celuy du cinge potelcier: la queue fort longue, se finissant en appetissant, impliquee de longs & plusieurs annelets, en la maniere du mors de bride: le chameleon est plus haut qu'un lezard, le ply des cuisses est tel que des lezards, chacun pié est party en deux, & les parties ont telle situation que le poucel'a opposite à tout le reste de la main: & les autres mesmes parties sont quelque peu fendues en quelques doigts, scauoir est les anterieures parties sont fendues interieurement en trois creuaces, exterieurement en deux: & les parties posterieures sont fendues interieurement en deux creuaces, exterieurement en trois: les griffes sont courbes: tout le corps est rude, comme au crocodile: les yeux sont fort enfonsez dedans la teste, fort grands, rōds, enuolepez de peau semblable qu'est tout le corps, descouverts par la petite portion du milieu, par laquelle ils regardent: & ce lieu de voir n'est iamais couuert de peau: & voit de toutes parts ce qu'il veut, non par le mouuement de la prunelle, ains par la cōuersion & mutation de l'œil en rotondité. Le chameleon estant ensté mue & change sa couleur: le noir n'est beaucoup diffe-

Le chameleon.

rent du crocodile: il est passe, comme les lezards, distinct de macules noire, comme des leopards. La couleur est muee au corps: & la queue & les yeux respondent à la couleur du corps: le mouuement est tardif, comme d'une tortue: & quand le chameleon se meurt, il devient passe: & estant mort, il ne change plus de couleur. Le chameleon a la gueule, & l'aretere en mesme situation: il n'a iamais de chair, sinon bien peu en la teste, aux machoires & au derriere de la queue: il n'a de sang autre part que au cœur, aux yeux, & au lieu plus haut que le cœur, & aux veines: qui en procedent: lesquelles n'en ont guere: le cerueau est pose en haut aupres des yeux, presque contigu à eux: l'œil est circuit d'un petit cercle luisant comme d'un anneau de cuyure, qui est veu en ostant la peau exterieure de l'œil: toutes les parties du corps ont plusieurs membranes valides, & trop plus fermes que n'ont les autres bestes. Quoy que le chameleon soit tout mis en pieces, il peut long temps respirer, le mouuement trespetit encor gardé alentour du cœur: & lors qu'il retraict toutes les parties du corps, principalement il peut assembler les costes: il n'a la rate apparente: il se met dedans les cauernes, & se cache comme les lezards.

Aristoteles a tenu tant long procez, du chameleon esmerueillé de telle chose, quoy qu'il soit brief aux autres matieres. Ceux qui l'ont veu de nostre temps, adioustent cecy. Le corps du chameleon est presque verd avec quelque splendeur & macules distinctes de blanc & bleu: toutesfois la couleur verte n'est forte souz le ventre, & en quelque lieu que soyent les macules, elles representent la forme des clous, entendu qu'elles semblent estre esleuees vn peu en rotondité. Le regard du chameleon est plaisant, les yeux sont vers, entremeslez de blanc & violet, qui ont moult de clarté, & pource il en semble plus delectable.

Et quand la couleur est plus que verte, ou blanche, ou perse, telle couleur est naïue, & est plus en vigueur, que les autres couleurs non muees: & chacune couleur est gardee en ses parties. Or quand le chameleon est trop noir, le vert s'obscurcit grandement, & est hebeté, & les macules sont muez. Autat luy en adient sans couleurs:

car quand il est vexé, ou detenu par force, il mue les macules en noir, & la couleur verte est obscurcie. Le chameleon est ioyeux, de son bon gré il chage les couleurs naïues, & les augmente, en sorte qu'il est manifeste que ceste mutation de couleur luy aduient pour les affectiōs de l'esprit. Quand il est tourné vers le Soleil, il reçoit de sa gueule ouuerte les rayons d'iceluy, & deuore l'air. Et premierement son col petit à petit s'enfle, puis les autres parties, iusqu'à ce que l'air soit descendu au ventre, qui s'enfle apres. Le chameleon s'engendre en Soquotra iste d'Inde Orientale. Or qu'il deuore l'air, Aristoteles le tesmoigne aux paroles sus escrites, mais il n'a pas dit qu'il n'vse point d'autre nutriment. Cecy donc n'est vray, ou Aristoteles ne l'a cognu. Aucuns assurent constamment, qu'il est nourry de viande, non de l'air, pource qu'il iecte excrement par la partie posterieure. Aucun (peut estre) obiectera, auquel propos faut-il trāsferer en ce liure, ce qu'Aristoteles a escrit en tant de paroles? Le nostre propos est de rendre les causes des matieres tresobscures: parquoy si la probation de l'effect n'estoit confirmee par tesmoignage d'un tant grand personnage, nostre disputation seroit vaine. Il faut dōc montrer pourquoy le chameleon change sa couleur, & qu'il peut viure sans viande. Tu diras, il ne vit pas sans viande. Je ne pren contention sur ce poinct: mais il est cognu que plusieurs bestes viuent long temps sans viande, comme les Ours, crapaux, & serpens. Il semble que les cigalles, dictes cicadae, viuent en telle maniere. Le pēse donc faire grande chose, si i'enseigne en quantes manieres la beste peut viure sans viande. Mais premier il faut donner la solution de l'autre question. Cecy donc m'est proposé, pourquoy le chameleon change ses couleurs. Aucun ne doute que les hommes rougissent quād ils sont en ire, & quasi deuiennent blaffards, mais en la crainte ils palissent, qu'aucuns semblent estre morts. En la honté tout le sang est esmeu, & la couleur va & reuient, principalement aux enfans, ce que ton poëte Mātuan enseigne doctement, disant,

Si en la face elle espart vne rougeur virginal.

Pourtant au corps ou la peau est rare, ou le sang est facilement esmeu, il est necessaire que couleur diuerse y soit esparse: & telle mutation apparoit en la premiere aage des hommes, & est d'autant plus frequente que l'humeur est subtil. Là donc où la peau est rare & perspicue, & où l'humeur est subtil, si les affectiōs sont puissantes, & n'y a point de poil, il est necessaire que la mutation de couleur soit faicte. Or toutes ces choses sont au chameleon, la peau perspicue & rare, l'humeur subtil, nul poil, & est de grandes affectiōs, comme il est subiect à crainte & tristesse: car il a peu de sang, & pource naturellement il est timide: & pour ceste cause il tombe facilement de ioyeuleté en tristesse. Ce n'est dōc merueille, si le chameleon est mué par ces affectiōs. Aucun obiectera: non seulement il se mue par ces affectiōs, ains par la presente couleur, & est mué en la couleur semblable à la presente. Mais cōme il est dit, il n'est mué en toute couleur, ains il est mué seulement par la mesme raison qui a esté dicte. Faignons donc qu'il a la couleur blanche, quand il voit ceste couleur, la partie qui est blanche est eschauffée, & ainsi il augmente sa couleur: car nous voyons aux hommes, s'ils conçoient en leur esprit la femme qu'ils aiment, le membre viril se leue, les autres parties totalement n'estre esmues. S'ils conçoient vne chose de crainte, le cœur saute incontinent, non pas le plé, ou le membre viril. Ainsi il en aduient au chameleon: car les parties semblables à la couleur, attirent à soy l'humeur aqueux & clair, dont les autres couleurs sont enclaircies. Pren exemple des orfeures: ils mettent souz les escarboucles, esmeraudes & saphirs, les pailletes d'argent: & toutesfois ces pierres precieuses toutes sont enluminees, & redent leur couleur plus splendide.

Comment la beste peut viure sans viande.

Or que le chameleon viue sans viande, il le faut enquerir par autre raison: car comme j'ay dit, les cigalles selon Aristoteles viuent sans viande. Il appert pource qu'elles n'ont de bouche, & quand elles sont mises en pieces, elles n'ont rien dedans le ventre. Et cecy est encor plus admirable, que plusieurs d'icelles crient tout le iour, elles font des œufs, elles croissent, elles ont l'escorce dure, & exercent le coit Venerien, toutes lesquelles choses

font œures qui requierent aliment. Anciennement les cigalles auant qu'elles eussent despouillé l'escaille mere des Cigalles, entendu qu'elles estoient delicates, on les mangeoit, & mesmement leurs œufs, tesmoing Aristoteles. Premieremēt la Cigalle est vn ver engédre d'œuf, puis elle est mere des Cigalles, que par cy deuant nous auons appellé grillons, finablement c'est vne Cigalle quand l'escorce est despouillée, & lors elle est plus dure. Les œufs en sont blancs, & fort delectables au goust. Il est donc manifeste qu'elles sont nourries, & ce sans viande, ou sans le boire. Car au temps sec, & aux regiōs chaudes elles sont en vigueur sans pluye, & aiment l'oliue pour sa petite ombre. Elles sont donques nourries de la rousee du Ciel: car de la rousee est faicte la manne, dont le peuple Hebrieu a esté nourry au desert. Et de present il est patent que les hommes ont esté nourris de manne: d'autant plus la manne ne peut elle pas estre nutriment à tant petite beste? Donc les Cigalles sont nourries de rousee, ou de l'air: car l'air cōtient tousiours quelque humeur corpulēt: les pierres qui sont du gerre des cailloux ou de marbre en sōt l'indice, qui sont tousiours humides, & les rayons du Soleil en font indice aussi. Quand donc la chaleur est subtile, l'humeur se collige, qui autrement est dissipé: estant assemblé, il se cuit, car il est gras. La douceur de la manne le montre. Or il conuient, comme dict est, aux serpens, aux crapaux, ours, loirs ou loiros, en Latin *glres*, aux rats auelins, & à toutes bestes qui sont cachees en hiuer, & n'ont rien amassé pour leur despense, qu'ils viuent de viande prise largement. Donques par deux raisons la beste peut viure sans manger ne boire, ou pource qu'elle garde les reliques faictes par sa pristine gourmandise, ou pource qu'elle est nourrie de l'air, cōme no⁹ en vsons. Ce viure de l'air est perpetuel: celuy des reliques n'est (cōme l'on dict) qu'à certain temps. Aucunesfois ces deux causes sont ioinctes, comme nous auons veu quelques personnes auoir vesu long temps sans viande: & de ce l'histoire en sera recitee en son lieu. Je m'esbahy d'aucuns qui se sont efforcez tant obstinément d'abolir ce qui a esté dict du Chamelcon.

I iiij

*Histoire des
Cigalles.*

ne vesquit sans viande, toutesfois il pourroit viure, veu que les Cigalles viuēt en telle sorte. Mais ne vit il point sans viande? Certes, comme disent les Iuriconsultes, ceste question est du faict, qui ne dispute si ce peut estre faict: mais à sçauoir, sil est ainsi, & en ce il faut croire à l'histoire.

La tortue di-
cbe testudo.




Ces choses d'oc demōstrees il reste que no^s monstrons les merueilles dela tortuē. Premie-remēt ceste beste vit vn iour entier sa teste coupee, & n'est aucune beste

qui viue tant long temps en telle sorte: mesme quand le cœur est hors, comme mesmement Aristoteles le tesmoigne, neantmoins que le cœur soit sanguinolent, la Tortuē ce pendant vit long temps. Ils sont trois gerres de Tortues, la terrestre, qui naist aux forets: l'aquatique qui naist en la mer: & la palustre, qui naist aux marez. Celles de la mer au lieu de pieds ont autant de larges cartilages: ainsi nature a fabriqué pour l'vsage les membres apes à chasque beste. Les Tortues de mer croissent grandement, & les autres aussi aux regions chaudes, comme en Afrique. Car l'humeur gras, comme dict est, moult s'estend aux regiōs chaudes: pourtant illec les Tortues, poissons, Serpens, Elephans, croissent merueilleusement. L'Ocean de l'Inde Occidentale produict des Tortues tres-grandes, en sorte que six hommes peuuent à peine en porter vne. I'en ay veu vne à Padouē, qui estoit morte illec, laquelle estoit seulement grande comme vn bouclier. Aucuns certifient auoir veu vne escaille du poix de cent trois liures: pense de quel poix elle pouuoit estre toute entiere. Il est manifeste que les escailles en sont tant grandes, que les Indiens vient des plus petites pour boucliers, & couurent les maisons des plus grandes. Au temps passé les Ro-

mains auoient en grand prix les escailles des Tortues
 d'Inde, lesquelles mises en pieces estoient disposees sans
 les tables de diuers usage, en adiqustant les bordures
 faictes d'iuoie ou d'or : & cest artifice peut encor estre
 reuoqué en usage. La chair des Tortues d'Afrique prise
 avec du pain sept iours continus, est estimee guarir
 miraculeusement la lepre de celuy qui n'en a esté ma-
 lade plus de sept ans. La cause de ceste chose est la sic-
 cité de la chair avec vne force & temperament de l'hu-
 meur subtil & bien gras. Le blanc de noz Tortues cuit
 au feu ne s'augmente point; pource il faut qu'il soit peu
 terrestre : car toutes choses terrestres, comme tuiles &
 plastre croissent manifestement. On croit que leur vie
 est longue : mais ie ne peux en certifier quelque chose.
 Cecy est vray, que la Tortue a tres-grand foye, & que
 seule entre les bestes qui ponnent des œufs, elle a vne
 vessie. Pourtant à bon droit quelqu'un doutera, pour-
 quoy choses tant miraculeuses, & en tant grand nom-
 bre sont en ces bestes imparfaites, & les plantes & be-
 stes parfaites en ont peu. De cecy sont deux causes,
 vne est que premierement les defautes sont pour mira-
 cle en ces bestes : car, comme il a esté déclaré, plusieurs
 d'icelles sont monstrueuses : l'autre cause est, que ces
 bestes ne conuiennent en suc, comme les parfaites : car
 de toutes les parfaites il est vn mesme suc, sçauoir est,
 le sang : mais des imparfaites chacune à son suc, &
 pource chacune à ses propres & peculieres vertus : &
 entendu qu'elles ne conuiennent à tout le gerre, elles
 semblent admirables, car tousiours rarité apporte ad-
 miration. La frequente faict que ce semble estre na-
 turel. Nature semble auoir tant aimé ses propres gene-
 rations, qu'elle a voulu les plus delectables entre les
 poissons estre engendrez sans semence & sans parens,
 comme les musteles, doat i'ay parlé, & les anguilles.

L'anguille.



L'ANGVILLE
seule entre les
poissons sangui-
naires est engē-
dree de putrefa-
ction, qui n'a
point de sexe,
ny commence-
ment de gene-
ration : & vit
lōg temps sans

eau, iusqu'à cinq ou six iours, pource qu'elle ne requiert grande refrigeration, & s'esioit de petite eau. Et l'air, comme dict est, contient tousiours quelque portion de l'eau la plus subtile. On estime que l'anguille est engendree des mustelles, qu'elles appellent les intestins ou entrailles de la terre : & certe la similitude est grande entre elles, & la coniecture est euidente, pource qu'on ne trouue autre origine des anguilles, ny autre fin de musteles. Souuent i'ay mangé à Lyon des musteles de plusieurs & d'auantage : elles n'estoient du gerre des petites de nostre Italie, car les nostres sont plus rôdes & ne paruiēnent à telle magnitude, & ne vivent en l'eau : mais dedans le limon, & sont plus noires que les autres. Le goût des mustelles des Gaules est inferieur en suauité aux anguilles. C'est chose commune aux musteles & anguilles de n'auoir aucun os : car au lieu de l'espine, elles ont vne membrane ronde en la maniere d'vne corde. Plusieurs en Italie estiment à cause de la rarité les grandes musteles meilleures que les anguilles. Le fleuue Rhodanus en produict plusieurs au printemps. Ainsi en tout gerre de bestes nature fest exercee, & a coegalé les choses suprefmes aux infimes, & les infimes aux suprefmes : & la resurrection ne sera point deniee en tant vil gerre de bestes mortes. Car on croit que les mouches & les poissons dictés en Latin *apua*, vulgairement merlens, reuiennent en vie. Quant aux mouches c'est chose admirable, des merlensie n'en suis en grād soucy : car ils sont engendrez de matiere fort putride, & des ordures colligees de plusieurs poissons, en sorte que ce n'est

Apua, poisson, selonc aucuns est le merlen.

merueille si autres sont engendrez entiers de soy-mêmes putrides. Plusieurs choies sont admirables en ces bestes : mais l'aage future en monstrera autres plus admirables : il me doit suffire d'auoir touché les principales matieres, & toute l'histoire par chapitres, en conioignant les causes, afin qu'il me soit licite venir de ces matieres aux autres qui sont icy delaissees, lesquelles si ie voulois les nombrer en particulier, ce viendroit en infinité, & afin qu'il me soit licite discerner la fable de l'histoire, pour scauoir ce qui est vray, & qui est absurd, laquelle chose appartient à ce present traicté Peut estre que plusieurs estimeront cecy digné d'admiration, pourquoy nature a donné aux bestes qui ne sont d'aucun profit, aides tant excellentes pour se defendre, & n'en a donné aucunes aux autres bestes, comme au Chameleon, qui signifie vn Lyon humble, nature n'a donné dents, course, force, ny griffes, elle a donné au crocodile, beste cruelle la veuë aguë, les griffes tres-aguës, les dents trenchantes, celerité tant grande qu'il suit les chiens les moins excellens à la course d'où vient l'adage : Comme le chien il boit, & suit au Nil : il a le cuir impénétrable, la queue tant forte qu'il renuerse les petites Nauires d'vn coup : il brise les cuiſſes des cheuaux en sorte qu'on ne peut rien excogiter d'auantage pour son salut & conseruation.

Finablement nature luy a adiousté, qui est chose grande, qu'il peut viure indifferement en deux Elemens, lequel priuilege n'est donné librement à aucun autre beste, & si quelque violence l'opprime sus la terre, il est en seurte dedans les eaux : & sil est molesté aux eaux d'vn plus puissant, il se iecte sus la terre seurement. Peut estre que ceste beste doit est nombree entre les parfaites, & comme l'Elephant est eminent entre les bestes de quatre pieds, l'Aigle entre les oiseaux, ou si autre oiseau est plus excellent que l'aigle, comme la Balaine est eminente entre les poissons, l'homme entre toutes bestes, le roitelet dict *r. galus*, entre les Serpens : si ce n'est fabuleux, ainsi le Crocodile est eminent entre les bestes qui viuent sur la terre & en l'eau. Et nature a fait qlque effort au chef d'œuvre du gerre de chacune beste.

Et le crocodile n'est engendré de l'œuf pour son ignobilité, comme les chenilles, les aragnes, & lezars, ains comme les oyseaux, pour la commodité: & nous traiterons des oyseaux au liure subseqnent, pourtant passons au second membré de la diuision.

Fin du neuuesime liure.

DES BESTES PARFAICTES.

Liure dixiesme.

Neuf differences des bestes parfaites.



Es bestes parfaites aucunes habitent seulement en l'air, & n'ont de pieds, quoy qu'Aritoteles ne l'ait cogneu, comme l'oiseau dict *mammocodiata*, les autres habitent en l'air & en la terre comme l'aigle, & plusieurs autres oyseaux: les autres sont terrestres, semblables toutesfois aux oyseaux, comme vne autruche: aucunes; en cōmun habitent en l'eau & en la terre, comme le bieure, dict en Latin *siber*: aucuns oyseaux nagent, comme les cignes: aucuns animaux sont poissons volans: aucuns sont vrayement terrestres, comme le chien: les autres habitent souz terre, comme la taupe: aucuns viuent seulement aux eaux, comme le Dauphin. Je n'ay deliberé de toucher toutes les especes, mais seulement ces neuf gerres, & les plus excellentes especes contenues souz ces gerres. Autre diuision est selō les mœurs, autre selon la maniere de viure, autre selon la generation. La diuision selon les mœurs est, pource qu'aucunes bestes sont cruelles, aucunes douces, aucunes appriuoisées & domestiques, les autres agrestes. Selon la maniere de viure, aucunes viuent de chair, les autres de plâtes, & de semblables matieres. Selon la generation, aucunes sont

engendrées des œufs, aucunes de putrefactiō, les autres des bestes. Quatre especes sont engendrées des œufs, les oyseaux, poissons, serpens, & aucunes bestes viles, qui sont insectes, comme les vers, dictz bombyces, les cigalles les chenilles. Premièrement il faut demonstrier icy trois choses: la premiere est, pourquoy tous les oyseaux sont engendrez des œufs, veu qu'ils sont bestes parfaites: pourquoy aussi les poissons en sont engendrez: & tiercement, pourquoy les bestes imparfaites ne peuent engēdrer vne autre beste. Cecy semble auoir esté fait par grande raison: car il estoit necessaire que les oyseaux engendrassent peu ou moult des petits. Si les petits oyseaux en eussent peu engendrer, leur gerre fut pery en brief tēps, car les petits oyseaux sont deuorez des grands, ils sont pris aux rets, & sont rauiz des Serpens, auant qu'ils puissent voler. Aucunes fois leurs œufs sont consumez, aucunes fois les oyseaux meurent de faim, & par mil & mil autres inconueniens. Pourtant les petits oyseaux, & toutes autres petites bestes engendrent plusieurs petits. Les grādes bestes engendrent plus grand fan: pour ceste cause, si les grands oyseaux portoient en leur ventre grand fan, ils seroient fatiguez & molestez par le grand & diurne fardeau, ou il seroit necessaire que le fan fut accomply en brief temps: & par ce moyen les oyseaux seroient necessairement bestes imparfaites. De rechef si aux petits oyseaux la mere portoit en son ventre tous ses petits, elle seroit greuée de trop grande charge: si elle porte l'vn apres l'autre, elle seroit empeschée toute l'année à nourrir & porter ses petits: adiouste aussi qu'elle viendroit au tēps de l'an fascheux & ennuyant & seroit subiette aux bestes sauuages, & aux oyseaux de proye. Il n'a donc peu estre, que les oyseaux fussent engendrez des oyseaux, comme sont les brutes des brutes.

Or veu que les petits prouiennent de l'œuf, quatre commoditez en ensuiuent. Car le masse n'est contraint de coit toute l'année, & le coit est principalement tres-contraire aux oyseaux, pour cause de leur siccité: pourtant le passereau ne vit point plus de deux ans. Outre

*Pourquoy
tous oyseaux
sont engendrez
des œufs.*

la mere est deliuree en bref tēps de sa charge, car l'œuf paruiet en vn iour de petit en grādeur entiere ou pour le plus, il paruiet en deux iours: ce qui appert à ceux qui font dissection des poules, qui coustumierement ponnent vn œuf tous les iours. Et tu verras illec vn grād œuf, vn autre mediocre, que la poule deuoit pondre le lendemain, les autres œufs estoient de la grosseur des grains du millet. Les œufs ponnus premierement sans incommodité lōg temps couuez de l'oyseau, peuuent engendrier vne beste parfaicte: & plusieurs œufs sont couuez ensemble, & ce qui à peine seroit paracheué en quatre ou six mois en le portant dedans la matrice, est parfaict en vn mois dedans les œufs. Il est donc manifeste pourquoy les oyseaux engēdrent les œufs, non les petits. Toutesfois la chauue-souris seule entre les oyseaux volās engendre la beste, non pas l'œuf: elle a des dents, non vn bec, elle a mammelle avec du laiēt, dont elle nourrit les petits. elle a ailles cōposees de quelques membraue, non de plumes: & cecy est commun entre les bestes qui volent, au poisson, dict vulpecula, vulgairement renardeau de Mer. Or ce ne sont oyseaux, quoy qu'ils volent: car les oyseaux sont couuerts des plumes: ils ont vn bec, non des dents, ils n'ont de vessie, de mammelles, ne de laiēt, & ponnent les œufs. Les œufs des oyseaux sont de deux couleurs, ceux des poissons sont seulement d'vne couleur. Et les poissons sont les œufs imparfaicts, qui sont parfaicts & acheuez exterieurement. La cause de l'imperfection des œufs, & de leur seule couleur, aussi que presque tous sont engēdrez des œufs, est la multitude d'iceux: car le poisson ne peut engendrer autant de bestes, qu'il fait d'œufs. Le poisson engendre l'œuf, car s'il engendroit vne beste en la matrice, elle seroit engendree de sang, & le poisson seroit sanguin, & chaud, parquoy il auroit besoing de poulmons, & d'air: ce ne seroit donc vn poisson.

*Le millet d'Y
valie est dict
en Latin sor-
gus, ou milr
ca.*

*Pourquoy les
poissons sont
engendrez
des œufs.*



Pour ceste
cause le veau
marin, pource
qu'il engendre
vne beste, non
vn œuf, re-
pire, & a la
veau couverte
de poil pour
cause de la cha-
leur. Outre il

*Le veau ma-
rin.*

seroit difficile que la chaleur tant grande fut gardee en
vn element tant froid, de laquelle chaleur la beste peut
estre engendree parfaite. La facilité de l'element est
cause de la multitude de poissons: car l'eau est le prin-
cipe de generatiō. Et pource aussi que les petits poissons
font la viande des grands: car en l'eau ne sont tant de
plâtes, tant de grains & de fruits, dōt les poissons puis-
sent viure, qu'ils sont en la terre: mais le poisson est pres-
que mesme viande que la beste: car des bestes est presque
l'aliment, ie dy des grandes. D'auantage, les poissons
sont de petit sentiment, & n'ont de cognoissance: pour-
tant il estoit necessaire, que la portee fut negligee des
parens: & que pour ceste cause la plus grande partie d'i-
ceux perit: parquoy il estoit besoin de frequente gene-
ratiō. Car les animaux selon la magnitude du sens & de
la prudēce, ayment & gardent leurs petits: certes la gar-
de est faicte pour cause de la dilection: & la dilection
procede & vient de la cognoissance. Pourtant les ani-
maux grandement imparfaits, seulement ont le soin de
leurs petits, tandis qu'ils les portēt en leur matrice, ceux
qui sont plus parfaicts en ont soin, tant que les petits
soient sortis en lumiere hors de l'œuf, car ils gardent les
œufs, & negligent la beste qui en est procedee. Les ani-
maux parfaicts pensent leurs petits, tāt qu'ils soient ro-
bustes & forts cōme les chiens, les aigles & corbeaux:
les tresparfaicts, cōme l'homme, & l'elephant, presque
perpetuellement ayment leur generation. Les animaux
qui sont imparfaicts n'engendent iamais aucune be-
ste de soy-mesme, tant ce fault qu'ils puissent aymer

*Pourquoy les
poissons sont
tant multi-
pliez.*

*Nulle beste
imparfaicte
engendre de
soy-mesme.*

leur generation : mais tels animaux sont engendrez ou d'œufs, ou de putrefaction. Et pource qu'en tout gerre aucune chose est parfaicte, aussi quelque generation sera parfaicte, mais ce ne sera d'œufs, ou de putrefaction: car plusieurs animaux ainsi engendrez sont imparfaits: pourtant la seule generation faicte en la matrice, peult estre parfaicte. Les animaux imparfaicts sont engendrez: pource que nature n'a peu, ou voulu faire chose plus parfaite. Or nature ne peut auoir enuie sus choses bonnes, & ne peut ne vouloir aucune chose qui soit bonne: il est donc conclu que les animaux sont engendrez imparfaits, pource qu'ils n'ont peu estre engendrez parfaits. Or que les parfaicts ne puissent estre parfaits selo leur generation, il est impossible & repugnant: parquoy la beste imparfaicte ne peut estre engēdree de generation parfaicte, & qui est de l'animant. Aussi la parfaicte generatiō requiert plusieurs choses, & plus grādes que les instrumens & facultez des sens: car ceste vertu de generation n'est incōtinent donnee aux choses engendrees, mais elle requiert l'aage & le temps. Ceux donc qui ont la faculté d'engendrer, ont tous les sens, & tels animaux sont parfaicts. Pour ces causes & autres, nulle beste imparfaicte est engēdree en la matrice, ains ceste generation appartient seulement aux bestes parfaictes. Aucun ne pourra obiecter la taupe, qui est engēdree aueugle d'une taupe aueugle: la taupe a les cinq sens, mais elle a la veüe hebetee, pour raison de la cause finale. Car entēdu qu'elle habite souz terre, si elle auoit les yeux tresagus, ne voyant rien, elle se cōtristeroit: car elle ne pourroit voir en lieu obscur: & si elle estoit de veüe aguë, elle auoit les yeux mois, & facilemēt elle seroit blesee de la terre en quelque occasiō que ce fut, & ce pendāt ne verroit aucune chose de ioyeuseté, & telle fin cesse aux bestes qui habitent tousiours sous la terre, pour cause desquelles choses les yeux sont faits: à fin sçauoir est que la taupe sentit de loing: & la taupe n'habite aux cauernes, ains elle perce & penetre la terre solide: plustost donc elle a eu besoing de l'ouye: car veü qu'elle est cōtrainte d'habiter aucunefois sus terre pour auoir viures, il failloit qu'elle eustast le peril des foyers,

La taupe.

foyeurs, & la violéce des bestes : pour ceste cause la faculté de voir est trāslatee en l'ouye plus agüe, car elle oit tresbien. Toutesfois elle n'est du tout priuee des yeux, mais elle les a fort petits, eminens, noirs, & cachez souz le poil. Doncques toute beste qui est engendree d'autre beste, est parfaicte: & la diuisiō de ce membre est ja expliquée. Outre ces choses, autres differences des bestes parfaictes sont prises de la forme, car aucunes sont sans pieds, aucunes en ont deux, les autres en ont quatre. Celles qui ont ailes, souuent ont deux pieds, toutesfois la chauuefouris en a quatre. Celles qui ont l'espine & arreste sus le dos, dicte pinna, n'ont pieds, comme les poissons, toutesfois aucuns des poissons ont plusieurs pieds qui proprement ne doiuent estre appelez pieds. Les escreuilles ont plus de pieds, que quatre: mais ce nombre de quatre satisfait aux bestes qui ont vrayement les pieds. L'homme au lieu des deux pieds anterieurs, a les bras & les mains, comme les oyseaux ont ailes.

Les bestes aussi different en forme de bouche, & de peau, qui est en aucunes avec le poil, aux autres avec escaille, aguillons, escorce, avec plume. Aucunes de gerre diuers, & de nature incertaine, comme la beste veüe à Padoue: de grandeur d'vn regard, vn peu plus longue, l'ouuerture de la gueule estoit cōme de lieure, avec poil long, & deux dents fort longues, certes eminentes de la lōgueur du doigt de l'homme, cōme les escurieux, dits en Latin *scury*: les yeux comme des serpens, sçauoir est, qui n'auoient d'angles, & estoiet noirs: vne creste, cōme vn chapeau, estoit sus la teste, semblable à la barbe de bouc, nō autrement qu'est la creste au pan: le poil comme bellette, fort beau, sinon que sus le col il sembloit estre comme laine blanche: les pieds anterieurs, comme de la beste dicte *taxus*: les pieds du derriere, & les oreilles, en rien differentes de celles de l'homme, sinon que les pieds auoient l'ongle d'ours, pour celle de l'homme au dos, en la postreme partie ceste beste auoit cēt espines, comme le porc-epic, desquelles aucunes estoient courbees au coupeau, toutesfois elles estoient eminentes sans mouuoir, & n'alloiēt ne venoiēt deçà & delà, comme l'on dict du porc-epic: quād ceste beste se mou-

*Taxus est
pris pour vne
beste dite au-
trement en
Latin melis
pource qu'elle
ayme le miel.*

voit, les espines faisoient grand bruit en s'entretouchât la queüe estoit comme d'oye, mais les plumes se finissoiēt en espines, si on eust point veu le reste, on eust dict que c'estoit vne oye, le siege des plumes estoit blanc & gris, qui representoit les plumes d'oye en la lumiere. La voix estoit rauque, toutesfois le bastleur la manioit facilement, elle auoit les chiens en grâde haine, elle estoit ieune, elle ne beuuoit point, son manger estoit du pain trempé en l'eau, ie croy que ceste beste n'est engédree de beste qui soit de son gerre, ains engédree d'un porc-epic, & d'autre cōme de l'ours. Car il est manifeste que le porc-epic a des espines sus le dos, lesquelles il peut ietter hors, & les retirer dedans. On dit qu'Afrique le produit, maintenant il est en France & en Italie. Les espines sont longues d'une palme, tresagües, polies, distinctes de blanc & noir. Les espines sont semblables à celles d'un herisson, mais celles du herisson sont plus petites par tout le corps, & ne peuuent estre ietees & retirees. Et le herisson est trop plus petit que le porc-epic, & s'assemble en monceau. Mais il est né pour le salut de l'homme, car par siccité & temperament il subuient au foye, aux reins, à la vessie, au ventricule, aux poumons. La brebis directement luy est opposite par sa toyson molle. La sterilité des pastures augmente la subtilité de la laine, dont parle Virgile.

Le porc-epic.

Le herisson.

L'utilité des brebis.

Au 3. des Georgiques.

Si tu as soing & cure de la laine,

Premierement du bestail soit lointaine

Forest spinense, & bardane, & chardons.

Fuy les pastis nuysans par leurs gras dons.

Pour ceste cause la laine d'Angleterre est maintenant prisee, comme estoit iadis la laine de Milese. Pourtant de rechef Virgile dict.

La louange d'Angleterre.


Les Nymphes la cueilloient entour les toysens de Milese.

Donques Angleterre est maintenant celebree pour cause de la laine. Et n'est de merueille, veu qu'Angleterre ne produit beste venimeuse, ne qui face facherie aux brebis, fors le regnard, & le loup au tēps passé: maintenant les brebis vont seurement aux champs, les loups exterminiez, Les tropeaux appaisent leur soif de la rou-

see du ciel, ils ne boient autre chose, pource que les eaues sont illec mortiferes aux brebis. Et pource que plusieurs vers abondent à la pasture humide, la multitude des corneilles est tant grande illec, que pour semer les fruits on donne par le cōseil public certain salaire à ceux qui les tuent, car là où est la pasture, illec sont les bestes qui en sont nourries, & lors grandement seront multipliées, quand la pasture est par tout en abōdance. Angleterre n'a de serpens pour trois causes, car peu de serpens y peuuent estre engendrez pour le grand froid, & pource aussi qu'Angleterre est bien labourée & habitée, les serpens illec engendrez sont exterminés. Or depuis qu'une fois elle en a été exempte, ils n'ont peu y venir d'autre part, la mer les empeschant, entendu que Angleterre est vne isle. La raison est presque semblable pourquoy les loups n'y sont plus.

Pourquoy
multitude des
corneilles est
en Angle-
terre.

Pourquoy
les serpens ne
sont en An-
gleterre.



Cecy est mer-
veilleux q̄ i'ay
ouï de plusieurs
en sorte que ce
seroit chose pl^e
impudente de
non croire la
mèterie par tāt
de tēsnoings, q̄
de soustenir la
verité cōtre l'au-

thorité d'iceux: le poisson de fleuve dict vulgairement loup, en Latin *lupus*, que les Italiens appellent *lucius*, le vulgaire l'appelle vn brochet, son ventre estant diuisé pour monstrier le lait, puis recousu, & reietté aux viuiers entre les tenches, est guarý par l'humeur d'icelles, quand ce poisson se frote le ventre à icelles. Cecy toutesfois à la cause manifeste, entendu que les entrailles ne sont blessées, & que l'humeur est glutineux, aussi que l'air n'est illec préparé à corruption. Et ie ne scay si on pourroit en faire autant en Italie. Quoy? afin que ie retourne à l'histoire des brebis, qu'est-il plus admirable à cause des regions, que la queue des moutons croist tant grande aux regions chaudes, que Jean Leo

Du poisson
dict *lucius*:
vulgairement
brochet.

recite auoir veu en Asie cité d'Egypte vne queüe de mouton de quatre vingts liures: aucuns referēt en auoir veu de cent cinquante liures. Cela est vulgaire d'en voir croistre iusqu'à quinze & vingt liures. I'en ay veu vne qui pouuoit bien estre de trois liures. Et en nostre pays la queüe souuent est plus grande que les moutōs. Cecy aduient, pourtant que le moutō est humide & froid entre les bestes de quatre pieds. Et pourtant que les autres os ne peuuent s'estendre, de peur que toute la beste ne soit opprimee par sa gresse, nature trāsmet l'humeur en queüe, & est de chair de gresse faicte grāde, mesmemēt les os & les nerfs grandement estendus, lesquels humides naturellement, comme les poissons, sont tousiours aptes à croistre. Aussi n'est-ce pas chose admirable que aucuns moutōs ont quatre cornes? Il m'est aduenü d'en auoir veu: toutesfois cecy est de moindre admiration que ce qu'Aristoteles recite vne cheure auoir esté veüe qui auoit vne corne à la cuisse. Certes cecy est aduenü par la faute de nature, & par l'abondance de la matiere apte à faire les cornes: or en ce que la teste est imbecile, nature a mieux aimé diuiser la charge, que de trop charger le mouton. Il est aduenü quelquefois qu'un belier est engendré avec vne corne au milieu du front, cōme en la metairie de Pericles, quād il presidoit aux affaires des Atheniens. Les aruspices prononcerent que c'estoit vne future confusion de toutes choses, & la diminution du potentat de la ville. Et cecy non sans cause, car deux cornes naturellement separees s'estoient assemblees en vne, le nombre des armes diminué: & cela estoit aduenü à la metairie de celuy qui presidoit.

Cecy aduint sus le vray poinct: premierement pource que par la cruelle guerre de Peloponnesus, la famine, puis la peste tres-vehement en ensuyuirent, & sinablement la seruitude. Mais Anaxagoras finemēt couurit la chose, par la suasion, ie croy, de Pericles, qui estoit son disciple, disant cecy estre aduenü, pource que les ventricules du cerueau s'estoient assemblez & mis en vn: & le belier mis en pieces, Anaxagoras monstra qu'il estoit ainsi. Mais si ce estoit aduenü pour ceste seule chose, la corne deuoit se mōstrer en son temps, non pas lors que

*Les moutons
de quatre
cornes.*

*Vne cheure
ayant vne
corne à la
cuisse.*

*Vn belier
ayant vne
corne au mi-
lieu du front.*

le belier fut né. Puis rié n'empesche les causes estre propres aux erreurs de nature, & estre presages du futur. Pourtant comme le changemét de toutes choses est alternatif, ainsi est il de philosophie, sçavoir est, au detrimét & au salut du gerre humain. Pour ceste cause ie ne m'embahy, si quelquesfois Nero a chassé hors de Rome les philosophes, côme i'ay dict à la louage de luy: car la sapience d'aucuns n'est pas plus salutaire que pernicieuse pour leur auarice. Et philosophie en vn cœur de praué n'est autre chose qu'un cousteau entre les mains d'un larron. Quel bien apporte un philosophe, enseignant aux princes & au peuple que le monde est éternel, que l'ame est mortelle, que la prouidence de Dieu est nulle? N'est-ce pas autant côme si l'on disoit, baille à vsure publiquement, sois adultere, meurtrier, empoisonneur, traître, bref ose cōmettre tous maux, mais qu'il te soit licite ce faire secrettement. Doncques le belier fol a bien pourueu aux affaires des Atheniens: double sapience. sçavoir est, du duc & du philosophe, a destruit le pays. Ne t'esmerueille si i'ay dict le belier estre fol, car les bestes qui ont l'ongle du pied fendue en deux, sont plus simples que celles qui ont le pied solide & entier, & ces dernières sōt plus simples que celles qui ont des doigts aux pieds. Car il est vne differéce des bestes prises de la propre nature des pieds, aucunes ont les ongles entieres, dictes solipedes, aucunes les ont fendués en deux, aucunes ont des doigts. Aucunes des solipedes sont robustes qui ne endurent grand labeur, comme les cheuaux, aucunes endurent grand labeur & ne sont robustes, côme les asnes, les autres endurent le labeur, & sont robustes, côme les chameaux. Afin que les asnes fussent patiens du labeur, ils sont faicts stupides: ils ne mouillent beaucoup la gueule en beuuant, pour cause de l'ombre que font leurs oreilles, & les voyas fort grâdes en l'eau, ils craignent que leurs oreilles ne se mouillent, & que l'ombre des oreilles ne blesse leurs yeux. Outre l'asne est naturellement sec, & pource il n'aime l'eau. L'anesse porte l'anon vn an, pource que l'asne vit trêre ans, vray est que rarement il accōplit le propre cours de sa vie, pour cause du grâd labeur. Il luy est cōmun avec le cheual, le cerf, le

*La louange
de Nero.*

*Pourquoy les
asnes sont stu-
pides.*

*Pourquoy les
asnes ne met-
tent le muse-
au fort auant
dedans l'eau
en beuuant.*

Les cheuaux.

dain, mesmemēt avec le chameau de n'auoir de fiel. Tous
 tesfois le chameau l'a indiscret. La cause est, afin qu'ils
 ayēt la chair plus seche & plus patiente du labour. Les
 cheuaux sont plus genereux & excellens que les asnes,
 toutesfois ils sont moins secs, & pource moins patiens
 du labour. Ceux qu'on appelle barbares, sont treslegers
 par la nourriture, & sont engendrez en Afrique. Car A-
 frique produit des iumens, lesquelles faictes agrestes
 pour la crainte des bestes sauuaiges s'exercent tous les
 iours: puis ceux du pays nourrissent du laiēt de femelle
 des chameaux, les poulains mis hors du laiēt de la iu-
 ment, quād les poulains sont grands, ils sont nourris de
 paille, & de fouerre: ainsi les cheuaux deuiēnent tresle-
 gers par la viāde, par l'air, & par l'exercice. Ce pourroit
 estre fait en nostre pays, mais apres plusieurs mutatiōs:
 les cheuaux nourris du laiēt de biche profiteroiēt beau-
 coup: car les esprits, nō seulemēt les corps sont muez par
 alimēt. Ceste beste a le sentimēt de gloire, & de faire de
 uoir. Ils recitēt que les cheuaux sont en l'Isle Hibernie
 de tant bōnes mœurs, & tant dociles, qu'ils s'accōmodēt
 en la part où ilz pourront le mieux receuoir celuy qui
 mōte dessus. La grande dilectiō de lignée, est l'indice de
 la prudence des cheuaux: car il n'est aucune beste qui
 ayme autāt sa lignée q̄ la iumēt ayme son poulain. La fin
 de la vie d'iceux est incertaine, pour cause des labours,
 aucūs sont paruenus iusqu'à cinquāte ans: toutesfois il
 excedēt raremēt trēte ans. Les iumēs viuēt le plus long
 tēps. Aristoteles a escrit qu'une iumēt a vescu iusqu'à 65.
 ans. Ces deux gerres de bestes se joignēt ensemble, pour
 la similitude de leur nature, cōme si nature qui fait tout,
 procureroit le profit de l'homme: & les mulets sont en-
 gendrez par la patiēce des asnes, & par la force des che-
 uaux. Les asnes sauuaiges, qui sont dits onagri, sont plus
 frequēs que les cheuaux sauuaiges, desquels la chair est
 recommandee entre les viandes: car la chair des asnes
 (mais qu'ils soient ieunes) approche à la chair de veau,
 nō visqueuse, ny abominable, cōme celle des cheuaux.
 Certes impropremēt ils appellent asne sauuaige les be-
 stes armees de lōgues cornes, & de crigner, bestes laides
 qui sont dictes bilontes, vulgairēmēt beufs sauuaiges. Ils

*Les asnes
sauuaiges.*

ne pouuoit donc estre plus de trois sortes quant au gerre, quant à l'espece rien n'empesche: car Aristoteles escrit plusieurs de mesme gerre fecons en Phenice: toutesfois les bœufs sauuages ont plus ou moins d'alegresse, de force, d'agilité, ou de patience pour soustenir les labeurs. Le chameau est le plus excellent de tous: le chameau d'Afrique a vne seule bosse, celuy de Bactre en a deux, i'ay veul vn & l'autre. Ceux d'Afrique sont presque semblables en couleur aux asnes: ceux de Bactre sont de couleur rousse. Les chameaux ne sont proprement solipedes, mais ils ont les ongles presque fendues en deux, non toutesfois exactement, mais le pied exprime quelque effigie polie de cinq doigts, charnu en la part du pas, pour ceste cause le chameau est inutile pour ceux qui cheminent par les lieux pierreux. Or neantmoins, qui est chose admirable, qu'il n'ait des cornes, seul n'a les dents anterieures, de la machouere d'en haut, comme le cerf & le bœuf. Il rumine ainsi que fait le cerf & le bœuf, ce qui luy est necessaire: car les bestes ne ruminent pour ceste cause qu'elles ont des cornes, mais pource qu'elles n'ont les dents anterieures en la machouere d'en haut, que le chameau mesmement n'a point. Il rend son vrine par derriere, ou il a le membre genital: il hair de haine naturelle les cheuaux: il est haut presque comme l'Elephant, mais il est trop plus gracile. Quant à la grandeur, elle n'est semblable, car ils differēt moult entre eux, en sorte que selon ceste difference de grâdeur ils en sont trois gerres. Les plus grâds qui n'ont qu'une gibbosité, sont appelez hugium: les plus petits sont dits raguahil, qui cheminent cent mil pas chacun iour: car ils sont treslegers, & sont plus aptes à cheminer qu'à porter fardeau. Les chameaux courent plus legerement que les cheuaux de Nisse, pour la longueur & distance des cuisses. Les mediocres sont appelez Becheti, qui ont deux gibbes: Les meilleurs de tous sont ceux d'Afrique: car ils sont engendrez de ceux de Bactre. Ils boiuent de cinq iours en cinq iours: & s'ils sont blesez auparauant, ils endurent la soif iusqu'à quinze iours, en partie par coustume, en partie que ceste beste est seche, en partie que nature a bien pourueu que la

Les bœufs sauuages dits bisontes, au-cis les appellent buffles, Le chameau.

Pourquoy aucunes bestes ruminent.

utilitas h. I. sicut in h. I. sicut in h. I.

beste qui vit aux deserts, n'eust besoin de boire souuent
 aux lieux, où l'abondance du boire est rarement. Sem-
 blablement le chameau est trespatient de souffrete. Et
 quand il aduient qu'il s'attenuë & deuiet maigre, pre-
 mierement il s'attenuë sus la gibbe pour cause du fais,
 & du Soleil, puis sus le dos: apres au ventre, pource que
 ceste partie est molle, & a moult de chaleur: finalement
 il s'attenuë aux cuisses, & lors il desinit. La chair du cha-
 meau est tresdelicate & douce, le lait aussi est tresalu-
 bre: il est beu comme le vin qui est destrempé d'autant
 ou la moitié plus. Le Chameau saute au son de la trom-
 pette, & semble qu'il s'esioyffe de la musique: mais c'est
 art, & coustume plustost, que le sentiment de l'armonie.
 Estant fâché de la musique, de son bon gré il est excité
 à cheminer: Quand il est ieune il est mis sus le paue
 chaud, lors qu'un homme sonne la fluste, ou la harpe,
 lors le chameau à cause de la chaleur leue les pieds: ain-
 si il s'exerce en cela tous les iours. La mesure conuient
 à telle esleuation des pieds: quand il a passé vn an en tel-
 le sorte, il leue les pieds à la musique mesuree, quoy que
 la terre soit froide, ainsi le chameau apprend à dâncer,
 Mais quelle merueille est-ce du chameau, qui est, com-
 me i'ay dit, vne beste ingenieuse, instruit par discipline,
 veu que les asnes mesmes sauent au son de la trompet-
 te? & que de leur bon gré ils se couchent sus le dos,
 quand on parle bas en leur oreille? Quand leurs yeux
 sont fermez, ils sont enfez comme s'ils auoient beu du
 vin, & ne peut on les cōuertir par menaces, ou par coup
 de baston, qu'ils voulussent se leuer: mais par blandisse-
 mens, adulations, & par l'espoir proposé pour porter
 des belles femmes, subitement ils se leuent bien dispos:
 & quand ils oyent qu'ils porteront des vieilles, ils clo-
 chent l'oreille abatue. Et quand on leur demande si les
 belles femmes leur plaisent, ils signifient estre ainsi par
 le mouuement de la teste. Outre plus ils eslitent le plus
 beau d'une compagnie. Ainsi cest asne d'Egypte semble
 peu differer de celuy de Lucian. L'histoire est vraye que
 Jean Leo d'Afrique recite auoir veu plusieurs fois au
 faubourg de la cité Chairi, dict Bobelloch, où les ba-
 steleurs tous les iours du Vendredy (car ce iour est aux

*La discipline
 admirable
 des asnes.*

Mahometistes, comme le Sabbat aux Iuifs, le Dimanche aux Chrestiens) par ce moyen extorquoyent grand argent. Et ce ne doit estre fort admirable d'instruire vn asne: car toute partie sensible est capable d'usage. Et l'asne a l'ame sensitiue. La main monstre cecy sus le luth, qui se mouue en tant de manieres sans aucune cogitation pour cause de l'usage & accoustumance. Or comment les asnes paruiennent petit à petit à telle instruction, on le peut entendre par ce qui a esté dit n'agueres du chameau, & par ce que nous monstrerons cy apres du chien. Toute ceste maniere d'instruire les bestes consiste en deux choses, en usage & cooperation. Pourtant il est manifeste que les bestes solipedes sont plus prudentes, que celles qui ont le pied fourché, & que le chameau est le plus excellent entre les bestes de pied solide, & de pied fourché. Pource non sans cause quelqu'un doutera, lequel est le plus parfait, ou le chien, ou le chameau. Certes si nous auons esgard à la longueur de la vie, le chameau approche plus de l'homme que le chien: car le chameau aucunesfois vit cent ans: la vie des chiens est finie à vingt ans: dont Homerus seint bien que le chien d'Vlysses mourut le dernier an de sa vie. Toutesfois comme le chameau rarement vit plus de soixâte ans, ainsi plus rarement le chien passe quatorze ans. D'auantage les chameaux se delectent de musique, non les chiens. Toutesfois les chiens sont plus capables de discipline. Je diray donc que l'humeur du chameau est le plus gras, & que la substance du chien est la plus subtile: & que pour ces causes l'un peut estre plus proche à l'homme que l'autre, chacun à son tour, & selon les proprietes. Vne autre doute encor suruiet, pource que le chameau semble estre fait pour l'homme, plus que pour soy-mesme, ce que nulle personne doutera estre faux, qui lira cy apres mes escrits, toutesfois il semble du tout estre ainsi. Car à quelle fin est la gibbosité sus le dos, si ce n'est pour porter le faix? A quelle fin a-il quatre genoux, veu que le cheual, l'asne, le bœuf, le cerf n'en ont que deux? car les cuiſſes posterieures du chameau sont fleschies anterieurement, comme les cuiſſes des hommes, & les cuiſſes anterieures des cha-

*Le chameau
semble estre
fait pour
l'homme, plus
qu'autre be-
ste.*

maux: & à quelle fin la carnosité, ou il s'appuye quand il
 fleschit le genouil, est-elle mise en bas, sinon qu'il peut
 fleschir les genoux, entendu qu'il a les cuisses fort lon-
 gues, & qu'il peut demeurer à genoux tant qu'il fust
 chargé: Pourtant le chameau & le chien, pour la facilité
 de viure ensemble, si aucune beste est faicte pour l'hom-
 me, ces deux semblent estre faictes pour cause de luy.
 Toutesfois, comme i'ay dit, c'est chose absurde de croi-
 re telles choses. Il est donc meilleur que nous estimons
 la gibbe estre faicte au chameau, pource qu'entendu que
 c'est vne beste viuante au desert, le lieu replet en humeur
 moult profiteroit pour porter la soif & faim. Cecy ap-
 pert, pource que mesmement la bosse & gibbosité cou-
 stumierement suruiuent aux hommes par humeur creu:
 & pource aussi qu'il est attenué premierement en ceste
 partie gibbeuse, quād il est desfaict par labeur, par pau-
 reté & par soif. La cause des quatre genoux & de la
 gibbe inferieure est, pource qu'entendu qu'il deuoit a-
 uoir les cuisses gracilles & longues, & qu'il seroit con-
 traint de faire long chemin aux lieux arides & deserts,
 pour chercher le viure & le boire, il a besoin de repos,
 qu'il ne pouuoit auoir seurement pour la longueur des
 cuisses, en se couchant comme les asnes & cheuaux:
 pour ceste cause il repose appuyé sus ses genoux, & sus
 la carnosité inferieure. La situatiō est telle au chameau
 qu'elle est à l'homme estant assis. Ces choses donc ne
 sont faictes pour cause de l'homme, ains du chameau:
 car il eut fallu que nature eut esté trop sollicitéuse, si
 pour tant brief temps de porter le faix, elle eut compo-
 sé tant de choses en ceste beste, veu que l'homme mes-
 mement eut peu satisfaire à l'incommodité de la hau-
 teur par sa prudence, par scabelles, eschelles, & par au-
 tres plusieurs manieres. Doncques les formes propres
 aux bestes sont mesmement la cause de la propre com-
 modité.

Quelqu'vn dira, Pourquoi ces bestes excellentes
 ont-elles la forme trop differente des autres? comme
 l'homme, l'Elephant, le chameau, le crocodile, & le dau-
 phin entre les poissons? Trois causes sont de cecy: la pre-
 miere qu'il faudroit ces bestes icy viure long temps,

si elles deuoient estre parfaittes, parquoy il seroit requis qu'elles eussent moult d'humeur gras: elles ne pouuoient donc auoir grande force par leur t perament, & toutefois elles auoient besoin de force, pourtant il estoit besoin de forme exquisite: la seconde cause est, pource que l'extremit  est plus dist te du milieu que n'est le milieu l'un de l'autre: car le double du milieu, ou l'extremit  est plus grande que le double: or l'extremit  est parfaite: pour ceste cause elle est moult distante des autres choses, & pource elle semble auoir vne forme peculi re: la troisi me cause est, pource que les bestes parfaittes colligent les vtilitez de plusieurs gerres, pour ceste cause elles semblent estre quasi c stituees au milieu des gerres, pourt t elles ont la forme propre   soy-m mes. Car le chameau semble estre moyen entre les bestes de pied fourch , & de pied solide, semblable sans cornes aux cornues, & outre cela il a la gibbe propre. L'homme est moyen entre les bestes de deux pieds, & de quatre: toutefois il est glabre, & sans poil, & ce luy est propre, non pris d'autre beste, si tu n'allegues les serpens ou poisons, de la nature desquels il est moult distant, ou il a vestu la nature de toutes choses, comme mesmement participant de toutes choses. Le crocodile est moyen entre les poissons, les quadrupedes & lezards: son propre est de mouuoir la machou re superieure, & d'auoir l'inf rieure ferme & immobile. L'eleph t est moyen entre les bestes cornues, & sans cornes, entre celles qui ont des doigts aux pieds, & les solipedes: il a le museau propre, & s'il faut dire, il a les dents propres, c tes fort gr des, & fort eminentes exterieurem t. Je dy ces choses mesmes du dauphin. Mais l'oraison & dispute prend autre part, & n'est ne permet s'arrester icy, si ceste seule chose ne se presentoit, que i'ay dite n'agueres, s auoir est, pour quoy les mules sont steriles. Cecy traueille Aristoteles, & autres Philosophes: quant   moy, ie ne traueille en ceste enqueste. Car i'ay declar  cy dessus que toutes bestes qui ont la generation imparfaicte, sont steriles: or pource que la semence du cheual & de l'asne different grandement, en sorte qu'ils sont aux fins extremes des bestes qui peuuent conuenir ensemble pour engendrer,

*Pourquoy les
mules sont
steriles.*

il est liquide que les bestes engendrees par la commixtion d'iceux sont steriles. Les chiens d'Inde sont moins steriles que les mules, lesquelles chiennes sont engendrees d'un tigre & d'une chienne, moins aussi le sont les chiennes engendrees de loup & de chienne. Semblablement les chiennes de Lacone engendrees de regnard, & de chienne: car celles-cy, entendu que la nature des parens differe bien peu, sont fertiles en generation, & se conuertissent en l'une ou l'autre espeece des parents par succession continue: laquelle chose ne pourroit estre, si les mules estoient steriles pour quelque cause prise de la dissimilitude des parés. Mais comme j'ay dict cy devant, ceste cause est commune à toutes bestes qui sont engendrees par generation imparfaicte, ou par putrefaction, ou par la nature de la semence du male differente du sang de la femelle. Et de ce s'ensuit vne cause generale de sterilité. Car quand les semences du male & de la femelle sont dedans les limites du temperamēt, la generation est faicte, & ce qui en est engēdré est fertile en lignee. Si les deux semences sont de contraires qualitez, elles engendrent: mais ce qui en sera engēdré, sera sterile. Si les semences sont d'une mesme intēperature, elles n'engēdreront aucune chose. Les hommes aussi sont steriles, ausquels la verge vitile ne se leue point. Et ceux-cy sont engendrez de parens vieux, si ce leur aduient de nature. Aucuns ont la semence vicieuse, cōme ceux qui sont chastrez. Donques par telle commixtion les espees sont muees, & cessent d'estre. Peut estre que les bestes dictes alces estoient de ce gerre, qui estoient du tēps de Cesar: maintenant il est incertain s'ils sont, & qui ils sont. Pareillement les chameaux d'Inde du tēps de Pausanias estoient semblables aux Leopars totalement, & en couleur, & en variété: maintenāt ils n'en sont aucuns, ou ils sont fort rares: car, cōme j'ay dict, la generation & nature de toute beste imparfaicte est inconstante. Or il est temps, apres ces choses laisseees, de venir au gerre des bestes parfaites, & celles cy ont des doigts aux pieds, non des ongles, aux pasturons: & les plus parfaites nous dōneront le cōmencemēt de nostre dispute. Les chiens sont les plus parfaicts en ce gerre, qui au

*La cause de
sterilité.*

temps passé ont pris leur origine des Loups. Quand ils sont esleuez, ils se conuertissent premierement en chiés sauuages, puis en Loups, comme les loups appriuoifez se conuertissent finablement en chiens. Pourtant vne leurette dicte *lycisca*, est d'un loup & d'une chienne: & la variété de la voix n'épésche cecy, veu qu'en l'Inde Occidentale en l'Isle Hispana, les chiens sont totalement muets: tant s'en faut qu'ils puissent vler: & mesmement quand quelques chiés domestiques vrent, ce est estimé chose prodigieuse. La rage aussi monstre que les chiens sont du gerre des loups, ie dy, la rage qui est maladie cōmune & pernicieuse aux chiens & loups: toutesfois elle est plus vehemente au loup, & toalemēt incurable, en sorte qu'un loup enragé a tué iusqu'à soixante bestes, entre lesquelles estoient plus de vingt hōmes: & vn seul de ceux qui furent mords n'en eschapa, ny aucune beste, veu que mesmement vn cheual esgratigné de l'ongle non des dens du loup, mourut: vn seul homme que le loup auoit blessé de plusieurs playes, eschappa. Ie croy que la cause fut, qu'il iecta moult de sang par les playes. Et la rage est vne maladie faicte de putrefaction seche: pour ceste cause elle est plus grande & vehemente en vne beste cruelle & sauuage, qui de soy-mesme est seche. Et toute rage, depuis que les blessez sont venus à la crainte de l'eau, est incurable. Pourtant Ouide dict,

La rage.

La definition de rage.

La rage n'est medecine, depuis qu'on craint les eaux.

La chienne est ioincte au regnard & au tigre par cōmune lignee, qui refere la forme de l'un & de l'autre. Car quand le temps de la portee du vêtre est venu, leurs petits peuuent estre conioincts & meslez ensemble, cōme il a esté dict aux arbres, & la viande leur sera cōmune. Le regnard que i'ay veu qui estoit de chienne & regnard, estoit masse, & muet: ie ne sçay si tous les autres sont tels. Nature semble auoir ioinct de faict, & apprend à l'homme ceste beste ingenieuse, pource que nature s'efforce tousiours de ioindre le semblable à son semblable: & pource que la similitude des mœurs engēdre, retient, & nourrit amitié: car le chiē seroit moleste à l'homme, sil n'estoit tant ingenieux naturellement: il est aimé de ceux, ausquels ils plaist, pour sa diligence &

*Aucuns chiens
fort cruels.*

*Vn chien d'un
sens admirable.*

*Vne beste di-
cte resoma-
cha, ou gulo,
pour sa gour-
mandise, gou-
lu en Fran-
çois.*

industrie. Les chiens sont cruels, robustes, & forts grâds en l'Isle de Corse, en partie à cause de l'air: car les choses qui sont seches de nature, croissent par l'humidité, en partie pour cause de l'exercice & nourriture. Ils ont la teste tres-grande, quant à la comparaison du corps qui mesmemet est grand. La viande, la luëte, l'air, la maniere de les nourrir, la nature les chāgent, en sorte qu'ils semblent estre differens en espee. Ils sont instruits à hayr quelques gerres d'hommes, comme jadis à Rhodes ils haïssoient les Turcs: le chien dict bezerillus haïssoit les Indiens. Bezerillus estoit vn chien qui discernoit les Indiens des Espagnols, ainsi que dict Gonzal Fernand Ouiedus. Les chiens s'enorgueillissent grandement de la chair humaine, & aguisent leurs sens outre nature: en sorte que ce chien estoit instruiet de mener ceux qui vouloient aller, deschirer ceux qui refusoient, pardonner aux prosternez & humiliez. Aucuns luy attribuent cela par la volonté & indulgence de Dieu, quant à moy ie l'attribue au māger de chair humaine, ou à la coustume, ou plus tost à l'aide des esprits malins. Car ie ne pouroy croire que tant grāde crudelité pleust à Dieu. Ce chien entendoit la voix de ceux qui batailloient, ou qui se retiroient, instruiet d'assailir, de deschirer, de tirer ceux qu'on luy monstroit du doigt, ou par nom.

La beste resomacha, autrement dicte *gulo*, nous monstre en Lithuanie qu'ils sont aucuns animaux presque en toutes regions semblables aux mœurs des hommes: ceste beste est grande comme vn chien, semblable de face au chat, semblable de dos & de queuë au regnard. Ceste beste est tant gourmande, que quand elle mange les charongnes, ayant le ventre tout plain, puis pressee entre deux arbres qui ne sont loin, l'vne de l'autre, elle reiecte ce qu'elle a mangé, puis elle retourne à la pasture. Ainsi les Lithuaniens sont les plus gourmands des hōmes. On dict que les peaux de ceste beste sont tres-belles, & si quelqu vn les porte (or plusieurs nobles les portent) outre la commune gourmandise de la nation, il deuiet gourmand insatiable. Doncques ou la peau a telle puissance, & par la chaleur de l'homme est amenee à tel effect: ou cecy aduiet quand le ventricule est

refrigeré: car le ventricule est presque infatiable, quand il a moult de chaleur non vehemente.

Or afin que ie retourne aux chiens, il n'est aucune beste tant docile que le chien. On luy enseigne la chasse, de rencontrer & d'apporter. Afin qu'il fut ingenieux, il falloit qu'il fut sec. Ceux qui ont la teste ronde, sont les plus ingenieux, & ceux aussi qui sont fort camus. On leur enseigne de tourner la broche, comme en l'hostellerie du Lyon en Padoué: car illec on en trouue plusieurs bien instruits. Mais les Espagnols, & plusieurs gens-d'armes, sçauent bien faire d'un fil ce labeur, ceste industrie, & ces œuures. Nature leur a donné vn flairer fort grand: pource les grands sont aptes à la chasse, les petits flattent leurs maistres au liét. Là où le chat a esté enterré, ou s'ils trouuēt sa peau seche, ils s'enveloppent: car ils se delectent du chat mort, qu'ils haïssioient estant en vie: toutesfois quand la peau est puante, ils la fuyent, pource que l'odeur de la chair seche, quād elle est pourrie, est fascheuse aux chiens: toute mauuaise odeur est fascheuse aux hommes. Le chien est vne beste qui se courroucé, accoustumé aux noises non autrement que les hommes. Car de son bon gré il accourt à ceux qui sentrebattent, qui s'enfuyent & qui crient, quoy qu'il ne les cognoisse. Les chiés vrilent oyant le bruiét des trompettes, & le cry des asnes, & par plusieurs autres sons qui sont grands: & l'vrlement leur est vn pleur, pour l'impatience de leur ire. Pour laquelle cause quand ils voyent la Lune, ils abayent & vrilent: pource qu'ils sont marris de la voir, pensans qu'elle les contēne. Ainsi les enfans & les fēmes plorent, quād elles ne peuuent auoir vengeance de l'iniure qu'on leur a faicte. Quād les chiés vrinent, ils leuent la cuisse, de peur qu'ils ne mouillent leur ventre, entēdu que leur membre est ossu. Cecy appert, pource que les femelles, ne les petits chiens ce ne font. Car les femelles, n'ont de mēbre, & les petits chiés ont le membre encor tant mol, qu'il peut se flechir vers la terre: ainsi en pissant, il ne mouillent leur ventre. Ils sont tant ingenieux, qu'ils sçauent eslire le cerf lassé d'être les autres, afin qu'en le vexāt, ils puissent le prendre ainsi lassé. Ils chassent & rencontrent presque de soy-

*Pourquoy les
chiés vrilent.*

*Pourquoy les
chiens leuent
le pieds en
pissant.*

mesmes : ils sont instruits pour bien flairer : aucuns flairerent les oiseaux par odeur, qu'ils disent estre bien rencontrans, vulgairement ils sont dictz braques : les autres monstrent & enseignent les lieures & cerfs, qui sont les plus estimez. Aucuns sont chiens couchans, pour la rets, qui de leur regard espouuâtent les perdris & les cailles, tant qu'elles soient prises. Le commun est à tous chiens de garder la maison, d'abayer aux estrangers incogneuz, d'estre mauuais aux pauures, & à ceux qui sont mal vestuz. Ils sont instruits petit à petit pour apporter : premierement en leur iectant du pain : mais en sorte qu'ils soient contraincts d'obeyr à celuy qui leur commande, & qui les appelle : apres on met du pain dedans vne boeste, que l'on fait tenir d'un clou, afin que quand le chien vouldra prendre le pain, estant affamé il apporte la boeste quand on l'appelle, de peur de laisser le pain petit à petit il tire le pain hors du clou, afin que finalement par coustume il apporte la boeste, en mordant le clou : ainsi en la fin il apporte le fer, & par mesme maniere il rapportera les pierres & tout ce qui est difficile à estre porté. Apres cecy on met vn ais sus l'eau avec du pain, puis vn clou avec du pain : & par mesme industrie le pain est mis avec le clou fiché à vne muraille, afin que le chien ne cesse tant qu'il ait arraché le clou. En toutes choses la faim est requise, maistresse de l'art, selon le dict de Perse.

Les voix deniees par nature, sont preserees par l'artifice du ventre.

J'ay instruit vn chien en six mois, en sorte qu'il sembloit estre plus docile qu'un enfant, ou plus prompt à faire quelque commandemēt, quand il entendoit le signe de ce faire. Et cōbien que le tout gist en l'industrie de celuy qui le fait & instruit, toutesfois le barbet est esleu, qui est de poil cresp, delié, & mol, tendant en bas, tels chiens semblent estre les plus ingenieux, & les plus patiens de labeur, les plus obeyssans, & qui peu abayent, comme les chiens de l'Isle Melite sont les plus plaisans, qui toutesfois ne seruent d'aucune chose, pour cause de leur paruité. La magnitude des chiens n'est certaine, ne leur entendemēt, & ne sont d'une mesme couleur, ne de mesme

*La maniere
d'instruire les
chiens, pour
apporter.*

*Les petits
chiens de l'is-
le Melite e-
stoisēt le plai-
sir des femes.*

meſme voix. Aucuns ſont preſque de la grandeur d'un beuf, aucuns ne ſont plus grands que ras : aucuns ſont muets, les autres clabaudent, & aucuns vrilent. Ils ſont rouges, blâcs, roux, noirs, de diuerſe couleur: aucuns ſont gras, autres ſont chiés courans, aucuns maigres: aucuns rudes & ruſtiques, les autres doux & appriuoifez: aucuns cruels & hardis, autres ſont timides: aucuns ſont aptes à toutes choſes, qui ſont de bons ſens, ou de bon entendement. Ainſi il n'eſt aucune beſte qui tant enſuiue la differéce des hommes en mœurs & variété que le chié.

La forme de l'Elefant.

Aucuns preferent en induſtrie & ingenieufité les Elefans aux chiens, les autres preferét les marmots. Arrianus recite auoir veu vn Elefant, le quel ayant deux cimales pèduz aux oreilles, les touchoit d'accord alternatiuement de ſon muſeau, & danſoit ſelon la meſure de l'accord, & les autres le ſuiuoiſſent & danſoient, comme luy. Les Elefans ſont miſericordieux, & adorent leur Roy, ils le cognoiſſent, le ſeruent, & l'exigent: ils venerent les eſtoiles: ils ont commiſeration de ſoy-meſme, ils recognoiſſent celuy qui monte ſus eux, & deſirent prendre vengeance de ceux qui les traittent mal: ils ſemblent auoir tout ce qui eſt requis à l'humanité, hors miſe la parole: & pluſieurs hommes ſemblent eſtre plus brutaux qu'iceux, & en diſcipline, & en mœurs.

T'ay veu l'Elefant de Marie Royne de Boheme, fille de Charles Empereur, cinquieſme de ce nom, le quel Elefant eſtoit ieune, enuiron aagé de treize ans: car les Elefans ſont en la fleur de leur aage à cinquante ans, & viuent deux cens ans: pluſieurs referent qu'ils viuent iuſqu'à trois cens ans, ce que ie penſe eſtre vray: mais rarement, ainſi qu'aux hômes deſquels cōmunément la plus lōgue vie eſt de quatre vingt ans: toutesfois aucuns viuent iuſqu'à ſix vingts ans: mais raremēt, pluſieurs excèdent quatre vingts ans. Ceſt Elefant eſtoit tant docile qu'il entendoit celuy qui montoit deſſus, non autremēt que l'homme: ſi on luy commandoit, ou ſi on l'admonneſtoit, il ne falloit ſeulement qu'une parole. Entre autres choſes, quand ſon maïſtre montoit, il flechiſſoit la cuiſſe dextre, & comme le maïſtre montoit, petit à petit il releuoit la cuiſſe: quand le baton de quoy on le regiſ-

Marie Royne de Boheme,

L

soit tomboit, il le releuoit du museau, & le bailloit à son maistre qui estoit monté dessus, qu'il aimoit tant, que le maistre l'aduertissant qu'il se cacheroit en la grâde sale, si quelqu'un dict cherche ton maistre, il alla droict à son maistre & le trouua: & l'ayant trouué, il le cheroit grandement. Quand l'Archeuesque de Milan vint illec, l'Elefant admonnesté de sa venuë, le salua en inclinant les cuisses anterieures, & la teste. Quand l'Archeuesque luy disoit, dy quelque chose, il meugla. Or maintenant il vaut mieux escrire exactement sa forme. Premieremēt il estoit tant haut, qu'un homme ne pouuoit atteindre son dos de main estenduë & cōme i'ay dict, il estoit ieune: il estoit espes comme deux beufs. Les plus grands (car selon les regions & races, ils sont grands ou petits, cōme les cheuaux, & autres bestes) ont aucunes fois autant de corporâce que vingteinq beufs. Les grands ont douze couldees en hauteur, ce que l'on peut facilement coniecturer par la magnitude des dents. Cestuy dont i'ay parlé, n'auoit les dents plus longue qu'une couldee & demie; toutes fois i'en ay veu souuent, desquels les dens quoy qu'elles fussent courbees, auoient presque six couldees, & si elles eussent esté droictes, elles eussent excédé plus de sept couldees. Loys Vertomanus recite auoir veu deux dents d'Elefant qui pesoient 325. liures. Chacun peut penser en soy, quelle deuoit estre la grandeur de la beste. Or ie reuien en nostre ordre. La longueur de l'Elefant ne respond à la hauteur: car il est trop plus haut que la proportion de la longitude ne le requiert. Il a les cuisses rondes, en maniere de colonnes, & ont des ioinctures. Les hanches descendent droictes, & ne s'estendent vers la partie anterieure, comme aux beufs: cecy aduient pource que les ioinctures des genoux sont esgales, & certes tant esgales, que si on ne voit l'Elefant plier les cuisses, on estimeroit qu'elles n'auoient de ioinctures. Et croy que de cecy est venuë vne opinion, que les cuisses de l'Elefant n'ont de ioinctures: & son allure a augmenté la suspicion: car l'Elefant chemine, les cuisses estenduës, comme s'il n'auoit de ioinctures. Et ses cuisses anterieures sōt plus lōgues. que les posterieures. Outre ceste allure, les cuisses estenduës, est argument

& signe de grãde force, & cause d'allure plus leger: car ce qui est distant de plus longue espace, est mouuë plus difficilement, comme aux lances qui sont mouuees plus difficilement en la fin, qu'au milieu: & l'angle egal reçoit d'autant plus grand espace que la supresme partie de la cuisse est loing du genouil. Les pieds de l'Elefant sont rōds diuisez en cinq doigts: mais la diuisiō est obscure, & peu aperte: ils sont plats, & sans garniture: pourtãt les Romains ont excogité le moyē de les couper, & de uiser de cōgne: ils sont larges, cōme les trãchoers de plōb ou d'estain, desquels nous vsons sur table. Le masse a tresgrand membre genital qui traîne presque iusques à terre, quoy que plusieurs le nient. La femelle a deux mãmelles seulement, qui sont tant petites qu'elles sont cachees souz les espaules. La queuē est, cōme de pourceau, selon la proportion qui est presque sans poil, fort lōgue, en sorte que le bout n'est loin de terre la largeur d'vne main. La peau, ou plus tost le cuir, est tres-dur, mesmemēt sans poil: car c'est chose tres rare, qu'vn poil ou autre soit colligē çà ou là. La peau semble toute tiffuē de claires places. L'elefãt est velu en la part supreme du dos, laquelle est aucunement gibbeuse. aupres des reins, aussi les oreilles ont du poil, & sont fort grandes, presque de deux paumes, sans forme d'oreilles, ainselles sont presque carrees: elles ont moult de poil en deux lieux, cōme les autres bestes. Vne couleur est par tout le corps brunette, entremeslé de gris, en sorte qu'ō ne peut discerner vn Elefant de l'autre, quãt à la couleur. Le col est court, la teste est à peine separee du col. Les yeux sōt fort petis: toutesfois l'Elefant voit bien elair. Le nez s'estend de la supreme partie du front, non ioinct à la teste, comme aux autres bestes, & s'estend iusques à terre, en sorte que la lōgitude du nez est quasi telle qu'est la hauteur de la beste. Aucun ne doute cela estre au lieu des narines, puisque tel nez dict *promuscis* est diuisé, cōme la *Le nez de l'e-* narine, & que l'Elefant respire & flaire par icelle. La fin *lefant, dict en* de ceste trompe est telle que le nez d'vn pourceau, sça- *Latin promi-* uoir est, la couleur, la rotōdité, la separatiō: toutesfois la *scis, est appel-* substance de ceste trompe differe de la substãce du nez: lé en *aucuns* & l'vsance en est diuersē: elle est toute composee de lieux *trompe.*

nerfs, & de cuir, en sorte que l'Elefant l'assemble & l'estend, cōme il veut: car aucunesfois il la fait tant courte qu'à peine elle est longue d'une coudee, & lors elle est fort large: aucunesfois il estant tant longue, qu'estant estroicte elle descend iusqu'à terre, non point plus grosse que le bras de l'homme: elle est toutesfois de substance, & matiere plus molle que l'autre peau: & pour ceste cause les Romains la rongnoient. L'elefant enveloppe ceste trompe de toutes parts, & ce tres-legerement s'il veut, il en attire le boire, & en prend la viande, & la met en la gueule: car il ne mange de ceste trompe: mais de la bouche, & toutesfois il ne peut manger ne boire de la bouche sans ceste trompe. La gueule donc est cachee souz la teste, semblable au museau ou le grouin d'un pourceau: mais il n'a pas des dents aux genives, & n'en a autres que les grosses, dictes en Latin *molares*, desquelles il mâge, & deux autres fort longues eminentes de part & d'autre, qui sortent de la machouere superieure descendantes vers la terre, & occupent au milieu la trompe dicte en Latin *promuscis*. Et ces dents descendent vers terre, en sorte que la part anterieure de la det est creuse, & la part qui tend vers le costé de la beste, est vne gibbe.

Pourtant la poincte tend en hault, tellement que si l'elefant leue la teste, facilement il peut soustenir vn trabe, ou vn homme de trauers au creux des dents. D'auantage ceste trompe a tant de force, que les Elefants abattent de ceste trompe entortillee vn coup ou deux, les arbres, que vingt hommes ne peuuent abatre. P'en ay vcu vn qui fouloit de sa teste ce qu'il vouloit abatre & arracher: il faide des dents, qui sont eminentes. L'Elefant a la langue tant petite, qu'à peine peut on la voir. Il y a deux voix, il en fait vne de la trompe ranque, comme d'une trompette, & vne de la bouche, comme de l'homme parlant ensemble & respirant: & pourtant Aristoteles l'appelle voix respirante, & plaine de souspir. Il est manifeste que ceste voix est accommodée pour exprimer les affections, & principalement la cōmiseration: pourtant ce n'est merueille, si les cheuaux ne craignent tant l'Elefant, que l'une & l'autre voix.

Les Indiens auoient coustume en la guerre de lier au

bout de la trompe vne espee longue de deux coudees, avec laquelle l'Elefat tuast les ennemis. Car coustumierement il cognoist à la seule voix de son maistre ceux qu'il doit frapper, & ceux qu'il ne doit ferir. Ils sont tant forts de corps, que deux ioincts ensemble attirent iusqu'à la terre vne grande nauire bien chargee. Au temps passé, & maintenant aussi les Indiens leur mettoient deux bas de costé & d'autre, en liant deux chaines de fer souz le ventre, & dessus mettoient vn chasteau de bois, ou six hommes, & aucunesfois quatorze estoient debout, bataillans de tout gerre d'armes, & bastons. Mais maintenant ce gerre de battre est aboly pour cause des artilleries, & principalement pource que les Elephans craignent le feu: pour ceste cause les Indiens coustumierement portent des torches allumees contre les Elefans, desquelles ils sont tant espouuantez, qu'ils sont plus de mal à leurs maistres en s'enfuyant, qu'ils ne font aux ennemis en bataillant. Les femelles sont plus iracondes, plus cruelles, & plus robustes que les masses, quoy qu'elles soient plus petites de corps.

Et ce qui est admirable, quād elles croissent tardemēt en ieunesse, elles commencent de faire portee à douze ans: quand elles croissent subitement, elles portent à quinze ans: & portent deux ans entiers. Le masse commence d'vser du coit Venerien à cinq ans, & ne retourne à l'acte Venerien que de trois ans en trois ans, & ne permet plus auoir affaire avec la femelle, qu'il a laissée vne fois grosse & pregnante. Quand le petit naist, il est grand comme vn veau de trois mois: & quand il chemine, il marche tant bien pas à pas, qu'il semble estre vne mule qui va l'amble, ou vn traquenard. Quand ils sont grands ils cheminent tant mollement que pour la grandeur du corps l'estomac se deuoye à ceux qui n'ont accoustumé de monter dessus, comme à ceux qui sont sus la mer, non accoustumez d'y estre, ou cōme à ceux qui sont portez dedās les chasteaux de bois. Quoy que l'Elefant chemine bellement, à peine l'homme le peut suiure d'vn pas leger. Ils prennent beaucoup plus de viande, & de boire, qu'on ne peut croire. Aux regions froides ils sont nourriz de froment cuit, & de miel, afin

qu'ils puissent endurer l'acerbité de l'air : en leurs propres regions ils sont nourriz d'herbes, de branches, & des fruiçts: pource faire on abat les arbres. Ils habitent aux lieux maresqueux & limoneux, & aux regions chaudes. Ils sont cupides de gloire: & ce qu'ils ont appris le iour, ils le meditent la nuit. On dict qu'ils craignent la voix des sangliers, comme les cheuaux les craignent. Mais à celuy que j'ay veu icy, tant ce failloit qu'il semblast que les cheuaux le craignissent, que mesmement les mules qui sont fort timides, de leur bon gré venoient à luy : pourtant i'estime que cecy se doit entendre des Elefans courroucez, & de ceux qui sont en la bataille, aussi de la voix d'iceluy.

La trompe, dicté *promuscis* & *proboscis*, a tant grande facilité de traicter & manier, qu'elle peut amasser vn denier: dont est l'adage d'Auguste: Comme si ie bailloy vn denier à l'Elefant : car il restreint en la fin la trôpe comme bon luy semble: aussi il estend aucunes parties, il retraict les autres, en sorte que l'hôme ne peut mieux prendre de ses doigts quelque chose. Les dents eminentes sont choses tres-precieuses: & la verge virile est mesmement en grâds prix aux Indiens, ie ne sçay pour quel vsage, si ce n'est pour le coit Veneriê, pource elle est fort appeteê des Roys. Quant aux dents, elles sont fort prises, pource qu'on en faiçt le meilleur yuoire: car on en faiçt de tous les os des Elefans, mais le principal est des dents eminentes: le plus vil est faiçt des os: le mediocre est faiçt des dents machoeres, dictes *molars*. Tout yuoire est tenant, solide & blanc: pourtant rien n'est meilleur pour faire des peignes. Il est tant noble & excellent, qu'il a lieu entre les pierres precieuses & l'or, quoy que l'abondance le deuroit rendre plus vil. Il est gardé en l'huile, ou en l'eau: autremêt, il se seche: estant seché, il perd premieremêt sa splendeur, puis il se cõsume: finalement il se ropt. Il est dõc engardé que l'air ne luy face mal, par la vapeur de l'huile ou de l'eau. Les dents sont les plus blanches, splendides & plus molles aux ieunes, comme elles sont en tout gerre des bestes: les vieils les ont plus grandes, plus dures, plus seches, plus noires: les dets de ceux qui sont en plaine aage, sont les meilleures

Les gerres de
l'yuoire.

Comme l'y-
uoire est gar-
dé.

aux ourages. Il est incertain si ces dents se muent, si elles se muent, seulement elles sont muees vne fois: pour ce s'est suscitée vne dispute entre Pausanias & Philostratus. Pausanias s'efforce de prouuer, que ce sont cornes, Philostratus assure que ce sont dents: certes la dispute est belle, mais inutile, en la maniere des Grecs, principalement des orateurs. Iuba & Pausanias disent que ce sont cornes: premierement Iuba dict que les cornes ne sont iamais muees, cōme aux beufs, & aux cheures, les dents sont muees. Les dets des Elephans ne sont muees, ce ne sont donc dents, ains plustost cornes. Pausanias prenant le contraire, cōclud chose mesme: car il dict, les cornes sont muees, comme aux cerfs: les grādes dents ne sont iamais muees: & mesmement les dents eminentes des sangliers ne sont muees: or les dets des Elephās sont muees, les dents dōc des Elephās ne sont dets, ains plustost cornes. Outre les dents procedent des machoires, & les cornes naissent des tēples, & les dents des Elephās naissent des tēples, nō des machoires: & Pausanias certifie l'auoir veu au test de l'Elephāt. D'auantage, les deffences du sanglier naissent de la machoire inferieure, & il est manifeste en l'Elephant, que si les dents naissent de la machoire, c'est de la superieure. Outre plus l'Elephāt aguise ses dents, cōme les Toreaux aguissent leurs cornes, ce que l'on n'a coustume de faire aux dets. Puis les dents des Elephans sont amollies & dressees au feu, ce qui conuient aux cornes: car plustost les dents sont bruslees du feu qu'amolies. Iuba & Pausanias vsent de ces cinq raisons, pour mōstrer que les dents des Elephās ne sont propremēt dents, & ne doiuent estre ainsi appellees, ains plustost cornes. L'adiouste aussi deux raisons plus certaines: la premiere que les dents des Elephās sont exactemēt rōdes, sans pointe, qui est le propre des cornes. Car les dents sont pointues cōme celles du sanglier, des chiens, & des autres bestes. Mesmement l'Elephant n'a de dents en la partie anterieure, comme il est dict, non seulement en la machoire superieure, mais aussi en l'inferieure, ce qui conuient seulement aux bestes cornues. Donc telles dents eminentes, sont les cornes de l'Elephant. Philostratus allegue trois raisons

*La dispute
de Pausanias
& Philostratus,
touchant
les dents des
Elephans.*

pour monſtrer que ce ſont dêts, nō point cornes: la premiere raiſon, qu'aucuns cercles viennent aux cornes en la racine ſelon le nombre des ans, comme aux beufs, & aux cheures, aux dêts il n'y a rien de cela, mais elles ſont polies de toutes parts, & par le nombre des ans aucun accident ne viēt aux dêts, fors la magnitude: or les dêts des Elephās ſont telles, ſçauoir eſt, polies & ſans cercles: meſmement elles ſont ſolides de toutes parts, & n'ont rien de creux, ſinō vn petit trou, qui eſt propre aux dêts. Les cornes ſont creuſes, cōme on peut voir aux beufs, Outre-plus aucune beſte n'a cornes, ſi elle n'a l'ongle fourchee, comme les cerfs, les cheureulz, les beufs, les cheures, & l'elephāt n'a ongle aux pieds, mais des doigts nō diuiſez en deux, ains diſtincts & ſeparés en cinq parties. Les Grecs blaſonnent tels propos par grāde crainte d'inconſtance & d'ignorance: car la premiere raiſon de ceux qui diſent que ce ſont cornes, eſt tant abſurde, que les auteurs prēnent argumens cōtraires pour prouuer vne meſme choſe. Iuba veut que les dêts des elefans ne ſoient iamais muees: Pauſanias veut le cōtraire, & ſi on concede l'vn ou l'autre, on ne peut rien cōclure, entendu qu'aucunes dents & aucunes cornes ſont muees, aucunes ne ſont iamais muees: cōme les cornes de cerf ſont muees, celles du beuf ne ſe muent point. Les crocs du ſanglier, diſts fulmina, ne les deux machoueres, dites molares, ne ſe muent point, & les anterieures ſe muent. Or cecy eſt vn argument de grande ſottie, que Philoſtratus diſt les dents des Elephans meriter d'eſtre appellees dents, pource qu'elles ſont ſolides, non creuſes, comme les cornes: premierement pource que toutes les cornes ne ſont creuſes, ains pluſieurs ſont ſolides, comme des cheures & des cerfs, celles des beufs & buffles ſont creuſes. D'auantage qui eſt plus, & qui argue Philoſtratus auoir eſté tant negligent à la deſcription d'vne fable, comme ſ'il n'auoit iamais veu la dent d'Elephant, qui eſt en grande abondance, en ſorte qu'il oſe dire que les dents des elephans ne ſont creuſes, veu qu'elles ſont comme les crocs des ſangliers en toute la partie, par laquelle elles ſont inferées & implantees aux temples. Or toutes dents ne ſont ſolides, ce que Philoſtratus ſuppo-

se, veu que les dents eminetes des sangliers sont creuses en la part ou elles sont ioinctes à la machouiere. Pourtant i'ay honte de la predicte sottie d'iceux, ioinct que telle inquisition n'est d'aucun profit, & n'est ce de qu'il failloit chercher en la substance de la matiere, & la solution pouuoit estre dōnee en deux mots. Car il est manifeste que ce sont dents, veu que leur substance & matiere est blanche, non perspicue, qui de soy ne peut se flechir, mais si elle est contraincte, elle se rompt. Voicy, tu as la solution vtile de ce que tu demâdes. Toutesfois elle se flechit par le feu. Je l'accorde: ie monstrey que les os mesmement peuuent estre flechis au feu, non tât facilemēt que les cornes. Il valoit mieux enquerir pour quoy l'elephant est de telle forme, & ce principalement pource que les dents du masse ont aperte cōcauité, celles de la femelle l'ont en gibbosité, comme tu vois en



ceste figure. Quant est de la femelle, ie n'en ay riē veu, mais ie croy à Aristoteles, qui certifie cecy assuremēt. Il faut donc enquerir de cecy diligemment, & ne faut penser que nature ait fait ces choses legerement, & en passant, ains avec grāde necessitē, & avec plus grande sapience. Et ce ne se peut faire sans proposer certaine fin. Or la fin est, comme ie monstrey cy apres, d'auoir la bonne perfection de nature en toutes

choses, & cecy est (s'il faut ainsi parler) estre semblable aux dieux. Et les dieux sont principalement excellens en longueur de vie, en probité, beatitude, sapience, & securité. Doncques l'effort de nature estoit qu'elle cōposast l'elephant semblable, tant qu'elle pourroit, scauoir est, en bonne perfection. Afin donc qu'il fut de lōgue vie, il requeroit grandement les principes de la vie, qui sont chaleur & humeur. Pareillement l'elephant excelle les autres bestes en grandeur, à fin que non seulement il euite la fureur des autres: mais aussi à fin qu'il resiste à la violence de l'air. Et aucune beste petite ne peut estre de lōgue vie. Car si elle est de petites parties & substance, elle est diminuee & dissipēe du batement

assidu de l'air, qui l'environne. Mais la beste de substance epesse & forte, meurt de soy-mesme, cōme le beuf. La magnitude est accommodée & dōnée pour la sùreté, ainsi que la bonté du temperament est nécessaire à la sapience, à la longue vie, & à la probité. Or à fin que l'Elephāt eut chaleur & humeur abondāt, il a fallu qu'il nasquist aux regions chaudes, & qu'il habitast aux lieux maresqueux, dont il aduient que l'Elephant seulement est troué aux Indes, & en Afrique: car ce sont regions treschaudes: & les Indiens ont trop plus de force & de corporance que les Afriquains, & pource que l'Inde a abondance d'eaux, & Afrique est plus aride & sèche. Il a fallu que l'Elephant fut nourry des plantes, fruits, & herbes, autrement il n'eut peu estre bōne beste: car tous les animaux qui sont nourris de chair sont iracōs, fraudulens, cruels, & superbes. Outre plus il eut fallu moult de viande à tant grande masse de corps, tellement qu'il eut esté contraint, ou d'auoir tousiours faim, ou de deuorer les autres bestes. Mesmemēt il luy eut esté nécessaire de tousiours courir à poursuiure les bestes sauuaiges, qui eut esté chose incommode à tant grand corps. Mais pōurtant que les herbes sont de petit alimēt, elles luy eussent rendu la vie briefue, comme dict Hippocrates, pōrtāt il estoit requis que l'Elephāt fut nourry des grosses branches & des fruiets. Aucunesfois moult de terre & de grauiers est entremeslé à ces matieres: pour ceste cause il estoit nécessaire que le corps de l'Elephāt ne fut offensé en les mangeāt, autrement il eut esté tousiours malade. Quād donc il deuore la terre ou les pierres, il n'en est offensé. Or les fruiets & les branches des arbres souuent sont tāt haut, que la beste n'est assez grāde pour y atteindre: pōurtant nature a dōné à l'Elephāt la teste, la trompe, dictē promuscis, & les dents fort dures pour abatre, les arbres. La lōgueur de la trompe, dictē *proboscis*, ayde à cueillir les fruiets, & à rompre les brāches, de peur que l'Elephāt ne fut cōtrainte d'abatre tous les arbres, ce qui luy eut esté laborieux, dōmageable, & nō seulement à luy, ains aux autres bestes, en leur ostāt la nourriture pour l'aduenir. Afin qu'il se defendist cōtre les lions, nature luy a donné des dents, car les cor-

nes luy eussent esté inutiles pour deux causes, en partie pource que les Elephans sont cōtraints flechir le col, en partie pource qu'ils ne verroïent tant bien leur aduersaire. Or le flechissement du col requiert longitude: à fin donc que le col fust tres-robuste & fort, il falloit qu'il fust court, & non flexile: pourtant les Lyons rarement flechissent le col. Mesmement le col court est vn signe à l'homme, qu'il est fort de nature. Donc nature a fiché les dents au deuant: & à fin qu'elles fussent tres-fortes & commodés, elles les a inferées & fichees nō aux machoeres, mais aux temples. Car la machoere inferieure seule est mouuee en mangeant, les dents superieures ne sont iamais mouuees, quoy que plusieurs ne le cognoissent, mesmement en soy-mesmes. Si donc les dents eussent esté implantees à la machoere inferieure, elles ne eussent peu auoir grande force pour cause de la paruité, & eussent esté en peril de luxation aux grands efforts, & grandement eussent trauaillé, & tardé l'Elephant quand il eut mangé. Et pourtant que moult de matiere estoit requis à composer tant grandes dents, nature a osté à l'Elephant les dents anterieures tant superieures qu'inferieures, à fin que de celles-cy elle composast les autres. Et pource que l'Elephant estoit empesché des dets qu'il ne peut mettre la bouche sus terre, & mesmement empesché de ce faire par la breuité du col, & pource aussi qu'il n'auoit les dets anterieures, pour ces causes il ne pouuoit prédre la viande sus la terre, ne le boire aux fontaines: nature a secouru à toutes ces choses par la trompe longue & creuse, qui prend & apprehende toutes choses, comme la main, aussi elle y a pourueu par le cuir ferme, & par les nerfs, par liens & cartilages: & pource nature a fait, que ceste trompe est retraicte, estendue, & entortillee de toutes parts, quand il plaist à l'Elephant: pourtant il en chasse, & de la queüe aussi les mousches & les guespes. Mais pource qu'en telles regions il y a abondance de telles meschantes bestes, plus que l'Elephant ne pourroit chasser de la queüe, ou de la trompe, aussi pour quelques lieux sus l'Elephant, que la queüe ne la trōpe peut atteindre & toucher commodément, nature dōne secours à ces incōueniēs par deux ma-

La machoere inferieure seule est mouuee en mangeant.

nieres, par la peau qui se ride, par laquelle l'Elephant puisse frapper les mouches prises, puis afin que la peau fust tresdure & espeffe, ce qui est non seulement tres-vtile, ains necessaire pour reiecter l'intemperature de l'air, & pour auoir seureté alencontre des Lyons, & autres grandes bestes. Dont il est aduenu qu'il n'estoit bon de produire du poil sus tant dure peau, car la matiere du poil tournee en peau la rend plus dure, & pource le poil n'estoit necessaire, lequel eut apporté grâde incommodité à l'Elephant qui habite aux lieux maresqueux: pourtant le cuir ainsi despouillé de poil reluit, & est tost sec. Et pource que l'Elephant n'a les dents anterieures, il a esté besoin que la langue fut petite, & cachee interieurement, pource qu'elle deuoit seruir aux dents machelieres, pareillement aussi si elle eut esté grande, elle eut empesché que la trompe n'eut peu donner la viande iusqu'aux dents machelieres. Mais pource qu'il estoit besoin à longue vie de bien macher, & pource que les dents anterieures n'estoient aucunes, la viande n'eust peu estre rompue ne couppee, nature a composé les dents machelieres toutes fortes, & tant commodément, que tesmoing Aristoteles, l'Elephant redige incōtinent toute viande en farine. Nature aussi a pourueu que le petit fan fust porté long temps en la matrice, en partie pour la longue vie, en partie que la longue vie a esté cause que la femelle peut engendrer plusieurs petits, quoy qu'elle les porte deux ans. Et n'est aucune beste qui puisse viure long temps, laquelle n'est gueres portee au ventre de la mere. Les yeux sont petits, afin qu'ils fussent hors du danger des coups, entendu que l'Elephant ne peut les cacher. Les yeux ne peuuent estre cachez, pource qu'estans colloquez aux costez, ils n'eussent peu voir ce qui se fut offert par deuant, il estoit necessaire qu'ils fussent aux costez, de peur qu'ils ne fussent blesez par l'effort des dents, & pour la propinquité de la trompe, ainsi l'Elephant eust esté auëgle auât sa vieillesse, aussi pource qu'il deuoit viure long temps. Et pourtant que nature estoit contrainte de faire la teste grande pour la force, & pour cause des dents elle a composé laide, & sans rotondité, & quelque addition qu'on eust peu faire à la

teste pour ornatu^re, elle eust trop augmenté : pource les Elephans ont la teste laide. l'ay parlé de la longue vie & securité de l'Elephant, qui sont iointes avec grande force. La sapience de l'Elephant procede du temperament, qui est augmētée & corroboree par la longue vie. Pourtant les Elephans vicils sont les plus sages, & mesmement leur race. Et aucune beste de vie briefue ne peut estre fort sage. Pour ces causes le chameau, l'Elephant & l'homme, sont bestes tres sages : & par ceste longue vie ils sont plus excellēts que tous autres animaux. La bonté procede & vient de la sapience, ce que i'ay monstré aux liures de Sapience. Et la bonté & proprieté est de mesmes causes, comme i'ay dit, que sont la longueur de vie & la sapience. Et afin que l'Elephant fut heureux, nature y a pourueu par probité & sapience : afin pareillement qu'il aimast cōgregation, qui luy est chose moult vtile pour son salut. Car les bestes seules vagabondes sont malheureuses : & toute felicité qui est hors de contemplation, est acquise par cōuersation des vns avec les autres, par laquelle nous defendons noz bien-amez, & les entretenons, & mutuellement nous sommes aimez d'iceux. Il est donc manifeste pourquoy nature a fait l'Elephant tres grand, robuste, de longue vie, tres sage, doux, en seureté, & le plus heureux de toutes les bestes, pource que de ces choses, cinq parties estoient de la suprême perfection à l'imitation de la tres haute, qui est en Dieu : les autres deux estoient necessaires aux cinq. Par cecy il appert que l'homme est d'autre gerre, & distinct de la nature de toutes bestes, & est quelque chose immortelle : car nature a donné à l'Elephant la suprême perfection, qui pouuoit estre faite de matiere mortelle. L'Elephant semble auoir quelque similitude avec le pourceau, par la queuē, par le museau, qu'aucuns appellent trompe, en Latin *proboscis*, par la peau, par le temperament, & les mœurs : estant irrité il est cruel, autrement doux : & les pourceaux s'assemblent en mōceaux, & aiment les lieux maresqueux, & ont les yeux petits. Toutesfois les pourceaux ont le pied fourché, les Elephans ont cinq doigts non diuisez, ains petitement discernez. Les Elephans n'ont les dents anterieures : les pourceaux

*Le toreau
d'Inde est dit
Rhinoceros,
c'est aussi un
oyseau en
Ethiops.*

*Une beste di-
cte monoceros
anciens l'ap-
pellent vul-
gairement ve-
ne Licorne.*

*D'une gran-
de beste en Se-
ptentrion.*

ont deux crocs en la machoïere inferieure, non en la superieure, ny aux temples. L'Elephant a grand inimitié avec le toreau d'Inde, dict rhinoceros. Ce rhinocere est presque autant grand que l'Elephant, les cuisses plus courtes, de couleur de bouys, tout armé naturellement d'escailles en la maniere de bouclier. Il a en l'extresme partie du front, iouxte la signification de son nom, vne corne de lógueur d'vne paume, tresdure, ferme, droicte, & fort agüe, qui retourne vers le front, laquelle il aguise quand il veut iouster. Aucuns d'iceux ont mesmement vne autre petite corne sus le cuir du dos. On dit que l'an 1513. le premier iour de May, vn fut apporté au Roy de Portugal, lequel deux ans apres le Roy pour vn spectacle le mit en Vlysipone contre vn Elephant, que le Rhinocere surmonta. Ainsi nature n'a voulu aucune beste estre totalement exempte de danger: car le Rhinocere seul agite l'Elephant, & aucuns aussi adioustent le serpent: mais la societé sauue l'Elephant, & le deliure hors des deux, & n'est en peril, si ne se separe du troupeau pour quelque cause. Pausanias a veu le Rhinocere, Plin ne l'a cognu. Aristoteles ne l'a veu. Il est manifeste qu'il differe du Monoceros, avec lequel conuient seulement en similitude du nom. Et le monoceros est vne beste rare, grande comme vn cheual, de poil semblable à la couleur de blette, vne teste de cerf, où il y a vne seule corne, longue de trois doigts au milieu du front, droicte, ample en bas, tendante en poincte: le col brief, le cin rare, qui pend seulement en vn des costez, les cuisses menues, & heronniere comme au cheureuil, la partie exterieure, des cui. les posterieures a moult de poil, l'ongle est fourché: en general, si quelqu vn regarde à la nature du cerf, il luy est semblable, fors la corne: ceste beste est fort cruelle. Elle naist en Ethiops aux deserts, & en orde terre, mesmement entre les serpens: & croit-on que sa corne est merueilleusement contraire au venin.

Par contraire qualité de l'air vne grande beste naist en Septentrion, semblable au cerf, les cuisses anterieures plus longues, ayans le museau chainu, courtes toutefois, de laquelle l'ongle est estimé guair les epileptiques, c'est à dire ceux qui sont malades de maladies ca-

duques, si on la pend au col. Car quand ceste beste est malade de ceste maladie caduque, à laquelle elle est subiecte, elle ne s'en reuiet, que premier elle n'ait mis à son oreille l'ongle du pied posterieur, lors elle est incōtinent excitee, & deliuree de ceste maladie. Ceste beste est timide plus qu'on ne peut eslimer, & meurt de la moindre playe que lon peut faire. Car elle a le cœur tresfroid, & le cerueau non seulement froid, mais plein de pituité. Elle a les cornes fort belles, semblables presque à nulle beste: elles sont espesses & grosses en bas, plus larges qu'une paume, là où elles commencent à monter. Ceste beste est frequente au peuple de Septentrion, dictés Daci, & aux regions finitimes & proches: & vulgairement on l'appelle la grāde beste. Elle est moult differente de la beste dicte Laces, qui est comme Cesar la d'escrit, semblable au cheureau, ayant la peau maculee & mouchetee, & a les cuisses sans ioincture. Toutesfois nous en voyons quelques ioinctures, & la peau semblable au cerf, mais nous en parlerons cy apres. En Ethiopie naist vne beste qui a la partie anterieure semblable au regnard, la queuē & la part posterieure semblable à vn marmot, les pieds anterieurs, comme ceux de l'homme, les oreilles de chauue-souris, qui a vne bourse souz le ventre, où elle porte ses petits, & ne les laisse iamais, si non quand elle veut les allaiter. Aussi l'inae Occidentale produit vne beste dicte *chiurca*, du gerre des blettes, qui pareillement porte ses petits avec soy.

Senblablemēt en Ethiopie est vn gerre de bœuf, qui a le poil brunet, & les cornes semblables à celles de cerf. Mais si je vueil reciter tous les gerres des bœufs, il faudroit vser d'oraison plus proluxe que cest œuure ne requiert. N'agueres la Roynne de Boēme en faisoit mener deux d'Espagne; delectee, ie croy, de la grandeur des cornes, car les cornes d'un estoient longues de deux coudes, & d'auantage. Autres bœufs sont dictés *bomasi*, de semblable gerre, desquels Aristoteles recite l'histoire. En Italie sont bœufs noirs, de cornes noires, bonacs pour mettre en œuvre, les habitans les appellent buffles; ils ne sont par toute l'Italie, mais seulement au delà d'Apennin. Ils sont fort agrestes, en sorte qu'on les

Vne beste mō
struense.

La beste di-
cte chiurca.

Les bœufz
d'Ethiopia.

mene seulement d'un anneau de fer mis au trauers des narines: & quand ils sont vieils, à peine peut on manger de leur chair: ainsi ils different du commun gerre des bœufs. Qu'est-il besoin de tarder tant en ces bestes? Il vaut mieux sçauoir la difference des bestes qui ont cornes, leur vsage & nature, en repetant le commencement plus profondement, comme il est decent. Et pourtant que i'ay monstré cy dessus, que toutes bestes nourries d'herbes ont les dents obtuses & mouces, pour ceste cause leur nature qui n'aime la chair, est inepte à se defendre des dents: pource nature les a armées, aucunes de cornes, aucunes d'ongles & griffes espesses & grosses. Or ia nous auons parlé des ongles & griffes, il reste que nous monstrions les bestes munies de cornes, aucunes de cornes solides, aucunes de cornes creuses. Les bestes qui ont des cornes creuses, en ont deux, comme les bœufs: celles qui les ont solides, aucunes n'en ont qu'une, cōme monoceros & rinoceros, aucunes en ont deux, comme les cheures & les dains: aucunes en ont plus de deux, comme les cerfs, & celles qui sont de leur gerre, comme le cheureuil: car les cornes des cerfs qui sont rameuses, sont receuës & prises au lieu de plusieurs. Il faut premierement monstrer cecy. Lors que nature proposa de faire les cornes, si elles eussent esté esparles par tout le corps, elles eussent esté inutiles pour se defendre, si elles eussent esté plus de deux: puis elles n'eussent esté au pres des oreilles, & les oreilles naturellement sont seches: & les autres sens eussent esté empeschez par la matiere des cornes: pour ceste cause aucune beste n'a plus de deux cornes, exceptez quelques moutons, dont i'ay parlé cy dessus. On dit que les bestes dictes *rangifers*, ont trois ordres de cornes, & les cerastes en ont sept: Plinè dit qu'elles en ont huit: certes aucuns limaçons en ont quatre, deux longues, & deux courtes, & toutes se retirent interieurement. Plus de deux cornes sont à quelques gerres des insectes, elles sont données aux limaçons pour faire esprouue, aux cerastes pour deceuoir, & tandis que le corps est caché en l'arene, les cornes sont eminentes, comme le germe des reiectons: & ces cornes ne sont données pour la defense ne bataille. Vne mesme raison

Pourquoy les bestes ont diuersité de cornes.

Ceraste vaut autant à dire comme cornu: selō plinè c'est un gerre de serpent.

des

des cornes est aux bestes qui sont dites insectes, finõ de la bataille & lucte, exceptez quelques gerres d'escharbos. Il est certain que ces escharbos, aucuns les appelle cerfs volans: & autres bestes n'ont que deux cornes, si aucunes sont qui se defendent des cornes: & les cornes de ce gerre d'escharbos sont mobiles. Il faut estimer qu'ils sont plusieurs gerres des bestes dites rãgiferes, non seulement pour la rarité, ains pource que ces bestes ont deux cornes de cerf, deux de cheureuil, deux de cheure, ou de dain. Il faut croire que ces bestes sont engendrees du coit des bestes de diuerses especes. Or afin que ie retourne à ma premiere diuision, les cerfs ont les cornes rameuses, & mesmement les tarãdes de Scythie, les cheureuils ont aussi les cornes rameuses, & sont estimees estre au lieu de plusieurs. Et toutes bestes qui ont les cornes ramees, en ont quasi plusieurs: telle est l'intention de nature: & ces bestes ont les cornes solides & dures, & sont timides, fortes, & legeres du pié. Il faut prouuer cecy par demonstration. Or en toutes demonstrations nous deuons prendre trois suppositions.

La premiere est, que nature a parfaict tous les membres de sa diuision, tant qu'il luy a esté licite, autrement elle n'eust esté sage. Car entëdu que c'estoit le decret de nature d'orner le monde, elle n'eut peu mieux le façonner, que de faire tout gerre de bestes, qui est contenu souz la premiere diuision, non autrement que si quelqu'un plantant un iardin, l'orne des fleurs de toutes sortes. La seconde supposition est, que la nature des bestes, qui n'est tant bien munie qu'elle puisse se soustenir, necessairement defaut: & pource ne restoit aucune espece de telles bestes: doncques toutes especes ont tãt de munimët qu'il puisse suffire à leur tutele & defense. La troisieme supposition est, que les bestes ont esté engẽdrees pour cause de soy-mesmes, & pour l'ornature de l'univers. En supposant cecy, veu que c'estoit la deliberation de nature faire les bestes munies de cornes, quasi comme d'arbres, & de parfaire le premier membre de la diuision, il a esté necessaire n'estre plus de deux cornes, mais ramees: & les ramees sont dures & solides, de peur qu'elles ne se rompissent: car entëdu qu'elles n'ont vie,

Les rãgiferes.

Taranda, ou tarandula est vn gerre, de lesard.

Les bestes qui ont les cornes ramees sont timides.

M

autrement il eut fallu qu'elles eussent eu veines & artères: & pource elles eussent esté molles: & estans molles, elles n'eussent esté aptes à lucte: elles ne pouuoient se fleschir: pour ceste cause necessairement elles ont esté dures. Et toute chose molle est inepte contre les efforts, si elle n'est flexile: & la chose flexile est humide & viuante, comme sont les rameaux des arbres. Pourtant le bois ou il est sec quand il ne vit, ou il est flexile, quoy qu'il soit dur. Les cornes donc seches & dures, necessairement sont solides: car d'une chose creuse rien ne peut estre solide: & ce ne peut estre creux qui est ferme & solide.

Donc les cornes ramées sont solides, seches & dures. Pourtant entendu que la matiere des cornes procede du cerueau, & est engendree du sang, les bestes cornues auront le sang & le cerueau sec, & plein de moult d'element terrestre. Or j'ay monstré que cel humeur est cru: pource toutes telles bestes sont folles & timides: & ce sont les afflictions de melancolie abondante au cerueau ou au sang. Entendu donc que ces bestes sont folles & timides, il falloit qu'elles fussent fort legeres pour se conferuer: car, comme j'ay dit, les bestes qui ne peuuent estre gardees, ne constituent aucune espece. Et ces bestes sont rendues legeres par coustume & par crainte.

Or les bestes qui sont armées seulement de deux cornes solides, sont folles & timides, & ont les cornes dures & seches: non toutesfois tant timides ne folles que les autres: & celles-cy sont mesmement legeres pour les causes predites. Plusieurs sont de ce getre, les cheures, les dains, le capricorne de couleur grisé viuant au coupeau des motagnes: & s'il ne vit aux lieux froids, il deuiet au egle.

Les cornes du capricorne aucunesfois ont 18. espaces entre les noeuds, & chacun noeud, comme lon pense, signifie vn an. Aucunesfois la magnitude des cornes surmonte le pois de quatorze liures, dont on fait des vaisseaux delectables pour boite. J'ay veu en la ville Sicinum, & au village de saint Maurice, & aux Sedusiens, & aux Antuaites vn capricorne. Les capricornes sont bestes fort noires. Les dains sont legers, semblables aux cheures, en Germanie ils ont les cornes larges, pource

Le capricorne.

Les dains.

que les bestes seches & debiles, sont rédues plus menues pour le froid : & la chose large est imbecile, comme la ronde est robuste. Les dains viuēt entre le rocher, pour ce qu'ils ne sont trop chargez de leurs cornes en leur têtes, & riē ne leur defaut pour la legereté & fermeté, entendu qu'ilz sont fort secs. Les cheures sont plus dociles que les bestes qui ont cornes rameuses, en sorte que j'ay veu vne cheure instruite à mōter sept bulos de bois l'un mis sus l'autre, tant qu'elle fut montée iusqu'au plācher. Ferrand iadis Ture, de present Chrestien, presentoit à vne cheure vn bulot droit large comme le poing: la cheure premieremēt mettoit dessus vn des piedz anterieurs, puis l'autre: apres elle mettoit les piedz de derriere par mesme ordre: quand elle auoit monté, Ferrand offroit vn autre bulot, le mettant souz le pié: puis la cheure petit à petit mettoit dessus vn des piedz anterieurs, & les posterieurs par mesme moyen, tant que petit à petit vn bulot tint sus l'autre: & luy tenant les bulos iusqu'au septiesme, par ce moyen la cheure montoit tant qu'elle touchast de son dos au plancher. Pourtant la cheure ne semble estre tant indocile, qu'elle ne puisse estre instruite. Outre ceste cheure auoit appris de passer sus des tuiles disposees par ordre, comme imitatrice de son maistre qui danloit sus la corde. Les cheures ont en haine par quelque propriété de nature la saliuē de l'homme, & ne niāgent aucune viande qui ait esté goustee de l'homme: & la nature des lezards est contraire, qui lechēt de bon courage telle saliuē: Et cōme la cheure est la plus docile entre les bestes ayans cornes solides, ainsi les rangiferes le sont entre celles qui ont cornes ramees.

En Laponie les rangiferes sont apprivoisez quand ils sont pris: ils sont engendrez illec, & sont attelez & joints aux chariots: & font plus de chemin que les cheuaux de 150. mil pas en vn iour: car ils sont de corps plus robuste, & de cornes plus menues que les cerfs.

Et peut estre qu'ils n'ont seulement que deux cornes selon nature: & plusieurs en ont par cas fortuit: comme il est dict des moutons: & quand ils ont les cornes plus ramees que les cerfs, on cuide qu'ils ont en vain trop de bois: ou comme aux plantes qui iettent leurs ger-

Les cheures.

Histoire admirable d'une cheure.

Les cheures haient la saliuē de l'homme.

mes abondamment, comme au pommier, & coudrier auelin, les rameaux & reiectons croissent au pied de la plante, comme de coustume: ainsi de la racie de deux cornes naissent deux reiectons qui deuroient proceder du tronc & du gros des cornes, & par ce moyen ils representent plusieurs rangees de branches.

*Pourquoy les
biches n'ont
point de cor-
nes.*

Il est commun aux animaux qui ont plus de deux cornes, que la femelle n'en ait point. Pourtant Plin e estime que la matiere des dents ne se conuertit en cornes, entendu que les femelles qui n'ont les dents anterieures de la machouere superieure, n'ont de cornes. Elles sont deux raisons deductes de la cause finale & efficiente. Car quand les meres portent leurs petits en leur ventre, elles ont besoin de legerete & d'agilite: pourtant les cornes fort grandes & de moult de bras leur seroit vn empeschement. Aussi le gerre timide de ces bestes requiert que les femelles soient tres timides: pource les cornes ne leur seruiroient de rien. Outre plus la chaleur defaut, qui peut engendrer la matiere des cornes, & la pousser hors, & l'estendre quād elle est engendree: pour ceste cause, cōme la barbe est donnee aux hōmes, ainsi les cornes aux cerfs, afin qu'elles semblent estre faictes pour ornature, & que la barbe ne les cornes ne soient au sexe feminin d'iceux, sçauoir est, de l'hōme & des cerfs. Et ceste raison mesmement doit estre gardee aux troupeaux: car les males souuent y sont cornus, & les femelles sont sans cornes. Toutesfois en quelques lieux des regions froides, aux montagnes, les brebis ont des cornes, pource que la chaleur naturelle est aidee & corroboree par le froid. Les beliers luctent & heurtent des cornes, afin que les cornes leur soient ombre & image d'armes, non toutesfois vrayes armes. Tu diras, Qui sont dōc leurs armes pour se defendre, veu que les cornes ne leur sont armes? Ou donc il n'est aucune espee des brebis, ou il semble que les brebis soiēt faictes pour cause de l'homme, non pour soy mesmes.

*Les brebis
cornuēs.*

L'origine des brebis est de Sarmacie, & illec est appellee Snas. Aucunes brebis sont du nombre des bestes sauuages treslegeres, qui ont la laine grise & la chair tāt delicate & bonne, que les Roys de Parthe & de Seythie

(& de present ces deux regions sont entendues par le nom de Tartarie) ne desdaignent les vener & poursuyure en la chasse. Il est donc raisonnable qu'elles ayent eu leur origine en Tartarie, & qu'elles ont esté appriuoisees, pource qu'elles sont vestues de laine alencontre du froid, comme les autres bestes sauvages sont vestues de peaux precieuses aux autres regiōs. Mais pourquoy la laine est grise, la chose est digne de doute: certainement aux regions froides presque toutes les bestes sont de couleur blanche, comme les oyseaux sont totalement blancs au roc, & mōtagere. *Cyllene roc de Cosyphus: & en Sipylus aupres de l'estāg de Tantalus Pausanias a veu des Aigles blancs. Et Sipylus est vne petite montagne en la petite Asie, aupres de la grande Frigide. Et Cyllene est vn mont en Arcadie. Mellement Pausanias recite auoir veu des Sangliers & Ours blancs, engendrez en Thrace, des cerfs blancs à Rome, & des lieures nez en Libye. On auoit coustume d'appeller aucuns aigles blancs, & les dire de cigne, pource qu'ils estoient du tout blancs, & ressembloient aux Cygnes.*

Or pourquoy les bestes sont blanches aux regions froides, la cause en est manifeste. La blancheur du poil prouient de la muqueur, & la muqueur vient de putrefaction de chanfissure, dictē *situs*: & ceste putrefaction est faicte par l'imbecilité de chaleur: l'imbecilité de chaleur vient de la trop grande frigidité de l'air, & ce proprement en la peau, qui est tousiours exposee en l'air, & a de soy-mesme petite chaleur. La blancheur du poil vient aucunesfois, quoy que ce soit rarement par la chaleur externe, quand la chaleur natuue est expiree: & pour ceste cause aux regions chaudes, comme en Libye, il n'est hors de raison que les lieures y soient blācs. Au coupeau des montagnes de Germanie il n'est admirable, ains il est de raison que les lieures, cheureuils & cerfs y soient blancs. Pausanias certifie auoir veu à Rome des cerfs blancs, mais il ne sçauoit d'oū ils auoient esté apportez. Au temps passé plusieurs choses semblables estoient à Rome, quand les Romains auoient l'Empire, & domination sur tout le mondē. Pour ceste cause il m'est souuenu des carmes de T. Calphurnius, poète

*Cyllene.
Sipylus.*

*Pourquoy les
bestes sont
blanches aux
froides re-
gions.*

Sicilien, qui dit en les Bucoliques.

*J'ay veu toute sorte de beste,
Les lieures blanches, sangliers de cornes en teste.
J'ay veu aussi aux forêts M'ant icorne,
Illec mange, Alors est dict encore:
J'ay veu toreaux, ausquels du col leué,
Est muscle laid sus l'espaule esleué,
Qui sus le col ont vn long crin espars,
Menton barbu, scié de toutes pars
Tremblant souz gorge. Et non pas seulement
M'est aduenu d'auoir veu vrayment
Monstres de bois: i'ay veu les veaux de mer
Contre les ours vn grand combat aymer:
J'ay veu aussi monstres qui meritoient
Nom de cheual, mais fort lais ils estoient,
Et estoient nez du fleuve, qui les bleds
Arrouse aux champs, des eaux sus assemblez.*

Le Nil.

*Les toreaux
de Peonie.*

*Les toreaux
appelez vry.
Le musle.*

Icy n'y a rien escrit qui soit fabuleux, quoy qu'il soit escrit d'un poëte, & que ces monstres soient d'une forme admirable, & quasi incredible. Quant aux cheuaux du Nil, ie sçay que l'histoire est connue: aucuns les appellent cheuaux marins; ie monstreray que leurs dents sont semblables à l'iuoire: en la part anterieure ils representent les cheuaux, en la posterieure ils sont poissons. Cy apres ie descriroy les veaux marins. Les toreaux qui ont le crin fort long, sont de Peonie: & par tout le corps ils ont le poil long & epeuz, & principalement au poictrail, & en la mendibule. Pausanias recite l'auoir veu. Les toreaux qui ont longue barbe au méton, sont appelez de ce mot vry: se sont toreaux de Germanie, robustes, qui ont la barbe souz le menton, cōme les boucs. Les regiōs ont aucunes bestes propres: comme Sardinia a le musle semblable aux cerfs, ains plustost est cerf: les cornes de belier, nous pouons l'appeller subulo: toutesfois ils peuuent differer, pource que le subule a plus longues cornes, & solides, comme la cheure: le musle les a plus courtes, tortes, & creuses au commencement, comme le belier. Les especes des bestes se meslent, & sont motiues en plusieurs sortes, ou par le coit, comme il est dit cy dessus de la beste monstrueuse: ou par la region:

car, cōme i'ay dict, les toreaux de Germanie ont la barbe longue, & le corps grād: ceux de Peonie ont le corps fort velu: ceux de Libye qu'ils appellent Lant en langue maternelle, ont le corps blanc, les pasturons noirs, le cuir impenetrable, & pource precieus, & aussi pour sa beauté: & ce Toreau de Libye est legier pour la coustume, & pour cause de la pasture. Mesmement selon les regions, les Serpens ont diuerse couleur. En Ethio pie, & en Libye les viperes sont noires, comme les hommes, ce que Pausanias tesmoigne. Car entendu qu'elles n'ont de poil, leur peau comme celle des hommes, est bruslee par trop grande chaleur: pourquoy la raison n'est point plus grande, pourquoy les hommes sont noirs en telles regions, que la raison des viperes. Les couleurs aussi sont changees par l'aage, comme les rats deuiennent chaus par vieillesse. Et non seulement les rats: mais les petits engendrez d'eux, montrent les vestiges de supresme vieillesse: comme aux cheuaux, & aux hommes desquels la face est ridee, quand ils sont engēdrez de parens fort vieils: car là où la vertu du cœur est hebetee, elle retraict la peau: & cecy est l'indice, que les membres principaux sont debiles. Je l'ay souuent obserué. Pourtant le premier principe de mutation est par la mixtion des bestes de diuerses especes: le second est des regions, le tiers est de l'aage, & des parens trop ieunes ou trop vieils. Et la plus grande mutation est aux regions qui tendent vers le Midy ou Septentrion: puis qui tendent d'Orient en Occident: apres aux lieux maresqueux, ou secs: finablement la mutation est faicte par la diuersité des montagnes, ou de la plaine. Libye produict plusieurs monstres, non seulement pour la grande chaleur & siccité: mais pour le defaut des eaux, par laquelle les bestes de diuers gerres sont couplez ensemble: cōme quelques Toreaux, que nous auons dict estre les Rhinocerotes. Aucunes bestes sont estimee par leur gibbosité, comme les Chameaux, desquels le Poëte Calphurnius fait mention en ses Bucoliques. Cy dessus nous auons parlé de la beste dicte Alces, qui est veüe rarement, de laquelle chose Pausanias rend la cause disant, Alces flaire de loing l'homme, & quand il a apper-

*Lant toreaux
de Libye.*

*Comment on
cognoist les
ensés de ceux
qui sōt vieils.*

*Au 6. liure de
la guerre des
Gaulles.*

Le Lyon.

*Les gerres
des Belettes.
Varia pour la
diuersité.
des couleurs.*

*Les peaux
Zabellines
sont dictes,
ie croy, les
peaux de
Martes su-
blimes.*

ce, il fuit se cacher aux valees, & spelonques tres-profondes: & pource il n'est licite de le veyer seul: mais par cas fortuit scauoit est, quand les veneurs ont enuironné vn espace de mil stades, pourfuiuans les autres bestes sauuages. Pausanias dict, qu'Alces est mediocre entre le Cerf & le Chameau, pource peut estre, qu'il a vne gibbe sus le dos: ou cest Alces est autre que celuy qui est descrit de Cesar. Manticore n'a certain autheur: mais ie pense que le Poëte l'a adiousté pour Epithete. Ctesias, que Pline ensuit, le descrit, par l'autorité duquel Aristoteles en fait mention, ne se fiant à luy asseuerément. C'est chose admirable, que les Romains n'en ont veu, & que Pausanias n'en fait mention. Aucuns l'attribuent aux Indes: mais Libye & Ethiopie sont en mesme contree, ausquelles regions les Tigres sont en abondance, comme les loups sont en nostre pais. On estime que le Tigre a la peau mouchetee. l'ay veu deux beastes en Florence, qu'ils disoient estre Tigres, quoy qu'elles fussent semblables aux Leopars.

Le Lyon naist en ces mesmes regions, qui est presque le pl^s hardy des bestes quadrupedes, les os duquel frappez au feu, le reiettent: il a le corps long, la couleur fauue, le regard cruel, la queuë longue, qu'il remuë souuent le poil n'est droict par deuant, ains il est mol & estendu, il a le cuir impenetrable: il a la part de derriere la plus estroicte: la teste grande, la gueule bien ample: il a le col & les dents tant fortes, qu'il porte vn Chameau, le prenant en sa gueule: il est tant fort & tant hardy, que seul il assaut deux cens Cheualiers: il est armé de griffes tres-grandes & dures: son cry est aspre & vehement. Nature l'a engendré iracund, pource qu'il est tres-fort: & pour cause de sa nature tant chaude, de iour en autre il est malade, & se tient couché bruyant & criant, non tout le iour: mais en certaines heures. Aucunes bestes sont excellentes pour leur peau, comme les Lincees, & plaincurs du gerre des Belettes: les Martes, les Pantheres, dictes *vari* ou *varia*, les Furetz, Hermines, Genettes, & autres bestes que produict l'Espagne, qui sont semblables en forme & mœurs aux Belettes domestiques, que nous appellons Foynes, de peau bigarree de

noir & de gris, distincte de macules alternatiues. Les Zabellines, autrement Sabelles sont les plus precieuses peaux pour leur beauté, & rarité : les peuples dictés Lapones, les produisent aux extremes parties de Septentrion. Il n'y a certain nombre en ces gerres de Belettes si tu as esgard à la varieté des couleurs, ou si tu regardes à la nature, ou aux mœurs de ces bestes: ainsi est grande l'abondance des Belettes. Les peaux du col souuent durent le plus long temps, comme au regnard, au Furet, & aux autres : car nature a muni ceste partie de peau plus dure de peur du danger : de cecy il aduient que le poil tient plus long temps. Aristoteles auoit nié que les bestes eussent aucune bonne odeur, & ce de tant constamment, qu'il assure la Panthere sentir bon seulement à quelques bestes, non toutesfois qu'elle sente vrayement : Theophrastus est de son opinion. L'excrement des bestes, pourtant qu'il est grand & humide, peut empescher la suauité de l'odeur : il n'est ainsi aux plantes, pource que l'excrement est petit, sec, & bien cuit. Pour ceste cause les bestes qui ont l'excrement de bone odeur, il faut qu'elles ayent l'excrement petit & sec, comme les grands Lezards, dont i'ay parlé cy dessus, & que i'ay dict participer du gerre des Crocodiles, mesmement les Serpens sont de bonne odeur. Afin donc que nature ne laissast aucunes choses sans y toucher, elle s'est efforcee bien diligemment de faire vne beste qui sentist bonne odeur, & ce par plusieurs manieres.

Nature donc a fait vne, beste dicte Zibethum, semblable au chat, plus grande toutesfois, & est vne beste que l'Espagne produit, armee de dents, & fort fiere, qui ne s'apriuoise en aucun temps, de poil dur, la gueule longue, comme la beste dicte *Taxus*: aux genitales de ceste beste, tant du masse que de la femelle, nature a fait vne vessie dont la semence est receue en vne cullier d'argét, de tant bonne odeur que trois gouttes surmontent le pois de trois liures de tout arbre tres-odorifere: car il falloit que nature, fit quelque chose de bon, en tant grand effort contre ce qui est difficile. Et les hommes mesmement ont coustume de s'efforcer, quãd

*Pourquoy la
peau du col
dure le plus
long temps.*

*Pourquoy
quelques be-
stes sont de
bone odeur.*

ils attendent de faire chose difficile, afin qu'ils fassent quelque chose digne d'admiration: & entendu qu'il faut passer les limites, nous travaillons de les passer de grand interualle. Et nature a observé ceste mesme mesure au musc: i'en ay veu vn seulement qui estoit mort, en voye des Vexillaires & Porte-enseignes de Milan: & i'ay veu vn Zibethum vivant, & le masse & la femelle.

Le musc.

Le musc est semblable au Cheureul en grandeur, en forme & poil, sinon qu'il est de couleur plus perse. Le poil aussi est plus gros que celuy du cheureul: il a deux dents en haut & deux en bas: & en ce il differe du cheureul, & en l'odeur aussi: car la varieté & difference du poil peut prendre son origine de la region, entendu que les bestes transferees en autres regions engendrent par la diuersité des regions leurs petits trop plus differents de soy, qu'elles ne sont pour la varieté du poil. Vne vessie est amassée au dessous du nombril à ceste beste, & ceste vessie est pleine de sang, qui surmonte toute drogue cogneüe iusqu'à present en magnitude & suauité d'odeur. Combien que la vraye vessie ne nous est apportée: mais toute la chair battuë avec les os, coustumièremment est mise dedans les vieilles vessies, & est vëduë pour la naifue. Cecy appert, pource qu'en nostre musc on peut trouuer de petites picces d'or: & toutesfois cela ainsi preparé sent tant bon qu'il est manifeste que telles bestes n'ont esté cogneues à Aristoteles, ny à Theophrastus: & n'est de merueille, veu que Galenus, auquel il appartenoit de les cognoistre, veu que toutes les drogues de son temps luy estoient cogneües, & veu qu'il estoit plus quatre cens ans apres les susdicts auteurs, toutesfois il ne les a cogneues. A peine donc ie peux dire quante portion d'odeur delectable iettoit ceste beste par sa vessie, veu que ja de long temps elle estoit morte. Et par ceste vessie mise aux coffres par plusieurs ans, tous les habits qui sont gardez aux coffres, sentent merueilleusement bon.

Le Bieure et
le Castoreu.

Le Bieure a
mesme vertu
de senteurs en
ses testicules:
abondance en
est au pays de
Perse: mais ils
sont apportez
de la ville Ba-
laschâ. Le Ca-
storeum a tant

grade vertu quand il n'est encor vient, & qu'il n'est adul-
teré, que Vertomanus recite quatre hommes qui auoient
flairé ce Castoreum les vns apres les autres, auoir iecté
le sang incontinent par les narines. Mais les Persiens,
par leur auarice ne permettent vn Castoreum pur ven-
nir à nous. Quant à moy, ie n'ay iamais veu de Bieure.
On dict qu'il est grand comme vn chien, long, doux, de
de poil noir & splendide, la queue for longue, & au
dessus du milieu semblable à la queue d'un poisson,
les pieds posterieurs comme d'oison: ainsi par deux ai-
des il nage, scauoir est, par les pieds posterieurs, & par
la queue: il faict des maisons de bois d'un merueilleux
artifice, & vse de la poincte des dents, qu'il a robustes
& fortes, non autrement que d'une sie à fier & fendre
le bois. On le trouue aupres du fleuee Ister, ou Danu-
be, & aupres du Rhin, aux froides regions: mais il est
illec plus infirme qu'en Orient & Midy. Certainement
le Bieure est du gerre du Loutre, non autrement que les *Le Loutre.*
Belettes domestiques sont du gerre des agrestes. Car en
mesmes gerres de bestes petit à petit nature se conuer-
tit des plus petites aux plus grandes, & des moins belles
aux plus belles, & des plus infirmes aux plus robustes.
Donc les testicules du Loutre sont vtils à ce où l'est
le Castoreum: & generalement tous testicules sont de
chaude tēperature, & de substance subtile. Or les bestes
qui viuent aux eaux, sont tres-chaudes & de parties sub-
tiles, afin qu'elles puissent cuire la viande qui est de pois-
sons, & aussi qu'elles puissent la tourner en sang: & cecy
n'est cōmun aux poissons, pource qu'ils ne respirent. Les

testicules dōc du loutre sont vtils à ce où l'est le castoreum. Ceste beste communémēt vit à la terre, & à l'eau, comme le crocodile par raison contraire que le cheual marin, qui vit communément sus terre & en l'eau, mais il est du gerre des poissons, & le bieuere & le loutre sont nombrez entre les bestes terrestres. Le cheual marin vit au Nil & au Niger : le Nil est fleuve en Egypte & en Ethiopie: le Niger est en la part d'Afrique, qui est entre le Caput noir & verd, qui est appellé Mansa. Ce poisson a quatre pieds, les cornes courtes en la forme de vache, la teste de cheual, dont il prend son nom, il chemine sus terre. Il a deux dents éminētes lōgues de trois paumes, semblables aux dents de l'Elephāt, toutesfois plus blāches, plus dures, & gardans plus long temps leur splendeur, & pource elles sont les plus precieules.

*Le cheual
fluvial.*

*Comment on
apprivoise les
bestes sauvages.*

Ceux qui alaiētent de laiēt de femme, ou qui est plus facile, de chienne, ils apprivoisent les bestes sauvages, si ce sont incontinent qu'elles sont nees. Ainsi les chats apprennent à aymer leur maittre, & le flater & suivre non autrement que les chiens.

Le marmot.

Il est vn marmot de rare forme, de la grandeur & forme d'homme : on diroit pourtant qu'il est tout couuert de poil, que ce seroit vn homme sauvage, en le voyant par les cuisses, par le membre viril, & par la face. Il n'est beste qui puisse autant se tenir debout, excepté l'hōme. Il aime les femmes & petits enfans de son pays, ainsi que l'homme les aime: & quand il est deslié, il s'efforce d'avoir publiquement leur cōpagnie, à ce que j'ay veu. C'est vne beste fiere, mais de telle industrie, que tu dirois qu'elle surmonte en entendement aucuns hōmes, principalement les Barbares qui habitent aux regions difficiles & froides, comme les Ethiopes, les Numides, & les peuples de Septentrion appelez Laponnes.

Or venons aux autres bestes, entre lesquelles est le chien leger, qui seulement est engēdré en l'Inde Occidentale, il est de la grandeur d'un lieure, presque autant gros comme long, tāt s'engresse: il a les cuisses tresmenues, & quand il chemine il traîne son vêtre sus la terre, tant est pesant, & ne peut soustenir son corps tāt pesant de ses cuisses imbeciles. Il a quatre ongles en cha-

que pied, les doigts ioints, il les a aguës & courbees, cōme les oyseaux, par lesquelles il mōte aux arbres, & ose bien y mōter, quoy qu'à peine il chemine sus terre, faisant cinquante pas tous les iours. Il a les yeux petits, & la bouche aussi, pource il ne mord grandemēt, il a la face rōde comme vn chahuan, le col rond, qu'il tourne diuersēment, comme tout estonné, il enuironne sa face de couronnes faictes de poil, & semble qu'il la prolonge, il n'a point de queüe, il a le poil blanc & gris. Neantmoins que ces choses soient admirables, toutesfois elles ne semblent estre alienes de nature. Et de ce qu'il semble viure de l'air & de roussee, & de ce qu'il chante presque toute la nuict de six voix, qui tousiours descendent, à fin que la proportion musicale soit gardee à la demy double avecques le demi-ton; au milieu, ce n'est sans admiration: il ne chante de iour & voit peu, pourtant ceste beste seulement entre les bestes qui ont quatre pieds, peut estre dicte beste de nuict, il peut en estre d'autre. Les oyseaux de nuict sont plus frequens, le chahuan, la chauue-souris, & autres plusieurs. La cause est, pource qu'en l'air les empeschemēs ne sont tant grands aux oyseaux qui volent, qu'ils sont aux bestes quadrupes, qui marchent sus la terre. Aussi entendu que lon cherche la viande avecques plus grand labour durant la nuict, que durant le iour, principalement les bestes qui viuent de larcin, lors que les autres sont cachees estans en seureté, ou qui viuent par leur force comme les sangliers: ou par l'opportunité du lieu, comme le roussignol entre les buissons, ou par hauteur du lieu, comme les corbeaux & corneilles au coupeau des tours & chasteaux, ou par l'estroit du nid, comme les petits oyseaux, ou par munition cōme les regnars: il a fallu que la beste qui a aisles, fut vagabōde de nuict, ou autremēt qu'elle mourust de faim. Les chats, les chiens, les loups, & regnars, aussi les cheures cherchent bien leur vie de nuict: mais ce font autant de iour, que de nuict. Pourtant nous pouuōns bien appeller les oyseaux de nuict, non pas les bestes de quatre pieds, excepté le chien leger icy deuant descrit. Donques les differēces des bestes, quoy qu'elles soient plusieurs, peuuent estre reduites en deux, sçauoir

*Pourquoy ils
sont plusieurs
oyseaux de
nuict que d'au
tres bestes.*

est, aux differences du corps & de l'esprit. La difference de l'esprit est, qu'aucuns animaux sont appriuoisez, les autres sont sauvages, aucuns sont nocturnes, les autres de iour, & ce principalement au gerre des oyseaux, entre les oyseaux aucuns tiennent du iour & de la nuict, comme la caille & le coq. La caille est de couleur grise, plus grande que le chardonneret, qui chante de nuict, bien cogneue en Hetrurie. Quoy que le coq chante de nuict toutesfois il ne voit point. Les oyseaux de nuict sont estimez de mauuais presage, non ceux qui sont de nuict & de iour. Aussi la propre difference des oyseaux est, qu'aucuns chantent aucuns ne châtent point, les autres tiennent le moyen. L'oyseau nommé sarau est vn des excellens de ceux qui chante, proche au Papegaut, dict parroquet. Le papegaut est le premier de ceux qui parlent, puis la pye, la griue, le merle, l'estourneau, dict lansonnet. Melmement les corbeaux parlent, & les passereaux solitaires. Les hommes n'aiment le passereau, pour cause qu'il est solitaire: & croit-on que quand il est detenu aux maisons en cage qu'il signifie quelque mal-encontre, quoy qu'il chante fort doucement. Ils n'ayment aussi les corbeaux par mesme raison qu'ils n'aiment les autoirs, pource que ces oyseaux sont nourris des corps, mesmement des corps humains. D'ocques trois gerres d'oyseaux sont estimez de mauuais presage, les solitaires, les nocturnes, & ceux qui sont attentifs à la proye.

Comment on apprend à parler aux oyseaux.

Les oyseaux sont instruits à parler aux tenebres, en la lanterne, & chandelle, par faim & vin: & pource faire, les ieunes sont esleuz qui ont la langue large, & entre les papegauts, sont esleuz ceux qui ont cinq doigts aux pieds, car ils sont les plus propres à parler. Outre la faim est le principal lien de necessité pour apprendre à parler comme Perse a dict.

Qu'a instruit le papegaut à dire,
 Bon-sour monsieur? quel maistre à peu instruire
 La pye à bien prononcer le langage
 Du gerre humain? le ventre, maistre large,
 Et liberal d'art & d'entendement
 Grand donateur, fait que l'oyseau deuement

Prononce mots, voire avec ornatu^{re}:

Quoy que nié ce luy soit par nature.

Les tenebres rendent les oyseaux plus sollicitieux, & recolligent les sens en la memoire. Pourtant les hōmes se recordent, pensent & deliberent mieux aux tenebres. On y met vne chandelle, pource qu'aux tenebres profondes les oyseaux s'endorment, & craignent que le sens ne leur soit osté, non augmenté. Il est donc besoin de quelque petite clarté. Aucuns se sont efforcez faire des enchâtemens par les oyseaux, cōme Anon Duc de Carthage: car en prenant plusieurs petits oyseaux il leur apprenoit à dire, Anon dieu, puis les laissant aller aux fo- *La menterie*
 rans, il esperoit que les hommes consentiroient en sa ty- *d'Anon pour*
 ranie, qu'il meditoit, attirez par son mēsonge: ce qui eut *exercer sa ty-*
 peu aduenir si les oyseaux n'eussent oublier à parler, *ramie.*
 quand ils eurent leur liberté: car il falloit les cōtraindre par faim estans en liberté, qu'ils prononçassent ce qu'il voudroit. Or pour retourner au chats, pource qu'ils sont participās de la nuit, & du iour pour chercher leur proye, nature leur a donné les yeux pers & reluyfāns, à fin qu'ils peussēt voir de nuit. Les cheuaux & les loups voyent mieux de nuit que les hōmes. La raison a mōstré à l'hōme les lumieres, pour ceste cause nature luy a negligé tant grā de curiosité de voir la nuit. Pourtant on estime que la prunelle de l'œil croist aux chats selō la proportiō de la Lune. Mesmement on a obserué, à fin qu'il semble moins admirable, que non seulement en diuers iours, ains en vn mesme iour, la prunelle de l'œil des hōmes est chāgée, en sorte qu'aucunes fois elle semble grāde, tātōst apres quelque peu d'heures elle semble estre diminuee. Hé dy la prunelle, qui est la partie noire au milieu de l'œil, & la partie qui circuit la prunelle, & qui est diuerse selō la differēce des hōmes, & des autres animaux, est dictē *iris*: & ce qui est alentour d'iris, est appellē *prossus*, & alentour de dessus est le blanc de l'œil: les angles interieurs de l'œil sont appellez fontaines, en Latin *fontes*: les exterieurs, sont dits les coins de l'œil. en Latin *hirci* & *paropia*: le circuit de l'œil est dit *con*. Or pour reuenir aux chats, ils en sont plusieurs gerres, ou pource que les bestes fieres & sauuages luy ressemblēt,

comme les Pantheres, lynces, leopars, les tigres, Le chat a les griffes grâdes, il est fort, la peau est distincte de diuerse couleur & belle, la teste ronde, la face courte, la queue prolix, agilité de corps, vne fierté, sa viande est ce qu'il prend par son pourchast. C'est chose cōmune à tout animant qu'il soit nourry de ce dōt il est engédre. Car entendu qu'il est imbecile dès le commencement, d'où prendra-il son viure, sinon de ce dont il est engendré? Mais les bestes qui sont engendrees de putrefactiō, leur maniere de viure demeure tousiours, entendu qu'elles ne viennent en perfection de force: ainsi les petits mouscherons, dictz vulgairement bibets, vivent au vin, les vers en la fange, les chenilles aux fueilles des arbres, dōt elles sont engendrees, & les oyseaux, & les bestes de quatre pieds, qui ont le muscau & le bec plus dur, ou qui ja ont les dents, demandent vne viande qui soit dure. Quand vne beste est par trop grande abōdante, souuent nature en engendre vn autre qui est nourrie de la premiere, pour deux commoditez, de peur que la multitude des premieres bestes ne soit dommageable au lieu, & à fin que la commodité de pasture & de viure soit donnee à celles qui sont engendrees de ces premieres. Ainsi quand les fourmis sont trop en aucunes contrées de l'Inde Occidentale, illec la beste engédree, que ils appellent l'ours fourmicair, qui de sa lāgue rauit & mange les fourmis, ainsi nature a pourueu au dāger de la region, veu que cest ours fourmicair n'a autre exercice, qu'à deuorer les fourmis, & ceste beste n'est fiere ne mordante grandemēt, & est plustost dicte ours pour la similitude du corps, que pour la force & fierté, par l'humour de sa langue il abat les solides maisons des fourmis & les maisons deiectees, il deuore les fourmis, qui tiennent en sa langue. Nature aussi a pourueu aux autres bestes qui ne peuuent seruir de viande, ou par ce qu'elles ne font beaucoup de petits, ou par la breuité de la vie, ou par necessité d'air plus grand, ou par quelque difficulté d'enfanter, ou de nourrir, de peur qu'elles ne creussent en trop grande abondance.

L'ours fourmicair.

Les poissons aux eaux chaudes & sulphureuses.

Or venons aux poissons, qui souuent sont trouuez aux eaux sulfureuses & chaudes, comme en Bude, ville de

de Pannonie, aucunesfois ils sont trouuez aux eaues pleines d'alun, comme en la ville dicte Iulius Carnicus. Les bestes sont grandes aux eaues principalement en la mer, & plus en la mer Occéane, souz la Zone & region torride, pour ce qu'en l'Océan la chaleur & l'humeur seruent à l'augmentation, & la saline sert à la conseruation. La grâdeur d'aucuns poissons, cōme de la baleine est incroyable: ilz crient ils espendent par deux pertuis grâds d'vne coudee, posez aupres des narines, tât d'eaue qu'ilz submergent des grandes nauires. Des crestes de balaine dicte en Latin *pinnæ*, tresbelles verges sont faictes, qui semblēt estre d'os ou de corne, elles sont noires semblables aux cornes de busies, tant flexiles, qu'on ne pourroit les rompre: elles reluyent au Soleil, en sorte qu'elles semblent estre d'or. Chacun fil a vne verge, & pource en vne creste sont plusieurs verges, & les crestes semblent estre faictes des verges. L'os de la teste est tant grand: que l'on en peut faire vne nauire. Les balaines, cōme dict *Muserus*, s'endorment par le castoreum de-
strempe aux eaues: car incontinent elles se plongent de-
dās l'eaue. Il est vray-semblable, que les poissons hayēt
l'odeur de la beste sauuaige qui les poursuit: pourtant
cecy est le seul secours, & ayde aux nauires alencontre
de tant grandes bestes. Car il faut croire que les autres
bestes sont estōnees, par l'odeur du castoreum, comme
par le son des artilleries quand on y met le feu. Outre
les balaines, autres grandes bestes & monstres sont en
la mer, comme entre les autres est l'orcade, qui voltige
de deux grâdes ailes sur la mer, dōnant plus tost tremeur
aux nauires, que peril: & ces deux poissons aucunesfois
sont grâds, cōme les chasteaux des princes: d'où est venu
le ieu de Lucia en vrayes narratiōs & hystoires. Le zif en
Latin *Ziphus*, est tāt grâd'en la mer Getique, qu'il deuore
le veau marin, dit phoca, qui cy apres sera descrit pour
cause de sa beauté. En ceste mer Getique est vn gerre
d'orcade, renommé pour vne bossé, & pour son agilité
il est dict springual, & pour la grâdeur on l'estime estre
du gerre des orcades: car ilz appellent les grands pois-
sons, & de masse incroyable, orcades, du nom semblable
des isles, qui sōt en l'Occéa pres Angleterre. Ces poissōs

*La deffence
des nauires
contre les mō-
stres de la
mer.*

*Le poisson
dict orcas &
orca, vulgair-
ement lon-
dre.*

*Le Zif, en
Latin Zi-
phus.*

*Le veau ma-
rin peut estre
dict mar-
sonin.*

*Le poisson
dict spring-
ual.*

*Le poisson
barbu.*

*Le poisson
dict rhinocé-
ros.*

*La vache
poisson.*

Le triton.

*Les oüitres
sont grandes.*

*pourquoy
plusieurs mô-
stres sont en
la mer.*

font ennemis aux baleines. Le pristis, le physeter, l'arbor & rota, sont poissons du gerre des cetacees, c'est à dire des grands poissons: car *xēros* en Grec signifie grand, large & profond. Et tels poissons sont de diuerse forme cōme du poisson barbu, qui a deux cornes: la partie de derriere est la plus estroite & la plus courte, la teste quarree, le circuit des yeux est de seze ou vingt pieds. Le poisson dit rhinoceros, a le dos haut esleué, le vulgaire dit, en dos d'asne: la narine cachee: & se finissant en corne: il a douze pieds, & deuore les escreuilles. La vache poisson, est cornue: vn autre poisson est d'vn corps tout d'os, & autres plusieurs sont de telle sorte. Mais le plus admirable de tous les monstres de mer est le tritō. Pausanias recite auoir veu au tēple de Bacchus vn triton en Bœotie aux peuples dict's Tanagrei: & mesmement en auoir veu vn autre, à Rome, duquel la forme estoit telle. Les tritōs ont les cheueux en la teste, cōme sont les petites grenouilles qui viennent aux marais, en partie pour la couleur, en partie que diuisez ils ne representēt aucune similitude entre soy: le reste du corps est conuertiy en escaille menü & a telle force que le poisson dit rhinas. Ils ont les carthilages de l'ouie, dicte *branche*, souz les oreilles, & ont le nez d'hōme: la bouche plus large & les dets de beste sauuage. Pausanias pēse que les yeux estoient pers. Ils ont mains, doigts, & ongles semblables au creux des culiers: souz la poitrine & le vêtre, ils ont la queue au lieu des pieds, cōme les daufins. En la mer d'Inde pres l'Isle Burnea s'iruee souz le cercle de l'equinoce, les oüitres y sont tant grâdes, qu'aucunes ont tāt de chair, qu'elles poisent 25. liures: mesmemēt aucunes ont esté trouuees du pois de 44. liures. Ainsi dōc toutes les formes & figures des animaux sont en la mer, & nō seulement des animaux, ains des instrumens. En ceste mer Indique les môstres sont de magnitude incredible. On pense que la facilité de la generation, & de la vie est caute de tant de figures. Car la chaleur & l'humeur sont ensemble à la generation, & l'aliment sert à la vie: en la mer la chaleur, l'humeur gras, & l'alimēt abōdēt. Outre pour cause du mouuement la peste ne vient en la mer, comme en l'air: car la mer est tousiours mouuee, & l'air

est aucunes fois tranquille. Pour ceste cause toute forme de poisson facilement peut estre conseruee en la mer, non ainsi en l'air. Puis les poissons se mouuēt en la mer facilement & sans labeur, non ainsi les bestes terrestres, qui pource sont contraintes d'auoir faim, ou necessairement d'estre consumees par trop grand labeur & travail. D'auantage, la mer ne gele, ou n'est trop chaude, cōme la terre, & les eues des fleues, sinō en la superficie qui est touchee de l'air. Par tant de cōmoditez, aussi par la mixtiō des animaux de diuerses especes, plusieurs monstres sont engēdrez en la mer, en sorte qu'aucunes fois quand la mer se deborde pour le flot, les gerres des bestes monstruenses sont demeurez au riuage de l'Océan Occidental iusqu'à trois cens. La raison pourquoy les monstres viuent huit mois en Egypte, est semblable a celle pourquoy les monstres suruiuent en la mer, quoy qu'ils soient de vie debile. Les poissons qui ne viuent lōg temps, se couplent aux autres poissons plus facilement que les bestes terrestres qui sont nourries d'herbes, pour tant qu'ils se ioignent plus commodemēt. Les poissons qui mangent chair & poisson, se couplent plus difficilement, que les bestes sauuages qui deuorent la chair, car ils ont moins de sens, & pource ils aiment moins: & entendu que l'amour est faicte par le sens, pource les poissons ne sont tāt pitoyables que les liōs, & ne pardōnent à ceux qui sont leur proye.

Toutesfois on dit que la raye suruiuent à l'homme qui est en peril dedans les eues, de peur qu'il ne soit noyé, ou qu'il ne soit deschiré des monstres de la mer. Si la raye faict telle operation, elle faict par quelque peculiere propriété: car la raye seule entre les poissons de mer se couple au poisson d'autre gerre, sçauoir est, au poisson diēt Squatina. Outre la raye ne poursuit les bestes viues, & peut estre qu'elle ne mège de chair. Pourquoy la seule raye & la Squatine de diuers gerre se meslent ensemble, est pource que les autres poissons presque tous se tiennent cachez au fond de la mer. Aussi les carniuores sont attentifs à la proye, non au coit Venerien: plusieurs d'entre ceux qui sont doux, ne se sient aux autres pour la crainte: & pource ils vont par trou-

peaux, à fin que leur cōpaignie leur suruienne, principalement au temps qu'ils sont en amour. Pour ces causes la seule raye & squatine semblēt se coupler, & estre de diuerse forme en la mer. La raye est de la magnitude d'un bouclier, plate & cartilagineuse. La raison de la magnitude de mōstres en la mer, est mesme que celle de la forme. Car pour l'humeur la chaleur & alimēt, qui est presque tousiours present, aussi pource que les monstres de mer se soustiennent sans piedz, & qu'ils cheminent grād espace de mer sans travail, pource ilz sont plus grands que les bestes terrestres, & trop plus que les oyseaux. Fein vne beste plus grosse & plus grāde quatre fois que l'elefant, estre sus terre, ne luy faudra-il point moult de viande? & quand la viande sera consumee, ceste grande masse de corps ne sera-elle pas cōtrainte de chercher autre pais en son grād incōuenient: Facilement elle perira d'une maladie suruenue, ou par souffrette, si lentement elle passe de regiō en autre. Outre si elle passe seuremēt & sans travail, quel moyen pourra estre qu'elle ne soit prise par les embuches des hōmes? Aucun de telz perilz & dāgers n'est en la mer: car la viāde ne defaut aux poissons & le passage d'une region en l'autre n'est difficile, & ne pourrōt estre suiets aux menaces des hommes au milieu de la mer, quoy qu'un monarque du mōde commandast de ce faire. Pour ceste cause les poissons sont les plus grands entre les animaux, les oyseaux sont les plus petits, les terrestres sont mediocres. Pourquoi les oyseaux sont plus petits q̄ les animaux terrestres, la raison est manifeste, entendu que l'animal se soustient plus facilement sus la terre par les piedz, qu'en l'air les ailes estendues. Les poissons des estangs sont mediocres entre les animaux de la terre & de la mer. En Algoye prouince de Suesse vn poisson est trouué aux estangs de la ville Vualmin qui a deux cordes souz le mentō, lesquelles viennent par fois iusqu'au pois de quarante liures. Ce poisson prend les autres par ces cordes, mesmement les oyseaux. Il a ces cordes au lieu du museau, ou de la trōpe qui est en l'elefat: & à bō droit il peut estre dit la baleine des estāgs, pour cause de sa magnitude: toutes fois il est autāt plus petit que la baleine de la mer, que les estangs

font plus petis que la mer: aussi les eaus des estâgs font inferieures à la mer pour engendrer & aliméter, à cause de leur frigidité & maigreté. Nature donc a exprimé aux poissons les formes de toutes bestes terrestres, elle a exprimé l'homme par le Triton, la femme par Nereis, qui n'est fabuleuse, mais les sercines le sont: elle a exprimé l'elephant par l'elephant poisson, & ainsi les autres. Quoy que les poissons semblent ressembler aux animaux terrestres par la partie anterieure, par la posterieure ils sont tous poissons. La cause est, pource que comme le timon dirige & gouverne la nauire en la poupe, ainsi la queüe du poisson dirige son chemin. Pour ceste cause la queüe est fourchee presque à tous poissons.

La multitude des poissons est tant grande, qu'ils referent, en vn trait de rets (chose incredible à dire) tant de poissons auoir esté pris en Narbonne prouince de France, qu'ils pesoient 390. mil: ce qui peut estre fait par la grandeur & multitude des poissons. Generalement le gerre des poissons surmonte les autres gerres des animaux en multitude, en grandeur, force, & en varieté des formes, en sorte qu'aucuns poissons ont des pieds, comme le polypus, ainsi dit pour le nombre de ses pieds. Non sans cause Hippocrates commandoit le petit polypus rosty estre donné à la femme sterile, à fin qu'elle conceut, pource que polypus conçoit & porte facilement, & a la substance nerueuse, & se cuit tardement. La teste de ce poisson excite les mauuais songes, pource que par sa dure concoction, il iette en haut noires vapeurs, non autrement que l'oignon, mais plus vehementement. Aucuns poissons sont monstrueux, comme celuy qui a quasi le cuir de pourceau, grand presque comme vn Elephant, la teste de pourceau, les pieds longs comme escourgees, sans dents, il a les yeux petis: sous le ventre il a deux trous pres de la queüe, laquelle est fort longue: il a les bras larges, & les cartilages de l'oüie sont autant longues & larges que les bras: il a le cuir plus espes qu'vn doigt: peut estre que ce poisson est du gerre de polypus.

Pourquoy tous poissons ont la queüe semblable.

La prise incredible des poissons.

Afin qu'une femme sterile conçoie.

Le poisson monstrueux.

*L'esturion
dict sturio.*



Plusieurs poissons n'ont des dents: il aduït à peu qu'ils ne puissent prendre la viande: toutesfois l'esturion, dict sturio aucuns l'appellent silurus, ne man-


ge point: car il n'a de bouche, ains seulement vn petit trou rond par lequel il succe la chose humide: toutesfois il croist grád comme vn ieune beuf: car i'en ay veu qui excedoient 180. liures: il est d'vne chair tresdelicate, & n'a point d'arestes.

Au contraire, le mors est vn poisson aupres de Moscouie aux Iaches en l'Ocean de Septentrion, qui a moult de dents, desquelles coustumierement ils font les manches des coulsteaux. Car les dents non seulement de ce poisson, ains des grands, sont blanches comme l'iuoire, mais elles sont plus fermes en ouurage.

*Les animaux
qui sentent
bon mais de
petit profit.*

Aucuns poissons sont odoriferes, comme quelque gerre de polypus, & certaine espeece entre les insectes, des escarbos volans: aussi entre les oyseaux, les poules d'Inde: mesmement quelque gerre d'autour, quoy qu'il poursuyue les corps morts, & viandes corrompues, il sent toutesfois bon pour la vehemence de sa chaleur, & la siccité de sa temperature.

*Le poisson
dit torpedo,
pource qu'il
engendre vne
tremeur.*



Aucuns poissons sont renommés pour leur force, cōme le poisson dict torpedo; que ceux de lanes appellēt tremoriza: il est frequēt, & est du gerre des

poissons, dictz herissons, qui ont moult d'espines, de-
 quels la prise endort les mains des pescieurs par quel-
 que vertu naturelle, qui est seulement à ceux qui vivent. *Le poisson dit*
 Il est vn autre herisson, non du gerre de torpedo spi- *herisson, en*
 neux, ains du gerre des escailles, les Latins l'appellent *Latin echi-*
 remora: & est dict echinus en Grec, composé des dictions, *mus.*
ἐχίνος τῆς ναῦς, pource qu'il arreste les nauires, ayans sa
 prinse au fond d'icelles. Il retarda la nauire de C. Cali-
 gula Empereur, à son grand detrimēt. Il est semblable
 au grand limaçon, & est rare, comme celuy qui n'a esté *Au 2. liu.*
 veu depuis le temps de Caligula. Donc il appert que re- *chap. 14. de la*
 mora & torpedo sont differents, combien qu'Aristote- *Nat. des be-*
 les par la similitude du nom, & de l'effect, ait estimé estre *stes.*
 vn mesme gerre.

On dit qu'au fleuue Arotan, fleuue de l'isle tresheu- *Les poissons*
 reuse Zeilam, de laquelle ie parleray cy apres, est vn *qui donnet la*
 poisson qui enflamme la fieure quand on le prend de la *fieure à ceux*
 main, & incontinent celuy qui l'a touché, est prins de la *qui les tan-*
 fieure. Et iacoit que chose tant admirable aura moins *chent.*
 de foy, pource que l'auteur n'est certain: toutesfois ce
 doit sembler moins admirable, que ce qui est dit des
 poissons, Torpedo & Remora: car les ames ont diuerfes
 vertus: & la mer, comme il est dit, est toute viuale, & plei-
 ne de mōstres: & nature a peu trauaillé, que les animaux
 qui sont en mer eussent sapience, & excellent sentimēt,
 pour la qualité du lieu où ils sont. Et aussi les poissons
 sont d'vn sentiment tant hebeté, qu'on ne sçait si on
 doit nombrer plusieurs especes d'iceux entre les ani-
 maux, ou entre les plantes, comme les espinges & les
 vrtiques, dictes vrticæ, car quand elles sont ficees sus
 vne grande pierre, elles n'ont aucun signe d'animal, si-
 non que quand on les traîne, elles se retirent, & manife-
 stement elles se mouuent. Et cecy (possible est) ne peut
 nullement estre denié aux parties de quelques arbres,
 comme on le voit vn peu au tronc des plames, & aux
 fueilles de quelque arbre, duquel les fueilles sont sem-
 blables aux fueilles du meurier, sinon qu'elles ont deux
 piedz: il est veu appertement, ainsi qu'aucuns certifient.
 Ils disent que cest arbre produit en Limbulon isle pres
 de Moluchies, aux forests, qui est distante de huiet par-

ties du cercle de l'equinocce, a telles feuilles, que quand elles sont escouffes de l'arbre, si elles sont vexees iusqu'à huit iours, elles cheminent : & cest arbre est sensitif, & animal, comme les vrtiques & poulmons de mer, & les sponges sont animaux d'arbres : toutesfois les poulmons ne doiuent estre mis au gerre des plantes. Car entendre que le mouuement consiste aux plantes par le sentiment, rien n'empesche que les parties des plantes qui coustumierement sont arrachees, n'ayent mouuement en la region chaude & en terre grasse : car l'humeur dont elles sont nourries, peut estre gras & subtil, comme il est aux animaux. Or pourquoy aucune beste n'est immobile, sinon en la mer, & qu'en la mer ils sont tant de gerres, & que tant grande multitude d'escailles outre les vrtiques & les sponges, y est? Pource qu'il est necessaire que l'animal soit alimenté: & pource le mouuement est ou à l'animal, ou à l'aliment: & le mouuement est en l'eau, il est donc en l'aliment, & en ce qui apporte l'aliment. Pour ceste cause aussi les bestes engendrees dedans des fruiets, souuent il appert qu'elles n'ont de mouuement, ie dy le mouuement de cheminer.

Pourquoy aucune beste n'est immobile, sinon en la mer.

La cause de la variété des couleurs aux escailles de la mer.

Aucunes bestes sont en la mer qui ne se mouuent, comme les ouïstres & escailles, auxquelles Nature semble s'estre grandement exercee en la variété des couleurs. La cause est, pource que comme les arbres & les herbes, chacune selon son espece, reçoient les formes & couleurs: toutesfois elles ne gardent long temps les couleurs, pour l'abondance de l'humeur, ainsi aux escailles la couleur demeure, pour cause de la substance terrestre. La variété & les rides sont faictes par certain ordre, pource que la chose petite varree & mixtionnee en passant, semble estre eslabouree & aornee par grand labeur, quand les espaces croissent tousiours esgalement par certain ordre. Il est commun presque à tous les autres animaux, que les ongles, les bras des scorpions & escureilles, le poil, les cornes, le bec, ensuyuent la couleur de la peau: toutesfois cecy n'est tousiours necessaire.

Or ie reuiendray à la mer, qui est la meré des monstres. Les matieres qui demeurent fixes, endureissent par

la saline, ainsi elles endureissent les ouyftres & autres escailles, & le coral, combien que le coral est tendre, lors qu'il est souz l'eau. Mais pourquoy telles matieres endureissent les escailles, non l'herbe dicte alga, qui est nee en la mer? La cause est, que l'herbe alga croist, pource elle ne peut resister aux ondes de la mer: & pour ceste cause nature l'a faicte menuë, afin qu'en obeissant elle enite l'impetuosité de la mer: les escailles demeurent au fond de la mer, & dès le commencement elles sont faictes espees. Cy dessus j'ay dit pourquoy alga est molle: & par raison contraire il appert que les escailles sont dures.

En la mer est vn bon poisson dict Manutus, qui à peine peut estre porté de deux bœufs, attelez ensemble: sa chair est tant semblable à la chair de veau, que si quel qu'un ne t'aduertit estre vn poisson, tu iureras que ce n'est poisson. Cецy aduient, pource que la grande chaleur cuit l'humidité: car la chair en ce differe de la substance du poisson, pource que l'humidité du poisson est cuite de petite chaleur. On dit que lon trouue vne pierre en la teste de ce poisson, qui est tres-vtile cōtre le calcul des reins. Il a des mammelles, ausquelles rarement il admet ses petits quand ils sont nez, & en faict deux, selon le nombre de ses mammelles. Aucuns l'appellent boa, pource qu'il a la teste de bœuf, longue de deux coudées, il a le dos plat, l'escaille & la peau est tresdure: il est docile comme le chien: il s'appriuoise, & se recorde des iniures à luy faictes.

Vn autre poisson est en la mer facile à estre pris pour sa voracité & gourmandise, vtile pour sa grandeur, pour la salubrité & suauité de sa chair. Ce poisson est entre les grands miracles de la mer: le masse a deux genitales: la femelle n'a qu'une matrice: il a deux rangees de dets: il engendre vn poisson de son gerre, non pas des œufs. On appelle ledit poisson Tiburo.

Le veau de mer est fort admirable: il a mammelles, & du poil: il ronfle grandement quand il dort au riuage de la mer: & Plinius ne croit pas que le poil de ce poisson s'esleuast au cuir d'une ceinture quand la mer croist, & se diminuast quand la mer se diminue. De present

*Le poisson
dict Manu-
tus, aucuns
l'appellent
Boa.*

*Vn poisson
dict Tiburo.*

*La nature ad-
mirable du
veau de mer.*

*Charles cin-
quiesme a en-
noyé gés d'E-
spagne en ces
isles qui sont
dictes la peti-
te Espagne.*

que cecy est cogneu en la mer d'Inde, & que les habi-
tans de l'isle dicte Hispaniola l'appellent Lobus, ce ne
semble estre fabuleux. I'ay vne ceinture de cuir de ce
poisson, ou ie porte mon espée, quand ie vay à cheual. Il
perd le poil tardiement: il a le cuir semblable à celuy
du buffle: la couleur du poil est diuerse, & aucunement
semblable à la peau du Lynce. Ils certifient queladextre
creste dicte pinna qui est dessus la teste, attire le d'or-
mir, & le rend fort. C'est le poisson duquel i'ay dict la
peau n'estre touchée du tonnerre: & si tout ce qui est dict
de ce poisson est vray, ie ne sçay, si nature a fait autre
chose plus admirable, veu que lon croit ceste peau guar-
rir aucunes maladies, si on la porte. Ils disent qu'on peut
l'erudier & instruire, & qu'il est susceptible de discipline
mesme qu'il cognoist les familiers, & que par son mu-
gissement & gestes, il a quelque fois salué le peuple Ro-
main, en sorte que nature, non autrement que fortune,
semble auoir denié toutes choses à quelques animaux &
les auoir donnees aux autres.

Il semble toutesfois que nature n'ait rien denié pres-
que à tout le gerre des poissons, fors le sentimēt exquis.
Car neantmoins que les piedz fussent inutiles aux pois-
sons pour nager, & pour ce faire opportuns à peu de
poissons, toute fois nature a donne des piedz à quelques
poissons, ou pourtant qu'ilz cheminent au profond des
eaux, ou aux riuages, ou au lieu des armes, ou à fin qu'ils
se tiennent plus fermement aux pierres, durant le temps
des tempestes, ou au lieu des mains, comme les bras font
aux escrouisses. Pour toutes ces causes predictes, les piedz
semblent estre donnez aux polypus, aux escrouisses, aux
locustes, & autres: & ils nagēt lentemēt. I'ay veu à Lyon
en vne petite fontaine au cuns poissons ayas deux piedz
en la partie anterieure, quasi souz les aissles. C'estoient
vrais poissons, lesquelz i'apellerois volōtiers de ceste di-
ctio capitones, pour la grādeur de leur teste qui est sem-
blable aux grenouilles, sçauoir est, d'vne bouche large,
basse & grāde. Nature semble auoir pourueu en ces pois-
sons, à fin que plus fermement ilz peussent prendre la
viande au bord de l'eau. Sont-ilz du nombre des gre-
nouilles naissantes? Est-ce le cordus d'Aristoteles?

Ce Cordulus a quatre pieds.

Au contraire, le poisson qu'ils appellent *Viuela*, est inutile, quoy qu'il soit grand: car sa chair n'est delectable: toutesfois ce poisson est d'une forme admirable, comme ainsi soit qu'il porte au front quelque chose cartilagineuse, en la figure d'une espee, de la longueur de quatre paumes ou plus, depuis le bas iusqu'en haut, bien denté de dents aques & robustes.



Illec aussi sont engédrez les poissons volans que j'ay veu: ils sont petits, & ont ailes qui sont au pres de l'ouye, longues, comme les poissons, & plus d'une

Poissons volans.

paume: & quand elles sont mouillees, elles soustiennent le poisson: quand elles sont sechees, elles pendent en bas. Ils cheminent en monceau: ils ont inimitié avec les poissons appelez *orati*. Plusieurs sont trouvez apres de l'isle Bermuda, ou Garzan. Les poissons ne s'appriuoisent gueres, pource qu'ils ont l'entendement petit & hebeté. Pour ceste cause les Dauphins s'appriuoisent grandement, qui sont les plus legers des poissons, & plus ingenieux, non priuez des affections humaines, principalement de la misericorde: ils ont la narine courbee, la bouche mise souz la teste assez incommodément, de peur, veu qu'ils sont tant legers & robustes, qu'il ne leur fut licite de faire contre les autres ce qu'il leur plairoit. Par mesme raison les oyseaux sont appriuoisez, les animaux de quatre pieds, cōme ils ont l'entendement mediocre entre les oyseaux & poissons, ainsi aucuns s'appriuoisent aucuns non. Aucuns ne sont aussi appriuoisez par crainte, comme les rats, & lieures: car comment aimeras-tu celuy que tu te persuades menacer ta vie? Or ceux qui craignent se le persuadent ainsi: pour ceste cause les tyrans, quoy qu'ils facent

Pourquoy les poissons ne sont appriuoisez. Les dauphins.

Pourquoy les lieures & rats ne sont appriuoisez.

du bien à plusieurs, ils ne sont toutesfois aimez de quel-
qu'un. Ainsi est-il aduenü à Nero, toutesfois n'estime
pas que Nero n'ait fait du bien à plusieurs. Donques
les poissons pour la rudité de leurs entendemens, &
l'incommode traictement, à peine sont appriuoisez : &
à ce la crainte est adioincte. Veu donc que le Dauphin
a bon entendement, & qu'il est tres-hardy, aussi que luy
seul entre les poissons respire, & que pource il peut estre
traicté commodément, il est necessaire que luy seul en-
tre les poissons s'appriuoise : lequel s'il pouuoit estre
amené à petite eau, il differeroit peu du chien, quant à la
mansuetude.

*Pourquoy le
Dauphin s'ap-
priuoise.*

*Les differen-
ces des bestes
prises de la
difference des
viandes.*

Mais puis que ie suis tombé au propos des rats, il faut
en parler, & de leurs gerres qui sont plusieurs, en re-
pétant le principe plus profondement. Car veu que les be-
stes different en plusieurs manieres, i'ay montré que les
differences en peuuent estre prises par la difference des
alimens, generalement des herbes, & des arbres, & de la
chair, & proprement en quatre manieres : car ou elles
sont nourries de l'humeur des elemens, comme le Cha-
meleon de l'air, l'Esturjon, dict *sturio*, & autres poissons
sont nourris de l'humeur de l'eau, les crapaux de l'hu-
meur de la terre: car quoy qu'ils mangēt la terre, la ter-
re toutesfois ne leur est aliment : mais ce petit humeur
gras qui est contenu en la terre : où elles sont nourries
des plantes, cōme presque toutes celles qui ont le pied
solide, & qui sont cornuēs: & ces dernieres sont plus ex-
cellentes que les premieres : ou elles sont nourries de
chair, comme les Lyons, & les chiens, qui sont plus no-
bles que les precedentes. Le quatriesmē gerre est nour-
ry des fruiçts, & est le plus noble de toutes les bestes: &
en ce gerre l'homme est compris, l'Elefant, le pourceau,
l'ours, les rats, & presque tous les oiseaux, exceptez ceux
qui deuorent la chair: car tous oiseaux sont nourris des
semēces & fruiçts. Et de ces bestes dernieres toutes mā-
gent de la chair, excepté l'Elefant, & les oiseaux, des-
quels toutesfois aucuns sont nourriz de chair, comme
les poules, les pyes, & corneilles. Et les bestes qui man-
gent de la chair, māgent aussi les œufs, le lait, & le sang.
Donques quelconques bestes soient telles, se delectent

seulement des bestes mortes, toutesfois elles ne tuent aucunes autres, sinon les oiseaux qui vivent de chair, lesquels deuorent les bestes viuantes, sil leur est licite de ce faire, comme les poules deuorent les vers.

Or veu qu'aux froides regions sont les plus petits sangliers, & semblables aux agrestes, aux regions tēperces les tres grands y sont, en sorte que la memoire du sanglier d'Erymanthe demeure, qui degastoit la region, ce me semble de merueille, pourquoy aux regiōs chaudes les sangliers sont tres-petits. Nous auons des sangliers *Les sangliers d'Inde.* d'Inde seblables aux autres en forme, en voix, & mœurs & en la portee de la matrice: car en deux mois ils sont parcrus, comme les connins le sont en trois sepmaines, toutesfois ils sont plus petits que les connins desquels la chair est sauoureuse, à peine ils mordent, & difficilement ils sont appriuoisez, ils courent legerement, comme font plusieurs petites bestes. Ils ne meurent tant facilement que les connins, & ne boient iamais: ains s'ils mangent des choux humides, il meurent come de froid. Je n'ose asseurer qu'ils soient d'Inde: mais que plus tost ils sont petits pour cause de la siccité, pource qu'il peut estre que leur origine est d'Afrique. Car la chaleur ne peut leur nuire, ne l'humour, mais le froid ou la siccité, pource ils meurent de froid, & ne boient point. Ils sont nourriz principalement de choux, de son dict *surfur*, & d'auoine. Ils s'esleuent contre les mœurs des autres: ils ne deuorent leurs petits pour leur paillardise, comme les connins: en autres choses, ils sont semblables aux autres sangliers, sinon qu'ils ont cinq ou six doigts aux pieds au lieu des ongles: le poil est mol, la couleur est blāche, ou noire, ou mixte. Deux dents anterieures sont telles qu'aux connins: mais plus longues, on pourroit dire que ceste beste est mixte du sanglier & connin.

Mais ayant proposé de traicter des rats i'estois passé aux sangliers, ne laissant, que toutes bestes muent leur magnitude par l'abondance ou paucité des viandes, quand elles sont allaiçtees, comme les chiens & sangliers & tous les autres: pourtant ie retourne aux rats. Et l'histoire de tant vile beste n'est vulgaire, nature s'exerçant *L'histoire des Rats.* excellentement en tant petites choses. Certes ceste beste

est tant fecõde, que Theophrastus r cite les femelles en Perse conceuoit ded s le ventre de leur mere. C'est vne chose totalement incroyable, si la facilit  d'eng drer ne estoit plus tost refer e   l'vtilit  qu'  l'excellence: car toutes bestes viles facilement sont engendrees & par-fai tes legerem t, & en toutes manieres: non ainsi l'Elfant, ou le Daufin, ou l'homme. Pourtant les rats sont tant multipliez au temps de pluye, qu'on ne s ait lequel est le plus admirable, ou que ce gerre soit tant facilem t multipli , ou que tant subitem t il meure: car ils ne meurent moins subitem t qu'ils sont eng drez & multipliez. La cau , comme il est dict, est manifeste: car comme toutes bestes viles sont engendrees par l'amas d'ordures, & par leur propre ordure, ainsi pour petites occasions elles meurent: pource que c'est vne mesme facilit  de la mort, & de la generation. Et pource que les bestes sont facilement engendrees, elles sont aussi facilement parcr es. Et les petites bestes, & imbeciles facilement sont parcr es en tout gerre: il est donc necessaire, qu'elles perissent facilement, ce que l'on ne doit seulement entendre aux especes: mais particulierement en chacun h me. Et l'homme semble estre quasi vne espece, non par eternit  & noblesse: mais par puissance & perfecti . On dict qu'en Giarius Isle de l'Archeipelagus les rats rongent les metaux, & font mourir les arbres touchez de leurs dents. Et cecy est vn argum t de quelle rage, & de trop grande siccit . Pourquoy ils viennent facilem t   tant grande siccit , est la cause, pource qu'ils sont muez facilement. Ils sont muez facilement, pource qu'ils sont de nature fort imbecille: ils ont vne force, pource qu'ils sont parcrus & plains de sang. Les especes d'iceux sont innum rables, domestiques agrestes, escureaux, appelez lereaux pour la gr deur de leur queu , aucuns sont auelins, en Latin *auellanes*, plus petis que les autres, qui dorment tout l'hiuer, ceux des Alpes sont aussi refer ez en ce gerre, que les Milanois appellent marmores, Ces dernieres especes peuuent estre appropri es. Et tous ces derniers dorment l'hiuer, exceptez les escureaux: mais les auelins qui viu t entre les cou-driers, dont ils pr nent leur nom, sont rouges. Les escu-

*Archipelagus
peut estre dit
la Mer prin-
cipale.*

reaux plus tost sont cachez en hiuer qu'ils ne dorment. C'est leur commun de manger debout, vsant de pieds anterieurs pour les mains. Les lereaux s'engraissent en hiuer, & semble que ce soit plus tost par le dormir, que par la viande, toutesfois ils amassent aux creux des arbres, abondance de chastaignes, noix, & autres fuitifs. Les escureaux par l'aide de leur queue, & par leur legereté sont tant agiles qu'ils saultent d'un arbre en l'autre. Ceux des Alpes sont les plus grands de tous, fort ingenieux, n'ayans rien commun avec les rats, sinon le nom. Ils en ont un d'entr'eux qui est speculateur, & fait le guet aux montagnes pour aduertir les autres: autrement il seroit attentif à cueillir le sarmet de vigne: car en cueillant les plus mols de sarmens, & en les embrassant de leurs pieds, en estat sur le dos, celuy qui est chargé permet estre trainé de la queue, en la maniere d'un chariot, afin de porter sa litiere avec soy, qu'il ne pourroit autrement. On a estimé par cuidoite raison que quand ils sont moult gras, leur chair est vtile à concilier & attirer le dormir. Ceux-cy des Alpes, & les escureaux s'appriuoient: mais les lereaux & les auelins s'appriuoient peu, pour cause de leur paruité. Les escureaux que noz citoyens appellent casete, semblent estre directement cōtraires à ceux des Alpes, qui sont tardifs de mouvement, & amateurs de repos: & les escureaux ne se reposent iamais: dont il est necessaire que leur chair soit trop chaude, & seche. N'agueres ils ont apporté d'Asie un rat qu'ils disoient estre d'Inde, exactement semblable de bouche & de queue à noz rats: mais il estoit de la couleur & grâdeur de la beste dictée *taxus*. Et le *taxus*, ou *melis* est plus grâd qu'un regnard, gris, & de poil long d'ouverture de bouche fiere, & mordant de dents tres-aguës. Entre les rats, j'en ay veu de tres-blâcs: car ils se blâchissent par vieillesse: & s'ont faits blâcs ou par race, ou par le froid. Il faut aussi considerer ce qui aduient en la Mer, non autrement qu'en la terre, aucunes contrees estre steriles en la mer, les autres sont abondantes de poisson: car en aucuns lieux la pasture abonde, aux autres elle defaut: outre plusieurs especes de terre infecte les eaux par odeur & saueur diuerse, lesquelles odeurs & saueurs

Pourquoy La mer est sterile en aucuns lieux.

les poiffons fuiuent ou les fuyent. Les riuages aucunes-fois ont abondance de poiffons pour caufe de la paf-
 ture, & les gouffres l'ont pour caufe de feurete. La diffé-
 rence des eaux eft tant grande en la mer, qu'aupres d'Inde,
 au droict d'Ethiopie l'eau eft blanche, comme lait, en-
 uiron trois cens mil pas: autre part elle eft bleuë, en au-
 tre lieu noire, d'autre costé verte. La mer eft blanche,
 quand l'arene blanche eft deffouz la mer qui n'est pro-
 fonde: elle eft verte, quand elle eft de mediocre profon-
 dité: elle eft bleuë, quand elle eft fort profonde, & qu'
 elle eft mouuee: si elle eft en repos, la couleur eft argen-
 tine. I'ay veu au lac Verbanus, lors que i'allois à Paris,
 entre les ondes de tout le lac vne portion non loing de
 moy qui n'estoit mouuee, & estoit de couleur d'argent:
 tout le reste estoit bleu. La cause est que le vent est em-
 pesché par le coupeau de la montagne, & n'est finy au-
 trement que l'ombre par la profondeur. Et par la part
 qui est tournée vers la montagne (car la tranquillité ne
 paruenoit iusqu'au pied de la montagne) la tranquili-
 té print son commencement, là où l'impetuofité cessoit
 iouste la montagne: car la montagne frappee aux cô-
 stes de l'impetuofité, troubloit l'eau qui estoit au mi-
 lieu. L'eau de la mer est noire, quand l'arene noire est
 fouz les eaux non profondes, ou quand elle est profon-
 de & troublee.

*Pourquoy la
 peste n'est ia-
 mais aupres
 de Calcuttiô.*

La chose mesme aduiët aux poiffons par l'eau, qu'aux
 hommes par l'air. Ils recitent qu'en Calcutum ville &
 Prouince d'Inde la peste n'est iamais, pour la tempera-
 ture de l'air, comme ie croy, & pour la salubrité des viã-
 des, & peut estre, pour la moderatiõ du viure & sobrie-
 té: ainsi en quelques côtrees de la mer les poiffons abõ-
 dent, pource que la viande & l'eau sont illec tres-salu-
 bres & saines. Quant est de la maniere de viure, il ne
 faut en disputer pour les poiffons, entendu que c'est
 seulement le propre de l'homme d'y pescher.

*L'abondance
 des oiseaux
 en vn lieu, dô-
 ne argument
 de l'air salu-
 bre.*

Par mesme raison les oiseaux abondent en aucun air,
 & sont steriles en vn autre. L'abondance de tous oi-
 seaux est indice en deux manieres de la salubrité de l'air,
 pource qu'ils cognoissent la qualité de l'air, & pource
 que l'air leur donne la pasture salubre. Mais ce signe
 doit

doit estre referé aux regions, non aux parties d'icelles: car il peut estre que les oiseaux abonderont en vne vallee, quoy que l'air y soit fascheux, à la comparaison des plaines & costaux. Les costaux & les plains champs seront ce pendant tres-salubres. Pourtant aux Isles dictes Moluches vn oiseau mort est trouué sus la terre, ou en la mer, lequel estant en vie n'est veu, pource qu'il n'a de pieds: toutesfois Aristoteles dict qu'il a pieds. C'est oiseau que i'ay veu ja par trois fois, seul n'a pieds, pource qu'il habite en l'air haut, & loing de la veüe humaine: son corps & son bec est semblable à l'erondelle en magnitude & en forme: les penes des ailes & de la queüe quand il les estend, sont plus grandes que celles d'un esperuier, & sont presque egales à celles de l'aigle. Tu peux penser l'espeueur & grosseur des penes: car elle est telle que la raison enseigne pouuoir conuenir selon la paruité de l'oiseau. Les penes donc sont fort menuës & semblables (fors la tenuité) aux penes de la femelle du pan, non à celles du pan masse, pource qu'elles n'ont yeux tels, que l'on voit en la queüe du pan masse. Le doz du masse est creux: & la raison montre que la femelle fait ses œufs en ceste cauité, veu que la femelle mesme a le ventre creux, en sorte que par l'vne & l'autre cauité elle peut couuer ses œufs.

*Vn oiseau appelle manu-
codiata, vul-
gairément oy-
seau de Dieu
ou de paradis,
selon l'inter-
pretation de
la langue des
Indiens.*

En la queüe du masse tient vn fil plus long que trois paumes, de couleur noire, moyen entre quarré & rond, ne gros ne menu, presque semblable à celuy dont les cordoniers cousent les patoufies & souliers. L'estime que la femelle est liee & ioincte au masse plus fermement par ce fil quand elle couue ses œufs: & n'est de merueille si cest oiseau manucodiata habite tousiours en l'air: car il est certain qu'il se soustient de soy mesme, quand ses ailes & sa queüe sont estenduës en rondité: & si l'a quelque lassitude, le changement la peut oster.

Je pense qu'il n'ait autre viande que la roussee du ciel, qui luy est le manger & le boire: & ainsi nature semble auoir pourueu diligemment à tant grand miracle, afin que cest oiseau peult habiter en l'air. Il est vray-semblable qu'il soit nourry d'air pur, pource que cest air est trop subtil: & n'est vray-semblable qu'il soit nourry de

petites bestioles, pource que certes illec n'est faicte cōgregation de matiere pour engēdrer telles bestioles: & ces bestioles ne sont veües aux ventres de manucodiata, cōme aux ventres des erondelles: & cecy ne nous cōtrainct en rien, veu qu'il faut croire que manucodiata est consumee par la seule vieillesse: aussi cest oyseau n'est nourry de vapeur qui est abondant en bas, car cest oyseau seroit veu quand il descendroit: mesmement la vapeur est aucunesfois pernicieuse: il est donc vray-semblable qu'il est nourry de rousee durant la nuict.

L'atruche
dite struthio-
camelus.



OR comme manucodiata est vn oyseau qui n'habite iamais sur la terre, par contraire raison l'Atruche ne part iamais hors de la terre, en sorte

que tu ne peux dire estre vn oyseau, si tu ne regardes à la forme. Je pense que l'Atruche a pris son appellation, pourtāt qu'elle imite le Chameau en longueur de col & de cuisses: car elle est vn peu de plus haute stature que l'homme: & struthio en Grec, est dict en Latin *passerculus*, vn passereau, comme nom composé par ironnie, cōme si quelqu'yn appelle vn grand homme de ce mot *pigmeus gygas*, c'est à dire petit homme geant.

L'Atruche est du gerre du passereau: mais elle a le col long comme le Chameau: le bec, les yeux, la teste sont semblables à l'oye, qui toutesfois respondent selon la propre magnitude: les ailes & la queüe ont les plumes de diuerse couleur, perses, blanches, rouges, noires, verdes: & n'est aucun oyseau qui ait aux plumes tant grāde delectation ou beauté: pource les gendarmes en ornent leurs heaumes. Toutesfois pour cause de la rarité, aucuns attachent sus leurs heaumes les ailes & la queüe de l'oyseau manucodiata, en adionstant ceste superstition que ccluy qui en a sus soy, n'est blessé ne vulnéré en la guer-

re. Le corps de l'Autruche a les plumes rares: les cuisses sont couuertes encor plus rarement de plumes, en sorte qu'elles, semblent estre cuisses d'hommes, non d'oiseau: car en magnitude & rotondité, m'esmemēt pource qu'elles se finissent en estreccissant, non grandemēt, ains petit à petit iouxt le genouil: pource aussi qu'elles ont peu de plumes, & que la chair est blanche, elles ensuiuent la cuisse de l'homme: les pieds sont fourchez avec ongles, comme aux beufs, la cuisse comme à vne oye, le pas lent pour la magnitude des cuisses. Celle que i'ay veüe estoit douce: ie ne cognoy les mœurs des autres. Les œufs sont grands comme la teste d'un enfant, ronds quād ils sont vicils, ils representent l'yuoire. Coustumierement on les pend aux temples, car ils durent lōg tēps, pource que ils sont tres durs: & quand l'humeur en est euaporé, ils sont quasi durs cōme l'os. L'Autruche a du poil à la paupiere superieure: elle court autant legerement que le cheual: on diēt que le cheual la fuit, & n'ose la regarder: elle court les ailes esleuees, toutesfois elle ne vole point: on diēt qu'elle iecte au loing de ses pieds les pierres: qu'elle cuit & digere le fer, ce qui aduiuent pour sa vehemente chaleur & espesseur du ventricule: on diēt qu'elle couue ses œufs de ses yeux, toutesfois elle ne les couue, ains les obserue: car ses petits sont esclōs par la chaleur du Soleil. Je n'ay iamais ouy la voix de l'Autruche, il est certain que c'est la plus grande des oyseaux, si elle doit estre diēte oyseau.



Des oyseaux **L'aigle.**

qui volēt, l'Aigle est le plus grand, laquelle tous les autres craignēt. L'aigle est cognēu à tous le plus excellent des oyseaux: il est

trop plus grand qu'un gear, principalement par ses ailes, & plus tost par sa queüe, que par tout le corps & qu'en pesanteur.

Bialozor.

Vn oyseau dict Bialozor en Iurtha, ville ou prouince de Scythie, est blanc souz le ventre, avec quelque splendeur, duquel les ailes & la queüe sont plus grandes que celles de l'Aigle & les autres oyseaux le craignent tant, que mesmement l'Aigle est hors de courage, quand il voit cest oyseau, quoy que son corps n'excede celuy de l'Aigle.

Vn oyseau tres-grand.

On dict qu'en Inde est vn oyseau rauissant, trop plus grand que l'Aigle, noir & rouge, des pennees blanches entremeslees, le bec duquel est fauve, distinct de couleur perse, tant bellemēt que l'on ne peut voir chose plus delectable: pourtant pour la beauté & magnitude les manches sont faicts du bec de cest oyseau: & est manifeste qu'il faut que ce bec soit tres-dur. C'est l'oyseau le plus grand de ceux qui volent. Il est necessaire que les ailes soient grandes aux grands oyseaux, comme aux cignes, qui different des gears en la seule magnitude: ils sont tous blancs, & chantent le plus doucement entre tous oyseaux: la voix toutesfois, comme i'ay consideré en les oyant, approche à la voix du gear. Et ce gear d'oyseau tant loué, deschire & deuore ses petits: il chante fort doucement quand il meurt. Donc dict Ouide,

*Alcatraz
oyseau.*

*Ainsi quand meurt le cigne blanc appelle,
En Meander dict chanson douce & belle.*

Vne sorte d'oyseau que l'on pesche, dict alcatraz, en l'Inde Occidentale, est celebré pour la grandeur de son bec, & du corps: il a les plumes distinctes de couleur grise & iaune: son bec est long de deux paumes, tendant en acuité: le bec de la cigoigne, & de la grue n'est loing de telle grandeur. L'oyseau dict picutus a le bec plus grand que tout le corps, & le corps est vn peu plus grand qu'une corneille. Le bec donc est long, large de trois doigts là où il est, ioinct à la teste, & est courbé: il en perse les arbres: & illec par artifice, par son bec, quoy qu'il soit petit, il se defend bien contre les singes qui ont queüe. Cccy est admirable en cest oyseau, qu'il a vne penne au lieu de la langue, dont moult il differe de la nature des autres oyseaux: il siffle vehementement: il habite en mesme terre que l'alcatraz.

*L'oyseau dict
picutus.**Les signes
conez.*



Entre les nobles oyseaux, les Vautours sont celebres par l'augure de Romul^o, pour leur magnitude, & rarité, en sorte qu'aucuns recitent leurs

*Les Vautours
sont.*

nids n'auoir esté iamais veuz, neantmoins toutesfois que plusieurs nidz sont veuz aux rochers de la partie d'Angleterre, qui est maintenant dicté E scoffe, aupres d'un chasteau. Le Vautour mange de la chair, & toutesfois il ne tué aucune beste, & pource il est estimé sacré. Les plumes du Vautour avec la peau sont adaptees au lieu des peaux, & eschauffent tant qu'elles bruslent. Par mesme moyen les plumes des autres oyseaux sont adaptees principalement des cignes. Les Vautours voyent fort loing: ils suiuent le camp d'un augure & presage mortifere de la ruine & defaicté de la partie aupres de laquelle ils s'assissent. Et cest oyseau tant celebré des anciens est mesmement veu de present.

Plusieurs ont dict qu'il est vn oyseau dict fenix, qui est vn dire plus proche à la fable, qu'à la verité. Aucuns recitent qu'au milieu de l'Inde est vn oyseau appellé Semēda, qui à le bec fendu en trois parties, perforé & percé de toutes parts, qui chante doucement en sa mort, cōme fait le cigne: puis par le mouuement de ses ailes cest oyseau allume le feu aux sarmens de vigne illec assemblez, & est bruslé, de la cendre duquel vient vn ver, & de ce ver naist derechef vn oyseau, ce qu'ay miex aimé adiouster icy pour le sens subtil de l'histoire qui appartient à l'origine du monde, & de vertu, que de le passer pour l'incredible narration de la matiere escrite.

*A sçauoir
si le fenix est
semenda oy-
seau.*

Or comme les regions different en magnitude, ainsi elles different en paruité. Certes vn petit oyseau, dict regulus, vulgairement roitelet, est en nostre pays, le plus petit des oyseaux qui vole par les buissons, plus petit de

*Le roitelet
oyseau dict
regulus.*

moytié que le passereau. L'Inde produict vn passereau dict *muscatu*, lequel si quelqu'un le voit volant, pour sa celerité, & paruité, il estime voir vne gueppe: il a aucunes plumes iaunes & verdes, aucunes de diuerse couleurs. Il est vn peu plus grand qu'une mouche à miel: par le bec il est cōme vne aiguille tres-menuë: tout cest oyseau avec son nid à peine poise vint quatre grains, de froment il fait son nid de coté, il est hardy, & se iecte sus les yeux de ceux qui vont à son nid, seur à cause de sa celerité & paruité. Il est donc manifeste que cest oyseau est de substance subtile & chaude, & pource hardy: car entendu qu'il a bec, pieds, langue, ailes, entrailles, plumes, griffes, cerueau, & plusieurs autres choses, il falloit qu'il eut la substance subtile, & bien elabouree: & est, comme ie croy, le plus petit oyseau de tous.

*Le passereau
dict fol, par
sens contraire.*

En la mesme partie d'Inde est vn oyseau fort ingenieux qu'ils appellent le passereau fol par ironie, & sens contraire, cest oyseau est noir, les plumes entreluisantes de blanc au col: de la grandeur d'un estourneau, qui cōtre les singes à queuë, desquels le nombre est illec incredible, se munit en telle sorte, que l'homme ne peut inuenter tant de defences commodés contre le peril. Premièrement il eslit vn arbre haut, enuironné d'espines, afin qu'on ait cest arbre en horreur pour la hauteur, & qu'il soit reiecté & delaiissé pour les espines. Il suspend son nid tres-dur aux branches spineuses de cest arbre, ie dy le nid tres-dur, de peur que l'ennemy ne puisse le rōpre, il batit l'entree estroicte, pour reiecter l'ennemy, & que luy seul puisse entrer: ce nid est large en bas, afin qu'il puisse estre cōmodémēt avec ses petits, aussi principalement pource qu'il est contrainct d'amasser en ce nid les excremens de ses petits, n'ayant autre entree ouuerte, que celle par laquelle il entre par haut. Mais pource qu'il cognoit que son ennemy vse de la main, nō autrement que l'homme, il estend la longueur de son nid iusqu'à quatre paumes, afin que quand l'ennemy mettra la main dedans, qu'il soit loing du bas, & que par ce moyë il garde ses œufs & petits qui sont dedans.

Generalement les oyseaux sont les plus excellens, qui sont ingenieux, & sages, lesquels sont nourris de fruits,

non de quelque amas de mauuaise viande, & aussi qui
 viuent en l'air pur. Entre les oyseaux le Papegaut, dict
 vulgairement Perroquet, en Latin *Psittacus* est celebré *Le pape-*
 pource qu'il a grande teste, & naist aux Indes en l'air *gaut.*
 pur: pourtant il apprend non seulement à parler, mais
 aussi à chanter de mesure. Le Papegaut chante d'armo-
 nie par affection de gloire: car il est participât de gloi-
 re & amour, pource il a vne memoire non vulgaire. Les
 couleurs des Papegauts sont diuerses: les plus beaux
 sont estimez estre aux Indes: car outre la varieté des
 couleurs, ils ont vne splendeur.



Je ne croy
 q' nature puisse
 former vn plus
 beau oyseau,
 que le Pan de
 nostre pais, aiât *Le pan de*
 tant d'yeux en *ce pays.*
 la queüe tant
 longue, & tant
 espesse de plu-

mes, qui ont tant diuerses couleurs, tant grande splen-
 deur, tant grande election de couleurs, que la blan-
 che & noire, desquelles la noire de soy est triste, la
 blâche obscurcit les autres couleurs, qui sont euitées, &
 ne sont trouuees au Pan. Il cognoit la beauté, il crie
 haut quand il voit ses pieds, mesprisant leur deformité:
 il esleue sa queüe en roüe, & l'expose au Soleil, à fin
 qu'elle semble plus belle, il s'esioit de ce que l'hom-
 me s'emercueille de sa queüe en la regardant, & pource
 il la tient esleuee tant qu'il soit las. Pareillement le pan
 d'Inde admire sa queüe, la portant en roüe, & la pul-
 chritude d'iceluy n'est moult eslongnee de celle du no-
 stre. Sa peau est belle & bien decoree alentour de la te-
 ste, de laquelle il change la couleur comme il luy plaist.
 Car entendu qu'elle est de diuerse couleur, distincte de
 blanc & gris, quand le sang y vient, elle est tantost
 perse, tantost rouge. Et pource que ce pan se cour-
 rouce facilement, & a la face & l'affectiõ d'hõme cour-
 roucé, ayant ceste peau predite au lieu de la face. Autre

Le pa d'Inde.

chose est plus admirable qu'il assemble quelquesfois sa peau, en sorte qu'à peine on la voit, & lors elle est palle, aucunesfois il est éd, en sorte qu'elle couure tout le bec, & lors elle semble aucunesfois estre rouge. Par ce il est manifeste qu'elle s'estend ensemble avec le sang, jaçoit que ie l'aye veüe palle, & ensemble estendue. Elle est donc amassée & retirée, pource qu'elle est subtile & lasche, ainsi que la peau des testicules, qui semble aucunesfois estre toute retraite, aucunesfois moult estendue. Doncques la tenuité & laxité sont causées, tant de l'extension & contraction, que de la mutation.

Le coq.



Le Coq de nostre pais a tousiours lacreste esleue, & rouge, s'il ne se porte mal: & si ceste beste estoit rare, non seulement elle seroit digne de

admiration, pour la forme, & le chant. Le coq s'esleue en chantat, & sa voix est ouye de loing, principalement elle est ouye de nuict jusqu'à mille pas, & d'auantage: quand il se esueille apres la viande il chante, aucunesfois quand le Soleil est au Midy, aucunesfois à minuict, & quand les rayons du Soleil commencent à faire l'aube du iour. Il ensuit donc la force du Soleil, & diuise tout le iour naturel en huit parties, non toutesfois à Soleil leuât, mais quâd le iour vient aux fins de l'aube du iour, & ainsi quâd il vient deuât le Midy. Le coq est mis avec le serpent, le chien, & le cinge au sac, ou celuy qui a tué son pere, est ietté dedans l'eau: quoy que le coq soit innocent du peché, il est toutesfois precipité en la mer. Car comme le cinge n'est hōme, toutesfois il le semble estre, ainsi est il de celuy qui tue son pere: le serpent va le deuant aux ambuches, ennemy à l'homme, nō autrement qu'un parricide: les chiens semblent auoir en haine tous les hōmes, & ne pardonner à aucun, non pas à son propre gerre. Le coq innocent du meurtre, est adiou-

Pourquoy le coq, le cinge, le serpent, & le chien sont mis dedans le sac du parricide.

sté, peut estre, pour la similitude de la gent des Gaules, que les Romains ont principalemēt hay, ou pource que il est tressuperbe & audacieux. Ce parricide est precipité en la mer, comme indigne de tout elemēt, & de la societé duquel l'air, la terre, & l'eau seroiēt infectez, pour ce il est cousu dedans vn sac, & precipité en la mer, premierement batu de verges iusqu'au sang.

Mais telles superstitiōs laissees, reuenons aux loix de nature tresconfirmees, & prudentes. Nature delibera de faire oyseaux qui volassent, & decorassent l'air, & cest exemple des oyseaux est pris pour toutes autres bestes pource il falloit qu'ils eussent la teste fort legere: pour ceste cause les oyseaux ont la teste plus petite que les autres bestes, & les oyseaux qui ont grosse teste ont le bec petit, & le cerueau vuide, & grādes aisles. Deux detrimēs ensuiuiōt la paruité de la teste, vn que les oyseaux fussent solides, l'autre qu'ils n'eussent des dets: car vn petit bec estoit necessaire à petite teste, & pource les dets n'eussent seruy en rien, & n'eussent peu auoir force, pource aussi que la paruité du bec, & de la bouche empeschoit de mascher les viādes. Nature a osté le premier inconuenient par chaleur & siccité du tēperamēt, ce qui a esté profitable à la generatiō des plumes, & à la legereté de tout le corps: puis à fin que tout le corps fut sec, nature a voulu que les oyseaux fussent cōtēs de peu de boire, & pource les oyseaux n'ont de vessie. Mais au lieu des dents, nature a substitué le secōd vētricule, à fin que les viādes dures se cuisissent en ce vētricule petit à petit: car pource que les viādes dures n'eussent peu se diminuer aisemēt, elles requeroient plus long temps, & vn vētricule plus ferme & estroit, ou peu de viāde pouuoit estre cōtenue, qui n'eut satisfait au corps. Il a esté dōc necessaire de substituer le secōd, où la viande fut à demy cuite, & qui peut cōtenir autāt de viande & māgeaille, qu'il suffit à tout le corps. Aussi nature a faict les pieds petits aux oyseaux, pource que telle charge nuyroit à voler: ils ont la portee de la veüe loingtaine, pour ce qu'il leur estoit besoing de voir de loing, & de fort haut. Mais si aucuns oyseaux laissent la regle de nature, ils n'ont pourtāt l'vsage parfait: car aucuns veulēt sou-

Pourquoy la teste des oyseaux est petite.

Pourquoy les oyseaux n'ōt des dents.

Pourquoy les oyseaux n'ont de vessie.

Pourquoy les oyseaux ont deux ventricules.

tenir que les oyseaux qui sont aux Isles dictes Diomedes (ainsi dictes de Diomedes) ont des dents, & telles choses sont plustost pour cause de varieté, que necessaires à l'usage & vtilité. La chauuesouris a des dents, mais elle n'a de plumes, & toutes les ailles sont cartilagineuses. Et quand elle est tombee bas, à peinc elle peut se releuer pour voler.

*Les oyseaux
appriuoisez.*

Tous oyseaux sont presque naturellement appriuoisez, & principalemēt ceux qui ne sont nourris de chair. Au nouueau mōde, incontinent que les nauires estoient arriuees aux Isles desertes & inhabitees, plusieurs oyseaux principalemēt ceux qui sont du gerre des coulōs, permettoient qu'on les print de la main: & les oyseaux ne craignent la soçieté des hommes, s'ils ne sont instruits par exemple. Pourtant plusieurs hermites en ont appriuoisé qui estoient du gerre des oyseaux agrestes, comme passereaux & corbeaux.


La taupe.

Or en laissant les oyseaux, passons à l'animal qui habite souz terre, & qui est d'autre gerre, on l'appelle vne taupe. La taupe est de couleur cendree, semblable au rat en forme & magnitude, sinō qu'elle est priuee des yeux: car qu'eussent seruy les yeux à la beste habitante tousiours sous terre? Elle hait tant l'air que si elle est contrainte sortir en lumiere, en bref temps elle est comme esuanouie. Aussi elle n'a tant longue queüe que le rat, car dequoy profiteroit tant longue queüe à la beste habitante souz terre? Pour mesme raison elle a les iambes fort courtes, & les ongles tresaguës: la breueté des iambes estoit necessaire à la beste penetrante la terre, aussi les ongles agües, à fin qu'elle peut commodément percer la terre: & elle fouit tant diligēment & legerement, que ceux qui premierement voyent la terre fouie de la taupe, sont moult esbahis, il est donc manifeste que nature est fort solicateuse en toutes choses, & qu'elle a preueu toutes choses non legerement, ains de faict & apens, & que les hōmes, auxquels Dieu a donné ce benefice, qu'ils trouuent la premiere cause des choses, sont participans de ceste principale nature, & que nature qui ordonne ces choses n'est d'autre gerre, & n'est aliene de l'esprit & entendement de ceux qui pleinemēt

*Les hommes
participans
du conseil di-
uis.*

ont peu ſçauoir la cauſe des choſes, & pourquoy elles ont eſté faiçtes. Aucune beſte qui ayt ſang n'eſt trouuee viuante touſiours ſouz terre, ſinõ la taupe. Aucuns gerres de ſerpens, & de grenouilles pernicioſes non ſeulement ſont trouuees ſouz la terre & aux vieils ſepulchres, ains auſſi, qui eſt choſe admirable, dedans les pierres ſolides. mais les ſerpens & grenouilles n'ont proprement de ſang, & n'engendrent beſtes de leur gerre, ains des œufs, ou rien.

Aucunes beſtes dedans les pierres ſolides.



Autres beſtes ſont, diſtes eſcreuiſſes, qui ſont de vie ambiguë, & de forme aliene. Ils en ſont pluſieurs gerres, de mer & de fleuue. On en

Les eſcreuiſſes.

trouue vn gerre terreſtre, qui ſe cache en terre, principalement en l'Inde Occidentale. Le gerre d'eſcreuiſſe eſt appellé *gammarus*, qui a queue: ce gerre engendre les pierres blanches aux yeux, l'eſcorce dure de poſee il en prend vne molle, & lors les pierres ſont faiçtes tres grandes, la matiere de l'eſcorce cõuertie en pierres. L'eſcreuiſſe chemine le coſté de trauers. Il ſuffit d'auoir dit ces choſes prediçtes des beſtes monſtrueuſes. Il faut entendre que chaque beſte a ſon pouls & reſpiration differente & propre, comme les chiens & cheures, leſquels pouls & reſpiration tu n'oſerois confeſſer eſtre ſemblables à ceux de l'homme, & non pas entre ſoy-mesmes. Et aucuns membres retiennet ceſte maniere de pouls: jaçoit, qui eſt cõtre Ariſtoteles & Galenus, ils ſoiët arrachez & ſeparez de tout le corps: cõme la langue du beuf ſeparee remue tout vn iour: car ceſte vertu du pouls donnee de nature demeure encor, ou pource que la chaleur quand elle ſe reſoult les mouue, cõme l'air mouue les fioles en l'eau & les pierres ſeches, les cornes bruſlees, & agallochũ mouue les fioles en l'eau, quãd l'eau y entre au lieu de l'air. C'ecy donc que i'ay dit de la lãgue du beuf, eſt aſſez ad-

Le pouls eſt propre à chaque beſte.

Au li. 6. cha. 10. de Plati. La langue d'un beuf arrachee ſe remue tout vn iour.

mirable: & ils certifient que la chair de veau ietee en l'eau, se mouue de soy-mesme, ce que ie n'ay encor experimenté.

Le chien & la mouche ne entrent au temple d'Hercules.

Car cecy est plus admirable, que Solinus recite durer encor de son temps, sçauoir est, que le chien ne la mouche n'entrent point à Rome, au temple d'Hercules. I'ay entendu depuis quelque peu de temps la maison d'un muet auoit esté à Venise, en laquelle les mouches n'entrent point: ceste maison fut bruslee en un bruslement & prise du feu publique. Estoit-elle point euitee des mouches, pource qu'elle estoit en lieu haut, bien euentee, froide aussi pour le fer & le marbre? Car les mouches hayēt tout metal pour la frigidité: & pource que difficilement elles peuent se tenir & adherer dessus. Mais quand aux chiens, il faut chercher autre raison, si d'auenture il n'y auoit quelque chose ensuelie ou pendue au portail du temple que les chiens fuyent. I'ay ouy dire souuent aux moines Chartreux qu'ils ne sont molestez de punaises, & ce par le tesmoignage de plusieurs, en sorte que i'aurois honte de ne les croire pour tant petite chose. Ils disent que la cause est pourtant qu'ils ne mangent de chair. Soit que cecy aduienne pource qu'ils se tiennent nettement, ou par quelque autre moyen, ie n'ay peu encor en cognoistre aucune chose. Quant à moy ie ne traueille de chercher la cause d'une chose, si ie n'ay experimenté si elle est.

Les Chartreux ne sont molestez de punaises.

Des cheuaux

Doncques les matieres expliquees qui appartiennent à l'histoire des animaux, & qui tendent au traicté de l'homme, à bon droict suruiendra vne doute, qu'elle beste c'est qui est la plus vtile à l'homme. Il ne faut long temps douter en cecy, veu que le cheual est preferé à toutes bestes pour ce fait: car il est le plus idoine & suffisant à porter les fardeaux. Mesmement les mulets sont engendrez d'une cheual & d'une asnesse, ou d'une iumēt & d'un asne, qui peuent porter plus pesant qu'ils ne poissent eux-mesmes. Les cheuaux marchent d'un pas ferme & assuré. Aussi les cheuaux ont vne grande mansuetude & docilité, & en ce ne sont surmontez d'aucune beste. Ils ont l'ongle du pied tresdure, & exempt de tout mal, qui reçoit les fers & cloux de fer: & en ce il est

plus excellent que le Chameau. Il surmonte à courir, de cours qui continuë, tous autres animaux, & iacoit que vn cheual soit surmonté d'un chameau par l'espace des iours: toutesfois plusieurs cheuaux preparez aux postes, surmontent autant de chameaux. Car quand le chameau est trauaillé, il se remet, & est vn peu lasche: & estant entier & valide, & il ne peut esgaler le cheual courant ou voltigeant. Le cheual donc surmonte en plusieurs sortes par sa noblesse les autres bestes. Il est ardent en bataille & combat, cupide de gloire, & est enflammé au son de la trompette: il entend le regime du mors de la bride, en sorte que l'homme n'entend mieux la voix de l'homme. Il veille presque tousiours, & ne se couche s'il n'est lassé ou paresseux: il est nourry des viandes de vil prix, de paille, d'herbe, de son de froment, d'auoine. Il semble que luy seul soit né à toute commodité de l'homme: il porte les fardeaux, il traîne, il court, il faute, il bataille. Il est loué en vingt-sept conditions, trois de la femme, trois du Lyon, trois de l'aigle, trois du bœuf, trois du cerf, trois de l'asne, trois du regnard, trois de rosomacha, dict en Latin *gulo*, en François goulou, ou trois de l'oyson, & trois propres. Les conditions de la femme sont l'age ieune, qui est au cheual depuis quatre ans iusqu'à huit ou dix: la mansuetude & douceur des mœurs, qu'il ne morde point, qu'il ne recalcitre & rue, qu'il ne se couche en l'eau, qu'il ne soit obstiné & inobedient, qu'il permette estre manié, traicté, & mené de chacun: la pulchritude & beauté, qui luy consiste comme aux femmes, en la face, au large poictrail, & en bonne composition des membres. Les conditions de l'aigle sont, qu'il ayt bon œil, petite teste, & qu'il la tienne droite esleuee. Les conditions de l'oyson, ou rosomacha, qu'il soit gourmand, qu'il mange soudain, & qu'il ne reiecte rien, qu'il ayt plaines entrailles, & qu'il se marche les pieds distans sans s'entretailer. Les conditions du Lyon, qu'il soit courageux & fort, qu'il soit haut esleué en la part anterieure, non creux au milieu, ny aussi plus haut que la part de derriere: ce sont les proprieté du Lyon. Les conditions du cerf, qu'il coure & faute bien, & qu'il soit leger. Les conditions de l'asne,

*Les conditions
d'un bon che-
ual.*

qu'il ait les ongles dures, le cuir dur, & le dos robuste & fort : car tu fuiras le cheual qui feschit & cede au faiz, quand tu montes dessus. Les conditions du regnard qu'il ayt belle queue, qui ne sert seulement à la beauté mais elle est signe de force, pource qu'elle procede des vertebres de l'espiac du dos : qu'il se tourne facilement en toutes parts : & n'est aucune beste qui puisse estre esgalee au regnard en telle agilité : & que la peau soit la plus excellente en pulchritude. Les conditions du beuf, qu'il ait le pied grand, les cuisses moderément grosses : car les menues ne peuuent estre bonnes : que les cuisses ayent les ioinctures courtes & fermes, afin qu'il marche seurement : car le beuf ne brunche point. Les conditions propres du cheual sont, de marcher legerement & doucemēt, d'estre allegre, prompt, & bien deliberé en gayeté de cœur, qu'il sçache obeir au frein & esperons, sans estre restif. C'est chose commune & cognue à tous, qu'il soit sain : & le signe de santé est, qu'à peine il sue, mesmement aux labours. La gayeté de cœur, est cognue quand il hannit, & ne peut s'arrester, & s'il est contraint, qu'il ronge son frein, & qu'il frappe du pied. Pourtant ton Poëte Mantuan dit,

Le bon cheual, qui debout ses pieds reuge,

Sentant son cœur, le frein escumant mange.

*Le cheual de
Alexandre.*

Aux histoires on faict mention de deux excellents cheuaux. Le premier estoit le cheual d'Alexandre le Grand, qui estoit nommé *Bucephalus*, ou pource qu'il auoit grande teste, ou elegante, car *beu* en Grec signifie grand ou elegant : quand ce cheual fut mort en Inde bataillant contre le Roy Porus, Alexandre fist construire vne ville nommee *Bucephala*, du nom de son cheual : ainsi ce magnanime Roy attribue tant d'honneur aux merites de ce cheual, où il monstre qu'il entend, quelle & quante fiance le Prince a en son cheual. L'autre cheual excellent auoit les ongles d'homme, lequel estant à C. Cesar, luy signiffia qu'il auroit l'Empire. Toutesfois il ne faut entēdre qu'il ait eu ongles avec doigts : car il n'eust peu porter son cheuauteur, mais, comme il a esté dit de l'Elephant, les differences estoient sans diuision en l'ongle souz forme des doigts. Le *Bucephalus* n'admet-

*Le cheual de
C. Cesar.*

toit aucun, sinon Alexandre, non par tant grande hauteur de cœur, que par son ambition: dont il fut tresgreable au Roy tresambitieux.

Quand donc on te presente vn cheual, regarde premierement sa teste qui doit estre petite, belle, haut esleuee, d'vn œil vif, & sans vice, de petites oreilles, & droictes, d'vn col court & ample, d'vn beau crin, d'vn large poitrail, la part anterieure vn peu plus sublime & haute que le dos, bien dur, auquel ne soient aucuns vestiges de cicatrices, d'vne espine large, les entrailles rondes, les reins pleins, belle queüe, les cuisses droictes, qui ne s'entretailent point quād le cheual marche, ou qu'elles ne soient trop ouuertes, de ioinctures fermes & courtes, de pied large, & d'ongle espeffe. Apres regarde les dents, afin que tu puisses cognoistre son aage: presse luy le gosier: car s'il est poussif, il ne peut endurer qu'on le presse. Outre, tire luy la queüe: s'il cede & obeit, il est imbecile: puis presse luy chacune iointure, principalement les pasturons, & les destourne vn peu: s'il est deult, il ne s'arreste, & est signe qu'il est de long temps blessé. Aussi considere la couleur: s'il a vne estoile au front, il est loüable: & si avec ceste estoile, il a quelques taches aux quatre pieds, ou en deux seulement, ils l'estiment meilleur, & pour dire en somme, ils fuyent les taches de nombre esgal, & louent les inegales. Toute couleur splédide est louable: quād la splendeur n'y est, outre ce qu'elle diminue la beauté, ce denote que ce cheual est paresseux. Ces choses considerees, môte dessus, & tu verras s'il refuse le cheuauteur: s'il fleschit le dos, c'est chose tresmauuaise. Quand tu seras dessus il te faut le tourner çà & là: & ainsi tu cognoistras s'il se manie bien, & s'il est adextre. Fay-le marcher, tu cognoistras la douceur du pas, la legereté & maniere de marcher. Fay-le courir, tu verras comme il obeit au mors & à la bride, quand on le retire: en courant, tu verras comment il obeit aux esperons: mesmement tu entendras combien il est leger, combien il est seur, & s'il sera de bonne ou mauuaise haleine. Ce fait meine le boire, tu verras si de son bon gré il se met dedans l'eau. Laisse le boire, s'il mouille les narines outre la bouche, il est sain & de l'estomach

& de l'haleine. Aussi il te faut le mener aupres des rouës qui tournent: s'il feint d'approcher, il est timide: s'il ne veut du tout s'approcher, il est obstiné, autrement retif. Apres, offre luy de la viande, s'il mange gayement, c'est bon signe: s'il mange lentement, ou il est paresseux & inutile, ou gourmand. Quand l'auoine luy est donnée, lors on cognoist s'il rue du pied, ou s'il mord. L'auoine mangée, s'il se couche, il est paresseux, & n'est prompt au labeur & travail: car le cheual de haut cœur ne se couche, si ce n'est par grand travail. Quand il est bridé & sellé, s'il hannir, & ronger le mors de la bride, en iectât escume, s'il frappe la terre du pied, & dresse l'oreille, il est de bon cœur & gaillard. Fay qu'il saute, tu cognoistras la legereté, & la force de son dos. J'ay enseigné les maladies du cheual, & la curation d'icelles au second liure de la Variété des choses. De present il est téps que nous prenions ce qui est fort vtile, & pourquoy nous auons entrepris ce traité, pource qu'il est de subtile contemplation. Ce traité est de la variété du marcher des cheuaux, entant qu'il appartient à la celerité & promptitude du marcher. La cause du pas leger consiste en trois choses: premierement qu'il mouue soudain les cuisses, ainsi le cours est plus leger en voltigeant: secondement qu'il mouue deux pieds ensemble, non vn seul: car en mouuant deux pieds ensemble, le cheual procede par double mouuement: s'il ne mouue qu'vn pied, il a besoin de quatre mouuemens pour cheminer. Ainsi le pas de voltiger, & de quoy on vse au combat, sont plus legers que la simple allure: tiercement, que les pieds ayent moult d'espace, quant en la ioincture, comme la rouë en l'essucil, la cuisse est tournée en cheminant: & en ce les pieds posterieurs sont principalement obseruez: car si les pas des pieds posterieurs passent ceux des anterieurs, il est necessaire que le cheual chemine d'auantage par vn seul mouuement d'vn pied posterieur & anterieur, que n'est l'espace entre les pieds posterieurs & anterieurs: qui n'entend cecy estre grande cause d'allure leger. Que les pieds anterieurs du cheual soient en A B, les posterieurs soient C D: en ostant A, si C est mis

*Huict gerres
du marcher
des cheuaux.*

au lieu de A, en ostant B D, il sera mis au lieu de B: le cheual donc passe de CD en A B: & ainsi ce fait, autat que les pieds posterieurs sont distans des anterieurs. Mais si C est mis en E, A osté, D sera mis en F, B osté: l'allure donc du cheual sera de CD en E F, les pieds posterieurs fort distans des anterieurs: & cecy fairement aduient. Et si C est mis en G seulement, & D en H, il est raisonnable que ceste allure soit generale presque à tous cheuaux. Il est donc manifeste, que si C est mis en E, & D en F, & A en L, & B en M, que L est autant distat de A, & M, de B, que E est distant de C, & F de D: autrement s'ils sont plus ou moins, C & D petit à petit s'approcheront tant à A & B, ou s'en reculeront tant que le cheual tombera: & pource que nous ne voyons cecy aduenir, il est certain que les piedz anterieurs sont toujours mouuez esgalemment avec les posterieurs: toutefois on ne peut tant facilement voir l'allure aux piedz anterieurs, qu'aux posterieurs, pource que les pas sont plus confondus. Et ceux qui ne scauent que les piedz posterieurs sont toujours mouuez esgalemment avec les anterieurs, cecy leur est facile à conclure, que le cheual est legerement mouué, quand les pieds anterieurs atteignent loing. Pourtant coustumierement on mesure l'allure des cheuaux par le mouuement des piedz posterieurs, non des anterieurs, quoy que ce soit vne mesme raison. Cecy mesmement doit estre obserué, que non seulement les cheuaux, ains toutes bestes mouuent le pied dextre anterieur premier, selon nature, puis le fenestre posterieur apres, le fenestre anterieur, & puis le dextre posterieur. Car s'ils mouuoient les deux piedz anterieurs ensemble, comme de A B en E F, lors le cheual seroit estendu de C D en E F: & ce seroit inconuenient au cheual qui marche naturellement. Et si le pied dextre posterieur succedoit au dextre anterieur, si ce mouuement est fait ensemble, le cheual n'a où il puisse se soustenir: il est donc trop meilleur que le pied fenestre posterieur succede au dextre anterieur: ainsi ce pendant le cheual est soustenu du pied dextre posterieur, & du fenestre anterieur. Les hommes experimentent que ceste allure leur est commode, en laquelle vnepartie est

E
A
G
CF
B
H
D

P

mouuee quand l'autre se repose : car quand l'homme
 mouue assëmblement les deux piedz, necessairement il
 se foule, comme en sautant, en cheminant, & en cou-
 rant tousiours vn pied se repose, quand l'autre est mou-
 ué. Si donc l'homme est tout leué hors de terre, neces-
 sairement il tombe tout, & pource il se quasse & rompt.
 Et si quelqu vn saute tout le iour, ne semblera-il pas au-
 uoir les entrailles rompues? Et si le cheual en faict au-
 tant, il en aduiendra autant au cheuauteur, sinon qu'il
 ne se blessera les piedz: car le cheuauteur n'est assis sus
 ses piedz, ains sus la selle, & sus le cheual. Doncques le
 cheual ne peut mouuoir les quatre piedz ensemble: &
 quand l'homme saute, necessairement il fleschit les ge-
 noux: mais le cheual ne les fleschit auant qu'il se leue: il
 ne peut donc mouuoir les quatre piedz ensemble: aussi
 ne peut il en mouuoir trois, cecy est absurd: il en mou-
 ue d'oc vn seul, ou deux ensemble. Par ce moyen ils sont
 huiet genres du mouuement des cheuaux, trois d'vn
 pied, & cinq de deux. Quand donc le pied dextre ante-
 rieur est mouué, puis le fenestre posterieur, ou le dextre,
 & ne faict grand pas, ceste allure est appellee simple,
 molle, & lente: elle est appellee lente, pource qu'elle est
 faicte d'vn pied n'ayant grand espace: elle est dicte mol-
 le, pource que l'homme qui est sus le cheual n'est mouué
 que d'vne part, de la dextre, ou fenestre.

Ceste allure la est plus commode, & meilleure aux
 cheuaux, & ne les traueille, entendu qu'elle est naturel-
 le. Et quand le pied posterieur esgale presque le lieu de
 l'antérieur, & qu'vn pied suit legerement l'autre, cela est
 dit allure de passe, & est la plus grande allure: & est bon-
 ne, & bien aisee. Les cheuaux trotiers atteignent des
 piedz posterieurs les anterieurs. Les cheuaux tardifs &
 pelans, & qui font grand espace, atteignent des piedz
 posterieurs les anterieurs. Et si le pied dextre posterieur
 suit legerement, quád le pied dextre antérieur est mou-
 ué, le train du cheual est moi & doux, qui est la pro-
 pre allure des mulets: & ne traueille l'homme, ains le
 traueille moins en esgale celerité, que le train de tra-
 quenard ou haquenee, pource que la partie dextre est
 seulement mouuee, puis la fenestre. Le train de passe,

pource que le cheual ioint le pied fenestre posterieur au dextre anterieur, ou le dextre posterieur au fenestre anterieur, quand ce train est leger, il semble que tout l'homme soit mouué, & pource le cheual le secoust bien. Mais quand deux piedz sont mouuez ensemble, ou deux d'un mesme costé, comme les deux dextres, puis les deux fenestres, ce train est de traquenard, ou haquenee, & est la plus excellente allure de toutes: certes elle est legere, pource aussi qu'elle est faicte de deux piedz ensemble, & tant plus est legere, que les piedz sont mouuez legerement, & les cheuaux espacent d'auantage: ce train aussi est doux, pource que quand vne partie est mouuee, l'autre se repose: c'est la maniere de cheuaucher tant celebree. Or si le pied dextre anterieur est mouué avec le fenestre posterieur, c'est le train des trotiers qui molestent l'homme: & entendu que ce trot mouue l'une & l'autre partie du cheual, il mouue tout l'homme, & le secoust bien, & ce d'autât plus que le cheual leue les piedz en haut. C'est chose tousiours vraye, que tant plus les cheuaux leuent les piedz haut, tant plus aussi l'allure est moleste, & moins perilleuse, pource que les cheuaux brunchent en choppant les piedz contre les pierres ou cailloux, qui sont dedans le chemin.

Mais si les cheuaux mouuent les piedz anterieurs ensemble, puis les posterieurs, lors ils galopent legerement, c'est la cheuauchure des gendarmes qui font les escarmouches, & des postes. Ceste course secoust bien & travaille l'homme, moins toutesfois que le trotier, pource que la partie posterieure ou anterieure du cheuaucheur se repose: il travaille plus que le train des haquenees, pource que le repos de telle partie n'est naturel. Car l'homme ne mouue premierement la partie anterieure, puis la posterieure, ains la dextre premier que la fenestre, ou la fenestre premier que la dextre. Et si les piedz posterieurs sont leuez premier que les deux anterieurs soient assis, c'est vn faut. Et ce faut a trois differences de temps: la premiere, en laquelle la part anterieure du cheual est leuee, la posterieure se reposant: & ce faut ne secoust l'homme, pource que la part posterieure se repose: la seconde difference en laquelle les

piedz posterieurs sont leuez, les piedz anterieurs n'estans encor assis, ce faut ne secouist l'homme, mais il mouleste grandement les reins de l'homme en fleschissant, pour cause de la contrarieté des mouuemens: la tierce difference est, en laquelle tous les piedz descendent, ou les anterieurs premier: si les quatre piedz descendent ensemble, quand ce faut est fait de haut, l'homme est moult secous, si les piedz anterieurs descendent seulement, le ventricule est vexé pour l'inclination. Voyla du mouuement des cheuaux. Or la docilité d'iceux est singuliere, en sorte qu'aucuns releuent & baillent à leur maistre vne espee cheute, qu'ils prennent de la dent, non autrement que la baillent les Elephans: les autres, qui est la moindre chose, fleschissent les genoux à leur maistre. Ils sont enseignez & instruits, comme il a esté dit des chiens, quand ils sont ieunes, en les domptant par faim: puis de pain ou du foin lié à l'espee, en s'efforçant de les arracher, ils leuent l'espee, & apres en retirant l'espee on leur laisse la viande. Aussi on frotte l'espee de miel, & ainsi les poulains la prennent volontiers. En continuant ceste coustume, cōme bien m'en est pris en les accoustumant à la bride par mesme diligence, de leur bon gré ils mordent l'espee. Outre les cheuaux ont souuenée du peril où seurenté: Pourtant le cheual qui de soy mesme se veautre & couche en l'eau, ne peut estre mieuz corrigé, que si deux hommes robustes & forts le prenant par les oreilles, le tiennent long temps en l'eau, tant qu'il soit presque suffoqué. Lors memoratif du peril & anxieté, il n'osera plus se commettre à tel peril. S'il est restif, & qu'il ne vueille marcher, il faut le faire aller en arriere, tant qu'il soit venu iusques dedans vn feu, ou iusqu'à des esguillons & alesnes: & ne faut le permettre marcher en quant, tant qu'il n'en puisse plus. Et s'il veut leuer la teste en haut, il ne faut le permettre se rabaïsser, qu'il n'ait la teste percee d'alesnes. Aucuns luy battent la teste d'vn baston, qui profite beaucoup.

Nature a armé toutes bestes contre six incōmoditez. Qu'il fuisse auoir dit les choses precedentes des animaux, que nature a armez contre la penurie & defaute de la viande & du boire, pour la conseruation de leurs petits & lignee, contre les maladies, cōtre la malice des

temps, contre quelques animaux, finalement par quelque singuliere affection contre l'homme, pource qu'il est le plus ingenieux. Premièrement nature les a armez contre la defaute du manger & boire par la course, l'agacité, & qu'ilz fussent engendrez, où estoit abondance de viures. Nature aussi leur a donné le plaisir du coit Venerien, & l'amour enuers leur lignee, pour la conseruation du gerre, elle a donné les mares, eaux, montaignes, valles, fosses, terriers, forets, buissons, branches, pour la cōseruation de leur lignee. Nature leur a enseigné herbes pour leur santé, abstinence, & repos, plus grans rume des par l'aide de medecine, qu'aux hommes, pour cause de l'imperice & ignorance des medecins. Nature le a armez contre la malice des temps, d'arbres, montaignes, terriers, de cuir, laine, poil, & plume: contre aucunes bestes, elles les a armez d'espines, de dets, de cours, de saut, d'ailes, d'ongles, de venin, d'eaux, de finesse, de cornes. Nature a muny les poissons cōtre l'homme d'un elemēt qui est vne ayde tresseure, en sorte que si les poissons n'estoyent deceus & pris par leur voracité & gourmandise, ilz pourroyent se cacher seurement dedans les gouffres des eaux. Nature a armé les serpens en leur donnant le corps rampant à terre, pource en hyuer ilz se cachēt aux fosses, & quād ilz sortent, l'herbe les cache. Nature a armé les oyseaux d'ailes: les bestes de quatre piedz, elle a armez de celerité: elle a fait l'homme qui ne peut voir de nuit sans lumiere, neantmoins que les bestes de quatre piedz voyent, les chiens, les loups, lieures, cheuaux, asnes, beufs, ainsi ilz peuuent cheminer de nuit seurement & chercher leur viure, entendu que l'homme possede de iour toutes les forets. Et pource que la clarté est denicee durant la nuit aux oyseaux. Nature leur a donné le sommet des chasteaux, & les buissons pour leur liēt à fin qu'ilz fussent deliurez des manaces de l'homme par la difficulté du lieu, & par l'obscurité de la nuit, lors que l'homme ne voit.

A ceste commodité des bestes est adionsté ce qui est *Pourquoy les* utile à l'homme, entendu qu'il pouuoit vser de lumiere *hommes ne* durant la nuit, puis qu'il est treslage, ou doit estre, c'est *voyt de nuit* qu'il estoit necessaïre que son cerceau fust humide & *sans lumiere.*

froid : aussi il deuoit auoir le cœur chaud , afin que ce corps mol peust suffire aux labours : & estoit necessaire que le corps fut mol , afin qu'il consistast d'une matiere subtile & apte à l'esprit capable de tant grandes choses: pourtant afin que i'amene nostre propos à fin , il estoit impossible de colloquer & mettre au cerueau humide & froid les yeux lucides & secs, tels qu'ils sont au chat & oyseaux de nuict , qui ont le cerueau sec : parquoy i'attenteray premier de parler maintenant de la necessité & forme de l'homme.

Fin du dixiesme liure.

DE LA NECESSITE ET FORME DE L'HOMME, Liure onzieme.

*Pourquoy
l'homme a esté
faict.*



OVRES choses sont faictes pour quelque cause: & faut definir premier, assauoir si toutes choses sont comprises par la contemplation de l'homme seul, & s'il est animal. Il faut donc prendre le commencement de nostre dispute, assauoir si l'homme est animal : puis si les animaux sont cognez par le seul gerre de Nature, mesmelement les parties d'iceux, ce qui a en l'homme la plus grande doute. Derechef, assauoir si les animaux, les plantes, & autres choses sont faictes pour soy, ou pour cause de l'homme : si c'est pour l'homme, assauoir si incontinent & immédiatement toutes choses sont faictes pour luy, ou pour autre cas par quelque certain ordre, comme pour exemple les herbes pour les lieures, les lieures pour les regnards, & les regnards pour la commodité de l'homme. Et au temps passé n'a esté inuenté plus belle, ou plus difficile disputation. Car la doute est grande, pourquoy ils ne sont plus de gerres d'animaux que ceux cy du iourd'huy, si Nature s'est effor-

cee d'accomplir tout ce qu'elle pouuoit faire, ou pour-
quoy elle s'est contentee de ceux-cy seulement. Et cou-
stumierement on obuie, & respond on à ceste doute par
plusieurs manieres. Et veritablement Epicurus disoit
bien, que nature auoit fait tout ce qu'elle auoit peu:
mais que seulement les choses estoient demeurees qui
ont eu quelque force & vertu excellente pour se defen-
dre: il disoit ainsi,

*Lors que nature eut entrepris de faire
Monstres plusieurs, ainsi que l'on refere,
Elle en fit vn par son subtil engin
Fille & garçon, appelé Androgyn.
Car ce qu'on voit viure de l'ir vital,
Est, ou vertu, mobilité ou mal,
Des premiers ans reseruant tout ce gerre:
Et moult de chose est de reste sus terre
Pour sa bonté commise à nostre garde.
Mais ceux ausquels Nature ne regarde
N'ont eu tel bien qu'ils requissent d'eux-mesmes,
Ains ils tomboient deffaits, pestes, & blesmes,
Et toute chose estoit lors detenuë
Du fort lien fatal, tant que venuë
Nature fut pour rediger en rien
Ce gerre là, qui n'auoit vn tel bien.*

Toutesfois Epicurus faut en deux manieres: premie-
remét, pource que la doute regne encore, veu qu'autres
formes des animaux eussent peu estrefaictes, qui fussent
demeurees, cōme les loups avec de cornes, & les chiens
avec ongles aguës: secondement il faut, pource qu'il
veut (helas) que nature a fait & composé toutes choses
par fatal & cas fortuit. Pourtant vn des deux me sem-
ble necessaire, ou que les formes des animaux viuans
soient constituees par le nombre de quelque chose &
vertu des estoiles, ou qu'elles soient variees & chāgees
par succession de temps. La diuersité d'iceux le monstre
en diuerses regions, comme i'ay mōstré cy dessus, mes-
mement en diuers temps. Il appert que ces formes, en
ayant esgard à la cōtemplation de chacune, sont faictes
pour cause de l'homme ou pour autres animaux, non
pas toutes, veu que plusieurs taupes viuent pour soy, &

meurent aussi. Et si elles semblent estre faictes pour autres animaux, elles ne sont de la plus grande partie, ains de la seule espece. Les especes donc des choses sont faictes ou pour soy, ou pour l'homme. Et certes c'est le fait d'un fol de dire, que tant de gerres des serpens qui sont mortiferes à l'homme, sont faicts pour cause de luy, & mesmement les venins mortiferes. Quoy donc? Ils ont esté plusieurs ourriers, & chacun a regardé au profit de son ouvrage. Celuy donc qui a eu esgard à l'homme, l'a ainsi façonné qu'il fut le plus sage, & qu'il peut commodément vsfer de toutes autres choses, ou pour le moins qu'il peust euter ce qui ne pouuoit estre à son profit. Ainsi celuy qui regarda aux Aigles, fut plus sage que celuy qui eust esgard au Coucou, & toutesfois chacun ourrier a pourueu à la perpetuite de son ouvrage. Quand donc cest ourrier crea l'homme en sorte qu'il peust vsfer commodément & à son profit de toutes choses, ce semble estre faict, afin que toutes choses semblassent estre faictes pour luy. Toutesfois aucuns disent le contraire: car chacun animal semble estre cree pour soy: & la caille ne semble moins estre faicte pour l'espreuier, que les animaux sont faicts pour l'homme. Donc les animaux engendrez de mauuaise condition semblent estre faicts pour cause des meilleurs, toutesfois fausement. Pourtant de cecy sort la solution d'une autre doute, pourquoy aucuns des animaux sont malheureux, & semblent estre, cōme les lieures, grenouilles, les dains dont le Poëte disoit,

Nous Dains, qui sans les armes sommes,

Pourquoy proye sommes aux hommes?

Telles bestes seroient assez heureuses de leur propre nature: mais la sapience des ourriers leur nuit: donques tous animaux sont cogneuz, & ce selon leurs especes. Mais des singuliers animaux excellēs seulement en espece humaine, la doute est grande: ie dy les singuliers animaux excellens, desquels la vertu domine sur plusieurs, cōme les Rōys & les sages. Pourtant la supreme sapience de tant grand ourrier semble auoir esté en deux choses: que rien ne demeurast inutile en tant grande masse: mais que tous animaux vequissent, ou fussent aliments

des viuans:& que l'ouurier fist de tant orde matiere aucun animal qui dominaſt en ces choſes inferieures, & fut ſemblable aux ſupreſmes ſubſtâces ſeparees. Et ſembloit qu'il deuoit auoir neceſſairement la cognoiſſance de toutes choſes : pourtant l'ouurier luy a doné autant de ſens, de memoire, & prudéce, qu'il eſtoit licite d'en mettre en tant rude matiere. Et veu que les dieux celeſtes ſurmontoient les mortels en cinq choſes, en ſapiece felicité, probité, en longue vie & ſecurité, & que ceſt ouurier ne pouuoit donner ſecurité à l'hōme mortel, il luy a doné les autres choſes, tant qu'il a peu. Entendu donc que la matiere eſtoit fragile & rude, elle a eu beſoin de pluſieurs aides. Certes la chaleur luy eſtoit requiſe, afin que ceſte matiere fuſt ſubtile & rare, & qu'elle fuſt ſuffiſante aux mouuemens : il luy eſtoit beſoin de tenuité pour l'entédement, de ſolidité pour la longue vie, de tēperament pour la ſuauité des mœurs, & moderation. Qui ne voit ces choſes preſque repugner par deux manieres? Mais la cōpoſition parfaicte donnoit toutes ces choſes : toutesfois de peur que ceſte cōpoſitiō ne fut parfaite, pluſieurs choſes, & quaſi infinies empeſchoiēt. Ainſi il eſt aduenu que pluſieurs fuſſēt temeraires pour forts & vertueux, les timides pour les moderez, les auares pour les parcimoniaus, les prodigues pour les liberaux, les cruels pour les ſeueres, les libidineux pour les ioyeux, & pour faire fin q̄ pluſieurs deuiſſent ſolz hors du ſens, & mauuais. Et cōme il aduiēt aux dons de l'ame, ainſi aduiēt il à ceux du corps: car pluſieurs naiſſēt manquets, debiles, malades, laiz, ords, ſans force, & de briefue vie. Toutesfois l'homme eſt cree non pour ceux-cy ou ceux là, ains pour les parfaicts, & pour toute l'eſpece du gerre humain, laquelle contient tous ces biens qui luy ſont donnez de l'ouurier. Pourtant comme nous ne cultiuons & n'eſtimons les arbres pour les fruiçts rongez, putrides, non meurs, & qui tombent par quelque vice, ainſi nous n'auons ſoing de nature pour cauſe des mauuais: mais cōme nous auons ſoing des fruiçts pour cauſe de ceux qui ſont parfaicts, ainſi de l'arbr̄ pour cauſe des bons fruiçts. Donques l'ouurier a laiſſé quelques veſtiges de ſa priſtine matiere celeſte en ces ma-

tieres inferieures, quand il separa dès les commencement ceste matiere mortelle de celle qui est celeste. Et l'ouurier ne doit estre aculé qu'il n'a laissé les bones choses pour les mauuaises, ou qu'il ne nous a donné ce qui repugnoit à nature mortelle. Il a donc muny tous animaux de quelque ame, & de la meilleure qu'il a peu en creant les animaux viuans, sentâs & entendans. Il a donc donné toutes choses à l'homme. Puis en ces choses par certain ordre il a passé des imparfaictes aux parfaites, selon que la matiere les donnoit. Le comencemēt donc a esté des matieres metalliques, cōme des parties abortiues, apres des metaux, des pierres, plantes, d'esponges, & vrtiques de mer, & des escailles: puis les vers, fourmis, moucherons, poisons, oyseaux, lieures, chiēs, elephans, marmots, & finablement l'homme a esté créé.

Tu demanderas, de quel profit est la mouche? & par elle i'enten toute vile & insolente beste. Je respon. L'animal cōme par espeece demeure, & qu'il est par soy seul, & pour l'ornature du monde, & qu'il a pris toutes choses qui luy sont necessaires, non seulement pour la vie, ains pour la vie heureuse: ainsi donc la mouche est faicte pour soy, non pour faire fascherie à l'homme: & toute mouche n'est moleste aux hommes: mais aucunes demeurent tousiours au bois: & n'y en a point en quelques regiōs, comme aux peuples appelez Lapones en Scythie: & peu sont en l'Inde Occidentale. Donques le bien general doit estre preferé au dommage de peu. Pourtant la diuine Sapience a faict & donné à chacun la meilleure chose qui pouuoit estre excogitee de telle matiere. Et plusieurs des lieures sont malheureux, non toutesfois tous, car aucuns n'ont iamais veu homme ou chien, & n'ont enduré la chasse. C'est cas pareil de l'espeece, & des choses singulieres, cōme de l'homme & de ses parties. Qui est celay tant sot, qui n'aimast plus tost perdre vn membre que de mourir? Ainsi les membres singuliers sont de l'espeece, lesquels il vaudroit mieux estre peris, & que l'espeece demeurast entiere plus tost qu'elle fust effacee, ou que iamais elle n'eust esté constituee. Il est donc meilleur que l'espeece demeure, qui est gardée en plusieurs choses singulieres, & son

operation ne perit. Si vn membre perit à la beste, l'operation perit, & la beste est renduë boiteuse ou aueugle, & toutesfois il vaut mieux viure quoy qu'elle doie mourir, d'autant plus il vaut mieux que l'espece soit, qui n'est manqué en operations, qui n'est deforme, & a acquis eternité, neantmoins qu'elle soit, posée en peu de matieres singulieres. Afin donc que l'homme eust toutes commoditez, il a esté engendré des elemens confondüz: car premierement les plantes sont nourries des elemens, les animaux des plantes, & les homes des animaux. Pourtant les animaux qui mangent de la chair sont plus ingenieux, que ceux qui n'en mangent point: entre les poissons, ceux qui ont quatre pieds, & les oyseaux s'ont aussi les plus ingenieux pour deux causes, pource qu'ils s'ont cōtrains de chercher leur viure: pource aussi que leur viande, qui est la chair, est des Elemens confus. Mesinement pour ceste cause aucune chair n'est treschaude, cōme sont les semēces des plantes, & les parties d'icelles. Pourtant l'homme qui est nourry de chair, principalement de la volaille, a peu estre assemblément de nature subtile, dense, chaude & temperée. Car entant qu'il a moult d'air & de chaleur, & que les elemens froids qui sont en luy, la terre & l'eau se sont retirez hors de leur propre nature, il peut estre chaud: & pource que riē n'est plus cuit qu'il doit estre, & qu'il a peu de l'element terrestre qui est pur, il doit estre temperé. Pource quand l'homme est consumé, à peine il laisse cinq ou six onces de terre. Ces choses predictes font foy, que l'homme est animal, & on l'a ainsi estimé iusqu'à present. Mais l'homme n'est pas d'auantage animal, que la plante l'est. Car si l'animal, quoy qu'il soit nourry, & qu'il viue ne merite le nom de plante, toalemēt il n'est vne plante, pource qu'entre la plante, il a vne ame sensitiue: l'homme entendu qu'il a outre l'animal vne ame intellectiue, il cesse d'estre animal: car le germe de l'ame intellectiue est autre que de la sensitiue, comme Aristote le tesmoigne. Et si vne forme differe de l'autre, vn animal ne peut estre colloqué sous l'autre. Certes l'homme sera sensitif, comme animal-viuant, l'homme toutesfois n'est animal, non-plus que la plante. Car si l'homme est animal,

Pourquoy les bestes qui mangent chair s'ont plus ingenieuses que les autres.

Pourquoy aucune chair n'est treschaude de comme les plantes.

Quel'homme n'est animal.

c'est à dire, duquel la forme vltime est l'ame sensitue, il est manifeste que par mesme raison la plâte est animal, or personne n'admet cecy, & ne le croit. Et par mesme raison que le sensitif est contenu en l'intellectif, le viuât est totalement contenu au sensitif. Et toutesfois ce qui vit seulement, n'est animal, comme la plante, non plus que l'homme est animal. Outre si l'homme est animal, il vse de raison, ou il en defaut. Or il n'en defaut, autrement il seroit beste brute, il vse donc de raison. Et d'vser de raison en quelque differēce des animaux, comme la propre difference est du beuf, & du lieure. L'ame donc sensitue, cōme elle peut n'vser de raison, elle peut aussi en vser: l'intellect est donc colloqué en l'ame sensitue.

Il est assez cogneu toute difference estre par puissance en ce, dont elle est difference. L'ame sensitue pourroit entendre, pource que l'homme vit, & sent: & viuant il est sensitif. Et de dire qu'il soit animal ou plâte, cecy est absurd. Aucuns ont cuidé que l'homme estoit animal pour cause du cōsens de la nature aux affections de l'ame, & du corps, & pource qu'aucunes maladies passent des animaux aux hommes, comme la tache blanche d'ite en Latin *vitaligo*, va des cheuaux aux hommes par le seul toucher, & celuy qui traicte & manie le cheual malade de ceste maladie, est tost saisi de tel mal. Et aucuns vices vont des plantes aux animaux: pourtant il ne faut dire que les plantes soient animaux. Or retournons à nostre propos de l'homme.

L'homme est fait pour quatre choses: premierement, à fin qu'il cogneut les choses diuines: secondemēt, à fin qu'estant mediateur il conioignit les choses mortelles aux diuines: tiercement à fin qu'il cōmandast, & fut par dessus les choses mortelles. Car il estoit necessaire que en ce gerre, cōme au celeste, quelque chose fut tres-bōne & tres-noble, & qui cōmandast aux autres, icy par force, au Ciel de bō gré: quartemēt, à fin que tout ce qui peut estre excogité en l'esprit, l'ouurier plus grand que la cogitatiō, le donast, & qu'il fut vn animal fallacieux. Car les brutes ne peuuent estre fallacieuses par leur folie, ne les celestes pour cause de leur bonté. L'homme donc par intelligence est semblable aux celestes, & sem-

*L'homme est
faict pour
quatre choses*

*Il entend ce
mot fallacieux de l'homme
estant en
nature corrompue.*

*Trois gerres
d'hommes.*

blable aux brutes par prauité & malice. Ils sont donc trois gerres des hommes, vn diuin qui ne deçoit, & n'est deceu: l'humain, qui deçoit, & n'est deceu: le brutal, qui ne deçoit, & n'est deceu. Celuy qui deçoit & est deceu, & qui seul occupe la plus grande partie du gerre humain, n'est simple, ains mixte, & composé du gerre brutal & humain.

Or commēt les gens, & prouinces, les Rois, & les sages sont cogneuz par les intelligences, ie le diray maintenant. Ie laisse cecy le premier, que i'ay monstré au liure de l'immortalité des ames, sçauoir est, que toutes choses singulieres ou particulieres, sont cogneues par les cōditions prises par plusieurs choses generales: on ne peut les cognoistre par icelles mesmes, mais par quel que autre moyé & raison: & maintenant i'entrepren à monstrer que les royaumes, les peuples, Roys & sages sont trop mieuz cogneuz par soy-mesmes. Tout le gerre humain est cogneu, & toute la terre habitable, & cōme chaque prouince est vne certaine portion de la terre, cōme la centiesme partie, ainsi la gent qui habite en la terre est cogneüe, comme certaine partie de tout le gerre humain. Et les Rois, les exercices, & les sages sōt causes des gēs, & prouinces, & que les prouinces perissent, ou florissent par lōgue felicité: pourtāt il faut q̄ ces causes soiēt cogneuës, nō certes simplemēt, mais comme elles sont referees par comparaison aux prouinces, aux royaumes & citez. Ces choses dōc sont cogneües, & les signes, & prodiges coustumieremēt aduiennēt en leur perissement ou naissance: tant grand en a esté le soing de nature. En general, l'hōme est creé nud, à fin qu'il fut plus beau, plus menu, & plus humide. Mais pource que la nudité estoit subiecte au peril, & n'estoit seure, nature l'a armé de trois aides & secours, d'entēdemēt pour trouuer ses necessaires, de parole pour fai-
Trois dons
principaux à
l'homme.

der, de mains pour accōplir tout ce qu'il excogiteroit par son entēdemēt, ou qu'il apprédroit des autres par sa parole. Et autre animal ne parle vrayemēt, pourtāt que la parole ne procede de l'esprit & de cogitation, & n'a mains, trop bien quelque chose semblable aux mains. Pourtant premieremēt l'homme trouue ses necessaires

par raison, les maisons, habits, armes, viandes : apres il mesure la terre & la mer, non content de cecy, il a reuouqué sus terre par astrolables & autres instrumens d'astrologie, la tres-ample masse du ciel à peine cōprise à son esprit, & la redigeant estroitement, il l'a proposee deuant le sens & les yeux. Puis il a constitué & ordonné la philosophie naturelle & les autres sciēces, finablement il a appliqué son entendement aux loix, par lesquelles la multitude peut viure en paix. Car les hommes estoient differens entre soy, & de present ne sont moins differens que les brutes sont d'iceux, par loy, lāgage, prouinces, & mœurs. Et les adoreurs de Mahumet ne sont pas plus d'estime du Chrestien, & le Iuif n'en fait plus des deux, que d'un chien furieux & enragé. L'hōme est cōtraint, moqué, batu, despouillé, occis, redigé en seruitude, vexé d'iniures, & mauuais traictemēt, en sorte qu'il ne seroit tant mal traicté du tigre auquel il auroit osté ses petits. Ils sont quatre gerres de loix, les loix des Idolatres, des Chrestiens, des Iuifs, & Mahumetistes. Celuy qui adore les idoles prefere sa loy par quatre argumens, le premier est, que la contention & debat a esté faict contre les Iuifs, tant qu'il a effacé sa loy : parquoy l'adoration d'un seul Dieu n'a pleu d'auantage au souuerain ouurier & Recteur, que l'adoration de plusieurs dieux. Outre, pource que quād le peuple a un Roy supresme, il est descent que chacun se retire vers les lieutenans en petites matieres, plustost que de vexer le Roy pour quelque chose que ce soit. Par mesme moyen ils dient, veu que ce grand Dieu souuerain n'a grād soing des choses inferieutes & terriēnes, & que les affaires du vulgaire sōt de petite consequence, ils estiment estre chose plus opportune de prédre son refuge aux dieux ministres de ce Dieu souuerain pour quelques petites negoces, que de vexer ce grād Dieu pour viles matieres, & par prieres, veu que c'est un peché mesmement execrable d'attēter & entreprendre de l'entendre par cogitatiō. D'auantage ils euident que par ceste loy & exemples, plusieurs ont esté faits nobles par vertu, cōme Hercules, Apollo, Iupiter, Mercure, & Cerēs, lors qu'ils esperent passer de mortalité en adoration diuine. Quāt à ce qui appartient

En quoy les hommes sont differens entre soy.

La contentiō des idolatres cōtre les loix des autres.

Les loix des idolatres

aux miracles, ie croy qu'il n'ont eu moins d'aides manifestes de leurs dieux ne des miracles, qu'aux autres lieux, & que nostre opinion de Dieu, & de l'origine du mode est plus absurde que la leur, ce qui apport par la cōtention d'entre les loix, & par la haine d'icelles alencontre des philosophes, comme auteurs de verité. Mais on leur obiecte & reproche les oblatiōs du corps humain, la veneratiō des statues muettes, la multitude des dieux, leur peché execrable, qui est l'ingrate oubliāce du souuerain ouurier, ce que l'on ne voudroit penser de l'homme. Ces propos renuersez, le Iuif s'esleue contre le Chrestien, si nous auons quelques fables contenües en nostre loy, elles sont passées à vous qui receuez nostre Loy. Il n'est aucun qui adore tant purement vn seul Dieu que nous, qui a eu son commencement de nous. Les miracles & prodiges, mesmement la noblesse de la gent sont plus grands en nous qu'en toute autre loy. Lors les Chrestiens contre la Loy du Iuif: tout ce que vostre Loy a demandé, n'a plu à Dieu. Vous auez esté cruels contre vos Prophetes, vostre gerre a esté tousiours abominable à tous.

*La dispute du
Iuif contre le
Chrestien &
le Mahumet-
tiste.*

Le Chrestien dispute contre le Mahumetiste, ceste cō-
tention certes est grāde, & à grāde force de part & d'au-
tre, & de ce despēd le salut des Royaumes & prouinces.
Le Chrestien s'appuye principalement sur quatre fon-
demens, premierement au tesmoignage des Prophetes,
qui ont recité tant diligemmēt tout ce qui est auenu de
Iesus Christ, qu'on peut penser n'auoit esté predict, ains
recité depuis le fait. Ils ne predictent rien de Mahumet.
Secōdemēt par l'autorité des miracles de Iesus Christ,
qui ont esté rāt admirables qu'il n'y a de comparai-
son entr'eux & les enchantemens de Mahumet, cōme la re-
surrection des morts, du Lazare, de la pucelle, & du fils
de la vefue. Mais les miracles de Mahumet, la cheute
des pierres par les oiseaux noirs, ou l'occultation en la
spelonque, cōme il enseigne en son Alchoran, ou qu'il a
esté transmis de Mecha en Hierusalem en vne nuit, ou
qu'il est monté au ciel, ou qu'il a diuisé la Lune, toutes
ces choses n'ont de tesmoignage, ou elles ne sont mira-
cles. Car quand on concederoit que ce fut chose prodī-

*La dispute du
Chrestien con-
tre les Ma-
humetistes.*

*Alcorā signi-
fie constitu-
tion.*

gieuse, les pierres estre iettees bas par les oyseaux, ce n'est toutesfois miracle, & voir la Lune diuisee, ce n'est mesmemēt miracle, ne chose prodigieuse. D'estre trāsferé en vne nuit de Mecha en Hierusalem, ou d'auoir monté au ciel, ce seroit miracle, mais ce n'a de tesmoignage. La troisieme raison despend des preceptes de Iesus Christ, qui n'ont rien aliené de la philosophie morale, naturelle, ou ciuile. Car de viure comme luy, aucun ne le peut, de l'ensuiuir, chacun le peut faire. Que peut il faire? Il peut, qu'autant que tu t'eslongnes de son exēple, autant tu prens de mauuaise maniere de viure. Mais Mahumet conseille de faire meurdres, guerres, & vne forteresse en paradis. Le paradis où il sont mariez, où les beaux enfans seruēt sus table, ils māgent de la chair & des pommes, ils boient de bon vin, ils sont couchez sus lits de soye, & ont pierres precieuses avec tapisserie de soye souz l'ombre des arbres. Qui est celuy de bon entendement qui puisse souffrir tels propos? N'est-ce pas vne voix absurde en l'Alcoran? Les Anges & Dieu priēt pour Mahumet. Aussi ce qu'il feint que Dieu mōte des terres au ciel, & que Dieu iure par les esprits ses seruans. Qu'est ce de ceste histoire, plus tost fable, cinq fois pour le moins repetee du chameau? Outre, cecy fait pour les Chrestiens, que nostre loy a esté publicee par peu d'hommes indoctes & pauvres cōtre le vouloir de plusieurs Emperereus, & tres-riches sacrificateurs des idoles, & qu'elle a occupé tout le monde, quoy qu'elle ayt esté greuce des heresies pernicieuses.

Les Mahumetistes ont aussi cinq deffenses: la premiere, que les Chrestiens n'adorēt vn seul Dieu, luy attribuant vn fils, qui mesmement est Dieu. Car Mahumet dict, s'ils sont plusieurs dieux, ils n'accorderont ensemble: car c'est le propre d'vn royaume qu'il ne puisse estre administré de plusieurs sans emulatio & enuie. Et dict estre chose meschante de vouloir donner vn esgal au Dieu suprefime, conditeur de toutes choses, entendu qu'il est le souuerain: ou de luy donner vn fils, veu qu'il n'a affaire d'aucun, & qu'il est eternal. Pourtāt à raison que les Chrestiens attribuent cecy à Dieu, le ciel, dict-il, se cōfond, la terre s'enfuit, & pource il introduit Dieu
 se con-

se compleindre, & Iesus Christ s'excuser, qu'il nes'est attribué d'estre fils de Dieu, mais que les Chrestiens luy attribuent contre son vouloir. Le second fondement de Mahumet, que les Chrestiens adorēt les images, & semblent estre adorateurs non d'un seul Dieu, ains de plusieurs. Le troisieme argument succede par cas fortuit, que les Mahumetistes ont ja obtenu plusieurs victoires, & ont occupé plusieurs prouinces des Chrestiens, qu'à peine certaine partie peut estre dictē Chrestienne, n'estoit qu'un nouveau monde est instruit en la religion Chrestienne par le benefice de nostre Empereur. Ils disent, dieu fauoriser à ceux qui sentēt le mieux de dieu, il est vray, & qu'il ne les perd de son grē, cōme estāt contre eux, veu qu'il peut en sauuer tant par petite ayde. La maniere de viure, & les mœurs des Mahumetistes attribuent grande autorité à leur loy, en faisant mutation, c'est qu'ils semblent imiter Iesus Christ, & non Mahumet: ils orent & prient, ils ieunent, ils adorēt vn Dieu, ils ne commettent de meurdres, ils s'abstiennent du ieu de dé, d'adulteres, & de blasphemies contre Dieu, par lesquels vices le peuple Chrestien est presque tout gasté. Que sera-ce si tu contemples la chasteté des femmes, & l'ornature de leurs temples? Quant aux miracles, ils disent que nous auons des miracles par ouyr dire, & eux les ont presens. Aucuns ieunēt plusieurs iours, les autres sont bruslez & decolez, ne monstrans aucun signe de douleur, aucuns parlēt du profond du cœur, qui estoiet dictē deuins, ayans vn esprit au ventre: & ce leur aduiēt principalement quād ils celebrēt les festes de Bacchus, & qu'ils dansent en rond. Ces trois choses sont vrayes, & cōsistent par naturelle raison admirable: mais cela est feint, que les enfans nasquissent de la femme sans cognoistre l'homme. Les Mahumetistes ont mesmement leurs saints bien renōmez par prōdiges & cas fortuit, Sedichasim pour la victoire, Vanus pour la paix, Ascichus pour faire les mariages, Mirtschinus pour garder les troupeaux, Chidirelles pour les viateurs, lequel viēt au deuant d'eux leur monstrier le chemin, montē sus vn cheual de plusieurs couleurs, comment ils disent. Les pantouffes restent encor' de celui, lequel cōdamné

Q

iniustement par le Roy, & ieté dedans le feu ardent d'une fournaise, eschappa sans estre blessé, à l'exemple des trois enfans dont la sainte Escriture fait mention. Le miracle de Mirathbegi, que les Latins appellent Amurathes, est diuulgé, qui estoit prince des Turcs, lequel fut fait prestre & sacrificateur, au parauant grand Roy & belliqueux, & de son bon gré s'enferma en vn cōuent, A ma volonté qu'il fut autant aysé de surmonter les armes des Turcs, qu'il est facile de soudre telles obiections. Mais leur affaire est reduite aux armes par lesquelles souuent la plus grande partie surmonte la meilleure.

Ces propos laissez au plaisir de victoire, venons aux differences des prouinces. La varieté des lieux est tant grâde, que souz l'un & l'autre pol la nuit est perpetuelle six mois, & autant de iours succedent apres: aux lieux proches la nuit est de quatre mois, aux lieux plus loingtains, ils sont de deux, ou d'un mois. Sous le pol Septentrional les peuples Laponnes habitent tels lieux, les Norduegij, les Suetij: sous le pol de Midy, les peuples appellez Braslij & Antilapones habitent. Il est assez cognu que Nouogredia est ville fort ample, qui est la capitale de la prouince des Moschouites, en laquelle au temps d'esté la clarté demeure par plusieurs iours, illec le miel prouient aux forets sans les abeilles. Ceste ville est renommee par son temple tresample & beau.

*Les tenebres
perpetuelles
au royaume
Gorgian.*

(La raison de la sphere montre ces choses. Cecy est difficile que Haitonus recite, vne prouince nommee Hanses estre au royaume des Gorgians, de circuit environ de cent mil pas, il certifie l'auoir veüe, & qu'elle est tenebreuse, comme si la nuit y estoit tousiours: pourtant aucun n'y ose entrer, on oit chanter les coqs, le hannissement des cheuaux, & les clameurs des hommes. Ceste region est posée en la tierce table d'Asie entre les montagnes Antitaurus, & Meschicus, non loing de la ville Zoriga.

*Trois raisons
de la magni-
tude des vil-
les.*

Autre, difference est aux regions par la chaleur & le froid: les regions qui sont iouxte les pols, sont tresfroides, celles qui sont souz la zone torride, ou le Soleil est tousiours dessus, sont trop chaudes, & feruentes: les regions du milieu sont proches aux temperées. Il est im-

possible, que les villes fussent populeuses souz le pol Arctique, & Antarctique, pource que la terre est sterile, & ne peut-on charier les fruiçts: parquoy il faut que les habitans soient espars çà & là, ou qu'ils soient aux petis villages. Ceux qui habitent la region temperée, ont les villes mediocres: car ilz charient plus commodemēt les fruiçts, & sont illec plus seuremēt qu'aux villages, & par la multitude des hōmes, & par la muraille ilz sont plus assurez, & les mestiers s'entre-aydent micux. Il est tou-tefois aduenū à Romme, qu'elle ait obtenu l'Empire, & gouuernement du monde: sa magnitude estoit incredible, non de murailles, ains de peuples. Aux regiōs feruētes & chaudes, il faut que les villes & citez soient grandes: premierement, pource qu'une portiō de la terre est sterile, si elle n'a des eaues, ou elle est tresfertile, si les eaues y abondent: pour cause de ceste inegalité, entēdu que lon trouue le lieu opportun pour nourrir la grande multitude, il est raisonnable d'y construire vne grande ville, & que grand nombre de peuple y afflue, & vienne en abondance. Vn autre raison est plus valide, pourtant que les marchandises viennent de loing, par les lieux desers, & perilleux, il est necessaire que plusieurs marchans viennent ensemble, comme au camp, pour cause de seureté: parquoy si le camp auoit assiegé quelque ville, le peril & danger seroit grand à ceux qui seroient vagabonds par les champs, tant aux marchans, que aux villes mesmes, pourtant aussi il est meilleur que tous les voisins s'assemblent en vn lieu, & quand ce perseuere plusieurs ans il aduient à la fin que ceste ville est grandement populeuse. Telles sont Quinsay, Singui, Cábala, & Cairum. Gehoar Illirique seruiteur d'Elcaim Pontife des Mahumetistes, edifia en Egypte Cairum, pour secularity, & fut nommee du nom d'Elcaim Pontife Elcaira, puis la diction corrompue elle a esté autrement dictē Cairum. Quelqu'un peut obiecter la grandeur de Constantinople, iadis appellee Byzantium: l'Empire est cause qu'elle est conferee aux autres, quoy toutesfois qu'elle n'ait tant de circuit.

Aucune ville n'est tant renommee par antiquité que Lycosura cité d'Arcadie: auant ceste ville, dit Pausanias,

Q ij

Quatre grādes villes.

L'origine de la ville Cairum.

Lycosura la premiere cité.

le Soleil n'auoit veu aucune cité: elle fut edifiée au môs
Lyceus par Lycaon fils de Pelasgus.

Les citez consistent, & sont fortes par la situation, &
par les hommes. La situation doit estre salubre, inexpu-
gnable, & facile d'entree. La situatiō ne peut estre inex-
pugnable, sinon par montaignes, marets, ou les caues.

*Cinq condi-
tions pour
faire villes
permanentes.*

Aux montaignes l'entree est facile, aux marets la cité
n'est salubre ne saine: Il faut donc edifier la cité eternal-
le sus l'eau, non en toute eau mais sus celle qui a gué, &
est facile à passer. Et le gué ne suffit, car aux caues dou-
ces l'air est insalubre. Et si la cité est loing de terre, ou si
elle est toute enclose de la mer, ou si le gué est asséché,
la cité sera affamee: car on n'y pourra nauiger, & les
chāps labourables n'y peuuent estre en la mer. Telle est
la situation de Venise, & de Singui, où sont six mille pōs
de pierre, & de Quinsay, où sont douze mille pons, & en
Amsterdam ville de Bauieres, ou de Holande. Et est
certain que ces villes sont tresopulentes, & grandes.

*Deux parties
en l'homme.*

Quant à ce qui appartient aux hommes, ils ont deux
parties, le corps, & l'ame. Nous vsons du corps à ce que
l'ame enseigne & commande. L'ame ne peut estre pure,
& tous ne peuuent obeir à elle volontiers, si ce qui est
trespur en elle n'est separé, & s'il ne commāde. Et ceste
partie de l'ame est appelée la loy. Doncques la seule ci-
té en laquelle la loy commande, non les hommes, & en
laquelle les corps sont exercitez par la force militaire,
& de laquelle la situatiō est salubre, seure, & facile d'en-
tree, peut estre eternelle, c'est à dire, durer long temps.

*La louange
de Venise.*

Telle est la condition de Venise, pour ceste cause la vil-
le merite d'estre appelée ville de liberté: i'en ay parlé
autre part.

*Les differen-
ces des lan-
gues.*

La troisieme difference consiste au langage, & n'est
chose en quoy l'homme differe de l'autre plus qu'en la
langue, veu que les autres animaux chacun en son gerre
demonstrent mesmes affectiōs par mesme voix. L'hom-
me seul n'est non plus entendu de son semblable, qu'est
l'erondelle du lion. A peine ie pourroy expliquer par
nombre les differences des langues. Toutesfois ils en
sont six gerres: aucuns pronōcent de la bouche, & ceux-
cy quasi siflent: aucuns pronōcent de la langue entre les

dents: aucuns de la langue tiree hors, & ceste l'ague prononce en deux manieres, cōme aux leures, & au palais: aucuns parlent du gosier, & du cœur. On peut voir presque toutes ces différences en Italie: les Florentins prononcent du gosier: les Venitiens du palais: les Neapolitains des dents: les Geneuois proferent des leures. Generalement la langue rend la parole en quatre manieres simples, la langue agüe, reflexe, esleuee haut, abessée, & libre. La langue Romaine est libre. Cinquante six manieres de proferer sont composees, auxquelles six simples adioustees, soixante deux gerres des langues sont par la difference de la prolation.

Mais chacun gerre est varié selon la raison des noms comme l'homme est dict en Latin *homo*, en Grec *antropos*, en Espagnol *ymbry*, quoy que nulle variété soit en la prolation. Aussi vne difference est aux prolatiōs: car vn mesme terme est subiet à plusieurs gerres de prolation, aucuns noms sont subiets à ces gerres cy, aucuns à ceux-là, qui ne cognoit donc qu'ils sont infinis gerres de langues? Aucuns gerres sont qui facilement ne composent les noms, comme le Romain, & l'Espagnol. Aucuns sont heureux en la composition des noms, comme le Grec, & celuy de Germanie.

La difference derniere est des mœurs & manieres de viure: aucuns hommes mangent les autres, desquels le gerre perseuere encor' au nouueau monde en l'Isle dicte Hispaniola. Il faut que ces hommes soient sauuages, & qu'ils ayent mesme esgard enuers l'homme, que ont les loups enuers les iumens. Leur commencement de manger chair d'homme est venu par haine: depuis ils ont esté allechez par la faueur de la chair, & la vengeance est venue en vlsage & coustume de manger les hommes, cōme toutes choses detestables s'augmentent tousiours aux hommes.

Autres differences naturelles sont du sexe, de l'age & temperamēt, en sorte que l'homme differe plus de l'autre, que ne fait la cheure du loup. Premièrement les hommes different en magnitude, & ceux qui sont fort grands, sont appelez Geans: les petits sont dictz Pygméens. Plusieurs histoires tesmoignent, que les Geans

ont esté, & cecy en est grand argument, qu'au temps de Claudius Cesar, vn nommé Gabbara qui estoit d'Arabie auoit la longueur de neuf piez, & de neuf onces, laquelle mesure si elle estoit redigee en la nostre, elle feroit plus de sept braches. De nostre temps ce sembleroit estre moins de merueille, depuis que l'Isle des Geas a esté trouué au nouueau mode. Je ne sçay si celuy que Cesar monstra en Italië avec grand merueille & admiration, estoit né de ceste Isle. Cecy suffit que la grâdeur de Gabbara est admirable, veu que le grand homme ne surmonte de present la longueur de trois braches. Je suis contraint de ce dire par l'autorité de ceux qui ont iadis escrit de l'art militaire, lesquels ont constitué la mediocre magnitude des nouueaux gendarmes estre de cinq pieds, par ce moyen que le pied des anciens estoit moindre de la quatriesme partie, que la mesure de nostre pied, ainsi Gabbara estoit de cinq braches, & de neuf onces, laquelle mesure est double à la commune magnitude des hommes de nostre temps: en sorte que non sans cause on a dict, que l'on n'a veu aucun homme de telle grâdeur apres le temps de Claudius Cesar, ne mil ans deuant Auguste.

La grandeur d'Ajax filz de Telamon. Deuant le temps de la guerre Troyane Ajax fils de Telamon a esté fort grand. Et Pausanias recite que le monument & sepulchre d'Ajax fut decouuert par inondation, & que la rotelle de son genouil fut veüe esgale au bouclier d'vn ieune homme ja fort bien exercité en tout gerre de combat. Or entendu que ce bouclier est plus grand que la teste d'vn homme, qui est de iuste magnitude, il est manifeste qu'Ajax estoit plus grand que Gabbara.

La grandeur de Hyllus. Mesmemēt les os de Hyllus decouuers du temps d'Adrian Empereur, semblerēt estre tāt grands, qu'on estima qu'ils estoient de quelque grande brute, non pas d'homme. Hyllus estoit du temps d'Hercules.

La paruité d'vn homme dit Pygméens. Quant à ce qui appartient aux petits hommes, qui sont appellez communement Pygméens, l'an passé on portoit vn homme d'aage parfaite, long d'vne coudee en la cage d'vn papegaut. Toutesfois la hauteur des geans n'est moins inutile à l'execution des matieres de

l'esprit, qui est la paruité des Pygmeens à l'exécution des matieres du corps.

Aucuns sont fort grands naturellement, comme Colanus le nageur citoyen de Catanie, qui est vne grande ville de Sicile, lequel florissoit de mon temps. Il se ca-
choit dedans l'eau l'espace de trois & quatre heures, comme s'il eut esté poisson. Et ce n'est trop admirable, veu qu'en l'Inde Occidentale les pescheurs des marguerites, attentifs à chercher les ouïstres & escailles, se tien-
nent dedans l'eau vne heure entiere.

*Colanus na-
geur, qui va
entre deux
eaux.*

Aucuns hommes sont de forme admirable, comme Protophanes Magnesium, lequel en vn mesme iour fut victorieux aux combats Olympiques par lucte, & par tout gerre de combat & exercice. Quand son corps mort fut descouuert du temps d'Adrian Empereur, vn os fut trouué, qui continuoit depuis le gosier iusques aux flancs au lieu des costez.

Aucuns sont admirables par cas fortuit, comme Aristomenes Messenius, lequel pris en bataille par les Lacedemoniens, & precipité avec les autres captifs en la fosse Ceada qui estoit tresprofonde sanz terre, quand il eut esté deux iours couché comme mort avec les autres morts, il reuesquit, & regardant vn regnard qui mangeoit les corps, en prenant la queuë, & iettant son manteau au deuant, il fut mené iusques au lieu par lequel le regnard entré: illec estoit vn petit trou, par lequel Aristomenes eschappa. Quand il eut vn fils, derechef il fut pris, & eschappa par le long d'vne pucelle, que son fils espousa apres. Finalement le fils estant parcrü, il mourut de vieillesse, en opinion tant constante qu'il estoit immortel, que les Grecs certifioient long temps apres qu'il viuoit, & qu'on l'auoit veu.

*L'histoire de
Aristomenes
Messenius.*

Le miracle de Leonard Pistoriensis est grand, qui petit à petit s'est trainé iusqu'à ce poinct de ne mager qu'vne fois la sepmaine. Et souz le Pape Clement septiesme de ce nom, vn ieune homme Escossois, ayant barbe rousse, & comme il sembloit, de condition bilieuse, quand de son bon gré il se estoit offert, il fut gardé en la prison onze iours sans viande, puis par coustume iusqu'à vingt & trente iours en telle dictte, ce qui fut estimé vn mira-

*Les hommes
vians sans
viande.*

Q iij

cle. l'ay monstré cy dessus les causes de ce fait.

*Hamar d'un
flairement ad-
mirable.*

Que dirons nous de Hamar d'Afrique, lequel ayant mal aux yeux aux deserts, en flairant l'arcine, dict, Nous sommes ia aupres des lieux habitez. Et ainsi estant en Lybie loing d'Egypte mil quatre cens quatre vingts pas, & loing de trois villes de Berdeon l'espace de mil quarante pas, il sentit l'odeur de l'habitation. Car l'odeur est portee par chaleur, & est gardee par secheté: pourtant Hamar peut sentir en telles regions l'odeur mauuais que iectent les ordures des hommes & animaux, entendu qu'il n'estoit moins chien en flairement, que Colanus estoit poisson à nager.

*Formes mon-
strueuses.*

Autres formes sont monstrueuses, comme en Cassena region d'Afrique, aupres des Ethiopes les hommes sont de leurs & nez fort gros. Celuy qui est ignare des choses & causes naturelles, se moquera d'Hippocrates qui recite au liure de l'Air & des eaux l'histoire & les causes des macrocephales, c'est à dire, de ceux qui ont grande & grosse teste. l'ay veu Iean Pierre Bosius fils d'un menuisier en nostre ville, qui demeure en la part Orientale de la ville, pres le conuent des Serfs, aagé de vingt ans, ou plus, lequel n'a eu besoin de ronger ses ongles. l'ay consideré cecy diligemment, de peur qu'il ne me trompast: l'ay veu l'extremité des doigts tant charnue, que les ongles ne luy estoient necessaires. Toutesfois il auoit les ongles fort courtes, comme si elles eussent esté coupees.

*Les Indiens
ingenieux.*

Aucuns ont esté tresbeaux, comme Catinus Aeginensis Grec, le plus beau de tous les hommes: apres luy Alcibiades d'Athenes.

Aucuns ont esté excellents en legereté des piedz, comme Ladas de Corinthe. Les Indiens de Cambene sont les plus ingenieux, desquels les notes & caracteres des nombres nous ont esté apportez. Ils sont grâdemment exercez aux supputations des nombres: car l'entendement est prouué & loué aux mathematiques, les iugemensaux & sciences naturelles, la memoire en l'ordre des dictions & vocables. Apres les Indiens les Grecs sont ingenieux, puis les Espagnols, Siciliens, & Italiens. Nous auons aussi experience de force admirable. Vn

*Experiéce de
grande force.*

fauteur portât deux hommes sus ses espaules, deux sous ses bras, vn sus le col, sautoit en nostre presence. Vn basteleur lenoit haut par ses cheueux vne pierre que quatre hommes n'eussent portee, ayant premier vn autre homme sus ses espaules, ce qui luy seruoit à soulager le faix. Luy-mesme soustenoit premierement en ses dents (chose admirable) vn maist de nauire: puis le transféroit sus vne espaule, & de ceste espaule sus l'autre, nullement aydé de ses mains Ces choses semblent estre merueilleuses, toutesfois elles consistent en quatre, en la nature du ciel, en propagation, en viure, & en art. Des regions, comme i'ay dit, aucunes produisent les grands hommes, les autres produisent les petits. On peut faire les petits hommes ainsi qu'on faict les petits chiens en l'isle Melita: ils naissent de petits parens: ils sont liez de bandes & de linges estroictement, & sont nourris petitement. A ma volonté que ceste inuention fut autant vtile qu'elle est facile. Par mesme raison les grands sont engendrez de grands parens, ils sont exercez, ils sont bien nourris, & ne sont bandez estroictement. Mais l'inuention deçoit en la magnitude, non en paruité, en force & nature. Car les nageurs naissent des nageurs: puis l'art & patience aide nature: & est licite de proceder tousiours en ces choses, en augmentant iusqu'à ce que nature le souffre: puis le retour est faict.

Or quant force a la region, le fleuue de Senega, qui est vne prouince en l'extrême partie d'Afrique au costé Occidental, le monstre bien: ceux qui habitent deça le fleuue vers Septentrion, sont de couleur cendree & grise, & ont le corps petit: ceux qui habitent outre le fleuue sont noirs, & sont de stature haute & robuste: certes ceste region est toute verte en vne partie, & en l'autre elle est isqualide & sans verdure.

Le fleuue de Senega.

Maintenant afin que ie parle de l'institution & des mœurs, il faut contempler pourquoy les bastards sont souuent de mauuaises mœurs & conditions, & que rarement ils sont bien. Premierement ils sont engendrez de femmes viles, & qui ne scauent aucune honnesteté, comme de chambrières: aucuns sont engendrez de pail-
lards, impudiques, mentresses, gourmandes, opinia-

Trois causes pourquoy les bastards sont de mauuaises mœurs.

stres, & entendu qu'ils ensuyuent la mere, ils sont tels, & de telles mœurs. Puis l'institution & discipline d'iceux est negligee. Mesmement quand le pere les engendre, souuent il est detenu d'un amour flagitieux, trop grand & immoderé. Donc la nature de la mere a le plus de pouuoir en cecy, puis l'education & institution, tiercement l'affection du pere. Afin donc que les bastards soient pudiques & honnestes, esly, non vne chambriere, ou paillardce, ains vne vierge, non pauure, mais noble, que tu enseigneras en bonnes mœurs, & moderément: si tu as enfans d'icelle, & si tu les instruits bien, ils seront semblables aux legitimes. Esly donc vne nourrice, non point louche, non subiecte à ebriété, non maladiue, non de mauuaises mœurs: la louche rendra l'enfant louche, non par son lait, mais par son regard frequent: l'iuongne le prepare à conuulsion, & le debilite, mesmement elle le fera iuongne & intemperé: la maladiue le rendra maladis: l'insensee le rendra insensé. La nourrice peut beaucoup à former les mœurs & le corps de l'enfant, en sorte que celle qui a les yeux noirs, noircira les yeux de l'enfant, quoy qu'ils soient blancs naturellement. Ceux aussi qui conuersent & hantent avec l'enfant sont beaucoup à l'institution des mœurs & à la disposition des yeux. Tu ne mettras donc avec l'enfant vn seruiteur borgne, ou chambriere: & esly là nourrice telle que tu veux auoir les yeux de l'enfant.

*La maniere
d'engèdrer ba-
stards de bon-
nes mœurs.
Quelles doi-
uent estre les
nourrices.*

*La nourrice
qui a les yeux
noirs, rend
ceux de l'en-
fant noirs.*

Quand l'enfant est nourry & allaité, tu auras soing qu'il ait quatre cōditions, qui sont acquises sans despense, & pource cōmunes, mesmement aux pauures, sçauoir est, beau nom, mœurs honnestes, agilité de corps, & qu'il s'aide autant de la fenestre que de la dextre, qui est mesmement le precepte de Platon. Autres choses sont plus vtiles, qui requierēt petite despense, non toutesfois tant aisees aux pauures. Autres quatre sont, art & mestier noble, habiter aux villes, sçauoir escrire, & compter. Sur tout tu dois fuir que ton enfant ne soit larron: tu l'égarderas par ce moyen. Enuoye-le en plusieurs lieux auant que tu le mettes en l'estat de marchandise: obserue s'il fait faute, & si ainsi est, puny-le sans delay: car lors qu'il pense que tu sçais ce qu'il n'auoit pensé, il estimera que

tu cognoistras toute son affaire : & par ce moyen il se donnera garde d'estre trompeur : aussi achete luy ses necessaires, afin qu'il n'ait besoin d'auoir argent : ie dy ses necessitez, tout ce que tu veulx luy admettre. Ainsi en exerçant cest art, tu le meneras en ieunesse : & lors qu'il sera homme d'age complete, de sens, & de corps, il faut le laisser en sa maniere de viure.

Et si tu as proposé de surprendre vn trôpeur, en quoy il te deçoit, fein d'auoir perdu tes comptes escrits en papier, demande luy en d'autres, confere le tout ensemble, & s'il ne conuiennent, tu cognoistras qu'il y a de la fraude. Mais euite que tu n'entremettes tant de temps, qu'il puisse s'excuser à bon droict de s'estre oublié.

*Comment on
surprend vn
dispensateur
fraudulent.*

La forme du corps humain parfaict en telle, La face est la dixiesme partie de la longueur, qui est depuis le commencement & origine des cheueux iusqu'à l'extrémité du gros doigt des piedz. L'espace qui est depuis le haut du nez iusqu'à l'origine des cheueux, & depuis le bas iusques au menton; diuise la face en trois portions esgales, afin que le nez soit la tierce partie de toute la face, & la trentiesme de tout le corps. L'ouuerture de la bouche est esgale à la longueur des yeux, laquelle longueur est estendue depuis le grand angle, dict *hircquis*, iusqu'à l'autre : & cest espace est esgal à l'entredoux des yeux, afin que ce qui est depuis vn des grands coins iusqu'à l'autre, soit diuisé en trois, sçauoir est, par les deux yeux & leur entredoux. Le tout est double à la longueur du nez, afin que la longueur de l'œil, ou l'ouuerture de la bouche soit double à la neuuesme partie de la longueur de la face : pourtant la longueur du nez est double à la longueur de l'œil & à l'ouuerture de la bouche : & entendu que la longueur du nez est triple à l'espace qui est depuis le bas du nez iusqu'à la bouche, cest espace sera la moitié de l'ouuerture de la bouche, ou de la longueur du nez. Le circuit de la bouche est double à la longueur du nez, & triple à l'ouuerture de la bouche. Doncques la longueur de toute la face est double au circuit de la bouche, ou à l'espace qui est entre les deux grands coins des yeux : car tel espace est esgal au circuit de la bouche. Le cir-

*La proportiō
des parties du
corps humain*

- cuit du nez en bas est egal à la longueur : la longueur du nez est egale à la longueur de l'oreille : & le circuit de l'oreille est egal au circuit de la bouche. Le trou de la narine est la quatriesme partie de la longueur de l'œil. Les parties donc soient ainsi disposees.
- La face est de dixhuit parties.
- L'espace d'entre les deux grands coings des yeux est de douze parties.
- La longueur du nez est de six parties.
- Le circuit du nez en bas est de six parties.
- La longueur de l'oreille est de six parties.
- L'espace depuis la racine des cheueux iusqu'au nez est de six parties.
- Le bas du nez iusqu'au menton est de six parties.
- La longueur de la bouche est de quatre parties.
- Le circuit de la bouche est de douze parties.
- L'espace depuis le coupeau iusqu'au bas du col est de vingt-quatre parties.
- L'espace depuis la fourcelle iusques aux suprefmes racines des cheueux est de trente parties.
- L'espace depuis la fourcelle iusqu'au coupeau de la teste est de trentesix parties.
- Le circuit de l'oreille est de douze parties.
- La longueur de l'œil est de quatre parties.
- L'entredoux des yeux est de quatre parties.
- L'espace depuis le bas du nez iusqu'à la bouche, est de deux parties.
- L'espace depuis la bouche iusqu'au menton est de quatre parties.
- Le trou de la narine est d'une partie.
- Le circuit du front est de dixhuit parties.
- La paulme de la main depuis l'article, où elle est ioincte au haut du doigt qui est au milieu, de dixhuit parties.
- L'espace depuis le menton iusqu'au coupeau de la teste est de vingtquatre parties.
- Le pied est de vingt parties.
- Le coulde est de trente parties.
- La poiétrine est de trente parties.
- Tout le corps est de 180. parties.

Mesme les muscles des temples respondent par proportion à la longueur de la face : & les oreilles respondent aux nez, comme i'ay obserué. Le circuit du rayon est egal au circuit du mollet de la iâbe, où c'est que lon prend la mesure des botes. Depuis la ioincture & nœud de la main, iusqu'au sommet du doigt moyen, est la dixiesme partie de toute la longueur: depuis le menton iusqu'au coupeau de la teste, ou depuis ce coupeau iusqu'au bas du col, est le double de l'espace qui est entre les deux grands coings des yeux. L'espace depuis la racine des cheveux iusqu'au sommet de la teste est egal à la longueur & grandeur du nez. L'espace depuis la fourcelle iusqu'à la fin du front est egal au coude, ou à la largeur de la poitrine, c'est la sixiesme partie de la longueur de tout le corps. La longueur du pied est la neuuesme partie de la mesme longueur: derechef depuis la fourcelle iusqu'au sommet de la teste est la cinquiesme partie de toute la longueur du corps, & le double de la face.

Par ce moyen la lettre doit estre corrigee en Vitruvius, veu que la raison ne peut estre, que la difference de la huitiesme & dixiesme partie, adioustee à la sixiesme emplisse la quatriesme partie du tout. La hauteur de tout le corps est exactement complete, quand les bras & mains sont estendus : & si tu assembles les pieds, & les mains, l'ombrel sera au milieu, en sorte que de la premiere figure qui est les mains estendues, sera fait le quadrangule, & de la derniere sera fait le cercle: les deux figures sont les plus parfaites en leur gerre, l'une des droictes lignes, l'autre des obliques. Nature use ainsi de tant grande diligence aux mesures & proportions, non moins en la temperature, mixtion, & composition. Pourtant il est temps de parler de la temperature & composition, en prenant le commencement en la generation.

Le lien de Vitruvius corrigé.

Fin de l'onzieme Livre.

DE LA NATURE ET
TEMPERAMENT DE L'HOMME,
LIVRE DOVZIESME.

*La cause de
la similitude
des enfans
aux parens.*



*La maniere
d'engendrer
enfans massles.*

VAND la semēce paternelle domine sus la maternelle, les enfans sont d'esprit semblables au pere: si au cōtraire, ils sont semblables à la mere. Et si la semence du pere domine sus le sang menstru, les enfans sont de corps semblables au pere: sinon, ils sont semblables à la mere. Pour ces choses, certes les enfans sont d'esprit semblables aux peres, & sōt de corps se mblables aux meres. Car le sang menstru est souuent plus puissant, que la semence du pere pour cause de la multitude, cōme mesmement la semēce du pere est plus puissante que celle de la mere qui est plus petite, & plus subtile. Par mesme raison les enfans sont semblables à la mere en leur enfance: quand ils sont grands, ils sont plus semblables au pere. Car les massles procedent de la chaleur, les femelles de la frigidité: il est donc raisonnable que les massles qui sont plus chauds que les femelles, soient semblables aux peres, lesquels mesmement sont chauds, comme les femelles sont semblables aux meres, qui sont engendrees par la frigidité. De ce sont venues trois manieres d'engendrer les enfans massles: la premiere, que l'homme prenne exercice, qu'il vse de bonne viande solide, & que rarement il ait la compagnie de femme: ainsi la semence deuiet plus chaude: la seconde maniere est que la femme se couche sus le costé droict, & qu'apres la cognoissance de son mary elle se repose sur le mesme costé: car Hipocrates diēt que les massles sont engēdrez au costé dextre, & les femelles au fenestre. A la probation de cecy fert l'herbe mercuriale masculine, qui a comme des couillons au lieu de la semēce, & la feminine l'a comme refins, selon Dioscorides, que Pline a ensuiuy. Je considerois & contemplois ces deux especes de Mercuriale à mon iardin, avec

Thomas Iseus Medecin, lors que ie composois cest œure. Par ceste seconde obseruance plusieurs sont venus à leur attente par mon conseil: ie n'ay encor expérimenté la troisieme maniere.

Ie cognois maintenât que i'entre en plaine Mer, voulant parler des secretes differéces de la nature humaine, des masles & femelles, des anciens, & ieunes, des nations, & parties d'icelles. Certes les nations semblent estre tant differétes, qu'elles ne sont estimées estre d'un mesme gerre. Aucuns des Numides ne lauent iamais les mains ou la face, & ne boiuet d'eau: ils n'ont de cousteau: ils sont contens du lait des Chameaux, & du ius de chair: ils viuent tant salement, qu'ils semblent ne differer des bestes brutes. Pourquoi conferes tu ces rudes & agrestes peuples avec ceux de Cambaye, province d'Inde, qui sont tant nets & ingenieux? Illec les anciens se delectent du ieu qui leur est pareil avec les ieunes, comme du ieu de dé: car ils ne permettent patiemment estre surmontez par l'exercice des ieunes, pour ceste cause les vieillards aimét mieux l'exercitatio de l'esprit, les ieunes aiment mieux celle du corps: aux autres ieux leurs affections sont totalement contraires. Les vieillards sont subiects à l'auarice, tristesse & crainte: les ieunes sont prodigues, gaillars & hardis. Pourtant les affections des hommes qui sont d'aage diuerse, ne semblent estre moins contraires entre soy, que les affections des animaux qui sont de diuers gerre. Certainement il semble que nature humaine, comme il dict autre part, contienne la masse vniuerselle de toutes choses: & plusieurs grands secrets sont cachez en la composition d'icelle. Car le sang menstru dont la composition de nature humaine est assemblée a grande vertu. Certainement quand la femme est menstrueuse, & a son mois, par son haleine elle rend les miroirs d'acier rouillez, & gaste les grains aupres desquels elle passe. Toutesfois le baing du fils premier né, ou sont les reliques du sang méstru, guarit les lepreux, comme i'ay veu par experience. Il faut chercher la cause par la concordance selon mon opinion. Le sang le plus corrompu, entrant par les arteres & veines, attire celuy qui est cor-

*La vertu du
sang men-
strual.*

*La curacion
de lepreux.*

rompu. Et ce sang qui est espandu apres l'enfantement est tel de puissance qui est le nostre: & est plus corrompu & plus chaud par la force de l'enfantement, & de l'enfant. Pourtant il contraint vehementement, il purge & esteint l'autre sang, comme les rayons du Soleil font esteindre la flamme du feu. Autre part i'ay dict qu'elle est la lepre, & comment elle differe des maladies dictes elefantiasis, & pfora, mesmement de la galle, dicte en Latin *scabies*.

Les enfans retienent tousioursquelque chose des peres ou grâds peres.

Pourquoy les bastards sont plus robustes que les autres

Pourquoy les mulets viuēt long temps.

D'où vient que deux hommes de mesme temperanēt, & qui ont vn mesme viure, prennent diuerses manieres de viure.

Or pour reuenir à mon propos, ie sçay que i'ay monstré au second liure des Medecins contredisans, les enfans retenir quelque chose des peres, ou grâds peres: ie dy retenir, comme vne verruë, vne cicatrice ou effigie, ou moeurs, ou lignes des mains. Si donc les semées de l'homme & de la femme sont bien assemblees, l'enfant est robuste en la matrice de la femme. Pour ceste cause les bastards sont plus robustes que les autres enfans, pource que les semences sont moult entremeslees, pour cause de la vehemence d'amour. Pour mesme raison ceux qui n'ont beaucoup d'enfans, entendu que les semences ne conuiennent bien souuent, ils engédrent enfans plus sains & valides que les autres: car les semences qui conuiennent bien, quand elles se meslent ensemble, elles prennent vne cause valide & forte de la mixtion. Par ceste raison les mulets viuēt plus long tēps que les cheuaux & asnes dōt ils sont faits: & n'est pource qu'ils s'abstiennent du coit Veneriē: car les mulets qui exercent Venus viuēt long tēps: & les cheuaux qui s'abstiēnt, viuēt peu: il faut donc conclurre, que cecy aduiēt pour cause de la mixtion valide: car là où est la mixtion valide, illec est tenuitē de substāce &: là où la substance est subtile, illec elle est solide. Et quād les matieres qui doiuent estre meslees sont differentes, elles requierent moult de mouuement pour estre attenues: pourtant elles deuiennent subtiles & solides. Dont il aduiēt que deux hommes ayans vn mesme tēperamēt, prennent diuerses manieres de viure, quoy qu'ils vsēt d'vn mesme regime: l'vn mourra en ieunesse, l'autre mourra fort vieil. Car celuy qui consiste de substance massiue & subtile, sera de longue vie: s'il est de substance subtile & rare, il

re, il sera de courte vie, celuy qui est de substance grosse & rare, sera de vie mediocre: aucun ne peut estre, comme j'ay dict, de substance massiue & grosse.

Aucuns coniecturent le temps de la vie par la forme des dents. Toutesfos Auguste qui a vescu septantefix ans les auoir petites & rouillees, comme il a eu les yeux splendides & estincelans, tels qu'Alexandre le Grand les a euz, comme refere Adamatius Sophiste. Le petit vsage du coit Venerien sert à la longue vie, & à la force: car en ce coit Venerien moult du sang des arteres & de l'esprit tres-pur est espandu & consumé, pourtant que la generation en a besoing, pour laquelle Venus est ordonnee. Venus dissipe les corps, & blesse le cerueau, & les nerfs, & les rends tremblans: elle accelere la vieillesse, elle faict les cheueux gris & chenuz: & principalement elle debilite les yeux.

Or pource que j'ay parlé du sang des arteres, il ne faut douter, que nous auons deux gerres de veines, aucunes subtiles & immobiles, qui sont en la superficie du corps, où est le sang tepide & rouge: les autres sont dessous, qui sont grosses, & ont vn pouls, auxquelles est le sang blond & tres-chaud, qui procede du cœur, comme le foye est l'origine du premier sang. Ces veines grosses qui sont arteres, poussent ensemble le cœur par temps egal: & par ce pouls & mouuement la chaleur naturelle est conseruee, & tout ce qui est d'excremēt fuligineux est iecté hors. Car quand ces arteres sont dilatees, elles sont refrigerées, quand elles sont contraintes, l'excrement fuligineux est mis hors.

Or que la chaleur soit augmentee par le mouuement, le pouls grand, le desir de respirer, la feruente chaleur du corps, & la sueur qui vient apres la course le mostre, qui courent.

Par bon moyen nous pouuons pouruoir à prolonger la vie, si on peut tourner l'or en eau sans erosion. Cy dessus j'ay parlé d'vn autre eau: mais ce qui est plus solide en l'or, est le meilleur. Car ceste eau pourra penetrer les choses solides à cause de la subtilité, & pour cause de sa sincerité pourra parfaire & purger l'humeur vital, & pourra rendre cest humeur plus solide & meilleur pour cause de la densité. Philippus Vlstadius a escrit

La forme de Auguste.

Le mal qui vient de Venus.

L'homme a deux gerres de veines & de sang.

Le pouls est utile au cœur.

Le pouls est grand à ceux qui courent.

La maniere de prolonger la vie.

plusieurs choses pour mettre l'or en eau: plusieurs escries en sont souz le nom de Raymond Lullius, qui ne sont vrayes. Il adiouste l'eau excellente de Frederic troisieme Empereur, par laquelle aucuns sont venus iusqu'à cent ans, si cest l'eau que Vlstadius escrit.

La diversité de respirer.

Pourquoy le dausin seul entre les poissons seroit haument.

Et afin que ie reuienne à l'vtilité de respiration, tous animaux respirent manifestement ou occultement. Certes en l'air les oyseaux, les serpens & bestes de quatre pieds respirent: en l'eau les poissons moderent leur chaleur par leurs ouyes. L'Indice en est, que les poissons mis en l'air, plusieurs sont suffoquez, comme les bestes de quatre pieds sont suffoquees en l'eau. Au fleuve Achelous les poissons semblent iceter vne voix, les ouyes abaïssees. Toutesfois ils ne font cela, pource qu'ils ne respirent & attirēt l'air. Le Dausin icete vne voix, pource qu'il attire l'air: les poissons qui n'vnt de l'air, sont muets totalement. Les escrieuilles vnt de l'eau & de l'air pour respirer, & ce sont petitement de l'un & de l'autre. Les mouches, moucherons & les vers dictz bombyces, respirent manifestement. A peine tu peux voir respirer les animaux qui vont tardement, comme l'escreuisse, la tortuē, le limaçon, les guepes, dites crabrones, le Chameleon, la salmandre, le lezard, dictz ascalobotes, ou stellio: la cause est, qu'aux bestes ou le mouuement est frequent, illec necessairement la respiration est frequente & grande: ou le mouuement est petit, la respiration est legere & petite. Pour ceste cause les grands animaux qui peu & tardement respirent, ont la vie courte, comme les beufs: car la petite respiration est indice & signe de petite chaleur, qui ne peut long temps regir vne grande masse de corps.

Et le grand signe de longue vie est de croistre moult & tardement: à cecy est proche, peu & tardement: mais de croistre beaucoup & soudain, c'est le signe de vie breue: d'estre peu augmenté, & subitement, c'est argument de vie tres breue. Car l'humeur qui s'estend facilement, est consumé legerement, & ce qui est consumé tardement, est gras, massif, & non aqueux, pourtant il n'est estendu facilement. Pour ceste cause l'Elefant, puis l'hōme, apres le Chameau, qui atreint aucunesfois l'an cent-

iesme, sont estimez de la plus longue vie.

J'ay cogneu par les registres des Tabellions, que deux cens soixanteneuf ans sont passez depuis la naissance de mon grand pere paternel Alde iusqu'à ce iour, en sorte qu'on estime nulle famille estre de plus longue vie en Italie. Autant en est aduenu au gerre maternel: car depuis mô ayeul maternel Aluylius iusqu'à ce iour ja sont passez cent septante ans. La cause de l'ongue vie en l'hōme, est grande chaleur, abondance d'humeur gras, & subtilité solide: & grande resolution de matiere, est cause de la vie courte. L'homme donques est tres-chaud & humide naturellemēt, pource il est de mauuaises mœurs, par la chaleur il deuiet cruel, fraudulent, inconstant, & plain d'ire: par l'humidite il est mol, effeminé, impatient de labeur, & amateur des delices: par les deux, sçauoir est, par chaleur, & humidité, il est gourmand & libidineux. Pour ceste cause les sages mesmes quand de nature ils sont tres-chauds & humides, sont les pires de tous, si la philosophie ne leur profiteit.

L'industrie qu'ils ont acquise par estude, ayde à ce fait: aussi fait la melancolie, qui prouient par la resolution de l'humeur gras, à cause des grades estudes, labeurs & veillance. Pourtāt de dire que les Philosophes ont souffert & fait choses meschantes, c'est autant à dire qu'ils ont ensuiuy leur nature, & que l'estude de philosophie ne leur a en rien profité. Aucuns memoratifs des calomnies & torts à eux faitz, ont destruiet leurs nations. Donques la resolution de l'humeur est cause de la vie courte, cōme l'abondance est cause de longue. Par ceste raison les animaux viuent moins que les plantes: car il est necessaire que les animaux se mouuent, pource la chaleur est requise qui consume, & quand la chaleur consume l'humeur, la vie en est plus breue. Outre si la tenuite & subtilité est ioincte à la solidité en toutes choses, elle est vile & delectable: & est necessaire aux petits animaux. Pourtant que les abeilles sont de substance subtile, elles en sont plus ingenieuses, & viuent plus long temps, comme iusqu'à sept ans, ainsi que le tesmoigne Virgile au 4. liure des Georgiques.

Mesinement le fourmi yit long temps, voire autant

R ij

*La longue
vie des ma-
ieurs de cest
auteur.*

*Pour quoy
l'homme est
de mauuaises
mœurs.*

*Pourquoy les
philosophes
sont melan-
coliques.*

*Pourquoy les
plantes sont
de plus lon-
gue vie que
les animaux.*

*La vie de
quelque peti-
tes bestes est
longue.*

que la mouche à miel. Aucuns produisent la vie de la tortuë iusqu'à soixante ans & d'auantage: l'argument en est, qu'elles croissent beaucoup, & tardement, qui est signe, comme i'ay dict, de longue vie, non seulement aux hommes, ains à tous animaux & aux plantes. Or que l'homme entre tous animaux soit de substance tres-subtile, & mesmement la gresse, le sepulchre d'Alexandre Duc de Florence le monstre, lequel neantmoins qu'il fut construit de marbre blanc fort espes, il fut toutesfois tout maculé de la gresse du corps, qui passoit outre, mesmement le fond des colonnes, les gouttes de gresse tōbans dessus. Pareillement la gresse d'Alphonse Aualus, quoy que so corps fut deseché par medicamēs, sel, & sable, gasta & macula les pierres de dessus le tōbeau, en trauersant le plomb: & toutesfois les corps des morts ne sont de tant grande subtilité, que des viuans.

*Longue vie
& noblesse
sont les deux
principaux
dons des hom-
mes.*

Donques deux dons principaux des hommes, longue vie & noblesse, prouiennent de la subtilité, comme de leur mere. Pourtant l'homme entre tous animaux terrestres est le plus préparé à Venus, pource qu'il est treschaud & humide: il est toutesfois surmōté des oyseaux, pourtant qu'ils ne iectent guere de semēce pour la proportion du corps, & pource qu'ils ont les couillons dedans le corps. Les philosophes à cause de leur contemplatiō ne sont prōpts à Venus, car les esprits sont cōsumez à raison de l'estude, aussi les esprits tēdent du cœur vers la contraire partie des genitales, sçauoir est, vers le cerueau: pour ceste cause ils engendrent enfans debiles, & qui ne leur sont semblables.

*Ce qui exci-
te Venus.*

Pour ces raisons il profite moult de hâter avec les ieunes filles & lire histoires d'amour: outre d'auoir de belles femmes peintes aux châbres, & ne laisser du tout venus principalement pour allegier le soing, quand elle est rare: aussi les bains sont vtiles à ceux qui sot trop deliez pour la laxité de leur composition. Toutesfois la verge virile se leue par grosses ventositez, & aucunesfois elle se leue quand elle se pouffe en auant par gayeté, ou par commaiteration. I'ay veu le membre viril s'estende à quelques vns quand on les pendoit, cecy est vne espeece de cōulsion. D'auantage l'imagination de la douleur,

d'autruy excite Venus à quelques personnes, en sorte que quelqu'un, comme recite Jean Mirandula n'arçoit point, si l'n'estoit batu: plusieurs n'arcent point s'ils ne batent. Car ceste affection ensuit l'imaginatiō. pour ceste raison aucuns quād ils ont honte ou crainte, ne sçauroient exercer Venus, & pensent qu'ils sont enchansez & empoisonnez. On croit que plusieurs drogues donnent ayde à ce mal, cōme les fourmis volans appliquez avec l'huile de sureau, & frotez au membre viril: & autres plusieurs drogues, dont j'ay parlé & parleray cy apres, qui appartiennent à l'imaginatiō & medicamēs.

L'auulsion des testicules, dictē le chastrement, esteint & oste Venus totalement. Outre elle empesche d'estre chauue, & que la barbe vienne, en monstrant effects presque contraires: elle engarde l'homme d'estre podagre. Et si la chauueté, de la cheute des cheveux, ou du poil aduient par autre cause, l'huile de tartare y donne bon secours, & restitue le poil tombant, & faict apparoir le poil & cheveux, qui n'estoiēt encore sortis. Rien donc n'est faict de nature sans cause & raison, veu que la chaleur faict sortir le poil: & ceste huile de tartare est tres-subtile & moult chaude.

Or pour cause de la chaleur & humeur, le corps humain deuoit estre pesant, & pource il ne requeroit ailes, entendu qu'il n'eust peu voler: il auoit donc besoing de quatre pieds, mais il eusteu la teste en bas: pourtant afin qu'il se tint debout sus ses deux piedz, sans aide, il estoit necessaire qu'il eust les piedz grāds & longs. Pour ceste cause il n'est aucun animal qui ait les pieds plus grands que ceux de l'homme. Ainsi des autres membres. Mais puis que Galien en a escrit copieusement aux liures de l'vsage des parties de l'homme, il n'est besoin que ie repete ce qu'il a tant bien dict. Il est decent de contēpler seulement cecy, que les parties de l'homme sont tant subtilemēt elaborees, que si les dents superieures estoient vn peu flechies dedās, elles tomberoient incontinent: si elles estoient flechies exterieuremēt, elles tomberoient aussi, non tant subitement: car en parlant & mangeant, quand elles ne s'entrentrent bien, elles s'entredēbilitent, & puis elles tombent. Ainsi en est il aduenu a M.

*Pour ceuz
qui ne peuuent
yser de Ve-
nus.*

*Estre chastré
empesche Ve-
nus du tout.*

*Pour la cheu-
te du poil.*

*L'ordre des
dents.*

Antoine Maioragius nostre amy, homme certes tres-
docte & disert. Toutesfois comme la composition ega-
le des dents est vtile à parler, ainsi elle n'est approuuee
Pour bien trancher & couper : & les chiens & les loups
les ont inegales & disposees comme celles d'une sie.
Et les dents inegales & disposees comme d'une sie, s'en-
tretiennent mieux, & n'en retiennent mieux les reliques
des viandes. Pourtant aucuns peuples des Indes, qui
n'ont le soing de parler bien & distinctement, afin qu'ils
vissent plus commodément de leurs dents, ils les accom-
modent d'une lime en la maniere d'une sie. Car elles sont
plus fermes en la racine quand elles ne sont conionctes
en la sommité. Et celles qui sont conjoinctes d'un des
costez, sont plus facilement separees de l'autre. Et en
quelque sorte qu'elles soient distates l'une de l'autre, &
qu'une dent est du tout arrachee, elles rendent la paro-
le begue. Les dents n'aissent en la vieillesse, & encor plus
tardement qu'on n'estime : mais cela est plus tost receu
pour miracle, que pour regle & ordonnance. J'ay veu à
Genes Antoine Benzum, qui estoit de la ville du port
maurice, aagé de trêrequatze an, passé, qui n'auoit moult
de barbe, d'une habitude corporelle grasse, des mam-
melles duquel tant de lait distiloit, qu'il en eust peu al-
lactet un enfant : & non seulement ce lait degoustoit,
ains il sortoit d'impetuosité. Cest homme estoit gen-
darne, qui auoit souffert moult de mal toute sa vie.

*Un homme
ayant moult
de lait.*

*Pourquoy
l'os de la teste
est composé
de plusieurs
pieces.*

Or pour retourner à la composition de l'homme, l'os
de la teste necessairement est composé de plusieurs pie-
ces, afin qu'il fust en plus grande seurte; car quand une partie
en est rompuë, il n'est necessaire que le tout soit vicié
& rompu : afin aussi que les veines & arteres peussent
mieux entrer dedans, & les excremens fuligineux en
peussent mieux sortir. Nature a ioinct les parties de
cest os par petites sutures, afin qu'elles s'entreteussent
mieux, afin que la chaleur du cerueau ne fust suffoquee,
afin que l'entree ne fust ouuerte au froid, afin q̄ les mè-
brances adherassent mieux aux parties : & quoy que les
sutures soient subtiles & menuës, les os toutesfois sont
fort espes. Mais si les os de la teste sont trop espes, ils
signifient que les hommes sont indociles, brutaux, &

subiects à oubliance : ils sont tels aux Indiens de la petite Espagne, comme refere Gonzalus Fernand Ouiedus & sont tant durs, que les Espagnols consentent en cecy, qu'il ne faut frapper la teste des Indiens, quoy que elles soient nuës, pource qu'on y rompt les espees defus : dont ie cuide cecy n'estre fabuleux qu'a eserit Herodotus, les os de la teste des Ethiopiens estre espes & tresdurs. Car entendu que la matiere des os ne defaut pour cause du cerueau, la chaleur abondante rend les os espes & tresdurs. Les os qui sont tels, s'adioignent telles membranes, & tel cerueau : pource il faut que les homes qui les ont, soient stolides, oublians, & indociles. Car la membrane de la teste qui environne le cerueau, est necessairemēt tresmenne & deliée à ceux qui sont modezez, de peur qu'elle ne blesse le cerueau par sa pesanteur & est pource plus dure, à fin qu'elle ne permette la substance du cerueau estre espendue aux concussions. Elle ne peut estre espesse sans le peril du cerueau, si le cerueau mesme n'est plus espes, qu'il n'est de raison. Vne autre membrane est mise sus ceste subtile, qui n'est seulement dure, ains espesse, entendu qu'elle ne pouuoit greuer le cerueau, pource qu'elle est suspendue, & prouient de l'os, & qu'elle ne touche le cerueau.

Semblable soing de nature est mesmement venu iusqu'aux cheueux, car entēdu qu'il failloit que la teste fut couuerte, nature a excogité les cheueux pour couuerture legere, & seure, & a fait qu'ils creussent biē, veu que sans ayde leur longueur peut descēdre iusque dessus les autres parties : & en ceste part, nature a pourueu à la beauté, en sorte que non seulement aux femmes, mais aux enfans que les anciens auoient pour leurs delices, ils colloquoient la meilleure, & la plus grande partie de beauté en la perruque d'iceux. Les plus beaux sont iannes, & reluisans, lesquels il appert estre tresdeliez & delictables : car tant plus les noirs degenerent de la grace & beauté de couleur, tant plus ils sont gros.

Après que nature a eū monstré plusieurs experiences de subtilité en l'homme, rien toutesfois n'approche à la subtilité de la face : de laquelle despend deux merueilles : le premier, qu'entre les hommes presque infinis

R iij

Les os de la teste durs & espes aux Indiens.

Pourquoy la membrane du cerueau est tresmenne & dure.

Pourquoy les cheueux sont menues & deliez.

tous sont tant differents par tant petit espace de la face humaine, que deux seulement ne peuuent estre semblables entre les hommes, ains incontinent ils sont distinguez, & cogneuz par certaines notes: le second est, que nature a fait au corps humain, en tant petite partie tant grande beauté, qu'aucunes fois nous desirons mourir de nostre bon gré, pour cause de tant grande beauté d'aucunes personnes, & sommes agitez iusques à deuenir insensez, par les aguillonemens de ceste tant belle face, que nous ne voyons plus: aucunes fois aussi nature y met vne tant grande turpitude, & deformité que la seule souuenance nous en fait mal au cœur, quoy que nature ne se soit oubliée en l'vne, & l'autre cōposition des yeux, du nez, de la bouche, des dents, du front, & des ioüies. En cecy est adiousté le troisieme argument que nature a esté fort ingenieuse à la composition de la face, qu'en tant petite mutation d'icelle apparoissent les differences de l'hōme ioyeux, & triste, du hardy, & du craintif, du courroucé, & du pitoyable, de l'aymāt & du haineur, de l'esperant, & de celuy qui est hors d'esper, du sain, & du malade, ou de celuy qui se meurt, & d'autres infinies affections, tant de l'ame que du corps.

Chose admirable au corps humain.

Au 3. liu. de la faculté naturelle.

L'ordre des parties du corps humain en subtilité.

Vn autre argument de merueilleuse subtilité & industrie de nature est interieurement en l'homme, sçauoir est, la portio du poulmō, par laquelle l'artere aspere est separee de l'artere participāte de la veine: car l'air toujours passe librement en inspirant & respirāt, & le sang tres subtil, qui est enclos en l'artere composee de la veine, n'a aucune sortie. Dont ie m'esmerueille que Galenus a osé dire que les esprits sont plus subtils aux vapeurs, quand les vapeurs s'en vont dehors librement, que ne sont les esprits qui demeurent interieurement.

L'ordre des parties du corps humain sera en telle sorte: l'esprit est la plus subtile partie du tout: puis la cole-re, dictē bilis flaua, apres la gresse, consequemment la mouelle, le sang des arteres, le lait, le sang des veines, l'humeur melancolique, dict en Latin *atra bilis*, la pituité, la melancolie, le cerueau, le poulmō, la chair, la rate, le foye, les veines, arteres, nerfs, membranes, ligamēs cartilages, & les os sont plus espes. Les vaisseaux qui

font les plus subtils, sont ceux, comme il est dict, qui tendent de l'artere aspere en l'artere participâte de la veine: apres ceux qui passent outre depuis le dextre vètricule du cœur, iusqu'au fenestre par le circuit des poulmôs. Apres le susdit, les rameaux de la veine porte sont ioints aux rameaux de la veine caue alétour du foye. De tous ces ordres aucun n'apparoit, & n'est veu des yeux, mais ils sont inuentez par la seule raison. Apres les cõduis, qui procedét des veines aux arteres, sont apparés, puis ceux des os, en fin les conduis de la peau, qui sont veuz appertemét, & par lesquels le poil sort dehors, que nous appellons coustumierement de ce mot Grec pori. Et de ces pores & cõduis l'vsage en est tant necessaire, que s'ils sont estoupez, la fieure nous prend. Par ces pores perpetuellement passent les exhalations, mesmemét la sueur, & aucunesfois le sang, d'où vient la sueur du sang, quãd de facherie le sang subtil extenué par la chaleur du feu, est exprimé: neantmoins qu'Aristoteles au troisieme liure des Parties des animaux refere cecy à crudité. Les fins des veines & arteres sont mesmement, par lesquels fins le sang passe en la solide substance des mēbres. Et cecy est chose cõmune au sang par six trãsmutations, par lesquelles le sang se tourne quasi en rousee, puis il est transmis en la concauité des membres, il est appollé, ioinct, assimilé, à fin que la plus impure portion soit separee, le reste rendu plus subtil & plus massif, tant qu'il soit paruenù à la substance des membres.

Or comme la paucité du sang ne nourrit bié la force, ne le corps, ainsi la multitude en est onereuse & de grande charge en partie de soy mesme, en partie pource que elle demonstre le corps n'estre nourry, en partie pource qu'il est grandement necessaire que le sang soit moult excrementeux. Et quand le sang nourrit bien le corps, les veines sont extenuées, & le corps s'augmente. En la vieillesse la chair peut estre restauree, & en la ieunesse elle est solide & delicate. Ainsi dõc l'animal & la plante sont augmētez, & vn mesme moyen d'aliment est à l'vn & à l'autre, veu que c'est vn œuure de nature, quand ce qui est augmenté, peut estre estendu.

*La cause de
la sueur du
sang.*

*Pourquoy
la vertu n'est
augmentee
quãd le sang
est abundant.*

*Le moyen de
augmenter
les choses.*

Le moyen par lequel toute chose est augmentee, cōme Alexander explique bien, est telle. Fein la plus tendre peau de l'œuf estre nourrie de ce qui est cōtenu dedās, cerçes la forme demeurera & la matiere sera muee. Ainsi toute cavitē qui est au corps, entendu qu'elle est pleine de suc, s'estend par la forme manente, parquoy l'augmentation est selon la forme, car la forme demeure, non selō la matiere qui luy est adioustee perpetuellement: car ce qui est augmentē ou nourry, il faut qu'il demeure: & en ce ces choses different de la generation. Doncques en toute addition faicte au corps, quelque portion est separee, le reste est attenuē, & faict massif. Cecy mesmement est faict en la generation de la semēce & du laiçt.

*L'usage du
laiçt est vtile
à la longue
vie.*

Consequemment le laiçt est dense & subtil, pource, veu mesmement qu'il est doux, il nourrit bien, dont il est fort vtile à prolonger la vie: apres le laiçt, l'huile & le miel nourrissent bien: toutes fois le laiçt n'est moins vtile, que les deux: mais le danger est qu'il ne se prenne & se conglutine: & pour ceste cause il faut prendre seulement le recent, qui soit des cheures ieunes, & paiffantes les herbes tendres, & incontinent qu'il est tirē au matin, il faut le boire, puis se reposer.

*Pourquoy les
matieres mas
sines sōt sub
tiles.*

*La vertu de
la concoction.*

Aucun doutera, pourquoy les matieres massives sont subtiles. La raison est manifeste: les matieres subtiles sont bien jointes ensemble, & n'admettēt aucunes creuaces ou fistules, pource elles deuiennēt massives. Doncques la concoction qui separe les excremens, attenuē & condense, & tantost elle rend la matiere plus pesante, tantost plus legere, quand elle ne separe rien, ou peu, elle rend la matiere plus pesante, comme aux fruiçts, lesquels estans meurs sont faicts plus pesans.

*Les regions
qui sont la
vie longue.*

Aussi pour retourner à nostre propos, la cause premiere, comme j'ay dict, de la longue vie, dont premierement ie traictois, est par la densitē de la matiere: la seconde cause est par l'aide du viure: la tierce est par le régime: la quatriesme est la multitude & abondance de l'humeur gras: la derniere cause est attribuee toute à l'air. Aussi Angleterre produit & entretient la vie

iufqu'à cent ans, & iufqu'à fix vingts. Mais les hommes viuent plus long temps aux Indes. Car Nicolas Comte de Venife recite, que quand il estoit aupres d'une ville de Portugal, au riuage de la Mer rouge, l'an de nostre falut, mil cinq cens trenteneuf, qu'un eſtranger fut amené au Duc de l'exercice des Turcs, qu'ils appellent en leur langue Baſſa, lequel eſtranger auoit plus de trois cens ans, ſelon le teſmoignage des habitans.

Toutesfois il ne fera licite de trouuer touſiours par tout aux Indes tant longue vie. Il faut d'oc chercher l'hiſtoire de telles choſes, & de l'hiſtoire la raiſon. Ce lieu là eſt chaud, pource il a l'air ſubtil & pur pour cauſe des vents, entendu qu'il eſt au bord de la Mer, & pour cauſe des eaux il n'eſt point ſec. Et le viuere eſt illec principalement des fruiçts tres-excellens pour le temperament de l'air, & auſſi eſt de ſucres, ſans vin & chair, pour cauſe de l'adoration des idoles. Apres par l'og ordre des tēps & generations, les eſpaces de la vie ſont augmentez petit à petit, premierement iufqu'à cent ans, puis iufqu'à cent vingt, & cent cinquante, & cent ſeptante, & deux cens : finalement la vie proche à l'extreme fin de trois cens ans: ainſi ſont deduites les choſes mortelles. I'ay dit toutes choſes eſtre muez par propagatiō en mieux, ou en pire: ainſi les hōmes ſont faitſ beaux, grands, petits, ayans les yeux petits, comme les habitans de la region dicte China: ainſi ſont forts, comme les femmes de Tarnaffat region d'Inde, lesquelles outre qu'elles ſe precipitent au feu en la maniere de la nation en la mort de leur mary quand elles diuiſent d'amour, ſans mouuoir la face, elles permettent vn linceul trempé en l'huile eſtre bruſlé ſus leur bras nud, & pource ne troublent leur oraiſon encommencee. Ceſte conſtance non par mœurs, non par la region, ainſ par contumace endurée contre les tourmens a continué, & a eſté augmentee par pluſieurs ans, en ſorte que le ſexe tres-inſtume a monſtré plus grands exemples de force que nous n'eſmerueillons à vn Mutius Sceuola Romain: ainſi ce qui eſt acquis difficilement a tant grand pouuoir. Et, comme diſoit quelqu'un au vieillard qui plantoit les

Les hommes des petits yeux.

Les femmes fortes.

les palmes. A qui, ou pour qui les plantes-tu est-ce pour
 tes posteres? Pour ceste cause les estudes & exercices
 des grandes choses ont pris fin. Pourtant si tu cerches
 tant grand espace de vie, ou par viandes, ou par la re-
 gion, tu perds temps. Et ce n'aduendra seulement à ton
 fils, ains à tous tes posteres, si tu perseueres de ce faire.
 I'ay parlé en ce liure & en autres plusieurs, des viandes
 & des aides de la vie. La substance solide est acquise par
 viandes & exercitation, comme l'abondance du gras
 humeur. Mais la doute qui est en l'air est grande, sçauoir
 est, lequel est le plus vtile à la longue vie, ou l'air subtil,
 ou le gros air. Car aucuns pensent que le gros est le plus
 vtile: pource que ceux qui habitent pres de la mer, sont
 de plus longue vie: la mer est humide, & ce qui est hu-
 mide est espes. Outre ce qui est gros & espes, semble
 moins briser & consumer. Toutesfois si nous confide-
 rons bien, toutes choses viuantes en l'element le plus
 subtil, sont de plus longue vie, comme les poissons vi-
 uent plus que les vers, les animaux terrestres plus que
 les poissons, les oyseaux plus que les terrestres de qua-
 tre pieds: pource que les oyseaux viuent en l'air plus
 pur que les bestes de quatre pieds. Car les vers viuent
 peu de temps qui viuent sus terre, & qui sont refrige-
 rez seulement par l'humeur de la terre. Les taupes, com-
 me i'ay dit, ne viuent sus terre, ains dessouz. En l'air dōc
 tressubtil la vie est treslongue: car tel air ne consume
 chose digne d'estre notee. Pour ceste cause si quelques
 animaux viuent en l'air trespur, qui est dict *ather*, ils vi-
 uent tant long temps, qu'ils peuuent estre dictés eternels.
 Aucuns sont qui viuēt iusqu'à l'extresme vieillesse sans
 incommodité. Laurens Bonincontrius, duquel le liure
 d'Astronomie escrit de sa main est chez moy, estoit tel,
 ainsi que Lippus Brandolinus recite en son liure, qui est
 des Conditions de la vie humaine, il auoit ia quatre
 vingts ans, & toutesfois il estoit de tant grande memo-
 ire, qu'il sçauoit tāt bien par cœur tout ce qu'il luy estoit
 aduenü estant enfant, & ce qu'il auoit leu, sembloit les
 auoir veu ou leuz le iour mesme. Donc le souuerain
 remede, non seulement pour conseruer longue vie,
 mais pour euiter les maux qui suruiennent en vieillesse,

*Lequel est le
 plus apte à la
 loigneur de la
 vie, ou l'air
 subtil, ou le
 gros air.*

est la maniere de viure moderee, sans crapule, ne gour-
mâdise, sans vin qui soit trop puissant, & sans orde pail-
lardise. Que l'esprit soit ioyeux, & le dormir prolix
avec exercitation: n'vse point de medicaments, ne de la
section des veines. L'air pur, beau, esuëté, & humide, qui
est agité des vents de l'Orient, est tresalubre & bon. An-
gleterre a l'air humide & tepide, non subiect à putrefac-
tion, à cause de la saline. Le viure qui est du lait, est
vtile à la diurnité de la vie: car Hippocrates escrit que
les viandes imbeciles font la vie briefue. Ceux donc qui
sont de substance massiue, viuent le plus long temps &
laxité est opposite à densité. Ceux qui sont mols, peu-
uent aussi estre de longue vie: ceux qui sont laxés à pei-
ne le peuuent estre, ou non sans grâdes fascheries. Cer-
tes l'homme ne peut eiter qu'il ne soit mol: il peut eiter
laxité. Car outre que l'homme deuoit estre treshu-
mide, & sans portion terrestre, & pource deuoit estre

*Pourquoy
l'homme est
mol.*

stoient confus: de celuy est venu vne commodité de
bien & exactement sentir, & d'auoir bon sentiment.
Pour ceste cause les petits enfans ont bon sentiment, &
mesmement ceux qui sont de chair molle, & qui ont le
cerueau mol, pource qu'il est le fondement de tout sen-
timent.

Or afin que ie retourne aux especes de la vie, les In-
diens de soy-mesmes viuent long temps, en sorte qu'en
quelques contrees aucuns viuent cent ans, aucuns cent
vingt, les autres cent cinquante. Car l'air, les viandes,
& conseruation sont illec meilleurs, dont la vie mesme-
ment en est plus prolix & plus ferme.

Nature me semble auoir fait quatre choses par
grande diligence: la premiere chose est, que l'homme a
quelque diuinité, afin que ie ne parle des autres excel-
lences. La seconde est l'Elephant pour la longueur de sa
vie, & pour sa docilité, qui est de peau autant massiue
que l'homme de molle. La tierce chose est, le Diamant
entre les pierres precieuses par sa splendeur, durezza, &
de ce qu'il n'est corrompu dedans le feu. La quatriesme
est l'or, qui est de substance tressubtile & trespure, que le
rouille ne peut blesser, ne cedant aux eaux, au feu, au

*Quatre es-
forts de na-
ture.*

temps, qui est d'autant plus pesant que le diamant est leger.

Ces choses doncques sont les loyers de subtilité. Mais considere quelle & quante aide la subtilité donne en la generation, en commençant à l'exemple de l'œuf.

Premierement la chaleur qui entretient & nourrit la semence de la poule, conuertit le blanc de l'œuf en fistules, & aussi quelque portion du jaune ou rouge, dict *luteum*, car les aisles & les cuisses sont faictes du rouge de l'œuf: l'indice en est, que les poulets qui sont engendrez de l'œuf qui a deux rouges sans membrane les enuironnate, ont vne test e seule, mais quatre aisles & quatre pieds: & soat estimez comme monstre tel qu'il est adueni en Milan. Pourtant ce qui est en lieu vuide, est agité & seché, & se conuertit en membranes, nerfs, & dures parties: ce qui est donc premierement engendré, & l'artere & la veine: & le lieu du cœur est où est la semence: pour ceste cause, entendu que la semence est au milieu de la beste, ce qui est engendré premierement doit estre au milieu: & cecy est le cœur & le foye. Ce qui est adiacēt alentour des membranes, est moins sec: pourtant vne membrane circuit le tout interieuremēt. Doncques vne mesme raison de necessité est en la generation qu'elle est de l'utilité aux choses engendrees, afin que la passe fut par moyen des extremitez tresdures aux choses tresmolles. Et quand la chaleur est encor augmentee, l'esprit presque perce la matiere qui est donnée de l'œuf ou de la poule, iusqu'à ce qu'il soit parueni à la membrane de l'œuf. En la beste de quatre pieds qui engendre la beste viue, l'esprit vient iusqu'à la matrice. La chaleur donc, le mouuement, la fistule de l'esprit, la desiccation & formation s'entresuyuent, iusqu'à ce que l'animal soit parfait. Et la chaleur de l'animal n'est tousiours necessaire, mais il est gardé aux œufs, comme en quelques poissons: en aucuns animaux il est necessaire que les petits soient nourris au ventre, comme aux viperes: en aucuns les œufs exclus demeurent ioints au corps, iusqu'à ce que les petits naquissent comme aux escreuisses: en aucuns chose semblable à la chaleur maternelle, suffit. Pourtāt on faict esclorre les poulets hors

*Comment
vn poulet est
engendré de
quatre piedz
& de quatre
aisles.*

des œufs sans poule. Remply deux oreillers de l'excrement des poules, batu fort menu, puis assemble alentour les plumes molles des poules, en les cousant sus les oreillers: apres appose les œufs sus vn des oreillers, le bout menu en haut, puis iecte l'autre dessus en lieu chaud, & les laisse là deux iours sans remuer, puis tourne les de deux iours en deux iours iusqu'à vingt iours, tant qu'ils soient couuez esgalement: le iour ordonné venu, qui est le premier d'apres le 20. iour, tire petit à petit hors de l'œuf les poulets qui ia pipent. Et n'est de merueille si Aristoteles recite les œufs estre couuez souz terre en Syracuse, ville de Sicile, & en Egypte sans aide aucune. De nostre temps on a experimenté qu'en mettant vn petit feu dessous avec du fiens, les poulets sont esclôs, mais de plusieurs œufs viennēt peu de poulets. On met le feu dessous, de peur que le fiens ne se refroidisse. Or ce n'est merueille si les poulets sont esclôs par chaleur du fiens, veu que les petits sortent de soy-mesmes hors des œufs & des crocodiles, & des Autruches. Car c'est la chaleur du Soleil qui engendre, & la chaleur du fiens & de la poule luy aide. La chaleur du feu, entendu qu'elle n'engēdre rien, elle oste ce qui nuit & empesche: c'est le froid qui empesche la generation. Donc tous les œufs ne sont des poulets, non pas la plus grande partie: certes peu ont telle chaleur. Les œufs doncques ne requierent moult de chaleur: mais ceste petite chaleur doit estre entretenue aux œufs. Car si ce qui vit par puissance, pouuoit vrayement viure par la chaleur du feu, non seulement en Egypte & en Syracuse, ains aussi en Germanie, les poulets sortiroient hors par l'aide du feu. Certes auant que les corps des animaux soient parfaicts, par puissance ils sont à l'ame, & sont preparez pour la receuoir: & quād ils l'ont receuë, par puissance ils sont aux actions. Et les corps reposent de soy-mesmes, & ce temps de repos est dict le dormir: & lors qu'ils reposent, pource que l'obiet est absent, lors ils ne reposent vrayement, ains ils ont repos simplement. Et quand les formes sont parfaites, & la chose est engēdree, elle prend sans nombre les formes imparfaites: mais pource que les formes ne sont cognues, sinon

*La maniere
de couuer les
œufs sans
poule.*

par propres accidens, le sens ne peut comprendre le nombre d'icelles. Pourtât les formes imparfaites sont innumerables, mais parfaites peuuent en tout aage & tout temps estre comprises par nombre. Car entendu que la matiere est finie, & qu'elle a vne ame parfaite, aussi qu'elle requiert certaine quantité, les especes des choses ne pourront estre infinies en nombre. Or assavoir si vne ame est plus ame que l'autre: ce traicté appartient au liure des Secrets de l'éternité: car i'ay proposé de traicter tant seulement en ce present liure des choses qui sont subiectes à la vraye demonstration. Et la vraye demonstration est en laquelle, comme dit Aristoteles, le sens se consent aux choses qui sont prouuees par demonstration. Pourtant en ce liure ie me suis abstenu & engardé de toutes questions trop hautes & incertaines.

Or pour retourner aux principes de generation & nutrition, on cognoist par cest argument, que les deux sont faictes par chaleur & humidité, pource que quand les draps de laine sont estendus, premierement ils sont mouillez, puis on les accoustre, & on les tire exposez au feu. Si d'oc les choses qui sont humides & chaudes sont estendues par artifice, trop plus elles sont par nature. La concoction est faicte de chaleur plus seche que ne sont la generation & nutrition, pource que ce qui est doux, se cuit. Et tels fruiçts que sont les melons, sont cogneus par l'amertume de la queuë: par l'odeur vehement, & par l'espeffeur de l'escorce: & ces choses sont plustost par secheté, que par l'humidité. Au corps humain la nutrition est bone, pource qu'il a humeur tresgras. Et tout le corps humain consent en soy, & comme disoit Hippocrates, il est tout perspitabile & permeable, en sorte qu'à peine tu peux mouuoir deux membres ensemble par diuers mouuemens, ou en diuers temps. Pourtant la mesure du temps est plus constante à deux membres, que si vn estoit seulement mouué. Et la contagion passe de corps en corps, & d'esprit en esprit: & les affections & vices passent des ames aux ames, & des corps aux corps. Les maladies sont en quatre gerres, ou en la peau par le toucher: ou en la blessure, comme des yeux: ou
au

*Les indices
des bons me-
lons.*

au consens des vapeurs, comme aux vlcères: ou en la putrefaction de l'air, comme en la peste: car tout consens de maladie est par le toucher. Ils sont quatre touchemens au corps, comme en la peau: ou en la matiere, comme aux vlcères, ou en l'element, comme en la peste: ou au rayon, & similitude seulement, comme au rayon des yeux. Il est donc manifeste qui sont les maladies contagieuses, alencontre de la peau, comme lepre, la galle, la tache blanche: les vlcères entour les poulmons, le poitrail, le gosier, & les membres genitales, comme la verole: entour le cœur, & le cerueau, comme la peste, & l'inflamation des yeux.

Les maladies contagieuses

Mais ie reuien d'ou i'estoy party. La vie de l'homme requiert d'estre longue pour contempler & scauoir toutes choses: elle est presque tousiours finie à six vingts ans, si elle n'est deuant. Et ratement elle peut venir en tel aage sans grande incommodité: toutesfois on recite que Moses paruint en cest aage sans detrimet: certes il n'auoit les yeux debilitez: & n'auoit perdu vne dent: & ces deux choses coustumierement vexent & molestent les vieillards: & cecy est moins admirable, pource que plusieurs des Iuifs apres Moses sont venus iusques à tel aage, iacoit qu'ils ne fussent tant entiers que Moses. Car il faut estimer que Moses outre sa diuinité, estoit homme tresnoble, qui gouerna long temps vn peuple tant contumace, rude & rebelle, qui luy ordonna vne loy tant vtile. Mais la longue vie est donnee aux Iuifs pour leur bonne maniere de viure, entendu qu'ils s'abstiennent des viandes sordides, aussi pour caue de la temperature du Ciel, souz lequel ils viuoient.

La vie de l'homme est de six vingts ans.

La louange de Moses.

Pourquoy les dents tombent à l'homme vieil, & deuiennent laides aux autres animaux? Premièrement la pluralité des dents estoit ne cessaire, de peur que quand l'vne eust esté blesee ou consumee, les autres ne souffrissent. Outre il falloit que les anterieurs fussent les plus menuës & les premieres sorties, pource qu'elles coupent la viande. Mais les dents n'eussent perseueré facilement en telle sorte, pource nature a voulu que les anterieures renaquisses, non pas les posterieures: car ainsi elles suffisoient à la diurnité des anterieures. Et

Pourquoy les dents tombent à l'homme pour sa vieillesse.

les posterieures fussent cheutes sans les anterieures, elles n'eussent plus seruy. Quand donc les os se sechent, il faut que les racines des dets soient atteneues, & ne peuvent plus estre, pource qu'elles ne sont encloses de toutes parts par l'os: pource que l'homme n'est moins subiect à la cheute des dents, qu'à la vieillesse & à la mort. Et le labeur cōtinu du cerueau procure la siccité de l'os, d'où vient la mauuaise coction, & la subite vieillesse des parties adiacentes: il est donc necessaire que les dets soient rouillees, & que finalement elles tombent. Les dents semblēt durer plus long temps & estre plus fermes aux chiens, & autres animaux pour la brieueté de leur vie.

*La debilita-
tion des yeux*

Les yeux deuiennent hebetes, pource qu'ils requierent moult d'esprit subtil, dont la vieillesse est indigente: toutesfois l'homme peut mieux se garder de ce mal par quelque artifice, qu'il ne fait pas de la cheute des dents. D'auantage les dents sont pires ou meilleures par les viandes: aucuns ont les dents debiles, pource que les genciues leur defaillent. Au contraire, i'ay veu vn homme, auquel les genciues estoient tant crues par frequent vomissement d'humeur aigret, qu'elles couuroient toutes les dents. Par laquelle experience ie pense, veu qu'il n'est rien tant semblable à cest humeur, que le vinaigre avec la lie, si quelqu'un lauoit sa bouche de vinaigre avec la lie noire, que les genciues prendroient grande augmentation. Car entendu qu'il est astringent, il consume ce qui est pierreux alentour des dents, pource que les genciues s'enflent. Aussi la biere & ceruoise gaste les dents, comme il appert par ceux qui en boient.

*D'vne gēci-
ue fort gran-
de.*

symuel n. l.

*Cinq gerres
de pain.*

I'ay parlé de la variété du boire: ie seroy honteux si ie ne parloy du pain. Je laisse que quelques nations vsent du pain fait de poissons sechez & moulus, puis paitris d'eau, comme est la coustume: ils font trois gerres de pain: aupres de Septentrion ils font du pain du grain dict filigo, qui est commē nostre segle: aux regions tēperées & chaudes ils le font de froment, dont ils font deux gerres, vn d'Asie, qui est plus noir, plus leger, & plus doux que le nostre: & n'est formé aux espics, mais au sommet de la verge, comme le mail, dict milium, non toutesfois tant mol, pource que plusieurs espics l'accō-

pagnent. En l'Inde Occidentale ils font le pain de la semence maizum, dont mesmement ils font du vin. Le fruit de l'herbe est comme seméce qui represente exactement nostre millet, dict sorgus, ou milica, ou le froment rouge, en tuyau tige & fueilles: toutesfois la seméce, ou la graine en est vn peu plus grande, & le tuyau est circuit de fueilles, ce qui n'aduiet au millet d'Italie; mais ie croy que cecy aduiet par la diuersité des provinces: & ce grain là est plus doux que le millet, & est friable comme le millet, & n'est gras ne glutineux.

Il rend de mesme fecondité le reuenu annuel, voire, d'autant plus ample que le Ciel, & la terre illec consentent plus ensemble. I'ose presque à bon droict appeller icy le vil millet, maizum en droict nom, ou maizum sorgum. Ethiopie à son propre grain dict taphum, vn grain plus excellent que le froment, pource qu'il ne se corrompt. Le ris est viande commune à toutes nations; entendu qu'il croist par tout: car par tout on trouue de l'eau où il croist.

*Le ris croist
en toutes na-
tions.*

Le cinquiesme gerre de pain est faict de la racine dicte Hyuca: l'herbe est semblable à nostre genest, dict spartum: & la racine aux carotes, plus grande, blanche interieurement, aspre exterieurement: & presque de couleur vineuse. Cecy est merueilleux en quelque espeece de ceste racine, qu'elle refere la condition humaine: car le pain est salutaire à l'homme, quand le suc en est hors, & est gardé vn an: mais le suc qui est beu subitement faict mourir l'homme, & ne peut on le sauuer par aucun remede. Ainsi, comme i'ay dit, la mort est iointe avec la vie. Pour ceste cause quand ils font du pain de ceste racine, ils expreignent diligemment tout le suc qui appert estre du gerre de ciguë, n'est, qu'il est plus puissant: car ceux qui veulēt se faire mourir illec, ils se tuent en beuant de ce suc, comme s'il apportoit vne mort douce. Aux regions où ils vsent de froment, s'il defaut, le grain dict *siligo*, qui est nostre segle, en respond: si le segle defaut, le mil respond pour l'vn & l'autre, c'est à dire qu'on en vse au lieu du froment, du segle.

*La racine
hyuca est sa-
lutaire, & si
est venin mor-
tifere.*

Or afin que nous entendions quel moyen doit estre

Les cinq con-
ditions du
pain.

pour faire le pain, il est necessaire de sçauoir qui sont les proprietes du pain, lesquelles sont cinq: qu'il nourrisse bien, qu'il donne aliment solide, qu'il soit de bon goust, que facilement il ne soit corrompu, & que la matiere soit facile à estre trouuee. Doncques les semences, ou les fruiçts, ou les herbes, ou racines, ou la chair ne sont propres pour faire le pain: la chair facilement est corrompue, & estant salee, elle n'est de goust delectable: les racines & herbes ne nourrissent bien: les fruiçts se sechent: les semences ne plaisent au goust: & plusieurs de ces choses empirent par succession de temps. Il est donc manifeste qu'il faut que le pain soit elaboré au feu, autrement il ne sera de bon goust, & ne pourra estre de bon aliment. Souuent le blé & le seigle sont ioints ensemble: & en Germanie ils mangent du pain fait de froment & de seigle, meilleur que s'il estoit de pur froment: ainsi le paistrissement a grand pouuoir: car ils paistrissent bien: on fait la paste molle, en meslant du sel, & la decoction de la fleur de saule dicte papis, au lieu d'eau: & ce pain mesmement s'il estoit de froment, est delectable aux François & Italiens. Or aux Indiens de l'Inde Occidentale, le fruiçt de l'arbre dicte mamey, est au lieu des delices outre les plantes cy dessus recitees, & ce fruiçt est de la grandeur d'une grosse pesche, ou d'une pomme de grenade, ou d'un coin, & a la peau rousse, la chair d'une poire, le noyau en triangle, où est une mouëlle rousse, qui a la saueur de pesche, dedans le noyau est une autre mouëlle, où vrayement le noyau mesme est tresamer.

Arbre dicte
mamey.

Guanaba-
mus.

Vn autre fruiçt qu'on appelle Guanabanus, est d'un arbre en forme de pin: ce fruiçt est grand cōme vn pompon, & a l'escorce espesse d'un doigt: la liqueur interieure qui est au lieu de mouëlle, est de bone saueur, mesmement les grains & semences: ce fruiçt est semblable à une cosse de genest en magnitude, en forme & couleur: l'arbre est ample, de fueilles longues & grâdes: ce fruiçt est tresalubre, qui est facilement cuit, & ne se pourrit iamais. Maintenan̄t quelques choses sont propres à toutes nations, toutesfois elles conuiennent en commune maniere, non seulement en ce qui appartient à nature, ains

aussi à ce qui est appartenant aux mœurs. Tous vsent & mangent du pain : toutesfois la matiere dont le pain est fait est diuisé: tous vsent & boiuent vn breuuage salutaire, & delectable au goust: toutesfois ce breuuage est diuers, & differe selon le pays & regions. Ainsi tous, quád leurs parens & amis meurent, font le dueil, & changent leur maniere de viure, & leur habit: dont il aduient que aucuns portét longue barbe, qui n'auoient coustume de la porter : aucuns longs cheueux, qui parauant estoient tondus: aucuns tondent leurs cheueux, qui les portoient longs cōme femmes: les autres abbattent leur barbe, qui tousiours la portoient longue: ceux qui auoient la robe noire, en ont vne blâche pour le dueil: ceux qui la vstoient blâche, la portent noire. Ainsi nous voyons que tous portent le dueil, toutesfois les manieres de le faire sont diuerses. Les larmes & sospirs appaisent la douleur: les sospirs attirent hors les excremens fuligineux qui estoient detenus au cœur par la douleur, afin que le cœur soit refrigeré : & les larmes iectent hors ce qui estoit eschauffé de l'eau sanguinolète ou sanglante, dōt les esprits peuuent passer librement. Poutant entendu que la douleur & veillance viennent coustumierement des pleurs, comme ils me vindrent l'an passé en la mort de ma femme Lucia Gaudarena, quoy que ie fusse appuyé sus les institutiōs de philosophie, toutesfois nature à ce repugnante, & memoratif du lien de mariage, ie me garday du peril de mort par sospirs, larmes, & par diette de cinq iours. Car naturellement ie suis amateur de mes amis plus qu'il ne conuient. Pour ceste cause la sœur de ma mere nōmee Tomaxina, lors que son mary, ses deux fils, & deux filles furēt morts de peste, & qu'elle ne voulut porter selon la coustume, par la crainte de son beau frere, mon pere, homme graue, incontinent rōpue interieurement tomba morte, en criant hautement. l'en scay autres, qui saisis de mauuaise sieure, pour auoir dissimulé le pleur du frere, sont morts en bref. Et afin que chacun se tienne sus ses gardes, & qu'il cuite la mort, le salaire du pleur empesché, est le poil blanc & chenu. Ils sont donc trois remedes contre le peril & danger commun du pleur, les larmes, sospirs, & la diete.

La varieté de porter le dueil pour les morts.

Pourquoy les larmes appaisent la douleur.

Trois choses qui deliurent l'homme du peril de mort.

Quand la grande douleur est vn peu appaisée, appuye toy sus la philosophie, & t'endurcy de ses preceptes contre les douleurs & aduertitez. Mais de mediter ces preceptes incontinent apres la douleur, ce n'est facile ne seur.

*Pourquoy ils
sont plusieurs
gerres des lan-
gues.*

Tu diras, Si les instructions des hommes sont cōmunes & generales, pourquoy les langues sont elles tāt diuerses? Cecy aduient par la nature des lieux, veu que les Italiens peuuent à peine prononcer de cœur la voix, & les Hebreux la proferent facilement, & ne peuuent parler presque, sinon avec quelque son: & les voix d'illec translatees en autre lieu, quand elles n'ont leur propre pronōciation, elles degenerēt. Et le vulgaire qui les proferere sans aucun soing ny aduertissement, les aduultere & corrompt: pourtāt la varieté des langages prend tousiours son origine du peuple vulgaire, qui surmonte les autres en nombre. Pour ceste cause aux foires publiques quād le vulgaire de diuerses langues est amassé, perpetuellement nouueaux mots sont forgez, par la naissance desquels, comme des hōmes, il est necessaire que les autres qui estoient en leur lieu perissent & soient abolis. Mais l'vtilité que nous auōs de la varieté des langues est, que toutes les affections de l'esprit peuuent estre expliquees. Cecy appert que tu ne peux bien exprimer la sentence d'Homere en Latin, ou en nostre langue maternelle, ne de Virgile en Grec, ou en nostre langue maternelle, & trop moins le sens de François Petraque, en expliquant ses vers en langue maternelle, en Latin, ou en Grec. Et comme l'vtilité de la varieté des langues est, ainsi sont les intelligences de leur similitude. Plusieurs nations pour cause des intelligences & de l'origine des langues, ont vsé de deux lāgues, qui distingoient & separoient le vulgaire des gens de l'estat, comme faisoient les Romains, selon le tesmoignage de Cicero. Et de ce la question a esté agitee, sçauoir si M. Tullius Cic. T. Liuius & Salustius ont escrit en leur langue maternelle.

*Les Romains
vsoient de
deux lāgues.*

Il est certain qu'vne langue estoit à Rome plus ornee que celle du vulgaire, non toutesfois tant differente de la maternelle, comme la nostre Italienne differe maintenant de la Latine. Tu cognoistras cecy appertement,

fi tu conferes l'oraison de Vitruuius, qui estoit du peuple vulgaire, à l'oraison de Cicero, homme d'estat, & qui auoit esté Consul. Ainsi de present les Grecs ont vne langue vulgaire, autre & differente de la langue en laquelle tant de liures excellents des Grecs antiques sont escrits. Les Turcs parlent & vsent vulgairement de leur propre langue: les gens d'estat vsent de la langue Illyrique, les sçauans escriuent & interpretent en langue Arabique. Les Iuifs mesmement vsent de la langue de la region qu'ils habitent, & aussi de leur propre, qui est Hebraïque. Semblablement nous auons la langue Italique distincte & differente de la Latine, & vne autre plus elegante, que nous appellons Tuscanne ou Hetrusque, en sorte que chascune nation à non deux, ains trois langues.

Les Romains, comme j'ay dict, au lieu de la populaire, & de celle des gens d'estat, qui leur estoit telle que nous est la Tuscanne, auoient la Grecque au lieu que de present nous auons nostre langue Latine. Mesmement les Grecs anciens ont eu la langue populaire, & celle qui est elegante: pour la langue vile, ils ont eu vn autre gerre de parler, ce que cognoistra facilement celuy qui lira leurs compositions en carme. Les Africains mesmement ont trois langues: car outre la populaire, & la faconde est ornee, ils ont la propre langue d'Afrique, en laquelle Iean Leo certifie plusieurs liures estre traduits en Latin, que les Latins n'ont de present. Ie dy la langue Africaine, uon propre: mais Arabique. Et bien appert que plusieurs liures de Galien ont esté traduits en langue Arabique, lesquels nous n'auons. Et quelque petite portion des liures de Galien est en Latin sans l'exemplaire Grec. Plusieurs sont peris par negligence, les autres sont gardez en lieux cachez. Munster recite qu'au couuent de Fulda cité de Germanie, qui est tout aupres du Temple principal ou saint Boniface qui conuertit ceux de Germanie en la sainte foy de Iesus Christ, est situé, est vne bibliotheque construite par Charlemagne, ils sont ja sept cens ans passez, laquelle est munie de tous gerres de liures. Ainsi par tout les liures des grands personages sont cachez, & sont gar-

dez par les langues, non par les langes des habitans aucunesfois, ne par les propres. Les ceux de Germanie ont pareillement l'usage de trois langues, comme les autres. Et non-seulement les nations different par notes & caracteres de lire, d'escrire, & de parler: mais aussi par manieres d'escrire. Car les Latins tendent de la fenestre vers la dextre en escriuant: les Hebreux tendent de la dextre vers la fenestre: les Indiens de Cambaia tendent d'enhaut en bas. Et autres manieres descrire ne peuvent estre excogitees, sinon que quelqu'un vueille escrire de trauers.

*Les mutilez
sont mauuais.*

T'ay donques rendu la cause de la forme de nature humaine, & de la fin. Il reste que nous cõttemplions les choses defaillantes à Nature. Nous auons coustume d'appeller les mutilez, qui sont aucugles, sourds, borgnes, ayans six doigts, & tels monstres de nature, qui sont de mauuais mœurs. Les Astrologiens facilement absoulent nature de ce fait, disans qu'elle domine sus les fortunes, desquelles l'amas des vices préd son origine. Quand à moy, ie diray que nature a erré en choses pl⁹ faciles, & pource vrayemēt elle a defaillly aux tres-difficiles: pourtant comme tous mutilez sont mauuais, ainsi tous qui ne sont vitiez de corps, ne sont de mœurs irreprehensibles: car il est plus requis à former vne ame sans coulpe & peché, qu'un corps. Pourtāt les pires de tous sont les bossus, entendu que la faute est alentour du cœur, principe de tout le corps: apres les aucugles & borgnes, pource que nature a failli alentour du cerueau: puis les muets & les sourds, pource que nature a erré en la partie du cerueau la moins noble: cōsequemment les boiteux, qui ensuiuent ceux qui sont vitiez en quelque grand membre, apres lesquels sont ceux qui ont six doigts, & ceux qui les ont ioincts, ou nature a failly aux chales les moins necessaires. Le dernier lieu est aux verruës & vestiges qui ensuiuent les cicatrices.

*Comment on
oste le poil de
quelque lieu
du corps.*

Mais on peut oster & arracher les verruës par huile de vitriol, quoy qu'elles soient naturelles. Ainsi tu feras le lieu sans poil, si premieremēt tu frotes de l'huile mesme le lieu, puis tu applicueras vn linceul trempé en la lexine, ou la chaux viue & l'orpin, dict *auris pigmentum*, sont

cuits & dissout, & ce médicament peut totalement extirper & arracher le poil : & si tu n'y mettois de l'huile prediète premierement, ou si ce médicament demeure long tēps, il emporte la peau. L'eau premiere aussi de la distillation du plastre, & du sel de gēme en fait autants : ceste derniere est la plus acre. Par mesme moyen le vinaigre tres-fort distillé, oste les vestiges des tachettes sensibles aux lentilles, & faut le iour sequent lauer le lieu d'eau, ou le son de farine & la mauue ayent esté cuits.

Or puis que ie suis descendu à parler de l'ornature, il conuient parler de ce qui fait la beauté. Ils sont trois chapitres de cecy, ou que la beauté naturelle soit conferuee, ou qu'elle soit ostee, ou q̄ grace luy soit adioustee par odeurs delectables. De reciter chacune chose, ce n'appartient à ce present traicté, ains aux liures de la

varieté des choses. Premieremēt donques les dents sont esclarcies & blanchies par le tartre mué en eau, quand il est enclos en vn vaisseau de marbre. Chose mesme est faite par l'eau distillée du halinitrum & d'alun. Aussi petit à petit elles sont purgees, si on les frote assiduemēt de la racine de mauue : & cecy est tres-louable que ceste racine ne fait erosion aux genciues, pource qu'elle est molle, & purge les dents par son asperité, ce que i'ay experimenté. Outre-plus vne crouste de pain est bruslee

*Pour blāchir
les dents.*

tant qu'elle soit cōuertie en charbon, puis mise en poudre, on en frotte les dents, en les lauant d'eau nette. Le persil, dict *apium*, neantmoins que plusieurs drogues soient plus odorantes, il corrige la puanteur de la bouche : est-ce pource qu'il a grāde odeur, par laquelle il obscurcit l'odeur puāte, ou pource qu'il digere grādemēt, il attenué, & tiēt moult pour cause de son humeur gras ?

*Pour la puā-
teur de la bou-
che.*

Pour effacer les macules de la face, nous vsons de vinaigre distillé, aussi des escailles d'œufs & de tartre : c'est la matiere pour effacer les macules : & au matin la face est lauee d'eau de mauue. Les drogues qui donnent splendeur à la face sont composees du blanc d'œuf, de la sueur d'œuf, ou des fleurs de mauue, & du sucre. Aussi toutes choses qui sont splendides sont de ce gerre, comme l'argent sublimé : mais la fleur du plastre dicté

*Pour effacer
les macules
de la face.*

Le sard.

Talchum, est plus excellente & moins dangereuse pour

Pour blâchir les mains. faire le fard, sil est preparé comme sil estoit naturel. Les matieres qui polissent & font les mains douces & blâches, sont ou le fiel du beuf avec beaucoup d'eau, ou l'excrement qui tõe de l'eau des vaisseaux, semblable au vitre, ou le saupon avec huile de palmes: ces choses blanchissent fort les mains, Aucuns adioustent au saupon commun la racine brisee de la flamme dicte *iris* ou *flâmula*: aucuns les escailles des ouïstres, aucuns la cendre d'une seche, dicte *sepia*: cecy est approuué.

Comment les gresses de senteurs s'ot preparees. Les drogues qui gardent les leüres & les mains des creuaces, & qui les adoucissent, mefinement qui leur donnent bonne odeur, sont les gresses odorâtes & non corrompües, desquelles l'usage est bien recommandé. La maniere de les faire est telle. Mesle à la gresse recente autant qu'elle poise, & la moitié d'auantage de la marjoleine, ou des roses, ou des fueilles de myrte, ou de cypres, en battât le tout ensemble, & en fay des morceaux: arrouse de pur vin les morceaux, & les enferme dedans vn vaisseau qui soit en l'ombre vingt quatre heures, ou plus ou moins: puis en iettant de l'eau sus les morceaux, cuy-les doucement, & les coule: apres derechef mets la moitié plus de ceste herbe odorifere, telle qu'elle soit, en vn vaisseau net, qui soit pilee & diuisee en morceaux, & la laisse couuerte vingt quatre heures, ou plus ou moins: finablement cuy derechef les morceaux amassez en iettant de l'eau dessus, & remets le tout coulé en adioustant encor de l'herbe odorâte: & quand tu auras fait cecy trois ou quatre fois, & que la gresse aura pris l'odeur, garde ce qui est le plus pur, en adioustant sil te plaist, du clou de girofle, ou du safran, ou du musc, ou du Zibethum. Et tousiours les morceaux doiuent estre arrousez de vin bien odorant, afin que la gresse boiue mieux l'odeur. Autrement la gresse avec le vin dedans lequel on a mis les drogues odorantes, est souuent bouluë, tant qu'elle ait pris l'odeur: car le vin oste plus subitement que l'eau, l'odeur propre de la gresse, & l'abreuiation dicte *pomata*, vulgairement *pomade*, de qu'elle ne pourrisse, ou qu'elle ne soit moïsie, qui est le propre vice des gresses. La composition de ceux qui font le fard, est de ce gerre, & est appellee *pomata*, qui

rend les mains douces, sans rides & creuaces, les leures aussi, & donne bon odeur. Meinement elle oste la galle, principalement si on adiouste en la troisieme partie la gomme de styrax, que les Apoticaire appellent storax: & generalement elle est vtile & apte à tous vices & macules de la peau, & pource elle est en grand vsage aux Italiés. La composition de ceste pōmade qui est la plus excellēte, est telle: ils meslent la gresse de cerf, & la quarte portion de gresse de pourceau, & autant de la mouelle de cerf: aucuns au lieu de la mouelle de cerf y mettent de la mouelle de cheureau, les autres ne l'y mettent point: puis ils lauent de vin blanc ces gresses purgees de tout ordure, & de pellicules, & les espreignent iusqu'à ce que tout le vin, & tout ce qui est d'immondices soit osté, & la gresse demeure entiere, seiche & tres-pure: ils adioustent à deux liures de ceste gresse pure, la chair mondee & batuë de dixhuiēt pommes dictes *appiana*, qui sont grosses cōme pommes de coing, demy onces de petit cloud de girofle, la quarte partie de la noix dictē *myrica*, qui est comme la noix de galle, six grains de l'espi Indique, quatre liures d'eau rose fort bonne, le tout est cuit à petit feu, le vaisseau couuert iusqu'à ce que toute l'eau soit presque consumee: puis on le reçoit coulé en vn vaisseau laué d'eau rose par plusieurs fois: apres on adiouste quatre onces de cire blanche, & pure, six onces d'huile d'amande douce & recente: on fait fondre le tout ensemble, & derechef le tout est coulé & receu en vn vaisseau net, & laué souuēt d'eau de rose. Quand le tout a boullu, par plusieurs fois l'eau de rose est battuë & meslee d'vn pilon de bois, en adioustant du musc & des eaux odorantes, iusqu'à ce que la pōmade ayt pris vn odeur tres-delectable, & lors elle est mise dedās vn vaisseau de vitre, exposee à l'ōbre de Septētrion, & illec est gardee. Ces choses donques sont comme pour exemples de ce qui appartient à l'ornature du corps. N'agueres i'ay parlé de la maniere d'arracher le poil: pourtāt retournōs à nostre propos, & parlōs des monstres ou nature à pl^o failli qu'aux animaux inutiles.

Les monstres ont plusieurs gerres, car ils ne sont referrez aux especes, pource qu'ils sont d'especes infinies. *Plusieurs & diuers monstres*

recite qu'en Cracouia vn enfant est né avec vn museau, dict *promuscis*, au lieu du nez ayant les yeux ronds avec ailles, les oreilles d'asne, deux autres yeux sus le nœbril. la queue de rat, mais fourchée, & tant lōgue, qu'elle excedoit la teste: les pieds & les mains de quatre doigts: les doigts semblables aux griffes & prinles de l'espreuier, mais trois estoient ainsi que ceux d'oyson liez ensemble par vne membrane. Souz les escelles, & au coude, & sus les genoux testes de chien estoient eminentes, en sorte qu'on en voyoit six. Ils referent que ce mōstre tāt horrible vescu trois heures: ainsi il ne faut s'esmerueiller de ce que Pausanias dict, sçauoir est, que de son temps les femmes ont enfanté monstres plus horribles, que le Minautaire. Et cecy est merueilleux, qu'il a fait mention de ces monstres, comme s'ils deuoient viure long temps: car le Minautaire si ce n'est fable, ce que ie croy, a vescu comme on dict, iusqu'à l'aage complete. Mesmement Sebastien Munsterus recite estre aduenü de nostre temps en Magēce que deux femmes, desquelles l'vne estoit grosse d'enfant, parloient ensemble: vne autre est suruenü courant, qui fit frapper les testes ensemble des femmes qui deuisoient: la grosse, lors qu'elle enfantoit, dōna vn signe de crainte aux petits enfans, certes elle enfanta deux filles ioinctes de face, depuis le sommet du frōt iusqu'au nez, en sorte qu'elles n'eussent peu voir sinon obliquement. Et ce monstre vesquit dix ans, vne de ces filles morte & separee de la suruiuante, celle qui viuoit, mourut soudain: si elle mourut ou par crainte, ou par honte, ou par fācherie d'esprit qu'elle prit, tandis que l'autre languissoit, il est incertain. Cecy est plus certain que les affectiōs des femmes pregnantes peuuent corrompre les enfans qui sont encor en la matrice: dont aduiennent tant de macules aux enfans, cōme de vin, de peau de pourceau, de pōmes de grenade, & de telles choses plusieurs. Car quād la mere de ses filles predictes esmeüe de crainte, retenoit l'apprehēsiō de sa teste frapēe cōtre celle de sa cōpagnie, les testes des filles s'assemblerent en vne. Si est-ce que ie ne croy cecy estre aduenü par la seule collisiō & frappemēt des testes, quoy que cecy y peut seruir grādement, pource

*Les affectiōs
des femmes
pregnantes
ont pouuoir
sur les enfans
qui sont en-
cor en la ma-
trice.*

que souuēt par cas fortuit les femmes frappent plus leur ventre contre quelque chose, que ceste-là ne frappa lors la teste, & toutesfois les gêmeaux ne s'assemblent en vn. Car si la concussion fut seulement cause de cecy, ce n'estoit lors la concussio de la teste, ains dependant que la teste est frappee, c'estoit la concussion du dos ou du ventre de la femme, ou estoient les enfans. I'ay veu ce seul mōstre suruiure, qui auoit la partie inferieure depuis le nōbril de petit enfant, & pissoit coustumierement comme par la verge virile d'vn petit enfant. Ce monstre alloit ça & là: il monstroit l'age de vingcinq ans, comme ieune homme, la partie inferieure monstroit l'age telle qu'est d'vn enfant de dix ans, fut en regardant les cuisses ou les pieds. Pour ces causes il me couuient icy expliquer plusieurs doutes & questions: la premiere pourquoy plusieurs monstres viennent en la matrice, & tantost qu'ils sont nez, ilz meurent: la secōde, quels mōstres peuvent suruiure, ou non: la tierce question, à sçauoir si nature observe quelque fin en la generatiō des mōstres, ou si c'est totalement vn erreur, & faute de l'ordre & puissance d'icelle: la quatrieme, à sçauoir si les mōstres sont dictz de ce verbe gerondif *monstrando*, & s'ils denoncent tousiours quelque chose future: finalement, pourquoy plus grande fecondité, & plus viuē vertu des hōmes est en Egypte, & meilleur air qu'en autre lieu, toutesfois les mōstres y sont plus frequens: consequemēt quelles regions & quelles causes ont les hommes d'engendrer les monstres. Certes les mōstres facilement viennent en la matrice, & y sont accomplis, pource qu'ils y sont engendrez: & les choses qui sont engendrees, necessairement sont conseruees par les mesmes causes, dont elles sont faictes: mais quand ces monstres sont mis hors de leur propre nature & sont imbeciles, & non sains, incontinent qu'ils sont nez, ils perissent. Ce qui est né avec, vit ensemble: pource que ceux qui sont nez ensemble, participent de la vie de ceux, avec lesquels ils ont estez engendrez, car il est plus difficile de viure, que viure ensemble: pource qu'incontinent que les monstres sont nez, ils meurent, qui viuoient en la matrice. Vne autre raison est, quand ils commencent d'estre engendrez, ils diffé-

Pourquoy les monstres viennent en la matrice, & non quand ils sōt nez.

rent peu de la generatiō des animaux parfaits, ainsi que le chou & le chesne, quand ils commencent à pulluler, à peine peut on bien distinguer l'un de l'autre: lors qu'ils sont grāds, ils different tant qu'il n'est aucū qui ne puisse bien les cognoistre l'un de l'autre. Et les lignes, lors qu'elles sortent d'un mesme poinct, ne sont loing l'une de l'autre: & tant plus procedēt loing, tant plus s'elonnent l'une de l'autre. Ainsi quand les mōstres sont encor' en la matrice, pource qu'ils ne sont loing de leur principe, ils degenerent moins de leur forme & cōposition naturelle: parquoy tant plus les monstres sont augmentez de soy-mesmes, tant plus sont imbecilles & proches à la mort. Quand ils sont nez, ils rencontrent l'air qui est froid: pource les monstres viuent plus aux regions chaudes, comme en Egypte: pour ces causes ils viuent moins en Italie, & encor' moins en Germanie.

Quels monstres viuent ou non.

Les mōstres viuent qui sont moins esloignez de leur condition naturelle aux mēbres principaux: pourtant le mōstre qui a deux testes ne peut viure long temps: & vit plus facilement en l'air chaud, qu'au froid, comme il est dict. Et les mōstres qui suruiuent, tant plus sont de forme cōmode, tant plus viuent longuement: aussi quād la magnitude ne s'elonne par nature de la situation des mēbres: ne la situatiō de la forme, ne la forme du nōbre. Et quād les mōstres s'elaignent de la forme humaine, tant plus approchent à la forme des brutes, des bestes sauvages, des poissons, & couleueures, tant moins viuēt. Mais pourquoy raremēt les mōstres sont abortis: Pour ce que l'abortissement est rare, les monstres sont rares: les abortissements dōc des monstres sont tresrares. Or à sçauoit si vn mōstre est l'erreur simple de nature, ou si nature pretend à quelque fin, cōme de faire vn belier d'un hōme, il conuient le monstrer. Car si totalement nature n'a quelque fin, ce qui naistroit seroit informe, mais ce n'est touliours informe. Aucuns cōme Aristoteles, ont estimé que nature à sa fin au prochain gerre, quand elle erre: comme ainsi soit, vne femelle au lieu du masse, vne beste de deux pieds pour vn hōme: ou si elle ne peut ce faire, des plus humains animaux elle fait les quadrupedes, par cest argument, que rarement elle engendre des

Pourquoy les monstres rarement sont abortis.

poissons, & iamais des arbres. Et s'il est ainsi, nature de-
 roit engendrer plus tost les oyseaux, que les beliers. Et
 quād nature pretend faire vn gerre, necessairement elle
 pretēdra faire quelque espee de ce gerre. Il semble que
 quād nature ne peut paruenir à quelque propre fin, elle
 fait du gerre vne certaine fin qui est proche au propre
 quād la matiere ne repugne point. Pour ceste cause lors
 que la matiere est de diuerses parties, vn monstre de di-
 uerses formes sera engēdré, & quād la matiere est inuti-
 le, le mōstre fera du tout sans formé. Pour ces causes les
 mōstres qui sont sans forme viuēt de vie meilleure que
 les plātes, & meurent incōtinent. Mais quād vne portiō
 de la matiere s'esloigne vn peu du tēperament, vn petit
 erreur de nature est cōmis en ceste portiō: comme vne
 vierge noble au cabinet du prince de Luxebourg a eu
 deux bouches au lieu des dents, & ce mōstre n'auoit riē
 plus excellent, sinon l'excellente grauité de ses mœurs.

Pour ceste cause on doute coustumierement, si les
 monstres nous signifient quelque chose future, comme
 dits à mōstrando. Melanthon, homme docte, au second
 liure des Preexercitations de Physique, en Grec Pro-
 gymnasmata, recite qu'auant la guerre que l'Empereur
 fit cōtre ceux de Germanie, vn enfant naquit en vn vil-
 lage des François, & qu'incōtiaient vn cousteau appa-
 rut cōminent hors de la matrice de la femme qui n'ague-
 res auoit enfanté, lequel ne peut iamais estre tiré hors,
 premier que la matrice fut apostumee: & que ce mōstre
 signifioit la guerre ciuile de Germanie estre future, pour
 tant que ce glaiue procedoit hors de la matrice & des
 entrailles. Mais cōment vn glaiue? T'estime que c'estoit
 vne matiere dure, & semblable au fer en couleur: car ce
 ne pouuoit estre fer. Or si les monstres signifient chose
 future, cecy appartient aux liures des secrets de l'eterni-
 té. Ceste prononciation des choses futures seroit fre-
 quēte en Egypte, veu que les monstres y sont frequens.
 Elles sont deux causes de cecy: la premiere, que les fem-
 mes enfantēt d'vne portee plusieurs enfans: pource par
 l'imbecillité & par la concussion que s'entrefont les en-
 fans qui sont au ventre, ils degenerent de leur pro-
 pre nature, & se conuertissent en monstres. Outre les

*A scauoir si
 les monstres
 signifient quel-
 ques choses
 futures.*

*Cōment plu-
 sieurs mōstres
 sont en Egy-
 pte.*

monstres viuent en Egypte facilement, tant'en la matrice que dehors, pour la salubrité de l'air: pourtant illec les enfans naissent en huit mois: & mesmemét plusieurs monstres naissent illec tant des femmes que des autres animaux.

La cause de la generation des monstres.

Les hommes nobles laissent leurs successeurs plus grands en ceuures que soy-mesmes.

La cause de la generation des monstres est la facilité d'engendrer: pourtant les monstres sont faicts souuent aux plantes, aux plus viles bestes, puis aux plus nobles & fecondes, en fin aux parfaictes & peu fecondes, comme en l'homme & Elephant, qui sont fort rares. Les atouchemens monstrueux leur sont donnez, les imaginatiōs absurdes, & la paruité du temperament. Et pource tels enfantement quoy que ce ne soit à droit, sont referez à l'ire de Dieu. Les hommes sont mōstrueux en noblesse & perfection, comme prophetes, ou les sages, ou pour cause de l'excellente nature de leurs parens, ou par les cometes & constellations, ou par le cours precedant des astres, ou pource que nature a transferé la vertu de plusieurs membres en vn seulement. Dont il aduient que ceux-cy quelque fois sont moins puissans en operatiō. Pourtant il aduient pour cause de cecy, & pource que les inuenteurs sont fatiguez en ceste inuention que les hōmes nobles & bien renommez laissent leurs posteres & disciples plus grands en renommee & en operation que soy-mesmes, comme Socrates a laissé Plato plus sçauāt que soy-mesmes, Platon a laissé Aristoteles, Aristoteles Theophrastus. Ce que mesmement Iesus Christ a enseigné, disant, Vous feres ces miracles, & autres plus grands. Vray est que du temps de la discipline le disciple n'est plus grands que le docteur. Or entēdu que les hommes sont comme tabourins, lesquels ne sont estimez en rien s'ils ne sonnent, & sonnez, attirent les hommes, quoy qu'ils ne le veulēt, & en leur admiration il conuient que celuy qui veut estre receu au nombre des hommes nobles & bien estimez, contemple & reuoluē assiduēment toutes choses. Quand ceux qui sont entretenuz de grands personnages, ce font, non ignorās des choses que leurs predecesseurs ont inuentees, pour ce les successeurs des nobles hommes sont estimez plus plus grands que les inuenteurs.

Main-

Maintenant il reste qu'après que j'ay parlé de toutes les parties de l'homme, que ie parle du cœur, qui est le principe. Principe toutesfois semble estre dict en plusieurs manieres, ou de l'origine, comme la semence, ou de la generation comme les premieres arteres & veines qui se finissent au nombril, pour laquelle chose on dict que ceux qui sont escorchez pour leur mal-faiect en Egypte, ne meurēt premier que le nombril soit escorché. Et n'est permis au bourreau, sinon par cōgé d'escorcher ce lieu du nombril à fin que le cōdamné soit plus long temps tourmenté. La cause de cecy est pource qu'estant escorché, il iete hors de toutes pars l'esprit, nō tout d'un coup, mais il le iette tout à coup par le nombril, pource que le peritoine est illec percé pour cause des vaisseaux de la generation: pourtāt le nombril escorché, l'homme debilité est incontinent esteint. Aussi il est un principe mouuement, comme le cerueau, ou d'engendrer, qui est premier que le principe de generation, comme les testicules, & mesmement il est dict principe en autres manieres: mais le cœur est vrayemēt le principe de toutes choses, & maintenant il en faut parler comme du premier & digne de plus grande admiratiō que les autres. On a assez doubté comment il est mouué, & comment il palpite & saute en amours. Mais ce mouuement est naturel: s'il n'obeit à la volonté, il n'est volōtaire: s'il est le principe des operations, & ne s'ouure point, il n'est violent, ce mouuement donc est naturel. Or des naturels, l'un est simple, l'autre est composé: ce mouuement est dilaté par la faculté de mouuoir, & est restreinct par icelle, il ne se rabaisse de soy-mesme, car il est restreinct lentement aux debiles, & la restriction s'uyt l'abōdance de l'air fuligineux, il est donc composé.

Ce mouuement dōc est-il la chaleur, ou l'ame? Il vaut mieux dire qu'il est chaleur, comme instrument, & ame, comme le premier mouuāt: car la chaleur ne peut mener quelque chose en cōtrarietez, & l'ame le peut faire. Ce mouuement dōc est esgal au mouuement du ciel, & pource qu'il vient de l'ame, & y a son retour, & pource qu'il n'a de repos, & ne cesse point, & qu'il est esgal. Toutesfois ce mouuement est composé par attraction

T

*Pourquoy
l'homme meurt
le nombril
escorché.*

Le sang.

*Le mouuement
du sang.*

& impulsion, mais le celeste est simple, cestuy n'est circulaire, ains il est du centre au centre, le celeste est circulaire, cestuy est mué selon les affectiōns, le celeste simple est sans mutation, cestuy est faict par le moyé de la chaleur, l'autre est faict de l'ame, les autres differēces d'entre ces mouuemens, sont les detrimens de mortalité. Outre les affectiōns de l'ame mouuēt la chaleur, puis quand l'instrument du cœur est mouué, il est necessaire que le corps soit mouué, ainsi par les seules affectiōns de l'ame tout le corps manifestement est mué & changé. Et les affectiōns nous viennent par les sens, desquels il faut maintenant parler.

Fin du douzième liure.

DES SENS, CHOSES SENSIBLES, ET DE

V O L V P T E.

Liure treziesme.

La démonstration qu'ils ne sont que cinq sens.



Les sens sont faits pour cause de nostre salut. Et les choses qui se présentent à nous, ou elles sont proches ou remotes de nous: celles qui sont proches, ou elles se présentent extérieurement, & pour cause d'icelles le sens du toucher est constitué, ou elles sont prises & mise intérieurement, & pour ce qu'elles ne sont reçues intérieurement, sinon par nostre vouloir, il suffit de les cognoistre par le gouter. Les choses qui ne sont touchées, & se présentent, à fin que nous puissions les fuir, quand elles s'offrent droitement, elles sont preueues par la veüe, & quand elles sont contraintes de mouuoir l'air obliquement, & de faire bruit, l'ouïe est mise pour y pouruoir. Il est donc manifeste qu'il estoit besoing & à nous & aux animaux parfaits de cinq sens, & si nature eut constitué le sixiesme, il eut esté inutile. Ils ne seront donc que cinq sens. Aristoteles mesmemēt

s'est efforcé de ce montrer, mais il a vsé de démonstrations & conclusions communes.

Aussi ils sont cinq cōmuns sensibles à tous la magnitudo, le nombre, le mouuement, le repos & la forme. La seule veüe a parfaitement ces choses sensibles, pource qu'elle en auoit besoing en la clarté : le touchement les a moins parfaitement, pource qu'il a besoing seulement de distinguer ces choses aux tenebres, lors que nous ne pouuons nous seruir des yeux : car quand nous pouuons voir, il suffit au toucher qu'il cognoisse les propres sensibles, qui sont le chaud, froid, humide, sec, pesant, léger, mol, dur, glutineux, friable, doux, aspre.

Les obiects du toucher.

Entre tous sens qui comprennent exterieurement, la veüe est la plus noble, pource qu'elle comprend de plus loing plus de choses, plus exactement, plus legerement, qui ait plus de differéces, qui soit plus diuin. Qui doute que l'œil ne cognoisse de loing, veu qu'il cognoit les estoilles? La veüe cōprend plus de choses que les autres sens, pource qu'elle n'a faute de lumiere, ou de certaine couleur, qui sont les premiers obiects de l'œil. Elle cōprend exactement, & n'est aucun sens qui cōprenne tāt bien les petites differences des choses que la veüe, elle comprend legerement, comme cōprenante seule incōtinent, car l'ouïe entend l'auenement du son, & du flairerement requiert la respiration. La veüe seule, ou principalement si elle est conférée au touchement, cognoit plusieurs differéces des couleurs & tous les sensibles cōmuns: elle comprend plus diuinement, cōme seule n'estant molestee en sentant, & que seule entre les sens est semblable à l'intellect. Ce n'est donc merueille, si nature nous pousse en crainte, quād nous sommes en tenebres, comme ainsi soit que la veüe est destituee de sa bonne conduite, qui est la clarté. Donc la noirceur ne l'obscurité des tenebres ne nous met en crainte, mais pource que destituee de l'ayde des yeux, nous pēsons estre imbecilles & exposez au mal & detrimēt. Et qu'il soit ainsi, la societé & compagnie le mōstre, qui soulage la crainte, neātmoins que l'obscurité des tenebres demeure, & à peine est-il aucun qui craigne estāt avec les familiers, quoy que ce soit en tenebres, & que nous craignons

La veüe est la plus excellente de tous les sens.

Pourquoy nous craignons en tenebres.

*Pourquoy
sont faictes
les paupieres.*

*La veüe est
tressubtile.*

plus aux lieux non accoustumez qu'en ceux que nous cognoissons par coustume. Les yeux donc sont vn secours & aide pour tant d'amis & satellites. Pour ceste cause nature a muny de paupieres l'œil seul, à fin que seul comme Roy de son bon gré travaillast & vist à son plaisir ce qu'il voudroit, & s'en abstint s'il ne vouloit voir pour quelque haine. L'oreille est cōtraincte d'ouïr ce qu'elle ne veut, & le touchement contrainct de sentir ce qu'il ne veut. Trois choses montrent que l'œil est de substâce tressubtile, pource qu'il iuge exactement, pource que l'imaginatiō de la chose veüe n'est en aucun suiet: car si elle y estoit, elle prendroit lieu principalement en l'air, & pource elle seroit arrachee par les vêts, ce qui n'aduient: tiercemēt, pource que la veüe est grandemēt blessée par le coit Venerien, par l'effusion de sang, & par ce qui conglutine le sang. Ce qui est donc tressubtil en nous, nous est tressbō & vtile. Ce sens de la veüe est colloqué en matiere aqueuse, pource qu'il estoit necessaire, que la clarté & lumiere fussent colloquee en matiere perpicues: i'ay dict, que l'air n'est mixte en la veüe, pourtant elle pouuoit estre mise en la seule matiere aqueuse: outre les esprits tant subtils eussent esté consummez en matiere chaude & seche. Et la siccité n'estoit necessaire pour cōtenir les especes, afin que le iugemēt ensuiue, quand la clarté & lumiere demeurent.

Or entendu que le son ne demeure, il deuoit estre gardé au sentiment, afin que le iugemēt en ensuiuist, pource le son a esté posé en siccité. Pourtant donc que l'œil a esté mis en frigidité & humidité, & la faculté du flairement a esté constituee en calidité & siccité, & aux lieux proches, ceux qui voyent bien, & loing, ont le flairement debile, & ceux qui flairent bien, souuent ne voyent loing, l'œil dōc vse de lumiere, & des couleurs. Mais ils sont plusieurs gerres des couleurs. Aristoteles les diuise en sept, & leur attribue autant de saueurs, cōme les couleurs tresdelectables respondent aux saueurs tresdelectables, les moyennes aux moyēnes. Apres que i'ay veu Aristoteles auoir le tout redigé en sept gerres, pourtant qu'il ne faict honneur aux nombres, estimāt qu'il a pris ce nombre des sept planettes, i'ay attribué les couleurs

*Ceux qui
voyent bien
ne flairent de
loing & au
contraire.*

*Sept gerres
des couleurs
& saueurs.*

& faueurs ausdictes planettes, qui sont estoiles erratiques ou errantes.

Couleurs.	Sauours.	Planettes.
Blanche blonde.	Douce grassse.	Venus.
Iaune.	Austere.	Iupiter.
Rougeatre.	Acerbe.	Luna.
Rouge cōme escarlatte.	Accide ou aigret	Mercurius.
Verde.	Agu.	Sol.
Bleüe, ou perse.	Salse.	Mars.
Noire, Rouffe.	Amere, Aspre.	Saturnus.

Mais pourquoy ne sont-ils autāt de gerres aux odeurs sons, & sensibles qualitez. Certes plusieurs gerres sont aux sensibles qualitez, & le toucher n'est d'vn seul gerre, ains il semble estre de quatre. Vn certainement iuge le chaud, le froid, l'humide, & le sec: le second qui cognoit la douleur & volupté: le troisieme proprement apperçoit la ioye du coit Venerien, veu que nous ne sentons telle affection en autre partie du corps, ou qui luy soit semblable: le quatrieme gerre de toucher distingue la chose pesante, & la leger: aussi il apperçoit la chose aspre & douce, pource qu'il apperçoit la douleur & la volupté. Car la chose est dicte aspre, qui faict douleur, & cela est dict doux, qui donne delectatiō. Les choses friables & glutineuses sont cogneües par raison. Pourtant ils sont quatre gerres du toucher, & n'est conuenable par ces gerres & manieres, d'assigner seulement sept differences. Les qualitez propres sont cachees au flairerement, & les differēces d'icelles, pource que ce sens est le plus imbecille de tous. Quāt au sens entēdu qu'ils procedent d'vn mesme principe, & non des quatre premieres qualitez, il estoit impossible d'y trouuer tant de gerres: il est donc assez cogneu au goust, & en la veüe.

Or entens par ces deux experiences la puissance de l'œil. Premieremēt avec vn miroir tu peux mesurer par le moyen de l'œil la hauteur & distāce d'vne tour, mesmement la profondeur de la mer. Constitue vn miroir, de ce miroir regarde le sommet d'vne tour, & par aunes mesure la distance depuis tes piedz, apres en marquant le lieu du miroir, retire toy vn peu du premier lieu avec

Pourquoy ils ne sont sept gerres des odeurs, sons & sensibles qualitez comme des sauours.

Quatre manieres du toucher.

Le moyen de cognoistre la hauteur d'vne tour avec vn miroir. &

le miroir par les aunes, que tu cognois par le nombre, & te recule du miroir, tant que tu voyes le coupeau de la tour. Prolonge donc en seconde situation la distâce des lieux du miroir en la distâce du miroir depuis tes pieds & ce qui en prouient, diuise le par difference des pieds & du miroir en la premiere & seconde situation, & ce qui en prouient, & le nombre des aunes de la distance du miroir en la seconde situation depuis le pied de la tour. Ceste distance trouuee, dresse la hauteur de ton œil en la distance, ja trouuee du miroir depuis le pied de la tour, & diuise ceste hauteur par la distance du miroir, & de tes pieds en la seconde situation, & lors est le nombre qui procede des aunes de la hauteur de la tour. Exemple, Que la distance des pieds & du miroir soit de douze aunes, & que la situation du second miroir soit depuis le premier de quatre aunes: lors que les pieds soient distans du miroir l'espace de quatorze aunes, & que la hauteur soit de six aunes, diuise par quatre la distance des lieux du miroir, diuise en quatorze la distance du miroir & des pieds en la seconde situation, de ce prouiennent cinquante six aunes, lesquelles tu diuises par deux, par la difference des quatorze, & douze distances des pieds, & du miroir, de ce prouiennent vingthuit aunes de la distance du miroir en la seconde situation depuis le pied de la tour, multiplie ta hauteur par six pieds, ils en sont faicts cent soixante huit, diuise les par la distance du miroir & de tes pieds en la seconde situation, & la distance estoit de quatorze, de ce prouiennent douze aunes de la hauteur de la tour.

*Comment on
sait la pro-
fondité de la
mer en voyant
vne pierre au
fond de la
mer.*

Par mesme moyé nous mesurons la profondeur de la mer. Car en mettât vn miroir sus les yeux, en sorte que de la poupe nous puissions voir vne pierre, que nous estimons estre droitement sus le deuant de la nauire, nous osterons la moitié de la distance des pieds du droit du miroir, par l'espace mis droitement sus le lieu de la pierre, & pris du lieu de tes pieds, & diuiserons le reste en la hauteur du miroir, qui est sus tes yeux, & ce qui ne prouient nous le diuiserons par la distance de tes pieds

& du miroir, dôt on cognoistra la profondeur de la mer.

Les vertus donc de l'œil sont telles que nous auons esleu d'entre infinis ces deux exemples : mais tout sens s'esliouyt grandement des choses cognues : les choses cognues à l'ouye sont dictes consonantes : cognues à la veüe, elles sont dictes belles. Qu'est-ce donc que beauté? C'est chose parfaitement cognue à la veüe : & ne pouuõs aimer les choses incognues : & la veüe cognoist les choses qui consistent de proportion simple, double, triple, quadruple, demidouble, demitriple, comme nous auons dict de la face : la veüe donc est delectee des colonnes disposees en bon ordre, ou des arbres, ou des parties de la face, quand elle cognoist incontinent l'egalité, symmetrie, & bonne proportion d'icelles. Car la delectation est en la cognoissance, & la tristesse est en ne cognoistre point. D'auantage les choses obscures, & imparfaites ne sont incognues, pource qu'elles sont infinies, confuses, & indeterminées : entendu donc que telles choses sont infinies, elles ne peuuent estre cognues : & pource telles choses imparfaites ne peuuent delecter, n'y estre belles. Pourtant tout ce qui est bien proportionné est beau, & coustumierement delecte.

Pour ceste cause les gerres & manieres de disposer, & asseoir les colonnes sont inuentees, comme l'espeuseur de colonne & demie entre deux autres, dicté en Grec *Pycnostylos* : la quadrature des fondemens entre deux colonnes, dicté *Systylos* : l'espeuseur de trois colonnes entre deux, dicté *Diastylos* : ce qui est composé de iuste proportion des colonnes, dicté *Eustylos* : ce qui est de bonnes colonnes, dicté *Arcostylos* : le tout en comparaison de longitude & d'espeuseur avec les espaces, & les trabes qui sont sus les colonnes. Ce que donc l'œil ne cognoist, n'a pour le moins la proportion des petits nombres : & lors il iuge le tout inepte, laid, & mal poly.

C'estoit le propos & vouloir de Vitruuius en la composition des edifices, & parties d'iceux, de donner des oreilles aux yeux tel esgard & contemplation. Aux voluptez de Venus nous cerchons pulchritude, noblesse, & variété. La pulchritude delecte, comme i'ay dit, de

*La descripti
de beaux.*

*Pourquoy
nous sommes
delectez des
choses belles.*

*Voyez Vi-
truuus.*

*La subtile
raison de Vi-
truuus est icy
expliquee.*

*Trois choses
requises au
plaisir de Ve-
nus.*

soy-mesme : & aux couleurs nous cerchons la rouge, & la vermeille comme rose, laquelle couleur est fort distante des extremes. La noblesse est ioincte à rarité : & nous aimons plus les choses rares, pource qu'il ne nous est permis d'en iouyr facilement : & quant à nous, tousiours nous nous efforçons contre ce qui nous est prohibé & defendu, & conuoitons ce qui nous est denié, ne permis d'auoir. Aussi la varieté & permutation, & la chose non touchée sont du gerre de rarité. Ainsi aucunesfois nous sommes plus en grande anxieté par choses illicites, pource que plus difficilement nous auons telles choses. Doncques toute nostre volupté est posée en ces choses, qui de soy-mesmes sont aimables, c'est à dire qui sont belles, ou cognues à l'œil, ou ausquelles nous pensons estre plus excellens que les autres : & nous estimons estre les plus excellens en ayant les choses qui sont deniees aux autres, ou pource qu'elles sont nobles, ou rares, ou non touchees, ou munies de garde, ou de vertu, ou pource qu'elles sont illicites, & en toutes ces choses, ou en partie d'icelles, l'esprit est delecté, & s'es-iouyt, & les acquiert avec le peril de sa renommee, de ses biens, & de sa vie. C'est ce cruel amour, dont ie parleray cy apres. Ceux qui voyent fort clair, aimēt le moins, & non seulement moins, ains plus raremēt, pource que celui qui considere diligemment, a rarement la face complete, & sans vice, & pource que principalement la peau douce est sans poil, & la couleur vermeille sont requises à la beauté. Et plusieurs aiment, ou pource qu'ils sont preuenus d'un regard subtil, & penetratif, ou qu'ils aiment premier que de regarder & contempler ce qu'ils veulent aimer. Pour ceste cause plusieurs aiment outre leur gré : & sont contrains d'aimer par la presente imagination de la beauté, non autrement que ceux qui sont bruslez du feu d'amour : & la vertu d'imagination n'obeit de tout le veu à la volonté : & n'est en ta liberté de n'aimer point, si tu imagines & cōtemples la chose belle. Quand donc la belle forme est conceuē en la vertu imaginatiue, outre nostre gré nous sommes attirez en amour : & pource les studieux & affectionnez aiment plus vehementement pour la force de la faculté imagi-

*Ceux qui
voyent fort
clair aimēt le
moins.*

*Pourquoy
plusieurs ai-
ment outre
leur gré.*

natue, & cecy prouient de l'exercitation: pourtant il aduient pour ceste mesme cause, que l'amant est empesché, & ne peut nullemēt accomplir l'acte Venerien par la trop grand amour. Car la volonté retraiēt les esprits, & les reuoque aux parties superieures, & empesche la faculté imaginatiue, de laquelle Venus est principalement aidee. Car c'est le propre de l'homme de ne pouuoir faire deux choses ensemble. La commiseration aide Venus: pourtant Venus est tousiours prompte à ceux qui font violence ou effort: car cela dilate, & esmouue les esprits, & s'enflamme par la repugnance, & pource que la vertu d'imagination est excitee.

*Pourquoy
aucuns amās
ne peuuēt au-
cunes fois user
de Venus avec
leur amie.*

Les larmes distillent à ceux ausquels lon fait tort, pource qu'en la douleur avec l'espoir, le cœur & le cerueau sont retirez & ferrez: puis tout ce qui est d'humidité non seulement au cerueau, ains en tout le sang, est espreint de la chaleur, & iecté hors par les fontaines des yeux. Les cheuaux & les Faisants pleurent quand ilz voyent le peril present. Mais quand l'espoir est hors du tout, il n'y a esmotion ne larmes: pource ils ne iectent larmes aux craintes extremes ou en tristesse. Pourtant les poētes ont bien feint que Niobe fut cōuertie en pierres en la mort de ses enfans, sans iecter larmes. Mesmement les larmes tombent de grande ioye, pource qu'en la ioye le sang se iette exterieurement avec impetuosité: & pour ceste cause plusieurs sont morts de grande ioye.

*La cause des
larmes.*

Les yeux demonstrent toutes les affections de l'esprit, mesmement les mœurs, & principalement ils demonstrent la ioye & tristesse. Comme les oreilles sont en ces choses inferieures aux yeux, ainsi elles sont plus excellentes en ces deux, à la tradition des disciplines, & à exciter les affections de l'esprit.

*Deux priui-
leges des o-
reilles,*

Les differences du son sont de trois gerres, agn, grauē, & mediocre: aucun leger, ou tardif, ou mediocre: le grand, le petit, & mediocre d'iceux procedent de la grandeur de l'impetuosité. Mais le mol, ou doux, & l'aspiré vient de la nature de l'instrument. Aucuns sont rares, aucuns frequents, aucuns mediocres: ils sont aussi dilsones, consones, & mediocres. Entre toutes choses qui peuuent esmouuoir le sens, le seul son excite prin-

*Les differen-
ces du son.*

*Pourquoy le
seul son exci-
te les affe-
ctions d'es-
prit.*

cipalement les affections, pource que seul il est avec mouuement manifeste. Doncques le son grand, aspiré, concité, & non grandement consonne, excite en ire, & en bataille, en sorte qu'il fait que l'homme s'oublie. Pour ceste cause, & à bon droit, les gens d'armes sonnent les trompettes & tabours aux batailles, & principalement au commencement du conflict: car ce n'est peu de chose que de s'offrir à la mort: & ce ne feroient de leur bon gré s'ils ne sont cupides de gloire, ou troublez d'esprit, ce qui leur aduiét par le son & bruit mal accordé. Pourtant Cesar non sans cause redarguoit, & reprenoit Pompeius qui ne vouloit que les gens d'armes fussent impetueux au commencement de la bataille, comme s'ils eussent deu aller en quelque lucte, ou disputer des men songes & resueries des philosophes. Le son doux, rare, petit, bien accordé, excite l'homme à commiseration. Le doux, leger, petit, accordé, induit à gayeté de cœur. Le graue mediocre en la fin: le mixte de l'aspiré & mediocre, le tardif & petit, induit l'homme à chasteté & prudence.

*L'experience
d'une lance.*

Cecy certes est admirable, ce que toutesfois chacun peut experimenter, qu'une lance mise aupres d'un luth en le touchant vn peu, ou à la bouche de l'homme, si quelqu'un tient en ses dents l'autre bout de la lance, il orra de loing le son, la voix, & les paroles, comme si l'ouye estoit en ses dents, & autrement ne pourroit ouyr le son. Finalement contemple quels mouuemens excitent les affections aux esprits, & lors esly tels sons à esmouuoir les mesmes affections. Car les hommes conuiennent plus aux sons, qu'en toutes autres choses sensibles, pource que le son est vne chose tressimple, & qui est seulement varié par les differences generales. Les saueurs, odeurs, & couleurs, procedent de la mixtion des premieres qualitez.

*Pourquoy les
hommes pres-
que conuien-
nent aux sons
non aux sa-
ueurs, odeurs,
ou couleurs.*

Outre plus, trois conditions sont communes à toutes choses sensibles: la premiere, qu'elles consistent & sont faictes comme j'ay dit, par proportion: & telles choses sont cognues à l'œil, pource elles delectent: dont il aduiet que quand le diapason, & la consonance qui consiste d'une double, c'est à dire, presque de cinq & de

huiet, telle consonance delecte grandement les oreilles: puis le double diapason, qui consiste d'une quadruple: apres un diapason, qui consiste de quintes triples: puis la quinte composee d'autre demie quinte, & la demie tierce compolee avec le diatessaron, c'est à dire, de huit tons. Le double ton approche à la demie quarte: & trois demy tons approchent à la demie quinte, en deduisant l'octogesime proportion, comme j'ay monstré aux liures d'Arithmetique. Mesmement les interualles de six tons consistent presque de proportions entieres & parfaites: vne proportion diuisante les quintes en trois, & l'autre diuisante les tierces en deux. La seconde condition est, que toutes choses moderees plaisent quant au son: non pas le son graue & fort, grand aux montagnes de l'isle d'Espagne, qui ensourdit les hommes: ne le son qui est tant petit, qu'en oyant, il travaille celuy qui oyt. Mesme raison est du leger & tardifs, agu, graue, doux, & de l'aspiré, ce qui est la plus grande chose. La tierce condition est, qu'en toutes choses sensibles les meilleures delectent: au contraire, les pires offensent. Ainsi la lumiere apres les tenebres delecte, le doux apres l'amer, la rose apres l'aneth, & les voix consones apres les dissones. Car la delectation & volupté necessairement sont en quelque sens, & tout sens est avec mutation, & la mutation est par choses contraires: elle est donc de bien en mal, & cecy est tristesse: & la delectation est la mutation du mal en bien: il est donc necessaire que le mal soit supposé. Qui est celuy qui prend plaisir de manger sans faim? & de boire sans soif? d'vser de Venus sans auoir le membre viril tendu? de gagner sans conuoitise? De ce le plaisir du ieu est tant grand, pour le frequent changement de perdre & de gagner. De ce vient la frequente delectation du ieu. Et mesmement en apprenant on a plaisir, pource que nous apprenons ce que nous en scauions. Mais assauoir si la delectation est en la contemplation de ce que ia nous auons cogneu. Certes la delectation est nulle, ou elle est moindre que quand nous apprenons. Et ne sommes delectez par l'actiō continuee, pource que l'ignorance n'a precedé. Et le premier acte est comme quelque ignorance. Pour

Toute delectation pre-suppose douleur ou tristesse.

Pourquoy le ieu delecte.

tant les pauures semblēt auoir plus grande delectation que les riches & les Princes, pource qu'ils sont affligez de plus grāde tristesse. Par ceste raison il aduient que la quinte blesse l'ouye aux tons agus: & la huitiesme l'offense aux tons graues: & par ordre contraire elle delecte: car la voix graue apres l'aguē offense l'oreille, & demeure illec: quaud donc la voix graue sera plus simple que l'aguē, elle delectera: si au contraire, elle offensera l'ouye. Or ja cy dessus i'ay monstré que la consonance de la quinte, dictē diapente, est plus simple que la huitiesme, dictē diatessaron. Par mesme raison le diatessaron sus les deux tons delecte l'ouye: au desouz, il l'offensera, car la demie quarte est plus facilement entēduē que la demie tierce, pourtant que la demie quarte despend des deux tons. Pource tant aux sons, qu'aux peintures, il conuient mesler ce qui offence à ce qui delecte, en obseruant deux loix: la premiere, que les choses qui offensent, imprimēt moins aux sens, que les choses qui delectent: l'autre, qu'elles ne sont separees tant petitement, que le sens ne puisse sen apperceuoir: car i'ay dict que l'harmonie ou consonance est vn accord de plusieurs voix perceuē à l'oreille. Si donc les voix sont tant petitement separees qu'elles ne soient perceuē de l'ouye, non seulement elle ne delecterōt, ains elles offenseront l'ouye. Pourtant la peinture des fleurs trespetites n'est agreable, & ne delecte: ny mesmement les lettres tant petites. Mais quant est aux lettres, aux sculptures & engraueures des pierres precieuses, la plus petite faute ou obliquité les rēd diformes & laides: car le sens iuge toutes choses en faisant comparailon, ainsi le sens cognoist aux choses grandes les grands erreurs, & aux petites il cognoist les petits. Toutesfois l'ouye cognoit plus petites differences que la veuē, parquoy plus aussi que tous autres sens. Certes l'ouye entend aux tons agus vne voix entre trente trois, & mesmement entre 80. & l'ouye iuge le ton estre rude sans diminution: quand la diminution y est, elle iuge le ton doux. Aux temps, l'ouye diuise vn poinct en seize parties. L'ouye dōc est plus subtile que la veuē, ou pource, comme i'ay dit, que le seul sens de l'ouye est fait avec mouuement manifeste,

*Les moindres
fautes font
grande de-
formité aux let-
tres, & en-
graueures des
pierres pre-
cieuses.*

ou pource que les obiects de la veüe, sçauoir est les couleurs pour leur vehemence, mutuellement s'entrecor-
rōpent par contiguité, ou pource que la veüe à plusieurs
obiects, & l'ouye n'en a qu'un, qui est tres-simple. Pour-
tant ce fait grâdemēt à la delectation de l'ouye, quād
les pointcs augmentent & estendent le temps, cōme au
lieu de demie proportiō dicte hemiola, laquelle diffe-
rence seule les musiciens de nostre aage ont cogneuē au
temps, que la diuision en soit estenduē en cinq ou sept
parties: quād quelquefois i'en ay ouy ceste diuision, ie
prononçay à bon droict, toute chose rare est precieuse:
& entendu que le son mouue & excite les affectiōns de
l'esprit, il appert quil a vne force tres-manifeste.

Entre plusieurs exemples des anciēns, i'en trouue deux
excellentes de la vertu du son à exciter les affectiōns de
l'esprit: le premier est de Timotheus, lequel en chāgeāt
de ton, contraignit Alexandre poussē de gayeté, sortir
hors du banquet. Le second est, qu'Agamemnon ne
voulant partir du pays pour aller en Troye: pource qu'il
doutoit de la pudicitē de sa femme Clytemnestra, luy-
laisa vn ioueur de harpe, qui par le son de la harpe in-
citoit Clytemnestra à pudicitē & continence, en sorte
qu'Agamemnon ne peut en abuser sans tuer le menestrier.

*Exēples grā-
des de mouuer
les affectiōns
par le son.*

Les sons qui delectent grâdemēt, attirent mesmemēt
les hommes à impudicitē, quād ils les rendent trop stu-
dieux de la musique, comme les instrumens hydrauliques,
qui contiennent de l'eau, desquels Nero estoit fort
delectē pour leur grande suauité, en sorte qu'au peril de
la vie & de l'Empire qu'entre les contentions de l'exer-
cice & des Capitaines, & mesmemēt au present peril de
la mort, il eut soing de ses instrumens. Ils contiennent
de l'eau, dont ils sont appelez hydrauliques: & par plu-
sieurs fistules l'air entremeslé à l'eau, donne vne melo-
die meslée à vn petit marmure. Vitruuius donne le
moyen de ces instrumēs: mais pource qu'il appert que
les liures de Vitruuius furent publicz du tēps de Nero,
il ne me semble vray-semblable que Nero les aima tant,
veu qu'ils estoient cōposez d'un moyen tant vulgaire.
Pourtant i'estime qu'il faut prédre la regle de Vitruuius
pour quelque petite maniere de musique, plus tost que

*Les instrumēs
hydrauliques
ausquels ya
de l'eau.*

pour vn moyen exquis. Et non seulement les instrumens de musique ont esté tant agreables à Nero: mais aussi la douceur du psalterion a detenu le Roy Dauid, homme tresfort & seuer: & ne faut croire que l'armonie de cest instrument soit vulgaire, duquel la Saincte escriture faict mention tant de fois, & lequel ils ont iugé seul entre les autres estre apte à celebrer les louâges de dieu. Il est composé de septante deux cordes, exactement en forme triâgulaire, duquel la consonance est incôparable.

J'ay veu autres instrumens de singuliere delectation & artifice, qui exprimoient la voix & le son des trôpettes, tabours, flustes, de harpe, de cornets, du Luth, de l'espipinette, de quiterne, des instrumens proprement appelez orgues, & de la saqueboute. Les instrumens hydrauliques contrefont les chants des oiseaux, en sorte qu'on diroit estre vn oiseau, qui ne les verroit point: les cornets ayans des trous semblent estre voix humaines: au temps passé on excitoit les gens d'armes à la bataille avec les cornets. Pourtant Virgile dict, Les cornets ont chanté. Certes la musique est decordante, & semblable au tonnerre sans harmonie, & bonne mesure. Et le tonnerre faict vn son graue, vehement, & sans harmonie, en sorte que souuent il faict perir les petits dedans l'œuf, & les enfans au ventre de la mere. Pourtant le tonnerre est fort aliené de la musique. Toutesfois il n'est impossible vn accord estre faict de plusieurs qui soient loing: & cest accord oui, seroit estimé vn miracle. Or i'ay traicté copieusement des sons, & de leurs affections aux liures de musique. Maintenant il suffira d'adiouster, que le son est d'autant plus grand que la collision, & concussion de l'eau est faicte de plus grande impetuosité: car tout son est faict par collision de l'air: & est autant plus autant agu, que l'air qui est poussé, passe par les lieux plus estroicts: l'escaille des noix & du glan le monstrant detenez entre les doigts: en la part exterieure, lesquels quand on souffe dedans vehementement, rendent le siflet tres-agu & valide: il est certes tres-agu, pour l'angustie du lieu tres-valide pour l'impetuosité. Et l'angustie du lieu aide aussi l'impetuosité: pourtât les sons agus sont ouïs de plus loin que les graues. Les sons

qui sont faicts aux oreilles, & sont plus subtils que ceux qui sont faicts au tinnissement, sont estimez de noter quelque presage, en la dextre ils denotent vne louange, en la ienestre vitupere: aucuns referent cecy aux esprits malings, desquels la voix est la plus basse: les autres le referent à la subtilité de l'ouye: car cecy aduient aussi mesmement aux oreilles saines, & qui sont loing de la suspicion de maladie: aucuns aussi disent cecy estre faict par sympathie, c'est à dire, par concordance & amitié: car la force & vertu qui mouue quelqu'un, mouue aussi le sens de celuy auquel ceste vertu est portee. Cecy n'aduient coustumierement à tous ne tousiours.

L'odeur est proche au son en noblesse & excellence, de laquelle le propre est, ou de recreer, ou de prosterner & abbatre la force de l'homme, pource que de soy-mesme elle tend au cerueau: & le son, la couleur, ou saueur, chaleur, ou froid, ne tendent droict au cerueau: pourtant l'odeur seule entre les choses sensibles peut ou occire ou recreer l'homme. Car la bonne odeur nourrit, ou la mauuaise defaict l'esprit, auquel l'ouillage de l'ame reluiet & apparroist. Pour ceste cause l'encens est bruslé à l'honneur des dieux, pource que la partie diuine en nous s'eslouyt des odeurs. Et certes on estime estre bon presage & de quelque presente diuinité, quand on sent bon odeur sans cause apparente. Et les corps des Saincts sont estimez sentir bon, les autres sentans mal, par la vertu de diuinité repugnante aux decrets & ordonnances de nature. Toutesfois selon nature il n'est pas impossible, que le corps humain recentemente separé de l'ame, ne sente mal, comme l'on dict du corps de Alexandre: ou mesmement quand le corps est ja inuetéré & bien seché. Car entendu que le corps d'aucunes bestes mortes sent bon, & que la temperature de l'homme s'estend à la similitude de chascune beste, il est manifeste que les corps morts d'aucuns hommes peuuent sentir bon: car la bonne odeur est ou en la beste tres-seche, ou en la partie tres-seche d'icelle. Et cecy est plus grand à plusieurs corps receuz en veneration, qui coustumierement sont gardez de baume, ou d'autres drogues aromatiques. Ce seul sens de senteurs semble estre

*A scauoir
si le son des o-
reilles faict de
soy-mesme,
denote quel-
que presage.*

*Le priuilege
de l'odeur.*

commun à l'ame & au corps, & pource il est transferé avec les vapeurs qui sont touchees & goustees: ce sens n'a aucune matiere sans les vapeurs, qui sont veuës, ou ouye, pource les animaux qui ont bon flairement sont ingenieux, comme les chiens & autours. Les hommes qui ont le meilleur flairement, sont les plus ingenieux, pource que le tēperament chaud & sec de leur cerueau est le plus excellent en flairement, & tel temperamēt est prompt à imaginer, pour cause de la chaleur, & est tenant des imaginations pour sa siccité. L'homme seul entre tous animaux se delectē des senteurs: car quoy que les chiens sentent l'odeur des fleurs, ils ne sont toutesfois delectēz. Et les bestes n'ont peu, & ne leur estoit expedient de se delecter, sinon du goust, ou du toucher. Elles auoient affaire necessairement du gōuster & toucher, de peur qu'elles ne perissent de faim, ou qu'elles ne negligeaissent la generation, ou qu'elles n'eussent les choses inuisibles, si elles ne sentoient volupté & douleur par le gōuster & toucher. Mais aux autres choses sensibles ne peut estre, comme i'ay dict, delectation, ou douleur: pource que la delectation posée en la cognoissance de la proportiō des choses qui sont iugees par le sentiment, comme proportions doubles, & demidoubles, dictes hemiolia: & de les cognoistre, c'est de plus haute & grande vertu, qu'elle n'est aux bestes: pourtant les bestes n'ont peu estre contristees, ne se delecter. Encor moins il leur estoit expedient, car attirez par peintures, ou sons, ou odeurs, elles fussent tombees facilement dedans les lasserons. Cecy appert que les cerfs qui seulement sont stupides, ne se delectent du son de la Harpe, sont ainsi exposez aux ambuscades des hommes: ainsi les cailles sont prises en feignant la voix de la femelle: ainsi les petits oyseaux des champs sont deceuz par ceux qui sont mis en cage: ainsi par flairement les loups & poissons sont en peril, & sont subiects aux falaces des hommes. Mais ce leur eust esté choses mauuaises, & malheur d'estre priuez de flairement qui leur estoit necessaire. Et en vain nature eust permis aux bestes de prendre delectation aux autres sens qui ne leur eust esté vtile, & ne leur eust serui, sinon à les de-

scuoir,

*Les bestes ne
doivent se de-
lecter d'autre
sens que du
gōuster &
toucher.*

cevoir. A bon droict, & non sans cause les cuisiniers adioustent les senteurs aux saueurs, pource que les saueurs n'ont de soy quelque chose d'excellence: & aussi aucunes senteurs adioustees aux saueurs, plaisent, qui desplaisent à part, comme les senteurs des aux. Car l'ail mis aux saupiquets delecte: & l'odeur & senteur d'iceluy separee est mauuaise, & infecte l'halcine quand on a mangé l'ail, & en quelques vns l'ail sent plus fort le iour d'apres qu'on l'a mangé, pource que la grosse substance par moult de temps engendre moult de vapeur subtilese & le sang qui descend aux poulmons, retient l'odeur, & les excremens sentent l'ail corrompu, & quelque odeur respond du ventricule par le gosier aux poulmons. Pour cause de l'ail on a inuenté que seulement on sentist l'odeur en goustant, qu'elle ne soit renduë, & qu'elle n'offense: cecy sera faict, si on laisse l'ail au vinaigre, & que on l'estuue entre-deux escuelles, en ostant la substance, ou la chair d'iceluy.

Quel moyen doit estre gardé au poiure: gingembre, & canelle, quād l'odeur & saueur t'en plaist, jaçoit que tu en crains la chaleur. Toutesfois en ces choses la maniere d'Apitius est autre profit du bien domestique & familier, par laquelle maniere l'odeur & saueur demeure, & demye once de canelle suffit pour toute l'annee. Mets & melle demye once de canelle fine & bōne mise en morceaux entre douze ou dixhuict amandes, la peau ostee, ces premieres prises pour ton vsage, remets en d'autres, ainsi par petite despense, tu mangeras toutes choses sētās le musc. Et si tu veulx y adiouster vne saueur, il faut la cuire, & lors sentira la saueur acre de la moustarde. Et ceste drogue faict que les graines & la chair soient plus subitement cuites, car par la chaleur & subtilité dont elle est excellente, penetre & faict dissoudre. Par mesme moyen vne broche faicte du bois de genere, donne bonne senteur à la chair qui est rotie. Et plusieurs vsent des broches faictes de bois pour celle de fer. Mais il faut regarder de quel bois on faict les broches: car ou est la saueur & senteur, illec est la force.

Il est donc manifeste que cecy, & cela, & autres choses telles sont necessaires à l'vtilité & salut de l'homme.

La vertu de l'ail.

Commēt l'odeur demeure ausaupiquet, sans la substance ou la chair des drogues.

Commēt demye once de canelle peut suffire pour toute l'annee.

Pour faire cuire toutes choses legerelement.

Pour faire sentir bon la chair rotie.

Et non seulement par artifice : ains par nature les senteurs sont ioinctes aux saveurs : & la chair bien rotie est tresbonne, & lors faut l'oster de la broche, quand elle sent bon. Et l'indice de la saveur c'est l'odeur.

*La description
du garum.*

Aucuns se delectent de la saveur acree, aucuns de la salee, dont le garum estoit en vusage aux anciens plus que autre saveur. La description du garum est telle. Les entrailles, le sang, & les ouies des poissons appelez thuns, en Latin *thyni*, sont enfermez dedans vn vaisseau, salez de moult de sel, lequel fondu est recueilli deux moys apres. Vn autre est fait des entrailles des grands poissons, aussi des petits poissons bien salez. L'usage en estoit delectable aux anciens, & salubre; maintenant il n'est en vusage.

*Pour faire le
vinaigre.*

Le vinaigre est fait en y mettant du sel, & toute chose acree, qui ne se pourrit : n'y ay experimente que le poyure est de grand gaing au vinaigre, si on y laisse la cosse ou la couffe. On le fait aussi avec le feu : & quand il bout, il faut le mettre au Soleil, & en y mettant autre vinaigre, le tout s'enaignit. Vn autre tresbon, Les cornouilles qui commencent à rougir, les meures de ronce, & la meure dicte centimora, qui croissent aux chaps, tandis qu'elles sont acerbes, seche les, & les pile, puis les mets dedans du vinaigre fort, apres compose le tout en petits rondeaux : quand ils seront sechez, incontinent ils conuertissent le vin en vinaigre. La cause est que le feu & le Soleil font euanouir l'humour gras, pourtant le vin s'enaignit, pource que la substance en est subtile : & si la substance estoit grosse, le vin se tourneroit en salive, puis en amertume : & ceste composition est aigre par puissance, en laquelle la chaleur est enclose, qui fait euanouir tout ce qui est de gras.

*Comment le
vin corrompu
est couvert en
vinaigre.*

Par ce moyen il aduient que le vin corrompu se tourne en vinaigre. Le vin puant & corrompu est boulu en vn vaisseau, & est escumé assiduellement, tant qu'il soit diminue en la tierce partie : on le met dedans les vaisseaux du vinaigre, en adioustant ce qui coustumierement fait enaignir le vin come sont les drogues susdictes, & outre en mettant du serpolet : ceste herbe est connue, & est acree, & apte à faire vinaigre. Autre tresbon vinaigre : pi-

le ensemble les meures, dictes *centimora*, les cornouilles acerbes, & poires siluestres, puis redige le tout enorceaux: & faut que le vinaigre ou ces matieres sont confites, soit tres-acre & fort. Les poires siluestres & agrestes sont tant fortes pour confire le vinaigre, que d'icelles avecques de l'eau ont peut faire du vinaigre.

Car l'eau, & non seulement le vin se conuertit en vinaigre, tesmoin Galenus. Et la maniere de le faire d'eau est telle, Les poires agrestes sont gardees trois iours en monceau, puis on iecte vn peu d'eau dessus, & ainsi tous les iours, iusqu'à trente. Apres les trente iours passez on peut recommencer: car la partie douce ostee par l'ayde de la putrefaction, l'eau se conuertit en vinaigre. Le fruit du dactier, les figues passees, & les resins sont espreint, le suc le plus doux espreint, puis l'eau adioustee, la premiere & seconde fois le vin est tiré, & la troisieme le vinaigre tres-fort. Et cecy a esté souuent experimenté. Le vinaigre donc n'est fait proprement d'eau, ains de suc acre, quand l'eau est espandue dessus. Certes le vinaigre a deux parties, l'acre, & l'aigre: pourtant aucunes choses excitent la saueur acre, aucunes l'aigre, & aucunes l'acre & aigre. Le vaisseau abreuvé de vinaigre excite la saueur acre & aigre, & n'est vinaigre plus excellent. Les drogues acres, comme le poiure, le coq, dict *siliquastrum*, l'ail font la saueur acre: les cornouilles acerbes, les poires siluestres & telles drogues, aussi la chaleur, tant du Soleil que du feu, font la saueur aigre: car la chaleur contrainct la saueur propre de l'esuanouir. Et toutesfois que la matiere terrestre pure & semblable à la lye est meslee à l'humeur aqueux, la saueur est rendue aigre: car la lye est aigre.

Par moyen contraire, si tu veux empescher le vin d'engrigrir, suspen du lard au couuercle du vaisseau, & il empeschera par sa gresse & saline, la separation & attenuation, qui sont les causes de l'aigreur. Par mesme artifice on oste du vin & du vaisseau l'odeur de senteur de moisissure, en pendant des neffles, dictes *mespila*, au couuercle du vaisseau: il faut les fendre en quatre, & liees en vn fil, on les laisse descendre dedans le vin l'espace d'vn mois: toutesfois ie ne l'ay experimenté, quoy qu'acuns

*La maniere
de faire du vi
naigre d'eau.*

*Afin que le
vin ne s'en-
aigrisse.*

certifient assurement estre ainsi. Cecy est plus seur, & inuenté de certaine raison, si le vin doux est mis dedans vn vaisseau poissé dedans & dehors, & bien bouché: & si le vaisseau est plongé au fleuve l'espace d'un mois, sera doux toute l'année, si estoit tel dès le commencement: car le vin est gardé par la chaleur de la poix, & la frigidité de l'eau empesche de s'eschauffer trop: parquoy il aduient que les parties douces ne se uaporent: car par la chaleur le moust doux se conuertit en vin: ainsi il demeure doux & trouble. Il est aussi gardé en meslant au moust de la moustarde blanche. Et le vin est estimé le plus excellent, ou par saueur, ou par suauité, ou par sa force. A tout cecy il n'est rien meilleur que le vin de maluoisie ensemble: mais en force seulement les vins Grecz poissez, que les Venitiens appellent roumenie, sont les plus utiles aux douleurs du ventre, non seulement pour cause du vin, ains de la poix, ou des drogues qui y sont meslees coustumierement. Et le vin que les Geneuois appellent amabile est encor plus excellent en force & suauité, pource il est plus profitable au ventricule. Les vins blancs de Florence, qu'ils appellent tribianes, passent les autres en saueur & plaisir, & les vins paillets du lac Benace, qu'ils appellent vernaciole, est aussi excellent.

Les differences & excellentes des vins.

Comment les vaisseaux du vin s'ont poïsez.

Or comment les vaisseaux sont poissez, il faut le monstrer. La poix fonduë est versée dedans les peaux de cheure: & est tant agitée qu'elle tiët de toutes parts: puis on adiouste vne liure de flamme, dictë iris Illyrica, once & demie de safran, & autant de bois d'aloës, deux liures d'hyssope, & autant de lauande: auant donc que la poix soit refrigerée & congelee, il faut mettre les drogues susdites, afin qu'elles adherët à la poix, non toutesfois ce pendant qu'elle est feruente & fort chaude, car elles seroient bruslees. Ceste quantité de matieres aromatiques doit estre mise dedas vn vaisseau de dix brocs, & le broc peut contenir trentesix pintes: & huiët brocs respondent à trois brentes de Boulongne en Italie.

Et proprement ce broc, dict amphora, contient quatre vingts quatre liures de vin. Ces vaisseaux sont poïsez tous les ans, ou de deux ans en deux ans: & les vins

qui sont mis aux vaisseaux poisséz, s'ils ne sont puissans, ils se tournent en vin poullé : pource en nostre pays on ne poisse point les vaisseaux.

Et quand les vins sont troubles, auant qu'ils perissent du tout, vse de ce remede, quoy que i'aye souuenance d'en auoir parlé cy dessus. Mets deux œufs ou plus avec le rouge, si le vin est rouge : si le vin est blanc, mets le blanc des œufs seulement, trois parties des pierres de fleuve puluerisées, deux portions de sel bien menu, messe cela par trois iours, en l'agitant cinq fois le iour ou plus : mais premier il faut verser le vin en vn vaisseau nect : & s'il y a quelque espoir de le sauuer, cela le medecine. Il est mieux fait, si on y adioute auant de miel que de sel : & ces trois, le miel, les œufs, & le sel, purgent toutes liqueurs : & la pierre du fleuve aide grandement à attirer en bas la grosse matiere du vin. Aussi les cerises aigrettes mises dedans esclarcissent le vin par expérience certaine, quand elles le contraignent de bouillir.

Tu garderas au vin toute l'annee les figues recentes en telle maniere. Mets les figues cueillies sans eau & rouffee dedans vn pot de terre, en sorte qu'elles ne puissent sentretoucher : & que le pot soit quarré : bien fermé d'vn couuercle par dessus, afin que le pot nage sur le vin, ce qui aduicndra par l'air enclos dedans le pot : & les figues seront gardees tant que le vin demeurera entier & sans corruption. Il est manifeste qu'il conuient que le pot soit mince, afin que le vin qui est subtil puisse garder les figues : car l'humidité du vin empesche qu'elles ne soient seichees : & l'humidité mesme qui n'est subiecte à putrefaction, empesche aussi qu'elles ne se pourrissent. Certes icy nous supposons vn vin, comme i'ay dict, qui n'est corrompu.

Les pommes de grenade, & les coings, & autres plusieurs semblables sont gardees en les mettant dedans du plastre ou de la craye, entendu que tels fruiets sont gardees en lieu froid, & demeurent entiers par la frigidité & secheté. Aucuns auant que ces fruiets soient venus en maturité, les mettent encor tenans à l'aibre dedans des pots de terre, en sorte que les pots pendent en

*Pour refaire
les vins troubles & gras.*

*Comment on
garde les figues toute
l'annee.*

*Comme les
pomes de grenade
sont gardees.*

*De peur que
les pommes de
grenade ne
s'ouurent.
De Scilla,
Diosc. lib. 2.*

*Pour auoir
fruits nou-
ueaux de bõ-
ne heure.*

*Pour auoir
fruits apres
la saison.*

*Comment les
plantes steri-
les sont fai-
ctes fructife-
res.*

*De peur que
les fruits ne
pourrissent en
l'arbre.*

l'arbre, & bouche diligemment la gueule du pot: avec la branche de l'arbre, de peur que l'air ne puisse entrer, & aussi les permettent croistre. Et si les pommes de grenade s'ouurent de soy-mesmes, que trois grandes pierres prises au canail d'un fleuve soient mises dessus les racines: ou scilla plantee aupres les engardera de s'ouurrir. Scilla mesmement engarde les semences d'estre gastees des bestes qui rongent: car elles fuyent la senteur acre de scilla. Pareillement le suc de la jombarde, si les semences sont mises dedans que tu veux semer, les gardes entieres: car les petites bestes: & mesmemet les oyseaux fuyent l'odeur de la jombarde, cõme poisõ, pource que ceste herbe est tres froide. Afin que tu ayes fruit meurs auant la saison, arrouse la plante souuent d'eau chaude, expose là au Soleil, entretien la du siens de pigeon & de cheual, ou de chaux, si quelques arbres l'admettent, comme les cerisiers, puis petit à petit coupe les branches inutiles, & tout ce qui ne profite en riẽ. Mais si tu veux auoir fruits apres la saison, tu feras le contraire à ce que dict est: permets les plantes & arbres estre en l'ombre, & estre couuertes de plusieurs feuilles: coupe les fruits ja produicts avecques les braches auant qu'ils soient meurs: derechef les arbres floriront & produiront autres fruits, lesquels tu enclorras en hïuer dedans des pots de terre qui pendront en l'arbre, afin de les faire meurir. Et si d'adventure la plante est sterile du tout, Aristoteles conseille qu'on mette vierre dedans la racine diuisee & fendue en deux: car si l'escorce est espesse, elle est renduẽ fructifere, & porte fruit par chaleur temperee.

Et si les fruits pourrissent en l'arbre, ou si de petite, bestes y sont engendrees, ce prouient de l'humeur abõdant: pourtant perce l'arbre en bas, comme sil auoit la veine coupee: & lors tout ce qui est d'humeur superflus fortira subitement: ou fiche illec vn cloud chaud cõme feu: & cecy obtient le lieu d'un cautere. Et quand les fruits tombent auant la saison, vne lamine ou paillette de plõb liee alentour d'un tronc, les entretiendra ou engardera de choir, pource que ceste lamine ne permettra l'humeur abondant passer outre. Cecy donc est fort vtile

aux arbres qui sont nourris d'escorce, non de moielle. Aucuns arbres sont nourris de l'escorce & moielle: car si l'escorce est de toutes parts ostee de l'arbre, ou si la moielle est toute tiree hors, tous arbres presque, principalement les fructiferēt meurent, aucuns meurent tardiuemēt quād l'escorce est ostee cōme le figuier, aucuns ne meurēt iamais pour la moielle ostee, cōme le saule: Mais le saule n'est arbre fructifere. Et si tu deliberes de changer la couleur du fruit, ente à l'arbre vn sion qui porte le fruit de sa couleur, cōme quād le citronier est enté sus le meurier, le citron sera rouge, si les meures sont rouges. Par ce moyē on a inuenté que les pommes vermeilles sont faictes, premieremēt le sion du pōmier est enté sus vn meurier rouge, puis la plante est multipliee par la successiō des antures. Et il appert q̄ ces pōmes ont retenu nō seulemēt la couleur, ains aussi la saueur & paruité. La maniere est semblable & mesme cōseil singulier de chāger & muer l'odeur, ou saueur: car en toute mutatiō aucun vestige demeure de ce dont est faicte la mutatiō. Il faut dōc que la mutatiō soit diurne ou valide, entendu que les arbres n'endurēt la valide, il est necessaire que leur mutatiō soit diurne, & faite par succession de tēps. Les plātes aussi ce changēt pour les regiōs & lieux ou elles sont trāsportees, & certes elles sont changees par le lieu, cōme par aliment, ou pour cause des vents, ou du Soleil. Mesmement les plātes blessées sont muees, certes en couleur, soit à bien ou à mal, & la saueur & odeur rarement sont muees en mieux, si les plātes ne produisēt fruitcs amers ou acres. Aucuns estiment que les pesches sont rouges, quand on plante des rosiers rouges dessouz, comme si les plantes se changeoient par quelque imagination, ce qui est certain & manifeste en la palme, veu que nous voyons la femelle se consumer & flaistrir pour l'amour du masse.

Le coignier & le figuier sauuage reçoient tout gerre d'arbres par anture, leur nature est ainsi benigne. L'oluiuer est aucunesfois anté en la vigne, & Varro au temps iadis en a veu chez Marcius Maximus, & est appellé

*Pour faire
que les fruits
changent cou-
leur, saueur,
odeur, & for-
me.*

*Les arbres
sur quoy on
ante.*

eleostaphylon, le fruit est comme l'oliue, ayant la saueur du grain mixte. Et est enté par mesme moyē que i'ay dict la vigne pouuoir estre entee au cerisier, & ce moyen est le plus seur.

*Pour faire
produire
fruits sans
noyaux.*

Comment les arbres entez au saule, le pescher, le pin, & autres arbres qui ont noyau, produisent le fruit sans le noyau, ce que ie n'ay encor' experimēté, aucuns plantans les branches, comme de vigne diuisez par le milieu, & de rechef ioints en ostant la moüelle, certifient que le resin est produit sans pepin, & chose semblable est faicte aux arbres qui sont multipliez en plantant les sarmens. Car entendu que les pepins aux resins sont engendrez de matiere terrestre, il est necessaire que ce dōt ils sont faicts, soit porté par la plus rare partie de l'arbre, & ceste partie est certes la moüelle, cōme l'escorce & le bois, par lesquels le suc passe, sont les plus espesses parties. Quand donc la moüelle est ostee, si la plāte reschappe, ils faut que les resins soient engendrez sans pepins. Car leur matiere ne peut monter par la dense substance de l'escorce ou du bois, ny par le lieu vuide de la moüelle. Pour ceste cause les grains des grapes sōt faits plus petits, la portion de l'humeur espes, perissante, & l'escorce en est plus menuē, & toute la substance en est subtile, ainsi qu'aux resins passez, & en cecy l'experience vault beaucoup, & pour la diligence exquisite, & pource que plusieurs arbres sont qui ne pourroient pas viure sans moüelle, & aussi les autres difficilement le pourroient. Aucuns despouillent le noyau de son escorce, apres qu'il est ouuert, puis enuelopé en de la laine le replantent encore de rechef.

*Les antures
viles.*

Les antures tresubtiles sont du pescher sus l'amandier, de la vigne sus le myrte, de l'amandier vient le pescher avec le noyau de saueur delectable, & est en Italie de l'autre anture la senteur delectable du myrte est donnée à la saueur du resin. Et non seulement les amandes, cōme plusieurs autres fruits sont louees en saueur, ainsi en vertus excellētes: car on croit qu'elles nourrissent le cerueau & les reins. On dict que les amandes ameres font mourir les renards, s'ils les goustent. Atheneus & Plutarchus referēt que le medocia de Drusus beut d'au-

*La vertu des
amandes.*

tant contre les Alemans, se fiant aux amēdes: car quand elles sont mangees les premieres, elles empeschēt ebricité, pource qu'elles consomment par leur siccité la partie du vin qui est la plus subtile, & la plus odorante. Les amandes douces sont fécondes en huile, & l'huile en est delectable aux viandes, & est saine. Si plusieurs sarmens, & sions de diuers resins coupez par le milieu, sont fichez en terre, en retenant la mouelle, & sont ioinctz ensemble, les fruitz serōt produitz d'un mesme arbre, & de mesme branche en plusieurs couleurs, & ce principalement aux resins, dont les resins sont blancs, noirs & verds. Et non seulement les fruits sont muez par anture d'arbres estranges, mais si le tronc est coupé, & les branches mesmes sont antees sus luy, les fruitz y viendrōt fort diuers des premiers. Ainsi sont venuz tāt de gerres de pommiers & poyriers: car l'arbre se mitige, & deuiēt doux par anture, & les plantes agrestes sont plus seches que les domestiques, pource elles ont l'escorce plus rude, les fueilles & fruitz plus frequens & copieux, mais plus petits & moins doux, aussi les fueilles en sont moindres & plus menuës, mais plus odorantes, & toute la plante agreste est plus petite, & plus preparee à produire aguillons spineux, si elle est du gerre de celles qui sont spineuses.

Peut estre que quelqu'un demandera pourquoy le rosier est spineux? La cause est, qu'il falloit que la rose sentit bon, & fut de senteur ferme, qui ne fut trop chaude, à fin qu'elle fut plus delectable: car les senteurs froides recréent le plus l'esprit, pource que le cerueau est molesté & offencé de chaleur assidue pour cause du mouuement entendu donc que la rose deuoit estre de substance subtile, il failloit qu'elle fut ioincte à la matiere terrestre: pourtant la rose à la substance terrestre, chaude & subtile, autrement elle ne seroit odorante. Et puis que la rose deuoit estre telle, il estoit requis que toute la plante fut telle, & de grosses parties, à fin que le fleur fut parfaicte, la partie subtile surmontee. Et veu que toute la plante est terrestre & seche, il estoit necessaire que quelque portio terrestre fut retenüe, & qu'en brief tēps elle deuint seche. Et s'il eut esté vtile de met-

*Comment
d'une mesme
branche les
fruitz sont
de diuerses
couleurs.*

*pourquoy le
rosier est spi-
neux.*

tre hors ceste portion terrestre, elle pouuoit estre meslee aux fueilles, & les eut rendues cõtumaces, & fermes, qui en brief fussent tombees pour cause de leur siccité, il est dõc conclu que ce qui est le dernier & le meilleur a estre fait, sçauoir est, ceste matiere seche & aduste qui est comme la lie & grosse matiere de la fleur, soit ietté hors à part. Et pource que la rose ne fut sortie d'escorce plus dure, si elle n'eut esté spineuse, pource l'espine en est produicte, laquelle tant plus est frequete, & moindre, tant plus elle signifie la rose estre odorante, subtile & chaude, dont elle est plus aspre à purger, toutesfois elle ne retient long temps sa senteur: telle est la rose agreste, de laquelle la fleur souuent est complete de cinq fueilles, & les espines en sont agnès, menues, & sont tant frequentes, qu'elles couurent les fueilles, en forte qu'on ne les peut toucher seurement: le tout est ainsi plein d'espines. Les domestiques ont la fleur des fueilles espesses & grosses, dont il aduient que pour la multitude des fueilles, elles semblent estre les plus odoriferes: l'espine en est plus grosse, plus rare, & moins agüe, aussi ceste fleur est la meilleure pour confire avec le sucre pour faire conserue & de l'eau, pour cause de sa grosse substance.

Comment on
peut auoir
des fleurs tou-
te l'annee.

Or puis que ie suis descendu au propos des fleurs, il faut monstrer commet on peut auoir des plantes, fleurs toute l'annee qui sont tousiours verdes, comme du gyrosier, dict *garyophylon*, ce qu'ils sont en nostre ville, & mesmement pour auoir fruiçts des arbres fructiferes. On a les fleurs plus difficilement que les fruiçts, pource que les arbres qui sont tousiours verts, ont tousiours fruiçts, comme les pommes d'orenges dictes *narancia*, *limunã*, les fruiçts des cypres, les pommes de pin. Les fleurs donc sont en tels arbres, veu que les plantes gardees en lieu chaud croissent ainsi, qu'elles prennent force en hyuer, & presque vn aage verde. Car toute plante florit en son aage virile, ou plustost verdoyante, quoy qu'elle vienne en l'hyuer. Aussi les fueilles, & fleurs sont peintes premierement du laiçt de figuier, comme i'ay veu par experience, puis quãd la figure, ou lettres sont seches, la couleur, ou fueilles d'or sont mises dessus, &

sont nettoyees de cotō, les lettres ou peintures demeurantes. Aucuns certifient que cecy peut estre fait tout de lait. De cecy il est manifeste que les lettres escrites de lait, quoy quede soy-mesmes elles ne peuuent estre leües, toutesfois elles apparoissent euidentement, en iectant la poudre de charbon dessus, & en le frottāt de coton. Car la grosse partie de lait boit les couleurs, principalement la noire pour la grandeur de la difference. La portion de l'eau est beüe à fin qu'elle ne permette les couleurs estre lauees; pour ceste cause les lettres sont bien escrites de lait, & au papier, & au parchemin.

Or à fin que ie reuienne à l'histoire des plantes, la coupe du tronc a tant grande force, que le chesne coupé en bas aucunesfois deuiet sec, aucunesfois il se cōuertit en genest, quoy que ce soit rarement: mais souuent il degenerate en autre gerre de chesne, qu'on appelle tremble.

Le chesne coupé se tourne aucunesfois en genest.

On dict aussi qu'aucunes graines degenerēt par vieillisse, comme du chou qui engendre vne rauce: il est certain qu'elles degenerent aucunesfois, ainsi le froment s'il est semé en lieu humide & froid, se tourne en segle la troisieme annee, cy dessus i'ay parlé de l'iuaye. Les graines qui degenerent, à peine retournent en leur pristine forme, celles qui sont muees retournent.

La permutation des plantes faitte par deliberation.

Et à fin que tu ayes grandes plantes, comme poreaux, percil, & autres de telle sorte, enfouy & plante les graines de mesme gerre au siens de cheures couuert de terre, & tu t'esmerueilleras de l'effect: car les germes tendres comprimez ensemble naissent, en sorte qu'ils semblent n'auoir seulement qu'une plante, & cecy est experimenté.

Pour faire les poreaux & percil grāds.

Par mesme moyen si la graine de lectüe, de roquette, percil, basilic, & de poreau est plantee au siens susdict, le tout ensemble, vne herbe en viendra qui aura la saueur & senteur de poreau, lectüe, roquette, percil & de basilic. Et si tu veux adiouster aux fruits des plantes, ou aux herbes, la couleur, saueur, odeur, ou vertu theriaque & purgatiue, auant que tu semes la graine, mets la dedans telle chose, l'espace de trois iours, comme pour la douceur dedans du vin cuit, pour senteur delectable en de

Pour faire qu'une plante naisse avec plusieurs saueurs & odeurs.

l'onguent, pour la vertu purgatiue au suc du concombre sauuage, au theriaque contre venins, puis la plante, & la nourry de telles choses au commencement. L'œuvre sera plus valide & parfait, si en fichant en terre les sions, tu iecte hors la moielle, & au lieu d'icelle tu mets les drogues susdictes, & si auant que tu plantes les sions, tu les laisses tremper en ces liqueurs par trois iours.

*Pour faire
les graines
faciles d'estre
cuies.*

*Pour faire les
semences plus
grandes.*

Pour ceste raison on a inuenté que toutes semences auant que de les semer fussent couertes de nitre: car les semées qui en procedent apres, sont faciles à estre cuites. Mesmemēt toutes graines semées aupres de l'herbe scilla, produisent plus grād fruiēt: car scilla les eschaufe, & humecte: & le croissement est fait de chaleur & humidité. Et par raison peculiere la lentile enuolopee au fiēs de beuf est enfouye en terre. La racine de percil selon la grādeur du lieu vuide, où sera la graine enfouye, sera grande, & non seulement selon la mesure de la longueur, ains de la grosseur: car le croissement du percil dure long temps: & ceste plante est grasse, & viue. Les fucilles du percil au temps passé estoient receües en des vaisseaux, afin qu'elles prinsissent la figure selon la forme des vaisseaux: dont il aduient que i'estime le percil retenir & garder ses fucilles: en hyuer aux regiōs où Theophrastus a flory: car cecy est commun aux plantes qui ne perdent leurs fucilles, comme à la marioleine & au basilic entre les herbes: au bouys, & au myrte entre les arbrisseaux, qu'elles retiennent leur figure selon la forme des vaisseaux, & la maniere des lieux.

*La merueilleuse
grādeur
des nauets.*

Pareillement les nauets croissent grandemēt en Italie, en sorte qu'aucuns poissent bien cent liures, commēt on dit: car ils ont moult d'humeur gras: & de leur semēce, comme dit est, on tire grande abondance d'huile, & principalement des longs nauets. Aussi les racines acres que les Italiens appellent remolazos, croissent merueilleusement, & sont engendrees de raue & de nauet, auxquelles la saueur de la raue demeure, & la magnitude du nauet y est retenuē. I'en ay veu cinq de celles qui poissent plus de vingt liures: i'en ay veu d'autres qui estoient plus grandes qu'un enfant qui est aagé de trois ans. Les gerres des plantes mesmement sont meslez &

*Les choux entez
en tronc
de nauets.*

entez, comme en Italie les choux bons à manger sont entez au tronc des nauets. Les poreaux en couppant les fucilles & racines sont transplantées d'un lieu en l'autre, en mettant vne tuile dessus, en sorte qu'ils ne puissent descēdre en bas, ains qu'ils croissent en latitude: & sont appelez poreaux de grosse teste: bien cogneus aux anciens, pource qu'ils sont les plus delectables: & sont plus delectables, pource qu'ils sont les plus tēdres, semblables aux oignons.

Les poreaux de grosse teste

Tu auras des champignons quand il pleut sus les sarmens de vigne bruslez: & si d'auenture il ne venoit de pluye, espend de l'eau sus les reliques des sarmens bruslez. Autrement coupe vn peuplier noir, & espend de l'eau avec du leuain sus les pieces du peuplier, ou aupres du tronc: ainsi peuuent venir les champignons comme ils peuuent estre mauvais. Les champignons larges, & avec vessies, sont pernicieux & mortiferes, ceux aussi qui se rompent facilement en les touchant du doigt, les rougeastres en humeur glutineux, ceux qui sont deschiquetez, les rouges, bruns, pers, & qui ont couleur terne, en sorte que l'homme ne peut en estre deceu que de ceux qui sont entiers. Et si tu veux esprouer plus certainement que tels champignons sont pernicieux, mets les dedans du lait, & tu verras les mouches perir, si elles en boiuent: cecy est experimenté. Les potirons sont plus seurs que tout autre germe de champignons, & ceux qui croissent vn peu longs aux arbres, qui sont de petit poil cresp. Ils croissent aussi sus quelques pierres vn peu couuertes de terre, & larges comme tables, lesquels on trouue aux champs des Samnites dedans terre la profondeur de quatre doigts, puis ils espendent de l'eau dessus dedans quatre iours. Ils sont abondans aux forests, & croissent subitement: car ils requierent la chaleur seche: pource il conuient que telles pierres susdictes ayent quelque adustion: car la generation des champignons est loudaine, & presque sans racine: non toutesfois du tout sans racine, car il n'est aucune plante sans racine. Si la racine attire aliment, si elle vit, ou est au-

Pour faire venir des champignons.

Nulle plante sans racine.

& la partie par laquelle cela est ioint, est la racine. En general dōc les generations de toutes plantes, les croissemens, figures, saveurs, odeurs, couleurs, substances, & si quelque autre chose y est, sont faicts par la mutation des lieux, & aliment, & par la permutation des semences autres que celles où elles sont infusées par la conioction avec les autres: par l'incision des parties, par les lieux, ou vaisseaux, & corruption de substance, qui est faicte avec contusion, transplantation, anteure, & longue multiplication. Aucunes plantes sont multipliees par les choses semblables, aucunes par les contraires, comme les champignons, que le gerre humain a receus, non pour vtillie, mais par gourmandise.

*Les gerres de
l'artichaud.*

Les artichaux sont mangez plus seurement que les champignons: c'est vn fruit en Esté qui est d'une herbe aguillonue, que les anciens ont mesmement cognue. Autres plusieurs de noble gerre succedent à ce fruit, en sorte qu'ils sont toute l'annee. Car en la fin de l'Esté & en Autonne les artichaux agrestent, ou plustost d'Espagne, sont: & sont plus petits que les autres, mais de goust plus delicat. Puis au commencement & tout l'hyuer sont les artichaux, ou chardons chaux, en Latin *cardi*, qui est vne plante blanche, branchue, vn peu amere, circuite d'espines, de laquelle non seulement les fueilles, ains la basse partie du tronc, & la supresme partie de la racine, qui est pleine de petites testes, est mangee. Au commencement du printemps, & iusques en Esté, ces artichaux agrestes sont mages, non pas les fueilles, pour cause du poil follet: non la racine, pour sa durté, mais la basse partie du tronc, & la supresme de la racine, qui est comme de bois: car presque en toutes plantes ameres, ou la partie qui est comme de bois, se tourne en fueilles par l'abondance du suc, molle, & moins amere, retient la grace de la saveur, & perd ce qui n'est agreable au goust. Telles plantes sont mangees avec sel, vinaigre, huile, poivre, non seulement en delectation, mais sainement. Car le sel aide la coction, & red la saveur delectable. Le poivre en outre augmente la senteur: le vinaigre rompt la chaleur des autres choses, comme l'huile rompt la siccité, qui mesmement est fort vtile à l'augmentation de la

saueur. Le cinquiesme geire des plantes qui ont aiguil-
lons, est dict *scolymos*, aucuns l'appellent chardonnette:
ce chardon est vtile en medecine, non aux viâdes. Et veu
que tous gerres de plantes piquâtes sont vtils, princi-
pâlement au ventricule, qu'ils purgent les reins, & resis-
tent au venin, merueilleusement ce gerre de chardon,
dict *scolymos*, guarit les maladies pestilentielleuses, lequel
à la racine naturellement diuisee. Le sixiesme gerre est
apporté d'Inde, appellé *cerium*, pource qu'il represente
les chandelles de cire par lancettes droictes & blâches,
ie dy lancettes, grandes toutesfois comme lances, & à
le fruiçt gros comme vne noix, assez delicat, rouge, &
plein de pepins: Illec aussi est vne espee dicte pythia,
de fruiçt gros, voire plus gros que les citrons, de bon
aliment, de saueur douce. Derechef le huictiesme gerre
est dict pinea, pource que le fruiçt est semblable au
fruiçt du pin, de senteur tresdelectable, de chair comme
pomme de coins, & meilleure: ce gerre naist d'vne plan-
te qui a la fueille grosse & grande, telle qu'est la fueille
d'aloes: au temps passé i'ay veu ceste plante non encor
parcruë à Genes, qui est la ville Metropolitaine de Lō-
bardie. Le dernier gerre des herbes spineuses qui sont
excellêtes, est aux Indes, appellée Tuna, duquel le fruiçt
attire sans peril moult de sang avec l'vrine: & aussi il est
fort vtile au ventricule.

Les oliues differēt peu des herbes susdictes en goust,
& l'art a inuenté pour y adiouster. Ils pilent les oliues
de maillets de bois au creux d'vne table, & en iectent les
pierres: & ne sont autrement mangées à Genes. Cecy
est de merueille que les oliues deuennēt meilleures en
l'huile des oliues: & est grand argument de singuliere
siccité. Les oliues dictes *colymbades*, sont les meilleures
de toutes, principalement d'Espaigne: elles sont cueil-
lies avec les rameaux, elles sont lauees en eau, & sont
sechees vn iour entier: puis elles sont conseruees, en les
salant & arroustant de saumure.

Les fruiçts humides, comme pommes de grenade,
poires, raisins, sont conseruez, s'ils sont cueillis par beau
têps, & qui ay t ja precedé, & s'ils sont purgez de grains
corrompus & pourris si ce sont raisins: qu'ils soient

Comment les
oliues peuuēt
estre sans
noyau.

Comment on
conserue tous
fruiçts.

pendus par la queuë, & mis dedans la poix bouillante, ou au lieu d'icelle, au vin, puis qu'ils soient sechez au Soleil l'espace de deux iours, & disposez entre les pailles, qu'ils ne s'entretouchent: car veu que toute putrefaction a son origine de l'humeur aqueux, comme i'ay monstré autre part, il est necessaire le fruit n'estre corrompu, quand tel humeur est consumé: & est principalement consumé en la partie, par laquelle il est induit au fruit, qui est la queuë. Toutesfois les concombres sont conseruez par autre artifice: ils sont mis en la lie du vin doux, en fermant bien le vaisseau, & lors ils demeurent entiers autant long temps que la lie demeure. Autrement on peut conseruer les concombres & melons plögez dedans le moust doux. Et de peur que tu ne sois deceu, cecy s'entend, pourueu que le moust soit tousiours doux: autrement ils deuiendroient vincux, & ne sentiroient que le vin.

*Comment les
concombres söt
conseruez.*

*Pour auoir cö
combres &
melons auant
la saison.*

Et si tu proposes d'en auoir auant la saison, seme les en des panners, & les arrouse d'eau chaude, & les garde en lieu chaud, les exposant au feu quand l'air est nubileux, au Soleil quand le temps est serain & beau. Car entendu qu'ils sont fort humides, & ont viuacité, & que de soy-mesmes ils croissent abondamment, le feu ne les blesse, & ne les brusle, ains sa force est repousee, laquelle blesseroit, ou feroit perir la plante qui seroit des plus seches & moins viues. Döcques au printemps mis hors des panners avec leur terre, sont transplantez à descouuert aux aires. Et si ces fruits sont engendrez du Soleil & des vents par quelque couuerture, c'est merueille tât ils croissent grands. Et si en hyuer tu veulx les garder en verdure, seme les aupres d'un puy, & quand ils seront parcrus, mets les dedans le puy pres de l'eau: ainsi ne sont sechez du Soleil, ne flaistris des vents, ains sont conseruez en verdure par la vapeur & chaleur de l'eau.

*Pour auoir
fruits &
fleurs en tout
temps.*

Et si tu deliberes que derechef les fruits soient produits, coupe ceux qui ne sont meurs iusqu'à la terre, puis couure de terre la plante, & la pile aux pieds: car les racines verdes & les tiges restaurent & refont le fruit. Et generally ce moyen & artifice doit estre obserué aux fleurs. La reste des herbes, qui sont bonnes à manger,

ger, comme les nauets, le cretan, ou d'aucuns creticus, le cresson alnois, sont conseruez par le seul vinaigre, comme i'ay experimenté, & cōmodement le fenouil est adiousté à toutes ces herbes prediètes. Aucunes herbes & fruiçts vallent mieux d'estre confis, comme les courges, la peau des melons & citrons, la chair de la pomme d'orange, toute la noix, & l'orange dicté limunium: cy dessus escrite. Les fruiçts confis entiers, coustumierement ne sont cueillis parfaicts & complets, comme les nauets, les noix, & limunia. Ils sont trempez en l'eau long temps, qui doit estre changee assiduellement: ils sont cuits & bouillus, afin qu'ils soient plus mols, & sont sechez en l'ombre: puis espad dessus du miel, & du sucre escumé au feu: apres sept iours cuy la liqueur qui en est tiree, & l'espad dessus, repete cela trois ou quatre fois, ainsi sont rendus tresdoux & califiez. I'ay dit qu'ils deuiennent moisis & chanfis, s'il reste quelque humeur aqueux. Le miel & le sucre sont purgez par le blanc de l'œuf & par eau, en les escumant, & en les cuisant bien. Et cela est cuit, & est dit ainsi quand la goutte s'entretient, & est glutineuse. Les fruiçts sont cōseruez par autres moyès, comme les figues: premierement elles sont tardives, & apres la saison; quand elles tombent de l'arbre, & que non meurs se meurissent par le froid. I'ay dit que les fruiçts apres la saison sont faicts des premiers fruiçts coupeez auant qu'ils soient parcerus: car par le froid la chaleur interieure est contrainte & condensee; pource elle faict bonne concoction. Aucuns sont conseruez par liqueurs, comme les raisins au vinaigre: & si tu y adioustes du miel, ce n'est absurd. I'ay veu des raisins gardeez qui sembloient estre vers. Aussi les raisins sont gardeez iusqu'au printemps presque de soy-mesmes; purgez en lieux froids, & pendus vers le Septentrion. Les noix sont bien conseruees par le miel: elles deuiennent douces: & le miel est vtile au gosier & à l'artere d'iceluy. Et la maniere de conseruer le miel est generale, comme du vinaigre & de l'huile: car les liqueurs qui sont conseruees conseruent, si l'humeur trop aqueux ne les empesche. Le vinaigre renuerse la faueur, l'huile l'odeur, & le miel est le meilleur, qui est chaud par puissance, sec & gras, Sem-

Cōme les racines & herbes sont conseruez.

La maniere de confire.

Comment le miel & le sucre sont purgez.

Pour conseruer la chair en Este.

blablement la chair en Esté non du tout cuite, l'eau bien espreinte est sechee en l'ombre l'espace d'une heure en un lieu bien esuenté, puis couverte de vinaigre blanc & de sel, tu la mettras dedans un pot en un lieu froid, en la retournant tous les iours : & ceste fausse suffira iusqu'à dix iours. Autrement empoudre la ainsi cuite, & sechee de sel & graine de geneure puluerisee, & la trempe mise dedans un pot plein de vinaigre blanc, en lieu froid, en la remuant tous les iours : tu t'esmerueilleras de la grace de la faueur & senteur d'icelle.

*Comment les
poissons sont
conseruez.*

*Ce qui corri-
ge l'eau qui
est puante.*

*Ce qui cor-
rompt l'eau.*

La chair molle n'est cuite quand tu veulx la garder, fors les poissons qui sont fris en huile mediocrement, & sont mis poudrez de sel entre les fueilles de laurier & de myrte. Les fueilles de laurier conseruent non seulement les poissons, ains corrigent l'eau ia corrompue, & la rendent de bon odeur, & sont un remede present contre les poissons. La chaux aussi corrige l'eau, mesme-ment elle est corrigee en faisant bouillir : mais pour la corriger il n'est rien meilleur que les fueilles de laurier.

L'eau est principalement corrompue & empuantie, par ce qui est corrompu, d'icelle, comme le froment, les corps morts, principalement des hommes : car si de plus en plus ils sont corrompus de l'eau-tous les iours, il est bien necessaire qu'ils corrompent l'eau grandement. Aussi le houblon & le lin corrompent l'eau, en sorte que pour cecy ie ne suis esmeruillé de la multitude des poissons esteins en vne fosse de nostre ville. En general, veu que plusieurs choses corrompent les eaux, elles sont redigees en deux gerres, ou en ceux qui sont corrompus aux eaux, ou en ceux qui ia de soy-mesmes sont pernicieux. Et rien n'est pire à l'eau que le repos, comme rien n'est meilleur pour la purger, que le mouuement. Mais le mouuement purge l'eau avec long temps, & le repos la corrompt legerement.

*Comment l'eau
& le vin sont
refrigerez.*

Et si l'eau ou le vin sont chauds, mis dedans des vaisseaux, fay plonger les vaisseaux en autre eau, ou vne liure de halinitum ait esté dissoulte & fondue en la mouuant assiduellement : car l'eau exterieure est refrigeree, pource que les vapeurs s'esuanouissent comme pour quelque feu, non toutesfois comme les autres vapeurs

font engendrees du feu. La quantité de ceste eau, & la maniere de la faire est telle. Tu prendras de vingt à vingt-cinq liures de halinitrum contre cent liures d'eau: de trois parties de ceste eau versé deux parties, & la tourne d'un pilon de bois, lentement premier, puis un peu plus legeremēt, tant qu'elle soit tournée treslegèrement, quand la frigidité s'augmente, & tousiours en vne mesme partie. Tu esprouueras souuent du doigt quand elle sera fort froide, puis adiouste la moitié du reste de halinitrum, & tourne l'eau derechef, en fin tu adiousteras l'autre partie, ou la sixiesme partie du tout, & tourneras ou mouueras iusqu'à ce que l'eau soit venue à la grande frigidité, & quand elle y est venue, si elle est mouuee un peu de mouuement contraire, tu n'y feras nuisance: au parauant moult seroit osté de la frigidité. Et le halinitrum fondu derechef est amassé par l'eau bouluë, quand il est boulu iusqu'à ce qu'il soit mis d'une cuculier sus le paue, & qu'il soit condensé. Et combien que ce moyen de refrigerer les eaux, & les vins plongez aux eaux, soit le plus general & subtil, toutesfois les eaux sont mieux refrigerées de la glace & de la neige. La glace & la neige sont gardées iusqu'à la fin de l'Esté par grans morceaux, purs, endurcis de longue froidure, tels que Munsterus recite estre trouuez au coupeau des montagnes de Valesie, endurcis par plusieurs ans. Car Valesie, region ou contree de Germanie, est tant froide, que la glace ne se fond par aucunes chaleurs de l'Esté: toutesfois elle se fond par la chaleur du feu, ou du Soleil, mais tardiuement. Un morceau de ceste glace gros comme un œuf, refrigerer un grand vaisseau plein d'eau incontinent, comme il refrigerer le vin.

Munsterus refere auoir veu vne espece de glace horrible: tant terrible en grandeur & creuaces, qu'elle pouuoit troubler les fontaines: & quand on la rompt, elle fait un bruit tant dissone & tant grand, qu'il semble que le monde soit ruiné. Ceste lorte de glace dure autant de temps, qu'elle a retardé à s'endurcir: car les tēps de corruption & de generacion respondēt l'un à l'autre; & tant plus est amassée, tant plus est pesante & massine, & pouice moins subiecte à dissolution ou corruption.

*Comment la
glace & la
neige s'ont gar-
dees en Esté.*

*Vne glace ad-
mirable.*

Cecy a esté demonsté en ce que i'ay dit du fer. Les morceaux doncques de ceste glace sont gardez plusieurs iours aux trous ombrageux des montagnes, ou s'ils sont cachez entre les rochers, matbres, & pailles, ou entre le crystal en vne caue exposée vers Boreas.

Or ie reuien aux racines, dont le propos estoit de les conseruer, & les autres choses dures, entre lesquelles racines nous eslirons les plus tendres. Celles qui faut conseruer crues, sont facilement conseruees par le vinaigre, poiure, gyrosse, & autres senteurs adioultees, mais que tu ayes souuenancé aucunes odeurs conuenir aux autres, & que les hommes ne perçoient vne mesme grace des senteurs & saueurs. Ce que nous voulons confire au miel, il doit estre mediocrement cuit & seché, pourcé qu'il en deuiet plus mol, & en boit mieux les saueurs & senteurs, puis il en est rendu plus delicat.

Par semblable subtilité l'industrie de l'homme entreprend les artifices & moyens pour delecter la veüe. Pourtant nostre amy Nicolas Landriannus libraire, a tellement exprimé sus du cuir les images, qu'elles semblēt estre faictes du cuyure de Cypre. Car quand le cuir a vn peu trempé en l'eau, estant tepide, il est poussé diligemment aux moules & figures faictes de bois ou d'autre matiere: on adiouste de la cire, afin qu'il n'y ait rien de vuide, & la carte estendue entre les tablettes est estreinte en la presse, & ce qui est engraué, est peint de couleurs conuenables. C'est vn mesme artifice de peindre au vis les herbes sus la carte. Vne herbe verte est imprimée sus la carte, afin que le vestige & forme, comme presque la future description de l'œuvre demeure: puis autres couleurs des fucilles sont imprimées de charbon & verdgris entremeslez: apres ils peignent de couleur plus deliée les nerfs, & tiges: aucuns peignent l'herbe par le suc de l'herbe, les fleurs par le suc des fleurs, mais ils espreignent l'eau du suc, & adioultent vne gomme, qu'ils appellent dragacantum.

De ce sont exprimez les ornemens magnifiques des eschaufaux, les tonnerres, pluyes, neiges: ces neiges sont faictes de petits lopins de cotton, que les soufflets soufflants l'vn apres l'autre font voltiger. De ce apparoiſſent

*Les images
exprimees au
vis sus le
cuir.*

*les souls ou
Pour peindre
au vis les her
bes.*

*L'apparat
magnifique
des eschau
faux.*

les Soleils, les astres, & estoilles, la Lune, le Ciel contre-faict: lesquelles choses Nicolas Siccus, homme de bien, noble, & sauant en toutes sciences & arts, a representé en la comedie, laquelle il composa, publiâ, & orna par son commandement en la presence de Philippe prince des Espagnes, & fils de nostre Empereur. Qui n'esmerueillera le Soleil & les estoilles illec luisantes en serenité, cachees aux nues hebetees par choses blanches, le mouuement avec les estoilles, & le temps de la representation conuenir à la comedie? Illec les lumieres cachees aux vitres representoient par naïue couleur de vitre, les saphirs, les pierres dorees, dictes chrysolithi, & les vray pyropes, en dodecedron, qui a cinq angles solides, & en ecocedron, duquel le tout a vingt isopleures. Les diamans & esmeraudes n'y estoient exprimez, afin qu'il ne semblast qu'on eut feint quelque chose. L'eschaufaut rédit vn bruit de tonnerre. Que peut d'auantage Iupiter ou Neptune? veu que mesmement on voyoit illec les nauires estre portees & floter, comme sus la mer?

*Chrysolithus
vulgairement
chrysolite.*

Le soing de nature n'a rien laissé intété. De ce soing sont les lassérons, hameçons, rets, arcs, chiens, espreniers. Et les fallaces ne suffisent, si les ambuscches n'y sont adioustees. Et trois choses sont en general, par lesquelles toutes bestes, ou poissons, ou oyseaux sont deceuz & pris, le dol ou fraude, la force ou violence, & la poison. On faict violence aux oyseaux par flesches & arcs: aux poissons par vne fuscine, ou fourche à trois pointes, par rets, & par chaux mouuee dedans vn sac, qui les tue, quoy qu'ils n'en goustent, ou elles les perturbe, comme le bain trouble les hommes: les chiens, & les rets font mourir les bestes sauuages. Les poisons sont le reagal, dict aconitum, lectues marines, dictes tithymali, & tous gerres de pied de pigeon, dict *ranunculum*, lesquelles drogues quand elles sont meslees aux viandes indifferemment elles font mourir toutes bestes sauuages, oyseaux, & poissons. La noix dicté vomitoire, en Latin *vomica*, faict mourir subitement les chiens, ce que j'ay experimenté: elle mesme rend les oyseaux estonnez si elle est meslee à leur viande.

J'ay souuenance d'auoir pris aucunes fois de la main

les corneilles, lors que i'auoy meslé de ceste noix brisée avec de la chair. Si les oyseaux mangēt du grain qui ait trépé en la lie de vin avec le suc de ciguë, ou en eau ardante, ou en la seule lie de vin fort, ou en la decoction de blanc ellebore avec le fiel d'un vieil beuf, ils sont & demeurent estourdis. Et les oyseaux qui volent en troupe, sont aussi pris en troupe cōme les perdrix, les oysons, & les cānes. Et pour ce faire, il faut nourrir les appriuoisez de leur gerre en leur coupant les ailes pres les eaux, en les enfermant de palis, & leur donnant viande illec qui leur soit delectable: le millet cuit dict sorgum, est entre toutes graines delectable aux cannes: quand les appriuoisez crient de nuict, les sauages descendent illec à la viande: car tous oyseaux ont vn consens en quatre voix de viande des actes Veneriques, de la bataille, & de la crainte, & s'entre-entendent: lors les oyseaux sont enclos, en tirant la rets qui est liee aux pieux: & dit on que mil cannes ont esté prises d'une traite: & combien que ce semble estre admirable, il n'est toutesfois plus certaine prise ne meilleure. Et entre les appriuoisez il faut eslire les plus semblables en couleur aux sauages.

*Comment on
préd les pois-
sons.*

Les poissons pareillement sont pris à la viande: & la viande doit auoir quatre conditions, qu'elle soit odorifere, car de loing elle les attire, comme l'anis, le suc de panax, le cuminum: qu'elle soit de saueur delicate, afin d'inuiter & tromper les mangeans, comme le sang de pourceau, le fourmage de cheure, le pain de froment, les papillons iaunes qui sont les meilleurs: qu'elle ferisse la teste, afin de porter plus soudain la poison en icelle, comme l'eau ardante, la lie de vin. Il faut aussi auoir de la poison qui les rende estourdis, duquel gerre est la fleur de caltha, qu'aucuns prennent pour soucy, les autres l'appellent calendula, pource qu'elle florit tous les mois: car ceste herbe, de laquelle les fleurs sont iaunes, coupee en morceaux les rend estourdis, & estoñez en vne heure, voire les plus grands: la chaux en est, laquelle, quoy qu'elle corrige l'eau, si elle est puante, toutesfois elle tue les poissons: le suc de la lectue marine en est: la noix, & celle qui est dictē vomica, & celle qu'on appelle methel, ou somnifere. Mais il n'est rien

meilleur ny plus profitable, que le fruit apporté d'Oriét, ils l'appellent cogolum: la graine en est noire, & est semblable à celle de laurier: moindre toutesfois, & plus ronde. Ma composition à prendre les poisons est experimentee, vn quadrant d'once des graines Orientales, vn sextant de cyminum, & autant d'eau ardante, vne once de fourmage, trois onces de fariue: le tout soit battu ensemble, puis redigé en morceaux.

*Comment les
escreuiffes s'ot
prinſes.*

Les escreuiffes sont prises par petites verges diuisees & fendues au bout d'enhaut, auxquelles quelques entrailles, ou les corps des grenouilles soient liez, & que les verges soient disposees par ordre, aupres des lieux ou les escreuiffes habitent coustumierement: puis le pescheur enuironne de retz les verges, en les leuant chacune à part: & quand la retz est mise deffouz, lors que l'escreuiffe ne peut se demesler legerement, elle tombe dedans la retz. Ainsi le pescheur ioyeuſement en rapporte à la maison cent ou deux cens bien robustes & grandes: car les petites ne peuuent facilement venir & monter à la viande haut pendu: & si elles y viennent, auant qu'elles soient prises, elles tombent en

*Pour engar-
der les che-
naux & mu-
lets des mou-
ches.*

bas. Aucunes herbes sont qui n'attirent à soy, ains elles engardent & destournent, comme le suc des fueilles de courge, duquel si quelqu'un frote en esté le poil des cheuaux ou muletz, ils ne seront molestez des mouches: & cecy m'a esté souuent utile. Mais il est trop plus secretz de l'ame.

Fin du trezieme Livre.

X iiij

DE L'AME, ET DE L'IN-
TELLECT, OV ENTENDEMENT,
LIVRE QUATORZIESME.



L est besoin certes de quelques nou-
ueau gerre de parler à celuy qui veut
entreprêdre de traicter des vertus de
l'ame , principalement de l'ame hu-
maine , dont la dispute est presente,
pource que l'ame semble estre toutes
choses, comme le Philosophe l'a bien
dict. Certainement les choses sensibles sont pour cau-
se des sens , & celles qui sont entendues , sont pour l'a-
mour de l'intellect. P'ay souuenance que i'en ay dict
plusieurs choses au liure qui est intitulé de l'immorta-
lité , & aux autres liures que i'ay composez. L'ame a
deux parties, la connexe & conioincte , qui est diuisee
en trois, en raison ou ratiocination , memoire & imagi-
nation: la separable, diuisee en deux , en intellect & vo-
lonté. Outre ces parties il est quelque gerre de vertu,
par lequel l'ame cognoist les choses sensibles , & non
seulement souz raison propre , ains aussi comparees les
vnes aux autres. Et entendu qu'ils sont deux appetis, vn
sans sens , l'autre avec le sens , les affections sont en la
volonté & en la partie sensible de l'ame , comme mise-
ricorde, crudelité, ire mansuetude, audace, crainte, fide-
lité, infidelité, honte, impudence: haine, amour, ioye, tri-
stesse, paillardise libidineuse, continence, paresse, prom-
ptitude, superfluité, moderation. Il conuient doncques
premierement parler de l'intellect & de la volonté.

*Que c'est que
l'intellect &
la volonté.*

L'intellect est la chose qui est entendue, comme quâd
i'enten vn cheual, mon intellect est la forme du cheual.
Pourtant l'intellect est vne forme generale , & comme
premiere matiere. La volôté est, quand la chose enten-
duë s'offre exterieurement: & pource elle est posterieu-
re à l'obiect, & n'est lors chose semblable à l'obiect, ains
semblable à l'intellect. Ils different donc en deux cho-

les premierement, pource que l'intellect est la chose entendue, & la volonté seulement est semblable à ceste chose entendue: secondement, pource que l'intellect consiste au mesme moment que la chose est entendue, & la volonté est postérieure. Et comme la lumiere & les tenebres se referent à l'œil, ainsi la haine & amour à la volonté, & le faux & le vray à l'intellect.

Mais pourquoy la verité s'ensuit elle des choses faulces, & des vrayes, & la falsité iamais n'ensuit des choses vrayes? Cecy aduient, pource qu'en la falsité quelque chose de verité peut estre cōtenuë, comme en l'homme qu'il soit asne, il est contenu qu'il a sentiment: mais en la verité, entendu qu'elle est pure rien n'y est contenu de falsité. Veu donc que la deduction est bonne du tout à la partie, la verité peut ensuiure de la falsité, non la falsité de verité, non toutesfois la verité ensuit proprement de falsité: mais de la partie de verité, qui est cōtenuë en la falsité.

Et l'intellect par l'intelligence de la verité est delecté grandement pour trois causes. La premiere, pource que ce seul œuure nous est propre, & seulement commun à nous avec les dieux, les autres choses nous sont cōmunes avec quelques bestes, ou avec toutes, ou plusieurs. La seconde, pource que c'est vn don de noble vertu & l'œuure est la perfection de vertu. La troisieme cause est, pour l'utilité qui s'ensuit de l'intelligēce & cognoissance de verité. La falsité est toujours odieuse de soy-mesme: mais pource qu'elle est par fois vtile à satisfaire au plaisir libidineux, elle est agreable.

Aussi nous sommes delectez de fables aptement composées, pource qu'elles semblent estre vray-semblables, & contiennent quelque chose de merueille. Pour ceste cause les enfans en sont plus delectez que les vieillars, & les fols plus que les sages, pource que les enfans & les fols estiment estre plus de verité aux fables que ne font les autres. Outre, les choses ouyes delectēt plus que celles qui sont leuës: & entre les chose leuës plus delectables sont les choses composées en la langue estrange, & les liures qui sont les plus rares delectent le plus. Vne cause est en toutes ces choses, sçauoir est, rarité: car choses ra-

Pourquoy la verité s'ensuit par fois de la falsité, & non au contraire.

Pourquoy nous sommes delectez, en entendant.

Pourquoy les fables delectent.

Pourquoy les choses ouyes delectent plus que les leuës.

res sont contenuës aux liures rares, cognus à peu de gés les choses contenues aux liures difficiles, sont les plus rares, pource que moins de gés sçauent ce qui est ouy : les choses sont tres-rares, qui nous sont seulement recitees. Pourtant il n'est rien plus delectable à l'homme que le deuis des choses grandes & secretes. Car ce qui est cognu à chacun, est vil, quoy qu'il soit precieux de soy-mesme. Pourtant les Sacrificateurs ont voulu leurs ceremonies estre baillees obscurément, & ces choses ne seroient estimees à rien, si elles n'estoient adombrees par quelques tenebres d'obscurité. Or l'obscurité qui ne permet les escrits des auteurs estre entendu, est vn argument d'ignorance, comme la mediocre & moderee est argument de sapience. Et l'office du sage est, premierement d'introduire belles questions en doute; secondement, d'alleguer doutes vtiiles, si ce peut estre fait: tiercement, mostrer & enseigner la solution & la cause de la doute, & ne rien dire absurd sans rendre raison, en quoy les Platoniques errent grandement.

*Trois offices
du sage.*

*L'intellect
vse de trois
choses pour
iuger.*

L'intellect à trois choses dõt il vse pour iuger, les principes, l'experience : & la consequence d'iceux. Car l'intellect a de foy ou des sés ce que premierement il cognoit ou il cognoit par iceux, il est donc manifeste qu'elles ne sont plus de trois choses pour iuger. Autres principes sont qui sont cognus par autres principes, ou par sens, ou par conséquence. L'ame ne traueille en ces choses: car elle est eternelle, & est comme espee. Des choses eternelles aucunes ne sont muées cōme Dieu, aucunes sont muées par successions, comme le Ciel: les autres choses par circuit. Les especes donc sont immobiles, non toutesfois en la sorte que sont les supresmes intellects: mais comme l'ame. L'ame donc ne traueille, pource qu'elle n'est au temps, ains la contēplation resioit l'ame, & donne ieunesse. Et seulement nous viuōs quād nous contempons. Aussi la vie est vrayement seule qui conuient aux cieux par aage eternelle: & telle vie seule est en nous.

*Comment les
affections de
l'ame chan-
gent le corps.* Toutes affections de l'ame, exceptee la ioy, muēt le
affections de corps, & avec le corps elles muēt la maniere de viure,
ce qui est cognu par icelles. Tous les sens sont delectez
ou contristez de plusieurs & diuerses affections. En la

delectation les esprits sortent dehors, ils retournent dedans par tristesse, legerement certes aux affectiōs vehemētes, lentemēt, & petit à petit aux affectiōs petites.

Il est manifeste que le sang est porté avec l'esprit, & quand il est porté dehors, il est dilaté, refrigeré & cōfirmé, si les forces sont robustes: quand il est retiré, il est foulé & consumé. Si la chaleur est cōfirmee, la concoction se fait, le dormir est concilié, les excrēmens sont digerez, & les maladies curees, ce que ie monstrey cy apres. Quand la chaleur est retirée & diminuee, le dormir est empesché, la concoction est viciee, les excrēmens sont retenuz, & les maladies en sont engendrees.

Il faut donc traicter de quelques affectiōs de l'ame, afin que par vn mesme moyen nous entendions les autres. En la crainte donc le sang est incontinent assemblé aux parties interieures: d'où viēt que les hommes tremblent, la voix est perduē, ou elle est petite, le corps est passé. Et si la crainte perseuere & est grande, elle fait deuenir les cheueux blancs, & le sang retiré dedans, & interieuremēt, ou l'homme languit, ou il vient en peril de mort par excitation d'vn phlegme & apostume chaude: & aucuns sont morts de ce subitement.

En tristesse, non tout acoup, ains petit à petit la chaleur reuient: pource les cuisses ne tremblent: les hōmes ne meurent subitemēt, ains ils veillent: les entrailles ne sont bruslees: toutesfois les ieunes y sont suffoquez: ceux d'aage complete y languissent par cacochymie & amas de mauuaises humeurs: la couleur est terne, & plusieurs maladies y sōt engēdrees. On diēt q̄ par tristesse, ou par crainte Melibea fille d'amphiō, & de Niobe, qui seule avec sa sœur entre tāt de freres & sœurs reschappa, fut ppetuellemēt paste: depuis elle fut appellee chloris.

Ire iecte la chaleur dehors subitement: toutesfois elle est au parauant tant frequēte qu'elle excite la fieure aux temperamens qui sont les plus chauds & les plus secs. Certes tout le corps est eschauffé par ire: pourtant elle est vtile à ceux qui sont fort pituiteux, ou qui languissent, & sont maigres par tristesse, ou par crainte.

La ioye vehēmente porte le pur sang dehors, en sorte qu'aux forces valides coustumieremēt elle guarit les ma

*L'effect de
crainte.*

*L'effect de
tristesse.*

*Melibea fille
de Niobe.*

L'effect d'ire.

*L'effect de
ioye.*

ladies, aux forces imbecilles elle tue, & la ioye est la medecine & remede d'ire, & encor' plus de la crainte.

L'effect d'esperance.

Esperance est contraire à tristesse, & petit à petit si elle est sans crainte, elle espend par tout le corps la chaleur naturelle. Pourtant entre toutes affections de l'ame, la seule esperance est vtile à tous: elle faiët bonne concoction, elle attire le dormir: pource elle rend le corps bien coloré, & bien gras: toutesfois l'esperance immoderée est presque semblable à la ioye, & n'admet le dormir. Car toute vehemente motion de sang oste & rompt le dormir, veu que le dormir est le repos des esprits & du sang.

L'effect de honte.

Honte est composée d'esperance & de crainte, pource le sang fiote en icelle par deux mouuemens. La honte est familiere aux enfans, & aux vierges, elle colore la face d'une rougeur plaisante & agreable, & quād elle est vexe, comme en crainte, elle n'apporte detrimment, ains plustost vne haine.

L'effect de haine.

Et la haine est mesmement composée d'esperance & de tristesse, non de crainte.

L'effect d'enuie.

Enuie est vne haine subtile. Dont il appert qu'elles affections du corps prouiennent de haine & enuie.

L'effect d'aimour.

Orveu qu'amour est contraire à la haine, la ioye sera suspecte, car suspicion est contraire à l'esperance, ie dy certes à la ferme & constante esperance: comme crainte est contraire à l'inconstante.

L'effect de suspicion.

Et suspicion est vne petite crainte, comme audace est vne tres grande esperance.

L'effect d'audace.

Audace differe de ioye, quoy que tous deux ayēt ferme & constante esperance, mais la fin est mediocre en audace, & est delectable en ioye. Il faut dōc diligēment faire mētiō cy apres de ces choses, à fin que ce qui doit estre apparent, soit entēdu. Ces affections muent & alterent le corps en telle sorte, que si elles sont ioinctes à l'humeur melancolique, elles induisent & engendrent ectāse, stupeur & stolidité, & si tu brusles ou coupes d'un rasoir ceux qui en sont affliges, tu cognoistras que ne sentent rien: aucuns se couchent de leur bon gré, & sont comme morts: aucuns diuinent: & les imperites estiment cecy estre grand miracle, veu toutesfois que

Hippocrates dict, si la langue est subitemēt faicte incōtinēte, ou si quelque partie du corps lāquit par stupeur, telle chose prouient de l'humeur melācolique. Galenus n'a bien entendu le sens d'Hippocrates, & pource il s'esmerueille du dict de son maistre antique, qui est Hippocrates. Doncques les affections de l'ame muent le corps, & les sons sont affections de l'ame: il est donc necessaire que les sons muēt les cops. Les plus grandes de toutes affections sont, la crainte & la force: or les sons peuēt les muer: l'indice en font les trompettes, qui est l'inuention des Laconiens, les tabours des Barbares, les cornets & clameurs des Romains. Car les Romains au commencement de la bataille faisoient vn tel bruit, & clameur, que Iosephus fut cōtraint d'estouper les oreilles de ses gens-d'armes, de peur qu'ils n'eussent tumeur de tel bruit. Souuent il est aduenü que les oyseaux passans sont tombez à terre par telle clameur. Il appert dōc que les sons peuuent beaucoup à la force, passons donc aux autres affections de l'ame. De present au lieu des clameurs les artilleries abbayent d'vn bruit non vain, mais mortifere. Or combien les corps sont alterez par les affections de l'ame, ceux le montrent, lesquels ne peuuent voir n'ouïr quand ils pensent & contemplent attentiuement. Les yeux donc ouuerts, ou les oreilles, il ne leur est licite de voir, ou ouïr: mais il leur est permis de penser plus attentiuement, & pource sentir moins. Et pour ceste cause celuy qui est attentif, & du tout donné à la cogitation, aucunesfois ne sent la douleur. Et est necessaire que le corps souffre aux affections de l'ame: pource que telles affectiōs ne sont faictes sans le corps. L'intellect ne müe point, sinon quand il est necessaire qu'il opere par ratiocination & imagination: ou pource que quand il entend, tout l'homme est delecté: car l'intellect est totalement de soy-mesme separé du corps. Et maintenant tandis, que i'escry & compose cecy, mon intellect est ce que tu entens par escrit, & tandis que ie traite ce qui est de medecine, il est medecine: quand ie cōposois des nombres, tout il estoit nōbre, en sorte que quand ie relis mes escrits & compositions, ie me semble estre autre que ie n'estois de ce temps là, ce

*La clameur
au commē-
ment de la
bataille est
utile.*

qui aduient necessairement aux autres qui ont escrit plusieurs œures. Toutesfois l'homme entend moyenant le temps, & ne s'en apperçoit, comme il ne s'apperçoit tousiours sentir quand l'ame est abstraite. Quand donc l'homme dort, ou qu'il est encor petit enfant, ou yuue, jacoit qu'il semble estre ocieux, il entend, mais l'operation n'est faicte commune à celuy qui l'a: car quand l'homme reuiet à son bon sens sans trauail, de rechef il entend. L'intellect donc est vne forme eternelle, pource que nostre intellect, quand tu lis, & contemples, demeure & les formes, & les especes des choses vniuerselles, sont choses mesmes eternellement. Les ames dōc sont immortelles: & l'ame semble estre quelque flamme, ou non sans flamme, & ne peut estre sans mouuement. La mutation n'est faicte au sens, pource le sens perit, & ce qui est senty, ne demeure semblable. Parquoy nous n'imaginons ny vsions de raison, ou ratiocination en vne mesme maniere. La memoire est presque semblable à l'intellect. Elle est aidee de l'ordre: car les choses qui sont faictes par ordre, s'entretiennēt tant bien, qu'elles semblent n'estre qu'une.

Deux memoires artificielles.

Elles sont deux memoires, des sentences, & des dictions, & l'une ayde à l'autre, & est pource qu'elles sont deux: la memoire artificielle des sentences, & celle qui consiste par imaginations, au temps iadis inuentee & baillee par Cicero & Quintilian, en laquelle aussi les dictions sont comprises: l'autre est de dictiōs, par laquelle les sentences, & les dictions sont apprises, elle consiste par les premieres syllabes des noms, ou des commencements, desquelles les dictions & les carmes sont faits. Celle qui consiste par la conionction des nombres est de mesme gerre, & est merueille, combien l'une & l'autre maniere est vtile aux promptes actions, & ieux: de ce ie reçouy le salaire de mon inuention tant bonne, scauoir est l'opinion de memoire qui m'a moult aidé, jacoit toutesfois que le tout soit deu à ceste inuention, excepté la memoire passiue qui est en vigueur, quant à moy. La memoire actiue, & aussi les deux artificielles sont aydees grandement par imagination. Et la memoire artificieuse n'est presque autre chose que la trās-

La memoire passiue.

lation des sentences & dictions à l'ordre & force de la vertu imaginatiue, qui donne tant de commoditez des dictions & des nombres que tu peux plus facilement reciter cent avec icelle, que dix sans elle. Toutesfois la raison & ratiocination est la principale de toutes les vertuz mortelles, & propre à l'homme entant qu'il est mortel. Mais entant qu'il a intellect, il exerce les arts & science, & quelques inuentions artificieuses, qui n'appartiennent proprement aux arts, pource qu'elles sont sans vtilité, ou d'incertain gerre, & tout art est de certain gerre, & vtile. Il conuient donc parler premiere-ment des arts incertains & inutiles.

Fin du quatorziesme liure.

DES SVBTILITEZ INCERTAINES, ET INVTTILES.

Liure quinzieme.



Es inutiles subtilitez sont telles. *Pourquoy les tableaux fra-
Parquoy si le coup tombe sus vn tableau mis deffouz pez par le mi-
n'est rompu en la sorte qu'en fichât lieu d'un au-
les coins: pource certes que le coup tre ne sont
n'est distribué par tout le tableau rompu.*
supposé: pourtant il est plus petit
en toutes les parties, & vne partie n'est contrainte des-
cendre, l'autre laissée, qui est principalement le com-
mencement de la fracture, outre l'air est temperé par
cest entremilieu: mesmement quand l'air n'a de pouf-
sement, & n'est poussé, il ne peut entrer violement
dedans le second tableau supposé, parquoy il ne peut
le diuiser ne fendre.

Cecy est semblable, pourquoy les vaisseaux de vitre

*Pourquoy les
verres mis au
feu ne rōpent
en mettāt vn
iecton ou ver
ge dessus.
Vn instrumēt
de passētēps.*

mis au feu ne se rompent, vn iecton ou verge mise dessus: pource que la verge de bois ne s'eschauffe, & contraint les parties du vitre s'amasser: or le vitre se rompt, pource que l'humeur aqueux est premierement conuertu en flatuosité.

L'instrument composé de sept anneaux est inutile, & est tel. Vne paillette de fer large d'un doigt, longue d'une paume, mince: & deliée, en laquelle sont sept trous ronds, estroits, & d'espaces esgales, disposez selon la longueur de la paillette ou lamine: ces trous reçoivent sept vergettes menües presque de la hauteur d'une once, mobiles en bas, circumflexes en haut, à fin qu'elles retiennent les anneaux enclos de la grandeur d'un doigt, & les vergettes sont contenues par l'anneau ensuiuant sous le flechissement & curuature. Pour ceste cause tous les anneaux, excepté le premier, sont engardez par le precedent qui ne sautent librement hors la verge anterieure: tout est de fer, & mesmement la nauicelle ou nauicule est de fer, de laquelle j'ay exactement rendu la figure que voyez presente, elle est longue & large, selon la grandeur de la paillette ou lamine supposee.

A Par cest instrument vn ieu est inuenté de subtilité admirable. Le premier & second anneau est mis dedans par l'espace vuide a puis la nauicule est passée par les mesmes anneaux: apres le premier d'iceux est mis bas par l'espace vuide a, Apres lequel troisieme anneau est tiré haut par le milieu vuide de la nauicule, comme les deux premiers, & la nauicule est poussee à ce troisieme: puis quand le premier est leué haut, ja trois entourent la nauicule, tu abaisseras donc les deux premiers, en ostant premier la nauicule, ainsi elle demeurera enclose au seul troisieme: puis il faudra mettre le quatrieme dessus, à fin que toute ceste industrie soit contenue en trois preceptes: le premier, que l'anneau qu'on doit attirer en haut, ou abaisser, en ayt vn seulement deuant soy, auquel la nauicule soit enclose: le second precepte, que quand tu abaisse, que tu abaisse tousiours ensemble les deux premiers, & que tu en attires vn: ou en abaissant vn, que tu attires les deux

deux premiers: le troisieme precepte est, que quelque anneau soit attiré en haut, ou abessé: il est d'oc nécessaire d'attirer en haut tous ceux qui sont deuant, & de rechef les abesser. Pourtant les deux premiers anneaux ne sont empeschez d'aucun autre, de peur qu'ils n'entrécourent l'un sus l'autre: j'appelle le premier anneau qui est libre en 64. tournées. Si la nauicule est menee sans erreur, elle est enclose en tous les anneaux, & contient toutes les verges encloses en 31. autres, à fin qu'elles soient 95. depuis l'absolution iusqu'au passourte du premier ou dernier anneau, & que la nauicule reuiene autant de tournées. Le cercle donc sera tout complet en 190. tournées.

Cecy de foy est inutile: toutesfois on peut le transférer aux serrures artificieuses des coffres. Telle subtilité est au ieu des eschets: mais elle est plus delectable pour cause de la variété & contention: car comme la nauicule est d'inuention tressubtile en son gerre, ainsi entre tous leuz, les eschets sont de grande subtilité. Auresfois j'ay escrit & composé quatre liures des ieuz.

*Le ieu subtil
des eschets.*

La maniere de cognoistre la carte qu'aucun a marquée est en ce gerre. Fay qu'un autre la coçoie en la pensée, puis montre les cartes en singulier: quand il fera signe que c'est celle qu'il entend, secrettemēt tu la merqueras de ton doigt, & incōtinent tu mesleras les cartes, quād tu l'auras rencontrée, tu la montreras. Aucuns la mettent deuant vne autre qu'ils cognoissent, & la meslent avec les autres, & la voye & cognoissent, auant qu'elle soit separee des autres, puis ils la tirent ou laissent tirer au vōuloir de leur compagnon. Aucuns la trouuent par nombre en diuisant souuent les quartes.

*Pour cognoi-
stre la carte.*

Mesmement la subtilité est inutile qui enseigne toute marchandise pouuoir estre departie par le pris de la quatriesme partie, quoy que l'estimatiō de la marchandise soit de dix fois cent mil. Pour exemple, qu'un cheual soit de dix fois cent mil que tu me veux vendre à ce pris: ie veil montrer que la vendition peut estre departie par la quatriesme partie d'une once. Car si j'offre cinq fois cent mil, & tu les refuses, ie ren offriray neuf fois cent mil, & si tu ne les admet, ie ren offre neuf fois cent & cinquāte mil: & si tu les refuses, de rechef j'offre

*La marchā-
dise peut estre
departie par
la quatries-
me partie.*

neuf fois cent & quatre vingt mil : & si tu ne t'y accordes, ie t'offre neuf fois cent septante mil : & si tu ne les reçois, i'offre neuf fois cent septante & cinq mil : si tu ne les reçois, au moins que tu reçois neuf fois cent septante & huit mil : puis ie demande, veux tu recevoir moins de mil puis cinq cens : Finablement tu procederas à cent & cinquante, après à dix : puis aux pieces environ de trois sols, aux deniers, aux quadrans ou mailles, mesmement aux oboles, iusqu'à ce que le nombre vicne que la venditiō soit departie & faicte, pour vne obole. Tu montreras cecy plus facilement si tu interrogues par l'augmentation de chacune obole : car il sera contrainct de tomber à l'vn ou à l'autre de deux choses absurdes, ou qu'il vende par l'additiō de l'obole, ce que premier il ne vouloit auant ceste addition, ou qu'il ne veule vendre pour aucun prix. Et ceste subtile inuentiō n'est en rien vtile, neantmoins pour la subtilité excellente, sinon pour inuoluer & trauailler le respondant par question de sofiste. Or en tout aliment est excrement & n'est excrement sans aliment.

*La ridicule
subtilité de
Raymundus
Lullius.*

*La subtile
diligence de
Plause.*

Le troisieme gerre de subtilité inutile est trouué aux liures de Raymundus Lullius. C'est chose pour rire de vouloir montrer tout gerre de doctrine, & n'en sçauoir aucune. La diligence de Plause est moins à blâmer, d'autant qu'il a moins trauaillé d'escrire les noms de ses comedies par lettres, qui font le commencement de chacun vers de l'argument. Mais Raymundus a promis de montrer toute doctrine, comme i'ay dict, par combinations, & lors qu'il n'y auoit d'artifice aux lieux communs, quand aucuns pensoient qu'il y en eust, non seulement ceux qui l'admiroient, ains qui l'estolloient, & l'exposioient, il trouua son artifice. Et ceux qui se monstrent expositeurs, ne s'efforcent d'expliquer la difficulté qui n'est point, ains de l'introduire. C'est d'vn mesme argument, c'est à dire, d'vn labeur perdu, de cōposer liures, auxquels tout est ruiné, si on peut mōstrer le fondement de tout l'argument. Comme celuy faict qui cherche & s'efforce de mōstrer l'origine & principes des choses naturelles par les oracles & respōses de la Sibyle, & par les ambigues & fabuleuses autoritez des poë-

tes. Ils semblent qu'ils veulent monstrier tout le meuble des mortels, c'est à dire perdre temps.

Pourtant ceste maniere d'escrite & composer est condamnée, reprouvée, & reiettee de Galien aux liures des Sentences & arrests d'Hippocrates & Plato. Qu'est il plus absurd, ie ne vueil dire plus fort, qu'aux choses serieuses, & qui auroient besoing de ferme demonstratiō que de requerir le tesmoignage des oracles & poētes, desquels l'esprit ne pensoit à rié moins qu'à composer? Seulement ils cerchoient que la mesure du carme fut complete, & que le carme sonnast bien. En ce genre sont mis les theologiens disputans contre les philosophes par raisons naturelles, aussi contre les inuenteurs d'heresies, contre ceux qui parlēt de faire les seaux sous certaines constitutions des ciels, & qui parlent de la magie naturelle prise du conte des nombres, comme ce mal-heureux Agrippa: car les nombres, comme dict bien Aristoteles, ne peuvēt estre les principes des actiōs & mutations. Car les choses qui sont escrites doiuent auoir ces trois choses, vtilité presente, certaine fin, fondement inexpugnable, & qui ne puisse ruiner. Pourtāt la subtilité de rhabanus doit estre estimee entre les inutiles, qui est de grand labeur & trop curieuse. Premièrement il obserue la loy du carme & des mesure, puis il explique l'image des figures par la situation des lettres encloses dedans vne figure: de rechef il comprend le sens & l'histoire de la figure, & par ces choses il compose mesmement des carmes. Et par toute l'ordre des carmes il explique derechef le sens de la figure contenuē entre les carmes: ainsi par cest artifice il depeint les croix, & les arbres, oyseaux, & autres plusieurs choses, & de ce soit ce seul exemple.

*Ce qui est
escrit doit
auoir trois
choses.*

Y ij

<i>Arbor odore potens</i>	f r o	ndoso vertice nata
<i>Qua summa vere sacr</i>	o u f	uit ordineertas
<i>Hortus ditatus ei pa</i>	r c u	nullus in orbe est
<i>Floribus & foliis</i>	m i l	eno germine diuis
<i>Omnes excedens alt</i>	a s g	ranitudine syluas
<i>Cum totampi</i>	na g n u s u e s i t h	ouosque decusque
<i>Ambit vertus</i>	onor l a e t u s loq	ustur ea voto
<i>Stans homo la</i>	mor h o c n a t i o n i	denegat atra
<i>Lemonis horrendus</i>	r e m	sciri laude mouere
<i>Arbor sola tenens</i>	a r i	os virtute colores
<i>Purpureo regis sub</i>	t a c	tu roscida fulgens
<i>A Eterno es radio st</i>	a n t	in te nam pie vincta
<i>A Edes turri a ex ho</i>	c d u	dum es nomine beata.

Si tu prens garde à la figure, tu trouueras ce carme en descendant.

Forma sacrata crucis venerando fulget amictu.

Et de rechef de la dextre vers la fenestre, on trouue cest autre carme en l'enclos de la figure.

Magnus vestit honor: letus loquor hoc nationi.

Si ces carmes auoient quelque vtilité, i'estimerois Rhabanus estre homme digne de grãde louange: mais on peut autãt se moquer du labour, qu'emercuiller l'ingenieuse inuention. L'exemple peut plaire: la multitude des carmes certes engendre ennuy. Et cecy est presque cõmun à ceux qui n'apportet aucune vtilité aux hõmes.

Les liures de Proclus n'appartiennent à la geometrie. Comme tout ce qui est monstré aux Elements d'Euclides peut estre monstré sans aucune mutation du cercle proposé.

Les quatre liures de Proclus geometrien sus les Elements d'Euclides sont de semblable argument, toutesfois vn peu plus vtiles: car ils n'enseignent rien de nouueau, & pource ils n'appartient à la geometrie. Toutesfois pource que la subtilité est diuerse, & n'est d'vn mesme gerre, comme en Rhabanus & Lullius, les liures de Proclus ne doiuent estre reietez ne mesprifez, comme inutiles du tout. Car entendu qu'ils sont illec plusieurs exemples d'vtilité, ce peut estre quelque art de geometrie.

Par semblable argument, qu'à esté celuy de Proclus plustost par ostentation de ieunesse que par vtilité manifeste. Loys Ferrarius & moy auons trouué en peu de iours commet toutes choses demonstrees par Euclides

nous peuvent estre parfaitement monstrees, en variant la latitude du compas, souz toute latitude d'iceluy proposee inuariable par le contredisant, sinō la seule circōscription des cercles. Et combien que quand i'escriuois cecy, Loys Ferrarius eut fait imprimer toute ceste demonstration, toutes fois pource que l'œuure a esté composé par maniere de dispute, ie pèse qu'il ne durera lōg temps, veu qu'il n'a rien d'autre chose excellente, & si quelques choses y sont d'excellēce, elles sont proposees à part, & ne sont d'vn mesme gerre, la matiere ainsi le requerant, dont il aduient que i'ay estimé estre bon & necessaire d'adiouster icy tel œuure, de peur que ce tāt rare exemple de subtilité ne perist quelquefois. Mais comment l'adiousteray-ie? par breues demonstrations, de peur que ceux qui ne se delectent de geometrie, ne se fachent d'ennuy. Premierement donc il faut demonstret la quarte proposition du premier liure des Elemēs comme elle est monstree d'Euclides, entendu qu'elle ne requiert l'ayde de quelque autre proposition precedente: apres la quarte, il faut demonstret la quinte proposition: car quant à ce qui appartient à la demonstration, la quarte seule est requise, que i'appelle la premiere proposition en nostre œuure susdit, cōme i'appelle la quinte seconde: & à fin que l'amplitude à nous proposee suffise à pourtraire les lignes du cercle, veu qu'il est licite de pourtraire les lignes droitement tant qu'on peut: puis la troisiēme proportion nous sera celle qui est écrite la huitiēme au premier liure des Elemens d'Euclides. Qu'vn triangle soit mis à l'opposite sus la base, & vne ligne droite soit tiree & pourtraite d'vn sommet en autre: car il appert, cōme il est monstret de Proclus au troisiēme liure par la seconde proposition & par la cōmune sentence de l'esprit, que les triangles ont angles supremes, & que les costez qui les cōtiennent sont esgaux, ils serōt donc esgaux selon la premiere demonstratiō, & est licite de transférer les triāgles, veu qu'Euclides l'admet en sa quatriēme proposition. La quarte proposition nous sera la neuviēme d'Euclides au premier liure, car icy i'enten tousiours du premier liure tant que ie face mentiō du second. Dōc les lignes qui cōtiennent l'angle

<i>Du 1.</i>	<i>les</i>
<i>d'Eu-</i>	<i>no-</i>
<i>clide</i>	<i>stres.</i>
4	1
5	2
3	3

faites & pourtraites esgales selō la latitude proposee du cōpas, ie descriroy deux cercles selō la latitude donnee aux centres faits par les termes & fins des lignes, se diuisans en l'angle propose, & qui est de l'opposite, à laquelle section incontinent la chose proposee est patente par les centres des cercles pourtraictz par lignes, & par la section vers l'autre section, selon la troisieme de ces propositions, & selon la definition du cercle. Et si quelqu'un est tant opiniastre qu'il n'admette les cercles s'entrediuiser autre part qu'en l'angle: la ligne droite pourtraite, & tiree entre les fins qui contiennent l'angle nous repeterons de costé & d'autre les cercles tant de fois, & iusqu'à ce qu'ils s'entrediuisent, ou qu'ils s'entretouchent.

Par la seconde & premiere de ces propositions nous cognoistrons que les cercles sont diuisez en deux manieres, & finalement par la troisieme nous cognoistrōs l'angle propose, en tirant la ligne droite de l'angle à la section opposite des cercles. Nous mettrons la cinquiesme proposition la dixiesme d'Euclides, par la maniere de la precedente par la force, & figure demonstree. La sixiesme sera l'onzieme d'Euclides, & par le point donnee & là, nous entendrons quelle est la latitude du cercle: & une & l'autre diuisee par la cinquiesme, les parties seront ioinctes au point la moitié de la largeur du compas, & les deux ioinctes sont la largeur: pourtāt les extremittez de la ligne posees pour les centres, là ou les cercles s'entrediuiseront, la ligne produicte iusqu'au point donnee sera perpendiculaire, selon la troisieme de ses propositions: puis nous ferons que la trezieme, quatorzieme, & quinzieme d'Euclides soient la septiesme, huitiesme, & neuuesme des nostres, veu qu'elles n'ont icy besoing d'autres, si elles ne sont monstrees. La dixiesme proposition sera telle, deux lignes proposees inegales, s'entretouchans, il faut couper de la plus grande tant que le reste soit esgal à la plus petite, & ceste partie est de la troisieme proposition d'Euclides, & aussi celle d'Euclides mōstre des lignes qui ne sont ioinctes, & ne s'entretouchent. Dōcques pour demonstree ceste proposition, que l'angle soit

D'Euclid's

les
no-
stres

10

21.

13

14

15

La part de la
troisieme est
le 10.

7.

8.

9.

diuifé, que contiennent les lignes inegales par ligne indefinie: apres quád le centre est faict, ie defcriray l'angle par l'extremité de la ligne plus petite, lequel diuifera la ligne moyennante: & là où il diuifé derechef ie defcri-ray par le cêtre faict, le cercle qui tombe fus la fin de la plus petite ligne, & diuifera la plus gráde à l'efgalité de la plus petite ligne. Car les triangles tráfpozez, defquels les extremitez font au poinct de la conionction des lignes propofees, & les fms font les fections des cercles avec les lignes, en forte que la moyenne baffe diuifante foit commune à l'vne & l'autre, felon la maniere dōnee d'Euclides en fa quatriefme propofition du premier liure des Elemeñs, fi les lignes donnees ne font egales, la partie fera egale au tout, ce qui ne peut eſtre. Et fi tu dis que le cercle ayant du terme & fin de la plus petite ne paruiét iufqu'à la moyenne ligne, toutesfois, que les angles font diuiféz en deux par la quarte propofition, iufqu'à ce qu'ils s'entretouchent, en repetát, la demonstration propofee fera veüe, comme parauant. L'onzieme propofition de defcrire vn triangle de deux coftez efgaux fus la ligne dōnee: nous diuiferōs en deux la ligne: nous eſſeuerōs la ligne perpédiculaire depuis le poinct de la fection par la fixiefme propofition: & le triangle complet, la choſe propofee eſt patente par la premiere propofition. De ceſte onzieme & de la precedente, ie demōſtreray ſans cercles en la maniere d'Euclides la ſeconde propofition qui fera noſtre douzieme. Et en la maniere d'Eucli. la troiſiefme propofition d'icelle fera mōſtree generalemēt qui fera la 13. de ces propofitions. La 16. d'Eucli. & les 5. enſuyuantes ſeront demōſtrees comme elles ſont miſes d'Eucl. & aurōt le lieu en noſtre endroit de la quatorzieme, & des cinq enſuyuātes, veu qu'elles n'ont beſoin d'aucunes, ſinon de celles qui ſont ia demōſtrees. Par ſemblable moyen la vingtfixiefme, & les quatre enſuyuantes obtiendront le lieu de noſtre vingtieme, & des quatre prochainement enſuyuantes. Noſtre vingt-cinquieme ſera le vingt-troiſieme d'Euclides, qui ſera ainſi demōſtree. Tu feras les lignes qui contiennent l'angle efgales enſemble à la latitude donnee du cōpas: puis la plus petite ligne droicte ſera ſouz


Ceſte partie de la premiere eſt 11.

estendue aux deux costez du triangle qui contiennent l'angle donné. Doncques à ceste base par la treziesme proposition de ce poinct donné, nous couperons en la ligne celle qui est esgale: puis derechef les fins & termes faicts de part & d'autre, nous descrirons les cercles par les centres de la ligne ia coupée & diuisee, qui s'entre couperont, ou diuileront selon la dixhuietieme proposition, comme i'ay dit: les lignes donc produictes de la commune section des cercles aux extremitez de la ligne subiacete, il sera manifeste selon la troisieme proposition, que l'angle au poinct donné sera coegal à la chose proposee. Apres nous monstrerons facilement la sixiesme proposition estre au lieu de la vingxieme selon la treziesme demonstration, qui peut mener le contreditant à chose impossible: mais il me plaist le montrer par vraye demonstration: ie feray donc vn autre triangle du precedent, qui aura la base esgale à la base de l'autre, & feray les angles qui sont sus la base esgale aux angles qui sont sus la base du triangle proposee: puis en mettant base sus base selon la premiere de ces propositions coneede d'Euclides selon la sixiesme proposition, le triangle sera faict deux fois par les communes sentences de l'esprit, en mettant par tournees base sus base, afin que les costez soient demonstrez esgaux. Et cecy faict, la vingseptiesme proposition est ainsi demonstree par la precedente, comme la septiesme est demonstree d'Euclides selon la sixiesme. Puis la premiere du premier liure des Elements d'Euclides est faicte, quand le triangle equilateral est faicte iouxté la latitude du cōpas par mesme moyen que faict Euclides. & aux fins de la ligne coneede par les deux angles esgaux sont les triangles selon la vingtcinquesime de ces propositions: parquoy selon la trente-vniesme proposition, le troisieme angle sera au troisieme: & les angles du premier triangle selon la seconde de ces propositions sont esgaux: pourtant les angles du second triangle seront esgaux: doncques selon la vingxieme le second triangle sera constitué equilateral sus la ligne donnee. La trentetroisieme proportion sera la douzieme du premier des Elemets, du poinct donné par la trentiesme de

La demonstration de la sixiesme proposition du premier liure des Elements d'Euclides, par la conclusion de l'argument induit à chose necessaire.

ces propositions ie produy la ligne equidistante à la ligne donnée, puis ie produy du mesme poinct la ligne perpendiculaire par la sixiesme sus deducte, iusqu'à ce qu'elle rencontre la ligne donnée, à laquelle quand la perpendiculaire se rencontrera, elle insistera selon la vingt troisieme proposition, entèdu que le premier angle est droit. Apres cecy, veu que rien autre chose n'est supposé, sinon les choses demonstrees, il sera permis de proceder iusqu'à la dernière proposition du premier liure, en laissant la seule vingt-deuxiesme proposition.

Par mesme raison il faut expliquer & proceder au second liure d'Euclides, en exceptant seulement la dernière proposition: mesmement ainsi faut expedier les seize premieres propositions du troisieme liure, & la premiere partie de la trétieme, & vne proposition, que nous dirons la trentequatrieme de cest œuvre: car en tirant vne ligne du centre, par la seconde de ces propositions, il appert que l'angle supresme est esgal aux deux qui sont sus la base, & qui mesmement sont pris: & entendu que ces trois sont esgaux à deux droicts, selon la trente vniesme proposition, il faudra necessairement confesser que l'angle supresme qui est en la moitié du cercle, est droict: d'auantage, par le mesme moyen que les propositions sont illec monstrees, les autres parties de ceste proposition peuent estre patentés.



Mesmement tout le cinquieme liure d'Euclides, entendu qu'il ne despènd des autres, sera démontré librement par le mesme moyen qu'il est môstré d'Euclides. Outre les douze premieres propositions du sixiesme liure des Elements seront monstrees librement, veu que elles ont besoin seulement de celles qui ia sont demonstrees. Maintenant il faut demonstrier la trezieme du sixiesme liure pour la trentecinquieme: dôcques les lignes ioinctes au poinct selon la rectitude par la trezieme proposition, lesquelles soient AC, & CB, ie les produiray par la sixiesme AE, laquelle par la trezieme ie feray double à la latitude du cōpas,

Le reste du premier liure exceptee la vingt-deuxiesme proposition. Tout le second liure fors la dernière proposition. Tout le cinquieme liure d'Euclides. Les premieres douze propositions du sixiesme liure d'Euclides.

& B F tiree ie la produiray par la 30. C E equidistate de B F, & ie feray C G egale à E F, & C K egale à E A, par la treziesme. Veu dōc que c'est la proposition selon la quatriesme proposition du sixiesme des Elements, comme A E à A B, cōme A E à A C, elle sera selon la dixneufiesme du cinquesme liure des Elements, cōme A E à A C, comme E F à C B, parquoy K C sera à A C, comme C G à C B, par la septiesme proposition du cinquesme des Elements: pourtant selon la quatorziesme du mesme liure, si K C est plus grande que A C, ou egale, ou moindre, ainsi C G sera plus grāde, ou egale, ou moindre que C B. Veu donc que K G est egale à A F, diuisee par le milieu en H, par la cinquesme proposition, vn demicerle sera escrit selon la magnitude proposee, pource que A F estoit double à telle latitude, par la sixiesme proposition: i' erige donc la ligne C M perpendiculaire, & G L tiree de la section du cercle, & de la ligne perpendiculaire, ie produiray B M equidistante à l'autre, par la trentesixiesme proposition: il est donc manifeste que C M est proportionale entre A C & C B: car comme il a esté demōstré, comme K C est à C A, ainsi G C est à C B: parquoy comme K C est à C G, ainsi A C est à C B: selon la quatriesme du sixiesme liure, comme C G est à C B, ainsi L G est à C M: & L C selon la huitiesme du sixiesme des Elements d'Euclides, & selon la trentequatriesme de ces propositions, est la moyenne proportion de K C & C G, donc C M est en la moyenne proportion de A C & C B. De ceste trentequatriesme est la derniere du deuxiesme liure des Elements, qui est la trentesixiesme de ces propositions. Par mesme moyen nous parlerons par les demonstrations d'Euclides, toutes les propositions du sixiesme liure des Elements, fors seulement la derniere. Puis nous prendrons la dixseptiesme du troisieme des Elements. Telle sera la trentesepiesme: la ligne droicte tiree du point hors le cercle par le centre, ie prendray la moyenne par la trentecinquesme proposition, entre la totale qui est adiacente du point iusqu'à la circonference interieure, & aussi celle qui est adiacente à elle exterieurement: puis ie conclu & finy le triangle sus le terme & fin de la ligne inuentee, la

*Le reste du
sixiesme, ex-
cepté la der-
niere.*


perpendiculaire estant erigee selon la quantité du demy diametre du cercle, auquel la ligne contingente doit estre produicte du poinct proposé: doncques à cest angle cōtenu par la ligne tiree du dernier, & par la perpendiculaire, ou par l'angle opposite à la proportionale ligne, selon la vingcinquiesme, ie fay vn angle ou contreegal vers le poinct proposé, d'où la ligne droicte tiree à l'extremité de la ligne qui fait l'angle là où elle touche le cercle, sera contingente. Les autres routes du troisieme liure, sinon la vingtquatriesme & la trentetroisieme sont demonstrees de celles qui ia l'ont esté. En la vingtquatriesme ie demonstreray le lieu du cētre, comme Euclides: de parfaire le cercle, il n'est possible, veu que cecy repugne aux promesses: toutesfois nous vserons de ceste vingtquatriesme, pource qu'il n'est besoin pour circonscrire les cercles, sinon de l'invention du centre, comme nous demonstons. Mesmemēt en la trentetroisieme du troisieme liure nous parlerons autant d'angles que nous voudrons, sus la ligne dōnee, lesquels seroient en la circonference du cercle, s'il estoit descrit sus la ligne. Nous parlerons cecy par l'aide de la trentequatriesme du 3. liure, qui est monstree au cercle proposé sans la trentetroisieme, puis par la vingtcinquiesme sus la ligne constituee: dōcques ces propositions nous seront au lieu de la trêtehuiiesme & trêteneufiesme, ainsi que la dernière du sixiesme liure des Elements est pour la quarantiesme. Apres nous demonstrerons la premiere proposition du quatriesme des Elements, qui nous fera la quarante & vne: par la douziesme du sixiesme liure constituee, afin qu'elle soit de la latitude du compas proposé à la ligne A, comme du demy diametre du cercle, auquel il faut iuscrire la ligne à la ligne qui doit estre inscrite, puis la ligne A colloquee au cercle qui n'est permis, ie parleray le triângle de deux costez egaux, & par l'angle au cētre du cercle permis, que la ligne esté, ie fay la ligne A egale au cētre du cercle proposée selon la 20. & cinquiesme. Il sera donc manifeste par la trente & vne de ces propositions que les triangles sont semblables, la ligne tiree souz les demis diametres: parquoy la ligne du demy diametre cōcedé, est

*Le reste de
troisieme li-
ure exceptee
la 24. & la
33. propositiō.*

*D'Eu- les
clide no-
sires
L'vlti. du 6.
est nostre 40.
l. du 4. 41.*

à la ligne A , comme celle du demy diametre proposé est à la ligne souzdicte, selon la quattiesme proposition du sixiesme des Elemens : & telle estoit la ligne du demy diametre du cercle proposé à la ligne proposée, la souzdicte donc est egale à la proposée.

Du premier
24 42.




Après cecy il faut demonstrier la vingt-deuxiesme du premier liure des Elemens. Et que trois lignes soient proposees, ABC , souz la condition de la vingtdeuxiesme dicte du premier des Elemens : & ie pren le demy diametre concedé duquel le diametre est DH , & le milieu d'iceluy est DE , & que A soit plus grãde que B , & B plus grande que C , & que selon la douziesme

du sixiesme des Elemens ja demõstree, soit faicte DE à EF , cõme A à B : & EF à FG , cõme B à C , & pource que B & C sont supposees estre plus longues que A , toute la ligne BG sera plus longue que ED : pource que le point G tombera hors le cercle : qu'il soit faict de la mesme douziesme du sixiesme des Elemens, que comme GF est à FH , ainsi DF soit à K , auquel K soit adioustee L egale à GF : donc comme DF est à K , ainsi L est à FH . Et pource que HF est la minime des quatre quantitez d'une proportion, DF sera plus grande, & toute la ligne DH sera plus grande que KL selon le vingtcinquiesme du cinquiesme liure : nous mettons donc par la quarante & vne precedete KL au cercle, comment que ce soit afin que MO soit, & par la treziesme ie feray MN egale à L , & NO sera egale à K : & ie tireray du cẽtre la ligne ENP en produisant de l'opposite en Q , & derechef ie tireray du mesme centre la ligne FM . Par la sixiesme du sixiesme des Elemens la production KL est autant que MN en NO , & est egale à la production DF en FH , pource que K & L ont esté par proportions mediantes entre DF & FH , & par

laltrentecinquiesme du troisieme des Elemens, la production PN en NQ est egale à la production MN en NO: donques de PN en NQ est autat de production que de DE en FH: pourtant PQ est egale à DH, NP sera egale à FH, & EN egale à EF: & EM est egale à ED, & FG est egale à L, & L est egale à MN, FG donc est egale à MN: pourtant le triangle EMN est composé de trois lignes egales DE, EF, FG, il est donc de la proportion ABC: donques que les angles egaux M & E soient faités sus A par la vingtcinquiesme proposition, & le triangle sera, semblable à EMN: donques selon la quatriesme du sixiesme des Elemens, la proportion A aux autres costez, comme EM à EN & MN, & estoit semblable, comme A à B & C, donc selon l'onzieme du cinquiesme des Elemens, & selon la neufiesme, les costez du triangle seront egaux à B & C, qui est nostre propos.

Ceste quaratedeuxiesme proposition demonstree, nous demonstrerons la quarate & troisieme, qui sera la dixiesme du quatriesme liure des Elemens. Soit donc la ligne AB que ie diuise, comme le môstre l'onzieme proposition du second des Elemens en C, & par la precedente proposition ie fay vn triagle sus AB, duquel vn costé soit egal à AB, & que AD soit egal à AC & à BD: pource que AC est par proportion mediante, selon la dixseptiesme du sixiesme des Elemens entre AB & BC, elle sera egale à BD, & proportionnalle entre AB & BC: d'oc la ligne DC produite, le triangle sera BAD, & BDC par l'angle cõmun B, & par les costez qui cõtinent les costez proportionnans selon la sixiesme proposition du sixiesme liure des Elemens: parquoy BD est egale à CD, & CD egale à CA, & selon la seconde de ces propositions, les angles CDA & A sont egaux, & selon la trête & vniesme proposition DCB est egal à l'un & à l'autre: il est donc double à A. Mais par la seconde de ces pro-



D'Eu- les
clide no-
stres
10 43

positions DCB est egal à B : & par la mesme proposition, B est egal à ADB : donques tant ADB , que B est double à A , qui est nostre propos.

*Le reste du
4. li. des Ele-
mens d'Eu-
clides.*

De ces choses susdictes, il appert que toutes les propositions du quatriesme liure des Elemens d'Euclides sont demonstrees, sinon qu'il ne sera licite de circundire ou inscrire le cercle, ains seulement de trouuer le centre: & toute la doctrine d'Euclides iusqu'à la fin du sixiesme ou neufiesme liure est ja paracheuee. Et afin que nous paruenions à la fin des autres liures, nous demonstresons la quarante & quatriesme, qui est d'eriger la ligne perpendiculaire de tout point au diametre propose, laquelle puisse paruenir au toucher de la circonférence du cercle. Car la trentecinquesme nous trouuons la ligne mediate par proportion, & par la sixiesme proposition nous produirons la ligne perpendiculaire à la ligne proposee du point donné, & paruiendra au lieu de la circonférence du cercle, duquel la ligne proposee est le diametre par la demonstration de la treziesme proposition du sixiesme liure des Elemens, dont use Euclides. Et quand nous paruenons à la quarantecinquesme, qui est telle, c'est de constituer sus la ligne donnee vn triagle qui ait l'angle supresme droict, & qui regarde la ligne donnee, duquel nous voudrions monstret vn costé de la ligne assignee, qui soit moindre que la premiere, nous descrirons vn cercle qui nous est ja cōcedé, & par la ligne produite par le diametre, nous luy souioudrons vne ligne selon la douziesme proposition du sixiesme liure, à laquelle ligne le diametre se recoiue, comme la premiere ligne se recoit à ce costé. Ceste ligne donques sera moindre que le diametre du cercle concedé: parquoy selon la quarante & vniesme proposition nous mettrons ceste ligne dedans le cercle, & passerons le triagle. Nous ferons donques en l'extremité vn angle sus la premiere ligne, egal à l'angle contenu par le diametre, & quatriesme ligne, selon la vingtquinquesme proposition: & nous ferons selon la treziesme ceste ligne produicte egale à la seconde assignee: parquoy selon la sixiesme proposition du sixiesme liure des Elemens, le triagle complet, le rectangle sera

faict semblable au premier. Laquelle chose inuentee, nous paruiendrons facilement à la fin de toutes les choses qui sont escrites d'Euclides, & adioustees par Hypsiclides Alexandrin. Mais ces matieres precedentes, & autres semblables, sont, comme i'ay dict, inuentees à l'ostentation de l'esprit & entendement, non pour aucune vtilité.

Fin du quinzieme liure.

DES SCIENCES, LIVRE SEZIESME.



DR les soixante proprietiez des figures ne sont sans vtilité, lesquelles i'ay proposé maintenant de mettre icy dessous. Car le cercle est fait par le mouuement de la chose non flexile, par autre fin de la chose fixe: ainsi que les choses droictes sont faittes par le mouuement de la plaine ou superficie qui consiste en mesme lieu, comme le mouuement de la rouë est sus la chose fixe: Ainsi sont faittes les regles. Aussi les choses droictes sont faittes par extension. Il est donc manifeste par cecy que la chose droicte est par art premiere que la naturelle circulaire, & le cercle est le premier par la nature: & est mesmement manifeste que ces choses sont extremitez, pource contraires, la circonférence est cõtraire à la rectitude, voire tant plus sera de petit circuit. Donques toutes les autres lignes sont mediantes entre la droicte & la circulaire, & presque composee d'icelles. La maniere donc du cercle & des figures droictes est certaine, celle des autres est inconstate & incertaine, sinon que l'vne despend de la generation de l'autre, comme la superficie de la figure en pointe despend de la droite, & les paraboles despendent de la superficie de la figure en pointe, dicte conus, ou pyramide. Et nulle figure est dicte estre engendree de

Douze proprietiez du cercle.

La creation de la chose droicte & de la circulaire.

plaines & superficies, finō la circulaire: beaucoup moins vn des corps de droicte ligne. Et les corps de droicte ligne sont faicts, non engendrez. Ce qui est rond est le plus simple & entier, comme le cercle entre les corps spheriques & ronds, & entre les superficies. Et le cercle a douze proprietéz. En ce premier donc les lignes qui s'entrecouperent & diuisent, constituent leurs parties souz mesme proportion. Et l'angle contenu par la section d'icelles est egal aux angles constituez, & mesmement receuz en la circonference & lisiere sus les deux arcs. Le quadrilateral qui est inscrit à cest angle, a tousiours deux angles colloquez à l'oposite, egaux à deux droitz: & les deux rectangles d'iceluy, qui sont composez des costez opposites, pareillement receuz au rectangle des diametres du quadrilateral, sont egaux. Et les deux costez opposites du quadrilateral qui est circonscript au cercle, sont egaux aux autres, opposites l'vn à l'autre. Et est la plus capable des figures selon l'esgard du tout & circuit. Et toutes les figures contenues en ce cercle sont les plus capables des figures qui peuuent estre contenues souz mesmes costez. Aussi les figures equilaterales au cercle, sont mesmement d'angles egaux. Le cercle a vn poinct au milieu, depuis lequel toutes les lignes tirees iusqu'à la circonference de lisiere, sont egales. Si le point est fiché hors le cercle, toutes lignes qui seront tirees à l'aduerse partie de la circonference, produictes en la part exterieure, seront vn rectangle egal au quarré de la ligne contingente du mesme poinct. Et si le diametre est produict hors tant qu'on veut, & vne autre ligne est diuisee par le diametre au centre vers les angles droicts, par la fin d'icelle la quarte proportion de la circonference diuisee en parties egales, tant qu'on voudra, par la derniere d'icelles, que la ligne droicte soit tiree à celle qui est adiacente exterieurement au droict du diametre, celle qui est adiacente au diametre sera egale à toutes les droites par les poincts des diuisions de la circonference tirez, & produictes par les perpendiculaire au diametre subiacent, iusqu'à l'aduerse partie de la circonference, lesquelles lignes toutes sont manifestemēt equidistates au diametre qui est produict exterieurement. Et


si d'vno

ff d'une mesme extremité du diametre toutes les lignes sont tirees ou dedans ou dehors, dehors, à la ligne adiacente, dedans, à l'autre partie de la circonferéce, les rectâgles aux exterieures par toute la ligne tirée à la partie enclose par la lisiere du cercle, & aux interieures par toute la ligne tirée en la partie enclose par l'autre diametre estant vers les angles droicts, seront tousiours esgaux par le cercle quarré escript dedans la circonferéce. Ces trois proprietéz sont cōmunes au cercle, à l'hyperbole, & à la deflection. La ligne perpendiculaire tirée de la contingente sus le diametre adiacent au droict du point dont la contingéte est produicte, diuise les parties du diametre souz vne mesme proportion, souz laquelle toute la ligne venant du point, dont la ligne cōtingente est tirée au centre du cercle iusqu'à l'autre partie de la circonferéce, s'estend iusqu'à la partie exterieure. Aussi le demy diametre est par la proportion mediante entre la ligne, qui est produicte du cētre aux point exterieur, & entre celle qui est tirée du centre au lieu ou la perpendiculaire tombe du lieu de la contingente sus le mesme diametre. Et quand les deux contingentes sont produictes des termes & fins du diametre & tirees des points par le mesme point de la circonferéce mutuellement à l'autre contingéte, le rectangle cōrenu souz les parties des contingentes terminees par ces dernieres lignes, sera egal au quarré du diametre. Quand le demy cercle fiché au diametre est circonduit iusqu'à ce qu'il retourne à son lieu, vn corps est fait qui est appellé sphere. Et si la portio est moindre que le demicercle, vn corps est fait qui est semblable à vn œuf qui peut estre dict de ce mot ouale: & n'a de non feint par la plus grande portion. Mais si vn rectâgle quadrilateral est circuit en la mesme maniere, vn cylindre est fait, qu'on peut appeller colonne. Et si le triangle rectangle est circuit mesmement par vn fixe costé des costez, qui cōtiennent l'angle droict, l'autre costé estendu sus la plaine, est faite la pyramide droicte, dictée *conus rektus*. Ceste pyramide a trois especes selō autāt de differéces des costez, qui contiennent l'angle droict. Car si les costez sont esgaux, la pyramide rectâgle est faite droicte. Si le costé

Trois proprietéz communes au cercle à l'hyperbole & à la deflection.

La creation des corps spheriques.

fixe est le plus grād, la pyramide droicte est faicte aguē. Et si le costé qui est enuironné est le plus grand, la pyramide droicte est renduē obtuse. l'appelle la pyramide droicte à la difference de celles desquelles le coupeau, dict vertex, est encliné: & le cercle n'est la base.




Donques le cercle est la base de toute pyramide droicte sus lequel elle est assise, comme sus vne plaine soit obtuse, ou rectāgle, ou aguē, ou d'angle agu. Et le supresme point de la pyramide est dict le sommet, ou coupeau, en Latin *vertex*. La base produite depuis le sommet ou coupeau iusqu'au cētre est appellee l'axe ou effueil de la pyramide en Latin *axis*. Et si la pyramide est diuisee sus l'axe par la superficie ou plaine, afin que iē parle plus brieffuēment la figure produicte de la plaine qui est contenuē dedans la pyramide, est tousiours le triāgle isocèle, qui est triāgle irregulier, lequel l'axe de la pyramide diuise tousiours par parties egales en deux triangles, desquels chacun est rectangle: & l'equilateral est egal, & d'angle egal à ce triāgle, dont la pyramide est faicte. Donques en la premiere figure que le triāgle rectāgle soit ADC , de la conduction duquel la pyramide droicte ABC soit faicte, de laquelle la base est le cercle $BEFC$: la ligne DA tiree du centre d'iceluy, laquelle estoit le costé fixe du triāgle, est appellee l'axe ou effueil de la pyramide: & son extremité superieure, sçauoir est, le point A est appellee le coupeau de la pyramide. Si donc la plaine diuise la pyramide sus l'axe AD , la partie de la plaine ABC contenuē dedās la pyramide, sera le triāgle isocèle ABC , leq̄l diuise manifestemēt la pyramide par parties egales & le triangle est diuise par l'axe de la pyramide AD en deux triangles rectangles ADB , & ADC , desquels chacun est egal, equilateral, & d'angle egal au premier triangle ADC , par le circuit duquel la pyramide est faicte. Si donc le costé AD est egal au costé DC , la pyramide droicte sera appellee rectangle: & si AD est plus grande que

D c, la pyramide droicte sera appellee aguë: & si A D est moindre que D c, la pyramide droicte sera dicte obtuse. Iacoit toutesfois que ceste diuision est presque superflue. car toutes les proprietes qui sont dictes communes serot à la pyramide: mais que seulemēt elle soit droite ou rectagle, ou aguë ou obtuse. Quand la pyramide droicte (& cy apres pour cause de briefueté il me suffit de dire pyramyde, veu q̄ par la pyramide droicte, ie vueil entēdre la seule pyramide) est diuisee par la plaine sus le triagle A B c, laquelle plaine est à la ligne perpendiculaire, en sorte que la pyramide passe outre par quelque point cōstitué hors le sommet, sçauoir est, G, lors ou l'axe, ou le diametre de la figure enclose dedans la pyramide, sera equidistate à la base, en diuisant les deux costez du triagle, & lors telle figure sera necessairemēt le cercle, cōme G H est le cercle en la premiere figure. Or i'ay descrit en la premiere figure tant la base que la superficie deuissant les cercles parfaicts, afin que tu les cognoissēs. Aux autres figures ensuiuātes les cerceles seront descrits plus longs qu'il n'est requis, selon leur latitude, cōme la pyramide droicte, & les sectiōs puissent estre mieux representees par la plaine à l'image de la solidité translatee.

*La creation
des cinq figures
en la pyramide.*

Et si la plaine passant par G, & estant droictement sus le triangle, & coupāt la pyramide en deux, car cecy est tousiours necessaire qu'elle coupe & diuise la pyramide, & les deux costez du triangle A B c: & le diametre de ceste figure ne soit equidistant à la base de la pyramide, ains qu'il soit presque incliné, lors sera faicte la secōde figure qui est dicte ellipsis en Grec, c'est à dire, defection, en Latin *defectio*. Cōme la pyramide A B c B soit, de laquelle le triangle soit par l'axe ou esfuil A B c que le point soit hors le coupeau en la superficie de la pyramide, & au costé du triagle, lequel point i'appelle tousiours G, ainsi que la plaine est par le point G, & estāt droictement sus le triangle A B c, & celuy qui diuise la pyramide, soit tousiours dit K. Si donques G H




Z ij

Ellipsis defe-
ction.

Parabole
est à dire, de
l'autre part.

qui est encluse dedás la pyramide, & est vne partie de la plaine k , à l'axe GH comme en la seconde figure, lequel axe diuise les deux costez AB , & AC , & n'est toutesfois equidistant à la plaine de la base BC , ains plus tost qu'il soit incliné ou dessus ou dessous, la figure dicte ellipsis, c'est à dire, deflection, est faicte, pource qu'elle ne peut estre estenduë en infinité, comme les deux ensuiuantes.




Et si quand la plaine k produicte par le point G , & diuisant la pyramide, la figure est faicte, de laquelle l'axe soit equidistant au troisieme costé, elle sera dicte parabole. Comme en la troisieme figure quand la plaine k diuise la pyramide, si la figure encluse en la pyramide qui est $GHDE$, à l'axe GE equidistant à AB troisieme costé du triangle, lors ceste figure sera apelée parabole, c'est à dire, de l'autre part, en Latin

è regione, pource que cöbien elle soit produite loing avec la pyramide : elle est toujours à l'opposite de l'autre costé: veu doicte que les deux figures precedentes coupent & diuisent les deux costez du triangle ABC , ceste-cy & la sequëte figure ne diuisent l'aduerse costé AB , cöme tu vois. Si donc la plaine estant droictement sus le triangle ABC (lequel ie vueil toujours estre entendu, pource qu'il passe par le point hors le coupeau) n'a diuisé le costé qui luy est cötreposé en diuisant la pyramide, & toutesfois l'axe de la figure qui est encluse dedans la pyramide, n'est equidistant au troisieme costé: car ainsi il seroit la parabole, & ne diuise le costé cötreposé dedás la pyramide, cöme j'ay dit, pource que ce seroit ellipsis ou deflection, cöme dict est. Et si le costé cötreposé diuise la pyramide, lors la figure sera dicte hyperbole, c'est à dire, excès: pource que l'angle contenu par l'axe de la figure, & par le costé du triänge est plus grand en l'hyperbole, qu'en la parabole.

Hyperbole.



Que la plaine donc diuise la pyramide en deux, & estant droictement sus le triangle ABC , & que la figure GHR soit faicte cōme en la quatriesme description, & que le diametre de ceste figure GD ne diuise le costé AB dedās la pyramide, & nē soit equidistant d'iceluy: mais protraiet qu'il se rēcontre à ce costé hors la pyramide en E , ce qui est necessaire, veu que le diametre n'est equidistant à ce costé, & ne se rēcontre à luy dedans la pyramide, lors ceste figure sera dicte hyperbole, pource



que l'angle AGD est plus grand en elle, qu'en la parabole. Il appert par ces choses, quand en la pyramide la perfection est de la plaine diuisante la pyramide par l'axe droictement sus le triangle, & passant hors le coupeau par le point donné: qu'elles sont quatre figures, sçauoir est, le cercle, ellipsis, parabole, & hyperbole, & que d'une pyramide on n'en peut inuenter plus de gerres: car le cinquieme gerre par la plaine diuisante a deux pyramides d'angles egaux posez cōtre soy au coupeau (tu as l'exemple en la cinquieme figure) & lors necessairement sont faictes deux hyperboles: ces deux sont apellees d'Apollonius cōtreposites: comme si deux pyramides ABC , & ADB sont ioinctes aux coupeaux dictz vertices, en sorte que les lignes BAE & CAE soient directes, & que les triangles ABC & ADE soient par l'axe en mesme plaine, les points sont merquez hors le coupeau, en l'un G , en l'autre H , la plaine k est produicte par les deux point droictement sus les deux triangles, & est clair que ce fait deux hyperboles, pource que les axes des figures s'entrecroissent hors le triangle au costé opposite, pourtāt qu'ils sont tels aux deux plaines, sçauoir est, de deux triangles, & k : dōques ces figures seront deux hyperboles, & sont dictes d'Apollonius contreposites. Il appert donc par ces choses que toutes ces figures conuiennent en cecy, qu'elles

*Le priuilege
commun des
cinq figures.*

font engendrees par la section de la pyramide ou des pyramides en deux: par la plaine droictement erigee sus la superficie des triangles, pource quelle ne passe par le coupeau de la pyramide, & que les costez des superficies sont les lignes obliques, & qu'elles ne peuuent estre plus de figures que ces cinq. Il est donc commun à ces cinq figures, que quand deux qui touchent les autres droictement, seront assemblees en vne, la ligne droicte soit produicte du lieu de la concurrence iuqu'à l'aduerse partie de la figure, ou aux cōtraposites iusqu'à la ligne droicte, qui est produicte par les poincts du touchemēt ensemble, & que la proportion de toute la ligne à la partie qui est hors les lignes obliques, & cōme des parties dedans les obliques, lesquelles parties sont terminees à la ligne qui ioinct les poincts du touchement.

*Le centre &
la verse sont
en l'hyperbo-
le.*


*Trois priuile-
ges de l'hy-
perbole.*

Veü donc que le troisieme costé du triangle diuisant la pyramide par l'axe d'icelle, necessairemēt, cōme dict est, se rencōtre deduit à l'axe de l'hyperbole hors la pyramide, la partie de l'axe de l'hyperbole entre le coupeau de l'hyperbole & le poinct de la concurrēce avec l'opposite costé hu triagle, ceste partie, dy-ie, est appellee verse, & le point au milieu de la partie verse est dit le centre de l'hyperbole. Tu en as exēple en la quarte figure: car *A* est appellee versa, & *L* le cētre de l'hyperbole.

Trois priuileges sont à l'hyperbole, desquels le premier est, qu'en chaque partie d'icelle, deux poincts de la circonférence sont pris, desquels deux & deux lignes droictes, mutuellemēt equidistantes entre soy sont produictes aux contingētes: les rectangles couuerts des lignes qui viennent d'embas: & couuerts de celle qui viennent des autres poincts, sont egaux entre eux. Le second priuilege, qu'il aduient de trouuer deux lignes en vne mesme plaine, desquelles l'une sera droicte, l'autre sera le costé de l'hyperbole, qui tousiours s'approcherōt de plus en plus l'une de l'autre, & iamais ne s'entre-toucheront, & iamais ne s'assemblent. Le troisieme priuilege despend du second, qui sera facile d'y estre ioinct, deux lignes qui tousiours s'approcheront en vne mesme plaine, & quoy qu'elles fussent tirees infiniment, iamais ne seront plus proches de mil stades: soit

*Lademoſtra-
tion de deux
lignes qui
tousiours s'è-
tre-approchèt
& iamais ne
s'assemblent.*

pour exemple. Le second priuilege demonstre, si vne ligne est prise equidistante de mil stades à vne droite par l'aduerse partie, ce qui est dict sera appert. Démonstrôs donc le second, lequel, quoy qu'Apollonius l'ait démontré, ie vueil toutesfois vser de la demonstratiõ de Rabbi Moses de Narbone, exposant le dict du Rabbi Moses Egyptien, au liure intitulé, la Direction des doutas, lequel dict estoit. Aucunes choses peuuent estre entendues, qui ne peuuent estre imaginees : pourtant il conclud que l'intellect differe de l'imagination, non seulement pour la nouualité, ains pour la facilité & pulcritude.



Que la pyramide donc soit $ABC D$: maintenant i'enten par nul autre le triangle diuisant. Or par $AB D$ i'enten la connexe superficie de la pyramide, en laquelle ie tire AC depuis le coupeau iusqu'à la base. Que K soit la plane cõtingete la pyramide en la droicte ligne AC , laquelle plane superficie soit entendue estre estendue infiniment avec la superficie de la pyramide. le

dy premierement que ceste superficie pleine peut toucher la superficie de la pyramide autre part que en la ligne AC , & si elle peut toucher autre part, quelle touche en G le cercle equidistant par G à la base BCD : quand donc le cercle en est vne superficie,

Z iij

les poinçts du touchemēt de la plaine K & de la circō-
 ference de ce cercle, serōt vne ligne droiçte par les cho-
 ses demōstrées en l'onzième proposition des Elemēs
 d'Euclides. Pourtant quand la ligne ja touche la circū-
 ference du cercle en la ligne A C, elle tombera selon les
 demōstrations d'Euclides au troisième liure des Ele-
 mens, hors la circonférence du cercle v x g, pource elle
 ne touchera le cercle au poinçt g. Doncques ie pren la
 ligne droiçte E F equidistante à A C en la superficie κ,
 qui est tāt proche à la ligne droiçte A C, que la superficie
 H produire droiçtemēt sus la superficie κ, diuise la pyra-
 mide, & la superficie d'icelle aux poinçts, sçauoir est, S
 & G, lors il est manifeste par ce qui est dit, que la partie
 de la superficie H enclose par la pyramide est l'hyperbo-
 le, & que la ligne G S qui est en la superficie de la pyra-
 mide, & le costé del'hyperbole. Il est donc patēt que le
 costé de l'hyperbole G S est en la mesme superficie avec
 la ligne E F, sçauoir est, en la superficie H: & que ces deux
 lignes, veu qu'elles sont en la mesme plaine H, ne s'en-
 tretoucheront iamais: car si elles s'entretouchoiēt, elles
 s'entretoucheroient en la ligne A C, & ainsi A C & E F
 equidistantes s'entretencōtroient, ce qui est enclost cō-
 tradiction: ou elles s'entretoucheroient hors la ligne A
 C, & ainsi veu que G S est tousiours en la superficie de
 la pyramide, & E F est tousiours en la superficie κ, κ
 dōc toucheroit la pyramide hors la ligne A C, de laquel
 le chose i'ay ja mōstré l'opposite. Ie dy maintenant que
 quād la ligne droiçte E F, & le costé de l'hyperbole G S
 sont en mesme superficie H, & que produites infinimēt
 iamais ne cōuiennent, que tant plus elles sont tousiours
 eslongnées du coupeau de la pyramide, que tant plus
 elles s'apochēt. Qu'il suffise auoir demōstré d'un, cō-
 me ainsi soit que G & M sont plus proches que S & T: car
 lors il sera manifeste, que tāt plus ces deux lignes seront
 produites, tant plus elles seront proches. Pour exemple
 donc prenons le cercle p s q & que t s r soit produiçte,
 en sorte qu'elle paruienne à l'opposite partie de la circō-
 ference, & que semblablement M G N soit tiree en la
 superficie H, en sorte que G N paruienne à la circonfé-
 rence du cercle V G X: & que L T & O M soient pro-

duites droictemēt en la superficie H, lesquelles toucheront les cercles QLP & XOV , pource qu'elles sont produites du lieu du touchement: & pource que O & M sont en la superficie du cercle $O XV$, car M est la fin de la ligne MN , qui est en la superficie du cercle $O XV$, la ligne OM sera en la superficie du mesme cercle, & ainsi LT sera en la superficie du cercle PLQ . Et telles superficies sont equidistantes, pource que les deux sont prises de la base du cercle: & les deux lignes OM & LT sont en la superficie K , pource elles sont equidistantes. Or maintenant LO & TM sont equidistantes, car elles sont parties des lignes equidistantes. Dōc LT & OM sont egales. Et quand elles touchēt ensemble les cercles PLQ & VOX par les demōstrations d'Euclides au troisieme liure des Elemēs de geometrie, le quarré TL est egal à celuy qui est fait de TR en TS , & le quarré OM est egal à celuy qui est fait de MN en MG , & le quarré TL est egal au quarré OM : celuy donc qui est fait de TR en TS est egal à celuy qui est fait de MN en MG . Doncques par les demonsttrations du sixieme des Elemens d'Euclides la proportion de ST à GM est comme de MN à TR . Mais MN est plus grande que TR , pource que si elle estoit produite par N , la superficie equidistāte à elle tomberoit sous R , autremēt elle se rencōtreroit en K , pourtāt que le diametre QP est moindre que XV , & que les superficies des cercles sont equidistans: ST donc est plus grāde que GM . Dōcques SY & GZ soient tirees droictemēt sus EF , & les angles SYT & GZM seront egaux, pource qu'ils sont droicts. Semblablement les angles STY & GMZ sont egaux, pource que ST & GM sont equidistantes: car toutes deux sont en vne mesme superficie, qui est H , & aux deux superficies equidistantes des cercles. Dōc selon la 32. proposition du premier liure des Elemēs d'Euclides, les triangles STY , & GMZ sont des angles egaux: pourquoy par la quatrieme proposition du sixieme liure, la proportion de ST est à GM , comme de SY à GZ . Mais ST , comme il a esté prouué, est plus grande que GM , SY donc est plus grande que GZ . Or SY est la minime ligne qui puisse estre produite au poinct S à la ligne EF , pource que toute autre ligne

produict droitement du mesme point à la ligne EF, de toute part est opposite à l'angle plus grād que s y, pourtant qu'elle seroit opposite à l'angle droit, le point dōc G est plus proche à la ligne EF, que le point S, ce qu'il falloit demōstrer. Plusieurs defaillent en ceste derniere partie, admettans vn paralogisme, c'est à dire, deceptiō par fausses ratiocinations. J'ay donc fait vne pyramide d'vn nauet, comme conseille Rabbi Moses, & ay fait les superficies κ & η de papier, & des lignes inscriptes AC, EF, SG, qui semblent n'estre concurrentes, comme tu vois icy à costé. Mais il est difficile de les descrire, si elles ne sont inuentees par tel artifice.

Deux lignes qui ne se
tr'asssemblent iamais.

Deux priuileges d'Ellipsis, c'est à dire, de defection.

La defection ou ellipsis à deux priuileges: le premier est, que la proportion d'icelle à la superficie du cercle, est comme celle du rectangle des diametres de la defectiō, au rectangle des diametres du cercle, qui est quarre. Le second priuilege prend son origine de cecy, que la proportion de la defection à la defection, est cōme la proportion des rectangles contenuz soubs les diametres des defections.

Six priuileges de la parabole.

La parabole à six priuileges propres: le premier est, que la mesure & proportion des parties de l'axe est dupliquee en la parabole, comme la proportiō des lignes perpendiculaires deduictes des points à la circonferēce du cercle. Le second est, quand la ligne perpendiculaire est egale à vne partie de l'axe, laquelle partie sera terminee au coupeau depuis l'extremite de la mesme perpendiculaire, & la perpendiculaire sera appellee le costé droict de la parabole, & ceste perpendiculaire tousiours aura telle proportion à toute autre perpendiculaire depuis l'axe à la circonferēce, quelle est la proportion de la perpendiculaire à la partie de l'axe, laquelle partie est adiacente entre la perpendiculaire, & le coupeau de la section, & ces lignes perpendiculaires sont appellees ordonnees, ou *ordinatae*. Il est donc manifeste qu'vne mesme ligne est tousiours soustēdue à chaque partie de l'axe de la parabole, & à sa perpendiculaire, en proportion continuē.

Le troisieme priuilege est que si le point est assignē en la parabole hors l'axe, que la cōtingēte soit produi-

te de ce point, & que plusieurs equidistantes à ceste contingente soient produictes d'une circonference à l'autre, lors la ligne tiree du mesme point de la contingente, equidistante à l'axe, diuise par parties egales toutes les lignes produictes, equidistantes à la contingente. Et les portions, comment qu'elles soient prises, ayans les diametres egaux sont aussi egales. Et la superficie est egale au rectangle, depuis toute la base iusqu'à deux parties de l'axe, prises de trois. Apres qui est le sixiesme priuilege, quand trois lignes touchans ensemble la circonference de la parabole tombent ensemble, deux sont extremes, la mediaute les coupe & diuise, la proportiō des parties des trois lignes sera vne, sçauoir est, de la partie inferieure à la superieure, & de l'autre superieure à l'inferieure, & de la mediaute d'icelles, qui sont terminees à la circonference de la parabole.

Mesmemment la ligne spirale a six priuileges : le premier, que la contingente tiree de la fin d'icelle se rencontre à la perpendiculaire dès le commencement, coupant tousiours de la cōtingente, tant qu'elle ayt la proportion à la circonference du cercle souz mesme ordre selon l'ordre de la situation des nombres. Dont il appert que la portion de la premiere spirale depuis la perpendiculaire sera esgale à la circonference du premier cercle, & la portion de la perpendiculaire depuis la seconde spirale double sera egale à la circonference du second cercle : & la portion depuis la troisieme spirale, triple sera egale à la circonference du troisieme cercle, & ainsi les autres en poursuivant par ordre. Le second priuilege est, toute contingente produite de chaque point de la premiere ligne spirale est occurrente à la perpendiculaire produite du commencement du mesme diametre, coupant d'icelle tant grande partie, qu'est grande la portion de la circonference du cercle, duquel le demy diametre est la ligne tiree du commencement de la ligne spirale iusqu'au point de la contingente, enclose entre la premiere ligne droite de la spirale, qui est entendu estre mouuee, & entre le lieu auquel la spirale est paruenue par le mouuement depuis le droit du lieu de la contingente. Le troisieme priuilege est, que les

Six priuileges de la ligne spirale.

espaces des lignes spirales sont ainsi disposez : le premier espace est certes de l'vnité, le second est du nombre senaire, la troisieme est du duodenaire, la quatrieme est de dixhuiet nombres, & ainsi par ordre en continuant l'addition par le nombre senaire, ou de six.

*Les espaces
des lignes
spirales.*

Le quatrieme priuilege, la proportion de tout cercle à l'espace de sa ligne spirale contenu dedans icelle avec la ligne droicte, est comme la proportion du quarré du demy diametre du cercle au rectangle, depuis le demy diametre du cercle iusqu'en la droicte de la precedente spirale avec la tierce partie du quarré du demy diametre du cercle qui circuit la premiere spirale. Le cinquieme priuilege, la proportion du secteur du cercle, qui circuit aucune portion spirale, à la portion spirale terminée au centre ayant l'angle mesme avec le secteur, est comme la proportion du quarré du demy diametre du mesme cercle au rectangle depuis le demy diametre, & est de la plus grande figure du secteur spiral, & de la moindre figure du mesme secteur, en adioustant la tierce partie du quarré de la difference des deux lignes droictes qui contiennent le secteur spiral. Le sixieme priuilege est, quãd tu couperas le secteur par le moindre cercle, lequel secteur est constant entre deux cercles, desquels les demy diametres sont augmentez par quelque circonuolution, la spirale qui est produicte de la fin de la moindre ligne iusques à la fin de la plus grande, diuisante la superficie, elle la diuise en deux parties, desquelles la proportion de l'exterieure à l'interieure est comme la proportiõ du demy diametre de la moindre avec le double de la tierce partie de la difference des demy diametres au demy diametre de la moindre avec la tierce partie de la difference des mesmes demy diametres.

*Le priuilege
de toutes les
figures de
droicte ligne.*

Toutes les figures de droicte ligne ont cecy cõmun, que quand tous les costez sont pourtraits & tirez, tous les angles exterieurs receus ensemble, quoy qu'ils fussent mil, sont egaux aux quatre angles droicts. Et cecy despend de ce que tous les angles qui sont contenus dedans, sont egaux à autant de droits, qu'est le nõbre double des costez, ou des angles, quatre exceptez, ce qui desped de la proportion des triangles, ausquels la figure

est diuisee. Car les trois angles de tout triangle assemblément pris sont egaux à deux droits : & l'angle extérieur est egal aux deux intérieurs mis à l'opposite, & pris assemblément. L'aire aussi est superficielle est egale à l'angle produit de la moitié de l'aggrégat de tous les costez iusqu'à la différence de chaque costé, en multipliant le tout ensemble depuis la mesme moitié, non en ioignant, afin que trois multiplications soient faictes.

La propriété du carré est, que le costé d'iceluy consiste par la proportion medianté entre l'aggrégat depuis ledit costé & le diametre, & entre la différence d'iceux mesmes. Cecy aduient, pource que le diametre du carré fait vn carré double au mesme carré, duquel il estoit le diametre. Le costé du pentagone, c'est à dire, de cinq angles, equilateral, & d'angles egaux, est la plus grande partie de la ligne diuisee selon la proportion ayant milieu, & deux extremités, en la comparaison à la ligne qui est souz-estendue aux deux costez du mesme pentagone. Le costé de l'hexagone, c'est à dire, qui a six angles, lequel est, comme i'ay dit, equilateral, & equiangle, ou d'angles egaux, est egal au demy diametre du cercle enuironnant le mesme hexagone.

Le costé de heptagone, c'est à dire, qui a sept angles, & la ligne qui est soustendue à deux costez d'iceluy, & la ligne mesmement soustendue à trois costez d'iceluy, constituent vn trigone, ou triangle, s'il estoit, comme i'ay dit, equilateral, & equiangle, ou d'angles egaux, duquel aggrégat la proportion depuis le costé, & depuis la ligne subtense à trois costez iusqu'à la subtense à deux, est comme la proportion de la subtense à deux iusques au costé d'icelle, & derechef la proportion du costé : & de la subtense à deux iusqu'à la subtense à trois, est, comme la proportion de la ligne subtense, ou soustendue à trois est à la ligne subtense à deux costez du mesme heptagone. Et cecy sera demōstré cy apres. Les corps spheriques, les superficies plaines & obliques ont leurs propriétés. La proportion qui circuit la sphere, est quadruple au grand cercle d'icelle : & la sphere entre tous les corps est la plus capable selon la proportion du circuit. La sphere contient, & peut estre cōtenue de cinq corps,

Les priuileges du triangle.

La propriété du carré.

La propriété du pentagone equilateral, & d'angles egaux.

La propriété de l'hexagone.

La propriété de heptagone.

Deux priuileges de la sphere.

La propriété des cinq corps contenus en la sphere.

Trois priuileges des parties de la sphere.

lesquels seulement peuuent auoir toutes les superficies egales, & les angles solides egaux: mesmement les costez egaux l'un à l'autre. Et les parties de la sphere qui sont diuisees par la perpendiculaire à la plaine sus l'axe, ont trois priuileges. La superficie de chacune partie de la sphere est egale au cercle, duquel le demy diametre est la ligne depuis le coupeau de la portion de la sphere iusques au terme & fin du cercle qui est la base de la mesme portion. Dont il appert que la proportion des superficies des parties separees par la plaine de la sphere, & comme la proportion des parties du diametre diuerfes, & separees par la mesme plaine, quand le diametre sera perpendiculaire sus la plaine de la sphere. Et la proportion des parties des corps de la sphere, lesquelles vne plaine distingue diuisant le diametre qui luy est perpendiculaire, est comme la proportion du corps produit du corps du quarré de la plus grande portion de l'axe, iusqu'en la ligne qui consiste depuis la moindre portion, & de la moitié de l'axe iusques au corps qui consiste depuis le quarré de la moindre portion iusqu'en la ligne composée de la moitié, & de la plus grande portion de l'axe.

Trois priuileges de la pyramide droicte.

Cecy desped de cela, que la pyramide ayant vne mesme base avec la portion de la sphere, si la hauteur d'icelle a telle proportion à la hauteur de la portion, qu'elle est la proportion de l'aggregat depuis la hauteur de la portion residue, & depuis la moitié de l'axe iusques à la hauteur de la mesme portion residue, telle pyramide sera egale à l'axe. De cecy il est patét, que toute sphere est quadruple à la pyramide droicte, veu que la base est le plus grand cercle, & la hauteur est la moitié du diametre de la sphere. Car toute pyramide est egale au secteur de la sphere, lequel est terminé au centre depuis la superficie derniere, quand la hauteur de la pyramide sera le demy diametre de la sphere, & que la base sera egale à la superficie du secteur: & lors les bases & hauteurs seront egales. Quand le rectangle conoide, c'est à dire, qui refere l'espece de la pyramide, est diuisé par la plaine, la portion qui est terminée au coupeau dict apex, est vne moitié à la portion de la pyramide ayant mesme base

Deux priuileges des rectangles conoides, qui referent l'espece de la pyramide.

& axe mesme. De rechief les portions des rectangles conoides retiennent ensemble vne mesme proportion, si elles sont diuisees par la plaine, que faict l'axe des mesmes parties par le quarré d'iceluy. Et quand l'angle obtus conoide est diuisé par la plaine, la proportion de la partie terminee au coupeau sera telle à la proportion de la pyramide ayant mesme base, & mesme portion de l'axe, quelle est la proportion de la ligne produicte de la partie de l'axe de la portion conoide avec le triple de la ligne qui est tiree du centre de l'hyperbole, ou du costé oblique de la forme iusqu'à la mesme portion de l'axe avec le double de la ligne qui est tiree du centre de l'hyperbole. Les spheroides ont quatre priuileges: quand la spheroides est diuisee en la plaine par le centre, elle est diuisee par parties egales: & toute portion sera double à la pyramide ayant la base & axe egaux à la portion de la spheroides. Si la spheroides est diuisee hors le centre, aucunement la proportion de la partie d'icelle à la pyramide ayant mesme hauteur & base, est comme la proportion de la moitié de l'axe avec l'axe de l'autre portion à l'autre mesme portion de l'axe de l'autre partie de la spheroides. Dont le quatriesme priuilege est patent, pource que quand la spheroides, & la portion de la sphere retiendront la hauteur & base semblables ou egales, elles serót entre soy-mesmes egales.

De ce le cylindre a deux priuileges. Le cylindre est triple à la pyramide ayant la hauteur & la base semblables. Et le cylindre est la moitié de la sphere, de laquelle le diametre est egal à sa hauteur, & le plus grand cercle egal à la base du cylindre. Ce sont donc les soixante proprietes les plus excellentes en noblesse, pulchritude, & admiration des figures de geometrie, tât superficielles que corporelles: ie dy les plus excellentes, veu que ie scay bien qu'elles sont presque infinies, mais elles ne peuuent estre conferees avec les susdictes, ou pource que la demonstration d'icelles n'est encor inuentee, ou pource que par la seule cognoissance des noms elles peuuent estre entendues, ou pource qu'elles ne sont referrees à l'egalité, ains presque elles sont vagabondes. Car l'egalité est quelque but de la Geometrie.

Les priuileges des obtusangles conoides.

Quatre priuileges de la spheroides.

Deux priuileges du cylindre.

*Trois manieres
d'inuenter
les theoremes,
speculations,
& preceptes
de geometrie.*


*La geometrie
est la plus sub-
tile de toutes
sciences.*

*La proportiõ
reflexe.*

Et si la Geometrie montre autre chose, la montre-elle comme plus grande ou cognue? Plus grand certes, pour cause de l'egal:& cognue, comme egale à la chose cognue. On peut entendre cecy en trois manieres, & est appellé la conclusion de l'argument, s'il procede droitement, ou par negation, quand le respondant est amené en inconueniant, & par cõtinue puissance, comme quand la grandeur de la parabole, ou de la superficie de la sphere est montrée par Archimedes: & ceste maniere est, de laquelle souuent nous vsõs aux subtiles inuétions: laquelle maniere a deux gerres, le simple, qui est composé par la comparaiõ de la plus grande chose, ou de la moindre, comme à determiner la grandeur de la superficie de la sphere. L'autre maniere est faicte par les proportions qui n'ont de fin, comme aux proportions de l'aire de la parabole. Ce n'est dõcques merueille si la Geometrie est la plus subtile de toutes sciences, laquelle, veu qu'elle prend son commencement des choses tres-manifestes, à bon droit elle a donné l'occasion qu'elle fust enseignée aux enfans la premiere de toutes. C'est chose admirable qu'en bref elle attire de peu d'axiomes & propositions conditionnelles tresappertes, à choses tresobscures & difficiles. Ainsi pareillement de choses tres-basses elle s'esleue incontinent à choses treshautes. Toutesfois les demonstratiõs imparfaictes, & aucunement les paralogismes ou deceptions par fausses ratiocinations sont trouuées aux mathematiques. Et les imparfaictes sont trouuées principalemēt aux gerres des proportions de nature non parfaictes, quelle est la proportion reflexe que i'ay inuentee. Et pource que ceste proportion reflexe est de subtile contemplation, & commune à toutes figures equilaterales inscriptes au cercle, pource il conuient la demonstrer icy, & principalement pource que par l'aide d'icelle nous procedons à l'inuention des costez de l'eptagone, & que par elle nous sommes enseignez d'vsfer de la methode resolutoire. Dont pource des causes & tant grandes, quoy que ce soit hors l'ordre & propos, la demonstration de ceste proposition est icy mise. Ven donc qu'elles sont trois quantitez, desquelles la proportion

de

de l'aggregat de la premiere & seconde quantité, sera à la tierce, comme la proportion de la tierce à la seconde: ceste proportion sera appellee reflexe, comme ie pren aux nombres 9. 16. 20. La proportion de 25. est de l'aggregat de 9. & 16. & 20. qui est telle que de 20. à 16. sera dicte proportion reflexe. Car 9. est la premiere quantité, 16. est la seconde, 20. est la tierce. Et si la proportion de l'aggregat est la 1. & tierce hors cecy, est telle que de la seconde à la premiere, lors elle seroit dicte reflexe 2. fois. Et ceste-cy ne peut estre declaree aux nombres par exemples, mais elle a son origine de l'heptagone, comme nous monstrerons. Ie dy donc que la simple proportion reflexe est entre deux costez qui contiennent l'angle double en quelque triangle, qui est soudouble.




Donc que le triangle soit A B C, duquel l'angle B soit double à l'angle A, ie dy que la proportion de l'aggregat depuis A B & B C iusqu'au costé A C, qui regarde l'angle B est double, tel qu'est A C, qui regarde A soudouble. Car selon la 9. proposition du 1. liure des Elemés d'Euclides, ie diuise l'angle A B C de la ligne B D par parties egales. Aux 2. triangles A B C & B C D, l'angle C est commun, & A est egal à C B D, veu que l'un & l'autre est la moitié de l'angle B, & l'angle C D B selon la 32. du premier liure des Elemés, sera egal à l'angle B: parquoy ces deux triangles seront d'angles egaux. Et pourtant selon la quarte proposition du 6. d'Euclides (tousiours faut entêdre de luy) la proportion de A C à C B est telle, que de C B à C D. La proportion donc de A C à C D est double à celle qui est de A C à B C. Or pource que l'angle B est diuisé par parties egales, selon la tierce proposition du sixiesme d'Euclides, la proportion des costez sera cômme la base des parties, sçavoir est, telle de A B C, iqu'elle est de A D à D C: parquoy selô la proportion côiointe par la dixhuitiesme proposition du cinquiesme liure d'Euclides, la proportion de l'aggregat A B & B C à B C, est cômme de A C à C D. Or la proportiô de A C à C D est double à celle qui est de A C à B C: la proportion donc de A B & B C à B C, est double à celle qui est de A C à C B.

*La proportiō
generale de
toutes figures
ayans les co-
stex, egaux
inscrites de-
dans le cercle.*

Pourtant par la definition de la double proportion, la proportion de l'aggregat $A B \& B C$ à $A C$, est comme de $A C$ à $B C$, ce qu'il falloit demonstrier.

Qu'un costé dōc $A B$ soit de toute figure equilaterale descrite au cercle, sçavoir est, qu'il ait treze costez, & que la ligne $A D$ soit subtēse à deux costez $A C \& C D$ de la meisme figure, & $B D$ soit produite: pource dōc que $A B$ est egal à $A C$, & par mesme proportiō à $C D$, les arcs $A C \& C D$ ferōt egaux à l'arc $A B$: parquoy tout l'arc $A D$ sera double à l'arc $A B$, selon les demōstrations du troisieme liure d'Euclides, & selon la derniere proposition du 6. l'angle $A B C$ est double à l'angle $A D B$: pource selon



les demōstrations faites n'agueres, la proportion de l'aggregat des costez $A B \& B D$ au costé $A D$, est cōme la proportion du costé $A D$ au costé $A B$. Et ainsi est la proportion de la ligne subtēse, ou soustēdue à quatre costez & à deux, & de la subtēse à six costez & à trois,

& ainsi des autres lignes avec le costé regardāt les lignes subtēses, ou soustēdues. Donc les figures equilaterales inscrites aux cercles ont plusieurs proportions, & celles aussi qui en sont cōposees. Mais nulle proportion est mieux cōposee que de l'heptagone inscrit au cercle & esquilateral. Donc que l'heptagone descrit soit $A B$

*La proportiō
des costez de
l'heptagone.*



$C D E F G$: soit aussi la ligne $A F \& B F$ subtēse à deux costez, & la subtēse $A B \& A F$: & veu que l'angle $F B A$ est, comme il a esté demōstré, double, à l'angle $A F B$, & l'arc $B C D E F$ double par mesmes proportiōs à l'arc $A G F$, l'angle $B A F$, sera double à l'angle $A B F$: parquoy selon la proportion demostree $B A \& B F$ à $A F$: est comme $A F$ à $A B$: semblablement par mesme proportion $A B \& A F$ à $B F$, est comme $B F$ à $A F$. Ceste proportion donc sera appelee deux fois reflexe. Nous mettrōs $A B$

9. & en mettant A F seze, & B F. 20. si la proportion de vingtneuf estoit telle à seze qu'elle est de seze à 9. nous aurions les costez du triangle A B F. Mais entêdu que la proportion de 29. à seze est plus grande que de seze à 9. nous mettrōs A F seze, & vne chose: A B adioustee à ceste chose, sera fait l'aggregat A B & A F de 25. soit plus reduite en A F, sera fait 400. soit plus reduite au quarré, & aux choses il sera fait 31. De tout ceey le costé est la ligne B F, car elle est par proportion mediate entre l'aggregat A B & A F, & entre la mesme A F. Donc par les propositions demōstrees en l'art grad & en la regle Aliza, la proportion des costez A B, A F, B F, est cogneue, laquelle est proche à ceste-ey A B, iouxte l'exēple des nōbres de 200. & A F de 359. & B F de 448. Car entêdu que B F est le costé d'un quarré, & 40. d'une chose, & de 400. la chose ostee B F seroit de 20. plus d'une chose exactemēt: puis A B tiree, B F en A F, seroient faits 261. & neuf choses seroient egales au quarré A F, qui est de 256. avec 32. choses, & un quarré: parquoy cinq serōt egaux à un quarré, & à 32. choses: l'estimation donc de la chose est le costé de la superficie 261. moins de 16. & A F est posee de 16. la chose adioustee: A F donc est proche au costé, ou à la racine 261. qui est presque 16.


$$\frac{32}{200}$$

Ces choses donc multipliees par 200. & cela adiousté que tu as osté de la ligne B F pour la chose, les costez du triangle A B F seront cognus. Ces costez cognus si la ligne est produite de B par le centre, & où la ligne tombe en la circonference du cercle à F & à A, tu auras le quadrilateral avec 2. diametres, duquel deux costez & vne ligne des diametres sera cogneue: outre tu auras deux triangles rectāgles, desquels la base sera le diametre du cercle: pourtant l'autre chose des diametres posee, veu que le rectangle des diametres est egal à deux rectangles, qui sont faits des costez du quadrangle opposites l'un à l'autre, selon les demonstrations de Ptolomeus, de ces choses que nous auons enseignees en l'art grand, composees par petis chapitres, la proportion du diametre du cercle à A B costé de l'heptagone sera cogneue. *Exemple de*

Par ces choses donc l'exēple exquis, & qui n'a de semblable en l'art de medecine, de la methode resolutaire, *resolutoire.*

Aa ij

dōt Galien parle tant de fois, est patēt. Le propos estoit d'escire l'heptagone au cercle du diametre cognu: supposons estre ainli faict, & qu'il soit descript cy dessus: il faut sçauoir commēt apres que le diametre est deduit, il cōuient produire A B. Et afin que nous le cognoissions il faut excogiter la proportion de A B au diametre: & pour le sçauoir, il conuient cercher la proportion à A F & F B: afin de cognoistre ceste-cy, il faut excogiter la proportiō des angles, laquelle seule est manifeste. Ceste proportion cognue, il faut cercher ce que ceste proportion decerne entre les costez. Et ceste proportiō est appellee deux fois reflexe. Il faut la monstrer diuisee, entendu qu'elle consiste des reflexes simples. Et est la fin de la methode resolutoire. De ceste fin donc la methode cōposee que nous auons proposee en la demonstration des costez de l'heptagone prend son commencement.




Mais en ces choses aucunesfois aduient vn erreur, si quelqu'un n'y prend garde diligēment: de laquelle chose l'exēple est. Que le cercle soit A B C, que le diametre soit B C, sus lequel est droite la ligne D A: il semble que de A vne ligne peut estre deduite, diuisant B C, cōme la ligne A E F, en sorte que C E soit à E A, comme A E à E F, pource que C E quād à ce regard, peut estre augmenté, ce que toutesfois ne doit estre faict. Et si ce pouuoit licitemēt estre faict, nous n'eussions eu besoin de la regle Aliza: car la ligne B C posee de dix, A E de six, incontinent E D seroit cognue, & pource seroit cognue E C & E B: & pourtant que la proportion de C E à E A, est comme de F à E B, par les demōstrations d'Euclides au troisieme liure, il aduendroit l'aggregat de la premiere & seconde quantité, & la tierce aussi cognues, que les quantitez seroient cognues. Le chapitre dōc du cube, & de quelque nōbre egal à dix, choses est cognu. La solution du paralogisme & deception est, pource que ia AD est mediāte entre les parties C D & E D, cōme il est co-

*Le cube res-
pōd au quar-
ré comme la
sphere au cer-
cle.*

gnu de soy-mesme, & la proportion de AE à EF croist toujours plus que de CE à AE : la proportiō dōc de CE à EA est moindre que la proportion de AE à EF . Toutesfois en quelque lieu que le poinct soit pris en la circonférence AB , il pourra toujours estre deduit, pource que la proportion de la partie CB terminee à la ligne deduite de ce poinct droitement, est plus grande que la proportiō de la ligne deduite droitement au résidu AD , à laquelle il est toujours egal, & la premiere proportiō est moins augmentee que la posterieure: quelquefois donc elles parviendront en equalité. Donc en general les paralogismes & fausses ratiocinations sont faictes, ou quand quelque chose est prise en la construction du probleme, dont nous n'vsons aux démonstrations, ou quand nous vsons d'un principe non vray, ains vraysemblable, ou quand nous prenons les choses non démontrées pour les démontrées, ou que nous prenōs quelque chose pour la dictiō mediate, qui ne l'est point.

Et toutes ces choses conuiennent plus aux choses remotes du sens, comme aux corps & quantitez de diuers gerres. L'indice du paralogisme est l'experience du faux, ou en la conclusion, ou aux dictiōs mediantes, ou c'est la deprehension & cognoissance de quelque defaute par ce qui est dit.

*La maniere
de faire les
paralogismes
& deceptiōs.*




font contenus agus par la circonférence, & par la ligne droicte: ce qui est facilement démontré, les lignes tirees (pour exemple) DE du centre, & la contingente

Aa iij

HE, lors FHD est angle droit, mais CEL est moindre que DHF, que l'angle DHC, & que l'angle du touchement FEK, CEL donc est angle agu: semblablement CAL est agu selon les demōstrations d'Euclides au troisieme liure, & toutesfois il est plus grād que CEL, comme CEL est plus grand que CKL, & CKL est plus grand que CBL: ce qui est patent, pource que tous defaillent aux angles du touchement qui sont egaux, comme i'ay monstré au troisieme liure de mes Elemens: & aussi ils defaillent à l'angle de droicte ligne, contenu du demy diametre, & des lignes C, B, CK, CE, lesquels angles, tant plus les lignes predictes sont remotes de la ligne CA, tant plus sont grands: doncques par la commune sentence de l'esprit, l'angle CBL est moindre que l'angle CKL, & l'angle CKL moindre que l'angle CEL, & CEL moindre que CAL. Mais l'angle CGA est plus grand que l'angle droit: car la ligne contingente GH tiree, & le demy diametre DG, DGH sera faict angle droit, selon les demonstrations de Euclides au 3. liure, & l'angle DGC est plus grand que l'angle du touchement, comme illec est inferé par corollaire: pourtant DGC retiré de l'angle droit du touchement DGH, & DGC adiousté, veu que l'angle CGL est faict par la commune sentēce de l'esprit, l'angle CGL sera obtus.

Deux quātitez pen differentes en grādeur desquelles la plus grāde de tousiours diuisee par le milieu, & la moindre tousiours multipliee la moindre ne peut iamais excéder la plus grāde, ou luy estre egale.



La ligne donc CB passante petit à petit de B iusqu'à G, les angles contenus par la circonference, & par la ligne droicte, serōt tousiours augmētez, & petit à petit, & par tout gerre de magnitude iusqu'à l'angle obtus, cōme il est patent, & toutesfois il ne sera iamais droit, cōme il a esté demonsté, pource qu'en A & deuant A il est tousiours agu, & apres A il est obtus: l'intention doncques du propos est apperte. Vn paralogisme est plus grand que

cestuy-cy en diuers gerre, & est tel. Aucune quantité continuellement est augmentee plus qu'au double, ou pour le moins au double, iusqu'à ce qu'une autre paruienne à trop plus grande quantité, comme plus grãde cent fois: & toutesfois auant qu'elle paruienne à ceste extreme quantité, iamais n'est faicte egale ou plus grande, que ceste autre moindre quãtité. Et cecy s'ẽble estre impossible pour deux caules: la premiere, pource qu'il faudroit, comme au dernier argument, qu'elle fut augmentee non egaleement, c'est à dire, au double, ains plus que de cent fois, la seconde cause est, pource que veu que ceste moindre quantité ne peut exceder l'autre minime par plus grande magnitude qu'elle est, il faut que ceste minime croissant au double, finablement surmontast ceste moindre quantité, & toutesfois elle ne la surmõte. Outre s'en suit vn plus grand miracle, & est que ie pren deux quantitez qui ne different gueres en grandeur, & toutesfois la plus grande augmentee perpetuellement au double iusqu'à infinité, & la plus grãde tousiours diuisee par le milieu en infinité, ceste moindre augmentee n'excẽdera iamais aucune partie de la plus grande diuisee par le milieu. Ie demonstre ces choses par vne demonstration. Ie pren quelque petit angle qui soit k , de droicte ligne, toutesfois lequel peut estre infiniment diuise par parties egales, & cecy est tousiours faict plus facilement en produisant les costez, afin que l'angle soit plus agu par diuision cõtinuẽ: car la base tousiours sera faicte d'autant plus grande, & pource les bases des angles pourrõt paruenir à la mesme magnitude: lors la ligne tiree du lieu de la diuision de la base iusqu'à l'angle, si la base est diuisee par parties egales, l'angle sera. Puis ie pren trois cercles AB, AC, AD en proportion continuẽ, de quelque part que tu voudras, s'entre-touchans au poinct A , & selon les demonstrations d'Euclides, au troisiẽme liure des cẽtres d'iceux serõt en vn diametre qui sera $AEFG$, & lors il est certain que l'angle BAD est plus grand que l'angle BAC , & CAD , pris separement: car le tout est plus grand que sa partie, ou donc l'angle BAC est egal à l'angle CAD , & lors BAD sera double à BAC : ou l'angle BAC est plus grand que CAD , & l'an-

gle BAD sera plus que double à l'angle CAD . Ou si l'angle CAD est admis plus grand que l'angle BAC , BAD sera plus grand que le double de l'angle BAC . Il est donc nécessaire que l'angle BAD soit double, ou plus grand au double qu'un autre des angles BAC , ou CAD . Qu'il soit donc double, ou plus grand qu'au double, que l'angle BAC (car cecy est vray) lors ie pré deux angles BAC & k : ie dy donc que tousiours l'angle BAC dupliqué, & l'angle k diuisé tant que tu voudras, quoy que tu procedes en infinité, iamais BAC ne pourra tant croistre qu'il puisse egaler ou surmōter la minime partie de l'angle k , jaçoit que la differēce des angles soit tres-petite, veu que les angles sont tres-petits, cōme la portion millesime de k . Car aux cercles escripts tousiours moindres par la proportion cōtinue semblable à celle par laquelle DA est proportionné à BA , le cercle interieur sera dupliqué, qui sera faict de la partie cōnexa de la circonférence interieure avec la concave partie de la circonférence du cercle AB , & cecy est faict, iusqu'à ce qu'il paruienne à la grādeur de l'angle qui est contenu en la circonférence par deux angles droicts, seulement la grādeur autāt moindre que sont les deux angles du touchemēt: car elle est augmentee autant qu'on veut par la paruité du cercle interieur, & est produicte en touchant le plus grand cercle AH , laquelle necessairement touchera la moindre quantité, pource que le diametre du plus grand cercle est semblable au diametre du plus petit, cōme il est demōstré. Si donques nous feignons, que AH est le costé d'une partie de l'angle k , tant soit elle petite, l'autre costé necessairement tombera souz la circonférence du moindre cercle, autrement il pourroit tomber droictement entre la contingente AH , & le moindre cercle, contre les demōstrations d'Euclides au troisieme liure. Si donc ce costé tombe droictement souz la circonférence du moindre cercle, l'angle du touchemēt des cercles sera faict vne partie de l'angle contenu par les angles droicts: entēdu donc que la part est moindre que le tout, l'angle des touchemēs tant soit il grand, sera moindre que l'angle de droicte ligne, tant soit il petit: ce qu'il nous conuenoit demōstrer. La solution donc du pre-

mier argument semble estre, que cest angle n'est également augmenté du mouuement de la ligne $c b$: mais tât plus est proche à A , tant plus l'augmentation est grande: pource incontinent d'angle agu il se tourne en obtus sans le droict. La demonstration de cecy est, qu'en la production de la premiere moitié du demy cercle depuis c iusqu'à m , seulement est acquis l'angle $c m l$, & en la production de l'autre moitié du demy cercle est acquis l'angle $c m A$, depuis m iusqu'à A : mais l'angle $c m A$ est plus grand que $c m l$ en l'angle $c m A$ contenu des angles droicts: l'angle donc contenu par la ligne droicte, & par la circonferance est trop plus augmenté en la medieté du demy cercle $m A$, qu'en $c m$. Par mesme raison sera fait des parties de la circonferance $m A$ conferrees les vnés avec les autres. Donc l'augmentation de l'angle $c A B$ sus $c B k$, est plus grande que l'augmentation de $c B k$ sus $c k b$: aussi pource que la ligne passeroit par toutes choses mediantes de h en k , non toutesfois de k en B , & trop moins de B en A , pource non de A en c . La solution donc du premier paralogisme est apparente.

Or le second paralogisme n'est soult par mesme raison, ains elles sont plusieurs manieres de demonstrations, & trop plus d'assomptions. Il a profité à plusieurs de sçauoir, pourquoy il estoit ainsi, côme cy apres nous demõstrerons en la generation du nombre de cube solide. Et ce qui est la plus grãde productiõ depuis la partie de chaque quantité iusqu'au quarré du residu, est quãd la tierce partie de la quãtité est deduicte au quarré du residu: & nous auons monstřé cecy au 12. liure des Elemens de Geometrie. Les anciens ont voulu ce cy estre caché & incogneu, afin qu'ils fussent plus dignes d'admiration. Et les choses qui nous ont profité grade-mẽt, leur ont aussi aidé: veu qu'en plusieurs choses nous auons inuenté les principes avec tout l'artifice: ce que ie croy Appollonius & Archimedes auoir fait, non Euclides, ny aucun des autres Philosophes: car ils ont esté aidez par les demonstrations des autres. Ainsi qu'on refere, la penultième proposition du premier liure des Elemens est l'inuention de Pythagoras Samius, pour l'in-

uention de de laquelle on dict qu'il fut tât ioyeux qu'il immola vn beuf: ce que difficilement peut estre creu, veu que Pythagoras ne vouloit occir aucune beste. Tous tesfois il est certain, selon la demonstration d'Archites Tarentin, disciple de Pythagoras, faicte de l'inuention des deux lignes iointes entre autres deux par proportiō continue, qu'auant le tēps d'Euclides les inuentions de geometrie ont flory, & ont esté excellētes. Ce n'est toutesfois peu de chose qu'Euclides à redigé toutes choses en ordre tant exquis, & à adiouté ce qui estoit defaillāt.

Or aux matieres ou la fin n'est certaine, certes l'inuētion y est plus difficile. L'inuētion d'aucunes choses est tres-difficile, cōme, qu'elle peut estre la tresgrande proportion du double de la tierce quantité à l'aggregat de la premiere & quarte proportion cōtinuē. Car elle consiste en la moindre proportiō demi-quinte, & en la plus grande proportion demi-quinte. Et si nous prenons 64. & 80. & 100. & 125. le double de la tierce quanrité est de 200. & l'aggregat de la premiere & quarte quātité de 189. Et la proportion de $\frac{360}{341}$ est moindre que est de $\frac{100}{186}$. Et 360. est le double de la tierce quātité: & 341. est l'aggregat de la premiere & quarte quātité en la proportion demiquinte, en sorte que les quātitez soient de 125. 150. 180. 216. Et cecy peut estre demonstré: le nōbre 360. produit en 189. est faict le nōbre de 68. M. 40. Et cecy est moindre que 68. M. 200. Mais cōme la magnitude des proportions est plus facilement mōstree de nous, & proprement, ainsi est elle mōstree par sens & raison ensemble. l'adiouste 9. à 189. & ce sont les neuf onziemes differences de 189. & de 290. & est faict 108. duquel la partie dixhuitiesme, qui est 11. adioustee à 189. fait 200. Par semblable proportion ie pren la differēce de 341. & de 340. laquelle est 19. ie pré les neuf onziemes parties d'icelle, qui sont de 15. $\frac{6}{11}$ i'adiouste à 341. & est fait. 341. $\frac{6}{11}$ de ce ie pré la dixhuitiesme partie, qui est 19 $\frac{80}{99}$ i'adiouste à 341, & le tout est fait 340. $\frac{80}{99}$ Et pource que cecy est plus grand que 340. pourtant la proportion de 200. à 189 est plus grand que de 340. à 341. Donques en

la proportion quadruple la proportion du double de la tierce quantité à l'aggregat de la premiere & de la quarte & plus grande qu'en la demiquinte. Maintenant môstrons que la proportion n'est la plus grande en la demiquarte. Certes en la moindre proportion, comme de 500. à 401. aduient que le double de la tierce quantité est de 200. mil fois 500. M. L'aggregat de la premiere & quarte quantité est de 189. mil fois 481. M. 201. La difference donc est de 11. mil fois 18. M. 799. de laquelle difference les neuf parties d'onze, sont 9. mil fois 15. M. 381. ceste partie adioustee à 189. mil fois 481. M. 201. fait 169. mil fois 496. M. 582. de cecy la dixhuitiesme partie est de 11. mil fois 27. M. 777. $\frac{8}{9}$ ceste partie adioustee à 189. mil fois 481. M. 201. fait 200. mil fois 508. M. 788. $\frac{8}{9}$ & cecy est plus grand que le double de la tierce quantité, qui estoit de 200. mil fois 500. M. La proportion donc du double de la tierce quantité entre 500. & 400 à l'aggregat de la premiere & de la quarte, est plus grâde que la proportion du double de la tierce entre 500. & 401. à l'aggregat de la premiere & quarte quantité quâd elles sont disposées en proportiō cōtinuë. Derechef, ie dy que ceste proportion n'est la plus grande, qui est de 500. à 400. car ie pren celle qui est de 500. à 399. & l'aggregat de la premiere & quarte quantité sera de 188. mil fois 521. M. 199. le double de la tierce quantité sera de 199. mil fois 500. M. La difference d'icelles est de 10. mil fois 978. M. 801. de laquelle les neuf parties d'onze sont de 8. mil fois 982. M. 655. $\frac{4}{11}$ cecy adiousté à l'aggregat de la premiere & quarte quantité, fait 197. mil fois 503. M. 854. duq̄l la ptie 18. est de 10. mil fois 972. M. 436. $\frac{15}{99}$ cecy adiousté à l'aggregat fait 199. mil fois 493. M. 935. $\frac{35}{99}$ qui est moins que le double de la tierce quantité, qui estoit de 199. mil fois 500. M. La proportion donc du double de la tierce quantité entre 500. & 399. à l'aggregat de la premiere & quarte quantité est plus grande que la proportion du double de la tierce entre 500. & 400. à l'aggregat de la premiere & de la quarte. Il est donc tres-difficile de trouuer la demōstra-

*Le nôbre est
dict epitrite,
qui contient
quelque nom-
bre, Et la
terce partie
d'iceluy.*

tion en telles choses, & encor plus quand la comparai-
son est faicte en gerre parfaict des deux quâitez de di-
uers gerres lesquelles ne paruiennêt à quelque equali-
té. La proportion epitrite de la parabole au triangle in-
terieur est exquisite, comme elle est demonstree d'Archimedes, ce qui est contenu au cinquiesme priuilege que
i'ay exposé cy dessus. Ce principe estoit, par lequel Archimedes a peu inuenter la proportion & mesure de la parabole. Il appert par la demonstration d'iceluy, si ceste proportion fut tombee en quelque quâité absurde, & qui n'eut peu aucunemêt estre descrite par nombres, qu'Archimedes n'eut peu la demonstrier. Ainsi en Archimedes la proportion & mesure de la spher double à la pyramide, est exquisite, ainsi en Euclides la proportiõ du cylindre triple à la pyramide est mesmement exquisite. Lesquelles choses inuentees, il a esté facile de declarer assemblément la proportion des parties. Car les choses qui ne sont assemblément iointes par proportiõ raisonnable, coustumierement viennent en cognoissance par le moyen de deux proportions.

*La quadratu-
re du cercle ne
peut estre in-
uentee.*

Pour ces causes il est impossible d'inuenter vn quarré egal au cercle, & ceux qui s'en sont efforcez, ne semblêt auoir entendu les demonstrations d'Archimedes, ou d'Apollonius, ou d'Euclides, ou si les ont entendues, ils ne les ont contemplees. Car tout principe d'inuention vient de la composition, & la resolution ensuit la composition. Or en composition la fin est necessairement cogneüe: pource donc il faut qu'en tout gerre de diuerses quantitez, leur fin & proportion soit cogneüe. Et si en la magnitude du cercle la superficie est referee à la superficie du quarré, ou la circonferencé au diametre, nulle proportion est illec de soy mesme cogneüe: car Archimedes a demõstré que la proportion de la circõference au diametre est moindre que de 22. à 7. & plus grande que la triple, & que $\frac{10}{71}$. Et cecy est autant à dire, moindre que la triple, & $\frac{10}{71}$ plus grande que la triple $\frac{10}{71}$. ou entre la proportion $\frac{1561}{497}$ & $\frac{1562}{497}$. Et cecy mesmement n'est aux superficies, car en posant le diame-

tre de 7. le quarré interieur du cercle sera de $24 \frac{1}{2}$.

Et l'aire du cercle, comme Archimedes a demonst^ré, & moy aussi, est fait depuis la moitié du diametre iusqu'à la moitié de la circonferance: parquoy elle sera de 308.

1 la proportion donques sera telle que de 72. à 48. &

2 pource comme du 11. à 7. Mais, comme il'est dict, la circonferance en moind^re de 22. en quantité non sensible ne raisonnable: & le quarré interieur n'est mué: pourtant la proportion du cercle au quarré interieur inscrit, est moind^re aucunemét que de 11. a 7. pource elle est absurde & incogneüe. Plusieurs des anciē^s & autres de nostre temps, desquels il est difficile de deserer le nō^rbre & les noms, se sont efforcez de ce faire, mais la chose qui est impossible, faict apparoi^stre la renommee d'iceux plus obscure & cachee. Et cest effort à pris son origine des parolles d'Aristoteles mal interpretees. Car il a dict. la quadrante du cercle, veu qu'elle represente ce qui peut estre sceu, & ne l'est encor: & quoy que ceste quadrante n'est cogneüe, rien n'empesche qu'elle ne puisse estre cogneüe. Il n'a dict qu'elle peut estre cogneüe. Elle peut estre cogneüe en deux manieres, ou par vne maniere plus obscure que quand elle est incogneüe, comme par les lignes tortueuses, & renuersees, desquelles Archimedes vse & descrit la ligne droicte egale à la circonferance du cercle: quelle peut estre cogneüe par translation, que personne n'a encor osé experimenter, en partie pour la difficlté, en partie pour la maniere de demonst^rer encor incogneüe: aucuns se sont efforcez, se confians la pouuoir inuenter par maniere facile: les autres n'y ont touché, pource que les escripts des anciens necessaires à ce gerre de demonst^ration defailloient. Or veu que ceste quadrature ne viēt à certaine cognoissance sans demonst^ration, il n'est permis ne licite de la perceuoir & cognoistre auant la demonst^ration, comme quelquefois il est aduenu en aucunes questions d'Arithemique. Mais il suffit d'auoir parlé iusques icy de ce qui appartient à la maniere de demonst^rer, ou principalement i'ay enseigné la subtilité de Geometric.

Cinq vtilitez, du grand art.



Arithmetique ensuit de pres la Geometrie, de laquelle la tres subtile inuention est l'art que i'ay appellee grande, inuentee & publiee de moy : aucuns l'ont appellee Algebratique, laquelle a plusieurs vtilitez d'aguiser & exciter l'entendement, d'inuenter les costez

incognez des quatitez, & les expliquer, de descrire par les lignes choses semblables, iouxtes les preceptes de geometrie, ou les descrire par les plaines & corps solides: de foudre les problemes & enigmes proposez, & pouuoir refuter les mauuaises solutiōs, cōme la magnitude du costé de l'heptagone, mal cerchee de Bouillus, aussi l'egalité de la ligne droite avec la circōference du cercle par le contrepois, feinte par Nicolas Cusa, & reiettee à bō droit par Iean Mōtergius. Toutes ces choses cōsistēt d'vne tres-simple figure, qui demōstre les lignes, les aires: ou superficies, & les corps, & mōstre aussi apres la quarte proposition du second des Elemēs de Euclides, les six proches ensuiuantes. Mesmement il est vn autre gerre de la compositiō du solide nōbre du cubus propre à Arithmetique, auquel le gerre de resolutiō qui a son origine de la compositiō, est rendu manifeste. Car tout nombre cubus est composé du quarré de son costé, & par le double du nombre produict du costé, en tous les nombres precedens iusqu'à l'vnité, comme ie pren 512. duquel le costé est 8. ie dy donc que 8. est produict en soy, & est faict 64. & au double des nombres precedens, qui sont 1. 2. 3. 4. 5. 6. & 7. en commençant de l'vnité, comme tu vois: & le double de ces nombres est 56. & le nombre produict de 8. en 56. est 448. qui font le cubus, c'est à dire, 512. car 448. & 64. ioints ensemble font 512. Au commencement cecy sembloit ne pouuoir estre demonsté, mais ie l'ay demonsté par la methode & voye de resolution. Car entendu que tout nombre cubus est fait par le quarré du costé en son costé, il sera faict mesmement par le quarré du costé produict en l'vnité, & par le mesme quarré produit en ce costé, l'vnité ostee, selon le premier theoreme & precepte du second liure des Elemens d'Euclides. Or le nom-

La belle cōposition du nombre cubus: & autre exemple de la methode resolutoire.


bre produict du quarré en vnité est tousiours egal au quarré, selon noz demonstrations au commencement du sixiesme liure de nostre œuvre parfaict, & cecy est cogneu à l'œil: & le nombre du quarré produit au costé l'vnité ostee, est egal au nōbre du costé, produit au double de l'aggregat des nombres precedens: pourtāt cecy demonstré, le propos est manifeste. De rechef cecy a besoin de resolutiō: car telle est la proposition du quarré au double de l'aggregat, qui est la proportion du costé à soy mesme, l'vnité ostee. Doncques par les demōstrations d'Euclides, au sixiesme, autant est faict du costé au double de l'aggregatiue du quarré au costé, l'vnité ostee. Derechef donc il faut demonstrer ceste proportion, & la demonstration en est telle: pource que le double de l'aggregat est tousiours egal à la production du tres-grand nombre au nombre plus grand que l'vnité, comme le double de l'aggregat des nombres iusqu'à 7. & 56. & ce nombre est faict de 7. le tres-grand nombre en 8. qui excede le tres-grād nombre par vnité. Veu donc que du costé produict en soy est faict le quarré du costé mesme, & que du costé produict en soy mesme est faict ce double, l'vnité ostee, selon les demonstratiōs d'Euclides, la proportion du quarré du costé à ce double, sera telle que la proportion du costé produict à soy mesme, l'vnité ostee, ce q̄ nous auis̄s entrepris de monstrer. Et cecy seroit parfaictement demōstré, sinon qu'il n'est encor cogneu, que de tout nōbre moindre en vnité est faict le double de l'aggregat de tous les nōbres precedens. Et cecy est ainsi demōstré, Deux nombres ioints egaleme distans du milieu, font le double du nōbre qui est au milieu: tous nombres dōc ioints en ordre par vnité, font autant que si le nombre mediant estoit pris pour le nombre des termes & fins. Mais le tresgrād nōbres contient exactement l'ordre d'iceux: tous les nombres donc pris en ordre par vnité, estās ioints, font autāt que le nōbre mediāt d'iceux produit au plus grād. Dōques le double de l'aggregat de tels nōbres, est egal au double du nōbre mediāt produit au tresgrād d'iceux. Or le nōbre plus grād par vnité que le tresgrād est double au mediāt: du tresgrand nombre donc produit en vnité

au plus grand, est fait le double de l'aggregat de tous les nombres produits par vnit  au tres-gr d nombre. Vne autre maniere de composition est mediocre : mais en celle qui est ja declaree on peut colliger les resolutions par la composition, & ainsi donner la demonstration du theoreme & precepte. Nous approuuerons aussi quelques particulieres inuentions, comme l'inuention de Michel Stiphelius en Arithmetique au premier liure de l'oeuvre parfait.

L'inuention de Michel Stiphelius en Arithmetique.

Les subtiles inuentions de Musique.

Les inuentions de musique succedent   la Geometrie, &   Arithmetique: au t ps pass  le diatessar  auoir trois ordres, desquels vn seulement est de present cogneu, s auoir est, le diatonicum, nous auons perdu les autres ordres, ou par negligence, ou par la difficult  des t ps.



Maintenant enseignons la restitution desdictes ordres Chromatic  faicte par moy, & traictee au premier & second liure de la musique. Chromatic , qui est vne partie de Musique, est faicte par vne musique feinte, quand non seulement vt demi ton est induit en b, fa, b, mi, ains, en e, la, mi, & en a, la, mi, re, comme aux Luths proprement, car les organes & instrumens sont capables de ceste proportion musicale

ficale. Ceste maniere de musique est tresdouce à la comparaison du gerre diatonique, pour la frequēce des demitons : car les petis interualles, & les proportiōs des notes donnent la suauité du chaut. Le gerre de musique dict chromaticum est fondé sus le demiton, le ton, & trois demitons, en fuyant le ditonum, ou les deux tons. Ces interualles sont petis, mais ceux qui sont distinguez par les dieses d'enarmonicū, autre espece de musique, sont encor plus petis, & pource l'harmonie en est plus douce que le gerre chromaticum. Et à fin que tu ayes exemples de cecy aux fleutes vulgairement dites d'alemât cōme i'ay enseigné au cinquiesme liure de la musique, la voix tremblante par vn trou vn peu ouuert, fait la diesse, & le commencement des demitōs, non des tons: laquelle fuyante les tons en chacune voix, apporte vne suauité incredible. Prenons autre exemple aux luths, puisque cecy ne peut estre cognu aux organes. Tu sçais que tous les interuales sont distinguez aux luths par demiton: tu apperçois les voix tremblantes, qui surmontēt seulement la moitié de l'interuale de la voix, & pource tu entens la diesse, & quelle suauité les voix ont: fein maintenant les voix tremblantes estre inserées à chacun coup de la main courante sus les cordes du luth, lors pense quelle harmonie incredible tu orras. Mais au luth vn ne peut bien s'expliquer. La harpe est plus commode pour ce faire que le luth, pource qu'elle retiēt les voix d'auantage. Les anciens faisoient des instrumens aptes à telle chose, entre les cordes desquels les interuales des dieses estoient instituez. Les dernieres cordes sont mises necessairement en tout diatessarō aux lieux qui font la cōsonance. Au diatonique nous auōs adiousté deux cordes, vne en bas, l'autre en haut, à fin que la proportiō des demitōs fut faicte. Or entēdu qu'il y a le bas le haut, & le teneur, en diuerses voix, (car ce qui a esté dict du diatesseron, est seulement referé à vne voix) la quatriesme voix, dicte le haut ou contreteneur a esté adioustee, qui est la plus excellente de toutes, pource qu'elle réplit les lieux vuides: car quand quelque chose adioustee artificieusement à ce qui est parfait, il profite mout à l'ornature. Pour ceste voix contreteneur con-

Diesis est le commencement de musique quand le son peut estre ouy premieremēt.

Le contreteneur est la plus excellente voix.

*Les preceptes
de chanter.*

uient à toutes voix. Ce contreteneur singulieremēt obserue la voix du ton graue, contre laquelle souuent elle s'esleue en haut : tantost comme nuee en grauitone, elle se plonge au bas, obseruant par contraire mouuement la plus haute voix de toute l'harmonie. Aucunefois ceste voix cōtreteneur se ioie avec celle du milieu, en rempliant les accords imparfaicts. Dont il aduient, entendu que ceste voix est la plus excellente, qu'elle vueille auoir la nature & entendement excellent du chantre, & si elle est destituce, elle est nulle. Outre plus le chant des notes est facile: nous appellōs les notes, vt, re, mi, fa, sol, la: mais il est difficile de pronocer le texte. Pourtant quād les enfans apprennent premier les notes souuent avec grande difficulté ils viennent au texte, & y sont trāsferrez. Ceste translation est faicte en trois manieres: la première est, que l'enfant entende à l'oreille, & qu'il sçache proferer de la voix diapente, diapason, diatessarōn, & les autres consonantes mediantes, semblablement la septiesme, neuuesme, & seconde: & ainsi souz la magnitude des voix, que l'enfant profere plus tost les dictions & syllabes, ce qui est certes difficile, pour ce qu'elles sont doubles de sixte, & de tierce, & ne peut on les proferer sans l'imagination des notes, & par ce moyē si tu mets l'vne pour l'autre, tu decorderas des autres voix par demiton. La secōde maniere est, que tu cōçoies en ton esprit, quelle voix, & de quelle mesure doit estre en tout espace & ligne, & que tu proferes ainsi les syllabes souz la voix du lieu. Ceste maniere est meilleure que la première: mais quand les dieses, les demitons & les tons feins s'y rencōtrent, ceste maniere n'y satisfera, & les voix setont mal proferees. La troisiēme maniere qui est la meilleure de toutes, est, que tu retiennes par imagination & par voix les notes, & la magnitude des voix, & que tu proferes de la langue la syllabe qui est souz les notes, & cōme ceste maniere est la meilleure de toutes, ainsi est la plus difficile. De rechef nous entendons ceste maniere par trois moyēs, ou par longue coustume que la note laissée petit à petit tu proferes la syllabe sus les notes, premierement de plus lōgue demeure & vnifone: puis en montant & descendant

petit à petit, incontinent en diapason, diapente, & diatessaron: apres que tu te transféreras aux consonances, que ils appellent cadances, puis aux autres voix, en fin aux notes de brieve tardation. L'autre maniere est, que tu apprennes de tenir la langue immobile, & qu'ainsi tu prononces la voix sans notes & syllabes, apres, sous vne syllabe seulement comme souz a, ou e: finalement que tu viennes à proferer les syllabes. Ceste seconde maniere prend la varieté selon le moyen de prononcer, comme la premiere la prend de la matiere subiecte, & du chant. La troisieme maniere est la meilleure selon mon iugement, faicte par l'ayde d'un second, lequel profèrera les syllabes, quand tu chanteras: car ainsi la mesure du temps, & de la voix sera gardee, & petit à petit tu te transféreras par coustume, à ce qui est tresdifficile. Vn autre abregé est en apprenant que chacun peut apprendre sans la main. Cecy aduendra, si tu enseignes au disciple toutes les voix d'un diapason: car toutes les autres voix ont recours par mesmes ordres, & ainsi le font les mutations au lieu des clefs, qui sont tousiours assises en trois lieux pour cause des demitons, dits hemitonia. Car les clefs en muant la proportion, sont ainsi accordees, que toutes sont reduites en deux pour la similitude, veu qu'elles semblent estre six, sçauoir est trois du b, appellé mol, & autant sans b mol: si tu les observes diligemment: tu les redigeras en deux, non seulement par moyen admirable & compédieux, ains tresfacile. Mais i'ay traité amplement de cecy, comme i'ay dict en mes liures de musique.

Après les Mathematiques ensuyt la discipline speculatiue, de laquelle est la subtile inuention des horloges, qui montrent les heures en l'ombre. Vitruuius a transféré ceste science en son œuvre, cōme plusieurs autres choses. Nagueres on a inuenté que plusieurs plaines à dextre & à fenestre sus du bois de plusieurs formes, decrites par les espaces des heures en diuerse maniere, quand chacune ombre aura monstré exactement vne mesme heure & la partie d'une heure; lors l'instrument iouxte la situation de la ligne du midy sera mis droitement, dōc tu cognoistras l'heure.

*La discipline
speculatiue.*

*Comment on
peut auoir la
ligne du midy
sans la pierre
d'aymant, di-
cte magnes,
ou la pierre de
Hercules.*

Bb ij

Ceste science speculatiue semble estre mediocre entre les mathematiques, & la belle science des choses naturelles, que nous appellons philosophie, de laquelle le iardin est tresample & spacieux. I'ay escrit des plus dignes parties d'icelle aux liures des secrets de l'eternité, de l'immortalité de l'ame, & de la varieté des choses. Toutesfois la plus excellente & noble partie d'icelle est qui enseigne de precognoistre & predire la nature des temps, & la temperature de l'air: car elle est vtile aux agricoles, aux nautonniers, marchans, Empereurs, & finalement à tout le gerre humain, & non seulement vtile, ains delectable & salutaire. Doncques les constitutions de l'air ont deux differéces, desquelles l'vne est au froid & chaud: l'autre est à l'humide & au sec. Ce gerre a cinq especes, le temps serain, qui est dict tranquille, le venteux, les nuees, les pluyes, la gresle, ou l'horrible tempeste. Les neiges sont au lieu des pluyes en hyuer.

*Les signes des
vens.*

Les signes des vens sont ainsi tirez des decrets & arrests de nature: vne maniere de globe ou tumeur iointe à la lune, & incontinent que ie l'ay apperceüe, tost ensuiuit vn grand vent. Vne petite nuee alentour d'vn des afnes signifioit les vés estre futurs de ceste part mesme. Les nuees rouges esparles par tout le ciel ou la lune rouge, le soleil couchant entre les nuees rouges, les nuees volantes en l'air, le son des petites clochettes, qui aucunesfois est bien ouy, aucunesfois à peine l'est-il: les bannieres & bauolets au coupeau des tours & chasteaux,

*Les signes de
serenité &
de beaux tēps.*

quād ils sont mouuez: les aires alentour de la lune soudain esuanouïyes, signifient les vens, & de quelle part ils viendront. La lune pure quand elle se leue ou couche, les estoiles & le soleil reluyfant & pur en se couchant, ou s'il se couche avec peu de petites nuees, les corbeaux crouaillans, comme esmeue de ioye, & le chahuant, huant assiduément durant la nuit, denoncent le beau temps & serain. Je ne me fie que ie puisse mieux expliquer les signes des tempestes que ton poëte Mantuan, quoy que i'vse d'oraison libre, qui soit toutesfois detenuë aux vers de Virgile, comme enchainee. Ainsi donc dict Virgile au premier des Georgiques.

Mais quand esclairs viennent de la partie
 De Boreas le froid vent de Scythie,
 Ou la maison d'Eurus Oriental,
 Ou Zephyrus le vent Occidental
 Vient à tonner, lors toute chose nage:
 Fosse & sont pleins aux terres de village:
 Le matelot sus la mer cuent & serre
 Le voile humide, escoutant ce tonnerre.

Si l'homme veut, l'eau point ne luy nuit, veu
 Qu'estre ne peut surpris à depourueu:
 Car on cognoit de l'eau l'aduenement
 Quand du bas val les grues hautement
 En l'air vollans sensuyent autre part,
 Ou quand la vache au ciel sa veue espart,
 Et hume l'air des narines ouuertes:
 Ou qu'en tournant sus les mares apertes
 Volle souuent la pipante erondelle:
 Ou quand souuent rechantent leur querel'e
 Du temps passé grenouilles limonneuses
 Souuentefois de leur cauernes creuses
 Les fourmis caus, bruyant l'estroite voye
 Retirent hors & leur aifs & leur proye,
 Et l'arc du ciel l'humour attire & hume:
 Corbeaux aussi qui condensent leur plume
 En retournant de leur viure & pasture
 En grand monceau cronaillant l'adventure.
 Et si tu veux de l'eau bien presumer,
 Regarde adonc plusieurs oyseaux de mer,
 Et mesme ceux qui alentour estans
 Paissent les prez des limonneux estangs
 De Caistrus, presque comme enuieux
 Dessus leur plume espandre à qui mieux
 L'eau abondante: aucunesfois leur teste
 Plonger en l'eau preuoyant la tempeste:
 Aucunesfois aux ondes se trouuer,
 Et desirer en vain de se lauer:
 De pleine voix la corneille meschante
 La pluye appelle, et la predisant chante,
 Et seule à part chemine sus le sable.
 La pluye aussi aux femmes n'est dont able.

Caistrus fleu
 ue de Lydie.

Quand en fillant sus l'obscur de la nuit,
 Ou en tissant en la lampe qui luit
 L'huile souuent sece les estincelles,
 Et fonges noirs s'assemblent aux chandelles.
 Aussi Virgile a adiousté cecy pour certain signe qui
 est digne d'estre obserué.

Quand le soleil sa naissance embroullarde
 Diuersement, & cache se retarde
 Dedans la nue, & diminué semble
 De la moitié, l'eau & tempeste ensemble
 Te soient suspects: car adonc ie te dy,
 Que l'eau viendra du costé de midy,
 Le vent nuisant aux petis arbrisseaux,
 Nuisant aux blez & champestres troupeaux,
 Quand les rayons monstrent couleur diuerse,
 Soit rouge, ou bleuë, ou couleur iaune, ou perse,
 Deuant le iour sous vne epesse nuee:
 Quand aurora pale & attenuee
 Se monstre à toy, laissant la iaune couche
 De son Tithon: lus la fueille mal touche
 Et couure mal, & fort mal peut defendre
 Le doux resin de la vigne encore tendre,
 Tant forte gresle horrible & petillante
 De redder vient sus les tuilles saillante.

Semblablement d'auant age il profite
 Noter cecy quand le soleil prend fuite
 En Occident, ia son cours au ciel fait:
 Car bien souuent nous voyons qu'il nous fait
 Plusieurs couleurs apparostre à sa face,
 Bleuë couleur la pluye nous amasse:
 Rouges couleurs & luisans nous dispensent
 Les vents futurs: si macules commencent
 S'entremesler avec rouge couleur
 Lors tu verras le tout en grand chaleur,
 Et s'eschauffer par vertueuse tempeste,
 En telle nuit qu'aucun ne m'admoneste
 D'aller par mer, & destier cordeaux
 Aux naus du port, pour voguer au plein d'eau.

Mesmement plusieurs aires & de fortes couleurs a-
 lentour des estoiles predisent les pluyes: les bœufs lors

lechent leurs ongles en muglans, & s'en retournent aux estables: les poules lors se vcautrent à la poudre: les rats & souris pipent: les chats lauent de leurs pates la teste quand ils denoncent la pluye. Le trefle sent merueilleusement bien les tempestes qui viennent, il se contraint, il s'amasse, & se crepit. Car entendu qu'il est treshumide & nerveux, il est retraict du froid & de l'espeueur de l'air, ia accoustumé de se changer, & de se restraindre aucune fois, aussi de se dilater. Peut estre que ce n'aduiét en toutes les especes d'iceluy, & trop moins ne sera manifeste en toutes les especes, ou tousiours. Vne constâce & ferme latitude des trefles est requise pour ce cognoistre. Moindres signes quand il n'y a de vent montrent les nuees, & le iour caligineux & plein de brouillard. Les vents forts avec pluye, sans gresle, les indices des vents, denotent seulement les pluyes. La bruine blesse les vignes & arbres, & signifie defaute de vin, quand cela aduiet aux arbres iettans leur germe en pleine Lune au temps froid & serain, ou pour le moins quand la Lune donne pleine lumiere: cecy aduiet en nostre pays aux mois de Mars, d'Auril, & au commencement de May.

Pourquoy le trefle se crepit quand les tempestes viennent.

Ce qui est fait par la vertu & violence des vents est admirable. Car ils sont tant impetueux au coupeau des montagnes, que quand ie passoy par le mont Apennin, le vent m'osta mon chapeau, & le porta d'impetuosité, comme vne fleche ietee de la machine dicte Scorpion, & peu ce faut qu'il ne tombast avec pluye, comme chose admirable, aux prochains villages: & mesmement il ietta le cheval, sus lequel i'estois, loing de deux pas hors de terre, en sorte que ie fu au danger de tomber, & d'estre precipité. Pourtant ie confesse que ce qu'à dit Poggius n'est fabuleux, lequel recite qu'un bourg nommé Bourgethe ou Borgetum, distant de Rome l'espace de trois lieues, fut renuersé par la tempeste des vents, mesmement aussi le temple sainte Rufine, & qu'une tauerne fut portée de lieu en autre toute entiere. Ce n'est merueille s'il pleut des grenouilles, petits poissons, & pierres: car les grenouilles & poissons par l'impetuosité du vent sont iettez hors du coupeau des montagnes:

La violence des vents.

Pourquoy il pleut des grenouilles, poissons, & pierres.

& la poudre aussi en est iettée hors, qui se condense en pierres par la force du vent. L'indice en est, pource que telles pierres tombent non loing des montagnes, comme iadis au mont Alban, & aux vales, ou elles tombent du haut coupeau des montagnes prochaines. Georgius Agricola recite qu'il pleut de la terre iaunastre avec de l'eau en Chepnicium. Et en Suisse l'an 1534. l'air infectoit les habits d'une croix rouge: cecy aduient d'une poudre apportée avec les pluyes: & la forme de la croix apparoissoit pour cause des fils qui representent la forme de croix quand ils sont tissus. Les œufs mesmement des petites bestioles, comme des grenouilles & poissons sont transferez, lesquels œufs produisent les bestes entre les tourbillons des vents & les tēpestes des pluyes, & lors il semble plouuoir des bestes. Ces choses donc ne sont merueilleuses, si tu cōsideres les causes: car elles n'aduient sinon par grands vents. Pourtant au temps de la republique Romaine ces choses estoient frequentes, pource que plus frequemment lors les vêts estoient impetueux & valides. La vertu des vents semblent auoir esté plus grande que de present, pourquoy non seulement tels monstres aduenoient, ains les deluges & inondations. Dōc tels prodiges sont execrables, pource qu'ils prouiennent de vents trop grands.

Pourquoy les deluges estoient par les eaux au tēps passé.

L'origine des vêts trop impetueux.

Or les vents trop grands procedent de chaleur & siccité grande: pourtant ils predisent prodicions, d'où vient l'adage, Le vent est impetueux, la trahison se fait. Ou la cause des vents est prise des astres, comme par la victoire de Mercure, & de Mars par la victoire des plus puissantes estoilles, comme de la chienne dictée canicula, de l'ourse, dictée arcturus, d'orion: ou afin que nous approchions les causes plus pres de nous, la cause est la constitution des personnes chaude & seche, qui vexe les testes imbecilles, & les tourne en prodicions, seditions, & meurtres. Aucunesfois le vulgaire à telles testes pour la petite experience des choses, & pour l'intemperance: pourtant il aduient que ce peuple est poussé à mal faire. Aucunesfois il aduient qu'on est deceu, lors ils estiment que les supplications faictes aux dieux ont pouuoir. Aussi les poissons sont transferez aux piscines & nou-

uelles eaux, & les semences nouvelles aux terres estranges, comme Theophrastus recite du lacer, dict benioin: pourtant l'origine des poissons, & nouvelles plantes, est en vain estimee prendre son commencement de putrefaction. L'indice en est, que principalement ces choses sont veües apres les tépestes, & inondations, non apres la diurne & longue serenité. Par mesme moyen aucunes fois, mais plus raremēt, vn nouueau gerre d'oyseaux incognus sont transferez de regions lointaines en nostre pays, par la force des vents, & y sont nourris.

D'où viennent les nouvelles plantes & les poissons aux eaux où ils n'estoient au parauant.

C'est presque chose semblable, toutesfois plus diuine, que la medecine par telle constitution des temps s'exerce de predire la subtilité & santé des corps, & les gerres des maladies, desquelles choses Hippocrates en la troisieme partie des Aphorismes, & Aristoteles en la premiere section des Problemes, ont traité de merueilleuse subtilité. Il me suffit maintenant de reciter les signes de la peste future, comme les plus vtiles & euident, & desquels les anciens n'ont traité exactement. Et entre ces signes le premier & le plus certain, non seulement signe selon la nature, ains est vne cause, c'est l'assiduité des pluyes en la fin du printemps, ou en Esté, sans aucuns vents, avec grande chaleur, & quand il ne pleut, l'air toutesfois est trouble & nubileux. Hippocrates a descrit en la cité Cranon telle cōstitution, apres laquelle vint vne grande pestilence, en laquelle outre les fieures mortiferes, & les bosses & charbons, les membres entiers tomboient consumez par pourriture. Car la chaleur & l'humidité, comme i'ay dit, sont les parés de corruption, quand le soufflement des vents ne les tempere. Vn autre signe de pestilence est souuent pris du Ciel quand les eclipses de Soleil sont grandes, ou que les comettes & flambeaux de feu sont veus en l'air. Car telles choses qui peuent corrompre l'air, sont faictes souuēt de trop grande siccité & de vapeur bitumeux: toutesfois ce signe deçoit, si autre chose n'en suit. Car l'an mil cinq cens quarante & vn, & aux ans subsequés plusieurs comettes sont apparues, & depuis l'an mil cinq cens trenteneuf, iusqu'à l'an mil cinq cens cinquante & vn, plusieurs grandes eclipses de Soleil & de Lune sont ap-

De la medecine.

Les signes de peste future.

parues aussi, en sorte qu'on ne lit point en auoir esté plus, & de plus grandes: & toutesfois Italie n'a souffert grande peste depuis l'an mil cinq cens trente & vn, iusqu'à l'an present mil cinq cens cinquante deux. Quand les arbres semblent brusler, c'est vn certain signe de future calamité, car l'air qui n'est haut, & qui nous appartient, est infecté. Et si l'air comme presque puluerulent & plein de poudre perseuere aucuns mois, il denonce vne pestilence future de son gerre. Car ce qui est attiré impur blesse le cœur, & la cerueau d'auantage. La peste qui prouient de l'eau, blesse plustost le cœur: celle qui est de l'air, blesse plustost le cerueau. Car le cerueau n'a de pellicule tant espesse que le poulmon, quoy que le cerueau respire. Et la substance du cerueau est plus molle, & a moins de sang que le cœur. Dont il aduient qu'aux cauernes pour le vice du cerueau, premierement ils tombent en lipothimie, c'est à dire en defaillance: puis par le consens du cœur, en syncope, c'est à dire, en defaillance de cœur, & finalement en la mort. Par ces choses donc il faut venir en la cognoissance des causes, afin que des causes on vienne au gerre de la maladie. Et quand le pain exposé en l'air, durant la nuit attire vne moisissure, il a ia les signes de l'air corrompu, & la pestilence prochaine, si elle n'a encor commencé. Et quand les vieilles ou les ieunes filles estiment auoir veu & ouy les dieux leur predire vne grâde desfaite & grâd amas de corps morts, la peste est subsequete. Car si les dieux l'ont veu & ouy, ils ne mentent point. Et si les femmes susdites ne voyant les dieux, estiment les voir & ouyr, mauuaiselement, lors l'humeur melancholique domine au sang par la deprauée qualité de l'air, lequel humeur procedant en empirant, cause la peste. Mesmement pour ceste raison la rage frequente des chiens denonce la peste, pource qu'ils font tourneuz en rage, ou par les eaux, ou par l'air. Et l'ay declaré que la rage est engendree par les eaux corrompues. Semblablement quand les loups entrent aux villes, & souuent les molestent, ce leur est quelque signe de rage. Car la trop grande hardiesse denonce la rage. Et par les mesmes causes, par lesquelles les chiens & loups entragent, les humeurs sont corrompues aux hommes, & la

peste leur est engendree. Pour ces causes mesmement il aduient aucunesfois que les oyseaux auant la peste delaisent leurs œufs & nits, & leurs petits : car toutes ces choses sont signes que la melancholique domine, ou par l'air, ou par l'eau corrompue. Auant ce temps les brebis sont affligez d'une galle, dicte vulgairemēt claucee: car elles sont imbeciles, & semblables aux hommes par nature, & souffrent la peste par mesmes causes que les hommes. Pareillement la multitude des grenouilles, des vermines aussi qui sont aux murs, comme cloportes & autres, est faicte à cause de l'humeur superflu qui est contraire à nature humaine, & luy apporte detrimēt. Et quand les vers, serpens, & taupes apparoissent, cecy aduient, pource qu'ils laissent leurs propres couches pour la fascherie de la vapeur qui est contenu souz terre, & lequel montant en haut corrompt l'air tant grandemēt, qu'il peut faire mal, mesmement aux serpens, non aux hommes seulement. Car rien ne peut estre souz terre qui soit salutaire à l'homme. Il faut que ces choses soient souuent veuës, & par tout perseuerer & estre augmentees: lors certainement elles denoncent la peste future. Outre quand les oyseaux prennent la peste, c'est signe de grande pestilence. Car Ioachim Schylerus recite qu'en la peste vehemente d'Angleterre les oyseaux estoient trouuez morts souz les arbres, avec pustules & bosses souz les aisles. Pourtant, veu que les oyseaux qui sont les plus secs, & viuent le plus librement, sont affligez de ceste maladie, par plus forte raison les hommes le seront. Mesmement on a veu ceste maladie prendre aux cheuaux. D'auantage au fruit du chesne, qu'on appelle galle, lequel fruit n'est percé, ou rarement, au mois de Mars est aucunesfois engendré vn ver, aucunesfois vne aragne, & aucunesfois vne mouche. Quand vn ver y est engendré, il denonce la peste : car le ver est faict de moult d'humeur, mais non bien cuit. Si c'est vne mouche, elle denote fertilité, & abondance : car la mouche declare que l'humeur est subtil & bien cuit : & enseigne que la chaleur de l'air est tēperce, qui est cause de fertilité. S'il en est vn indice de sterilité : car l'aragne est vne beste froide & seche, & pource elle faict les toi-

*Les signes de
fertilité, &
sterilité.*

les: & le froid & la secheresse sont contraires à toute generation, & à la vie. Outreplus les signes de fertilité & de sterilité, doiuent estre referéz en general à quatre genres: premierement aux astres, desquels i'ay parlé plainement en leur lieu: aux elemens est referée toute intemperature, telle qu'est celle de chaud, de froid, sec, ou humide, la trop grande tranquillité de l'air, & peruerfité, cōme l'hiuer chaud, le printemps sec & tranquille, l'esté téperé: l'intemperature est referée aux plantes, comme les graines, quād elles sont legeres, ou corrompues denoncent sterilité future en ce gerre de graines, mesmement si les graines sechent soudain enuiron le cours de canicula, qui est douziesme de Iuillet. Car si ce mal est vehement, il s'estend iusqu'à plusieurs ans, comme de la sterilité de Ioseph souz Pharao, qui dura sept ans: pourtant les laboureurs elisent les meilleures semences pour semer. Ainsi est-il aux fruiçts, qui ont presque tousiours cecy, que grande sterilité vient apres grādē abondance, ou pource que la vertu des arbres est consumee, ou que les germes sont aucunement blesez, desquels les autres sortent, comme mesmement il aduient par la gresse. On cognoist la sterilité par les signes accidens: car le tréblement de la terre, & les locustes souuent sont causes manifestes & d'efficace de la peste, & plus souuent de sterilité. Aussi la multitude des poissons denonce sterilité: car les poissons sont faiçts par l'abondance d'humeur: & le fromēt prouient de l'humeur téperé. Pourtāt, cōme i'ay dict, le fromēt ne croist en l'Isle de sainct Thomas. Ainsi l'abondance du fromēt par raison cōtraire faiçt peu de poissons. Mais si ie voulois parler vn peu de toutes choses ie n'aurois iamais faiçt: & ce peintre est vituperé d'Apelles, quoy qu'il fust excellent, lequel ne scauoit iamais retirer du tableau ses mains, principalement veu qu'il n'est rien plus difficile à l'hōme, que la cognoissance des choses futures: car ceste cognoissance & sciēce est tant obscure, qu'à peine elle peut dōner louāge, si elle n'est aidée par quelque inspiratiō diuine. Pourtant ceux qui ont esté renōmez en ceste sciēce, ont esté appelez diuins. Entre les hōmes Museus & Lycus fils de Pandion Atheniens, Bacchides de Boecc, Tiresias de

Il n'est rien plus difficile à l'homme que la cognoissance des choses futures.

Bœce, Euclerus Cyprius, & le fameux Epimenides de Crete ont esté nobles & renommez : comme entre les femmes les Sybyles ont esté renommez, dictes du verbe Grec *σιβυλια*, c'est à dire, deuiner: ou à *σιωδς*, c'est à dire, des dieux, & *ββλῆ*, qui signifie sentence. Entre dix ont esté tres-excellentes & nobles, Erythraza, & Cumea, qu'on appelle Demophile, ou Erophile, desquelles les Romains ont fort estimé les carmes & diuinatiōs. Mais la diuination des choses futures à quatre gerres: car ou elle est des choses non accoustumees, comme quād aux Suiffes, aussi qu'on dict, deux Lions se battans ensemble, fat ent veuz en l'air, desquels l'vn coupa la teste à l'autre. Et des hommes heureux, & des bandes, comme du tēps des Macabees, & auant la destruction de Hierusalem, ont esté veuz au Ciel 40. iours entiers. Et peut estre que aucun ne refereroit cecy ineptement aux vapeurs, comme les formes diuerfes des nuees: mais i'ay parlé de ces choses autre part : ou il refereroit à l'art de diuination, dont i'ay dict n'agueres, ou en quelque art naturel, cōme en Astrologie, en Physionomie, Metoposcopia, Chiromancie, & l'art nautique, en agriculture, en medecine, en l'interpretation des songes : ou il refereroit en plusieurs arts feins, desquels i'ay parlé au quatriesme liure de sapience, & pourtant qu'ils sont plusieurs argumens variables, & incertains de precognoistre les choses futures, & sont tant qu'il n'est honneste de les obseruer tous, & n'est seur de les negliger, peu sont trouuez doctes en ce gerre de doctrine, tous contredisans pour leur plaisir, & admettans choses pires que celles qu'ils reprentent : ie dy peu estre trouuez doctes, lesquels ont cogneu les choses qu'ils deuoient obseruer, comme vrayes, & qu'ils deuoient negliger, comme fausses. Car toute verité est diuine, & vient de celuy qui est trefbon. On peut trouuer plusieurs personnages excellens aux disciplines, du nombre desquels i'en ay esleu douze, laissant à chacun son iugement.

Qu'Archimedes soit nombré le premier des douze, non seulement pour ses liures diuulguez, ains pour ses inuentions mecaniques, par lesquelles il a souuent rōpu la force des Romains, comme dict Plutarchus, lequel

*Les deuins.
Les Cybles.
Quatre manieres de diuination.*

Physiognomia, cognoissance du naturel.

Metoposcopia, cognoissance de l'esprit par la contemplatiō du front, dont on predict le futur.

Douze personnages d'excellente subtilité.

La louange d'Archimedes.

recite admirables inuentions d'iceluy en la vie de M. Marcellus : & nous en auons recité autres non moins selon le tesmoignage de Galien. Archimedes donc n'estoit tant premier, qu'inimitable autheur en ces inuentions : & n'a desdaigné de louer l'esprit de ceux qui ensuiuent les Grecules, & qui parloient vn peu Grec (ainsi les appelle Cicero de ce mot *Graculi*) mesme n'a desdaigné prendre son sepulchre entre les ruines & lieux spineux de la ville Syracuse.

*La louange
de Ptolomeus*

La louange de Ptolemeus Alexandrin est proche à celle d'Archimedes qui a inuenté les supputations des estoiles tant claires & apertes qu'elles fussent à iamais, & seul a osé exprimer la maniere & subtilité de cest ourage diuin, afin que ie ne dye que seulement il a excogité.

*La louange
d'Aristoteles.*

Et aux autres inuentions, qui sont plusieurs en lumiere, il ne se contrarie en rien. A bon droit ie suis en doute qui doit obtenir le troisieme lieu de louage, entendu que plusieurs equitablemēt le debattēt: mais qu'il soit accordé à Aristoteles Stagirité, precepteur d'Alexandre le Grand en Macedone, qui a monstré en grāde admiration les choses naturelles & diuines, & la dialectique, aussi qui a poursuiui la description de la vie des animaux, les mœurs & compositions par merueilleuse inuention. Et neantmoins qu'il ayt composé en toutes sciēces chose qui fut prouuee, toutesfois erreur appa-

*La louange
d'Euclides.*

rête n'a peu estre trouuee en ses escrits par l'espace de tant d'ās. Par mesmes argumēs Euclides, Scotus, & Iean Suiffet, qui est dict vulgairement Calculateur, briguent le quatriesme lieu en pareil espoir: mais qu'Euclides soit preferé, pour l'antiquité & vsage duquel deux louāges sont principales. La ferme constance de ses preceptes, les liures des Elemens, & la perfection tant absolue qu'on n'ose à bon droit cōparer autre œuvre à cestuy: par lesquelles choses il aduiēt que la lumiere de verité reluit tant en cest œuvre, que ceux-cy seulement semblēt pouuoir discerner le vray du faux aux questiōs difficiles, lesquels ont Euclides familier: il a aussi escrit

*Lo louange
de Scotus.*

& composé plusieurs autres œuvres par pareille subtilité, qui sont encor, mais trop moins vtils. Il estoit né de Megara. Iean Scotus luy succede du pays mesme,

qui estoit celuy qui a merité le nom de Docteur subtil pour sa doctrine. Iean Suisset surnommé Calculateur, estoit d'aupres d'Escoffe, & en la solution d'un seul argument d'iceluy, qui est contre l'experience de l'action mutuelle, toute la posterité a trauaillé: lequel ja fort vieil, & n'entendant ses inuentions quand il les lisoit, ploroit, ainsi qu'on dict. Donc ie ne doute point, ce que mesmement i'ay escrit au liure de l'immortalité de l'ame les barbares estre à nous inferieurs en esprit & entendemēt, veu que l'Angleterre separee du mode souz Septentrion a produict deux hommes de tant bon esprit.

*La louange
de Iean Cal-
culateur.*

Le septiesme lieu de louange est deu à Apollonius Pergeus, qui a esté presque egal d'age à Archimedes. Il a composé huit liures excellens des Elemens de la pyramide, desquels les quatre premiers sont encor tant mal traictez du translateur, que lon peut dire bonnement qu'ils ne sont publiez.

*Par Angle-
terre il entend
Escoffe, qui
est vne Isle
d'Angleterre
La, louange
d'Apollo-
nius.*

Architas Tarentin luy est prochain en louange: mais trop plus antique, afin qu'entre les hommes tant nobles vn Italien obtienne quelque lieu de louange, lequel outre la colomne de bois volante, laquelle il fit, comme on dict, il a inuenté la vraye demonstration de colloquer deux lignes entre deux autres lignes proposees en continue proportion, laquelle demonstration Eurocius a publiees entre dix autres fausses.

*La louange
d'Architas.*

Mahometus fils de Moises Arabe, succede à Architas inuenteur de l'art Algebratique, & pour cause de l'inuention il a esté surnommé Algebras, du nom de l'art.

*La louange
d'Algebras.*

Alchindus est le dixiesme en louange, qui estoit Arabe, & cest l'exemple des liures publiez, desquels Auerroes faict mention, lequel monstre vn petit liure de la raison des six qualitez, que ie bailleray pour imprimer, veu qu'il n'est plus rien ingenieux.

*La louange
d'Alchindus.*

Après ensuit Heber Espagnol, par son inuention excellente: & jaçoit que Ptolomeus cherche avec grād trauail la sixiesme de cinq quantitez, cestuy cy en ces mesmes quatitez cherche la quatriesme avec trois autres. Il a changé plusieurs choses en mieux, qui appartiennent à la constitution du ciel ou de l'air: afin que tu entendes facilement que les grandes chaleurs trop moins nuisent

*La louange
de Heber.*

aux esprits que les grandes froidures.

*La louange
de Galien.*

Galien est le dernier en subtilité : mais le plus excellent en art, methode, pouls, & dissections: toutesfois il est tant plain de paroles, & tant tedieux par l'affection de cōtredire, que si c'estoit vn autre, tu ne pourrois l'endurer: au reste de ses escrits est grande iacture & peril des arts, que ceux de nostre temps se sont efforcez de restituer.

*La louange
de Vitruuius.*

Entre ces excellents & nobles personnages Vitruuius est nommé, quoy qu'il soit mecanique ouurier, lequel sil eust escrit les propres inuentions, & non celles d'autrui, il pouuoit estre nommé des premiers. Aucuns ceuures sont les superieurs en chacun autheur, comme en Archimedes l'Equalité de la Sphere avec le cylindre, escrire à son sepulchre: en Euclides l'ordre: le contexte en Aristoteles: la maniere de deuiser est excellente en Galien. Aucuns autheurs ont aussi quelques excellentes proprietéz & vertuz, quoy qu'ils ne soiet les superieurs en subtilité. Qui n'esmerueille les affections en Homere, grauité en Virgile, commiseration & affluēce en Cicero, la qualité d'oraison: & les figures appropriées au sens des dictions en Quintilian? Il n'est donc vn gerre de subtilité, ains sont plusieurs, ou les autheurs sont celebres & louez. La subtilité d'Aristoteles vient de l'entendement, duquel sont imitateurs Theophrastus, & Iean Scotus: la subtilité d'Archimedes est de l'entendement & imagination: la subtilité par imagination, cōme de Iean surnommé Calculateur: par le sens & imagination, comme d'Euclides: la subtilité qui vient de raison, comme de Ptolomeus: qui vient de iugement, comme d'Algebras: la subtilité qui est du sens & experience, comme de Vitruuius, duquel Hero tres-excellent en inuentions: mais peu vtils a esté emulateur. La maniere des horloges est tres-excellente en Vitruuius, ou par typanes & par eau, ou par reuolutions du cadran, selon le Zodiaque, ou par eleuation, ce qui est commun aux choses caues ou creuses, aux plaines & rondes.

*Sept gerres de
subtilité aux
autheurs.*

*Tympanes in
strumēs pour
puiser l'eau.
Vne maniere
parfaicte de
composer li-
vres.*

Or afin que chacun entende la maniere de parfaire les livres, & par lequel moyen tout art peut estre enseigné, ie n'ay trouué aucun qui l'ait demonsté exactement

ement, excepté vn seul Galien, laquelle maniere si ie l'eusse tenuë & gardee en tēps & lieu, certes elle m'eust excusé en plusieurs labours. La maniere est, par laquelle i'ay esté contrainct de changer souuent mes compositions iusqu'à ceste heure, lesquelles ont plus tost commencé à plaire aux autres qu'à moy. Maintenant entendant la maniere de composer, mes compositions qui seront imprimees, ne me satisferont moins qu'aux autres comme i'espere. Certainement aucun ne m'a aidé iusqu'à ceste heure à composer liures, fors que Dieu: à la mienne volonté qu'aucun ne m'eust empesché d'auantage. Pourtant en contant à par moy, afin que ie pensasse qu'il estoit qlque maniere de ce faire, vn hasard si est offert à moy par le vouloir diuin, par lequel ie cogussie l'opinion de Galien sus ceste chose. L'opinion de Galien est telle: Si tu veux publier parfaictement vne doctrine de quelque chose, qui est l'office de tout compositeur, il sera licite de ce faire commodement, si nous diuisions en especes la matiere dont est le traicté: & si nous distinguons telles especes en autres moindres, tant que nous soyons descenduz aux minimas. Mesmement telle maniere doit estre obseruee aux affections qui peuuent estre monstrees en telles especes. Et cecy est le premier precepte. Le second precepte sera, que nous demoustrions, tant aux especes de la matiere traictée, qu'aux affections, plusieurs gerres des mēbres n'estre, ou pouuoir estre contenus souz la matiere traictée, & que tous les membres décrits sont contenuz souz telle matiere. Et faudra prendre le commencement de ceste diuision souz la fin de l'art, autrement nous serons vagabons en pays incertain. Ainsi donc Galien nous a enseigné les preceptes de bonne cōstruction: & de ce cy nous entendons ceux qui sont & ont esté les plus excellens à l'enseignement de tout artifice.

Or puis que nous sommes venuz au propos d'artifice, pourliuons les arts qui ont esté tant renommez en nostre tēps, que ce qui en est icy escrit, à peine sera approuué de la posterité. Mais si chacun pense bien en soy chacun aage auoir eu ses miracles, sçauoir est, l'aage tres-antique auoir eu tant de deluges, tant de bruslemens,

les prodiges, les oracles des Romains, & l'aage sequen-
 ce auoir eu mesmement des merueilles, il n'ya pour-
 uoy la posterité doie douter de l'inuention des arts
 de nostre temps: & n'est aussi pour quoy nous deuions
 douter des choses admirables escrites des autres qui
 ont uescu le temps passé. Les inuentions des arts sont
 de iour en iour nouuelles, & ne sont comprises par au-
 cune fin: en aucuns il suffit de sçauoir ce que tu veulx.
 N'agueres quelqu'un à inuente vne maniere de halle-
 barde. Quand la hallebarde est dirigee vers quelque
 chose, elle est double, & fermee d'un crochet, semble
 estre vne lance de fer, de laquelle la poincte est l'espee.
 Un autre a fait vne main de fer en maniere de crochets,
 & quand les crochets conuenoient ensemble, telle main
 prenoit la main d'un larron: car telle main estoit cachee
 dedans la bourse entre les pieces d'argent. Ainsi ont
 peu inuenter choses infinies, qui n'ont besoing que du
 seul iugement. Et nostre temps est plain & fecond d'in-
 uentions excellentes & grandes.

Fin du seiziesme liure.

DES ARTS ET INVEN- TIONS ARTIFICIEUSES,

LIVRE DIXSEPTIESME.



*Les artifices
 n'agueres in-
 uentez.*

*L'inuention
 des nauires.*

ENtre les inuentions des choses la
 composition de la pyxide, bouette
 ou petit vaisseau nautique n'est el-
 le pas digne d'admiration, par le-
 quel on va sus tant de mers, par le-
 quel le salut & la vie de plusieurs
 hommes est commise & exposee
 au profond de la mer, à la profundité des eaux & aux
 tourbillons des vents, tant de pecunes, mesmement la
 vie des Princes est baillee en garde à tant petit vaisseau,

comme presque sus vne virgule ou plus tost sus vne petite aiguille? Et ne suffit seulement auoir commis les choses su dictes à ce petit vaisseau: mais il nous dirige, adresse, & enseigne la voye: & la pierre insensible surmonte tant d'hommes tres-sages, qui ont yeux pour voir: & oreilles pour ouyr.

La seconde louange pourroit estre attribuee à l'inuention des tourmens belliques, & artilleries, s'ils n'estoiēt plus tost inuentez au dam du gerre humain qu'à l'vtilité: pourtant le nom de l'inuenteur est execrable.

*L'inuention
des artilleries.*

À ceste inuention succede l'admirable Imprimerie, seconde à nulle, apres la premiere, en vtilité, dignité, & subtilité: & si elle est constituee au premier lieu, ie croy que ce seroit bien fait. Toute l'antiquité n'a rien pareil à ces trois inuentions. Ie laisse les autres merueilleuses inuentions de nostre temps, qui plus tost agmèteroiēt les artifices antiques, qu'elles surmontassent les esprits de noz maieurs. Si ie voulois nombrer le tout, tout ce liure ne suffiroit pour les comprèdre: toutesfois ie mettray quelques inuentions pour exemple.

L'Imprimerie.

Les voutes aux edifices: les cloches aux temples: les etrieux aux selles des cheuaux: les meules & rouē aux horloges: les lignes blanches distinctes au vitre: la forme & la celerité de merquer les pieces d'or, le rouēt par lequel plusieurs trets de fil sont filez ensemble, supprimé de fait & à pens à Venise, afin de pouruoir à la vie des pauures femmes, & de leurs filles. Plusieurs choses delaissees par long interualle de temps sont reuenues en vsage, comme la composition des galeres de cinq rames pour banc, comme la composition de chrysocola.

La façon mesmement des corcelets de Thrace, de quoy Pausanias fait mention aux histoires Attiques, comme de chose presente & cogneue. Quand les Saurromates, dict-il, n'auoient de fer, & ne prenoient soing d'en acheter ou en auoir par eschange de marchandise, & toutesfois ils auoient abondance de cheuaux, quand les cheuaux estoient morts ils assembloient les ongles d'iceux, & les fendoient en lames ou paillettes, puis ils les cousoient des nerfs de cheual ou de beuf, comme du cuir d'un Scameus & ord serpent, & les cousoient,

*La façon de
merueilleux
corcelets.*

en sorte que si quelqu'un n'en auoit veu, ils luy sembloient estre le fruit d'un pin verd. Et tels corcelets n'estoient en rien inferieurs en usage & beauté à ceux d'Attique qui estoient composez de fer. Car ou soient frappez de pres, ou de loing, il resistent fort bien au coup des darts, & espees. Pausanias recite vn de ceux cy auoir esté pendu de son temps en Athenes au temple d'Esculapius. Et si l'usage en estoit restitué, j'estimerois l'inuenteur ne perdre son labour.

Trois arts qui sont enrichiz par subtilité & ennoblis.

Pierres precieuses subtilement engrauées.

Subtilité est la mere de honnesteté & de beauté.

Les murs bien dressez, sont Eternels.

Les arts aydes par subtilité.

Les arts qui sont grandement illustrez enrichis & ennoblis par subtilité, sont la peinture, l'art de sculpture, & de poterie : car si l'œil est vn peu trop eleué, ou la narine trop estroicte, ou la leüre trop oblique, tu perdras totalement autant de peine & labour que tu y mettras. Les anciens ont triomphé en sculpture, en sorte que lors la main en scauoit plus que l'œil n'e cognoit maintenant, & aucuns referent cecy aux Iuifs. I'ay veu deux pierres precieuses dictes Carneoles, de telle sculpture admirable, ayans figures d'animaux incognus.

Veritablement subtilité est du tout la mere de beauté, & honnesteté : & non seulement de beauté & de grace, ains souuent de fermeté : comme aux murs l'exquise composition faicte droicte, rend l'œuvre tres-ferme, & eternal : & si la composition s'esloigne vn peu de la droicte, incontinent les murs sont ruinez.

Les arts qui seulement sont aidez par subtilité, & non ennoblis, sont l'art militaire, la magie, l'alchemie, l'art de faire les machines, qui est contenue souz l'architecture. La peinture non seulement est aidee de subtilité : mais aussi ennoblie. Car la peinture est la plus subtile de tous les arts mecaniques, & la plus noble. Et la peinture faict chose plus admirable que la poterie & sculpture : la peinture adiouste les ombres, les couleurs, & adioinct la discipline speculatiue, en adioustant quelques nouvelles inuentions : car il faut que le peintre ayt la cognoissance de toutes choses, pour ce qu'il ensuit toutes choses : le peintre est philosophe, architecte, & bon dissecteur : l'excellente imitation de tout le corps humain le manifeste, ja commencé de long temps par Leonard Vinci Florentin, presque paracheuee : mais

l'œuvre n'auoit vn tel ouurier & tel indagateur des choses naturelles qu'est Vessalius.

Vessalius.

Pourtant afin que ie die quelque chose des preceptes de peinture, & de poterie, il faut premierement prendre ce qui est commun aux deux, mesmemēt à la sculpture, sçauoir est, qu'il est plus difficile de faire les deux parties de la face, qu'vne seule. Car on peut exprimer la face en trois manieres, la moitié le tout, & la moitié de la moitié. L'exemple & pourtraict est pris à la face: car les hōmes sont peints plus difficilement que les brutes, cōme les brutes plus difficilemēt que les plâtes & les plâtres plus difficilemēt que les regions & parties d'icelles. Et la face entrē les parties de l'homme, & selon sa maniere, est difficilement exprimee: premieremēt, pource que le labeur est double: puis par cōparaison, si le peintre cache quelque chose en la magnitude, en nombre, en forme, en couleur, en rayeures, en rides, en cautez, & en plusieurs autres choses innumerables, qui estoient cachees en la figure d'vne medietē, les faicts manifestes declarent & montrent la turpitude de l'œuvre.

Il est plus facile de faire la moitié de la face que le tout.

Ceux donc qui veulent peindre quelque chose, ils doiuent conceuoir en leur esprit, commē en leur memoire, la chose premierement veuē: puis ils doiuent faire à part vn espreuue subtilement: apres en ayant presens ce que tu peints, tu le dois parfaire, en contemplant exactemēt toutes choses: car en chacune des parties vne symmetrie & commensuration est cachee, laquelle si tu ne la comprends en ton esprit, & tu t'eifforce de l'exprimer appuyē seulement sus l'aide des yeux, tu perdras temps & labeur.

Vn commun precepte de peindre Et d'engrauer.

Et tu ne prendras la moitié de la face, commē quelque costē, car on ne voit aucun hōme de la sorte: mais ceste moitié sera situee entre le tout & la moitié, la teste vn peu declinee. Dont il aduiēt que pource la moitié de la face est plus facilement peinte que le tout: car entendu que la moitié a plusieurs situations, commē il est dict, pource sa forme cōsiste en quelque latitude: & la totalitē d'icelle consiste, commē si elle estoit posee en vn point par quelque grāde perfection de representation & peinture. Il est plus facile d'entendre & cognoistre ce

Cc iij

qui a quantité, que ce qui n'a de dinifion, & qui perisque seulement peut estre cöceu par cogitation. Or veu qu'ils sont trois perres de representer: le premier certes aux superficies, & est appellé peinture: le secöd aux corps ja faictz en engrauant: le troiſiesme, qui faict les corps, & est dict plastice, comme poterie: il est manifeste que la peinture est la plus difficile de toutes, & pource la plus noble. La peinture a trois parties, le pourtrait, l'ombre & la couleur. Car quand elle est contrainte de faire les corps en vne plaine ou superficie, elle requiert l'aide des ombres & du portraict: pource elle est plus difficile aux autres arts, qui expriment aux corps les effigies. Certes la couleur blanche monstre les choses moindres qu'elles ne sont, comme la noire les monstres plus grandes. Les liures imprimez le demonstrent, desquels tant plus l'encre est claire, tant plus elle faict les lettres sembler estre moindres. Pourtant toutes choses que nous voulons peindre tres petites nous les peignons de couleur blanche, comme au tableau de noble hōme Guillaume Gaulius lieutenant des mons de Sauoye ou Daufiné, chez lequel j'ay veu plusieurs choses nouvelles, & fort excellentes, quand i'estoy à Lion. Car il est homme docte & tres-humain. Entre plusieurs monstres de nature il me monstra cest artifice, sçauoir est, l'hüer peint en vn tableau. Illec est peint vn cheualier fort loing, en sorte qu'à peine il peut estre veu, il est peint de couleur blanche par ingenieuse inuention d'artifice, afin qu'il fut veu plus petit qu'il ne pouuoit estre veu, & toutesfois qu'il fut veu. Car la couleur blanche approche fort à la clarté, en sorte que nule partie d'icelle peut estre cachée, non plus que de la clarté. Et rien n'est veu sans les choses sensibles comunes. Ainsi elle est aidée par autres couleurs pour deceuoir, & est teinture plus tost que peinture. Il aduient souuent que nous fardons les cheürs & autre viel bois, & semblent estre nouueaux. Et pource que cecy facilement est varieté selon la nature du bois, ie le passeray à ceste heure.

La peinture est aidée aux ombres pour cause de l'obscurité, & aucunesfois par la partie de l'œuvre plastique, & de poterie. Ces deux arts ioints ensemble au

*Trois parties
de peinture.*

*La couleur
blanche faict
les choses estre
veues moindres.*

*La louange
de Guilla
me Gaulius
Francois.*

cenacle de saint Saluateur, (ainsi ils l'appellent en Padouie) ils ont fait, que nul autre part le theatre des colonnes soit mieux peint pour vn vray. Car outre l'obscurité du lieu, & l'admirable industrie du peintre, la voute n'est feinte au milieu de la peinture ainsi elle deçoit tant les yeux, que tu es cōtreint penser le tout estre peint, & composé de pierres. C'est merueille à quelle hardiesse est venu cest art de peinture, qu'elle a entrepris d'exprimer les tonnerres, les voix des hommes, les affections de l'esprit, les successions des temps, & mesmement ce qui ne peut estre peint, ny estre dict. Donc les successions des temps & lieux sont ainsi instituez par la peinture, que les choses premieres parauant, les plus grandes, & caduques semblent estre ombres. Exemple, le ieu des eschets apres qu'il a procedé, il faut le peindre: tu prendras les lieux vuides lesquels les eschets ont laissé premier: car il est assez cogneu à ceux qui scauent le ieu, que l'eschet illec a esté dès le cōmencement: tu peindras ceux qui ont esté seulement remuez vne fois de plus fortes couleurs, non autrement que ceux qui n'ont esté remuez, ils sont toutesfois moindres qu'ils ont procedé en auant, au cōtraire ceux de l'aduerse partie, sont plus grands. Et si l'eschet a ja marché deux fois, tant plus pres, tant plus semble grand: mais la figure de la premiere procedure est plus claire, & comme presque ja hors d'usage, & le lieu que l'eschiquier a au derriere, monstrera la figure entiere par les couleurs. Or sus donc vn eschet a ja marché outre par trois fois: tu descriras au premier lieu la figure ombratilé, au second plus viue, au tiers lieu l'absolute & parfaite. Pren la mesure depuis l'eschet qui a souuent changé de place, que ce soit celuy qui a changé cinq fois, l'eschet sera paracheué au dernier lieu, & sera peint de viues couleurs, nō autrement que si iamais n'auoit esté mouué, au penultime lieu il sera entr'ouuert, & faudra le peindre comme si la peinture estoit ja vieille: au troiesime lieu il est hors d'usage, lequel toutesfois peut estre veu entier, les reliques des couleurs y estans encor: au second lieu les eschets aurōt l'effigie de l'ombre munie de nulles couleurs, toutesfois entiere: au premier lieu les vestiges

*Le cenacle de
saint salua-
teur de Pa-
doue.*

*Comment les
successions des
temps sont
peintes.*

de l'ombre seront seulement, & les parties de la figure seront mutilees, comme si ja elles estoient tombees, en sorte toutesfois que la forme de l'eschet puisse estre entrecogneüe, & faut penser que ja de long temps il a esté illec. Ainsi il faudra prendre l'imitation des autres par les successions vltimes, non par les premieres. Pourtant il sera facile d'exprimer la succession des temps, là où la différence des lieux n'est grande, mesmement par l'ayde du lieu, à fin que celles qui ont procedé parauāt, soiēt mises comme au limite dernier. Semblablement le regard de la face demoastré l'allure des hommes & bestes. Mais si la longinquité du lieu repugne à la succession du temps, plusieurs peintres quand ils n'ostent seulement la magnitude, aias la couleur, ils ostent l'image de la succession. Pour ceste cause donc nous peindrons, nō comme tels peintres, le premier lieu par image grande, & exprimee pour la propinquité, & de loing par la petite image & ombratile, en ostant la succession du temps, de pres nous peindrons ceste image grande, toutesfois comme ombre, & cōme celle qui represente ce qui a esté, non ce qui est: de loing nous la peindrons petite selon la grandeur de la distance, & aucunement cachée, non tant que la premiere, & de laquelle la partie ne soit comme caduque.

Mais j'ay parlé de ces choses: venons aux preceptes d'engrauer & d'esleuer. Je dy d'esleuer, en Latin *sculper*, quand nous faisons les images prominentes, comme aux statues & pieces de monnoye qui representent les effigies des Princes. Je dy engrauer, en Latin *calare*, quād nous creusons, cōme aux seaux des pierres precieuses, & autres choses qui expriment les images, en foulant sus de la cire. Ainsi l'engraueure est plus difficile que la sculpture. Car ceux qui vsent de sculpture, fōt ce qu'ils voyent: ceux qui engrauent, voyent vn, & font l'autre: & quand ils voyēt, ils ne font, & quand ils font, ils ne voyent. Outre ceux qui doiuent faire quelque œuvre, quand ils engrauent, ne peuuent le conceuoir en leur esprit, cōme font ceux qui vsent de sculptures, entendu que la cavité est incognue aux engrauers, & par nature & par vsage. Et si tu erres vn peu quand tu aug-

Il est plus difficile d'engrauer, que d'esleuer.

mentes en la cite ce qui doit estre prominent, la cavitée augmētée, tu commettras erreur en la pierre precieufe, qui ne pourra estre corrigee, sinon en renuersant tout l'ouillage. Mais en la sculpture, & en l'œuure faict au tournoir, premierement il est plus facile de n'en oster trop, ains d'en laisser, que d'emplir en engrauant: outre plus si tu en ostes trop, il est plus facile & plus cōmode de restaurer tout l'ouillage en la matiere exuberante & superflue, qu'en la cavitée. Mesmement en engrauant, les choses dextres sont referrees, & se rapportent aux fenestres, & les fenestres aux dextres, ce qui est difficile en cest œuure, quād nous voulōns engrauer toute l'effigie, & en la sculpture les choses dextres demeurēt dextres, & les fenestres, sont tousiours fenestres. Pour toutes ces causes il est plus difficile d'engrauer que d'vser de sculpture. C'est chose tresdifficile, & œuure d'exemple singulier d'engrauer toute la face, & cecy d'auātage en vne petite pierre precieufe. Pour ceste cause i'ay fait q̄ mes images engrauées en plusieurs pierres precieuses, en chrysolithe, en hyacin, & autres, avec le nom & prenō, representent la moitié, ou certes la demy-moitié de ma face. Ceux qui peignēt ou engrauēt, qui esleuēt ou forment la demy-moitié, ils adioignent la partie d'un œil. Ceste maniere est plus excellente pour rendre quelque cōfufe cognoissance de l'hōme, plus facile que celle qui seulement represente la moitié de la face: mais elle est d'autant plus inferieure que la representation exquisite, qu'elle est meilleure par la facilité de cognoistre. Car en la moitié de la face il est licite d'exprimer exactemēt les taches naturelles, dictes *naui*, les rides, lignes, & poinctz, & tout ce qui est en ce costé là: en la demy-moitié il n'est licite de les exprimer exactemēt, car elle est sans aspect apparēt. La pure poterie, dite plastice, est la plus difficile de tous les arts, fors la peinture: & n'est inferieure que l'engraueure, si elle n'est aidee de la sculpture. Car le potier à toutes les difficultez qu'à celuy qui engrae, & outre cela, il a la dispositiō de la matiere, la cognoissance de la temperature du feu, & le peril de plusieurs cas fortuis, presque innumerables. Puis des figures premier engrauées sont faictes les statues, par infu-

La difference de la representatiō de moitié & de demy-moitié.

La poterie est plus difficile que l'engraueure ou sculpture.

Cinq colomnes de poterie magnifique en Vormacie.

tion d'humeur. Pourtant celuy qui n'engtrauera biẽ, cõmẽt fera-il bien la poterie? Munsterus recite cinq colõnes de poterie magnifique estre en Vormacie. l'ay voulu adiouster cecy, pource que c'est grand argument de l'art excellent, & de la louange du potier, si Munsterus n'est deceu en escriuant ouurage de poterie pour sculpture. Certainement l'inuention de poterie à presque pareille & tresgrande difficulté en œures maximas & minimas: toutesfois elle'a trop plus grãdes aux œures maximas qu'aux minimas, aux œures mediocres elle a la difficulté trop moindre, en sorte que les œures mediocres peuent estre dicts faciles. l'en ay veu plusieurs, lesquels s'estimans grãds ouuriers, pource qu'ils se plaisoient aux statues de mediocre magnitudine, quãd ils pẽsent d'en faire de grandes, ils ont monitré l'exemple de leur ignorance; & de la difference des grãdes & petites œures, en laissant les mediocres imparfaites. Qu'estimes-tu deuoir estre, si en grande œure est adiointe la subtile expression des pourtraits & particulẽs? Cest œure viendra-il point presque hors la vertu d'humanitẽ, & les exemples d'ingenieuse inuention? Pourtant non sans cause i'ay fait mention de cinq colomnes, si elles sont, cõme i'ay dict, de l'ouurage de poterie. Et aux ouurages trespetits il n'y a tãt d'industrie qu'aux tresgrãds, mais que la matiere tant subtile ne defaille point. Au temps passẽ la poterie estoit l'art, par lequel estoiet faites les tresgrãdes colomnes, les colosses, & autres choses semblables. I'ay souuenance que i'ay leu à Lyon vn liure escrit en Grec, qui enseignoit les Rhodiens auoir construit & composẽ œures magnifiques par ceste industrie de poterie. Mesmemẽt ils recitent que ces quatre tresgrandes colomnes, par lesquelles le pinnacle du temple Atheneum, est soustenu à Lyon sont de ce gerre, & certes elles sont encrustees. Aucuns disent cest artifice auoir estẽ, que les colomnes & vaisseaux soient formez en œure de poterie d'escume de fer, de pierres dures qui sont trouuees au fond des fleues, de marbre dur, le tout redigẽ en poudre menuẽ, & du blanc d'œuf, & sont enfouis long temps, & plusieurs ans. I'estime que cecy appartient à l'art de poterie, que les matieres sus-

L'antique poterie de faire les tresgrãds ouurages est admirable.

dites soiēt batues & redigees en poudre fort menuë. Et les matieres qui prennēt forme plus exactemēt avec le feu, sont le plastre & le soufre. Mesmement sans feu aucūs ourages sont faiçts excellēts de carte blanche naturellement meslee en l'eau, mais ils sont de petit pris.

Or de la chaux & de ses pierres puluerisēes fort menues, est faiçt vn gerre de ciment (ceux de nostre pais l'appellent stuc) lequel se condense dur comme marbre. Ceste matiere de stuc par l'art de poterie est capable de tout pris: car on en peint les forets & les chasses de venerie & autres choses, tant subtilement qu'en adioustāt les couleurs en cest œuure, il merite le pris de grāds argēt. Aucuns paistrēt & meslēt du sang de bœuf recēt, les susdictes pierres puluerisēes. Par ces choses l'augmēte vne pierre dicte tuf, en Latin *tophus*, en tant grāde durtē qu'elle ne differe en riē de la pierre naturelle, de laquelle les pieces brisēes sont ceste cy.

Les gerres de stuc qui est cōme terre à potier.

l'ay veu toutes ces choses. Mais rien n'est plus admirable que quand nous engrauons les hommes morts où viuans à du plastre batu qui soit froid, en sorte que nous faisons vn hōme ou de plastre frotē d'huile, ou de carte, ou de soufre, tellement que l'image ne differe de l'homme vif en aucune partie sinō en la couleur, & en ce qu'elle ne respire. Et ceux qui font cecy plus curieusement, ils agglutinēt & ioignēt à ceste image la barbe & cheueux pris d'vn mort, puis en adioustant la couleur, ils rendēt vne image faiçte sus le vif. l'en ay veu de telle sorte quād i'estois en Frāce, principalement l'image & representation du corps mort de François Roy de France, premier de ce nom, en la maison du noble Cardinal de Tournon. Et l'art ne peut faire chose plus semblable à l'homme que telle image, ny à peine plus blanche que neige. Ceste image auoit esté portee aux pompes funebres du Roy. D'auātage la maniere est inuentee de rediger en bref tēps les images de grandes en petites. Qui est ceste maniere, sinon que l'image tiree hors de la forme ou presse, se retret incontīnēt, quād on la seche? Ce qui est humide, mol & de parties subtiles, qui restreint quād il se seche, peut ce faire. La moielle ou la mie du pain chaud, quād on la paistrē, derechef reuient & est redigee en paste. En icelle sont

Comment les hommes sont faits au vif.

L'image du Roy Frāçois.

Les images redigees de grandes en petites.

receuës les images & sechees : puis en iettant du plaistre sec par dessus, petit à petit elle se redige en moindre forme. Cecy mesmement est faict par le moyen des lignes menuës, lesquels retirez hors de l'image, incontinent se retirent en rides, & par les couurechofs pliables.

*Qui sont les
arts excellents
cachez.*

Or neantmoins que ces choses soient de soy-mesmes exemples de grande subtilité, toutesfois plusieurs arts excellents & nobles sont presque cachez, en partie pour les proprieté des choses encor incognues, en partie pourée qu'elles requierent vne inuétion subtile. Les arts qui sont cachez sont comme la maniere de faire vitre qui tiene: l'inuention des thresors: la maniere de donner strideur & son aigre au cuyure, de l'oster de l'estain: la maniere de tirer hors de terre toutes choses vtils: de transmuer les couleurs: la parfaicte maniere de muer le vin corrompu en vinaigre, laquelle inuentee de mon temps & aage, est perie de mon temps aussi, quoy qu'icy dessus i'en ay escrit plusieurs choses vtils: la maniere de cognoistre les propres vertus des choses: l'art de prolonger la vie, dont i'ay parlé cy dessus: l'art & maniere de faire vne matiere qui puisse resister à l'impetuosité des artilleries: l'inuétion de voler, dont il est mal pris à deux qui tenoient n'agueres de ce faire: Leonard Vinci, duquel i'ay parlé, s'est efforcé de voler, mais en vain: il estoit grand peintre. Sur tous les arts est incognuë l'art magnifique de Tyridates, pour laquelle Nero luy donna grand argët, & le Royaume d'Armenie, quoy qu'elle enseigne ce qui ne peut estre faict. Toutesfois des choses qui ont esté long temps cachees & incognues, aucunes sont inuentees, comme les horloges sans corde. Au lieu de la corde les roües sont erigees: en aucunes les meules sont mises sus, qui ont la figure de limaçon, & vingt-cinq denticules, aucunes en ont d'auantage: par ces denticules est tourné l'axe ou effueil denté, qui tourne toute la machine: en quelqu'autre horloge la roüe a quarantehuit denticules disposees en bas, & entrelassees à vne autre roüe, afin que quand elle est tournée par l'aide de la meule qui est en bas, l'autre roüe entrelassée d'autant de denticules en tournant, face tourner avec soy toute la machine. Par mesme moyen

*Horloges
sans corde.*

on a inuenté, que la selle de l'Empereur soit tellement disposee qu'en quelque situation elle soit constituee, l'Empereur est assis immobile, & commodément quand il est porté. Cecy est tiré & vsurpé de la maniere des armilles: car quand trois cercles d'acier seront constituez, les pòls & boules en haut, en bas, deuant, derriere, à dextre & à senestre, entendu qu'ils ne peuuent estre plusieurs situations, il faut que l'Empereur se repose tousiours en ceste selle ou chaire, en quelque costé qu'elle soit tournée. Cecy a quelque semblance aux lampes, de l'exemple desquelles ceste maniere est tirée: car quoy qu'elles soient larges quand elles sont tournées, elles ne respandēt l'huile. Ianellus Turianus de Cremona, duquel mesmement i'ay fait mention cy dessus, homme de vif esprit, a excogité plusieurs inuentions telles, ou les a reduictes en mieux excogitees des autres: comme l'vniuerselle machine du monde iadis fabriqué par Guillaume Zelandin, desfaiçte & cassée aux tenebres par negligence, lors que ie la reuoquay en lumiere non moins en passant, que d'industrie, comme né par le vouloir diuin à restaurer & reparer les bons arts, Ianellus l'a totalement restituée entiere. A l'exemple de laquelle il en a composé vn autre pour l'Empereur, de telle sorte qu'en elle tu peux voir les moments des temps, toutes les parties des signes, & le mouuement tardif du huictiesme ciel: mesmement on y peut voir les diuisions des signes du ciel, qu'aucuns appellent les maisons, les heures egales & inegales, & qui est chose plus grande, seruantes aux parties du monde vniuersel, en sorte que ceste machine vrayement represente tout l'vniuers. Je laisse les progres, degrez des estoilles errantes, dictes planettes, les latitudes, les hauteurs, & autres choses innumerables, tellement que la chose du tout n'est moins grande en renommee, qu'en fidele cognoissance. On recite que Sabor Roy des Persiens, fist construire de vire vne machine de telle façon tant grande, qu'il estoit assis au centre d'icelle, comme en la spherule & rotondité de la terre, voyant souz ses pieds les astres, & les estoilles qui se couchoient & leuoient, en sorte que neantmoins qu'il fut mortel, il sembloit estre sus toute la hauteur & ex-

Vne selle ou chaire admirable.

Armillles sont instrumens à astrologie.

Guillaume Zelandin auteur de la spher celeste d'un merueil leur artificie.

peccation de mortalité. Quelle chose plus grande & diuine peut venir au sens de l'homme, mesmement à yn Roy qui possède tout le monde, qu'après la possession des terres & mers, il semble posséder du ciel & des astres, le domicile de Dieu? Honorat Ianius Valentin precepteur de Philippe Prince des Espagnes, homme tresdocte aux lettres humaines, me print recitant telles choses, & me dit, Ceste machine au temps passé estoit coustumierement faicte de vitre, ou de metal, comme maintenant; dequoy Claudius est tesmoing, outre l'authorité de Cicero: & me plaist, dit-il, de reciter maintenant ses carmes pour quelque doute:

*Quand Iupiter en petit vitre vit
Le Ciel, il rst, Et/ aux autres dieux dit,
Iusqu'à ce soin vient le pouuoir de l'homme?
Ia mon labour bien est contrefaict, comme
S'il estoit vray, en vitre rond, & tendre:
Par art subt il a voulu entreprendre
Vn bon vieillard Sicilien d'y mettre
Les droitz du Ciel, Et/ n'a voulu omettre
Les Loix des dieux, & soy de toutes chose:
Aux astres sert illec vne ans: enlose,
Diuersement, qui cert es faict mouuoir
Vn ceuvre vis, & remply de pouuoir:
Le contrefaict Zodiaque parfaict
Le cours de l'an, & la Lune refaict
Par moi nouueaux son dissimulé cours.
L'industrioux vieillard faisant discours
Dessus son monde, il se plaict grandement:
Et son esprit regit le firmament.
A quelle fin, & pour quoy s'emerveille
Salmeus qui sans mal faire veille
Tonnerre faux? On trouue en pourtraicture
Petite main qui imite nature.*

Ie te demande, dit Honorat, comment en l'esprit enclos ceste machine a peu estre tournée par tant diuers mouuemens, comme Claudianus le refere? Outre, pourquoy ceste machine estoit elle faicte de vitre au temps passé, & maintenant de metal? Lors ie luy respon, la cause pourquoy la machine du monde celeste estoit faicte

Honorat Ianius Valentin precepteur du prince des Espagnes.

Foy, c'est à dire, fidelle histoire.

de vitre au temps passé, estoit pource que ceste machine estoit imitatrice vrayement du ciel : les plus petits ciels estoient enclos aux plus grands. Pourtant les ciels qui estoient dedans, & les estoilles n'eussent peu estre veuz, si tous n'eussent esté faicts de matiere perspicue & claire. Pour ceste cause ceux qui font maintenant les machines, craignans la fragilité du vitre, sont cōtraints d'imiter la machine du monde non naturelle, en mettāt vn ciel à l'entour d'vn autre, pource que s'ils sont faicts de metal, ils ne pourroient estre veuz : mais autant que ils sont de ciels, autant ils sont de tableaux, ou pour le moins six, entremessans le ciel du Soleil à celuy de Venus, & les assemblent en circuit, afin que ce qui est des roues, des poix, meules, chariots, denticules, cloches, verges, cordes, & d'autres instruments, soit caché interieurement: combien que lanellus n'y ait entremeslé le poix, & ne les cordes, mais il a constitué le tour de fer, & denticules par artifice admirable, & les planettes prominentes des tableaux avec quelques cercles pouuoient estre veuz sans empeschement. Dont il appert que la cōposition antique de ceste machine estoit trop plus excellente, & plus belle que la nostre : vray est que la nostre dure plus long temps. Et si elles estoiet faictes de matiere dure, perspicue & luisante, comme nous auons dit cy dessus du crystal, auquel l'argent est entremeslé, lors on pourueroit bien à la naturelle forme ronde, & à la construction des ciels par laquelle vn ciel est enclos dedans l'autre, mesmement on pourueroit bien à la perspicuité, & à la pulchritude avec la durturité. Tu as maintenāt la raison pourquoy telle machine estoit de verre: car il n'estoit facile, lors principalement de la faire perspicue & lucide d'autre matiere que de vitre, entendu que lors les machines estoient trop plus grandes que celles de metal du iourd'huy.

Par ces choses il est patent que telles machines n'estoient mouuees par poix ou contrepois : car à peine les poix pouuoient estre enclos, & estans ainsi enclos, ils n'eussent eu le mouuement continu, & eussent aussi maculé la beauté de l'œuure : aussi ils eussent faict grand tort au vitre, les ciels exterieurs mouuez d'vn co-

sté seulement. Pourtāt il estoit plus facile à Archimedes de mouuoir cecy par l'esprit, & principalement pour ce qu'il n'auoit donné seulement qu'un mouuement aux ciels, & les colloquoit tous à l'entour d'un mesme centre, comme Calippus & Eudoxus, & mouuoit la terre, comme petite spherule, par plusieurs & diuers mouuemens au milieu, ie ne sçay par quels artifices. Car Archimedes estimoit les parties du monde estre ainsi disposees, comme il tesmoigne manifestement au petit liure qui est du nombre de l'arene. Laquelle opinion Nicolas Copernicus a ensuyuie de nostre temps. S'il l'a ensuyuie, ie ne sçay, veu qu'il est incertain si Archimedes a voulu le ciel de la Lune estre tourné avec les Elements, comme le vent Copernicus. Pour deux causes dōc il est manifeste qu'il estoit plus facile à Archimedes de faire ceste machine de vitre, & la mouuoir par l'esprit sans autre effort, qu'il n'est de nostre temps à ceux qui ensuiuent les ordonnāces de Ptolomeus. Mais que ceste machine aye peu estre mouuee par l'esprit, ie n'estime cecy digne d'admiration grande, si nous considerons par quelle grande force les artilleries qui sont faictes en Germanie poussent loin les boulets, veu que ce sont seulement par l'impetuosité de l'air. Autrement Claudianus peut estre, entendu par l'esprit de la force cachee & occulte de la machine, desquelles choses i'ay parlé au commencement de cest œuure. Car les liens cachez par artifice, ou aides, comme i'ay dit, par les rouies avec les denticules, la machine de soymesme, & par quelque esprit pouuoit sembler estre mouuee. Et cecy ne doit estre entendu seulement du mouuement, par lequel les astres sont mouueez d'Orient en Occident, veu que Cicero dit ainsi : Et si quelqu'un portoit ceste sphere aux peuples barbares, comme aux Scythes, laquelle nostre amy familier Possidonius a faict n'agueres, de laquelle toutes les conuersions sont chose mesme au Soleil, à la Lune, & aux autres cinq planettes, qu'elle est faicte au ciel tous les iours & nuicts, qui douteroit en ce peuple barbare que ceste sphere ne soit parfaicte par raison? Et tels peuples doutent du monde, duquel toutes choses sont engendrees & sont faictes, à sçauoir, s'il a esté faict

par

par cas fortuit, ou par aucune necessité, ou par raison, ou par esprit diuin. On estime qu'Archimedes a esté plus excellent à imiter les conuersions de la sphere, que nature n'a esté à les faire, neantmoins que les œuures de la nature soient faicts en plusieurs parties plus ingenieusement que les simules d'Archimedes. Il est donc manifeste par ces paroles, non seulement Archimedes, ains aussi Possidonius du temps de Cicero, auoir imité tous les mouuemens des astres par la machine ou globe, ou sphere representant le monde. Pourtant on peut ainsi exposer Claudianus, que nous interpretations ceste force qui estoit contenuë par liens, & par l'effort des meules, latente cachee, & omise, comme si elle n'estoit point, estre l'effigie de la machine se mouuant de soy-mesme, & de son propre esprit, non pas que nous interpretations l'air pour l'esprit, ains vne ame.

Mesinement ils sont aucunes exemples de la subtilité propre à l'ouurier, non à l'artifice: comme l'Iliade d'Homere escrite à vne carte qui estoit comprise dedas l'escorce d'vne noix: vne nauire d'uoire qu'vne petite mouche à miel cacheroit de ses aisles. La statue de Memnon approche à chose miraculeuse, laquelle toutesfois que elle estoit illustree du Soleil leuant, elle rendoit vn grand son. Et l'histoire n'est fabuleuse, de laquelle ce graue autheur Cornelius Tacitus faict mention, & Strabo recite qu'il l'a ouy dire. Car elle estoit à Thebes ville d'Egypte, où est vn lieu quand on a passé le Nil, qui est appellé Syringua. Seulement restoit l'inferieure moitié de ceste statue: car Cambyfes Roy de Perse en auoit emporté la superieure: toutesfois ceste moitié inferieure rendoit encor le son. Pausanias recite ce son estre semblable au son des cordes d'vne harpe quád elles se rompent, & l'auoit ouy. Vn chariot de quatre roües estoit l'ouurage de Myrmecides, qu'vne mouche couuroit. Les fourmis de Callicratides estoient faicts d'uoire, desquels les autres n'eussent peu voir les parties. Iean Leo recite la chaîne d'vne puce auoir esté faicte en Egypte. T'en esmerueille-tu? Vne a esté faicte en Germanie apportee à Milan. Vne belle puce liee à vn cheual, auquel vne chaîne estoit adiointe, estoit ainsi nourrie. Sont ce

*Admirables
exemples de
la subtilité
des ouuriers.
La Statue de
Memnon.*

argumens plustost de folie, ou de superfluité, ou de subtilité? Mesmemét de nostre aage petites caues sont faites de bouys, grandes cōme vne aueline, avec vn oyseau complet qui est dedās: & cela est fait, qui est admirable en 7. heures. Il est aduenu mesmemét de nostre aage au prince d'Vrbin, qu'on luy ait dōné vn anneau pour mettre au doigt d'aupres le pouce, où estoit vne pierre precieuse qui auoit vne horloge cōplete, laquelle outre la ligne qui distinguoit les heures, admonestoit d'vn coup par chacun espace des heures celuy qui la portoit. Tels ourages d'admirable subtilité ne peuuent durer long temps, & ne sont vtiles, comme desordonnez & empeschez à chacune heure, mais seulement ils donnent admiration: & pource ils profitent plus à l'auteur & inuenieur, qu'à celuy qui les achete. Car la vraye subtilité est argument comme de quelque celeste nature, & demonstre vne mixtion par toutes les parties, voire les plus petites, en sorte que la subtilité qui dépend de l'art, iointe avec gracilité, est totalemēt inutile. Toutesfois de pouoir & sauoir segreger ce qui est tres subtil en chacune chose, c'est l'œuure & operation de quelque art diuin.

Les petits ourages subtils sont fragiles.

Quels arts sont les plus excellens en subtilité.

Or aucuns arts sont trouuez les plus excellents en subtilité, quoy qu'ils ne soiēt diuins. Entre ces arts quatre sont les plus nobles: l'art magique, l'art des notes, de cacher, & l'art d'alchimiste. Adiuiltons quelques exemples d'iceux, & que ce soit des notes, comme ainsi soit qu'on entre chez toy. Et les notes sont les paroles des affections intimes de l'esprit, comme le mouuement des yeux, la cause, le lieu, le temps, les mœurs de l'esprit, la disposition du corps, l'espece, la societé, la conscience, la puissance, l'occasion que préd celuy qui entre chez toy. Si tu consideres diligemment ces circonstances, facilement tu cognoistras la pensée de celuy qui vient à toy. Aucunesfois on peut le deuiner seulement par trois de ces circonstances. L'ennemy vient vers toy d'vn pas leger, d'yeux attentifs: s'il est vieil sans armes, prepare ta langue: s'il est ieune avec armes, prepare tes mains: toutesfois en tant peu de temps, il conuient garder sa vie, & son honneur. Il n'est besoin que l'explique le tout en particulier.

Maintenât ie vien à la maniere de cacher, qui a trois gerres, de transmuer qui est en vsage, comme Suetonius recite de Cesar, comme si on escrit d pour a, pour b n. Et ceste maniere est de gerres infinis. La seconde maniere est faicte par translation, & a deux especes: la premiere, quand avec trois lettres nous escriuons toutes choses, & est plus facile en adioustant vn accent d'aspiration, de peur qu'il n'y ait autre varieté, sinon ceste aspiration. Cb'abb'aacb aca ccab'bb aba bbb aa cabbca'abb'abcba cab bbb'acabb c bba bba bb' ab' bcba abba a cb'b'aac' ababb bab c ab c bbb aa c bbb'aa'a c aaab aa bbb'ca cba bb'a ba ca babbaa'ca'abbca, cba bab.

Les trois manieres de cacher les lettres en escriuant toutes choses avec trois lettres.

L'autre maniere de translation est que les lettres soiēt cachees, en aucune part quelque note de suspension, comme en la musseragne. Laconique, aux autres sans aucune note de suspension, qui est la plus elegante maniere. Car tu prendras deux membranes ou peaux de parchemin, ou cartes qui soient egales & reglees pour escrire: puis tu feras sus les lignes de petits trous opposites en chacune carte, ie dy petits selon la grandeur des lettres. Aucuns trous contiennent sept lettres, aucuns trois, aucuns huit, ou dix, en sorte que tous les trous contiennent cēt vingt lettres, toutes choses iointes qui peuuent estre escrites. Tu donneras vne de ces deux membranes à celuy auquel tu desires escrire. Et quand il est besoin, escry premieremēt ta sentence le plus breuemēt que tu pourras, en sorte que la sentence contiēne le nombre des lettres plus petit que celuy que contiennēt les interualles. Puis tu escriras ceste sentence à la carte ou membrane mise souz les trous, & semblablement tu feras aux autres cartes: finalement emply les espaces de la premiere carte, en accomplissant les sentences, en effaçant, en emplyssant, iusques à ce que le sens soit parfaict. Tu parferas ceste sentence en la seconde carte, en sorte que les dictions & sentences semblent estre coherentes & iointes: en la troisieme carte tu adapteras le tout, tellemēt que les premieres lettres non effacees, toute la sentence, le nombre des dictions, & la magnitude soient complètes, & ayent ornatuere elegante. Ces choses faictes, mets l'exemplaire que tu as coupé souz la carte egale à

La seconde maniere decrire occultement sans suspicio.

luy : puis tu marquera de petits poinçts aux termes & fins des trous iusques à ce que les lettres y atouchent, lesquelles tu veus escrire : lors pren la troisieme carte, escry l'espistre de dictions continues par bon ordre & decente grandeur des espaces & lettres, en sorte que la premiere sentence & dictions d'icelles soient contenues entre les termes & fins des poinçts. Lors il ne demeure aucune suspicion du fard, ou fardee deception, & quand l'autre reçoit cela en mettant l'exemplaire dessous, il entend incontinent la sentēce & le vouloir de ton cœur. Et ne peut on trouver chose pareille à ceste cy, qui n'est de petit labeur, pour signifier & faire entendre secretement quelque sentence, opinion, & vouloir à ses amis, quand les temps sont perilleux.

La troisieme maniere d'escrire lettres & epistres secretement.

La troisieme maniere de cacher & celer est, quand les lettres sont escrites d'alun : car elles n'apparoissent, & plongees en l'eau elles sont leües, pour ce que l'eau rend la carte, parchemin, ou papier plus obscur : & elle blanchit l'alun. Celles qui sont escrites de sel ammoniac sont veues, & apparissent deuant le feu. Ainsi aucunes sont escrites du suc d'orange ou citron, aucunes du suc d'oignon, que lon peut lire quand elles sont exposees au feu, autrement elles sont cachees. Mais cecy requiert grande diligence.

Le papier antique. Thadeus Dunus.

La plume est dicte en Latin niloticus : adu elle estoit dicte gni dius, de Gnidus, ville de Lycie.

Au temps passé on escriuoit au papier, dict Papyrus, fort espais & laid, duquel m'en a mōstré vne piece mon disciple Thadeus Dunus, maintenant medecin bien renommé & scauant en plusieurs langues. En ceste piece estoient escrites aucunes lettres Grecques, où i'ay cognu qu'anciennement les Grecs n'auoient coustume d'escrire leurs liures avec accens & aspirations. Les plus antiques escriuoient aux escorces des arbres & aux tablettes de bois. Mesmement les liures d'Hippocrates sont escrites en tablettes de bois, comme Galien le recite. Aussi on escriuoit sus le plomb. Les epistres estoient escrites sus les tablettes de cire. Les choses eternelles, come les loix, estoient escrites & engrauees en cuyure. Mais le papier d'Egypte leur donna grāde commodité d'escrire. Apuleius en fait mention au commencement de son liure de l'Asne d'or, disant, Maintenañt ne mespri-

se voir & contēpler le papier d'Egypte escrit de la subtile plumē d'Egypte, dictē niloticus, &c. Il estoit aussi vn parchemin, ou membrane de la peau de cheureau, qui est maintenāt en vſage, & dure plus long temps que tout autre parchemin, ſeulement inferieur au cuyure, qui est de grand prix. Peu auant le temps de nostre aage lors que l'Imprimerie n'estoit encor inuentee, plusieurs escriuoient au papier inuentē en Pergamus ville d'Asie, laquelle vtilitē supportoit la matiere trop chere. Cela a estē aboly apres l'inuention d'imprimer, pource que nostre papier qui est fait de petites pieces de toile trempēes long temps, & battues en l'eau, & de ceste matiere pasteuse estendue mincement sus la grille d'airin, afin que l'eau s'esgouste, puis il est mis entre les bourres faites de laine, & illec pressē quand il est vn peu seché, ainsi il deuiet fort blanc, subtil, mince, & leger.

Derechef le papier lauē en l'eau ou la gomme Arabique aura estē diffoute, il ne permet que l'encre se disperse. J'ay souuenance en auoir veu de ce gerte, auquel les liures des histoires d'Eutropius estoient escrits, auāt que l'Imprimerie fut inuētēe. Ces liures estoient à mon oncle Paulus Cardanus, homme tresdocte, & ce papier en rien ne sembloit estre inferieur au papier de Pergamus. Mais nostre temps & nostre aage trop diligente & curieuse à gagner, redige toutes choses en pire: & semble que de present l'Imprimerie (soit que tu regardes à la matiere, ou à la beauté, ou à la facilitē) ait le comble de sa perfection, en sorte que si tu le veux, tu ne peux desirer d'auantage qu'elle te donne. Et n'est aucun art auquel on puisse adiouster quelque chose, sinon à l'Imprimerie, laquelle veu qu'elle est inuentee la premiere, le danger est que quand elle sera paruenue en tant bref temps à l'aage virile & parfaicte, elle ne viēne derechef en decadēce, comme negligee & mal entretenue: ce qui semble toutesfois estre difficile, neantmoins que les guerres soient grandes.

L'art Chrymistique, vulgairement dictē alchimie, contient plusieurs choses admirables, plusieurs inutiles, plusieurs douteuses, plusieurs belles, aucunes salutaires, au-

*Les inuentions
de l'alcemie,
qui sont co-
gnues.*

cunes d'efficace, aucunes presque diuines, plusieurs de nulle consequence, aucunes de grande esperance, aucunes de grande iacture & peril, qui surmontent les autres en nombres. Les inuentions d'alcumiste sont, de produire & estendre le vitre en lignes treslongues, le pouuoir faire maleable & tresdur. Il est certain que ia de long temps i'ay veu vne petite sphere faicte de vitre, laquelle touchee par grand effort d'vne terre dure comme pierre, n'estoit rompue ne brisee, ains elle sautoit iusques aux trabes & plancher. C'est aussi de son inuention de distinguer le vitre de lignes blanches, ou d'y engrauer images, d'en faire fausses pierres precieuses: d'en purger le canfre, dict caphura ou camphora, de mixtionner les metaux, les alteres, & imiter les plus nobles.

*Comment la
foye est blan-
chie. Pour
faire les roses
de diuerse
couleur.*

*Les vais-
seaux pour
fondre les
met avec.*

Ainsi la foye est blanchie par la fumee du soufre: car elle seche grandement: ceste fumee mesmemet restreint les fleurs, les roses principalement, pour mesme cause, & vne partie blanchie, la couleur de la rose est diuerse.

Oltre plus l'art d'Alcumiste a enseigné la maniere de faire les vaisseaux pour fondre les metaux: lesquels sont faits des cornes de belier, principalemēt de la somnité des cornes & des os reduits en cendres, & pilees d'un pilon dedans un mortier: & si tu y adioustes de la pierre dicte emeril, en Latin *smiris*, ou les coupeaux de la corne de cerf, ou des machoueres d'un brochet enflammez, & puis esteints au vinaigre deux ou trois fois, lors les vaisseaux ne se rompent, & le metal ne s'enfuyra: & ces drogues sont mises dedans les vaisseaux, & par tout aussi, de peur que le metal fondu ne soit beu, & principalement on les met au fond des vaisseaux & creusets.

L'art mesme d'alcumiste nous a enseigné l'vsage de distiler, le profit, la force, & les vaisseaux. Mais cy dessus nous auos assez parlé de l'vsage, de la vertu & commodité: maintenant il reste de parler des vaisseaux & de leurs gerres, de peur que cest art ne semble estre seul escrit imparfaictement. Car tous les arts sont enseignez parfaictemēt en ce liure, ie dy des arts dōt est icy traité. Et si ie ne le demonstre, qu'aucun n'adiouste foy à mon dict. Car les arts ne sont icy descrites ne mōstrez diffuse-

*Tous les arts
ont bien mō-
strez en ce li-
ure.*

ment, ne par confusion, ains par chapitres. Et si ie n'eusse atteint tous les chapitres, ie n'eusse esté memoratif de mon precepte pris de Galien. Et si i'eusse escrit & monstré choses non tres-excellétes, ce liure seroit mal intitulé de subtilité. Et si i'ay atteint tous les chapitres les plus grands & les plus difficiles, il est manifeste que celuy qui entend ce qui est icy décrit, à la parfaicte cognoissance de l'art vniuersel. I'ay donc ainsi enseigné, afin que de ces liures nous venions à la cognoissance des autres par methode resolutoire, aussi que nous venions par ces matieres qui sont icy escrites & môstrees, qui sont proches à la cause finale, & qui mesmement procedent de la fin. Mais ie retourne maintenant à nostre propos qui est des vaisseaux pour fondre, laquelle chose i'ay veüe & traictee de mes mains, lors que mon pere singulierement traictoit cest art, non par aucune methode: mais en la maniere des Empyriques, & par experience. Les vaisseaux donc pour distiller sont de quatre gerres: ou la distillation est faicte en vn vaisseau faict comme vne cloche, dicte vulgairement la chappelle, quand les matieres qui bruslent de soy-mes sont distillees, la chappelle renuersee. Et les matieres qui bruslent de soy-mesmes, comme le soufre & le bitumé, elles bruslent de soy-mesmes sans aucune mixtiõ, comme il a esté demonstré, pource que l'humeur gras conçoit & reçoit la flâme. Et ce qui se conuertit en fumees, refrigeré ou fond de la chappelle de vitre, appelée Alëbic, se cõdense en humeur, & cest humeur est gras comme i'ay monstré cy dessus. L'huile donc sera distillee par le canal & tuyau. Aussi la distillation est faicte par deux vaisseaux. Et cecy se faict en deux manieres (car maintenant ie laisse l'exhalation, comme bien cogneuë, laquelle est faicte d'vn de ces vaisseaux droict, principalement quand la matiere est sechee interieurement & dedans la chappelle) ou que ce qui est distillé retourne en vn mesme vaisseau, & cela est appellé vne circulation, ou que ce qui est distillé, retourne en vn autre vaisseau: & cecy est faict en deux manieres, ou par vaisseaux obliques ou droict, desquels i'ay apposé l'exemple.

Les vaisseaux pour distiller sont de quatre gerres.




Et sil est besoin de trois vaisseaux vn est appellé bozia des Barbares, nous l'appellerons le conceptacle: sus ce conceptacle est mis vn chapeau qui est aucunesfois plus large au coupeau du conceptacle, & à deux trous, l'vn par lequel le vaisseau le plus court & plus large est mis sus le conceptacle, l'autre par lequel le vaisseau qui reçoit est oinct au cōceptacle: & ce vaisseau qui reçoit, dict, *recipiens*, est la troisieme. Mesmement, i'ay exposé la forme du four, qui sert à plusieurs vaisseaux, auquel il faut considerer trois choses: la premiere que le fond soit percé, quand nous ne voulons totalement receuoir le feu valide: la seconde chose est, qu'il ayt des souspiraux en bas pour allumer le feu: la troisieme chose est, que si nous voulons distiller à petit feu, qu'il ait des trous en hault, par lesquels la force du feu l'appaise.



I'ay aussi exprimé la figure du bain dict de Marie, afin que tu le cogneuses, lequel coustumierement est long: afin qu'il puisse comprédre plusieurs vaisseaux: il faut qu'il ait plusieurs entrees, afin que l'eau esgalement sechauffe ensemble. Il n'a besoin de hauteur, car l'eau bout à petit feu: & les matieres qui sont distillees en ce bain requierent le feu temperé. Les vaisseaux sont faiçts de plusieurs & diuerses matieres, d'argēt, de cuiure, de terre à potier: & les plus excellēs de tous sont de fer, d'or & de vitre: de fer, quand nous voulons experimenter la grande force du feu, comme en l'huile de coupe-rose, ou vitriol: ils sont faiçts d'or quand nous cerchons chose salutaire à nostre santé, de laquelle la iacture & danger peut perdre grand prix: comme en l'or dissoult, en l'eau Etheree, dicte de quinte essence, & en ce qui est appellé chist: & plusieurs sont faiçts de vitre: &

comme le vitre ne cede à l'or en cecy , ainsi l'or faict & sert à la perfection de telles choses.




Or de peur q̄ les vaisseaux de vitre ne se rompent, ilz doiuent estre espes, & faictz de vitre blanc cuit lōg tēps en la fournaise, & qu'il ne ait aucunes pe-

tites bouteilles, comme celles qui sont sus l'eau quand il pleut: qu'il soit de substance egale, & purgé de toute ordure. Il faut aussi l'eschauffer petit à petit, & ainsi le refrigerer: mesmement il faut mettre vne litiere molle dessous: & s'il conuient le mettre à grand feu & vehement, il le faut vestir & enuironner de bouë, & de fiens, meslez ensemble de l'espeueur d'vn doigt, & qu'il soit bien seché. Outre le verre est moins rompu quand il reçoit la chaleur du feu, non en le touchant: mais par l'interposition de quelque corps. Les plus viles matieres sont coustumièremēt distillees en cuire & plomb, cōme au vaisseau qui a trois trous, & est composé de deux pieces. Car le fond peut estre separé de l'autre part, afin que la lie puisse estre reiectee. Il a en outre vn trou en haut, par lequel la matiere est mise dedans, & à costé il a vn tuyau long, par lequel il est ioinct au vaisseau qui reçoit, dict *recipients*. Mais de nostre temps ils ont coustume de mettre le plomb avec vn tuyau dedās le vais-




Pileus.



seau de cuiure fait en forme de coupe, & ainsi ils sont excufez du second trou. Car la matiere est mise dedans par la meſme partie qu'eſt la lye attiree. Outre-plus ie ex poſeray pourquoy ils ſont tât d'vſages des vaiſſeaux en laiſſant la cloche ou chappelle, dont i'ay parlé. Quâd e'eſt que nous voulons diſtiller vne matiere de ſubſtance fort ſubtile, ou la reduire à plus grande ſubtilité, il



est besoin de bien petite chaleur, autrement elle est cōsumee. Et la chaleur est faicte en quatre manieres: ou par la substance mesme, comme quand nous distillons au Soleil ou au fiens non au feu: ou par quantité, comme quand nous ne mettons guere de feu: & le feu est plus petit qui est faict du bois de saule que du bois de chesne? ou quand nous entremettons quelque chose entre le feu & le vaisseau, comme de la cendre ou de l'eau, & l'eau y est tres-bonne: car si l'eau ardante est distillee au bain dict de Marie, la minime resolution des meilleures patties est faicte, & nulle mauuaise odeur y est adioustee: ou si au coupeau du vaisseau, l'eau est souuent appliquee par vn linge: car elle prohibe & empesche la resolution, exustion, & consumption.



Nous vsions donc du vaisseau circularoire, quand nous auons soing de reduire l'eau en la nature de l'ether qu'on appelle quinte essence, ou quand en adioustant vn medicament, nous voulons abbreuuer l'eau par la force de ceste quinte essence. Et ceste maniere de distiller l'eau ardante requiert tousiours petite chaleur de feu, en sorte qu'à peine elle expedie: elle requiert aussi longue tardation, tellement qu'à peine demi an peu suffire à celuy qui veut bien traicter ceste distillation. La reciprocation donc est simple, telle qu'elle est aux vaisseaux circulatoires: ou elle est mutuelle, comme aux vaisseaux reciproques. Et neantmoins qu'elle s'eschauffe peu par ceste agitation faicte en plusieurs sortes, toutesfois pour la subtilité de la substance, elle s'imprime

*L'eau ardante
nage sus l'huile.*

tât peu qu'elle semble estre priuée de toute chaleur: car elle est en feureté aux deux extremitez, comme l'autre eue ardante: ou elle est en feureté en la premiere distillation pour l'abondance de l'humeur aqueux entremeslee, ou apres plusieurs distilations & circulations quâd elle semble estre totalement exempte de chaleur pour cause de la rarité. Et ceste eue est de substance tât rare & subtile qu'elle nage sus l'huile: car celle qui descend souz l'huile, n'est absolue & parfaicte. Et ceste eue ardante est tiree de tout vin, & la tres-bonne est tiree du tresbon vin naturellement, & qui n'est point corrompu. La moitié coustumierement est tiree hors en la premiere distillation, autant en la seconde, en la tierce distilatiõ peu de chose perit, & est iceté hors en la quatrième & autres ensuiuantes à peine quelque chose perit, si tu as bié procedé en la distillation. Ceste eue ardante n'est à estre negligee, veu qu'elle a plusieurs vtilitez. Car elle cõserue plusieurs choses subiectes à corruptiõ, occupãte le lieu du baulme: elle change en mieux aucunes matieres, comme le corps de l'hõme lâzissant par froidure: elle en cuit aucunes, cõme les œufs & la chair mise dedans. Mesmement elle prend en brief temps la vertu de tous medicamens verséz en elle, cõme des plus subtils en quatre heures, des mediocres en huit, des plus durs en douze heures, à peine elle vient en vn iour: puis les medicamens receuz, derechef elle est distillee en retenant la force d'iceux, en delaiissant la lie & tout ordure. Pourtant les Alcumistes coustumierement appellent ce gerre d'infusion, la matiere des estoiles fixe au ciel. Et certes plusieurs s'aidét d'icelle. L'vsage en est depuis la huitiesme partie d'vne once iusqu'à l'once entiere. Pour ceste cause proprement pour l'amour d'icelle, la circulation a esté inuentee: en quel feu elle est distillee, il a esté dit cy dessus. Les vaisseaux obliques sont excoigitez & inuentez pour cause de la cõmodité de la situation: les grands pour receuoir les eues acres & fortes, ausquelles la couperose, le halinitrum, l'alun, & autres drogues de telles sorte sont distillees. Car entendu qu'il est besoin de grand feu, à fin que les fumees soiét acres, & les eues aussi qui en sont faites, il falloit que le vaif-

feu qui les reçoit fut capable & grād, à fin qu'il ne soit rōpu du cuire illec contenu, trop attenué du feu grād, & à fin que les fumees seches & chaudes peussent estre conuerties en eau. Les vaisseaux pareillemēt sont faits droicts & longs, & comme egaux, quād il est besoin de distillation legere, & que la vapeur est pesante, cōme aux matieres metalliques & mineraux : ou si nous voulons colliger par petit feu l'eau acre & forte, en laquelle l'ar gēt, ou l'or est dissolt par autre metal. L'usage de chapeau est à fin que l'impetuosité de la vapeur soit rōpue, pour ceste cause les matieres acres & fortes sont ainsi distillees. Et faut que ce chapeau soit capable & large en la partie superieure. Aussi il est fait pour cuiter grāde despence: car les bons vaisseaux obliques, appelez bistortus, sont vendus chèrement, & à peine sont tant biē adaptez comme les vaisseaux ioints à leurs chapeaux. Ia r'ay expliqué la commodité & profit du vaisseau de cuire, & que les trous inferieurs sont aux fours, pour allumer plus vehementement le feu: les superieurs ont deux usages & commoditez, c'est que la fumee sorte hors, & que la force & vehemence du feu soit appaisée. Et si tu veux distiler au Soleil quelque matiere legere, comme principalement l'eau ardāte, tu mettras la moitié du vaisseau dict, bozia, autrement conceptacle, au centre de la parabole fait d'acier: car non seulement le lieu du centre, ains tout le vaisseau, & tout ce qui est contenu en l'espace de la parabole, boult & brusle. Ne doute pas qu'il fault que l'acier soit bien poly.

L'industrie de l'art d'Alcumiste est tant ingenieuse, que mesmement eile adioust les differences aux charbons outre ce que nous auons dict n'agueres cy dessus: car l'Alcumiste estime les charbons du bois des vallees estre meilleurs que des montagnes, pource que le bois des valees est plus rare, & pourtant les charbons sont rares, & le feu facilement consume toutes choses rares. Et pour faire les charbons, ils faut bien trauailler qu'ils ne soient faits sous terre, comme est la coustume, ains dessus, pource qu'ils bruslent mieux, & en sont plus utiles. Car c'est chose merueilleuse, que la difference est grande comment il conuient mettre le feu pour fondre

*Les charbons
du bois des
valées sont
les meilleurs.
La maniere
de faire le bō
charbon.*

Plusieurs manieres de mettre le feu.

& traiter les metaux & autres choses qui sont faites & preparees au feu : principalement la varieté du feu est perspicue & cogneüe, principalement en la purpurine. Il y a donc grande difference si tu mets le feu cōtinu ou entrerompu, vehement ou doux, grand ou petit, si tu le mets petit à petit ou soudain, alentour ou d'un costé, soufflé de soufflets ou non soufflé, qui dure longs temps ou bref, qui touche le vaisseau ou qui en sort hors, avec flamme ou charbons ardans & brasier, enclos ou libre, simple ou reflexe, si tu mets le feu fait de charbons ou de bois, ou (ce qui est de plus grande difference) si tu y adioustes quelque matiere ardante, qui mesmement retienne au feu sa propre force & vertu. Outre plus il faut

Pourquoy ce qui est fondu facilement s'il est adiouste avec les pierres fait fondre facilement les metaux.

bien auoir esgard avec quelles drogues tu associes ce qui est fondu. Car le marbre, la galenc, espece de terre, le plöb, l'escume de fer, ioints avec les pierres, auxquelles les metaux sont contenuz, aident grandement à les faire fondre, & conseruent leur substance, & quand lesdictes matieres sont fondues, elles empeschent l'humour subtil, qui est contenu aux pierres, estre consumé par raison contraire à celle qui a esté dicté cy dessus des venins. Pourtant quand la pierre est eschauffée & non sechée, & que finalement le feu est augmenté dessus pour l'humour qui le contient, il est necessaire que le metal qui adhere à la pierre soit fondu.

Pourquoy la crouste empesche que les metaux ne se fondent.

Mais pourquoy en adioustant de l'eau ou autre matiere humide, les metaux sont plus facilement fondus? ou plustost que ie doy dire plus difficilement? est-ce pourtāt que l'eau est froide & subtile, & ne peut fondre pour la subtilité, ny estre vrayement eschauffée pour la frigidité premier qu'elle soit consumée? Ainsi la crouste qui nage sus le metal, empesche que le metal ne soit fondu: car estant fort contrainte & condensée, elle refrigerere toutes les parties, & ainsi elle empesche que les metaux ne se fondent, ou ceste crouste consume toute la plus subtile matiere du metal, laquelle partie ostée, le metal n'est fondu. Semblablement quand les metaux tiennent au fond, ils ne se fondent, ne mesmement ils sont fondus par grand feu, car la chaleur mōte en haut, & la petite chaleur qui demeure au fond, en bref temps

consumer l'humeur tost apres, & empesche la liquefaction & coulement, pour ces deux causes le metal ne peut estre fondu au fond du vaisseau.

Outre nous adioustons la troisieme cause, sçavoir est l'eau ietee dessus le metal, laquelle n'empesche seulement le metal d'estre fondu, ains elle contraint les metaux ja fondus rejaillir, souuēt au grand dam de ceux qui sont presens alentour. Aucuns ont dit que l'humeur de l'eau subtil, entremeslé aux metaux, conuertty par la chaleur en esprit aux metaux fondus, quand il occupe le plus grand espace, cōtraint les gouttes du metal fondu rejaillir & sautet en haut. Mais l'eau trop plus legere q̄ le metal semble ne pouuoir entrer dedans la substance du metal. Il est dōc meilleur que nous croyōs la chaude superficie du metal ja pleine de son propre esprit estre retraicte par la frigidité de l'eau, & incontinent reialir par grand effort, cōme la pile ou bale ietee sus la terre.

*Pourquoy
l'eau ietee sus
les metaux les
fait reialir.*

Les inuentions de l'art d'Alcmie sont la minime partie des choses qui pourroient estre inuentees, comme la composition de l'ambre, dict *electrum*, la mollesse du vitre sans feu, le vray pourpre: car le pourpre qui est au iourd'huy en vsage, n'est pourpre seulement que de nom: & telles choses qui ont esté inuentees le temps passé, sont maintenant peries, & ne les cognoit on plus, comme la composition de belles pierres & dures, aussi des euaes tres subtiles: par les pierres il est licite de faire les vaisseaux, par les euaes subtiles on peut separer l'or & l'argent hors de leur lye & ordure. Elles sont autres choses de l'art chymistique [plus qu'il n'est licite d'escrire: mais i'ay mis ces choses susdictes pour exemples. Toutesfois l'vsage de la chose souuent est caché & incogneu avec la chose mesme: car l'vtilité & necessité des artilleries, & des caracteres dont sont imprimez les liures n'estoit cogueüe, & ne l'auoit esté auant l'inuention de l'art.


*Les inuentions
de l'Alcmie
ne sont cisco
cogneues ou
sont, abolies.*

D'auantage il appartient à l'art d'Alcmie, & est son œuvre d'amollir les cornes, ce qui est fait par longue coction, en adioustant vn peu de centre dedas l'eau, & faut huit heuaes pource faire: & de ces cornes sont faits les manches des cousteaux, les pignes, & les eschets.

*Pour amollir
les cornes.*

Les boestes & bouteilles pour mettre l'encre & autres casses & estuits, quoy qu'ils soient faicts d'une mesme sorte, toutesfois l'inuention des François est autre en cest art, & trop plus excellent. Ils fichent, comme i'ay

Canalis. veu, vn fer, agu dedans la corne vuide, & tournent assiduëment ceste corne frottee d'huile, & exposee deuant le feu: cependãt



A B ils ont vn tuyau de cuiure, plus long d'une

Cornu. paume que la corne, tãt estroit en bas, qu'il est plus estroit que corne aucune, au commencement il est vn peu large, non tant qu'il puisse receuoir la corne d'un bœuf, ou



d'un Buffle, droit exactement, lequel ils chauffent dedãs le feu par la partie ou il est plus estroit qu'en l'autre qui est hors du feu, iusqu'à ce que la plus large partie, qui est hors le feu puisse estre tenue de la main sans ce brusler: lors la corne **C D** par la subtile & menue partie **D** mise dedans le tuyau de cuiure, est poussee d'un coin rōd, & d'un maillet, iusqu'à ce que **D** paruienne presque à **B**: puis apres vn petit interualle auant que la corne soit refroidie, secousse & iettee hors par ce coing rond, & ce maillet de la partie du tuyau **B**, derechef par la partie contraire, qui est la plus large, elle est poussee au tuyau **C**, & est poussee par le mesme coin & maillet, tant que elle semble ne descendre plus outre, quand on frappe dessus, & lors le tuyau avecques la corne est mis dedans l'eau, & illec refrigeré & endurcy, il est tiré hors apres certaines heures, droit & solide de l'un & de l'autre costé, & la corne est ronde. Et apres la corne n'est courbee, si elle n'est eschauffee: pourtãt qui veut la peindre, il faut qu'il la peigne sans feu. Le vaisseau **A B** est mieux faict de cuiure, & doit estre tres-poly interieuremēt, & tourné assiduëment quãd il est eschauffé du feu, & qu'il est sus les charbōs. Il est manifeste qu'il faut auoir plusieurs instrumens semblables à ce tuyau, & qu'il faut vn tableau avecques des trous, par lesquels ce tableau soit ferme quand on pousse la corne.

Des cornes donques changees par cest artifice en figure droicte, & substance solide, coustumieremēt sont faictes les bouteilles à encre, & autres vaisseaux qui sont

sont delectables, & vtils pour l'usage. Il est aussi cognu que les cornes froides, ou petitement repides sont noircies de vinaigre, d'eau ardante, & de couperose. On y adiouste mesmement aucunes drogues qui retiennent la substance de la couleur.

On dict que par mesme moyé les os sont amolis par le suc de percil de mil feuille, de rauce, de poreau avec du vinaigre, s'ils sont enfouys dedans le fens de cheval.

*Comme les os
sont amolis.*

Or laissons les arts susdicts. Il conuient passer aux arguments de la subtilité de plusieurs arts. L'en vueil eslire cinq de l'architecture: premierement la munitio & fortification des villes, laquelle est faicte par trois artifices, en empeschant, & repoussant, & par la securité des defenseurs, & n'est licite d'en trouuer d'auantage. Nous empeschons & engardons les ennemis d'approcher par eau par fossez & muraille. Le fossé rend l'entree difficile pour batailler, non pour la descete ains trop plus pour la montee: pource le fossé doit estre d'un costé & d'autre fort roide en penchant, & principalement celuy qui est aupres de la ville ou bourg: la largeur des fossez doit estre de quarante pas: autant de profondeur, & doiuent estre plusieurs: car si on en faict trois, non seulement ils sont inexpugnables, ains ils donnent vn desespoir à ceux qui s'efforcent oppugner & assieger la ville. Il conuient que le fossé ait sept pas d'eau sourdante: pource que l'eau qui sourd, ne peut estre destournee ny ostee par aucun art. Et quand elle demeure au fond du fossé, elle faict noyer ceux qui entrent, ceux qu'elle ne fait noyer, elle les empesche de monter: ayant le pied lubrique, & estans chargez d'eau, elle engarde aussi qu'on puisse miner, vray est, qu'aucunesfois elle faict tomber la muraille. Outre quand elle est ietee, elle dissipe & dissout, & empesche que le feu puisse faire mal à la muraille. Les murs doiuent estre espes de trente pas, faits de ciment delié, de pierre de brique, viue exterieurement, dure, & prominente vn peu en figure ronde.

*La maniere
de munir &
fortifier les
villes.*

Les murs simples en chacune aune contiennent en nous vingt briques, les mediocres trêtedeux, comme les espes. La profondeur & hauteur de la muraille doit estre de cent pas, dix sous le fossé, soixante iusqu'au haut du

*Combien les
murs contiennent de briques.*

Et


fossé, & trente au dessous, & par dedans la ville il faut que la muraille soit bien fortifiée de gros & espes rampars. Ces murailles sont pour les bourgs: moindres suffisent aux villes, lesquelles ont leurs recours aux gendarmes de la garnison. Si toutesfois tels murs sont à la ville; totalement elle sera inexpugnable. Le repoussement consiste en rampars & forteresses de deux cens pieds, en muraille qui soit droite au milieu, mais enclinée vers la ville par le haut: car par ce moyen elle n'empesché les coups qui sont iettez des forteresses, & les artilleries des ennemis n'ont pouuoir de mal faire. Le coupeau de la muraille doit estre rond, de peur que ietté par terre, les pieces ne tuent les défenseurs & gendarmes de la garde. En l'interieure partie doit estre vn canal, dit vulgairément vne allée, par laquelle les gendarmes de la garde puissent aller seurement. Outreplus la terre doit estre creusée par bas, à fin que les coups des pionniers resonnent, & ainsi les gendarmes marcheront en seureté.

*La maniere
de faire des
voutes.*

La façon des voutes est ainsi faicte, que tant plus elles sont rondes, tant plus sont fermes, & viennent presque à la figure du cercle parfait: elles doiuent estre epees en bas, & tant plus elles montent, tant plus doiuent estre menues iusques au coupeau. Les costez de part, & d'autre, quand premierement ils commencent à se courber, sont cõposez de larges & plus minces costez, à fin que par la frequente future, l'assemblément soit mieux lié & conioint. Le fondement est prominent, & s'il est appuyé sus le mur, le mur est abbatu, à fin qu'en la forme d'vn pulpitre, il prenne & retienne le fondement de la voute. L'epaisseur de la voute à la comparaison du mur, doit auoir la moitié de l'epaisseur du mur. Et la voute qui est dessus, doit estre encor la plus ferme & epeffe. Les latrines, cloaques, & esgous des villes, & les puyz doiuent auoir bon fondemens & profonds: car aucunesfois par faute de puyz & d'eau, les gẽsd'armes sont contrains de decamper: puis l'eau est vtile contre le feu, & pour ieter contre les ennemis toute bouillante, sans les autres mil & mil commoditez qu'elle donne. Les excrementz du ventre corrompent l'air. Plusieurs chemins

secrets depuis les murs iusques dedans la ville reicient plusieurs inconueniens, & donnent grande commodité aux gens d'armes defendans, & ne leur laissent occasion de s'en aller & quitter la place. Quatre ou cinq autres chemins sont incognus à tous, fors qu'au Prince, qui du rēt iusques à deux ou trois lieues, ou plus loing, iusques aux hauts bois qui ja de lōg tēps n'ont esté coupez par defenſe faite. Tels chemins sont propres pour enuoyer meſſagers & eſpions, pour emporter les fruiſts de l'annee, & pour attirer de l'aide & secours. Que les murs des maisons de la ville soient, comme i'ay dict, entournez & fortifiez d'autre muraille, & que nulle maison apparoiſſe. Nagueres quand Bures fut prise, lors que la couuerture d'vne maison apparente tomba d'vn coup d'artillerie, les princes & gouuerneurs de la ville qui ſeſtoient assemblez illec pour tenir conseil, furent tuez. Et quand les François assiegeoient nostre ville, M. Antoine Columna, & Camillus Triultius perirent, & furent occis par semblable ruine. Pour ceste cause la force des habitans fut premierement entretaillee, puis rompue, & en fin la puissance fut ostee totalement de Lombardie dicte Insubria. Et l'usage des chemins qui mement hors la ville secrettement, & par deſſouz la terre est presque necessaire pour enuoyer des explorateurs & eſpions, Et ne faut auoir son refuge à tel secours incōtinent, & ne faut aussi attendre iusqu'à cē que tout soit perdu, mais lors que les ennemis impetueusement & sans attente assiegent la ville.

Ec ij



La nuit d'apres mardy à six heures nous donnerons l'assant à
 nos ennemis . lors sortez avec tous vos gendarmes , &
 bataillez vertueusement : car nostre salut & victoire de-
 pend de cela.

Comment on
 peut pariemē-
 ter avecques
 ceux qui sont
 assiegez de-
 dans vne vil-
 le moyennant
 des falots ou
 torches.

Il est pareillement vn autre remede pour communi-
 quer le cōseil à ceux qui sont assiegez dedans les villes,
 & n'est moins licite d'entendre, que veulent ceux qui
 viennent, ou viendront au secours, que de manifester l'e-
 stat de la ville, & cecy ne differe guere d'epistre. Donc
 si la ville, veut signifier à l'explorateur ce qu'elle desire
 estre fait, ou si l'exercice veut signifier son vouloir au
 capitaine qui vient au secours, que cinq torches allu-
 mees soient colloquees & mises sus cinq tours separees
 de loing les vnes des autres, en sorte qu'elles semblent
 estre separees en les voyant de loing, & que chacun de
 ceux qui les portent, ayent les parolles qu'ils veulent si-
 gnifier, esrites deuant soy, & comme la lettre succede,
 laquelle appartient à la torche, ou comme deux ou trois
 succedēt, qu'elles signifient ceste lettre ou ces lettres en
 esleuant la torche, ou en l'abbessant, ou en la flechissant
 à dextre ou à senestre. Par mesme moyen d'une haute
 tour chacun entendra en cognoissant les lettres, le con-
 seil & vouloir du capitaine venant au secours quand
 l'exercice des ennemis est entre deux, les ennemis n'y
 pensans du tout, non seulement ignoras, pource que les
 torches des auxiliaires, & de ceux qui viennent au

secours, seront basses. Or ie reuien à la munition & fortification de la ville : laquelle si elle est de haute muraille, outrela grande despenſe qu'elle couſte à faire, elle a ceſte incommodité, que quand les murs ſeront tombez par la force de l'artillerie, ils donneront & ſeront vn pont ſeur & commode aux ennemis. Les murs qui ſont les plas bas, ſont les plus ſeurs contre les rampars faiçts des oppugnateurs, mais ils ne rendēt les maiſons ne les gendarmes en ſeureté. Toutes choſes qui doiuent choir & ruiner, elles tōbent & ruinent en faiſant bruit auant que de choir. Car l'aſſemblement & conionction des maiſons, veu qu'il eſt ſouſtenu à quelque choſe par laquelle il demeure en conionction, il eſt neceſſaire que ce ſoit rompu auant la ruine, quand ceſt aſſemblement ſe rompt, le bruit eſt fait: pource vn bruiſ ſeul eſt fait à quelques maiſons, pluſieurs aux autres, en aucunes les bruis & craquemens ſont faiçts long tēps auant la ruine, en aucunes inçōtinent & peu deuant. Pareillement les creuaces des murs quād vne partie ſ'entrouure, ſignifient long temps auant le peril de la ruine. Aucuns recitēt que les aragnes s'enfuyent : ainſi nature a voulu apparoiſtre plus ſage que les hōmes. Mais rien n'eſt plus certain preſage de ruine, que l'inclination aux murs : car neantmoins qu'ils ne ſoient preſſez de grand fais, ils tombent de ſoy-meſme. Toutesfois les tours & châteaux ſont faiçts ſouuent pour ornature, comme au temps paſſé. Milā en auoit trois cens: aucunesfois pour cauſe de ſa magnificence, comme en Padoue & à Piſis: aucunesfois pour la deſenſe, & lors ne defaut meſme-ment l'ornature. Au païs de Strasbourg le temps paſſé Iule Ceſar auoit conſtruit vne cité, dite Taberna, de cinquāte deux tours, & entre deux tours prochaines eſtoiet ſept creneaux de muraille, à ſin que par ce moyen les tours repreſentaffent les ſepmaines de l'an, & les creneaux fuſſent eſgaux en nôbre aux iour de l'an. Generalement à ſin qu'en peu de parolles i'apporte le profit de la Redomeſtique à ceux qui liront cecy, aux grands edifices les chariots propres pour porter & reporter donnent grande occaſion de diminuer la deſpenſe.

Ec iij

*Pourquoy les
maiſons font
bruit auant
qu'elles tom-
bent.*


*La beauté
des murs de
la cité d'icte
Taberna.
Le profit de
ceux qui font
edifier.*

*Le pont de
C. Cesar.*

Maintenant passons à vn autre exemple plus subtil, & nous moins vtile. C. Cæsar en est auteur, comme il recite au 4. liure de la guerre Gallique. Il fit en dix iours vn pôt sus le Rhin par ce moyen, lequel pont, comme bien entendu de peu d'hômes, j'ay proposé demonstrier. La lettre C signifie deux cheurons espes de demy pied, & tant longs, que fichez au fond du fleuue, ils atouchent la superficie de l'eau : ioin-les par l'interuale de deux pieds d'vn costé & d'autre : apres tu les ficheras aguisez par bas, & mis dedans le fleuue, par instrumens, appellez hies, rendus fermes sus pilotis, & penchez d'vn costé selon le cours naturel du fleuue pour luy resister, en sorte qu'vn des cheurons soit le plus proche à la riue. Fiche deux autres cheurons esgaux, & semblablement ioints esgalement distans des autres de quarante pieds en la partie inferieure du fleuue, penchans contre l'impetuosité & violence d'iceluy, & qu'ils soient appellez F. Tu iointras les iointures supremes C & F à la trabe ou sabliere large de deux pieds, sçauoir est, selon la grandeur de la iointure, par deux boucles de chaque costé, depuis l'interieure partie du cheuron iusqu'à l'exterieure, à fin que chacune boucle embrasse chacun son cheuron par les chevilles. Tu construiras ceux-cy esgaux aux autres, & posez droictement de l'autre partie du fleuue, en sorte qu'vn trabe ou sabliere soit equidistant à l'autre, & ioinct semblablement, comme dict est.



La figure de la moitié d'un pont par un costé.



A, sont les lices superieures d'ais espes contre le cours du fleuve.

B B, sont les lices & pieux annexees & iointes au pont.

C, sont les deux chevrons superieurs.

D, est le trabe ou sabliere large de deux pieds.

E E E E, sont les boucles & chevilles qui iointent le trabe *D* avec les chevrons, tant superieurs qu'inferieurs.


F, sont les deux chevrons inferieurs.

Ioin ces trabes ou sablieres posees iouxte le cours du fleuve, par plusieurs autres mises de trauers, entremeslees & iointes les vnes sus les autres, par lesquelles par longues perches, par clayes estendues pour passer, & par les choses susdictes le pont estoit fait. Pour la securité de ce pont, plusieurs chevrons & longues pieces de bois enclinez & penchez en la superieure partie du fleuve, contre la violence du fleuve, separez de tout l'ouurage à l'inferieure partie, & au fond du fleuve autres lices & pieces de long bois sont fichees contre le cours violent du fleuve, iointes fermement à tout l'ouurage, mais trop plus penchees que les chevrons susdits. Ainsi les chevrons superieurs reçoivent l'impetuosité du fleuve, & les trabes ou sablieres iettees au deuat: & tant plus le pont sera pressé des ondes & violences du fleuve, tant plus sera ferme par la mutuelle conionction & embrassement des pieces. Ce pont est stable & suffi-

sant pour soustenir toute charge, & ne peut facilement estre arrachee: Et les cordes seules ou les verains, appelez en Latin *ergata*, ou peaux ensiees, ou les cheurons joints ensemble sans distance, peuuent deffaire & leuer ceste fabrique legere.


Deux theatres avec l'eschafaut qui fait l'amphitheatre.

La maniere de faire l'amphitheatre est plus subtile, mais moins vtile, duquel Pline faict mētion. La maniere est telle. Lors que le fils de M. Scaurius deuoit celebrer les ieux funebres à l'honneur de son pere, & qu'il ne pouuoit egaler la pōpe de Curtius qui auoit celebré ses ieux funebres par grande despense, trop plus abondant en richesses, le fils de Scaurus s'efforça de surmōter Curtius par indultrie ingenieuse. Pourtant il fabrica deux theatres en forme d'vn demy cercle avec l'eschafaut, lesquels tourneuz par deux gons, expliquoient & representoient vn amphitheatre, en monstrent le spectacle de l'eschafaut: tandis qu'il ioiie sus l'eschafaut de cest amphitheatre, & auant les spectacles sus les eschafaux, tādīs que le peuple Romain dominateur des autres nations en moquerie de son audace non seulement estoit pendu, ains estoit tourné par deux gons, & par la machine pendue en l'air: à bon droict, & non sans cause on demande, veu que l'eschafaut Latin est distant depuis le coupeau du theatre de 90. parties, par lesquelles tout le diametre est de 120. comme Vitruuius le monstre par



quel moyen donc cepeut estre faict que les deux theatres s'assemblent en vn amphitheatre, l'eschafaut non moué. Pourtāt que deux demy cercles ABC & ADC, & deux poinct̄s moyennās B & D. Et que les arcs AE & CF soient plus grands que 93. & moindres que 96. Parquoy à bon droit AE & CF seront plus grans que 87. & moindres que 89. Quand dōc les gons sont posez en E & F, AE & CF seront plus grands que $56\frac{2}{3}$ & moindres que 59 $\frac{1}{3}$. AB dōc & CB apparoiſtrōt outre lēdroit de AC, c'est à dire, outre le diametre plus que par les parties 27. $\frac{1}{2}$ & moins que par les parties 29. $\frac{1}{3}$. Or l'eschafaut

font de 30. parties outre le mesme demi diametre, pour ce qu'il est distant des poinçts B & D par 90. parties: A doncques & C tourne, ne toucheront l'eschaufaut, & aussi ils ne s'entre-empescheront, pource que A E & A F sont moindres que $169. \text{en} \frac{1}{30}$ de la partie, mais AB & AD sont plus grands que $169. \frac{2}{3}$ en $\frac{1}{30}$. Pourtant il faut trouuer la situation ou les theatres tourne ne s'entre-empescheront point. Et faut les tourner petit à petit & alternatiuement, veu comme i'ay dict, que la difference, par laquelle ils peuuent estre separez l'un de l'autre, à peine surmonte $\frac{1}{15}$ d'une partie.



Elles sont deux autres manieres, mais moins elegâtes, par lesquelles les theatres peuuent estre faits, comme dit est: en vne maniere les theatres representēt la forme d'un œuf, afin qu'ils ne soient tous ronds: en l'autre maniere, quoy que l'amphitheatre soit diuisé au milieu toutefois les theatres ne sont faits droitement, ne selon le diametre.

La quatriesime exēple de subtilité est aux vis, cōme de pressoir: cest exemple est fait par ce moyen: le fardeau A est lié & tenu au bas de la vis, où sont deux rouleaux, cōme petites rouies B & C, qui sont tournees: aucuns les appellent moufles: deux autres D & E, sont au coupeau, & vne corde est tournée alentour de D, & descend par F à C, & elle monte par G, & est entortillée alentour de E: descendant par H, elle est tournée alentour de B: & montant elle est nouee à la vis en K. Le fardeau donc est tiré de L: & pource


*La maniere
de leuer fac-
lemēt les far-
deaux.*

qu'il est soustenu de F G H K, il ne sera que la quatriesime partie du fardeau A, laquelle partie est soustenu de chacune corde: parquoy il peut estre tiré en haut par la

quatriesme partie de la force. Et si chacune vis auoit trois rouleaux, le fardeau pourroit estre tiré par la fixiesme partie de la force: & ainsi vn enfant pourra tirer en haut vn grand fais, sinon entant que la pesanteur des cordes, l'asperité des rouleaux, ou poulies, ou mouffes, & la difficulté de tourner empeschent. Mais pource que la proportion des temps est, comme des forces & puiffances, l'enfant tirera par deux rouleaux, quatre fois plus lentement, par trois rouleaux six fois plus lentement qu'il ne tireroit & leueroit d'une corde par mesme force, ains vn peu plus grande estant dessus, & trop plus

lentement six fois ou quatre fois, d'autant que la longueur de la corde adiouste plus au fais: dont il adient que l'enfant à peine en vne heure tirera & leuera le mesme fais par telles vis, lequel vn homme six fois plus robuste estant en haut, peut leuer incontinent d'une seule corde. Pourtant c'est d'artifice & d'entendement, que chacun puisse leuer tous fais & fardeaux. Et afin que la corde puisse estre tirée de plusieurs, elle est tirée souz le rouleau, equidistante à la terre & au rouleau ou poulie. Et si on veut tirer plus facilement, nous vsons de verain, dict en Latin *ergata*, qui est vn instrument en vusage à chacun: & par ce verain la corde entortillee aux axes ou effueils attire tous fardeaux. Et en cecy on peut soulager le labeur tant qu'on veut par la longueur des effueils: car tant plus seront longs, tant plus attireront & leueront plus facilement.

Par semblable maniere les vis que nous appellons vignes, sont faictes & composées. La vis est AB: & dedás est l'escrouë, dictée vitis ou masculus CD, qui est trouuée, comme de coustume: le manche qui est ioint à l'escrouë, est EF, & est facilement tourné par




*La maniere
d'attirer &
pousser toutes
choses en peu
de force.*

qui est trouuée, comme de coustume: le manche qui est ioint à l'escrouë, est EF, & est facilement tourné par

l'effueil GH, pour la raison prediète. Au bas KL, le pois de cent mil liures qui est M, ioint droitement à la vis, soit adiousté: lors tourne l'effueil GH, KL sera attiré & leué en haut, & le pois M montera: tourne au contraire l'effueil GH, & par mesme moyen KL sera poussé, & fleschira le fer opposite qui est d'espaisseur incredible. Démonstrons donc que le pois M peut estre mouué, & par quel moyen. Car entédu qu'il est du pois de cent mil en L, entédu que toutes les crenes & ployemens soustiennent, s'ils sont dix, en chacun seront dix mil. Mais en chacun ployement de la vis ces dix mil liures retiennent autant de pois, qui est la proportion de rotondité à la corde, à laquelle M est suspendue. Tant plus donc seront de ployemens en la vis CD, & tât plus seront basses, c'est à dire, plus proches aux cercles & plus grandes, tant plus le pois M sera leger, & le mouuement facile, & tant plus le mouuement sera facile, tant plus sera tardif. La vis donc peut estre de deux coudees par ces ployemens tant larges & bas, que le pois M facilement sera leué d'un enfant de dix ans. Mais comme i'ay dit, tant plus facilement il est mouué, tant plus tardement il est tiré & leué. Quand doncques le pois sera leué aupres de LK, il faudra que la longueur du pois M soit suspendue à ce qui porte & soustient la machine en N & O. Lors derechef KL mis hors par mouuement contraire, nous adioustons vn pois, & derechef nous le leuerons en haut par l'espace de KL, iusques à ce qu'en le nouiant souuent nous tirons hors de la mer, ou d'un fleueue vne nauire, ou autre grand fardeau. Il faut donc estimer que c'estoit l'instrument d'Archimedes amplifié par l'inconstance des Grecs, & par ancienneté, par lequel instrument Archimedes a attiré les anciens en son admiration. Car en telle sorte vn enfant releuera facilement vne nauire chargée, laquelle vingt paires de beufs ne pourroient mouuoir hors de son lieu. Cest instrument est composé d'acier tresdur, & de peur qu'il ne se flechisse, d'acier trespoly, de peur qu'il ne soit empesché en le tirant: il est solide, & gressé d'huile. Car l'huile aide au mouuement pour sa douceur, & aussi pource qu'elle n'est subiecte à putrefaction, elle n'admet

& roüille. Et entre toutes les drogues qui donnent le mouuement facile, l'huile obtient le principal: toutesfois celle l'obtiét d'auantage qui est faicte de la matiere qui contient vn humeur muques, quelle est le gräd foïn de Bourgogne, dict, *fenogracum*. Iosephus recite que quäd il batailleoit & defendoit les habitans de Iotapate, ville en Syrie, il rédit le pont frotté de la decoction du gräd foïn de Bourgogne tant labile, que les gédarmes Romains se deporterent, & laisserent l'oppugnation entreprise & l'assiegemét commance, entendu qu'ils ne pouuoient se soustenir en place, & tant plus l'instrument sera petit, jaçoit qu'il attirera plus difficilement, toutesfois il donnera tant plus grande admiration.

L'huile frotte au fer, & acser donne deuez vtilitez.



Par ce moyé a esté excogitée & inuentée vne machine pour leuer des gräds fardeaux & fort pesans, qui est composée d'vne vis, & d'vn verain.

Que la chaîne soit A B, le pois qu'il faut leuer, soit H, le rabbe ou sabliere, ou l'arbre, auquel la chaîne est affichée de trauers, soit A D: au cheuron C estant droictement debout, soit vn lieu auquel vne boucle soit attachée au cheuron, sus lequel soit assis le trabe A D, afin que A puisse monter & descendre, quand D s'abaisse. Que D E soit vn autre cheuron qui soit droictement debout, lequel creusé en la maniere d'vne vis soit receu du trabe en D: & que le verain soit F C. La portion du trabe qui represente la vis masculine, soit E, comme au trabe la portion feminine de la vis est D. Le cheuron ou la vis D E peut estre tournée par le verain: D C qui est vne partie du trabe, est triple à A C partie exterieure. Et par maniere d'exemple, que F C soit octuple, ou huit fois autant que l'epaisseur du cheuron D E. Et que la proportion de la largeur de la vis soit quintuple, ou cinq fois autant qu'est la profon-

dité: nous produirons donc par les choses demonstrees en ce liure, & au premier, huit en cinq fois, & de ce sont faictz quarante, lesquels produictz par trois fois font 120. Si donc H est le pois 1200. liures: quand le pois est diuisé par 120. dix liures en procedât, & ce pois sera esleue par la force qui peut leuer dix liures, & par le mesme effort que les dix liures seront leuees. Et si l'escrouë D vuide se repose aux parties de la vis, comme il est raisonnable, quand le verain n'est tourné, le pois H pourra estre leué en telle hauteur que tu voudras par la corde ou chaîne iectee souz le pois, laquelle ce pendant le soustienne, & par vn autre cheuron fiché iouxté AB, le trabe AD derechef abbaissé. Munsterus recite qu'en Alfatia l'eau est puisee tant impetueusement du profod du puis par doubles rouës, & par chariots faictz du cuir du Buffle: que les rouës quoy qu'elles soient de bois & mouillees, iectent le feu. Cest instrument donc semble auoir trois excellences, la hauteur, la capacité & celerité. Or ces matieres laissez il conuient venir au traicté des charettes & chariots. Donc tous chariots qui sont trainez, & menez par grandes rouës sont mouuez facilement & legerement en la terre molle, pource que la bouë qui tient, occupe la minime portion des rouës, & pourtant elle empesche peu. Outre-plus tousiours la plus grande rouë plus legerement surmonte grand espace, quâd elle est suffisammēt forte pour soustenir le fais. Et tât moins sont de rouës, tant plus legeremēt est faict le voyage. Car si elles sont plusieurs petites, elles font moins d'espace de chemin par moindre circuit: si elles sont grandes, elles adioustent vne pesanteur à la force, & toutesfois elles n'ont plus d'espace: pourtant elles tournent plus lentement. Pour ceste cause les Emperereurs Romains estoient portez d'vn chariot, qui auoit deux grandes rouës. Car là où le fardeau n'est fort pesant, ou qui est tiré & trainé de plusieurs cheuaux, legerement est parfait le chemin. Pour ceste raison les artilleries fort pesantes sont portees en tels chariots qui ont deux grandes rouës. Derechef la maniere facile de charrier est exactemēt contraire à la susdicte, sçauoir est, qu'en la terre solide plusieurs rouës valēt mieux, que

Les rouës par lesquelles grã deau est puissee.

La maniere de faire les chariots.

si elles sont peu, & les petites valent mieux que les grandes, touchant la facilité. Car le fais est presque distribué par les rouës, dont l'addition de telles proportions est faite, non la multiplication. Exemple, Six doubles proportions produictes ensemble, font le compte asssemblement de soixante quatre. Ces six doubles proportions font la proportion douze fois double. Ainsi est tant grâde la differéce qui est entre l'addition & la multiplication. Si donc vne rouë represente le pois de soixante quatre liures, ce pois sera equivalêt seulement à six rouës par douze fois, ainsi par la paruité des rouës l'aide est prise & donée, car tant plus facilement tournent les rouës tant plus elles tournent lentement: or il est dict que les fardeaux sont portez & trainez plus lentement sus les petites rouës que sus les grandes: tant plus donc lentement les rouës sont tournées, d'autant plus facilement elles sont tournées. La troisieme maniere de mener les chariots facilement est adioustee, c'est quand l'essueil n'est pressé: car lors il tourne plus facilement en liberté. Pour ceste cause aux petits chariots & bas, qui ne sont assis sus les essueils de plusieurs rouës, on met de grâds fardeaux quand la terre est ferme par laquelle il couët charier. Mais en la terre humide & boueuses, les grâdes rouës qui sont peu, non seulement trop plus legerement, ains trop plus facilement elles portent & trainent les grâds fardeaux. Et quand les raiz s'ichent alendroit de l'essueil tournent plus legerement & facilement la rouë, estans vn peu gibbeus & sortans exterieurement, ils soustienent mieux le fais, & sont plus habiles à le recevoir.

*La maniere
des verains.*

Nous auõs parlé des axes ou essueils des verains, pour ce qu'ils doiuent estre les plus longs: car iouxté la proportion de la longueur chacun bout des essueils diminue le fais. Les essueils donc augmentez au double, produisent à la moitié: ainsi quatre produisent à la quatrieme partie, en sorte que si d'vn essueil cubital, & long d'vne coudee quatre hommes portent ou trainent cent liures, eux mesmes porterõt de quatre essueils lōgs de six coudees 2400. liures, en deduisant l'addition du pois des essueils, qui est peu de chose. Et ceste maniere a esté monstré cy dessus au premier liure, quand

nous parlons de la balance. Ainsi il aduient que grands fardeaux liez d'une corde alentour de l'essueil, sont portez & trainez en grandes roues, les hommes sautant de degré en degré. Car cōme la proportion du diametre de la roue est au diametre de l'essueil, ainsi la proportion du pois esleué de la corde est au pois, & à la force des hommes qui tournent la roue dedans.

Pourquoy & comment vne roue leue grands frais.

Semblable cōsideration est aux coups: car la congnee ferit par son coup: & les choses pressées d'un grand fais, ne sont diuisees: & toutesfois le fais aura plus grande force que le coup. La cause est pource que l'air ne peut fuir quand le coup est iecté, & combien que ce qui est iecté soit d'une pointe ague, l'air toutesfois ne peut s'enfuir en tant petit moment de temps. De peur donc que l'air ne se condense trop, il est cōtraint d'entrer dedās les pores du bois qui est dessous, & le diuiser, comme si c'estoit vn coin. Cecy appert, pource que le coup vn peu tardif fait grande separation en diuisant, l'air s'écoulant. Et si le coup de la chose large est leger quand l'air entre, ce qui est de subiect, est resoult presque en rien, comme ceux qui sont frappez de la boule ou plōmade des artilleries. Et à peine l'homme pourra mouvoir fort legerement quelque chose grande, quoy qu'elle soit treslegere: pour ceste cause il faut que ce qui sera frappé soit resoult en air & vent. Pourquoy vne espee frappe & ferit grandemēt par le bout d'embas: pource que la main est comme le centre du mouuement: & la circōference est en la pointe: ainsi moyennāt tel intervalle les armes & heaumes sont fendus d'une espee. Par telle raison ceux qui sont les plus proches aux cheuaux qui ruent, sont plus seurement que ceux qui sont vn peu plus loin. Le retiremēt de l'espee vers soy sert beaucoup à la force du coup, pource que si l'espee n'est retiree, ce qui est diuisé empesche que le reste ne le soit: quand l'espee est tiree soudain, ce qu'empesche la diuision est osté, & ce qui est diuisé s'eschauffe: & par ce moyen & raison triple les coups avec attraction fendēt mieux que la pointe de l'espee. Pareillement les lances qui sont les plus longues, frappent & percent mieux que les courtes, pource qu'elles ont plus grand pois,

Pourquoy le coup ferit & nō pas le fais.

Comment & quādles coups sont tres-valides.


Pourquoy l'atraction de l'espee sert & est grandemēt utile à la force du coup.

Pourquoy les lances longues percent mieux que les courtes.

& sont poussees de plus grande force, jaçoit que l'opinion nous trôpe. La recordation de cecy m'a faict souuenir de ceste chose, laquelle si elle n'aduenoit tous les iours, elle sembleroit presque estre vn miracle: le vent pousse treslegeremēt vne nauire chargee, laquelle quarante paires de bœufs difficilemēt mouueroiēt: & qui est chose plus admirable, vn mince voile que le doigt perceroit en le pouillant, mene tant grand fais, & n'est mis en pieces, ne rompu. Trois causes sont de la facilité du mouuement: la grandeur du voile, cōbien que la magnitude du vent soit colligee, la hauteur, comme i'ay monstré, & la violence impetueuse du premier mouuement: car à peine est ce voile mouué du cōmancement. Pourtant Aristoteles auroit quelque doute qui estime que les mouuemēs violents sont diminuez vers la fin, Il est manifeste que le mouuement de la nauire est rendu plus leger par vent egal, si les autres choses luy respondent pareillemēt. Le mouuemēt n'est il point tousiours, ains seulement iusqu'à certain limite? Il est ja cogneu qu'il est augmenté dès le cōmancement. Mais la cause en est, pour ce q̄ quād ce qui est mouué cesse, le mouuemēt violēt, cōme i'ay dict, est augmēté: il sera dōc d'autant plus augmēté, quand la cause qui mouue demeure. Et encor plus sera augmēté en l'eau pour cause de plus grand empeschement. Donc les nauires sont mouuees plus legerement en trois manieres, quand le cours est ja concité, & esmeu, qu'elles ne sont dès le cōmancement.

*La cause pour
quoy vne nauire
est mēme
tant legerement
des
voiles.*

*Pourquoy les
voiles ne sont
rompuz des
vents quand
ils sont pliez
partant grāde
violence
des vents.*



Or commēt le voile tant mince soustient tant impetueuse violence, en sorte que les mats & cordes des nauires sont plus facilemēt rāpuz que les voiles, la cause est pour ce que la violēce du vent est diuisee par les parties du voile. Que le voile soit A B C D E: & si en la partie A, toute la violēce du vêt estoit amassee, laquelle pousse la nauire: quād dōc B se plie plus que au double & triple, ou plus que de trois fois, & selon le nombre des parties, il seroit mouué plus legerement. Or il n'est mouué plus legerement: donc toute la force du vent n'est colligee ny assemblee en vne partie. Il faut donc que la force & violēce du vêt soit distribuee & diuisee

uifée selon les parties de la magnitude du voile. Et ceste collection est faicte selon le nombre de multiplier, non selon le nombre d'addition ; ainsi donc de petite violence est mouue vn grand fais . Car si tu joincts quatre triples, lors est faicte la proportiō douze fois doubles: si tu multiplies,

6	6	6	6
			24
2	2	2	2
			1296
			16

la proportion sera de 81. à 1 . Donc de six doubles par cinq fois sont colligez 30. par la voye & compte d'addition : & de cinq doubles multipliez ensemble, sont faits vingt cinq . Si donc ces proportions sont conferées lēs vnes avec les autres, cinq doubles mouuerōt le pois de six proportions cinq fois doubles. Pour ceste cause les grans voiles sont rompus plus difficilemēt que les petis quand ilz sont mouuez esgalemēt. Et la proportion du mouuemēt n'est comme des voiles: car le voile qui obtient dix pas, s'il pouffe la nauire de mil & quatre pas en chacune heure le voile, qui obtiēt quinze pas de magnitude, d'autant il mouuer a plus legeremēt que la proportion de l'exces de quinze pas se mouuera à la magnitude par laquelle la nauire commence premierement d'estre mouuee à l'excez de dix pas , & à la mesme magnitude. Ainsi est-il de la hauteur. Vne autre maniere est du mouuement des nauires par les voiles. La substance du vent molle, & semblable mouuemēt, sert à la tutele & defense des voiles. Car comme le mouuement, de concurrence & de rencontre, de laquelle le mouuement tremblāt est vne portion , faict & sert mout à la fracture des voiles, ainsi le mouuement fugitif, & qui passe outre, quel il est aux voiles, empesche la fracture pource que tout mouuement est faict alentour de quelque chose qui se repose ou puisse reposer.

Les grands voiles ne sont si tost rompus que les petis.

La maniere du mouuemēt des nauires par les voiles.

La maniere de faire clefs & serrures est plus subtile que ce qui est n'agueres dict, toutesfois elle est d'vn mesme gerre. Car quād les serrures sont diuifées selon leur latitude, seulement on peut mettre dedans vn crochet court pourtant veu qu'il n'est loing de l'essueil, on ne peut faire reculer le ressort ou verrouil : & le crochet long & estroit n'a point de force . Les plus durs ressorts & plusieurs separez de clostures & garnitures, sōt les plusieurs

Comment on ne peut crocheter les serrures.

contre les crochets. La serrure est la plus seure de toutes qui a vn verrouil lequel il cōiēt oster d'vne des parties de la clef, & de l'autre partie faut oster la barre, le peneou ressort, vne closture & garniture estāt entre le verrouil ou pene, & le ressort. Si ie vouloyicy reciter & nōbrer toutes les façōs des serrures, la narratiō engēdroit ennuy. routesfois ie mettray icy l'exēple d'vneq̄lanellus a cōpolee

Vn coffre qui cache l'argēt sans qu'on s'en apperçoie.



Ceste serrure souz tout nom qui fut de sept lettres pouuoit exactemēt estre close & fermée: & ne pouuoit estre ouuerte souz autre nom que souz celuy dont elle auoit esté fermee. Le tour ou circuit estoit premierement solide, & doux de l'autre part en la partie anterieure vn tuyau droict procedoit du centre en eminence, au bout duquel estoit vne vis courte. A ceste serrure en la marge du circuit est vn autre tuyau vuide, rōd, esgal en magnitude, & equidistant à l'autre: & de l'autre part deux petites lignes distinguēt & separent le bord. A ces lignes sept lettres de diction doiuent estre mises droict à droict, en tournant & en adaptant les cercles ou anneaux par l'ordre que tu as proposé de garder: comme ainsi soit que le nom soit de sept lettres SERPENS, chacun anneau constituera sa lettre alendroict de l'espace de deux lignes, à fin qu'elle puisse estre close ou ouuerte.

Car ils seront sept anneaux en la marge ayans les lettres de l'alphabet, desquels i'ay escrit vn en la marge pour exemple: ou ils serōt autāt d'anneaux en nombre, qu'est le nōbre des lettres, souz lequel la lettre doit estre close. Au milieu est vn cercle large distinct & separé de autāt d'espaces qu'elles sont de lettres en la marge. Mement ils sont autāt d'anneaux ou circuis dētez qu'ils sont d'ordres des lettres de l'alphabet. l'ay escrit ces or-


dres en la troisieme figure, en adioustant vne denticule, cōme i'ay escrit en la quarte figure la posterieure partie des anneaux ou cercles de la secōde figure avec vn espace au milieu de l'anneau, auquel la denticule du petit anneau est fichée. Car il est manifeste que le troisieme anneau est ainsi tiré ensemble avec le secōd qui est tourné alētour: & toutefois l'vn ne pourra estre ioinēt à l'autre ny en estre arraché, sinon par la lettre fichée à son lieu. Et quād la serrure sera fermee, les anneaux sont tournezs sans empeschement, à fin qu'ainsi la proportion du nom soit confondue.

Mais laissōs ces matieres qui sont plus de curiosité que d'vtilité: enseignōs plus tolt ce qui appartient à l'vsage quotidian sçauoir est, commēt les pecunes peuuēt estre cachées en vn coffre, tellement qu'il n'aparoit aucū vestige du lieu ou elles sont, & si on le sçauoit, lesdites pecunes ny autres bagues precieuses ne peuuēt estre ostees sans rompre le coffre: car il profite à plusieurs de sçauoir que les pecunes sont au coffre, & en quel lieu: & neantmoins qu'ils ne cognoissent ou elles sont, ils s'efforcent de le sçauoir, ils cherchent, & aucunes fois ils viennēt iusqu'à telle licence qu'ils se mettent en effort de rōpre le coffre. Et riē n'ehardit tāt les larrons que de sçauoir & certainemēt cognoistre le lieu de la proye ou elle est fas faite: & s'ils ne sçauent exactemēt ou elle est, au cōtraire rien n'est qui tant rompe leur audacieuse entreprise, que s'ils doutent la proye n'y estre point. Pourtāt il faut s'efforcer pour securité qu'vn petit nid soit caché pour mettre l'argēt: puis cōbien que les larrons sachent l'argent estre illec, il faut s'efforcer qu'elle ne puisse estre ostée. Personne, ie croy, ne doubte que la matiere de fer, & l'espeſſeur des ais ou tableaux du coffre soit requise, pour ce faire. Outre ce sont choses vſitees que le fond du coffre est double, ou qu'aux costez soient petites liettes, escrins, & cachettes, lesquelles choses l'homme ingenieux cognoit bien, quand il a comparé l'espeſſeur des pieces & des costez ensemble. Pourtant aux costez ou aux angles en lieu penchant est ouuert vn petit trou: dedans est vne cauité ou 'tableau, tant grande que nous voulons, & plusieurs aussi: illec sont

*Vne serrure
qui peut estre
close souz
tout nom.*

Ff ij

enfermees les pecunes : & la cauité est remplie de coton : puis le lieu est fermé par la partie ou il appert, de sicure menue de bois & du blanc d'œuf, en sorte que celui qui l'a fermé y est souuent deceu pour l'ouuir. Autre exemple. L'ais ou tableau est caué tant iustemēt que nulle fente apparoit. En vne petite piece qui peult estre tiree, vne vis petite faicte de metal est enclose, & dessus est mis vn clou : autres clous semblables à ce premier sont aussi illec disposez par certain ordre: & quād il cōuient ouuir le lieu, en ostāt le clou, la vis est pouffée, & la piece de l'ais est tiree hors. Tu auras tousiours souuenance que le lieu ne soit vuide en quelque partie quand tu y mettras quelque chose, de peur que ce qui est dedās ne resone & face bruit quand le coffre est changé de place en l'autre, ains que telle cauité soit remplie de coton ou de quelque bourre molle. Ainsi tu peux faire plusieurs cachettes. Autre exemple tresbō & vtile, Tu ioindras fermemēt la ferrure ou lamine de fer, par lesquelles la couuerture du coffre est ioincte & agencée aux clous faicts en forme de vis, bien adaptez à l'ais ou tableau. Souz la ferrure ou lamine de fer, soyēt les entrees des caui, ez: quād tu voudras ouuir la ferrure, q̄ tu ayes vn fer tel que tu vois icy à costé en la marge, en l'extremité duquel soit la cauité qui apprehēde fermemēt le bout des clous, en sorte que ces clous ne permettēt la ferrure estre ouuerte, ou la lamine de fer estre disioincte du coffre, sinon par force. Il faut, afin que l'œuure soit stable, contraindre les clous les vis, qui reçoient estroictement les clous, & les colloquer au costé du coffre, souz les lamine de fer susdites. Mesmement aux coffres qui sont couuers de toile par de dās, sont coustumierement excogitez & inuentez plusieurs autres moyēs: mais en general il faut s'efforcer que totalement le trou soit caché, comme nous auons monstré au premier exemple, ou qu'il soit caché d'vne piece ferme & lamine solide: pareillemēt il sera plus caché, si l'entree du coffre qu'on veut ouuir est couuerte, le bout des ais ou tableaux bien inferez & appropriez.



Or reuenons à l'histoire & propos des rouës. Les pierres precieuses s'ont engrauees & percees d'vn admirable artifice, qui est tel. Vne grande rouë de bois est circuïte & enuironnee d'vne corde & derechef vne petite rouë qui est sus la grande, est enuironnee de la mesme corde par tel moië que tu les vois descrites & figurees icy en la marge. Quand donc ceste portio de la roue ABC, qui est à AB, est tant grande qu'est toute la portio DEF est tournée, la petite roue G est aussi tournée. Et autât de fois que AB est

*La demon-
stration de la
force admira-
ble de l'axe
en la roue d'ot
les pierres
precieuses
sont engra-
uees.*

contenu en ABC, autant de fois en vne conuersion & autour de la plus grâde roue, qui est appellee H, la petite roue DEF sera tournée. Telle donc que sera la proportion de la grâdeur du tour, ou circuit H, ou de l'axe au circuit G, ou à l'axe vulgairemēt dict effueil, telle sera la proportion du nôbre des reuolutiōs de G, aux reuolutions de H: G, donc sera reuoluë & tourné d'vn mouuement violent, pource qu'il sera mouuë en tresbref espace de tēps, parquoy l'axe G, k, percera les pierres precieuses. Par ce moyen les dēticules faictes en G, qui tournent l'axe de l'autre rouë, tât plus la rouë seroit grande par les dēticules de l'axe impliqué aux dēticules de G, tant plus elle seroit tournée plus legerement. Parquoy en repetant souuent la proportion du mouuement de la plus grande roue & de l'axe, le mouuement sera tresleger & violent, en sorte toutesfois que la force qui la premiere mouue, est tresrobuste, & les rouës s'ont treslegeres. De cecy est venue la mesure des horloges quād les rouës posterieures diuisent le premier mouuement.

*Comment est
faict le mou-
uement tresle-
ger & vio-
lent.*

Les anciēns ont vsé de mesme subtilité en la composition des instrumens, appellez vulgairemēt haquebutes, dont on iette boules, pierres, & autres chose semblables en Latin *baliste*, & en la composition des arbalestes, dīctes scorpionnes, qui iettēt les fleches au loing. Si ces instrumens sont trop tendus, ils se rompent en pieçs: silz

*La compo-
sition des ha-
quebutes Et
arbalestes.*

La force des machines & artilleries des Romains Stade est espace de 125 pas.

font trop peu, leur coup est inualide & sans force il faut donc traiter ceste matiere par mesure. Vitruuius estime ceste mesure deuoit estre deduite du son des instrumens. Les artilleries des Romains pouissoient de tât grande force, que Iosephus recite l'os de la teste d'un homme auoir esté abatu & ietté au loing iusque à trois stades: & vn enfant hors le vêtre de sa mere iusqu'à demi stade. L'esprit des Romains estoit tant habile à commettre meurtres,

qu'ils estoient presque autât admirables, que nous sommes en nos artilleries, qui sont autres tonnerres. Leurs machines arietines pour abatre les murailles leur sôt finies par incommodité, nō par force. Plusieurs instrumens belliques sôt hors d'usage par les succedēs qui sont meilleurs: les autres sont cessez par negligēce: aucuns, pour ce qu'aucune mesure ou pois ne peut estre conseruē perpetuellēmēt. Car le pois suppose certaine mesure: & toute mesure est necessairemēt mesure de quelque chose. Ce dont elle est mesure, ne doit estre chāgé ne mué, si la mesure doit estre eternelle. Cecy donc qui ne doit estre mué est celeste, ou il est des elemens, ou il est element, ou partie d'iceluy. Les choses qui sont faictes des elemens, sont variees & muees selō la multitude ou paucité de la matiere. non seulemēt par succession de temps, ains par les lieux, & cas fortuits. Maintēat les hommes, comme i'ay dict, sont trouuez aux Indes grans cōme geans: aucuns y sont tât petis, qu'on peut les appeller petis nains. Les Germaines sont plus grās que les Italiens: & entre les Germaines la mesure n'est esgale: car aucuns d'iceux sont petis: que dirōs nous des pierres? chercherōs nō certaine magnitude aux metaux? Mesmement les graines & semences sont changees & muees: car le froment de Turquie, diēt vulgairēment blé Sarrasin est trop plus menu que lenōstre: mais il peut estre qu'il est d'un autre genre. En Italie le froment n'est par tout d'un mesme pois & mesme mesure, & est changé tous les ans. Outre, il n'est de vne mesme grandeur & grosseur en vn mesme monceau. D'auātage la mesure n'est perpetuelle au mouuement: car ce qui est mouuē, est vn pois ou plus grand ou plus petit: & ce n'est encor determinē. Si vne beste l'offre elle est vn pois semblablemēt ou plus grand ou plus pe-

Nulla mesura, & nul pois, puenent tousiours estre.

rit, ou imbecile ou robuste, concité & esmeu. Mesmemēt la mesure n'est perpetuelle aux choses celestes: mais entendu quelles sont tresgrādes, elles ne peuent estre mesurees, non seulement pour leur magnitudine, ains pour la distance du lieu. Il faut donc qu'elles soient retraictes, & ce qui se retrait est subiect à corruption, & telle matiere corruptible n'est & ne demeure semblable à iamais. Nulle mesure donc & trop moins le pois, peut estre perpetuelle, & venir à la posterité sans corruptions. Les choses qui viennent iusqu'à la posterité, sont les proportions qui sont perpetuelles: ou les magnitudes aux grādes quantitez & grosses masses, mesmemēt les pois avec les magnitudes peuent paruenir à la posterité: lesquels durent long temps par succession, cōme aux pyramides en Egypte, lesquelles estoient tresgrandes, comme le Labyrinthe à Thebes, & comme Cayrum entre les citez, cōme i'ay dit cy dessus, & le Nil entre les fleuves: car Egypte seule a ces quatre grandes choses. Si donc quelqu'un confitue la centiesme partie de la hauteur ou latitude d'une certaine pyramide pour ferme & certaine mesure, elle pourra estre par tout en toutes nations, & long temps, mesmemēt le pois y pourra estre avec la mesure. Vne autre proportion de mesure est prise par les successions des cordes & liures emendez & corrigez: cōme à Rome Serhus architecte a obserué vne mesure antique d'une paume en vne pierre, laquelle mesure est venue iusqu'à la posterité, depuis elle a esté exactemēt trāsferée à son Code, & de son Code au mien, cōme tu vois icy en la marge. Ainsi la mesure du grād temple de Milā qui est trescelebré entre les Chresties, peut estre prise selon la hauteur des colomnes par la ceteriesme partie ou autre, & peut durer lōg tēps: elle ne peut estre prise selon la longitude, veu que beaucoup de matiere defaut encor à la perfection. Mais la latitude n'est totalement seure, ou par l'additiō des ornemēs, ou

L'antique paume Romaine.

Quatre choses admirables en Egypte.

Serhus architecte.

Vn temple de Milan fort renommé entre les Chrestiens.

par cas fortuit, qui en oste quelque chose. Si toutesfois quelqu'un prend la latitude tresgrande, il ne faudra beaucoup, veu que diuisee en tant de parties, elle ne peut admettre erreur & faute, qui soit sensible. Ceste mesure constituee, la proportion du poids doit estre transferee à l'or pur: car l'or pur n'admet grande vacuité, & n'est varié, changé ou mué pour venir à tresgrande perfection. Le vis argent est proche à l'or: car le vis argēt n'admet vacuité & est trespesant, quoy qu'il ne soit tresparfait. Or en tout gerre nous deuons prendre des tresgrandes choses la mesure, à fin que ceux qui viennent & descendent aux choses minimas en diuisant, ne puissent errer, & faillir. Pour ces causes Ptolomeus a pris tant qu'il a peu des antiques obseruatiōs les mouuemēs des astres: mais comme i'ay dict, ceste diligence suffit pour faire durer les choses long temps, nō point à perpetuité. Seulement les choses eternelles semblent pouuoir estre de trois gerres, ou par substance, comme le ciel, sil est de telle sorte, ou par succession, comme les especes, pour ce qu'elles cōsistent de nature, ou pource que les intellects sont par operation separez de la matiere, cōme les proportions & les nombres. De ces matieres a esté traicté separement au liure dedié à icelles. Maintenant entant qu'il appartient à ce present argument, il faut voir si le mouuement perpetuel est entre les artifices. Car il est certain que le mouuement est vrayement naturel, & perpetuel au ciel: semblablement par le moyen de succession il est perpetuel, cōme aux fleues, qui perpetuellement descendent en lieu qui est appentis quand l'eau y sourd, & mesmemēt les choses qui ont des fleues l'origine du mouuement, cōme aux meules de moulin qui sont tournées & mouuees par l'eau. Il ne fault estimer que le mouuement perpetuel doine estre demandé des choses susdictes, qui vrayement soit perpetuel: car tous corps naturels par espace de tant sont cōsumez, & encor plus s'ils sont mouuez. Proprement dōc on demande, si on peut trouuer quelque mouuement, lequel contienne en soy la cause de sa continuité en la nouvelle generation: comme aux horloges, si au lieu de ce mouuement, auquel les heures sont significées par les

*Les choses
eternelles sont
de trois ger-
res.*

*Il demonstre
que le mouue-
ment n'est
perpetuel en
toutes choses.*

coups, les pois estoient de rechef attirez en haut, l'œuvre seroit paracheué. Pourtant veu qu'elles ne peuuent estre seulement que trois especes de mouuement naturels, par lesquels les choses graues & pesantes sont mouuees, sçauoir est, ou au centre de soy mesme, ou non simplement au centre, cōme au centre de l'eau, ou par quelque vertu naturelle, cōme du fer à l'aimant dict magnès: il est manifeste que ce mouuement naturel est necessairement situé aux deux premiers. Il est aussi quelque mouuement naturel, non toutesfois sans violence, quand quelque chose est trop tiree, ou trop retraits, & ces deux especes sont veues aux meules des horloges. Et en toute situation, il faut trouuer le commencement & la fin, veu qu'elle consiste en lieu. Et les choses qui sont mouuees, cōme presque alentour du centre, ont leur commencement de quelque mesme principe des choses qui sont mouuees selon la droite situation, entendu que cecy ne cōuient sinon au ciel & à l'air, mais à l'air inconstamment & sans certaine situation. Car l'eau, cōme j'ay dict, est mesmement mouuee selon la droite situation. Il est donc necessaire que finalement ce qui est porté, & mouué, soit derechef rapporté quand il est en la fin, si le mouuement doit estre perpetuel: or il ne peut estre rapporté, sinō par excès: pourtāt donc la cōtinuité du mouuement sera faite de ce qui est selō nature, ou elle ne sera esgale. Et ce qui est tousiours diminué ne peut estre perpetuel, si on n'y fait augmentatiō. Maintenant rentrons aux autres matieres. Nous auons dict que la subtilité est aux œuvres de nature, & de l'art. Il est aussi vn tiers gerre de subtilité, qui est en la matiere des œuvres, cōme si la subtilité aux matieres tissues est iointe a l'espaisseur, elle montre la matiere meilleure, & de plus longue duree selon la mesure du pois. Ainsi en la farge sont mil & mil fils en la latitude: & la latitude, ou magnitude est d'vne aune, & cōbien elle est grande, il a esté mōstré cy dessus: ceste farge est tissue obliquement, nō de trauers. J'ay veu vne sorte d'habit de toille delice, tissue, tant subtilement qu'il n'estoit de meilleur habit pour reicter l'eau, on appelle cest habit Bernuciu. La tenuité doncques & subtilité en tous les œuvres de nature est parente est mere, non seu-

*La maniere
de cognoistre
les matieres
tissues.*

lement d'elegance, ains aussi de force & solidité, pource que les parties adherēt & sont iointes aux parties, non autrement qu'en harene menue, & tant plus est de petit pris, tāt plus est de grād profit à la traite de marchandise. Toutesfois en ces matieres tantoit la nature d'icelle, tāt-toit l'art en dōne vne partie, nature certes dōne vne partie, comme le fin lin, appellé crespé, en Latin, hyssus qui estoit en Elide vne espece de lin tāt fin, que sa pesanteur valoit le pois de l'or, tesmoing Pausanias. Certainemēt vne force & splendeur accōpaignoient ceste tenuité: & ces deux choses, sçauoir est, force & splendeur rendēt les matieres plus precieuses, & de plus grand pris, & l'art doit imiter ces deux choses mesmes, entēdu que l'art est imitateur de nature. Et comme aux matieres naturelles, ainsi aux artificielles, les toilles tissues, & toutes autres choses admises en l'art de titre, ont leur propre fin de tenuité. Ainsi aux matieres qui sont estimee tressubtiles, est trouuee autre matiere de subtilité, cōme quād les habits, ou le fil sont maculez de quelque droguc: car le fil est nettoiyé & blanchy, ou par la chaux, ou par cendre de chefne, ou par le tertre, ou par le suc de ces herbes limonie, ou saponaria: car toutes ces drogues iointes & mellees, ou chacune à part soy, peuuent deteiger & nettoyer. Qu'est-ce donc de merueille, veu que le fort vinaigre blanc ce peut faire? En ce gerre mesmement est le fiel de bœuf, l'alun commun, le sel appellé chaly, & toutes choses qui de soy-mesmes sont splendides, desquelles nous auons parlé autre part. Outre plus ce peuuent faire quelques eaues, comme de borage, ou de roche qui sont faites par distilation.

Limonie est vne espece d'anemone de la coque-lourde. Toutes choses composees ou simples ont certain limite de subtilité. Borago vulgairément est appellé roche. Comme les male-taches sont deteigees & nettoyes.

Or en toutes, outre la matiere, l'art est desiré & requis cōme pour oster les tâches & macules, il faut les lauer, puis les empreindre grandement, puis de rechef les lauer & empreindre, & quand tu auras ce fait quatre ou cinq fois, incontinent tu veras l'habit purgé de l'huile ou gresse qui estoit dessus. Euite cependant que la couleur ne soit effacee par l'vrine de chat: lors il semblera y estre vne tache qui n'y est point, il faut doncques restaurer & restituer la couleur, non pas deteiger & nettoyer la macule ou male-tache. La couleur de pourpre

doit estre restauree & refaite par couleur de safran, la rouge par le brasilium, autrement dict verzinium, qui est comme espee de chesne: la couleur perse est restauree par le bois indique, dict gayat, & par la guede, dict glastum, en adioustat du violet, sans lequel le verd y seroit: comme le bois dict schuodenum & schyrodinum avec le brasilium, fait le tané: le iaune est restitué par le gayat & le guede, & le noir par l'encre. On dict que les taches fort grasses sont effacees par la cendre tres-meuue des os qui sont appelez castrata, quand ceste cendre est esparse sus la tache par vingt quatre heures, & pressee entre des ais, & du linge.

Tu diras, Pourquoi ne peuuent-ils deterger les macules en matieres blanche & iaune, qui sont de valeur en toutes les autres couleurs? Est-ce pource que les drogues qui detergent quand elles sont valides, font vne autre macule à la matiere blanche? Or en ces drogues en matiere iaune ostent la propre couleur: toutesfois aucunes drogues sont qui peuuent lauer & effacer les taches en toutes choses.

* Aucunes choses sont qui ne sont reduites en vn gerre d'artifice, quoy qu'elles soiēt de subtilité admirable: cōme si tu efforçois de rediger incōtinent en ordre vn liure, tu feras vn autre liure d'vne carte dure, batue & endurcie d'vn petit maillet: puis vn double fil nō fragile ne quadruple, estēdu depuis le coupeau iusques au bas, & nouē de part & d'autre, tu prendras deux exemplaires du liure totalement semblables iouxte la forme d'vn type & figure, & diuiseras les sentēces, scauoir est, les sentēces d'vn exēplaire par deuant celles de l'autre par derriere: ie dy les sentences que tu mettras sous tels exemplaires que tu voudras entre le fil & la carte, & tant de fois que tu les chāgeras & transmettras, tu adiousteras, & osteras iusqu'à ce que l'ordre non seulemēt des sentences, ains aussi des diction cōuienne de toutes parts: lors tu annecteras & ioindras au papier pur par quelque glutinatio les pieces leuees des liures. ainsi par le labeur

Par quelles couleurs les autres sont restaurees & restituees en leur entier.

Le bois dict schuodenum & schyrodinum peult estre quelque espee d'Alloes, ou le bois dict d'esquine des Apoticairees, Selon aucuns les os de Bieure sont ap-

pelez, Castrata, aucuns les appellent Castorea, de Castor: pour ce qu'on coupe les parties genitales du Bieure, qui sont dictes Castorea: ou osso castratorum, c'est à dire, les os selon le Cas-

con, qui appelle vn mouton castrat. Aucuns pensent estre les os sans mouelle.

* Comment on redige incōtinent vn liure en ordre.

Commet vne
mestange est
redigee en or-
dre.

trois iours tu redigeras en ordre mieux & plus facile-
ment tout le liure, que si tu eusses trouuailé vn an entier
à le transcrire. Car souuent la premiere commutation
desplaira quand vne meilleure se presente. Et vne occa-
sion de transmuer est tousiours laissée en ceste subtilité.
Plusieurs exemples de singuliere subtilité & de grande
vtilité sont en ce gerre, mais il me suffit d'en amener en-
cor trois: car chacun se pourra satisfaire par ces quatre
exemples principaux, mesmement en autres matieres:
le premier exemple donc est, quand tu voudras rediger
par certain moyen en quelque ordre ordonné quelque
mestange & rassemblement de ce liure, ou de cestuy-là,
tu mettras deuant par l'ordre des nombres depuis l'vni-

<i>Vltis. Primus.</i>		10	1	te les nombres à chacun: tu diuiferas aus-
7		9	2	si tout ce mestage en deux parties, ou en
3	<i>Tabula prima.</i>	8	3	neuf, ou en onze, & redigeras tout ce re-
2		7	4	cueil en chapitres: propose au premier 1.
1		6	5	au second 1. au troisieme 2. & ainsi par
10		5	6	ordre, afin qu'vn point soit adiousté à
9		4	7	tous les autres nombres, sinon à la pre-
6		3	8	miere vnité. Les nombres donc des sen-
8		2	9	tences & diction, qui sont contenues
5		1	10	souz la premiere vnité, tu les redigeras
4				derechef en ordre: s'ils sont peu; tu les
				redigeras depuis vn iusqu'à dix: s'ils sont
<i>Prim. Secund.</i>			plusieurs en abondance, tu les redigeras	
1	<i>Tabula secunda.</i>	4	4	depuis vn iusqu'à mil: s'ils sont medio-
2		3	3	crés depuis vn iusqu'à cent. Ainsi ceux
3		2	2	qui sont mis souz la premiere vnité 1.
4		1	10	s'ils sont peu, tu les redigeras de dix à
5			9	vingt: s'ils sont d'auantage de mil à deux
6			7	mil: s'ils sont mediocres, tu les redigeras
7			6	de cent à deux cens. Tu procederas par
8			5	mesme ordre apres le nombre 2. aux no-
9				tes qui sont dessous, iusqu'à ce que tu
10				ayes redigé le tout en ordre exquis. Ap-

pres cecy tu proposeras par l'ordre des nombres, les au-
tres nombres correspondans, sçauoir est, les plus grands
aux plus grands, les mineurs aux mineurs, en telle sorte
toutesfois que ceux qui sont au premier & dernier or-

dre soient egaux, non respondans les vns aux autres. Eface tous les nōbres du milieu, lors te sont laissez deux ordres des nombres, le premier & le dernier, lesquels pour cause de breueté i'ay voulu seulement estre produits iusqu'à dix. Doncques le premier nombre signifie l'ordre, par lequel le meslange est escrit, le dernier signifie, par quel ordre deuoit estre escrit ce meslange, dict *farrago*. Afin donc que tu rapportes vn nombre à l'autre, tu escriras par l'ordre des nombres autant de nombres en vne autre table, afin que l'ordre de la seconde table soit faict le premier: cherche donc au premier ordre de la premiere table tout le nombre auquel ce premier ordre responde selon l'ordre dernier de la premiere table: & cherche ce nombre, auquel ce dernier ordre respond en la seconde table au premier ordre (& cecy est facile quand les nombres sont illec disposez par ordre naturel) & ce nombre trouué, au droict d'iceluy colloque le nombre du premier ordre de la premiere table. Ainsi en bref espace de temps tu parferas ton affaire, pource que tu trouuueras sans labeur les trois nombres que tu cerches: aucuns certes de la premiere table du premier nombre, pource que tu procedes tousiours en descendant: aucuns de la premiere table du dernier ordre, pource qu'ils sont à l'opposite de ceux qui sont ia trouuez: les autres nombres du premier ordre de la seconde table, pource qu'ils sont disposez selon l'ordre naturel des nombres. Comme en l'exemple cy dessus premieremēt ie trouue au premier ordre de la premiere table 1. de l'autre part opposite, ie trouue 7. ie cherche 7. au premier ordre de la secōde table, à l'opposite duquel i'escry 1. puis ie trouue 2. au premier ordre de la premiere table, au droit duquel ie trouue 3. ie cherche 3. au premier ordre de la secōde table, au droit duquel i'escry 2. trouué au premier ordre de la premiere table. Ainsi donc quand la seconde table est parfaicte, le premier ordre demonstre ce qu'il faut traicter au premier nombre: le second ordre demonstre où c'est qu'il faut prendre de ce meslange ce que nous voulons traicter souz mesme argument. Et lors il faut effacer tous les nombres du dernier ordre de la premiere table.

*Comment les
additiōs sont
faites aux li-
ures l'une a-
pres l'autre.*

Le second exemple de subtilité aux liures est, quand tu voudras adiouster quelque chose, lors que le liure est ia escrit: tu feras cecy commodement, si tu notes toutes les choses que tu veulx adiouster, en obseruant l'ordre des nombres, & si tu escripts vn mesme nombre au lieu du liure, auquel les additions doiuent estre transferees. Et si quand ceste addition est paracheuee, autres matieres suruiennent que tu ne veulx obmettre, & ne les veulx transcrire, tu composeras vn petit liure, en proposant les nombres par ordre naturel à chacune addition: & si la premiere addition n'excede nil, les nombres de la seconde addition commenceront à mil, & procederont outre par ordre: & semblables nombres doiuent estre escripts à l'autre part opposite, ou au lieu du premier liure, ou de la premiere addition, à laquelle la seconde conuient. Et ainsi s'il conuient adiouster choses nouuelles, & la troisieme ou quatrieme fois sans labour & aucune confusion, tu commenceras l'addition par le troisieme ou quatrieme nombre milenaire: & ne feras autrement qu'en la premiere & seconde addition. Et cest ceuvre complet, si tu veulx lire ou transcrire par ordre tout le rassemblement & meslange, en prenant le premier liure, tu liras sans soin iusqu'à ce que le nombre se presente. Et quand ce nombre se presente, si c'est 1, il faut lire la premiere addition du premier supplément. Si c'est le nombre 1001. il faut prendre en ses mains la premiere addition du 2. supplément. Si c'est le nombre 201. il faut prendre & lire la premiere addition du troisieme supplément. Et si en lisant ceste addition du troisieme supplément, tu trouues à l'opposite 1011. lors la seconde addition du second supplément doit estre subsequente. Et ainsi sans aucun empeschement tu redigeras en ordre les suppléments de toutes additions l'un apres l'autre, & ce feras sans confusion, & les pourras lire à ton plaisir quand ils seront redigez en ordre. Et en ces choses, peut estre qu'il sera plus commode d'vser des notes & caracteres des nombres d'Inde que des antiques. Et comme ce gerre qui ensuit, est le plus noble & excellent, ainsi est-il le plus utile: & ne m'est possible de reciter combien il m'a esté utile, & m'a profité pour obser-

uer les choses que ie lisois. On pouuoit passer sans faire mention de l'auteur qui a inuenté cecy, veu que ie ne sçay s'il y a quelque autre chose de verité en tous les trois liures qu'il a composez de la Philosophie occulte. I'estime qu'il estoit hors du sens quand il escriuoit telles choses, & trop plus hors du sens que n'est ie ne sçay quel Grammaticien de Saxone en l'histoire des Danois qu'il a escrite toute pleine de fables. Mais ie ne vueil farder aucune de ses inuétions. Cornelius Agrippa avec tant de prenomms est auteur de ceste inuention: combien que ie l'aye ensuyuy du tout, pource qu'il n'est plus diligent en cecy qu'aux autres choses.

										5572.
										7240.
										12509.
										25553.


Voicy donc la maniere qui requiert estre expliquee plustost par ceste table icy posée que par longue oraison. Soit pour exemple que ie vueille 5572. i'escriray, ainsi que tu vois en la figure. Et si ie vueil 7240. i'escriray, comme tu vois à costé. Si ie vueil 12509. i'escriray premierement 9000. par la propre figure: puis vne autre figure tiree de trauers, laquelle signifie 3000 lors i'auray 12000. auquel nombre i'adiousteray 509. & i'auray la figure que tu vois à costé. Et si ie vueil 25553. qui est le plus grand nombre, lequel puisse estre escrit icy sans cōsusion, tu l'auras ainsi que ie l'ay peint & escrit à costé. Il sera encor plus facile en produisant les figures selon la ligne de trauers ainsi — d'adiouster autant d'augmentations des nombres, afin que la dernière figure, qui est telle, signifie 9000000. & derechef par les lignes de trauers vers le dextre

d'adiouster 9000000000. & vers la fenestre ainsi
 900000000000. Et ainsi ie puis declarer de
 longle seule tout grand nombre sans confusion, & aus-
 si le declarer par lignes droictes. Mais Agrippa à peine
 atteint dix ou vingt mil, & encor il atteint ces nombres
 assez laborieusement, & avec confusion. Toutesfois ie
 luy doÿ ceste inuention, comme autheur d'icelle.

*Comment vn
 aueugle peut
 estre instruit
 à escrire.*


Entendu qu'il n'est rien difficile à celuy qui traicte
 les matieres subtilement (& cecy est outre l'art) aucuns
 ont proposé d'instruire vn aueugle à l'escriture. Vn ta-
 bleau d'airin est engraué de lettres cauees, selon l'ordre
 de l'alphabet : en ce tableau l'aueugle deduit son tou-
 cher par chacune lettre, en retenant par cœur l'ordre d'i-
 celles, iusqu'à ce qu'instruit par coustume il sçache fai-
 re ces lettres d'une plume. Erasme recite aucuns auoir
 ainsi appris à bien escrire, quoy ce fissent à grande pei-
 ne & labeur. Et cecy requiert d'estre admonesté affi-
 duement, & de continuer long temps. Et tant plus le
 toucher est agu, & que la note est menuë, tant plus faci-
 lement & mieux ils apprennent. La chose est admirab-
 le, mais peu utile. A propos de cecy, j'ay souuenance
 auoir veu vn homme sans bras, lequel iettoit au loing
 de son pied dextre vne lance, il limoit, il cousoit habits,
 il mangeoit, il escriuoit, & affiloit de ses pieds vne agui-
 le. Et s'il estoit besoin de prouuer ce miracle, on produi-
 roit plusieurs tesmoings, entendu qu'il faisoit ce qui est
 predict publiquement.

*Vn instrumēt
 par lequel ce-
 luy qui tire
 est attiré.*



Mesmement vn instrument est l'œu-
 re d'artifice, auquel si tu pends de tes
 mains quand tu tires, tu es plus vehe-
 mentement attiré. Il est ainsi fait. A B
 est le paué superieur : le commence-
 ment de la corde qui tire, est C, & D E
 est le bois ou le fer encliné par grāde
 force, auquel la corde C D est nouee,
 & D F est le bois qui est mis souz les
 lambris du plancher, & empesche que
 E D puisse retourner : à F D est pendu le pois G F, en
 sorte que F D puisse estre tourné vers ce pois, quand F
 D n'est pressé de E D : car F D est fiché à vn petit roun-
 deau

deau ou anneau: quand donc la corde CD est tirée, FD retombe vers E, toutesfois à costé pour cause du pois G: doncques IED, qui estoit retenu de FD, retombera vers le plancher HE, en attirant en haut DC.



Vn instrument qui facilement tire l'homme en haut, est tel: vne poulie est avec vn crochet de fer, en icelle est vn rouleau selon la conteneue, alentour duquel est vne corde, en la corde est le pois A, vn peu moindre que le pois de ton corps, de l'autre part est vn baston de trauers B. Quand donc le crochet de fer est pendu, tu tireras B en bas, afin que le pois A monte en haut, & que B vienne en bas. Estant assis sus B, & de l'autre part en prenant des mains A C, pource que le pois A est vn peu

Vn instrument par lequel chacun peut se tirer en haut.

moindre que le pois de ton corps, A derechef descendra facilement quand tu monteras: quand tu voudras descendre, tu le feras de toy-mesme, entendu que ton corps est plus pesant que le pois A: en laissant donc aller la corde en bas, tu descendras soudain.




Vn autre instrument d'Agrippa. Il forgeoit deux tenailles du tout semblables l'vn à l'autre: tu vois icy en la marge l'image d'vne: KMO & LMN: les pieces d'acier sont iointes en M, alentour d'vn clou par mouuement voluble & tournoyant, & parfond vne tenaille entiere, les supremes parties KM & LM sont ainsi coniointes & assemblees, que quand elles sont contraintes, l'vne entre dedans l'autre representans la forme de vis. Entre ces parties supremes est vne corde, quand il en est besoin. Les lignes

Vn autre instrument d'Agrippa pour mesme chose.

droictes NM & OM, ont en bas vn anneau, auquel vne forte corde NO est poussee dedans: l'usage en est tel. La corde, comme i'ay dit, est prise avec KM & LM en estreignant NO, & est estreinte en mettant le pied des-

Gg

sus N O: car tant plus le corps sera pesant, tant plus N O s'entortillera, & la corde sera estreinte de la tenaille plus estroictement. Et d'autant est plus seure la montee, que celuy qui monte est pesant. Apres tu ioindras à la corde vne autre tenaille plus hautement d'vne coudee par la premiere, & en mettant vn pied, quand tu ostes l'autre, tu osteras le pied, & la tenaille inferieure, & en colloqueras autant sus la seconde tenaille, par ce moyen tu monteras seurement, comme par vne eschelle iusqu'au coupeau par vne seule corde avec le crocher, & les deux tenailles: car la forme de la vis empesche que la tenaille coule imprudemment par la corde.



Telle est la maniere de monter, assez inepte pour descendre, si elle est cõparee aux autres instrumens. Agrippa donc a inuētē vne maniere facile pour descendre. Vne vis faicte d'acier, lōgue d'vne paume, vuide par dedans, en sorte qu'elle peut receuoir la corde H G, & est appellee A B: alentour de ceste vis est vne petite casse faite de fil d'archal, percee haut & bas, au bas d'icelle sont deux appēdices, auxquels sont les cordes C & D soustenans le baston de fer E F, sus lequel quād celuy qui doit descendre est assis, il descendra legerement, & sans danger. Et s'il tire en bas la corde G, ou s'il attire à soy A B C, la vis ne descendra, pource que par l'extension la corde G H dressee, ne permet la vis couler.

Semblablement quand la corde G tire à soy, & est tournee en haut, elle ne descendra aucunement, ains reposera: elle descendra donc legerement ainsi, & facilement se reposera sans labeur. Les nautonniers sçauent biē cecy, lesquels assis sus vn simple baston, ils descēdēt par la corde entortillee à ce baston trois ou quatre fois, tenans la corde G, laquelle s'ils la laissent petit à petit, ils descendent: s'ils la tirent vehementement, ils se reposent assis. Toutesfois il y a difference de cecy, pource


que ceux qui sont assis sus le baston tombent facilement, pourtant qu'ils sont enclinez pour l'obliquité de la corde, s'ils ne sont bien experimentez & hardis. Mais cest instrument que i'ay veu & manié souuent, pource qu'il est tousiours en l'equilibre E F, il est seur & sans crainte, & chacun tant soit-il inhabile peut s'asseoir dessus seurement, & sans danger.



Or puis que i'ay expliqué l'artifice des machines, & des pois assez suffisamment, en forte qu'il semble que rien n'y reste, il faut chercher la maniere commēt est fait vn instrument vulgaire, toutesfois de force admirable. Ceux qui couppent & diuisent le bois en vsent, & soustient le trabe & sabliere, & mesmement il soustient

Pourquoy les traves & sablieres facilement sont soustenues par l'instrument usāgulair.

vn homme au coupeau de la sabliere, & le coup impetueux de la sie qui descend. L'instrument est A B C fait des cheurons assemblez, & confirmez des clous de bois. Souz B & C, sont deux petits pieux moindres qu'une paume, par lesquels l'instrument est leué hors de terre, A posé sus terre: D E est la boucle, qui va aussi par dessus la sabliere: on demāde pourquoy, veu que F est trop plus pesant n'esleue en haut A, & ne tombe: La cause est, pource que s'il est peu erigé, la partie qui est prominen-



te par la partie G faite la plus longue, a petite proportion pour se reposer, pource elle ne peut esleuer l'autre en haut. Si G est la petite partie, encor moins elle pourra esleuer, pource que F est moins distante de l'endroit de G: pource elle aggrauē peu.

Aucunes choses semblent estre soustenuēs de soy-mesmes, & soustiennent les autres sans aucune ligature: comme ie pren A B la sabliere, sus laquelle ie mets C D. Sus C D ie mets E F, en sorte que E F tombe souz A B: lors ie dy que s'ils ne soustienent,

Gg ij

sont deliez, qu'ils ne peuvent choir: car A B est soustenu de F E, & E F de C D, & C D est soustenu de A B. Et le lieu B D F est soustenu, & soustient, ce qui est patent par experience: il est donc soustenu de quelque chose, c'est donc de tous, veu que la proportion de tous est egale & semblable: pourtant ce lieu est tresferme: lequel tant plus est pressé, tant plus est ferme: & ne s'ouure iamais si quelque partie ne se rompt.

Comment vn
seau plein
d'eau est sou-
stenu.



Nous auons parlé des choses qui soustiennent plus que la raison ne semble le monstrier, & aussi des choses qui s'entresoustiennent: de present il conuient monstrier comme vne chose semble se soustenir de soy-mesme. Qu'vn buffet plat, ou table soit A B, & le baston soit C E, duquel la partie exterieure soit souz l'ansé du seau plein d'eau G F H, & qu'vn baston droit estroitement E F soit colloqué entre le baston C E & le fond du seau F, en sorte qu'il ne puisse couler, lors ie dy que le seau demeure pendu, & ne tombe point. Car il appert, veu que F est le fond du seau, que le baston E F, & le centre de la pesanteur de F, & le centre de la terre qui est K, & le centre du seau qui est L, sont en vne ligne droicte, qui est K F L E. Si donc le seau tomboit, il tomberoit ou par la ligne droicte F K, ou premier quelque costé sera encliné, comme G ou H. S'il est donc encliné vers H en M, ie tire K M: puis que les deux lignes K E & K M viennent de K vers le cercle, & que K E passe par le centre du cercle qui est du seau, par les demonstrations d'Euclides au troisieme liure des Elemens, K F sera moindre que K M: le centre donc de la pesanteur F est esloigné de soy-mesme du centre de la terre K: pouttant entendu que cecy est pesant, il descend par le mouuémēt naturel, ce qui ne peut estre icy pour l'empeschement. Le seau donc ne descēd en s'enclinant vers quelque partie: Mesmement il ne descend par la ligne droicte K F, pource que l'angle F E C est droict & constant: & quand D descend en L, la ligne L B est tirée: elle est donc egale à E B: entendu dōc

que L B est opposite à l'angle droict selon la cinquieme demonstration du 1. liure d'Euclides, le triangle L E B aura deux angles droicts, ou le plus grand costé n'est opposé au plus grand angle, desquels l'un & l'autre est contraire aux demonstrations d'Euclides au premier liure des Elements. Dôt il s'enfuit chose encor plus merueilleuse, qui est qu'une chose laquelle peut choir de soymesme, ne tombera, en adioustant quelque fais. En posant la plus grande partie du baston B D, le baston D C tombera, pource que le bout du baston en tombant s'approche au centre de la terre K, & ainsi C pourra estre esleué en haut, & par ce moyen il tombera, lequel ne tombera en adioustant vn fais sus le seau. Et faut (de peur que l'experience ne te deçoiue avec la moquerie des assistés: car si l'entreprise ne vient à souhait, les ignares ne blâment seulement l'homme, ains aussi les demonstrations) il faut donc que tu sois tresdiligent en cecy: premierement que la superficie du buffet ou de la table soit en balance, que le bois soit exactement droict, non flexible: semblablement que le bois E F soit droict & bien joint entre le fond du seau & C E, en sorte qu'il face tenir fermement le bois C E au manche D: & que le poinct F soit le centre de la pesanteur: aussi que le seau soit rond. Plusieurs liront cecy, mais peu l'entendront. Il faut toutesfois plus entendre qu'il n'est escrit, neantmoins que rien ne soit delaisié qui appartienne à la perfection.

Outre plus ils sont grands vsages de la subtilité de medecine: le premier est de la mixtion des medicamets, par laquelle les vertus nuisantes sont abolies, les autres sont distribuées aux propres parties du corps. Car les medecins tiennent pour assuré que les medicamets chaux: sont attirez par les membres froids, & les froids par le chaux: ainsi les secs des humides, & les humides des secs: & que par semblable raison nostre corps vse des secondes & tierces qualitez outre ces quatre premieres. Et commet ils font cecy en diuers membres, ou sans l'admirable attraction & sapience, il appartient à ce liure de l'enseigner. Si donc le poiure est meslé à la lactue, & l'homme qui les prend a le ventricule froid, & le

foye chaud, il est patent premierement pourquoy ceste viande ou medicamēt refrigerera le foye par la lactue, & ne l'eschauffera par le poiure: car le poiure est ia refrigeré au ventricule, & la lactue y est rendue plus froide, & confirmee en sa propre frigidité. Ce n'est donc merueille si le poiure n'eschauffe le foye, & que la lactue le refrigerere. Il y a vne doute pourquoy la lactue ne refrigerere le ventricule, veu qu'elle n'a souffert d'autre membre telle chose, que le poiure a souffert du ventricule. Premierement le ventricule autant qu'il est refrigeré de la lactue, autant ou plus il est eschauffé du poiure: secondemēt, si le ventricule est plus froid que la lactue, il sera reduit vers le temperamēt par la lactue & le poiure: finalement, pource que la temperature du ventricule est plus esloignee de la nature du poiure que de la lactue, & cecy que le poiure souffre du ventricule est plus grand que ce qu'en souffre la lactue. Et la raison des autres qualitez semble estre telle que des premieres.

*Les quatre
premieres
qualitez.*

Il est manifeste qu'elles sont quatre premieres qualitez, le chaud, le froid, l'humide, & le sec: ainsi appellees premieres, ou pource que les autres viennent d'icelles, ou pource, comme veut Galien, que seules elles penetrent jusques aux parties intimes, & rendent ce qu'elles font semblable à soy-mesmes: car vne chose molle n'est ainsi rendue par le touchement de la molle, comme le chaud est rendu tel par le toucher du chaud. La vertu de la chaleur est la plus manifeste entre les premieres qualitez, puis celle du froid. L'humidité est plus apte à souffrir que la siccité: pour ceste cause tous corps vivans consistent de chaleur & humidité, pource que par deux raisons leurs actiōs sont les plus valides au corps, veu que la chaleur est plus apte à faire que le froid, & l'humidité plus apte à souffrir que la siccité. Outre, les ceuvres & actiōs de chaleur sont d'eschauffer, attēner, disperfer, cuire, amollir, rarifier, digerer, secher, & brusler. Les operations du froid sont d'infrigider, restreindre, retenir, durifier, engendrer crudité, humecter, congeler. Les actiōs de siccité sont de secher, de rēdre aspre & dur: celles de l'humidité sont d'humecter, de rendre dous & mol. Le froid donc condense autrement

*Pourquoy les
corps vivans
sont faits de
chaleur &
humeur.*

*Les operatiōs
de chaleur.*

*Les operatiōs
du froid.*

*Les actiōs
de siccité &
d'humidité.*

que la chaleur: car le froid condense de soy mesme, & la chaleur par accidēt, veu que perpetuellemēt il digere ce qui est tres subtil, & laisse le plus gros & espes. Et quand la chaleur eschauffe, elle dissoult & augmente son ceure: le froid l'epesche, en le rendāt dense & massif: pour ces causes, comme il a estē monstrē, les operations de la chaleur sont plus grādes que du froid, plus euidentes, & plus soudaines. Nous auons monstrē cy dessus que la chaleur est vne qualitē celeste, & que le froid en est la seule priuatiō, & propre à l'element. Mais l'humiditē est la qualitē de l'element, de laquelle la siccitē est la priuation. Et les actions des priuations sont presque comme empeschemens, & nō effectrices. Et sont dictes en deux manieres, ou avec substance, ou sans icelle: comme le chaud est l'esprit, la chaleur est la qualitē d'iceluy. Certes la chaleur vient & procede du chaud selō la similitude: & le chaud est dict de la chaleur, toutesfois il n'en est fait. Le chaud ou chose chaude est, quand la chaleur est mise dedans par la generation, comme l'homme, comme vne plante. Le feu donc de nom est dict chaud: mais vrayement c'est vne chaleur exuperante: car le feu n'est aucune substance, sinō comme ce qui est corrompu. Et ce qui est corrompu, n'est substance parfaicte: mais il est muē, & n'est feu, ains le subiect du feu. Donques nulle qualitē est effectiue proprement, sinon la chaleur. L'humiditē pource qu'elle est meslēe à la chaleur, elle opere, ou pource qu'elle empesche que la chaleur ne consume. Tu diras pourquoy si la sechetē n'opere point totalement, ce qui eschauffe avec siccitē, fait il operation tant vehemente? C'est pourtāt qu'il n'a d'humiditē pour empescher ceste actiō tāt vehemēte. De rechef, si l'humiditē est ce qui empesche, & la chaleur seche est pure, veu que la chaleur celeste est pure: elle est dōc seche, pour ceste cause elle n'engendrera point. Car cy dessus nous auons mōstrē que la chaleur seche n'engendre aucune chose. Or la chaleur celeste est pure de soy mesme, & quand elle est meslēe à l'element elle est faitē humide. Et la chaleur qui n'est totalēmēt meslēe, est seche: & ceste chaleur n'est meslēe, pource qu'elle est exuberantē: & telle chaleur n'est apte à la gen-

*Les actions
de siccitē &
d'humiditē.*

ration. Donques toute chaleur pure n'engédre : mais la chaleur qui engédre a esté pure: & pource qu'elle a esté pure, elle s'est meslée a l'elemét, & pourtant qu'elle s'est meslée, elle a esté faicte humide, c'est à dire mixte & meslée à la matiere: car toute matiere d'element est humide: mais la terre est le moins, autremét elle ne se soustiendrait. Or la chaleur ne peut reposer, ains elle est ioincte avec le mouuement necessaire, car c'est vne qualité en chose différente, pourtant elle ne peut s'arrester mais engédrer autre chose: & la generatiō est en la substance, il faut donc que ce qui est mixte engendre chose semblable par le mouuement: & que ce qui n'est mixte, passe en nature aliene: pour ceste cause la chaleur seche veu qu'elle n'est mixte, elle est pure de matiere, nō de qualité aliene. Il est dōc manifeste que la chaleur du feu & celle qui est excitée par le mouuement aux choses inanimées, est seche: & que la chaleur qui est seche, est impure, nō de la matiere, ains de la qualité aliene: & que pour ceste cause la chaleur pure engendre, & que le feu n'engendre aucune chose. Toutesfois, comme i'ay dict, on voit plusieurs choses estre faictes en la chaleur & en autres matieres, pource que ce qui empesche la generatiō est osté & reietté. Or les qualitez qui sōt outre ces quatre premieres, dependēt d'icelles, & sont appellees secōdes: sçauoir est, attenuer, brusler, faire mol, alpre, & rare: les tierces qualitez sont de purger le sâg, engédrer la semence & le lait, donner secours aux yeux, ou à Venus, ou à sterilité. Les premieres qualitez sont les substances des elemens, aux choses mixtes, elles sont en partie substances, en partie impressions: & les autres qualitez sont appellees accidens. Quatre ordres conuiennēt à toutes les qualitez, principalement aux premieres: le premier ordre, quād la qualité est perceuē & cogneuē obscurement & couuertemēt: le secōd, quād elle est cogneuē manifestement & sans lesion: le troisieme, quād elle blesse: mais on peut l'endurer: le quatrieme ordre est, quand elle ne peult estre soustenue ny endurée. Qu'entre les qualitez l'opium Thebaicum soit pour exemple de cecy: entre les faueurs le coq dict siliquastrum, qui est trop plus acré que le poiure: Et cecy en l'vne & l'autre ma-

Les secondes qualitez.

Les tierces qualitez.

En quoy differēt & conuiennēt toutes qualitez. Opium Thebaicum, est selon aucuns suc de pavot noir.

niere, veu que le poiure sera mis au troisieme ordre & degre des drogues qui sont mordantes & qui eschauffent. Veu donc que ces matieres sont mesléees, il faut retenir la mesure tant exactement, que ce qui est superflu soit ietté, ce qui est nuisant soit caché, & ce qui est vtile, soit retenu. Ainsi le medicament sera bien cōposé, quād en luy aidant, il sera tres-valide, & ce qui peut nuire est totalemēt aboly. Et cecy est cōgnu par experiēce: pourtant selō mon iugement, Galien a osé mauuaiseemēt par ambitio adiouster quelque drogue au theriaque d'Andromachus approuué de tant long temps & vſage.

Quand tu ſçauras coupler & ioindre vn vieillard robuste au ieune courageux, & les reduire en amitié, & à toucher les mains l'vn à l'autre, lors d'vn aduerſaire tres-amer est faict vn amy doux & salutaire, par lequel en quatre heures les tyrans au parauāt inuincibles sont iettez hors de leur maison, ce que i'ay veu experimenter: & la beste de sept nōs miraculeusement laissera son logis ancien, & mesmement l'autre troupe des plus moindres bestes. Et si l'image noire de Ianus est coulpee & ioincte au ieune courageux, elle le rendra homme heurieux. Et ces choses sont tresgrandes que l'art peut donner: & ne faut desirer autre chose, ſinon que l'ather, dict la quinte essence, soit parfait, ce que nous n'auons encor experimēté.

Or en l'electio des simples medicamens il ne faut vſer de ſoing leger. Je laiffe les medicamens rongez ou viciez & corrompus, ou trop antiques: maintenant ie parle de leur propre substāce. Comme en l'huile & en toute autre matiere grasse, la supreme partie doit estre esleie. Car toute gresse naturellement est legere, sincere, & pure: ce qui est donc en hault, est le plus leger, le plus pur, & mesmement le plus gras. Le meilleur vin est prouué par sa force: celuy qui est au milieu, est le plus fort: car celuy qui est en haut est vicié de l'air & du vaisseau: & celuy qui est en bas est corrompu, mesmement du vaisseau & de la lie, le meilleur vin donc est au milieu. Le fond du miel est prouué, poutce qu'il est le plus doux: outre-plus cela est tresdoux, qui est fort dense & espes, & cela est tresdense qui est trespesant: & ce qui

Comment les medicamens sont bien cōposés.

Cigue fort vtile.

Pourquoy le haut de l'huile, le milieu du vin, le fond du miel est le meilleur.

*Les fortunes
des hommes
sont pendues
eu vn petit
filet.*

est trespesant aux liqueurs, tousiours descend au fond. Donc le miel pur, & qui est le meilleur, est au fond du pot. Ceste inuention est antique, & recitee de Macrobius: mais les medecins abondent maintenant de telles inuentions. Entre les actions des medecins, la depressiō & curation de la nebulē en l'œil est tressubtile, mesmement l'extraction de la pierre hors de la vessie: car si on fait vn peu, au lieu de la clarté, est preparee cecité: au lieu de salut, la mort: ainsi en tant petit fil sont pendus tous les biens & maux des hommes. C'est la coustume, c'est la reigle de toutes choses humaines: & si quelqu'un contemple bien ces choses, il sera moins sollicité de la mort, comme chose necessaire à tous, & aura plus grand soing de sa vie. Mais copieusement i'ay traité de ces matieres au liure du Fatal. Or entendu que la fin, & le commencement de toutes choses sont incogneuz, il semble qu'il n'est aucune felicité entre les mortels: & que rien n'est digne d'admiration en tant grande masse sagement composee, ains toutes choses sont comme vn songe, ou plusieurs qui nous delectent, ou nous affligent, de tristesse briefue, & vaine. Ainsi se portent les choses selon l'oracle: mais laissons à chacun son opinion, & permettons que chacun soit heureux par vaine persuasion de felicité. Pour le moins ils ne nieront ce cy, sçauoir est, leurs grands biens, leurs grâdes felicitez proceder des commencemens trespetits: & pour ceste cause toutes choses trespetites doiuent estre obseruées necessairement de celuy qui veult estre veu heureux entre les mortelz. Mesmement entre les œures de l'art, la maniere de cauteriser est tressubtile & la science des pouls entre les contemplations. Autres choses sont qui plaisent & sont dignes d'admiration: comme la nature & situation des nuees. Car les nuees sont sans doute plattes: & pource qu'elles sont telles, elles sont veuës aux montaignes, & pource qu'elles sont portees des vents droitement: & ce qui est rond. s'il est porté de droite voye, il est fleschy interieurement, & est rompu: aussi pource qu'il n'est aucune cause qui puisse faire ceste rotondité, Soit doncques la nuée G D, & l'œil soit H, le point deffus l'œil A: quand donc la lingne

*Toutes choses
grandes
sont de petits
commencemens.*

*La forme des
nuees.*

G F E A B C D



H L M K

D K sera pour la distance de HK, trespetite pour cause de l'angle D H K, & pour la proportion petite qu'elle obtient à H D & H K : sera, qu'elle sem-

ble toucher la terre K: par mesme moyen les lignes B L & C M sembleront estre moindres que A H: donc A B C D & A E F G, sembleront estre des lignes circulaires, qui touchent la terre en C & D. Et la nuée en A semblera estre plus haute qu'en autre partie, s'ouvrante petit à petit, presque comme l'interne superficie ou partie de la sphere, ou d'une rotondité. Ainsi la nuée semble estre haute sus la teste, puis petit à petit elle semble estre abaissée iusqu'à la terre, ce qui apparoit aux spectateurs. D'auantage, veu que cecy aduient par tout en tout temps, il est manifeste que ceste nuée n'est ronde, ains platte. Pourtant quand la ligne D K n'est veüe lors il semble que la nuée par ceste partie touche la terre. Cecy aduient quand H D, & H K, contiennent soixante fois D K: & veu que C M est egal à A H, iamais n'atteint iusqu'à deux mil pas: la nuée donc ne la pluye ne sont veües de plus loing que de six vingts mil pas: ou plus veritablement que de cent mil pas. Pour ceste raison aucun estant à Milan ne dira veritablement qu'il pleut en France. Et pource que souuent, & principalement quand il pleut, les nuées ne montent iusqu'à cinq cens pas, rarement nous pouuons voir la pluye plus loin que de trente mil pas.

Les nuées & la pluye ne s'ont veües de plus loing que de 100000 pas.

Par mesme raison le feu qui est porté & vole en l'air quand il est sur nous, semble estre fort haut: & quand il se leue ou se couche, il semble estre sus la terre, non pource qu'il descend ou monte, ains il est porté par droite voye equidistate à la superficie de la terre, & à l'hémisphère, dist en Latin *sinitor*: mais cecy aduient par la variété de l'aspect & regard, qu'est plus le feu est loing de nous, tant plus nous semble bas.

Pourquoy le feu qui est veu en l'air semble se leuer & coucher.

D'auantage subtilité est aux dictions, en l'accent & Zephyrus une oraison. Aux dictions, comme Zephyrus sonne & signifie par trois manieres quelque chose de douceur, pre-micrement pource que ceste diction a z, seconquement y

lesquelles lettres les Latins n'ont point, & les Latins n'ont lettres tant douces, ne les Grecs n'en ont autres plus douces: la troisieme signification est, par laquelle vn vent tres-doux, & delectable est entendu, les Latins l'appellent de ce mot Fauonius.

La vertu des accens.

Parcillement les accens font vn argument de grande subtilité, veu que par l'accent premierement la gent est distinguee & separee de la gent, vne ville de l'autre, vn village d'un village, & par l'accent en vne mesme ville chacune nation est distinguee par elle mesme, ce qui est merueilleux.

Ces deux syl labes sont sic, Et non.

Tu vois combien sont grandes les vertus des dictions par deux syllabes: les Royaumes sont destruits ou conseruez, les innocens sont occis, les mauuais rechappēt: ainsi toute calamité, ou felicité humaine consiste en ces deux syllabes.

De la dictio duellum.

Au combat de deux personnes la diction prononcee imprudemment donne l'option, & la victoire à l'ennemy qui profere la mort & le vitupere.

De legation.

En legation de l'insolence de l'ambassade, la temerité, la parole prononcee inconsiderement, est cause de plusieurs guerres, meurdres & tumultes, telle legation destruit les Royaumes, & gaste le pais. La subtilité donc commande en toutes choses, & les Roys, les prouinces, citez, villages, & maisons particuliers sentent sa force. Pourtāt la necessité de prudence est plus grande & plus requises aux ambassades, qu'aux capitaines d'un ost & exercice. Car les Capitaines enseignent souuēt d'eslire ce qui est le moindre mal entre plusieurs: mais les ambassades peuuent empescher que les maux n'aduientent. Toutesfois la temerité du Capitaine semble estre la plus pernicieuse; pource qu'il est le plus proche à la fin du bien ou du mal.

La subtilité en oraison.

L'oraison affectee est moleste: celle qui est fluide de soy-mesme est tres-delectable. Car quand l'artifice en ces oraisons imite nature, il est hors de suspicion, & est plus liquide. Sept manieres de subtilité sont en l'oraison, desquelles chacune rend l'oraison plus obscure: la premiere est Gramaticale par diuision, me tuo, me tuo, me tuo: la seconde est de Sophiste, cōme falsum dico, ie dy

Sept manieres de subtilité en oraison.

le faux: la tierce maniere est Mathematique, qui est triple, ou ceste maniere est conioincte, comme, quel point au cercle est le plus proche à la circōference: ou elle est des propositions premisses, dictes assomptions, cōme, à sçauoir, si telles propositions demonstrent les premisses de la demonstration d'Archimedes par les lignes obliques selon la droicte ligne egale à la circōference du cercle: ou par les choses demonstrees, cōme, à sçauoir, si la regle du quarré dict cubus egale aux choses, & au nōbre d'icelles peut estre seule generale: la quatriesme maniere est Physique & naturelle, de laquelle sont deux especes de la matiere, & de la cause, de la matiere, à sçauoir, si nouuelles especes des choses, & matieres sont donnees à tout tēps, de la cause, à sçauoir, si le mouuement du ciel cōsiste des cercles eccētriques: la maniere est & consiste en la continuité d'oraison, comme en la guerre, de l'immortalité de l'ame, quand petit à petit nous attirōs l'homme d'vne chose en l'autre: la sixiesme maniere est vn passément de gerre en gerre, cōme quād nous enseignons de puiser l'eau d'vne escaille: car quād la partie vuide se tourne, celle d'embas est rēdue pleine. La septiesme maniere est de la Loy: cestuy ne soit absoult, qui n'a la moitié des suffrages: cestuy ne soit condamné, qui n'a obtenu deux parties des trois faictes par les suffrages. Toutesfois des autres quand plusieurs ne sont condamnez, aucun est condamné de sept, & est absoult de cinq. Si huiēt l'eussent cōdamné, il seroit puny: si six l'eussent absoult, il seroit deliuré: ainsi cinq absouldent, sept condānent. Geometricelement le condamné, selon le priuilege qui fauorise à ceux lesquels absouldent, est deliuré: selon l'Arithmetique il ne sera condāné. Plusieurs autres manieres sont en ce gerre, lesquelles pour cause de briefueté, i'ay proposé de passer, entendu qu'elles sont cogneues des matieres precedentes.

Reuenons aux questions naturelles, pourquoy l'vrine seule entre toutes liqueurs est plus splēdide & reluisante de loing que de pres: les autres choses au cōtraire: pource l'vrine est facilement cogneue. La seule vrine a vn affaisement, & ce seulement au fond: cest affaisement adombre & obfusque presque l'vrine: & la portio

Pourquoy
l'vrine seule
entre les li-
queurs est
plus splēdide
de loing que
de pres.

L'vrine est plus legere que l'eau. Pourquoi & comment l'vrine profite à l'inflation du ventre.

qui contiēt l'affaiffemēt, est de loing illustree & enclarcie de l'vrine pure, pource qu'elle a vne clarté ignee, & comme de feu. Les autres liqueurs n'ont d'ombre, pource qu'elles sont pures: ou si elles sont impures, tout ce qui est impur adombre & ofusque: puis tant plus sont remotes, comme j'ay dict autresfois, tant plus sont obscures. L'vrine est de substance fort subtile pour cause de la chaleur: en sorte que combien qu'elle soit salee ou salee, neantmoins elle est plus legere que l'eau, non toutesfois toute. Pour ceste cause l'vrine profite à l'inflation du ventre, & trop plus que l'eau salee, car par sa subtilité elle penetre insqu'aux parties interieures, & avec soy elle porte la force du sel, par laquelle la flatuosité est dejectee, & les entrailles sont confirmees. L'attenuatiō est faicte par la chaleur: pour ceste cause l'vrine recente & chaude, & qui est d'un enfant chaste (car tel enfant est treschaud pour cause du sexe, & de l'age) est esliue. Le propre de la seule vrine, non pas toute, est d'estre troublee seule presque entre les liqueurs. Le vin aussi est trouble: mais le vin fort trouble, ne reuiet subitement en son naturel, & l'vrine est clarifiee par la chaleur du feu. Selon mon iugement rien n'est tant semblable à l'vrine que l'huile: car tādīs qu'elle est liquide, elle est claire: quand elle est espesse, elle n'est claire. La gresse donc est la cause du troublement, & pour ceste cause les vrines seches ne se changent, & ne muent point. Et quand par trop grandes chaleurs les humeurs, le sang, & la gresse se fondent aux fieures, lors les vrines sont turbulentes, lesquelles, si elles ne se rassieffent, elles ne se clarifiēt. Si elles s'affaiffent, c'est vn espoir que ce qui trouble, est vne matiere terrestre, si elles ne s'affaiffent, la matiere n'est terrestre, ains pinguedineuse. Toutesfois par traicte de temps, plusieurs choses sont surmontees de vertu robuste. L'vrine donc qui n'est troublee, n'a point de suc gras. Donques la conturbation n'est la corruption de substance, ains la congelation de la gresse. Pourtant quand les vrines sont troublees, si moult d'humeur s'affaiffe l'humeur est terrestre, si moult d'humeur ne s'affaiffe, l'humeur est aqueux & participāt de l'air. Quelqu'un pourra obiecter, si ce qui se condēse

& se trouble estoit ja en l'vrine, pourquoy ne l'a il rendu trouble des le commencement? Car il est manifeste que toute l'vrine est troublee. Comment donc les parties ont-elles peu estre condensees, & non diminuees? Car se qui se condense, se retraict, & quand il est adioinct aux autres choses: il est donc necessaire qu'il delaisse les premieres. Quand à l'huile, il semble qu'elle ne se diminue, ains quand elle est congelee, qu'elle est augmentee. Quand donc la partie grasse se condense en l'humeur aqueux, la liqueur fort subtile se couuertit en air, & pource est augmentee: & le reste condensé est turbulent, & plein de trouble. Pourtant en toute huile trouble, & en l'vrine pour cause du froid, il est necessaire que plusieurs parties soient claires, & plus claires qu'elles n'estoient auant qu'elles fussent troublees, & le tout semble estre trouble par plusieurs petits lopins entremeslez. Et ce qui est de matiere terrestre aux vrines il est subtil, & n'est sans chaleur.

Les eaues chaudes de soy-mesmes sont les plus semblables à l'vrine. Entre ces eaues chaudes aucunes ont du soufre & de l'alun, ou du sel, ou de l'asphaltum: elles sont les plus troubles, pource qu'elles sont meslees de la chaleur externe: celles qui contiennent le fer ou l'argent, ou le cuiure sont claires: car elles sont faictes telles de l'excrement des metaux, nature les meslant, l'art donc ne peut imiter ces dernieres, trop bien les premieres.

La chaleur celeste est certes celle qui vrayemēt mesle & compose, comme souuent i'ay dict, & ceste chaleur faict chose telle qu'elle est celle qu'elle a par puissance. Car la chaleur du Ciel est en ce qui contient l'homme par puissance, & qui le proctee actuellement: mais nostre chaleur naturelle faict par puissance chose telle qu'est celle en quoy elle est contenue: comme l'homme engendré subitement l'homme, ne sans quelque chose mediante, ains il engendre la semence, laquelle est homme par puissance, veu qu'elle vient de l'homme par acte present.

Et comme la difference est entre les corps celestes & mortels, ainsi est la similitude, en la speculatio de laquelle

A sçavoir si les estuues peuvent estre faictes par art.

Asphaltū est le bitumē Iudaique.

La difference des corps celestes & mortels en produi sans & procreant.

La similitude des corps celestes & mortels.

il est besoing de grande consideration. Les estoiles & astres sont au ciel, les pierres precieuses sont icy: illec sont les intellects & substances mouuantes, icy les animaux de diuers & plusieurs gerres: illec est diuerse substance des corps & diuerse espaisseur, icy est grande varieté de terre, d'eau, & de l'air: illec sont plusieurs miracles & monstres, comme batailles, especes, icy naquissent enfans de deux testes, velus, & qui ont dents: illec sont aucunes substances iointes aux corps, icy sont les plantes & mineraux: illec les mouuements sont eternels, icy sont les circuits & reuolutiōs de l'eau: illec sont la clarté & lumiere, icy elles sont pareillement. Generalemēt nostre nature imitatrice des choses celestes a faict icy par gerres, especes, & accidens autant de choses & autāt grandes qu'elles estoient au ciel. Quelque propre vertu est au corps celestes qui est plus manifeste aux mortels. Aucunes proprietēz semblent proceder aux corps mortels par raison occulte qui ont la cause manifeste, comme, pourquoy c'est que la chair de veau, veu qu'elle est la plus humide, est plus pleine de suc, & plus grasse que la chair de beuf, ce que Galie tesmoigne: toutesfois le brouet faict de la chair de beuf est succulent, plein de suc & gras: celuy de chair de veau est sans suc, insipide, & sans faueur. La cause est, pource que la gresse est plus dense & massiue en la chair de beuf qu'en celle de veau, pourtāt elle ne s'esuanouit pour le feu, & rend le brouet ou l'eau, ou la soupe grasse.

Pourquoy le brouet de la chair de beuf est plus plein de suc que de chair de veau

Pourquoy le beurre engarde que l'eau bouillante ne s'enfuye.

Pourquoy l'argille attire les matieres impures.

Pourquoy la noix aide la coction,

Pourquoy le beurre empesche auçunes fois que l'eau ne s'enfuye en bouillant? Est-ce pource, veu qu'il est dense, participant de l'air, & gras, qu'il attire les vapeurs à soy, qui font bouillir l'eau? Pourquoy l'argille attire les choses impures? pource qu'elle est glutineuse, & n'est dissoulte par chaleur, ains elle en est condensée. Pourtant quand l'argille est eschauffee, les festus, siire, terre, & autres choses semblables y sont meslees & y tiennent.

Pourquoy est-ce que la noix faict cuire plus soudain les poulets? Est-ce pource qu'elle a la vertu acre, & qu'elle contraint la chaleur de penetrer, en la sorte que nous auons dit cy dessus du sansue dōt on faict la moutarde.

Par

Par mesme raison, pourquoy le baume ne pouuoit estre arroulé, sinon que d'un puy qui estoit proche au Nil: Est-ce pource que tout ce qui est nourry, est tel que est sa nourriture: certes l'eau du Nil est tressubtile, de substance participante de l'air. L'eau pareillement mixtionnee de certain gerre de bitumen, peut nourrir les arbrilleaux du baume, non pas vne autre eau, si elle n'est semblable à ceste-cy. Semblablement ils referent que les Anthrophages, aucuns les appellent Caribes, aucuns Canabiles, sont d'un regar dtant cruel & terrible, que les autres hommes à peine peuuent soustenir & endurer le regard des captifs, & l'œil de ceux qui sont mors: ce qu'aucuns auteurs dignes de foy recitet de Marius sept fois Cōsul, qui fut captif, & de Nero mort. La viade dōc chāge le regard & la nature, ce qui est démontré clairement au second liure des Medecins contredisans. Il est dōc facile de changer les mœurs & la forme des animaux par coustume & maniere de viure, mesmēt de leur adiouster & dōner proprietēz merueilleuses. Aucunes choses ont apertement leur cause, cōme, pourquoy ceux qui voyent mal, ou qui ne voient point des leur enfance, deuiēnent louches. La raison est manifeste: car quand l'œil ne void de l'autre costé, il est contreint de se destourdre, & ainsi par coustume les hōmes sont louches & bigles. Et les louches ont les yeux obliques, & regardans vers le nez. Et si la cecité aduiēt apres le temps de l'enfance, ils ne deuiennēt rāt louches pour deux causes: l'vne pource que l'œil est ja accoustumé de estre en sa situatiō, & n'estre distorqué, mesmement les nerfs sont ja durs, & ne seruent facilēmēt aux nouueaux mouuemens: l'autre cause est, pource que ceux qui sont ja aagez, flechissent de fait & apens le col pour l'œil.

De ceste contemplatiō de rechef en procede vne autre tressubtile que Galiē cōfesse ne sçauoir soudre: c'est comment les muscles sont mouuez. Les ignares, les enfans, & les bestes brutes le mouuent bien, & à tels actes qu'ils desirent, toutesfois ils ne cōgnoissent leur vsage, mesmement ils ne sçauent pas qu'ils en ont. Il faut dōc estimer, veu que deux choses sont necessaires au mouuement apte & propre, sçauoir est, l'electiō du mēbre &

Pourquoy le baume pouuoit estre arroulé seurement d'un puy.

Anthrophages sont appellez ceux qui mangent les hommes.

Pourquoy la veüe des Anthrophages est terrible.

Pourquoy ceux qui voyent mal d'un œil sont faits louches Et bigles.

Comment les muscles sont mouuez.

des muscles au membre, que la premiere prouiet de l'ame, & de l'esprit, & l'autre vient de coustume. Car si tu vois & contéples les petis enfans, quád ils s'efforcét de marcher, ils retirent tous les muscles, par fois cestui-cy, par fois cestuy, là, & ainsi finablement ils s'accoustumét d'attirer le muscle propre, qui serue à chacun mouuement : ce que lon cognoit manifestement à ceux qui touchent les cordes du luth : car ils touchent les cordes de part & d'autre, lesquelles il est bon de toucher, seulement conduis par coustume. Mais la difficulté qui est aux mémbres, me semble plus grande, veu que les bestes mouuent la langue, non les mains pour parler ou crier, elles mouuent les pieds, non la teste pour cheminer. Et cecy me semble proceder d'vne mesme cause: car quád tu iettes en l'eau vn petit chien recentemente né, il mouue tous les mémbres: & quand il sent qu'en estédant en haut la teste, il n'est suffoqué, & qu'en mouuát les pieds anterieurs, il est mieux soustenu, il garde & tient sa teste immobile sus l'eau tât qu'il peut, par la vertu que les Grecs appellent phantasie : puis il mouue la queüe, & plus les pieds posterieurs, encor plus les anterieurs, & cesse de mouuoir les membres, desquels il cognoit n'estre aydé, & ainsi ne cesse de mouuoir tant qu'il soit accoustumé aux mouuemens qui luy sont propres. Cecy appert, pource qu'vne beste nage mieux que l'autre, come elles sont plus dociles par nature, & celle qui est grá de nage mieux que celle qui est recentemente nee: celle qui est accoustumee, nage mieux q̄ celle qui n'a iamais nagé: ainsi il aduiet à tous les autres mouuemés. Dóc tous ces mouuemens consistent en deux principes: en vn, que toute beste, mesmement imparfaicte, a quelque vertu, par laquelle elle suit ce qui la delecte, & fuit ce qui la blesse: l'autre est vn gerre de memoire, ou quelque habitude, par laquelle la teste a appris de mouuoir les mémbres & les muscles qu'elle a experimentez autrefois estre aptes à ce mouuémét, & pour ceste cause nous voyons aucuns hommes estre contrains par lógue maladie d'apprendre de rechef à cheminer, non autremét que les petis enfans. Les muscles donc & les membres ont appris par coustume d'estre appliquez à l'occasion

opportune du mouuement. Les plus subtils de tous les arts sont ceux qui enseignent de deuiner, pource que c'est chose presque diuine, cōme i'ay dict, de cognoistre les choses futures. Les plus nobles des arts en ce genre outre ceux qui considerent de la nature & disposition des temps, sont astrologie, & la cognoissance du pouls, comme i'ay dict cy dessus. Car ces sciences presque ont leur fin. Et le medecin qui est pour ayder au malade void de loing sa mort. Donc le vray sage est trop plus heureux que le Roy : car quād le sage cōtemple ce qu'il cognoit, & qu'il entend combien il differe du vulgaire, il viuira seur, certain, & content. Mais le Roy, quand il cognoit la seruitude, le peril, & qu'en bref il perdra tout il viuira incertain en anxieté, craintif à toutes aduentures. La sagesse doncques est la supresme felicité que Dieu a peu ou voulu donner à l'homme. Et entēdu que les autres choses sont posées à l'incertain, l'ame, cōme elle est de substance tressubtile, ainsi est elle participāte de l'immortalité & de la meilleure vie qu'elle a peu auoir entre les ordures de ce monde.

Pour acquerir sapience il est besoing d'election aux estudes. Premièrement nous prendrons Euclides, puis Alchindus pour confirmer l'imagination, tiercement Iehan surnommé Calculateur, car par luy l'imaginatiō est confirmee complete de tout sens. Apres il faut apprēdre les matieres d'arithmetique, & aussi ce que i'ay escrit au liure du Grand art, & aux Iardins des nōbres. Puis nous viēdrons à Archimedes, à Apollonius, & Eutocius. Outreplus nous verrons Scotus avecques Aristoteles & ses interpreteurs, Theophrastus, Alexander, Themistius, Simplicius, Philoponus, Auerrois, & les autres de tel ordre. Nous mettrons Ptolomeus au fixiéme lieu, Vitruuius au septiesme. De ces autheurs nous passerons à quel art & science que nous voudrons, comme en medecine, ou au droict ciuil, ou en theologie. Tel est l'ordre des arts & sciences. En toutes sciences il faut lire les meilleurs auteurs, puis que par le consens des sages nostre aage est breue.

En particulier nous auons dict qui sont les meilleurs auteurs: generalemēt il ne faut faire estime d'un au

Les plus nobles arts sont de predire les choses futures.

La maniere des estudes.

Ceux qui ont peu escript ne doiuent auoir authorité sinon en poésie & aux mathematiques.

teur en quelque art, s'il n'a beaucoup escrit & cōposé, sinon en poësie & aux mathematiques. Car entëdu que les autres sciences consistent par iugemēt outre l'inuention, le iugement vient par la cognoissance de plusieurs choses, & si l'amour de gloire excite les auteurs, & ils ont le style, il est necessaire que ceux qui sçauent beaucoup & le sçauent bien, escriuent & cōposent plusieurs liures. Car la gloire est vne volupté tresdouce, & vne eternité du nom & de l'image du propre intellect, qui doit estre preferé aux statues & images, par lesquelles tous cherchent la memoire & recordation de leur nō. En quoy differe ceste presente escriture de mon intellect? Mon intellect est tout ce qui est de bon en moy. Et celuy qui lira cecy apres mil & mil ans verra & cognoistra mon intellect. Et c'est la perpetuité, non l'eternité de tout intellect. Doncques ce qui est bon demeure en nous apres la mort, mesmëmēt ce qui est bon outre les compositions, & les temps du futur n'orrōt parler: ainsi de l'hōme mortel est faiëte quelque chose qui demeuré tousiours: & l'intellect, & ce qui est entendu sont vne mesme chose, & vne substāce eternelle. De cecy nous en auons traité autre part.

Quant à la poësie, celuy qui ne compose beaucoup quand il est espris de fureur poetique, il peut auoir iugement. Et aux mathematiques, pource que les choses sont seulement approuuees qui ont certaine fin, & qui sont necessaires pour monstrier la fin, veu que pour ceste chose, quoy qu'Euclides & Archimedes sceussent plus qu'ils n'ont escrit & composé, ceux qui ont escrit plusieurs œures, comme Homere, Virgile, Ouide, Archimedes, Euclides, Ptolomeus, sont plus louez, & plus approuuez en leurs œures, que ceux qui ont peu escrit, cōme Theocritus, Persius, Catullus, ou Nicomachus, Diocles, Architas.

*La louange
de Theon.*

*La proportiō
de la sphere à
la capacité
des autres
corps.*

Et entre les auteurs renommez Theon doit estre mis & nōbré qui a exposé les Elemens d'Euclides, & la grande composition de Ptolomeus. Entre autres inuentions Theon a demonstrier la sphere estre la plus capable de tous les corps. Et comme la raison le demonstre, ainsi nous cognoissons par art qu'il est vray: combien que nous ne cognoissons exactemēt quelle est la proportiō

de la capacité de la sphere aux autres corps. Si dōc le costé du quarré dict cubus est du nōbre de 4. le corps sera de 64. & le circuit de toutes les superficies de 96. mais la sphere de laquelle le circuit est de 96. a exactement selon Archimedes le cercle plus grād que de 24. le diametre doncques sera selon Archimedes, veu que l'aire est de 24. presque de cinq, & la moitié. Le cylindre dōc sus le plus grād cercle sera presque de 132, car il est fait du diametre vers la base, & le cylindre sus le tres-grand cercle de sphere, selō Archimedes, est demy moitié à la sphere: veu doncques que le cylindre est presque de 132. la sphere sera presque de 88. Puisque donc le circuit du quarré cubus est de 96. le quarré solide de 64. & veu que le circuit de la sphere est de 99. la sphere solide est de 88. La proportion donc de la sphere au quarré cubus, puis que le circuit y est, sera presque semblable & tresproche à la proportion qui est de 11. à 8.

Ces choses sont plus facilement demonstrees en la plaine & superficie: car tous corps solides qui peuuent estre enclos en la sphere, i'ay mōstré par certain moyen aux liures de la varieté des choses, comment ils peuuent estre descripts en plaine & superficie. Maintenant i'ay proposé de faire par circuit la sphere sans grand labour & erreur. Et cecy est tressubtile à l'art d'imprimerie, soit que nous voulons faire ou la sphere celeste, ou la terrestre. Proposons donc vne sphere de laquelle le circuit tresgrād soit de 44, & qu'elle soit diuisée par les six plus grands cercles distans esgalement d'un pol à l'autre, & que les 12. zones soyent separées, ie dy qu'elles peuuent estre estendües en la plaine, à fin qu'elles ne soyent blessées. Pourtant vn passément mutuel sera fait de la solidité à la plaine, & de la plaine à la solidité sans faute qui soit notable, à fin que les proportiōs inuētees par raison en la solidité, puissent estre faites en la plaine, & que les proportiōs faites en la plaine, puissent estre redigées en la solidité. Et s'il y a quelque tresgrāde differēce, elle sera au milieu. Ceste partie a en la sphere $2\frac{2}{3}$. de 44. Le sein donc de la sphere est la quatriesme partie du diametre, c'est à dire, $3\frac{1}{2}$. produy ceste partie en soy, lors

Comment la sphere peut estre faite des superficies.

est fait $12 \frac{1}{4}$. & autant en doit estre produit du nôbre 14. diuisé en deux parties. Les parties donc seront presque $13 \frac{1}{16}$. & $\frac{15}{16}$ c'est dôc la sagette: les quarrez donc du sein & de la sagette sont ioints à $13 \frac{31}{256}$. Le costé qui est esté du souz l'arc des parties $2 \frac{2}{3}$. differe peu de $3 \frac{5}{8}$. L'arc donc est la differéce depuis la droiçte ligne $\frac{1}{24}$. parquoy la difference comparee à l'arc, sera seulement la partie 88. Pourtant que la sphere soit estendue en vne carte, ou à du papier, il n'y faut auoir esgard. Et parce moyen la proportion de la sphere peut estre cogneue à tous les autres corps qui ont le circuit esgal. Et considéré, comme il est dict cy dessus, que la figure ronde est polie, & contient le plus, tant plus elle en est réduite plus robuste & forte pour resister: pourtant les elemens liquides, principalement comme l'air, l'eau, le feu, & plus obscurément la terre, se conuertissent de soy-mesmes en forme ronde, comme la plus seure, & la moins exposée aux dangers externes.

Trois principales facultés des viuans Et quatre seruantes.

Les corps viuans outre le sens caché ont autres facultez: trois principales, la generatiō, nutritiō, augmentation: quatre seruantes aux susdictes, attractiō, qui est faite par grande chaleur, & mout d'humeur: la faculté retentrice, qui est vne espece de legere attraction: car la faculté qui attire, retiēt aussi, & cela est attiré par moindre chaleur, & ceste chaleur ne requiert l'humeur, & si la chaleur est petite, & l'humeur abonde, ce qui estoit attiré est expulsé, & si la chaleur & l'humeur sont grâds, la concoction est faite. Doncques où la grande chaleur est avec grâd humeur, lors elle cuit, ou elle est avec humeur mediocre, lors elle attire, la chaleur mediocre avec abondance d'humeur fait l'expulsion, sans humeur elle retient.


Outre ces facultez ils sont trois gerres des causes de trois vertus aux animaux, car les facultez retentrice, attractrice, & expultrice, non la coctrice, peuuent estre faites des fibres, mesmement des muscles obeissans à la volonté, tiercement par vacuité, comme au cœur. De ces facultez nous en auons parlé autre part, Il faut

prêdre l'indice & l'exemple de la faculté expultrice aux plantes, & aux gommés d'icelles : car elles semblent auoir en haine ce qu'elles reiettent & fuyent tant qu'elles peuuent. Mais pource qu'elles n'ont instruments aptes à la fuite, elles reiettent ce qui leur nuit. Quand aux animaux, ils sont plusieurs gerres qui fuyent les regions trop chaudes, & viennent à nous au printemps, comme les grues & crondelles: en automne fuyans l'hyuer elles s'en vont assemblement aux regions chaudes: & les voit on en Alexandria.

*Où sont les
crondelles en
hyuer.*

Ce seroit vne narration infinie, si ie voulois expliquer les merueilleuses inuentions de tous les arts, mais ces choses susdictes suffiront pour exemple. I'ay apperceu aucuns fauteurs sauter plus loing d'un lieu haut : i'ay voulu enquerir par quel moyen ce pouuoit estre fait.

*La maniere
de sauter.*



La plaine est AB, en la plaine le saut est fait depuis A iusqu'à C. Vn mur est esleué sus la plaine AD: ie dy que depuis D il sautera outre AC, & moins que par le double à AC. I'en dy autât pour ietter la pierre, pource que premierement elle est portee par la circonference du cercle ABDD, comme presque equidistante à AD: la violence impetueuse du coup ne peut faire outre le double de sa force: pourtant la pierre est portee par la circonference egale à la premiere: & ceste circonference estend le moindre sein souz AC: la pierre donc ne pourra passer outre C, par tant grand espace qu'est AC: & est ce qu'il falloit monstrier. Si donc AD est trop plus grâd que AC, le poinct du saut E, sera presque distant du double à AC, depuis le poinct A: & quand AD sera moindre que AC, le poinct E sera distant du poinct A moins que le double AC, ains plustost moins que par les lignes AD, & AC iointes ensemble, & encor d'auantage que par la ligne DC.

Semblablement on a demandé pourquoy noz cuisses se trauaillent tant quand nous môtons, & pourquoy l'homme halette tant souuent. La difference de monter & d'aller sus vne plaine est grande, & l'homme est plus trauaillé de cinq cens pas en montant qu'il n'est de quatre mil en allant en plain pays. Trois causes sont du la-

Hh_iiij

beur & travail en montant par lieux qui sont fort appë-
 tis : la premiere cause est commune à tout mouuement,
 pource que les muscles & tous les membres se mou-
 uent. La seconde est qui mesinement conuient à ceux
 qui montent par des eschelles, pource qu'on est con-
 traint de leuer le corps autant haut que les degrez sont
 hauts : & le corps est pesant : & toute esleuation pesante
 est laborieuse & de travail : en la plaine le corps est au-
 cunement esleué, mais tant peu, qu'à peine on s'en ap-
 perçoit, pource que les degrez des eschelles sont
 hauts, tant plus on se travaille en montât. La tierce cau-
 se est propre à la situation qui est fort roide. Car enten-
 du que l'homme ne peut bien se tenir debout, s'il n'est
 sus la plante des pieds, quand en montagne roide la su-
 perficie n'est equidistate au centre de la terre, il est pour-
 ce contraint quand il monte & qu'il est debout, de se
 contenir & soustenir à grande force, pource que la plan-
 te de ses pieds ne se repose : pource que l'homme est lors
 contraint de trois choses en faire vne, ou de se soustenir
 seulement sus la partie anterieure de ses pieds, ou d'en-
 cliner & courber tout le corps par deuant, ou de se
 soustenir par grande distention & estente des muscles,
 qui est chose treslaborieuse. Pour ces causes on estime
 vne esprouue de grande force, de monter par vne mon-
 tagne roide, le corps bien dressé & de pied plat, non sus
 le bout des pieds. Et est manifeste que tant plus la mon-
 tagne est roide & droicte, tant plus difficilement on y
 monte, sans garder la proportion egale. Doncques les
 choses susdictes qui sont des inuentions artificieuses
 consistent, & sont faictes par subtilité admirable : mais
 aucun art ne peut estre conferé en subtilité à celuy de
 bastleur, qui ioüe de passe-passe, & trop moins à l'art
 magique. Pource que il est temps que ie traite des arts
 & inuentions admirables & merueilleuses.

L'experience
 de grande
 force.

Fin du dixseptiesme liure.

DES INVENTIONS MERVEILLEUSES, ET DE LA maniere de représenter choses diuerfes presque incroyables.

Liure dixhuitiesme.



L me souuient que quand Charles cinquiésme de ce nom, Empereur tresheureux, vint à Milan, François de Sforce, second de ce nom, lors estant Duc, vn Espagnol nommé Dam-natus estoit en la cõpagnie de l'Em-pereur, lequel faisoit choses tât mer-ueilleuses, & enchantoit les yeux des assistans, tellement que les ignares de philosophie l'estimoient vn grand personnage. Et ceux de nostre temps, & qui sont plus antiques, comme i'ay entendu, n'en ont veu ne cognu vn tel: car il faisoit choses inaudites, nouuelles, & incroyables. Je me recorde auoir leu cest art, & ces enchante-ries auoir esté apportees du nouveau monde, où sont les grands ouuriers de cecy. Il est certain ou que les an-ciens ne les ont cognus, ou qu'ils les ont adorez com-me dieux, comme ils ont esté adorez en la maison de Pharaon, & comme nous lisons de Simon Magus. Et neantmoins que cest art est tant admirable, toutesfois il n'est estimé, & n'est de grand prix, ne bien prisé: & nous voyons qu'vn bon cuisinier remporte quelque bonne reputation. Elles sont, ie croy, plusieurs causes de cecy: premieremēt, pource que le ioüeur de passe-passe s'arreste en choses inutiles: secondement, pource que l'art est traité des hommes de vile condition: tierce-ment, pource qu'au temps passé les ioüeurs s'appuyoïēt sus l'aide de diuinité, maintenant ils en sont despoüil-
lez: quartemeny, cest art est defendu par la loy: & pour-
ce que les princes iadis deceus, en esperant en vain quel-
que chose d'eux, les ont contemnez, & exposez à con-
temnement.

*L'histoire de
Dannatus
enchanteur
Espagnol.*

*Pourquoy on
ne tient grand
conte des
ioüeurs de
passe-passe.*

*Les jeux de
basteleur.*

En quoy profite & delecte de deuorer le feu, & le rendre en soufflant? Ceux qui le deuorent, l'esteignent premierement de leur saluie amassée souz la langue: ceux qui le rendent en soufflant, l'enueloppent à du cotton, ou à des estouppes. Ces jeux sont plustost monstrez d'audace que d'esprit. Les inuentions de cest art sont infinies, de transferer, cacher, deuorer, attirer grand humeur des yeux, du frond, tirer des clous & du fil de la bouche, manger du verre, de percer les bras & les mains d'aguiilles, nouër les chaines de fer, les anneaux demeurans entiers: ains en les iettant en haut, j'ay veu trois anneaux tombez s'entretenir, qui parauât estoient entiers, & separez. Ils monstrent diuerses formes & figures en vn mesme liure, les premieres figures tousiours montées en haut: aucuns depuis la pointe iusques au manche stes-chissent vne espee, en foulant dessus du ventre nu: aucuns semblent la cacher, penetrante le corps. Ils monstrent vn enfant sans teste, la teste sans l'enfant: toutefois le tout vit, & l'enfant ne souffre aucun mal. Si ie vouloy nombrer les jeux qu'ils font de petites statues de bois, vn iour ne me suffiroit: le vulgaire appelle telles statues les Magatelles, aucuns les appellent Marionnettes. Ils ioüent, ils bataillent, ils chassent, ils sautent, ils trompettēt, ils font la cuisine: & toutes ces choses, comme elles sont de merueilles, ainsi elles sont de nulle utilité: & quand tu cognoistras la maniere par laquelle ils deçoüent les yeux des spectateurs, & ceste maniere consiste en deux instruments preparez à ce faire, & par l'agilité des mains, s'ils ne vouloient te l'enseigner, tu ne daignerois les prier de te les apprendre.

*Comment les
basteleurs ca-
chent les cho-
ses en leur
bouche.*

Les choses qu'ils cachent en leur bouche, sont faictes seulement par raison naturelle: car ils les cachent derriere les dets machelieres en quelque lieu spacieux qui est entre l'artere aspere, le gosier, & l'os du palais: aucuns les deuorent, & quand ils veulent ils les vomissent, aidez à ce faire par longue coustume. Aucuns mâgent le venin, ayās pris premier moult de beurre: aucuns manient les serpens, qui toutesfois ne sont venimeux, ou ils ont les dents arrachees, ou premier ils estoïēt macerez de faim, ou endormis de froidure, ou nourris familiarement.

Pourtant ils donnent aux autres seulement vne timidité, ou temeraire persuasion sans aide, & par telles exemples ils nuisent aux simples gens & petits enfans, & les mettent en peril : pource à bon droit ils sont appelez circulateurs, imposteurs, & enchanteurs, & sont reputez infames. Et maintenant ils sont punis en aucunes villes, comme apportans vn mal sans profit. Aucuns seignent de trembler, comme frappez d'inspiration diuine, qui est chose merueilleuse, pour cause de la perseuerance qu'ils ont acquise par coustume. Aucuns sont du gerre des mômeurs, sauteurs, & basteleurs, qui outre ce qu'ils ne sont pernicious, ils delectent grandement, & ne sont empeschez de iouer par la Loy en aucun lieu. Ceux qui dansent sus la corde, appelez funambuli, sont les plus hardis. Ceux-cy ont quelque artifice, & ont quelque chose plus participante de raison naturelle: pourtât i'en parleray presentement, comme prenant l'origine du commencement de l'art magique naturel. Car l'art magique est ioint avec raisons naturelles, toutesfois quelque chose admirable y est fait par raisons occultes & cachees. La maniere donc de ceux qui dansent sus la corde est telle. Vn homme hardy & exercité, marche & fenestre vn pois de plomb de dix ou de quinze ou de vingt liures: quand il s'encline vers la dextre, attentif à son œuure (pource il faut qu'il soit bien hardy) il estend la fenestre, & retire la dextre: ainsi par force, autant que la dextre poise plus que la fenestre, il esgale le pois, & reduit son corps en esgale mesure: puis petit à petit il restitue au pristin estat les pois & ses bras. Et cecy est necessaire, car auant qu'il puisse choir, il faut qu'une partie soit plus pesante que l'autre par certaine proportion. Et veu que ceste proportion est acquise petit à petit, auant qu'elle soit acquise, en estendant le bras, il s'encline vers l'autre partie, il ne tombera donc point. Il peut choir si la corde n'est exactement estendue, ou si les membres sont espris de crainte, ou si le corps ne se contient bien ententif à son œuure: s'il est craintif, s'il est lassé, s'il n'a l'art & vsage, qu'il estende les bras plus tard qu'il ne soit incliné, ou s'il les

*Comment on
danse sus la
corde.*

*Les dangers
des danseurs
sus la corde.*


estéd trop, en sorte qu'il pêche vers la partie aduerse de celle qu'il craint, il peut choir: ie laisse que les pois doiuent auoir certaine proportiō au pois de toutes choses, à la magnitude & à la force. S'il a donc ces six choses, il n'est point en peril. Pourtant vn ieune enfant ayant les pieds sus des spherés ou boules de bois, aucunesfois tout enclos dedans vn sac, exceptez les bras, marchoit entre les sommités des tours sus vne corde tendue, nō illec estant en grande crainte pour sa vie. Vn autre mōtoit du bas de la terre iusques au coupeau d'vne tour, ce qui est le plus difficile, entendu que les reins trauaillent fort en tel exercice. Luy mesme descendoit par vne corde sans pois, la teste en bas, les mains estendues depuis la sommité de la tour iusqu'à terre: car ses mains & ses bras estoient tant fermes, robustes, & fors, qu'il en vsoit au lieu de contrepois. Luy mesme, qui est chose tresmiserable, se pendoit par le pied à vne corde assez menue qui dependoit de la corde où il estoit fort proche à la tour: vn spectacle infame & horrible à voir: puis par la force de ses reins & du dos il prenoit de ses mains vn liē ou cordon, & ainsi derechef se remettoit sus la corde. Ces deux dāseurs seignoient de se precipiter, toutefois ils demouroient pendus par le dessus du pied, la teste en bas. Tu entends quelle force le dessus de ce pied, auoit necessairement: car ils estoiet soustenez de la seule curuature des doigts du pied, & de la curuature qui est vers la partie du dehors. D'auantage, vn ieune fils se precipitoit avec les spherés ou boules, & estoit pēdu par vne de ces boules adherante par vne corde entre la plante du pied & l'autre boule: ie ne sçay comment il ne tomboit pour cause de la rotondité. Mais deux Turcs qui dançoient sus la corde ont eu vne habilité & audace incredible, & outre toute expectation, ie refere ce que

*Les œuvres
diuerses des
danseurs sur
la corde.*

*L'art mer-
ueilleux des
danseurs de
Turquie.*

as veu & toute nostre ville. Ils estoient deux ieunes hommes de petite stature & corporence: mais rōdelette: vn chacun d'eux premierement en prenant vn homme sus les espaulés, mōtoit par vne corde roide de mōtée à la moitié d'vn rectagle, & ce faisoient sans aucun contrepois. De rechef chacun d'iceux montoit avecques vn homme, par les cheuilles des pieds, en adiou-

stant des cousteaux longs presque de trois paumes, tres agus, coupans cōme vn raisoir: leurs pieds estoient tant distans, que facilement ils n'eussent peu cheminer en telle sorte sus la plaine de la terre. Apres ils mettoient vn ais sur la corde, & auoient des eschasses sous leurs pieds chacun marchoit sus l'ais ainsi posé, qui de soy-mesme n'eut peu se tenir sus la corde vn petis moment de tēps. Puis ils auoiēt cinq piēces de bois rondes, qui s'entretenoient d'vn gros fil de fer mis par le trauers: mais entre tenus en sorte que nul pouuoit se tenir sus l'autre, chacun d'iceux les mettoit souz ses pieds d'vn costé & d'autre; avecques lesquelles piēces il marchoit sus la corde, neantmoins qu'aucun ne peut cheminer en telle sorte sus la plaine de la terre, ains plus tost il ne peut sy tenir debout, les boules coulantes çà & là, qui n'estoient plus grosses que le bras. Apres en mettāt dessouz les paefles ou bassins d'erain sans lien ou ligature, lesquelles paefles il estoit contraint retenir par l'extentiō de ses pieds, il marchoit sus la corde. Puis il estoit assis en vne chaudiere ou chaderon: la chaudiere pendoit sus la corde qui est chose horrible. Et ce qui estoit proche à vn miracle, il mit souz vn vaisseau vne lāce avecques les pois à fin qu'il semblast que la chaudiere fut pendue en l'air. Car parauant il auoit reduit & remis la lance entre la chaudiere & la corde. Il sautoit de mesure sus la corde, le tabour sonnāt: & lors se precipitoit de ceste corde, se tenant seulement par le dessouz du talon, (ie l'ay veu) aucunesfois par le dessoubs du pied.



It est necessaire que cestuy soit estonné qui voit vn de ces personages estre dessus vne corde esté due tant menue, qu'elle n'est plus grosse que le pouce, & ne remuoit aucunement la partie supérieure, & agitoit l'inférieure partie avec la corde par tant grande impetuositē, qu'elle est mouuee deçà delà l'espace de plus de

douze paumes, treslegeremēt, & presque le iet d'un trait & ce qui estoit le moins prodigieux, toute fois incredible quant à la puissance humaine, pource que quand il fut mōté avecques les pois depuis le chāp du chasteau Iouia iusqu'à la tour qui est tres haute: apres il monte depuis la sōmité de la tour iusqu'à la sabliere ou trabe par la corde, laquelle estoit distante de la plaine plus que de trois parties prises de quatre parties du rectangle, tant estoit droicte, & roide de montée. Il descendit plus miraculeusemēt qu'il n'estoit monté, sçavoir est, la teste en bas, comme s'il eust voulu tomber sus la teste. Depuis on a cogneu qu'il soustenoit tant grande violēce tandis qu'il tient la corde des pources des pieds cōtre les autres doigts des pieds, comme de tenailles de fer. Autrement il n'eut peu estre qu'il eut mōté par vne corde tant droicte ment esleuée, ou qu'en descendāt il ne fut cheu la teste en bas. En faisant tels actes il voulut porter vn homme avec soy, en luy donnant argent pour ce faire: mais il ne trouua vn complice & adherant à ce propos tāt temerairement entrepris. Pourtant ce n'est de merueille, si tous grāds Princes & Seigneurs ont esté delectez de tel spectacle, comme de chose tresadmirable, & que le vulgaire ait estimé telles choses estre faictes par art d'es esprits malins, entēdu qu'elles semblent estre faites outre la vertu humaine. Mais telle admiration & opinion est cassee, depuis que par ta liberte & persuasiōs vn d'iceux, qui est vn rare exemple de nostre temps, s'est faict Chrestien, & ce pendant exhibe & montre tels & mesmes spectacles: lequel fut nommé de ton prenom. Je l'ay vcu souuent recevoir d'un baston fendu en trois, trois pots de terre ronds, & peu cauez, munis de fil d'archal creux au milieu d'un circuit grand, comme la teste d'un clou, munis aussi, & liez de fil de soye alentour du circuit, de peur qu'ils ne coulent: & presque sans remuer la main, il tournoit ces pots tant legerement que on ne pouuoit les voir. La legerete du fil d'archal creux ioincte au contrepois bien droict en est la cause, & aussi la vertu latente, de quoy nous auons parlé cy dessus au mouuement de l'anneau. Or neantmoins que ce qui est dict des danseurs sus la corde, soit proche aux mira-

*Ferrand
Turc.*

cles, il est toutesfois moindre que ce que au temps passé i'ay leu en Suétone; sçauoir est, que Claudius Cesar a exhibé aux ieux aucuns Elephans qui dansoient sus la corde: cecy est plus admirable aux Elephans, qu'en vn ieuné hōme, pource qu'ils n'ont de raison, pource qu'ils sont plus pelans, & qu'ils se soustenoient sus deux cordes. Mais la coustume peut beaucoup, & la grāde cupidité de l'homme, docilité excellente de l'Elephant qui approche fort à l'entendement des hommes.

*Les Elefans
qui dansent
sus la corde.*

Vtilement & sans danger on passe les fleues en nageant, quand on lie vn gros boyau dur, comme cuir, sous les aiscelles, lequel est remply de vent, les deux bouts bien clos & fermez: par ce moyen les gens de cheual, & de pied se mettent seurement sus les fleues, quand la necessité le requiert, osans aucunesfois nager par ceste aide seule. On fait cecy encor plus seurement par des tabours de cuir, mis & appliquez sous les pieds, & par vn baston, sous lequel soit mis vn tabourin. Ainsi on peut non seulement nager, ains cheminer sur les eaux, qui semble estre chose prodigieuse. Il est manifeste que la hardiesse est requise à tels personages, comme aux danseurs sus la corde, mesmement l'exercitation & grāde force corporelle: ausquelles choses si la legereté y est adioustée, le spectacle en sera plus beau & delectable, ce qu'aucuns ont fait, comme i'ay entendu. Cy dessus nous auons referé plusieurs choses de l'art magique, quand nous parlions des miroirs, & de l'aimant, mesmement en ces liures precedens, aux liures de Medecine, & au neufiesme d'Arithmetique: maintenant ie toucheray seulement par chapitres ce que ie n'ay encor touché, afin qu'en peu d'exemples ie puisse monstrier quel pouuoir a la subtilité de l'entendement.

*Comment on
peut seurement
passer les fleues
ennageāt.*

*La maniere
de marcher
sus les eaux.*

Afin donc que ie rentre à mon propos, l'exemple des danseurs sus la corde est semblable à ceux qui portent vne verge ou lance droicte esleuée sus le doigt. Aucuns portent vne verge sus le bout du doigt, enclinee pour les cousteaux fichez de l'autre part au bas d'icelle. Quoy? Nous rompons & brisons d'vn coup de poing vne pier-

*De la verge
portee sus le
bout du doigt.*

re espesse d'une paume, laquelle aucunes fois nous nous efforcerions en vain de la rompre, ce que chacun peut experimenter.

La maniere de la rompre est telle, La pierre est mise
Comment une pierre est rompue d'un coup de poing. sus un ais de bois plat, ou mieux sus une pierre plate: elle est leuee par un bout, en sorte qu'elle est seulement soutenue sans y faire violence, puis la partie leuee est frappee du poing, duquel coup elle touche sus la plaine ou pierre plate, & lors elle se rompt en plusieurs pieces. Et si le poin frappe plus tost ou plus tard, qu'il ait touché l'extremite partie de la pierre, le coup ne vaut rien, & la pierre n'est rompue. Ainsi par un petit coup & leger, nous rompons les tuiles. Car quand le bout ensemble avec la force du coup aura touché au tableau, le pois est ioinct avec violence: & cecy se fait non autrement que si l'estoit frappé d'un maillet par un coup vehement. Maintenant il me plaist d'en faire la demonstration.

Que la plaine ou l'ais ou pierre plate soit AB , la pierre dressée dessus soit CD , & qu'elle soit poussée tant violemment sur AB , que l'air qui est au milieu & droictement souz E , ne puisse s'escouler. Car tout mouuement requiert le temps. Quand donc l'air ne s'escoule, necessairement il rompra la pierre, pource que deux corps ne peuvent se penetrer, sinon que celui qui est solide le fende. De cecy donc il appert que tant plus la pierre sera large, & que la plaine de l'un & de l'autre soit egale, & tant plus nous esleuerons la pierre, tant plus facilement elle sera rompue. l'en ay veu qui la rompoient mise sus une corde. Tant grand est le pouuoir de l'exercitation qui est bien deduicte & demenee.

Comment on rompt une corde des mains.

Mesmement une corde neuue & grosse, est rompue par artifice: le bout d'icelle est noué à un clou fiché, ou à un crochet: puis on l'entortille à la main trois, quatre, ou plusieurs fois: apres l'autre bout de la corde marche sus une partie d'icelle iouxte la supresme partie de la palme ou de la main entre le doigt indice & le pouce, laquelle partie tend vers le clou, & le bout au bas de la main: de rechef la corde est flechie d'ou elle estoit venue

venue, & derechef est entortillee vne ou deux fois: ainsi par la violéce iectee, la corde se fend en la partie par laquelle la corde cheuauchoit dessus: car la corde qui est dessous, empesche grandement que la main ne souffre & le dernier entortillement empesche que la corde ne s'escole: & ainsi la corde fend la corde pour cause de la violence impetueuse, principalement quand la partie qui est entre la main & le clou, est molle, & la main est robuste, & l'impetuosité est droite & legere. Par ce mesme moyen i'ay veu souuent tels actes, qui ne sont miraculeux, toute fois ils semblent admirables. Aucuns gardent des deux mains vne mesme proportion du lieu, & rompent aussi des mains seules les cordes elles qu'elles pourroyent soustenir vn bœuf.

I'ay experimenté que quand vn homme est sus les espauls, deux autres reluctans sont tirez outre leur vouloir, quoy qu'ils soient presque d'une mesme force: & sans cōtrepois à peine vn seroit attiré. Par mesme sorte aucunes choses aduennét par sympathie: i'appelle sympathie le consens & cōcorde des choses sans raison manifeste: comme i'appelle antipathie la discorde & inimitié des choses. Exemples infinis monstrent que cōcorde & discorde sont aux choses: comme que le lesard s'esfouit de l'homme, combié que sa presence n'est sans peril: & pource il fuit singulierement la saluie de l'homme. Le cinge hait grâdement la tortue, & l'a en horreur. Cōcorde & discorde sont aux animaux, plantes, & pierres: mesmemét aussi l'homme n'en est exempt: car l'homme deuiet muet, comment on croit, si le loup le voit le premier. Pourtant Vigile dict.

Les loups ont veu Meris les premiers.

Et cecy n'aduiet par terreur, veu qu'il n'aduiet en voyant le lion ou lours, qui sont plus dangereux que le loup: & n'est raisonnable que cecy aduint quand le loup voit l'homme le premier, ains plus tost quand l'homme voit le loup le premier. Toute fois i'ay experimenté cecy quelque fois: les hommes ne demeurent du tout muets, ainsi ils sont enruez. Et pource que cecy n'aduenoit tousiours, ils ont dict, quand il n'aduiet, cecy estre en cause que l'homme a veu premieremét le loup. La cause

Cōment nous tirōs plus facilement en ayant vn homme sus les espauls Sympathie & antipathie.

L'homme

royant le loup deuiet muet.

Les pieds des cheuaux qui suiuent les pas des loups demeurent stupides.

donc est aux yeux du loup. Car il a quelque chose contraire à l'homme, par laquelle l'haleine est empeschée : & la violente afflation de l'haleine qui est nécessaire à la voix, ne peut estre faicte.

Par semblable raison ils disent que les pieds d'un cheval, si il suit long temps le pas du loup demeurent stupides & endormis car si les pas du loup sont recentemente faicts, le cheval est molesté de l'odeur. Pour ceste cause aucunes fois l'homme ne devient muet, ne les pieds du cheval sont stupides, pource que toute impression, mesmement la celeste, est debilitée, & rendue inutile par succession de temps, par parité, par le moyé du subiet, & par la cōtrariété de ce qui doit estre affligé. Ils disent par mesme raison que la queue d'un loup pendue au raticlier des bœufs ou cheuaux les engage de manger. Si cecy n'est vray, il peut toutefois estre entendu que frappez de crainte pour cause de l'odeur, avans faim ils oublient le manger, comme mesmement il aduient aux hommes en grande crainte.

La queue d'un loup pendue au raticlier, engage les cheuaux de manger.

Tambours faicts d'agneau sonnent mal, quand ceux des loups sonnent.

Cecy est plus admirable, qui toutefois est vray, les cordes des agneaux sonnent mal, quand celles du loup sont touchees : vray est que cecy aduient presque à toutes cordes des bestes qui sont contraires, comme du chien & de l'agneau. Cecy est plus manifeste aux tabours : car les tabours de brebis ne sonnent point deuant ceux de loup & se rident.

La peau de brebis laceree du loup, excite vn prurit & demangement.

Cecy ne doit sembler merueilleux, que la peau d'une brebis deschiree du loup, excite vn prurit, & faict demanger : car pour la crainte vehemente, & pour cause de la nature cōtraire, on est affligé de ce prurit. Et iaçoit que la mort soit le dernier supplice & tourment, le corps toutesfois est plus affligé en vn gerre de tourment, qu'en l'autre. L'homme flottant sus la mer craint plus qu'il ne faict deuant les ennemis.

La teste d'un loup pendue au coulombier reiecte les bestes nuisantes aux pigeons.

On croit aussi que la teste d'un loup pendue en vn coulombier reiecte les furons, & belettes ou par odeur, ou par quelque espece incognue. Quel merueille est ce? Nous mesmes n'osons approcher de la teste d'un lion, si premierement nous n'y auons eu esgard. Qui rendra ces bestes aduerses aux pigeons en seureté, que le reste

du corps du loup ne soit caché apres la teste prominete. Cecy est presque miraculeux, s'il est vray que la queue du loup enfouye dedans terre reiecte les mouches. Il est certain que l'excremēt du loup, les intestins, le cuir, mēgez ou seulemēt portez guarissent la collique: car ils cōfirmēt & corroborēt l'intestin ou boyau, auquel s'engēdre la colique. Les membres valides & fors reiectent de soy la maladie, s'ils ne sont vlcerez, mais les intestins & autres parties pour les confirment, est desechāt mesmement par leur propre vertu naturelle, & aussi pource qu'ils sont fors & valides: car le loup cuit mesmement la terre, & en faitt bonne concoction, & jamais n'est malade par gourmandise, ne par trop manger, quoy qu'il se saoule apres longue famine, & que tousiours presque il deuore les chairs putrides & infectes.

Assauoir si la verge du loup sechée au foyt excite incontinent au coit Venerien, si elle est machée & mēgee ie ne l'ay encor experimēté. Cecy n'est sans raison, toutesfois il est absurd que cecy le puisse tousiours faire: car i'ay monstré que la cause principale du coit Veneriē, est l'imagination de ce que nous aymons, afin que nous en ayōs la iouisāce. Cecy est encor le pl^s admirable, qu'ils recitent que la dent du serpent dict taxus, ou le pied fenestre lié au bras dextre de l'homme, corrobore la memoire. Peut estre que ce qui est escrit de Symeon Sethi est plus vray-semblable, sçauoir est, le fiel de la perdris froté aux arteres des temples de la teste, en sorte qu'il penetre vne fois le mois, profite grandemēt à confirmer & corrobore la memoire. Mesmemēt la melisse cōfirme la memoire, & excite l'esprit: & quād elle est mēgee, elle rend l'homme plus industrieux: ce que peut faire le nasturtium, dict vulgairement, le cresson alnois.

Aussi le cerueau de la poule aide l'entēdemēt & la memoire, en sorte qu'il a faitt retourner aucuns en leur bō sens, qui auoient ja commēcé de foller, & n'ysent plus de raison. Mais outre ces choses, la melisse donne vne tranquillite d'esprit, & rend l'homme ioyeux, en chassant hors tout chagrin & riote. Semblablement mangees apres le repas, elle faitt les songes ioyeux, comme les choux les rendent triste, comme les phascos les redent

Doute est si la queue du loup chasse les mouches.

Les intestins du loup guarissent la collique.

On doute si la verge du loup mangée excite au coit Venerien.

Pour corrobore la memoire.

Pour aquiser & exciter l'esprit.

Qui faitt les songes ioyeux & tristes.

Lamia en Latin est pris des auteurs en plusieurs significations icy peut estre pris pour les femmes qu'on appelle Fees. onguent dict lamiacum, pour les femmes qui songent.

Ce qui prouo que à dormir.

turbulés, les aulx & ognons les font terribles. De ce viét l'opinion d'aucunes femmes qui sont dicté Lamia, on peut les apeller Fees, lesquelles nourries du suc de pauot noir, dit opium, de charagnes, feues, ognons, choux, & de phaseoles, semblent en songeant voler en diuerses & plusieurs regions, & illec estre tourmentees en diuerses manieres, selon la temperature de chacune.

Elles sont aidees contre tels songes d'un onguet dont elles soignent par tout le corps. C'est onguent, comme on estime, est composé de la gresse de petis enfans tiree hors & prise aux sepulchres, du suc de percil & de reagal aussi du noir fait de l'herbe quintefeuille, dicté pentaphyllon. C'est chose incroyable, combien & quâtes choses ces femmes se persuadent voir: aucunes fois choses ioyeuses, theatres, iardins, pescheries, vestemens, ornemens, dâses, beaux ieunes enfans, & le coucher avec ceux de tel gerre, qu'elles desirent: elles pésent voir les Rois, les magistrats avec leurs satellites, toute la gloire & pöpe du gerre humain, & autres plusieurs choses excellentes comme l'ö voit aux peintures, plus grandes que nature ne peut faire ne donner: au contraire, quelquesfois elles pensent voir choses tristes, corbeaux, prisons, deserts tourmés. Et cecy n'est de merucille, quoy qu'il soit venefique: car on peut le reduire aux causes naturelles.

Certainement i'ay souuent experimenté l'onguent qui est appellé populcum pour les brâches de peuplier, appliqué aux arteres des pieds & mains, & selon aucüs appliqué sus le foye, & aux arteres des tēples, prouoquer le dormir, & monstrer songes ioyeux en la plus grande partie de ces choses, pource que le suc des branches & fueilles nouuelles du peuplier reiouit l'esprit, & demontre quelques images representees par sa clarté & couleur. Car il n'est aucune couleur plus delectable que la verde.

Pateillement aux viandes est ainsi experimenté: car plusieurs herbes pour cause de leur subtilité excitēt les songes, comme la melisse, ou pource qu'elles sont acres, cōme les aulx, ou pource qu'elles sont turbulētes, cōme les choux. Et toutes viâdes qui ne sont facilement cuites comme toutes racines, excitent les songes tristes: toutes

herbes qui sont de facile concoctiō pour leur subtilité, comme la melisse & buglosse, rendēt les songes ioyeux. Car aucunes herbes sont pour le dormir, aucunes pour les sōges, aucunes pour les qualitez des songes, aucunes sont les causes ou empeschemēs de la verité des songes les herbes qui chargent & donnent replection à la teste sont causes de dormir: telles sont les drogues froides & humides, ou qui ont vne de ces qualitez excessiuement. Les drogues qui ne peuuent faire dormir profondemēt excitent les songes. Car les songes sont faictz en choses plus legeres que le dormir profond. La morelle, dictē, solanum, la pomme spineuse, dictē itramonia, du gerre de la morelle, & toutes choses qui sont moult verdes, rendent les songes ioyeux, exceptez les choux. Quand les feues sont seches, elles font les songes terribles. Les drogues dont on se frotē, pource qu'elles ont plus de pouuoir sus les esprits, excitent d'auantage les images & representations aux songes. Le feu des torches faict voir cē qui a quelque chose aduste, comme la suye. Le suc de percil & de toutes herbes molles & splendides font voir les theatres & iardins. Toutes herbes trop seches font voir plusieurs songes qui ne durēt lōg temps. Aucuns recitent que les dents d'vn cheual non chastré pendues au col ou au bras dextre, guarissent ceux qui ont coustume de voir mauuais songes. Et ceux qui se leuent pour tels songes en dormant, sont deliurez de tel mal, en ostant la cause. Je suis d'aduis que l'on n'ait grand soing du dormir, lequel jaçoit qu'il est necessaire à la santé de l'homme, occupe la troisieme partie de la vie. Les herbes donc qui sont frotées sus les arteres des tēples, mains & piēds, & plus tost sus les arteres du col ou sont celles qui sont dictes soporaires ou du dormir, conuerties en vapeurs, incōtinent occupent les esprits & la pensee, en sorte que mesmemēt en veillant, elles peuuent faire voir plusieurs songes, comme les fumees de quelques choses plus proches aux empoisonnemēs que aux matieres soporiferes & qui font dormir. Les sōges terribles, souuent precedent ou ensuyuent grādes calamitez. Car s'ils viennent pour cause de la memoire, l'infortune a precedé: s'ils sōt faits pour causes des humeurs

*Comment sont
guaris ceux
qui se leuent
en songeant.*

*Que signifient
les songes.*

ils signifient la mort, ou grieue maladie: car la cause en est au corps. Et si les songes viennent par l'influence des astres, ils signifient prisons, iniures, bannissemens, & peril de corps. Car la signification de l'impression n'est sans cause imprimante. Et la signification ou chose signifiée est en l'homme. Si les songes aduiennent de l'esprit, ils sont excitez par consens: & pource ils signifient la mort d'une personne chérie & aimée. Doncques telles drogues doiuent estre en sorte que le dormir soit pource rompu: car le dormir & repos est lors rompu par affection & affliction de l'esprit: & si l'esprit est affligé vn peu apres, il faut que le dormir soit du tout rompu.

*Les causes des
vrais songes.*

Il faut aussi contempler si quelque chose violente a parauant troublé l'esprit, comme trop grande abondance de viande & de boire, ou la qualité des viandes deprauees & mauuaises, ou quand les viandes ne sont prises en temps. Il faut aussi auoir si l'exercitation & esmotion du corps ou de l'esprit a esté grande, comme la crainte du coupable: car la crainte coustumierement excite des terreurs & espoir vain. Quant est de la signification des songes, i'en ay traicté ce qu'il en faut traicter. Il n'est besoin que i'enseigne pour faire veiller: car le caufre, dict, *camphora*, avec le vinaigre, froté aux arteres, jaçoit qu'il ne profite aux yeux, fait veiller, comme la ruë, dicté *rua*, & le castoreum.

*Ce qui fait
veiller.*

*De peur que
vne femme
conçoie.*

Si l'est vray que la face frotée du suif & gresse d'ours, face augmenter l'entendement, ce ne semble auoir de cause & raison. Et que la mouëlle d'une mulle quand elle est buë, rende l'homme stupide, quoy que ce peut estre, ie ne l'ay toutesfois experimenté. Mais que la sueur d'icelle mise en la matrice de la femme, l'empesche de conceuoir, ce me semble assez vray-semblable.

*De peur que
les chiens n'a-
bayent.*

Il peut estre que l'œil d'un chien noir tenu en la main empesche par son odeur que les chiens n'abbayent, & qu'ils fauorisent aux larrons & adulteres amoureux: car les chiens, comme chacun cognoit, flairent grandement les odeurs, quoy qu'elles soient tres-petites. On peut doncques experimenter cecy en l'œil arraché recetement, sil est vray. Telles choses susdictes aucunesfois sont operation, aucunesfois non: & mesmement le rhabarbe

ne purge tousiours la colere, dicté *bilu flaua*, comme ja trop vieille, sans force, legere, vermoulue, principalement elle ne purge tousiours la colere en l'homme pituiteux, & en l'hiuer fort froid, ou en vn corps bien robuste. Pourquoi donc veu- tu que ce qui est icy dict & escrit soit tousiours vray, veu q̄ toutes choses mortelles sont subiettes aux fautes & erreurs? Toutefois ce que j'ay dit icy est vray vniuersellement, & l'ay ainsi prouué. On dit qu'vne pierre morse d'yn chié, prise en beuuât fait crier l'hōme. S'il crie, ou il est cōtraint de ce faire, ou ce fait volontairement. Si l'hōme crie, il est necessaire que la pierre luy nuise grādement: toutesfois ils disent qu'elle ne fait de nuisance. Si l'hōme crie de son bon gré, où il se ioiue, & par ce moyen l'experience est ridicule, ou il n'a de sentiment: il faut donc adiouster quād ceste pierre est donnee pour boire aux yurōnes remplis de vin: encor ie ne scay s'il est vray en telle sorte: toutefois la pierre morse du chien, nuit & prouoque en ire, si on la prend en beuuât. Peut estre qu'ils disent bien que l'escume d'vn chameau donnee en breuuage à l'hōme yure le rend demoniaque: car entēdu qu'elle est trop seche, elle cōcite vehementement le cerueā ja imbecille. Nō sans cause on a escrit que le vētricule d'vn belier cuit en eau & vin guarit plusieurs maladies, doné au breuuage: car il y a sympathie, cōcorde & consens. Ainsi la corne du belier se conuertit en asperges, si on l'enfouit dedās terre, & pourrisse illec, & quoy que ie ne l'aye experimēté, ie croiray toutesfois au tesmoignage de plusieurs. Ceci n'est loing de Metamorphose & trāsmutatiō: mais comme j'ay dict autre fois, putrefaction est la mere de toutes choses. Ceste corne mesme ensouie aupres d'vn figuier, ayde à faire mourir les figues. Le testicule dextre du leopard excite & prouoque les mois des sēmes, au tāt que drogue qui soit. Le fiel d'iceluy est vn venin present, qui fait mourir le iour mesme. Aussi la lāgue d'vn iars, quād elle est buë est merueilleusement vtile à la retēsiō de l'vrine, & les testicules d'iceluy, mesmement le vētre du lieure, sont valables pour faire engēdrer enfā: aussi le poisson dict *squilla* y est fort vtile: ce qui m'est auenu quelq̄ fois: mais il faut oster les empeschemens, &

Pour faire que l'homme yure semble estre demoniaque.

La corne de belier se conuertit en asperges.

Le testicule dextre du leopard à grande vertu pour prouoquer les mois des sēmes.

Le fiel d'iceluy est vn venin.

Pour retēsiō d'vrine.

Pour auoir enfans.

*Pour nourrir
les enfans.*

*Afin que les
enfans soient
ingenieux.*

que les corps & la matrice soient premier purgez. Si les enfans se meurent incōtinent, & qu'ils ne puissent estre nourris, il faut que la femme grosse mange assidūement des œufs de tortue. Si la femme, tādīs qu'elle est enceinte, mange souuent des pommes de coïn, ou de cotignat, elle a enfans ingenieux & industrieux. Quel merueille est-ce? Les enfans engendrez des hommes yures, ou de ceux qui māgent des oignōs, ou qui ieusnēt trop, ou de ceux qui sont studieux, souuent sont de petit esprit: car si la nourriture du cerueau, & les esprits ensemble avec luy sont mal affectionnez, les parens engendrēt & procreent tels enfans, qu'auront estē les affections: ainsi les enfans tristes sont engendrez des parens tristes, les enuieux des enuieux. Doncques le cotignat reiette les vapeurs hors du cerueau, dont il aduient que la substance du cerueau de l'enfant est rendue plus pure: pourtant l'entendēmēt en est beaucoup plus clair & plus excellēt selō Galiē & tous autres medecins. Il est assez diuulgūē que le cœur d'vn cinge empesche le pouls du cœur, & guarit les epileptiques, & augmente la hardiesse, ensemble l'entendement. Quel merueille est-ce? puisque vn semblable est aydē de son semblable? Nous voyons cecy aux ventricules des poules, lesquels pris auāt autre viādē, quād ils sont biē cuits, car ils sont difficiles à cuire, corroborēt gradēment le ventricule de l'hōme: pourtant que ce qui est nourry, est fait tel, cōme i'ay dict, que ce qui nourrit. Aucunes choses ne sont semblables, cōme les grains & pepins de poire, qui toutesfois sont tres-vtiles au poulmon, comme recite Simeon Sethi.

*Le cœur du
cinge aide le
cœur de l'hō-
me.*

*Le ventricu-
le de poule cor-
robore le ven-
tricule de
l'hōme.*

*Le cœur du
cinge sous
la teste fait
voir en son-
geant les fe-
res & bestes
sauuages.*

*La vertu du
herisson.*

Or ie reuien au cœur du cinge, lequel mis (cōme lon dict) souz la teste de celuy qui dott, monstre les feres & bestes sauuages en songeant. La cendre du herisson terrestre seche les fistules & toutes playes, & quand on le māge, il consume l'humour superflu des membres, & principalement le foye, & les reins d'iceluy sont tres-vtiles, & cecy est receu & approuuē des Medecins. Ils disent que les pulces se congregent & assemblent à la gresse du herisson. I'ay trouuē en vn fossē les pulces se sembler au sang d'vn bouc, & ce n'est admirable, car si tel sang semble estre doux aux pulces, sans faute, elles se

congregeront illec. Au temps passé ie sçauois & cognoissois vne gresse que i'ay oubliee, laquelle frottee en vn assiette de bois attiroit toutes les punaises. Pourtant quelqu'vn s'achant vn cousteau au milieu de l'assiette, feignoit les enchanter, toutesfois elles venoient à la pasture, non aux parolles d'enchantement. Il faisoit bon voir ceste assiette estre couuerte de punaises, en sorte qu'à peine on pouuoit voir le bois. Certainement telles choses sont, & est necessaire qu'elles soient, mais il faut les sçauoir & bien cognoistre.

Aucuns certifient que le cœur d'une chauuefouris engarde les fourmis de sortir: le soufre les engarde par la magnitude, ie croy, & paruité de son odeur. Il n'est chose plus seure aux arbres, que l'eau pour chasser les fourmis, ce que i'ay experimenté, on met de la cire à l'entour des arbres, & ceste cire est emplie d'eau. Aristoteles dict que les fourmis sont chassées par la mariolaine, dicte vulgairement d'Angleterre, meslée au soufre, & cecy respond & cōuient à la raison, pource que la mariolaine & le soufre sentent fort, puis Aristoteles est vn auteur digne de foy. Et cecy ne doit sembler merueilleux, que le cuir de l'ergot dextre d'un autour mis sus le pied dextre d'un podagre, & du fenestre sus le pied fenestre, peut soulager la douleur. Ainsi le nombril d'un enfant coupé quand l'enfant naist, porté en vn anneau d'argent, à fin de toucher la chair, à grandement profité, à ceux qui estoient preparez aux douleurs de la collique, ce que i'ay veu: en sorte que par tel remede ils ont esté bien sains par plusieurs ans, peut estre que leur fiâce mise en cela leur profitoit: car il ne faut croire que cecy aduienne à tous, comme i'ay monstré cy dessus. Toutes choses qui sont tenies suspéses, sont toujours douteuses, & l'utilité en est suspecte, l'experience n'est tant suspecte. Vn mien amy a experimenté que la grande racine de la piuoine masculine cueillie le iour de la plaine Lune, & pendue au col, est tres-vtile aux podagres: toutesfois ie n'ose assurez qu'elle soit vtile à tous podagres. Plusieurs remedes leurs peuuent estre pris de nostre corps pour cause de la conuenance & consens. Au

Les punaises s'assemblent à certain genre de gresse.

Pour chasser les fourmis.

Livre 4.^{de} l'histoire des animaux chap. 8.

Pour subuenir aux podagres.

Pour preseruer de la colique.

La moumie, dicte mummia.

On ne trouue
 tel amomum
 que le décrit
 Dioscorides.

eret & figé des corps des Egyptiëns, aromatisez de myr-
 rhe, d'aloës, & d'autres odeurs aromatiques, comme est
 la cassie, dictée *cassia*, & l'amomû. Ce medicament estoit
 vn souuerain remede à la partie d'ou couloit le sang, &
 pour les entrailles rôpues, & meurtries: Ceux ausquels
 les meurs avec les lettres des Grecs plaissent, ont tant
 crié alencôtre de tel remede, qu'ils aimoiët mieùx leurs
 malades mourir, que d'vser des remedes qu'ils ne co-
 gnoissoiët: en sorte que l'vsage de la mômie est aboly.
 Cecy en a augmëté le mespris, pource que maintenant
 les morceaux des corps morts nous sont appotez pour
 la mômie, lesquels corps sont pris en la mer rouge, &
 sont appotez pour la chaleur & siccité des vents, aussi
 pour la chaleur de la region: mesmement les morceaux
 des corps morts, & sechez aux nauires, & de ceux qui
 sont suffoquez en l'arene, nous sont appotez pour la
 mômie. Cõbien que ce gerre de mômie n'est medi-
 camët inutile pour estancher le sang, mais qu'il soit ap-
 pliqué en tẽps & lieu, quoy qu'il soit fetide & triste. Car
 toute chose semblable est horrible, celle principalement
 qui est coriõpüe: cõme les chiens ont plus en horreur
 les corps morts des chiens que des hõmes ou des loups:
 ils mangent les charongnes des beufs & brebis. De cecy
 vient le venefice & poison d'attirer la haine ou amour.
 Et à fin que ie distingue les gerres des affections admi-
 rables par chapitres, les choses admirables aduiennent
 par sept manieres, ou par nature, ou par la force du
 corps ou de l'esprit, ou par propriété, ou par certaine
 force excellente, ou pource que la cause est occulte, ou
 par industrie, ou simplement. l'ay amené plusieurs exẽ-
 ples des proprietes de la force du corps, & de la cause
 occulte par industrie, quãd i'ay parlé de Damantus, des
 Turcs dãsans, sus la corde, & quãd i'ay recité l'histoire
 du loup. Par l'exemple de la racine de piuoine, i'ay mõ-
 stré les drogues qui sont operatiõ par vertu manifeste,
 qui est excellente. Apres cecy i'ameneray plusieurs exẽ-
 ples des choses qui ont simplement la cause incognüe:
 car ce gerre appartient aux enchâtemens: cõme les ve-
 nefices & poisons appartiennent en partie au quatrième,
 en partie au cinquième, en partie au septième gerre


d'enchéatement. Il reste que ie dōne exemples des choses admirables qui aduiennent par nature, & qui sont faictes par la grande vertu de l'esprit. Iusqu'icy i'ay recité plusieurs exēples de nature, & de ceux qui appartoient aux mōstres, non par la faute de l'ouurier, ains par son industrie. Vn monstre estoit qui fut trouué par Conradus Gesnerus, de corps & de face humaine, sinō qu'il auoit les pieds & les ongles aquilines, & courbes, & estoit muet, en l'an de grace 1531. au parc ou forets dictes Hames-Bergium de Misnia, iaunaistre, barbu, qui de son poil representoit vne creste: en la haute partie du dos, & en la partie qui est dehors les cuisses, qui estoient comme celles de l'homme, & en la partie des bras, il estoit seulement velu: il auoit la teste en bas, & auoit vne queue. Que diroit on estre autre chose qu'un enfant exposé, faicte vne beste brute de quatre pieds sans instruction: qui depuis n'a appris à parler, auquel les ongles sont crues, comme aux brutes, & qui a eu toutes autres choses telles que l'asperité des lieux siluestres cōtraint d'auoir: ce monstre estoit nourry par quelque beste sauage tel qu'il estoit, puis des fruits agrestes, caché aux spelongues & fossez, qui plustost a vescu par la vertu fatale & force natieue, que par aucune raison. Pareillemēt du temps d'Albert le Grand vn homme & femme furent pris aux forets de Germanie, qui estoient comme bestes de quatre pieds. Ces mōstres sont rares pour les causes rares. Et ce qui semble admirable en aucuns, pour quelque raison n'est admirable aux autres, à fin qu'aucū n'attribue coulpe & faute, ce q̄ ie n'ignore point. Il me suffira d'amener trois exemples de l'entendement admirable: le premier est, auquel nous auons & entendōs ce que nous cerchons: le secōd auquel il est licite de profiter tousiours, nō toutesfois paruenir tousiours à parfaite notice & cognoissance: le troisiēme est sus le pouuoir humain, & a esté necessaite de faillir manifestement. Dōques le premier exēple est, quand nous voulōs faire aux inuētios artificieuses vn chariot ou nauire qui nous enseigne quāts & mil pas l'un ou l'autre aura faict. Vne roue est de laq̄lle le tour & circuit est de douze pieds & demi, & le chariot est sus l'essueil avec vne dēticule qui

*Vn monstre
admirable.*

*Cōment nous
cognoissons
quāts mil
pas a fait vn
chariot ou na
uire.*


transfere vne des dents, quand vne rouë sera tournée occurrente à la rouë de 400. dents. Ainsi 400. reuolutions de la premiere rouë faite, 1000. pas de 5000. pieds seröt faits. Et quãd ceste rouë sera tournée, qu'elle descouure de l'autre denticule le moyeul, d'oü puisse tomber vne pierre dedãs vn vaisseau d'airin mis dessous, afin que ce vaisseau monstre la multitude des 1000. pas par le son & le nombre des pierres : ou en renuersant cest indice, le vaisseau môstrera en l'autre rouë la multitude des 1000. pas. Ainsi il est facile paruenir à la grande cognoissance des choses aux inuentions artificieuses, cõme l'enseigne Vitruuius. Mais nous adiousterons exemple & figure en ces contemplations, comme aux contemplations celestes, qui sont icy demonstrees par cercles, & comme aux proportions des cercles de la sphere exactement demonstrees par les seins & sinuations. Et proprement cõme quand la distance du lieu est cogneue par vn meteoroscope, nous sçauons & cognoissons la longitude & latitude du lieu: ou en cognoissant la distance & latitude, cognoissons la longitude.

Meteoroscope est vn instrument par lequel nous cõtemplons les choses sublimes & celestes, cõme vn astrolabe, dõt vsent les Astrologiës & nautonniers. Comment la longitude & l'abitude des lieux est cogneue quãd on cognoist la distance de la voye.



Que le cercle du Midy soit A E B F, fiché sus le pied A M: qu'en iceluy soient fichez les pols K F: & que ce qui est sus toy dit vertex, soit E. Vn autre cercle immobile de l'equinoxe soit A C B D, fiché sus le pied A M, & diuisant ou coupät le premier cercle A K B F vers les rectâgles. Qu'vn autre cercle F G K H, soit versatile par les pols, & aux pols F & K par les pieux. Qu'vn autre cercle versatile par les pieux C E D L, soit sus ton coupeau. Que la distâce EN soit cogneue, & droicte: & en diuisant chacun des cercles en 3600. parties, telles parties soient nombres en C E D par E N: & que C N D soit constitué sus la voye droite depuis ta ville iusqu'au lieu N, & là où le point

N tombe, que le cercle mobile du Midy $GKHF$ soit produit: tu auras lors par l'arc KN , la latitude du lieu, ou l'elevation du pol: & par GC tu auras la difference de la longitude du lieu N depuis ta ville: & quant la longueur de ta ville est ia connue, la longitude de N sera connue. Et si la hauteur de N est connue, & le chemin EN est droit, en tournoyant les cercles CED & CNH tant que les extremités des arcs de la distance droite EN , & de KN hauteur connue du lieu N s'entrecroient ensemble, lors l'arc GC sera connu, sçavoir est, par la difference de la longitude du lieu N depuis ta ville. Il est manifeste que par raison contraire en ayant les longueurs & latitudes des lieux, la distance d'iceux est connue. Et si tu veux que l'instrument serue, & qu'on en puisse user en toute region, tu feras les pieux mobiles au cercle du Midy $AKBF$, afin que sous chacune hauteur le coupeau de toy puisse estre colloqué. Conséquemment les diuisions soient distingues appertement en dixaines, & moins appertement en quintes, puis en cinquantes par couleur d'or, comme en balances. Et le nombre n'est necessaire, pource qu'il faut ordonner vn prince en toutes choses. Mesmemét nous l'entédons par ceste demō-




stration, mais plus difficilement: & ces choses sont faictes exactemét par demonstration. Et ce qu'il faut le mieux entendre, est la proportion de la circonference du cercle au diametre, inuentee d'vn merueilleux esprit par Archimedes: laquelle proportion neátmoins qu'elle soit tresfacile, ie vueil la descrire cy dessouz en peu

de paroles. Elle requiert trois suppositions: la premiere, que la circonference du cercle est plus grande que l'agregat des costez de la figure inscrite, & moindre que de la circonscripte. De l'inscrite, il est manifeste par la definition de la ligne droite: de la circonscripte, quoy que ce semble estre manifeste de soy mesme à plusieurs, toutesfois ie l'ay monstré aux liures des Elements par

dispute contre les deceptions & fausses ratiocinations. La seconde supposition est, que quãd chaque ligne colloquee au cercle est cognue, la ligne droicte estendue souz de son arc diuisé sera cognue. Et quoy que ceste ligne soit demontree par Ptolomeus, toutesfois afin que chacun sçache le moyen d'inuenter & trouuer la proportion proposee, en peu de paroles, ie demonstreray la matiere par effect. Que la ligne AB soit cognue en proportion à BC , & que l'arc AB soit diuisé par parties egales en D , & que la ligne AD soit tiree, ie dy que elle est cognue. Car quand la ligne CDK est tiree, selon les demonstratiõs d'Euclides, FA sera par mediantte proportion entre KE & ED , & le quarré DA sera egal aux quarez AE & ED . Doncques selon la cinquieme proportion du second liure des Elements d'Euclides ie tireray le quarré AE cognu, pource que AE est la moitié de AB , selon le quarré CD cognu : & le quarré CE est laissé pour cognu, CE donc est cognu. Parquoy la ligne CE ostee hors de CD , la ligne ED sera cognue. Ie ioindray donc les quarez AE & ED , & selon la penultime proportion d'Euclides au premier liure des Elements, i'auray le quarré AD cognu. La troisieme suppositiõ est, qu'en cognoissant le costé de la figure qui circũfere au cercle, ie cognoistray le costé de la figure qui est circonscrit. Et neantmoins que cecy soit colligé d'Euclides au quatrieme liure des Elements, toutesfois afin que nous en ayons la demonstration par effect, ie la mettray icy en peu de paroles. Que le costé de la figure inscrite au cercle soit AB , & le costé de la figure circonscrite soit FG : car les centres sont contenus souz vn mesme angle : & que les lignes AF & CBG soient tirees. Puis donc que la ligne AB est cognue, la ligne AE est cognue : pourtant KE & ED serõt cognues, comme il a esté demonstré. En produisant donc la ligne AB en CD , & ce qui est produit, estant diuisé par CE , la ligne FG sera cognue. En supposant donc le costé AB de l'hexagone, ou sextangle, qui est, selon les demonstrations d'Euclides, egal à la moitié du diametre : selon la seconde supputation i'auray le costé de la figure de douze bases : & par la mesme figure i'auray le costé de

la figure de 24. bases, puis de 48. de 76. de 192. & de 384. & de 768. ainsi ie peux proceder sans erreur, ains plustost sans extraction des racines & fondemens. Donc par maniere d'exemple, que le maintien & estat soit au costé de la figure de 778. costez : lors i'auray selon la troisieme supposition, le costé de la figure circōscripte de 768 costez : tu produiras & tireras l'un & l'autre costé par le nombre des costez, c'est à dire, par 768 & tu auras le circuit de la figure interieure, & exterieure, & la proportion des costez au diametre du cercle. Mais la circonférence du cercle est plus grande que le circuit de la figure inscrite, & moindre que de la circōscripte: selon donc la premiere supposition, i'auray la proportion de la circonférence du cercle au diametre, entre lesquelles proportions les figures doiuent estre colloquees : & toutesfoiſ on ne peut iamais paruenir à la parfaicte cognoissance & fin d'icelles. Dōt il appert qu'Archimedes n'a eu besoin des inuétions de Ptolomeus, ne des tables des insinuations, & que le geometrien peut plus exactement & puremēt paruenir à la cognoissance des proportions susdictes, sans les inuétions de Ptolomeus, qu'avec icelles. Ce que lon ne peut entēdre, est la description de la sphere en vne plaine, & superficie sans grand erreur.

Comment la sphere peut estre descrite en vne plaine & superficie.



Ptolomeus, dy-ie, enseigne d'en descrite vne partie assez proche à la quarte partie: mais il faut premièrement supposer de toute la sphere, qu'il est necessaire que les choses qui soient iointes soient grandement distantes. Si avec cecy tu veux descrite la sphere diuisee en parties, ie te l'ay mōstré cy dessus presque sans aucun erreur. Si tu la veux toute coniointe & continuē, nous supposerōs la ligne AB droite depuis vn pol iusqu'à l'autre, & supposerons CD luy estre egale, & encor vne autre ligne CE luy estre egale, iointe directement: & ED sera double à AB. Nous diuiseerōs CD & CE également en quatre parties, afin que EF soit

*La proportio
tresproche de
la circonfere
ce du cercle
au diametre.*

vne quarte partie de E C, & que D G soit la quarte partie de C D: & nous tireròs l'arc F H G egal à E D. Nous le ferons donc ainsi: car icy nous procedons par demõstrations, pour ce que la proportion de la circonférence à son diametre, est tresproche à celle qui est de 47 à 25. pour le moins aux nombres faciles: en supposant donc la circonférence du cercle de 360. comme Ptolomeus l'a supposé, le diametre des mesmes parties est de 115. car la difference en est petite: & Ptolomeus le met de 120. Tu chercheras donc l'arc en la table de l'arc & de la corde, qui soit la moitié du tiers de la ligne droicte, en ostant la vingt-quatriesme partie, & tu prendras la ligne droicte de l'arc sans la diminution susdicte. Diuise donc F G en autant de parties, & aupres de ces parties, prends deux lignes qui soient de 60. desquelles & du triangle fait F G, tu auras vne pyramide pour le centre. En tirant donc la ligne F H G, tu en descriras vne egale au mesme demy diametre sus le poinct K, qui est au milieu de A B, laquelle ligne egale est L K M, en sorte que la moitié d'icelle soit prominente des deux bouts: puis en prenant la table des cercles paralleles, tu descriras chacun des cercles sus le mesme centre en raisonnable distance dedans & dehors la ligne L K M, & avec deue magnitude, en estendant les cercles qui sont proches à L K M, outre les lignes qui prouenoient du centre commun à L & M. Et tant plus les cercles paralleles seront frequens, tant plus la complanation & applanissement sera exacte & complete. Apres tu diuiseras chacun des cercles en 360. parties, & par ces parties tu produiras & tireras les lignes au lieu des cercles Meridionaux depuis vn pol iusqu'à l'autre, lesquelles lignes ne seront droictes, ny aussi les portions des cercles, mais il faut les tirer iouxté la symmetrie & commensuration de l'œil, & des inclinations. Icy doncques tu auras la longitude double à la latitude, comme en la superficie du globe, & si tu auras la distance des cercles obseruee. Mesmement les cercles Meridionaux nesembleront estre plus grâds, sinon pour cause de l'obliquité qu'ils doiuent estre. Pourtant ce gerre de translation de la figure ronde en la plaine & superficie, semble estre le plus excellent de tous,

*Paralleles
qui se finissent
en vn mesme
pol où ils sont
constituez.*

tous, qui est nostre inuétion commune à descrire le ciel & la terre. Quelqu'un, cōme j'ay dit, estimera, peut estre, ces propos ne deuoir estre nombrez entre les choses merueilleuses, ains seulement les venefices, poisons, & choses semblables, desquelles poisons ils sont quatre *Les gerres des poisons.* gerres, aux choses inanimees, aux plantes, aux animaux, & aux hommes. Aux hommes elles sont onze especes de poisons, aucunes concilient & attirent amour, aucunes sement la haine, aucunes rendent les personnes tabides & etiques, aucunes font du tout mourir, aucunes prouoquent vne niaiserie, endormissement, & fetardise, dicte veterenus, aucunes font deuiner, aucunes guarissent ou charment les maladies, aucunes font les hommes impotens à Venus, aucunes augmentent la felicité, aucunes apportent malencontre, les autres esmouuent & excitent l'esprit. Les especes qui esmouuent l'esprit, derechef sont sept, aucunes excitent vne terreur & peur, aucunes excitent audace, aucunes tristesse, aucunes folie: les autres font voir des visions en songeant, ou sans songer, ains en veillant: mais les especes des venefices qui font voir des spectres & visions en veillant, elles appartiennent proprement aux basteleurs, ou aux esprits malings.

Aucunes especes induisent & font vne stupidité, non seulement aux esprits des hommes, ains aux corps, en sorte qu'aucuns ont l'esprit sans operations, les autres ne sentent le mal & tourment qu'on leur fait au corps. Elles sont quatre causes de cecy, les vertus manifestes des choses, & les occultes, la foy, & ce qui nous est incognu ou les esprits malings, ou les esprits infernaux, ou quelque autre chose meilleure & plus excellēte. *La matiere des venefices Et poisons.* La matiere des venefices & enchantemens, est aux viandes, au boire, en suspension, en lumieres, en parfums, aux liets, par toucher, par paroles, en figures preluminaires, & en l'entree de l'huis, en notes, qu'ils appellent characteres, en immolations, en concussions d'esprit, en promesses, homicides, pompes sacrez & profanes, & en autres choses innumerables, lesquelles on ne peut reciter en peu de temps. La minime partie de ces choses est licite, sçauoir est, celles qui a bonne fin, ou qui est appuyee aux

Kk

forcés de nature, ou sus simple supplication. Je descri-
ray cy dessouz les exemples des autres venefices, afin
que les hommes entendent qu'il ne faut adiouster gran-
de foy à telles choses: car nulle chose est perpetuelle qui
n'a de subiect naturel: & plus souuent cela trompe, qu'il
ne monstre son effect. Et si telle chose a quelque ef-
fect par aucune credence, n'est-ce pas le faict d'un hom-
me vilain & ingrat d'vser d'un don & office contre ce-
luy qui l'a donné? Aussi afin que les hommes entendent:
neantmoins que telles choses mal enquisées viennent à
souhait, elles sont toutesfois de petite vtilité. Car il n'a-
uient que lon soit plustost riche par ces choses qu'en
exerçant marchandise, ou qu'on en soit plus sage, qu'en
entendant, ou qu'on en puisse remporter plus de gloire
en l'art militaire, que par nobles actes & vertueux faits,
ains plustost la vie de tous empoisonneurs & enchan-
teurs est calamiteuse, leur renommee est contaminee,
leur estimation est contemnee, & leur fin est tresmiserable.

*La vie & la
mort des em-
poisonneurs
& enchan-
teurs est mal-
heureuse.*

Qui a faict en nostre temps plus grande profession
de telles choses que Cornelius Agrippa, duquel chacun
cognoist la fortune, la vie, la pauvreté, & la fin? Et entre
les Princes Loys Sfortia seul entre ceux de sa famille, est
mort miserablement en prison. Et son cousin germain
Euesque de Landes, exerçant telles operations, est mort
en pauvreté miserable, neantmoins qu'il fust de noble
race, & Euesque. Car les richesses des nobles & grands
seigneurs sont cognues, & leur reuenu est tresleur. Qui
a esté plus delecté de ces choses, que le Pape Martin
septiesme de ce nom, le quel, comme lon dit, a composé
un livre de telles superstitions: auquel il est aduenu ra-
remét entre peu de Papes d'estre despoüillé de sa digni-
té papale par le Concile: Finalement cecy profitera aux
hommes par cely qui recite ces choses, afin que ceux
qui n'approuent ces superstitions, soient exempts du
peché d'icelles: & qu'ils sçachent ce qu'il faut admettre,
& ce qu'il faut fuir. Car plusieurs sont tant timides &
superstitieux, que quand ils s'efforcent d'eüiter ce qu'il
ne faut eüiter, ils deuiennét superstitieux par vaine fuite
de superstition. Car la superstition aduient non seule-
ment quand nous faisons ce qui n'est à faire, ains quand

nous euitons ce qu'il ne conuient euter. Ces inuétions admirables & enchantemens venefiques iadis estoient en vigueur & credit, auant la cognoissance de Iesus Christ: mais cōbien leur pouuoit estoit petit Zoroastes inuenteur le demonstre, priué de son Royaume & de sa vie par Cyrus fils de Cambyse. Pausanias recite auoir veu en Pionie ville de Mysie aupres de Caycum, quand ils sacrifioient à Pion (cestuy estoit de la race d'Hercules) conduiteur & autheur de la ville, que la fumee sortit du sepulchre de Pion. Et si ce ne fut fait par dol & deception, qui empesche qu'est mettant vn tuyau tendant souz l'autel, & qu'au bout du tuyau la fumee ne sorte hors du tombeau par bitumen, ou par la gomme dicte styrax, vulgairement storax, ou par encens, ou autre chose, que celle qui est sacrifice & bruslee en l'autel, ou par l'exemple de Heron, quand il enseigne que les portes du temple s'ouurent de soy-mesmes? Mais cecy peut estre par autre raison naturelle sans fraude. Mêmement Pausanias a veu en Hypocpes, & Hierocæsare villes de Lydie vne cendre en vn autel, laquelle n'estoit semblable à vne autre cendre, qui iettoit tousiours vne flamme, auec prieres barbares dictes sus vn monceau de bois sec, & consumoit le bois qui estoit mis dessus. Cecy premieremēt pouuoit estre fait par plusieurs manieres: ou si l'autel estoit chaud parauant, ou si on auoit craché dessus. La chaux ne s'allume elle pas par eau ietee dessus? Apres ie monstrey la maniere de faire vne pierre qui s'allume de toute humidité. Quel autre plus grand argument pourroit estre plustost en toute cendre, qu'aux paroles, quand la couleur d'vne cendre est aliene de l'autre? Il n'est besoin que ie me traueille à prouuer cecy, veu que lon peut faire par tant de manieres ces enchantemens. Car le feu pouuoit estre caché dedans la cendre, comme coustumieremēt il est caché en la suye, quand il est petit. Ce que Pausanias recite apres, n'est de telle sorte, quand il dit, Au champ de Methon, lors que le vent Occidental dict Africus, souloit abatre les ger-

*Zoroastes au-
teur des ve-
nefices & en-
chantemens.
Le miracle
du sepulchre
de Pion.*

*Le miracle
d'vne poudre
qui s'allume
de soy-mesme.*

*Pour arrester
le vent Occi-
dental, dict
Africus.*

alentour des vignes, tant qu'ils s'entrecroissent, enseuëlloient & mettoient dedans terre le coq, & adôc le vent cessoit. Premièrement icy la persuasion peut beaucoup pour deceuoir, & encor plus si elle est soustenuë de superstition. Outre plus en quelques lieux le soufflement des vents procedé & ne vient de loing, & rarement est loingtain. Peut estre que la fiance peut quelque chose en cecy, qui est iointe avec le naturel des personnes, ou la matiere mesme par quelque cause naturelle qui est cachee, ou quelque esprit, lequel entendu qu'il est participant de l'air, ne commande à quelque chose d'auantage, & plus que à l'air. Pourtant quand les tempestes sont adiuuées ou coniuuées, coustumieremēt elles s'esleuent. Aussi plusieurs de ces choses adiuuēt, comme si elles estoient, lesquelles toutesfois ne sont vrayement. Cecy est encor le plus admirable que Pausanias recite auoir esté en Heracléte prouince de Peloponése, sçauoir est, vn cheual d'airin au lieu qui estoit appellé Quialten, ayant la queuee couppee, & laid par tout le reste du corps, auquel les cheuaux vivans s'efforçoient de se ioindre & coupler de tant grāde affection, que leurs ongles se rompoient en remontant soudain, & par plusieurs fois, pource qu'ils tomboient souuēt, pour cause de l'airin qui estoit vny & poly, & falloit les chasser hors d'illec à grand coup de fouët: ils hannissoient, comme s'ils eussent trouué vne iument: & entre plusieurs statues des cheuaux, ils agitoient seulement ceste cy d'airin, sans toucher aux autres. Quelqu'vn peut me obiecter ce que dit quelque poëte, que i'allegue ce que la Grèce mēseuse enregistre aux histoires, afin que mon liure soit remply de telles choses, si autrement il ne peut estre parfait, comme font aucuns. Quāt à moy ie trouue Pausanias exempt de telle menterie, non moins que chacun des autheurs d'Italie. Car aux choses que Pausanias a veües, l'obseruance de nos temps confirme son histoire. Quelle absurdité trouue-lon en Xenophon, quelle en Thucydides? Herodotus & plusieurs autres historiographes ont violé la foy de l'histoire Grecque: il est vray, mais il n'est aucun qui ne puisse discerner & cognoistre les matieres adulterines & fausses d'entre

*Vn cheual
d'airin au-
quel les au-
tres cheuaux
vouloient se
conioindre.*

les legitimes & vrayes. Il est manifeste que ce cheual estoit fait par artifice naturel, non par l'aide des esprits malings, quiconques ait esté l'ouurier, ou en meslant, (ce qu aucuns veulent) la drogue dicte hippomanes, ou le sang menstrueux de la iument, ou plustost la semence d'icelle, ou quelque autre matiere d'amour qui tourne les cheuaux en la fureur de Venus: pource ie ne m'esbahy beaucoup de ce qui est predict du cheual d'airin. Cecy me detient plus en admiration, que quand ces drogues susdictes ont esté meslees au cuyure, ou airin fondu, elles n'ont perdu leur force, & qu'elles bruslees ont retenu l'odeur de la fumee, non de poison. D'auantage, quoy qu'elles ayent peu retenu leur force, comment l'ont elles gardees tant long temps, & par plusieurs ans? Ou si telles matieres d'amour n'ont esté totalemēt meslees à l'airin fondu, comment ne sont elles venuës en putrefaction? Il est vray-semblable que la semence des iumets cachee aux entrailles, & meslee à la gomme non subiecte à putrefaction, en laissant quelques petis trous, ou premierement cuite, de peur qu'elle ne detint chassie, à incité les cheuaux à Venus, la forme & figure aydant à cecy. Car les cheuaux voyans vn peu mal, hanissoient aucunes fois en voyant des cheuaux en peinture: quel merueille est-ce, s'ils sont deceus d'vne statue & de l'odeur? Tu diras, Ils prenoient & apprehendoient vne statue d'erain: lors ils estoient detenez d'vne fureur de Venus ia excitee: & l'ogle de laquelle ils pressent & foulent la statue, n'a aucun sentiment, mesmement l'odeur avec la forme & figure de la statue les contreint en amour. Il ne faut s'esmerveiller du sexe: car les cheuaux distinguent & separēt le sexe par l'odeur nō par la veue. Il a pleu à l'ouurier de changer le sexe, ou à fin que ce semblast plus admirable, ou pource que par son artifice il manifestoit ses mœurs, comme Affranus: entēdu que cecy ne faisoit rien, & ne seruoit à son œuvre, & enchātemēs. Peut estre que cecy seruoit & profitoit beaucoup d'auoir osté la queue, à fin que l'odeur concitast plus les cheuaux. A quoy reciteray-ie ceux que l'on dict reprinter en Suisse par leurs charmes, & enchantemens la gla-

*Trois pommes d'or in-
violables.*

ce concitee? Cecy est incroyable: aucuns l'attribuēt aux
astres. Iehan Leo refere trois pommes d'or estre au cou-
peau du chasteau Marrochus du pois de 1350. liures, les-
quelles quād les Rois se sont offorcez les oster, cōtraints
par necessitē, ils ont estē touiours empeschēz de ce faire
par malheureux cas. Ils referent que ces pōmes ont estē
composēes & assemblees par le pris des bagues, chaines
& pierreries de la femme du Roy Iacob Almasor, & par
la concorde puiffances des astres, munies d'ēchantemēs
encontre ceux qui auoyent deliberē les oster. Or si l'or
est en ces pommes, non autre metal supposé clādestine-
ment par les princes, le bruit demeurant ferme pour la
crainte du vulgaire, il faudra transférer la maniere à ce
qui a estē escrit cy dessus de la bague & colier d'or
d'Hermion. Luy meime recite qu'en Fessa la plus renō-
mee & excellente ville d'Afrique, apres Chayrum, les
deuins predi sent tant exactement les choses futures par
quelques figures faictes sus l'arene, que ceux qui l'expē-
rimentent sont tous esbahis.

*Les deuins
admirables.*

*Comment les
iimens vul-
nerēes des
serpens sont
guaries par
enchantemēt.*

Or que la racine d'helebore cousue entre la chair & la
peau d'vne iument morse d'vne vipere ou serpent, la
puisse guarir, combiē que cecy soit digne d'admiration,
& que plus tost il appartient à l'art magique, qu'à la me-
decine des bestes, il a toutesfois raison euidente. Car en-
tendu que l'helebore a grande vertu d'attirer, elle reuo-
que & retire hors du cœur aux contraires orificēs des
arteres; les vertus du venin eparses de tous costez. Car
toute artere sensible, fors celle qui est aux poumons, a
vn orifice au cœur, & vn autre souz la peau. Par sembla-
ble raison autres matieres troublent l'esprit, comme la
lie du vin, l'herbe dictē apollinaris ou hyosciamus, vul-
gairement iusquiamē, la racine de la letue marine, di-
ctē tithymalus principalement de celle qui est dictē cy-
parissius ou cyparissias. Et pour ceste cause les oyseaux,
poissons & toutes bestes qui ont le cerueau imbecille,
sont priuees de leur propre sens & entendement. Car
aucunes bestes ont le cerueau imbecille, pource qu'elles
sont petite, comme les oyseaux: aucunes pour leur fri-
gidity, comme les poissons: aucunes pour leur imperfe-
ction, comme les rats & connins: pourtant si tu frapes

*Ce qui trou-
ble les bestes.*

vn conuin d'vn petit coup de la main sur la partie postérieure du col, il meurt subitement. Mais à peine ces matieres suffisent pour troubler les hommes, ains plus tost celles qui induisent & engendrent vn endormissement dict veterenus: & faut que telles matieres soient tres-humides & froides, autrement elles ne pourroient donner la cause d'vn dormir tant profond. Si tu n'entremesles guiere de ces drogues, elles ne causeront encor le dormir profond: si tu en mesles beaucoup, tu feras mourir l'homme: cela occupera plus tost le cœur que le cerveau. Il faut donc mesler à ces choses autres matieres qui ferissent legerement la teste. Telles drogues sont subtiles, afin que facilement elles se tournent en vapeurs. Et ce qui est subtil est fort chaud: il faut donc que ce médicament soit composé de matieres froides & humides, chaudes & subtiles. Et les matieres qui sont trop froides & humides ne peuuent se cuire: & ce qui n'est cuit, à l'odeur mauuaise. Et ce qui sent mal, quant il est ioinct aux choses chaudes & subtiles, moult il sent: car l'odeur est posée en substance subtile & en matiere chaude & seche. Toutes choses donc qui peuuent de soy-mesmes exciter & causer le dormir profond, sont congnues par leur forte senteur. Aucuns meslent quelques drogues avec le vin, par lesquelles l'esprit est blessé; mesmement quand l'homme est hors du long dormir, & qu'il est reuenu en son pristin estat. Pourtant ceux qui donnent tels medicamens, sont dignes de supplice & tourment, non moins que ceux qui donnent le venin & poison. Et souuent on les donne pour comettre aduultes. On peut aussi prouoquer le long & profond dormir par odeurs exterieures, quand on mesle les matieres tres-subtiles à celles qui causent le dormir. Et telles choses sont bonnes pour chasser la veillance des estudians: car les studieux & vieillards sont principalement vexeés des vigiles & de ne dormir point. La pomme donc composée du suc de pauot noir, dict *opium*, du suc cuit de mandragore, de lie de vin, & de zibetum, peut concilier & attirer le dormir doux & suffisant. Aucunes fois les choses bones se conuertissent en mauuaises. Quelque chevalier victorieux au cōffit de Padouë osta son heaume

Pourquoy les matieres qui causent le dormir profond, sentent mal.

La pomme qui prouoque le dormir.

*L'opium fro-
té au heaume
du cheualier,
le fait mou-
rir.*

*Quelles poi-
sons on peut
enseigner ou
non*

pour se rafraeschir: les enuiens, pource qu'il estoit de basse cōdition, frotterent le heaume par dedans du suc de pauot noir, dict *opium*, dont le cheualier mourut. Car la chaleur du heaume, mesmemēt les esprits auoient attiré tout ce qui estoit d'haleine pernicieuse dedans le heaume. Et les orifices des veines estoient ouuerts par la chaleur, pourtant incontinent receuē dedans les parties interieures, elle suffoqua le cheualier. Ainsi la vertu des drogues est par fois plus puissante à faire mourir, que n'est le crime du facteur. Aucun me peut obiecter qu'il ne faut enseigner telles choses. Mais l'aide est plus grande en enseignant de s'en donner garde, que n'est le peril en les declarant. Car celuy qui veut faire telles choses, ja il destine l'homme à la mort: celuy qui l'a ja fait, inuentera plusieurs manieres de nuire: & il est plus facile d'inuenter quelque chose, & de cheoir en la fraude préneuē, que totalement n'inuenter rien: en ces choses donc l'aide est plus grāde en les enseignant que n'est le peril. Mais si les poisons qui ne sont tant cognuēs, comme le venin qui tue du seul touchemēt, ou par seule petite odeur, comme ceux qui excitent la peste en iectant quelque poudre sus les habits de drap, ou si la vertu nuisante d'vne herbe incogneuē qui fait mourir, ou si vn venin qui occit par succession de temps, & n'est apperceu dēs le commencement, & generalement toutes telles drogues que l'on ne trouue promptement, si elles sont enseignées de quelqu'vn, il est pire par telle poison que n'est tout vn peuple qui exerce sa crudelité, contre vn seul hōme. Pourquoy dy ie vn peuple? cecy n'est-il pas le propre de tous meschans, de s'exiber & doner docteur & precepteur de telle chose? Et vn empoisonneur est pire qu'vn larron, d'autāt qu'il est plus difficile d'euitter & fuir les embusches & entreprises clandestines que les manifestes. Pourtant non seulement ie n'ay voulu les enseigner ou experimenter, ains n'ay voulu les sçauoir: entendu qu'il est grāde abōdance de choses vtilēs ou tu peux auoir recours & secours, quoy que tu viues autant que la Sibyle de Cumes. Et toutes fois ie n'ay mieux aimé experimenter ces choses pour cause de l'vtilité, que pour m'efforcer de ce faire. Mesmement ceux qui sont

oings de la gresse de Lion, qui est chose admirable, sont hors du peril des bestes sauvages, entendu qu'elles ont en crainte l'odeur du Lion, soit viuant ou mort. Et cecy principalement se fait, quand tu te presentes sans crainte: car si tu t'enfuis, les bestes sentent à peine l'odeur.

Pour n'estre au peril des bestes sauvages.

Par mesme raison le suc de raue fait, si tu en laues tes mains diligēment, que tu peux manier les serpens seulement: car ils craignent de mordre sentans l'acrimonie de l'odeur, ou par cest odeur ils meurent, ou demeurent sans force. Et les belletes & escureaux ayās mis la dent dedans les aulx, à peine osent mordre en l'aduenir: & ainsi sont appriuoisez. Cecy est incredible, que l'ergot du pied dextre d'un coq, donne la victoire: ou que le sang humain en 80. iours se condense & croist en forme humaine, est encor plus incredible: & encor plus, que ceste forme & figure mise dedans la farine d'orge par neuf iours, puis decolee, le sang qui en cole froté sus la face, rend l'homme agreable aux Roys, & amiable de toutes personnes. Qu'est-il plus absurd? Je trouue entre les secrets d'Agripa deux experiences de noix: (ayes autant de foy, qu'il en est deu alentour) la premiere experience est, que la noix enclose dedans vn poulet, le fait cuire trop plus legeremēt. La seconde, qui est poison, quand on prend vne aragne entre sa toile entiere & neufue, afin qu'elle ne se rompe, & qu'on l'enferme entre les escailles d'une noix, puis que les hommes sechēt en vne cuiller d'argent leur propre semence, avec vne partie de la toile, cecy est donné à boire, & contrainēt celuy qui a fait cecy estre aimé de celuy qui a beu la poison, autant long temps que l'aragne demeurera enclose entre les escailles des noix.

Pour manier les serpens sans danger.

Pour appriuoiser les belletes Et/ escureaux.

Outre-plus aucunes drogues sont venefiques & plaines de poison, sans mixtiō d'autre chose: le cerueau d'un chat & d'un lesard, le sang menstrueux d'une paillardie, vn serpent dict stellio & stincus, hippomanes. Ces choses plus tost troublent l'esprit, qu'elles ne contraignent d'aimer celle qui les a données. Souuent ces drogues sont cōposees des excremens, ou des bestes mesmes, qui sont engendrees de putrefaction, ou de la semēce humaine, qu'elle est la poison faite d'icelle semence, & de la na-

Les poisons d'amour.

trice d'une chienne chaude en amours, pourueu que le chien soit deuant elle, & qu'elle ne l'ait admis: car lors elle est comme furieuse & plaine de rage. Ils sont autres medicamens qui attirent en amour, lesquels ne sont mangés, pris aucunefois des habits de ceux qui sont morts, des chadelles, mesures, aiguilles, & generalemēt de toutes choses prises qui sont preparees pour cause des funerailles. Tels empoisonnemens & enchantemens venefiques differēt peu des venins, ne les matieres prises des excremens corrompus de ce qui est mangé, comme prises du sang, ou de l'vrine des lepreux quand le fromēt y a trempé, & quād les poules que l'on mange sont nourries de tel froment trempé. Aucunes poisons sont faites par touchement, dont i'ay parlé cy dessus. Et toutes ces choses different peu des venins. Le troisieme gerre des poisons est, qui se faict sans touchement, pris des excremens d'iceluy, auquel la poison doit nuire, ou pris des excremens de la partie d'iceluy, comme l'vrine, la matiere fecale, le sang, les rongnures des cheueux: ces choses sont encloues aux membres d'un chien, semblables à ceux desquels les parties ou excremens sont en l'homme, & sont fermez en l'os d'un homme mort, & enfouis au nom d'iceluy, aucuns à l'entree de la maison, aucuns aux chemins croisez, aucuns aux torrens & eaux courantes. Agrippa a rempli vn liure de telles matieres, homme né à tout mal, & pernicieux au gerre humain. Et si ces choses estoient vrayes, ie n'en eusse rien mis en ce liure: mais ie les ay adioustees pour reprendre la vanité & meterie d'iceluy, qui a escrit & composé vn liure de la vanité des sciēces. Ces choses donc sont vaines, & de nul effect, sinon celles qui sont données à boire, desquelles vn grand nombre est escrit par Agrippa au liure des poisons & venins. Et n'est aucune aide seure contre telles poisons, sinon de se garder, & preuoir à son affaire. Les autres poisons & enchantemens ne font de nuisance, si ce n'est par la proprieté de l'enchanteur, & par la debilité de l'esprit de ceux, à l'encontre desquels telles choses sont preparees pour ceste cause telles drogueris ne nuisent aux Princes, ny aux hōmes vertueux & forts, ny aux sages: mais aux femmes & petits enfans,

non à tous, ains aux plus viles & de petit estat. Et n'est le fait d'un homme de bien & noble de sçavoir, & enquerir telles choses, si ce n'est un homme de tant bon esprit qu'il ne face compte d'argent. Et de les enseigner, c'est le fait d'un meurdrier. Et jamais ie n'eusse admis telles matieres en mes liures, si elles n'eussent esté premier diuulguees des autres, lesquelles j'ay passees fort legerement, & sans les faire entendre.

Doncques en laissant ceste partie de magique venefique, quoy qu'elle soit naturelle, venons à celle qui est vtile. Toutesfois redarguons premier la vanité d'icelle en quelques ordonnances. Ils disent que si la matrice ou le membre viril est mesuré de la chandelle de cire

qui a esté portee aux funerailles, il n'est subiect à Venus. Le masse donc est reiecté du coit de toute femme: ou de celle seulement, pour l'amour de laquelle il est agité: si c'est seulement pour ceste femme, entendu que elle n'a que les parolles, les paroles auront vne force outre le consens des hommes: si il est engardé du coit de toute femme, il faut que ce soit perpetuellement, ce qui ne couient à l'experience, ou c'est pour quelque temps. Mais veu que rien n'est qui empesche la generation de la semence, ne l'imagination, ne la statuosité qui fait rendre le membre viril, il appert que cecy n'aduient qu'à quelq'vns, & non tousiours.

Premierment afin que ie reuienne à mon propos, ils attribuent grande vertu aux images, comme du Soleil aux magistrats, honneurs, & à la grace avec les Princes: de Iupiter aux richesses & amis: de Venus aux voluptez: de Mars à l'audace: de Mercure à ingeniosité industrielle: de Saturne à la patience des labeurs: de la Lune à la faueur du peuple. A la mienne volonté que ie puisse sçavoir ce qui pourroit en estre vtile à chacun. Je ne doute point que les pierres & la sculpture d'icelle ne profitent: mais la figure ne profite en rien. Ils estiment que le petit muguet dict *aster Samius*, ou *Atticus*, & la chaux esteinte au suc de mauue ou de mercuriale, peuuent faire que le feu ne nuist & ne blesse les mains qui en sont frottees. Ils certifient qu'après qu'un crapaut est mort par le sel, si le sel est dissout en l'eau, &

si vne chemise est lauee en ceste eau, que celuy qui la vest, deuiet fort rongneux & galeux. Ces choses, ou elles sont totalement vrayes, ou en quelque partie, ou vray-semblables. Je sçay certainemēt vne femme auoir esté guarie de la douleur des reins, en portant l'image d'vn Lyon faicte d'or. La raison, il faut la demander du ciel. Certes aucunes choses semblent estre plus vrayes qu'elles ne sont: aucunes le sont plus qu'elles ne semblēt & demonstrent.

De ce dernier gerre est l'experience donnee de Boëtius assez diuulguee, laquelle i'ay veüe souuent en passant temps. En prenant deux harpes ou deux luths, ou tu mettras vn sus le bois, premierement accordé en estendant ou en laschant les cordes: apres tu mettras vn petit festu sus la seconde & premiere corde de celuy qui a les cordes en haut: & tu tendras la premiere corde du luth que tu tiens en ta main: quand il rendra le son egal à celuy qui est en l'instrument couché sus le dos, incōtinēt le festu sautera, comme s'il estoit touché de quelqu'un: & par ce moyē la partie du festu transportée par chacune corde, tu réduiras les instrumens de musique par merueilleux artifice en egale consonnance, ains en semblable, & d'vn mesme son. Il semble q̄ la cause de tāt grand effect, ayt esté incogneue. Est-ce pource que non seulement la corde saute quand elle veut rendre vn son egal: ou pource que l'air ayant egale vertu, non plus remis q̄ plus incité, peut le faire sauter? On dira que cecy n'est vray, veū qu'en vne corde menüe, l'estente plus lache apte à rendre le son egal, peut mouuoir: & l'extension egale ne mouue point & ne faict sauter quand le son est inegal. Cecy me semble aduenir, pource que l'air mouué excite tousiours vn son aux cordes, quoy qu'on ne l'oye point, Mais quand le mouuement est egal, l'air se consent en vn mouuement, pource qu'il est mouué par mesme moyen & mesure, & ne resiste aucunement au mouuement: pourtant l'air entier & pur, est apporté à la corde nō mouuee par la force mesme qu'il est mouué, & mouue presque par tant grande force qu'il est mouué. Et selō mon iugement autre raison de cecy ne peult estre excogitee plus vraye & plus subtile. Aucu-

Comment vn festu saute sus les cordes d'vn luth sans estre touché.

nes choses sont, qui sont moins vrayes qu'elles ne se monstrent, comme la pierre qui est allumee seulement par la salive: elle est composee de trois liures de chaux viue, de trois onces de poix Grecque, & d'une once de la pierre d'aymant: le tout est cuit en vn pot ou creuset de terre bien fermé, & couuert de tuiles, puis est mis dedans l'huile de laurier par quinze iours: apres on le garde en lieu sec. Cecy à moins de verité, pour ce que ceste pierre ne s'allume tousiours: mais les cordes d'une harpe reduites en equalité, tousiours mouuent le festu, & toutesfois cecy qui est dict de ceste pierre, a cause plus euidente de son effect.

La pierre qui est allumee par la salive.

Plusieurs choses semblent admirables, desquelles quant tu cognois la cause, toute admiration cesse: comme le soufre egalement dissout avec la cire, la rend inextinguible: & faut que le soufre soit bien pur. Sèblablement aussi si vne chandelle enuironnee de la poudre de soufre, & de charbon est mise en l'eau au temps d'hiver, couuerte de papier en la partie superieure, & qu'elle soit pendue ou la goutte d'eau tombe qui se couuertit en glace, finalement ceste chandelle sera enuironnee de glace espesse, & lors elle bruslera, si on l'allume, & par grand merueille la glace semblera brusler aux assistans. Pareillement les cordes de harpe, ou de luth iettez sus la chair chaude, se retirent & teurdēt, & semblent estre petits vers. Symeon Sethi recite que la meche d'une lampe mise dedans l'encre faicte d'une seche, dictē sepia, en adioustant du ver-degris, dictē arugo, allumee sans autre lumiere, mōstre & represente toutes choses, en partie noires, en partie verdes. J'ay monstré telles choses cy dessus, quād i'ay traicté de la clarté & lumiere. L'eau distillee des capres rend le poil & les cheueux vrayement verts.

Chādelle que on ne peut esteindre. Vne chandelle deglacee qui brusle.

Entre les experiences vrayes & naturelles ce n'est absurd d'y referer cecy, que tous fruiçts sont trāsferrez en toute forme, principalement les grands fruiçts & qui n'ont de noyau, comme les pommes, poires, coings, grenades, concombres, courges, melons. La maniere est telle, fay la forme que tu veulx en bois de la grandeur du fruiçt parfait: mets alētour de ce bois du plastre desfait

Pour faire que la chair semble estre plaine de vers Pour faire choses noires & verdes. Pour rendre les cheueux verts.

Pour faire prendre telle forme aux fruiçts que l'on veult.

en l'eau l'espeſſeur d'un petit doigt, qui ſoit diuiſé en deux: tu oſteras hors du bois ceſte figure ſeche, car legerement elle ſe ſeche, & tu l'oſteras facilement, ſi premierement tu frotes d'huile le bois: lie droitement alétour du fruit croiſſant, qui a excédé ja la moitié de ſa grandeur cōplette, ceſte forme & figure creuſe arrachée du platre, & diuiſée en deux, & là laiſſe le fruit, tant qu'il ſoit parcu: tu auras le fruit de telle figure que le bois auoit eſté dolé & engraué, & eſt licite d'y eſcrire tout ce que l'on veut: cōme vrayement tu y peux dire & eſcrire cecy. Croiſſez, & vous eſleuez en mon tiltre & hōneur. Vne autre experiēce enſuit par autre moyē aux racines, nō à toutes. Il faut prendre des racines fort grandes & viues, cōme de la vigne blanche, dict bryonia, & celles qui ſont plaines de bois, à fin qu'elles durent plus long temps: on peut auſſi experimēter cecy en tout gerre de nauets, & en la raue. Doncques en figurant ces racines, tu les enfouiras dedans terre, tant qu'elles ayent vne cicatrice. Ainſi de la vigne blanche la figure ſe conuertit en forme de mādragore en faiſant les parties genitales du maſle, & de la femelle. Meſmement on adiouſte des cheueux aux grains d'orge ſemez, cōme l'on dit, iouxte

*Comment on
faict des let-
tres au corps
humain que
l'on ne peut
effacer.*

le bout de la racine, en ſorte que les plâtes ſont plâtees. Les corps humains ſont auſſi formez de figures comme natiues en comprimant l'enfant des le commencement. Et ſi tu veux quelquefois eſcrire nouuelles figures, facilement tu le feras aux eſtuues, ou au bain, en coupant d'un raſoir le deſſus de la peau, ſi premierement vne figure eſt peinte d'encre ſus la peau, apres tu répliras les fentes de vermillō, ou de couleur perſe, ou de terre ayant couleur telle que tu la veux, & incontinet pour cauſe de la chaleur, la peau ſe forme en image, en attirāt la couleur: autrement, cōme j'ay experimēté & ſans bain. Tu permettras vn iour naturel les cantarides eſtre meſlees & deſtrempées à l'eau de ſeparatiō de l'or: puis tu eſcriras d'une petite plume en la peau, ou les lettres ou la figure que tu voudras, en ſorte que les veſtiges & merques de l'eau demeurent: incontinet les veſties blanches ſortiront aux lieux que l'eau de ſeparation aura touchez & occupez. Ces choſes ainſi faictes & con-

solidees en vn iour, vne cicatrice blanche s'eleuera perpetuellement, laquelle est indelebile & ne peut estre effacee, sinon par force & violence, represente vne figure peinte exactement. Et à fin que ceste demonstratiō soit euidente, i'ay bien voulu adiouster quelque peu d'exemples. L'eau forte ou de separation est telle de fait, entēdu qu'elle ne requiert le feu pour fondre l'argent. Les cantarides par puissance rendent la peau en viceres. Il a esté démontré aux liures precedés, que les choses qui peuuent faire par puissance, donnent toute leur force aux autres matieres qui ont l'effect, quand elles sont coniointes. L'eau donc de separation abbreuuee de la force des cantarides, fera vlcération, & ce fera incontinent, pource qu'elle est rendue telle que sont les cantarides, quand ja long temps elles ont tenu à la peau, & ja ont commencé de faire operation par la vertu de la chaleur naturelle, & lors qu'elles ont ja commencé d'operer elles operent. Telle est la demonstration. Semblablement les corps maigres des enfans sont engresscz, en attirant petit à petit la chair hors de la peau: car la nature de l'enfant croissant ne laisse rien vuide. Mesmement cecy est vtile à ceux qui sont ja grands. Et certes ces choses sont naturelles.

Ceste metamorphose & transmutation des figures est vraye. Vne autre est des substances, comme quand nous voulons faire vne pierre dicte pyrophil. Nous laisserons deux liures du sang humain pourrir souz le siens de cheual l'espace de quinze iours: puis nous garderons l'eau tiree de la distilation faicte en vn vaisseau de verre: nous secherons sus les charbons ou brasier, la lie mise en vn vaisseau appellé communément vn creuset, en Latin *crucibulum*, auquel les metaux costumierement sont fondez, iusqu'à ce que ceste lye se tourne presque en chaux. De rechef nous meslerōs ceste chaux mise en vn vaisseau de vitre à l'eau qui a esté mise en reserve, & par petit feu & lent, nous ferons tourner ceste chaux en pierre, ou par feu vehement, comme les tuiles; ou nous laisserons le tout enfouy (comme dict est) s'assembler & condenser. Agrippa recite en son liure des poisons & experiēces, ceste pierre estre rouge & splēdide.

La maniere de faire du sang humain la pierre dite pyrophilus qui aime le feu, & faicte par le moyen du feu.

Les liures de
Agrippa qui
ne sont encor
imprimez.

De toutes
plantes peu-
nent venir
vers ou ser-
pens, quand
elles sont
pourries au
fiens de che-
ual.

I'ay veu ces liures ioints au quatriesme de la Philosophie occulte, & ce quatriesme est intitulé, la Pratique des choses qui sont monstrees aux trois autres premiers liures & aucun d'iceux n'est encor imprimé.

Par mesmes preceptes la permutation peut estre faite des plantes & parties des bestes en pierres. Et presque tous les gerres des herbes & plantes, sont trâmuez en diuerses especes de vers ou serpens qui ont diuerses formes & propres vertuz. Et nous l'appellons la grâde metamorphose & transmutation. Car entendu, comme i'ay monstré cy dessus, que l'humeur gras est separé du terrestre en la putrefaction, & toutes choses qui peuuent pourrir, pourrissent, comme les herbes, les fueilles des plantes, la chair, les œufs le lait: quand ces choses sont mises dedans vn vaisseau de vitre, on les enfouit dedâs le fiens de cheual, qui est encor tout fumant: il est necessaire que telles matieres ainsi enfouyes, separât l'humeur gras, par lequel separé, vne beste viuante est engendree. Et ceste generation ne peut estre empeschee, sinon de l'excrement aduste, quand il demeure meslé à l'humeur gras.

Aucunes choses semblent ne pourrir point, comme les ameres & acres, lesquelles n'engendrent aucune beste: pource que cecy aduient tant lentement, que ce qui est d'humeur gras est premier euaporé qu'il soit separé. Car, comme il est dit, toute generation consiste en la separation de l'humeur gras & du terrestre. Pourtant telles matieres ameres & acres plustost se flattrissent qu'elles soient pourries. Et les choses ameres pourrissent plustost que les acres: car on trouue plustost des vers en l'aluine dicté *absinthium*, qu'aux aux & oignons. Car tout ce qui nous semble amer, ne semble amer aux bestes. Tesmoing en est ton Poëte Mantuan, disant des cheures. Vous prendrez les saules ameres. Et le zinzembre quand il se pourrit outre ce qu'il est gras, il est mesmemêt amer. Et la variété de la matiere des choses qui pourrissent, est cause de diuerses formes des animaux soient engendrees. Si doncques les choses qui different en forme, differēt aussi en espee, & si les choses qui differēt en espee, differēt en vertuz & en accours, & si les cho-

choses engendrees de diuerſes matieres different auffi en forme: il eſt neceſſaire que ce qui eſt engédre de diuerſes matieres, ait pluſieurs & diuerſes vertus, comme il a eſté dit cy deſſus des guepes & abeilles. Aucunes-fois d'vne meſme matiere, neantmoins que la cauſe efficace ſoit diuerſe, ſont engendrez diuers gerres d'animaux: comme les gouſtes d'eau en Eſté engendrent les puces en noſtre païs, & auffi elles ſont incontinent conuerties en petites grenouilles verdes en Darié province du nouveau monde. Pourtant ce ne me ſemble choſe abſurde, que quand quelqu'un eut craché, en demie heure il monſtra des petites grenouilles au lieu de ſon crachat. Car i'ay moſtré que la nature humaine enſuit tout ce que la nature de l'air peut faire. Et peut eſtre que ceſtuy-la eſtoit aidé en mangeant quelques drogues, cōme la cédre des grenouilles, ou quelque partie d'icelles. Car aux beſtes qui ſont engendrees d'un amas de putrefaction, nous auons monſtré que la generatiō d'icelles eſt facile, & qu'elles ſont engendrees de leurs propres ordures & putrefactions. Ainſi donc par moindre choſe, à fin que ie ne die cecy n'auoir eſté fait ſans miracle, les magiciens ont conuertiy en la preſence de Pharaon, les verges en couleures & ſerpens. Dōcques les matieres ont merueilleuſes proprietéz, & les regiōs auffi. Creſte ne nourrit aucunes beſtes venimeuſe, & routesfois elle eſt tepide. La cauſe en eſt, pource que l'aliment n'y eſt ou l'air l'empesche pour les mutations: car les bonnes odeurs empeschent leur generation, & leur ſont vne mort. La rue, dictē ruta, neātmoins qu'autres pluſieurs drogues ſoient plus astringentes, & ſoient plus chaudes, elle corrobore excellentement le ventricule & tous les inteſtins. Les feues corōpent l'air proche, cōbien qu'elles ne ſoient nuifantes, ſi elles ſont manges, ains par quelque propriētē elles arreſtent les deſfluxions qui viennent de la teſte. Et neantmoins que les proprietéz du fruit & de l'arbre ſoient diuerſes, & meſmement les proprietéz du fruit verd, & de celuy qui eſt ſec, la feuē toutesfois n'eſt tant humide qu'elle puiſſe corrompre l'air. En noſtre païs on a cognu & experimētē que les vers appelez bombyces, nuifent plus

*Les gouſtes
d'eau en air
corrompu de-
uiennent gre-
nouilles ver-
des.*

*Crete, dictē
Candie, ne
nourrit be-
ſtes enſen-
mees.*

*Pour corro-
borer le ven-
tricule & les
inteſtins.*

*Les feues cor-
rōpent l'air.*

& corrompent plus l'air que les feues. Telles bestioles & tous gerres de vers, mesmement les locustes ou sauterelles corrompent l'air pour cause de leurs extremés, & de l'odeur de l'humeur gras, car cy dessus nous auôs monstré que telles bestioles ont abondance de tel humeur. Les feues entre les graines ont abondamment de cest humeur gras: on le void par la frequente generatiõ des mouches en icelles. Pour ceste cause les pois seront de telles sorte. Plusieurs choses donc, ce qui a esté dict souuent, sont de cause certaine, aucunes d'incertaines. Les citrons ou pommes d'orenges pourrissent subitement par la chaleur du pain, neantmoins qu'ils ne soiët corrompus par autres choses trop plus chaudes. Car telle chaleur de pain, entendu qu'elle est humide, ne peut secher, & pource elle pourrit & engendre putrefaction. Pour ceste cause la chaleur du pain ayde toutes autres matieres pour faire pourrir, aucunes plus, aucunes moins. Semblablement aucuns trouuent chose merueilleuse, que la garence, dicte rubea ou rubia ou erythrodanum, tenuë en la main des teinturiers, teint l'vrine, lesquels ne sçauent que les cantarides, prouoquent l'vrine teinte de sang, & excitët l'ardeur d'icelle, sçauoir est par cõmune proportiõ: pource que telles choses sont mises en operation par la chaleur de la main, & quand elles sont deduites en operation, elles sont portees depuis les orifices des arteres iusqu'à la vessie. Il valoit mieux donc enquerir ce qui ensuit de ces choses. Premièrement, puis que ce medicamët penetre tant facilement les parties subtiles, il est necessaire de l'auoir: puis, entendu qu'il descend en la vessie, il faut qu'il ait quelque chose cõmune avec la nature de la vessie, & que seulement il paruiene iusqu'à elle: si ce medicamët est ioint à vn autre, facilement il pourra deduire leur force à la vessie, & interieurement par tout le corps. Telle inquisition, outre qu'elle est belle elle est vtile en plusieurs choses. Afin que ie procede petit à petit, la raison d'aucunes choses est assez obscure, comme que les bestes nuisibles qui sont aux herbes bonnes à manger, sont chassées par l'eau qui a esté au Soleil dix iours des grandes chaleurs. Le frere du Roy de France le plus ieune estoit malade

*Les citrons
ou pommes
d'orange pour
rissent en met
tant du pain
chaud dessus.*

*Pourquoy la
garence tenue
entre les mains
des teintu-
riers teint
l'vrine.*

*Alencontre
des chenilles.
Vne cure pro-
digieuse du
frere du Roy.*

d'une vlcere tresmauuaise & treslaide: il fut guarý par le soufflement perpetuel d'un enfant aagé de douze ans.

Et ce non sans raison, car le soufflement de l'enfant qui *Pour engres-*
ja estoit d'un age ferme, procede par du cœur & peut *ser les homes.*

corriger les humeurs corrompus. Si tu mesles la farine de froment avec le suif de lesard, avec le halinitrum, avec le comin dict cyminum, les poules engressees de telle viande, engressent les hommes qui les mangent, en telle sorte qu'ils fendét de gresse. Et ces choses sont selon nature, pource le plus souuét elles sont vrayes. C'est autre chose d'estre plus souuent ou frequemment vrayes, que d'estre les plus vrayes: car les choses qui sont selō nature sont tousiours les plus frequemment vrayes, non tousiours les plus vrayes, comme de la pierre d'aymāt, dictē lapis herculeus. Et cela est dit remot & loing de nature, qui a totalement les causes obscures & difficiles, cōme de la partie d'ou vient le vent: la corne, ou matiere fecale bruslee d'un buffle, engarde (cōme on dit) les plantes, arbres, & blez d'estre gastez de la nielle, dictē rubigo. Cecy est incredible, que le baselic mis sous vn plat, ce ne cognoissant la femme, empesche qu'elle ne peut prēdre quelque viande du plat. Mon inuention est plus vraye: demie once du suc de baselic beu avec demy scrupule de safran, est tres-vtile à ceux qui ont courte haleine. Je pourrois reciter toutes choses innumerables en ce gerre, desquelles l'origine incogneue donne grande admiration, & non seulement aux plantes, animaux, & hommes, ains, cōme i'ay dit aux regiōs, terres, eaux & operatiōs. Neantmoins que la douleur de la goute sciaticque soit tres-vehemente, elle est souuent guarie par la musique. Est-ce pource que ceste douleur, entēdu qu'elle n'afflige vn des mēbres principaux, est appaisēe quād les esprits sont trāsportez autre part pour cause de la delectatiō, puis la cause de la douleur est destournee cōmunemēt par la chaleur cōfirmee.

Les pigeons sont attirez & amorsez par ceste viande, *L'amorse des pigeons.*
pren soixante liures de millet, six de comin, dix de miel, vne de coq ou poiurette, dictē costus, cinq liures de la semence de vitex, dictē agnus castus: toutes ces drogues sont cuites en eau, tant qu'elle soit consumeē; puis

on adiouste de bon vin, tât qu'il suffit, avec quinze liures de vieil ciment: lors on fait vn mouceau au milieu du coulombier, quand les autres pigeons ont senty l'odeur par ceux qui en ont mangé, ils viennent au coulombier, & attirez par la suauité de la viande, ils ne veulent plus laisser ce coulombier.

*A sçauoir si
aucuns poi-
sons ont ver-
tu.*

Vne grande doute est faite des poisons sans viande. Vn sacrifice estoit fait en quelques nations à l'ydole Molochus, par lequel quâd le Royeut immolé son propre fils aux murs il empescha que les Iuifs ne prissent la ville: aux Romains ils estoient appellez Histeropotmi, c'est à dire, prenans le sort de ceux qui naissent, pource que quâd ils estoient absens, les sacrifices estoient faits aux dieux infernaux pour eux, côme s'ils eussent esté morts. Et s'ils n'entroient par les tuilles, ils estoient estimez finir leur vie par force. Plutarchus est auteur de cecy en ces Problemes. Luy-mesme recite Acteius tribun & procureur du peuple, auoir prononcé aux dieux infernaux incantations & parolles d'enchantemens execrables contre Ma. Crassus. Aux Chrestiens, au lieu des imprecations que l'on dict auoir perdu M. Crassus, sont les preceptes de la vee Iosaphat, par lesquels publiquement il est interdit & defendu de ne contraindre à la mort dedans vn an ceux qui sont estimez coupables, & qui nient leur debtes, ou qui ne peuuent estre contrains pour leur puissance. Cecy, comme i'enten, est fait au champ ou village dict Bergomensis. Aucuns ont imploré ayde & secours de l'artifice, non des dieux, comme celuy qui met vn colier ou carquan fait d'acier comme diamant, au col de son debteur, qui ne peut estre osté, sinon de celuy qui l'a mis. Depuis peu d'ans par telle fraude nostre citoyen Zafarõnus est mort, circonuenue par son creditur, quand il eut mis ce colier plus estroitement qu'il ne vouloit.

*Vn colier dur
& fort com-
me diamant.*

Or ie reuien aux poisons & enchantemens venefiques. Aucuns allument vn cierge en la maison de leur ennemy, & le trãsportans au prochain tẽple, vsent d'execrables imprecations, par lequel moyen on croit que Gaspar Vicomercatus nostre gouverneur mourut. Le diray ce que i'en pense. La crainte ou l'espoir de celuy en-

contre lequel est conuertie la poison & enchantement, moult profite en cecy, mesmement la constante fiance de celuy qui faict ceste poison, & si quelque chose est astioustee outre les parolles, le cas fortuit, & fortune moult y profite aussi: finalement quelque chose occulte, qui est propre non seulement à chacune espece, ains de cest homme, ou de cestuy-la.

Je trouue en Arrianus historien fidele au septiesme liure des gestes d'Alexandre, auant qu'Alexandre mourut, Pythagoras frere d'Appollodorus auoit immolé vn foye trouué sans sa partie supérieure. Chose semblable luy estoit aduenue sacrifiant pour Hephestion, & peu apres sacrifiant pour Perdicca & Antigonus: chose mesme estoit aduenue aux autres sacrifiants pour Cimon, desquels tous la mort ensuiuit incontinent. C'est chose admirable qu'ils disent du cœur en la mort de Cesar dictateur. Arrianus mesmemēt recite les Caldees auoit admōnesté Alexandre qu'il n'entraist en Babylone, pour ce qu'elle luy estoit fatale, & nuisible: pourtant incontinent qu'il y eut entré, il sortit, & contempla la fosse du fleuue Euphrates, dictée Pollacopa. Aucuns disent les Caldeens auoir feint par fraude ceste deuinacion, pour ce qu'ils estoient accusez d'auoir pris grand argent.

Pareillement nous auons en nos ongles quelques vestiges des aduentures, & mesmement en noz dents. En aucuns les marques des ongles demōstrent les aduentures: en aucuns elles signifient seulement vn espoir vain: mais cecy est fait selō la nature de la main & des doigts ou sont faites telles marques: & selō la nature des couleurs & mutatiōs d'icelles. Les marques au pouce signifient hōneurs & voluptez: au doigt voisin du pouce, dit index, les marques signifient le gain: au plus petit doigt sont denoncez petis negoces & affaires: à celuy du milieu sont denoncees les cogitations & labeurs: à celuy qui est dict ennulaire, les marques denotent dignité: les marques noires renuersent la dignité, & denoncēt calamitez: les blanches denotent felicitez: les grādes signifient grandes calamitez ou felicitez: les nitides monstrēt les manifestes: les petites denōcent petites choses. Les marques obscures signifient que les felicitez se di-

Exemples des deuinacions faites par les entrailles.

Que signifient les marques des ongles.

minuent, & aucunesfois que les calamitez s'augmētent. Telles marques promettent aux vieillards, & à ceux de petite force, vn espoir pour le faict. Les marques noires denotent crainte, nō toutesfois tant frequētemēt vaines, comme les blanches marques signifient frequētemēt l'espoir vain. Car nature humaine est plus encline à mal qu'à bien. Et les aages & les maladies peuuēt empescher le bien, & les appellent & font venir le mal.

Toutesfois quand vne marque est splendide par rayōs, elle promet quelque chose plus que l'espoir ou crainte: la marque des ongles de la main dextre dōne bō espoir ou crainte par industrie & ingeniosité: la fenestre par fortune, si quelqu'vn n'a la main fenestre la plus ferme & forte, & telles marques denotent le temps du cōmencement, quād elles apparoissent en la racine de l'ongle, & monstrent le temps de l'effect quād elles sont paruenūes iusqu'à l'extremité de l'ongle. Il y a differēce entre l'espoir, la crainte, & l'effect, pource qu'aucunes tāt plus procedent & vont en auant, tant plus reluisent & sont augmentees: les autres se diminuent & s'euanouissent. Et le temps de la mutation de toute la partie de l'ongle qui apparoit, est de quatre mois iusqu'à sept: il est plus difficile de coniesturer le temps de toute la mutation mais, comme ie pense, il peut paruenir iusqu'à vn an.

La mutation de la partie des dents, sçauoir est, de la partie qui est prominente à la genciue, est presque faite en sept ans: la mutation de toute la partie des dents est faite à douze ans, ou peu moins. Mais cōme cecy peu demeure, ainsi est il peu profitable. l'ay obseruē cecy aux femmes, en la mere, & en la fille: la mere auoit vne marque, la fille en auoit vne telle toute rōde, les deux marques estoient blanches comme neige: six ans ou enuiron sont passez depuis que la marque fut sortie de la genciue iusqu'à ce qu'elle s'euanouit, la dent estant brisēes. Ces marques promettent en aucuns l'espoir, en aucuns l'effect, & cecy plustost ou plus tard: comme la mere eut vn maty noble, la fille eut seulement l'espoir d'en auoir. Dont il est manifeste que l'augmentation des ongles est deūe à la Lune, & des dents au Soleil. Pourtant ceste obseruāce n'est superstitiense. Car telles

marques sont faictes des causes mesmes dõt nous sommes aidez, sçauoir est, du Soleil, & de la Lune. Tels vestiges & marques apparoissent principalement aux ongles & dents, pource que plus facilement les marques y sont imprimees, pour cause de la splendeur & perspicuité d'icelles parties. Car il est certain que les personnes auxquelles telles choses aduiennent, ont l'ame ou l'esprit fort industrieux & ingenieux, comme il est dit de ces deux femmes. Et les macules & marques des dents promettent le plus quant à la nature, pource que elles sont referees au Soleil, comme celles des ongles, quant à fortune, pource qu'elles sont referees à la Lune. En obseruat ceste diuination elle m'a semblé plus vraye, qu'aucunes des autres, & m'a grandement profité. Car la diuination semble estre autant profitable qu'il est licite par le fatal. Je trouue qu'Artesius a escrit plusieurs choses des gerres de diuination, lesquels i'ay transferez en mes liures de la Varieté des choses.

Le liure d'Artesius de la diuination.

Telles artificieuses subtilitez sont faictes en ce gerre: comme ceux qui escriuent dedans vn œuf tout ce qu'ils veulent, pource que l'escaille est penetrable, & reçoit les couleurs. Fay vne masse des noix de galle, brisees avec alun & vinaigre: puis escry de ceste liqueur ce que tu veux escrire sus l'escaille de l'œuf: & apres qu'il est seché, mets le dedás la saumure: ou enuelope l'œuf de cire, & en escriuant les lettres d'vn toucher pour faire ouverture en la cire, & que les lettres demeurent, sus lesquelles la liqueur demeure: fais cuire l'œuf, quád il est sec, iusqu'à ce qu'il soit dur: puis arrouse le de fort vinaigre: par ce moyen les lettres penetrét l'escaille, lesquelles tu verras en l'œuf quand l'escaille sera ostée. Car le vinaigre amolit l'escaille de l'œuf, en sorte qu'õ peut le mettre dedans vn pot bien estroit, & l'eau l'endurcit. Si i'escry la raison de ces deux experiences, ie rédray premierement la matiere digne d'estre traictée, & descouuriray le chemin pour trouuer les autres experiéces de ce gerre. Ce que l'escaille de l'œuf est mollifiée par la force & vertu du vinaigre, il aduient, pource qu'elle a grâde multitude des pores & petits pertuis insensibles: car ceste escaille sue & rend humeur: elle boit donc, &

Pour escrire dedás vn œuf ce que lon veut.

Les œufs sont amollis par le vinaigre.

attire l'humour. Le vinaigre est de substance subtile, il penetre donc l'escaille de l'œuf. Et entédu que l'escaille de l'œuf est condensée du froid, & qu'elle est de substance subtile, elle sera dissoute de l'humour. Et l'eau pour la trop grande frigidité espreint ce qui est d'humour subtil contenu en la substance, & congele ce qui est de reste : pourtant l'escaille de l'œuf qui estoit amollie au vinaigre s'endurcit en l'eau. Quand donc tu auras fait vne liqueur de noix de galle & d'alun avec le vinaigre, le vinaigre reçoit la force des noix de galle, & de l'alun : pourtant par les lettres escrites, le vinaigre penetre dedans l'œuf par les petits pertuis de l'escaille. Au blâc de l'œuf la galle laisse la couleur iaunastre : mais l'alun empesche que la galle ne soit bruslée : la couleur donc adherera plus fort, & tiendra plus vehementement, quoy que le tout soit seché en la saumure : ainsi la forme des lettres demeurera constante & ferme : puis on verse le tout en fort vinaigre, afin que ce qui a esté en la saumure, soit transferé plustost de l'escaille au blanc de l'œuf : ou si l'œuf est cuit au feu, qu'il attire dedans le reste qui est demeuré en l'escaille : certes il aduiét que par la force du premier vinaigre la figure se penetre dedans l'escaille, non pas que totalement la plus grande partie penetre iusqu'au blanc de l'œuf, pour cause de la paucité du vinaigre. Secondement la figure est transferee à la superficie du blanc de l'œuf : car tout ce qui est participant de l'acte, reçoit l'image de ce qui est par effect : & transfere ceste image, si ne la corrompt. Les figures en effect sont par le feu ia en l'escaille : & le vinaigre est acre par effect : car comme il a esté môstré, il dissout l'escaille de l'œuf sans chaleur : le vinaigre d'oc porte l'image & figure des lettres au blanc de l'œuf, & efface celles qui sont en l'escaille, en sorte qu'elles ne sont veües. Quand donc tu auras osté l'œuf de l'escaille : ou que de rechef vn autre par imprudence aura cuit vn œuf, les lettres apparoiſtront clairement en ostant l'escaille, les images & caractères retenus par la vertu de l'alun.

Or en laissant ces matieres, il conuiet retourner aux vrayes experiences. Ces choses sont de trois gerres : aucunes sont par songe, aucunes par ectase & esbahisse-

ment, aucunes sont en pure veillance. Le dōneray exemple de ces trois. Souuent i'ay esté admonesté en songeāt d'escrire & composer cest œuure diuisé, comme il me sembloit, en 21. parties: les matieres traictees estoient diuerses: & enuiron le milieu estoit contenu quelque chose de Geometrie, puis par tout l'œuure estoient diuerses & nouvelles disputations fort elegātes, & de choses vrayes, par grand ornatuure de langage avec quelque obscurité delectable, & lors pour la continuité du stile, & pour la subtilité des raisons, la matiere me sembloit presque diuine, & i'effoy tant espris de voluption & grād plaisir en ce songe, que iamais ie n'en senty vn pareil: il me sembloit que ie fusse rauy hors du sens: & apres ce songe mesmement la recordation de tel plaisir me delectoit merueilleusement: i'ay cognu l'argument qui traictoit de toutes matieres: i'ay cognu le nom du liure: i'ay cognu la marque subtile & belle: de loing le liure me sembloit estre imprimé, & qu'aucuns exēplaires estoient ia en la ville. Trois choses ne conuiennent icy: car ce liure ne me sembloit estre mien, ains d'vn autre: & la magnitudo me sembloit trop plus grande, & le style plus elegant que le mien. Peut estre que ces choses seront muees en mieux, ou elles seront plus grandes, ou plus belles, & d'vn ordre changé, comme il aduient aux miroirs ces choses mesmes estre ainsi veües: ou pource que le songe augmente aucunes choses, & diminue les autres: car le songe augmente l'espece des douleurs, qui ne sont encor commencez, & diminue l'espece des maladies qui ia nous affligent. Quand donc cecy me fut aduenu souuent, i'ay premierement commencé vn petit liure de quatre fucilles: apres ie l'ay augmenté iusqu'à sept: puis iusqu'à trentecinq: ces imaginacions ce pendant ne cessantes, ne la delectation qu'en lisant ie prenois en ce songe: & ce songe me reuenoit tant plus rarement, que le liure s'augmentoit: finalement il a esté augmenté iusqu'à cinquante sept fucilletts, puis iusqu'à septante six, & lors fut premierement imprimé, en y adioustant la table. Toutesfois pource qu'il sembloit la moitié plus petit que celuy qui m'estoit apparu au songe, i'ay pensé qu'il falloit le parfaire de quelque autre

Cest autheur fut admonesté par songe de composer ces liures.

Ce que le songe augmente ou diminue.

*Commēt cest
auteur a
parfait son
liure.*

matiere. Car ce mesme liure auoit ia esté imprimé trois fois, premierement à Norimbourg, secondemēt à Lion, & tiercement à Paris. Et lors que ie trouuay de coup d'auenture le dire de Galien, par lequel la methode & maniere de parfaire les liures est donnee, en prenant de rechef l'argument, comme si ie voulois faire le liure de nouveau, ie l'ay parfait ensuyuant la methode, augmenté presque d'autant qu'il estoit grand en la premiere edition ou impression, aidé presque de mesmes aides qu'auparauant. L'augmentation est de cinquante six fucilles, & tout le liure de 132. Maintenant apres que la table a esté adioustee, il differe peu, comme i'estime, de celuy que i'ay veu par songe. Et ne puis plus l'augmenter, quand or ie le voudrois: premierement pource que l'ordre est complet, puis pource qu'il faudroit refondre tout le liure dés le commencement, ce qui me seroit non seulement dommageable, ains impossible. Si toutesfois les trois liures de la Varieté des choses estoient adioustez à ce liure, lesquels sont d'vn mesme argumēt, lors totalement le caractere, la grandeur, & le lieu des figures mathematiques, qui maintenant n'est au milieu, ains en la fin du liure, exactement respondroient & cōuiendroient à celuy de mon songe. Car il sembloit estre egal en magnitude au liure de Pline, qui est de l'Histoire naturelle, ce que ie lisois en songeant. Consequemment en ceste derniere correction, i'ay consumé trente-sept mois, qui est vn mois plus que trois ans. Doncques la vertu des songes a tant grand pouuoir en aucuns. Et certes ce ne me semblent songes, ains quelque chose plus grande, comme ce dont i'ay esté admonesté à escrire & composer, duquel i'ay fait insculper l'histoire derriere nos images d'airin: & ce mesmement par lequel i'ay veu la mort de nostre amy Alciat, peu de iours auant qu'il mourut: & ce par lequel il me sembloit que ie fusse au ciel: & par lequel les liures de la Varieté des choses m'ont esté monstrez. Mais ces choses sont propres à nostre race, & prises comme de droict hereditaire des parens, & de pere & de mere. Car mon pere la nuit precedente, le iour qu'il fut pris de peste, fut aduertiy en songe que la peste le prendroit le iour succe-

dant. Ne les serrures, ne les verrouils sont assez puissans pour euter l'expectation du songe. Et ma mere ayât encor deux enfans viuans, & restant de six, moy excepté, la nuit qu'ils commencerent d'estre malades, auant qu'ils se plainissent, elle vit en songe ces deux enfans luy estre ostez, & paruenir au Royaume celeste: & l'auëture du songe ne fut vaine: car huit iours apres la nuit du songe, les deux enfans moururent. Mais pource que i'ay composé dix liures des Songes, i'ay voulu seulement adiouster cecy, afin que les hommes cogneussent quelque chose estre en nous outre nous & nostre pouuoir: ie dy à tous hommes: & cecy incite aucuns à vertu, pource qu'ils la desirent, aucuns aux meurdres, poisons, & enchantemens. Que penes-tu que c'est que l'esprit d'un meschant? L'homme est illec seul? les craintes, haines, suspitions, ires, & tourmés de l'esprit n'y sont-ils pas? Tellement que l'homme ne peut estre en sa liberté, non plus que celuy qui s'est donné à la puissance d'autruy. Les semences & germes d'aduerse faction sont cachees aux hommes. Pourtant aucun ne pourra estre excité à vertu, ny experimenter la vertu des songes, qui cache ce qui est en luy, outre luy-mesme. Elles sont trois factions, des mauuais esprits, de la clarté, & de volupté. Les factions des esprits malings & de la clarté, sont plus semblables entre soy, que de ceux qui seulement sont attentifs au gain: car ceux-cy ont totalement leur origine & naissance de la chair & du corps. Pourtant les songes vrays, la prouidence des choses futures, & choses admirables aduiennent aucunes fois aux hommes meschans. Car ce qui est separé du corps, est moult cōmun au malin esprit avec la clarté. Aux autres choses rien n'y est cōmun. Je sçay bien qu'on peut m'obiecter que ie vueil apparostre estre diuin. M'estiment ils tant fol que ie sçache cecy estre attribué à moy, non à vanité, plustost qu'à loüange? Mais ie ne puis celer ce que i'ay veu, & que ie sçay, quoy que lon me propose vn grand peril pour ce faire. Cecy m'aide grandement, que chose semblable sont addenües à Galien, mesme crainte, mesme suspicion, qu'il a confessé bien sçauoir, toutes fois il a mieux aimé obeir aux commandemens, & ne celer ce

qu'il sçauoit au hazard de sa renommee, que de fauoriser à la gloire du peuple. Celuy qui n'est des ouailles, qu'il ne iuge que l'esgard est grand pour toucher à la chair. Et si quelqu'un me reprend & accuse que ie vueil chercher l'opinion & estimation de saincteté, qu'il sçache & entende qu'aucun des anciens n'a certifié tant asseurément l'interit de noz ames que Galien : aussi qu'il sçache que nous sommes pecheurs : parquoy le traicté de ces matieres doit estre remis autre part : & ces choses appartiennent aux liures des Secrets de l'eternité & du Fatal, non à la presente disputation, à laquelle ces matieres ne sont propres.

Comment le songe fait que le temps semble plus long qu'il n'est.

Cecy est propre, & conuient au present traicté, pourquoy le songe mōstre & fait apparoirre le temps estre trop plus long qu'il n'est: car en vne heure il m'a semblé que ie suis allé de Milan en quelque ville incognuë qui est loing de Milan, l'espace de trois cens mil pas: & que ce pendant ie visitois autres villes, plusieurs montagnes, valles, champs, en tant grand nombre, qu'à peine on pourroit faire tel chemin en six iours: & pource il me sembloit que i'eusse dormi long temps, mais le son des cloches & horloges m'aduertissoit du temps & n'auois encor dormi vne heure. La cause est, que telles operations sont faictes sans le labour du corps, & pource elles semblent estre faictes promptemēt & en peu de temps: & le iugemēt du temps par l'estimation du labour corporel est pris de la raison empeschée par le dormir & songe: pourtant ceux qui imaginent ces choses en veillant, n'augmentent le temps, veu qu'ils cognoissent n'auoir passé, ne fait ces choses vrayement, ains seulement les auoir conceuz de l'esprit, qui legerement peut parfaire toutes ces choses.

Que c'est que le temps, & comment il a cinq choses exquises.

Au contraire le temps semble estre bref en dormant, quand nous ne songeons point, ou que nous songeons peu de choses, & sans mouuement ou trauail d'esprit: car le temps est la mesure du mouuement. Mais qu'est-ce que le temps? duquel, entendu que rien n'en est, toutesfois toutes choses sont en luy, & est tousiours en toutes choses. Luy mesme engendre toutes choses, & les tuë: il est autheur de la vie & de la mort: & cōme l'expectatiō

& attente du temps est tres-longue, ainsi la recordatiō en est tres-breue : & neantmoins qu'il nous accompagne tousiours, toutesfois iamais nous ne le congnoissons : & combien que l'abondance du temps soit grande, toutesfois aucune reparation ne luy est concedee: dont il aduient que la perte de quelque autre chose ne soit plus grande ne plus chere. I'ay eu grand profit d'auoir cogneu cecy. Aucunes des choses susdictes conuiennent au temps, & aucunes conuiennent à celles qui sont conioinctes avec luy. Et de proceder tant longuement que le temps n'est iamais, ces choses assez digne d'admiration. Doncques nous entendons, non le tēps, ains ce qui est, & qui a esté, & demeure en luy. Et quand au temps, il est de soy-mesme incongneu au sens : car il est manifeste que nous ne le cognoissons, sinon par imagination.

Choses donc admirables ne sont seulement representees aux songes : mais aussi en la veillance, laquelle a trois especes: aucune est mediocre, comme en ectase & resuerie : ce qui est aduenu quelquefois à André Osiander, hōme tres-sçauant en toutes sciences, qui estoit de Norimbourg, Theologien, nostre amy, comme autrefois il m'a faict entendre par ses lettres, lors qu'il estoit ieune enfant, & qu'il auoit la fieure quarte, au temps de l'acces, il luy sembloit qu'il fust en vne forest, & qu'il estoit assailli de bestes cruelles, & des serpens de diuers gerre, ce qui luy estoit tres-moleste, & ne pouuoit-on luy persuader qu'il fust en la maison, ou qu'il imaginast telle chose faussement. Toutesfois quand son pere venoit à luy, incontinent il estoit restitué à son sens pristin & premier estat, & reconnoissoit la maison, la chambre & ses amis assistans sans aucune crainte. Et quand son pere sen retournoit, derechef ces imaginations se presentoient deuant ses yeux : & ce mal perseuera autant que la fieure, qui le tourmenta long temps.

I'estime que les choses qui jadis se presentoient deuant les yeux des hermites, estoient semblables à cecy, en la plus grande partie. Je ne vueil nier aucunes choses estre enuoyees aux hōmes saints, ou par le vouloir de Dieu, ou par les esprits, lesquelles choses ils referoient à Dieu

*Merveilleuse
histoire d'An
dré Osiander.*

ou aux esprits. Et quand ces choses n'aduient à plusieurs autres, il est licite de les referer à Dieu ou aux esprits, principalement veu qu'ils disent que les esprits nous peuuent représenter par imagination tout ce qu'il leur plaist, voire maugré nous: & ne croy pas que durs gés de bié qui ont voué toute leur vie aux labeurs d'at, & à la vie solitaire, mettent pourtant petite cause. Mais ceste vie solitaire, & cest esprit malade & affligé de labeurs & de ieunes, mesmement la temperature chagée par les viâdes agrestes, representoient tout ce que l'humour melancolique peut représenter aux hommes.

Histoire merveilleuse de l'auteur.

Le second gerre de veillance est, auquel la seule operation est blessée, & la vertu de l'esprit demeure: & croy cecy estre de telle sorte que i'ay souuenance m'estre aduenu par trois ans continuellement. Cecy m'aduint depuis quatre ans iusqu'à sept: & tousiours depuis la seconde heure du iour iusques à la quatriesme, ou si plus tard ie me leuois ou ie m'esueillois, ie pēsois voir quelques images depuis le bas du liēt, faictes comme de petits anneaux, de cuiure, lesquelles estoiet des arbres, bestes brutes, hommes, des villes, des gendarmeries en bataille, d'instrumens de guerre, & de bataille, & d'autres choses telles qui montoient & descendoient les vnes apres les autres. Et entēdu que ie me delectois grādēmēt de ces visions, comme estant petit enfant, & que ie les regardois attētiuemēt. Claire ma mere, & Marguerite ma tante, aueunesfois m'interroguoiēt diligemment, si ie ne voyois pas quelque chose. Quāt à moy, neātmoins que ie fusse petit enfant, ie sçauois bien que c'estoit quelque ostentation prodigieuse, pource i'asseurois ne voir aucune chose, craignant que si ie le reuelois, ceste vision ne me laissast, ou qu'il ne m'aduint quelque mal pour auoir reuelé tel secret. Je ne doute point que Galien ne refere ces imaginatiōs telle à la subtilité du sens, non toutesfois celles qui perseueraissent tant long tēps, & qui se representaissent par certain ordre, & qui monstraissent formes & figures tant parfaictes. Maintenant i'en mōstreray la cause, selon Auerroes: car sept ans passez, & apres auoir changé de logis, telles visions ne me sont plus apparues. Pourtant Auerroes me semble ren-

dre la cause en ses collections, disant. Quand l'esprit seruant à l'imagination a receu les formes & figures en imaginant comme du soing ou de quelque qualité, par quelle senteur ou touchement ceste qualité est cognéue: ou quand l'esprit a receu les formes d'un mort ou d'un esprit, & qu'abreuué de telle chose, il est transporté au sens qui correspond & conuient à telle action: car aux senteurs cest esprit est transporté à l'instrument propre du flairer, aussi en l'ouye il est porté aux oreilles, aux visions il est transporté aux yeux, lors necessairement cest esprit flairer, il oit, ou il voit sans aucun obiect: car si la vision n'est autre chose que la perceptiō de l'espece, qui est de l'esprit en la partie de l'œil cristalline, ou que l'espece procedé & soit tirée de l'obiet, ou non, il est manifeste que toutesfois & quantes cecy aduendra, que l'esprit voit vrayement telle espece. Ainsi il aduient qu'en veillant on voit les esprits & les morts, qu'on oit la voix de ceux que l'on cognoit, qu'on sent & touche les odeurs, cōme aux esprits appelez succubes & incubes. Pourtant ces choses sont plus rarement veües, qu'on yes & touchees, pource qu'entēdu qu'il suffit d'auoir obserué vne seule difference aux autres sens, vn seul esprit transporté au sens avec l'imagination d'une chose, peut la représenter aux yeux: & veu que plusieurs differences sont necessaires, la magnitude, la forme, la couleur, il est necessaire que plusieurs esprits soiēt transportez aux sens: pour ceste cause nature a faict les nerfs creux, qui sont implantez aux yeux: & seulement a faict ces nerfs apertement creux, pource qu'en leurs operations ils ont besoin de plusieurs esprits: pourtant nous sommes trop plus fatiguez & molestez en regardant attentiuement, qu'en exerçant aucun des autres sens. De cecy donc prouient la solution de plusieurs problemes, lesquels neantmoins qu'ils soient tres-vrais, ils ont toutesfois tant trauaillé plusieurs, qu'aucuns n'ont douté les referer entre les miracles, aucuns aux esprits, aucuns les ont niez du tout, comme faux: comme quand ils estiment en Islande, Isle outre Angleterre, & aupres de Noruegie, soit Thyle, ou Thule, ie ne m'en soucie pour le present, tāt y a, ils estimēt voir & em

*Comment les
morts & les
esprits peu-
uent estre
veuz.*

*Succubes sont
esprits qui
prennent le
corps d'hom-
me: aucuns les
appellent cu-
cules & suc-
cules: les in-
cubes prennent
le corps de
femme.*

*Pourquoy
ceux d'Islande
de voyent les
morts.*

brasser les morts domestiques : & certifient qu'ils s'en-
nouissent, en les tenant embrassez. Ceste Isle est plaine
de bitumen, & les hommes vivent illec de pommes, de
de racines, & de la farine faicte des poissons & ne boiuent
que de l'eau, pource que ceste Isle est situee en la Mer
glaciale : & pour cause du froid, elle ne peut produire
aucuns grains, encor moins du vin. Pourtant les es-
prits pour la maniere du viure, & l'air pour la terre &
le froid, sont illec tres-gros. Doncques pour l'espeffeur
de l'air, & pour les vapeurs condensez du froid, les ima-
ges ou imaginations y sont vagantes non autrement
qu'aux nuees, lesquelles conceues par erreur, crainte, &
cogitation, l'esprit gros & terrestre les retient tant qu'il
soit porté à l'instrument du sens : apres ils se persua-
dent que ces images ou imaginations sont veuës, &
qu'elles parlent à eux. Et pensent voir ceux qui ont co-
gneuz qu'ils sont morts, pource qu'ils scauent bien
qu'ils ne sont plus viuants, & pource qu'ils s'enouis-
sent apres les auoir embrassez : il n'est aucun qui ait
feint & imaginé aux nuees vne figure incogneüe, com-
me de la Chimere, ou de Hippocentaure. Car toute
trâslation est faicte à choses cogneues. Mais pourquoy
telles visions respondent qu'elles s'en vont au mont
dict Hecla? En ceste Isle est vn mont dict Hecla, qui
brusle par interualles, comme le mont Etna en Sicile.
Pourtant aucuns par persuasion conceuë de long temps,
estiment que les ames sont illec purgees: aucuns de peur
qu'ils ne soient trouuez menteurs, feignent choses
vaines qui semblent conuenir à vne fable. Et non seu-
lement en Islande : mais par tout, telles choses aduien-
nent, vray est que non tant souuent, comme en Islan-
de. L'an passé on portoit en terre à Milan vn homme
d'infinité condition en la porte qui est vers le Soleil le-
uant pres le grand temple, au marché qui est dict en
nostre langue Caulis, pour la multitude des choux ven-
duz illec : ie rencontray quelqu'un que ie cognoissois
bien : ie luy demande, comme les Medecins ont cou-
stume d'interroguer de quelle maladie il estoit mort?
il me respond, c'est homme mort auoit coustume de
retourner de sa besongne en sa maison à trois heures
de nuict,

*Aucuns esti-
ment estre
pris d'vn
mort, meurt.*

de nuit, en retournant il veit quelque nuit vn esprit qui va de nuit, qu'on appelle vulgairement Lougarou, qui le suiuoit, lequel s'efforçant de s'enfuir, se hastoit fort de marcher: mais il luy sembloit qu'il fust pris de ce lougarou, & iecté contre terre: il s'efforçoit de crier, & ne pouuoit, finalement, quand il fut iecté avec ce lougarou, aucuns passans le trouuerent demi vif, & le porterent en sa maison: quand il fut reuenu à son bon sens, apres qu'il eut esté interrogué, il refera telles choses que l'on n'entendoit pas estre telles. Pour ceste cause tout decouragé, entendu que ses amis Medecins, prestres, ne peurent luy persuader ces choses estre vaines, il mourut huit iours apres. Apres i'ay entendu des voisins, aucun vulnére de son ennemy ne tesmoigner tant assurement, comme cestuy assureoit qu'il auoit esté iecté bas en terre par vn mort. Quand aucuns luy demandoient que faisoit ce mort, quand eux deux furent iectez par terre: ce mort, dict-il, s'efforçoit de m'estrangler, en mettant les mains à ma gorge: & quant à moy, dict-il, ie ne resistois, sinon que ie me defendois de mes mains. Aucuns ayant doute que ce ne fust fait d'vn homme viuant, luy demandoient, comment il pouuoit discernar vn mort du vif: il rendit raison assez probable: disant. Il me sembloit que ie le manioy, comme coton, & ne pesoit point, sinon qu'il me pressoit & fouloit fort. Le monde est grand, le temps est long, l'erreur & crainte peuueut beaucoup sus les hommes. Par mesme raison qu'en Islande, semblables images & mesmes visions sont coustumierement illusions aux viateurs aux deserts de l'arene d'egypte, d'Ethiope, & d'Inde, ou le Soleil est vehement. I'en cognoy plusieurs auxquels telles visions sont apparues: mais ie les ay écrites & recitees en leur propre lieu. Par semblable raison les femmes songeresses, comme sont les Féés, dictes lamia ou strigæ, pensent en leur esprit, ce que iamais on n'a ouy, ne veu, voire, en veillant. Car elles sont nourries de chatagnes, de racines, & d'eau, & habitent aux lieux des valees, ou l'air est turbulent & plain de confusion. Ce qu'Aristoteles recite en ses Problemes est de mesme genre, sçauoir est, aucuns s'estre esuanouis, pourcé qu'ils

D'où viennent les resueries des femmes songeresses, que aucuns estiment estre Féés.

auoient veu prendre quelques personnages.

*Pourquoy
voit les mors
avec vn ra-
dotement aux
malades, si-
gnifie la mort*

De cecy il appert, pourquoy c'est vn signe mortifere aux malades, s'ils voyent les morts avec vn radotement & resuerie. Car il est patent que l'imagination est tant grande, que l'esprit transporté à l'œil, retient l'espece qu'il auoit conceu de l'imagination. Et ce ne peut aduenir sinon par songe, quand les sens reposent, ou par les sens trop debilitéz : pour cause de la maladie, ou pour trop grande cogitation & force d'imaginer. Quand donc les hommes ne dorment point, & qu'ils ne peuvent imaginer attentiuement pour leur debilité, il reste que nous disions ce qui est seul, sçauoir est, que ja toute la vertu sensitiue est otieuse, & ne peut plus faire operation pour cause de sa debilité. Mesmement Aristoteles autre part a monstré que cecy signifie la mort presente, disant par ceste sentence. Quand le malade ne voit, & n'oit, lors la vertu est debile, & la mort est proche. Voicy vn autre argument de la presente narration, que les hommes fors rarement ou iamais n'ont de visions, pource qu'ils n'imaginent telles choses trepidés pour cause de la crainte: car coustumierement la crainte nous rend les imaginations seimes par les autres affections: apres l'amour ce faict. Pourtant ce sont les priuileges premierement de ceux qui craignent, puis de ceux qui aiment. Mais les Anthropophages, hommes tres-forts, voyent les monstres de nuict. C'est le vice, & la faute des régions, & de vaine crudelité, veu que les autres qui ne mangent les hommes, voyent mesmemet tels monstres & visions nocturnes. Les Scythiens auxquels c'est sacrifice de tuer les hommes, entendu qu'ils sont forts & de nature & d'institutions, ils ne voyent les morts, ne les Iougaroux, dictés Lemures. Semblablement les larrons ne les voyent. Car tels maux ne semblent estre tels par nature, veu qu'aucuns poissons mangent les autres de leur gerse, mesmement les rats & autres bestes, & ce par le droict des Gentils.

Et si tels maux estoient par nature, c'est à dire, cōtre les loix de nature, entendu que rien ne reste de la mort, sinon l'intellect, & l'intellect ne peut exciter le mouuement, les morts ne pourront monstrer aucunes imagi-

nations, ne faire peur aux viuans.

Le troisieme gerre de veillance est pur, auquel toutesfois en plusieurs manieres on peut voir choses admirables: comme quand Echo refone, lors elle semble resonner plusieurs & diuers sons, en sorte qu'elle rend aucunesfois sept voix. De nuict cecy est merueilleux grandement, & si la chose n'estoit diuulguee & cogneue, elle pourroit espouuenter chacun, tant Echo rend aucunesfois les voix claires, apertes, & tardiument. L'air en est la cause qui est repoussé des plaines & lieux cauerneux: car Echo ne refone, si l'y a des trous, cauernes, & murs: & elle refone des vieilles murailles, & plus de loing que de pres. Il est necessaire que la voix soit refrappee en Echo, & referee par vne plaine mediantc. Elle refone mieux d'un lieu haut, & faicte directement. Quand la nuict est tranquille & sans vent, Echo refone tellement que quelqu'un, mon amy, cheminant sus le bord d'un fleuve, & ne sçachant le passage, commence à crier, oh? Echo estoit illec qui respond, oh? cest homme estimant estre vn homme, demande le passage? il oit respondre, passage? Cecy conuient mieux en nostre langue Italique, Vnde debo passa: il ouit, passa? puis il dict, qui? il oit, qui? c'est à dire icy, icy. Or illec estoit vn goufre, & les eaux bruyoient & crioient grandement: pourtant luy ayant crainte, derechef demande en Italien, debo passa qui? Echo respond, passa qui. Interrogant souuēt en telle sorte, ainsi Echo respond. Mon amy estant entre crainte, necessité, & admiration, entendu qu'il estoit contraint de marcher outre, & que la nuict estoit obscure, il ouit, comme il pensoit, vn homme qui le persuadoit de passer: le fleuve estoit fort impetueux: & n'entendoit par l'accent, que c'estoit Echo: car quand il disoit passa, passa est proferé avec accent graue: si l'homme eust respondu avec accent agu, il eut ainsi respondu, passa? mais Echo le referoit par accent graue, comme elle auoit receu. Pourtant entendu que la nuict estoit intempestiue & importune, Augustin Lauizarius Comensis, ainsi estoit il nommé, & estoit Comensis, Secretaire & Conseiller du Prince, s'en retourne. Et apres quelque temps, comme il me recitoit, lors que i'estois encor petit enfant,

*Que c'est
qu'Echo.*

*Histoire de
Augustin
Lauizarius
Comensis, de-
crite par Echo.*

qu'il auoit esté presque precipité dedans vn torrent & gouffre, par la persualion faicte d'un esprit maling: i'enquis diligemment la maniere de ce faict, congnoissant bien l'intégrité de l'homme: en fin ie cogneu que c'estoit Echo, de laquelle il auoit esté deceu avec grand peril entre plusieurs troubles de son esprit. Veu donc que Echo est en plusieurs lieux, elle n'est faicte en aucun lieu plus frequemment qu'en Pauie: & entre plusieurs qu'il suffise en reciter deux: desquelles vne est aupres du temple de saint Paul hors la ville, qui est ouye enséble avec la voix. Car Echo est approuvée & louée en trois conditions, quand elle respond subitement, quand elle refere parfaictement long ordre des paroles, & quand elle repete choses mesmes souuent, le son s'abaissant. Aucunesfois elle obmet, & delaisse la premiere syllabe, pource qu'elle est rompuë par le son des syllabes succedentes: ainsi il aduient que par raison contraire, la derniere soit la mieux ouye: elle est tresbonne quand elle vient directement: pourtant tous ne la reçoient d'un mesme lieu: il faut qu'elle ne vienne d'un lieu qui soit trop près, pource que recurrente trop legerement, elle est abolie par la vraye voix de laquelle est l'image & representation: elle n'est bonne d'un lieu bien clos & fermé, pour la confusion du mouuement de l'air: elle est trop meilleure des vieilles murailles, non seulement pour la siccité, ains aussi pour l'air contenu en icelles. Car l'air qui est detenu, represente vn tabour. Et la siccité est chose pareille au son qu'est la splendeur à la lumiere, & aux representations des miroirs. Echo donc est tant admirable par la perspicuité de la voix & celerité de la responce, que celuy qui l'aura ouye ne s'esmerueillera, que nostre amy pensoit estre moqué & deceu d'un esprit maling. Echo est bien renduë d'un fragment & demeurant d'une vieille muraille longue enuiron de vingt paumes, & de hauteur vn peu moindre. Vne autre resone obliquement d'un mur qui est d'un parc, laquelle i'ay obseruée rendre dix voix distinctes. Ainsi rien ne peut estre parfaict totalement. La premiere Echo referoit aptement, plainement, & incontinent: mais non plusieurs choses, ne souuent: la seconde refe-

Les parfaictes conditions d'Echo.

roit plusieurs choses, non souuent ne tant promptemēt: la tierce est de plusieurs sortes, & en la mesme ville qu'ils appellent Ticinium de Ticinus, en la grande basilique, les Italiens l'appellent Sala: c'est la maison de la ville, laquelle aupres du chasteau de la cité rend de l'entree les voix tāt de fois, qu'on ne peut pas les nombrer: aucunesfois on oit treze voix: & de ce plusieurs sont tesmoins, entre lesquels estoit Melchioir Malheuser Germain, mon disciple, medecin tres-renommé. Chacun eut pensé que quelque autre luy eut respondu, ou que ce faisoit par moquerie: ces voix se finissent petit à petit, dont est referé grandement ahime, c'est à dire, en Latin *heu*, comme la voix & complainte d'un qui meurt. Ceste maison de ville est quāree, & a plusieurs grandes fenestres ouuertes, & en la partie superieure elle est enluminee par la reflection faicte ou des tuiles, ou des costez. Car le deuant & la paroy qui est de l'autre part sont entiers, sinon qu'une entree ou breche est au deuant enuiron longue de cent p̄s, & presque large de vingt-cinq: la hauteur, comme ie croy, est la moitié plus que la largeur: car elle est assez haute: laquelle j'ay voulu descrire diligemment, afin que ceux qui voudront scauoir, sceussent dont il faut trouuer la raison, & prendre exemple. Echo resone & represente plusieurs voix, si tu te tiens aupres de l'autre paroy à la part opposite de l'entree, il semble qu'elle vienne de la haute partie de l'entree. Pourtant la voix resone des deux costez, & principalement à ceux qui sont hors l'entree, au milieu elle ne resone. Doncques aucun ne peut presque douter que ce ne soit un esprit ou quelque imposteur. Car a peine on peut croire que ce soit Echo, tant les voix sont ouyes clairement, ap̄temēt, souuent, & par ordre. J'ay entendu des assistans qu'au temps passé la voute de la galerie estoit mise deuant l'entree à l'autre costé, de laquelle reste encor vne grande partie: outre j'ay entendu que les voix estoient trop mieux renduës hors l'entree souz la voute, & plus fréquentes, en sorte qu'elles resoñoient aucunesfois trente fois. Il est certain comme elle est proférée plus légèrement, & de voix plus subite, ainsi est elle renduë plus clairement, & plus frequente-

ment. Et cecy luy aduient non autrement qu'en la diuerse reflexion des images des miroirs. Pour ceste cause Echo peut estre dicte reflexe, quoy que la raison d'icelle soit obscure & difficile. Ainsi plusieurs autres choses nous deçoient coustumieremēt: mais de cecy nous parlerons autre part. Et si Echo & les miroirs estoient choses rares, qui ne s'en esmeruilleroit, veu qu'ils ne sont moins admirables que ce qui aduient rarement: mais la seuler rarité a coultume d'engendrer admiratiō. C'est chose prodigieuse, pource qu'elle est rare, quand vn enfant parle n'agueres né, qui est toutesfois chose naturelle. Et comme cecy est naturel, Aristoteles l'en-seigne. Car entendu que la parole consiste & est cōposée par la force de la langue, & par intelligence, & que l'intelligence est donnée à plusieurs premier que la force de la langue, pource il aduient que ce semble chose admirable de parler auant que l'intelligēce soit parfaite. Et si la force de la langue est parfaite premier que l'intelligēce, veu que l'homme est de nature préparé & ordonné à parler, qui empesche qu'il ne refere choses ouyes, non entendues, comme la pie & le papegay, ou perroquet, dict, Psittacus? Ou qu'il refere comme choses entendues par vn effortement & concurrence des esprits à la langue? Il appert, pource qu'il leur aduient principalement apres le dormir, & ce plus clairement: car lors les choses veuës & ouyes en songe excitent plus, & l'abondance des esprits est plus grande, & la langue deuient plus forte par le long repos.

Doncques ceste admiration aduient, ou pour cause de la rarité, ou pour l'ignorance de la cause, ou pour l'vn & l'autre. Toutesfois il aduient souuent que la rarité de l'effect est l'occasion que l'on ignore la cause. Aucunes choses sont rares: & comme celles cy sont referees à l'espece, ainsi celles là au gerre: cōme cecy, que la prunelle des yeux d'vn chat semble estre aucunesfois la figure d'vne naucule, aucunesfois du croissant de la Lune, aucunesfois d'vne forme & figure plus estroicte, pource que le chat retraict & estend comme il veut, l'humeur ou partie ou tunique de l'œil, dicte yuca: & pource que la tunique dure dicte cornea, est tres-espesse. Pour ceste

*Comment les
enfants peu-
uent parler
naturellemēt.*

*La prunelle
de l'œil des
chats n'est
exactement
ronde.*

cause si tu regardes de costé ceste prunelle, elle apparoist de diuerses figures, si on la regarde droictement, elle semble ronde comme en nous: neantmoins qu'aucuns osent certifier, ce que mesmement i'ay tesmoigné autre part, non seulement les prunelles de l'œil des chats, aias aussi des hommes croistre ou estre diminuees seló la lumiere de la Lune. Mais cecy n'appartient à la rondité. Doncques plusieurs choses nous semblent admirables quand noz sens ne les cognoissent, en sorte qu'ils disent saint Anthoine auoir bien dict, les hommes n'auoit besoing de l'erudition qui est acquise par les lettres, quand ils vsent de sens entiers, & nō deceuz. Il disoit & entendoit non seulement les sens interieurs, ains la pensee, la memoire, & la raison. Car la pensee & esprit absoult & deliure du lien des vices, & hors des affections, cognoist plusieurs choses qui semblent merueilleuses aux autres hommes. Pour ceste cause ce n'est merueille si le cas fortuit & la crainte monstrent & font représenter plusieurs choses à ceux qui cheminent de nuit, sçauoir est, le feu au ciel, les estoiles tombantes, gouffres, flamme sautans, ombres, visions, bruit mal accordé, ploremens, bestes cruelles, serpens, larrons, corps morts, loups garous, gobelins masquez, murmures, gemissemens de ceux qui sont vexez, chiens enragez, terreurs, comme i'ay dict, sans cause manifeste. Toutesfois ces matieres ne monstrent pourtant que les esprits mauuais soient en ce monde.

Fin du dixhuitiesme liure.

Mm iij

DES ESPRITS, LIVRE

DIX NEUVIÈME.

*La difference
de l'inspiratiō
diuine & de
l'auenement
des esprits.*



A doute a esté tousiours grãde touchant les esprits appellez Dæmones, & comme il me semble, ceux qui estimēt tels esprits estre & frequenter avec nous, ils distinguent l'aduenement d'iceux de l'inspiratiō diuine, & uisitation angelique. Car entendu que l'esprit humain ait naturellement en horreur les esprits, que l'on dict estre espars par le monde, la pensee de l'homme est troublee de leur presence, en a horreur & craint quelque chose qu'elle n'a encor cogneuë. Les cogitations deprauees ont de coustume de se trouuer tacitement aux mauuaises actiōs ou mauuaises entreprises que nous preparons. Outre, telles cogitations engendrent odeurs mauuaises, & sons mal consonans, ou elles les reiettent. La suspiciō ou le desespoir demeure apres le deces, cōme l'on dict de l'ange de Brutus, dict de genius. Mais l'inspiratiō diuine, ou quelque ange ne se presente, sinon à ceux qui sont de bonne fantasia, & vient sans faire aucun bruit, & petit à petit qui resioit l'esprit, qui donne bonne fiance & aussi bon espoir. Lors la pensee tranquille se transporte en bonne cogitations, & est contraincte d'aymer, les choses celestes.

La pensee doncques ayme les choses celestes, & accede à celay qui exerce choses bonnes & salutaires. Et si par subite aduenture elle est espouuentee, incōtinent l'esprit est en tranquillitē & repos. Certes saint Antoinne, qui a esté admirable en ces choses, nous les a enseignees par son exemple.

Vne mesme constance differēce nous demeurera des presages de l'esprit mortiferes & salutiferes, quoy que nous entreprenons de prouuer ces choses estre faictes seulement par la force & vertu de nature. Car si les astres salutaires, & qui offensent, sont supposez pour les

anges & esprits malings, vne mesme raison, & mesmes signès militeront & prendront contrarieté avec les anges & esprits malings. Pourtant plusieurs s'efforcēt de môstrer & prouuer que les esprits sont, & se presentent aux hommes, par l'argument des enchantemens.

Or laissons telles matieres, & recitons ce que nous auons veu l'an passé dernièrement. Vne femme de noble race, & du gerre des Senateurs estoit malade d'une vrine ardante, qu'elle desiroit tousiours ietter dehors, & lors que les medecins renommez de nostre ville, non moins de sept, & plusieurs autres estrangers, ensemble les chirurgiens furent conuoquez, i'estois present, & tous ne conuenions bien de la cause de la maladie: plusieurs estiment estre vne pierre, vne erysipelas, vulgairement, dict le feu de S. Antoine, vne vlcere, vne dure tumeur dictē scirrhus, vn chancre, vne apostume, aucunes vessies: toutesfois aucun remede ne profita pour toutes ces affections susdictes. Et lors que les vessies excitées par chaudes fomentations, furent incisées, outre les veillances accoustumées & le tourment, vne emission d'vrine outre le vouloir suruint pour cause de l'incision. Apres la femme fut par deux fois pasmée, sans pouls & vertu. Ainsi tourmentee de maladie & des remedes par sept mois entiers, elle est abandonnee des medecins avecques desespoir de santé. Et veritablement elle ne simuloit ne feignoit la maladie, veu qu'elle a beu tant de medicamens amers, qui a souffert tant de fomentations & parfuns, qui a permis ce lieu infirme estre veu de tant grand nombre de medecins, le contemplant par vn miroir, qui tant long temps a faict la diette, & a admis la section de la veine, & l'incision des vessies susdictes, qui a souffert les medicamens escarotiques, c'est à dire, bruslans, & qui induisent vne croûste, qui a enduré les instrumens de fer, & le feu. Pourtant nous ennuyez & incertains de la maladie, finalement on a condescendu en mia sentence, qui n'estoit la plus absurde de toutes, comme l'on vit apres, laquelle sentence estoit fondée sus cest argument, que la maladie empireroit tousiours de plus en plus par les medecines: ja la douleur estoit assidue au lieu ou le col

de la vessie est ioinct au col de la matrice: ja l'extenuation & emmaigrissement de tout le corps estoit grand: ja elle auoit la face telle que la décrit Hippocrates: ja l'émision de l'vrine n'estoit volontaire: la veillance estoit ja perpetuelle: les vlcères estoient ja alentour du lieu, en partie par la chaleur & acuité des medicamens, en partie excitées par l'importun traictement du fer: neantmoins l'ardeur de l'vrine ne demouroit seulement, ains s'augmentoit, & tousiours ceste femme auoit appetit d'vriner, en sorte qu'aucuns medecins estimoient vn calculé ou pierre estre en la vessie. Toutesfois le toucher avec vn instrument vrinaire, dict en Grec *catheter*, osta ceste opinion. Quand donc ceste femme fut publicee estre fort malade, Iosephus Niger professeur renommé des lettres Grecques, ignare toutesfois de la medecine, suruint: aucuns l'estimoient enchanteur, & sçauant aux arts mes-faisans. Ceste femme auoit vn fils de dix ans, que Iosephus auoit institué aux lettres, qui disoit voir trois esprits noirs & mauuais deuant sa mere en vn miroir de crystal fait en triangle, qu'il auoit apporté, & ces esprits estoient à pied: puis quand on eut soufflé quelques autres parolles à l'oreille de cest enfant, il certifie qu'il voit vn autre esprit à cheual, plus haut & plus grand que les trois premiers avec vn sceptre de trois pointes, lequel lie les trois à pied, l'vn apres l'autre, & liez de chaines il les cache sous la selle de son cheual, puis il commande qu'on luy garde son miroir de crystal. Pourquoy tarde ie tant en ceste histoire? La femme ayant quelque persuasiō par cest art, dort: la douleur, l'ardeur, & vouloir d'vriner cessant: la couleur luy reuiēt vermeille: la chair luy reuiēt: apres elle cōçoit, elle fut biē saine, & de cecy i'ay pour tesmoings tous les familiers de la femme, & tous les medecins cōuoquez, mesmement l'effect, veu que lors elle estoit cōme morte, maintenant chacun peut la voir saine.

Ceste femme donc a esté guarie, ou par vn esprit, ou par imagination, ou fiance, veu qu'on ne peut trouuer autre cause. Car si l'enfant disoit la verité, Iosephus la dissimulait pour la crainte de la loy, elle a esté guarie par vn esprit, & si l'enfant persuadé de Iosephus par vne

Catheter est vn instrument de chirurgien pour faire sortir l'vrine.

parolle qu'il certifiast voir tout ce que Iosephus luy demanderoit, il a faiçt vn art & fraude à sa mere pour cause de sa santé : ainsi il appert qu'elle est reuenue en cōualeſcence par imagination & confiance. Cecy est admirable, s'il a esté faiçt par fraude, pource que Iosephus ne voulut prendre de salaire, & ie ne voy à quelle fin tendoit ceste fraude, puis que Iosephus ne prenoit argent, veu que l'infamie deuoit estre grande, soit que l'entreprise vienne bien ou non. Pourtant il est vray-semblable qu'elle fut guarie de l'esprit : il est certain qu'ils sont aucuns esprits vagans en ce monde. Les choses sont merueilleuses pour confirmer ceste opinion, lesquelles sont recitees par Plutarchus de Damon au commencement de la vie de Cimon : semblablement de Pausanias, & de Cleonice, de Byzantia vierge qu'il tua, quoy qu'il eut bien aimée, ne pensant la tuer: mesmement qui sont recitees par Pline au septiesme liure des Epistres du fantosme & vision dict en Grec phantasma, qui estoit veu tousiours en vne maison d'Athenes : aussi des enfans qui eurent les cheueux coupez sans qu'aucun autheur les coupast. De rechef en Suetonius quand Caligula fut occis, duquel la maison estoit inquietee & agitee des monstres & visions prodigieuses par plusieurs ans, tant qu'elle fut bruslee. M. Paulus Venicié recité que les Tartares qui jadis estoient vne partie des Scythes, & vne partie des Parthes, sont tant puiffans par les enchantemens des esprits, qu'ils font venir les tenebres quād ils veulent, & là où ils veulent, & qu'vne fois circonueni des larrons par tel art, à peine il eschappa. Haitonus homme d'authorité est tesmoing de cecy en son histoire des Sarmates, qui a escript que l'armee des Tartares presque desfaiçte fut restituée, & surmonta par l'enchantement vn portenseigne qui fit venir les tenebres tresobscures. Icy i'adiousteray vne histoire plus admirable que toutes, laquelle i'ay ouye par plusieurs fois de mon pere Facius Cardanus, qui confessoit auoir eu vn esprit familier presque trente ans. Finablement ie luy demanday ses escritures, ausquelles ie trouuay tel escrit. Le treziesme iour d'Aouſt 1491. quand i'eu dict mes

*Il mostre par
argumens pris
des histoires
que les esprits
appellez de-
mones sont.*

oraisons à vingt heures du iour, sept hommes se sont apparus à moy comme de coustume, vestus d'habits de soye, d'un manteau presque en la maniere des Grecs, ayans chausses rouges, comme il sembloit, ayans pourpoins sus leur chemises resplandissans & rouges, d'une façon plus estroite que la commune, & fort belle. Toutesfois ils n'estoient que deux ainsi vestus, lesquels sembloient estre les plus nobles: deux autres compagnons suyoient le premier de ces deux qui estoit le plus grand & rouge: les autres suyoient le second qui estoit le plus passe, & le moindre de corps. Ainsi & par tel ordre estoient ces sept esprits. Il n'auoit escrit s'ils auoient la teste couuerte ou non. Ils estoient aagez presque de quarante ans. Quand on les interroquoit qu'ils estoient, ils respondoient estre hommes presque composez de l'air, qui naquissent & perissoient, mais que leur vie estoit trop plus longue que la nostre, laquelle s'estendoit iusqu'à trois cens ans. Ils disoient estre trop plus conioints avec les dieux que le gerre humain, toutesfois qu'ils estoient differents d'iceux infiniment: & que ils estoient plus heureux ou plus malheureux que nous, non autrement que nous sommes plus que les bestes brutes. Ils disoient que rien ne leur estoit incognu, ne liures, ne tresors: & que l'infime amas d'iceux, & les plus viles estoient les Anges des hommes nobles, comme les hommes de vil estat sont les ceux qui nourrissent & traittent les chiens, & cheuaux excellents: & entendu qu'ils estoient de corps subtil, qu'ils ne pouuoient nous faire bien ou mal, hors mises les visions, terreurs, & sciences. Celuy qui estoit le moindre de corps, auoit trois cens disciples: le premier qui estoit le plus grand en auoit deux cens en la publique academie: car ces deux lisoient publiquement. Quand mon pere leur demandoit, pourquoy ils ne reueloient aux hommes les tresors, puis qu'ils scauoient où ils estoient. Ils respondoient estre confirmé & commandé par la loy priuee, sus peine de grande punition, qu'aucun ne communiquast tel secret aux hommes. Ils demeurèrent chez mon pere plus de trois heures, ce pendant ils disputerent avec luy, qui les interroquoit de la cause du monde: celuy qui estoit

le plus grand, disoit que Dieu n'auoit fait le monde d'eternité, & à iamais: au contraire, l'autre asseuroit que Dieu créoit le monde par chacun moment: en sorte que s'il desistoit vn seul moment, le monde periroit. Outre il alleguoit quelques propos des disputations d'Auerroes, neantmoins que ce liure n'eust esté encor veu: il recitoit les noms d'aucuns liures, desquels vne partie est trouuee, l'autre non: toutesfois tous ces liures estoient d'Auerroes, & confessoit publiquement qu'il estoit Auerroïste. Soit histoire ou fable, il est ainsi escrit. Que ce soit fable, l'argument & coniecture en est grande, pource que ces opinions ne consentent suffisamment à la religion, & que mon pere avec ces esprits n'en estoit en rien plus heureux, ou plus riche, ou plus cognu aux hommes, que moy, qui iamais ne vey d'esprits. Toutesfois mon pere eut peu respōdre qu'il auoit predict plusieurs choses qui n'eussent peu estre cognues tant long temps auant, sans l'aide des esprits, comme quand il predict que l'Empereur seroit finalement le superieur en Italie, ce qui à peine aduint trête ans apres: les esprits malings sont menteurs, dit-il, & iouxte la parole de Verité, l'esprit maling est le pere de menterie: il disoit n'auoir eu en soin les richesses & honneurs, desquelles ie suis plus cupide: & qu'il estoit nay de petite fortune, & que les premiers commencemens auoient empesché sa fortune: puis il disoit qu'il pouuoit auoir vn Ange plus grand & excellent que les autres: & quoy que les esprits ne se monstrent, ils ne failent d'aider à chacun selon l'opportunité: il disoit que son Ange luy auoit manifesté, non les autres Anges l'auoient manifesté aux autres hommes, ou pource qu'il estoit expedient d'estre ainsi, ou pource qu'il auoit la conscience nette, car il estoit homme de bien & de religion, ou pource qu'il auoit vsé de la coniuration qu'il eut d'vn Espagnol, lequel se mouroit. Autresfois i'ay refuté ces choses en partie estre fausses. Cecy me semble merueilleux qui aduint à Didius Iulian Empereur, lors qu'vn enfant predictoit d'vn miroir que les ennemis venoient, & ceux qui deuoient tuer l'Empereur. Et de present Iean Leo recite, qu'en la ville de Fessa les deuins espandent vne goutte d'huile

*La mort predict
de l'Empereur,
à Iulien
par vn enfant
Telchinnet,*

*proprement
sont hommes
inspirés de
l'esprit, et qui
sont esprits
de fureur de
vin, comme
Apollo &
les Sibylles.*

dedans vn vaisseau plein d'eau, par laquelle clarifiée, ils rendent les réponses des choses futures par petits enfans, qui certifient mesmement voir en l'eau les compagnies des gensdarmes. Toutesfois il dit qu'il ne sçait en cecy d'auantage que le vulgaire, & qu'il n'en enquit plus diligemment.

Ils sont encores autres arguments des esprits, les réponses des oracles : comme celuy de Teophrastus de l'oliuier sauuage qui estoit en Megara. Ces choses autresfois ont esté dictes, auxquelles Aristoteles & Plutarclus ont grandement trauaillé pour en rendre la cause. Il semble aussi, qu'ils soiēt aucuns esprits appelez Telchines, qui sont souz terre, lesquels ruinent ceux qui fouyissent, ou les estranglent de quelque esprit de feu. Mais plusieurs ont eu doute que les oracles ne fussent faits par la fraude des sacrificateurs, aucuns estimēt que c'est quelque propre vertu naturelle de telle terre, par laquelle vne chose comme maladie est attirée : & ectase est vne espece de maladie, & l'oracle ne peut estre fait sans ectase. Pourtant la doute de ces choses est grande. Mesmement Pausanias, homme, comme i'ay dit, veritable, en ce qu'il recite auoir veu, augmente la doute : & en cecy il ne faut plustost croire à vn autre qu'à luy, puis qu'il l'a expérimenté, duquel les paroles ensuyuent. Le trou de Trophonius est auquel on descend en telle maniere : De nuit ils menent celuy qui doit entrer à ce trou, au fleuue Hyrcinus : deux enfans oignent d'huile, & lauent celuy qui est amené, ie dy deux enfans fils des citoyens aagez enuiron de treze ans, lesquels ils appellent Mercure. Eux-mesmes lauent le descendant, & luy ministrent toutes choses nécessaires, comme seruiteurs. Apres il est mené des sacrificateurs, non incontinent à l'oracle, mais aux fontaines d'eau qui sont iointes pres l'vne de l'autre. Il faut qu'il boie illec de l'eau, qu'ils appellent eau d'oubliance, afin qu'il oublie tout ce qu'il a parauant pensé. Puis il boit vne autre eau de memoire, afin qu'il ait souuenance de ce qu'il aura veu en descendant. Et quād il a veu le simulacre, qu'ils disent estre l'ouirage de Dedalus, & que les sacrificateurs ne monstrent à perfonne, sinon à ceux qui descendent à ce trou :

*L'oracle &
responce du
trou de Tro-
phonius.*

& apres qu'il a veneré ce simulacre par prieres, il va plus outre à l'oracle, vestu d'une robe de lin, qu'on peut appeller vne aube, & ceint de rubés sus ceste aube, mesmement chaussé des patins du lieu mesme. Et l'oracle est au dessus d'une forest pres vne montagne. Le fondement en est fait de pierres blanches. Le circuit du fondement est comme vne petite aie. Peu ce faut qu'il ne soit haut de deux coudees. Sus ce fondement sont deux colonnes aguës faictes de cuyure, ausquelles sont nouées & ioinctes les liens. Par ces liens ou lassets, les portes sont faictes dedans le circuit. L'entree n'est faicte par cas fortuit, ou par nature, ains d'un artifice & composition tresexquise. La figure de cest edifice represente vn four, duquel la latitude, comme ie puis entendre par coniecture, est presque de quatre coudees: la profondeur ne s'estend enue huit. La descēte au paue n'est faicte: mais quand quelqu'un vient à ce trou, ils luy presentent vne eschelle bien estroite & legere, qui est colloquee dedans l'edifice. L'huis par lequel on descend à ce trou, a la largeur deux fois plus grande que la hauteur. Pourtant celuy qui doit descendre sus le paue, se bese fort bas, ayant des gasteaux bien amielez: premierement il icte ses pieds à la cauerne, & en obeissant tant qu'il luy est possible, il introduit petit à petit ses genoux. Et quand il a mis ses genoux dedans, tout le reste du corps est incontinent attiré, comme si vn grand fleuve courant legèrement engloutit vn homme en son gouffre. Ceux qui sont paruenus iusques au lieu secret, dict *adytum*, n'apprennent les choses futures d'une mesme maniere, ains aucuns les voyent publiquement, aucuns les oyent. Ceux qui descendent, reuiennent par mesme chemin estroit, en mettant hors premierement les pieds, puis tout le corps. Nous n'auons ouy dire qu'aucun de ceux qui sont descendus en ce trou soit mort, sinon vn des satellites de Demetrius, lequel apres qu'il fut descendu, sans faire oraisons ne reuerence, & sans consulter le Dieu, esperant emporter l'or & l'argent, ne fut iecté, come lon dit, hors de l'huis sacré, mais son corps mort fut trouué autre part. I'ay dit donc choses dignes d'estre dictes, qui sont aduenues à ce satellite, & qui aduiennēt

à ceux qui doiuent entrer, & qui entrent. Les sacrifices reçoient celuy qui sort hors du trou, & le colloquent en la chaire qui est dicte la chaire de memoire: laquelle n'est loing du lieu secret, dict *adytum*. Quand il est assis illec, il luy demande que c'est qu'il a veu, que c'est qu'il a ouy. Ces choses entendues, ils recommandent à ceux qui le doiuent traiter. Ceux-cy le transportent en l'edifice, où premieremēt il viuoit avec fortune, & les bons Anges encor tout estonnez de crainte, & ne se cognoissant soy-mesme, ne ceux qui sont presens. Et voyans apres qu'il ne pense moins à ces choses qu'il y pensoit premierement, il se prend à rire grandement. Il recite ces choses (dict Pausanias) non ouyes seulement, mais ie les ay veües au temps passé, & moy mesme ay cōsulté l'oracle du trou de Trophonius. I'ay bien voulu adionster l'histoire de Pausanias, homme prudent & veritable, qui s'est trouué en telle affaire, comme histoire rare & vraie, pour autant que peu de gens vont en tels lieux. La plus grande partie d'iceux est stupide, l'autre estime que menterie luy est vne gloire & loüange. Pourtant i'ay adiouste icy ceste histoire tresrare, en laquelle, quoy que tu feignes les fraudes des sacrifices tant grandes que tu voudras, on ne peut attribuer à fraude ce qui estoit raüy dedans, comme d'vn gouffre & ce qui estoit iecté hors des pieds. Et si cela estoit fait par la vertu naturelle du lieu, il falloit ce que aucun oyoit, n'estre fait par fraude, veu qu'en lieu tant violent aucun n'eut peu estre à scindre & faire telle fraude. Tu diras que les responces des oracles sont ambiguës. I'ay monstré au liure du Fatal, que si les oracles n'estoient ambigus, ils ne seroient oracles.

Si les oracles n'estoient ambigus, ils ne seroient oracles.

Autre histoire admirable.

Outre plus, Pausanias en ses nuicts Attiques recite que le hannissement des cheuaux, & la cause des combattans estoient ouys au champ dit Marathon ou Militiades ia quarante ans passez, auoit fait mourir 10000. des Persiens, & où le Roy Icarus auoit esté tué. Lesquelles choses n'estoient ouyes de chacun venant illec de fait & apens, ains seulement de ceux qui de coup d'auenture y venoient. Ainsi ce grand Ouvrier celeste semble auoit voulu nous delaisser totalement tant incertain

rains, que les loyers seroiēt deuz aux fidelles, & les peines aux mauuais & incredules. Or si les ames des Persiens excitoient en ce champ le tumulte, il falloit que les ames des cheuaux y fussent qui fissent le hannissement. Pourtant il est plus vray-semblable qu'un peu apres ceste cruelle bataille, ceste fable fut publiee en ce temps là pour quelque cause naturelle, en sorte qu'ils attribuassent tel bruit au confus hannissement des cheuaux, & à la course & assaut des combatans. Car en tout bruit de nuit qui prouient de la terre, souuēt vne partie est graue, vne partie est aguë. Ils referent la plus graue partie à la course & assaut des gensdarmes, & aux gemissemens, la plus aguë aux hannissemens des cheuaux.

On ne peut mieux voir ou ouyr les visions des esprits & des morts, qu'en l'entour de ceux qui sont presque en l'article de la mort, ou apres grandes deffaites de gens, ou au temps de pestilence. Doublement cecy aduient à ceux qui se meurent: ou par eux-mesmes: car chacun auant qu'il meure, voyant quelque chose, est espouuenté: & apres qu'il a veu telle chose, il ne vit plus long temps. Et quoy que ce soit chose naturelle, il est toutes fois admirable. J'ay veu vn noble personnage, lequel ne pouuant plus se mouuoir, quand il fut venu à ce point de voir quelque chose, peu ce falloit qu'il ne se iettast par escouffes hors du liēt, & les gardes s'enfuyoiēt: car cecy aduint à minuit. Ou ces choses aduiennent par autre: & cōme les esclairs, cometes, & astres au ciel sont presages de mort aux Princes, ainsi le bruit mal consonant est le presage aux gēs qui sont sans estat & dignité, ce que j'ay veu & ouy souuent, & entendu des autres. Quant à ce que j'ay veu & ouy, ie ne suis deceu. Aux lieux où les corps morts sont mal enseuelis, certainement on y voit plusieurs choses terribles, desquelles mesmemēt on peut donner quelque raison naturelle. D'auantage j'ay parlé suffisamment aux liures de la Varieté des choses de telles matieres des voix inuſitees au tēps de pestilence, des images & representatiōs des chariots qui sont veuës, & subitement sont rēuerſees par bruit & clameur grande, maintenāt il suffit d'auoir admonesté que les experiences persuadent & ne demonstrent. Le gerre de la dispu-

Nn

*En quel lieu
les esprits sōt
apperceus, &
quand.*

tation est tel, que ceux qui assurent ont toujours leur fuite, & le debat des contredisans : ceux qui nient ont leurs experiences : ainsi telles disputations ne semblent estre suffisantes pour confirmer aux studieux l'opinion qu'on a des esprits. Car quand aux esprits appelez Telchines, qui sont esprits de fureur diuine, nous pouuons dire que la nature des pierres ou trop fragiles ou redondantes par esprit corrompu, quand le soufre & le bitumen sont bruslez, est la cause. Cecy m'incite d'auantage qu'ils sont des esprits, puis que l'air & l'æther où sont les quintes essences, sont tant grands, & sont regions tât pleines d'amenité & de plaisir: veu mesmemēt que nous voyons la terre auoir ses matieres viuantes, les metaux, pierres, plantes : que nous voyons aussi l'eau auoir ses poissons, & que nous voyons l'air infime, & d'icy bas auoir animaux qui respirent & viuent : il ne semble estre vray-semblable : que tant grandes regions supremes soient destituees totalement d'aucuns animaux viuans, ains plustost il faut croire que les animaux sont là tant plus excellens que ceux-cy inferieurs, d'autant que les regions y sont plus claires & plus pures que ceste inferieure. Veu donc que nous voyons, comme i'ay dit, cecy estre obserué de nature aux autres Elements, & non seulement aux Elemēts, mais au ciel, il faut croire que toute ceste grande machine de l'air superieur est pleine de ces animaux, que nous appellons esprits, en Grec dæmones, comme sages. Je ne vneil toutesfois exactemēt en suyuir cecy, cōme Porphitius, Pselus, Plotinus, Proclus, Iāblicus, lesquels copieusement ont escrit ce qu'ils n'ont veu, comme histoire de chose vrayement faicte. Quant à moy ie suis philosophe, en suyuant tant qu'il m'est licite les sentences des Peripatetiques, imitateurs d'Aristoteles, qui n'admettent les esprits appelez dæmones : & l'opinion qui les admet en tant grande region de l'air supreme (car ils sont là frequens, cōme les oyseaux sont icy) n'est probable, veu qu'à peine en toute vne prouince le vestige d'vn seul apparoiſt vne fois en plusieurs ans. Mesmemēt les Princes, desquels la fortune monstre qu'ils sont les plus sages de tous les mortels, contemnent & reiectent telles opinions. Cecy excite plu-

*Les auteurs
qui ont escrit
des esprits.*

*Les raisons
qui mōstrent
les esprits n'estre
point.*

seurs, que s'ils cognoissent les intelligences, ils seront mortels assemblement, & immortels, ce qui ne peut estre: & si ce ne peut estre, qui engarde qu'ils n'effacēt & mettent en acant tout le gerre humain, veu qu'ils sont inuisibles, & ne sont subiects au commandement de quelqu'un? Il vaut mieux sçauoir vne seule chose, qu'il n'appartient à l'homme de bien d'vsfer de l'aide des esprits, quoy qu'ils soient en contemnant la puissance du Dieu puissant nostre bienfaicteur, & duquel nous auons & tenons toutes choses. Car c'est le faict d'un homme ingrat: & voyons que ceux qui ont leur affection, & se fiēt à tels esprits, sont decens, & deuiennent fols par vaine esperance & fausse persuasion d'iceux. Et il est manifeste que selon la loy & institution de nostre religion ils sont tres-meschans: & sont tresambicieux, ou par leur sacrifices, ou par leur nature & puissance. Et si Dieu permet telles choses estre faictes, lors les ministres obeissent au Roy & seigneur. De s'appuyer donc à l'aide des esprits, c'est chose qui souuent est fallacieuse & pleine de peril: & est tousiours chose d'homme mauuais ou stupide. Bref, tout est de Dieu & à Dieu. Les Peripatetiques, comme i'ay dit, sont exempts de ce peché: car coustumierement ils doutent si les esprits sont.

Vne mesme question est des morts, & ailsauoir s'ils sont plus heureux que les viuans. On respond sagement qu'ils ne sont plus heureux les vns que les autres. Les morts se reposent perpetuellement en l'ombre de la mort, & iamais n'ont de douleur eternelle, ains sont en repos & tranquillité eternelle. Pourtāt il est bien escrit, Bien heureux sont ceux qui meurent au Seigneur. C'est donc l'extreme felicité de nostre esprit. Si dōc les morts ne sont mal-heureux, ceux qui viuent peuuēt estre bien heureux. La cōdition de ceux qui meurent est plus mal-heureuse: car ceux qui meurent tous sont seuls, neantmoins qu'ils soient Roys, & qu'ils meurent avec plusieurs: & chacun meurt pour soy, & semble ainsi mourir. La vie solitaire, & qui est faicte au desert, iointe avec grande douleur, est tresgriefue & intolerable: pource que la consolation des meschans est, d'auoir compagnons des peines. Or celuy qui meurt, combien qu'il

Na ij

Ceux qui versent des esprits sont meschans.

al. amato. l. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Ailsauoir si les morts ou les viuans sont les plus heureux.

al. uis. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Tous ceux qui meurent sont seuls.

meure avec mil autres, ne peut auoir de compaignon. Lors donc est vne grande confusion & solitude miserable. Au contraire les viuans ont grād plaisir en societé. Et ceux là viuent qui viuent selon vertu, & viuent perpetuellement. Le melchāt ne vit aucunement, ny en aucun gerre de vie: les dieux viuent selon vertu, & viuent perpetuellement: l'homme de bien vit selon vertu: pourtant luy seul peut estre heureux, & est entre les mortels proche & semblable aux dieux. Et en ce le bon prince est le plus heureux: car il est comparé à Dieu.

L'homme de bien est semblable aux dieux.

Fin du dixneufiesme liure.

DES ANGES ET INTELLIGENCES, LIVRE vingtiesme.



A vie des dieux est heureuse, seure sempiternelle. L'aage des hommes est briefue, mal-heureuse, pleine de suspicions & de crainte: dont il aduient qu'elle est retiree & retardee de faire plusieurs œuures excellents. Et le temps diminue ce qu'il agite, & tant plus il agite estroitement, tant plus il fait diminuer. Pourtant les coups font d'autant plus de dommage qu'ils sont legers. Et n'est chose qui semble plus triste aux hommes que l'angustie & briueté du temps: elle contraint, elle empesche, elle espouente, elle precipite, elle rend les œuures imparfaits. Rien n'est qui rende les dieux en angoisse, ains ils sont tout en egale felicité. Et l'intellect est d'autant de plus longue duree qu'il est plus subtil: car d'autant il est plus proche à la premiere cause qu'il est de substance plus subtile. Et tout intellect, quoy qu'il s'esfouyffe de repos eternal, de securité heureuse, de beatitude complete, de lumiere grande & sempiternelle, & de tant grāde clarté que l'homme ne seroit l'imaginer ne comprendre: ou

Tant plus les coups sont legers, tāt plus ils brisent.

Quelle est la vie des intelligences.

s'il la comprend, il ne peut la porter & soustenir vn seul moment. Et veu que le Soleil luit par l'intellect qu'il a comme vne ame: si cest intellect se pouuoit separer de luy, le Soleil ne lueroit autrement que la terre. Entendu donc que nostre ceil a quelque clarté par la lumiere de nostre ame, quelle splendeur dirons estre des intelligences, par la clarté desquelles la Lune luit & les autres estoilles, & trop plus le Soleil? On doute comment les intelligences peuent se delecter. Car route delectation, comme il a esté monstré cy dessus, aduient apres la tristesse ou douleur: ou il faut qu'elles ne soient muez apres la delectation. Et si elles se delectent apres la tristesse, il semble estre raisonnable qu'elles souffrēt & endurent tristesse. Et si elles ne sont muez quand elles se delectent, la delectation sera nulle: car ce qui ne mue, n'adiouste rien, & est comme s'il n'estoit point: & si la delectation est tousiours augmentee, elle viendroit en infinité, & ne pourroit plus estre augmentee. Mais l'infinité conuient au seul Dieu. Et si la delectation est à chaque fois augmentee & diminuee, elle sera faicte avec tristesse. Car la douleur & tristesse n'aduient seulement par le mal aduenü, ains quand la premiere felicité est changee, comme il aduient à ceux qui sont mis hors de la grace du Prince, ou d'vn amy: & s'ils ne sont delectez, ils ne pourront estre heureux, & ce ne differe non plus que s'ils n'estoiēt point heureux. Et ceux ne sont moins atheistes qui nient les dieux estre heureux, que ceux qui estiment n'en estre point. Des deux choses donc il est necessaire qu'une soit, ou que nostre volupté qui est faicte avec esmotion, soit seulement l'image & representation de volupté: ou que volupté soit totalement sans mouuement en ces intelligences, & quoy que la volupté soit aux choses, par lesquelles elles sont mouuees perpetuellemēt. Peut estre que nous auons tousiours la volupté avec le mouuement, pource que nous sommes tousiours avec mouuement: & les intelligences l'ont sans mouuement, pource qu'elles en sont exemptes: de laquelle chose nous auons icy quelque exēple leger en amour, auquel sans aucun sentiment de mutation, ains sans aucun desir, les amoureux sont delectez. Et par la mutatiō

La demōstratiō de la clarté des intelligences.

Quelle est la delectatiō des intelligences.

des choses, nous experimentons vne delectation nous estre faicte sans nous mouuoir, quand nostre sens & esprit est remply de quelque nouvelle espece, & de la delectation d'icelle, en regardât & contemplant plusieurs pierreries, sans diminuer la volupté. Les choses dont les intelligences se delectét, leurs sont propres, non pas celles qui sont icy faictes. Mais comme choses puerilles conuiennent aux enfans, les choses petites au petit peuple, les choses publiques aux magistrats, aux Roys ce qui appartient, & est des appartenances des prouinces, ainsi les intelligéces ont leurs choses propres: ainsi ces intelligences ou intellects sont choses eternelles & immortelles: & le nombre de ces intelligéces n'est petit ou mediocre, comme il nous semble, ains elles sont innumerables: & toutes ces intelligences sont participantes de la diuinité, & ne semblent auoir aucune fin de beauté, de clarté, de splendeur, & des autres biens, desquels les genres nous sont incognus, & les puisâces. Saint Denys Arcopagite les dispose en neuf hierarchies: en Anges, Archanges, throsnes, dominations, vertus, principautez, puissances, Cherubin & Seraphin. Et pour cognoistre la nature des intelligences, il faut cognoistre les vertus des corps qui sont gouuernez par icelles. La Lune donc gouuerne les Elements & les corps des choses animees: les Anges, c'est à dire, messagers, president sus la Lune: le prince des Anges est dit Gabriel, qui signifie la force de Dieu. Car par la lumiere de la Lune toutes choses nous sont donnees du ciel, & est tresrobuste, & de forte puissance en la vie. Mercure preside à l'intellect & aux sens: les vertus sont superieurs à Mercure: Raphaël, c'est à dire, la medecine de Dieu, preside sus les vertus. Car la medecine des hommes est le sens avec l'intellect, par lesquels nous acquerrons les vertus. Venus est la mere de volupté & delectation, & nous conioint pour procréer lignee. Les dominations sont superieures à Venus: car elles ont la force de garder les especes de chacun. Et la garde est parfaicte par la generation: & la generation par le touchement de l'un avec l'autre, le touchement par amour & dilection. Celuy aussi qui preside sus Venus est grād, qui est appellé Anaël, c'est à dire, la grace de Dieu.

*Les vertus
& les noms
des ensellagées.*

*et les noms
des ensellagées.*

Car c'est vne grace de Dieu q̄ d'aimer, & d'estre aimé, d'estre ioinct à la femme feconde, & procreer lignee: outre-plus c'est vne beauté & delectation. La vie de tous est attribuee au Soleil: l'ordre des archanges preside sus le Soleil, & les Archanges sont les Princes des Anges, ou messagers: car toute vertu est enuoyee & donnée icy bas du Soleil par la Lune: Michael est le Prince d'iceux, lequel signifie, qui est comme Dieu: aussi n'est-il chose semblable au Soleil: pourtant le Soleil est dict comme seul, de la diction Latine *solus*. Mars donne audace & hardiesse: autrement nous serions en crainte perpetuelle: & les potestez & puissances president sus Mars: car la puissance est ioincte à la force, & la force avec la puissance. Le Prince des puissances est Samael, c'est à dire l'ouye de Dieu: car la puissance & force de Dieu est mise en l'ouye. Iupiter est celuy qui mesle & tempere toutes choses, d'où viennent les facultez & vertus, duquel le principat est constitué par ordre, en moderation & téperance desquelles Sachiel est le Prince, qui vaut autant à dire, que le repos de Dieu: car en temperance & moderation nous vsons de repos: mesmement Iupiter est autheur de la tranquillité des temps, de paix & de felicité. Mais Saturne est l'autheur, & donne fermeté, & presque luy seul tēpere l'humeur & chaleur des autres: & est estimé le Seigneur de la mort & des morts, pour cause de la frigidité & siccité. Les throsnes gardent Saturne: car par luy les Royaumes sont confirmez, & toutes choses qui ont diurnité & longue durée. Car le throsne signifie autant que le siege: pource le Seigneur d'iceluy est appellé Cassiel, c'est à dire, l'espoir de Dieu: car diurnité & long espace de tēps. apporte & dōne espoir & seurte. Les Seraphins dominant au huitiesme Ciel, qui valent à dire ardans: car il semble qu'autant de lumiere de ce huitiesme Ciel ardent & reluisent. Les Cherubins, c'est à dire, sçauans, president au premier ciel. Car qui sont les sçauans, sinon ceux qui regardent & contemplant Dieu tres-proches à luy? Toutesfois il n'est facile de sçauoir & cognoistre le nombre des intelligences. Car quand quelqn vn entend & cognoist tōsiours tout ce qui est au Ciel, il semble

que la multitude des intelligences n'y soit necessaire. Et si elles sont peu, il ne semble estre raisonnable, que tant de calamitez soient donnees aux hommes en tant petit espace, & que l'on ait concedé la felicité à tant peu de personnes, en tant ample & grand espace. Il ne faut donc estimer vne multitude infinie estre contenuë sous vn ordre, non pas quarantequatre. Finablement, plus tost il faut croire de ces intelligences à ceux-cy seulement ausquels Dieu l'a reuelé, qu'aux faustes opinions.

Fin du vingtiesme livre.

DE DIEV ET DE L'VNI-
NIVERS, LIVRE VINGT-
ET VNIÈSME.

LES QUES icy nous auons parlé des parties du monde, & des accidens d'icelles. Il reste de present que nous traictiõs de la nature de l'Vniuers, & de quelques principes secrets, & consequemment que nous parlions de Dieu, lequel entédu qu'il est autheur de toutes choses, merite d'auoir vn traicté à part, & hors des autres choses. Prenans donc nostre commencement du profond des matieres, nous auons monstré en plusieurs endroicts que l'air est froid en la plus haute partie, ou il n'est eschauffé par le moyen des rayons reflexes du Soleil. Pour ceste cause il faut que les sectateurs d'Aristoteles soient en grâde doute, qui certifient que l'air est chaud. Toutesfois, comme les choses, lesquelles sont petit à petit muez de terme à terme, & aussi de fin à fin, cõme elles sont distantes & loing de quelque autre chose, & ainsi elles sont moins subiectes à la qualité de telle chose. Pourtant il est doncques necessaire que tant plus l'air sera haut, tant plus il sera froid,

finon quand il approchera grâdemment au temperament par sa legereté & subtilité. Parquoy quand l'air est eschauffé par les rayons du Soleil qui sont reflexes par la terre, il sera plus froid en la haute partie qu'en la moyenne.

Pour ceste cause en hyuer il est beaucoup meilleur d'habiter aux chambres du milieu, & en Esté aux plus hautes de la maison. En Esté elles sont deux vapeurs, la grasse, & espesse dont est faicte la rousée. Pourtant les châps des bleds sont engressez de la rousée, laquelle ne monte fort haut, pour cause de la grosseur & espesfeur. Mais quand quelque matiere est mieux cuite, comme aux chaudes regions, elle est condensée par le froid sus les plantes, & est appelée manne. La manne est cueillie en Targa desert des peuples de Libye, aupres de la ville Agades, en tant grande abondance que la liure de vingthuiet onces n'est vendue que huiet deniers ou autre petite somme. Ils s'en trouuent bien sains, quoy que l'air soit pestifere. On la cueult quâd les nuits son seraines, en partie pource qu'elles sont plus froides que le iour, en partie pource que la rousée ne peut se conuertir en matiere des nuees: car, comme i'ay dict, elle est condensée du froid. Quand donc la pluye est engendree, le froid ne peut estre grand: car la vapeur est attirée par la chaleur, & est condensée du froid. Pource la pluye peut estre avec le froid: & quand la chaleur suruiet, lors la pluye necessairement est en vigueur. Il n'est donc gueres de manne quâd la nuit est nubileuse & encor moins quand la pluye cōtinue, car elle se fond. Et trois gerres sont de la manne: la meilleure est, qui est cueillie aux fucilles la mediocre aux branches, & la pire sus terre. Donques la plus grasse partie des vapeurs se tourne en rousée: & ce qui monte en hault, est condensé du froid en l'air subtil, & se conuertit en pluye. En Esté donc il ne pleut gueres, pource que la chaleur attire moins qu'elle sèche: car en noz regions, entendu que la chaleur est imbecille, petit à petit elle attire les vapeurs qui sont consumées de la sécheté auant qu'elles soient conuerties en pluye. Pour ceste cause quand la pluye est faicte, elle est faicte subitement: car quand les

*Ou est la bō-
ne habitatiō
& demeure.
D'ou vient
la rousée.*

La manne.

*Comment est
faicte la
pluye.*

nuees tardent trop, elles sont consumees de la siccité du Soleil. Mesmement en huer il ne pleut beaucoup en nostre país : car la vapeur n'est attirée en haut pour l'imbecilité du Soleil, d'où vient la serenité & le beau temps : ou si la vapeur est hautement attirée, la partie tres-legere monte seulement, & n'est condensée pour l'épessueur de l'air, & pour la tenuité de la vapeur: & l'air est espes & gros, pource qu'il est froid. Pourtant quand la vapeur ne se cōdense, de ce vient la neige: car la neige est vne congelation de vapeur non condensée pour la subtilité de sa propre substance, & pour l'espessueur de l'air. Pource la neige est faite en plus haut lieu que la bruine, & est faite de vapeur plus subtile: parquoy la bruine est plus froide que la neige. Pourtant elle fait plus tost mal aux arbres que la neige, & pource que la bruine vient plus tardiement que la neige. Car la neige n'est qu'en huer, pource que la subtile substance d'icelle n'est facilement congelée. Or la rousée est facilement congelée, pource qu'elle est terrestre: pource la bruine vient plus hors l'huer que la neige, & plus tardiement.

*Comment la
neige est fai-
te.*

*Pourquoy la
bruine est pl^o
nuisante aux
arbres que la
neige.*

*Comment est
faite la brui-
ne.*

Que dy-ie plus tardiement? Le temps de la bruine commence plus tost, & finit plus tard que le temps de la neige. Cecy le montre, que la bruine est faite aupres de la terre, pource qu'elle est faite aux maisons, iouxte les parois humides: car en huer la bruine est faite au lieu de la rousée. Parquoy la neige & la bruine ne se condensent en glace, & ne se conuertissent en graisse. Car il faut pour faire la graisse & la glace, que la vapeur se condense: mais en la neige & en la bruine l'air est entremeslé: la neige donc ne la bruine ne peuuent se tourner en glace ou graisse. Et la graisse est engendrée en plus haut lieu que la neige, pource qu'il est nécessaire qu'en Esté le lieu ou il fait froid, soit plus haut qu'en huer: & cecy a esté démontré dès le commencement: en partie pource que les vapeurs sont esleues plus haut en Esté pour la subtilité de l'air, pour la chaleur & subtilité d'icelles, & pour la force du Soleil. Et la graisse il est bien nécessaire que la compression y soit faite, afin qu'elle soit condensée en glace. En ceste graisse est aucunesfois autant grosse qu'une pierre, & peut tuer les

*Comment la
graisse est
engendrée.*

iumens, & abatre les maisons. C'est chose commune à la gresle de rôpre, prosterner & iecter à terre les fruiçts des arbres & les grains. Mais il est impossible que la gresle soit engendree sans vent: car si l'air est petit & subtil, il n'est froid: parquoy la vapeur ne peut estre cõgelee, si l'air ne peut estre condensé quand il est espes. Et pour engendrer la gresle, il est necessaire que la vapeur soit condensée, de peur que la neige ou la bruine ne soit faite: & est necessaire que la vapeur soit congelee, de peur que l'eau ou la pluye ne soit engendree. Pour ceste cause à peine la neige & la gresle peuuent estre faites ensemble. Et l'une & l'autre peut estre cõioincte à la pluye, pource que ce qui n'est congelé ne condensé vient en pluye, non en gresle: & ce qui est condensé quand l'air est plus subtil, qu'il puisse empescher toute contraction, il est ioinct à la neige, comme la pluye. Il est donc manifeste que le grand froid est avec la neige & la gresle: comme en hiuer est vne tepeur & tiedeur quãd il pleut: autrement ce seroit neige. Tu peux obiecter, comment la neige est faite au coupeaux des montagnes, & comme ce coupeau sera tres-froid, veu que la reflection est illec faite par la môtagne? Ce n'est merueille si le froid est grand au coupeau des montaignes, pource que l'air de la nature est tres-froid: outre-plus, se lieu d'où les rayõs du Soleil se reflectent, est inegal, en sorte qu'ils ne se reflectēt à mesme lieu. Aussi le lieu est estroit, & pource la reflection est petite: mesmēt ce lieu de soy-mesme est froid, pourtant qu'il est pierreux: & vne partie de la montagne est posée en l'ombre: & ce qui est d'auantage les parties proches au coupeau sont tres-froides, pource qu'elles sõt fort loin du fond des valces, & de la plaine de la terre. Quãd donc les vêts souffent veu que l'air est porté par les lieux equidistãs, il est necessaire que les coupeaux des montaignes soient grandemēt refrigerez: ce que j'ay monstré aux problemes. Mais quand les nuees sont esleuees hautement du coupeau de la montagne, jaçoit qu'elles ne soient esleuees de terre plus de deux mil pas, toutesfois pource qu'elles sont esleuees du sommet de la montague, de cecy il aduient que les nueces soient plus distantes de la plaine & superficie

Le froid est grand aux montaignes.

*La gresle ne
vient sans
vent.*

de la terre: comme si le mont est haut de cinq mil pas, les nuées lors sont aucunesfois presque distâtes de la plaine de la terre iusqu'à sept mil pas. Et lors sont faictes les neiges pour la trop grande hauteur des nuées, mesmement en l'hiuer tepide: ou la gresle est faicte en Esté. Car c'est chose communes aux neiges, à la gresle, aux nuées pluueieuses, d'estre faictes en deux manieres: ou quand la vapeur s'esleue aux montagnes ou autre part la vapeur mesmement transportee par les vents. Et en quelque lieu que soit la gresle, elle n'est iamais faicte sans vent, aucunesfois avec plusieurs qui soufflēt les vns contre les autres.

L'eau difficilement monte en haut, pource qu'illec elle seroit condensée, & pource qu'elle est pesante, elle descend de soy-mesme, si elle n'est soustenue des vents. Aucunesfois il aduient que la gresle est dissipée par le son des cloches, pource qu'elle n'est forte, si elle n'est biē condensée. Car l'air porté en haut avec quelque petite violence, empesche que la vapeur soit condensée. Et quand les gresles sont condensées, elles descendent par la violence de la pesanteur & des vents, & par la part ou elles fendent l'air, elles sont plus plattes & plus blâches, pourtāt elles semblent auoir tonfure, & pource le peuple ignare estime qu'elles sont cheutes par les precātations & enchantemēs des sacrificateurs. Et lors que la vapeur allumée rompt par grande violēce les nuées condensées, les esclers sont faictz, & par la cheute d'iceux, sont faictz les tonnerres. Mais quand les nuées ou sont contenues les neiges ne sont massiues ny espesses, elles ne peuuent estre rompues avec violence: parquoy ne l'escler, ne le tonnerre est ou y quand la neige tombe, non plus qu'en hiuer. Et si en hiuer il esclere ou tonne, lors la pluye tombe, non pas la neige, aucunesfois la gresle tombe, comme il aduient ces derniers ans passez deux fois au mois de Decēbre, & enuiron le plein hyuer. Et ce cy aduient, pource que la vapeur chaude montant en haut, auoit rēdu la region tepide. En hyuer doncques quand le froid est grand, il ne pleut: en Esté les pluyes sont rares & petites. Au printemps, pource que le iour subsequent cōsumme plus de vapeur que le premier iour n'en auoit attiré

*Trois causes
pourquoy la
neige tombe
sans esclers
& tonnerre.*

(car au printéps les derniers iours sont les plus chauds, & ont la nuit plus courte) pourtant il pleut moins que en Automne, & plus long téps qu'en Esté, & plus souuēt qu'en hyuer. De cecy il est manifeste que quand il aura biē pleu en hyuer, que l'hyuer futur sera tepide & moins salubre & sain: s'il pleut beaucoup en esté l'air est humide, & pource plein de maladies, si moult il pleut au printemps, le printemps subseqnent sera froid. En autōne il aduient que les pluyes sont grandes, & durent lōg téps. Pourtant aucuns ont estimé ceci aduenir quand arcturus dite l'ourse, commēce à se leuer, mais ils faillent en cecy. Car en autōne lors que le soleil est encor valide, plusieurs vapeurs sont attirées en haut, mais entendu q̄ le iour succedant a les nuits plus longues que le precedent, & que ce iour est ja plus tepide, il est necessaire que la vapeur se condense, & qu'elle descende apres. Et quād la terre est humectee, de rechef ce qui estoit descēdu, est attiré, cōme adherāt en la superficie de la terre, & quelque chose encor plus profondement, qui est adioustee, & par ce moyen sont faictes non seulement les pluyes, ains les nuees pluuiueuses, & venteuses. Et cecy aduient quand les nuees esleues d'un lieu bas par les vents, ont donné le cōmancement à la pluye: autrement elles sont condensees petit à petit, & petit à petit augmentees. Et si les vents sont esleuez d'un autre lieu, que de celuy qui est bas, incontinent ils cōmencent estre grands. Et s'ils ne tōbēt & sont abatus, c'est pour vne cause de trois, ou pource qu'ils ne cōmencent d'estre, & lors automae est tressec: ou pource qu'apres qu'ils sont chez, & que de rechef les nuees sont cōdensees, elles sont portees autre part par les vents, & lors automne est venteux: ou c'est pource que la chaleur est seche, & lors autōne est pestifere, & cause de griefues maladies. Donques les neiges peuuent estre engēdrees sus les mons d'Afrique & d'Ethiope, pource que la vapeur peut estre attirée tāt haut qu'elle ne soit cōdensee pour la frigidité de l'air, & que par ce moyen elle soit cōgelee & cōuertie en neiges. Et la neige est gardee en la partie qui n'est touceee du Soleil, qui est entre les arbres & les rochers. En Ethiope les parties Meridionales des noms qui sont vers le Midy, &

*En automne
moult il
pleut.*

*La difference
de la glace &
de la neige.*

les parties Septentrionales, qui sont vers Septentrion, ne sont touchées du Soleil, principalement quant il s'ap-
proche, & qu'il est loing. La neige de soy-mesme pour
cause de l'air est tres blanche: la glace est noire, pource
qu'elle est faicte de l'eau ou il n'y a aucun air: la gresse
est moyene entre les deux, qui est faicte d'eau, mais de
l'eau qui est cōdensee des vapeurs, & qui n'a excepté de
l'air. La gresse donc q̄ voyons estre blanche, est la moins
froide, & est faicte & des moindre vents, & descēd d'un

*La cause de
l'ouuerture
du ciel.*

lieu plus bas que l'autre. Quand la vapeur seche, & non
fort humide monte, ce qui aduient rarement, adonc il
semble que le ciel soit ouuert. Car si tu fais vne macule
noire en vne peinture, & tu la mets fort loing de toy, la
macule te semblera estre vne ouuerture, ou tenebres,
pour cause de la similitude qui apparoist en l'ouuerture
& aux trous. Or pour retourner à nostre propos des nei-
ges, pour quoy souuēt semblēt elles estre moins en Esté
au coupeaux des mōtagnes, qu'au milieu d'icelles? Au-
cune autre cause n'est, sinon que le coupeau est exposé
au Soleil qui faict fondre les neiges: les autres parties
des mons, & principalement celles qui sont opposites au
Soleil en sont exēptes, & ne son fōdues. Ces choses ainsi
consideres, maintenāt mōstrons premierement, pour-
quoy aucunes parties sont habitables souz la zone tor-
ride, aucunes inhabitables. Les parties sont habitables,
ou sont les fleues, & ou il pleut. Les parties qui n'ont
de fleues, & n'y pleut point, totalemēt elles sont inha-
bitables, sinon peu de marchez, & lieux ou se tiēnent les
foires qui n'ēt de villages voisins. Mais pour quoy aucu-
nes parties sont seches & arides, au cunes sont humides?

*Pourquoy la
pluye & les
nuées sont
toufiurs ou le
Soleil est sus
la teste des
hemmes.*

Il faut icy chercher la cause diligēment. Quand la pluye
doit estre faicte, il faut que la vapeur humide demeure
en haut, & elle demeure pource qu'elle n'est dissipēe par
la chaleur du Soleil. En noz regiōs la vapeur ne demeure
en haut, ou bien rarement en Esté: pource que petit
à petit, comme il est dict, elle est consumēe pour l'imbeci-
lité du Soleil, & briefueté des nuicts: mais en la Zone
torride, quand le Soleil est sus la teste des hommes en
grande force, grande quantité des vapeurs monte pour
la force du Soleil, laquelle ne peut estre dissipēe, en par-

tie pour la lōgueur de la nuit succedete, en partie pour cause de la multitude des vapeurs: pource ceste multitude cōdēsee descēd en pluye sus terre. Car veu que le feu ne peut dissiper moult d'eau, sinon par long temps, que dirōs nous de la force du Soleil, qui est trop inferieure que le feu pour secher? Outre plus pour la multitude & l'epesseur des vapeurs, les rayons du Soleil ne peuent penetrer, pource seulemēt quelque portion des vapeurs superieures est cōsumee, l'autre demeurant qui descēd en bas par la pluye. Et quād la force du Soleil est robuste, de rechef ce qui estoit cheut en pluye, est attiree en haut, & quelque chose y est adioustee des interieures parties de la terre, ou de la mer, ou des fleuves, ou des mōtagnes prochaines. Pourtāt derechef la pluye reuiēt en vn mesme iour, & souuēt d'auātage que la premiere fois, & en aucuns lieux elle perseuere aucunesfois quarāte iours, en autres lieux soixante iours, aucunesfois trois mois entiers en quelques cōtrees. Il est dōc necessaire, qu'il n'y ait de vents valides, & certes il n'y sont point, pource que le fort Soleil dissoult l'exhalatiō subtile, & nō pas ce qui est espes. Et si les vêts y sont, la cause de la generatiō de la pluye est tāt ferme & stable, que la serenitē & le beau tēps reuiet incōtinent à la pluye, jaçoit qu'elle ait duré deux ou trois iours. Quand donc le Soleil est sus les testes des hōmes, il pleut trois ou quatre fois chacū iour en Ethiope, & en Inde: ainsi sont appellees les parties de la terre sus lesquelles le Soleil luit droitement. S'il pleut par tout, il est incertain: certainement ils ne seroiēt tant de lieux deserts, & pleins de granier, s'il plouuoit par tout, & tels lieux sont aux parties susdictes, il ne pleut dōc par tout. Il ne pleut en quelque lieu, quād la mer, les fleuves & les mōtagnes en sōt loin. Aux mōtagnes, il pleut necessairement, autrement elles seroient cōuerties en arene par la chaleur du Soleil. Là donc où le Soleil demeure long temps, les pluies tombent assiduēment: quand le Soleil se depart, la terre est sechee, pource q̄ plus de vapeur est resoult & consume, qu'il n'en est attiré: car la chaleur est moderee & attiree petit à petit, & ce qui est attiré, est dissoult & consumé, & la vapeur dissipee & subtile, se conuertit en air: par

ce moyen l'air est premierement seché, puis la terre par l'air & le Soleil. Doncques deux choses contraires aduiennent souz la zone torride aux matieres qui sont en ceste region, la premiere, que les pluyes sont engédrees par l'aduenement du Soleil, & quand le Soleil se depart, la terre est sechee : ainsi l'Esté est humide, & l'hiuer est sec, & icy en nostre pais l'Esté est sec, & l'hiuer & pluuioux, humide & abondant en neiges. La secõde chose cõtraire despend de la premiere: en ces regiõs là l'hiuer cõmence par l'aduenement du Soleil, & l'Esté cõmence en nostre pais, & telles regions ont l'Esté lors que le Soleil est de plus loing d'icelles, & lors nous auons l'hiuer. En l'Isle de S. Thomas quand le Soleil est aux signes de Septentriõ, les vents soufflent appelez Auster, Sirochus, Garbinus, qui amènent les pluyes : car ils sont humides. Les vents appelez Boreas, Gracus, & Magister, ne soufflent illec : pour ceste cause ceux de telle ille ont deux hiuers: car quand le Soleil est aux equinoces, il est sus la teste d'iceux, & depuis Mars iusques au mois de Aoust, ils ont les vents, & le froid, & quand le Soleil est aux signes du Midy, ils ont l'Esté en Decembre, Ianuier, & Feurier. Quand donc le Soleil vient & s'approche à ceste ille, la vapeur, comme i'ay dict, est grandement attirée, laquelle entédu qu'elle est copieute, & mise entre le Soleil & la terre, elle refrigere l'air mediocrement, & l'humecte grandement. Et telle constitution de l'air à bon droit est appellee l'hiuer. Quand donc le Soleil luit sus les testes des peuples susdits, lors l'hiuer cõmence. Il est donc manifeste qu'en l'Isle de S. Thomas, qui est aux Portugalois, posez souz l'equinocce sont deux hiuers, le Soleil estât aux equinoces: l'vn est au mois de Mars, l'autre en Septembre, & l'Esté est au mois que le Soleil s'est absenté loing de ses peuples, en Decembre, Ianuier & Feurier, comme dit est. Car neâtmoins qu'en Feurier le Soleil soit aupres de l'equinocce, il leur aduient toutesfois ce qui nous aduient quand le Soleil est au signe de Leo, sçauoir est, grandes ardeurs pour cause de la chaleur qui a ja precedé. Pourtant tels peuples ont l'hiuer en l'aduenement du Soleil, & l'Esté & le beau tẽps quand il se depart. Ces choses sont plus grandes, & plus

cui-

euidentes aux montagnes, qu'en vne plaine. Et de ces choses il est manifeste que quand le Soleil tarde en vne mesme region (& cecy est principalemēt apres de Siene, & de Meroë) les pluyes sont tant abondantes, que les fleuves sont pleins, en sorte qu'ils desbordēt, & desbordēz ils arrousent la terre, d'oū viennent les inondations & deluges. Pourquoy donc incontinent apres le solstice d'Esté sont engendrees telles pluyes, & non parauant, veu que les degrez du signe de Gemini qui commēcent l'onzième de May, sont en mesme distance depuis l'equinoce avec les degrez de Cácer, ou le Soleil demeure depuis l'onzième de Iuin iusqu'à l'onzième de Iuillet? La cause est, que la terre est ja desechee, pource que de long temps le Soleil s'est estlongné, & l'attractiō n'a plus de force tant que le Soleil ait imprimé sa chaleur vehemente: laquelle il ne peut imprimer, auāt qu'il soit mouuē, & tournē en la mesme ligne. Et cecy ne peut aduenir en vostre país auāt le solstice. Et est la cause pourquoy nous n'auons les chaleurs vehemētes auāt le solstice, & que l'Esté cōmence, & le cōmencement de l'hüuer est aussi en telle sorte: car le commencement d'une perfection est tousiours d'une cōstitution tres-parfaite: icy tel commencement est fait par les solstices, le premier procedant à chaleur, & l'autre à froidure: car lors le Soleil est comme immobile. Dōnequas auant que le Soleil soit paruenü au solstice d'Esté, l'attraction vehemente ne commencera: parquoy les pluyes ne commēcerōt aussi, pource que les vapeurs attirées sont premier consumées par la siccité de l'air. La plaine commence en Ethiope au solstice d'Esté, & perseuerēe quarante iours. Pourquoy la pluye ne perseuere tant que le Soleil soit paruenü au commencement de Libra? La mesme cause qui coustumieremēt est alleguēe des fins & extremitez de l'Esté, satis fait à ceste question. Car quand le Soleil est venu au milieu du signe de Leo, il seche les terres & attire petit à petit, en sorte que mesmement les pluyes cessent, la vapeur lors estant consumée. Quand donc le Soleil a procedé depuis le commencement de Cancer iusqu'au milieu de Leo, perpetuellement les pluyes sont en Ethiope, & l'hüuer est à ces peuples là pour la multi-

L'Esté & l'hüuer ont leur commencement du solstice.

tude des eues, quand le soleil est sus leurs testes, & non pas quand le Soleil est souz l'equinocce: car iacoit que le Soleil esteue illec les vapeurs, & que l'eau tombe du Ciel, pource toutesfois que si le Soleil s'esloigne de l'equinocce presque de deux parties ou degrez de cinq iours en cinq iours, l'attraction est infirme & imbecille en chacune regiõ sçauoir est, Ethiope, & Inde: parquoy ne les pluyes, ne les nuees pluuiuses, & veteuses, ne les tēpestes sont faites illec, ains seulement quelques pluyes. Et quand le Soleil accede & vient au cercle de Cancer, à peine en quarante iours il se depart d'une partie de ça ou de là; pour ceste cause lors les pluyes ne sont faites, ains vents pluuioux, guilees & tempestes. Et en ces vêts tēpestatifs, cōme guilees, aduient, cōme j'ay dict, les esclers: car quand la pluye est engendree, necessaitemēt la nuee est condensee, & la nuee cōdensee, la vapeur sulfureuse, & cōme pleine de soufre illec enclose, est allumee & enflāmee, comme aux artilleries & haquebutes, & quand ainsi elle occupe grand lieu, elle rompt la nuee par grande violence: car, cōme j'ay dict, nature ne permet deux corps estre en vn mesme lieu: parquoy la nuee dense & epeffe est rōpue par telle violence impetueuse, & l'ors escler resplendit. La nuee dōc subitement rōpue red ce grand bruit, qui est appellé tonnerre, par lequel plusieurs animaux, principalement les brebis, & aucunes femmes, rendent le fruit de leur ventre abortif. Mais quand tout le feu ne sort subitemēt & d'impetuosité, comme aux instrumens de guerre, ains pour la hauteur aucunes parties d'une petite nuee petit à petit, toutesfois & en vn mesme tēps se rompent, il aduient lors que le tonnerre non seulement fait vn bruit long, cōme les machines de guerre quand le son diminue, mais le principal bruit du tonnerre a diuerses parties, en sorte que mesmemēt les parties de la nuee, l'une apres l'autre, sont entrerōpues du feu qui descēd. Or entēdu que l'escler est vn feu, pourquoy descēd il, veu que c'est le propre du feu de mōter? La cause est, pource que la premiere impetuosité est faite du lieu qui est le plus dense & espēs, & aucunesfois il aduient que la nuee est plus espēs en haut qu'en bas, & cecy s'accorde à la raison,

Les esclers.

Le tonnerre.

pource que la plus haute partie de l'air, comme i'ay dit, plus froide que la basse, principalement en Esté, auquel tēps coustumierement sont faicts les esclers. Ainsi mesmement les artilleries abaissees iettent la boule & le feu en bas, pource que la premiere violence est faicte de la partie superieure. Aucunesfois aussi il aduient que les esclers tendent en haut, quand la nuee est plus rare en haut qu'en bas. Voicy vne autre cause, pourquoy la neige est faicte sans esclers, pource que la vapeur sulfureuse n'est tāt condensee qu'elle puisse estre allumee, & cōme il est dict, si elle estoit allumee, elle ne pourroit faire bruiet impetueux en la nuee, qui est fort rare.

Mais pourquoy l'escler est il tousiours aux orages pluuieuses qui sont faites avecques les vêts: C'est pource qu'en la superficie de la terre est quelque chose sulfureuse, qui est attirée en Esté par la force du Soleil. Et voicy la troisieme cause pourquoy les esclers ne tombent bas quand la neige est faicte: car la vertu du Soleil imbecille ne peut attirer plus haut la vapeur terrestre. Mais comment ceste vapeur peut estre enflammee, veu qu'elle est esparse? Quand la grāde force des vêts espart la vapeur aqueuse, elle iete en bas ce qui est de matiere sulfureuse. Pourtant comme en la chaux la partie exterieure mouillee legerement, & l'interieure sechee par le mouuement assidu des vents, est allumee par la contrarieté du froid & de l'humour, & trouuant la partie inferieure la plus rare, quand elle se tourne en flamme, elle descend cōme le feu qui est secours vers terre des artilleries abaissees. Maintenāt il reste vne autre doute, sçauoir est, quand le Soleil s'arreste, mesmement aupres du cercle de Capricornus, comme aupres du cercle de Cancer, pourquoy n'excite-il poinct illec les inondatiōs & grandes eaux? Ainsi en Inde & Ethiope seront faictes les tempestes veteuses depuis la moitié de Decembre: car ces regions viennent iusques au droict de ce cercle de Capricornus. Pour ceste cause il faudroit ainsi le dire, sinon, peut estre, que le Soleil plus proche à la terre, comme en sechant plus vehementement en l'opposite de son tour, empesche les pluyes: & si les pluyes aduiēnēt illec, elles sont outre les courses du Nil. Car le


Pourquoy le Nil arrouse abondamment Egypte.

Nil fleuve grand au Royaume d'Ethiope appellé Gaianum, qui est souz le Prestre Ichan (aucuns l'appellent Prestre Iohannes) appellé Neguz en leur propre langue prouient de deux lacs, qui pour leur grandeur sont cōparez à vne mer, ayant six portiōs ou plus outre l'equinoce vers le Midy, selon Ptolomeus: combien que Ptolomeus allegue les montagnes de la Lune. Apres procedant des hauts lieux, il descend avecques grand bruit esclarrant, & ce fait par deux lieux. Ils appellent ces lieux ainsi bruyās & derompus, cataractes, qui sont les plus hauts lieux des montagnes, d'ou descēd le fleuve escumant grandement: l'vne de ces cataractes est dictē la maieur, l'autre la moindre, apres lesquelles ce fleuve est espars en la maniere d'vn tresgrand lac, lequel circuit sept cens isles, desquelles la plus grande est dictē Merōē outte le cercle de Cancer vers l'esquinocce, enuiron de neuf parties, en laquelle isle est vne cité mesmemēt appellee Merōē. Ce fleuve apres recolligē & retournant en son canal, il procedē & prēd son cours vers la mer, diuisē en sept bras ou parties. Depuis l'origine de son cours iusques au lieu ou il tombe en la mer, il va droit du Midy vers Septentriō. Peu de fleuues, ou pluustost n'est aucun qui tombe dedans le Nil: mais le dixseptiesme iour de Iuing, apres que le Soleil a fait son tour, le Nil commēce de s'enfler, & se debordāt il couure d'eues la terre d'Egypte, en sorte que plusieurs bestes y perissent: les bestes fortes & les hommes se sauuent aux plus hauts lieux, & ceste inondatiō croist quarante iours, tant que le Soleil soit venu au milieu des iours du signe de Léo: depuis ce iour décroissant autāt de iours, il laisse Egypte seche.

Ces choses doncques sont telles. Mais auāt que nous enquerions les causes d'icelles, il faut chercher generalement la raison des inondatiōs & deluges: car les autres fleuues couurent d'eues les champs, cōme le Pau, dict Eridanus en Italie, & Hister ou Danube en Pannonie. La cause doncques de toute inondatiō, est le bord trop bas des riuages, ou l'abondance des eues, ou le vent cōtraire au cours de l'eau, ou le resflot de la mer qui empesche l'eau de tomber en icelle. Le bord trop bas des


Trois causes generales des inondations.

riuages est fait, quand la terre s'ouure. L'abondance des eaues aduient par l'augmētatiō de la fontaine, ou par les neiges fondues, ou par les pluyes. Quand les vents soufflent contre le cours de l'eau, ils la contreignent de s'enfermer: ainsi elle se deborde, mesmement par les plus hauts riuages. Et tout vent mouue l'eau, ou pource qu'il descend, ou pource qu'il est porté tout droit: le vent qui descend agit l'eau, qui est AC: car quand elle s'abaisse vers E, la partie occupante le lieu CE, occupe EF: la partie donc EF monte à FG, &



par ce moyen l'eau s'enfle & se deborde. Mais si le vent procede tout droit de BC, pource que le lieu F est plus haut que H, l'eau est poussee du vent. Car l'eau est ronde, comme tu vois aux pots de terre & autres vaisseaux. Pour ceste cause les fleues & lacs sont veuz de loing: car ou nous regardons d'enhaut, & nous voyōs les eaues: ou nous regardons de la plaine, d'ou mesmement nous voyons les eaues, pource que l'eau est ronde. Et de cecy il est manifeste qu'ils sont deux mouuemens droits, l'un mathematique, qui est fait par la plus breue ligne, & cestuy est fait par impulsio, & les vêts sont ainsi mouuez: l'autre est fait selon nature, & cestuy est tel qu'est le mouuement de l'eau en la circonference du cercle. Quand donc l'eau est mouuee d'un mouuement circulaire, le vent est mouue d'un mouuement droit, & de tout vent necessairement la perturbation est faicte en l'eau. Doncques la rotondité de l'eau est cause des tempestes. Mais quand le vent souffle de costé, ou contre le cours de l'eau, & qu'il est grand, lors l'inondation est faicte, & l'eau se deborde, & si

*Pourquoy
l'eau est
veue de loing.*



l'eau est fort large, illec est la tempeste. Et tousiours le vent souffle en quelque partie du fleue, ou à costé, ou de trauers, pource que le fleue à son cours tortueux comme le serpent est tortu: pourtant si le vent n'est bien doux ou l'eau petite, l'inondation est tousiours faicte en quelque partie du fleue. Soit donc le fleue ABC: que le vent souffle

tout droit de D E il sera porté de trauers en F G H, & si l'eau est grosse, lors sera faicte l'inondation, autrement non. Et le vêt qui souffle de D en C B, entendu qu'il souffle contre le cours de l'eau necessairement il fera desborder l'eau. Pourtant donc quand le vent souffle, l'inondation est faicte en aucuns lieux, aux autres les fleuves sont asséchez. Et l'inondation est rendue plus grande, ou pour la multitude des eaues, ou pour la magnitude du vent, ou pource que le vent vient dessus, poussant par violence les eaues, comme les epuisant & iettant hors du canal. La raison des tempestes & de la magnitude d'icelles sus les eaues est semblable: pourtant la multitude des tempestes est plus grande en la mer qu'aux lacs, & aux lacs plus qu'aux fleuves, aux grands fleuves plus qu'aux petits. Quand donc vn seul vent souffle & procede tout droit, comme selon la ligne B C de la premiere figure, il ne s'entremesle dedas les eaues: si il souffle obliquement & descend d'enhaut, lors troublât grande abondance d'eaues, il apporte grand



peril. Et s'ils sont deux vents cōtraires, comme A F & B F, la nauire sera submergee & ietee dedans l'eau, pource qu'elle ne pourra aller plus outre pour le contrefort de l'vn des vents, & si la nauire est menee de C en F par les vêts qui batent les costez d'icelle, elle sera renuersee. Il n'est tant perilleux, que la nauire soit menee de D en F, où le vent A F est plus valide que B F: car la nauire est tousiours plus seure qui est poussee du vêt plus valide que celle qui est menee cōtre le vent. Et s'ils sont trois vêts A E, B F & E F, & vn d'iceux viêt d'enhaut, & que A F soit le plus valide, il est necessaire que la nauire soit submergee, pource qu'elle ne peut estre portee selon la ligne D F, autrement la nauire seroit reuersee du vêt E F: elle ne peut aussi estre menee selon la ligne E F, car elle seroit renuersee par le vent A F, & ne peut estre menee selon la ligne G F, l'E E contresoufflant. La nous auons dict, qui sont les tempestes perilleuses, & qui est la maniere de les euader. Cōme dōcques les inondatiōs sont du lac qui n'est perpetuel, ainsi les inondations du

*La difference
des tempestes.*

lac sont perpetuelles. Pourtāt les lacs sont faicts de cinq causes concurrentes: la premiere est, que le fleuue descēde au lieu, & des grands fleuues sont les grands lacs, cōme le lac de Constance, qui est tresgrand, vient du Rhin, le lac de Geneue, dict *Lemanus*, du Rhofne: le Verbain, dict *Verbanus*, du Ticin, dict *Ticinus*: les petits lacs viennent des petites riuieres, comme Eupil, dict *Eupilus*, en Italie. Il faut que les eaux soient amassees de la hauteur des montagnes & costaux: pour ceste cause tout lac est entre les montagnes ou costaux: autrement l'eau amassee s'espandroit, & seroit esparse sans faire lac. Outreplus, il faut que la situation soit entre les costez plus bas que le canal du fleuue: car si elle est plus haute, le lac deuiendra sec, & ne sera plus lac, ains vn marest ou estāg, si d'auenture le fleuue deuient sec, ce qui aduient souuent. Car ce n'est vn lac quand souuent il est affecté, & s'il n'a autant d'eau qu'il coule tousiours, & soit assiduellement agitē de vagues & tempestes. Quand il est sans vagues, il est vn marest, non pas vn lac. D'auantage, il est necessaire que la riuē soit la plus haute en la partie opposite, par laquelle le fleuue s'escoule: autrement tout le fleuue s'escouleroit, & ce seroit inondation, non pas vn lac. Finalement il faut que le plus bas lieu de la riuē soit estroit, & que par ce lieu le fleuue s'escoule: car s'il ne s'escoule, l'eau se corrompra, & se fera vne mer, non vn lac, quoy qu'il soustiennē les floquemens & tempestes. Pour ceste cause aucun fleuue ne prouient de la mer: & s'il en prouient, il ne luy correspond en proportion. Nous auons donc maintenant la difference des lacs, de la mer, des estāgs ou marest, & des inondations: de present il conuient retourner aux causes de l'inondation du Nil, qui est telle, pource que la tempeste venteuse, dont nous auons parlē, prend son commencement en Ethiopie l'onziēme iour de Iuin, quand le fleuue incontinent apres s'enfle, le Nil s'espand par les champs d'Ethiopie, comme il aduient en nostre pays, pourtant que l'abondance des eaux y est grande. Et cecy n'empesche point qu'Ethiopie est loing d'Egypte: car si la mer est enflēe au milieu du recours des eaux pour cause du flot, comme j'ay declarē cy dessus (car le coulement de l'eau & la tu-

Cinq causes
des lacs.

meur different: en ce coulement les parties succedentes
 l'une apres l'autre, la tumeur se fait par compression,
 depuis vne extremité iusqu'à l'autre) ce n'est donc mer-
 ueille, quoy que le Nil flue & coule lentement, s'il s'en-
 fle depuis vn bout iusqu'à l'autre par l'espace de quatre
 iours: car mesmement si tu comprimes vne peau de che-
 ure où c'est que lon met l'huile par vn des bouts, tu la
 verras enfler en l'autre bout sans mouuement. Apres
 quād la pluye cesse, & que le Nil se descharge tousieus
 en la mer, il s'appetisse derechef, & retourne en son ca-
 nal. Peut estre que cecy aide en telle chose, que les eaux
 de l'Ocean Austral ou Meridional sont portees, comme
 i'ay dit trois ou quatre mois vers le Midy, dont il peut
 estre, que lors les fontaines & sources du Nil sont com-
 pressées, quand l'eau redonde trop, & que pource le Nil
 est contraint de s'enfler, & se desborder. Car i'ay mon-
 stré cy dessus que les eaux douces sont cōtinuës, & sont
 aupres des eaux salées. Et à bonne fin il a esté fait que
 les pluyes accompagneroient le Soleil: car premiere-
 ment l'eau salée attirée de la mer en haut, se conuertit
 en eau douce, & apres elle rend la pareille par tant de
 fleuves qui se deschargent en la mer, desquels les eaux
 douces se conuertissent en salées. Pour ceste cause si la
 distribution doit estre egale, qu'elle puisse demeurer
 sempiternè, il est necessaire que l'eau des pluyes soit
 fort abondante, laquelle puisse estre egalee à la cheute
 de tous les fleuves qui tombent dedans la mer. La se-
 conde cause est, que l'air soit temperé, & par ce moyen
 la region sera habitable. La tierce est que la terre bien
 arrousee soit abondante en fruitz & grains, afin que les
 animaux & les hommes y puissent viure, & que quel-
 que chose ne perisse comme inutile en tant grand pays.
 I'ay montré cy dessus par raisons contraires que les
 terres sont habitées souz les pols arctique & antarcti-
 que. La quatriesme cause est que la terre trop seche ne
 s'ouurit au milieu, & qu'elle perist toute, tandis que
 Dieu negligeroit vne partie. Pour cause de toutes ces
 choses & autres, il a esté ordonné de Dieu, que les nuées
 presque tousiours accompagneroient le Soleil. Et n'est
 chose vraye que la vapeur soit gardée, tandis que le So-

leil procede depuis le signe Gemini iusqu'à Cancer, ains seulement l'air est humecté cependât: toutesfois le premier iour aide au succedant en dispergeant les eaux quand le Soleil est en Cancer. Pour ces caules au grand Atlas, lequel mont ils appellent Serralion, on voit au coupeau vne nuee trespepelle: illec les esclairs esclairent perpetuellement: & les tonnerres sont ouys loing de cinquante mil pas: car la chaleur du Soleil tousiours illec en grand vigueur, & l'humeur de la montagne engendrent vne nuee perpetuelle. Il faut donc que ce môt soit treshumide: & à cecy aide la propinquité de la mer: & certes ce mont ne merite d'estre appellé simplement mont: mais entendu qu'il s'estend iusqu'à la mer, plustost doit estre appellé promontoire. Il appert par les pays qui ont esté cogneus de nostre temps, que la terre n'est toute enuironnee de la mer Oceane, ains que ceste mer est vn lac constitué entre les terres, d'vne part est nostre terre qui est habitable: d'autre part est la terre dicte Nortica, Brasilia du Midy, & la terre dicte America, du Septentrion. En la mer Oceane de toutes parts les isles y sont innumerables: toutesfois il est manifeste que vingt mil excedent & passent les autres. Pourtant la mer Oceane est vn lac de toute la terre, non pas la terre est vn isle de la mer. Et quand ces isles sont abondantes en eaux, c'est vn argument & signe evident, que les eaux n'y sont engendrees, ains coulees seulement, & distillees par les terres des isles. Car comme seroit-il possible que Hibernie eut quinze fleuues, s'ils n'auoient leur source de la mer, quâd les eaux sont purgees en passant & coulant par les terres? Et non seulement ces grands isles, ains les petits ont des eaux douces, comme cest isle qui est posé & situé de trois parties outre l'equinoce, loing de toute autre terre de mil pas, qui a huict mile en longitude, & quatre en latitude, tout verdoyant, & est abondant en moult d'eaux douces. Il faut que ces eaux prouiennent douces, pource que l'isle est le coupeau de la montagne: & le mont enuironné de la mer rend les eaux douces, qui estoient sales, en les coulant & distillant. Illec estoient oyseaux de diuers gerre, lesquels ignares de la fraude des hommes, se laissoient prendre. D'ou

*La merueille
de la grande
montagne At-
las en Echio-
pe.*

*La situation
du monde.*

venoit l'origine de ces oyseaux? Car ils n'eussent peu voler tant loing en ces isles, & n'estoient engendrez de matiere putride. Le temps passé l'isle estoit habitée, & les oyseaux y auoient esté transportez: apres pour crainte, ou par l'augmentation de la mer, l'isle ne fut plus habitée: les habitans passez outre la mer par nauires, les oyseaux demurerent illec, qui ont multiplié leur gerre en ce lieu salubre. Et maintenant les Espagnols laissent des pourceaux aux isles deserts & inhabitez, afin d'en vser quelque iour, quand besoin en sera.

L'isle Zeilam est quelque paradis terrestre.

L'isle Zeilam non loing de Chalecutum aux Indes semble vn Paradis terrestre: car c'est vn lieu tres-amene & delectable pour la salubrité de l'air, pour la longue vie: car les hommes viuent illec cent cinquante ans, pour les fontaines, forests, prairies, grains, fruiçts, bestes sauuages, Elephans, poissons, drogues aromatiques, marguerites, pierreries, or & argent. C'est donc la partie du monde qui est la plus excellente.

En quoy differerent la cause. le commencement, & l'occasion de faire quelque chose.

La cause, le principe ou commencement, & l'occasion differerent en l'action des choses, non seulement en nature: car nous disons la cause auoir esté à Alexandre, qu'il est passé en Asie, la victoire facile des Atheniens, d'Artaxerxes: mesmement nous disons l'expédition d'Agésilas, par laquelle il occupa en brief temps vne partie d'Asie, auoir esté cause pourquoy Alexandre passa en Asie: car de ce luy vint vn espoir de victoire. Le commencement pour entreprendre quelque besongne est, duquel les Roys vsent pour cacher & couvrir la suspicion de leur auarice & ambition, comme le passage des Persiens en Grece: & le meurtre des Legats & Ambassadeurs des Persiens, qui fut perpetré & commis des Macedoniens. L'occasion de faire quelque chose, comme la mort de Philippe laissant ses exercices belliqueux, & la Grece euacuee & despoillee des bons Capitaines par les desconfitures de la gendarmerie, en sorte que tous ses peuples & subiects consentoient avec Alexandre, ou par grace, ou par crainte. Mais Dieu n'est de telle sorte, ains il est la cause, l'origine, la source, & le commencement de toutes les choses qui sont en l'vniuers. Dieu est la sommaire perfection, & ne contemple chose plus

Dieu.

grande que soy: il est de tât grande clarté, que luy seul la peut comprendre: par sa clarté il enlumine tout l'vniuers: il est immobile & sans variété, duquel aucun ne peut soustenir ne porter la splendeur vn seul moment de temps: plus facilement tu pourrois soustenir des yeux tout vn an le Soleil de l'Esté en Midy, que tu peuffes contempler en ton esprit la clarté & splendeur de Dieu vn moment de temps: à laquelle contemplation si quelqu'vn se presente, il est en vn seul moment tres-heureux: c'est la vraye ectase & rauissement d'esprit, cōcedé seulement aux gens de bien, & qui sont sages meilleur que toute humaine felicité. Dieu est autre chose qu'vn intellect ou intelligence, trop meilleur, trop plus heureux, plus puissant & plus digne. Qu'est-ce donc? Si ie le sçauois, ie serois Dieu: car personne ne cognoist Dieu, ne que c'est: luy seul le cognoist: & entendu que nous ne sçauons que c'est, il nous est trop moins concedé & permis de cognoistre & sçauoir son propre nom: ne mesinement des intelligences: mais nous yfons des noms imposez par l'imagination, que nous conceuons d'icelles, ou l'imagination de la puissance, ou de la clarté, splendeur & dignité. Plusieurs noms ont esté feins des meschans qui ont osé entreprendre de blasonner de Dieu, comme l'on feroit d'vn d'entre nous. Coustumierement les noms sont pris de la nature des choses, de leurs forces & proprietéz, lesquelles nous cognoissons: mais i'ay monstré que les intelligences & nature d'icelles, & trop plus la nature du haut Dieu tout puissant, est incognuë totalement à nostre esprit. Comment donc sera il licite d'imposer vn nom propre aux intelligences, ou à Dieu?

Maintenant il doit suffire d'auoir traité par les gerres & especes tant des choses, & tant grâdes de la subtilité, & subtiles inuentions: car de traiter en particulier: les particulieres n'auoiët iamais fin, quoy qu'elles soiët comprises sus les gerres & especes. Les choses qui sont icy mises pour exemples, nous en auons adioulté aucunes pour la facilité de l'experience, aucunes, pour ce qu'elles sembloient estre plus alienes de la verité, aucunes pour cause de la rarité d'icelles, aucunes pour

Dieu & les intelligences n'ont de nom propre.

L'epilogue & conclusion de l'aure presert.

la difficulté : car de ces choses on peut venir à autres en mesme gerre, & par similitude, par contrariété, par consequences & autres argumens, dont sont faictes les demonstrations. Les choses qui sont par composition, sont les plus grandes & les plus excellentes: & ces choses sont prises des singuliers & particuliers: mais elles sont faictes en plus grand labeur. Pour ces causes faisons fin à nostre traicté.

*Actio de gra-
ces par l'au-
teur.*

SEIGNEUR Dieu tout puissant, duquel prouient l'abondance de tous biens, par le vouloir & pouuoir duquel toutes choses sont mouuees, duquel l'Empire n'a aucunes limites ne bornes, duquel la clarté est infinie, qui seul donne la vraye lumiere, seul vrayement eternal, tout en toy-mesmes, cogneu à toy seul, duquel la sapience excede toute cogitation, seul incomparable, sans lequel rien n'est de bien, qui m'as dirigé & adressé en l'ombre de science, ie dy, moy petit ver de terre, auquel ie dois tout ce qui est icy escrit de verité, & les erreurs & fautes sont faictes par mon ambition, temerité & celerité: Seigneur donc pardonne moy, & dirige à choses meilleures mon esprit, en l'illuminant par ta liberalité infatigable. Et considéré que tu n'as besoin d'aucune chose, & que ne puis adiouster chose de ce que les Ciels, & la puissance d'iceux, de ce que les Mers, la terre, & parties vniuerselles du monde font, ie te rends graces perpetuelles pour les innombrables biens faicts enuers moy. Ainsi soit-il.

FIN DES LIVRES DE LA
SVBTLITÉ.

à autre en
é, par con-
tes les lo-
pofition.
ces cho-
ais elles
les fai-

ouïent
ouuoit
Empire
eil in-
ement
uquel
apata-
& ad-
er de
e ve-
mbi-
one
u-
tie
er
te
e



TABLE DES PLUS NOTABLES

choses contenues en ces vingt & un liures de Hierome

Cardanus : en laquelle la lettre a, signifie la
premiere page, b, la seconde.



Beilles, moufches à miel, guespes, bourdons, &c.	242.a.b	Acte parfait.	4.b
Abeilles font sourdes.	247.	Additions comment elles sont faites aux liures l'vne apres l'autre.	415.b
a.b		Adiantum.	134.a
Abeilles pourquoy elles ne font des œufs cōme font les fourmis & papillons.	244.b	Ætna mont en Sicile.	32.a
eau d'Absinthium.	43.b	Agallochum bois tresleger descend au fond de l'eau.	200.b
Accens quelle vertu ils ont.	422.b	Agaric.	204.a.b
aucuns Accidens sont seulement dictés des autres.	3.b	G. Agricola.	31.a.78.a
Acesine fleuve.	82.b	Cor. Agrippa.	441.b.445.a.b
Achates pierre precieuse, & sa diuersité.	171.a.b	d'Agrippa les liures qui ne sont encor imprimez.	448.b
Achelous fleuve.	82.b	aiguille qui penetre la chair cherche aimant, &c.	
Acier.	160.b	Aiax fils de Telamon, de merueilleuse grandeur.	307.b
d'Acier gerres excellents.	161.a	Aigle.	290.a
bon Acier comment il est cognu.	161.a	Ail quelle vertu il a.	337.a
Acier qui coupe le fer.	161.a	Aimant, <i>magnes</i> en Latin.	133.a
Aconitum.	69.a	Aimant & ses gerres.	184.a
Acroathon chasteau au coupeau du mont Athon.	71.b	Aimant de couleur de fer quelles vertus il a.	184.185.186.a.187.b
		Aimant mis souz la table, fait tourner le fer qui est sus la table.	186.a
		Aimant pour quelle raison il attire le fer, & est attiré du fer.	184.a.b

Aimant & ambre n'ont vne mesme maniere d'attirer. 138. a	ment. 65. a
Aimât attitant la chair. 186. a	Air pourquoy il est tresfra- re. 57. a
Aimât de grande vertu, fai- sant qu'une aiguille pene- tre la chair sans douleur. 186. a. b	l'Air contraint & assemblé passe en nature de l'eau. 6. b.
Aimât reiecte le fer. 184. a. b	l'Air peut estre cōtraint en- semble, & se mettre dedās soy-mesme. 6. b
aucuns Aiment outre leur gré, & pourquoy. 332. b	l'Air s'efforce tousiours e- stre sus l'eau. 11. a
moins Aiment ceux qui voyent clairement. 332. b	contre l'Air infecté des fos- ses profondes, preserva- tiues. 75. b
Air que c'est. 27. b. 28. a. b	d'Air comment est faicte la putrefaction. 64. b. 65. a
Air pourquoy c'est qu'il a esté faict. 55. b	d'Air corrompu grādes pe- stes. 65. a
Air s'il est entre les choses mixtes. 50. b. 51. a	Air enclos corrompt les cho- ses animees, & conserue celles qui n'ont ame. 64. b
Air refuse la mixtion. 47. b	Air pourquoy il corrompt aucunes choses, & autres conserue. 54. a
Air pourquoy il est exempt de toutes choses, couleur, odeur, senteur, saueur, &c. 64. a. b	Air par quelles choses il est corrompu. 447. a
Air s'il est chaud. 28. a	le bon Air est au coupeau des montagnes. 44. a
Air mouué est froid & sec. 54. a	Air pousse plus que l'eau, & moins que le feu. 62. b
Air pur, dict ather, commēt il est mouué. 101. a	Air pourquoy c'est qu'il se assemble en figure ronde en temps d'hyuer. 64. b
Air pourquoy il n'est chaud. 55. b	Air libre corrompt les cho- ses qui n'ont ame, & con- serue les autres qui ont ame. 64. b
Air pourquoy c'est qu'il est froid. 27. b. 28. a	Air subtil ou gros, lequel est le plus apte à la longueur de la vie. 318. b. 319. a
Air pourquoy il n'est si froid que l'eau. 42. a	
d'Air vertus contraires. 64. a	
l'Air est tousiours mouué. 56. a	
l'Air principalement faict le mouuement. 7. a	
Air est purgé par le mouue-	

- l'Air le plus salubre à la vie. 27. b
- l'Air pourquoy il fait beaucoup de dommage. 55. b
- selō l'Air qui nous enuironne la dispositiō de nostre corps est estimee. 85. a
- Air ou c'est qu'il est posé par le mouuement naturel. 56. b
- Air est temperé des rayons du Soleil & des estoiles. 42. b
- Air dict æther en 24. heures fait le tour par le mouuemēt du ciel. 28. b
- Air qui sort des creuasses, & lieux estroits, pourquoy c'est que le sentons fort. 56. a
- Alabandicus pierre. 190. b
- Albert le Grand. 184. a. 1. b. 172. b
- Alcatraz oiseau. 290. b
- Alces vne beste. 272. a 276. a. b
- d'Alchind° la louāge. 384. a
- Alcmie n'est encor cognue ou est abolie. 400. a
- d'Alcmie les innētions qui sont cogneuēs. 395. b
- Alcistes que c'est qu'ils peuuent. 157. a
- Alcyonia le palu tres-profond. 80. b
- Alebastre. 183. a. b
- Alectorius pierre precieuse. 181. b. 182. a
- Alemans quelles mœurs ils ont. 225. b
- Alga, herbe. 221. a. b
- Alga herbe pourquoy elle est molle. 285. a
- d'Algebras la louāge. 384. a
- Aliment mue les corps & les mœurs. 225. b
- l'Aliment bon prend la nature de ce qui est nourry quand il est conuert en nutrition. 69. b
- Alifier, dict lotos. 220. b
- Aloe pourquoy il a les fueil les grasses. 218. a
- le bon Aloës. 203. b
- Alun de plume. 136. a. b
- Alun de roche. 136. a
- Alun rouge. 136. a
- Alun de scaiole. 136. a
- Amandes de quelle vertu elles sont. 340. b. 341. a
- Amās pourquoy ils ne peuuent aucuncfois vser de Venus avec leur amie. 333. a
- Ambre, dict ambra, & sa vertu. 138. a
- d'Ambre, dict ambra, trois especes. 138. b. 139. a
- Ambre, dict succinum, & sa vertu. 137. b
- Ambre comment il est adulteré. 138. b
- Ambre blanc pourquoy il attire la paille. 138. a
- Ambre est de grand odeur, principalement quand il est bruslé. 137. b. 138. a. b
- Ambre manifeste le venin. 159. a
- Ambre de quelle couleur il est meilleur. 137. b. 138. a. b

Ambre pourquoy c'est que il corrige l'air. 137.a.b	tent le museau fort auant dedans l'eau en beuuant. 259.a
en Ambre reluisent plu- sieurs especes de petites chosés. 138.b	Ange. 2.b
Ame que c'est. 51.b.131.a.b	d'Angleterre la louange. 257.b.258.a
Ame a deux parties. 348.b	en Angleterre les eaux s'ot mortiferes aux brebis. 257.b.258.a
Ame si elle est chaleur cele- ste. 52.a	en Angleterre pourquoy il y a multitude de corneil- les. 258.a
sans l'Ame & l'intellect n'est aucune science. 3.a	en Angleterre pourquoy il n'y a des Serpens ne des loups. 258.a
Ame humaine estimee moyenne du mortel & de l'immortel par les Stoï- ques. 45.a	Anguille. 253.b
Ame mië le corps selon les affectiōs. 349.b.	tout Animant est nourry de ce dont il est engêdré. 280.b
350.a.b	des Animaux les armes. 235.b
Amethyste pierre precieu- se, & sa vertu. 176.b	Animaux grandement im- parfaicts pourquoy ils n'ont soing de leurs pe- tits, les parfaicts au con- traire. 256.a
Amochryfos pierre. 190.a	Animaux qui sentent boa: mais de petit profit. 283.b
Amphion venin qui faict mourir sans douleur. 329.b	Animaux comment ils sont engendrez de chaleur pu- tride. 51.a.b
Amour quel effect il a. 350. b	Animaux cōment ils sont engendrez en la matrice. 319.b
Anacardus arbre. 224.a	Animaux pourquoy il y en a peu souz la terre, & beaucoup des matieres metalliques. 132.b
Ancres pourquoy elles sont faictes à quatre crochets. 201.a	Animaux pourquoy ils v- sent de viande differen-
Afnes sauuages dict's ona- gri. 259.b	
des Afnes discipline admi- rable. 260.b	
Afnes pourquoy ils sont stupides. 259.a	
Afnes pourquoy ils sont plus paties du labeur que les cheuaux. 259.a.b	
Afnes pourquoy ils ne met	

T A B L E.

te.	235.a	ils ont la veüe terrible.
Anime aux choses les plus excellentes, est l'esprit.	425.a	
18.b	Aphtonitre.	139.b
Anime est necessairement avec le corps.	d'Apollonius la louange.	384.a
18.b	Apua poisson, selon aucũs est le merlan.	253.b
Anime au corps est le principe de la vie.	18.b	Arbre que c'est.
18.b	Arbres la difference prise des regions.	205.a
Anime en partie eternelle, en partie mortelle.	18.b	Arbres la raison de la subtilité.
18.b	196.a	Arbres sont de plus subtile substance que les herbes
d'Anneau le mouuement.	61.b.62.a	198.b
61.b.62.a	Anneau ou il y auoit vn horloge qui monstroït les heures non seulement de la pointe : mais d'vn coup.	Arbres sont müez par l'aliment.
62.b.392.b	62.b.392.b	226.a
Anneaux qu'on met aux doigts, pourquoy les vns sont plustost gastez que les autres par le vis-argent.	145.b.146.a	Arbres pourquoy ils n'ont la fucille grande.
145.b.146.a	aux Anneaux comment on cognoit les pierres faulses.	222.b
192.a	192.a	aux Arbres les parties quelle vsance elle ont.
Anthyllis, ou anthyllion.	140.b	219.b
140.b	Antimonium.	Arbres qui viuēt long tēps.
Antipathie.	142.a	222.a.b
Antiperistasis.	433.a	Arbres tresgrands & quasi sans mesure.
Antipodes.	57.a.b	222.a
Antispase.	78.b	aucuns Arbres sont du genre des herbes.
Antre, Corycium vn des beaux lieux du monde.	27.b	227.a
76.a	Antre de Trophonius duquel sortent les oracles.	Arbres müez en pierres.
463.b.464.a	463.b.464.a	89.a.b
Antropophages pourquoy	Arbrisseau & souz-arbrisseau	Arbres qui portēt plusieurs fois l'an.
	5	231.b
		Arbres qui reçoïuent autres arbres par enture.
		226.a.b.340.a.b
		des Arbres transportez quatre differences.
		217.a
		aux Arbres pourquoy la bruine est plus nuisante que la neige.
		469.b

seau que c'est.	193.a	105.a
Arc celeste comment il est veu plus grand.	108.a	deux Arcs seulement peu- uent estre ensemble. 105.a
Arc celeste pourquoy il se- ble estre vn demi cercle, quand le Soleil est pres- que hors de nostre veüe.	104.b.105.a	Arcs celestes de la Lune peu, & quels ils sont. 107.b
Arc celeste pourquoy il se- ble estre plus petit quand le Soleil est haut.	105.a	Arc d'acier long d'une pau- me que compoza vn arti- san de Brixiles. 62.b
Arc celeste & les pavelles, que c'est qu'elles signi- fient.	105.b	aux Arcs pourquoy c'est qu'on met plustost des fleches que des boulets. 62.b
Arc celeste pourquoy il n'est faict quand le Soleil est au Midy.	105.a.b	d'Archimedes la louange. 383.a.b.384.b.392.b
Arc celeste comment il fait sentir bon les arbres.	106.a	Archimedes quand c'est qu'il a flori. 15.b
d'Arc celeste comment les vrayes couleurs sont fai- ctes au crystal & au ver- re.	105.b.106.a	d'Architas Tarétin la loua- ge. 384.a
d'Arc celeste comment on cognoit la distance estre loing de nous.	107.b	d'Arene trois especes. 78.a
Arc celeste pourquoy quād il est petit, semble il estre vne portio de cercle d'au- tant plus grand.	105.a	Arethusa fleuve, ou fontai- ne. 127.b
Arc celeste pourquoy c'est qu'il semble estre rond.	104.b	Argent est engédre en qua- tre manieres. 158.a
Arc celeste combien il est leué sus le finiteur.	108.a	Argent de quelle nature il est. 157.a.b.158.a
Arc celeste des auirons & des gouttes d'eau.	105.b	Argent cōment il est faict par artifice. 158.b
Arc celeste second, quel or- dre il a des couleurs.		Argent ainsi qu'il est tiré des mines represente di- uerfes figures: & est tiré de pois de deux talés au- cunesfois. 158.b
		d'Argent vne mine de mer- ueilleuse grandeur. 135.a
		l'escume d'Argent, dicté ly- thargyrium. 149.b
		Argent comment il est dis- sout & separé de l'or. 45.a

T A B L E.

Argent s'il peut estre mué en or. 156.a.b	predire choses futures. 426.a
Argēt par quel feu il est se- paré du cuyure. 50.a	trois Arts qui sont enrichis & ennoblis par subtilité.
Argile. 78.a	386.b
Argile pourquoy elle atti- re les matieres impures. 324.b	Arts en quelle maniere ils doiuet estre enseignez & publiez. 384.b.385.a
Argille pour faire les bons pots. 124.b.125.a	Art contraint faire contre la coustume. 20.a
d'Aristomenes Messenius hi- stoire. 308.a	du grand Art cinq vtilitez. 375.b
Aristoteles. 27.b.48.a.50. b.57.a.b.59.a.b.60.a.b. 83.a	Artesius de la diuination. 452.a
d'Aristoteles la louāge. 383. b.384.b	fus les Arteres les drogues frottees,pourquoy prom- ptement elles descendēt au cœur. 71.a
Aristoteles nous a laissé les semences de tous biens. 90.a	d'Artichaux plusieurs ger- res. 343.b
Arithmetique a cinq vtili- tez. 375.b	Artifice imite la nature. 147.a
Armatura pierre ainsi nom- mec. 190.a	Artifices n'agueres inuētez. 385.b
Armilla. 98.a	Artileries. 386.a
Armures facilement per- cees par vn dard frotté de la poudte de diamant. 168.a	Artilerie porte par l'espace de cinq mil pas. 35.b
Arsenicum. 144.b	des Artileries comment il faut appliquer le coup. 60.b.61.a
Arts aidez par subtilité. 386.b	Artileries & machines des Romains. 411.b
Arts excellents en subtilité. 393.b	Artileries qui laschent le coup sans feu. 62.a.b
tous Arts sont bien mon- strez en ce liure. 395.b. 396.a	Artileries par quel moyen c'est qu'elles iectent les boulets de si grande vio- lence. 7.b
Arts excellents qui sont ca- chez. 390.b	Artileries iectans la boule hors sans faire bruit. 497.b
Arts les plus nobles, sont de	ā iiij

Aspalthū, santhalum. 139.a. 204.b	d'Auoine, l'eau qui est faicte enyure. 215.a
Asphaltum, & sa vertu. 139.a	aux Autheurs sept gerres de subtilité. 384.b
Asplenon herbe. 200.a	aux Autheurs quelles sont les plus excellentes pro- prietez. 384.b
Astheral herbe qui enyure. 206.b	en Automne mout il pleut. 471.a
Astres s'ils sont solides. 101. a.b	Autruche, dicte struthioca- melus. 289.b
des Astres la chaleur est moderee par le feu. 44.b. 45.a	Aux & oignons pourquoy ils puent. 44.b
tous Astres ont lumiere & ombre. 98.b	Azurum verd. 143.b
Astres pourquoy c'est qu'ils sont chauds. 29.a	
Astrites pierre precieuse. 170.b	B
Astroites pierre, & sa vertu. 171.a	B Aara racine admirable; 207.a, 207.b
d'Atlas grande montagne en Ethiope la merueille. 390.a	Balcine, dicte Cete. 281.a
Attraction. 11.a	Balence & sa mesure. 20.a
Attraction d'où c'est qu'elle est faicte. 6.b, 11.a	Balences comment c'est que elles sont faictes. 21.b. 22.a
Attraction faicte de rarité n'est violente. 19.a	les Balences vuides, la liure ne semble estre fausse. 21.a, b
Aube. 101.b, 109.a	Balence vuidé pourquoy c'est qu'elle retourne au lieu droit, quand les pois sont egaux. 20.b
Audace quel effect elle a. 350.b	Aux Balences tant plus le fais est loing de la lancet- te, tant plus il est pesant. 20.b, 21.a
Auerroës. 26.a, 27.b. 60.a	Balences sont aucunesfois plus seures que les trai- neaux. 24.b
vn Auengle commét il peut estre instruit à escrire. 316.b	des Balences la fraude des- couuerte. 21.a, b
Augmentation differe de mixtion. 131.a	Basilic,
Augustin Lauizarius Co- mensis, deceu par Echo. 458.a	

Basilic, dict' ocymum naist quasi par tout. 238. b	viandes. 286. b
Basilic occit par regard, & par la voix. 238. b	Beste peut viure sans man- ger ne boire par deux rai- sons. 251. b. 232. a
Balsamine. 209. a	une Beste si elle peut auoir deux testes. 24. a. b. 241. a
Bastars sont de mauuaises mœurs pour trois causes. 369. a. b	Beste de nature incertaine. 257. a
Bastars de bonnes mœurs comment ilz sont engen- drez. 309. b	Beste qui vit sans teste vn iour entier, mesme quand le cœur est hors. 252. b
Bastars pourquoy ilz sont plus robustes que les au- tres 312. b	ulle Beste parfaicte engé- dre de soy mesme. 256. a. b
Basteleurs. 429. b	pourquoy auctue Beste n'est immobile, sinon en la mer 284. b
Basteleurs comment ilz ca- chent les choses en leur bouche. 429. b	une Beste quand elle est en trop grande abon- dance, Nature a engédre une autre beste qui est nourrie de la premiere 280. b
Baume, dict' blasamū. 208. a	d'une Beste en Septentrion fort grande. 271. b 271. a
Baume, d'Inde. & sa vertu. 209. b	d'une beste monstrueuse en Ethiope. 272. a
Baume pourquoy il ne pou- uoit estre arroulé que de vn puis. 425. b	Bestes pourquoy elles sont blanches aux regions froides. 275. a
Bdelium. 217. b	aucunes Bestes pourquoy elles sont de bone odeur 277. a. b
Beauté. 332. a	des Bestes sauuages com- ment on peut estre sau- 445. a
De beauté pourquoy nous sommel delectez. 332. a	Bestes excellentes pour- quoy elles ont la forme trop differente des au- tres. 261. b. 262. a
Belemites pierre. 189. a	
Belettes. 276. b	
de Belier la corne se con- uertit en asperges. 436. a	
Benioin, dict' laser, est de grāde delectation. 200. a	
Berberis. 213. b. 224. a	
des Bestes parfaictes neuf difference. 257. a	
des Bestes les differences prises de la differences des	

- Bestes sont plus parfaites en Egypte qu'en autre part 237.b
- Bestes qui mangent chair pourquoy elles sont plus ingenieuses que les autres. 302.a
- Bestes pourquoy elles ont diuersité de cornes. 272.b
- Bestes qui ont cornes ramées pourquoy elles sont timides. 273.a.b
- Bestes n'ont peu, & leur estoit expediēt de se delceter sinon du goust, ou du toucher. 336.b
- Toutes Bestes nature armée contre six incōmoditez. 298.b. 299.a
- À quelques Bestes pourquoy les membres coupeez sont regenez. 248.b. 249.a
- Bestes sauuages comment elles sont appruiuifées. 278.b
- Bestes aucunes pourquoy elles ruminent. 260.a
- Bestes par quelles choses elles sont troublées. 443.b
- Bestes dedans les pierres solides. 294.b
- Bestes engendrées de putrefaction n'ont le sens parfait. 236.a
- Bestes engendrées de putrefaction ne s'adoucisent & appruiuisent, pour quatre causes. 237.b
- Bestes engendrées de putrefaction si elles engendrent leur semblable. 236.b
- Bestes engendrées de matiere putride pourquoy elles finissent les douleurs. 244.b
- Bestes pourquoy elles sont engendrées de putrefaction. 235.b
- aux Bestes imparfaites pourquoy il y a plus des choses miraculeuses, que aux plantes & bestes parfaites. 253.a
- Betel, dict folium Indum ou malabathrum. 229.a
- Soupe de la chair de Bœuf pourquoy elle est plus plainede suc que de chair de veau. 424.b
- Bœufs de quelle couleur ils sont estimez plus vils. 118.a
- Bœufs d'Ethiope. 272.a
- Bœufs sauuages, dictz biontes, aucuns les appellent buffes. 260.a
- Beurre pourquoy il engat de que l'eau bouillante ne s'ensuye. 424.b
- Bezar racine veneneuse. 176.b
- Bialozor oyseau. 290.b
- Bibliothèque fort grande. 324.a.b
- Biches pourquoy elles ne ont de cornes. 274.b

T A B L E.

Biere comment on la faict.	215.b	Bois qui n'est bleffé d'eau,	222.b
Biere faicte de ris.	215.b	Bois de geneure est incor-	
Biere en quel temps il la		ruptible aux outrages.	233.a
faict braffer.	172.b	Bois qui se tèche en l'eau,	
Bieure, dict fiber.	228.a	& non en l'air.	228.b
Bitumen.	73.a	Bois qui iettent sciailles	
de Bitumen douze excel-		de feu quand ils sont rô-	
lens gerres.	137.138.	pus.	228.b
139.b		Bois qui descendent en l'eau.	
Bitumen pourquoy c'est		200.b	
qu'il a grande & longue		Bois pourquoy il ne se peut	
flamme.	31.a	tenir debout sus l'eau.	201.a
Bitumen ardent pourquoy		Borax pierre precieuse trou-	
c'est qu'il excite plus grā		uee en la teste d'vn cra-	
des flammes, l'eau iectée		paur.	181.a
dessus.	31.a	la bouche comment elle	
Bitumen prend son ali-		est corrigee de la feteur.	
ment des ordures de la		315.a	
mer & de la chaleur.		Bouis.	224.a
32.a.b		Brasilium arbre.	219.b
Bitumen pourquoy il ne		des brebis l'utilité.	257.b
s'allume bien tost & faci-		Brebis cornues.	274.b
lement.	87.a.138.a	des brebis la peau laceree	
Bitumen qui sort de des-		du loup excite vn prurit	
sous la terre, pourquoy il		& demangement.	
ne iette flamme.	86.b	433.b	
du Blé est engendree l'y-		du brochet, dit lucius, mer-	
uraye, & de l'uraye le		ucille.	258.a
blé.	226.a	Brouet de la chair de bœuf	
Blé est argument de la pro-		pourquoy il est plus plei-	
uince temperée.	196.a	de suc que de la chair de	
du Boire la proprieté.	215.	veau.	424.b
a.b.216.a		de brouillard les signes.	
Bois elegans & beaux.		380.a	
220.a.b		Bruine comment elle est	
Bois qui suent.	228.b	faicte.	369.b
Bois allumé par la ploye.			
31.b			

T A B L E.

Braine pourquoy elle est plus nuisante aux arbres que la neige.	369.b	vertu.	67.a.244.b.245.a
Bucephalus cheual d'Alexandre.	295.b	Capricorne.	273.b
Buffles, bœufs ainsi nommez.	271.a	Cardanum.	35.b
		Cardanus pourquoy c'est qu'il est de diuerses opinions.	55.b
		Cardanus de la Varieté des choses.	31.b
		Cardanus a eu maieurs de longue vie.	314.2
C Admia & sa vertu.	142.2	Cardanus n'enseigne rien au detrimement des hommes : mais montre les causes des detrimens.	38.b
Admia artificielle.	148.a	Ian Maria Cardanus escha pé du feu de tonnerre.	34 b
Ceruleum, & comment il est fait.	149.a	de Cardanus histoire merueilleuse des visions que il vit estant petit enfant.	455.b
Caille, dicte coturnix.	279.b	comment Cardanus a parfait son liure.	453.b
Caillou ou pierre dicte silex, & ses differences.	183.b.184.a	Cardanus a esté admonnesté par songe de composer ces liures.	453.a
Cairum ville, d'ou elle a l'origine.	306.a	Carpasium.	6.a
Calamochus pierre.	188.a	Carte de ieu comment elle est cognue.	353.a
Calchanum.	140.142.a	Cassia fistula.	219.a
de Iehan Calculateur la louenge.	384. b. a. b	Cassidoine.	164.a. b
Calendula herbe.	195.a	Castor & Pollux estoilles annoncét le beau temps	32. b
Canals ou tuyaux pour faire couler l'eau, dequoy ils sont faitz.	179.b.180.a	Castoreum beste.	278 a
de Canelle demi once peut suffire pour toute l'ance.	337.a	Caucasus.	71.b
Canfre, & sa vertu.	136.b.137.a	Cavernes souz terre.	85.a.b
Canons comment on les doit faire.	35.b.36.a	Cause, commencement,	
des Cantharides diuerse			

& occasion en quoy ilz different. 477.b. 233.a	a.b	Chair rosse comment on la peut faire sentir bon. 337.a.b
Cedre espee de genre. 233.a		Chairs comment elles se fondent. 213.b
Centacle de saint Salua- teur de Padouc. 388.a		la Chair à fin qu'elle sem- ble estre pleine de vers. 447.a
Cendre qui s'allume de soy mesme. 442.a		Chaleur que c'est. 42.b
Cédres differēt de la chaux 45.a		ce Chaleur sont quatre ma- nieres. 48.a.b
sous Cendres pourquoy le feu est gardé. 38.b		Chaleur quelles operations elle a. 43.a. 420.a.b
Ceraste beste. 272.b		toute Chaleur est des astres 28.b
du Cercle douze proprie- tez. 360.a.b		Chaleur celeste. 52.a.b
au Cercle, à l'hyperbole, & à la defection trois prop- rietez cōmunes. 361.a		424.a
du Cercle au diametre la proportiō tresproche de la circunference. 440.b		Chaleur celeste est celle qui engendre. 26.a. 27.a
du Cercles la quadrature ne peut estre inuentee. 274.b. 375.a		47.b
le Cerueau pourquoy c'est qu'il a deux membranes. 25.b		Chaleur celeste est la sour- ce des autres. 48.a
du Cerueau pourquoy la mēbrane est tresmenue & dure. 319.a		Chaleur celeste engendre & corrompt. 52.a
Cerusse, & comment elle est faicte. 146.a		Chaleur celeste iamais ne cesse tant qu'elle ait en- gendré quelque chose. 52.a
Chair aucune pourquoy el- le n'est treschaude com- me les plantes. 302.a		Chaleur naturelle. 48.a
Chair crue pourquoy elle est meilleure à la vie & à la santé. 47.b. 148.a		49.b
Chair en esté comment elle est conseruee. 345.		Chaleur naturelle commēt elle differe de la putride. 51.a
		Chaleur naturelle engen- dre chose semblable à ceux dont elle vient. 51.a
		Chaleur putride. 49.a.b
		Chaleur qui putresce. 53.b
		Chaleurs putride comment ē iij

elle engendre. 51.a.b
 chaleur putride est auheur
 de venin. 55.a
 chaleur putride difere de
 la chaleur du feu. 55.a.b
 d. 54.b
 chaleur non naturelle en-
 gendre choses non natu-
 relles. 51.b
 chaleur engendre en humi-
 dité. 49.a.b
 toute chaleur est de feu.
 48.49.b
 chaleur du feu difere de la
 chaleur putride. 54.b
 chaleur du feu ne peut e-
 stre transformee en cha-
 leur naturelle: mais bien
 au contraire. 49.b
 des chaleurs de l'ync à l'au-
 tre comment est faicte
 la transmutation. 49.
 a.b
 chaleur mouvement &
 varieté sont choses mu-
 tuelles de soy mesme.
 49.a
 chaleur debile est cause de
 relent, moisissure, & pour-
 riture. 53.b
 chaleur faict plus grandes
 operations que le froid.
 49.b. 49.a
 chaleur des choses estant
 diuerse, les vnes nous
 conuenient les autres
 non. 53.a
 chaleur natine du venri-
 cule comment elle est
 confirmee & corroboree.

54.a.b
 chaleur est l'effect du mou-
 uement. 40.a
 chaleur ne peut estre de la
 velocité du mouvement.
 33.b
 chaleur est qui euit les cho-
 ses composees en les mes-
 lant. 47.a
 des chaleurs, aucunes en-
 gendrent en separant les
 autres en amassant. 82.b
 chameau. 290.a
 chameau est trespatient de
 souffrette. 260.b
 chameau comment il est
 appris à danser. 260.b
 261.a.b
 chameau semble estre fait
 pour l'homme plus que
 autre beste. 261.a
 chameaux d'Inde. 292.b
 chameaux courent plus le-
 gerement que les che-
 uaux. 230.a
 chameleon herbe venin
 aux pourceaux, l'ours, &
 rats. 67.a
 du chameleon histoire.
 250.a.b. 251.a
 chameleō pourquoy il chō-
 ge ses couleurs. 250.
 a.b
 champignons, dictz fun-
 gi. 232.b
 champignons comment on
 peut les faire venir.
 83.a. 83.b
 champignons pernicieux cō-
 mēt ils sont cogus. 343.a

- de manger, la queue de
vn Loup pendue au ra-
telier. 423.b
- Cheual de C. Cesar. 295.b
- Cheual, d'erain, auquel les
autres cheuaux vouloient
se conioindre. 442.b
- Cheual fluuial. 278.b
- Cheuaux marins. 275.b
- Cheueux pourquoy ils sont
menus & desliez. 316.a
- Cheueux pourquoy ils sont
faicts iaunes. 118.a
- Cheueux comment on les
rend verds. 447.a
- Cheures. 274.a
- d'vne Cheure histoire ad-
mirable. 274.a
- le chien estre le plus docile
que le chameau. 261.a
- Chiens comment ils sont
instruits pour apporter.
264.b
- Chien d'vn sens admirable.
263.b
- Chiens tournans la broche
264.a
- Chiens estre du gerre des
loups. 263.a
- chiens fort cruels. 263.b
- Chiens pourquoy ils leuēt
lepp ed en pissant. 264.a
- Chiens pourquoy ils vrlēt.
264.a
- Chiens cōment ils sont en-
gardez d'abayer. 243.b
- de Chien enragé qui sont
mors faillent à ce qu'ilz
voyent. 266.b
- d'vn Chien enragé, l'escri-
me si elle tombe sus vn
lieu vulnéré, coustumie-
rement tue. 67.a
- chien leger en l'inde Occi-
dentale. 278.b
- Chiennes qui sont de parés
diuers, si elles sont stéril-
les. 262.b
- Chimeriques fixions des
Aristoteliques. 28.a
- Chiurca, vne beste. 270.a
- Chlorogea. 143.b
- choafpes fleuee à eau dele-
ctable au goust. 87.b
- des Choses aucunes sont
substances les autres sont
accidens. 2.a
- chous entez au tronc des
naquets. 342.b, 342.a
- du Chrétien contre le Ma-
hometiste, dispute. 304.
a.b, 305.a.b
- Chryfocolla & sa vertu.
142.a
- chryfocolla comment il est
faict. 143.a
- chryfocomos arbrisseau.
224.b
- de chrysolithus & topasse
la vertu. 172.b
- Chrysolithus, qui est le
vray topasse. 172.b
- Chrysolithus, topasse des
anciens. 173.a
- cicendula ou cicindula, vn
ver ou petite mouche.
245.a
- Cicero, Liuius, & Salustius
s'ils ont escript en leur

T A B L E

- langue maternelle. 323.b
 324.a
 de cicogne le sang est fort
 contraire au venin. 69.b
 le ciel est trespur. 25.b
 du ciel quante partie est in-
 cognue. 9.b
 le ciel pourquoy il n'est ia-
 mais fatigé. 101.b
 ciel est prtue de toute qua-
 lité. 48.a
 ciel est de substance diuerse
 & inegale. 91.a
 le ciel pourquoy il semble
 s'ouuir. 471.b
 des ciels qui s'entretou-
 chent à scauoir si ce n'est
 qu'vne iuperficie. 97.b
 cierges réuersez pourquoy
 ils se deteignent. 30.a
 cierges qui sentent bon. 139.a
 des Cigales histoire. 252.a
 cigalles viuent sans viande
 251.b. 252.a
 Cigne. 290.b
 ciguë fait mourir sans dou-
 leur. 205.a
 cinamome. 201.a. b
 creation Circulaire. 360.a
 du Ciron les gertes. 247.a
 Cifum. 141.b
 Citrons ou pommes d'o-
 rége pourrissent en met-
 tant du pain chaud des-
 sus. 449.b
 s. Claire estoille. 32.b
 clameur au commencement
 de la bataille est vtile. 351.a
 clarté & lumiere que c'est. 100.a
 toute clarté est chaude. 96.a. 29.a
 Cobaltum. 141.b
 cœc herbe, dite siliquastrū
 198.b
 cœcus arbrisseau. 223.b
 cœcus espece de palme. 216.b
 cocoyum mouche luisante
 de nuit. 245. a. b
 Codrus medecin. 209.b
 du cœur, quel est le mou-
 uement. 329.a
 le cœur pourquoy il n'est
 si tost blessé des mauuai-
 ses vapeurs que la teste. 75.b
 le cœur de l'homme est ai-
 dé par le cœur du singe. 436.a
 coffre qui cache argêt sans
 qu'on s'en apperçoie. 310.a
 cohobba, herbe qui eay-
 dure. 206.b
 Colanus nageur qui va en-
 tre deux eaux. 308.b
 colier ou carقان fort &
 dur comme diamant. 450.b
 colomnes ne sont gastees
 du tonnerre. 35.a
 de cholique comment on
 est preserué. 457.a
 cholique est guarie par les
 intestins du loup. 434.a

comete que c'est.	104.a	coq.	292.b
si les cometes sont faictes.	25.b. & ou. 26.b.	coq engendré d'un œuf tenu au sein.	49.a
comete combien elle dure.	103.b	coquille d'Indique.	181.a
des cometes les prodiges.	104.a	coquilles, & diuerse forme qu'elles ont.	180.b. & 181.a
comettes ont trois choses communes.	103.b	coral, & ses vertus.	177.a
comettes ne sont engendrees en la region des Elements.	103.a	corcelets de merueilleuse façon.	386.a. & b.
commencement, cause & occasion en quoy ils different.	477.b	vnē corde comment elle est rompue des mains.	432.b
tout composé est engendré & corrompu.	172.a	Val. cordus.	190.a
conchites pierre.	189.b	des corneilles pourquoy il ny a grande multitude en Angleterre.	258.a
cōcoctiō naturelle.	143.a. & b.	corneiole pierre precieuse trespropre aux leaux.	173.a
cōcoctiō que c'est qu'elle fait.	137.b	cornes comment elles sont amolies.	400.a. & b.
cōcoctiō de quoy elle est faicte.	220.b	des corps celestes & mortels en produisant & produisant la difference.	424.a
cōcoctiō du ventricule comment elle est corroboree.	155.a. & b.	des corps celestes & mortels la similitude.	424.a
concombres comment on peut auoir deuant la faison.	344.b	corps parfaicts.	123.a
concombres comment ils sont conseruez.	344.b	corps solides, parfaicts.	123.b
confectures comment elles sont faictes.	345.a	corps mols, imparfaicts.	123.b
des conoïdaux rectangles les privileges.	368.a	corps simples.	123.b
des conoïdaux obtusangles les privileges.	368.a	corps simples sont autant qu'ils sont d'elements.	25.b.
constantinople.	396.a	des corps cōposez aucuns sont parfaits, aucuns imparfaits.	3.a
contreteneur est la plus excellente voix.	377.a. & b.	des corps composez sont	

T A B L E

onze gerres. 123.a	couleur blanche fait les
corps n'est sans matiere & forme. 18.b	choses estre veities moindres. 387.b
tout corps est au lieu. 18.a	la couleur blanche pourquoy elle ne peut estre perspicue. 164.b
deux corps ne peuuent estre en vn mesme lieu. 6.a	des couleurs les matieres sont diuerses. 118.a.b
corps commēt c'est qu'ils synient. 6.b	des couleurs qui conuiennent l'ordre. 116.a
corps peuuent estre condēsez, mais ils ne se peuuent peuetrer. 6.b	couleurs valides. 100.a
corps est estimē selon la qualite qui l'environne. 85.b	couleurs principales sont quatre. 117.a.118.a.b
corps sont muez par aliment. 225.b.226.a	couleurs qui ont grande clartē, & comment on peut l'experimenter. 117.a.b
corps qui attirent leur vie d'autre part, aucuns ont mouuement, aucuns non. 3.b	couleur blanche est le venin des peintures. 116.a
corps viuans sont faits de chaleur & humidite. 419.b	couleurs sans lumiere. 117.b
corps morts comment facilement ils sont confumez. 128.a	couleurs comēt elles sont restaurees & restituées en leur entier. 410.a
corps des morts pourquoy ils sont plus pesants que les corps des viuans. 131.b	couleurs faites des plantes sont en brief tēps ruyees. 219.b.220.a
corycium antre, est vn des beaux lieux du monde. 76.a	des couleurs diuerses de la terre qui est la cause. 77.a
cosso, dicte cassia, pourquoy seule aux Indes, elle perd ses feuilles. 208.a	au coulōbier la teste d'vn loup pendue reiecte les bestes nuisantes aux pigeons. 433.b
des couleurs ies noms & especes. 119.a.b	coup pourquoy il ferit, & non pas le fais. 408.a
les couleurs sont de sept gerres. 330.b.331.a	du coup leger & diurne les causes. 59.b
les couleurs sont de trois choses. 117.a	du coup tremblant l'effect. 73.a
	coups tant plus ils sont

T A B L E.

legers , tant plus ils bri- sent.	366.b	machine Cresbique.	7.b
Coups comment & quand ils sont tresualides.	408.a	du nombre Cubus la belle composition.	375.b
Couperose , vitriol , en La- tin <i>calcantum</i> .	140.b	Cuir comment il reçoit va- rieté de couleurs.	220.a
141.a		Cuir cōment il reçoit ima- ges au viv.	346 b
Couronne au ciel.	105.b	cuir comment il est fait meilleur.	136.a
ce quelle predict.	106.a	cuiure ou leton , & font v- lage.	160.a
Cousteau qui coupe les ar- mes.	73.a.b	cuiure de Cypre.	151.a
Crainte quel effect c'est qu'elle a.	350.a	152.b	
Crainte apporte mort sou- daine.	68.a	l'escaille & la fleur du cui- ure.	148.b
Crapaut quelle verru c'est qu'il a.	446.a.b	pour cuire toutes choses le- gerement.	337.a
du Chemil , dist litholper- mon , la pulchritude.	228.a	cure prodigieuses du frere du Roy.	449.b. 450.a
Crepusche.	101.b	du Cylindre deux proprie- rez.	368.a
Crespe, diste bissus.	413.b	Cypres.	223.b
Crete, dite Cădie, ne nour- rit bestes enuenimees.	446.a		
du Crocodile histoire.	249.a.b. 254.a	D Aims.	273.b
Chrystas pourquoy il a six superficiis.	175.b	274.a	
Crystal contient d'eau en loy.	176.a	De Denfer sus la corde que quelle est la maniere.	430.a
Crystal n'estre de la glace.	176.a	Des danseurs de Turquie, l'art merueilleux.	430.a
au Crystal est engendré le gros argent.	176.a	dauphin seul entre les pois- sons pourquoy il crie hautement , & seul s'ap- priuoise.	313.b
Crystal comment il differe du diamant.	168.a	Decoction doiuent estre faites de la partie ligneu- se.	197.a
de poudre de Crystal cho- ses merueilleuses.	114.b	Defection , dite ellipsis, a	
Creaites pierre.	189.b		

- deux priuileges 362.b
365.b
- Delectation presuppõe
douleur ou tristesse.
324.0
- Deluges & inondations
comment elles sont fai-
ctes 79.b
- Deluges par les eaux pour-
quoy ils estoient frequẽs
au temps passẽ.
380.b
- Dæmones. 2.b
- ordre des Dents. 315.a.b
- des Dents la mutation en
combien de temps elle
est faicte. 452.b
- comment les Dents sont
blanchies. 325.a
- pourquoy les Dents tom-
bent à l'hõme en sa vieil-
lesse. 221.a
- Deuis admirables 383.a
443.b
- Deuinations faictes par
entrailles. 451.a
- Diamant & sa vertu 168.a
- Dieu est la substance qui
despend de nul 2.a
- Dioscorides 132.b.103.b
- Discipline speculatiue.
398.a
- Dispensatur fraudulent
comment il est surpris
310.a
- comment la Distillation
des caues doit estre faicte
214.b.
- Distillation blâchir, 137.a
- l'vsage de Distillatiõ, 43.a
- Distillation par feu, si elle
est participante du feu.
68.a
- Distillations enseignent
trois substances seule-
ment. 26.b
- caues Distillẽes si elles ont
force. 43.b
- à Distiller, les vaisseaux
sont de quatre gerres.
396.a.b.396.a.b;97.a
- aux Distillatiõs pourquoy
toutes les odeurs ne sont
retenues. 214.b
- Diuination des choses fu-
tures a quatre gerres.
183.a
- Diuine inspiration & l'ad-
uenemẽt des esprits, dif-
ferent. 460.b
- de Dorer quelle est la ma-
niere. 154.b.158.b
159.a
- du Dormir profond les
matiers qui sont causes
pourquoy elles sentent
mal. 444.a
- le Dormir comment il est
pronoquẽ. 434.br444.a
- sang de Dargon, vne plan-
te. 204.b
- comment les Draps sont
gardez d'araignes & vers
aux boutiques 247.b
348.a
- Deuil pour les morts dif-
fere selon les pas & re-
gions. 323.a
- Duellum diction de quel-
le vertu elle est. 323.a

- E**Au & æther les principes des choses naturelles. 42.a
 des Eaux les espèces selon la mutation & magnitude. 80.b. 89.a.b
 l'Eau pourquoy c'est que elle est plus froide que la terre ou l'air. 28.b. 42.a
 pourquoy l'Eau est mouuée selon la Lune. 80.a. 84.a.b.
 pourquoy les eaux sont si grand bruit. 87.b
 pourquoy l'Eau est vetie de loing. 475.a
 Eau de mer est plus pesante que du fleuue. 13.a
 pourquoy les Eaux coulent vers le Midy. 80.a
 Eau a vn lieu plus ample q̄ n'est son element. 79.b
 pourquoy l'Eau est estimée plus grande que la terre. 78.b
 Eau est le plus petit elemēt, & le moins necessaire. 79.b
 quelle saueur ont les Eaux & la cause de leur saueur. 88.a.b
 Eau est montée & espādue là ou on veut par la machine Brambifique. 79.b
 Eau comment c'est qu'elle peut estre deduire. 11.b
 Eau espādue par la vis d'Archimedes. 15.b. 16.a
 si souz la premiere Eau qui est souz terre, est encore vne autre eau. 27.b
 s'il y a Eau aux lieux arides comment on le peut cognoistre. 85.b
 comment l'Eau douce est puisée en la Mer, 128.a
 Eau des puy pourquoy elle est chaude en hïuer, & au contraire en Esté. 35.a
 Eau de pluye pourquoy elle est salée. 83.b
 Eau ne corrompt iamais ce que le feu a bruslé trop plus que de raison. 197.b. 180.a
 Eau esteint le feu en trois manieres. 39.b
 Eau pourquoy rarement elle sent bon, & perd tost sa bonne senteur. 126.a
 Eau qui prolonge la vie. 44.a
 les bonnes Eaux. 87.a
 Eaux odoriferes comment elles sont faictes. 214.b
 Eau est bonne au bon air. 44.a
 Eaux legeres sont les plus seures. 90.b
 Eau corrompue & puante comment elle est corrigée. 345.b
 Eau suisante de nuit. 245.b
 Eau qui a esté bouluë, pour

- l'quoy facilement elle se
 congèle. 144.b
 Eau comment s'en-
 gendrent les pierres. 89.b
 Eau Stygia qui perce tous
 vaisseaux. 90.a
 Eaux qui deuiennent pier-
 res, & mouent les arbres. 89.a.b
 Eaux diuerses couleurs,
 & la cause de la diuersité
 88.b
 Eaux qui sentent le vin.
 88.a.b
 Eau tresalubre, qui concie-
 lie grace & amitié aux
 personnes. 88.a
 Eau de laquelle iadis on v-
 soit pour vinaigre. 88.a
 Eau qui peut rōpre la pier-
 re de la vessie. 45.b.46.a
 Eau & vis argent pourquoy
 ils s'assemblent en ro-
 tondité en la poudre, ou
 en matiere seche. 145.a
 Eaux qui enyurent. 215.a.b
 la maniere de marcher sus
 les eaux. 432.a
 Eau ardante. 215.a
 Eau ardante quelles vtilitez
 elle apporte. 398.b
 l'Eau ardante nage sus l'hui-
 le. 398.b
 Eau ardante brûle sans fai-
 re mal au linge qui en
 est mouillé. 39.a
 Eau ardante pourquoy c'est
 qu'elle art, & celle de se-
 paration non. 45.b
- Eau ardante & l'ether moyē-
 nes entre les choses mor-
 telles, & immortelles. 45.a
 Eau de calchantus mord la
 langue comme de feu. 45.b
 Eau de quinte essence. 44.a
 Eau de separation. 45.b
 Eau forte qui separe l'or de
 l'argent, comment elle est
 composee. 45.a
 Eau de vie est allumee de
 soufre. 35.a
 Eaux distillees si elles ont
 force. 43.b
 Escailles pourquoy elles se
 endureissent en la mer,
 non l'herbe dicte alga. 285.a
 aux Escailles de la mer la
 cause de la varieté des
 couleurs. 284.b
 Eschaufaux magnifiques. 346.b
 lieu des Eschets de grande
 subtilité. 333.a
 Echinades isles. 81.b
 Echo que c'est, & ses con-
 ditions parfaites. 458.a
 Escler pourquoy c'est qu'il
 a tant grande violence. 34.b
 en Eclypse pourquoy tou-
 tes choses semblent estre
 jaunes, & pourquoy a-
 dōc douleur de teste ad-
 uient à plusieurs. 109.a
 Escreuilles. 294.a
 Escreuilles comment elles

T A B L E.

font prises.	348.a	chaleur est grande, illec
d'Escire diuerse maniere	324.b	font engendrées les bestes plus parfaites qu'en autre part
d'Escire occultement sans suspicion en maniere elegante.		265.a.b
Escritures doiuent auoir trois choses.	354.a	266.a.b. 269. 270.
Escriture antique estoit aux escorces d'arbres & aux tablettes de bois.		en l'Elefant tien n'a esté fait en passant, ains avec grande necessité & diligence.
394.b		266. 267.a.b
qui Escriuent peu, ne doiuent auoir autorité, si non en poësie & aux mathématique.	426.b	Elefants pourquoy on croit qu'ils n'ont de ioinctures aux cuisses.
Escureaux & belettes comment ils sont appriouisez.	445.a	265.b
Escuz de pois cōment c'est qu'ils semblēt estre trop legers, & les legers semblēt estre de pois.	21.a.b	Elefants qui dansent sus la corde
Edifices qui peuent moult eschauffer l'air	119.b	432.a
en Egypte quatre choses admirables.	412.a	Element est ce qui n'a besoing d'aliment, & n'est corrompu de soy mesme, &c.
Egypte a esté assechée par la vis d'Archimedes	15.b	29.b
en Egypte pourquoy il y a plusieurs monstres,	328.a.b	28.b. 29.a
En Egypte quand l'air est feruent comment on fait des destours tres froids.	56.b	Elementens trois seulement.
Egypte quand c'est qu'elle est en grand peril de submersion.	81.a	26.b. 20.b
En Egypte pource que la		Elementens pour quoy ils sont si graads.
		79.a b
		Elementens actuellemēt sont en toutes choses mixtes.
		130.b. 131.a
		des Elementens sont faictes les choses mixtes.
		47.a
		des Elementens est quelque mutatiō aux semblables non pas generation.
		7.a
		Elixir commēt on le compose.
		54.b
		Esmeraude & sa louange.
		166.b. 167.a
		Esmeraude comment elle est contrefaictē.
		178.a.b
		Esmeraude.

- Emeraude pourquoy elle
 resiste aux venins. 167.a
 Encens dict thus. 202.b
 203.a.b
 des Enchanteurs & empoi-
 sonneurs la vie & la mort
 est malheureuse. 241.b
 Encre pour l'Imprimerie.
 118.a. 233.b
 Encre noire à ecrire
 233.b
 Encre pour noircir le cuir.
 141.b
 Encre rouge comment elle
 est composée. 219.b
 Enfans pourquoy ilz sont
 semblables aux parens.
 311.b
 pour auoir Enfans. 436.a.b
 Enfans à fin qu'ilz soyent
 ingenieux. 436.b
 Enfans comment ilz peu-
 uent parler naturellemēt.
 459.b
 Enfans masles commēt ilz
 sont engendrez. 311.b
 d'Engrauer & peindre vn
 commun precepte. 387.a
 Engraueure est plus diffici-
 le que la sculpture. 388.b
 389.a
 pour Engresser hommes &
 enfans. 448.a. 450.a
 d'Enter la maniere. 226.a
 Enuie quel effect elle a.
 350.b
 Euzina' arbre. 216.b
 d'Espée l'attraction pour-
 quoy elle sert. & gran-
 demēt vtile à la force du
 coup. 408.a
 Espées pourquoy c'est que
 elles ont les pomees
 pesantes. 19.b
 Ephemerum ver. 246.a
 Espognes & vrtiques sont
 moyennes entre les plan-
 tes & animaux. 283.b
 Esponge par laquelle les
 nauires estans aux perilz
 de l'eau, sont esuacuez. 9b
 au temps d'Equinocce le
 iour est plus long que la
 nocte. 95.b 96.a
 Erain de Cypre. 160.a
 Erain fait de fer. 151.a.b
 Erain, cūture, ou leton cō-
 mētil est separé du plōb
 158.a
 Erain comment il est mué
 en argent. 158.b
 Escarboucle & ses especes
 & que c'est qui luy est
 propre. 169.b. 177.b
 Escarotique sans douleur.
 188.a
 Esperance quel effect elle a.
 350.b
 Esprit est totalemēt absent
 du corps. 18.b
 des Esprits quelz autheurs
 en ont escrit. 465.b
 des Esprits l'aduenement
 differe de l'inspiration
 diuine. 460.b
 des sept Esprits histoire ad-
 mirable. 462.b
 Esprits & morts en quel
 lieu ilz sont apperceuz &
 quand. 365.a

Esprits & morts cōment ils peuet estre veus.	456.a	ble quelles nous suyuent quād nous cheminōs sus terre:& au riuage departent de nous en arriere.	120.a
Esprits vagans en ce monde y estre est prouué par argumens pris des histoires.	461. b. 462. a. 465. a. b	par Estoiles on peut cognoistre l'heure du iour, & le lieu ou on est.	97. b. 98. a
Esprits n'en estre point par quelles raisons il est monstré.	465. b	aux Estudes quelle ellection il faut tenir.	426. a
Estain & quel est son vsage.	160. a	Esturion poisson, dict sturio.	283. b
Estain natif.	159. b	Estuues si elles peuent estre faites par art.	424. a
Estain & argent pourquoy ils nagent sus le plomb.	157. b	Ether que c'est, & ou il est.	27. b. 28. a
Estain pourquoy il dure long temps aux edifices.	160. a	Ether, & l'eau, les principes des choses naturelles.	42. a
Estang.	80. b	Ether s'il est si rare que le feu.	44. b
Esté a son commencement du solstices.	473. a. b	Ether pourquoy cest qu'il est dit temperé.	27. a. b
Estoiles pourquoy c'est que elles sont chaudes.	29. a	choses Eternelles sont de trois gerres.	312. b
Estoiles si elles ont propre lumiere.	91. b. 98. b	des choses Eternelles sont cinq principes.	17. b
Estoiles sont grandes & loing de nous.	94. b. & de combien. 122. a. 95. a. 97. b. 126. b	d'Euclides la louange.	383. b. 384. b
Estoiles semblēt estre plus petites & plus hautes que elles ne sont.	92. b	d'Euclides tout ce qui est monstré aux Elemens peut estre monstré sans aucune mutation du cercle proposé.	354. b. iusques à la fin du meisme liure.
Estoiles pourquoy elles semblent estinceler.	92. a	Eucrinus pierre.	189. a
Estoiles semblēt estre plus grandes en leur leuer & coucher qu'en autre tēps.	63. a	Euforbium, lait d'une plante.	218. b
Estoiles pourquoy il sem-		Eufragia herbe.	200. a
		Eutrochos pierre.	189. a

- Excremens retenus au corps
humain quel detrimēt
ils apportent. 129.a
- Extremitez nature a ioints
auec le milieu. 135.b
- F**ables pourquoy c'est
qu'elles delectent. 1349.a
- de Face comment les macu
les sont effacées. 325.a
- Face semble estre verde à
ceux qui marchent par
les praries. 100.a
- Face de l'homme commēt
on la fait represente di-
uerses couleurs. 100.a
- Faceoles. 227.a. b
- Fard. 325.a. b
- Fard cause la mort sans in-
dice. 146.a. b, lequel est le
meilleur. 147.b
- Fardeaux par quelle manie-
re ils sont facilement le-
uez. 19. b. 405.a. b
- Farine comment elles est ai-
sément criblée par vn in-
strument. 63.a. b. 64.a
- Farine mouluē en quel
temps elle est bonne a
garder. 122.a
- Fées dictes lamia. 434.b
- 457.a. b
- vnē fēme sterile à fin que
elle conçoit. 283.a
- vnē femme de peur qu'elle
ne conçoit. 435.b
- vnē femme comment elle
est engardée qu'elle ne
gouste de la viande pre-
sentée. 450.a
- à sçauoit s'il y a vn renix.
291.a
- gerres excellēs de Fer. 161b
- rer comment il est purgé
par art. 161.b
- la rouillure & l'ecaille da
Fer. 148.b
- Fer comment il est engrai-
ué & amoli. 160.b
- Fer comment il est diuisé
d'vn fil. 161.a
- Ferrand Turo bastleur.
431.a
- de Fertilité les signes.
382.a. b
- vn festu comment, il saute
sus les cordes d'vn luth
sans estre touché. 446.b
- feu que c'est. 39. b. 40.a. 33.b
- feu s'il est element. 26. b
- 27.a. b
- feu pourquoy c'est qu'il
est posé entre lesj elemēs
34.a
- feu si l'est plus rate que l'e-
ther, 44.b
- feu dequoy c'est qu'il est
fait. 27.a. b
- feu a deux especes. 86.a
- le feu modere per circulatiō
la chaleur des astres. 44.b
- feu & chaleur comment ils
sont engendrez, du mou-
uement. 40.a
- feu ne cōsiste moins en se-
cheté qu'en cahaleur. 39.b
- du feu comment apparois-

- sent les effects sans feu. 39.b
 46.b
 Feu requiert trois choses. 36.b
 du Feu n'est faicte chose ex
 cellente, qui n'est aydé des
 soufflets. 33.a
 nostre feu s'il est substance
 ou accident. 33.b
 Feu blesse plus par sa cha-
 leur, que la glace par le
 froid. 33.a.b
 Feu enclos sous terre pour-
 quoy il n'est esteint. 86.b
 Feu à vertu variable & di-
 uerse selon l'application.
 50.a
 le Feu n'est en la matiere
 humide quand la chan-
 delle brulle. 48.b
 Feu comme il brulle touf-
 jours. 29.b
 Feu est faict plus chaud en
 six manieres. 34.a
 Feu à fin qu'il ne blesse.
 44.6.a
 Feu enflammé par les souf-
 flets quand il est valide
 n'est esteint deau petite.
 31.a
 le Feu blâchit aucunes cho-
 ses, & noircit les autres.
 49.b
 Feu est plus imbecille quâd
 il est appliqué sous. 50.a
 du Feu la vertu est de mesler
 47.b
 Feu commēt il est tiré hors
 des pierres. 40.b
 Feu est esteint de l'eau en
 trois manieres. 39.b
 d'un petit de Feu comment
 on contrainde de bouillir
 un pot. 34.a
 Feu de tonnerre peut tuer
 tous animaux. 34.b
 Feu de tonnerre est plus
 chaud que tout autre feu.
 34.b
 Feu de tonnerre peut faire
 fondre l'argent sans bles-
 ser la bouille. 34.b.35.a
 en grâd Feu sont seulement
 trois aydes pour l'estein-
 dre. 32.a
 Feu de deux sortes, qu'on
 ne voit de iour, ains seule-
 ment de nuit. 32.b
 Feu qui n'est esteint d'eau,
 comment c'est qu'il est
 composé. 31.b
 Feu pourquoy c'est qu'il
 s'esleue plus vehemente-
 ment arrousé d'eau. 31.b
 Feu veu de nuit seulement
 est sans chaleur. 32.b
 Feu comment c'est qu'il est
 gardé sous les cendres.
 38.b
 Feu pourquoy il est allumé
 par les spheres de crystal
 99.a
 Feu qui blesse la veue. 50.a
 nostre Feu n'est element.
 29.b
 Feu qui sort d'une monta-
 gne est estint de choses se-
 ches, & nourry d'eau. 31.a
 Feu pourquoy c'est qu'il est
 allumé des soufflets. 31.a

nostre Feu comment il dif-
 fere de la chaleur putride
 54. b
 le Feu resiste à tout venin.
 55. a
 Feu esteint aucun venin, &
 augmente l'autre. 68. b
 69. a
 Fieures putrides pourquoy
 elles sont avec grãde cha-
 leur 49. b
 Figues cômēt on les garde
 toute l'année. 39. a
 Figue rōde la plus capable
 de toutes & plus robuste
 64. b
 Figures seintes commēt el-
 les ont vertu. 175. a
 Fil lié alantour d'vn œuf.
 comment il n'ard. 49. b
 aux Filosophes appartiēt
 de chercher matieres qui
 sont cognuës aux sens.
 46. b
 Filosophes & sages. pour-
 quoy ilz semblent estre
 plus adonnez aux vices
 que les autres. 163. b. 3. a
 164. a
 Filosophes pourquoy ilz
 ne sont prompts à Venus.
 314. a. b
 Flairement qui l'ont bon,
 sont les plus ingenieux.
 350. b. 331. a. 336. a
 Flambleaux ou c'est qu'ilz
 sont faits. 26. b. 86. b
 Flamme que c'est. 29. b
 Flâme pourquoy elle mon-
 te en haut. 29. b

Flammes valides sont exci-
 tées en atroufāt d'eau. 31. a
 toute Flamme se tourne en
 fumée. 30. a
 Fleche qui soit tousiours fi-
 chée comment on la peut
 faire. 60. a
 pointe d'vne Fleche frotée
 de la poudre, du diaman
 perce facilement toutes
 armures. 168. a
 Fleches frotées du suc de
 pomme de la mort, font
 mourir subitement, sans
 pouuoir donner reme-
 de. 205. b. 206. a
 aux Fleches la cause d'in-
 uētion des pennons. 60. a
 Fleuues d'ou ilz ont leur o-
 rigine. 80. b
 Fleuues pourquoy ilz cou-
 lent vers le Midy. 80.
 Fleuues pourquoy ils croif-
 sent principalement au
 matin. 82. b
 Fleuues pourquoy ils ne
 sont salez. 82. a
 Fleuues sont plus pleins au
 printemps & en Esté que
 en autōne, & trop moins
 en hyer. 83. a
 Fleuues cōment on les peut
 passer seurement en na-
 geant. 435. a
 Fleuues assèchent les mers,
 81. b
 aux Fleuues des nauires
 pourquoy elles sont por-
 tées plus vitemēt qu'en
 la mer. 84. b

- Fleues de faueur delectable. 87.b. 88.a
 des Fleurs les parties. 197.a
 Fleurs pourquoy elles ont vn bout d'ist calix. 197.b
 Fleurs pourquoy elles sentent bon. 196.b
 des Fleurs pourquoy les couleurs sont diuerses. 194.b. 195.a. 219.b
 Fleurs pourquoy elles s'expandissent au matin. 226.a
 Fleurs & feuilles comment elles sont peintes. 341.b. 342.a
 comment on peut auoir Fleurs toute l'annee. 341.b. 344.b
 Fleurs odoriferes pourquoy elles n'ont de fruit. 208.b
 Fleur d'Apollo. 197.a
 Flor de mer 84. a. qui est la cause. 197.a
 flot de mer est grand aux pleines lunes & nouuelles. 84.b
 flot de mer empesche les nauires de faire beaucoup de chemin. 84.b
 fontaine. 80.b
 fontaines de merueilleuse proprieté. 66.a
 fontaine qui restitue les vieils. 44.a
 fontaines pleines d'huile 88.b. & pourquoy elles distillent l'huile. 88.b
 ce qui est fondu facilement, pourquoy s'il est adiouste avec les pierres, fait fondre facilement les metaux. 399.b
 de grande force, experience. 308.b. 309.a. 418.b
 forme est par tout. 6.a
 forme & mouuement en partie sont eternels, en partie mortels. 18.a. b
 formes monstrueuses. 308.b
 des fosses les causes. 75.a
 des fosses infectees ou salubres comment on peut auoir cognoissance. 76.a
 matieres fossiles pourquoy elles estincellent. 141.a
 fourmis sont ausugles. 247.b
 pour chasser les fourmis. 437.a
 petits fours desquels on se sert à la despense pour faire bouillir vn pot a petit feu. 34.a
 françois Roy de France representé au vif. 390.a
 fraude de grad gain. 187.a
 resne, langue d'oiseau, & le dipramus sont de mesme espee. 194.a
 resne est le plus beau bois de tous. 194.a. 220.a
 Froid n'est rien actuellement, mais est la seule priuation de chaleur. 28.a. 29.b. 41.b. 99.b
 Froid quelles operations il a. 419.b

T A B L E,

- le Froïd est grand aux mō-
tagnes. 470.a
- Froid pourquoy il n'esteint
ainsi les animaux que la
chaleur suruenante. 55.b
- Froumēt se toutne en her-
be. 224.a
- des Fruits diuerse qualité &
téperament. 231. b. 232.a
- Fruit differe de la semence.
211.a. b
- Fruicts pourquoy ils sont
annexés de petites queties
231.b
- Fruicts de peur qu'ils ne
pourrissent en l'arbre.
339.b. 344.a. b
- Fruicts secs comment ils re-
uerdissent. 232.a
- Fruicts à fin qu'ils changent
couleur, saueur, odeur,
& forme. 340.a
- Fruicts à fin qu'ils prennent
toute forme qu'on veut.
447.a. b
- Fruits de diuerses couleurs
comment ils sont pro-
duits d'vne mesme bran-
che. 341. a
- Comment on peut auoir
Fruits apres la saison, &
en tout temps. 339.b. 344
b. 345.a
- Fruicts à fin qu'ils ne tom-
bēt deuant la saison. 339.b
- Fueilles des plantes pour-
quoy elles sont verdes.
229.b
- Fueilles pourquoy elles sōt
inegales au coupeau des
plantes. 230.b. 231.a
- Fueilles pourquoy elles ont
les nerfs inegaux. 231.a
- des Fueilles en toutes plan-
tes commēt on peut colliger
le nombre. 231.a. b
- Pourquoy les Fueilles tom-
bēt d'aucunes plātes, d'au-
cunes non. 206. b. 207.a
- Fumee d'ou elle est engen-
dree. 30.a
- Fumee pourquoy c'est que
elle retourne souuent en
arriere. 30.b

G

- Agates & sa vertu.
155.b. 137.a
- Gayar, dict lignum san-
ctum. 218.a
- Galleries refrigerantes com-
ment elles doiuent estre
faictes. 56.a. b
- la louange de Galien. 27. b.
324.a. 384.b
- Gamarus du gerre des escre-
uisses. 294.1
- Ganges fleue. 81.b
- Garence tenue entre les
mains des teinturiers,
pourquoy elle teint l'vri-
ne. 337.b
- Garum 337.b
- Garyophylum arbre, & le
fruit, dict clou de girofle.
201. b. 202.a
- Geans. 307.a. b
- pourquoy par Gelee les mē-
bres tombē aux hommes.
144.b

Gemme que cest proprement .	162.a	faictes faciles à estre cuites.	342.b
Gensdarmes pourquoy ilz sonnent trompettes & tabours aux batailles.	333.b.351.a	les Grecz vsoyent de deux langues.	307.a.324.a
Generation.3.b.47.a.b	51.a.52.a	pommes Grecques pourquoy c'est qu'elles ont grande flamme.	31.a
à la Generation quelz elements conuientent.	55.b	Gresse a trois especes.	211.a
Generatiō parfaite est faite en la matrice.	256.a.b	Gresses de senteur commēt elles sont preparées.	325.b
Generation & nutrition sont faites par chaleur.	310.b	Guanabanus vn fruit	322.b
Genest est vile à faire lingē.	136.b	du Guede ou pastel, dict glastum, la marchandise incredible.	228.a
Geneute.	233.a	Gui engendré aux arbres à quatre commoditez de l'arbre.	223.a
Geodes pierre.	154.a.182.a.b	Gypsum, vulgairēmēt dict le plastre.	189.a
Geometrie est la plus subtile de routes sciences, & coguē en trois manieres.	368.b	H	
Glace en quoy elle differe de la neige.	471.b	Abitation & demeure ou elle est bone.	383.b
Glace cōment elle est gardée en esté.	33.a.b.346.a	Haine quel effect elle a.	350.b
Glace admirable.	346.a	Halcyonū pierre.	188.a.b
Gloire pourquoy elle est appetée.	326.b	bonne Haleine, &c. chez leunes, &c.	
Glossopetra pierre.	199.b	contre l'Haleine courte.	450.a
Glu comment elle est faicte.	199.a	Haleine puante est mortifere.	68.a
Gomme dicte lachryma.	211.a.218.a.b	qui Haletēt la bouche ouverte, eschauffent l'air, & qui haletēt les leüres serrees, le refroidissent.	55.a
Gouffres.	79.a.80.b		56.b
comment la Graile est engendrée.	469.b.470.a	Halinitrum.	72.b.140.a.b
Graines cōment elles sont			

T A B L E

Haquebutes deschargées, pourquoy c'est qu'elles font grād bruit, & com- ment elles sont faictes.	Heure du iour comment elle est cognue par les e- stoilles.
37.b .411.a.b.	98.b
Haquebutes pourquoy tāt plus elles sont longues, tant plus iectent loing.	comment la distance des Heures est cognuē.
59.a	79.b
Hecla montagne en Islan- de, de laquelle le feu sor- tant est nourry d'eau, & est esteint de choses se- ches.	Hexagone quelle propriē- té il a.
31.a	367.a
Heliotropie pierre precieu se, & sa vertu.	Hexagons pierre. 190.a
170.b	Hieracites pierre. 190.a
Hematites Espagnole & Germanique, & leur ver- tu.	Hippocrates & Acron ont exempté Athenes de pe- ste
155.a	137.b
Hena herbe.	l'Hiuer a son commence- ment du solstice.
211.b	473.a
Henophille plante.	en Hiuer pourquoy c'est que l'eau des puyz & des fontaines semblent plus chaudes.
230.b	85.a.b
Heptagone quelle propriē- té il a.	pourquoy l'Homme a esté faict.
367.a	299.b.300.a.b
des Herbes du printemps la merueille.	301.a.b
66.a.123.a	trois geires d'Hommes.
aux Herbes & fruct. quel- le terre est bonne.	303.a
77.b	quel ordre il y a en l'Hom- me des parties en subti- lité.
Herbes cōment elles sont peintes au vif.	316.b.317.a
346.b	comment l'Homme a peu estre de nature chaude & temperée
Herbes qui enyurent.	302.a.303.b
206.b	316.a
Herbe qui excite au coit Venerien iusqu'a septā- te fois.	l'Homme n'estre animal.
228.b.229.a	302.a
Herison.	pourquoy les Hōmes seulz entre les animaux ne voyent de nuict.
257.b.284.a	299.a
436.a	pourquoy les dents tom- bent à l'Hōme en veil- lesse, & les yeux deuie- nent hebetez.
Hermites pourquoy ilz i- s maginent deuant leurs yeux des representatiō	311.a.b
455.a.b	qui sont les principaux

T A B L E.

- dons des hommes. 303.a
 314.b
 comment l'homme est mué
 par les affections. 349.b
 350.a
 à l'Homme rien n'est plus
 difficile que la cognois-
 sance des choses futures.
 382.b
 Hommes qui ont le meil-
 leur flairement sont les
 plus ingenieux. 336.b
 Hommes viuans sans vian-
 de. 308.a
 Hommes tresbeaux. 308.b
 comment on represente les
 Hommes volans en l'air.
 113.a
 Hommes petits ou grands
 comment ils peuuent estre
 faicts. 309.a
 de l'Homme parfait les pro-
 portions du corps. 319.a
 comment les Hommes sont
 faicts au vis. 390.a
 Honte quel effect elle a.
 350.b
 comment les Horloges sont
 mouuez. 10.a. 185.a.b
 Horloges sans cordes. 390.
 b.
 Horloge en vne pierre pre-
 cieuse, d'un anneau qui
 demonstroit les heures
 d'un coup, non seulement
 d'une pointe. 62.b. 373.b
 aux Houleaux comme on
 empesche que l'eau n'y
 puisse penetrer. 129.a.b
 Huile & gresse comment
 ilz different. 211.a. 214.a.
 217.b. 228.a
 pourquoy l'Huile distile des
 des fontaines. 88.b
 le hault de l'Huile est le
 meilleur. 421.a
 l'Huile est tirée au pressoir
 en plusieurs manieres.
 212.a
 Huile ne se congele.
 144.b
 pourquoy l'Huile nage sus
 l'eau. 129.b
 Huile est bonne pour pro-
 longer la vie. 68.b. 70.a
 123.a
 Huile frotée au fer & acier
 donne deux vtilitez.
 406.a.b.
 comment on peut cognoi-
 stre si l'Huile est adulte-
 rée. 130.a.b
 Huile odorifere est faicte
 en trois manieres. 210.a
 b. 211.a.b. 212.a
 Huile d'oliue guarit les
 playes recentes. 187.b
 Huile de pierre ou de saxo.
 139.a
 Huile de nature admirable.
 187.a.b. 217.b
 Humeurs sont contenus en
 quatre mixtions. 213.a.b
 225.a. 420.a.b
 Humeur gras est propre à
 la generation, l'humeur
 aqueux y est inutile.
 127.a
 Humeur gras pourquoy il
 est lucide. 219.a

- Humidité aqueuse pour-
rit subitement. 54.a
pourquoy l'Hyacin rend
les gens ioyeux, confor-
te le cœur, engarde de pe-
ste, augmente l'authori-
té & richesses, sauue du
tonnerre, & c. 165.a.b
166.a
instrumens Hydrauliques.
335.a.b.
Hydromel se tourue en
vin par successiō de tēps.
88.b.
Hyperbole. 362.b.36.a
Hysterapetra pierre qui a
la forme de la partie hō-
teuē de la femme. 391
190.a
Hyuca racine salutaire, &
si est venin mortifere. 322.a
I.
I Anellus Turrianus hō-
me de grand esprit. 7.b.3.391.a
Iasemin, dict iasemium. 208.b.
Ialpe & sa vertu. 171.a
la contention des Idola-
tres, contre la loy des au-
tres. 303.b
pourquoy le Ieu est plai-
sant. 334.a.b
Ieunes gens peuuent auoir
bonne haleine, non pas
les vieillards & intempe-
rez. 196.b
Ieunesse est restaurée par
vne eau de fourmage. 44.b
If, dict taxus, 67.a.210.a
quelle vertu ont les Ima-
ges & seaux. 446.a
Images de bois qui suent.
228.b.
Images redigées de gran-
des en petites. 390.a.b
Imprimerie est d'admira-
ble inuention. 386.a
l'Imprimerie a le comble
de la perfection. 395.a
quand Impulsion est fai-
cte. 6.b
Indiens sont ingenieux
308.b.
Indiens viuent lon temps,
& ont l'os de la teste
fort dur. 316.a.319.b
Inondatiōs pour trois cau-
ses generales. 79.b.
81.a.b
des Insectes la difference,
234.a.b
Insectes comment ils sont
chassez. 247.a.b
Instrument pour donner
passe temps. 352.b
Instrument par lequel ce-
luy qui tire est attiré.
416.b
Instrumēt par lequel cha-
cun peut se tirer en haut:
417.a
Intellect & volōté cōment
ils different. 348.b.351.a.b
Intellect vsē de trois cho-
ses pour iuger. 349.b

Intellec̃t par l'intelligence de la verité est delecté pour trois causes. 349.a	me, craime, &c. 224.b.
Intelligēces & Dieu n'ont de nom propre. 467 a.b	225. a
des Intelligences les vertus & les noms. 467.b	Laiçt ea quelles manieres il est coagulé. 225.a.b
Intelligences quelle delectation elles ont. 467.b	Laiçt des plantes pourquoy il est glutineux. 199.a.b
Intelligencees quelle vie elles ont. 466.b	Laiçt medicinal. 125.a
Ioye quel effect elle a. 350.a.b	Laiçt est vtile à longue vie. 319.a
Ionbarde garde les semences catieres. 339.b	Laiçt corrige le vin. 129.b
Ionc pourquoy il est flexile, & n'a de feuilles. 221.a	130.a
Ioueurs de passie passé, pour quoy ils sont contemnez. 429.a	Laine de quel país elle est prisee. 257.b
Ire quel effect elle a. 350.a	Lampe à Athenes qui bruloit toute l'annee. 15.b
des Isles la cause & origine. 75.a. 79.b	Lances longues pourquoy elles percent micux que les courtes. 408.a
Isle de Saint Thomas. 472.b	Lance ou verge portee sus le bout du doigt. 432.a
Italie mere de tous biens. 86.a	de Lance experience. 333.b
Iumens. 250.b. 443.b	des Langues la difference. 306.b. 307.a
du Iuif contre le Chrestien, & le Mahumetiste dispute. 304.a	cause de la difference. 313.b
	Langue d'un beuf arrachee se remue tout un iour. 294. a
L	Lant, toreau de Libye. 176.a
Lacessōt pour cinq causes. 475.b. 476.a	de Larix les larmes quelle vertu elles ont. 204.a
Lacs pourquoy ils ne sont salez. 83. b	des Larmes la cause. 333.a
Lacca. 117.b. 228.a	Larmes & souspirs pourquoy ils appaisent la douleur. 323.a
du Laiçt six parties, l'escu-	Lauendier, dict nardus. 207.b
	de Laurier & genere les

T A B L E.

- feuilles pourquoy elles
 craquent au feu. 232.b
 233.a
 Laurier s'il n'est touché du
 tonnerre. 35.b
 Lazul pierre. 143.a
 eau de Lectue. 43.b
 Legation. 422.b
 du Leopard le testicule dex
 tre a grande vertu pour
 prouoquer les mois des
 femmes. 336.a
 Le fiel d'iceluy est venin.
 336.a
 Lepre comment elle est cu-
 rec. 312.a
 Lettres en escriuant toutes
 choses avec trois lettres
 sont cachees en trois ma-
 nieres. 394.a
 Lettres comment on peut
 escrire au corps humain
 que lon ne peut effacer.
 447.b
 aux Lettres & engrauures
 des pierres precieues, les
 moindres fautes sont grā
 de deformité. 334.b
 Leurette, dicte lycifca.
 263.a
 Libanotis. 203.b
 Lieu pourquoy c'est qu'il
 est immortel, immobile
 & immuable. 18.a.b
 des Lieux comment la lon-
 gitude & latitude est co-
 gneue quād on cognoit
 la distance de la voye.
 438.b. 430.a
 Lieux occultes avec leurs
 couleurs par quelle ma-
 niere on les peut voir.
 112.a.b
 Lieures & rats pourquoy
 ils ne sont appriucitez.
 286.a
 des Lignes droictes toutes
 figures faictes quel pri-
 uilege elles ont. 366.b
 de deux Lignes qui touf-
 jours s'entreapprochent,
 & iamaïs ne s'assemblēt.
 363.b. 364.b
 Ligne spirale a six priuile-
 ges. 366.a
 Limace pierre, & sa vertu.
 181.b
 Limaçons sont pruez des
 yeux. 247.b
 Lime pourquoy elle a des
 dents breues, frequentes
 & obtuses. 73.b
 Licostis herbe. 223.a
 Linge faict de pierres &
 genest. 136.b
 Lyon. 276.b
 du Lis histoire. 207.b
 Lis comment on les faict
 porter des fleurs rouges.
 207.b
 Lithostrotō pierre. 179.b
 Liure qui monstré les pois
 plus grands qu'ils ne sōt
 comment elle peut estre
 faicte. 21.b 22.a
 Liures comment ils sont in-
 continent redigez en or-
 dre. 414.a.b 415.a.b
 Liures en langue Afriquai-
 ne tradujets en Latin,

- que les Larins n'ont de present. 324.a
- Locustes ou sauterelles. 243.b.244.a.b
- en Lombardie l'air secha en trois iours tous les citrons & oranges. 55.b
- le loup sil fait l'homme muet. 433.a
- comment on fait mourir les Loups. 142.b
- Loutre. 278.a.b
- Lumiere que c'est & ses especes. 110.a.b.101.a
- Lumiere pourquoy elle est seulement des choses resplendissantes. 101.a
- Lune cōbien elle est haute 95.a.106.b.107.a
- Lune si elle prend toute la lumiere du Soleil 91.b.92.a
- de la Lune au Soleil la cōparaison. 95.a
- Lune pourquoy elle ne fait ombre le iour durant. 98.b
- Lune pourquoy c'est que elle a vne macule. 96.b.97.a
- Lune pourquoy elle seule change sa figure. 96.b
- la Lune mouue les eaux au flot. 84.ab
- Lubues le Chasteau renuersé par les Espagnols. 38.a
- Lycōsura la premiere cité. 306.a.b
- M.**
- M**achines par quel fondement elles cōsistent, 10.b.11.a
- Machines à feu de quelle matiere elles sont. 35.b.3.b
- des Machines à feu comment sont les moules. 36.b
- Machines à feu par quel moyen elles sont gardées d'estre rompues. 36.b.37.a.b.
- Machine Ctesibique de la fontaine qui est tousiours plaine, & ne cess: de couler hors montāt en haut du bas. 7.b.8.a
- Machine Augustane par laquelle l'eau puisée du fleune est iectée ou on veult. 17.b
- Machine de Barthelemy Brambille, par laquelle l'eau monte, & est espādue là où ou veult. 8.b
- Machine de Heron par laquelle vn bassin plain d'eau est vuidé moyennant des fistules par en haut. 14.a
- Macer escorce de la noix dicte myristica. 201.b
- de l'art Magique quelques fausses ordōnāces. 434.b
- Mahumet dispure contre le Chrestien & le Iuif. 04.ab305.a.b
- Mains par quelles drogues elles sont blāchies. 325b

Maifon
estre l
Maifon
brui
bea
Maifon
Malat
n'o
bil
ch
com
M.
aux
n
n
Ma
M
M
M
M
M
M

T A B L E.

Maifon de bois qui ne peut estre bruslee, 638.b	tion. 192.a
Maisons pourquoy elles font bruiſt auant qu'elles tom- bent. 403.a	Marmot beſte. 278.b
Maizum herbe. 322.a	Matriacoſta comment elle eſt compoſee. 178.b
Malade quand il ne voit & n'oit, lors la vertu eſt de bile & la mort eſt pro- che. 457.b	Matrice. dicte matrix. 143.b
comment on cognoit les Maladies futures. 177.a	Matrices des pierres preci- cufes. 163.a
aux Malades eſt vn ſigne moriſere de voir les morts avec vn radote- ment. 457.b	Matiere premiere comment elle eſt par effect & par pouvoir. 4.a.b
Maladies contagieutes ſont de quatre gerres. 320.b.	Matiere & forme ſont ne- ceſſairemēt avec le corps 18.b
321.a	aux Matieres cōpoſees ſont trois choſes, la terre & l'eau pour la matiere & la chaleur celeſte qui, o- pere. 47.a
Males taches comment el- les ſont de. ergees & ner- toyces. 413.b	Meche qui ne ſe conſume. 6. a.136.a.b
Malche perpetuelle. 179.b.	Medo le boire enyurant. 215.a.b
180.a	Medecine. 381.a.419.a 426.a
Mamei arbre. 322.b	Medicamens comment ils ſont bien compoſez. 421.a
Manne. 376.a	Medicamens rare ou eſpes en quantité ou ſubſtan- ce, &c. quelle difference ils ont. 46.a.b
Manucodiata oyſeau. 289.a	Melanteria. 141.b
Mamutus poiſſon. 285.a	eau de Melice. 43.b
Maragnonus. 81.b	Melons comment ils ſont cogneus eſtre bons. 20. b
Marbre, & ſes gerres. 182.b. 183.a	Melons comment ils ſont conſeruez, & comment on peut auoir deuant la ſaiſon. 344.b
Mare ou marets. 80.b	
Marchandiſe peut eſtre de- partie par la quatrieſme partie. 351.a	
Marguerite on ello eſt trou- uee, & ſes vertus. 180.b	
des Marguerites l'adultera-	

Membres conpez à quel-
ques bestes pourquoy ils
sont regenez. 248.b
249.a
Me moises artificielles. M
351.b
Memoire par laquelle chō.
se elle est corborée.
334.a
Meotis le palu 80.b.82.a
83.b
toutes Mers si elles sont
deriuées d'vne. 83.a.b
Mer est plus mouuées aux
plaines & nouuelles lu-
nes. 84.a.b
Mer Mediterranée est plus
agitée que pas vne autre
84.a
Mer pourquoy c'est qu'el-
le fait le flot deux fois
le iour. 84.a
en la Mer pourquoy il y a
différence d'eaux quant
aux couleurs. 288.b
Mer pourquoy elle demeu-
re salée. 83.a.b
en la Mer sil en y a d'eau
douce. 128.a
Mer pourquoy en aucuns
lieux elle est sterile.
288.a.b
en la Mer pourquoy il y a
beaucoup de monstres.
281.b. 282.a. 284.
a.b
la Mer si elle est l'origine
des fleues. 80.b
de la Mer la profondeur.
est cogneuë envoyant vne
pierré au fond de la Mer.
331.b
Metal que c'est. 123.a.150.b
Metaux sept iouxte le nō-
bre des planettes. 151.a
des Metaux la concordé &
amitié. 158.b
Metaux sont de substance
aqueuse & rare. 2.a.154.
a.b.155.a,b.156.a
Metal vers laquelle partie
du monde il croist. 134.a
separation des Metaux
d'argent, du plomb. &c.
157.b.158.a
des Metaux les plus durs
sont les plus precieux.
143.a.367.a.168.b
Metaux en que's vaisseaux
ils sont fonduz.
395.b
Metalliques sont innume-
rables en especes. 132.b
aux Metalliques les parties
nécessaires. 135.a.b
des Metalliques & des plā.
tes la comparaison. 132.a
b.133.b.134.a.135.a
Metalliques ont vne vie.
132.b.133.a
Metalliques comment el-
les pēuent estre de bon
odeur. 135.b
Metalliques pourquoy il y
en a plusieurs souz terre,
& peu dainimaux.
102.b
Metalliques estre abon-
dantes aux montagnes,
on le cognoist par quin-
ze indices

- zé indicés. 134.a.b
 des Metalliques faictes par
 artifice trois vtilitez. 150.a
 Metalliques pourquoy el-
 les se fondent avec le
 plomb. 141.a.b
 Meteoroscope. 418.b
 de la Methode resolutoire
 exemple. 370.a.b
 que le Miel n'a peu estre
 engêdré d'autre beste que
 des abeilles. 242.b
 le Miel semble estre plus
 préparé pour boire que le
 vin. 216.a
 le fond du Miel est le meil-
 leur. 421.a
 Miel, comment on cognoit
 s'il est adulteré. 130.a.b
 Mignol espece de breuua-
 ge. 216.b
 Mine est sinon vne plante
 couuerte. 125.a.b
 Mines souz l'eau. 124.a.b
 Mines de merueilleuse pro-
 fondité. 135.a.b
 Mines pour abatre villes &
 chasteaux comment elles
 sont faictes. 38.a
 les bons Miroirs. 100.b
 le Miroir moustre toutes
 choses par ordre preposte.
 re. 115.b
 entre les Miroirs, la poudre
 de crystal faict choses
 fort merueilleuses. 114.
 a.b
 à vn Miroir côme on peut
 voir le ventre & le gosier. 113.b
 Miroir qui môstre les heu-
 res par le nombre des fa-
 ces. 114.a
 par Miroir commet l'ima-
 ge d'vne chose est veuë
 en l'air. 94.a. 112.b.
 113.a
 Miroir qui reuele les cho-
 see occultes & secrettes.
 112.a
 Miroirs pour voir sa face ve-
 nir & retourner ensem-
 ble. 113.b
 à vn Miroir comment on
 peut voir son dos. 113.b
 Miroirs representans cou-
 leurs tresbelles. 114.b
 Miroirs representant cho-
 ses diuerfes. 112.b
 Miroir qui represente les
 hommes volans en l'air.
 113.a.b
 Miroirs creus pourquoy ilz
 repoussent les rayons par
 tout, & toutesfois ilz ne
 representent l'image.
 110.a.
 Miroirs qui bruslent, en
 quantes manieres ilz sont
 faicts. 110.b. 111.a
 Miroir ardent. 39.b. 40.a
 Mixtion, dicté sietas, com-
 ment elle est faicte. 118.b
 de Mixtion quatre gerres.
 118.a. b. 131.a
 aux choses Mixtes les ele-
 mens ont en deux manie-
 res. 132. a
 Mixtion en quoy elle dis-

fere de la nutritiõ & aug- mentation. 131.a	des Mors ou viuans, à sca- uoir qui sont les plus heu- reux. 466.a.b
la situation du Monde. 477.a	Mors poisson. 283.b
si le Monde a esté engen- dré, & s'il est eternal. 84. b. 85.a	des Mouches à Miel la de- scription. 242.a.b
de la Monnoie on peult o- ster le dessus. 143.a	Mouche qui apporte ve- nin. 69.a
Monoceros. 271.b	Moucheron, dit culex. 246.a
des Monstres qui est cause de leur generation. 328.b	Mouchérons, & les mou- ches comment ils sont chassez. 247.a.b
Monstres pourquoy ilz vi- uent en la matrice, & non quand ilz sont nez. 327.a	Moumie, dite mumia, me- dicament. 437.a.b
Monstre si c'est l'erreur de nature, ou si nature pre- tend à quelque fin. 327.b	Moutõs de quatre cornes. 258.b
Monstres s'ilz signifient quelques choses futures 328.a	Mouuement est de nature. 6.a
des Montagnes l'origine est triple, & pourquoy elles sont hautes. 47.b	Mouuement est vn princi- pe. 18.b
aux Montagnes pourquoy le froid est grand. 470.a	Mouuemens simples sept. 57.a
en Montant pourquoy l'hõ- me se traueille tant. 428.a.b	du Mouuement de la tete les causes. 62.a.b
Morelle, dicte solanum. 199.b	Mouuemēt & chaleur sont causes mutuelles de soy- mesme. 99.a.b
Mort sans douleur. 205.a 229.b	Musse beste. 275.b
Morts & esprits en quel lieu, & quand ilz sont ap- perc euz. 465.a	Mules pourquoy elles sont steriles. 262.a.b
Morts & esprits comment ilz peuent estre veuz. 456.a	Mulets pourquoy ils viuent long temps. 312.b
	Murex, poisson duquel on prend le pourpre. 118.b
	Murs des villes quels ils doient estre, pour estre plus seurs. 403.a
	Musc beste. 205.a a.b

T A B L E.

Muscles comment ils sont mouuez. 425. a
 de Musique les subtiles inuentions. 160. a. 376. b
 en Musique comment la delectation est augmentee. 335. a
 Mutilez pourquoy ils sont mauuais. 335. a
 Musteles poissons. 253. b
 Myites pierre. 189. b
 Myrobalam. 53. b. 202. b
 209. a
 Myrte. 207. a
 Myfi, vitriol Romain. 140. b. 141. a

N

EN nageant comment on peut seurement passer les fleues. 432. a
 Nappes qui ne sont brulees du feu, ains nettoyees nõ d'eau. 136. a. b
 de Nature quatre effors. 219. a. b
 Nature n'a riẽ fait par cas fortuit. 300. a. b. 301. a. b. 327. b. 328. a
 Nauet, dit nappellus. 283. b. 200. a. 207. a
 des Nauires l'inuẽtiõ. 389. a
 Nauires par quel moyen elles sont fermes en la mer. 201. a
 Nauires ne sõt frappẽes du tonnerre. 35. a
 Nauires dispersees par la tẽpeste cõment on peut

cognoistre ou elles sont. 97. b
 Nauires pourquoy elles ne sõt beaucoup de chemin quãd le flor y est. 84. b
 Nauires estans au peril de l'eau comment elles sont esuacuees. 8. b. 9. b
 Nauires cõment elles sont defendues contre les mõstres de la mer. 281. a
 Nauires enfonsees en la mer, comment c'est que elles peuent estre retirees. 13. a. b
 Nauires enfonsees sont plus facilement retirees de la mer que des fleues. 13. b
 Nauire pourquoy elle est menee tant lege ement de voiles. 1408. b
 Nauire ou nasselle peut porter autãt de fais que est pesãnt le fais de l'eau qu'elle peut tenir. 13. a
 Nauire mesme pourquoy c'est qu'elle porte diuers fais en diuerses eaux. 13. a. b
 Nauires sont appellees selon leur mesure. 13. a
 Nauires commẽt elles sont bruslees de loing. 111. a. b
 Nebrites, dicte des lapidaires, garatronius. 176. b
 Neige comment elle est faicte, 469. b
 neige pour trois causes tõbe sans esclers & tonnerre. 370. b

T A B L E.

Neige en quoy elle differe de la glace.	471.b	uent estre.	309.b
Neige demeure aucunefois par plusieurs ans aux montagnes.	33.b	Nuées de quelle forme elles sont.	421.b
Neige cōment elle est gardée en Esté.	346.a	Nuées ne sont veuës de pl ^o loing que de.	100000.
Neiges artificielles.	346.b	pas.	422.a
le Nil.	80.a.81.a.82.a.	Nuées & playes pourquoy elles sont tousiours là ou le Soleil est sus la teste de l'homme.	386.a
Nil pourquoy il arrouse abondamment Egypte.	474.b	Nuict de six mois, & le iour d'autāt en quelques regions.	305.b
Nirabry fruit.	176.b	Nutrition de diuerses choses fait les corps diuers.	69.b.131.a
Nitre.	139.b		
du Noyer pourquoy l'ombre est mortifere.	206.a	O	
Noix que c'est qu'on appelle.	211.a	O ccasion, cause, & commencement en quoy ilz different.	
Noix comment elles sont gardées toute l'année verdes.	232.a.345.a		
des Noix deux experiēces.	364.b	477.b	
Noix pourquoy elle ayde la coction,	424.b.425.a	l'Occident.	pourquoy n'est tant recreatif que l'Orient
Noix Indique ou d'Inde.	216.b		150.b.151.a
Noix vnguentaie.	53.b	d'Ocean aucune mer n'est separée.	83.b
Noix vomitiue.	70.b	Ocre.	77.a.149.b
de la Noix myristique cōmēt on tire l'huile	212.a	de bon Odeur la dñitiō.	44.b.77.b.200.b
le Nombriil escorche pourquoy l'homme meurt.	329.a	d'Odeur les priuileges.	336.a
Nombres quelconques cōment ilz peuuent estre escris iusques à.	25000.	Odeur delectable pourquoy il est raremēt froid.	204.b
de l'ongie.	416.a	Odeurs aromatiques pourquoy ilz abondent en Orient plus qu'en Occidēt	150.b.15.a
Nourrices quelles elles doi-			

T A B L E.

de l'Oeil les parties conspi- cuës 280.b	ses. 293.b.279.b
d'un Oeil mal voyãs, pour- quoy ilz deuienneni lou- ches & bigles. 425.a	Oiseaux comment ilz sont pris. 347.a
les bestes sont engendrées des Oeufs en plusieurs manieres. 255.a.b	Oiseaux en lieu ou ilz a- bondent, donnent argu- ment de l'air salubre. 288.b
Oeufs cōment ils sont cou- uez sans poule. 320.a	Oleander tue de l'ombre 67.a
Oeufs qui ne sont de cōit Venerien pourquoy ilz engendrent autre chose, non pas vn poulet 51.b	Oliues 344.a
Oeufs couuers de fiens en Egypte, pourquoy ilz en gendrent les poulets. 40.a	Oliuier de Rhodes. 200.b
vn Oeuf paruiët en vn iour de grandeur entiere, ou pour le plus en deux. 255.a.b	Olympés, 71.b
les Oeufs sont amollis par vinaigre 452.a.b	Ombres salubres & mortif- freres. 219.b
Oignōs pourquoy ilz puët. 44.b	Nmbre pourquoy elle sem- ble estre noire 104.b
Oiseaux pourquoy ilz sont engendrez des œufs. 255.a.b	Ombres pourquoy elles sont grandes.
Oyseaux pourquoy ilz ont la teste petite. 293.a	Ombre de tous corps ex- posé au Soleil de quelle distance elle est finie. 119.b. 120.a.
Oyseaux pourquoy ilz ne ont des dents. 293.a	des Ongles la mutation en combien de temps elle est faicte. 451.b
Oiseaux pourquoy ilz ont deux ventricules. 293.a	aux Ongles le smerques que c'est qu'elles signi- nt. sic 451.a.b
Oiseaux pourquoy ilz ne ont de vessie. 293.a	Onix, & ses especes. 173. a.b
Oiseaux comment ilz sont instruicts à parler, & cō- ment ilz sont appriuioi-	Onychites pierre. 189.b
	Opalus pierre, & sa gran- de beauté. 170.a
	Ophiers. marbre. 183.a
	Opium froté au heaume du cheualier le faict mou- rir. 414.b
	jes priuileges del'Or. 155.a
	Or plus parfaict pourquoy o iii

T A B L E.

- il est plus tost engendré en Oriēt & en Mydi, que en Septentrion. 126.b
134.a.150.b
- Or est cueilli en trois manieres. 152.b
- Or comment il est purgé. 115.b
- Or ne cede point au feu, argenty cede peu. 155.a
156.b
- Or detrempe en vis argent est plus facilement rompu que l'escaille d'un ouf 144.a
- Or seul descend au fond du vis argent, les autres metaux nagent dessus. 144.a
- Or cōment il est colligé & separé des habits 144. a
- Or est la perfection des metaux. 155.b
- Orcas & orca poisson, vulgairement l'ondre. 281.a
- Orcal, & comment il est composé. 160.b.161.b
- en l'Oraison sept manieres de subtilité. 422.b
423.a
- des Oreilles deux priuileges. 333.a
- aux Oreilles les sons qui sont faicts de soymefine s'ils denotent quelque presage. 336.a
- d'Oreger les especes. 197.b
198.a
- Orient ou les vents soufflent, la vie y est salubre. 29.b
- Orient est plus chaud & plus humide que l'Occident pour quatre raisons. 150.b
- d'Orient sont apportez les odeurs, pierres precieuses or, argent, & c. 150.b
- Ormeau à la racine la plus excellente entre les gerres des arbres. 220.a
- Orpiment dit auripigmentum, & ses especes. 142.a
- Orpin cuit, dict auripigmentum. 118.a
- Or comment ils sont amolis. 401.a
- Ostracitis pierre precieuse 45.b
- Ostracis pierre. 189.a
- l'Oliue cognoir plus petites differences que tout autre sens. 334.b
- choses Ouies pourquoy elles delectent plus que les leurs. 349.a.b
- Ouistres fort grades. 281.b
- Ours formicaire. 280.b
- Oximel des anciens. 215.b

P

- P**Ain de cinq gerres, & ses cinq conditions. 321.b.322.a.322.b
- de Palme la forme, 216.b.
217.a
- Palme pourquoy elle se courbe en voute. 228.a.b
- Palmites qui sont man-

- gées, en quoy elles diffèrent de la palme. 217. b
 Palus. 80. b
 Pan de ce pais, & celuy de l'Inde. 292. a
 Papegaut. 292. a
 Papier comment il est fait 395. a
 Papier à fin qu'il ne boiue l'ancre. 136. a. 395. a
 Papillon. 248. a
 Parabole, c'est à dire, de l'autre part, à six priuileges. 362. b. 365. b
 Paralogismes & deceptions comment elles sont faites. 371. a
 Parelles que c'est qu'elles predisent. 105. b. en quoy elles different des verges 106. a
 Parium marbre, & ses especes. 182. b. 183. a
 au sac du parricide pourquoy le coq, le cinge, le serpent & le chien sont mis dedās. 292. b. 293. a
 Passereau dict fol, par ses contraire. 291. b
 Passereau pourquoy il ne veit plus de deux ans 255. a. b
 Passereau dict muscatus, vn peu plus grand que vne mouche à miel. 291. b
 de Pastenades l'aiguillon oste la douleur des dents. 133. b
 baume Romaine antique. 412. a
 paufanias. 442. b
 paupieres pourquoy elles sont faictes. 330. b
 pazar ou bezar pierre. 176. b
 peaux precieuses. 276. b
 277. a
 de la peau comment on oste les vestiges des taches. 324. b. 525. a
 la peau de quelle couleur elle est, de telle sont les ongles, poil, cornes & le bec. & c. 284. b
 pescher, dict nux persica est veneneux en perse. 205. b
 peinture que c'est. 115. a. b
 peinture a trois parties. 387. b
 peinture est la plus subtile de tous les arts mecaniques. 386. b. 387. a
 aide pour bien peindre 115. b
 peintures sont esprouuées au miroir. 115. b. 116. a
 pentacrinus pierre. 189. a
 pentagone equilateral, & d'angles esgaulx quelle proprieté il a. 367. a
 pentagonus pierre. 190. a
 Perca pierre, & sa vertu. 181. b
 des persuns la maniere differente. 203. b
 personnages d'excellente subtilité. 383. a. b
 des pestilences les causes

- & signes. 65.a. 381.a.b
 382.a
 Pestes sont autant qu'ils
 sont de changements de
 temps. 65.b
 Pestes tiennēt la nature du
 venin 65. b
 Peste pourquoy elle ne du-
 re plus de trois ans. 65.b
 contre la Peste pourquoy
 les pierres precieuses sont
 viles. 126.a. 165.b
 Pestilence excitée de l'air
 qui fit perir presque la
 tierce partie du gerre hu-
 main 65.a
 à la Peste & l'air pestifere
 qu'elles choses sont pro-
 pres. 137.b
 Petroleum, & sa vertu.
 136.a
 Phengiticū, marbre 182.b
 Picutus oiseau. 290.b
 Pierre que c'est. 123.a
 des Pierres cinq gerres.
 162.a
 Pierres, dictes saxa. 184.a
 la raison d'estre conuertey
 en Pierre. 89.b
 Pierre metallique. 14.8.a
 les Pierres sont augmen-
 tées en deux manieres.
 190.b. 191.a
 Pierres se condeuser & s'f-
 sembler par le froid, cinq
 indices. 180.a
 Pierres souffrent maladie,
 vieillesse & mort. 164. b.
 190.b
 Pierres pourquoy c'est que
 elles sont plus froides
 que la terre. 28.b
 des Pierres comment on
 tire le feu. 40.b
 Pierres desquelles sont fai-
 ctes meches, nappes, ser-
 uiettes, & tables qui ne
 sont bruslées du feu, ains
 nectoyées. 136.a.b
 vne Pierre comment elle
 est rompuë d'un coup de
 poing. 432.a.b
 Pierres precieuses pour-
 quoy elles sont engen-
 drees plus tost en Orient
 & au Midy. 126.b. 127.a
 134.a. & comment elles
 sont trouuées. 162. b
 Pierres precieuses sont de
 trois gerres. 162.b
 des Pierres Precieuses les
 propres signes. 163.a. &
 louenges 167. a
 des Pierres precieuses les
 vices. 163.b
 Pierres precieuses principa-
 les. 164.b 167. b. 168.a
 Pierres precieuses faulces
 commēt on les peut co-
 gnoistre quand elles sont
 aux anneaux. 19.a
 des Pierres precieuses la
 generation, & cause de
 la diuersité de leur cou-
 leur. 168.b
 toute Pierre precieuse a
 quelque vertu. 169.a
 des Pierres precieuses cha-
 cune à sa matrice 163.a
 aux Pierres precieuses la

T A B L E

- cause de perspicuité .153.
 b.154.a.164.a
- aux Pierres d'ou viennent
 les figures. 175.b.175.a
- Pierre d'Inde qui fait tour-
 ner le vin en eau. 216.a
- Pierre laquelle touchée de
 vne petite pierre sonnoit
 comme vne harpe : & la
 raison. 191.a
- Pierre lazul n'est viciée ne
 de feu, ne d'eau, ne de
 vieillesse. 143.b
- Pierre incisioire qui coupe
 comme vn rasoir, qui est
 aguillée d'eau. non d'vne
 queux. 183.b
- Pierres pourquoy elles ont
 plus grande force que les
 animaux & les plantes
 164.b, 165.a
- Pierres precieuses vrayes
 ne sentent aucunement
 la lime, 162.a.163.a
 167.b. 168.a
- Pierres precieuses, de quel
 les autres pierres elles
 sont engrauées. 45.b
 188.b
- Pierres precieuses subtilé-
 ment engrauées. 386.b
- Pierres comment elles sont
 engendrées en la mer, &
 aux autres eaux. 89,b.
 90.a
- Pierres precieuses pour-
 quoy elles sont rarement
 engédrées aux animaux
 180.a. b.181.b.182.a
- Pierres precieuses pour-
 quoy elles sont viles cō-
 tre la peste. 126.a
- Pierres precieuses sont co-
 gnoistre les choses futu-
 res. 166.b.167.a
- Pierres precieuses sont a-
 dulterées par trois ma-
 nieres. 177.a.b.178.a.b
- Pierres precieuses cōment
 les rengent les pierriers
 de peur qu'elles ne soyēt
 cogneüs estre laides.
 115,b
- Pierre de la vessie par quel-
 le eau elle est rompue.
 45.b.46.a
- Pierre cōment elle est en-
 gendrée à la vessie, & cō-
 ment elle est aussi rom-
 pue. 45.b.46.a.129.a.
 181.b
- des Pieds des animaux qua
 drupedes la difference.
 259.a
- Pigeons comment ilz sont
 amorcez. 450.a.b
- Pin sauuage. 224.a
- miracle du sepulchre de
 Pion. 442.a
- des Plantes la difference en
 quoy elle consiste. 192.b
 193.a.b
- les parties des Plantes.
 196.a.129.b.130.a
- des Plantes les latmes.
 230.a
- des Plantes la haine & l'a-
 mitié. 192.b
- le Plantes en combien de
 manieres elles viennent.

T A B L E.

195.a.b.207.a.b	Plantes qui manifestent leur vertu par la figure.
nulle Plante sans racine.	199.b.200.a
243.a.b	eau de plantain. 43.b
Plantes sont composées de certain nombre de	Plastre. 189.a
feuilles. 230.a	plâtain est le plus beau entre les arbres. 220.b
aux plâtes le lait, cerchez lait, &c.	de plante la subtile diligence. 292.a
Plantes en l'eau d'ou elles ont l'origine. 221.b	pline. 1.b.248.b
Plantes nouvelles d'ou elles viennent aux terres estranges. 381.a	de plomb quatre especes. 159.b
Plantes pourquoy elle croissent en longitude, les animaux en latitude & profondeur. 234.b	plomb pourquoy il est plus pesant que la terre. 132.a
des Plantes & animaux les parties respondent les vnes aux autres. 196.b. 214.a	plomb hait tous autres metaux. 159.b
des Plantes avec les matieres metalliques la comparaison. 135.a	plomb nage sus l'argent, quoyqu'il soit le plus pesant. 157.b
Plantes recoiuent toutes saveurs, excepté la salée. 220.b.221.a	plomb est adiousté à l'or & l'argent, pour les fondre. 141. a. b
Plantes comment on les peut faire naistre avec plusieurs saveurs & odeurs. 342.a.b	la lamine de plomb pourquoy elle se soustient sus l'eau. 10.b.131.b
toutes Plantes comment on peut faire venir en tous lieux. 224.a.232.a	du plomb fondu merueilleuse experience. 159.b
Plantes steriles comment on peut faire fructifieres. 339.b	plomberie, dicte plombargo 149.b
Plantes fort odorantes. 198.b	plommetz qui sont jettez en haut par grand nombre, pourquoy à peine blessent ilz aucuns. 61.a
Plantes fructifieres. 222.b	pluye comment elle est faite. 499.a
	pluye s & nuées pourquoy elles sôt tousiours ou le Soleil est sus la teste de l'homme. 471.b
	pluye pourquoy elle se fait

T A B L E.

grande en automne.	445.a.b	poissons si elles ont vertu.	450.b
472.b.473.a		poissons d'amour.	445.a
de pluye les signes.	379.	poissons quelles ont peu enseigner, ou non.	444.b
a.b		poissons de mer pourquoy ils sont plus grands que les bestes terrestres.	282.b
Pluye pourquoy elle est fa- lée.	83.b	poissons pourquoy ils sont tant multipliez.	255.b
Pluye des grenouilles, pois- sons, pierres, terre, pou- dre qui fit représenter la forme de croix, des œufs des petites bestioles, &c comment elle est faicte.	380.a.b	aucuns poissons pourquoy ils ont pieds.	285.b
Pluyes ne sont veües de plus loin que de 100000 pas.	422.a	tous poissons pourquoy ils ont queue fourchée.	283.a
aux Podagres commēt on suruient.	188.a	poissons pourquoy ils ne crient hautement.	313.b
437.a		nouveaux poissons d'oü ils viennent aux eaux ou ils n'estoiēt au parauāt,	244 b.381.a
Poil pourquoy il deuient blanc.	118.a	poissons pourquoy ils ne sont appriuoisez.	286.a
Poil cheut comment il est restitué.	351.a	poissons comment ils sont gardez.	345.b
Poil de quelque lieu du corps comment il est o- sté.	324.a.325.b	poissons comment ils sont pris.	347.b
Poil solet, dit pappus, com- ment il est engendré.	194.b	des poissons vne prise in- credible.	288.a
les marques des Pois com- mēt elles sont cogneües si elles sont fausles, ou non.	22.a	poisson barbu.	281.b
Pois comment c'est que ils sont monstrez plus grands qu'ils ne sont.	21.b	poisson monstrueux.	283.a
des poissons les gerres & matieres.	441.a.b	poissons comment ils peu- uent estre friz en vne carte, non autrement	

T A B L E.

- qu'en vne paille, 49.a
 Poisson cru & ceufs crus,
 sont de meilleur manger
 que cuits. 47.b
 Poiure comment il est
 chaud. 48.b
 Poiure arbrisseau, & long
 Poiure. 202.a.b
 Poix Grecque & nauale
 218.b.219.a
 Poix pourquoy elle consu-
 me l'huile. 218.b
 Pommade, dite pomata,
 comment elle est com-
 posée. 325.b.326.a
 Pommes consistent par
 certain nōbre de grains.
 331.b.
 Pomme d'Adā, & l'inuen-
 tion de ce nom. 198.a.b
 Pomme de mort. 205.b
 206.a.
 Pōmier de paradis. 222.b.
 Pommes de grenade, com-
 ment elles sont gardées.
 339.a.b
 Pompholix, dit de la tutie.
 148.a
 Pont de C.Cesar. 403.b
 404.a
 Porē epic. 257.b
 Poreaux & percil pour les
 faire venir grands. 342.a
 porphyris vne pierre qui
 est rompue par eau.
 45.b.46.a
 Porphyrites marbre 183.a
 Porphyroides, pierre.
 186.b
 des pots de terre cinq louā-
 ges. 124.b.125.a
 Pors frottez de martiaco-
 eta ne boiuent l'humeur
 qu'ils cōtiennent. 178.b
 Poterie est plus difficile que
 l'engraucure ou sculpu-
 re. 398.a.b
 Poudre de pyrio comment
 c'est qu'elle est cōposée.
 37.a
 Poudre de pyrio pourquoy
 c'est qu'elle pousse tant
 viuement la boule des ha-
 quebutes. 37.a
 Poules fecondes en hiuer.
 215.a
 Poulet de quatre pieds &
 de quatre ailles, commēt
 il est engendré. 319.b
 les Pouls estre propre à
 chascque beste. 294.a
 les Pouls & le mouuemēt
 du cœur est vtile. 313.a
 Poumon poisson de mer
 reluisant de nuict 245.a
 Pourpre du temps passé.
 118.b
 Pourriture est de la cha-
 leur debile. 53.b.54.a
 de Pourriture comment
 aucunes choses sont con-
 seruées. 54.a
 les Pous comment on les
 chasse, & les fait on mou-
 rir, 248.a
 Prannium pierre precieuse.
 176.b
 de Proclus les liures fils
 appartiennent à la Geo-
 metrie. 355.b

T A B L E.

Proportio reflexe que c'est 368.b.36.9a	nieres elles est cuitée, 232.b
Protophanes de merueil- ueilleuse forme. 308.a	Pyramide.361, a .b.362.a.b. 363.a.367.b
signe de Prouince chaude & froide. 231.b	Pyrausta aragne qui vit au feu 245.b
Plaisierium comment il est composé. 335.b	Pyraustus pierre. 190.a
Psoricum. 147.b.148.a	Poudre Pyrio, cherchez Pou dre, &c-
de Ptolemeus la louange. 383 b.384.b.	Pyritas. 134.b
Puce enchainée, & ainsi nourrie. 393.a	Pyrites aucunesfois a de l'argent, aucunesfois du cuiure. 141.b
Puces & punaises, cōment on les fait mourrir. 147.a	Pyrophil pierre. 448.a.b
Puys d'eau d'ou ils prennēt leur origine, & pourquoy ils sont chauds en huiuer 85.a.b	Pyrotechne. 158.a
Puys qui ne sont separez de beaucoup de pas, pourquoy ils different grandement en saueur & bonté. 124.b	
Punaises s'assemblent à certain gerre de gresse. 437.a	
Pumex pierre. 188.b	
Purpurine. 149.b	
de Putrefactio quatre ger- res. 54.a	
Putrefaction n'est faite qui ne soit generatio de quel que chose 51.b	
Putrefaction ensuit touf- iours mauuais odeur. 53.b.54.a	
de putrefaction de l'air & de peste, les causes. 65.a	
Putrefactio en quelles ma-	

Q

Qualitez seulement
deux, la chaleur du
ciel, & l'humeur des Ele-
meps. 29.b

Qualitez premieres ope-
rent de soy-mesme. 64.b

Qualitez premieres.
419.b.420.a.b

Qualitez secondes & tier-
ces. 420.b

Qualitez en quoi elles dif-
ferent & conuiennent.
420.b

Quantitez differentes en
g.andeur, desquelles la
plus grādes oufiours di-
uisée par le milieu, & la
moindre tousiours mu-
tipliée, la moindre ne
peur iamais excedet la
plus grāde, ou luz estre
egale 371.b.372.a.b

la propriété du Quarré.	yeux sont obliques, vne chose semble estre deux
367. a	
Queux, diète cos.	283. b
Queux adulterées, qui brisent les pierres precieuses.	179. b
Quinte esèce. 44. a. b.	45. a
R.	
R Acine quelles parties elle a.	196. b
Racines à fin qu'elles présentent toute forme qu'on veut.	447. b
Racines comment elles sont conseruées.	345. a
	346. b
Des Racines la partie de bois est la plus excellente, & de plus grande force.	197. a
Racines plaisantes.	220. a
Rage comment elle vient.	263. a
Raye poisson suruiet à l'homme.	282. a
Rayons perpendiculaires pourquoy seuls ils sont valides.	109. a. b
Rayons du Soleil pourquoy ils semblent estre reflexes, & augmentent la chaleur.	98. b
Rayons du Soleil procedent mille fois milenes de pas & d'auantage par chacune heure.	120. b
Rayons tombans rectangles en l'œil, quand les	
	yeux sont obliques, vne chose semble estre deux
	114. b
	Rangiferes bestes. 272. b
	274. a
	des Rats l'histoire. 287. a. b.
	Rats comment on les peut faire mourir. 142. b
	de Raymundus Lullius la ridicule subtilité. 353. b
	Reagal, 69. a
	Recrémens ou excrement du metal. 148. a
	Relant viét de chaleur debile. 53. b. 54. a
	Renardeau de mer. 255. b
	Repos s'il est principe. 18. b
	Representation eschet aux quatre sens en quatre manieres. 2. a
	Resins qui florissent toute l'année. 207. b
	Resin sans pepin comment il est produit. 340. b
	la diuersité de Respiter. 313. b
	Retraites amenes & salubres comment elles sont composées. 56. b
	de Rhabanus la subtilité trop curieuse. 354. a
	Rhinocere. 271. a
	Rhinoceros poisson. 281. b
	Rhombites pierre. 189. b
	Ris croist en toutes nations. 322. a
	des Rochers l'origine. 74. b

T A B L E.

Roitelet oiseau, dit regulus.	201.a	ses merueilleuses.	240.b
les Romains vsioict de deux langues.	223.b	Salpêtre.	139.b
Rome.	306.a	Sandaracha.	142.b.143.b
Rosagallum.	142.b	Sandix, & comment il est composé.	149.b
Roses comment elles sont faites de diuerse couleur	391.b	Sang est de deux gettes.	213.a
Roteaux pourquoy ils s'ont creux.	221.b	le Sang quand il est abondant, pourquoy la vertu n'est augmentée.	317.a
Rosier pourquoy il est spineux.	341.a	Sangliers d'Inde.	287.a
Rosemacha beste, dite autrement gulo.	263.b	Saphir & sa vertu.	187.a
Roue pourquoy & comment elle leue grands sais.	408.a	Sapin.	202.b.203.a
Rouës par lesquelles grande eau est puisée.	407.a	Sapience comment elle est acquise.	426.a.b
Rouës par lesquelles les pierres precieuses sont engrauées, pourquoy elles ont si grande force.	411.a	Sarau oiseau.	279.b
Rouée d'où elle vient.	469.a	Sarcophagus pierre.	188.a
Rue, ruta.	68.b.193.a	Sardine pierre precieuse.	173.a
Ruisseau.	80.a.82.b.124.b	Sauceurs de sept gettes.	330.b.331.a
S		Sauceurs froides & chaudes	53. b
Sablieres qui s'entre-soustiennent.	418.a.b	l'indice de Sauer, est l'odeur.	337.b
Saftan.	208.a	Sauceurs quelles natures elles ont.	53.b
du Sage trois offices.	349.b	des Sauceurs la plus imbecile est la saline.	221.a
Sagesse est la suprefme felicité de l'homme.	426.a	la maniere de Sauter.	428.a
Salgazos, herbe de Mer.	221.a	Saturnus pourquoy c'est qu'il est vile aux grains semez.	29.a
de la Salmandre deux cho-		Scalongia ou macrocronion.	226.b
		Sciaticque pourquoy elle est guarie par la Musique.	450.a
		Science n'est sans l'Ame	

T A B L E.

& intellectu, & de quelles choses elle est.	1.b.2.a.	des Serpens diuerfes formes	.240.a.b.
3.a		Serpens pourquoy ils viennent long tēps sans viande.	238.a.b
Scilla.	67.a.339.b	Serpens pourquoy ils n'ont ailles ne pieds.	239.a.
Scordion.	125.b	240.a	
Sculpture pourquoy elle n'est si difficile que l'engraueure.	388.b.389.a	Serpens pourquoy ils sont grands.	238.b
Vn Seau plein d'eau qui se entre soustient.	418.b	aucuns Serpens perdent le venin avec la vie, aucuns non.	209.b
choses Seches ne pourrifent point.	54.a.b	Serpens desquels l'excrement & l'haleine sent bō	239.a
especies du sel.	139.b	les Serpens ne se cachent au trefe.	238.b
Sel pourquoy c'est qu'il crie dedans le feu.	140.b	les petits Serpēs pourquoy ils sont pernicieux.	238.b
Solennites pierre.	190.a	Serpēs de quelles drogues ils sont chassēz.	248.a.b
vne Selle admirable de l'Empereur.	391.a	comment on peut manier les Serpens sans danger.	445.a
Semence differe du fruiēt.	211.a.b	Serpens appelez mandali.	239.a
Semences à ſon qu'elles ne soient gastēes des bestes, comment on les garde.	339.b	Seruiettes lauēes du feu, nō de l'eau.	136.a.b
Semenda oiseau.	291.a	Serrures comment elles sont seures contre les crochets,	409.a
Sēs n'estre que cinq.	326.a	Serrure qui peut estre close sonz tout nom.	409.b
aux Sēs la representation eschoir en quatre manieres.	2.a.3.b	Loīs Sfortia.	441.b
Sensibles communs cinq	276.b.330.a.333.b.334.a	Sibyles.	383.a
Senega fleue.	81.b.309.a	Sic, & non syllabes quelle vertu elles ont	422.b
Senteurs ne croissent qu'en regions fort chaudes.	196.a	Siccitē quelles actions elle a.	41.b.42.a.419.b
Senteurs pourquoy ils sont adioustēz aux faueurs.	337.a	Sic	
de Serenitē & beau temps les signes.	378.b.379.a		

T A B L E.

Sie pourquoy elle est faicte avec des dents longues & agues. 73.b.74.a	des vrays Songes qui sont les causes. 435.b
Simplicius. 60.a.133.a	Sōges ioieux & tristes. par quelles choses ils sont faits. 167. a. b. 434.a
Smaltum. 148.a	Songe que c'est qu'il aug- mente ou diminue.
Soye dequoy elle est faicte. 242. b. 243. a 395. b	453. a
du Soleil à la Lune quelle comparaison il y a.	en Songeant si le cœur du singe est mis sous la teste faict voir les feres & be- stes sauuages. 436.
95.	en Songeant qui se leuent comment ils sont guaris
Soleil pourquoy il semble estre en repos, veu qu'en 24. heures il circuit tou- re la terre. 120. b	435. a
Soleil pourquoy s'il est plus grand que la terre, les ra- yōs ne font par tout les ombres droictes. 109. a.	du Son les differences.
b. 118. b	333. a
Soleil passe l'espace de deux coudées envne heu- re quand il est au Midy, en vne autre costé il che- mine infiniment. 121. b	Sons peuuent beaucoup à la force. 351. a
le Soleil cōment il etchauf- se. 99. a	le Son excite les affect ons de l'esprit, exemples grā- des. 333. a. b
le Soleil quel hauteur il a. 95. a	Son comment c'est, qu'il est faict plus grand 335. b
trois Soleils ensemble cō- ment ils se monstrent. 106. b	336. a
le Soleil faict les eues des fleues tressalubres. 82. a	Souris commēt on les fait mourir. 142. b
Solinus. 72. a	Souris pourquoy ils ne sōt appriuoisez. 286. a. b
Solstice est le commence- ment de l'Esté & de l'hy- uer. 473. a. b	Soucy pourquoy il se tour- ne vers le Soleil. 226. b
Songes que c'est qu'ils si- gnifient. 435. a. b	les soufflers quel mouue- ment ils ont. 33. a
	Soufflers seruent cōtre l'air infecté des manieres. 65. a. 75. b
	Soufflers pourquoy c'est qu'ils allument le feu. 31. a
	Soufflers pourquoy c'est

T A B L E.

qu'ils sont necessaires pour fondre les metaux.	de Sterilité la cause.	261.b
31.a.b.50.b	& signes.	387.a.b
Soufre, & sa vertu.	Subium.	142.a
136.b	Strombites pierre.	189.b
Soufre pourquoy c'est que il ne fait si grand bruiet que le halinitrum.	Stramonia, ou malum spi- nosum.	199.b
72.b	du Stuc. qui est comme ter- re à potier, les gerres.	390.a
Soufre pourquoy il ne bru- le la langue, il ard toute- fois.	47.a.b	Sublimé.
47.a.b	35.a.65.b.69.a	des Substances qui sont les principes.
le Soufre prend son alimēt des ordures de la mer & de la chaleur.	32.b	estre en Substance.
32.b	35.a	les gerres de Subtilité en substance.
Soufre allume l'eau de vie.	35.a	42.b
35.a	Soutpirs pourquoy ils ap- paissent la douleur.	14.a
35.a	323.a	386.b
Soutpirs pourquoy ils ap- paissent la douleur.	323.a	Subtilité en quoy elle con- siste.
323.a	des parties de la Sphere trois priuileges.	1.b.2.a.3.b
323.a	367.a.b	de Subtilité quel benefice il y a.
corps Spherique comment il est fait.	361.a	76.b
361.a	la seule Sphere ne change point son ombre.	Subtilité par art comment elle differe de nature & du feu.
361.a	120.b	42.b
la Sphere cōment elle peut estre decrite en vne plai- ne & superficie.	427.a.	de Subtilité des ouuiers admirables, exemples.
427.a.	440.a.b	393.a
440.a.b	Spheres celestes de merueil- leux artifice.	Suspition quel effect elle a.
440.a.b	391.a.b.392. a.b	350.b
391.a.b.392. a.b	Spheroides ont quatre pri- uileges.	Suc que c'est qu'on appel- le.
391.a.b.392. a.b	368.a	123.a
368.a	Splendeur en corps solide pourquoy elle est faicte.	Sucs consistent d'une sub- stance aqueuse.
368.a	101.a	136.a
101.a	148.a.b	Succinum, cerche l'ambre Sucre & miel comment ils sont purgez.
148.a.b	Springual poisson.	345.b
148.a.b	281.a	de la Sueur du sang la eau- se.
281.a	Statues admirables.	317.a
281.a	186.a	du Sycomorus le bois se se- che en l'eau, & non en
186.a	393.a	

T A B L E.

l'air.	228.b	quises. 124.a. 454.b.
Sycomorus produit fruits		455.a
quatre fois l'an	231.b	du Temps comment les
Sydera.	143.b	successions sont peintes.
Sympathie.	433.a	388.a.b
		Tenebres perpetuelles au
		royaume Gorgian. 305.b
		pourquoy nous craignons
		estans en Tenebres.
		330.a
		Terre pourquoy c'est que
		elle n'est dicte principe.
		42.a
		Terre toute combien elle a
		en circuit. 76.b. 95.a
		Terre est esbranlée en trois
		manieres. 72.a. & pour
		quoy. 86.a
		de la terre au Soleil & la
		Lane la comparaiſon.
		95.a
		la Terre estre plus grande
		que l'eau. 78.b. 79.a.b
		la Terre si elle n'a aucune
		couleur. 77.a
		de la Terre selon la substā-
		ce & l'usage les especes.
		78.a. 123.b
		Terre qui est propre aux
		fruits, ou aux pastures, ou
		aux arbres &c. signes
		pour le cognoistre. 77.b
		78.e
		certaines Terre bōne pour
		se defendre da feu, des
		vents & pluyes. 78.a
		Terre Lemnie estimée au
		pois d'or. 123.a. 125.
		33.a.b
		la Teste pourquoy elle a
		ū ij

TA bernacles qui sem-
bleat braler. 219.a

Tablettes pour escrire.
190.b

Tabours faitcs d'agneau
sonnent mal quand ceux
des loups sonnent. 433.b

Talchum pierre. 189.a

Tamarindes. 209.a

Tanaïs. 80.b. 81.b

Taprobana isle ou sont les
perfuns precieux. 200.b

Taranda beste. 273.a

Tarantula aragne. 238.a

Taraxippus pierre pour-
quoy il espouente les
cheuaux. 191.b

Tartre pierre, & la vertu.
189.a. 213.b

Tasconium. 78.a

Taupe. 256.b. 293.b

Telchinnes esprits. 463.b

Teinture rouge nouvelle
pour la soye. 243.b

signes de Tempestes. 348.b
379.a.b. 380.a. 475.

Temple de Milan fort re-
nommé entre les Chre-
stiens. 432.a

le Temps que c'est, & com-
ment il a cinq choses ex-

T A B L E.

l'os de plusieurs pieces.	bois.	39.b
315.b	Torpedo poisson.	283.b
la Teste est plus tost blef-	Torrent.	30.b.82.b
sée des mauuaises va-	de Tortues trois especes.	
peurs, que le cœur. 75.b	252.b	
Theatres avec l'eschauf-	Toucher de quatre manie-	
faur qui fait l'amphi-	res quels obiects il a.	
theatre. 404.b	330.a.331.a	
Theocolithos pierre.	d'un Tour comment on	
182.b.	peut cognoistre la hau-	
de Theon la louange.	teur.	331.a
426.b	Traineau comment il est	
Theophrastus doit estre	fait.	22.a
preferé à Aristoteles,	Tresse.	230.b.338.b
quant au sens. 27.b	Tresses pourquoy c'est que	
237.a	il se crepit quand les tē-	
Thériaque contre le venin.	pestes viennent.	380.a
69.a	Triangles quels priuille-	
Thryalis 136.a	ges ils ont.	367.a
Tiburo poisson. 285.a	tripolis pierre.	188.b
Tissure. 413.a.b	de Tristesse quels incon-	
le feu qui est fait de Tô-	ueniens ils viennent. 323	
nerre est plus chaud que	a.b.350.a	
tout autre feu, & tuë tous	Triton poisson.	281.b
animaux. 34.b	Tritulum.	78.b
Tonnerre peut faire fon-	Trochitos pierre.	189.a
dre l'argent en la bour-	trou de Triphonius du-	
se sans la blesser. 34.b	quel viennent les ora-	
contre le Tõnerre vn cer-	cles. 1463.b.464.a	
tain remede est de se ca-	Trusses font fondre les	
cher aux cauernes pro-	neiges. 232.a.a.b	
fondés. 35.a	Tuf, tophus en Latin. 133.a	
nobles personnages tuez	Tuiles cuites sont plus per-	
du Tonnerre. 165.b.	santes, qu'elles ne sont	
166.a	auant que d'y estre mi-	
Topasse. 172.a	ses dedans la fournaise	
Toreaux de peonic.	179.a	
275.b	Turquoise, & sa vertu.	
Torches & falots commēt	166.a.b	
ils sont faitz de tous	Tutie.	148.a

V.	378.b.379.a.380.a
V Acuité si ell peut estre. 5.a.6.a. b.7.a.	le Vent d'ou c'est qu'il vient, comment on le peut cognoistre. 56.b
18.b 19.a	le Ventricule & les intestins que c'est qui les corrobore. 449.a
des Valles la cause. 74.b	pour auoir plaisir de Venus trois choses sont requises. 332.a b
Vapeurs quelle hauteur elles montent. 102.a.b	de Venus qui ne peuvent vsfer, quelles drogues ilz leur fault donner 217.b
Vapeur receue dedans le cerueau tue de seul flairement. 67.b.75.b	314.b.315.a.316.a.
Vautour, dit vultur. 291.a	de Venus l'acte aucunes-fois ne peut estre accõpli par trop grãd amour 333.a
Veau marin 256.a. 285.a.b	de Venus petit vsage sert à longue vie. 313.a
ce qui fait Veiller. 435.b	Verains. 407.b
deux gerres de Veines & de sang. 313.a	les Vers comment ils sont faitz. 52.b.53.a
Venefices, cerches Poilõs drogues Veneneues quelle force elles ont. 71.a	Vers, dictz bombyces. 243.a.b
de Venin trois manieres 65.b	que les Vers ne gastent le drap, comment on les doit engarder. 246.b
pourquoy aucuns Venins tuent incontinent qu'ils sont deuorez aucuns par le touchement, les autres par le flairement. 67.a.b	247.b.248.a
Venins coustumierement engendrent humeur melancolique. 66. b. 67.a	les Vers comment on les faitz sortir de la terre. 215.a
du Venin beau pour quelque certain temps, cinq indices. 66.b	Ver-degris dict ærugo. 248.b
contre Venin precaution & remede. 69.a.b.70.a	Verges au Ciel ce qu'elles predifent. 105.b
le feu resiste à tout Venin. 55.a	106.a.b
Venise. 84.a.306.b	Verges en quoy elles differēt des parches. 106.b
l'origine des Vents trop impetueux, 380.a	Verité cogneue, combien ù ij
signes des Vets futurs 92.a	


- eile profite. 76.b
 Verité pourquoy elle en-
 suit par fos de la falsi-
 té, & non au contraire
 349.a
 Vermillon. 147.a
 Verniculaire. 149.a
 Vermoullifure. 154.a
 Vernix & son vsage. 23.a
 Verole maladie cōragieu-
 se. 65.b. 71.a
 Verres dequoy ils sont cō-
 posez. 150.a
 Verres mis au feu en met-
 tant vn ieston ou verge
 dessus, pourquoy ils ne
 se rompent. 312.b.
 Vessie selon la grandeur
 d'eau qu'elle peult tenir
 soustiendra autant de
 fais en l'air. 13.b
 en la Vessie comment est
 engendré la pierre, &
 comment elle est rom-
 pue 45.b. 46. a. 129.a
 181.b.
 Vassalius. 187.a
 à la Veüe trois choses sont
 requises 94.a
 Veüe pourquoy elle est
 colloquée en matieres
 aqueuse. 330.b
 Veüe est la plus excellente
 de tous les sens. 330
 a.b
 ce qui empesche la Veüe
 50.a. 115.a
 Viandes cruës plus viles
 & saines que les cuites.
 47.b
 Vie que c'est 131.b. 132.b
 Vie longue sans mau x qui
 suruiuent en vielles-
 se, comment elle est cō-
 seruée, & les signes. 313.a
 b. 314.a. b. 318.b. 319.a
 Vie en quelles regions el-
 le est lōgue. 317.b. 318.a
 Vieillesse. 44.a
 du Vif-argent la définitio.
 145.a
 Vif-argent comment on
 le trouue. 124.a
 Vif-argent pourquoy il ne
 peut se reposer. 144.b
 Vif-argent de l'ombre feu-
 le enlaidir & macule l'or
 & autres métaux. 145.b
 146.a
 Vif-argent perce tous les
 vaisseaux metalliques, le
 cuire, l'argent, plomb,
 cuir de cerf, &c. 144.a
 Vif-argent pourquoy il
 fait mourir les arbres,
 pous, & punaises, &c.
 146.b. 147.a
 Vif-argent guarit la gale,
 la tigne, lepre, Verole,
 &c. 71.a
 Vif-argent chauffé, rompt
 les vaisseaux de bois &
 de pierre, & fait que la
 beste morte est mouuée
 & semble viure 147.a
 Villes fort grandes quatre
 spécialement. 306.a
 des Villes permanētes cinq
 conditions. 306.b
 vne Ville estant assiegée


- comment on peut parler
lémenter, moyennant des
falots ou torches. 402. b
- Villes comment elles sont
munies & fortifiées, 401.
a. b. 402. a
- Villes & chasteaux com-
ment il les faut abbatre
par mines. 38. a
- especes des vins. 216. a
- des Vins les differences &
excellences. 338. b
- le milieu du Vin, est le
meilleur. 421. a
- Vin comment c'est qu'il
doibt estre meslé. 128.
b. 129. a
- Vin comment on le fait
odorant. 130. b. 339. a. b
- Vin corrompu comment il
est corrigé. 129, b. 130. a
339. a
- Vin comment on empesche
qu'il ne soit trouble au
vaisseau. 129. a
- Vin comment il est empes-
ché de s'enaigrir. 338
a. b
- comment on cognoist le
Vin brouillé. 130. a. b
- Vin detrempe d'eau com-
ment il est distinct & se-
paré du pur. 128. b
- Vin se tourne en eau, &c.
cherchez Pierre d'Inde.
&c.
- Vin par succession de tēps
se tourne en eau ardante.
216 a
- Vin doulx comment il est
gardé tel toute l'annee.
338. a. b
- vaisseaux du Vin comment
ils sont poisiez. 338. b
- Vin cuit. 205. a
- Vin d'Ethiophe. 216. a
- Vins fors des monts d'Ita-
lie. 216. a
- Vin de despense. 130. b
- Vin corrompu comment
il est conuertit en vinaig-
re. 337. b
- Vinaigre comment il est
fait. 337. b. 338. a
- Viperes. 237. b. 238. 239.
240. a. b
- Vis d'Archimedes. 15. b
- Vis faite d'acier pour des-
cendre. 417. b
- Vis pour attirer & pousser
toutes choses en peu de
force. 405. b. 406. a
- de Vitre vne machine fort
grande, la spher celeste.
391. a. b. 392. a
- Vitre, le quel touché de ter-
re dure comme pierre
n'estoit brisé. 395. b
- Vitre, cerchez Verre.
- Vitriol, cerchez Compero-
se, &c.
- de Vitruuius la louenge.
384. b
- des Viuans trois principa-
les, facultez & quatre ser-
uanres. 427. b
- Viuela poisson. 286. a
- l'Vniuers à certain ordre.
2. a. b
- Voiles pourquoy ils ne

T A B L E

font rompus des vents quand ils sont pliez par tant grande violence des vents. 408.b	pour retenir l'Vrine. 436.a
Volonté comment elle dif- fere de l'intellect. 340.b	X
Volupté est faicte par le sens. 3.a	Xylo aloes. 100.b
Vomissement par quelles choses il est prouoqué. 70.b	Y
Voultés en quelle maniere elles sont faictes. 401.b	Y Eux pourquoy ilz sont debilitéz en vieillesse. 321.b
Vri, toreaux. 275.b	d'Yuoire les gerres. 267.b
Vrine est plus legere que l'eau. 423.b	que l'Yure semble estre de moniaque, comment on le peut faire 436.a
Vrine pourquoy, & com- ment elle profite à l'in- flation du ventre. 423.b	Z
l'Vrine pourquoy elle est troubee. 423.b	Z Aphaera espee de ter- re. 143.b
Vrine seule entre les li- queurs, pourquoy elle est plus splédide de loing que de pres. 423.a.b	Zeblicum marbre. 182.b
Vrine pourquoy elle sem- ble froide à ceux qui pis- sent au bain. 85.b	isse zeilam est quelque pa- radis terrestre. 477.b
	Zephyrus diction trefdou- ce. 422.a.b
	Zibethum vne beste qui a la semence fort odoran- te. 277.a
	Zif poisson. 281.a
	Zingembre. 202.a
	Zoroastes anheur des ve- nifices. 442.a

F I N D E L A T A B L E .





12075.100